


18-4

Cogion








Lorenzo Ronchi

Va: 3356-211

Vol. 6

So







DECURIAE  
ANNORUM SECUNDÆ  
MISCELLANEORUM  
MEDICO-PHYSICORUM


*Sive*

EPHEMERIDUM  
GERMANICARUM  
ANNUS QUARTUS.



DECEMBER  
ANNUM 1800  
MISCELLANEOUS  
MEDICO-PHYSIOLOGICAL  
EPHEMERIDUM  
OF RMANICARUM  
ANNUUS QUARTUS











MISCELLANEA CURIOSA

*SIVE*

EPHEMERIDUM

MEDICO-PHYSICARUM

GERMANICARUM

ACADEMIÆ

NATURÆ CURIOSORUM

*DECURIÆ II.*

ANNUS QUARTUS.

Anni M. DC. LXXXV.

*Continens*

Celeberrimorum Virorum,

*Tum Medicorum, tum aliorum Eruditorum in Germaniâ*

*& extra Eam*

OBSERVATIONES

MEDICAS, PHYSICAS, CHYMICAS,

*Nec non*

MATHEMATICAS.

*Cum*

APPENDICE.

---

NORIMBERGÆ,

Sumptibus WOLFGANGI MAURITII ENDTERI.

*Anno M DC LXXXVI.*









POTENTISSIMO

*Atque*

INVICTISSIMO  
IMPERATORI

LEOPOLDO,

SEMPER AUGUSTO,

PIO, JUSTO, FELICI;  
ROMANORUM, GERMANIÆ,  
HUNGARIÆ, BOHEMIÆ, DALMATIÆ,  
CROATIÆ & SCLAVONIÆ

REGI,  
ARCHIDUCI AUSTRIÆ  
&c. &c. &c.

Annum hoc Tributum  
devotissimè offerunt  
cum humillimo Voto,

*Annis succedant Anni, justisq; Triumphis  
Armis Cesareis, Augustis Gloria sceptris.*





L egibus immunes bene P actum frangere foedu S  
E t fines , nulla jur I s formidine , ferr O  
O drysii proferre par E nt sine fine : Tribuna L  
P ro magnis parvis que T enet Regnator in aul A  
O mnituens ingente, not A tque , bonisque levame N  
L ætitiæque ; malis au T em mala tempore just O  
D ividit ac tandem mis E ros ad Tartara trudi T.  
U lcisci omne nefas Ne M esis solet alite poen A,  
S uppliciive moram pens A t gravitate superstan S.  
I nde suum, LEOPOLDE, fe R, ox Tibi cedere Thrac E  
M aumethem videt, & tris T atur , inopsque precatu R  
P oplite lunato pac E m : simul aurea mund O  
E xsultant toto jam se Cla , poli que resultan T,  
R aucifonaque boant Latè vaga litora voc E,  
A ugustumque sonant s A cro pro nomine magnu M.  
T e tegat è cœlo sup R emum robore Nume N  
O bfirmetque suo! Sed n V nc has conspice grat A  
R es tenues cura. Physi S ipsa procatur & ora T.

Sic vovent subjectissimi

Academici Curiosi Naturæ.

EMINEN.





EMINENTISSIMO AC SERENISSIMO  
PRINCIPI ET DOMINO,

DOMINO

MAXIMILIANO  
HENRICO,

Archi-Episcopo Colonienſi, S. R. I. Principi Ele-  
ctori, per Italiam Archi-Cancellario, S. Sedis Apoſtolicæ Legato  
Nato, Episcopo ac Principi Monasterienſi, Leodiensſi, & Hildeſienſi,  
Adminiſtratori Berchtesgadensſi, utriusque Bavarix, Superioris Palatinatûs,  
Westphaliæ, Angariæ, & Bullionii Duci, Comiti Palatino Rheni,  
Landgravio Leuchtenbergensſi, Burggravio Strombergensſi,  
Marchioni Franchimontensſi, Comiti Loffensſi, & Hor-  
nensſi, Domino Borckeloënsſi &c.

Domino & Principi Electori nostro Clementissimo.

EMINENTISSIME AC SERENISSIME  
PRINCEPS ELECTOR,

*Domine Clementissime.*



Irabilia in vasto Macrocosmi ambitu  
Thaumaturgi Numinis opera depræ-  
dicare, inexhaustos Naturæ thesauros  
eruere, & salutarem medendi mortu-

);( );(      lium



lium infirmitatibus Artem, quantum humanis  
 concessum est viribus, perficere, cum Academia  
 nostra scopum sibi posuerit præcipuum, annum  
 suum denuo publicæ luci eapropter hîc exponit  
 laborem, & Serenissimæ Vestræ Celsitudinis Emi-  
 nentissimo sub Nomine splendidiorem erudito  
 orbi sistere, Vestræque Electorali Clementiæ de-  
 votissimè offerre annititur. Magnum equidem est  
 quod audemus, non tamen quod Voto nostro nos  
 excidere patiatur. Principi enim hæc consecra-  
 mus, qui sublimi Patrocinio Palladis studia beni-  
 gnissimè fovere ac promoveri, qui Ipse blandis al-  
 mæ Naturæ amœnitatibus delectari, & curioso in-  
 primis divinæ Pyrotechniæ scrutinio, tot magno-  
 rum Imperatorum, aliorumque orbis Procerum  
 deliciis, excelsas, Imperiique saluti & subditorum  
 tutelæ dicatas curas temperare, Eminentia sua  
 haud indignum arbitratur. Admittat itaque Se-  
 renissima Vestra Celsitudo in optatissimam clien-  
 telam, ac illustrare Gratiæ suæ radiis dignetur hanc  
 in Sacro Romano Imperio enatam opellam. Per-  
 mittat, ut à sua Clementia Academia nostra, vel,  
 cui



cui ea totam se mancipavit, publica utilitas magnum videat incrementum, feliciterque efflorescat! Nos vero Coelum pro longissima salute, Serenitatis Vestrae votis indefessi onerabimus, ut quaecunque tanto Principi exoptare unquam liceat, in Eum effundat quam largissime!

**SERENISSIMÆ VESTRÆ CELSITUDINIS  
ELECTORALIS**

*humillimi devotissimiq̃*

**PRÆSES & cæteri COLLEGÆ  
S. R. I. Academiæ Naturæ  
Curiosorum.**

):( ):( 2

**CATA-**





# CATALOGUS

*Excellentissimorum Virorum,*

Qui pro augendo Quarto hoc secundæ Ephemeridum Physico-Medicarum Decuriæ Anno, Observationes communicarunt.

1. D. JOH. ACOLUTHUS, *Physicus Uratislaviensis.*
2. D. BERNHARDUS ALBINUS, *P. P. Francofurtensis ad Oderam, Sereniss. Elector. Brandenb. Medicus Ordin.*
3. D. JOHANNES CHRISTOPHORUS BAUTZMANNUS, *Reg. Maj. Sueciæ in Ducatu Bremensi & Verdensi Medicus.*
4. D. DANIEL BSCHERER, *Phys. Noriberg. Academicus Curiosus.*
5. D. PETRUS CHIRAC, *Monspeliensis Medicus, Academicus Curiosus.*
6. D. GABRIEL CLAUDERUS, *Archiater Electoralis & Ducalis Saxonicus, Academicus Curiosus.*
7. D. CHRISTIANUS ERNESTUS CLAUDERUS, *Reipubl. Zwickaviensis Medicus Ordin.*
8. D. ANDREAS CLEYERUS, *Societatis Batavo-Orientalis Proto-Medicus, Academicus Curiosus.*
9. D. DANIEL CRÜGERUS, *Medicus Electoralis & Physicus Colbergenfis.*
10. D. JACOB. JOANNES WENCESLAUS DOBRZENSKY de Nigroponte, *Universitatis Pragensis Rector & Professor Extraordinarius.*

II. D. JO-




11. D. JOHANNES DOLÆUS, *Consiliarius & Archiater Hasso-Cassellanus, Academicus Curiosus.*
12. Dn. GEORG. CHRISTOPH. EIMMART, *Mathematicus Noribergensis.*
13. D. ANDREAS ERNIUS, *Physicus & P. P. Hanoviensis, & Archiater Nassoviensis.*
14. D. JOH. MICHAEL FEHRIUS, *Consul & Archiater Svinfurtensis, Acad. Nat. Curios. PRÆSES.*
15. D. EBERHARDUS GOCKELIUS, *Archiater Würtembergico-Weilting. Reipubl. Ulmenfis Physicus.*
16. D. CHRISTIANUS LUDOVICUS GOCKELIUS, *Physicus Hersbrucco - Noricus.*
17. D. ERNESTUS SIGISMUNDUS GRASSIUS, *Physicus in Jauer Siles.*
18. D. HERMANNUS NICOLAUS GRIMMIUS, *Poliater Niuköpingensis.*
19. D. JOHANNES BENEDICTUS GRÜNDEL, *Incl. Styria Statuum Physicus, ac Marpurgi Practicus, Academicus Curiosus.*
20. D. MARTINUS JOHANNES HAESBART, *Medicus Clivenfis, Academicus Curiosus.*
21. D. EHRNFRID HAGENDORN, *Archiater Elect. Saxon. & Poliater Gorlizensf. Academicus Curiosus.*
22. D. GEORGIUS HANNÆUS, *Practicus Otthinienfis in Dania, Academicus Curiosus.*
23. D. JOHANNES LUDOVICUS HANNEMANNUS, *P. P. Chilonienfis, Academicus Curiosus.*
24. D. JOHANNES JACOBUS HARDERUS, *P. P. Basil. Seren. Princip. Durlacensis Archiater, Academicus Curiosus.*




25. D. PHILIPPUS JACOBUS HARTMANNUS, *Professor Regiomontanus.*
26. D. GEORGIUS HEINTKE, *Physicus Uratislaviensis.*
27. D. BENEDICTUS HERMANNUS, *Physicus Memmingensis.*
28. D. JOH. CHRISTOPHORUS HERTIUS, *Archiater Nassovicus.*
29. D. JOHANNES MAURITIUS HOFFMANNUS, *P. P. Universit. Altorffinae, Academicus Curiosus.*
30. Dn. GEORGIUS CASP. KIRCHMAJER, *Orator. P. P. in Acad. Wittenberg. Academicus Curiosus.*
31. D. EMANUEL KÖNIG, *Medicus Basileensis, Academicus Curiosus.*
32. D. ADAMUS à LEBENWALD, *Com. Pal. Caesar. & Incl. Duc. Styriae Med. Consil. Academicus Curiosus.*
33. D. SAMUEL LEDELIUS, *Physicus Grünbergensis in infer. Siles. Academicus Curiosus.*
34. Dn. ROSINUS LENTILIUS, *Med. Licent. Physicus Nordlingensis, Academicus Curiosus.*
35. D. CHRISTIANUS MENTZELIUS, *Sereniss. Elect. Brandenburg. Consiliar. & Archiater, Acad. Curiosus.*
36. D. JOHANNES THEODORUS MOEREN, *Practicus in Ringavia.*
37. D. JOH. CONRADUS PEYERUS, *Poliater Scaphusanus, Academicus Curiosus.*
38. D. GOTHOFREDUS SAMUEL POLISIUS, *Physicus Francof. ad Viadr. Ordin. & P. P. Extraordin. Academicus Curiosus.*
39. D. SALOMON REISELIUS, *Sereniss. Duc. Württemberg. Consil. & Archiater Stutgard. Acad. Curiosus.*
40. D. PE-



40. D. PETRUS ROMMELIUS, *Physicus Ulmenfis*.
41. Dn. GEORGIUS EBERHARDUS RUMPHIUS, *Ill. Soc. Ind. Or. in Insula Moluccarum Ambona ap. Belgas Senator & Mercator emeritus*, Acad. Curiosus.
42. D. LUCAS SCHRÖCKIUS, *Luc. Fil. Physicus Augustanus, Coll. Med. h. a. Decanus*, Acad. Nat. Cur. Adjunctus.
43. D. CHRISTOPHORUS SCHRÖDERUS, *Consil. & Archiater Gustroviensis*.
44. D. GOTTFREDUS SCHULTZIUS, *Physicus Uratislavienfis*, Academicus Curiosus.
45. D. JOH. GEORGIUS SOMMERUS, *Archiater Arnstadio-Schwarzburg*, Acad. Curiosus.
46. Dn. MICHAEL BERNHARDUS VALENTINI, *Med. Licent. Poliater Francof. ad Moenum*, Acad. Curiosus.
47. D. JOHANNES GEORGIUS VOLCKAMER, *Sen. Physicus Noribergensis*, Acad. Nat. Cur. Adjunctus.
48. D. JOHANNES JACOBUS WAGNER, *Poliater Turgurinus*.
49. D. GEORGIUS WOLFGANGUS WEDELIUS, *Archiater Ducalis Saxonicus, in Univers. Jenensi P.P.* Acad. Nat. Cur. Adjunctus.







# CATALOGUS OBSERVATIONUM.

D. ANDREÆ CLEYERI.

- |                                  |   |
|----------------------------------|---|
| 1. De Moxa.                      | 1 |
| 2. De Radice Gensingh.           | 3 |
| 3. De Catechu.                   | 6 |
| 4. De Herba Thee, aliisque.      | 7 |
| 5. De Fructu Ananas.             | 8 |
| 6. De Cinnamomo & Cassia lignea. | 8 |

D. SALOMONIS REISELII.

- |                                     |    |
|-------------------------------------|----|
| 7. De Avtocastratis & Avtoceletomo. | 10 |
|-------------------------------------|----|

D. GEORG. CASP. KIRCHMAJERI.

- |                        |    |
|------------------------|----|
| 8. De Lampade volante. | 12 |
|------------------------|----|

D. DANIELIS CRÜGERI.


- |   |    |
|---|----|
| 9. De Phthisis desperata Cura.                              | 24 |
| 10. De Infania per Venæsectionem tricies repetitam curata.  | 30 |
| 11. De Sanguine verbis recitatis suppresso, sed malo exitu. | 34 |
| 12. De Crystallo fossili, verò Arsenici Antidoto.           | 36 |
| 13. De Tumore cum Pediculis.                                | 40 |
| 14. De Vidua ducentos Calculos excernente.                  | 42 |
| 15. De Plebeo Quartanæ Remedio.                             | 43 |
| 16. De Noxa Inunctionis Mercurialis.                        | 45 |

D. CHRISTIANI MENTZELII.

- |                            |    |
|----------------------------|----|
| 17. De Phthificis curatis. | 47 |
|----------------------------|----|

D. SA-





D. SAMUELIS LEDELII.

- |   |    |
|---|----|
| 18. De Cadavere ad quartam diem calido. | 49 |
| 19. De Ufu Hirudinum in variis morbis.  | 51 |
| 20. De Hæmorrhagiæ cura.                | 52 |
| 21. De gravi oculi vulnere.             | 53 |

D. ERNESTI SIGISMUNDI GRASSII.

- |                                       |    |
|---------------------------------------|----|
| 22. De Calore post mortem perdurante. | 56 |
| 23. De Sulcia Hallensi Tirolia.       | 57 |

D. GOTTOFREDI SCHULTZII.

- |                               |    |
|-------------------------------|----|
| 24. De Morfu hirudinis noxio. | 59 |
|-------------------------------|----|

D. PETRI ROMMELII.

- |                                 |    |
|---------------------------------|----|
| 25. De Antipathia cum Gammaris. | 61 |
| 26. De Paralyfi singulari.      | 63 |

D. EBERHARDI GOCKELII.

- |  |    |
|--|----|
| 27. De Aponia & Convulsione à terrore.                                 | 64 |
| 28. De Puero decenni ex dentitione febricitante convulso & syncoptico. | 70 |

D. JACOBI DOBRZENSKY de Nigroponte.

- |  |    |
|--|----|
| 29. De Juvene bis variolis à terrore correpto. | 80 |
|--|----|


D. EMANUELIS KÖNIG.

- |  |    |
|--|----|
| 30. De Fragaria botryformi uno petiolo novem fraga gerente.  | 83 |
| 31. De Cerasis botryformibus.  | 83 |
| 32. De Stridoris seu cantûs Gryllorum organo.  | 84 |
| 33. De Motu Cordis post abscissos omnes nervos spiritus, ipsi communi-<br>cantes, per 42. horas persistente. | 85 |
| 34. De Nocturæ anatome, ejusque mira oculorum fabrica.   | 87 |

):( ):( ):(

D. AN-





D. ANDREÆ ERNII.

- |   |    |
|---|----|
| 35. De Apertione thoracis Phthisi extincti.             | 90 |
| 36. De Hydropica salivatione curata.                    | 91 |
| 37. De Hæmorrhagia in puero variolis laborante innoxia. | 93 |

D. JOHANNIS CHRISTOPHORI BAUTZ-  
MANNI.

- |   |    |
|---|----|
| 38. De Morte ex suppurato testiculo muliebri. | 95 |
|---|----|

D. GOTTOFREDI SAMUELIS POLISII.

- |   |     |
|---|-----|
| 39. De Vermibus vomitu rejectis.  | 96  |
| 40. De Muscis Polonicis exitiosis.  | 98  |
| 41. De Anserculo quadrupede.  | 100 |
| 42. De Partu post mortem matris.  | 102 |
| 43. De Roremarino in Sarcophago crescente.                                  | 103 |
| 44. De Ovo Gallinaceo monstroso.  | 105 |
| 45. De Hæmoptysi & consequente phthisi ex terrore contractis & contagiosis. | 106 |
| 46. De Antipathia opiatorum hæreditaria.                                    | 108 |

D. JOH. THEODORI MOERENI.

- |                                  |     |
|----------------------------------|-----|
| 47. De Iride.                    | 109 |
| 48. De Fulmine mirabili.         | 116 |
| 49. De Tonitru Herniam causante. | 119 |

D. JOH. LUDOVICI HANNEMANNI.

- |   |     |
|---|-----|
| 50. De Cicuta sine noxa comesta.                      | 120 |
| 51. De Antipathia cum Mentha.                         | 121 |
| 52. De Erysipellate faciei exulcerato.                | 122 |
| 53. De Scopelismis Cymbricis.                         | 124 |
| 54. De Memoriae imbecillis cura.                      | 128 |
| 55. De Hæmorrhagia per pulverem Sympatheticum curata. | 129 |

D. HER-



D. HERMANNI NICOLAI GRIMM.

- |                                    |     |
|------------------------------------|-----|
| 56. De Rore Indico.                | 130 |
| 57. De Capra Sylvestri Africana.   | 131 |
| 58. De Mercurii præstantia medica. | 132 |

D. JOH. LUDOVICI HANNEMANNI.

- |   |     |
|---|-----|
| 59. De Fulminis effectu miro.                             | 133 |
| 60. De Canitie à metu.                                    | 134 |
| 61. De dolorifica ventriculi & diaphragmatis convulsione. | 134 |

D. CHRISTIANI MENTZELII.

- |   |     |
|---|-----|
| 62. De Tussi suffocativa.   | 135 |
| 63. De Urina suppressa cum hæmorrhagia narium & sanguine misso effluente. | 137 |

D. DANIELIS CRÜGERI.

- |   |     |
|---|-----|
| 64. De Præstantia Spiritus Sulphuris in tertiana. | 140 |
| 65. De Morsu Viperarum.                           | 143 |
| 66. De Veneno Aranei.                             | 144 |

D. SAMUELIS LEDELI.

- |  |     |
|--|-----|
| 67. De à croco externè adhibito ardore ventriculi. | 145 |
| 68. A violenta secundinæ ruptione mors.            | 145 |

D. EHRENFRIIDI HAGENDORNII.

- |                                   |     |
|-----------------------------------|-----|
| 69. De Partu numerofo.            | 146 |
| 70. De Esu Absurdorum.            | 147 |
| 71. De Ollis fictilibus effoffis. | 148 |

D. PHILIPPI JACOBI HARTMANNI.

- |   |     |
|---|-----|
| 72. De Lumbrico in rene Canis sanguineo.  | 149 |
| 73. Vermes vesiculares sive Hydatædes in caprearum omentis, & in Pulmonibus alterius, furfuracea. | 152 |



D. JOHANNIS JACOBI WAGNERI.

- |   |     |
|---|-----|
| 74. De Chirurgo Offe humerali utriusque brachii destituito.     | 157 |
| 75. De Excrementis alvi per penem ejectis.                      | 159 |
| 76. De Præputio filo constricto gangrena correpto.              | 160 |
| 77. De Bulithis.  | 161 |
| 78. De Tophis in articulis seu juncturis ossium bovis repertis. | 162 |

D. ADAMI LEBENWALD.

- |   |     |
|---|-----|
| 79. De Morfu lupi rabidi, seu Lycantropia.            | 163 |
| 80. De Tumore inveterato malè curato.                 | 165 |
| 81. De Lepida ulcerati pedis curatione & inde damnis. | 166 |
| 82. De Hydrope ex deligatis pedibus.                  | 167 |
| 83. De Ischuria 15. dierum curata acidulis.           | 168 |

D. PETRI ROMMELII.

- |                                       |     |
|---------------------------------------|-----|
| 84. De labiis leporinis in porcellis. | 169 |
| 85. De mortis prælagio.               | 171 |

D. SALOMONIS REISELII.

- |  |     |
|--|-----|
| 86. De Vomitu cruento lethali.         | 174 |
| 87. De Araneæ ictu lethali.            | 176 |
| 88. De Pomi esu in terram lapsi noxio. | 176 |

D. BENEDICTI HERMANNI.

- |  |     |
|--|-----|
| 89. De singularis Epilepsiæ Infantilis causa.              | 177 |
| 90. De Evporisto externo in doloribus tumoribusque artuum. | 180 |

D. JOH. GEORGII VOLCKAMERI.

- |   |     |
|---|-----|
| 91. De Chiragra flatulenta.                     | 182 |
| 92. Subitus terror quandoque ægris saluti fuit. | 185 |

D. ANDREÆ CLEYERI.

- |   |     |
|---|-----|
| 93. De Japanensium arbusculis Tzudzinsic. dictis. | 186 |
|---|-----|

D. BERNHARDI ALBINI.

- |   |     |
|---|-----|
| 94. De Ovo humano, è dextro teste pendente. | 187 |
|---|-----|

Dn. MICH. BERNHARDI VALENTINI.

- |                             |     |
|-----------------------------|-----|
| 95. De Fringilla albicante. | 187 |
|-----------------------------|-----|

96. De



96. De Ridiculo Uromantiæ exemplo. 189  
97. De Hæmorrhoidibus Pueri fluentibus. 190

D. GEORGII HEINTKE.

98. De Mercurio in corpore latente. 191

D. JOH. CONRADI PEYERII.

99. De Ruptione diaphragmatis ab immodica ventris extensione. 195  
100. De Motu Intestinorum. 197  
101. E Muribus atrophix remedium. 199  
102. De Febrium tertianarum & quartanarum intermittentium remedio. 201

D. JOH. CHRISTOPH. HERTII.

103. De Rara suffocationis causa. 202  
104. De Ardore manuum ac pedum intolerabili. 203  
105. De Plica Polonica. 204

D. CHRISTOPHORI SCHRÖDERI.

106. De Extractione foetus vivi matre viva unco statera. 205  
107. Exclusio foetus mortui ex parte jam putrefacti & post obitum matris inventi, ultimo naturæ conatu facta. 206

D. LUDOVICI HANNEMANNI.

108. De Foemina, quæ limpidam aquam copiosè ex ore rejecit. 207

D. JOH. MICHAELIS FEHR.

109. De Carina Nautili elegantissima. 210

D. GEORGII EVERHARDI RUMPHII.

110. De Ceraunia spathula metallica. 212

D. PETRI ROMMELII.

111. De Menstruorum retardatione. 216

D. CHRISTIANI LUDOVICI GOCKELII.

112. De Abscessu inguinis periculoso curato. 219

D. GEORGII HANNÆI.

113. De Raro post Quartanam Symptomate. 220  
114. De Abortu Bulliformi. 221



115. De Ovo Gemello. 223  
 116. De Bilis deliramentis. 223

**D. GEORGII WOLFFGANGI WEDELII.**

117. De Aloës vi ad *εὐτονίαν*. 225

**D. JOHANNIS DOLÆI.**

118. De Exanthematibus scorbuticis nigerrimis totum corpus defœdantibus. 225  
 119. De Tumore volatili. 227  
 120. De Infausta inunctione Mercuriali. 228

**D. JOH. JACOBI HARDERI ad Illustrem Franciscum Redi. Nob. Aretin.**

121. De Viperarum morfu Differtatio. 229  
 122. Anatome Muris alpini ad Virum Celebratissimum Jacobum Waldschmidium, Archiatr. Hassiac. 237

**D. JOH. GEORGII SOMMERI.**

123. Opera Dei admiranda & glorificanda. 244  
 124. De Dysenteria ex intensa aëris siccitate. 246

**D. PETRI CHIRAC.**

125. Experimentum Anatomicum circa naturam Vomitionis. 247

**D. MARTINI JOHANNIS HAESBAERT.**

126. De Matre fœcunda, quæ stante matrimonio nunquam menses passa. 249  
 127. De Lumbricis inguina perforantibus. 250

**D. JOH. THEODORI MOEREN.**

128. Calculi inter duplicaturam peritonæi. 251  
 129. Vulnere cerebri non statim lethalia. 252  
 130. De Eclipsi lunæ totali, quæ fuit Anno 1685. 10. Decembr. St. N. Vesperi post horam nonam. 254

**Dn. GEORGII CHRISTOPHORI EIMMARTI.**

131. Eclipseos lunæ totalis cum mora, celebratæ An. 1685. die ult. Nov. & 1. Decembr. St. Vet. Noribergæ habita, sub Elev. Poli. 49°. 29'. 30". 256

**D. GA-**

## D. GABRIELIS CLAUDERI.

132. De Lapide animali è Sale Microcosmi vel Urinæ.	259
133. De Stomachico Poterii.	262
134. De Stomachico Poterii exaltato.	264
135. De Cornu Cervi Bezoardico.	265
136. De Medicamentorum obfesso infanti exhibitorum effectû.	267
137. De fascino recens-nuptorum sanato.	270
138. De Sanguine Apoplecticorum frigido.	271
139. De Sanguine è naribus frigide stillante.	272
140. De Urina frigide emissa.	273
141. De Sternutatione violentissima.	274
142. Suturarum Cranii discessio ab adstantibus perceptibilis, à cephalal- gia contumaci.	275
143. Idem adfectus in partu observatus.	276
144. Dolor auris & capitis violentus, aliæque periculosa symptomata post mictionem in aurem.	277
145. De Miserandis torminibus, à formicâ aurem ingressâ.	278
146. Aqua, qua mortuus lavatur, sedat nimium & abusivum spiritus vini appetitum.	279
147. Liquores Chymici, præprimis volatiles, aliunde non sunt transpor- tandi, nisi vitris penitus repletis.	281
148. De Iliaca passione sanata.	283
149. Corium vegetabile è ligno quercino hæmorrhagias sistens.	284
150. Miranda ac jucunda Vegetabilium plurium structura.	285
151. De Partu quinque Filiorum.	286

## D. JOH. MAURITII HOFFMANNI.

152. De Monstro gemello.	288
153. De Plexu Choroide.	290
154. De Uteri hæmorrhagia singulari.	291
155. De Intestino cæco.	292

## Dn. ROSINI LENTILII.

156. Febris malignæ singultuosæ non lethalis confirmatio.	292
---	-----

## D. SAMUELIS LEDELII.

157. Pudor intempestivus est causa mortis.	299
--	-----

D. RO-



**Dn. ROSINI LENTILII.**

158. Coralia, quæ ruborem perdiderant in corpore ad sensum sano, in cachectico eundem recuperant. 301  
 159. Noxa panis à forno calentis comesti. 304  
 160. De Excisione tumoris sielodis in gravida. 308  
 161. De Processu Phosphori Hermetici. 312  
 162. De Processu Aquæ stypticæ. 315

**D. JACOBI DOBRSZENSKY, de Nigroponte.**

163. De Puero tertio ætatis suæ anno barbato. 318

**D. CHRISTIANI ERNESTI CLAUDERI.**

164. Vomitus sanguineo-carnosus rarissimus, lethalis. 318

**D. JOH. BENEDICTI GRÜNDELII.**

165. Sanguis per Venæ Sectionem, vel hæmorrhagiam narium, evacuatus, quoad tertiam partem chylosus & lacteus. 325  
 166. Mania Tartaro emetico curata. 327  
 167. Gangræna & mors ex levi vulnere sub barbæ tonsione exorta. 327

**D. JOH. ACOLUTHI.**

168. Febris acuta, sudore croceo particulari finita. 329  
 169. De Potu vini in malignis. 330  
 170. Senilis fœcunditas. 333  
 171. Abortus, omni lochiorum fluxu destituti. 334

**D. DANIEL BSCHERERI.**

172. De Arteriæ spermaticæ sinistræ propagine rariori. 337

**D. LUCÆ SCHRÖCKII, Luc. Fil.**

173. De Ægagropila badzahardica. 339  
 174. Podagra & Ossium excrementia in capone. 341  
 175. Asthma siccum, convulsivum, esu raphani sanatum. 345

**ADDENDA.**

**D. CHRISTIANI MENTZELII.**

- De Vespa rosea. 347





EPHEMERIDUM  
MEDICO-PHYSICARUM  
CURIOSARUM  
DECURIAE SECUNDÆ  
ANNI QUARTI

OBSERVATIO I.

DN. ANDREÆ CLEYERI,

De

Moxa.



D quaestionem propositam de Moxa Rev. D. Buschovii, cujus in libello de ea conscripto meminit, an scilicet ipsa sit Artemisia, utpote quæ prius præparata eandem cum Moxa in urendo vim exserit; vel an hæc illi falsò substituatur? scias 1. præparationi hujus herbæ, Artemisiæ, quæ in lingua Japonica proprio nomine Moxa adpellatur, multum deberi, cum subinde alius præparationem ejus elegantius præ aliis instituat; 2. herbam Japonicam, Moxam, nihil esse aliud quàm Artemisiam; quamvis negare nolim, plures dari herbas, eundem effectum, atque ad urendum commoditatem daturas. Præparatio verò communiter hunc in modum peragitur; Artemisia, & præcipuè, quæ præstant, ejus cymæ in umbra benè exsiccantur, ligneo instrumento vel cylindro conquassantur & manibus tamdiu agitantur, usque dum

Dec. II. Annus IV.

A

cortex



cortex exterior separetur, ac præter internam lanuginem nihil superfit; quæ dein elegantius, pectinis ope, pro lubitu carminari potest, ut ex Artemisia esse confectam, vix credere queat, qui ipsi parantem non viderit, aut saltem ab eo edoctus haud fuerit.

(*Ex literis ad Exc. D. D. Sebast. Schefferum A. 1679. d. 20. Novembr. ex Batavia Ind. missis.*)

Cùm in Itinere meo ad urbem Jedo & Aulam Cæsaream Japanicam plures transcendere montes debuissim, multas ibi plantas Europæas observavi, Moxam quoque ubique conspexi, ipsis etiam scopulis adnascentem. Cujus in præparationem adcuratius inquirens, nullum aliud discrimen offendi, præter quod jam olim indicavi. Lanuginem illam albidiorē & nitidiorē quandoque esse, præparationi debetur, majori studio institutæ; qua ratione etiam sericum, linum, cannabem & lanam non parùm differre scimus. Absinthium eidem huic usui, ac Artemisiam, inservire, non vidi; quamvis Ponticum vel Romanum in hunc finem eligere mallet, quod levitate & siccitate præpollens, in montibus arenosis Japanensibus plurimum deprehendi; nullibi verò in itinere illo meo vulgare alterum vidi, aut, licet ut obtinerem illud sollicitus fuerim, impetrare potui.

(*Ex literis ad eundem D. D. Schefferum Malaccâ A. 1683. d. 20. Decembr. in reditu à Legatione Japanensi scriptis.*)

### SCHOLIUM.

**D**E Moxa etiam, quæ Exc. D. D. Wedelius noster in *Decadis hujus Anno I. obs. 6.* nec non Nob. D. Wilhelm. ten Rhyne. in *dissert. de Arthritide* hac de Lanugine disseruerunt, legi poterunt. (L. Schröck, L. F.)

OBSERVATIO II.  
DN. ANDREÆ CLEYERI,*De*  
Radice Gensingh.

**R**Adix Gensingh vel Nyfi crebro usui infervit populis Asiaticis multæque illi singulares virtutes, imprimis calidum nativum quæ confortant, adscribuntur; unde ad venerem augendam ut plurimum in usum ducitur, ideoque etiam tam caro pretio redimitur, quælibet nempe libra in Batavia pro 40. 50. 60. imò 80. Imperialibus. Interea tamen facile cariem concipit, sicque non diu in vigore permanet, nisi major, sæpius aëri exponendo, cura adhibeatur. Sinæ nullo ferè medicamento in forma decocti utuntur, quod non aliquid istius radice recipiat; rarò tamen vel nunquam sola per se usurpatur, nisi admodum parva in dosi, ita ut interdum exigua ejus taleola, duorum granorum pondere, ore sumatur, sensimque manducetur. Nimius enim usus non noxius tantum, sed & mortifer existit; sanguinem etenim plus justo accendit; novi quippe venereo amoris admodum deditum, qui extractum indè chemicâ arte parare sibi curaverat, ejusdem, spiritui vini permixti, cochleare sæpius hauriens, libidini que tam diu indulgens, ut febre ardente correptus tandem mundo valediceret. Usus ideo radice hujus est in debilitatis valde corporibus, sed providè usurpanda nec immoderatiùs sumenda. Provenit potissimum in peninsula Corea, regnum inter Sinicum & Japanicum sita. Apud Japanenses non eo in pretio, quali apud Sinas habetur; illis magis Camphoram Borneensem æstimantibus, cui gens ista eandem, magnamque virtutem adscribit, & omnibus in Decoctis suis adhibet. Utraque autem Natio simplicibus ut plurimum utitur, aut non facile ternarium eorum numerum in mixturis transcendit, eadem cum aqua pauca in parvo rectoque vasculo, ex



lo, ex quo nihil exhalare queat, coquens, & successivè ita usurpans. Radicem hanc nobili Croco comparare soleo, qui itidem præstantissimas vires possidet, & ipsi isti Radici præferendus est, nec immeritò à nunquam satis laudato *Helmontio* ac *Polemanno* tantopere idcirco laudatur; quamvis & idem cautè sit in usum trahendus. Veram effigiem decantatæ hujus Radicis, nec non fruticis nobilissimi Thèe vel Chiæ, ad *Nature Curiosos* hac occasione mittam, cùm utrumque istud vegetabile jam viderim, tenerioresque eorum plantas aliquot mecum Bataviam asportaverim, tentaturus, an ibidem propagari pariter queant. Habui equidem olim Radicis istius delineationem, sed quæ à mea jam obtenta discrepat, & cum Rapunculo nostro figurâ, ut & flore cæruleo coincidit; nec radice etiam multùm differt, ut ferè crediderim, unam eandemque esse, & radicem illius decocto Liquiritiæ priùs imprægnatam, singulari postea dexteritate fuisse exsiccata. Quam verò nunc possideo, Trifolii species est; cujus tamen florem videre haud potui,

### SCHOLIUM.

**R**adicis hujus, ex Corea allatæ, sub nomine Ninsing nomenit Nob. *Ol. Wormius lib. 2. Musæi cap. 11.* tenuem eam, flavam exterius, interiùs verò albam, rugosam, oblongam, calami scriptorii crassitie, externâ facie Curcumam referentem, sed quæ colore flavo non tingat, insipidam ferè, nonnihil tamen amaritudinis, si diutiùs masticeatur, habentem, figurâ autem & sapore ipso ad Eryngii radicem accedentem, describens; temperatam verò aut in primo gradu calidam pronuncians, cæterùm ab eo, qui attulit, ad venerem excitandam commendatam. *Cl. Joh. Neuhofius* quoque in *descriptione regni Sinici cap. 15.* hujus per totam Sinam celebratissimæ radicis mentionem facit, in Jungping regionis Peking, nec non provincia Xansi (quam & copiosè in peninsula Corea crescere *cap. 18.* adfirmat,)

adfirmat,) eandem nasci, atque à Japanis Nisi, à Sinis verò Ginsing vocari perhibens, denominatione sumtâ à figurâ, quæ hominem, Sinis Gindictum, cruribus divaricatis eleganter repræsentet, nostræque Mandragoræ, nisi quòd illa multò minor, tam similis sit, ut Autor non dubitaverit, ob figuræ & virium similitudinem eandem Mandragoræ speciem facere: Exsiccatam porrò flavi coloris esse refert, fibris tenuibus præditam, & circumcirca nigris subtilissimis maculis variegatam, masticatam cum aliquali amaritie ingrati dulcedinem præse ferre; virtutem præcipuam in augendis spiritibus vitalibus consistere, si duodecima tantum uncia pars sumatur; in majori autem dosi vires debilitatas admodum reficere, & blando calore corpus perfundere, ita ut interdum in agone jam constitutis tantas vires restituat, quò morte retardatâ tempus & occasio eis supersit, ad alia medicamenta adhibenda, sæpeque pristinam hinc sanitatem recuperandam; unde tantum ejus sit pretium, ut unica ejus libra tribus argenti libris veneat; naturâ tamen calidiores ut plurimum vitæ in periculum conjicere. Plantæ, ex radice illa enascentis, quam delineationem in *Catalogo rariorum Naturalium & Artificialium Societatis Regalis Anglicæ* Clar. D. Nehem. Grevv dederit, *Ephemerides Eruditorum Lipsiens.* Ann. 1682. pag. 3. monstrant; exhibere nempe caulem triticei graminis crassitie, pedis unius altitudine, cum foliis similibus Leucoji lutei sive Cheiri, qui adhuc complicati rubescant, aperti verò conspiciantur albi, trini semper juncti, ex sex foliolis compositi, & formati ferè instar Moly flore orbiculato *Bauhini*, non tamen adeo magni. Quæ licet cum Nobil. D. Cleyeri, relatione majore ex parte convenient, discrepare tamen in quibusdam non est mirum, cum & ipsi prælaudato Dn. Collegæ delineationem diversam à verâ illa planta primò obtinere contigerit. Nunquam enim deerunt, qui in exoticorum cognitione nos seducunt; sicque fidem nostram ex aliorum sæpe infida relatione merisque somniis dependere,



tempus subinde edocebit. Interea oculato nostro curioso testii primum semper deferemus consensum; à quo in posterum etiam certiora de hoc Vegetabili nos edoctum iri confidimus.  
(L. Schröck. L. F.)

OBSERVATIO III.  
DN. ANDREÆ CLEYERI,

De  
Catechu.

**C**Atechu succus est ex variis adstringentibus fructibus expressus. Optimus in regno Pegu colligitur; quamvis etiam in Suratta, magno Mogolis imperio, Malabarica, Bengala & Zeilon plurimum ejus conficitur. Magna ejus quantitas per totum Orientem distrahitur, & ut plurimum omnes inter Pinang cum foliis Betel usurpatur; cujus siquidem usus valdopere, non secus atque Tabaci, passim invaluit. Verus fructus & basis est Acacia orientalis, planta Tamarindo admodum similis. Succus ipse inconvenienter nimis Terra Japanica vocatur, cum ne minimum ejus ibi proveniat, aut paretur, sed magnâ copiâ illuc à navibus Mauris & Sinensibus venalis adportetur, non exiguo cum lucro, Japonensibus simplicia medicamenta magni aestimantibus & largo pretio redimentibus. Vires tamen ejus, quas aliquas habet, tenui meo judicio hyperbolicè satis cæteroquin extolluntur. Optima ejus descriptio & veritati magis consona apud *Garciam ab Horto* legitur.

Confer. pag. 463. Decad. I. Ephem. nostrar. Ann. I. obs. 194. Ann. II. observ. 128. 129. 130. 131.

OBSERVATIO IV.

DN. ANDREÆ CLEYERI,

*De*

Herba Thee, aliisque.

*D.M.A.V. p. 224*

**H**erba Thee fruticum generi adscribenda est; qui ipse in Japania vidi, agrorum frugiferorum limites eodem, copiosè atque ordinatim ubique plantato, distingui, quin & integri agrieo instructi & exculti mihi sese exhibuerunt conspiciendi. Eâ quondam in opinione fui, ut impossibile judicaverim, Vegetabile hoc in Europa non inveniri; nunc tamen diversam planè foveo sententiam, & quòd quævis tellus sua proferat. Vidi enim in Japania Rosas centifolias colore elegantissimas, rubras, purpureas, candidas, in altis arboribus mensè Januario, aère adhuc frigido, enatas, odore tamen carentes, ut & variorum generum Lilia, fruticibus lignosis innata, nec non Pæonias flore egregiè plenas, arborecentes, quales in Europa nunquam conspexi. Infitio- nis artificium Natio hæc optimè caller, quale quid alibi videre mihi nunquam licuit; siquidem Arbusculas summo cum oblectamento, magnis ollis implantatas, vidi, florum viginti, triginta, quin & quadraginta specierum feraces, qui omnes infitio- nis artificio illic excreverant; Arbores insuper, uti Cera- sos, conspexi, flores solùm, foliorum loco, etiam in Febuario, frigore adhuc sæviente, nullum verò fructum ferentes.

(*Ex indem Literis.*)

OBSER.



OBSERVATIO V.  
DN. ANDREÆ CLEYERI,  
*De*  
Fructu Ananas.

**F**Idem adhibere cogor Incolarum nostrorum relationi de Fructu Ananas, qui à *D. D. Pisone, Garzia*, aliisque describitur, & hîc locorum copiosè provenit, calculum nempe ab eo expelli; quamvis cautè cum eo sit procedendum, ne vis ulla inferatur, hominesque periculum vitæ incurrant, si calculus mole excesserit, & in medicamento usu modus non observetur. Fructum hunc, postquam maturuit, decortican & tesselatim incidunt, vitreæque lagenæ Anglicæ probè occlusæ inditum in aheno, aquam continente & supra ignem posito, instar gelatinæ caponis coquunt, ut succus ejus hac ratione exsudet, atque cocturâ corrigatur, cùm crudior ille vim corrosivam contineat. De hoc liquore pro libitu & exigentia aliquid bibitur, qui sapore grato palato placet; prout maturus etiam fructus decorticatus & in oblongas partes dissectus, saleque confricatus, vino Hispanico superinfuso, suavi sapore, non secus ac optima Fraga, se commendat.

OBSERVATIO VI.  
DN. ANDREÆ CLEYERI,  
*De*  
Cinnamomo & Cassia lignea.

**Q**ualis differentia inter aroma illud nobile, Cinnamomum, & Cassiam ligneam sit, cùm nuper in Epistola sua gratissima Illustr. *Dn. Prasès* ex me rescire desideraverit, paucis hac vice indicare libuit; Cinnamomum nimirum nullibi terrarum in toto Orbe nasci, quàm in sola insula Ceylonica, Cassiam verò ligneam in diversis Insulis & regio-

& regionibus Indiæ orientalis; quæ Cassia tamen nec ipsa unius generis est, sed multiplex, quædam etiam Cinnamomo externâ formâ admodum similis; & licet eadem non minùs oleum bonum destillando largiatur, minimè tamen æquiparari illud potest, odore saporisvè suavitate, oleo è Cinnamomo verò prolecto. Eadem ubique ab incolis species Cinnamomi silvestris esse creditur, quod meo iudicio polorum diversitati in diversis Insulis potissimùm adscribendum; siquidem in Malabarico tractu, quamvis à Ceylonia non admodum & paucis tantùm gradibus remoto, jam mutatio illa invenitur, ita ut arbores canelliferæ habitu, stirpe & foliis invicem quidem similes deprehendantur, oleo tamen tantopere differant, ut Malabarica Canella neque pro genuino Cinnamomo, neque vera Cassia admitti queat, oleo ejusdem mixturam quasi ex oleo Cinnamomi & oleo Camphoræ referente; cujus usus externus est in arthritide quidem vaga, non verò in podagra confirmata. Camphora ex ejus radice prolecta amœno pollet odore, vulgarem illam longè superans, quæ tamen à gente hac nullo modo censetur Borneensi comparanda.

(Ex præfatis literis.)

### SCHOLIUM.

CASSIAM ligneam, qualis quidem ad nos deportari solet, non ipsa solùm adcuratior inspectio, cortice tenuiorè & glabro in cannulas minores convoluto, sed odor etiam, languidus & nonnihil à Cinnamomi discrepans, nec non sapor exiguæ acredinis particeps, quin & cum subadstringente vi visciditatem aliquam inter masticandum linguæ exhibens, à Cinnamomo discriminant, cùm hoc crassior cortex existat, in ampliores & scabras magis cannulas contractus, odore validiore polleat, acriusculo dulcedini mixto sapore linguam vellicet, & dentibus contritus lignosi quid post se relinquat. Cæterùm de Cinnamomo & Cassia lignea, præter Garziam ab Horto, etiam

Dec. II. Annus IV.

B

Phil.



*Phil. Baldus in histor. Malabar. & Coromand. cap. 50. Joh. Newhof. descript. regni Sinic. cap. 5. Joh. von der Behr in Itinerar. Orient. Walth. Schulzius lib. 2. Itiner. or. cap. 20. P. Mich. Boym. in Flora Sinica. Tobias Aldinus in horto Farnesiano cap. 4. fol. 63. 64. &c. Henricus van Rhee de in horti Malabarici tom. 1. fig. 57. CARVA. Joh. Bapt. Tavernier, Itiner. Ind. l. 2. c. 12. nec non Ephemeridum nostr. Dec. I. Ann. IV. obs. 130. 202. & Dec. II. Ann. III. obs. 209. aliiq̃ue videri poterunt.*

(L. Schröck. L. F.)

## OBSERVATIO VII.

D. SALOMONIS REISELII,

De.

### Autocastratis, & Autocleetomo.

**H**Os Autolithotomo Dec. I. Anni III. obs. 192. producto liceat adjungere. Chirurgus Stutgardienfis expertissimus *Christophorus Völter* nunc p. m. qui post editum A. 1679. *Tractatum de Obstetricum officio* dictum *Hebammen Schul* plurimas Observationes collegit in praxi suâ amplissimâ & felicissimâ in posterum publicari dignas & destinatas, inter eas sequentia habet violentæ sibi ipsi illatæ manus exempla singularia. *Johann Jacob Weber* faber lignarius in pago *Griehenhausen* sibi persuadens, siquidem ex maleficio non semper mente constabat, calculum se gerere in vesica, ambos testiculos sibi amputavit cultro vinitorio, quem alius quidam vir aliàs honestus præteriens per fenestram porrexerat, (quod verò hic omninò negat) hortatus ut calculum sibi eo exstinderet. Ad quem demum post tres septimanas dictus Chirurgus veniens, vulnus prius ab ipso ægro & domesticis deligatum, fistulosum invenit, restituit tamen, qui aliàs hecticus ægrè usque mortem vixit.

Alius

Alius nimirum Mercator de Reutlinga Imperiali civitate, nomine Hoffstetter A. 1665. in Bavariam profectus, ruri sub horreo cubans, subito terrore & capiendi metu perculsus, fugit à sodalicio per silvas & latebras, triduo jejunans, sitim verò obviis quibusvis aquis sedans, pastorem offendit, ab eoque cultrum poscit, quo abripiens se usque ad trecentos passus sub quercu caligis sepositis penem cum scroto & testibus rescindit, hinc fugiens iterum per quatrimum, Augustam Vindelicorum cruentato indusio transit: unde ab aliis agnicus Reuthlingam deductus & à *Völtero* Chirurgo curatus fuit. Quia verò in frusto virgæ abscissæ digitum adhuc transversum longo, vulnus aliud prope pubem erat, urethram penetrans; per fistulam plumbeam immissam urinâ emissâ, Emplastris convenientibus consolidatum fuit, vixitque aliàs vegetus ille vir & maritus adhuc A. 1681. Abscissum membrum & testiculos pastor unâ cum cultro suo invenit, cum de viri facinore anxius & curiosus esset, & inventum obtulit Electoris Baviaræ Archiatro Monacum, qui has balsamo conditas & exsiccatas reliquias Reuthlingam, durante adhuc curâ vulneris misit.

Sed tertium exemplum pro Monstro Curationis adducendum est. Adolescens 25. annorum, Vinitoris filius, prope Eslingam à duodecim annis herniam, capitis magnitudine, occultavit, à bubulco in herniæ sectione curato quæsiuit, quomodo liberatus fuerit à suo malo. Quæ observans, ut sibi quoque remedium quæreret, domi solus 10. Maji 1672. sub tecto domus, repressis intestinis, cultro pertundit scrotum. Sed quia is non satis acutus erat, descendit & alium sumsit panarium, cote acuatam, longiori vulnere findit scrotum, eripit testiculum & rescindit, ligationis vel constrictionis immemor, quiescit tandem in lecto. Domestici redeuntes totum cruentatum inveniunt, ejusque causam rogant. Inde Physici *D. Wagner* & *D. Calisius* cum Chirurgis Juratis *Joh. Jac. Funckio* & *Carolo Schotto* à Magistratu, cui id relatum fuerat, missi,



vulnus tegunt & cordialia adhibent & prognostico relinquunt ægrum, qui vomuerat biliosa & vermes, & sanguinem profuderat copiosissimum. Sed convaluit præter spem, & uxorem duxit, quod vidit ipse *Volterrus*, qui à *Schotto* Chirurgo cultum istum celicidam pro memoria servavit.

## SCHOLIUM.

CONF. *Zodiacus Med. Gall. Ann. 2. Mens. Jul. obs. 7. ut & Joh. Hellwigii observatio phys. med. 131.*

(*L. Schröck. L. F.*)

## OBSERVATIO VIII.

DN. GEORG. CASP. KIRCHMAJERI,

De,

## Volante Lampade nocturna.

Quam in præcedente *Ephemeridum harum Anno pag. 44. & seqq.* de admiranda lunari Iride dedimus Celebrimini nostri *Phosphori II.* observationem, uti placuisse Eruditis scimus, ita nunc alteram ab Eodem in memorata tum Dissertatione epistolica propositam, de Volante Lampade nocturna, curiosis naturæ Scrutatoribus sistere volumus.

Anno 1683. Augusti die  $\frac{12}{22}$ . paullùm ante vespert. IX. silente Lunâ equidem, sed coelo amoenissimè sereno improvisa fax, & lampas splendida obstupescit oculos mortalium, æqualis *παρσελήνη* apparentis magnitudinis, superior fulgore. Plenius etenim & clarius illuminabat Lunâ plenâ aërem, per quem trajectio fiebat, & cum ædibus plateas. Altitudo loci, qui primò apparuit, ex analogia sideris majoris Uræ & Bootis judicari potest. Motu progressivo lampas ignea à septentrione in occasum descendebat in Jordanem, instar globi physicè rotundi, stridulum alicubi relinquens sonum, Horizontem nondum strinxit.

strinxerat, cùm fulguris dissiliens in morem radios cæruleos ignitos latiùs diffunderet. Visum simul est mirabile phænomenon in locis singulas ad mundi plagas maximoperè à se distantibus: *Hamburgi*, (horâ mediâ in XI. vespert.) *Lipsiæ* ac *Wittenbergæ* 4. aut 5. ante nonam, *Jenæ* paulò post auditam nonam, memorante Celeberrimo *Weigelio*; sed longè seriùs, si quidem omnibus habenda fides, *Francofurti ad Sævum*, *Francofurti* etiam *ad Mænum*, *Cassellis*, *Coburgi*, *Islebie*, *Nam-burgi*, *Gere*, *Altenburgi*, *Dresdæ*, *Budissæ Lusatorum*, *Berolini*, *Halberstadii*, & in *Poloniæ* ac *Marchiæ* consfinibus. Quarum urbium & civitatum genius à poli altitudine spectatus, juxtaque longitudinem locorum atque latitudinem expensus, si cum testimoniis observatorum plurium, & collatione graduum cælestium cum circulo terrestri maximo examinetur, calculus testabitur, per quot & quanta milliaria phænomenon potuerit videri. Artificibus <sup>à neisera</sup> hanc calculi relinquimus; ut veram simul magnitudinem, suppositâ per observationes factas altitudine, eliciant per instrumenta parallactica inprimis. Unumné fuerit phænomenon, an plura? inde discimus, quandoquidem parallelismus temporis responderet & itineris. Nec obstat per minuta, etiam 30. propter horologiorum fidem sæpe lubrica varietas. Nec dubitabimus, correctum mathematicè fuisse à quibusdam Curiosis tempus. Sapienter sæpius ad *Rothmannum Tycho Brahe* monuit. Epist. lib. I. in vicinis quoque Horizontibus diversam aëris occurrere constitutionem. Pone interim fuisse plura; sequeretur, maximum telluris aërisque tractum per tot spatia æqualiter dispositum tum temporis fuisse; aliud ut appareret hîc, & alibi locorum meteoron aliud. Quas rationes in proposito ferè simili, labore tamen longè accuratiore & ingeniosiori, Mathematicus Italiæ insignis urfit ante Annos aliquot, *Dn. Petrus M. Ravina, Faventinus*. Locum generationis, aut (si hic terminus displiceat) conglobationis, facillè invenient, qui & atmospheræ altitudinem



intelligunt, & distantiam volantis lampadis à centro superficieque terræ per tot loca observatæ metiuntur. Regioni tertiæ assignat meteora hæc *Fromondus* 2. Meteorol. c. 5. *capras, trabes, faces; bolides, dolia, clypeos, stellas discurrentes &c.* quod in universum atque semper haud concedi potest. Quousque aër sensibilibiter extendi possit, illud ex initiis crepusculorum & eorum fine, nec non à profunditate Solis infra Horizontem ordinariè determinandum est. Quam in rem subtiles, speculationes contulit *Johannes Pena* in præfatione nobili de usu Opticæ, & varias collegit, nulli à labore inexhausto cedens *Teutoni, Joh. Bapt. Ricciolus* Tom. 1. Almag. N. lib. 8, sect. 1. c. 14. problem. 4. 5. 6. qui ad 24. milliaria Germanica extendit Atmosphæræ altitudinem, & contrahit ad 4. interdum. Aër enim sensibilibiter evadit major à temperie calidiori dilatatus in æstate; & constringitur à frigore brumali tempestate, seu reprimatur in arctiora spacia, experimentis Thermoscopiorum. Vapulant ingeniosissimi Philosophi *Keplerus & Varenius* à Dn. *de Guericke* lib. 5. spac. Vac. c. 7. cum dimidium is saltem miliare, hic non nisi unicum concedat atmosphæræ: ipso per immensum ferè liberali l. 5. c. 9. Vulgò in tres regiones aërem dispescunt; sed nec accuratè rem, quam explicant, in applicatione probant; nec per omnia conveniunt. Quis nobis hætenus Geometra, aut quis Astronomus demonstrativè confirmavit primò Atmosphæræ altitudinem, diversam in æstate, & per brumam? Quis dimensus excelssimos in Orbe montes est secundùm perpendiculum? *Veneris* in agro *Patavino*, in *Insula Tenariffa* *Cenis*, in *interiore Scythia* *Imaos*, in *superiori Pannonia* *Carpathicos* à curiosis exploratos scio. Hos adduco in exemplum, quoniam non solùm altitudine excedunt reliqua *Helvetiorum, Tyrolensium, & Italiae* insana juga; sed & arduo conatu superati sunt à sedulis observatoribus: h. e. à *Zabarella, Comite Digbao, Straussio, Frölichio*. Decantatissimi *Germania*, partim propter famam veteris memoriæ, partim propter

pter mineralia, celsissimiq̃ue montes sunt in *Saxonia inferiori* *Bructerus*, *Germania* umbilicus, quò tendebam Ann. 1663. Augusto mense; mons & pagus à dono Dei (aliàs die Gottes Gabe) dictus, in extremis *Misnia* ultramontanæ finibus, ad *Vallem Joachimicam*, quâ per præcipitia, in profundissimas *Bohemia* subjectas & amœniores valles solet despici; hac viâ transitus patebat Mense Junio adulto Ann. 1675. ad *Thermas Carolinas* mihi invisendas; *Piniſer Voigtlandiæ* ingenti tractu claret; cujus regionem & vicina loca Principali jussu atque comitatu diligenter equidem, sed penitiora Ann. 1678. propter paludosas passim scaturigines, & gramine doloso tecta stagna, etiam ex equo explorare non sum ausus; dissuadentibus inprimis accolis & venatoribus conatum. Quæ mihi tamen usu venerint, exponam. In conscendendo *Bructero* jam manè inter nebulas (nam pridie ingens inter fulmina & pluvias tempestas nos *Goslarix* excepit, quam à virunculo anemoscopo sagacissimus Architas Magdeburgicus, de *Guericke*, cum raris variisque demonstrationibus exhibitis præſagiebat ante per sextiduum) gradu satis lubrico, limoso, madidoq̃ue per ambages, haud ita procul *Ilſenburgo* ventum per subjectos colles fuit. Post bihorium (in promptu enim horologium portatile indicavit tempus) invaleſcens ventus, nebulas attenuans in nubes dissipavit; supra eas aura satis frigida, sed pura & amœna sequebatur. *Wisenthalio* digressus in *Bahemiam* cùm juxta semitam compendiosiore viâ, equitando, montem alterum jam superassem, in alterius pede densam per convalles nebulam offendi, moxq̃ue inter turbines ventorum nive copiosâ & congelatâ adeo perſenſi frigeſactas manus, ut vix moderandi capax equi amplius existerem in summo vertice, (ubi rara æſtas, rarior autumnus) quo *vallis Joachimicæ* despicitur castellum, amœniſſimâ fruebar claritate; idq̃ contigit octiduo ante festû Johanneum. Judicent, qui à diverſitate alterati aëris & meteororum, tempore eodem variorum, partiuntur regiones, in  
qua



qua constituti cum fuerimus? diversi scilicet inferioris regionis admittendi gradus sunt, hinc oppidò in ima, sed non in gradu ejus imo hæsimus. Insignis Mathematici, *Davidis Frölichii*, scrutinium inprimis curiosum laudo, & quantumlibet prolixius, adduco, propter rariora quædam observata. E montibus *Hungaria*, inquit, primas tenet *Carpathus*. Horridiora & sublimiora juga, nubestranscendentia, existunt in Comitatu *Sepusiensi*; ad patriam meam dulcissimam, *Cæsareopolim*, vulgò *Resmarck* dictam; à qua civitate etiam *Resmarcker Gesbürge* / item *das Schneegebürge* / quòd perpetuis ferè nivibus tegantur; à *Slavis Tatrii* vel *Tarczal*, quasi calvi & abradi montes, nuncupantur. Ego Mense Junio Ann. Chr. 1615. tum adolescens sublimitatem horum montium, cum duobus comitibus Scholaribus, experiri volens, ubi, cum in prima rupis vertice, magno labore me summum terminum affecatum esse putarem, demum sese obtulit alia, multò altior cautes; ubi per vasta vacillantiaq; saxa (quorum unum si loco à viatore dimovetur, & versus convallem dejicitur aut volvitur, aliquot centena decuplo majora secum rapit, & quidem tanto cum fragore, ut illi metuendum sit, ne totus Mons corruat, eumq; obruat,) enixus essem, iterum alia sublimior prodiit; atq; ita aliquot minores vertices, quorum posteriores semper anteriores altitudine superârunt, per totidem convalles, summo vitæ periculo emetiri coactus sum; donec ad supremum cacumen penetraverim. Ex declivioribus montibus cum in subjectas valles vastis arboribus consitas prospexissem, nil nisi obscuram noctem, caruleum quid, instar profundi aeris quod vulgò cælum sudum appellatur, observare potui, mihiq; videbar, si de monte caderem, non in terram, sed rectâ in Cælum prolapsurum. Nimiâ enim declivitate species visibiles extenuata & hebetata fuerunt. Dum verò altioremontem peterem, quasi intra nebulas densissimas hærebam. His eluctatis, post aliquot horarum intervallum, cum jam non procul à summo vertice essem, de sublimi quiescens prospexi, atq; animadverti, iis in locis, ubi antea videbar

debar intra nebulas hæsisse, compactas atq; albas se movere nubes, supra quas, per aliquot milliaria, & ultra terminos Sepusii commodus mihi prospectus patuit. Alias tamen nubes etiam altiores, alias item humiliores, nec non quasdam aequaliter à terra distantes vidi. Atq; hinc tria intellexi; (1) me tum transivisse principium mediæ aëris regionis; (2) distantiam nubium à terra non esse aequalem, sed pro ratione vaporis, alicubi altiore, alibi humiliores; (3) distantiam nubium terris proximam longè minorem esse, quàm quidam Physici statuunt; & quidem non 72. milliaria Germanica, sed tantum dimidium milliare Germanicum. In summum montis verticem cum pervenissem, adeò tranquillum & subtilem aërem offendi, ut ne pili quidem motum sentirem; cum tamen in depressioribus montibus ventum vehementem expertus sim. Unde collegi, summum cacumen istius montis Carpathici ad milliare Germanicum, à radicibus suis imis exsurgere, & ad supremam aëris regionem, ad quam venti non ascendunt, pertingere. Explosi in ea summitate sclopetum, quod non majorem primò sonitum pra se tulit, quàm si tigillum vel bacillum confregissem; post intervallum autem temporis murmur prolixum invaluit, inferioresq; montis partes, convalles & sylvas opplevit. Descendendo per nives annosas intra convalles, cum iterum sclopetum exonerarem, major & horribilior fragor, quàm ex tormento capacissimo inde exoriebatur: hinc verebar ne totus Mons concussus mecum corrueret: duravitq; hic sonus per semiquadrantem hora, usq; dum abstrusissimas cavernas penetrasset, ad quas aër undiq; multiplicatus resiliit &c. Scythiæ immanes montes Ararat, in quibus requievit ac subsedit Arca Noë, non sine maximâ difficultate ac molestiâ per plures exantlatâ dies Anno 1670. conscendit Vir curiosus aliàs & pannifex, Johannes Janzonius Straußus, Amstelodamensis, & in summo horum culmine accepit testimonium ab Eremita Domin. Alexandro Romano, d. 22 Julii; qui, si ad Frölichii exemplum eas



observasset circumstantias, quas maximè desideramus, multa regionum aëris phænomena intelligi facilius, feliciusque explicari possent. De Monte *Veneris* in agro *Patavino* verò falsas miscuit hypotheses Aristotelicus *Jacobus Zabarella*; ipse *Aristoteles* non bonâ fide retulit, in *Olympo* monte nullum aëris motum, nullum ventum percipi, & ascendentes montem non continuare posse vitam, nisi spongiarum humectas aquâ vel aceto plenas secum ferant. Contrarium etenim ab aliis hoc adhuc seculo compertum est, & *Augerius Busbequius* oculatus testis memorat, *Olympum montem in æstate quoque nivibus oppletum deprehensum esse*. Qui credit facilè, decipitur facilè. Cur in summis maximorum montium culminibus non commodè diuque durent homines, in causâ est non aëris defectus, sed materiæ nitrosæ atque respirabilis, ob subtilitatem atmospheræ summam. Supponamus igitur, (cùm per dimensionem geodæticam in stationibus diversis rarò deprehensâ nubium altitudo fuerit excedere quadrantem miliaris nostri,) in medio secundæ regionis meteoron igneum hoc magnum generatum, in hanc coivisse molem. & ad minimum unius miliaris Germanici distantiam fuisse elevatum supra terram; demus illi magnitudinem minoris montis, sive templi alicujus, sed figuræ sphericæ: haud dubitandum est, videri potuisse hoc phænomenon per aliquot Germaniæ provincias. Supponit sollers Mathematicus *Kavina*, magnitudinem Italici unius miliaris adæquasse, altitudinem phænomeni à se descripti 90. miliar. Ital. & visibile per 950. fuisse miliaria, in partibus *Europæ* plurimis, tum *Asiæ* ac *Africæ*.

*Tempus* generationis & materialem causam nunc spectemus. Mensibus Junio, Julio, & dimidio ferè Augusto graviores tempestates, horribilia fulmina & tonitrua existere, quem verò clam est? Sol enim magnus Orbis magnes attrahendi vim potentior emittit, quò rectiores vibrat radios, & Æquatorem prætervectus, partem borealem etiam aggreditur, videlicet dimidium hunc nostrum orbem citra Æquatorem, nivibus

vibus contactum magis, & refertum nubibus; ut rectè loquitur *Cartesius* Meteorolog. c. 4. n. 7. Particulas sulphureas & nitrosas probant meteora ignea, & tempestates similes. Deinde odor ipsemet sulphureus, qui nares afficit in fulmine urente, ac surgentia indefinenter magno numero effluvia nitrosa comprobant id omne à posteriori & effectu. Resinosæ arbores in vastis sylvis, quibus plurimum *Germania* abundat in *Silesia*, *Bohemia*, *Saxonia*, *Thuringia* &c. e. gr. pinus, tadæ, piceæ, abietes, & aliæ prædictis mensibus immensam copiam exsulant, etiam non vulneratæ, in apicibus deinde plurima arborum istarum pinguium lanugo, sive flos, aut etiam fuligo deprehenditur; ex qua materia, quomodolibet incensi, fumus tenuis resolvitur, & vasè concavo excipitur. Nec arbores solummodo, sed mineralia inprimis, igne subterraneo ac supraterraneo elicitæ, hoc tempore potissimum, quo Sol in signis calidis versatur, symbolam in copia abundanti suam conferunt. Paria cum sulphure, imò majora præstat nitrum. Nitri etenim ubique obvii, (in aquis, terrâ maximè, & aëre,) vis illa est, quæ de præsentia & operatione sua omnibus in meteoris igneis, potissimum fulminibus, stellis cadentibus, & similibus, phænomenis testatur. Flammæ alioqui proprium ascendere. At nos semper observemus, meteora ignea descendere; non ab externo aliquo agente violenter, sed à propria natura, quæ conspicitur, in Nitro. Chymicis, hoc accuratè notum, & in arte pyrotechnica versatis. vid. *Guilielm. Clarke* Angl. hist. nat. Nitri c. 2. & inprimis D. *Joh. Mayow*, Med. Londinens. curios. in operibus medico-physic. c. 2.3. Nitrum tale est subiectum, sine quo nec naturale fulmen fieri, nec artificiale aliquod consueto more potest; Per consuetum morem pyrotechnicum intelligo communem. Ajunt Chymicorum aliqui, ex Marte fulmen etiam parari posse, cujus nunquam ego quidem vidi demonstrationem. Singularis mihi notus modus præparandi fulminis, sed usu minùs commodi, ac operosi ex crystallis sacchari Saturni. Aurum fulminans, quantumlibet vehementissi-



mum effectum edat, sine auro tamen terribilia parantur alia.  
 Recip. Nitri ziiij. electi & pulverisati probè, salis tartari 3j.  
 cum semisse. & sulphuris 3j. pulverem fac indè minutissimum,  
 probeque misce, infer cochleari ferreo & leni igne urge. Sta-  
 tim atque ignis minima particula partic. nitri inflammabilem  
 tetigerit, exorietur fulmen. Hoc quod vides supra terram,  
 ante manus; quodque in everfione urbium, castrorum, & val-  
 lorum audis juxta atque infra terram; idem fieri cogita in aëre.  
 Non malè igitur *Kavina* lampadem volantem à se quondam  
 illustratam, propter plurimas convenientias cum pilis igneis  
 comparari posse statuit, quæ noctibus festivis cogi solent, ut  
 per aërem discurrant, aut vi impetûs ex æneis tormentis eleva-  
 tæ, è sulphure & halinitro concretæ, accensæ ac projectæ sunt.  
 Sed idem meliùs egisset, si per ignes descensorios, non ascenso-  
 rios rem explanasset. Propiùs ad rem *Fromundus* in Lovani-  
 ensi Academia Primar. Professor olim & Philosophus in Me-  
 teorol. l. 2. c. 1. *Magnam*, inquit, *stella cadens cum pyrobolis no-*  
*stris, & id genus ignibus artificialibus habet cognationem: nisi*  
*quòd hoc flamma levet in altum; stella verò cadentes contra natu-*  
*ram, & cum injuria ignis* (hoc in quæstione est) *exploduntur*  
*deorsum. Aliàs sæpe in his, ut illis, materia paullatim in ipsa tra-*  
*jectione incenditur, sed non cum tanto strepitu stella in fine dissi-*  
*liunt, quia materia loculamentum & claustra rumpenda non ha-*  
*bet, ut pulvis charta toties replicatâ pressus & constrictus in pyro-*  
*bolo. Hoc etiam discriminis est, quòd, quò magis pyrobolus flam-*  
*mam rapit, hoc magis festinat in cælum, ubi stella contra incre-*  
*mento ignis tardatur; quia levitas resistit motui deorsum. Mate-*  
*riem determinare quando voluit Libertus, nimis liberè ac & in*  
*platu loquitur: Causa materialis transiens meteororum ignito-*  
*rum est ἀναθυμίασις, seu exhalatio idonea flamma. Hæc enim est,*  
*quæ inflammatione corrumpitur in ignem: qui & materia per-*  
*manens hujus meteor. Ut autem exhalatio flammam, saltè vi-*  
*sibilem concipiat, debet esse viscosa, aut pinguis. Quæ postrema*  
 verba

Verba apertissimè testantur, fulminis & phænomenorum igne-  
orum originem & subjectum ignorasse ipsum. Quid quæso o-  
pus exhalatione istiusmodi viscosâ? ne de pingui dicam? Ubi  
viscus, aut materia viscosa, cùm præparatur pulvis pyrius, aut  
per eundem apparatus varius pyrobolorum? In manifestatione  
fulminatricis flammæ nihil tale observatum. Gaudet nitrum  
igne subtilissimo, coelesti, penetrabiliq̃ue supra modum; non  
viscositate. Frustrâ sunt, qui Nitrum inflammabile esse ne-  
gant cum Autore clari nominis in Chymia experimentalis, sub  
init. de separat. rer. p. 57. Contrarium Natura docet, & Chy-  
mia. Fatentur Viri ab experientia insignes, *Quercetanus*,  
D *Matth. Unzerus*, de Sale c. 18. circa fin. *Mayovv* maximè de  
Nitr. c. 2. qui *Wil. sfo* respondit exquisitè, negans, propter sul-  
phur, inflammabile dicendum Nitrum. Nuper admodum qui  
scripsit *Moses Charas*, Gallus, Doctor Medicus Britanniar. Regis  
Pharmacop. Reg. Chym. c. 14. de Nitr. p. 226. nostram suo cal-  
culo sententiam confirmat. Neque tanti est momenti dubi-  
um, quod ab *αυτοψία* petiisse vult *Robertus Fluthus*, Scriptor  
Anglus, olim nominis maioris, asserere: se quondam ignem fa-  
tuum noctu secutum & affecutum; & materiam invenisse non  
igneam, sed viscosam & lubricam, compactam in modum sper-  
matis ranarum, distinguentibus nigris & exiguis maculis sub.  
albidam, quæ vice speculi redderet stellarum lumen. Parum,  
quid aut viderit, aut non viderit *Robertus*, refert; nec de igne  
fatuo nunc quærimus. Poëta princeps elegantius *Georg. I.*  
cecinit?

— — Cælo delapsa per umbras  
Stella facem ducens multâ : um luce cucurrit.  
Illam summa super latentem culmina tecti  
Cernimus Idæa clarâ se condere sylvâ,  
Signant emq̃ vias : tum longo limite sulcus,  
Dat lucem, & latè circum loca sulphura fumant.



Invenimus materiam phaenomeni; quæramus & efficien-  
 tem. Furoris, non erroris species videtur, id, quod Majestati  
 suæ reservavit Numen, Dæmoni tribuere. Deus noster in cœ-  
 lo est, & quæ vult, facit: pluit, tonat, fulminat, serenat, ven-  
 tos excitat, & patrat mirabilia. Laudant omnia hæc Creato-  
 rem suum, & apertè clamant: Tu fecisti nos, non ipsa nos.  
 Audi quæso, quanto mugiat opere illius tonitru! *Helmontium*,  
 censorem aliorum tam sagacem & nasutum, miror hæc de toni-  
 tru scripsisse in *Anomalo Meteor.* Cum tonitru non habeat pla-  
 nè naturalem in nubibus meteor, credo prorsus causam omnem  
 habere non supra, sed præter naturam, adeoque esse effectum porten-  
 tosum. Inprimis namque credere tenemur, Cacadæmonem esse prin-  
 cipem; & quæ seqq. Eadem de fulmine *Bodinus* asserit: à ge-  
 niis dæmonibusque fulmina cieri projiciq; cui satisfecit oppidò  
 perplexè ac ambigüe *Fromundus* l. alleg. Nullâ indiget senten-  
 tia hæc confirmatione: Deus summa & universalis, sæpe etiam  
 immediata, omnium (eorum etiam, de quibus agimus) effectui-  
 um est causa. Creatura etenim in esse suo bona, necessariò de-  
 pendet à superiori eodemque liberiori agente. Nunc confi-  
 deremus stellas, an, & quanta sit in illis ad phaenomena hæc  
 producenda virtus? Portentosa sunt, quæ c. 8. *Meteor.* pro-  
 fert *Paracelsus*; cui proprium hoc dedit confidentia ingenii,  
 ut aut temeraria, aut falsa, aut miracula ebuccinet. Sic ipse:  
*In stellis fulminalibus est sulphur in summo gradu, salpetra in*  
*summa pinguedine, Mercurius in summa contrarietate. Ex his*  
*tribus tonitru, fulmen, & tempestates fiunt.* Ecquis compen-  
 diosius exprimere rem potuisset? Sed heus, Vir optime, pro-  
 bari paradoxa debent. Philosophia hodie apparet oculata;  
 credit, quod videt, aut immotis deprehendit verum esse ar-  
 gumentis. Quæ illæ fulminales stellæ? aut sulphureæ, ni-  
 trofæ, similesvé? Scit, quæ nescit, quæ nec facta, nec futura  
 sunt *Aureolus*. Ad rem, cur non distinctè appellavit *Solem*,  
*Jovem, Mercurium, Saturnum, Martem*, cor Leonis, aut illius  
 caudam?

caudam? Cur configurationes Planetarum, sive mutuos ad-  
spectus, aut illorum oppositiones, aut conjunctiones præter-  
misit? Et conjunctionem quidem magnam Anni proximè su-  
perioris meritò Astrologi urgebunt. Sed cùm hæ universa-  
les ac remotæ nimis causæ videantur, propiores indagandæ  
potiùs in terra. Toto mense *Junio* videlicet & *Julio*, & ultra  
dimidium *Augusti*, diebus paucis admodum exceptis (3. 23.  
27. & 28. Junii, 4. 5. 12. 16. 20. & 31. Julii, itemque 1. 11. 29.  
30. & 31. Augusti,) aut insolitæ densæque nebulae, aut pluviae,  
aut fulmina, aut psecades cum ventis alternantibus in Hori-  
zonte nostro & viciniâ observabantur. Positis, nec impeditis  
causis hisce proximis, non potuit non sequi extraordinarius  
effectus.

*Finis* superest. Qui talibus phænomenis signatum aut  
eventum tribuunt prodigiosum, veluti Cometis, *Julium Ob-*  
*sequentem* pro ductore habent. Neque Romanus Sapiens ab-  
horret. *Vidimus* (inquit *Seneca*, in qq. natural.) *non semel*  
*flamam* ingentis pilæ specie, *quæ tamen in ipso cursu suo dissi-*  
*pata est.* *Vidimus*, cum de *Sejano* actum, nec *Germanici* mors  
*sine denunciatione tali fuit.* *Trabs* sæpe visa. *Trabem* olim  
conspectam, cùm *Lacedæmonii* classe victi, *Græciæ* imperium  
amiserunt, narrat *Plinius*. Huc illa faciunt *Lucani*, l. 1.

*Ignota obscura viderunt sidera noctes*  
*Ardentemq; polum flammis, calogq; volantes*  
*Obliquas per inane faces, crinemq; tremendi*  
*Sideris, & terris mutantem Regna Cometen.*

Nolumus innumera auctorum aliorum cumulare testi-  
monia. Hoc dicimus: per causas & effectus quoque natura-  
les præternaturalia sapissime eventa designare Numen. Te-  
stes Irides, immanes venti, aliæque tempestates. Unius rei  
possunt plures esse fines, in subordinatione, non in oppositio-  
ne æstimandi. Notus scripto publico t. t. vulgato vates, qui  
*Obsidionis Viennensis* appellavit indicem hunc globum  
igneum.



igneum. Veruntamen cùm jam obsidione mediâ fervente fulserit, *Vulcanum* fortè imitatus fuerit, qui, quando die artificiali unico, ab oriente Sole ad occasum somniavit se præcipitem è Cœlo in Lemnum decidisse, infelicitè *ἐπιπείοντα τὰ ὑπερδύνα.*

OBSERVATIO IX.  
D. DANIELIS CRÜGERI.

De

Phthisis desperatæ cura.

**U**Lcerapulmonum insanabilia nonnulli statuerunt, gravissimis rationibus adducti. Contrà alii, ut *Arcæus de febr. c. 8. Thomas Erasmus, Forestus* experientiam in contrarium vocant, atq̃ exempla verorum phthisicorū curatorum exhibent. Ego, distinctione adhibitâ observavi, ubi character ille phthiseos cum semine jam communicatus, & ubi malum hoc hæreditarium, vix restitutionem in integrum locum habere. Debilis enim constitutio parenchymatis pulmonum naturalis ex rara textura primordiali, & paucò calido innato dependet, unde fit, ut per se, nullis illatis injuriis pulmo putrescat, & homo aliquando, parva saltem accedente tussi, sideratis pulmonibus moriatur, uti exempla extant. Vid. *Riverrius Cent. 3. in observationibus communicatis*: in quibus tantùm cura palliativa locum habet, ut diutius vitam protrahant, absterfo quotidie medicamentis ulcere, & temperando hæctico calore.

Aliquando v. contingit, ut ex inordinatâ diæta, inflammatione, vulneratione vel alio modo pulmo ulcus contrahat, neque in familia character hic sit deprehensus; tunc sæpiissimè pulmo sanationem admittit, quod exempla allata probant. Interdum etiam per contagium illis, qui consuetudine phthisicorum continuè utuntur, communicatur. In talibus deco-

cto Li-

cto ligni sancti in principio *πλασμα* phthifis sæpè tollitur, uti ap. *Rivierium Cent. 1. obs. 99.* videre licet, & alii testantur.

Sed ut ad exempla nostra revertamur: Dominus Walther Artis palæstricæ in exercitiis Colbergensibus Magister, ex inordinatâ diætâ phthifin contraxerat, ita, ut per semestre domo non egressus, tandem per aliquot septimanas lecto affixus & hæcticâ consumptus, ab aliis morti destinatus & derelictus esset, nec tantum etiam purulentam & sanguinolentam materiam, sed etiam venularum capillamentis conspicuam expectorabat, sudore nocturno difflebat, & vix ossibus hærebat, idcirco etiam ludo illi gymnico alius, Dn. Daber, affinis meus præficiébatur, qui strenuè adhuc hoc fungitur officio. Vocatus igitur ego, nil nisi lactis curam superesse monebam: ille vitæ avidus morem gessit; idcirco præcepi, ut nil nisi lacte vaccino, Conservâ rosarum diluto, & intrito pane triticeo vesceretur. Difficulter asvescere huic ferculo potuit, perque vomitum aliquoties id reddebat. Verum id non ampliùs affatim, sed cochlearis quantitate paulatim assumendo dehinc asvescere didicit, ut post quatuor menses se illius usu abdicare amplius non potuerit. Huic diætæ præscripsi pulverem Haly recenter confectum, pro lubitu in die aliquoties usurpandum, cum Syrupò expectorante de jujubis, de liquiritia. His remediis hæctica & sudor nocturnus sensim desinere, somnus melior rediit, usque dum *ἑσπέρη* Athleticum per DEI gratiam habitum rursus acquisiverit, hoc tempore Capitaneus Electoralis Brandenburgicus constitutus, meritissimus.

Hujus Patientis reconvalescencia sicut plurimis hîcce Colbergæ nota; Ita potissimum & ipsi Pharmacopœo, à quo ultra 20. libras Conservæ rosarum ad quotidianum usum obtinuit, satis cognita fuit.

Alterum exemplum curæ lactis est Dominus Capitaneus de Quitzo, qui Stargardiæ eodem modo ad 8. Septimanas tractatus, postea diu adhuc curam lactis continuavit; atque in hac



curâ ultra triginta libras Conserv. Rosarum consumsit, quotidie ejus usum continuans. Hæc si non suffecerint, tria adhuc possem addere exempla: nec proinde video, cur quidam Conservam Rosarum adeò reformident: Experientia certè omnem debet dirimere litem. At verò per tot secula Conservâ Rosarum multos curatos fuisse ægrotos, probatum est. Videatur *Avicenna l. 3. fen. 10. tr. 5. c. 6. Mesues C. de phthisi, Valescus de Taranta l. 3. c. 11. Valeriola l. 5. obs. 5. Crato in Consiliis. Mont. 152. Forestus l. 16. obs. 58.* Et inter Recentiores *Riverrius cap. de phthisi* dicit, sibi pharmacopœum phthificum notum, ingentem sacchari Rosacei quantitatem sibi ipsi præparantem, idque perpetuò comedentem hoc solo remedio sanatum fuisse. His allatis ipsa nostra experientia adstipulatur, nempe, quòd ego ante aliquot annos hecticâ ex apostemate Mesenterii per integrum annum detentus, nec hypocausto egressus, ita ut vix ossa, carne denudatâ cutis tegeret, uti Dominis meis Patronis optimè notum, & solâ Conservâ Rosarum & ptisanâ hordeacea loco lactis, intrito simul pane triticeo, per DEI gratiam sanatus sim, per aliquot menses hoc solo victu utens.

Nec illorum ratio mihi satisfacit, qui in Saccharo acidum inesse proferunt: ergò Saccharum Rosarum in phthisi; quia aciditas hunc affectum fovet, non esse adhibendum. Ut jam, misso brevitatis gratiâ posteriore, ad prius saltem respondeam; in Saccharo est acidum, ergo Saccharum ipsum est acidum, non valere, ajo consequentiam; & impugnare manifestum gustûs sensum; quin ad coagulationem lactis in ventriculo prohibendam additur Saccharum, quod sanè, si actua-lem haberet aciditatem, præstare non posset. Nec etiam sequitur, in quocunque est acidum, illud in phthisi non est admittendum: Sed in sulphure est acidum, acidus quippe Spiritus. Ergò. At *Crato* ait in *Consil. p. m. 227. in fol.* ad consolidationem ulceris nihil præparato seu sublimato Sulphure utilius:

utilius: & *Quercetanus*, flores Sulphuris magni in affectibus pulmonum facit. Præterea nulla est Consequentia, in lacte est acidum; ergò lac non conducit phthisi. Est enim acidum ex aliqua re vel in destillatione per novam genesin. Ita enim *Helmont. l. de arb. vite p. n. 798.* Eò, quòd illa sit ignis proprietates, non quidem simpliciter separare, sed propria authoritate sub se alterare & commutare, &c. Vel per principiorum dissolutionem, quando mistum in sua principia resolvitur. Iccircò, quamdiu acidum in suo misto est tanquam principium vel copula connectens reliqua principia, nequaquam officit phthisicis, nam hoc modo in saccharo à partibus oleosis & sulphureis atque contrariis particulis ita acidum est ligatum, temperatum & combinatum, ut nequaquam obesse possit; sed, ut totum mixtum cum suis principiis in ventriculo, non ut in retorta per principiorum resolutionem; sed per novam mutationem, & alterius formæ introductionem in Chylum cum aliis cibus convertatur; & tantùm abest, ut in aciditatem degeneret, ut potius in calidioribus naturis in bilem abeat, uti *Sennert. in Instit. l. 4. p. 1. c. 3.* rectè sentit. Prævalent enim in saccharo oleosæ & sulphureæ partes. Et si ista ratio quid ponderis haberet, nullum cibum homo sine detrimento capere posset; nam nullum datur mistum in cibus, in quo hoc principium acidum non sit: prohiberetur panis quotidianus, qui per fermentum acidum fermentatur: & idcircò quàm plurimis particulis acidis constat, tolleretur: Sal culinare, quod egregium spiritum acidum continet, sine quo tamen neque pisces, neque caro sine sanitatis detrimento assumi possunt, neque ritè digeri, ita ut certè acidum, quatenus in misto est, sit necessarium requisitum in coctione, digestionem, & nutritionem hominis, & idcircò in saccharo tanquam misto, quatenus inter alimenta cum discretionem usurpatur, non est rejiciendum, nempe, ut condimentum; & fides illis magis est habenda, qui ex professo de aliquâ re tractant, nam ita *Angelus Sala in tract. de*



*saccharo*: quod sit condimentum cuilibet ætati & sexui conveniens. Et *Joh. Bapt. Porta l. 5. phytogn.* scribit: Sic igitur familiare saccharum vitam prolongare cupientibus, quia nec cibum, nec humores in ventre putrefieri permittit. Ex eo solo ingentia vulnera sanari vidimus. Cur igitur saccharum è curâ phthiſeos rejiciendum, cum sit optimum detergens, expectorans, putredinem corrigens, & externè etiam vulnera sanans; & eò magis conducit, quoniam Rosis, tanquam cordiali ejus sulphureitas est correctâ, ut inde duplex medicamentum factum, & hæcticæ refrigerando resistat. Ego in longâ mea praxi nunquam aciditatem eructantem, sed potius suavem dulcedinem & sputum ex eo dulce alteratum, & labra quasi glutine illita deprehendi.

Sed ut Saccharum, seu medicamentum porrò considerem, dico cum *Tackio cap. de saccharo*; si sulphur commune tantâ superbit majestate, totque gaudet honorum titulis, præsertim à Chymicis in phthiſi curandâ; quid dicetur obsecro de purissimo aliquo Naturæ sulphure, saccharo nimirum, quod longè transcendit sulphur commune, &c. & totum postea φλόγισον seu inflammabile instar sulphuris communis, quod toties pharmacopœi experiuntur, quotiescunque potentiori igne quàm par est, illud coquunt.

Interdum etiam acidâ actualia, ad promovendam coctionem in corpore requiruntur, vid. *Tackium in Chrysog. anim. & min. p. 33.* Hinc experientissimus *D. Grimmerius*, Practicus in India felicissimus in *compendio Medio-Chymico* utilissimo, ubi theſes suas mox observationibus & experienciâ probat, sæpius spiritu acido salis Armoniaci utitur, in inappetentiâ, calculo, ictero, & aliis morbis, quàm urinoso. Moderatum igitur acidum ut sit in corpore, necesse est; hinc malè sibi consulunt, qui sine ratione & judicio Medici Sal volatile singulis diebus affatim ingurgitant, saltem, quia jam ita moris est. Observavit enim accuratissimus *Wedelius* appetitum dejectum, lassitudi-

tudinem membrorum & torporem ex continuo ejus usu excitatum, c. 10. de usu Salium volatiliū: Consentit Ettmüllerus. Deficiente enim tali moderato acido Tackius ad incitas fermè redactus, solius aceti & ovorum esu pristinum habitum recuperavit, uti ipse fatetur in *Chrysogonia sua*.

Verùm quò dilabor? hoc tantùm dico; Conservam ro-sarum antiquā dignitate quam experientia acquisivit firmam, adhuc ratione & experientiā persistere; & de dignitate sacchari concludo cum Tackio prælaudato, qui sufficienter ad argumenta *Helmontii* saccharum eludentis in *tripl. phas. sophico, tract. de auro, sacch. & quint. essent. vini* respondit p. m. 25. O ergo cœlestem planè sacchari naturam! ô sulphur inæstimabile! Admiror fœcundam divitemque Naturam, quæ te in lucem edidit: Adoro Creatorem Summum, qui non infimum tibi inter tot creaturas assignavit locum. Si scirent mortales sacchari vires &c. Sed hîc tacere præstat.

### SCHOLIUM.

**E**ffectum curæ hujus ipsemet etiam hoc tempore, quo prelo committere observationem hanc animus est, in puero octenni, catarrhis aliàs & ulceribus capitis obnoxio, expertus sum; in quo, postquam morbillis, epidemicè apud nos grassantibus, laboraverat, iisque usu pulveris rubei Pannonici (quem tanquam Panaceam nostri quibusvis ferè puerilibus in morbis absque discrimine propinant, quod etiam noster quondam Poliater non incelebris, *Phil. Höchstetterus dec. 5. obser. med. cas. 9.* observavit,) Parentes ei remedium paraverant, tussis tamen, certus morbillorum comes, cùm non recederet, sed indies potiùs incrementum sumeret, tandem in consilium vocatus, ipsam jam adesse phthisin cognovi; cui equidem variis remediis obviam ire haud destiti, nullo tamen vel exiguo cum successu, tussi non tantùm continuâ ægrotum atrociter diu noctuque, cum copiosa materiæ purulentæ expectoratione,



infestante, calore hectico vires depascente, adpetitu prostrato, sudoribusque largis corpusculum vix ossibus hærens planè enervantibus. Tandem lacteam hanc curam persuasi; unde cum matutinis & pomeridianis horis caprini lactis haustum adsumeret, interposito conservæ rosarum rubrarum, pulveris nostri anonymi dicti, & nocturno tempore aliquot guttularum Tincturæ antiphthificæ cum guttulis paucis Laudani cydoniati non inspissati permixtæ usu, post aliquot elapsas septimanas in meliorem statum morbus commutari cepit, ita ut nunc planè restitutus vivat & pancraticè valeat. Qualem etiam laudabilem successum ab usu lactis caprini & conservæ rosar. rubr. Exc. D. D. Georg. Tob. Dürr, &c. Collega meus honorandus, ob curam hanc itidem in consilium vocatus, in femina non ita pridem vidisse se, testatus fuerat.

(L. Schröck, L. F.)

## OBSERVATIO X.

D. DANIELIS CRÜGERI

De

Infania per venæsectionem tricies repetitam curatâ.

D. II. A. V. 6152  
p. 95

**I**N Melancholicis totum sanguinem malè dispositum & à naturali statu planè dejectum, sæpius ex venæsectione patet, aliquando enim est planè grumofus, uti conspexi in matronâ dignitate maximè conspicuâ, cui, cum vena secaretur, sanguis planè subsistebat, etiamsi foramen satis amplum phlebotomo inflicto esset, ita ut adhibitis frictionibus venarum, concretus pisorum instar profiliret, hinc in melancholicis non tam propter quantitatem quàm qualitatem, sanguis est mittendus, ut eò melius circuletur & ille qui in venis minutissimis crassus subsistit agitetur. Utinam mesaraicæ venæ ita pro lubitu

bitu evacuari possent, magnum aliquando exinde resultaret commodum, quemadmodum naturam interdum facere videmus per hæmorrhoides, unde postea melancholia curatur, uti testatur *Hipp. aphor. 11. sect. 6.* Verùm ut ad majores venas revertamur, ex illis aliquando sanguis admodum niger educitur, qualis igitur sanguis talis sanitas: si igitur niger sanguis, tenebricosi, impuri & crassi Spiritus inde emergunt; quales spiritus, talis ratiocinatio; anima enim quamdiu in corpore est, spiritibus utitur claris & lucidis: esse autem reverà lucem in corpore nostro & flammam vitalem cordis, lumen per totum corpus spargentem, manifestâ demonstratione probavit Excell. *Balduinus in append. anni 1. decur. 2.* sphærulâ aliquâ ori insertâ lucente de collo inter mammas appensâ: hinc melancholici propter spirituum tenebricositatem tenebras amant; uti *Wirdig. lib. 1. med. spir.* asserit. Quemadmodum enim atramentum, quando coquitur, nigrum effumat halitum, sic & sanguis fervens nigricantes generat spiritus. Sanguinem hunc crassum, nigricantem si quis sensim alterare tentat, sæpius finem non obtinet propositum. Sanguis enim hic se habet instar ampullæ acetariæ, ubi quando sensim liquor affunditur, & is in acetum degenerat. Melius res per venæsectionem succedit, ibi enim ampulla hæc repetitis venæsectionibus citius & immediatè exhauritur, quod & exemplum præsens, experientiam *Plateri* confirmans, evincit:

Capitaneus quidam, è Galliâ redux, subito corripitur melancholiâ & dementiâ, & licet per 8. septimanas à Medicis tractatus, morbus tamen in deterius vergebat, ita ut præludia maniae animadverterem, venæsectionem (quæ hætenus ommissa erat) adhibendam esse censui, itaque conspecto primâ vice sanguine nigriore, & quoad consistentiam tam crassam, ut scalpelli acie portari posset, postquam concretus erat frigiditate, hinc conclusi, si possibile esset, ut totus sanguis unâ vice extraheretur, & alius bonus infunderetur, sanitatem citò acquiri posse.



ri posse. Tentavi igitur, vincto patiente, alternis diebus ejus detractionem, mox in dextro mox sinistro brachio, hinc in dextro & post in sinistro pede, tandem venam frontis, & hunc ordinem repetii usque dum tricies sanguis missus esset. Et quemadmodum sanguis sensim in curatione melior prodiit, ita ut tandem roseus in conspectum veniret, nec ulterius scalpelli manubrio portari posset, sic sanitas & rationis usus sensim redierunt. Singulis vicibus ad minimum ℥iiij. sanguinis educæ vel plus secundum tolerantiam, ad summum ℥vj. vel ℥viiij. ab initio, progressu temporis bis in septimanâ repetita est venæsectio. Interjectis diebus vinum chalybeatum laxativum cum specificis antimelancholicis adhibuit. Chalybs enim secundum *Jul. Cæsar. Claudinum* alexipharmacum melancholici humoris, secundum *Zacut. Lusitanum* Panacea cachexiarum, secundum *Etmullerum* optimum melancholiæ digestivum dicitur, & secundum meum judicium optimum humoris melancholici expulsum, quoniam ipsius vitriolum seu sal per urinam & alvum crassos & feculentos humores deturbat. Duo adhuc exempla adducere possem, si opus esset, alteri tamen ex his venæ ceu varicosæ in pedibus intumuerant, quas singulis diebus sensim aperiri curavi, & inde sanatus est: Sæpe admiratus sum, quosdam solis primis qualitatibus morbos explicare. Quidam solum acidum in Melancholia accusant, atque meris salibus alcalibus curationem instituunt, verum quoniam hic in Pomerania tum civici ordinis, tum præcipuè Rustici sæpissimè ad saturitatem se brassicâ muriaticâ sat acidâ replent, mirum cur nemo inde unquam spleneticus vel Melancholicus fiat; Vah! quàm magna quantitas salis alcalini ad absorbendum hoc acidum hîc esset necessaria; sed sæpissimè morbus hic ex alia causâ oritur, ut in Capitaneo nostro ex peregrinatione continuâ æstivâ, deflagratis scilicet partibus sanguinis spirituosioribus, & in vappam quasi vergente sanguine, & valdè à naturali statu alterato; neque hoc sufficit, siquidem  
fodales

foedales ipsius incolumes revertebantur, sed dispositio specifica ad introducendum hunc & non alium affectum requiritur. Hinc *Bierlingius* recte dicit: habet humor iste occultioris quid in se, quod & Veteres agnoverunt, & horrenda & mirabilia effecta id ipsum arguunt. Sed ut hoc cum *Sennerto* l. 1. p. 2. c. 8. addam, qualis illa dispositio præternaturalis sit, facile explicari non potest. Hinc ut cum Practico meo veterano, Clariss. *Thonero* *Observ. 1. lib. 2. de convulsionibus epilept.* concludam, τὸ αἴμα & vim occultam in morbis pauci respiciunt, solis purgantibus & obstructions referantibus cunctos morbos propulsare in cassum annitentes. Hinc quoniam plurimi morbi specificâ formâ præditi sunt: Ita etiam & medicamentis totâ substantiâ specificâ agentibus (ut ajunt) evertendos esse existimo.

### SCHOLIUM.

**J**oh. Bapt. *Tavernier* de Nosocomio in Goa Indiæ Orient. urbe celeberrimâ verba faciens, potiozem Europæorum partem in eo ob exiguam, quæ tum temporis, quo ipse ibidem versabatur, ægrotis adhibebatur, curam emori contigisse l. 1. Itin. Ind. c. 13. memorat, mox sequentia subjungens: Non ita dudum remedium est inventum, quo aliquibus vita servatur; per frequentem nempe venæsectionem, quæ, prout necessitas id exigat, tricies vel quadragies, imò tamdiu repetitur, quousque sanguis depravatus exire deprehenditur; quale quid etiam mihi ipsi in Suratte contigit; quamprimùm verò sanguis hic morbosus, qui instar puris apparet, est evacuatus, ægrotus extra periculum versatur.

Tale quid præcipuis inter Agyrtas Chirurgis in usu esse solet, quòd furiosis ejusmodi hominibus, loris sive catenis benè vinctis, vi ori diducto, infundant infusum ex helleboro albo præparatum, cui Syr. ex croco metallorum catholicum admiscant, ut vomitionem apud illos cieant. Quâ advenien-

Dec. II. Annus IV.

E

re unam,



te unam, & alteram interdum venam, vomitu etiam nunc durante, incidunt, copioseque sanguinem effluere permittunt. Exinde maniaci mitiores reddi incipiunt, ut mollius deinde tractari queant. Porro continuant venæsectiones quotidie, donec istam compeſcant ferociam, sanæque restituantur menti ejusmodi ægroti, quod toties observavi. Tali quippe ratione spiritus in sanguine vitalis, ab astris fortè incensus, nimiumque in cerebro insolescens domari & refrenari commode potest. Sed hæc cura in morbi hujus principio suo non carebit effectu.

(*Helianthus.*)

OBSERVATIO XI.  
D. DANIELIS CRÜGERI

De

Sanguine verbis recitatis suppresso,  
sed malo exitu.

**Q**Uoniam ex officio multoties occisorum corpora visitavi, duo admiranda exempla observavi, quæ notanda duxi. Nobilis quidam capitali odio à vicino ejusque rusticis dissidebat, tandem in domum Rustici hastatus irruens, cum hospitem ut hostem vi adoriretur, Rusticus tridente, quo vitam sustentabat, vitam etiam defendebat, nobilisque collum appetebat, atque dente altero vertebam colli secundam *ἐπιστομὴν* dictam tetigit; sanguinem inde largissimè fluentem, vetula quædam accurrens, recitatis quibusdam verbis suppressit. Chirurgus accitus turundam digestivo consueto illitam applicat, sed semper sanguine atro tinctam sine pure extrahit, vocatus & ego hæc cum admiratione considero. Præcipuè quòd sanguis quidem extra vulnus non profiliebat, sic enim incantatrix finem suum obtinebat: at eà  
ratione

ratione oscula venarum non erant occlusa, quæ lege naturali Chirurgus pulvere constringente vel aliâ ratione obturare potuerat, sed sanguis extravasatus cutem circa collum & totum brachium dextrum & digitos suffundebat rubro colore, degenerante sensim in flavum, fuscum, lividum, & tandem carbonis instar nigrum. Nobilis hic primis diebus obambulabat, sed 5. die accedente febre decumbebat, & septimo accedentibus convulsionibus & delirio, nec non brachii gangrænâ, decimo, mortuus est. Post apertionem sanguis circa collum planè grumofus & corruptus conspiciebatur, unde febris & convulsionibus ortæ, & tandem mors.

Alterum exemplum, vidi in Ancilla in diœcesi Treptovienfi; Quæ dum à servo quodam, cultro in abdomen adacto, sauciata erat; eodem modo per incantationem à vetula tractata, & suppresso sanguine indeque turgesciente abdomine, & obortâ putredine, undecimo die mortua est. Hinc patet, vulnus, etiamsi aliquando per se non sit lethale, inordinatâ tamen sanguinis suppressione, accedente simul malignâ qualitate, fieri posse lethale, talesque sagas tum potissimum ut homicidas esse respiciendas,

### SCHOLIUM.

**F**ELICIORI successu tentatam hæmorrhagiæ narium curam magicam, inscribendo nempe cum sanguine ægroti, fronti ejus literas has: OIPULU, frontemque dein obligando, memorat in *Chirurg. parv. tract. 2. Johann. Agricola*; quam licet defendere à superstitionis labe aliquo modo quis laboraverit, ad sensum tamen plenarium à Medico Christiano haud facile impetraturus est. De curatione Homerica, itidem superstitionis rea, quâ sanguinem carminibus certis & verbis sisti posse, antiquitus fuit creditum, agit Cl. *Dan. Georg. Morhofius diff. de scyph. vitr. &c. cap. 17.*

(L. Schröck. L. F.)



OBSERVATIO XII.  
D. DANIELIS CRÜGERI*De*  
Cryſtallo foſſili, vero Arſenici An-  
tidoto.

**S**tudioſus quidam, Præceptor vicini mei à Steinbach in pago noſtro Pegelo præſervationis gratia ſudationem intendit, & idcirco in reſoſitorio quodam fruſtum arſenici albi apprehendit, exiſtimans eſſe Cornu Cervi, Hoſpes arſenicum hoc pro callis equorum abſumendis recon- diderat. Aſſumta igitur ʒj. arſenici pulveriſati, incidit in horrenda ſymptomata, vomitum, dysenteriam, ſummum ventris cruciatum, convulſiones, epileſiam. Pagus hic milliare diſtabat Stargardiâ; miſſo igitur curru, & egregio ſcilicet hoc medicamento, quod ex pondere minerale eſſe atque arſenicum cum Pharmacopolâ mox cognoscebam, non diu cun- ctandum, ſed inſtructis medicamentis neceſſariis properan- dum exiſtimavi. Quatuor tamen horæ elapſæ erant ante- quam neceſſaria medicamenta exhiberi poſſent, Accedens igitur ægrotum in ſummis anguſtiis & prædictis ſymptomatibus ſtipatum, quoniam ſatis vomuerat, vomitoria non dedi, ſed Cryſtalli foſſilis ʒiiij. exhibui, certè cum ſubitaneo auxilio, imò poſt horam iterum ʒj. cryſtalli dedi, & hoc remedium poſt 2. & 3. horas iteravi, propter ſitim verò inexhauſtam, nihil niſi lac vaccinum conceſſi, emulſionem tamen pinearum per vices etiam hauriebat, aliquando etiam lapid. bezoar gr. XV. interjiciebam & theriacam, & quoniam venenum nervos ag- grediebatur, & patiens reſolutis nervis ingredi non valeret, ex- hibitâ theriacâ & pulvere Cæſaris rubeo manè & veſperi cor- pus ad ſudorem diſpoſui, & ita tandem poſt 4. ſeptimanas, Dei auxilio & meâ induſtriâ, ſalvatus eſt. Similiter & vocatus ſum  
ad mu-

ad mulierem quandam Stargardiæ, dum Dicaſterium Electorale ibidem ſuſtineret, quæ poculum Aquæ arſenicalis, quâ muſcæ æſtivo tempore interficiuntur, ex errore pronunciationis pro aqua ſambuci emerat, geſſit im ſlegenwater / pro ſlederwater Idiomate Pomeranico dixerat. Hâc methodo hanc per Dei gratiam reſtitui, quoniam mox accurrebam, ſtatim 3vj. butyri liquati tepidi porrexi, hinc poſt moram butyrum planè nigrum vomitu reddebatur, deinde cryſtallum foſſilem ſumſit, lac bibit, & ſumtâ theriacâ ſudavit, ac alterâ die ſana prodit.

Idcirco nihil eſt, quod Crato ſcribat, Cryſtalli uſum non eſſe tutum, cum ego multoties cum fructu eam adhibeam; non pridem filia Conſiliarii Buchii motibus convulſivis ventriculi horrendis, ſingultuoſis, ſingulis diebus circa veſperam corripiebatur, exhibui oc. cancr. præp. & lapid. percar. ana 3ß. aliquoties, & alia remedia, ſed his nihil juvantibus, Rec. Cryſtall. foſſilis 3ß. Smaragd. præp. gr. vij. primâ vice remiſit & tertiâ exhibitione planè intermiſit. Filio Domini à Thun 40. Septimanarum adhuc lætenti exhibui hunc pulverem in Epilepſia: Recip. Cryſtalli foſſil. ſmaragd. præp. ana 3ß. margar. or. præp. gran. v. corall. rubr. præp. gran. iij. præſenti auxilio. Imò Blücherianæ ſoboli per multos dies talem pulverem in epilepſia dedi, & pluribus aliis, qui omnes adhuc ſani degunt. Et in dyſenteria hîc olim graſſante cryſtalli & ſmaragdi uſum proficuum expertus ſum. Unicum adhuc de erodente arſenici qualitate adjiciam: Mulier Treptovienſis pro cruſtâ tineæ ſobolis removendâ adſpergit pulverem Arſenici, verùm unâ operâ poſtea Chirurgus & cruſtam & ſubjectum cranium quaſi exciſum aufert, uti ipſe Chirurgus *Ludovicus Müller*, teſtatur eſt; puer hîc duodecim annorum bis (ex arſenico illo tineæ conſperſo) epilepſiâ correptus eſt, tandem tamen ſanatus. Alius quidam pulverem arſenici & oxy. roceum anaticâ proportionem mixtum clavis pedum imponebat & cla-



vos multos uxoris extrahebat hocque pro arcano commendabat, ego timidior sum, quàm ut hoc tentem.

### SCHOLIUM.

Quàm malitiosum in arsenico lateat venenum, tot lugubria exempla passim loquuntur; id verò in acrimonia quadam corrosiva & sanguinem corrumpente consistere, non minùs certum est. Hinc arsenicum venena inter acria & salibus abundantia refert celeb. *D. Simon Paulli digress. de febb. §. 26.* quæ insigniter sanguinis circulationem turbare & impedire solent, *sanguinis nimirum temperie corruptâ penitus inter necinâ corruptione.* Hinc ad mercurii sublimati naturam accedere, *cap. 23. de purgant.* innuit Nob. *D. Joh. Nicol. Pechlinus,* esseque ex mercurio partim, partim alio metallo & sale caustico, oleoque inflammabili conflatum; cujus venenatum principium in acido sit quærendum; & hunc acorem corrosivum non minùs agnoscit *Beat. D. Mich. Ettmüllerus in Med. Hippocr.* Ipse etiam ex antiquioribus *Dioscorides lib. 6. de nat. med. cap. 29.* calcem, sandaracham, & arsenicum epota, alvum & intestina cum vehementi erosione excruciare tradidit. Id quod non minùs in corporibus ab eodem neci datis subsequa anatome confirmat; prout stomachum ancillæ, quæ volens biberat arsenicum, perforatum vidisse se, *Joh. Bapt. Helmontius tract. tumul. pest.* & corrosos ab eodem aliorum stomachos *Henricus ab Heer Observ. 16.* testantur; idem totus lividus in puella eo necata comparuit, è quo inciso sanguis nigricans proruperit, apud *Clar. Pythagoram & Pænem in exercit. anat. med. 41.* ejusdem corrosionem cum inflammatione & venis sanguineurgentibus in alio observavit *Henr. Salmuth cent. 1. Observ. 10.* & *Joh. Faber* in canis ventriculo rugas ac veluti vibices sanguine atro subductos conspexit, uti refert in *exposit. ad N. A. Recchum pag. 475.* sanguinem quoque coagulatum in muribus veneno hoc enecatis recenset *Anton. ab Heyde Observ. med. 48.* nullo utpote

pote ſanguine inter diſſecandum vasis effluente. Hinc facile jam adparet, qualis cura veneno huic adſumto debeat; ſcilicet, quod conſilium eſt præfati *Dioſcoridis*, præbenda cuncta, quæ ſuo admiftu illius acrimoniæ habetant, ac ſolvunt, & facilem lubricamque alvum reddunt. Idcirco præſtantiffimum antidotum, ut ejus Scholiaſtis, *Petr. Andr. Matthioli* verbis utar, cenſetur foſſile cryſtallum, in tenuiſſimum pulverem contritum, drachmæ pondere ex dulci amygdalino oleo potum. Pariter *Ebeſina*, poſt vomitum frequentem lactis potum, mucilagines, viſcoſa & unctuoſa *libr. 4. ſen. 6. tr. 1. cap. 9.* commendat. Sic lactis uſum ſalutarem in hujusmodi intoxicatis expertus eſt *Petr. Borellus cent. 4. obſ. 19.* copioſo lactis bubuli potu multos veneno hoc infectos liberâſſe, *Joh. Bapt. Montanum*, ex ejus *Conſil. med. 367.* conſtat. Coërcent autem pingua hæc venenum illud, ubi prælaudatus *Ettmüllerus* diſſerit, quatenus acoris corroſiva obtundunt & quaſi inviſcant aculeos; cryſtallus verò, quia acidum abſorbet, iſtudque, dum infervit pro corroſione, concentrat, quò minùs corpori nocere queat. Ex quo patet, quàm ſæpe antidoti contra venenum hoc deprædicentur ab agyrtis, varias fraudes idcirco ad decipiendam plebem in veneno hoc deglutiendo nefariè committentibus, quæ talas revera haud exiſtunt; & quàm genuinum ſit judicium *Jacob. Primerofii, lib. 1. de vulg. in medic. errorib. cap. 7.* hauſtum videlicet lactis vaccini adverſus arſenicum & mercurium ſublimum plus præſtare, quàm omnia agyrtarum antidota.

(*L. Schröck. L. F.*).

OBSER.



OBSERVATIO XIII.  
D. DANIELIS CRÜGERI,

De

## Tumore cum pediculis.

**L**Anarius, qui lanæ carminatæ texturæ operam dabat, & jam per biennium pauper ac morbosus, manuum pedumque impotentia laborans decubuerat, conquestus est de dolore & tumore dorsi inter scapulas, steatomatis instar concreto, ovi columbini magnitudine, & pruritu vehementer lacescente, ita ut dies noctesque lamentando consumens, Chirurgum, *Nicolaum Matthia*, ad tumorem hunc aperiendum instigaret. Qui desiderio patientis tandem annuens, An. 1679. d. 12. Augusti putatitium apostema, sive cutem tenuem admodum & rubicundam discindit, sed ecce conditorium pediculis albis, parvis pariter & magnis, plenum offendit, quibus exemptis, & vulnere consolidato, patiens melius habuit.

## SCHOLIUM.

**V**esiculas pediculorum plenas internè ventriculo adfixas, in cadavere humano deprehensas *Joh. Heurnius cap. 6. de morb. capit.* & strumam in collo, fortuito ense vulneratam, pediculis vivis refertam memorat *Petr. Forestus in schol. observ. 15. lib. 8.* ubi & pictoris juvenis atque puellæ gibbosæ casum refert, illi nempe, cum totum dorsum enormem pruritus sentiret, Medicique consilio, ad ignem denudato dorso sederet, vesiculas fuisse excitatas, in quibus apertis pediculi innumeri fuerint inventi; hanc verò, cum ibidem maximo pruritu in gibbo torqueretur, inciso eo, abscessum comparuisse pediculis plenum. Notari etiam meretur observatio *Petri Borelli*, quam

cent. 1.

cent. 1. hist. med. 20. habet de satellite, qui post morbum chronicum convalescens, vesicis per totum corpus scatuit, quasi ab admoto vesicante remedio universali, è quibus apertis parvi pediculi innumeri exire visi sunt. Qua ratione verò tumores hi generentur, non adeo patet; siquidem ex corruptione sanguinis aliorumvè humorum corpuscula ista organica, viva, affabrè ex variis partibus composita, & sibi invicem etiam similia oriri, vix est credibile, præcipuè cùm & ipsos pediculos ex oculis pronasci, Cl. *Francisc. Redus de gener. insect. p. m. 312. & 313.* probatum dederit. Unde ex seminio proprio in peripheriam corporis delato prodire, verisimiliùs adstruitur, sive jam animalcula illa cuticulam & cutem perfodientia, in vulnuscule inflicto, quod ab exsudante è vasculis hiantibus glutinoso alimentario succo dein iterum consolidatur, hospitium sibi quæsierint, aut ovula fœcunda ibidem deposuerint; sive etiam hæc ipsa ovula cum cibis deglutita, inque vasa chyliifera & sanguifera suscepta, unà cum alimentali sanguine illuc delata, ibique exclusa fuerint; præsertim cùm viventia pleraque, si non omnia, quod suspicatur prælaudatus *Redus p. 314.* molestis hisce sordibus subjecta sint, ita ut in minutioribus etiam deprehendantur; quod de Scarabæis *Moufetus*, & de formicis *Redus* testantur, & mihi ipsi in vulgaribus nostris muscis minutissimum tale insectorum genus, celeri cursu ventrem earum pererrans, multoties per microscopium fuit visum; unde si non ab homine, ab ejusmodi tamen animalibus, quæ vel in cibum veniunt, vel sordes suas eidem &c. inspergunt, talismodi foetus corpori nostro inferri, & inibi hospitari poterunt.

(*L. Schröck. L. F.*)



OBSERVATIO XIV.  
D. DANIELIS CRÜGERI,  
*De.*  
Vidua ducentos calculos excernente.

**S**Ocrus mea, Matrona 60. annorum, incidit in suppressionem urinæ totalem A. 1683. concomitantibus doloribus nephriticis acutissimis, cum ejulatu. Dedi primò ʒj. Tartari Vitriolati, post duas horas sensim Elyxyr Juniperi ʒj. cum ʒß. Spirit. terebinthinæ, exteriùs cataplasmata & unguenta, hinc sensim prodiit urina cum calculis rotundis, formâ & magnitudine pisorum, interdum iterum subsistebat urina, unde ordinavi succi citri ʒij. cum vini Rhenani ʒvj. & sirup. violar. sicque prodiit urina cum calculis; post consului vinum alkekengi: ʀ. ʒij. baccar. alkekeng. affunde sensim ʒij. vel q. s. vini Rhenani, terantur ut arilli in pulverem abeant, colaturæ adde rob cynosbati ʒj. sirup. fragor. ʒij. calcinati salis q. s. ad acorem, Mirum quantoperè conduxit hoc vinum. Deinde ʀ. radic. pimpinell. bardan. petroselin. an. ʒj. fol. parietar. chærefol. veronic an. Mj. baccar. juniper. ʒiß. cicer. rubr. ʒß. coq. in f. q. Franc. vini, colaturæ ʒij. adde sacchari q. s. bibat singulis diebus pro lubitu haustum aliquoties. His vulgaribus remediis continuatis singulis diebus ad minimum quindecim excrevit calculos, æquales, quasi in una forma fuissent compacti, magnitudine pisorum; excretionemque hanc tamdiu continuavit, usque dum numerum ducentessimum compleret, & nî remedia prædicta in usum adhiberet, urina mox cum calculis subsistebat. Urina cum tam viscosa pituita prodibat, ut fermè ulnis, uti in proverbio est, demetiri eam quis potuisset. Lapillos istos omnes tùm temporis ad D. D. Weissium &c. transmissi. Post semestrem spa-

stre spatium eodem parturiendi calculos conatu afficiebatur Matrona prædicta, iterumque eodem modo ducentos edidit lapillos, quos adhuc asservat, iisdemque remediis curata est, interjectis aliquando purgantibus. Colligi ex hac observatione potest, calculum in instanti generari posse in renibus, si quidem uno die ad minimum quindecim geniti sunt, fiuntque ex diversorum salium concursu, quemadmodum ex confusione olei tartari & calcinati vitrioli videmus fieri. Obiter hoc adjicio, in meipso valde proficuum invenisse me usum anisi in cervisia decocti, & cum butyro conditi, sed ad minimum 3ß. anisi in 1ßj. cerevisia sumsi, quod decoctum calidè hausi urgentibus doloribus. Operculum cochlearum bis in usum revocavi, remittentibus exinde doloribus, sed in lapidibus aselli Merlangi (Dorsch) idem expertus sum. Nam remedia ista ebullitionem in corpore sedant, & salia fermentantia præcipitant.

## OBSERVATIO XV.

D. DANIELIS CRÜGERI

*De*

## Plebeo quartanæ remedio.

**T**Abellarius Colbergensis, Martin. Spickermann à Matrona nobili ex pago Schönenwalde ad Concionatorem in Taber, medicinæ practicum tùm famosum, remedia contra quartanam petiit, missus, in via medicamenta tribus chartis inclusa cùm perdidisset, ab hospite suo adjutus, sequenti compositione jacturam resarcire studuit, permiscendo nimirum passerinum, gallinaceum & ovillum sterus, cum zingibere, alumine, alniq̃ue julis. Cujus mixturæ cochlear integrum postquam nobilis illa deglutiisset, purgata exin, convaleuit; reliquum à vicina ejus, hujusque filia itidem adsumtum, purgando & vomitum insuper movendo,

F 2

à febre



à febre tertiana easdem restituit. Quo percepto, tabellarius germano suo per idem remedium opem attulit.

### SCHOLIUM.

Quamvis in hac febrium cura, ægri in remedium fiducia, à famoso utpote dispensatore, uti credebatur, transmissum, maximam sanationis partem conferre potuerit, quod nempe in febribus hisce intermittentibus, ab imaginatione & confidentia sola profligatis, sæpius accidit: stercoribus tamen quanta in medendis humani corporis affectibus vis insit, tum ab aliis abunde jam est ostensum, tum non ita pridem in *Decadis hujus A.I. obs. 81.* etiam confirmatum. Inprimis verò passerinum, gallinaceum, & ovillum excrementum alvinum nitroso sale abundare constat; quod ipsum sal cum refrigerandi, incidendi, aperiendi, & purgandi quoque vi pollere communiter tradatur, ceu apud *Galenum diversis in locis*, nitrosa ad alvum dejiaciendam conducere, legimus, eoipso etiam vitiosos crassosq; humores incidendi, biliosos alterandi, atq; è corpore eliminandi, ac consequenter causam tollendo, febrem pariter domandi virtutem exferet. Ut de julis alni, quorum usus hucusque, quantum scio, in medicina nullus fuit, nec vires satis cognitæ, nihil dicam, quos tamen matris suæ indolem sequi, & alcalinâ suâ virtute, qua instar granatorum corticum & similium, nigrum colorem largitur, ad febrium curam momentum aliquod conferre haud est improbabile. Aluminis porrò vires antefebriles, præter *Hadrian. Mynsichtum*, cui cum sanguine draconis maritatum, sub nomine Aluminis tincti, in febribus, etiam in ipsa quartana, miranda præstare, in *Thes. med. chim.* dicitur, extollit *Joh. Hartmannus* in *prax. chimiatr.* illudque satis laudare se in quartana haud posse, fatetur; quo de consuli tamen pariter merentur *D. Mich. Ettmüllerus chim. lib. 1. cap. 11.* & *D. M. Charas. Pharm. reg. chim. lib. 2.*

cap. 19.

cap. 19. Quin & tandem Zingiber dum viscidos peccantes humores incidit, symbolum itidem aliquod tribuere potuit.

(*L. Schrösk. L. F.*)

OBSERVATIO XVI.

D. DANIELIS CRÜGERI,

*De*

Noxa inunctionis mercurialis.

**I**nunctiones mercuriales, juxta monitum Cl. *Sennerti lib. 6. Pract. med. part. 4. cap. 21.* non sine discrimine, seu magna cum cautione, in pueris præsertim tenerioribus adhibendas esse, etiamnum quotidiana docet experientia. Hoc enim præsentī die, Magistratus hujus loci rogatu, unā cum Chirurgo castrensi gemellos (puellum & puellam) dimidium annum natos, subito extinctos conspiciere & examinare licuit Collegæ meo honorandissimo, D. D. *Johanni Avenio*. Gemelli enim hi proximè præterito die Solis, tempore matutino, unguento ex butyro & mercurii vivi 3j. præter propter confecto, in inguinibus, dorsis & capitibus semel saltem fuerunt inuncti, atque eodem die, circa noctem horā octavā puellā obesior fraterculo suo natuque prior, puer verò subsequenti mane diei, nimirum Lunæ, è vita excefferunt, ambo convulsionibus epilepticis prius miserè excarnificati. Idem ferè non pridem in puero unius anni conspiciere licuit, quem Chirurgus cingulo mercuriali cinxerat, hinc revocatis intro aphthis, achoribus & favis capitis, faciei & corporis, in vitæ discrimen puer conjectus, vix convenientibus remediis expellentibus servabatur ex morbo gravissimo.

*Ex literis Colbergæ 5. Martii A. 1685. missis,  
ad D. D. Mentzelium.*



## SCHOLIUM.

**H**anc exitiosæ vel periculossæ inunctionis mercurialis historiam illustrent exempla quæ collegit beatus noster *D. Phil. Jac. Sachsus in schol. ad Dec. I. Ann. Eph. Curios. obs. 25.* exstant etiam alia in *An. I. obs. 80. Bald. Timæi respons. med. 43. Joh. Rhodii cent. 3. obs. med. 86.* Simile quoque, mox in principio praxeos meæ in filiolo filiolaque zythopœi cujusdam nostratis, Joh. Stegmanni, observavi, utroque ob scabiem à mercuriali unguento illito retrogredientem, in summam pectoris angustiam, totiusque corporis intumescuntiam præcipitato, quibus tamen, divinâ adjuvante gratiâ, aqua cardinalis sudorifera à me exhibita, præsentaneam opem attulit; quale periculum etiam sexennio abhinc tres filioli, P. A. Consul in vicina aliqua Baviaræ urbe, sed alia ex causa, subierunt; cum enim pediculis & tineâ in capite graviter essent adfecti, insperfo, ex aniculæ consilio, tabaci pulvere, omnes corpore toto & capite præsertim intumuerunt, inque difficilem respirationem cum virium prostratione inciderunt; quorum natu secundus, cum illuc vocatus, quamvis absque mora advenissem, jam vitâ excefferat, reliquis duobus à datis unâ alterâque vice cum Mithridatio Damocr. aliquot lapidis bezoardici orientalis granulis; paulò post, sudore excitato, priori sanitati restitutus.

(*L. Schröck, L. F.*)

**F**œmina quædam procuranda capitis scabie & profligandis pediculis tabaci vulgaris pulverem butyro permixtum tribus filiolis simul illinit, sed teneræ mox omnes in vertiginem & vomitiones enormes abripiuntur, æstuant, sudant, animo linquntur, idque per ipsum diem naturalem 24. scil. horarum, instar temulentarum trepidant, titubant, nauseant, quiete & syrupo de citro sæpius exhibito, refectæ.

(*Argonauta.*)

OBSER-

OBSERVATIO XVII.  
D. CHRISTIANI MENTZELII,  
*D<sup>o</sup>*  
Phthificis curatis.

**O**bservationibus in hoc Ephemeridum Tomo recensitis Cl. Dn. Crügeri, Collegæ mei in Pomerania vicini, de phthisi aliquoties curata, adungere visum est, quæ itidem mihi in praxi hoc in passu experta esse, jam incidunt. Recordor in phthificis carne emaciatis, sed vasis peramplis & sanguine turgidis cum calore p. n. adjuncto, non semel felici cum successu venæsectionem me adhibuisse, ubi phthisis incipiens quidem curata, inveterata verò cum juvamine ægrotantis manifestè ad aliquot annos protracta fuit. Sic in castris subinde evenisse novi, ut qui per pectus transversim gladio vel sclopeto fuerunt trajecti, nihilominus curati, vitam licet anhelè per multos annos traxerint, subinde nunc pus, nunc aliquid de substantia pulmonum, ossiumvé pectoris extussientes. Ita contigit, ut, cum in castris A. 1658. in Holsatia Ducem Generalem de Phuel, qui Legionibus Brandenburgicis præerat, febre ardente decumbentem curarem, is tussi molestissimâ, quam contraxerat (ut juratò affirmabat) tunc temporis ante 20. annos ex vulnere sclopeto per integrum pectus ei incertamine inflicto, & feliciter curato, festucam vel frustulum ex costarum aliqua sclopeto ei fracta ad dentes elideret, quod ex ore eximens mihi monstrabat, & talia subinde per 20. annos perpessum fuisse à dicto vulnere ajebat. Et cum acida phthificis rarò prosint & prohibeantur, accidit tamen, ut non rarò ea, moderata quidem, salutaria deprehendantur. Ita, missis certis medicamentis acidis, præcedente anno juxta fontem salutiferum Freienwaldensem occurrit mihi Ecclesiastes quidam ex pago ad Oderam sito Sachsendorff, vir 65. annum agens,  
Samuel.



Samuel Weitzman, qui à Medicis phthificus dijudicatus & derelictus, ex hoc fonte per aliquot dies hausto, sanitatem integrā recuperaverat, licet aquæ ejus sint semi-acidulæ, plurimum-que de ferri minera participant; cumque ejus relatione non essem contentus, quòd ejusmodi aquæ acidulæ à phthificis non sine vitæ discrimine soleant hauriri benè conscius, rogavi, ut ejus rei mihi testimonium suâ manu exhiberet, quod Seren. Electori transmitterem, actutum id præstitit. Quod ex

„ Germanico translatus paucissimis placet adjungere: Sub-

„ scriptus ego, Dei placito, ulcere pulmonum diu fui detentus,

„ attestantibus, quos consului, Medicis. Tussis igitur mole-

„ stissima cum respiratione difficili, & ejectione purulenta cum

„ nullis medicamentis cederet, contuli me ad filium meum

„ in pago Ramph prope Freienwaldiam commorantem, cui

„ affectus meus erat notissimus; hic mihi de mira fontis Frei-

„ enwaldensis in vicina existentis virtute & efficacia multa e-

„ numerabat, unde dictum factum, nos ambo ad fontem con-

„ tulimus, ex quo aquas bibimus, & aliquot vasa iisdem reple-

„ ta & obturata nobiscum reportavimus domum, ubi manè,

„ meridie, & vesperi circa noctem eas hausimus. Indè paullo

„ post per Dei gratiam levamen aliquod affectûs mei sensi, tussi

„ validâ & purulentâ ejectione indies decrementum sument-

„ bus donec intra sesqui-hebdomadam per Dei clementiam

„ ad pristinam & integram sanitatem redierim. Pro hoc de-

„ bitas Deo meo persolvo gratias, obnixè orans, ut Idem Di-

„ vinum Numen huic fonti ultiores virtutes velit largiri,

„ quò &c. &c. Dabam in Pago Ramph d. 26. Augusti st. v. Anno

„ Salutifero 1684. Samuel Weitzman, Pastor in pago Sachsen-

„ dorf, anno ætatis meæ 65. muneris verò Ecclesiastici mei

„ quadragesimo &c. Dixirim, Aquas has, cum non sint veræ acidulæ, aut plurimo vitriolo, nitro, sale, calce, sulphure, ferro, aliisque mineralibus imprægnatæ, sed ex limpido vivido fonte, pauculo sulphure & ferri qualitatibus constante, sca-

turien-

turientes, à phthificis, sed non omnibus, minùs periculose posse bibi. Sunt & aliæ causæ, quæ phthificos curam confirmare possint, Mediciq̃ue prudentiæ subministrantur.

[Berolino ad D. D. Volckamerum missa.]

OBSERVATIO XVIII.  
D. SAMUELIS LEDELII,

De

Cadavere ad quartum diem calido.

**S**udorem post mortem dedi *Observat. 83. Ann. III. Dec. I.* cui similem inseruit observationem Exc. D. *Frommann ejusd. Decur. Ann. VI. obs. 185.* Casus, quem jam describam, est oppidò rarus: Obibat hîc Grünebergæ ipso Nativitatis Christi die Anno 1684. Vir primarius, mediæ staturæ, succosus & optimæ naturæ, jam 72. annorum, vino adfuetus. Corripiebatur causode cum inflammatione & tumore pedum ac abdominis insigni, & nonus morbi dies ipsum morti tradebat. Ante obitum intestina gangrænosa in scrotum delapsa ita inficiebant eum, ut testiculi deciderent: membrum autem virile penitus disparuerat; quod an intra abdomen se receperit, an ut putridum natura segregaverit, & inter lecti excrementa latuerit, adstantes declarare nequibant. Corpus demortui pro more lavabant & in conclave frigidum (erat autem in nostris oris intensum frigus) recondebant. Circa vesperam domestici conclave ingressi tangunt corpus, exploraturi an obriguerit, (nostris quippe id superstitionis alentibus, ut, cadaver si non sit rigidum, plures consanguineos morte successuros credant,) & calidum inveniunt; secundo die iterum accedentes eundem calorem tum in abdomine tum in tergo observant; prout & tertio ac quarto die aliquis tepor tangentium manibus cùm se obtulisset, quinto demum die

*Dec. II. Annus IV.*

G

evanue-



evanuerat. Obibat novem abhinc annis Nobilis à L. marita suffocatione hystericâ ; cui cùm Pharmacopola nodulum laxantem cum manna dedisset in puerperio, ipsa ob dulcedinem mannæ statim fuerat correpta dicto morbo; cumque adstantes ejusdem iterationem urgerent, & ipsa, coacta licet, obsequeretur, malo aucto, spatio 24. horarum moriebatur. Ego accersitus, inveniebam omnia desperata, idque indicabam, beatâ analysi mox mox insequente. Summus calor totum urebat corpus, & tribus post mortem horis in capite adhuc calorem palpabam, qui tandem pedetentim desinebat cum rigore totius corporis.

### SCHOLIUM.

**U**Ti calor in corpore humano sæpe à putrescente aliquo humore, vel viscere exoritur, febrilem adfectum excitans: ita si eadem putredo aucta nimis continuetur in cadavere, non mirum est, exortum hinc calorem unâ perdurare. Idque eò magis accidet, si externus ambiens aër frigore suo particularum effervescentium vel fermentantium exhalationem impediat, sicque eas in cadaveris cavitatibus concentrando, majorem illis activitatem tribuat. Similem ad putredinem tendentium corporum calorem fœnum madidum, aliavé hujusmodi congesta æmulantur; qua ratione etiam equinum stercus, licet vitâ omni privatum, quamdiu calorem retineat, Chimici, quibus pro digestionem idcirco inservit, non ignorant. Quòd hydropici aliquando ad tertium usque post obitum diem caleant, Exc. D. *Franciscum de le Boë Sylvium* observâsse scio; quale quid & ipse unâ alterâque vice in cadaveribus deprehendi, ut non tantùm altero die post obitum anatomico cultro aperta, vaporem putrido fœtore ingratum adhuc manifestò ex abdo-

abdominis cavo emiserint, sed & superficies externa tangenti manui teporem ostenderit: Hinc Hystericæ, Apoplectici & Epileptici ea de causa seriùs terræ sunt mandandi. *Cam. l. 7. memor. p. 41. A.*

(*L. Schröck, L. F.*)

OBSERVATIO XIX.  
D. SAMUELIS LEDELII,

*De*

Ufu hirudinum in variis morbis.

**Q**Uod hirudines profuerint in cephalalgia & tumore linguæ, habet *observatio 9. Anni VI. Decad. I. Adjunge sis Rolfincii Ordin. & method. medic. special. commentat. pag. 405.* Mercator Grunbergensis, Papelbaum, laborabat hæmoptysi ob fluxum hæmorrhoidum; applicabantur hirudines ano, aliaque huic affectui destinata dabantur, cum successu. Virgo scorbutica 20. annorum laborabat dolore dentis concavi, suadebam ut admitteret hirudinem, quæ gingivæ adhibebatur, & dolor omnis abibat. Scorbuticus laborabat gonagrâ, admittebat suctionem 5. hirudinem in loco affecto, sicque à dolore liberabatur. Mercator patiebatur dolores hæmorrhoidum atroces, geminâ vicesuadebam admissionem hirudinum, & restituebatur. Habuimus, quamdiu hîc vixi, (vixi autem ultra 16. annos,) in nostra civitate plures scorbuticos & spleneticos, ob vina nostra pendula & minùs defæcatam cerevisiam, hi si non singulis annis semel aut bis adhibuerint hirudines, plurimis fuere correpti ægritudinibus. Nobilis à Stentsch sensit eos proficuos in melancholia hypochondriaca, post usum aliorum remediorum, & adhuc tales experitur. Hoc etiam liceat addere: Hirudinem petulantia sodalium cujusdam servi calefactoris balnearum, hirudines ad rivulum quærentis, dum somno obrueretur, glandi virili



applicuit; qui expergefactus nil mali inde habuit, nisi quòd erectio penis ad aliquod tempus cessarit, quæ tamen paulatim postea rediit. Vide *observat. 142. Dec. II. Ann. II.*

OBSERVATIO XX.  
D. SAMUELIS LEDELII,

*De*  
Hæmorrhagiæ cura.

**V**irgo Lipsiensis 22. annorum, mense Martio hujus Anni 1685. ad nos veniebat, invisura fratrem. In itinere cum nimium saltasset, & post saltum cerevisiam avidè ingurgitasset, paulò post corripiebatur febre tertianâ intermittente, quam Pharmacopola expellere tentabat purgante & sudorifero; illud sex concitaverat sedes, hoc nil nisi effervescentiam sanguinis, cum eruptione mensium leni, & copiosissimâ narium hæmorrhagiâ; postea menses subsistebant, at nares continuò ad plures horas stillabant. Deliquia animi cum mala prælagirent, anxie meum imploratum consilium: ego, exprobratis exprobrandis, jubebam insufflare in nares pulverem *observ. 151. Anni IX. Dec. I.* annotatum, qui me nunquam destituit, & pronuper in contumacissima lanionis nostri, Joh. Schmidii, hæmorrhagiâ omne tulerat punctum; plurima item interna accersebam, & Saphænæ sectionem jubebam; suadebam quoque Magnifici *D. Volckameri* liquorem stypticum *Ann. II. Dec. I. obs. 223.* notatum; & tardiores guttulæ, erumpebant, fluxu tamen non penitus intermittente. Tandem ex impatientia relicto lecto, terram petit, & ita prostrata jacet, facie à copia sanguinis deturpatâ; cum, ut abstergerent, monerem, una adstantium strophio aquæ frigidæ immerso totam faciem abluebat: dictum, factum, sanguis subsistebat ob terrorem (habebat enim oculos clausos ut semimortua) à frigiditate conceptum. Sic insperatò profuimus. Affusio aquæ

aquæ frigidæ circa nucham in hæmorrhagia renitente & profuit & nocuit : nocuit in dicta observatione *Magni Volckameri* : si profuit absque succedente noxa, laudamus : nostra autem lotio cum aqua frigida nil poterat damni creare, nisi quòd ob lenem terrorem sanguis in cor irrueret, isthocque pacto à liquore styptico venulæ narium apertæ constringerentur, quæ ratione sanguis, qui jam erat valde imminutus, substitit ; cùm in principio, meâ quidem opinione, nil lotio hæc valuisset.

### SCHOLIUM.

**S**imilem casum de hæmorrhagia narium à terrore, à frigidæ perfusione concitato, cohibitæ, habet *Dominic. Panarolus pentecost. 5. observ. med. 27.* Quàm periculosum autem sit, idem in his casibus tentare, differentem videre licet *Exc. D. Herman. Grubium de arcan. medic. non arcan. pag. 184.* Conferatur etiam de eadem cura, tutiori methodo adhibenda *Laur. Bellini discursus*, quem habet *tract. de sanguin. miss. propos. 8, pag. mihi. 154.*

(*L. Schröck. L. F.*)

### OBSERVATIO XXI.

D. SAMUELIS LEDELII,

De

### Gravi oculi vulnere.

**M**iles, homo quadratus, 33. annorum, natione Coloniensis, in obsidione Budæ An. 1684. hac ratione vulneratur : Cùm Turcæ tormentum majus explosissent, globus in lapidem grandiore, cum utriusque disruptione illidit, & ex frustis hinc indè dissilientibus, globi frustulum ferit nostrum circa nasi radicem per canthum sinistrum deorsum, sic ut per orbitam usque ad cavitatem post-

G 3

aurem



aurem penetrârit, & cute non discissâ ibi substiterit. Chirurgus adveniens oculum aliquot musculis adhuc inhærentem discindit, & taliter qualiter, ut in bello fieri solet, deligat, nec ulterius ipsum invisit. Partes læsæ statim intumuerunt cum magno cruciatu. Altero die alius ipsi emplastra imponit, & consequenter modò hic, modò ille. Comedit & bibit quidquid in promptu erat, remittentibus nonnihil doloribus, præprimis ubi copiosè pus per os & nares excrevit. Interim summo cum dolore perfodit natura illam cavitatem sub aure, ubi hæsit frustulum, inscio tamen ipso vulnerato, & aliquid materiæ purulentæ exclusit. In quo statu ad decimam quartam usque septimanam permansit, quo tempore ad nos venit. Consuluit in itinere, quando potuit, sed obiter tantùm, varios Chirurgos. Partitis vicibus per os ejecit officula aliquot, & clauso priore foramine, natura aliâ duo fecit in medietate colli, summo cum dolore, frustulo ob gravitatem descendente, & materiâ purulentâ sat foetidâ copiosè de die in diem per foramina effluente. Apud nos barbiton for ipsum per 4. septimanas deligavit sine ulla mutatione. Tandem petitu Senatûs & Colonnelli, in meam & alterius Chirurgi curam pervenit. Collum tum adhuc tumebar, aderat foetor abominabilis, materia fluebat per duo illa colli foramina copiosissimè, & geminum foramen etiam apparebat in interstitio clavicularum sub jugulo. Expurgo caput & corpus, mundifico sanguinem ob scorbutum, adjungo alia, cum bona diætâ: Chirurgus itidem sua faciendo, palpebras observabat, excrescentiam carnis absumebat, & aliqualem, quantùm possibile, decentiam cavitati oculi procurabat, ulcera superiora ritè expurgata claudebat. Sub jugulo autem extantia foramina, quia in unum coaluerant, aperta detinebamus, & paulò post aliquid duri offendebamus, quod putabamus esse ossa à natura huc trusa ob læsam calvariâ: impero, ne naturæ vim inferat Chirurgus, aut vi extrahat, cui cùm obtemperaret, natura indies plus protrudebat, usque

*Frustulum globi metallici.*

*fol. 54. Fig. I.*



*Cuspis sagittæ.*



*fol. 55.  
Fig. II.*

*Fig. III. Fragum botryforme*

*fol. 83.*







usque dum frustulum hocce metalli excluderet, idque 22. Septimanâ, à vulneratione. Miles autem jam optimè valet, iterum petiturus Hungariam. Frustulum metalli hîc mitto, ut æri incidatur, cujus pondus est ʒj. 3vj. ponderis medicinalis.

[ Ex literis, Grünebergæ d. 5. Maji, 1685. scriptis. ]

Fig. I.

### SCHOLIUM.

Cum observatione hac aliquam cognationem habet casus à Phil. Höchstettero Dec. 6. obs. medd. cas. 9. memoratus, de Nob. Dn. Magno Jacobo Seizio, adfinitate mihi juncto, qui puer, quatuordecim annos natus, ab alio sagittâ in oculi sinistri pupillam A. 1594. d. 1. August. ictus, cuspidem ferreum cum ligni particula, frustra à Chirurgo, ut extraheretur, ob ægri accedentem debilitatem, tentatum, triginta annorum spatio, sine ullo incommodo in capite circumtulit, oculo videndi quidem potestate destituto, motum tamen & nativam ferè faciem retinente, usque dum post febrem tertianam duplicem subortus catarrhus, multas sternutationes ipsi concitans, cuspidem illum ad nasi foramen sinistrum protruserat, hinc forti inspiratione ad palatum retractum, perque os expulsus. Cujus ideo facere mentionem hîc libuit, cum ejusdem historiæ αὐτογράφον, ab ipso vulnerato conscriptum, & postea ab ejus Vidua Char. Parenti meo, unâ cum dicto mucrone oblatum, hujus dono possideam; cujus mucronis figuram hîc itidem dare liceat, parte ejus superiore, quam lit. a. notat, ipsum cuspidem ferreum, & lit. b. particulam ligni cuspidi inhærentem designante.

( L. Schröck, L. F. )

Fig. II.

OBSER.



## OBSERVATIO XXII.

D. ERNESTI SIGISMUNDI GRASSII.

*De*

## Calore post mortem perdurante.

**Q**uotidie observata morientium conditio abunde nobis ostendit, quòd simul ac inexplicabile illud Animæ & Corporis dissolvitur vinculum, eodem planè temporis articulo & anima hominis brutalis sive sensitiva evanescat. Nimirum subtilissimæ illæ fluidorum nostri corpori moleculæ (quas spiritus vocamus) vitali suo, quo ornatissimam corporis humani machinam pro determinata cujusque partis conformatione, dum vivimus, exercent, destituantur motu, & corpori terreno mors gelida brevi abominabile inducit frigus. Unde sublimis *Plato in Phæd. p. m. 573.* mortem per animæ à corpore solutionem appositè expressum ivit, & mortuum esse solutum ab anima, corpus per se seorsum esse, seorsum quoque à corpore animam solutam ipsam per se ipsam existere. Et, qui subtilitatis famam olim acquisivit *Scaliger exercit. 370.* mortem appellat omnium animæ functionum cessationem propter compositi dissolutionem. At verò regulæ hujus naturæ qualemunque exceptionem sequens innuere videtur Observatio: Matrona nobilissima, cachectica, primis conjugii annis, ter in uno quinquennio paralytin gravissimam passa, tandem tympanitico - ascitica evadit, & actis in conjugio sterili 12. annis, quinto affectûs hydropici mense moritur Anno 1682. Post mortem observatum fuit, pedes prætumidos in curvo, quem in vivis necessitas injunxerat, sicu mox obriguisset, collum, brachia & manus post 18. demum horas; sed abdomen 24. horis adhuc naturaliter caluit, calore hoc spatio 6. horarum sensim evanescente; ut adeo calor 30. horis

horis post mortem permanferit, nec omnem mors, calor enim non datur absque motu, sustulerit actionem in corpore. *vid. supra obs. 18.*

## OBSERVATIO XXIII.

D. ERNESTI SIGISMUNDI GRASSII,

De

## Sulcia Hallensi Tirolia.

**E**Xoptatissimum illud pariter ac summè necessarium ciborum condimentum Sal tot in Germania Salinarum scaturigines tantâ fundunt ubertate, ut inter præcipuas felicitis Germaniæ dotes Salium isthæc affluentia referri mereatur, sed & antiquitatis gloriâ superbiunt nobiles hi fontes, ut nec *Tacito Annal. lib. 13. cap. 57.* nec *Plinio lib. 31. c. 6.* neque *Varroni lib. 1. de re rust. cap. 8.* fuerint incogniti. Non enarrabo antiquissimam extrahendi salis artem veterum Germanorum per infusionem Salinarum ardentibus lignis, de qua videndi citati *Plinius & Varro.* Sed operæ pretium erit referre, quo ingenio Tirolensium Sal haud incelebre Halæ uno milliari ab Oeniponte distat hodierno tempore confiat. Est sal istud medium quasi inter sal fontium & fossile. Etenim licet instar fontium satis excoquatur, extrahendus tamen est prius latex iste salinus ex minera lapidosa inter durissimas rupes in cameras certæ dimensionis excisa, beneficio aquæ dulcis, in eodem monte salientis, eò derivatæ. Atq; hac ratione industria hominum imitari videtur, quod intra telluris corticem ipsa agit officiosa natura, quæ salis jam eloti largissimos rivos in fontes exprimit saluginosos. Plenius descripsit istam salis Tirolensis confectionem Mercator solertissimus, *Dn. Joh. Georg. Steinerus* in literis ad me datis, *Wintertur 3. Maji 1679.* Die verlangten Salzsteine / welche ich selbst zu Halle im Innthal / ein Meil unter Insprug abgeholt / kommen aus

Dec. II. Annus IV. H dem



dem Tirolischen Salzberge / welcher zwischen den harten Felsen (die oft viel Klafter lang mit grosser Arbeit müssen durchgebrochen werden) dergleichen Salz-Gewächs gleichsam gebietet. Dann da werden grosse Kammern oder Stuben in die Salz-Felsen eingehauen / in welche das aus dem Stein-Felsen darbey entspringende süsse Wasser (so recht verwunderlich) durch Zeuchel gerichtet / und darinn so lang gelassen wird / bis es Salz genug an sich gezogen / und die Sur gerecht ist. Die wird probirt mit einem Ey oder sonst hölzernen Instrument / wenn es nicht mehr zu Boden fällt. Alsdann wird diese Stuben in einem darzu gerichteten Gang / gleichwie ein grosses Faß / angezapffet / und durch einen grossen Reibhanen nach belieben abgelassen. Das Salzwasser oder Sur wird durch Canal und Zeuchel hinab bis zur Pfannen geleitet / und in grossen eisernen Pfannen gesotten / da man alle 4. Stund schönes Salz abziehen kan. Alsdann wird das Salz in Fässer eingestossen / und dem Rauffmann an die Hand gegeben. Ich habe das Salz ein Gewächs genennet / dann wann eine Stuben oder Kammer geleeret ist / so wird solche um 4. in 5. Schuh nicht mehr so tieff seyn / als sie gewesen / ehe sie mit Wasser angefüllet worden. Also indem das Wasser das Salz an sich zeuchel so zeucht es zugleich soviel Erden empor / daß man die Stuben wieder säubern muß. Und wo ewan die Gänge durch die Salz-Felsen gehauen sind / daß ein Mann aufrecht und zween neben einander gehen können / mag es doch in 5. oder 6. Jahren so viel wieder wachsen / daß ich selbst durch einen solchen Gang gebückt und allein kümmerlich kommen können. Transmissi à Domino Steinerio Lapides candicantes & egregiè crystallisati, aliqui rufescentes nec minùs crystallisati, omnes verò valde duri existunt. Salis rupei Indiani durissimi exempla ex Petro Martyre, Paulo Veneto, & Cadamusto refert *Erasm. Francisci part. 2. deß O. und W. Indianischen / auch Sinesischen Lust-Gartens p. m. 1168.*

[ *Ex literis Jauera Siles. d. 6. Maji A. 1685. exaratis.* ]

SCHOLIUM.

**D**E Salinis istis Hallensibus etiam quædam leguntur apud  
*P. Athanas. Kircherum in Mundi subterr. lib. 6. sect. 1. cap. 4.*  
*& Hippol. Guarinonium libr. von Greueln der Verwüstung*  
*Menschlichen Geschlechts lib. 3. part. 1. cap. 11. & 12.*

(L. Schröck, L. F.)

OBSERVATIO XXIV.

D. GOTTOFREDI SCHULTZII,

De

Morsu hirudinis, noxiø.

**H**irudines Corpori humano in variis affectibus ad eva-  
 cuandum sanguinem magno cum emolumento ap-  
 plicari; si tamen imperitè tractentur, non levem  
 quandoquè noxam eidem inferre, notius est, quàm ut  
 multis hic recensere verbis opus sit. Iubet tamen paucis  
 enarrare, quid ab improvidâ earum administratione Amico-  
 rum cuidam haud ita pridem acciderit.

Vir iste sanguineus & *εὐσμεν* ex vitio dietæ rubedinem  
 faciei, & imprimis nasi contraxerat tantam, ut sibi à guttâ ro-  
 faceâ jure metueret. Hanc ut præcaveret, inter cætera pinnis  
 & globulo nasi Hirudines applicabat, idque aliquoties optimo  
 cum successu. Accidit autem, cùm aliquando tres saltim hi-  
 rudines ad manus essent, (plures enim, unâ vice adhibere so-  
 litus erat,) ut, defectum earum iteratâ applicatione suppletu-  
 rus, unam earum ab hausto sanguine turgidam deciduamquè  
 sale conspergeret, edoctus à barbitonfore, hâc ratione hirudi-  
 nes omnem sanguinem, quem suctu imbibissent, egerere, de-  
 nuoque famelicas reddi. Quo factò, illa quidem partem cruo-  
 ris hausti evomuit, sed vehementissimè simul moveri, varios-

H 2

què in



quæ in gyros contorqueri visâ est, quos motus in aquâ, cui salis abluendi causâ eam iniecerat, diu etiam continuavit.

Tandem quietiorem factam naris dextræ pinnæ rursus apponit, statimque ac illa fugere incipit, dolorem acutissimum vixque ferendum percipit, paulloque post hirudo mortua decidit. Mox in loco admorso tumorem durissimum oriri sentit, qui paullatim latius sese explicans, aliquot horarum spatio maximam faciei partem, imprimis dextram, ipsumque adeo collum ad usque claviculam occupat. Hic tamen ab iterato sumtis sudoriferis internè, adhibitisque externè discutientibus, tridui spatio omnis evanuit, nullo sui vestigio, ne in ipsâ quidem parte læsâ, post se relicto.

[ *Ex literis, Uratislavia d. 18. Julii A. 1685. scriptis.*

*Vide supra Observ. 19. ]*

### SCHOLIUM.

**H**irudines cum sanguinis dulcedinem mirè adpetant, eumque trifido suo osculo (quem in medio tubulum rotundum mobilem habere animadvertit noster Exc. D. Job. Muraltus pag. 579. *Cl. vis med.* circa quem undique tribus radiis papillæ disponantur, quibus insident totidem securæ sive lanceolæ splendentes, convexæ, acutissimæ, corneæ; iisque in poros cutis defixis vulnuscula infligant,) avidè & vel ad necem usque hominis, ceu puella in *Dec. hujus Ann II. obs. 142.* testatur, exsugant, quod sale, dulcori isti admodum contrario, conspersæ sanguinem haurire desinant, haustumque revomant, adeo mirum haud esse potest. Unde etiam accidere fortasse in hoc casu potuit, ut sanguisuga inimico hoc sapore irritata nimium, morsu suo, aliorum animalium instar nocuerit; vel ipsa à peregrino hoc sale læsa in convulsivos motus inciderit, sicque spiritus suos inordinato motu isto tumultuantes, cum osculi humore, sale infecto, in nares admorsas derivaverit, qui motû feri  
& san-

& sanguinis jam antea in statu naturali positi, eò facilius ibidem pervertendo, noxam illam dein induxerunt; præsertim cum hirudines non omnino ab omni veneni labe immunes censeantur, quod an aquâ simplici elui possit, quum perpetuò in aquis degant, non immeritò dubitat *D. Thom. Bartholinus cent. 4. hist. anat. 74.* Cæterum ad tollendos rubores faciei jam ex antiquioribus Medicis *Trotulam lib. de passion. mulier. cap. 61.* sanguiugarum adplicationem circa nares & aures ex utraque parte, proposuisse legimus: ex recentioribus etiam easdem commendat *Zacutus Lusit. de princip. medic. hist. obs. 3. lib. 1.*

(*L. Schröck, L. F.*)

OBSERVATIO XXV.

D. PETRI ROMMELII,

*De*

Antipathia cum Gammaris.

**A** Mici cujusdam mei integerrimi, Medici extranei uxor nobilissima, præ aliis ferè eduliis astacos fluviatiles in deliciis habet: sed quotiescunque iis vescitur, voluptatem hanc, vix non momentaneam, sat gravi, tædiosâ, imò ipsius valetudini insidiosâ poenâ luere cogitur: Post esum enim eorum immodicâ & sat diuturnâ corripitur sternutatione, quæ tam frequens & vehemens esse solet, ut præter dolorem capitis vehementem, vires etiam ad tempus aliquod haud parùm labefactet, proinde volens nolens ab esu illorum (nî subinde hæc perpeti symptomata velit) abstinere cogitur. Hanc à comestis cancris causatam sternutationem rectè *Excell. D. D. Francus, Prof. Heidelberg.* ad sympathiæ naturalis cum antipathia animali luctam refert. Notum enim est, sæpe palato aliquid esse sapidissimum, quod alteri sive visceri sive facultati inimicum & gravissimum est, & spiritus cum carne



sape luctari. Non rarum etiam, modò citati excell. D. D. *Franci* experienciâ, quosdam vini & ventriculi sympathimate certos, vino tamen largiùs poto, immensùm sternutare, quòd animalis œconomia ferendo non sit, quæ naturalis concupiscit, & vice versâ. Addi hæc Observatio posset *Capituli 4. lib. 2. Gammarolog. curios. D. D. Phil. Jac. Sachsi*, ubi de noxa ab assumptis cancri agit.

### SCHOLIUM.

**S**ternutatio uti levis quædam est convulsio, atque nervosarum partium ab irritatione dependet: ita materiam aliquam acrimoniâ infestam concurrere supponit; quam sanè in gammaris, sale aliquo volatili instructis facilè deprehendimus, quod factâ in stomacho digestionem resolutum, dum sanguini, penetrando per porosas ventriculi membranas, ut & chylo sese immiscendo, communicatum, atque ad nares vel eas succingentem membranam, crassioris menyngis sobolem, delatum, aut etiam ex ipso stomacho per œsophagum & palati foramina illuc penetrans, nervosas narium partes vellicat, serumque ibi occurrens rarefacit, ad explosionem illam disponere valet. Quòd verò non omnibus in individuis, & rarissimè quidem, hunc motum excitet gammarum comestio, diversa membranosarum istarum partium, plurimis fibris nerveis instructarum, à constitutione, i. e. majore minoréve sensibilitate provenire dicemus; qua ratione quosdam rariùs vel nunquam, alios crebriùs & facilè sternutare videmus: tum etiam in ipsam maternam imaginationem, talismodi antipathiâ foetum signantem, causam rejiciemus; qua fortè potuit fieri, ut femina nobilissimæ in hac observatione memoratæ mater, filiam hanc cum utero gereret, odorem gammarum coctorum ægerrimè tulerit, vel etiam intensiùs expetierit, unde jam spiritus, narium incolæ, hoc noto odore excitati, inque majorem motum concitati, serum propriis advenisque gammarum

marorum salinis spiculis armatum, unà vehementiùs agitant,  
& illud in nervosas fibrillas violentiùs impellunt. Confer. singularis antipathiæ cum gammaris exempla in *Ephem. harum*  
*Decad. I. Ann. I. obs. 135. & Ann. II. obs. 145. memorata.*

(*L. Schröck, L. F.*)

OBSERVATIO XXVI.  
D. PETRI ROMMELII,

*De*

Paralyfi singulari.

**D**Ominus Schellingius, Specialis Superintendens Blavi-  
fontanus, Ducatus Württembergici, vir nonagenarius,  
post apoplexiam in dextri brachii paralyfin terminan-  
tem, à duobus annis dicti brachii gravitatem & tumo-  
rem, sed saltem noctu dolorificū, luctumq; minimè tolerantem  
patitur, de die nihil dolorum sentit; interim neque manum  
neque digitum, præter pollicem (ita tamen ut motus vix ob-  
servari, vel ita nominari possit) movere valet: quando verò  
oscitat, tunc cum auriculari etiam annularis digitus spontè &  
liberè se movet, tamdiu, donec oscitatio cesset; quā finitā, mo-  
tus etiam dictorum digitorum cessat, & extra hanc, licet maxi-  
mè de motu horum & aliorum, ipsius etiam manus, sit solici-  
tus; nihilominus tamen omni prorsus movendi facultate de-  
stituuntur. Singularem hinc nervorum constitutionem, com-  
municationem & harmoniam adesse necesse est.

[*Ex literis Ulmæ d. 20. Jul. A. 1685. scriptis.*]

SCHOLIUM.

**I**N casu hoc satis obscuro si quid hariolari licet, causam mo-  
mentaneæ hujus curæ (si loqui ita liceat) in paralyfi, ipsa for-  
tè natura oscitationis detegere aliquo modo poterit; qua nem-  
pe cesso-



pe œsophagi tunica interior nervea, ad humiditatem nimiam, si eâ aggravetur, discutiendam, à spirituum explosione quadam, uti *Thom. Willis part. 1. Pharmaceut. ration. sect. 1. cap. 2.* statuit, vel eorundem rarefactione expanditur & ampliatur. Cùm enim in hac œsophagi extensione etiam nervorum ibi locorum præsentium extensio unâ fiat, quæ spiritus à libero influxu ibidem excludit, hinc retroactos majori copiâ & impetu ad alias partes deferri, & sic majori robore hoc instrui contingit. Si jam in hoc paralytico eam nervorum flacciditatem & porulorum in eis concidentiam ponamus, quæ spiritus animales, à perpeſſo antea insultu apoplectico, nec non ipsa summa senectute admodum debilitatos ac imminutos à libero influxu impediât, ab istis jam in oscitatione concentratis sicq; majori impetu agentibus nervorum flaccidas fibrillas magis extendi, sicque in porulos eorum aditum concedi dicemus. Neque mirum est, ad solum auricularem annularemque digitum spirituum hunc fieri influxum, cùm in paralyſi non æqualis omnino partium omnium adfectarum conditio semper exſiſtat, unâ videlicet præ alia magis reſolutâ & adfectâ; ceu pollicis in hoc ipſo etiam caſu aliqualem motum ſuperſeſſe, Excell. Dn. Autor nos edocuit.

(*L. Schröck, L. F.*)

## OBSERVATIO XXVII.

D. EBERHARDI GOCKELII,

De

### Aphonia & convulſione à terrore.

**A**Nno 1684. circa Feſtum Divi Martini, Petrus Winkler, puer novem annorum, & Orphanus, à Pago *Urspring* in agro *Ulmenſi* ſito, licentiâ priùs ab avo ſuo impetratâ, ſolus in vicinum pagum *Ballendorff* nata-

natale solum , sine dubio consanguineos ibidem salutandi gratiâ, ambulavit, ibidemque genio suo indulgit; cumque expleto hoc suo desiderio ad avum redire, domumque reverti tentaret, in sylva densa & spaciola per unam alteramve horam oberravit, ubi ipsi ex improviseo venator, qui cervum cornibus in dorsum reflexis fugientem tubo pyrio insequabatur, glandeq; paulò post plumbea non sine fragore prosternebat, in conspectum venit, qui puero adhuc præsente, dictam feram humi dejectam, pedibusque tractam in dumeto recondidit, posteaque cum cane, quem manu ducebat, ex vepreto reversus, puerumque adorsus, interrogavit, an non proximè rursus cum ipso venationi interesse desideraret? A quo stupendo, excreando, & inopinato consortio atque conspectu, Puer, qui sibimetipsi Cervum ante oculos positum, ac venatorem prosternentem, cum cane venatorio, altius sibi imaginabatur, totus perterritus, pavore, angoreque perfusus. horrendum vociferatus, tandemque terrore plenus, viâ regiâ inventâ, domum reversus est; ubi per octo dies totus perturbatus degebat, eaque, quæ ipsi acciderant, domesticis, cum angore, referebat. Elapso verò octiduo, malum, ab hac visione terroreque conceptum, prorumperebat, ubi aphonus factus, convulsionibus gravissimis, apertione ac distorsione oris & palati histrionica, jactatione totius corporis, membrorum vibratione, vultu torvo, inverso, ac atroci, oculis mirantibus, gestibusque teterrimis atque stupendis, aliisque diris mirandisque symptomatibus per duos integros menses, die nocteque, cum stupore ac terrore omnium adstantium, cruciatus fuit, frustra que ipsi remedia à vicino Medico adhibita sunt.

Quapropter Dn. Pastor Urspringensis, qui spiritualibus remediis ipsi prospicere fideliter tentabat, cum Præsecto Balendorffensi, casum hunc miserrimum ac deploratum ad Amplissimum Magistratum illustris Reipublicæ Ulmenis detulerunt,



tulerunt, ejusdemque opem & auxilium implorarunt; Quo facto, præfatus Puer in Nosodochium publicum Ulmenſe receptus, curæque meæ demandatus fuit, quem decimo die Januarii, Anno 1685. prima vice inſpexi, ipſumque quidem aphonum, ſed non prorsus auditu & ratione carentem, pedibus verò cruciatim inflexis, verſusque corpus arctiſſimè contractis, adque extensionem totaliter ineptis, maximoque dolore in extensionis conamine affectis, linguæque immobili, & ad exporrectionem ante os indispoſita, cum calore præter naturali totius corporis, deprehendi.

Ad hoc itaque mirandum malum legitimis remediorum præſidiis faciliùs curandum, in cauſas priùs inquiſivi, ubi tam ex relatione ſuperiùs nominati Domini Paſtoris, & Præfecti, quàm ex ipſa inſpectione, cæterisque circumſtantiis, hunc affectum à cauſa tam externa quàm interna, partimque magica, partim verò naturali provenire, judicavi.

Externa cauſa magica, eſt appꝛitio cervi, venatoris, & canis, in deſerta ſolitudine, quæ probabiliter nil aliud, quàm ſpectra & illuſiones diabolicæ fuerunt, cùm neque de venatore, neque de cervo interfecto tum temporis ulli hominum aliquid compertum ſit, & experienciâ conſtet, quòd hujusmodi Dæmones meridiei, in ſylvis & locis deſertis, aliquando ſolo pavore ſpectrorum ac terriculamentorum, aliquando etiam peſtilenti afflatâ lue, vel alio damno dato, hominibus nocivi & exitiales ſint, ſylvarumque & deſertorum habitatione gaudeant: Quam Dæmonum meridiei ſpeciem Jatricus BEBER, noctis verò KETEB nominat. De hiſce Dæmoniis meridianis legitur, quòd hujusmodi Pan in ſylvofiſ montibus novem ruſticos ligna ſecantes, acuto ſuo cantu, diroque ejus furibundi aſpectu corporis interfecerit. In Ruſſia Orientali, ſub meridiem, meſſis tempore, rura Dæmon, habitu lugentis viduæ, obambulare ſolitus erat, operariisque, niſi proſtinus viſo ſpectro in terram proni venerarentur, brachia cruraque frangebat:

*Cosdrois*

*Cosdrois* item & *Justiniani* tempore, *Procopio* referente; cùm ingens & admiranda lues orbem fermè totum depopulabatur, visi sunt Dæmones in humana specie versari in publicis, privatisque locis, obviosque percutere, quosque percussissent, eos confestim, mediante virulento & ardenti afflatu, morbo gravissimo & exitiali correptos fuisse. *Martinus Del-Rio Disquisit. Magicar. lib. 2. quest. 27. sect. 2. pag. mib. 313. 314. 315. & seqq.*

Causa interna maximâ ex parte naturalis est, nisi etiam per malignum afflatum causa magica jungatur; Dum enim per hanc dæmoniacam apparitionem puer hic maximo terrore perfusus & consternatus fuit, eo ipso spiritus animales unâ cum humoribus in Capite & Cerebro contentis vehementissimè perturbati sunt, sicque humores secum in magna abundantia in nervorum canales violenter rapuerunt, quibus mediantibus nervi infarcti & in latum distensi versus Caput & Cerebrum, utpote suum principium retrocedentes, partim convulsiones excitarunt, ac simul tali modo breviores facti, per contracturam nervorum sextæ conjugationis pedes sursum versus corpus secum arctissimè traxerunt, adque extensionem inhabiles reddiderunt; partim verò, propter obstructionem nervorum septimæ conjugationis, loquelæ destinatorum, linguæ immobilitatem cum aphonìa causarunt.

His ita perpensis, causisque hujus mali penitiùs examinatis, tam ad obstructiones nervorum referandas, illorumque situm ac motum naturalem reassumendum, actionesque secundum requisitum naturæ promovendas, quàm etiam spiritus animales in pristinum statum reducendos atque roborandos, facultatemque animalem ad officium suum excitandam, sequentia Remediorum genera internè ac externè applicanda, præscripta & ordinata fuerunt. Qualia sunt, 1. die 10. Januar. ad motus convulsivos temperandos, caputque & spiritus animales roborandos. Recip. Aq. Ceraf. nigr. ℥ij. Epilept. Lang. ℥j.



Spir. Cephal. Anhalt. compl. 3j. Sacch. perlat. 3℥. fiat mixtura, sæpius de die cochleatim sumenda. 2. Ad obstructionem nervorum referendam: Recip. Ung. Nervin. 3j℥. Ol. hyperic. 3℥. M. f. Liniment. nuchæ & spinæ dorsi manè & vesperi calidè inungendum; Quo unguento adhibito, Patiens die 11. & 12. Januar. cum omnium admiratione pedes contractos extendere, stare, atque ambulare potuit.

Die 15. Januar. iterum ad convulsiones arcendas, aquam sequentem accepit; Recip. Aq. Ceras. nigr. 3ij. Epil. Lang. 3j. Lavend. cum vino destill. 3℥. Spir. Ceph. Anh. Compl. 3j. Spir. theriacal. camphor. Ceras. nig. ana 3ij. Julap. rosar. 3vj. Usus & dosis, ut prioris. 4. Die 18. Januar. ad Loquelam revocandam, tale Emplastrum vertici capitis, abrasis prius capillis, fuit impositum; Recip. Empl. de Tacamahac. 3ij. malax. cum Ol. majoran. fiatque l. a. Emplastr. extend super alutâ magnitud. imperialis; à cujus usu patiens voce leni & obtusâ, primâ vice loqui cœpit; Ad clariorem verò vocem reddendam, die 19. Januar. usus est tali Linctu; Recip. Syr. violar. liquirit. de jub. ana 3j. fiat mixtura cochleatim sumenda: Præter hanc mixturam totâ die succi liquiritiæ inspissati aliquid in ore devolvit, à quorum continuato usu indies vox clarior facta est, ita, ut brevi tempore preces articulatè recitare, animique sensa clarâ distinctâque voce exprimere potuerit. 5. Die 22. Januar. & seqq. reiteratis vicibus hæmorrhagiam narium immodicam passus est, contra quam talem potiunculam iteratò hausit: Recip. sperniol. Croll. gr. v. Laudan. Opiat. s. gr. j. Croc. Martis adstring. 3℥. Syr. papav. errat. myrtin. ana 3ij. Aq. burs. pastor. tormentill. ana 3vj. M. pro dosi una. Et, Recip. Conserv. ros. rubr. 3j. Corall. rubr. præp. Bol. armen. præp. ana 3j. pulv. rad. tormentill. 3℥. cum Syr. myrtin. 3ij. fiat Electuarium, de quo sæpius avellanæ quantitas sumatur. Die 29. Januar. ad insultus novos convulsivos & spasmodicos coërcendos, Recip. Aq. ceras. nigr. flor. tilia, pæon, ana 3j. Epil. Lang. 3℥. Syr. flor. pæon.

pæon. ʒʒ. M. usus & Dosis, ut supra. Et, Recip. Pulv. Marchion. Mirabil. Epilept. Myns. ana ʒij. Cinnab. nativ. præp. Cinnab. Antimonii ana ʒj. Magist. Cran. homin. Magist. succin. Magist. Corn. alces ana ʒʒ. M. f. pulvis. Dosis. M. & V. quantum Cuspide Cultri capi potest, in aqua antepileptica præscripta. 6. Die 9. Februarii, febre tertianâ spurîâ correptus est, ad quam profugandam sequentis pulveris portionem aliquam M. & V. in convenienti vehiculo deglutivit, Recip. C. C. præp. Ocul. 69. præp. Pulv. antifebr. Croll. ana ʒij. Sal. Card. bened. ʒʒ. M. Pro potu verò ordinario tali Decocto usus est. Recip. Rasur. C. C. ʒvj. hord. integr. ʒʒ. Spec. pro decoct. pector. fl. & fr. ana ʒj. M. f. decoct. cum 2. mensur. aq. font. ad tertias. 7. Et quia ab hoc morbo, ac Symptomatibus, hæmorrhagiâ videlicet aliquoties perpessâ, ac febre vires defecerunt, iccirco die 12. Febr. tali roborante refectus est: Recip. Conf. ros. antiq. ʒʒ. Julap. ros. ʒʒ. f. Elect. sæpiùs avellanæ quantitate sumendum. Die 13. Mart. Convulsio Epileptica Patientem de novo adorsâ est, contra quam sequentia medicamenta adhibita fuêre, & quidem, ad materiæ morbificæ exterminationem: Recip. Pulv. rad. gialapp. ʒj. pulv. Syrii gr. iiij. Castor. gr. v. Syr. ros. sol. de cich. c. Rhab. ana ʒij. Aq. Ceras. nig. ʒvj. M. f. potiuncula unâ vice haurienda. Et, Recip. Aq. Ceras. nig. flor. til. pæon. ana ʒj. hyrund. cum Castor. Epil. Lang. ana ʒʒ. pulv. Marchion. ʒʒ. Syr. pæon. fl. tunic. ana ʒij. Man. Chr. perlat. ʒij. M. ad vitr. Dos. Cochlear. 2. M. & V. 8. Tandem, die 19. Mart. ad debilitatem stomachi, cacochymiam, ac incipientem Leucophlegmatiam corrigendam Elix. Propr. Paracelsi, quotidie guttatim in brodio carnis, vel aqua appropriata stomachica sumendum ipsi præscriptum fuit, à cujus, aliorumque recensitorum medicamentorum usu per Dei gratiam totaliter convaluit, & sic pristinæ sanitati restitutus est.



OBSERVATIO XXVIII.  
D. EBERHARDI GOCKELII,

De

Puero decenni, ex dentitione febricitante,  
convulso & syncoptico.

**G**eorgius Wilhelmus Holzhaui, Orphanotrophii publici Ulmenfis Moderatoris integerrimi filius, puer decennis, Anno 1681, die 28. Februarii, Diarrhœa symptomaticâ laborabat, quæ ob metum dejectionis virium, adstringente & roborante Electuario, (quia nemo de dentitione suspicabatur) sublata fuit; Quo facto, per insequentes tres vel quatuor septimanas, materiâ peccante ad interiores partes regurgitante, tam malè habuit, ut præ lassitudine caput vix erigere potuerit: Hanc lassitudinem febris erratica intermittens excipiebat, quæ postea quotidiana facta, bis de die patientem invasit, ac toties, quoties reversa, ad amussim per horas duas durabat, quos paroxysmos febriles sub finem animi deliquia, per quadrantem horæ manentia, comitabantur; quocirca urina crassa, rubra & turbida, extra paroxysmum verò nonnunquam clara, naturalisque coloris ac consistentiæ conspiciebatur. Et hic Affectus procedente tempore in tantum auctus & exacerbatus est, ut bini paroxysmi febriles, qui de die antea diversis temporibus ægotantem divexabant, tandem in unum combinati, quasi conjurati hostes, unitis viribus, unoque impetu, circa meridiem per quatuor integras horas, singulo paroxysmo duplum graviore existente, in miserè decumbentem sævierint, quorum uno paroxysmo vix finito, statim convulsio, & post hanc, confestim animi deliquium secutum est, quæ Symptomata, per tres quadrantes anni, quotidie ac sine intermissione ægotantem invaserunt: Hi quæ paroxysmi tam stricteurationis suæ tempus observarunt ut unuscujus-

uscujusque finis, inversâ ac elapsâ clepsydrâ exactissimè, & ad arenulam mensurari præseiri que potuerit. Postquam verò febris emanfit, nihilominus violenta convulsio, cum mox insequenti infirmitate syncoptica patientem aggredi perrexit, quæ indies uno paroxysmo adaucta, tali incremento quotidiano; tribus elapsis septimanis, alternatim de die vices reversa est, cumque sic summum cursûs sui fastigium attigisset, tandem, singulis diebus uno paroxysmo abscisso, elapsis viginti Solis luminibus, cum erumpentibus inferioribus dentibus caninis, dira hæc Symptomata evanuerunt. Cumque postea duodentes canini superiores, ac molares quatuor caninis vicini, dextri ac sinistri lateris superiores ac inferiores, per alveolos sibi exitum parare ac erumpere moliebantur, dicta symptomata paroxysmorum convulsivorum & syncopticorum redierunt, ac crescendo decrescendoque fermè superius designatum typum, (excepto numero, qui ultra tredecim paroxysmos de die non excedebat) retinuerunt, iterumque per tres quadrantes anni, ascendendo & descendendo, perseverarunt, donec quatuor posteriores dentes molares utriusque maxillæ; superni ac inferni, sicque octo molares, terebrando gingivasque discindendo, exitum sibi quæsierunt, quibus erumpentibus, loco prioris convulsionis, histrionica & ridicula pandiculatio brachiorum ac manuum observata fuit, quæ, postquam dicti dentes in lucem prodierunt, etiam evanuit.

Durante hujus affectûs tempore, corporis vires maximè defecerunt, pedesque intantum infirmati sunt, ut per integrum biennium, ab anno videlicet 1681. usque ad annum 1683. neque pedibus insistere, multò minùs ambulare potuerit, ac interdum ambobus genibus, de loco ad locum in hypocausto, reponendo quasi, se moverit; Quotiescunque etiam pedes ipsius, vel manibus duriùs apprehensi, vel fortiùs fricati vel inuncti sunt, patiens semper, & ex tempore, ob consensum cordis ac cerebri, animo deficere, magnumque dolorem in capite sentire coepit.



re cœpit: Ac insuper, dum molares erumpebant, tanta Cephalalgia & Odontalgia per vicissitudines invaluit, ut ipsi, ad evitandum majus malum, & præcavenda pejora Symptomata, opiatīs internis, ac cataplasmatibus anodynīs, aliisque externis succurrendum fuerit.

Cæterum, per totum morbum, Patiens, extra paroxysmos, animo sibi constabat, pulsus erat æqualis & eurythmos, in paroxysmis verò, pro febris, convulsionis, & deliquii ratione, mutabilis, celer, ac debilis, cibosq; boni ac laudabilis succi capiebat ac concoquebat, alvusq; naturaliter respondebat. Interim, pleraque remedia, purgantia, antifebrilia, Epileptica, Cordialia, Cephalica, Emulsiones, Clysmata, Epithemata, Unguenta, & quæ fuerunt alia, magno precio comparata, præter pauca roborantia & anodyna, toto dentitionis termino, donec dentes numeroſo apparatu in apricum exhibant, frustra fermè, cumq; parvo commodo ipsi adhibebantur.

Tandem dentibus novis maximâ parte exclusis, patiens anno 1683. sedato morbo & symptomatibus, vires recuperavit, solus ambulare, & munia naturalia rursus obire didicit, dentesq; interea temporis, ab anno 1681. usque ad annum 1685. antiquiores omnes, præter unicum, ( qui sine dubio priores sequetur ) abjiciendo amisit, ac horum loco recentes, firmos, ac stables, à Deo & natura obtinuit, sicq; jam, Diâ favente gratia, prosperâ valetudine fruitur.

Similem etiam dentitionem, uno eodemq; tempore, in Virgine quadam nobili, hîc Ulmæ, pari symptomatum syndrome gravata, vidimus, quæ pariter lecto, per longum tempus affixa, febricitans, convulsa, & syncoptica, septem tandem dentes, anno ætatis decimo quinto, excludebat.

### SCHOLIUM.

**D**Entitio inter omnes morbos & symptomata, præprimis infantibus accidere solet, ac capropter iis magis propria est. Etsi

Etſi verò Dentitio opus naturæ ſit, & quibusdam infantibus dentes facilimè ac ſine ulla moleſtia erumpant ; Difficilis tamen dentitio, propter morbos & ſympromata varia, quæ ipſi conjungi ſolent, inter morbos recenſetur.

Infantes autem, dum naſcuntur, dentibus ſuis jamdudum præditi ſunt, qui verò in alveolis ſuis adhuc latentes, gingivis teguntur, ac poſtea, deſtinato ſuo tempore, beneficio facultatis expultricis naturæ, erumpunt ; Qui excluſi, inter oſſeam ac petroſam, mediam habent ſubſtantiam, & ignibus ſunt inviſti, teſt. *Plin. nat. hiſt. lib. 7. cap. 16.*

Tempus dentitionis, pro ratione ſubjectorum, naturarumque variat, dum apud infantes dentes vel citiùs, vel tardiùs, & quidem tertio, quarto, ſeptimo, octavo, nono menſe, aliquando ſaltem poſt annum prodeunt : Obſervatum tamen eſt, infantes cum dentibus eminentibus ortos fuiſſe ; Sic refert idem *Plinius, nat. hiſtor. allegato lib. 7. cap. 16. Marium Curium & Papyrium* cum dentibus natos fuiſſe, eamque ob cauſam *Curium, Dentati* nomen meruiſſe. In ſceminis ea res inauſpicati fuit Exempli Regum temporibus. Cùm ita nata eſſet *Valeria*, exitio civitati, in quam delata eſſet, futurum, reſponſo auruſpicum vaticinante, *Sueſſam Pometiam* illa tempeſtate florentiſſimam deportata eſt, veridico exitu conſecuto. Narrat quoque *Baldwinus Ronſſaus, de vita humana primord. capite de dentitione*, Anno 1564 Goudæ ſe puellam vidifſe, quæ dum ordiretur lucem, duos incifoſes dentes in maxilla inferiore haberet. Nec minus *Ulmæ* ante paucos annos in *Doct. Joh. Pfauzii*, Medici tum temporis *Xenodochialis*, ac *Phyſices* noſtri *Gymnaſi PP.* diverſo tempore recens natis prolibus dentes prominentes & enixos vidimus. Aliqui vice dentium, continuo oſſe gignuntur, ſicuti *Prusiæ Regis Bithyniorum* filius ſuper-nâ parte oris, uti *Plinius ſupra allegato loco* teſtatur. Infantibus autem omnium primi ſolent erumpere incifoſes medii, tam inferiores, ut plurimum præcedentes, quàm ſuperiôres, ſive



simul erumpant, sive seorsim postea succedunt, externi, in totum octo, illos verò canini & molares sequuntur.

Ad majorem deinceps ætatem provecti, & septennes facti, plerumque primos dentes infirmiores minoresque, (germanicè *Milchzähne*) amittunt, ac alios novos firmiores & stabiliores acquirunt. Imò & senibus nonnunquam novi dentes prodeunt, quorum duos maxillares in illustrissimo quodam Comite vicino, annum quinquagesimum quintum vel sextum agente, & quinque in superiori maxilla Dn. Parentis mei dilectissimi, annos septuaginta octo habentis, nuperrimè vidi ac observavi, qui sine omni dolore ac molestia eruperunt.

Dum verò dentes difficulter eduntur, varia symptomata, utpote dolor, oris calor & ariditas, gingivarum inflammatio, febres, vigiliæ, alvi profluvia, convulsiones, hujusque generis alia prava atque periculosa oriuntur, à quibus haud rarò infantes & adulti extinguuntur.

Hæcque vel mitiora vel graviora sunt, quantò dentitio vel levior vel difficilior, & vel plures vel pauciores dentes simul, ac unâ vice erumpere conantur.

Causa dentitionis difficilis, aliquando in dentibus ipsis, sæpius etiam, in gingivis solet existere. In dentibus, quando segniùs excrecant, gingivasque longiùs rodunt, vellicant, ac terebrant: In gingivis, si ipsarum substantia est solidior ac durior, sicque liberum transitum prodeuntibus dentibus difficulter permittit. Ubi autem segniùs gingivarum divisio procedit, ob partes earum sensiles, ac substantiæ attritum, maximus dolor excitatur, sanguisque ex ipsarum vasculis effunditur, ac in earum substantia sistitur, unde inflammatio cum dolore ac ardore summo sequitur, quam, pro dispositione humorum in corpore existentium atque peccantium diversitate, agitatione, ac perturbatione, febres, alvi profluvia, & vigiliæ comitantur, simulac tum bilis, tum pancreatici succi ob acrimoniam, humores in tenui intestino vitiosè effervescent, scunt,

scunt, ita quidem, ut halitus acres & acidiusculi, imò quandoque vi narcoticâ præditi, tunc erumpentes, ad cerebrum assurgant, ibidemque convulsiones ac epilepsiam producant.

Quod ipsum in hoc nostro Patiente decenni factum est, ubi tam ob duriorem ac solidiorem gingivarum substantiam, ac primorum seu antiquorum nonnullorû dentium validam adhuc & tenacem in gingivis inhæSIONem, via novis erumpendis dentibus interclusa, quam etiam ob seigniorem plurimorum, unâ vice ac simul exitum quærentium proventum, partiumque gingivarum sensibilitatem, & cum dura matre, cerebro, nervisque affinitatem, earumque attritum, maximus dolor, inflammatio, ac oris ardor inscutus fuit, quæ jam enarrata symptomata, magna humorû ac spirituum confusio, agitatio, & perturbatio excipiebat, ex quorum præternaturali statu ac dispositione, acrimoniâ quin etiam & aciditate, mediantibus halitibus igneis, acribus, & acidiusculis, febris accensû, repetita convulsio oborta, ac simul ob sympathiam spirituum vitalium, eorundemque perturbationem ac dissipationem, ex maximo dolore & inflammatione obortam, creberrima lipothymia inscuta est. Quæ symptomata, statim à primo invasionis tempore indefinenter per tres quadrantes anni, usque dum dentes ad prodeundum maturi exclusi fuerant, patientem ob dictas causas fixas & pertinaciter inhærentes, divexabant; post eorum verò exclusionem, recollectis viribus, ac humoribus spiritibusque quiescentibus, adque priorem naturalem statum redeuntibus, remittebant; postea verò, reliquis dentibus ad parem maturitatem provectis, similemque exclusionem molientibus, pari modo & ratione revertebantur, atque simile durationis tempus retinebant. Quòd autem in principio morbi, de die duo paroxysmi febriles, unus videlicet horis antemeridianis, alter verò pomeridianis invaserit, postea verò invicem uniti, in unum paroxysmum duplo longiorem transferint, procul dubio factum est,



quia materia febrilis primo morbi invasionis tempore in corpore ac humoribus dispersa atque partita, duos motus febriles, postea verò, procedente tempore, ob magnam humorum confusionem & agitationem unita, & confusa, unicum saltem, sed fortiolem & longiorem paroxysmum excitavit, quem, ob relictos acres mordacesque, corruptos itidem, ac salinos vapores, aliasque causas superius enumeratas, convulsio, animique deliquium sequebantur. Durationis tempus unius cujusque paroxysmi periodicum ad amussim & arenulam æquale, ex motu materiæ peccantis æquali ac ordinato proveniebat. Ridicula verò & histrionica pandiculatio, quæ ultimis erumpentibus dentibus accidebat, erat imperfecta convulsio, quæ mitescente & decresciente morbo ac symptomatibus, dentibus videlicet numerosioribus jamjam exclusis, quoque remittebat, tandemque sedata resolutaque morbi causa, ex toto evanescebat.

Signa hujus morbi, cum fuerint manifestissima, merito silentio prætereuntur.

Prognostica verò, cuique dentitioni accommodanda, sunt sequentia. 1. Gravis, imò sæpè periculosa est dentitio in infantibus, ob morbos & symptomata, quæ conjunguntur ac superveniunt, ita, ut non pauci febribus ac convulsione accedente, moriantur; & eò majus periculum est, quò difficilius & longiore tempore dentes erumpunt: Gravior etiam nonnunquam est dentitio in pueris & adultis, ob gingivas firmiores, duriores & compactiores, quia eorum transitum impediunt & retardant. 2. Quibus, cum dentes erumpunt, alvus crebrò demittit, minùs convulsione tentantur, quàm quibus alvus rarò subducitur, test. *Hippocr. libr. de dentitione*. 3. Quibus in dentitione febris acuta accedit, ii rarò convulsionibus tentantur, *Hippocr. loco allegato*. quia febre materia, quæ convulsionem excitare poterat, absumitur. 4. Qui in dentitione, benè habito corpore permanent, gravique somno premuntur,

muntur, periculum est, ne eos convulsioprehendat. 5. Quibus hyeme dentes erumpunt, si cætera benè se habeant, ii faciliùs evadunt. *Hipp.* Et quibus dentientibus hyems supervenit, ii, si diligenter curentur, ob tum temporis caloris nativi concentrati vigorem, faciliùs ferunt. *Rhases* tamen *in continent.* scribit, dentitionem, quæ fit vere, (forsan ob laxiores & rariores gingivas,) esse minùs molestam. 6. Non omnes, dentibus erumpentibus, convulsione tentati, moriuntur, sed plerique etiam servantur. *Id. Hipp. lib. de dentitione.* 7. Dum infantes caninos dentes edunt, pejus habent, ac graviùs laborant quia, illi acutiores & graviores dolores infantibus inferunt.

In Curatione observandum. 1. Ut gingivæ laxentur & emolliantur, sicque dentium penetratio promoveatur. 2. Dolor & inflammatio refrigerantibus non adstringentibus, sed emollientibus mixtis, liniantur. 3. Febris & convulsio præcaveatur vel curetur. 4. Superveniens alvi profluvium non præmaturè, intempestivè, & statim in principio, viribus præsertim adhuc robustis, cohibeatur & sistatur. Ac 5. bona diæta observetur.

Primò itaque ad gingivas emolliendas, confert butyrum insulsum solum, vel cum melle mixtum, lactis cremor, candela ex cera virginea masticanda data, mucilago sem. Cydonior. cum aq. malvæ extracta, cerebrum leporinum, sanguis promanans è galli crista recenter incisa, quæ singula seorsim gingivis illiniri, affricarique debent. Externè quoque foveantur maxillæ decocto altheæ, flor. chamomill. anethi, vel succo malvæ aut butyro insulso, aut melle passulato & butyro non salito; vel mucilagine sem. Cydon. & altheæ, cum vitello ovi mista.

Vel Recip. flor. chamomill. summit. aneth. ana Mj. sem. lini fanugr. ana ʒʒ. M. f. sacculus in lacte coquendus, ac pro fomentatione calidè applicandus, ac aliquoties repetendus.



Ut etiam eò melius & facilius dentes gingivas crassas densasque penetrrent, instrumentum inter gingivas collocandum ex ebore, crystallo, aliave materia solida & dura parari potest, ut gingivis morsum, motum & agitatum, facilius eadem perforantur ac aperiuntur. Hunc in finem etiam lupini, aliorumque ferociorum brutorum dentes, ut qui sale volatili, halitibusque salinis penetrantissimis abundant, maximè commendantur.

2. Dolori & inflammationi, tam anodynis, remediisque modò allegatis, quàm frigidis, utpote succo solani, lactucæ, & similibus, mistis, succurritur. Externè, Recip. Micæ panis albi q. v. coq. cum lacte, addendo sub finem, Ol. rosar. ʒss. Croc. Or. ʒss. M. & applicetur calidè.

3. Febri conveniunt antifebrilia specifica, qualia sunt, CC. præp. Ocul. cancr. præp. & similia. Convulsioni verò conferunt antepileptica, & quidem ad præservationem, infanti, quamprimum in lucem editus est, seq. pulvis cum lacte exhibeatur. R. Rad. pæon. maris, decreſcente lunâ collect. ʒj. Magister. Corall. ʒss. fol. Auri dimid. M. f. pulv. vel, R. ungu. alces, succin. alb. præp. ana gr. vj. vel ʒss. fol. Auri dimid. M. f. pulv. Ad curationem R. Cinnab. Antimon. ʒss. Magist. Epilept. ʒj. Cordial. ʒss. fl. pæon. ʒjss. M. f. pulv. M. & V. Dosis quantum cuspide cultelli capi potest, in aq. Ceras. nig. pæon. flor. tilia, vel alia appropriata, [Aut. R. Cinnab. nativ. præp. Cinnab. Antimon. sem. anis. rasur. succini, vel succin. alb. præp. Ocul. cancr. præp. sem. Cynæ ana ʒss. pulv. Epil. Mirab. Myns. ʒij. gr. v. M. f. pulv. Dosis & usus, ut prioris. Vel R. Cinnab. nativ. cum aq. Epil. præp. ʒij. Corall. rubr. præp. Margar. Or. præp. ana ʒj. Croc. Austr. ʒss. Magist. Cran. hom. Magist. succin. Magist. Ungul. alces ana gr. v. fol. Auri num. vij. M. f. pulv. subt. Usus & dosis, ut prioris. Et, R. Aq. Ceras. nigr. flor. til. pæon. ana ʒj. Epil. Lang. hyrund. cum

cum Castor. ana ʒʒ. pulv. Epilept. Marchion. ʒj. Syr. fl. pæon. ʒij. Sacch. perlat. ʒʒ. fol. Auri j. M. Dosis, cochleare unum vel alterum, sæpius repetendo. Oculus lupi, vivente adhuc effossus, ac sub axilla, mediante ligaturâ, detentus, insultus epilepticos arcere creditur, quem noster patiens, ob maximam excitatam alterationem, ferre non potuit.

4. Quia per alvi profluvium ( ut prognosticor. Regulâ 2. supra docuimus ) ob humorum peccantium, ac materiæ acris, corruptæ, mordacisquæ expulsionem & egestionem, convulsiones ut plurimum præcaventur, iccirco præmaturè & in principio, constantibus adhucdum viribus, adstringentibus sistendum non est, nisi valdè urgeat, viriumquæ lapsus & imbecillitas id ipsum requirat. Quod, si in nostro Patientè in morbi principio, ( quamvis tum temporis nulla dentitionis suspicio aderat ) observatum fuisset, forsân à recensito morbo ac symptomatibus, liber & immunis extitisset.

5. Quod denique Diætam concernit, in ipsa dentitione, ad præcavendam febrem ac inflammationem victus frigidior convenit, quo apud infantes nutrix utatur; Infantes pulmento vel panatellâ cibentur: Provehctioris verò ætatis hominibus & adultis prosunt sorbitiones ex hordeo & avena parata, ova sorbilia, pruna, lactuca, endivia, & quæ sunt similia, è contra salsa, acria, mordacia, vinum, &c. evitentur.

[ *Ex literis Ulmæ d. 28. Julii A. 1685. ad D. Wurffbainium scriptis.* ]



OBSERVATIO XXIX.  
D. JACOBI DOBRZENSKY  
de Nigroponte,

De

Juvene bis variolis à terrore correpto.

**N**obilis & Doctissimus Dn. Henricus. B. Prænobilis & Consultiss. Domini Fabiani B. Viri mihi dilectissimi Filius septennis conspicit Fœminam infantem ex Variolis defunctum circumportantem, stipemque pro sepeliendo illo ostiatim petentem, terrefactus, immediatè ægrota-re cœpit & graviter ex Variolis copiosis decubuit, à quibus feliciter liberatus vixit vitam incolumem decem Annis. Post denuo simili spectaculo fortuito viso, iterum terrefactus, denuo variolis multò graviùs quàm antea laboravit, à quibus tamen feliciter restitutus vivit hucusque.

De primo Variolarum accessu non disputarem, illum ex dispositionibus jam à primo Ortum in Corpore latentibus ortum duxisse, spectaculumque illud Matris deferentis infantem, fuisse Causam occasionalem tantùm, moventem internos humores ad propellendam Materiam morbillosam in sanguine dudum latentem, quæ copiosis prorumpentibus Variolis non dubito quin totatùm evaporaverit.

At de secundo Variolarum accessu mihi nascitur dubium: an ille ex miasmate adhuc in sanguine latente aut tantùm ex apprehensione illa terrificæ purè Ideali, Sigillum variolosum sanguini illo instanti imprimente, ortum suum duxerit. Ego certè non aliter mihi imaginor; Notæ enim mihi sunt Historiæ, sic Variolas, sic dysenteriam, sic etiam pestem ex solo terrore alibi locorum conceptam fuisse. Navi Materni fœtui impressi, infinitis Exemplis confirmant, solam terrificam apprehen-

prehensionem aut rei alicujus cupitæ & illo instanti denegatæ, imaginationem sufficientem esse ad pingendum id in corpore Embryonis, quod Mater appetiit, & quidem eo loco, ubi fortuitò manum corpori suo tùm apposuit; Novi hominem mihi perquàm dilectum, qui visò in pueritia sua, dum pranderet, spectaculo assidentis ad mensam hominis Senis Apoplexiâ correpti, ita tùm terrefactus est, ut immediatè dextram manum & pedem instar stipitis sibi esse adverteret; Habuerunt Consanguinei ejus multos dies quod agerent, quibus Juvenis illius brachium & pedem pristino sensui restituerent. Hic homo Juvenis tùm erat duodecennis, jam agit 53. Annum, aliàs optimæ Complexionis & commodæ valetudinis, sed omni minimo terrore ex levi quacunque causâ perculsus, immediatè brachii dextri & pedis plus minùs acuto sensu destituitur, paroxysmusque ille integrâ die durare solet, maximè si summo manè (quod sæpissime fit) id ipsi contingat. Mutationes futuræ auræ stupor manus & pedis, nullâ terroris præcedente causâ, longè ante præsagire solet. Si irâ excandescat, etiam quidem torpore sed modico, partes illæ afficiuntur. Omnium tamen plus terror ipsum percellit, ita ut unicus latratus canis inadvertenter factus, unicus repentinus intuitus aut allocutio ab homine inopinatè erga ipsum facta, brachium & pedem in ictu oculi ita stupidum reddant, ut totâ imposterum die valdè ineptus ad munia sua obeunda sit, jamque ætate ingravescente dum tali paroxysmo terrifico corripitur, etiam obtusitatem capitis & linguæ modicam sentire incipiat; Unde in domo ejus Lege quasi sancitum est, ut homines fortiter ambulent, & priùs, antequam portam cubiculi aperiant, tussiant, leniter strepitent, per hoc signum dantes, se ante portam esse, vel leque ingredi.

Si igitur unicus actus terrificus tantam impressionem causare potuit & de facto causat immediatè stuporem corpori

*Dec. II. Annus IV.*

L

indu-



inducendo, quæ amplius non eradicari nec deleri potest, quam probabiliter aliquando sequetur etiam Paralyfis.

Unde non mihi videtur impossibile, idem cum aliis morbis, nullis aliis dispositionibus præviis, solum per fulmen terroris imaginationi communicatis & fortiter apprehensis, effici posse; adeoque solam Idealem Apprehensionem fortiter Menti & postea Spiritibus communicatam, ex non Ente Ens Reale in corpore nostro producere posse: ita ego, quantum per tempus licuit, submittendo me aliorum Doctissimorum Virorum iudicio, sentio.

Et ut rei narratæ majus pondus addatur, allego hîc litteras Clarissimi Domini Parentis dicti Domini patientis, quas proximè causâ hujus ad me exaravit.

*Præ-Nobilis, Excellentissime & Magnifice Domine,  
Patrone gratiosissime,*

**M**ille refero gratias pro memoria Servi sui. Significo autem Filium meum Henricum paulò ante completum 8. Annum, ex solo aspectu mortui Infantis pustulati, eundem morbum variolarum contraxisse. Post decem iterum Annos, sine tribus vel quatuor diebus, ex solo & pari visu repentino similis Infantis pustulis pleni, recidivam cum summo periculo recepisse. Hæc prout in notatis meis habeo, fide bona testor; nec mirum, dum namque in Juventute Lintii pro aliquo tempore degerem, vidi hominem sexagenarium pustulis mortuum, & prout ex domesticis ipsius accepi, bis ante morbum hunc sustinuisse.

*[Ex literis, Praga d. 8. Augusti A. 1685. exaratis.]*

OBSERVATIO XXX.

D. EMANUELIS KÖNIG,

De

*Fragaria botryformi* uno petiolo novem fraga gerente.

**P**Ræter *Fragariam montanam* vulgarem in usum alimentarium & medicamentosum præprimis expetitam, alias adhuc se vidisse refert species excellens ille Botanicus *Sim. Pauli Quadripart. Botan. Class. III.* nimirum *Fragariam fructu parvi pruni magnitudine*, item *fructu hirsuto rubro*, ac *Fragariam pleno flore frugiferam*; His adnumerari, nî fortè monstrosa sit, & prolifera instar plantæ *Uldrupiensis* apud *D. Joh. Daniel. Majorem in Dissert. Botanic.* posset curiosa illa *Fragaria*, cujus iconem exactè delineatam mihi transmisit & communicavit *Clariss. & Excell. Dn. Carolus Josephus Müllerus, Medicinæ Doctor & Physicus Tugiensis*, amicus meus, nimirum fraga novem unico petiolo gestantem, qui quidem petiolus unicus erat sed vulgari duplo crassior, cujus & capitulum, unicum quidem, omnia fraga, quæ illi innata erant, respiciebat, ut ex *Figurâ III.* adjunctâ jucundiùs Lectori conspiciere licet.

Fig. III. fol. 57.

OBSERVATIO XXXI.

D. EMANUELIS KÖNIG,

De

*Cerasis botryformibus.*

**D**atur equidem *Cerasus racemosa*, qualem in *horto Regio Montispeffulano* videre licuit, *cerasis* uvarum instar à racemo dependentibus, sed præter hanc *cerasâ botryformia* etiam in vulgaribus quibusdam observantur, in



quibus sed rarò duo vel tria cerasa unico petiolo appensa & quasi adnata invicem observantur, divisione etiam tali interiorius in nucleo se manifestante; Verum rarior videtur illa cerasus, quam itidem in horto suo alit, prædictus *Clarissimus Dn. D. Mullerus*; quæ nunquam unicum saltem fructum fert, sed frequentissimè novem ex unico petiolo prodeuntes, semper verò duos vel tres; ubi tamen id discriminis, quod in tali multiplicatione ea nunquam magnitudinem attingant vel assequantur cerasorum vulgarium, ceu in quibus vis naturæ fortior est, quia minus dispersa, natura enim in his rarioribus minusque frequentibus materiam dividit, spiritusque ejus ex plexibus quibusdam ei obstantibus (in quibus formandis disponendisque mira præstare aliàs valet artificium humanum) aliter sic in motu diriguntur.

Fig. IV.

OBSERVATIO XXXII.

D. EMANUELIS KÖNIG,

*De*

Stridoris seu Cantûs Gryllorum Organum.


**H**istoriæ naturalis Insectorum Scriptores referunt, Gryllos in Africâ in caveis ferreis ali, magnoque divendi pretio, eò quòd stridore suo suaviter sic somnum concilient, imò & Fessanos arguto hocce sono similiter delectari ac Hiberni & Walli plectri harmoniâ. In organum verò hujus stridoris inquisiturus offendet membranam plicatilem, ferè ad instar illius ventilabri, quo Virgines & Matronæ in Galliâ & alibi ad ventilandum aërem fervidissimo Syrii aestu uruntur; Huic verò membranæ sub eorum alis annectitur tendo longiusculus cum musculo, quidum contrahitur, plicare facit

*Cerasa*  
fol. 84.

*botryformia.*  
Fig. IV.



*Vermes vomitu ejecti.*



fol. 97. Fig. V. VI.





facit hancce membranam, minimè humidam sed summè siccam, ut sonustalis edatur, qui etiam hinc post eorum mortem tractione tendinis imitari potest; ceu & jam alii notârunt, quod si Gryllus in medio dividatur & capite truncetur, eum adhuc canere & diu nihilominus (quod & illustrare poterit observationem sequentem) vivere; Quare & inferre liceat, stridoris hujus causam minimè esse attribuendam alvi fistulæ, ut *Scaliger* voluit.

OBSERVATIO XXXIII.

D. EMANUELIS KÖNIG,

*De*

Motu Cordis post abscissos omnes omninò  
nervos spiritus, ipsi communicantes,  
per 42. horas persistente.

**E**Xperimentum hocce Anatomicum in mei præsentia tentavit *Nobiliss. & Celeberr. Dn Chirac*, Medicus & Anatomicus Monspeliensis accuratissimus, nim. Cani jugulum aperuit & nervos recurrentes vicinosque alios, qui cor ferire aut furculos ipsi communicare poterunt, dextrè digitis evulsit, pulsu cordis ad contactum aucto celeriori que reddito, sicque persistente ejus motu & vitâ, dimisso cane, ad 42. usque horas magnâ mei cum admiratione; quod experimentum aliquoties postea repetitum, multis aliis, quibus retuli incredibile visum; Verùm quia ex attentâ machinæ motus cordis & pulmonum, mutuas operas sibi præstantium, investigatione hoc minimè impossibile est, confirmatque hoc experimentum motum cordis aëri plurimùm debere, sequentia considerata, Sanguinem scilicet in continuo motu, quamdiu homo vivit, versari, motumque hunc cor itidem ad systolen



& diastolen instigare, dein motus non sanguinis saltem sed & spirituum in Infante in utero materno esse eosdem, diversos verò quamprimùm Infans utero exiit, quo in statu Infanti impossibile est absque aëre vivere, ceu eleganter de hisce Excellentiss. & Celeberr. *Bohnius*, Fautor meus, in *Dissert. Physiolog.* quo verò patet vitalem cordis motum dependere ab aëre, qui sanguinem prius ad motum disponat, sicque cordis diastolen efficiat ac post systolen, ac quia aër semel haustus & efflatus quantumvis refrigeratus, iterum receptus ineptus est ad vitam, esse in aëre, uti mare falsum est, sal aliquod vivificum nitrosum, quod respiratione sanguini insertum ipsum agitet, fermentet venasque & cor distendat, & cordis systole per arterias in habitum corporis, glandulasque ejus innumeras ferè distribuatur; unde patet, quantum intersit aërem salubrem haurire, quàmque expetendum sit. anatomen aëris, quoad varias ejus constitutiones, pro possibili instituere. Eleganter itaque ac verissimè *Hobbes Tr. de Homine Cap. 1. p. m. 7.* sicut non ab aëre puro sive æthere, sed ex corpusculis in ipsis fluitantibus motumque habentibus vitali motui sanguinis contrarium, nascuntur morbi epidemici, ita ex corpusculis terreis motu præditis naturæ nostræ congruo, vita & motus sanguinis debitus continuatur, His annectit brevem quidem sed accuratam valde *pathologiam*, quam non pigebit hic adnectere: Mortis vel cessationis sanguinis (præter vim externam) variæ sunt causæ. I. Vasorum, in quibus circumfertur sanguis, obstructions; nam fieri potest per contumaciam musculorum, ut via sanguinis obstruatur, dum coagulum adest viscosi vel mucosi humoris in musculis, impediens quò minus facillè sanguis arteriosus per arterias capillares meet, ac in venulas recipiatur, unde Febres, & ni vis motus cordis vincat, mors. II. Si materia purulenta aliqua in ipsis venis sanguini immista fluitet, idem erit in sanguine per arterias in musculos extrudendo cordis labor, i.e. febris, & succumbente corde mors, vincente ulcera in carne, nimirum

nimirum à materiâ purulentâ per musculos extrusa ; hæc verò materia in venis nascitur exulceratis ; quod fieri potest ab iis corpusculis quæ hauriuntur per respirationem , & intrantes in sanguinem vasa corrodunt, vel ipsum sanguinem coagulant, ut in morbis pestilentibus ; fieri etiam potest à corpusculis quæ in cibo & potu recipiuntur, quæ cum chylo intrantia in venas, ipsas exulcerant : idem etiam fieri potest à morfu serpentum & canum rabidorum, unde vulnerata aliqua vena, vel utcumque veneno in sanguinem immisso, fit exulceratio in venis sanguinem venenatum recipientibus. III. Undecunque ad venarum interna pateat aditus, inde incipere potest vasorum exulceratio, ut in lue venereâ initio facto à meatu urinario, prorepat venenum per Ureteres, Renes, Venas emulgentes & Cavam secundo sanguine ad cor & inde per arterias in corporis habitum. Eodem modo fieri possunt morbi & mortes propter obstructionem materiæ quæ defertur per nervos. Cumque aliæ sint mortis & morborum viæ, omnium tamen unum est opus, ut sanguinem sistant, vel intercipient, vel exhauriant, vel aliquo modo impendant.

OBSERVATIO XXXIV.  
D. EMANUELIS KÖNIG,

*De*

Noctuæ anatome, ejusque mira Oculorum fabrica.

**N**octua sub crepusculum conspecta sclopeto percussa paralytica decidit, mihi que apportata sectioni die sequenti est subjecta ; Denudato ventre infimo ac detracto scuto pectoris, fabrica seu structura ventriculi notatu digna inprimis apparuit : erat enim is summè durus, callosus & tantum non cartilagineus, capite vespertilionis (qualiter



liter apparet in ejus ſceletō , quo caudā quoque eam donatam eſſe monſtratur, *Anno IV. & V. Miſcellan. Curioſ. obſerv. CLXXXII. p. 240.* ) ut & pedibus latis ac pelle pilosā refertus. Ante ejus oſtium Oeſophagus amplior plurimiſque glandulis miliaribus, liquorem fermentalem ſtillantibus, erat obſitus. Semoto parū hepate in lobos diviſo, veſicula fellis nucis avellanæ grandioris magnitudine bile viridi æruginosā turgida , per ductus binos in inteſtina, in quibus contenta ſummè erant fluida, ſe exonerans, in conſpectum venit. Pancreas erat quadruplex, ſecundū inteſtinorum ductum protenſum, ( in quæ ſe ductibus lateralibus non longitudinalibus ſe exonerare videtur ) ut in Gallo gallinaceo aliquando animadvertere quoque datum. Inteſtina cœca bina ſatis longa aderant, & Cloaca inflata veſicam velut oſtendit. Spinā quæ fundamentum carinæ, quam pectus ceu navium ichnographia repræſentat, luſtratā, in ipſā medullæ ſpinalis ſubſtantiā granum plumbeum paralyſeos nimirum cauſā , reperire datum fuit. Renes erant inſtar gallinarum, nec ut in Aquilis apparent, agniniſ ſimiles. Supra eos rudimentum ovarii. Præ cæteris verò admirabilis erat oculorum ſtructura utpote, digna hinc æſtimata ab Immortali *Thom. Bartholino*, quæ in *Muséo Wormiano*, inter alia rara ſervaretur. Hanc verò fabricam quod attinet, ea in quibusdam cum oculis nonnullorum quadrupedum convenit, in quibusdam diſcrepat; Convenit quòd primò adfuerit membrana niſtatoria inſignis, ſimilis omninò configurationis & magnitudinis, ut conſpicitur in oculis Caprarum, quæ juxta *Plinium* itidem noctu ut Noctuæ vident, dein quòd adfuerit ſumma & eminentior quædam humorum, maximè vitrei, limpiditas, humorisque cryſtallini propior ad pupillam acceſſus; Diſcrepantia verò eſt tum quoad ſitum, quod non extra cranium ſed intus propè cerebrum, cujus magnitudinem fermè excedebant, fuerint conſtituti; tum motum, quòd immobiliſ, tum figuram quòd nec figuram ellipticam ut oculi humani,

nec

nec rotundam ut aliorum, exprimebant, sed erant instar globi in medio à Tornatore ab utroque latere excavati cum serie circulari portionum ossëarum, prout depingitur apud *Severinum, in Zootomia p. 336.*

### SCHOLIUM.

SUMMAM Conditoris sapientiam non solum de die ex operibus luculenter radiare, sed & è spissis tenebris elucere, scrutinium Noctuæ detegit, quod causas ordinationis sapientissimæ & prohibitionis esûs earum, in Lege manifestè quoque edocet. Ordinatio sapientissima patet ex eo, quòd in Avibus dierum & noctium observentur alternantes vices, quibus ejus providentia quasi ex amplâ & perenni scaturigine nobis haurienda subministratur; Esûs prohibitio fundata est non saltem ratione Physicâ, quòd nimirum immunda sint animalia odorque eorum specificus (quem summè tetrum & penetrantem longo post sectionem tempore adhuc olfeci) summè sit homini adversus, sed & morali, ex signaturâ rerum, quâ Natura aliàs mutata, nobis prædicat, de quo vid. *Boëhm de signatur. Rer. cap. I.* desumpta, ut scilicet opera tenebrarum fugiamus & lucem nostram coram hominibus sinamus lucere, nec in rebus apertis cœcutiamus. Quod si in interioribus hujus Avis reperta consideremus, ea cum naturâ ejus & actionibus summè convenientia esse observabimus; quia enim rapax est avis & carnivora, integraque deglutit animalia duris ossibus instructa, utique necesse erat ventriculum taliter fabricare, ut debita esset inter agentia & patientia proportio, cibi nimirum ritè subigerentur & in animalis commoda subrogarentur, in quorum contemplatione totus est contra Epicurum *Gassendus Syntagm. Philos. Epicur.* Inprimis autem hîc notare datur, quòd quædam, quæ homini sunt præter naturam & magnam molestiam inferunt, brutis quibusdam soleant esse naturalia & summè salutaria, qualia hîc duo occurrunt, Bilis æruginosa & Mydriasis:



90 *Observatio XXXV. De Apertione thoracis Phthisi extincti.*

driasis: *Bilis eruginosa* quantas turbascieat in Hypochondriacis, quotidiana ferè eorum querela est, dum ad alimenta assumpta digerenda ea ceu menstruum improporionatarum forte nimis concurrit, vitiosamq; & dolorificam in Intestinis parit fermentationem. *Mydriasis* verò ipsis commodum affert, quia pupilla cum corneâ non cohærens ampla nimis est & lata, sicque lux in humores, nimis limpidos confertim irruens oculis magnam molestiam inferret.

[*Basilea d. 2. Septembr. A. 1685.*]

OBSERVATIO XXXV.

D. ANDREÆ ERNII,

De

Apertione thoracis Phthisi extincti.

**A**Nno 1684. mensè Maji, Domini C. Wedelini, Chirurgi dum viveret, expertissimi, post decubitum multarum septimanarum, emortui corporis thoracem, amicorum permisso, aperuimus, ejusque faciem anteriorem lustravimus; quo aperto nullum Mediastini, utpote penitus absumpti, vestigium inventum, ubi Sterno aliàs inferitur, plurimæ vesiculæ pure livido turgidæ, in conspectum veniebant, quibus dissectis & dilaceratis, cartilaginum substantia, illis in locis ubi locatæ erant, ab acrimonia puris inclusi, carie exesa liveſcebat ex nigro.

Pulmones, mirabilem exhibebant adſpectum, utpote qui nigro tincti colore & ferè consumpti, tenaciter musculis intercostalibus per pleuram, itidem putridam & variis in locis perforatam adnati erant, haud aliter modificati, ac si fermento depascente & cancroſo infecti fuissent; simili modo ut in mulierum mammis cancroſis nonnunquam videre contingit. Nullum fundebant pus vel aliam materiam, sed exſiccati & materia tar-

ria tartarea quasi sabulosa ipsis intertexta erat, ita ut quis credidisset, in lapidem concrefcere destinatos fuisse. Propagines asperæ arteriæ aliorumque vasorum sanguiferorum, quod mirandum, albescebant, & ita, absque ulla dilaceratione, à pulmonum deperdita substantia, solutæ cernebantur, quasi peculiari liquore, hodiernis Anatomicis, satis noto, studio fuisset peractum. Cor flaccidum itidemque exsiccatum, ejusque Pericardium variis in locis, quod mirum, perforatum erat; quo per medium dissecto, in utroque ejus ventriculo, sanguinis coagulati nigerrimi latebat portio, quæ cum digitis tractabatur, explorantibus nobis & aliis adstantibus, ac in pulmonibus repertum materiam intermixtam offerrebat. Cætera, nempe in reliquis cadaveris regionibus contemplari non fuit concessum. Tractavit hic vir, uti celeberrimo Illustr. Colleg. Natur. Curios. Andromacho, Patrono & amico nostro colendissimo, notum, satis feliciter multa ulcera, cancrofa, à lue venerea inducta & alia, virulenta miasmata spirantia, sed nimis audacter & ut plurimum jejuna, quapropter nullus dubito, extinctum hunc chirurgum, malum & mortem ab inspiratis ejusmodi acrioribus fermentis, contraxisse.

OBSERVATIO XXXVI.  
D. ANDRÆ ERNII,

*De*

*Hydropica salivatione curata.*

**V**Irgo 26. Annorum Scorbutico - Cachectica, à quâ lunare tributum per spatium aliquot Mensium haud exsolutum erat; ineunte æstate 1684. febris tertianâ affligebatur, quæ tamen certis adhibitis medicamentis, sed nimis præcipitantibus, brevi post profligata; Præterlapsis aliquot septimanis, dum tumorem pedum in dies magis magisque



gisque sese augmentem animadvertit, recrudescit febris & abit in quotidianam, cui insequitur & magna abdominis & faciei intumescencia, Urinam pauca in quantitate illamque lixivioso colore imbutam excernebat, spiritum difficulter trahebat, sistiebat continuò & exanthemata ex nigro livescencia in cruribus sese conspicienda præbebant; ita ut perfectam hydropicam faciem exhiberet. Sic per duos Menses infecta, meum expectabat consilium, cui ut satisfacerem, præscripsi Tincturam Rhabarb. quotidie ad aliquot cochlearia, quibus aliquot Guttulæ spiritus salis armoniaci anisat. admiscebantur, assumendam, ut & pulverem ex hydroticis & mensium fluxum procurantibus, ex tartaro vitriolato, Trochisc. de myrrh. Mercurio dulcificat. millepedib. præparat. flor. salis armoniaci Martiat. Quibus cum utitur, liberior urinæ profluxus causatur, respiratio faciliiori negotio perficitur & maculæ in cruribus evanescent; nihilominus tumor recensitis in partibus perseverabat; quapropter Catharticum ex Mercurio dulc. Rhab. & magist. Gumm. guttæ ordinavi, quo ingesto, quamvis satis valido, nulla alvi subsequuta commotio; Sed ab illo tempore, quo prædictum purgans propinatum, magnus humoris limpidissimi per palatum initium duxit effluxus, qui per 14. dies noctesque continuatus, ita ut singulis diebus plus quam quatuor libras expueret; erat huic lymphæ tanta intermixta acrimonia, ut linguam, gingivas reliquasque interioris oris partes profundissimis ulceribus depasceret; quæ cum aguntur, magnum intumescenciæ abdominis & pedum observo decrementum, propterea naturæ minimè in munere excretorio obicem ponendum ratus, quod tamen anxie expetebat ægrotans, omnem dentium & linguæ deperditionem metuens, collutionem ex antiscorbuticis & mundificantibus usum aggressus, ad omnimodam intumescenciæ sublationem usque. Tandem linimento ex diascord. Fracast. melle rosar. antimonio diaphoret. Bals. sulphuris terebinth, & oleo vitrioli dulc. ulcera optimè persā-

*Observatio XXXVII. De Hæmorrhagia in puero variolis &c.* 93  
perfanata sunt. Sicque in totum ab utroque molestissimo  
malo liberata & perfectæ sanitati restituta.

### SCHOLIUM.

**M**Orbos salivatione spontaneâ curari, rarum equidem est,  
fieri tamen hoc nonnunquam, phthisis tali modo soluta  
testatur, quam *Ephem. harum Ann. I. Dec. II. obs. 122.* exhibet, ubi  
in *Scholio*, similem eventum etiam ab aliis in febre ardente,  
vertigine, ac scorbuto fuisse observatum, monui. *Contingit a-*  
*liquando*, scribit *D. Franc. de le Boë Sylvius lib. 4. prax. med. tract.*  
*6. de hydropse, §. 324. licet variis, salivatio sponte, quod in hisce*  
*regionibus nonnunquam factum observari, & quidem cum nota-*  
*bili agrotorum commodo, & liberatione à morbis chronicis à pi-*  
*tuita semper pendentibus.* Unde qui naturam ducem in hoc  
passu providè sequuntur, quin laudabilem à procurato per  
mercurialia medicamenta ptyalismo, humore seroso ac pitui-  
toso sic liquato atque è corpore sensim educto, obtinere que-  
ant effectum non potest esse dubium; quam methodum, præ-  
ter laudatum *Sylvium l. c.* etiam innuit *Franc. Osvald. Gremb-*  
*sus in tr. arbor. integr. & ruin. homin.* qua de videatur quoque  
*D. Franc. Ignat, Thiermaixius Consil. medic. lib. 2. cap. 10. in*  
*scholio.*

(*L. Schröck, L. F.*)

### OBSERVATIO XXXVII. D. ANDRÆ ERNII,

*De*

### Hæmorrhagia in puero variolis labo- rante innoxia.

**N**ullus sanè medicorum est, qui non ut plurimum,  
variolis laborantibus, dum in illis per alvum & uri-  
nam excretiones sanguinolentas observat, funesta  
prædi-



prædicet; De quibus & ego nullum è mortis faucibus, cui simile accidit, ereptum vidi; Præter puerum 5. annos natum, ad quem ut ipsi manus auxiliatrices porrigerem, vocatus; primo intuitu deprehendo illum maximè æstuantem, unâ cum magnâ pustularum copia expulsarum stipatum. Adstabat inter alias nascita anus, inquirens, quodnam expellens hîc exhibendum, cui dedi responsum, hætenus nullum, cùm natura se ipsam in munere hoc exequendo satis validam præbeat, modò diæta & conclavis calor ritè observetur; Tantummodò de abigendis frequentioribus supervenientibus symptomatibus cum parentibus agens, discessi: vix deserueram ædes, statim præpostero hujus vetulæ consilio puero ʒj. pulv. marchion. & aliquid diascord. aquæ fumarix diluti propinatur: quibus assumptis, tantus subsequutus febrilis fervor, ut in totum deliquescere videbatur puer, quo in statu per integrum diem desperatus quasi jacuit, ut nemo non in singula momenta animam exhalaturum suspicaretur. Ego iterum accersitus, invenio miserum ægrotantem, ex naribus, oculis vesica & alvo sanguinem fundentem, quasi ab Hæmorrhoo morsum; Statim horrenda hæc symptomata ab intempestivo expellente producta adstantibus exposui. Quapropter citissimè emulsionem, cui admixta erant leviter sanguinis ebullitionem & acrimoniam temperantia, propinari, præcordiis autem pullum columbinum per medium dissectum imponi jussi. Pro potu erat spiritus terræ sigillatæ &c. Quibus adhibitis, præter omnium expectationem sanatus puer, quem Charon jam cymbâ suâ expectaverat.

OBSERVATIO XXXVIII.

D. JOHANNIS CHRISTOPHORI BAUTZMANNI,

*De*

Morte ex suppurato testiculo muliebri.

**C**omitissa quædam animi & corporis dotibus sexûs sui  
facile princeps, cum per duodeviginti menses dulcis-  
simos Amoris fructus in conjugio auspicatissimo le-  
gisset, annos nata novemdecim, uterum ferens, ulti-  
mis gestationis mensibus aliquoties de dolore Hypochondrii  
dextri conquerebatur, in partu tamen, quo filiam lectissimam,  
quæ etiamnum in vivis est, Stadæ Suecorum Anno 1675, die  
30. Januarij enitebatur, omnia benè & ex voto succedebant, se-  
cundinâ liberè subsequente, Lochiis verò non nisi cum foetore  
fluentibus. Octavo à partu die autem febricitare, de ardore in  
regione matricis lamentari, tumq; Diarrhoeâ laborare cœpit,  
abdomine prægnantis ad instar elevato. Et quamvis complu-  
rium Medicorum Consilia adhiberentur, nihilominus tamen  
die 12. Februarii mentis compos, inter suspiria & preces pro-  
pinquorum placidè obdormiebat. Avidissimè & Cognati &  
Medici morbi & improvidæ mortis causam scire cupiebāt, qua-  
re post anxiam & longam deliberationem, defunctæ corpus  
tandem examini cultelli anatomici concedebatur. Aperto  
igitur mediâ nocte à me & Johanne Wiedefeld, tum temporis  
Chirurgo præfidiario sedulo, nunc Celsissimi Principis Cellen-  
sis Chirurgo aulico, cadavere, vulnereque factò, statim post  
leviter sauciatum Peritonæum, aura graveolens, acida, putri-  
da, & quam vix ferre possemus, nostras petebat nares. De-  
tectò autem Omento & datâ portâ, illico intestina quasi fugam  
machinantia, prorumpebant, clara, pellucida, & non nisi  
flatibus referta omnia, purulentæ aquæ, quæ hac & illac efflue-  
bat, innatantia, ut priusquam dignoscere quidquam liceret,  
hujus



hujus cum pure permixtæ libras quatuor, & supra, spongiis excipere opus haberemus. Pure cum aquis educto, intestinorum Diaphragma versus supra ventrem exterius expansorum partes illas, quæ dextrum hypochondrium tetigerant, purè foris & livore quodam inquinata obductaque reperiebamus. Lustrando pergentes, uterum, ut decet post partum, naturaliter tam intus quàm foris constitutum inveniebamus, ejusque Testiculum sive Ovarium sinistrum cum Tuba & ligamentis salvum, dextrum verò, putridum, exesum, foetidum, disruptum, sine parenchymate, quem sacculum potius, cujus vulnus Tubam versus vergebat, dixisses. Ab omni tamen putredine subjacentem Renem liberum deprehendere licuit, utpote qui naturali suâ tunicâ & pinguedine adhuc investitus erat. Hepar autem à vesicula fellea livore inquinatum. Ex quibus adstantes omnes uno ore positebantur, morbi & insperatæ mortis causam Testiculum suppuratum fuisse, qui fortè ex labore parturientis disruptus fuit. Hinc cum effluens pus atque serum nullum exitum invenire posset, fermentatio in abdomine orta, ex qua Febris, & tandem MOR Sipsa.

[*Ex communicatione D.D. Jo. Dan. Majoris.*]

OBSERVATIO XXXIX.  
D. GOTHOFREDI SAMUELIS POLISII,  
*De*  
Vermibus vomitu rejectis.

**M**ulier quædam hujus loci plebeja, juvencula atq; primipara, per maritum consilium petit, conquerens de cruciatibus, rosionibus atque torsionibus, quas per aliquot jam hebdomadas circa ventriculi orificium perpeffa, iisque immanissimis atque per intervalla recurrentibus, quibus adjuncta molesta alia phænomena, uti nausea,  
ad

ad vomendum frequens, perissimum tamen inanis conatus, capitis dolor, & ad obeundos domesticos labores pigrities, donec tandem, prægressis sætis rosionibus & lancinationibus, antè octiduum vermem, molestissimum hætenus ventriculi hospitem, & quidem multipedem per os rejecerit, cujus facies ex Figura V. adpictâ conspicua: sequenti aurorâ insecutus alter ejusdem formæ & farinæ; præterlapso quatrinduo tertius domicilium relinquit: Per microscopium examine instituto, miram insectum hoc præ se ferebat faciem: cornutum erat caput, oculi orbita prominebat, corpus reliquum loricatum quasi & coloribus variegatum cernebatur: pedibus instructum erat quàm plurimis. Cum verò his rejectis symptomata præfata minimè remitterent, & suspicio indè plurium nasceretur, exhibitum Emeticum, quod verò frustra & sine effectû, præter pauca quædam excreta phlegmata, propinatum; hinc reiteratus ipsius usus, doloribus perseverantibus, quo demum unâ cum materiâ quâdam lentâ atque viscidâ, comite ingenti præcordiorum anxietate, alius vermis flavus & sextipes (*wie ein Mehlwurm*) vid. Fig. VI. expulsus, quem per 8. septimanas vivum in vitro asservatum marcor tandem, ut non nisi exuvix reliquæ, encabat. De generatione ejusmodi insectorum controversitur inter Authores: præsupponendum tamen videtur aliquod seminale principium, quocunque etiam modo intra corpus fuerit receptum: de ranis, bufonibus atque serpentibus clara res est, quòd haud rarò in corpore humano generentur hausto cum aquâ seminario: & quamvis hæc animalia insectis paulò perfectiora videantur, indè tamen nec his tale aliquod seminarium videtur denegandum, quo sese multiplicare queant. Ast plura eruditiorum & acutiorum judicio atque arbitrio excutienda relinquo.

Fig. V. VI. *fol. 84.*



## SCHOLIUM.

Cum nobis non radices tantum, fructus, sed & herbæ, semina, aromata, animalia & eorum partes &c. in cibum veniant, diversissimas & sæpe horridas admodum vermium species, tot passim id testantibus Medicorum observationibus, in corpore humano hospitari, haud adeò mirum esse potest; maximam siquidem corporibus naturalibus inhærere quasi per naturam talismodi insectorum diversitatem, Microscopiorum inprimis fide, à diligentibus Scrutatoribus deprehensum fuit; dum vel quælibet planta proprium suum, notante id *Athan. Kircheri sect. 1. scrutin. pest.* alit insectum, & visceribus humoribusque animalium talia inesse, vix ullus amplius hoc tempore dubitare potest. Similes itaque vermiculi vel eorum ovula dum cum cibis eorumvé condimentis, aut in potu etiam, & medicamentis ventriculo ingeruntur, ejusdem se parietibus, mediante viscido humore, sæpe ibi hospitante, illi se adglutinare, blando ejus calore foveri, à cibis quotidie ingestis nutriri, sicque etiam ab alimento ibi abundante in majorem, quàm aliàs in libero aëre & consueto domicilio obtinent, molem abire queunt.

(*L. Schröck, L. F.*)

## OBSERVATIO XL.

D. GOTHOFREDI SAMUELIS POLISII.

*De*

## Muscis Polonicis exitiosis.

Notum est, antè aliquot annos, in Majori Poloniâ Marchiæ nostræ confini., genus quoddam muscarum sive Insectorum volucre atque alatum, agmine facto, conspectum fuisse, quod non tantum animalia bruta, sed & homines, eosque incautos pungendo, læsit, ut non pauci intra

fol. 99.  
Fig. VII. VIII.

*Musca polonica*  
vera facies antica.




*Musca polonica antica facies per micro-  
scopium observata.*





*Musca polonica*  
fol. 99.

vera facies postica.  
Fig. IX.X.



*Musca polonica*  
per microscopium

postica facies  
observata.

Anni IV.





ci intra XXIV. horarum spatium, potissimum in principio advolatûs peregrinorum horum hospitem, & antequam medela quædam contrâ hæc puncturas inventa, vitam cum morte commutare coacti fuerint. Extat equidem jam de Muscis his Observatio in *Ephemerid. nostrarum Anno decimo, Decad. prima, obs. 184.* ita ut supervacua videri posset hæcce mea: nihilominus tamen eandem lubet inferere, cum microscopii beneficio ipsarum facies clariùs expressâ videatur. Ex muscarum itaque genere insecta hæc fuisse, sedula examinatio & metoposcopia edocuit: quantum autem corporis structuram concernit, suppeditavit tunc nobis notatu quædam digna Microscopium, cujus ope ea quæ aliàs visu cognosci non ritè poterant, sese manifestiora præbebant. Observavimus namque corpus texturâ loricatum, horridâ duritie pollens, asperâque in ventre medio: caput magnum & nonnihil hirsutum adparebat, ornatum intrâ oculorum spatium parvis tribus rotundis eminentiis nigrificantibus, figuram Trianguli efformantibus: in fronte cornicula sive antennis numero binas gerebat valdè longas, quæ meris articulis interstinctæ videbantur: oculi protuberabant; os amplum erat, & totum caput pilis confutum cum medio ventre, cui annexæ erant alæ ex pelliculis conflatae, percurrentibus flavis lineolis, quæ cum in radiis solaribus expanderentur, varii colores non secus ac in formosâ pavonis caudâ exhibebantur: pedes habebant numero sex, colore ex rubro flavescente, cute asperâ & durâ, articulationibus sive juncturis tribus donatos, quarum ultima itidem tres peculiares juncturas monstrabat cum adnatis ungviculis: postremò autè in fine medii vel apice infimi ventris infixus hærebat stimulus, intra duas laminas cærulescentes vaginam quasi efformantes conditus, quæ notabiliter excavatæ erant, ut figura ejus rotunda æquabilem capacitatem adipisci posset. Et hæc sunt, quæ mediante microscopio observare licuit. Cæterum ex literis à Birnbaum oppido Poloniae & undecim milliaribus ab-



hinc disito sequentia habeto. Was die Polnische schädliche Würme oder giftige Fliegen anbelanget / so berichte ich / das innerhalb 4. Wochen etliche 30. Personen durch selbige getödtet worden : und soll außer der Art / so ich übersende / noch eine andere seyn / welche so groß / als eine kleine Fledermaus / auch so rauch / und auf den Rücken / zwischen den Fliegeln / einen Schild führet / dabeneben ein Bordt oder Zwiesel ein Viertel der Ellen lang hat / und selbige artig zusammen gewickelt / daß man muthmasset / es müsse ein giftiger Stachel darinn haften : Die von dieser Sorte getroffen / sind innerhalb 24. Stunden gestorben : Sie sollen aber sündt der Zeit kluger worden seyn / und die gestochen / alsobald auf den getroffenen Ort Köpffe setzen lassen / dadurch dern viel erhalten worden. 2c.

Fig. VII. VIII. IX. X.

### OBSERVATIO XLI.

D. GOTHOFREDI SAMUELIS POLISII,

*De*

### Anserculo quadrupede.

**I**N villâ vicinâ anserculus ovo exclusus , quatuor pedibus , uti effigies ostendit, instructus fuit : præternaturales bini in currendo obstaculo nonnihil fuerunt : vixit ad aliquot tempus , mortuum peculiariq̃ue liquore prius conditum Bibliothecæ Academicæ, ubi visitur, inseri curavit Excell: Dn. Bibliothecarius , D. Becmannus. Causa hujus monstrosæ aberrationis meritò in δύναμιν πλαστικὴν & phantasiā rejicienda, quæ etiam in brutis à scopo suo aberrare potest ; quod multis aliis exemplis comprobari posset. &c.

Fig. XI.

*Anserculus*  
Fig. XI.

*quadrupes.*  
fol. 100.







## SCHOLIUM.

EX omnibus Avibus frequentiora in Anseribus esse monstra, *Cass. Schuvenckfeld in Theriotroph. Siles.* monuit, simulque itidem anseris quatuor pedibus monstrofi mentionem fecit; alterius quoque quadrupedis meminit *D. Ol. Borrichius in cent. 4. epist. med. Bartholin. 92. Cass. Schottus lib. 5. phys. cur. part. 1. cap. 26. & Vlyss. Aldrovandus Ornitholog. lib. 19. c. 17.* Aliàs gallinam quadrupedem *Martin. Zeillerus cent. 6. epist. 99.* gallum confimilem *Jo. Jac. Leibnitzius in descript. Biblioth. Noric. p. 18.* & pullos gallinaceos *Frid. Wilh. Schmuckius in fascic. admir. nat. & passerem Hornungi Cista med. epist. 77.* nec non columbam *epist. 245.* sic etiam tribus pedibus horridulam gallinam *Borrichius l. c. gallum tripedem Th. Bartholinus cent. 2. epist. 83.* passerem tribus pedibus, ut et columbas tribus alis præditas *Jo. Joach. Bockenhofferus in Mus. Brackenhoff. memorant.* Ad causam, quæ hujusmodi monstrosa bruta producit, dilucidandam faciunt, quæ *pag. 404. seqq. Dec. hujus Ann. II. & pag. 481. & c. ejusdem Ann. III.* Exc. noster *Pæon & Theffalus* disseruerunt. Interea verò ipsa generationis secundum naturæ ordinem & indices factæ historia uti tenebris multis adhuc est involuta, ita in illa, quæ præter hanc naturæ intentionem, rariusque fieri videtur, eò majorem caliginem experimur. Nihilominus si colliquamentum illud, quod in volatilium horum ovis vitello adnatum conspicitur, totius foetus rudimenta, ex quorundam sententia, jam contineat, illas ipsas particulas, pedibus producendis destinatas quadruplices aliquando, Naturæ lusu, efformari, suspicari liceat, sicque etiam, sine imaginationis maternæ concursu, pullus postmodum quatuor pedibus instructus ex ovo prodibit; qua ratione etiam in corporum constitutione interna abundantes ejusmodi partes quandoque reperiri observatur; nullâ tamen imaginatione, quantum quidem constare potuit, easdem producente; quale quid de



stomacho duplici habet *Annus proximè præcedens Ephem. obs. 154. & Riolani anthropograph. lib. 2. c. 20.* quod etiam de Liene, Renibus, Vesica, &c. numero excedentibus, alii notarunt.

(*L. Schröck, L. F.*)

## OBSERVATIO XLII.

D. GOTHOFREDI SAMUELIS POLISII,

*De*

### Partu post mortem matris.

**M**ulier quædam rustica in pago vicino paulò ante mensem in gravidationis ultimum, laboribus domesticis nimis intenta, & uti putabatur, rupta, malè habere coepit, accedente febre acutâ; præterlapsis paucis diebus diem suam obit; moreque solito sandapilæ committitur; elapso biduo foetus mortuus ad pedes defunctæ matris provolutus cernitur: Quæritur; utrum infans ergastulum suum vivens relinquere coactus fuerit, extinctâ ante binos dies genitrice? puto quod sic: cum omninò foetus superstes, matre demortuâ, in utero esse queat, & non matris sed propriâ vitâ in eodem fruatur.

## SCHOLIUM.

**C**onferatur in *Anno præced. Observatio LIII.* Quamvis autem, foetum in hoc similibusvè casibus ut plurimum ex demortua matre vivum prodiisse, haud sit incredibile, cum ejusdem conatum, ad partum ritè ac benè absolvendum, esse necessarium, vel hanc ob causam etiam statuatur, quia & pullo-  
rum e. g. partus vel exclusio non tam incubanti matri, quàm ipsi pullo, corticem ovi effringenti, debetur; non tamen revera mortuas semper esse matres, quæ tales esse judicantur, non minùs certum est; quin & embryo, in procinctu dum est  
ad egre-

*Observatio XLIII. De Roremarino in Sarcophago crescente.* 103

ad egrediendum, si moriatur, laxatis post mortem matris (vid. *Ephem. Dec. l. Ann. III. obs. 318.*) omnibus hujus membris & simul ligamenti uteri, gravitate suâ descendere potest, præsertim ubi loca muliebria effluxu aquarum, ex ruptis foetum involventibus membranis, lubrica magis fuerint reddita, aut stagnans in utero humorum colluvies fermentatione subiens, aëremque magis expandens, & quasi in flatum resoluta, ad foetum expellendum unâ concurrerit. Unde quàm grave sit, in simili casu certum dare de facta vivi mortuique foetus exclusionis judicium, adparet. Licet ejusdem foetus instituta anatomica inquisitio certior aliquam decisionem suppeditare queat, cum, vivus ille ex utero si eruperit, non possit non mox inspirando aërem captare, à quo verò pulmones alterari contingit, utpote qui rubicundiores in istis, aërem qui nunquam inspirarunt, comparent, dum vicissim ab aëre suscepto dilatati albedinem induunt: eoq; indicio, verbis loquor *Guil. Harveyi exerc. 70. de generat. anim. facile internoveris, maternè vivum an mortuum foetum pepererit: illico enim ab inspirato aëre mutatur pulmonum color; qui, etiam post repentina fata, idem permanet.*

(L. Schröck, L. F.)

OBSERVATIO XLIII.

D. GOTHOFREDI SAMUELIS POLISII,

De

Roremarino in Sarcophago crescente.

**S**Edini Pomeranorum ante multos jam annos Mercator quidam primarius sepultus, cujus manibus sueto more ramulus Rorismarini inditus: aperto antè aliquot annos loculo ramulum istum adstantes consanguinei in tantam longitudinem excrevisse viderunt, ut barbam affabrè pre-reptan-

D. J. A. Vici  
p. 299  
Infra p. 34



104. *Observatio XLIII. De Roremarino in Sarcophago crescente.*  
reptando faciem integram, egregio spectaculo virens con-  
geret.

### SCHOLIUM.

**S**I Rorismarini non ita difficilem germinationem perpen-  
damus, dum vel ramulus ejus à stirpe sua decerptus, humi-  
dæque terræ commissus, aut etiam aquæ tantum impositus, ra-  
dices agere non admodum renuit, aqueis nempe particulis ita  
in locum earum, quas è sitibundæ plantæ porulis aër circum-  
stans continuò exhaurit, succedentibus, & sic ejusdem augmen-  
tum, tam supernè in majorem ramuli longitudinem & am-  
plitudinem, quàm infernè fibrillas in radículas expandendo,  
procurantibus; si, inquam, germinationem hanc facilem  
perpendamus, miræ quoque excrescentiæ hujus rationem ca-  
pere fortasse licebit. Vegetus enim ejusmodi ramulus, re-  
centerque à stirpe desumptus, manibus demortui hujus, paulò  
post sepulturæ tradendi, si fuerit impositus, præcipuè aëris  
temperies frigidiuscula tum unà si exstiterit, & sic neutiquam  
marcescens in tumulum pervenerit, vigorem suum aliquan-  
diu servare, & cum loculus non minùs quàm terra ei injecta  
liberum aëri accessum denegaverint, dissipationem humoris  
infiti naturalis & vegetantis devitare potuit, quem ipsum etiam  
exhalantes ex putrescente cadavere humidæ particulæ, ut et  
quas terra injecta, à pluviis fortè tum liberaliter madefacta,  
suppeditavit, non tantum diu integrum conservarunt, sed  
quoque non parum adauxerunt, quò ita, interno agitante  
spiritu, in majorem molem ramuli extendi & germinare po-  
tuerint.

(L. Schröck, L. F.)

OBSER-

Ovum gallinaceum monstros:  
 Fig. XII. fol. 105.



Capra sylvestris Africana.  
 Fig. XIII. fol. 131.



Fig.  
 XIV.

Tracheæ sectæ facies  
 antica et lateralis.




Fig.  
 XV.



Fig.  
 XVI.

Globulus pituitæ.

fol. 137.

Calculi renales.




Fig. XVII. fol. 139





## OBSERVATIO XLIV.

D. GOTHOFREDI SAMUELIS POLISHI,

De

## Ovo gallinaceo monstroso.

**P**olydædalam naturam nunquam otiosam semper curiosis spectatoribus in theatro suo nova proponere spectacula, verè scribit Beatissimus *Sachsus Ann. I. Ephem. in scholio observat. XXXVI. p. 120.* Regnum Vegetabile plantas suggerit monstrosas plurimas: in Minerali varia sæpius lapidibus inprimuntur phænomena: Animale non caret insolitis monstrosisque generationibus, præcipuè in avium genere, potissimumque in Gallinis, & quorum numerosus partus est, juxta *Aristot. de Generat. Anim. l. 4. c. 4.* Ut alia sicco pede præteream, Ova tantum in scenam produco, quorum monstrosæ generationes non immeritò quempiam in admirationem trahunt: Prostant in *Ephemeridibus nostris passim* notatu digna: ita mentio fit in *Anno I.* Ovi partu enixi *p. 12.* prægnantis *p. 120. 122.* Insolitæ figuræ: *p. 310.* Serpentis in ovo: *p. 123.* in *An. III.* Ovum producitur in ovo: *p. 51.* Serpenterum gallinaceum: *p. 354.* in *Anno IV.* Ova à gallo gallinaceo posita memorantur; & aliud Eclipsi lunari insignitum *p. 301.* subjungitur. His annecti meretur ovum, quod hîc locorum antè biennium fortè spectatum: Scilicet mulier quædam plebeja domi suæ aliquot gallinas aluit; hyeme cessante, una ex illis ova parere coepit & quidem in loco exclusioni aliàs destinato: interjectis aliquot diebus non in loco solito, sed in foci cineribus unum eâ, quam *Figura 12.* ostendit, monstrosâ facie posuit, clamore ingenti avolando: accedens materfamilias reperit monstrum hocce insolitum, quod tamen terrefacta attingere non audet, vivum aliquot inesse animalculum existimans: re ad me delatâ, jubeo ovum adferri; miratus ipse ejusmodi monstrosam efformationem, aliis

Dec. II. Annus IV.

O

nem, aliis



nem, aliis conspiciendum præbeo: quò tamen de contentis certò constaret, aperio illud, oviq̃ albumen cum vitello more solito formatum reperio, testâ tamen non induratâ, sed molli existente: præterlapsis duabus septimanis eodem in loco alterum denuò ejusdem formæ & figuræ, præterquam quod cauda longior & tortuosior adpareret, peperit; cætera verò & naturalia quidem in loco consueto semper posuit: Superstitiosa mulierculæ nescio quid ominis indè sumebant.

Fig. XII.

### OBSERVATIO XLV.

D. GOTHOFREDI SAMUELIS POLISII,

*De*

Hæmoptysi & consequente phthisi ex terro-  
re contractis & contagiosis.

**C**ontagiosos plures dari morbos, nec solos Epidemios, sed & sporadicos tales existere, cum contagium utrisque interdum commune sit, ex Medicorum monumentis satis superq̃ manifestum evadit. Horum classi inferi solent Catarrhi, febres malignæ & pestilentes, Ophthalmiæ, Phthises, Dysenterix, & alia corpori nostro exitium minitancia mala: talia de subjecto in subjectum migrare, ac in disposito corpore sub vaporum formâ, & in minima corporiscula resoluta seminaria morbifica deponere & queunt & solent. De Hæmoptysi ambigi posset, utrum & hæc consternatione quâdam contrahi atque contagiosa esse possit? Ast sequens Casus, ut opinor, omne excutiet dubium. Vir quidam Reverendus, consistentis ætatis, sputo sanguinis aliquoties jam laboraverat, donec tandem phthisis comitem sese adjungeret: cumq̃ desiderio teneretur invisendi socerum, Virum de Orthodoxâ Ecclesiâ hujus loci optimè meritum, nec commo-  
dè pro-

dè propter infirmam valetudinem liceret: tandem tamen, ut voti & desiderii compos fieret, in viam se dans ad nos delatus est: vix per biduum subsisterat, cum lecto detentus denuò Hæmoptysin pateretur, & tantâ quidem vehementiâ malo affligente, ut unâ cum purpureo liquore ipsam ejectionis animam videretur: attonita videns subitanè hanc Adfinis mutationem accurrit Filia prænominati venerandi Theologi, octodecim annos nata, Virgo corporis morumque venustate commendatissima, ministrantisque vices obitura, cum solitaria esset in conclavi, caput hæmoptoici pro more sustinet: cessante sanguinis sputo, ægroque nonnihil refecto, adventantibus domesticis narrat, quæ cum Adfine acta fuerant; hi consternati omnem impendunt operam, ut convenientia remedia ægro exhiberentur: sequenti verò nocte Virgo idem incurrit malum, roseum liquorem in satis magnâ copia ex pulmonibus exspuens: Parentes attoniti statim Medicum, Parentem scilicet meum desideratissimum b.m. pro instituendâ medelâ accersiri curant, qui postea aptis medicinis cruentam rejectionem quidam cohibuit, prohibere tamen non valuit, quin phthisis tandem & tabes formosum hocce corpus consumerent, vix præterlapso semestri spatio. Ex Casu hoc apertè liquet, Virginem ex consternatione, & imaginatione Hæmoptysin contraxisse, quatenus effluvia contagiosa ex decumbentis Adfinis pulmonibus egressa sanum corpus infecerint, & pulmones ad dispositionem talem redegerint: phthisin verò tandem vitæ filum abruptisse, mirum non est, cum Hæmoptysin insequi soleat. Juxta Hipp. Aph. 15. sect. 7.

### SCHOLIUM.

Cum Virum hunc præter hæmoptysin etiam phthisis tenuerit, hujus autem natura in exulceratione pulmonum consistat, quæ cum aëre expirato putridas suas atomos unâ expellit, hæ in præsentī casu, majori impetu & copiâ, referatis



nempe simul magis, in violenta sanguinis ejectione, læsorum pulmonum cellulis vel putredinis foco, extrusæ aërem vicinum inficere, atque à virgine propinquiore, dum caput ægroti sustinuit, copiosè inspirari, sicque pulmonibus ejus se insinuando, labem eis adfricare potuerunt; idque eò facilius, dum & sanguis terrore subitaneo, à visa in adfines gravissimâ cruoris copiosi effusione, in motu suo primò inhibitus, mox, naturâ se recolligente, majori impetu propulsus agitatúsque fuit; & imaginatio vel recordatio horridæ excretionis sanguinem ad locum similem sive pulmones magis direxit. Cæterum hæmoptysin contagiosam etiam non nunquam observâsse se refert Exc. noster *D. Wedelius* in *Dec. I. Ephem. harum Ann. VI. obs. 2.* nec non *Physiolog. med. sect. 3. cap. 19.*

(*L. Schröck, L. F.*)

## OBSERVATIO XLVI.

D. GOTHOFREDI SAMUELIS POLISII,

De

## Antipathiâ Opiatorum hæreditariâ.

**A**Ntipathiarum limites valdè esse extensos, ex multitudine Exemplorum patescit; & quidem quod naturale fastidium atque odium certorum ciborum & potuum concernit, videmus toto die, quod non pauci carnibus, piscibusque planè abstineant; alii vinum, cerevisiam, caseum, butyrum, mel &c. aversentur; quidam poma, pyra, aliosque horæos fructus non attingant: præter ejusmodi alimentorum fastidium & antipathiam, etiam certorum Medicamentorum aliud in quibusdam exsurgit: notum est, Opia ritè præparata & decenter adhibita multum magnumque usum in pellendis multis affectibus p. n. obtinere; quicquid etiam nonnulli contrà eundem ogganniant; inprimis in Catarrhis

tarrhis tenuibus atque serosis, Tussi item ab ejusmodi defluxione proveniente, in quibus agritudinibus sine Opiatorum ope nulla cita, tuta ac jucunda siccuratio: Vid. *Opiologiam* Excellentiss. D. Wedelii l. 2. sect. 2. c. 2. 3. p. m. 108. 109. Quæ quamvis ita se habeant, reperiuntur nihilominus subjecta quædam, quæ Opiata perferre non possunt, antipathiâ jure quodam hæreditario introductâ: veritatem sequens Casus stabiliet. Anno præterlapso cum vocarer ad nobilem Virginem, Catarrho tenui acri & seroso detentam, tussi quæ gravi afflictam, ut erecta in lecto sedere cogeretur, & Catarrhus suffocativus metueretur; expertis in ejusmodi affectibus remediis nil proficientibus, ad Opiata tandem devenit, & Pilulæ Catarrhales Opiatæ circa vesperam exhibitæ, quæ instantis noctis requiem adeò turbaverunt, tantam quæ anxietatem, & angustias, vomitus item molestissimos excitarunt, ut nobilissima Virgo de se actum putârit: mane visitanti mihi referebat, quæ noctu acciderant, symptomata, quærens, utrum hesternæ Pilulæ Opiati quid in se continerent? affirmanti mihi regerebat, se ex Opio parata medicamenta ex naturali quodam odio & antipathiâ perferre non posse, sibi quæ recenti adhuc hæere memoriâ, similia symptomata quondam Heidelbergæ sese usu præscripti opii perpersam, causam rejiciens in hæreditariam dispositionem, à Parente suo Opiata similiter averfante in se translata.

[Communic. Francofurto cis Viadrum D. D. Wedelio.]

## OBSERVATIO XLVII.

D. JOH. THEODORI MOEREN,

De  
Iride.

**M**Onuerunt me præcedentis anni observationes Nob. D. Mentzelii, ut si quid in simili materia observare daretur, illud quoque observationum numero conjungerem.



jungerem. Manè itaque hora 4. anni 1685. Julii prima ft. n. in Ringaviæ Meditullio (ubi nunc praxin Medicam exerceo) subito evigilans singularem albicantem aëris universi rubedinem per fenestras adverti, unde relictis lecti latebris plagam versus Sudwest iridis pulcherrimæ terræ incumbentis partem intueor, cœlo existente ibidem nubibus gravido & pluviam illic uberiolem excutiente; vera iris ejiciebat de se in Meridiem spuriam suam, ut fieri assolet, ubi verior præsertim iris fortius coruscat.

Pede suo stabat iris in planitie ab altera parte Rheni, ubi retro iridem surgebant montes, qui illo districtu à descendente iride amœnissimè depingebantur. Jucundissimum hoc spectaculum & de cœlo quasi nata pictura omnes Morphei reliquias meis ex oculis proscripsit, coloresque quinque sequentes in iride adverto. Primus meum Zenith versus erat purpureus. Secundus erat ruber, & hi duo taliter uniebantur ut liberis oculis difficile erat determinare utriusque extremitates unitas. Tertius erat aureus & quartus flavus, qui duo etiam in sui amplexu ægrè poterant distingui, ita ut ipsam unionem circumferentiarum dicerem mixtum colorem alium resultantem, & sic in iride septem colores distinguerem. Quintus erat viridis perfectè à cæteris distinctus.

Jam occupabar in accuratiori colorum iridis perlustratione, ecce subito in Medium latus jam examinatæ iridis incidebat frustum alterius cujusdam iridis modo penè singulari, cujus splendor non omnimode assequebatur prioris iridis lucem, quam incidentiam hac rudi virgula lit. *a* effingo.



Cum insolitam hanc mihi nunquam visam connexionem perlustro prior iris lit. *b* paulatim totaliter evanescebat, alterum verò incidens frustum sic alto cœlo imperfectum pendebat, donec etiam post aliquam moram occultato nubibus sole, quem ob adjacentium ædium cacumina videre non poteram, interiret.

Curio-

Curiositate sua regnum aëreum vel si mavis æthereum aut uno nomine coeleste non cedit tribus aliis vulgatis regnis, & sane, qui hisce fidereis & aëreis plagis altiori genio liberiùs indulgent, non uno nomine universam philosophiam sibi habebunt obstrictam, constanti enim historiarum, observationum & experimentorum perpetuitate poterit suo tempore ingeniis philosophicis ejusmodi lux exoriri, ut non ampliùs probabilia & inevidentia in rebus naturalibus sequi cogamur & posterì cogantur.

Doctissimus *Mentzelius observat. VI. Dec. 2. Anni III.* ponit Iridum colores alio ordine, quàm ego in hac iride observavi. *Lot. cit.* inquit: *primò supremam arcus cælestis regionem tenet ruber color seu phænicæus, secundo sequitur luteus vel aureus, terriò viridis, quartò cæruleus, quintò puniceus vel purpureus.*

Sequitur ergo, hanc à me visam Iridem esse vel singularem, vel non semper certò hos se colores invicem sequi, sed pro varietate Dispositionum aliter & aliter resultare. Vel enim pluvix cadentis guttæ sunt majores aut minores vel disjunctæ aut conglobatæ, vel venti impulsu rectè vel obliquè feruntur, & pro similium diversitate dispositionum, diversimodis quoque coloribus oculos aspicientis incidunt, ut mihi certum videatur, si uno eodemque momento à duobus uno alterove milliari distantibus eadem (si possit) iris observetur, certè alia & alia erit colorum raritas vel densitas, alia transpositio, alius splendor.

Obiter liceat quærere, an illi colores in Iride procedant à Sole, & in illo resideant? negativa placet; ratio est, quia in Sole non sunt isti diversi colores, multo minùs in radiis; radii namque sunt continua propages effluviorum igneorum Solis. Sed sola est guttarum dispositio, ut jam supra innui, quæ si sub certa figura Soli & radiorum incidentiæ obiciantur,



ciantur, diversos colores in oculos nostros projiciunt, ut in vitro Trigono & alterius figuræ vitris, quæ autem sit ratio hujus & illius præcisè resultantis coloris, ut & determinatio figurarum pro hoc vel illo colore intimæ est optices demonstrare.

Physicè autem totum mysterium aliquatenus explicando iris aliter non fit, nisi, ut nunc capio, quod quævis guttula Solem repræsentet, & eum etiam perpetuo redderet, nisi & gutta guttam truderet, ventus variè frangeret, ipse lapsus contorqueret & continuò quoque Sol moveretur: ex hac ergo confusione oritur color in iride medius, qui velet flavus vel aureus Soli æmulus, dico medius; nam cum Sol sit centrum iridis utpote circuli, linea circuli erit color medius. jam cum utrinque laterales circuli discedant tum à linea media circuli, tum à centro alios colores mutant, vel à Sole minus directè incidente, vel ab ipso colore medio per refractiones & reflexiones projiciente.

In mea nunc observatione ubi frustum illud novæ iridis incidit in partem prioris sic mihi imaginor, quod pars illa nubis, quæ repræsentabat novæ iridis particulam, extra cæteras nubes extiterit, ut illa eminentia nubis de loco etiam jam moto Sole in eundem circulum iridicum, ut ita loquar, prolapsa sit: non poterat enim projici à priori iride, quod stante utraque cogitabam, nam antiquiori iride evanescente perseverabat frustum illud superius satis longo adhuc tempore.

Circa octavam narrabam hanc observationem viro optimo & perdocto D. Jo. Wendelino Cronberg hospiti & loci Prætori, qui sæpius simile quid se observasse referebat, vocavitque germanica lingua similem Iridis particulam ein Windgal quasi receptaculum venti, indeque augurabatur fortiolem ventum brevi secuturum, nec augurium fefellit, horâ enim nona exortus impetuosior ventus cum pluviâ in partibus occidentalibus, quæ tempestuosa & foeda aura per duos adhuc insequentes dies perseverabat.

At quæ

At quæ connexio ? Si conjecturari liceat nec Sol per se nec iris, nec cum iride Titan Æolum ad iram provocarunt. Sed quomodo sunt signum futuræ tempestatis, cum tamen iris debeat esse signum pacis, & Sol amœnitatis indicium ? credo prognosticon una alteravè vice coincidisse, & sic frustra connexio eruitur. Si autem perpetua observatio tollat dubium, ego tamen manebo scepticus.

Non putem me hîc excedere Philosophiæ limites, si ad calculum revocem illud ex Sacra Scriptura, ubi consternatis post generalem impiissimi orbis inundationem mortalibus, in solatium data est iris pro signo reconciliationis Deum inter & homines, utrum nimirum ante diluvium fuerit iris ?

Negat *Helmontius* qui in *Meteoro anomalo* dat causam hanc. *Mortales alioqui jure conquesti fuissent ; jam enim saepe ante vidimus iridem, & tamen Mundus Cataclysmate periiit. Quam ergo nobis securitatem per Iridem polliceris assuetam, suspectum hoc nobis fœdus pudorem non tollit :* affirmant alii, eò quod semper fuerint in natura requisitæ ad iridem causæ per totum id tempus quo mundus steterat, & quæ ante diluvium fuerat solum signum tempestatis futuræ, post diluvium mansit signum tempestatis & simul ex infallibili Dei verbo signum fœderis, cum signum ab instituentis arbitrio dependeat & pro illius voluntate etiam diversa & contraria significet ; & his affirmantibus minùs arridet propensa in S. Scripturam credulitas *Helmontii*, quasi pro tuenda prioris asserti sui veritate ne nunc quidem haberet iris sui causam naturalem ; cum ex *Helmontii* supposito contineatur falsitas causarum naturalium iridis, quas dant Philosophi. Ego in hac incertitudine ab utriusque litigantis parte abstrahens reservata secretiori responsione, hoc tamen monitum volui, ut videatur, utrum in Armenia & præsertim ejus montibus, ubi sine dubio Noë cum suis post redditam terræ siccitatem morabatur, occurrant causæ iridis naturales, si ut mihi videtur ob Climatis diversitatem vel montium altitudinem



non adsint omnes requisitæ causæ , statuendum erit iridem, quam in signum fœderis Deus dedit, fuisse planè singulare à prioribus & posterioribus Meteoron. Si dicatur, quod nos ergo posteri non amplius gauderemus illa certitudine quod mundus deinceps aquis non sit periturus; respondeo plura esse in Sacro Codice, quæ posteris promissa sunt & tamen nunc non, ut olim, nobis exhibeantur. Et cui hæc responsio non satis facit, adeat & inhabitet altos Armeniæ montes, & ibidem forsitan singulis annis videbit iridem fœderis promissi indicium. Cætera quæ *Helmontius* de iride tractat vel nulla sunt, vel probanda aut refutanda ex optica, ad quam remittimus eos, qui totam iridis Explicationem demonstrativè desiderant.

### SCHOLIUM.

**L**iceat & mihi, cum pace Clar. Domini Autoris, mentem meam de Iride illa, Noaho in signum fœderis proposita, paucis subnectere. Et quidem ante diluvium jam comparuisse Iridem, talem nempe, qualem quotannis sæpius apud nos in aëre depingi notum est, mihi certissimum esse videtur; cum enim Iris hæc à causa naturali, sive à nubis roridæ solaribus radiis oppositione oriatur, antediluviano verò tempore nubes pluviarum feraces per aërem oberrasse, atque ita etiam, Sole vel oriente, vel occidente, easdem in opposita cœli plaga existisse, nec impossibile est, nec improbabile: qua sanè ratione, positis causis in actu non impeditis, effectum esse secutum, sive Iridem comparuisse, necesse est; cum impeditas ante diluvium fuisse Iridis causas, nemo probare facile queat; 2. hac ratione etiam in Armenia iridem comparere, non est incredibile: Si enim in summo montis Ararat cacumine iridis causas non dari, ponamus, quis tamen certò adfirmare queat, Noahum sacrificium illud, post egressum ex arca, in cacumine montis, non verò in valle aliqua ampliore, vel decliviore aliqua montis parte, in qua utique causæ istæ esse poterant, insti-

instituisse ; imò 3. quamvis non præfractè negandum, incertum tamen mihi esse videtur, an Iris aliqua tum temporis, cùm eadem in foederis dati confirmationem à Divina Majestate Noaho proponeretur, in aëre spectandam se præbuerit ; siquidem ex verbis textus *Genes. cap. 9. §. 13.* illud haud adeò liquet, DEO non in præsentis, sed in futuro, hunc in modum loquente : *Arcum meum ponam in nubibus, & erit signum fœderis inter me & terram &c.* 4. Posito, Iridem tum in aëre adfuisse, ita ut DEUS, quasi monstrando eam, dixerit : *hunc arcum meum pono in nubibus &c.* non video tamen, cur illa ipsa Iris haud exstiterit per causam naturalem ; siquidem potuisse nihilominus signum esse reconciliationis, vel historia Abrahami docere posset, cui DEUS *Genes. 15. §. 5.* immensam generis multiplicationem promittens, in signum copiam stellarum innumerabilem, corporum utique, nemine contradicente, naturalium proponit ; quin & circumcisio, actus, quæ talis, nihil supra naturam involvens, *ibid. cap. 17. §. 11.* signum fœderis DEUM inter & Abrahamum vocatur ; & sic rectè signum ab instituentis arbitrio dependere dicitur ; 5. Iridem, si quæ tum comparuerit, non fuisse singularem, aut in solis Armeniæ montibus comparentem, inde liquere puto, siquidem DEUS Iridem in signum fœderis non tantum Noaho, sed omnibus hominibus, omnivæ animæ viventi, non illis tantum, qui altos Armeniæ montes inhabitant, dederat ; & tale quidem signum, quod in nubibus cœlo obductis conspiciendum sit, & ita ubi per causas naturales arcus ille in nubibus comparuerit, tum DEUS fœderis recordari se velle, promiserat ; verba textus §. 14. & 15. hæc sunt : *cum oduxero nubibus cælum, apparebit arcus meus in nubibus cæli, & recordabor fœderis mei &c.*

(L. Schröck, L. F.)



OBSERVATIO XLVIII.  
D. JOH. THEODORI MOEREN,  
*De*  
Fulmine mirabili.

**D**Efatigavit non mediocriter etiam ingenia subtilissima non tam ipsius tonitru quam fulminis sæpè admiranda vis & velocitas. Multa & copiosa est antiquitas in recensendis fulminis operationibus fidem humanam exsuperantibus, & credo etiam infido plerumque calamo plures fulminis effectus annotasse authores. *Plinius* ut fuit in historiis referendis faciliior, sic & huic docto & accurato sæculo incertior audit: non tamen ego ullas fulmini vires facilè negavero, si rectè concipiam motus ejus tam violentiam quàm velocitatem.

Per Dies aliquot summus æstus languente præ exæstuan-  
te calore naturâ provocaverat vesperi die 14. Junii ab occiden-  
te crassiores nubes, quæ circa medium noctis & in aquam & in  
ignem solvebantur, reboabat aër perpetuò. Intonuere poli  
& crebris micabat ignibus æther; Tanto semper succedente  
fragore, ut in Ringaviæ Medio unà omnium Incolarum esset  
consternatio, & ego qui parùm aliàs meteorologicis terricula-  
mentis moveor, penè à me ipso aberam: Interim subito ad-  
venientium hominum lachrymæ sollicitabant me, ut comi-  
tarer ad quendam non remotè adeò distantem fulmine ta-  
ctum, illicò sequor per fulmina nimbos & undas, ubi accedo,  
plurium hominum manus aderat opem latura domui, quam  
coelesti igne correptam crediderant vicini; at ubi domui nulla  
ab igne noxa quaquaversum, in hypocausto suffultis bra-  
chiis circumducebant domûs filium è fulminis ictu adhuc de  
bilem.

Peto facti speciem, ubi anheloso spiritu dictus filius circa mensam cui assederat libellum precatorium volvens ostendit & ex fortiori fulminis ictu, quem dorsum transiisse putaverat, sensisse, quod ab inferiori corporis parte utpote ventre & pedibus retrocesserit vita, atque sic se sine sensu, sine motu esse, nisi quod putarat immensum quantum pedes increvisse & intumuisse, durissimoque frigore inferius corpus correptum esse. Sederat in adstantilecto filii jam penè quadragenarii mater, quæ nihilum læsâ altè opem pro filio petiit, qui è sede prolapsus sui vix potens mortua quasi mole humum onerabat. Accurrit famula, quæ cum matre ægerrimè filium poterant erigere. Servus interim vicinos convocabat, qui fortiori manu filium sublevantes ducunt & reducunt, ut ex isto motu rediret mediæ corporis parti spiritus vitalis. In hoc adhuc debilitati motu cum accessissem, suasi ut paucillum nobilioris vini sumeret, quò corpus magis incallescere, sic sibi redditus post aliquot etiam dies usus balneo plene restitutus est.

Definente Tonitru, remotisque è nostri cœli horizonte inquietis nubibus auroram diemque adesse conspeximus, soleque orto plenius ludentis fulminis effectus per domum lustravimus. Domus illa quatuor angularibus Columnis quiescebat Diagonalibus trabibus mixtim connexa & firmata, unam harum columnarum advenienti tonitru obviâ per medium confusè diffractam vidimus, insertumque trabem comminutum, sine ullo ignis indicio, & ubi columna murum radebat, fulmen murum transiit, ut ex ingenti comminutione & amplo hiatus advertimus: abhinc bono passu distabat in culina promptuarium, ubi fulmen ridiculo gyro hinc lignum raserat, inde compacturas etiam glutine firmatas diviserat, ollas quas liquida Materia implebat evertit, & rodentium tinearum pulverem è suis cavernulis doctè excussit; uno verbo, confudit omnia:

Ab altera tecti parte tegulas integro ordine removit descendens



scendentesque trabes sine lege conscidit & tumultuario gressu subintraverat secretiorem domus locum, quo quæque obsoleta & vetusta coniecta erant, summa imis miscuit.

Admirabundi item sedentis in Tonitru filii locum contemplantur, & ecce! subtilibus hiatibus & rimulis hiscebat paries tum supra quam infra scamnum, unde facile fulminis vicinitatem filii dorso agnoscentes gratulabamur de evasione fortuna.

Huic Historiæ paucula liceat addere formata illa quæstione. *An detur fulmen frigidum?* Ansam huic quæstioni dederunt cæteri homines, qui unà mecum fulminis lusum observabant. Qui cum ne ullum ignis aut combustionis indicium nec odore nec visu dignoscerent, facili conclusione descendebant in eam sententiam, frigidum fuisse fulmen, quod sua lingua exprimebant, *Es ist ein kalter Schlag*. Aliàs nempè fulmine tactæ ædes, ut jam pluries vidi sui esse cineribus commendant.

Ego ut quæstionis negativam defendam, pro ratione afferro domum illam non vero fulmine tactam fuisse, sed fortissimo & conglobato aëre afflatam, cujus vis venti turbine juncta & à fracti nubis blas propulsa in domum conspiravit, ubi variis & cavernulis & porulis se inseruit, inde tamen exitum necessario quærens vel dirupit fregitque omnia, vel elevavit separavitque modo illo, quo facilius impetuosior ille aër suam sibi libertatem vendicaret, aliàs sane subtiliores igneæ fulminis particulæ isthoc velocissimo motu physica necessitate in aridis lignis accommodatissimum pabulum invenissent. De cætero cur inferior solum filii pars corporis exanimata sit, ex sequenti observatione clariùs innotescet.

OBSERVATIO XLIX.

D. JOH. THEODORI MOEREN,

De

Tonitru Herniam causante.

**H**orrisono cœli murmure & repentino fragore concûti ipsa intestina totumque corpus quasi enervari non rarò observavi in timidiori sexu fœmineo, at in pleno die in masculino sexu ubi plures homines adsunt Herniam à tonitru causari mihi inauditum.

Jam penè annus est quo adhuc Confluentiæ familiarissimè utebar Excellentissimo *Fürstio* nunc S. R. J. Acad. Nat. Curios. dignissimo *Æolo*. Ubi invitabamur ambo à præsentis tunc temporis Confluentiæ Herniotomo, ut sectioni spectatores essemus; felici operationi interfuimus. Ubi & Excellentissimus *Æolus* testiculum exsectum & denudatum dextrè divisit, rugasque quibus tanquam cellulis semen vel elaboraretur vel detineretur ostendit, nullus tamen humor huic spermaticæ officinæ etiam digitis compressæ inerat, sed jejunis & crassiusculis plicis hiabat; in nupero tamen Gallinaceo, cujus ego testiculos divisi tam liquido & albo humore turgebant, ut minima sectione copiosius efflueret liquor ad flacciditatem usque, quasi ipsi testiculi in putrilaginem abiissent; at de his alibi. Restituto nunc nostro secto, quæsi vi Herniæ illius Originem & sequentia percepi.

Juvenis erat viginti & unius annorum, patria vix hora distat Dusseldorpio Seren. Principis Neoburgici Sede, ubi ante binos annos molendinum inhabitaverat quod ex certi generis opere, quo Pannus adhuc rudior majorè nanciscitur in firmitudine perfectionem, vocabat *eine Walchmühl* in eo gravi se sæpè panni mole pressum fuisse referebat, usque dum certo æstatis



statis tempore graviùs solitò pondus humeris imposuisset, atq; ex ea mole quendam circa inguina dolorem sensisset.

Post aliquot inde Dies ex æstu cœli nimio tonitru pluviasque jam procul minitante domum veniens circa prandium, cæteros homines mensæ invenit assidere, quibus se jungens avidè cibum hiante stomacho excepit. Jam acriùs instabat ventus, nimbi, fulgura, tonitrua, sed commensales ex hoc nil moti, mensam adhuc pleno ore circumstant & subitò fortius roboante tonitru insolitoque fragore descendente, se procubuisse in terram, scroti pubisq; dolorem altè inculando restabatur. Cæteris nihil nisi isthoc terrore concussis, elevatus & chirurgo commissus ex tonitru eum in Herniam incidisse constabat, cum quid ex corpore in scrotum prolapsum esse accuratissimè senserit, & exinde per binos sequentes annos perpetuum sibi auræ mutandique aëris Calendarium fuisse hanc Herniam.

Vix historiam narrando absolvit & eum sæpius acerrimè veritatis admonui, ne quid referret quod veritati dissonum esset, ubi constanti asseveratione hanc fidem apud me promeruit, qualem patientes seu ægri suos dolores enarrantes promerentur.

## OBSERVATIO L.

D. JOH. LUDOVICI HANNEMANNI,

*De**Cicuta sine noxa comesta.*

**F**Esto Pentecostes currentis anni 1685. cujusdam Domini coqua olus paraverat, & loco Petroselinum veri Petroselinum dictum caninum (*Helvetius*, autor *aurei Vituli* accenset herbis saturninis, de cujus signatura vel physiognomia multum dicendum, si esset hujus loci,) in sat magna quantitate receperat; de hoc olere comederunt omnes familiæ personæ, sed citra ullam (*Dei gratiâ*) noxam; cum tamen

men ejus usu multos legamus esse dementatos & furore extinctos. Congessit istius tristic evētūs aliquot exempla *Thom. Bōnetus* in suo *Thesauro Medicina practica*, sub titulo de Cicutā. Cū sollicitē inquireretur, ex quotnam speciebus hoc olus constitisset, responsum est, duntaxat tribus: (1.) Cherefolio, (2.) Beta alba, (3.) pseudopetroselino: sicque proculdubio Cherefolium, cujus maxima pars fuit pessimi istius veneni (teste *Tabernamontano*) antidotus. Confer. *observat.* 43. Nobil. D. D. *Cornelii Stalpalt. Van der Wiel*, pag. 139. usque ad pag. 150.

## SCHOLIUM.

CHerefolium sale suo volatili aromatico, quo abundare illud, præter odorem, sapor evincit, & de quo *Æmilius Macer* cecinit:

*Est Cherefolio vis acris & ignea valde,*

sulphur Cicutæ narcoticum & dementans emendasse, fortè dicere licebit. Cæterum sine noxa alias etiam ob causas quandoque Cicutam stomacho ingeri constat; quo de plura congesti in *Scholio ad observ.* 42. D. D. *Joh. Hellvigii*, hinc itaque non repetenda.

(*L. Schröck, L. F.*)

## OBSERVATIO LI.

D. JOH. LUDOVICI HANNEMANNI,

De

## Antipathia cum Mentha.

PROsocrus mea Menthæ odorem, nec quidem herbæ ejus præsentiam sine animi deliquio ferre non potuit.



## OBSERVATIO LII.

D. JOH. LUDOVICI HANNE MANNI,

Te.

## Erysipelate faciei exulcerato.

**P**Ræcedentis Anni Ephemerides evolvens incidi in oppidò raram *Observationem Num. X. pag. 48. & 49.* quam Excellentissimus D. D. *Georgius Francus*, Collega honoratissimus cum Amplissimo nostro Collegio communicavit, doctissimoque scholio eruditissimus *Luc. Schröckius* illustravit, cujus occasione hanc communico observationem. Socer meus b. m. Petrus Johannes de Calis, Senator Urbis Fridrichstadii, dum viveret, integerrimus, hoc cum malo sæpius conflictatus est, & quidem levi occasione in ejusmodi Erysipelas faciem exulcerans incidebat, imò si duntaxat carne anserinâ vesceretur, illico corpus primò rigore concuti, & pandiculatione convelli incipiebat; hæ enim corporis passionēs infallibilia erant signa imminentis istius Erysipelatis; paulò enim post, integra facies monstrosè intumescebat, hæcque intumescencia 9. dierū spatio accrescebat, totidemq; diebus detumescebat, & ubi ad statū pervenerat, varia ulcera magnæ molis in facie & capite oriebantur, quæ tandem in unum tumorem aspectu horrendum confluebant, qui successu temporis sponte aperiiebatur, & pus indè promanabat flavum, viscidum, tantâque acrimoniâ præditum, ut partes, quas attingeret, non secus acaqua chrysulca urendo exulceraret denuo. Corpus, antequam tumor rumpereetur, feбри causò non absimili urebatur. Cura istius affectus ipsi erat consueta, alvum semper habere lubricam, sæpius sudare, & confortantibus uti. Exulcerationibus nihil præter lintea pura admovebantur. Diæta consistebat plurimùm: ut aër semper esset calidus; omne enim frigus noxium; totus eo tem-

eo tempore erat Stoicus, quoniam levis ira mali recidivam causari poterat, quieti prorsus deditus. Ego aliquando curæ ab ipso adhibitus, lenia purgantia, quæ alvum apertam servarent, sæpiusque clysmata pro re nata præscripsi; ad sudorem eliciendum dedi Rob sambuci cum antimonio diaphoretico, ex aqua sambuci; illa enim medicamenta, quæ ex sambuco parantur, ipsi affectui apprimè utilia sunt. Potus curationis tempore erat serum lactis. Topica, præter siccos sambuci & chamomillæ flores, nulla admovi. Nam ante crustæ eruptionem, quo tempore omninò ulcus exsiccari incipit, pingua & oleosa Soceri affectus non ferebat. In Belgio vocatur hic affectus BelRoose, curam ejus more suo, i. e. eruditè descripsit Excellent. *Blancardus* in sua *chirurgia cap. III. lib. 3. pag. 170. ad p. 176.* Ego in hoc affectu, dicto BelRoose (salvo aliorum judicio) nullum locum concedo topicis, nisi siccis; scio enim istorum usu homines fuisse occisos; horum siquidem applicatio venenum vel malignitatem, qua non caret, è circumferentia in centrum viscerum intrinsecum, non sine vitæ discrimine repellit; omni autem conatu studendum, ut virus hoc in externis partibus remaneat, & ut hoc obtineamus, sudorifera crebrò propinanda sunt, & talia remedia, quæ æstum vel sanguinis orgasmum sedare, & particulas volatiles præcipitare queunt. Acidum in hoc affectu prædominari volunt moderni Medici, sed & nec Veteres à veritate abludunt, quando bilem accusant; videsis *Raymundi Fortis Tom. 2. consult. & respons. medicinal. cent. 4. consult. 86. pag. 597. & 598. It. cent. 1. Tom. 1. consult. 95. pag. 117.* ubi ratione curæ nobiscum consentit, & repellentia improbat usque ad aliquot dies. Pauca hæc ex ipso hîc annotare placet: 1. Affectus equidem non spernendus, nam ex levi aliquo errore, aut externa occasione lethalis evadere posset, si ab extra ad intra retrocedat humor, unde phrenitides nonnunquam succedunt, quandoque etiam anginæ, quandoque pariter suppurant. 2. Ab oleosis verò & pingui-



bus omnino abstinendum. 3. Quibus addendum, quòd nihil perniciosius esse possit, quàm faciem aëri frigido aut ventis exponere &c. Scio & meum Socerum, contra hanc ultimam regulam si peccaret, recidivam esse passum. Et duo prælaudati Collegæ, veneno morbi penitus devicto, ultimò cum ægrorum conditio in portu navigaret, nec ampliùs periculum ad intra recessûs esset, ad balsamum Locatelli, & unguentum saturninum & sparadrappum venerunt. Quorum methodo & ego subscribo, eamque ambabus amplector ulnis.

## OBSERVATIO LIII.

D. JOH. LUDOVICI HANNEMANNI,

De

## Scopelismis Cymbricis.

**D**ie 16. Junii Anni 1684. quidam Generosissimus Dominus me, ut de valetudine sua conservanda mecum consuleret, accersivit: inter prandendum mentio fiebat cujusdam hominis, (quem Herculem furem apud *Senecam* Tragicum merito diceret,) qui cuidam Nobili promiserat, se velle omnes saxorum acervos ex ejus agris, & quidem suis sumptibus remove, si ei thesauros sub eis defossos concederet. Hi enim acervi in hac nostra Holsatia sunt frequentes, ubi ingentis molis saxa sibi invicem imposita incumbunt, & creduntur esse sepulchra vel monumenta Gigantum, sub quibus urnæ cinerum reconditæ. Et nemus est inter Kiliam & Ecklerfordam, dictum Schnelmarckt, in quo tales scopelismi sepulchrales apparent, ex quorum uno aliquando thesaurum fuisse effossum fide digni homines commemorant. Horum effossioni etiam hic vultur inhiat; optandum autem esset, primò evolveret tragica talium thesauros effodientium exempla, quæ passim apud autores leguntur; suffi-

ciat

ciat unum inspexisse, *Bohislaum Balbinum* in sua *histor. miscell. regni Bohemia*. Occasione hujus discursûs Generosiss. Dominus hanc referebat historiam : contigisse aliquando suorum Parentum atate, quasdam feminas curiositate intempestivâ impulsas, viris in convivio vino intentis, convocâsse aliquot glebæ ascriptos viros, ut talem scopelismum effoderent, quid accidit ? In effosso Gigantis cubili reperiunt ollam cineribus plenam, & veterem quendam cultrum, novemque cuneos fulminares, elegantes & quasi politos ; peracto labore in convivium revertuntur ; quæritur, quid interea temporis feminarum chorus molitus esset ? re quasi benè gestâ, facinus vel curiositatem pœnitentiâ dignam recensent ; succenset & indignatur convivii caput vel hospes, malum indè futurum prædicat : eventus præsagium probavit : Mors etenim atra, quot fuerant fulminares lapides, ex illustri familia unâ cum hospite è vivorum societate unius anni spatio proscripfit. Hinc discimus, dormitoria mortuorum, utut paganorum, non esse turbanda. Credo, quòd in paganismo nobiles horum Ducatum sub ejusmodi scopelismis suorum cinerum urnas recondere consueverint. Malè dicunt Gigantum sepulchra, dubium enim, an unquam in his oris Maris Balthici Gigantes exstiterint. Posset hîc quæri : 1. an licitum sit, thesauros inquirere, & inventos effodere ? 2. ad quos pertineant effossi thesauri ? 3. an inventor sibi ea vendicare posset ? 4. an bonâ conscientîâ thesauros in terra abscondere liceat ? 5. an dentur cunei fulminares ? 6. an Gigantes in Cymbria exstiterint ? 7. an Gigantes sint monstra ? 8. quare tam sanctè observare dormitoria mortuorum præcipiat Jus gentium ? 9. occasione eâ quærerem : quonam ergo jure cultro sæviamus in mortuos, cum ne quidem turbare liceat eorum vasa, quibus inclusi. Et hoc etiam obtinet apud barbaros populos, dormitoria sua hac lege muniant, ne iis inferatur injuria. Dum supra dixi, credere me, quòd in paganismo nobiles sub his scopelismis urnas re-



condiderint, confirmari id potest, cùm Romani sepulchra hæreditaria & familiaria habuerint in agris; habuerunt etiam Judæi, *Genes. 23. vers. 9. 2. Paralip. 26. vers. ult. Matth. 27. vers. 7.* adde *Ramirez pentecontarch. c. 17.* Scopelismi mentionem facio, sed non eo sensu, quo apud JCtos sumitur, iis scilicet Arabiae crimen, & nihil est aliud, quàm lapidum positio, cùm inimicus in prædio inimici lapides ponit, indicio futuros, eum, qui agrum istum coluerit, malo letho periturum, insidiis eorum, qui lapides posuerint. Saraceni Hispaniæ regno expulsi complures tales scopelismos erexisse dicuntur, qui exitio fuerunt, & mortem præsentem in agros istos intrantibus, & avibus iis insidentibus attulerunt. *Pineda comment. in Jobum* trahit huc locum *cap. 5. vers. 23.* cum lapidibus agri erit foedus tuum; sed quàm benè, vide *Exc. Schmidium nostrum in hunc loc. comment. p. 217.* Hac mea appellatione alludo ad istos Arabum scopelismos. De vindicatione thesauri, an sit inventoris, consuli possunt JCTi. *Thesaurus*, ait *Wissenbach diss. X. §. 32. p. 131.* quem quis in loco suo invenit, cedit inventori. *§. Thes. 39. inst. de ver. deris. l. un. c. de thes. lib. 10. l. nunquam 31. §. 1. D. de A. R. D.*

### SCHOLIUM.

**V**oluntati Nob. D. Autoris, additamentum aliquod hîc à me deposcentis gratificaturus, missis reliquis quæsitis, de Cuneis tantum fulminaribus, Gigantibus ad Monstrorum classem referendis, nec non Anatomia demortuorum, pauca subjungere mihi liceat. Et fulminares quidem lapides, quorum, præter *Anf. Boëtium*, aliosque, *Olaus Wormius* plures describit in *Mus. lib. 1. sect. 2. cap. 12.* quod concernit, quamvis similes concrefcere in aëre posse, tum aliorum lapidum ex eo in terram delapsus evincere videtur, tum ipsa Venus aurea, nostro *D. Christ. Adolph. Balduino* sic nuncupata, comprobat, quam idem singulari libello, in *Append. Decad. I. Ephem. Curios. Ann. VIII.* legendo, recensuit, generationemque similium ingenio.

ingeniosè monstravit ; vereor tamen, ne idem subire fatum ut plurimum teneantur, cui in *præcedente Ephemeridum Anno* alterum illud aëreum vulgi ostentum, sive Scutellæ ex Iride solari deciduæ fuerunt expositæ ; & revera suspectas atque fictitias esse de iisdem lapidibus relationes curiosè ostendit Nob. noster *D. Joh. Daniel Major tract. Gen. err. cap. 29.* Porro Gigantes à quibusdam monstrorum ordini adjungi scio, ab aliis verò eodem eximi, & utrumque equidem certo respectu admitti potest, prout monstri nomen laxiori vel strictiori sensu accipere quis velit ; sic monstrum si corpus vivens à consueta & naturali membrorum externorum conformatione, in ipso formationis opere, multum degenerans : si corpus vivum insolitâ specie prædictum, rarò comparens, & eapropter horrorem videntibus incutiens, dicamus : ibi non erunt dicendi monstra, hîc autem vix eorum numero eximendi ; prout vicissim inter monstra non erunt referendi, si *Aristotelem* consulamus, *lib. 4. de generat. animal. cap. 3.* monstrum esse id, enunciantem, quod non est simile suis parentibus ; quod nempe *cap. 4.* ad ipsas solùm partes vel deficientes vel abundantes restringit, *deesse aut superesse quidquam, monstrosum esse*, enuncians. Denique quo jure cadavera exenterare pro conditura quondam Ægyptiis licuit, (qua ratione nec illius DEO dilectissimi Patriarchæ, Jacobi balsamationem ab Ægyptiis, jussu ipsius Josephi filii, modo consueto, non sine evisceratione, institutam, meruisse divinam iram aut inhibitionem, ex *Genes. cap. 50.* colligimus,) eodem, si non majori, in proximi nempe amorem & utilitatem cedentem, anatomen physico - medicam celebrari, dicemus ; neque ulla lex, contrarium quæ suadeat, nobis lata est. Ut itaque non tantum licita sit, sed etiam utilis & necessaria hæc anatome ; id quod in *Ventilabro medico - theolog. Mich. Bondevvyn part. 1. quæst. 37.* prolixius demonstrat ; eamq; nec impiam, crudelem, inutilem, foedam aut indecoram eleganter probat *D. Guern. Rolfincius diss. anat. lib. 1. c. 2.* cujus in-

super



super usum in Theologia, Jurisprudencia, Medicina & Philosophia *cap. 5. 6. & 7.* eleganter exhibit. Sepulchra tamen ea propter referare, ubi scilicet non tam in sepulci corporis morbum, vel mortis genus, quo interiit, ob graviores causas, & in salutem proximi, vel poenam facinorosi, inquiritur, quàm solius exercitii anatomici causâ, si quis defectum hunc faciliùs alio modo refarciendum consideret, haud omnino excusari posse videtur; violari enim hac ratione sepulchri jura, dicere licet; quibus de conferri meretur, præter nostrum Exc. D. *Garmannum lib. 1. de miracul. mortuor. tit. 3. §. 34. Henricus Sal-muth not. in Panciroll. lib. 1. tit. 62.* Ut periculum, quod sæpè apertionem illam insequitur, taceam, cujus exempla apud *Dominic. Panarolum pent. 1. obs. 18. & Thom. Bartholinum cent. 4. obs. 32. nec non dissert. 9. de medic. Danor. domest. exstant.* Cæterum de Scopelismis his Cymbricis videri etiam possunt, quæ habet laudatus *Bartholinus in cent. 4. hist. anat. 32.*

(L. Schröck, L. F.)

#### OBSERVATIO LIV.

D. JOH. LUDOVICI HANNEMANNI,

De

#### Memoriæ imbecillis cura.

**Q**Uædam femina puerpera A. 1685, in tam stupidam simplicitatem & memoriæ imbecillitatem incidit, ut nec differentiam sexûs dignosceret, sed promiscuè viros feminas, & has viros appellaret, propriam suam matrem non agnoscebat, omnium oblita. Tempore puerperii elapso, ad eam curandam meum implorarunt auxilium, annui petito, & sequentibus, divinâ gratiâ, restituta est. Primò purgai 20. Mart. hac potiunculâ: Recip. Conf. Hamech. 3v. Electuar. Florenz. 3j. Aq. lil. convall. ʒiij. cinnam. 3j. M.

Sex

Sex indè habuit sedes. Capiti applicuit hanc cucupham. Recip. Herb. rorismar. lavendul. betonic. salviæ an. Mß. Flor. lil. convall. rosar. tunic. an. Mj. Ligni sassafr. ʒij. caryophyllor. cinnam. an. ʒj. croci ʒß. macis ʒiß. Schœnanth. ʒj. succini ʒij. styr. calam. ʒijß. M. F. Species, quæ irrorentur ol. rorismar. ʒß. bals. apoplect. gr. v. Recip. Axung. castor. ʒj. Ol. piper. ʒj. majoran. dest. rorismar. lavend. an. ʒß. caryophyllor. gt. xv. N. M. express. ʒjß. macis express. ʒiiiß. M. F. l. a. Balsamum, eo inunxit locum memoriæ, & sic benè confortata fuit. Moschum, Zibethum & Ambram in hoc sexu adhibere non licuit.

OBSERVATIO LV.

D. JOH. LUDOVICI HANNEMANNI,

*De*

Hæmorrhagia per pulverem sympatheticum curata.

**S**tudiosus quidam hæmorrhagiæ narium quam maximè obnoxius, aliquando ad me invisens, cùm inter alia sermo incidisset de pulvere sympathetico, huncq; illi ostenderem, aliquid ejus quasi furtim in peram immittit, illudque incidit in peram multis foraminibus perforatam, in qua odorifera solitus asservare, postea pixidem fortiori aspiratu olfaciens, incautè pollinem istius pulveris naribus haurit, & ab eo tempore hæmorrhagia desit, ac si quid sanguinis è naribus promanat, quasi coagulatus est; quod suum honestum furtum postea Studiosus ipse revelavit.

[Kilià ad D. D. Volckamerum 1685. 28. Aug. missa.]



OBSERVATIO LVI.  
 D. HERMANNI NICOLAI GRIMM,  
*De*  
 Rore Indico.

**C**um in Batavia Ind. degerem, occasionem habui rorem explorandi, unde summo manè ante Solis exortum, eundem colligendum curavi; & cum aliquando pueri eum ad me detulissent, magnâ cum admiratione fals-acidiusculo atque nonnihil vitriolato sapore prædictum deprehendi. Filtratus & leni B. M. calore evaporatus, ponderosum flavoque colore tinctum liquorem dedit, admodum salsum & vitriolatum; quo cum varias solutiones, non sine successu, tentavi, aurum scilicet cum eo in calore extrahendo; cui cum ejusdem liquoris parum addidissim, pulvisculus subluteus præcipitabatur, auro tamen parum admodum de pondere suo amittente. Luna aliquantum facilius cum eodem solvebatur; Venus itidem, quæ in evaporatione caudam pavonis eleganter præsentabat; Mars in dulce admodum vitriolum abibat; Mercurium etiam, Jovem, & Saturnum in liquorem album cum eo redigebam, qui destillando spiritum instar aceti destillati, sed multò fortiolem suppeditabat; in collum retortæ candido crystallino sale, instar Mercurii sublimati, se sublimante, atque in fundo sale, marini æmulo, remanente. Quòd verò ros hoc præstet, Sol in causâ est, qui intenso suo calore aquam marinam attrahit, & noctu eundem cum sale terræ ac aëris unitam instar roris iterum demittit.

## OBSERVATIO LVII.

D. HERMANNI NICOLAI GRIMM,

De

## Capra sylvestri Africana.

**S**ingularis hæc est Capræ sylvestris species, quam in Africa ad Caput bonæ Spei, in Castello vidi; colore est obscure cinereo, in medio capite fasciculum pilosum erectum gerens; in utroque latere, nasum inter & oculos, duas cavitates exhibet, quæ pinguem vel oleosum flavum liquorem continent, qui in nigram materiam coagulatur, odoreque inter Castoreum & Moschum medio pollet; quâ oblata, nova mox iterum effluit, iterumque ab aëre coagulatur; cavitates hæ nullam cum oculis habent communionem, sed, quod probè notavi, separatae ab eis existunt, ut ita à Lachrymis cervi aliorumvé animalium omninò differat. Certum itaque est, materiam hanc à dictis cervinis Lachrymis virtute & naturâ differre, dubioque procul singularem suam præclaram virtutem obtinet; optassem, ut quantitatem ejus aliquam colligere licuisset, sed, cum iter in patriam instituere cogerer, occasio me deficiebat.

Legi merentur, quæ nobilissimus *Dn. Joh. Jacob. Harderus*, *Prof. Publ. Basl. in primo hujus Decuriæ anno*, ad umbilicum appendicis, de Rupi-capris succinctè disleruit.

(*Helianthus.*)

Fig. XIII.



OBSERVATIO LVIII.  
D. HERMANNI NICOLAI GRIMM,  
*De*  
Mercurii præstantia medica.

**E**Quitis cujusdam uxor à multis derelicta Medicis, guttur valdè exulceratum habens; uvulâ in tantum consumptâ, ut uno tantum latere dependeret, & vox ferè ablata esset; nasus non tantum inflammatus erat, sed quoque cum premeretur, ossa invicem collidebantur. Rogatus itaque, curam ejus adgressus sum, & in cubiculo calido locatam ægram singulis septimanis semel seqq. Pilulis purgavi: ℞. Extr. panchymag. Croll. ʒʒ. cochiar. ʒj. Mercur. dulc. gr. xv. Misc. F. Pilulæ. Gargarismum hunc continuò adhibuit: ℞. herb. agrimon. betonic. plantag. an. Mj. solani, semperviv. an. Mʒ. rad. aristoloch. ʒʒ. coq. in f. q. aq. simpl. In colat. ʒxxiiij. solve mell. rosar. chelidon. diamoron an. ʒj. Alumin. crud. ʒʒ. M. F. Gargarism. Pro exulceratione detergenda cum diutius fuisset usâ hâc Mixturâ: ℞. Ung. Ægyptiac. ʒij. mell. rosar. chelidon. diamoron an. ʒʒ. sacch. saturn. ʒʒ. Misc. dent. in fict. Sequentem aliam ter quater vé in die usurpavit: ℞. Aqua calc. viv. ʒiiij. succ. solani chelidon. an. ʒj. Mercur. sublim. ʒj. Misc. Decoctum hoc pro sudore eliciendo inserviit: ℞. Lign. guajc. ʒiiij. sassafr. ʒj. rad. lapath. maj. ʒʒ. asari ʒij. passul. minor. mund. ʒij. antimon. crudi in petia ligati, ʒʒ. aq. font. lib. xvj. Macerentur per 24. horas in loco tepido, dein bulliant ad tertiâ partis consumptionem, vase probè cooperto, sub finem addendo sol. senæ ʒj. cinamom. ʒj. factis iterum aliquot ebullitionibus, refrigeratum exprimatur & coletur; tum ℞. hujus Decocti ʒij. Tinct. Antimon. ʒʒ. Antim. diaphoret. ʒj. M. f. Sudoriferum. Pro potu ordinario Decoctum ex remanentia primi fuit paratum. Preparato sic corpore, curam ulteriùs institui cum Mercurio præci-

præcipitato rubro, qui cum spir. nitr. concentrato paratur, à quo dein sæpius Spir. vini fuit abstractus; primò tria ejus grana dedi, dosin dein usque ad lenem salivationem augens, & postea iterum dosin diminuens, quo modo per 14. dies continuavi; hocce durante tempore, ulcera planè fuerunt consolidata, uvula iterum firmior reddita, vox restituta, ossicula nasi conglutinata, ipsaqué sic plenariè restituta.

[1685. 12. Sept. ex Niuköping ad D.D. Volckamerum.]

OBSERVATIO LIX.

D. JOH. LUDOVICI HANNEMANNI,

De

Fulminis effectu miro.

**D**Ettler Stoltenberg, Chirurgus in Pretz, quem, præter alia, artis peritia & gravis annorum ætas recommendant, mihi nuper hanc mirabilem & memorabilem historiam de quodam rustico in pago Wulffsdorff habitante narravit: Hic per tonitrua & fulmina, pessimo exemplo, jurare fuit solitus. Tandem vindex DEI manus hoc pacto ipsum feriit, dum subito tempestas suborta est, & hic fulmine ictus, quod exteriorem ejus tunicam exiguo quodam foramine in sinistra parte pectoris, è regione sinistræ papillæ, perforavit, reliquo amictu, quo corpus circumvolutum, prorsus illæso, & totum hominem à vertice ad calcem cutæ exiit, verequé excoriavit, ut ne atomon ejus apparuerit. Prælaudatus Chirurgus ipsum felicissimè, integrumqué hominem emplastris involvendo, curavit, restituitque.

[Kiliâ 1685. 17. Sept. ad D.D. Volckamerum.]



## OBSERVATIO LX.

D. JOH. LUDOVICI HANNE MANNI,

*De*

Canitie à metu,

**Q**uidam Juvenis nobilis annorum 24. ex antiquissimo stemmate de Meinesdorff ( quod unà cum ipso annihilatum est, ) in militia contra Barbaros captus, carcereque inclusus, ex metu imminentis mortis, quam Barbari minati fuerant, unius noctis pervigilio canus factus est, tandem tamen periculo liberatus. Ex relatione Generosissimæ cujusdam Matronæ de Wonsfleet, quæ stirps cum Brockdorffiano stemmate simul uno eodemque die cœpit. Confer: *Decad. hujus Annus I. observ. 69.*

[ *Kiliâ ad D. D. Volckamerum A. 1685. 28. Sept.* ]

## OBSERVATIO LXI.

D. JOH. LUDOVICI HANNE MANNI,

*De*

Dolorifica ventriculi &amp; diaphragmatis convulsione.

**A**Nni 1683. quendam Studiosum Theologiæ & Ministerii Candidatum, mirabili morbo laborantem curavi. Is sæpius in die recurrente laborabat dolorificâ ventriculi & diaphragmatis convulsione, tanta cum respirandi difficultate, ut suffocari videretur. Multa à quodam Medico fuerunt adhibita, purgantia, sudorifera, & venæsectio, sed omnia incassum. Medicus prior arbitrabatur, vivum quoddam animal ventrem ejus obsedisse, & in eo natum, nam adeo in altum venter attollebatur, & pectus sese movere visum,

visum, quasi quoddam animal intrinsicè pectus & ventrem commoveret. Ego tandem consultus, sed clanculùm, ne alterum Medicum offenderent, jussi, sæpius cochlear olei amygdalorum sumeret; & interdum biberet emulsionem ex amygdalis dulcibus cum quatuor feminibus frigidis; sicque tridui spatio convaluit, ut paulò post concionem è suggestu ad populum peroraret: causam hujus anomali motus convulsivi ventriculi & diaphragmatis conjeci in pulverem emeticum, quem frater ejus, pharmacopœus Lubecensis, ipsi dederat, quòd forsàn una aut altera ejus particula plicis ventriculi inhæreret, & hunc motum convulsivum faceret. Posse & viros affectione hystericæ simillimâ affici, probat *Blancardus centur. 1. obs. 70. pag. 64.* & quendam sartorem Amstelodamensem restituit hac porione: Recip. Aq. pulegii hystericæ an. ʒj. olei succini gt. iij. ocul. 69. ʒj. spiritus sal. armoniac. ʒj. M. F. Mixture. Et præter hunc adhuc duos vidit simili morbo correptos. Forsan & similis nervorum passio sese junxit affectui in Studio nostro.

[*Kiliâ 1685. 30. Sept. ad D. D. Volckamerum.*]

## OBSERVATIO LXII.

D. CHRISTIANI MENTZELII,

De

## Tussi suffocativa.

Cum repentinè præcluditur animanti aura vitalis, morsq; indè subsequitur, sive id fiat stertore, tussi, aut aliis symptomatibus, quæ respirationem concernunt, vulgus Medicorum catarrhum suffocativum culpât: verùm cum talis vitæ terminus non semper ab impetu humorum ex capite in fauces, pectus, pulmonesq; subitò ruentium proveniat, quod vulgò catarrhū vocamus, manifestè mihi innotuit ex observatione sequente, quam ideò Ephemeridibus nostris



stris dignam inferi censui, ut porrò distinctio quædam catarrho suffocativo adhibeatur, nisi forsan id priùs à nonnullis observatum & consignatum fuerit, quod jam refero. Anno 1669. die 26. Martii puellula duorum cum dimidio annorum, proximè ædes meas altera filiola tubicinis Electoralis N. Enter (præsente matre, sedente, & nente) vegeta & sana cum sorore sua natu paululùm majore ludens in hypocausto, improvisò tussi corripitur adeò validâ, ut crebro & uno spiritu eliso, nullo verò per respirationem redeunte, misella nunc in matris gremium irruens, nunc sub mensam præ anxietate se præcipitans, sanguine in vultum suffuso (licet mater succurrens, ut mos est, tergum crebrò percuteret) moritur statim sub mensa. Fit à matre ejulatus, accurrit ad me, enarrat plorans casum, obsecrat præsentiam, auxilium. Actutùm mulierem comitans invenio puellam sub mensâ jacentem, vultu brunno strangulatæ simili, planè mortuam. Quò visò matrem consolatus, quòd catarrhus suffocativus puellam ita sustulerit, abeo. Intereà casum hunc abiens variis dubiis mente discutio, utrùm talis catarrhus desuper in fauces & pulmones ruens, spiritum omnem ad mortem usque præcludere possit, tussi existente tam validâ, quæ potiùs suffocationem reprimere quàm accersere potuisset, & annon potiùs ex pulmonibus sursum per tussim crassior quædam pituita tracheam occludere & spiritûs attractionem pulmonibus denegare valuisset, quæ sanior videbatur ratio. Hujus rei ut certior redderer instanter rogavi matrem, ut filiolæ cadaver mihi in ædes meas transferri concederet, quò causam morbi per chirurgum vicinum sectione parvâ explorarem; Annuuit mater. Afferri igitur per famulum meum, parvum cadaver indusio suo indutum cum tumba in ædes meas curo, accersò chirurgum vicinum meum Johannem Gerhardum Groneck Westphalum, in hunc usque diem viventem, & qui Legioni Electorale corpus custodienti officio suo præest. Hunc enarrato casu jubeo tracheam perfecare paullo

paullo sub larynge, ut constaret, an in ea parte aliquid hæreat, quod tussis elidere non valens spiritum præcludere potuisset. Id cum dextrè peregisset, cute scilicet in ea parte cruciatim dissectâ & cum aspera arteria in conspectum veniret, sectione inter anulum cartilagineum secundum & tertium sub larynge & scutiformi cartilagine factâ, ecce pituita quædam crassissima magnitudine pisi ea ipsa in parte adeò impacta hærebat, ut summa vi illa arctius imprimi non potuisset, unde puellam spiritu sic intercluso, necessariò suffocari & mori oportebat. Felici successu peccantem materiam cultro suo attigit, ut eam rectâ per medium secaret, uti Figura monstrat. Notandum, quod in hoc subjecto puellulæ aspera arteria adeo exilis & tenuis fuerit, ut cujuslibet anseris trachea eam faciliè superaret crassitie, quæ causâ forsân etiam fuit, quò minus frustulum illud pituitæ ex pulmonibus elisæ potuerit per laryngem in os ejici. Vide Figuram, ubi (a) sectionem trachæ sub larynge: (b) eandem sectionem in trachea à latere præsentatam. (c) verò notat frustulum pituitæ pisi instar rotundæ, in qua linea diametralis sectionem ejus transversam significat.

Fig. XIV. XV. XVI. p. 104.

OBSERVATIO LXIII.

D. CHRISTIANI MENTZELII,

*De*

Urina suppressa cum hæmorrhagia narium & sanguine misso effluente.

**A**Nno 1679. vocabar hîc ad sartoris cujusdam uxorem viginti aliquot annorum, febre continuâ laborantem & cui urina per septimanam erat suppressa. Cumque ex symptomatibus faciliè intelligerem, ægram simul nephritide & inflammatione renum decumbere, renesque

*Dec. II. Annus IV.*

S

procul



procul dubio à calculis, quibus aliquoties fuit obnoxia, essent obstructi, nec suppressionis urinæ vitium in vesica latere (quod Medicus quidam Gallus, quem ut amicum meum ad hunc raram casum mecum adduxeram, syringâ in vesicam missâ explorarat) insuper & ægra & maritus mihi enarrarunt, urinam ipsi cum sanguine per nares aliquoties extillasse: sumptis indicationibus à febre, cephalalgia, nephritide, hæmorrhagia; venam in brachio secandam iussi; ut simul experirer, an in sanguine & cum ipso circumiret serofus urinæ humor. Quô factô, & sanguine ad uncias quinque detractô, post horas quatuor urinam cruori innatare cum bile mixta deprehendi. Ægræ licet varia medicamenta pro solatio ordinassent, pro desperata tamen habui, quod paucos post dies mors consecuta confirmabat. Cadaver libenter sectione perlustrassent, cui tamen maritus pertinaciter resistebat. Ast paucas ante septimanas, die tamen 28. Julii hujus anni vocor ad uxorem promicondi Electoralis in vicinia mea habitantis, quæ in nonum usque diem suppressione urinæ totali quoque decumbebat. Mulier quadraginta annorum, calculo obnoxia, cui per unum & alterum mensem menstrua substituerant, cum marito ad nundinas Francofurti ad Oderam profecta, cum in reditu esset, & fortè equi currum trahentes effreni extra viam deviarent, periculum aliquod evitatura ex curru profilit. Hòc saltu fortiori sentit quidquam in dorso circa renes (ut agebat) ei prolabi, ex quo tempore ei urina penitus supprimebatur usque in nonam diem, quâ moriebatur. Varia ei medicamina à vocatis Medicis, D. D. Weisio seniore & D. D. Zornio erant præscripta, quæ simul uterum molâ quadam obstructum & vesicæ incumbentem, ne quid urinæ illa posset reddere (uti alterius mens erat) respiciebant. Ego verò nonâ die demum vocatus, quod dolorem in dorso circa renes etiam sentiret, habitâ cum præfatis D. D. consultatione prædixi calculos in renibus esse, qui ureteres obstruant, urinam prohibeant, & ægrotanti mortem sine

tem sint allaturi. Quô auditô mulier aliàs nullis lethali-  
bus symptomatibus affecta, post usum Sacræ Eucharistiæ mediâ  
nocte lectum repetit, optimâ ratione constans, ultimum vale  
marito, parentibus suis, uxori meæ & aliis circumstantibus  
dicit, animamque DEO reddit. Hîc ego conjecturarum mea-  
rum certior ut existerem, rogavi maritum & parentes cadave-  
ris apertionem admitterent, quam etsi initiò penitùs abnue-  
rent, ad voluntatem tamen Electoris prætenfam concesserunt.  
Vocatô itaque eodem Chirurgo Gröneck, ut vicinô, præ-  
sente D. D. Zornio, exenterationem cadaveris obesi admo-  
dum (ultra enim tres uncias adeps abdomini inhærebat,  
omento nil nisi adipe existente, cæterisque partibus multâ  
pinguedine obstitis) instituimus, vesicam & uterum peni-  
tus inanes, at renes per longitudinem dissectos calculis & are-  
nulis plenos tanquam uniones in conchis latentes & emican-  
tes offendimus, omnes glabros, coloris lutei albicantis. Vid.  
Figuram XVII. Casus hic ultimus nil quidquam rari continet.  
Placuit solùm priori adjungere, ut constet, artem nostram  
conjecturalem non semper incerta, sed plurimùm demonstra-  
tiva contra cavillatores continere. Addidissem Figuram cal-  
culi ex rene sinistro Principis Radziwili Anno 1652. Bono-  
niæ Italogum exempti, qui formam & magnitudinem passer-  
culi præsentabat; verùm quia ejus pictura, quam tunc tem-  
poris Bononiæ perfeci, inter chartas meas latitans, jam repe-  
riri nequit, forsan illa tempori alii inserviet.

[Berolino 1685. d. 6. Octobr. ad D. D. Volckamerum.]

Fig. XVII. *p. 104*



OBSERVATIO LXIV.  
D. DANIELIS CRÜGERI,

De

Præstantia Spiritus Sulphuris in tertiana.

**P**erquam Generosus & Stemmatis claritate coruscans Dominus Ernestus d. Crocko Director Dicafterii Electoralis Brandenburg. longè meritissimus, postquam conservandæ sanitatis gratiâ per aliquot dies potui herbæ Thee indulgeret, in morbum incidit, febrem nempe tertianam, cujus paroxysmus primus tam exquisitus, ut fractis viribus & conquassatis quasi omnibus membris profiteretur, se multis paroxysmis sustinendis imparem esse. Vocatus ego sub finem paroxysmi, cùm sitis urgeret, ordinavi in cerevisia secundaria spiritum sulphuris ad gratam aciditatem usque sumendum, julepos enim respuebat. Postero die sequens purgans. *R.* tamarind. ʒʒ. prunor n. viij. passular. ʒj. zibeb. ʒʒ. dactylor. n. iiij. jujub. n. v. fol. senn. fl. ʒʒ. anis. cumin. an. ʒj. coq. in f. q. aquæ com. colatur. ʒiiij. adde mannæ ʒvj. syrup. rosar. solut. ʒʒ. cremor, tart. ʒj. Quinquies leniter & cum euphoria dejecit. Deinde cùm multa remedia non ferret, ordinavi, ut in omni potu posteris diebus in & extra febrem in cerevisia secundaria, quâ delectabatur, spiritum sulphuris ut leviter saltim degustaretur ex. gr. in tʒj. ad gt. xij. q. s. instillaret. Nam si quis totum sanguinem alterare vult, & bilem infringere, non sufficit alternis diebus paucas guttulas adhibere, sed ut medicina humori alterando par sit, considerare, hinc secundus paroxysmus adhuc mitior, quamvis anticiparet. Die 11. Julii ante tertium paroxysmum exhibui. *R.* aquæ cardui bened. ʒiiij. spir. sulph. gut. xv. sal. absinth. ʒʒ. syrup. acetos. citr. ʒʒ. M. d. f. *Schweiß tranck* / bene sudavit. Spiritus sulphuris eo & posteris diebus in potu

in potu continuatus, hinc urina copiosius prodiit, cum antea rubra, & sine sedimento, imposterum signa coctionis meliora apparuerunt cum sedimento. Interim ad dolorem capitis mitigandum contulit emulsio sequens externa: R. aq. flor. sambuc. verbenæ ana ℥iij. semin. papav. alb. ℥iij. nucleor. cerasor. ℥ij. persicor. n. iiij. F. emulsio cum linteis applicanda capiti. Die intermissionis manè sumpsit. R. Unicorn. Cornu Rhinocer. ana ℥ss. cum jusculo sine sudore; & quia à venæsectione abhorrebat, cucurbitulas eo die sibi applicari iussit. Tribus horis ante quartum paroxysmum  $1\frac{1}{2}$  hor. anticipantem dedi. R. Ocul. cancr. è vivis desumptor. contusor. ℥ij. pulv. è conchis Crollii. ℥j. in aq. cardui bened. sine sudore. Febris mitior valdè. Exhibui igitur ante quintum paroxysmum. R. aquæ card. bened. ℥ij. sal. absinth. ℥ij. spir. sulph. ℥j. syrup. acetos. citr. ℥ss. hæc potio per sudorem, urinam copiosè, & bis per alvum operata & febris emanavit. E ego magnâ curâ liberatus Deo gratias egi. Rogavi ut adhuc in potu spir. sulph. per dies duos continuaret, & pristinus appetitus rediit. Ut hoc addam, diebus intermissionis semper clyster emolliens ordinatus, in quo sol. fenn. ℥iij. in coctæ, qui egregiè opem tulit ac si purgans sumpsisset. Quidam nullum discrimen inter sp. sulph. & spir. vitriol. esse putant, verum aliquis deprehenditur, si accuratè attendatur; quando spir. sulph. modo potui instillatus est & scyphus agitated naribus admoveretur, odor particularum oleosarum vel salium volatilium diaphoreticalium sulphuris percipitur, secus ac in spir. vitrioli. Quæstio hîc movebatur; utrùm ex potu herbæ Thee febris hæc orta, putabant enim quidam ventriculi tonum nimis esse laxatum, acidum ventriculi nimis propter copiam aquæ dilutum, unde coctio non ritè in ventriculo hoc pituitoso peracta, cruditates prognatæ, & febris conciliata; quam litem dirimere nolui. Sed hoc dixi, certum jam esse, potum Thee febrem præcavere non potuisse, etiamsi effectum debitum præstiterit: sudor enim



indies & urina copiosè fluxerunt, & alvus aliquoties soluta, quibus tamen effectibus febres curari solent. Ideoque manifestò liquet, non quid fiat videndum sed quibus remediis fiat, & in omnibus morbis specifica necessaria esse, nec indefinitè remedium aliquod tanquam panaceam contra omnes morbose esse adhibendum. Neque ulli Auctor ero, ut potui Thee largiori quotidiano indulgeat, qui ventriculum habet pituitosum debilem, calidum innatum debile, cùm jam dum *Antonius de Heide* in Hollando observaverit in *Cent. observ. 76.* quosdam interiori frigore abdomen concutiente ex ejus usu nimio esse correptos. Et ipse *Excellent. Herm. Nic. Grimmus* in India notaverit *Observ. 36.* quosdam in macredinem & diabetem delapsos. Hinc nequaquam valet consequentia, ille & iste bibit potum Thee, & benè se habet, ergo & ego bibam & mihi quoque conducet. Nam omnis medicina ad certum & specificum effectum & consideratione variorum temperamentorum ex consilio est determinanda. Et consideret modò quis, quanta copia aquæ singulis diebus ingurgitetur, certè inter agens & patiens in corpore est mutua actio & reactio; si igitur assumpta medicina agit, calidum innatum ut reactionem instituat, necesse est, & aquam in corpore alteret & iterum expellat, in qua quotidiana actione an non calidum innatum sensim hebescat & obtundatur, aliis considerandum relinquo: siquidem & ferrum acutissimum quotidianâ actione obtunditur; nec potu hoc sicuti pane & vino quotidiano calidum innatum corroboratur & sustentatur, sed potius qualitas ab Autoribus suprâ recensita corpori introducitur, potioresque Thee ab omnibus obviantibus ex colore faciei mox dignoscuntur, quemadmodum heluones Tabaci. Idcirco usus ex consilio Medici adhibendus, abusus tollendus, ne post Thee tandem exclamandum sit: Væ mihi!

OBSERVATIO LXV.  
D. DANIELIS CRÜGERI,*De**Morfu Viperarum.*

**S**tudiosus artis Pharmaceuticæ insectans Viperas, morsum dolorificum persentiscit hor. 4. vespertin. locum affectum itaque mox oleo Scorpionum illinit, & sumpsit Tinct. bezoardic. spiritus C. C. ana ʒʒ. Aquæ theriacal. River. ʒiij. post duas horas secutus vomitus, per 6. horas continuans, manus & brachium intumescebant, dolor, tremor artuum & singultus accedebant, post 5. à morfu horas vocatus dedi ʒij. theriacæ cum aqua theriacal. frigid. River. ʒiij. hunc potum per vices repetii, non obstantibus vomitionibus, externè impositum est linimentum ex theriaca & capis, locus abluebatur spiritu theriacali, cataplasma ex stercore capræ impositum, & cum pars tumida brachii ad nigredinem vergeret, factum est decoctum & fons ex tapso barbato, Levcoio rubro & caryophyllata, cum urina & aceto, hinc post duas horas tumor valde adhuc intumescebat, forsân quod venenum cum medicamine fermentesceret, & extraheretur ad musculos, fons hic per diem est continuatus cum linteis duplicatis, seposito igitur hoc fons, adhibitum emplastrum ex diachylo simplic. & spermate ranarum, ex quo emplastro sensibilibiter pars detumuit; ranarum forsân natura viperis adversatur. Verùm sudorifica interna & alexipharmaca singulis 6. horis reiterata, ut Tinct. theriacalis Zwelffer. ʒij. spiritus C. C. ʒʒ. Aquæ flor. sambuc. scordii. à ʒj. Item costi Ægyptii veri ʒj. cum vino, & sic salvus evasit.

OBSER-



OBSERVATIO LXVI.  
D. DANIELIS CRÜGERI,*De*

## Veneno Aranei.

**Q**uæstoris Provincialis Pomeraniæ Generalis filius natu major 4. annor. Fratri natu minori  $1\frac{1}{2}$  annor. araneum devorandum in os intrudit. Vix Nutrix hoc observans pedes aranei adhuc ore extrahit, meque veloci cursu accersit, Ego mox ℥j. vitrioli albi in aquæ calidæ cochleari exhibeo, hinc vomitus unus comestorum tantummodo cum araneo sequebatur, non sufficientem arbitrabar hunc vomitum, idcirco mox vitrioli albi crudi ℥j. infundo cum aqua, hinc multa pituitosâ & tandem bilem vomitu reddidit, & sic omni materiâ venenatâ ejectâ, post horæ dimidium, bolum Armenam ad 3ß. cum lapid. bezoar. gr. vj. dedi, quæ dosis manè repetita, & sic nullis supervenientibus symptomatibus puer lepidissimus liberatus, nisi quod ab initio circa ventriculum tormina sentiret & lingua pustulis referta intumesceret. Sæpius notavi vim emeticam in vitriolo albo per correctiones multum imminui, idcirco crudo vitriol. albo felicius usus sum, quod in talibus casibus intra horæ quadrantem & citius operationem suam absolvit.

*[ Colbergâ ad D.D. Mentzelium. ]*

OBSER-

OBSERVATIO LXVII.  
D. SAMUELIS LEDELII,

*De*

A Croco externè adhibito ardore  
ventriculi.

**C**Rocum in Medicina utramque facere paginam docet Nob. *Hertodii Crocologia curiosa*, eruditione singulari tincta. Uti autem omnia medicamenta sine ratione & modo adhibita sunt tanquam gladius in manu furiosi, ita etiam Crocus. Laborabat febre putrida Comitissæ à Promnitz minister primarius, tùm 50. annorum: qui ejus curæ præerat, ad promovendum somnum suaserat linteolum odore Croci imprægnatum, ut temporibus applicaret. Hoc factò statim ardorem ventriculi incurrit, qui non intermisit usque dum linteolum removerunt, & usus croci ipsi adhuc est molestus.

OBSERVATIO LXVIII.  
D. SAMUELIS LEDELII,

A Violenta secundinæ ruptione mors.

**P**Rimipara 21. annorum laborabat partu difficili, & excluderat sanam puellam, secundina retenta. Obstetrix vocatur ad opulentiores parturientem, ideò, ut sollet vehementer manibus discerpit secundinam, insequente uteri hæmorrhagia copiosissimâ, cum animi deliquiis: Succurritur huic malo & remittit, succedente causo cum leni delirio, singultu & morte. Videmus ex hacce observatione quid noceant imperitæ & nimis festinantes obstetrices.

[*A. 1685. d. 6. Octobr. Grünbergâ Siles. missæ.*]

*Dec. II. Annus IV.*

T

OBSER.



OBSERVATIO LXIX.  
D. EHRNFRIDI HAGENDORNII,  
*De*  
Partu numerofo.

**A**Nni funt propè quatuor, cùm in pago Quolsdorff / tribus milliaribus ab urbe Gerlicii diftante, hortulani cujusdam, nomine Hanns Fischers / uxor (quod relationi Generofi Domini à Noftiz, Hæreditarii ibidem, debeo) inauditò antehàc his in oris exemplò, feliciffimo nixu, quatuor uno partu eniteretur filios, ex quibus duo filioli, totidemque filiolæ non tantùm vitales in auras excludebantur; verùm finguli quoque Sacro Baptifmatis ritu initiabantur. Hinc gavifi optimi parentes nonnifi de modo mediisque eodem educandi cogitârunt. Sed aliquot à Baptifmate horis bini iterum mundo valedixerunt, viribus inopinatò fatifcentibus; Reliqui verò integrâ adhuc valetudine, quantum fcio, per Dei gratiam utuntur. De partubus ejusmodi numerosis in Observationibus D. D. Hellwigii olim quoque egit Excell. D. D. Schröckius, Acad. Cur. Adjunctus, *obferv. 143. pag. 386.* itemque venerandus Ejusdem Parens Anni II. *Ephem. German. Decur. 2. p. 26. 27. 28. 29.* qui pariter bigemellorum unò partu natorum hiftoriam, noftræ quoad numerum sexumque per omnia fimilem, tradidit, curiofeque in caufas rei infolitæ in- quifivit.

SCHOLIUM.

**Q**uandam Generofam Matronam ex perilluftri ftemmate de Slepegrell uno partu quatuor foetus effe enixam, nuper etiam retulit Exc. nofter Collega, *Nefstor, II. ad Helianthum.*

## OBSERVATIO LXX.

D. EHRNFRIDI HAGENDORNII,

De

Esu Absurdorum.

D. 11. A. V. 16. 11  
p. 231.

**M**ortalium fami sedandæ, latrantique eorum stomacho placando DEUS, ejusque Amanuensis Natura, complura tam ex Regno animali, quam vegetabili, creavit benignissimi instar patrisfamilias edulia, tantò ubique proventu, ut, si annonam excipias, quilibet habeat, unde se suosque sustentare, vitamque sic conservare queat. Imò ex tam ubere esculentorum materia quædam in escam hominibus cedere prohibuit lege non tantum divinâ, sed Naturæ quoque ipsi certas posuit limites, ne ultra vetita excedat, contenta salubrioribus esuique destinatis. Videas tamen passim hæc Dei Naturæque leges, siue protervia quadam, siue innato quodam in parentibus vitio, transgredi nonnullos adeò, ut etiam ab horrendis, venenosaque qualitate infamibus, abstinere non vereantur. Cujusmodi monetæ sunt, qui araneos, scorpiones, aliaque insecta gratissimo pro edulio habent, quorum historias in *Ephem. Germ. Ann. II. obs. 205. p. 307.* itemque *Anno Eod. obs. 10. p. 29.* collectas habebis. Quibus adjungere visum est virum quendam plebejæ sortis, optimè mihi cognitum, cui per plures annos nihil magis in deliciis fuit, quam araneos fortè obvenientes in escam capere, canculos vi-ventes, crustacea que veste adhuc indutos deglutire, candelasque sebaceas amplo oris hiatu devorare, non sine adstantium stupore & horrore. Sed quid inde! Nihil noxæ. Per omnia sæculi, liberorumque aliquot pater munia sua lætus peragit.



OBSERVATIO LXXI.  
D. EHRNFRIDI HAGENDORNII,  
*De*  
Ollis fictilibus effossis.

**I**cet materiæ vilitas non mereatur, ut doctiorum luminibus iterum sese sistat historia. Quoniam verò occasione hujus *Anno Ephem. Germ. III. obs. 137.* primitus communicatæ, postmodum & viri quidam curiosi in *Analectis ad hunc locum*, rem amplius dilucidare non sunt veriti, novissimè etiam *Ann. Eph. II. Dec. 2. obs. 36.* Exc. D. D. *Ledelius* observatione propriâ calculum adjecit suum, hinc mihi haut vertetur vitio, si uti ex *Cass. Schwenckfeldii*, Medici olim *Gorlic.* clarissimi, egregio *libello*, quem de *stirpibus & fossilibus Silesiæ* inscripsit, cum in paucorum versatur manibus, locum insignem mutuari, negotioque huic lucem quandam fœnerare satagam. Ita autem ille *l. 3. p. m. 406. & 7.*

Ollæ, urnæ fossiles, sind Töpffe / gewachsene Töpffe / Zwerg Töpffe. Horum collum plerumque est angustum, venter tumidus. Quædam ansas habent singulares, alia binas, partim ternas. Nonnulla operculis tecta, alia non item. Quædam cinerei sunt coloris, alia flava sunt, aut rubent: In summa, quantitate & forma multum differunt. Plerisque locis ad *Gubenam*, *Soraviam*, *Sommerfeld* & alibi effodiuntur, propè madida, mollia & terrena: mox paululum in aërem sublata & detenta indurêscunt, & subduriora redduntur. Vulgus in terra natas opinatur. Multi Nantos his ipsis usos credunt. Eruditi conjectantur istic olim sepulturas gentium fuisse, qui cum urnis carerent, ollas interim cum cinere, igne, favillâ, & reliquis instrumentis, ex rogo relictis in signum pietatis collegerunt, condentes tumulo, mediâque inhumârunt arenâ.

[*Gorlicia 1685, 6. Octobr. Noribergam missa.*]

SCHOLIUM.

Confer *obs.* 137. *Anni III. Dec. 1.* & in eandem *Notas Anni IV. Cp. 300.* cum primis desideratissimi nostri Collegæ *Dn. Christiani Adolphi Balduini* Hermetis primi Acad. Nat. Curios. elegantissimam Observationem de urnis Gentilium & Veterum Germanorum in *Appendice Anni VI. p. 105. (Argonauta.)*

OBSERVATIO LXXII.

D. PHILIPPI JACOBI HARTMANNI,

*De*

Lumbrico in Rene Canis sanguineo.

**M**olossus, cætera sanus, Renum dextro albis crassisque membranis densè confuto, suspicionem injiciebat alicujus monstri, aliis itaque & aliis suspensâ manu detractis involucris, per tunicam tenuiorem funiculi in se reflexi certa quasi series translucere; vid: Fig. XVIII. B. eadem incisâ lumbricus erepere totus sanguineus. Per diem & ultra vitam traxit; arreptusque manum gyris suis involvit; variè quoque corpus agitans ubi tepidæ erat impositus.

II. Ne minimum quidem Parenchymatis renalis extabat indicium; bursam præsentabat tunica membranæa diversis recessibus excavatam. Vid: Fig. XIX. XX.

III. Nulla ex emulgentibus in cavitatem via.

IV. Ad ureterem autem patebat aditus. Vid: Fig. XXI. A.

V. Ren sinister per omnia sanus.

VI. Nullo quoque vesicæ vitio.


VII. Vermis sanguine, quo totus rubebat, adeò turgidus erat, ut, ad ventris sectionem, erumpens adfistentium decoloraret facies.



VIII. Interaneorum minimè simplex structura, quam Figuræ XXII. XXIII. XXIV. probè cætera edifferant, nisi quòd gyros intestinorum minùs expresserint.

### SCHOLIUM.

**O**Mnem animati corporis partem aptam natam esse, quæ fomitem & incunabula vermibus præbeat, liquere æstimo. II. Alimentum coloratum, quo aliquod vivens ab ortu utitur continuo, minus dilutum, similem tandem corpori inducere posse colorem, præterquam quod aliis & nostro exemplo probari & illustrari potest. III. Rationem nutritionis variâsse credo; integris renibus ex sanguine puro succum hauserit nutritiû, arrosis vasis; accrescens autem, mole sua emulgentia indies arctiùs atque arctiùs compresserit, unde sanguinis liberior arceri commeatus, vasa collabi, carnes contabescere, inque densas albicantesque abire membranas, relicto hospiti ingrato hospitio; qui ex allabentibus minimis vasis de futuro suctione sibi prospexit alimento; vel ipsius laticis vitalis massa existens sanguinea, quemcunque novum in sui similem mutavit succum. IV. Quæ carnes sive Parenchymata evanescant, ut cutis atque macies ab atrophia supersint, ex hoc argumentum capies. V. Ζήτημα; Exanguium an sanguineorum numero hic adscribendusné, lumbricus? Idem sanguisugas, idem pulices & culices sanguinea deputet animalcula; quamvis nôrim qui contrarium statuminent. VI. Uretere patente, an aliunde serum illâc transmissum per involucrorum scilicet fibras ac meatus? Vero similimum est, quod nostram historiam; non verum, siquidem experimentum hanc in rem non instituimus. VII. Ex Fig. XXII. XXIII. XXIV. elucet, quam in minimis tota sit natura, quum abjectissimum vermem non unis viscerum







viscerum officinis instruxerit liberalissimè. Quo tamen non obstante, alia aliis perfectiora rectè adferentur animalia.

Fig. XVIII. Exhibet gyros, quibus convolutus Vermis totum Renem occuparat, dextrum situm sinistro inferiorem.

A. Est ureter, qui solus pervius, obliterated plane & in ligamentum conversis Emulgentibus.

B. Gyri, quos crassiores esse conveniebat, cum quadrata esset Figura Renis, non plana.

Fig. XIX. Renis inversi, ab una parte rugas crassissimas exhibet, ut vermis non transpareret, quum nullas solvissem.

Fig. XX. Easdem ab altera parte.

Fig. XXI. Vermis justa longitudo & crassities sub ventre potissimum lucido rubicundissimo, aliis in locis fusco-purpureum afferens colorem, ubiq; sanguineus: cum enim ex secto magna vi non parva copia rubicundi sanguinis erumperet. A. Caput. B. Cauda, longitudine erat ulnae  $1\frac{1}{4}$ .

Fig. XXII. XXIII. XXIV. Vermis accuratè ad ventrem dissecti ut nulla pars interna fuerit læsa, tres portiones offerunt.

Fig. XXII. A. Dissecti caput in principio tubuli.

B. Tubulum fungosum, quo inflato sanguinis motus erat conspicuus per totum dissectum.

C. Insectio in prominentias, quas flatus extollebat.

D. Intestinorum principium, cujus stigma ad superiorem partem erat conspicuum.

E. Venter, qui crassior, albissima viscosa materia instar puris erat plenus, longit. digiti & ultra: ab hoc propendebant filamenta alba, qui sunt loco intestinorum.

F. Prominentia, quas corcula velim, uti in aliis insectis, quæ medium totius dissecti occupabant, sed non aequali ubiq; figurâ & magnitudine.

G. G. Membranula cum vasis expansa, à lateribus corculorum, utrinq; legentes vermium interiora.

Fig. XXIII.



Fig. XXIII. A A. Filamentorum alborum magnitudinem, numerum & gyros spirales seu anfractus exponit; cum corculis & membranis vasisq; expansis.

Fig. XXIV. A. Est portio filamenti albi, ad finem tendentis.

B. Finis filamentorum alborum à gyris spiralibus explicatorum.


CC. Talis facies erat corculorum h. l. citra expansionem membranarum & vasorum.

## OBSERVATIO LXXIII.

D. PHILIPPI JACOBI HARTMANNI,

Vermes vesiculares sive Hydatides in caprearum Omentis, & in Pulmonibus alterius furfuracea.

I. **E**X morbo, quamprimum interierat, allata Caprea, secta ostendit Omenti membranam tenuissimam superstitem, deficiente prorsus pinguedine. II. Ad majorum vasorum ramificationes plures hydatides vulgò dictæ, scil. vesiculæ hydatides, quarum maxima ovum gallinaceum excedebat. III. Adverti tunicis propriis ipsas gaudere, quare leniter incisus communibus, integras exemi plurimas. IV. In extremitatum altera appendiculam quasi contemplans, quæ circulariter incisa fillo hiatum præ se ferebat, stilo experiebar, si qua hoc intrusio viam quæ humorem in vesicam duxisset, resciscerem; sed quum eundem trajicere non daretur, albam istam globosam appendiculam leniter pressi, quo hiatûs ratio constaret? isto ipso extrorsum particulam adagi, quæ insectam lumbrici teretem caudam offerret; atque videbar mihi videre qualemcunque ejus motum. Vid. Fig. XXV. XXVI. V. Cujus rei certitudinem ut indipsicerer tepidæ vesiculam imposui: tunc verò submersæ fundoque inhæ-







inhærentis non proboscidem solùm, sed & utriculare corpus mirum in modum conciere vidi motus : Singulari undulatione commovebat, systolen & diastolen quidem elatione ac depressione partium ostentans æquè ac in bombycibus, &c. insectis, est advertere ; sed quod non solùm rectâ, verùm etiam ad latera, iisdem momentis, tunicæ subtilissimæ evibraret fibrillas, fluctuationis intus conclusæ aquæ partem evolventis, partem frangentis, partem celeritate agitationis quasi erisphantis, mirabilis erat species, aquæ fluenter undantis instar, hujusque rei experimentum plures aliæ præbuere deinceps. Vid. Fig. XXVII. VI. Utriculus purissimam & liquidissimam lympham effundebat incisus ; nihil sedimenti servans : in quibusdam frustulum adiposum quoddam latum deprehendi extremitatibus, aliquantum acuminatum. VII. Structuram ; Utriculus præter lineas parallelas nihil organici monstrabat ; neque aliam quam quævis obvia tenuis membrana faciem offerebat, lævissimus extus & intus : cum sub aqua fluctuaret, à collo quædam subtilissimæ fibræ ad ipsum pertendere videbantur, ac si his in undulatos motus concitaretur. VIII. Analogum cordis inquirens, datâ opera centrum evulsi, atque ita aquæ impositæ vesiculæ immotæ subsidebant, immotâ & proboscide. Centri autem pars ori juncta, tenuior ; utriculo proxima, globosior & glandulosa. Vid. XXVIII. IX. Tunica communis, quæ omenti erat, nullas fibras, nullos ductus in utriculum aut corpus vermis derivabat. X. Proxima, à qua istos vermes exploravit, die, alia allata caprea à morte adhuc calens, quæ cùm mihi non vacaret, à discipulis gratissimis Domino Thormanno & Domino Litio, Med. Cand. secari jussa, similes vesiculares vermes ipsis & pluribus aliis conspiciendos obtulit : motûs hîc manifestos communi adhuc omenti membrana involuti prodiderunt similimos. XI. Color autem liquoris utriculis contenti variavit in his illis, sanguineo rubicundus, dilutus, magis, minus

Dec. II. Annus IV. U aqueus,



aqueus. XII. Sanguineus, quorum erat liquor, horum egregium, sub aqua agitantium corpus, spectaculum; cum capitulum album ex aqua semicans rutilantem utriculum instar rubini fulgidum redderet, undante motu. XIII. Hi sanguineis vasibus propius innexi observati. XIV. Cæterum prior caprea non istis tantum obsessa erat hostibus, sed & alio plura infensa habuit domestica mala, quippe cum κοιλία μεγάλη feculento humore redundans ascite omne abdomen impleverat, deturbatis ex sedibus suis interaneis in tantum ut ne creni in sinistro latere esset locus, quem elongatis multum emulgentibus dextro contiguum propellendo reddiderat, in neutro pinguedine comparente. XV. Memorabile autem, quod pectus aperientes, tussiculæ, qua viva laborarat, indagandi causam ergo, plerosque lobos non lateribus solum, sed & diaphragmati connatos ac si unum corpus essent, offenderemus. XVI. Incidentesque arteriam spiritalem *Lactantio* dictam, foetor licet disuaderet, flatu dispositionem rimaturi,prehendimus in eadem: multum feculenti liquoris restagnare, quem intentis lustrantes oculis ejusdem naturæ ac in ventre majori observaveramus, videmus, cum non minus pabuli manifesta proderet signa, foeni vel straminis diceres, aut graminis. XVII. Indagavimus summo studio, si qua pulmones ex ventre illuc transiissent sordes, præsertim quod venter diaphragmati, loco opposito, ubi pulmonis arctè connexus esset; fermè nulla patuit via, omni stilorum subtilitate elusa. XVIII. Quare lobos pulmonum concidimus undique, atque similem feculentiam, futuram crassiorem ex omnibus bronchialibus erumpere manifestò oculis contuiti, manibus insuper palpavimus.

Fig. XXV. XXVI. XXVII.

Fig. XXVIII. a. *Exilior pars ori adharens.*

b. *Crassior pars glandulosa.*

c. *Sedes crassioris partis s. analogi cordis.*

SCHOLIUM.

1. **A**N ulli Eruditorum vesiculares isti vermes observati, an etiam scriptis proditi, me quidem latet; Saltem nolim in hoc mustaceo laureolam quærendam: idem casus, eadem sollicitudo cuivis hæcce talia offerre potis est. 2. an verò in aliis etiam animalibus passim, Hydatidum nomine traditæ vesiculæ hydatides similiter animatæ fuerint, hoc est in quod inquiri vellem, cum mihi hâc vice fors denegaverit ansam: conjecturam ejuscipio, quando animo revolveo, appendiculas albas, in boum, ovium &c. vesiculis aquosis mihi non semel visas: nec tamen illud assero, donec certioribus edocear argumentis. 3. In Hydropicis vesiculas aquosas passim memorant Historiæ Anatomicæ. *Bartholinus*, Vir in tantum laudandus, in quantum industria intelligi potest. *Hist. Cent. II. 66.* Hydropem thoracis in hydatidas ingentes ad diaphragma refert, & 4. 25. in hydropica vesiculas istiusmodi abscessuum nomine recensuisse videtur. 4. Nec in hydropicis tantum, sed & in cætera sanis animalibus istas deprehendes; Opiliones & Ianiones ex hausta avidè aqua illas oriri volunt: Vel 50. in pulmonibus, nec pauciores in Epate ejusdem bovis adverti, cum nec diaphragma illarum foret expers; in aliis, itidem sanissimi cætera, hepate & pulmonibus pariter comparebant, minori licet numero. 5. *Steno* in *Act. Barth. Med. I. 135.* in Rangifero morbo confecto duas hydatidas in omenti circumferentia observatas describens; Videntur, inquit, hæ hydatides in Cervorum genere naturales, in aliis antea à me visæ: an ad celeritatem cursus aliquid conferant, alii inquirant n. 1. Humani aliquid passus hîc *Steno*. 6. An quoque quando l. c. minorem vesiculam lymphaticam in majori tanquam prægnante refert est falsus? quod à membrana communi non distinxerit? Neutiquam. Cum & in memoratis capreis varios lusus Natura circa vermes vesiculares animadverrerim: quædam coalitæ



videbantur, sub unâ communi membrana, ut tamen haud ægrè divellerentur; cuidam in utroque extremo capitulum erat; sed & observata intus molecula pinguis, rei possibilitatem arguit; præterquam quod & reipsa alteram alterâ prægnantem viderimus. 7. Veram hydropis originem quomodo omento Exc. *Volckamerus* assignet, id ex *Schol. ad obs. 18. Ephem. Germ. Ann. I X. X.* est petendum. Omentum in Hydropicis consumptum, mihi non una monstravit Anatome, idem confirmantibus aliorum Observationibus. In Capræ verò istius abdomine nihil aquæ stagnabat, pinguedo licet omento deesset æquè ac renibus. 8. Quæ ratio generationis vermium? Generationi vermium multiformi quamcunq; animati corporis partem aptâ esse, adstruit sensus: Cur verò talis species vermium exsurrexit? Ratio non potest dicere quare: Partes tamen glandulosæ ut vesiculis excitandis aquosis aptissimæ ita quoq; & vermibus vesicularibus, An natura loci non sinens longos formari lumbricos corpus reliquū ob abundantiam alimenti non concoquendam in utriculos extendit? 9. Sed quæ ratio nutritionis? qualis aliorum insectorum, centro infixi sucti liquorem attrahentium. 10. Ex alimento varius color humoris in utriculis, uti centrum ex sanguineis vasis eduxit ex ichorosis. &c. 11. Cordis analogum, extremum centri glandulosum: quo exempto vivere desinebant. 12. Exanguium generi adscribendi hi vermes omnes, licet quorundum utriculus sanguinem funderet. 13. *Plato* potum per ἀπνε'αυ quæ πᾶχ'ε'α dicitur, fibris pulmonis illabi dicens, magno studio adversus *Erasistratum* defenditur. Vid. *Plutarch. Quest. Conviv. 7. 1.* & illum exscribens *Macrobius Saturnalior. 715. Gal. 8. de plac. Hip. & Plat. experimentis pro Philosopho certat; elegantissimè autem Gellius 17. N. A. 11. Statum controversiæ ob oculos ponit; Utcunque ista se habuerint, si per hunc canalem esculenta induci contingit, quidni & potulenta per eundem delabantur? 14. Quod in *Aët. Med. Barth. V. 33.* traditur; aquæ turbidæ, in dissectione thoracis*

materiam innatasse furfuraceam, lobumque pulmonis dextrum furfurea materia hinc inde fuisse obductum, an huc trahendum ambigo: quod verò in *Act. Phil. Soc. Angl. an. 1665. in Novemb. D. Clericus & Dn. Lœuvverus* affirmant: Alter se diversis vicibus in pulmonibus ovium reperisse satis magnam copiam graminis in ipsis ramis asperæ arteriæ; alter, se in bove, qui duobus tribusve diebus continuis collum suum tenebat erectum, & interierat morbo, partibus spectantibus ad collum & guttur dissectis, reperisse ipsam cavitatem asperæ arteriæ repletam gramine, quasi magno robore intruso. Hoc puto nostræ historiæ fidem addet.

[*Regiomonto 1685. 14. Octobr. ad D. D. Hannemannum.*]

OBSERVATIO LXXIV.

D. JOHANNIS JACOBI WAGNERI,

*De*

Chirurgo Osse humerali utriusque  
brachii destituto.

**C**um mense Majo An. 1685. Badæ Helvetiorum degissem, N. *Schmid*, Civis Arovianus, Lithotomus atque Kelotomus inclytus, consilii alicujus medici causâ me convenit: primo aspectu brachia ejus admodum curta, cæteroquin optimum corporis habitum observavi; in illius rei causâ cum inter alia quoque ex eo inquisivissem, responsum tuli, se Osse humerali in utroque brachio carere; miratus hoc, institi ut brachii alterutrius tangendi veniam mihi concederet; mox sine ulla tergiversatione, exuto thorace atque indusio, id impetro; Ossis autem humeralis nullum indicium percipio, brachii partem non modò inferiorem, sed & superiorem & carnosam & lacertosam, at hanc justò minorem seu contractiorem deprehendo; cicatrices etiam passim extrabant, quæ ossis illius partes inde extratas fuisse, indicabant: in pueritia nempe Variolis cum labo-



râisset, humor acris atque vitiosus prædicta ossa etiam invasit, erosit atque corruptit, cum musculorum ibi litorum tumore atque dolore intensissimo, quem affectum *Severinus Padarthrocacen*, de *Marchettis & Pandolphinus*, *Spinam ventosam*, alii *Cancrum ossium*, Germani ein Wind- Dorn / Weinsauger & Weinfresser appellant; cum autem hoc malo diu domi laborâisset, omnia in pejus ruisissent, & in cassum medicamentis usus fuisset, tandem Tiguri in Nosodochio publico ossa hæc cariola puero exempta fuere, quæ penes se adhuc domi suæ servat, & feliciter spatio 14. mensium curatus fuit. Viribus felix hic Chirurgus, quinquagenario major, in brachiis suis nihil omnis insigniter pollet, ac si ossibus iis minimè destitutus esset.

### SCHOLIUM.

Quamvis confirmatione ad veritatem prædictæ observationis minimè opus sit, non possum tamen non addere, me miram ejusmodi, brachiorum brevitatem, qua nihilominus secundum desideratum *Celsi*, Chirurgus hic *manu est strenuâ, stabili, minimè tremulâ*, in ipso binâ vice observasse, unâ dum in convivio Doctorali Medici cujusdam Aroviani togam exuendo cicatrices relictas monstraret sponte, alterâ verò dum in consultationem advocaretur quoque Amplissimi & Prudentissimi DN. Consulis Crugii, p. m. Cognati & Fautoris mei honoratissimi, ulcere pedis parvi dextri à clavo in digito quarto, cui, insana medicastra escharotica sinistrè (de qua re tristi aliàs) applicuit, exorto, laborantis; Mirum certè post ablationem ossis tendines musculorum, præsertim deltoidis, qui summè robustus & multiplex, ita invicem concurrere posse, ut membrum nihilominus, in robore, quod aliàs ossa ipsi conciliant, persistat; sed quis ignorat Naturæ artificia, quæ à nemine docta ea quæ necessaria sunt, expedit, & deficientia recompensat; Illâ nim. flante prosperè navigat æger & interdum ipsa duce incredibilia peragit Medicus, ceu & scitè *Seneca:*

*Naturam*

D. H. A. 111.  
p. 490. 267.  
Pl. Noriber  
se. Jun. sing.  
6. No. 61.

*Naturam sequentibus omnia facilia & expedita sunt, contra illam viventibus non alia vita est, quàm contra aquam navigantibus. Imò inde intento velut digito sapientissimus Conditor suam potentiam & majestatem in Chirurgicis etiam nobis commonstrat.*

*[D. D. Emanuel König.]*

OBSERVATIO LXXV.

D. JOHANNIS JACOBI WAGNERI,

*De*

Excrementis alvi per penem ejectis.

**V**ir Reverendus, D. I. I. E. P. G. calculo renum atque vesicæ laborans, ingentem imprimis dolorem circa pubem aliquandiu passus est, ita ut tandem alvi excrementa non amplius per anum, sed per penem tantùm summo cum dolore excernere inceperit, quod sex circiter menses duravit: interea jusculis atque pulticulis variis tantùm sese sustentabat; quòd si autem fortè in pulte pomorum, partem interioris dissepimenti, ex incuria ibi derelictam, deglutiisset, acutissimum postmodum dolorem inter ejus excretionem sentiit. Viribus autem hoc affectu tandem destitutus exhaustus, anno ætatis suæ L. naturæ debitum persolvit.

Verisimile est casum adeò insolentem ab ulcere quodam vesicæ & intestini recti, quod à calculo productum, provenisse, atque hinc partem aliquam intestini recti omnimodè coaluisse.

SCHOLIUM.

**Q**uòd hinc ab exulceratione per penem ejecta fuisse excrementa alvi, persistente aliquandiu vita observavit Vir Excellentissimus, id per vulvam, exeuntibus unà quoque hinc flatibus,



flatibus, accidisse quoque observârunt alii; Ob exulcerationem elusmodi per abdomen hinc perforatum, quendam ego nuper militem portarum urbis custodem, similiter excrementa alvi per locum p. n. reddentem observavi, is nimirum inflammatione intestinorum ex colicâ biliosâ laborabat, unde factum ut ventris latus sinistrum insigniter doleret, tumoreq; molli se monstrante abscessus tandem aperiretur; *injectionibus* vel *mundificantibus* & *consolidantibus* res saltem eo deducta est, ut labia ulceris callosa redderentur, & ne excrementa in abdominis cavum exciderent, prohiberetur, sed per foramen illic apertum post continuò exirent, quod ipsi adhuc indies contingit; adeo universaliter verum haud est, vulnera & ulcera intestinorum omnia statim esse lethalia, maximè si illis in locis fiant, ubi carneæ musculorum abdominis portiones existunt, agglutinatis tunc mutuò utrinque & intestinorum & musculosæ carnis, vulnere in ambitu labiis, de quo *Platerus in Observat.*

[ D. D. Emanuel König. ]

## OBSERVATIO LXXVI.

D. JOHANNIS JACOBI WAGNERI,

De

Præputio filo constricto gangrænâ correpto.

**I**N Orphanotrophio nostro puer decennis C. U. lectum crebrò noctu perminxit, ac ob id ferulâ pœnas dedit: ut verò plagas in posterum eivitaret, præputium ita validè constrinxit, ut penis sequenti die magnopere intumuerit & præputium gangrænâ correptum fuerit: quamvis puer dolorem alto silentio aliquamdiu pressisset, acerbitate tamen ejus victus, rem uti gesta fuit exponere coactus fuit; admotis verò eam in rem

rem idoneis medicamentis, intra paucos dies integræ sanitati restitutus fuit.

### SCHOLIUM.

**Q**uod in Orphanotrophio Tigurino taliter accidit, ejus simile exemplum ante aliquot annos habuimus hîc Basileæ in Lazareto, in quo Maniacus peregrinus conclavi inclusus filo arrepto penem sibi taliter validè quoque constrinxit, ut re non statim à Chirurgo ordinario animadversâ, gangræna mox in sphacelum abierit, ut dimidia pars penis abscindenda fuerit, vivente hinc eo adhuc taliter mutilo. In abscissione verò ejusmodi penis, ut obiter dicam, id præprijis attendendum, ne fungosa substantia penis etiam naturaliter nigricans, Chirurgum decipiat, pro sphacelatâ eam similiter habendo, quod Monspelii contigisse, retulit mihi Excellentiss. Universit. inibi Cancellarius.

[D. D. Emanuel König.]

### OBSERVATIO LXXVII.

D. JOHANNIS JACOBI WAGNERI,

De  
Bulithis.

**I**nequorum intestinis Hippolithos reperiri, non usque adeò rarum, quod *Jordanus*, *Hornicaus*, *Sachsus*, alii, & nuper demum *Excellent. D. Lucas Schröckius*, *Luc. filius*, in *Ephemerid. Curios. Germ.* testatum dederunt: his autem Bulithi rariores sunt, adeoque & horum observatio silentio haud involvenda erit. Bulithus apud nos asservatur, qui & in urbe nostra ante aliquot annos in vaccæ ventriculo secundo, quem *κερύφαλον* sive reticulum appellant, fuit extractus; lapis est rotundus, globiformis, subflavus, substantiæ densæ atque spissæ instar sili-  
cis, ejusque pondo est ʒxiii. & ʒiiij. Videatur Figura XXIX. *Martinus Martinus* equidem, *Atlantis Chinensis* pag. 59. mentionem etiam facit Bulithi flavi, mollis, instar ochræ, qui in  
Dec. II. Annus IV.

X

vacca-



vaccarum ventriculis apud Chineses reperiatur, quem Medici ibi locorum lapidi Bedzohar præferant: hic tamen à nostro longè differt Bulitho, neque ei vires bedzohardicas promittere ausim: minùs autem aptè *Martinius* existimat Chinesium Bulithum (*Rühstein*) eundem esse cum Lapide fellis (*Gallenslein*) *Petri Bellonii, Singularium Observat. LIII. cap. 46.* qui Arabum *Alcheron Haraczi* est, cùm hic in Taurorum vesicula fellis natales suos tantùm habeat; quo de *J. C. Scaliger, Exercit. CXXV.* quoque consulatur.

Hoc ipso Anno 1685. mense Julio alius Bulithus in bovis intestinis apud nos repertus fuit; coloris est cinerei, oviformis, texturæ raræ, pondo ejus 3j. & 3j.

Fig. XXIX.

### SCHOLIUM.

**T**Am in orientalibus quàm occidentalibus locis magnum numerum lapidis bezoar inveniri tradit *Joh. Baptista Tavernier lib. 2. Ind. Itinerar. cap. 24.* qui ex vaccis desumitur, tantæ quandoque molis, ut nonnulli 17. vel 18. unciarum pondus habeant; quamvis non ejusdem hic sit cum notiori illo præstantiæ, sex hujus granis plus operantibus, quàm ab alterius illius granis triginta sperari debeat:

(*L. Schröck, L. F.*)

### OBSERVATIO LXXVIII.

D. JOHANNIS JACOBI WAGNERI,


*De*

Tophis in articulis seu juncturis ossium  
bovis repertis.

**B**Oves calculis renum laborare, cognitum atque compertum habemus: fidem hujus rei mihi quoque fecerunt calculi ex rene bovis à me extracti, quos etiam penes me

Fig. XXIX. fol. 162.

a.



Tophi  
ex articulis bovinis.



Fig. XXX.  
fol. 163.


Bulithi.

Fig. XXIX.

b. fol. 162.



Fig. XXX.



Costæ à cartilagi-  
nibus separatae.





nes me adhuc servo : at his insolentiores sunt tophi, qui in juncturis ossium apud eos quandoque reperiuntur. A. 1685. d. 12. Apr. ex medio coarticulationis ossis femoris & tibiæ bovis, tophos quàm plurimos exemi, qui partim tendinibus seu ligamentis circumdati ac inclusi, partim etiam extra ea extrusi fuerunt : substantia eorum est alba instar calcis, summæque acrimoniæ : illud dignum est visu, quomodo materia hæc terrestris coaluerit, & partes aliæ postalias ope spirituum naturalium ad extremitates usque juncturarum extrusæ fuerint. Hinc etiam & hoc concluditur, Boves ab arthritide nodosa non penitus solutos esse.

[*Basileâ 1685. 14. Octobr. à D. D. König missæ.*]

Fig. XXX.

OBSERVATIO LXXIX.

D. ADAMI A LEBENWALDT,

*De*

Morsu lupi rabidi, seu Lycanthropia.

**D**Um aliquot ante annos iter 10. milliarium susciperem, ad Cœnobium celebre, vernalis Venæ-sectionis celebrandæ causâ, occurrerunt in via plurimi homines adhortantes & obnixè rogantes, ut periculum magnum evitarem, eò quòd lupus rabidus viam percurrat regiam, jamque 10. personis morsu vulnus inflixerit, & omnes in rabiem acti vitam miserè finierint. Ego ulterius proce-

X 2 *admodum* dens,



dens, sclopetis benè provisus, audivi lupum prædictum jam à Rusticis fustibus obtruncatum fuisse. Ad Coenobium appropinquanti mihi obviavit sacerdos, qui famulo rustico ab eodem lupo vulnerato Sacrum administravit Viaticum, curiosè ab eo inquirò, quænam symptomata patiatur æger, qui hoc responsum dedit: Ego domum ingrediens ægroti, vidi illum supra scamnum sedentem, indusio tantùm vestitum, tremulâ & clangosâ voce ejulantem, oculis scintillantibus, facie tumidâ & inflammatâ, præsentem sibi tamen in mentalibus actionibus, me observato, scamno exsiliit mihi obviam currens altaque voce inclamans, ô mi Pater, cum quanto desiderio illum expectavi, uror, uror & cordis æstu pereor, pereor, hæc ille. Hoc percepto volui infirmum accedere & antidota contra morsus venenatos animalium exhibere, sed relatum mihi fuit, eum jam animam exhalâsse. Cupiebam cultro anatomico rimari viscera interna, sed obstitit conatui meo præpostera erga cadavera reverentia & vana plebis superstitio; hoc tamen didici

*Non homo tantùm homini est, sed lupo ipse lupo.*

Hic annotare volui, quod Lycanthropia propriè sit species melancholiæ, qua ægri putant se in lupos conversos; unde quadrupedum more incedentes, noctu domo egrediuntur: Ululatu lupos imitantur, hinc inde vagantur, cadavera abripiunt & secum collo gestant, de die homines fugiunt; quidam tamen ut canes mordent, de quo videatur *Castellus ex Actio & Ægineta l. 3. c. 16.* frequentius tamen sumitur Lycanthropia pro imaginaria diabolica hominum in lupos conversione, quâ se lupinam formam habere existimant, imò & aliis tales videntur, quod Dæmonum ope accidit ludificantium sensus: talis fuit ille rusticus in Borussia, de quo dicitur, quòd certis anni temporibus mutaretur in lupo, sylvas adiret, lupis se associaret, homines & canes morderet, infantes devoraret. Vid.

*Sennertus*

*Sennertus lib. 2. institut. med. p. 3. f. 1. c. 7. & med. practic. p. 2. c. 16.* Demum Lycanthropia dicitur rabies hydrophobica, in qua homines lupos imitantur ululatu, aquam metuunt, quod communiter contingit, si à lupo rabido morsus infligitur. Mira dicuntur de hujus animalis astutia, ut legitur apud *Plinium, Albertum Magnum, Ælianum, Portam*, sed plurima sunt fabulosa & falsa, sæpe enim de hac Bestia cum venatoribus & pastoribus colloquium habui; Verum est, quòd sit animal rapacissimum, voracissimum, insensissimum ovinae gregi, quam velut Apitianas dapes appetit. Quandoque istæ Bestiæ gregatim incedunt, terribiliter noctu ululant, præsertim hyemali sæviente frigore, ad pagos se conferunt, boves & oves invadunt, anseres jugulant, nec equis parcunt, canes domesticos etiam catenatos abripiunt, per fenestras ingressi trahunt secum alimenta coriaque, imò vestes auferunt. Laborant podogrâ, anginâ, rabie & in senectute edentuli fiunt. Nullum animal ita proverbiale est quàm lupo, de quo 12. collegi adagia, sed hæc ad Zoologos & Moralistas. An cor antiepilepticum, corium anticolicum, adeps antipodagricum, oculus antifebrile, guttur antianginosum medicamentum, consulatur experientia: hoc quidem expertum habeo, quòd in tali pellicio seu tegmento, lupinis pellibus subducto, non maneant pulices.

*O charum generi famineo medium!*

OBSERVATIO LXXX.

D. ADAMI A LEBENWALDT,

*De*

Tumore inveterato male curato.

**N**obilissima quædam Domicella ob Catamenia impedita, incurrit tumorem durum modicè dolentem circa vertebrae colli, qui aliquot annis perdurans incrementum sumpsit lunaris tributus tempore, decrementum



mentum verò suscepit applicatis in dorso cucurbitulis, cum & sine scarificatione. Huic ægræ nullis præmissis Universalibus aut Catamenia promoventibus, applicatur cataplasma emolliens, quid fit? tumor ab illo loco discedit ad axillas, sub carne & colli musculis sedem figit, dolore affligit ingenti, attracto sanguine in abscessum mutatur, qui ob duritiem cutis & materiæ crassitiem prorumpere non potuit, licet emollientia, maturantia & pus foràs trahenti plurima adhibita fuerint. Vocor ego, postquam hæc tragœdia jam in septimam septimanam acta, suadeo loci affecti vel caustico vel lanzetta apertionem, sed dissuadetur ab aliis. Unde materia purulenta progressa totum dextrum brachium occupavit, in ingentem tumorem elevavit, ex quo ad finem ultra 2. mensuras lymphæ & saniei profluxit, nec cordi & pulmonibus pepercit hæc materia, sed circulatione sanguinis eò delata, sævissima symptomata cum exesione & erosionem pulmonum fauciumque produxit, cum tanta ejectione putrilaginosâ uttota massa sanguinea in pus conversâ videatur, sic misera per aliquot septimanas cruciata vigiliis & doloribus enervata, tandem delira & suffocata periit.

*Discant audaces mores nimiumq; loquaces!*

## OBSERVATIO LXXXI.

D. ADAMI A LEBENWALDT.

*De*

## Lepida ulcerati pedis curatione &amp; inde damnis.

**D**Um hæc scribo, venit ad me vir 60. annorum, artis statuariæ, Dædali æmulus, qui per aliquot annos defluxione ad pedes laboravit cum exulceratione tibiæ, hujus molestiæ pertæsus sibi ipse Chirurgum agit & recipit aquam bitumine ad viscositatem coctam & pultem conficit,

ficat, totumque pedem depingit quasi auro vel coloribus obducendum, sistitur defluxio, exiccatur ulcus; sed ecce paulo post incipiunt oculi caligare, caput vertigine rotari, & non obscura signa apoplexiæ se prodere, quare statim jubeo foniculum poni in pede, præscribo hydragoga, caput & oculos corroborantia, quid futurum expecto:

*Non natura suo est impedienda opere.*

OBSERVATIO LXXXII.

D. ADAMI A LEBENWALDT,

*De*

Hydrope ex deligatis pedibus.

**V**ir nobilis sexagenarius, corporis cacochymici, multis diebus consequenter comestationibus & comotationibus in conviviis deditus, unde hospitium præbuit cruditatibus, humoribusque in hypochondriis collectis, quorum copiâ & qualitate natura irritata, expulsionem molita est ad pedes, ibique tumores oedematosos causavit. Consulitur cascâ, lusca & panda anus, quæ suadet ut pedes per totum fasciâ fortiter involvantur, ne humores descendere possint: obtemperat intemperans consilio, salvantur pedes à defluvio, sed serositates falsæ aperiunt sibi viam ad abdominis cavitatem producuntque hydropem incurabilem.

*Incidit in Scyllam cupiens vitare Charybdin.*

OBSER-



## OBSERVATIO LXXXIII.

D. ADAMI A LEBENWALDT,

*De*

## Ischuria 15. dierum curata acidulis.

**F**oemina nobilis trium demortuorum maritorum uxor, nullius prolis mater, splenetica hypochondriaca, calculo renum obnoxia, sumpsit à Medico præscriptam potiunculam purgantem, non præmissis præparantibus & aperientibus: & licet aliquoties alvo dejecerat, statim tamen sequebatur dolor & tensio in renibus per ureteres ad vesicam, cum urina modica sabulosa, quam excepit stranguria & dysuria, demum Ischuria seu omnimoda urinæ suppressio; adhibita sunt varia nephritica, lithontripctica, diuretica, sed frustra. Ego accersitus inveni rem in angusto positam, venter enim & hepar intumuit, respiratio erat difficilis, cor quasi suffocatum, urinæ foetor jam odoratum & gustum feriebat, denique omnes partes videbantur innatare microcosmico lixivio. Pronuntiavi Ischuriam esse illegitimam ex obstructione renum & ureterum à materia sabulosa & calculosa, quare ad acidulas, quas ego tunc ad manus habui, confugiendum esse asserui, persuasiq̃ue ut ægrota intra quadrantem horæ sumeret mensuram unam; dictum factum, remorentur per harum potum obstacula, urina cum calculosa & sabulosa materia liberè profluit, & Ischuria mutatur in hydrophem ad matulam, ita ut per illum diem ultra 30. libras stagnantis prius lymphæ effluxisse senserit, paulo post in integrum restituta. Suppressio totalis urinæ duravit per 15. dies, quibus tamen aliquoties serosa alvo dejecit, cautè itaque propinanda cathartica in calculosis.

*Hac tamen evasit naufraga mortis aquas.**[Leobio 1685. 17. Octobr. Augustam Vind.]*

OBSER-

OBSERVATIO LXXXIV.  
D. PETRI ROMMELII,

De

Labiis leporinis in porcellis.

**N**emo est qui ignoret, quantum imaginatio in hominibus sanis & morboſis, præprimis etiam in gravidis valeat, licet modus, quomodo id fiat, plurimos lateat, fereque omnes adhuc torqueat & ſolicitos habeat: Non minùs tamen mirandum videri poſſet, imaginationem talia etiam in brutis, ( quibus nonnulli etiam mentem & rationem, non omnino brutè, tribuunt, ) efficere poſſe. Præteritâ æſtatè, Civis cujuſdam apud nos ſcrofa, aliquot porcellos, ore leporino ſive bifurcato labio notatos, enixa eſt; quos, quia ob hanc cauſam ſugere, atque ita nutriri non poterunt, in præterfluentem Danubium abjicere neceſſum fuit. Cauſam monſtroſæ hujus efformationis, porcæ Dominus aliique rei pecuariæ gnari, dixerunt fuiſſe imaginationem & terrorem, quo porca prægnans, in agris & campis paſcens, à lepore de improviſo ex latibulo ſurgente fugâque ſe proripiente, perterrefacta fuit. Utrùm occulta qualitas, vel potiùs illud locum hîc inveniat, quod à quibuſdam affirmari ſolet, ſi nempe contingat mulierem gravidam ( quod etiam de beſtiis dici & intelligi poſſe puto ) ſedem leporis tranſiiſſe, foetum tunc labio bifurcato, leporum inſtar, notari? hæreo. *Olaus* quidem *Magnus lib. 18. Hiſtor. Gent. Septentr.* fidem aliquo modo dictis foenerari, videri poſſet, dum ſcribit: Eſum, vel ſaltum ſuper caput leporis factum, gravidis eſſe noxium, infantesque leporino ( diviſo ſcil. ) labio notari, docetque ibidem, quomodo huic malo ſit medendum. Notum eſt ex *Moyſe* & *Hiſtoria Jacobi*, quid Patriarcha hic magnus, virgis & baculis

Dec. II. Annus IV. Y ſuis



fuis bicoloribus & variegatis in ovibus socii sui Labani effecerit; ibi tamen nullus terror, sed aspectus repetitus virgarum diversorum colorum in agnis causa dicitur. Occulti aliquid hic subesse, credi potest, quia solus terror vix hoc prestare potuit, quia non credendum, suem, leporem inopinatum surgentem, celerimque fugam non caput sed terga monstrantem, tam accuratè, præsertim ejus faciem & os contemplatam fuisse, navumque ita proliis suis impressisse.

### SCHOLIUM.

**M**erentur hic adduci, quæ *Guil. Harvey* exerc. 69. de generatione animal. animadvertit, ubi in damarum foetu, dum agit de ejus generatione, ut se in tertio à coitu mense habet, buccas & labia, seu partes cutaneas, ultimò perfici scribit, addens: *in omnibus foetibus (etiam humano) paulò ante partum, oris rictus, sine labiis & buccis, ad utramque aurem protentus cernitur. Eandemque ob causam, nisi fallor, multi nascuntur cum labro superiori fissò (Angli harelipt. i. e. leporina labia habentes nominant, qualia scil. lepori & camelo sunt) quia in foetus humani formatione superiora labra tardissime coalescunt; atque exercit. 56. omnium ultimò in humano foetu lineam illam coalescere testatur, qua labia superiora committuntur. Hinc etiam trahi huc forte possent, quæ Petr. Borellus cent. 1. hist. 71. de septimestris partus notis, ex relatione obstetricis, monuit, tales nempe, præter auriculas, habere labia quodammodo imperfecta, cum rubra valde sint & sanguinea, imò & sanguinem quandoque resudent. Quanquam illud, quòd paulò ante partum oris rictus adhuc sine labiis & buccis esse dicatur, paulò liberalius (nè error aliquis scribæ vel typothetæ subfit,) proferatur; cum experientia nos contrarium edoceat, & ipsi octimestri foetui nihil horum deesse, non uno exemplo certus, ipse sciam. Constat tamen hinc facilius, quomodo in humano foetu, ab imaginatione materna, in primis graviditatis mensibus, labiorum,*

quæ

quæ leporina dicuntur, vitium promptè satis foetui imprimi, aut etiam circa finem gestationis adhuc laxiùs cohærentia minori cum difficultate iterum divelli queant. An autem in hac Observatione dicemus, scrofam quacunque de causâ vehementiùs perterrefactam tum temporis fuisse, quo labia foetuum in utero nondum per naturam coaluerunt, sicque à terrore isto, in ipsos foetus derivato, sanguinis & spirituum aliquem ad centrum regressum contigisse, unde etiam motum sanguinis in labiis porcellorum moram fuisse passum, & labia ipsa hinc exsiccationem subiisse? An verò leporem in dumeto aliquo dormituriensem, & à superveniente scrofa excitatum, præ fortuito metu, versus caput ejus exsiliisse, divinare licebit? ceu simile quid in timidiusculis itidem animalculis, muribus, in cista aliqua latitantibus, & subito excitatis, quandoque conringere novimus, ut in faciem accedentis hominis, priusquam terga in fuga vertant, prosiliant, non tam vindictæ cupidine, quam ex subitaneo metu confusæ?

(*L. Schröck, L. F.*)

OBSERVATIO LXXXV.  
D. PETRI ROMMELII,

*De*

Mortis præfagio.

**N**on desunt hinc inde apud auctores tam medicos quam historicos varia exempla eorum, qui eodem mensis die, quo ante plures annos in lucem editi fuere, iterum mortalitatem exuerunt; eorumque qui sibimetipsis diem & horam quasi, futuræ beatæ analyseos prædicere potuerunt. Non ero prolixus in colligendis & exscribendis ejusmodi historiis, passim, ut dixi, obviis, sed binas hinc indicasse sufficiat. Mulier plebeja, Barbara Schmutzin, vi-



dua sexagenariâ major, ultra triennium valetudinaria & cachectica, jam ante biennium ascitica facta, & à me, DEO benedicente, integrè restituta, post plures in rebus naturalibus commissos & iteratos errores, hac præteritâ æstate variis iterum doloribus & symptomatibus, quæ illam denuo lecto affixerunt (absque tamen hydropis recidiva, vel saltem minimo ejus indicio aut metu,) molestari, insuperque medicamenta ferè omnia negligere, susque deque habere, indeque magis ac magis viribus deficere, consumi & cymbæ Charontis adpropinquare cœpit. Hæc aliquot ante obitum diebus, (semper integrâ, usque ad ultimum ferè mortis articulum, ratione utens) me præsentem, adstantes, futuros suos hæredes, fictas partim lacrimas fundentes, bono animo esse jussit, dicens: Ne contristemini Amici, nec opus est hodiè lachrymari, scio enim, me antediem (*nè fallor*) Martis, qui erit recordatio diei mei natalis, non morituram; quod etiam juxta ejus prognosticon factum, nam eodem mensis die, ut dixerat, quo nata erat, defuncta est, & sic dies natalis, illi etiam fatalis extitit. Altera sic se habet: Civis honestus, Vir ob præscam & Germanam fidem optimæ famæ, 68. annos natus, à morbo, quem ex infortunato cum equo casu contraxerat, ut sibi videbatur restitutus, post aliquot præterlapsas septimanas, denuo ægrotare, indiesque infirmior fieri, ac de reconvalescentia tandem dubitare cœpit: uno die, cum lecto ejus adsidens, varios cum illo, non tam illius valetudinem, quàm alias etiam res concernentes sermones miscerem, inter alia in hæc tandem prorupit verba: Ah Domine Deus, quàm immensas ego tibi debeo gratias, pro tam innumeris in me indignissimum collatis beneficiis, quæso te per Christum Filium tuum, Salvatorem meum dilectissimum, animulam meam tam charè redemptam, brevi ut sentio ex hoc meo ergastulo emigraturam, clementissimè propter meritum Filii tui suscipere, ultimumque & maximum beneficium reliquis superaddere velis &c. Ego illum consolaturus, variis verbo-

verborum & solatiorum lenociniis, bono animo esse, mortis-  
que timorem abjicere, item ratione adversæ valetudinis, me-  
liora sperare jussi &c. At ille subridens regessit: Vanæ sunt  
& superfluæ tuæ consolationes, nec ego mortem timeo, sed  
illam potius, quia DEO meo ita placere scio, tanquam o-  
mnium humanarum miseriæ finem expeto, atque proxi-  
mo futuro die 6. Augusti illam expecto, (erat 28. dies mensis  
Julii, cùm hæc diceret,) scio enim, me dicto die moriturum,  
& subsequente die Solis, qui dies erit maximè serenus, cum sat  
grandi, funus meum comitantium, comitatu, sepultum iri;  
quæ etiam omnia ita, quomodo prædixerat, evenerunt: nam  
circa sextam matutinam, die 6. Augusti, seipsum precibus &  
dictis sacris apprimè huc facientibus (artem enim benè mo-  
riendi jamdudum didicerat) semper erigens & consolans, alie-  
nis consolationibus & admonitionibus (licet inter adstantes  
non deerant, qui tali officio consolatorio optimè fungi scie-  
bant,) minimè indigens, liberis insuper, & circumstantibus  
pacem & mutuum amorem inculcans, paternamque benedi-  
ctionem, ut optimam hæreditatem singulis impertiens, usque  
ad ultimum ferè vitæ suæ halitum, sensibus sensim deficienti-  
bus ratione tamen integrâ, loquebatur, donec tandem sine  
omni mortis metu & motu, tam placidè & dulciter, non mo-  
riens, sed blandè quasi obdormiens, animam exhalârit & Crea-  
tori reddiderit, apud omnes etiam adstantes, maximum, simili-  
ter olim obeundi, desiderium reliquerit. Susplicari aliquis de  
facto Astrologico prognostico, vel erecto aliquo themate na-  
talitio hîc posset; sed nihil talium intervenisse certissimus scio:  
mihi enim & vita & actiones ejus præ omnibus aliis perquam  
notissima erat; fuit quidem homoplurimæ lectionis, sed non  
inter literatos numerandus, harum vanitatum ignarus, imò  
ut & omnium superstitionum osor & contemptor acerrimus,  
facetus aliàs, ast conscientiosus, cultûs divini rerumque sacra-  
rum amantissimus, unde hanc instantis mortis præscientiam



potius instinctu & motu interno diviniore factam & adscribendam esse censeo.

[*Ulmâ 1685. 17. Octobr. Angustam Vind.*]

### SCHOLIUM.

**C**ur morituri ad præfagiendum apti? in suo *Jatrosoph. Miscellan. tractatu 46.* explicare nititur *Joh. Bapt. Sitonius.* Quæ num satisfacere Curiosis queant, prudentiorum potius subicere iudicio, quàm ipsemet aliquid determinare volo.

(*L. Schröck, L. F.*)

### OBSERVATIO LXXXVI. D. SALOMONIS REISELII,

*De*

### Vomitu cruento lethali.

**N**icolaus Dauner auriga aulicus Stutgardienfis, emeritus, annorum nempe sexaginta octo, habitu procerus & macilentus, crapulæ adfuetus, ab autumno usque Anni 1682. questus de doloribus in sinistro ventriculi latere, sentit duritiem ibi cum torminibus, revomit plerumque quod manducavit post dolores. Quæ symptomata à tumore quodam oris ventriculi, aut constrictione venire suspicatus sum. Itaque cum alvus per octo dies conclusa fuerit, Mannatam potionem dedi, hinc Clysterem, quibus bene fuit evacuatus: mox succum nasturtii aquat. cum sero lactis, cui incocta rad. bryoniæ, imposito insuper Emplastro malactico. Fine Decembris, factis istis, per dies quatuor, mollior videbatur esse tumor. Nondum fert cibos, decoctum verò quamvis ingratum, non tamen rejicit. Clysteres postea per vices repetiti, & rad. lil. alborum in lacte coctæ alvum solverunt, datæ scilicet ad emolliendum tumorem. Anno 1683.

Januarii

Januarii initio atra copiosa vomit, hinc nono die cruentis mista & foetida. Nihil sumsit cibi, solo vini vitro contentus & restauratus; tredecimo, cum per multos dies alimentis abstinuisset, totus consumptus, matutinâ sextâ moritur.

### SCHOLIUM.

**A** Perto abdomine, omentum sinistrorsum sponte reclinatum erat, dextrorsum intestinis nudis manentibus. Pancreas durum glandulis magis quàm naturaliter rotundis, constans, affixum ad fundum stomachi, nullum enim aliud apparuit pancreatis signum, utut multæ satis grandes glandulæ & ad spinam dorsi & in mesenterio in conspectum venerint. Stomachus ipse venas valde tumentes ostendit extrâ. Pylorus externo tactu durus, & citra hunc dura quædam linea. Quales infra stomachum glandulæ fuerunt inventæ, tales quoque supra stomachum, ita ut inter has angustatus fuerit dimidius, reliquâ sinistrâ parte tanto ampliore factâ & assurgente ad epar repressum, pluribus ramen hic sed minoribus & instar cannabis grana, sparsis glandulis. In cavitate ubi venæ quoque valde tuebant, materia cruenta, subnigra fluida, acidum olens, qualem excrevit demùm pridie morbis & antea copiosissimè ad mensuras multas. Membranosa quoque puls & viscida erat admista, credebaturque membranam illam ventriculi tunicis adhæsisse, quia asperæ fuerunt alicubi.

Hepar sanum, & boni coloris. Lien pallidus. Mediastinum tenue & quasi simplex. Pulmonum dexter lobus inferiùs parùm sterni affixus. Musculi omnes consumpti. Hic in dextro cubito ichorosum olim fluxum habuit, qui tandem juxta alia medicamenta fonticulo inusto paucis mensibus ante mortem siccatus & repressus fuit.

Quæritur nunc: an ille sanguis copiosus vomitu rejectus in cavitate latuerit, an in vesicula singulari, quæ tandem rupta fuit, veluti in Natta: Dein unde affluxerit, an ex liene, qui  
pallidus



pallidus & quasi exanguis videbarur, & vasa ad ventriculum tendentia valde distenta, an aliunde? cum nota nulla apertialicujus vel erosi vasis fuerit, non facilè licuit conjicere: neque propter festinatam sectionem vacavit inquirere.

Fig. XXX.

OBSERVATIO LXXXVII.  
D. SALOMONIS REISELII,

*De*

*Aranæ ictu lethali.*

**A**Nno 1683. Mensis Septembris 10. die vir robustus Goppingæ, oppido Acidulis celebri, dum in horreo esset, sensit in collo aliquid titillans. Tetigit & compressit eò delapsam araneam, unde ardere & pungi sentiebat. Talia verò non advertens, altero die abiens ruri hilariter bibit, tertio inflammatio colli; quarto etiam pectoris accedit cum deliquiis, cui Tonfor Nutritum lithargyrii imposuit; quinto Medicus accedens sudores præcipit, & Theriacam imponit, sexto moritur.

OBSERVATIO LXXXVIII.  
D. SALOMONIS REISELII,

*De*

*Pomi esu in terram lapsi noxio.*

**I**dem Medicus & Physicus Goppingensis Martinus Naskosky, tum temporis referebat, quod puella jam adulta ab esu pomi in terram delapsi non multò post vomitum & diarrhœam aliaque circa cardiam symptomata passa fuerit: quo ipso ego ipsi narrabam, quod, cum pomum sub arbore delapsum non decortatum non devorasset quidem, sed succum

succum ad sitim & æstum levandum in citata equitatione sum-  
sissem, senserim statim post & per dies aliquot in inferiori labro  
primò veluti capillum inibi hærentem, dein pulsantem quen-  
dam tumorem veluti à venula seu vermiculo latente, cum ta-  
men nullum viderem tumorem. Quod symptoma tamen in-  
tra paucos dies sine ulla alia noxa evanuit. An à rore seu prui-  
nâ maligna, an ab insecto aliquo noxio pomum infectum fue-  
rit, dubium est.

[*Stutgardia 1685. 14. Novembr. ad Helianthum.*]

OBSERVATIO LXXXIX.

D. BENEDICTI HERMANNI,

*De*

Singulâri Epilepsiâ Infantilis causa.

**V**Exatio dat intellectum : πολυθύλητον hoc & mihi haud  
ita pridem se verum probavit, cùm mense Aprili pro-  
ximè præterito Filiolam lectissimam mihiq̃ue charissi-  
mam, vix octavum ætatis mensem emensam, nec ultra  
quatrimum ægram, dura mihi Fata ex improvîso eriperent.  
Erat nempè, quamdiu vivebat, optimè sana, vegeta, benè co-  
lorata, sanguinis succiq̃ue plena, donec d. 11. Aprilis circa  
nonam vespertinam desubito clamore & ejulatu totas repletet  
ædes, satisq̃; sicinnueret, se non levibus internè torqueri dolo-  
ribus, toto mox corpore flaccidior, caput vix erectum susti-  
nebat, calore p. n. æstuabat, vomitu rejiciebat assumpta, eâ quin  
etiam nocte vel septies dejiciebat, hisq̃ue perseverantibus sym-  
ptomatibus postridiè accessère convulsiones, quæ adeò exagi-  
tabant tenerum ejus corpusculum, ut tantis insultibus ferendis  
impar, & frustrâ in auxilium vocatis vel selectissimis remediis,  
d. 14. Aprilis redemptam à Salvatore suo animulam, & Sacro  
Spiritus S. Lavacro ablutam, Creatori suo redderet. Maximo

*Dec. II. Annus IV.*

*Z*

*itaq̃ue*



itaque mœrore affectus, in Physicam tam subitæ metamorphoseos causam inquirens sollicitè, cui hanc adscriberem rescire nil aliud potui, quàm quòd Uxor charissima pridie morbosæ hujus accessionis nil mali cogitans, squamosam illam in vertice crustam, ex continuis per cranii hiatus elevatis, & per aërem externum coagulatis vaporibus natam, ut emolliretur & tolleretur postea, butyro inunxit: Cumque meminerim, ante hos tres annos à simili inunctione in filiolo etiam convulsiones, licet non lethales, esse subssecutas: Uxor etiam admonita in memoriam sibi revocaverit; & binos filiolos in primo suo conjugio susceptos brevi post ejusmodi inunctiones convulsionibus extinctos: non dubitavi in hanc ipsam inconsideratam inunctionem (quæ oleosis etiam aliis fieri solet) precipuam hujus mali causam procatasticam, mihi hætenus non lectam, conjicere. Cogitavi siquidem, quemadmodum charta bibula sibi relicta, liquoribus aquosis, falsis, spirituosis facilem; inuncta verò oleo vel aliâ pinguedine difficilimum concedit transitum: ita & obstructi ab inunctione istâ cutis verticalis pori fuliginibus vaporibusque heterogeneis consuetam, & ab ipsâ Naturâ sollicitè fabricatam viam denegant, qui adeò intra cerebrum coerciti, & tam quantitate quàm qualitate nervoso generi infensi, in hoc sese retrogradi insinuant, spirituum humorumque motum turbant, Archæum irritant, qui molestos sibi hospites excussurus omnia tentat, vomitus sedesque movet, sanguinis motum accelerat, convulsiones concitat, sed perturbatâ tandem totâ animali œconomia delassatus vitæque fatiscit. Merito itaque mos iste inungendi perquam noxius, & mulierculis sub specioso, sordes nidum pediculis præbentes tollendi, titulo imponens inculpatur, & si omnino illa crustæ remotio necessaria aliquando videatur, consultius vel liquoribus magis resolubilibus, aqueis aut spirituosis, peragitur, vel ad omnimodam cranii coarctationem differtur.

## SCHOLIUM.

**I**ngeniosam hanc & rationi conformem conjecturam merito Hippocraticam dicemus, cum divinus Senex *libr. de morbo sacro*, in foetu pituitoso, si ulcera in capite &c. erumpant, salutaris spem denunciaret, illi vero, qui purus fuerit, & neque ulcus ullum habuerit, periculum praeficiat, ne scilicet is comitiali morbo corripiatur. Ex quo patet, quam benignè Natura mater cum puerulis agat, dum causam illam, tanti morbi productricem, è corpore in partes externas eliminat; quam itaque in corpus repellere, non potest non maximum discrimen adferre; cum non tantum humoris copia, sed imprimis ejusdem etiam acrimonia cerebro & nervosis partibus quammaximè adversetur; quam nempe acridinem Veterum etiam nonnulli expressè nominant, & falsam crassamque pituitam accusant, à lacte eadem qualitate donato generatam. Ne autem gratis hæc dicantur, exemplum de epilepsia ex achoribus repressis inducta apud *Jerem. Martium, observ. med. 24.* legi potest; quo respectu etiam communiter Practici, remedia adstringentia, frigida, & materiam in corpus repellentia, esse fugienda, innuunt. Interea tamen eosdem nihilominus inunctionem cum oleosis, quale butyrum est, in hoc adfectu commendasse, legimus: sic *Marcellus Cumanus* plurimos infantes, uti *obs. 23.* apud nostrum *Welschium* in *Sylloge observ. medd.* testatur, hoc modo curatos vidit, lavando caput cum decocto hordei, malvæ, & hederæ, imponendo dein caules leviter torrefactos, & inde caput ungendo cum butyro loto; Confer. etiam *Bald. Timæi lib. 5. cas. med. 3.* Verum cum hæc non nisi post aliorum, abstergentium, & quæ Antiquorum methodus ut plurimum præsupponit, universalium, eaque inter præcipuè purgantium usum, adhibita fuerint, eò minori etiam cum periculo id factum fuisse, credibile est. Hinc est, quòd *Nob. D. Joh. Dolans* *Encyclop. med. lib. 6. c. 11.* lotiones & inunctiones non statim esse ad-



esse adhibendas, moneat, sed demum, datis aliquamdiu purgantibus & expellentibus; varia dein unctuosâ præscribens, & imprimis butyrum geranii virtute imprægnatum, ad totum caput illinendum, ceu propriâ experienciâ comprobatum medicamentum, commendans.

(*L. Schröck, L. F.*)

## OBSERVATIO XC.

D. BENEDICTI HERMANNI,

*De*

Euporisto externo in doloribus tumoribusque artuum.

*D. 11. A. Y. 06. 30  
p. 52.*

**A**Nno præterito Textoris servus viginti aliquot annos natus dolores primùm vagos per totum corpus oberantes sensit, qui postmodum fixi magis, dextram potissimùm manum, pedemque sinistrum, ab ischio ad plantam usque, adeoque spatio etiam inter juncturas medio, occuparunt, ita ut, si vel manum vel ejus digitos flectere tentaret, quamplurimis in eâ parte compungi aciculis, si verò pedem versùs abdomen retraheret, acutorum instar cultrorum sensum in hoc sibi percipere videretur, pedi etiam huic absq; insigni dolore insistere vix auderet, nullo interim in partibus affectis vel tumoris vel mutati coloris apparente vestigio. Obtundendis his acrium humorû spiculis varia opposui, tam interna præcipitantiâ dicta, cinnabarina, anodyna, diaphoretica, purgantia, quàm externa lumbricalia, salina volatilia, spirituosâ, camphorata, &c. vix ullo cum notabili levamine. Suadeo tandem recentia Raphani rustici folia, ad succum eliciendum parùm contusa, instar cataplasmatidis manui affectæ applicanda, eo quidem cum successu, ut primùm sub aliquot horarum inhaesione non solum vix ferendum contraherent foetorem, sed & post-

& postmodum, novis semper substitutis, haud procul ab infimo minimi digiti articulo ulcusculum excitarent, quod acre sensim & flavescens stillavit serum, subsequente mox & doloris remissione, & liberiore manûs motu, & spontaneâ tandem ulcusculi hujus occlusione. Cùm verò tùm temporis, mense sc. Octobri, ob ingravescens quotidie hibernum frigus, & tetras nive plantas, vegeta non suppeterent folia ad idem experimentum in afflicto quoque pede prosequendum; hoc demùm anno suo Marte, illud in hoc pede reassumfit, eodem quo in manu, i. e. peroptato cum successu, simili etiam suprà genu excitato fonticulo, omnem doloris causam fundente, eaque fusâ sponte coalescente. Aliâ vice, cùm Ancilla mea tumorem pedis erysipelatodem incurreret, cum tensione summè & dolentem & rubentem, isque tam internis quàm externis, acidum erysipelaceum aliàs debellantibus, & liberum hinc humoribus stagnantibus morum reconciliantibus vix ausculta- ret; meo suâsu parti affectæ, jam ad colorem fuscum inel- nanti, Raphani rusticani recentia folia leviter contusa impo- suit, prioribusque sensim exiccatis alia substituit, eâ felicitate, ut brevi omnis dolor, rubor, tumor, insensibiliter discuteretur.

[*Memmingâ 1685. 27. Nov. Augustam Vind.*]

### SCHOLIUM.

**N**Ob. D. Thom. Bartholinus in *addit. ad Diss. 4. de medic. Danor. domest.* Nobilem quandam feminam doloris dentium re- medium quærere, scribit, ex raphano rusticano contuso, ve- nis cubiti lateris adfecti imposito; cujus remedii effectum di- lucidat Exc. D. Hermann. Græbe in *tract. de arcan. medic. non arcan. pag. 190.* & cauterii vicē quodammodo sustinere judicat, quo lymphæ particulæ tenuiores & acriores absorbeantur & e- ducantur. Sic easdem radices ischiadicis quoque impositas lau- dat Joh. Theodorus Tabernamontanus in *herbas.* Quæ omnia, ceu & reliquas virtutes eidem adscriptas, salī volatili acerri-  
mo, quo



mo, quo vegetabile hoc pollere, vel oculorum fide, quibus sæpe lachrymas ejusdem comesti vel contusi spicula exprimunt, adjudicanda esse, nemo diffitebitur.

(*L. Schröck, L. F.*)

## OBSERVATIO XCI.

D. JOH. GEORG VOLCKAMERI, Sen.

*De*

## Chiragrâ flatulenta.

**V**ir præcipuæ autoritatis & integritatis, Senator apud nos gravissimus, de compressione pone scrobem pectoris, sinistrorsum, fuit apud suos conquestus medicos. Illi fluctuationis illius molestiam sub papilla læva animadvertentes, lienem affectum esse asseruere, ignorantes veram lienis sedem sub scapula sinistra, & superiore stomachi orificio delitescentem. Nec enim lien propter denegatam ipsi cavitatem flatus in se fovere potest, ut neque hepares: solida nimirum sunt utraque parenchymata: ventriculum verò tot ructibus impletum nôrunt ii, qui noctes diesque suo indulgent genio. Variis proinde medicamentis carminativis Dominum illum, podagricis interdum tormentis ante miserè divexatum aggressi sunt, irritò licet conatu. Tandem supra axillas utrinque exorti sunt tumores sat insignes, non usque adeò dolentes, qui foris emolliente tentati non sublati fuere: Compressi verò sub manibus cedere cœpere, secedentibus illis deorsum per brachia ad extremos usque digitos, levi attritu fuere promoti. Manus utraque inde tumidior reddita paulatim ad solitam redire cœpit formam, subsequenter doloribus arthriticis, nihilo quàm ante modestioribus. Tali deinde quotannis flatulentâ usque ad obitum suum, certis tamen temporibus, fuit correptus Chiragra.

SCHO.

## SCHOLIUM.

**F**Latus arthritidis esse causam, Medicorum nonnullos statuisse, notum est, in contrariam tamen sententiam aliis majori numero euntibus. Et quamvis *Hippocrati in libr. de flatib. in spiritu*, ut *Celsi* verbis utar, sive flatu, omne vitium sit; atque obfirmatorum & in hærentium morborum, qualis esse arthritidis censetur, causam à flatibus dependere, cuivis esse manifestum, spiritumque ubi ad loca tenera & inadsueta incubuit, adinstar spiculi infixi se habere, *ibidem* innuat, cum tamen in *libr. de vet. medic.* amarum, salum, dulce, acidum, acerbum &c. morbos facere & hominem magnopere lædere, idem doceat, eo ipso spiritus hos sive flatus non simpliciter ita consideratos, sed ut spiculis variis armatos, esse accusandos, supponere videtur. Et sanè uti flatus in corpore humano à diversorum salium, quale est acidum & alcalinum, violento concursu & lucta generari, manifestis indiciis modernotum Medicorum solertia comprobatum dedit: ita etiam in arthritide flatus, si qui subsint, de simili impetuoso salium conflatu testantur, à quorum salinorum corpusculorum spiculis, dum à debita proportionem aut unionem cum cæteris partibus recedunt, membranosisque articulorum partibus se insinuant, dolor ille ut plurimum producit. Dico, ut plurimum; etenim flatus quoque violenter nervosas partes distendendo, aut etiam ab invicem divellendo, aliquem posse dolorem concitare, vel colici cruciatus, sæpe à solis flatibus reterentis dependentes, evincunt. Unde in hoc quoque casu, à Nobilissimo nostro *Dn. Heliantho* proposito, raritate maximè se commendante, licet flatus in brachiis arthriticis substituisse, satis clarum existat, salia tamen inimica, articulos lancinantia, nihilominus unà adfuisse, dolores acerbis, flatibus jam aliorum regressis, superstites loquebantur. Quomodo verò flatus hi, levi manus attritu, ab axillis per brachia ad extremos usque digitos ferri potuerint, paulò obscurius esse



rius esse videtur: num procreati à crudorum vel vitiosorum, aciditate atque lixiviali sale peccantium, humorum effervescentia in manum articulis flatus, sensim musculos inter & cutem se insinuarunt, porosque ubivis obvios & cavitates ita ingressi, easdem sensim magis magisque distenderunt, atque in naturali tono, & arctiore cohæsione immutarunt, sicque ulterius progressi usque ad axillas adscenderunt, ubi collecti, facilius dein, manûs operâ adacti, versus principium suum sive manum extremam, per patentiores jam vias recesserunt? Differt hic casus à morbo illo, quem *Abulcasimus*, vulgo *Albucafes* dictus, Nakir (vid. nostri *Georg. Hieron. Welschii exercit. de vena Medin. cap. 2. pag. 49.*) vocat, & vel eundem, vel cognatum tamen arthritidi vagæ scorbuticæ esse adfectum, præter alios, *Exc. Dn. Möllenbrock tract. de ea*, adferit. Licet enim *Albucasimus* in eo parvam inflationem in vena brachii mulieris cujusdam viderit, cum tamen dolor conjunctus ad humerum adscendisse, & postea in alias quoque corporis partes transiisse dicatur, hanc à sanguinis vitiosi effervescentia subortam inflationem in ipsa vena hospitium habuisse, credibile est; quem locum etiam eidem adsignat *Ill. D. Paulus de Sorbait*, qui in viro dolorosum hunc tumorem, sub flatus furiosi nomine, à metacarpo per venas instar vermis ad humerum usque adscendentem, *cap. 1. Observation. ravior. pag. 725. Operum suor. proponit.*

(*L. Schröck, L. F.*)

OBSERVATIO XCII.

D. JOH. GEORGII VOLCKAMERI,  
Senioris.

Subitus terror quandoque ægris salutis  
fuit.

**F**Oemina quædam Oenopolæ conjux, continua graviter febre ægrotavit cum summâ virium prostratione. Illa quasi nullo ad resurgendum nisu decumbens in conclavi sola, dum ab agnato visitaretur, qui propè lectum sellæ insidens amico illam alloquio adjuvare studebat, & aliquandiu, ne sola prorsus relinqueretur ibi morabatur, protinus de sella decidit epilepticus; Consternata nimium, neminem licet quantum poterat, vociferata fuisset, evocare statim in auxilium potuit. Tandem tamen, redeunte paulatim ad seipsum agnato suo, venere, qui humi prostrato auxiliares porrexere manus: Illa verò ab eo tempore vires recuperare suas, & integræ restitui sanitati cœpit. Alia quædam matrona ex longo decubitu summa fuit debilitate oppressa, ut etiam pulsus jam intermittens spem omnem sanitatis decollare videretur, ideòque adstantibus proximam noctem periculo non carituram prædixi. Illa ipsâ nocte in somnio vidit egonam stipem ab ea de fenestrâ petentem. Cum verò manum sinistram auro repletam abscondere in dorso conaretur, cum dextra verò eleemosynam porrigere vellet, propter ruinam pavimenti cui institit, subitanèam, se lapsam cum summo terrore credens expergefata fuit. Altero insequente die rediens pulsum ita vegetum observavi, ut integram eidem polliceri sanitatem non dubitaverim, quam à decem & quod excurrit, annis in violatam hucusque servavit.

[Confer: *Anni præcedentis observatio 93.*]

Dec. II. Annus IV.

Aa

OBSER-



OBSERVATIO XCIII.  
DN. ANDREÆ CLEYERI,

*De*

Japanensium arbusculis Tzudzinsic  
dictis.

**C**Um ante annum in Japanensis Imperii portu, Nangasaki dicto, degerem, missus eò ad Imperatorem Japanensem ab Illustr. Societate Belgica Protolegatus, per multas ibi inveni plantas observatu dignas, quas delineari & suis coloribus illustrari curabam. Inter Floræ autem Japanensis delicias primæ mihi sunt, quas Japanicè vocant Tzudzinsic, Arbusculæ floribus elegantissimis iisque variis refertæ. Non excedunt mensuram trium pedum. Folia ejus lata, glabra, acuminata decidunt tempore autumnii, & denuò cum floribus suis Vere prodeunt. Flores sunt toti vel rubri, vel albi, vel lutei, purpurei vel ex his coloribus mixti, similes iis, qui cernuntur in Mirabili Peruviana. Flos uti in Anemone, simplex est, sine odore ullo. Solent Japanenses in hac Arbuscula alios flores elegantiores vel viginti specierum diversarum insitione propagare, ut eò magis elegantiam florum superbiat. Hinc fit, ut eas in vasculis porcellaneis plantatas ante eorum ædes pro spectaculis exhibendis collocent. Altera species priori & magnitudine & varietate florum & virtute æquat, nisi quòd folia separatim & flores seorsim suis caulibus producat.

[*Ex literis Cleyerianis ad D. Mentzelium communicata*  
1685. 30. d. Novembr.]

Fig. XXXI. & XXXII.

OBSER-

*Iapanensium Tzudzinsic due species.*  
fol. 186.

Fig.  
XXXII.



*Iapanicè.*

13  
14  
15

*Tzudzinsic*  
*alia.*

Fig.  
XXXI.



*Iapanicè.*

13  
14  
15

*Tzudzinsic.*





OBSERVATIO XCIV.  
D. BERNHARDI ALBINI,

*De*

Ovo humano, è dextro teste pendente.

**D**ie 15. Octobr. 1685. ad puerperam juvenculam, quæ, pridie puellam enixa, alium adhuc mortuum in utero habebat foetum, accersēbar; quæ, cū sequente die factis concessisset, à me secta, exhibebat testes, ovis turgidulis, pellucidis & copiosis refertos: è dextro teste pollicis latitudine, mediantibus vasis sanguiferis, versus tubam Fallopianam, ovum pendebat, quod magnitudine pisum majus adæquabat, & vasis sanguiferis copiosissimis refertum erat, analogum illis ovis, quæ gallina per aliquot dies incubavit, in quo mira vasorum sanguiferorum texturam reticularem, (adhuc enim illud asservo) cum admiratione videre licet, & liquor in eo contentus non adeò, ut reliquorum pellucidus, sed turbidus erat.

*[Ex literis ad D. Mentzelium missis.]*

OBSERVATIO XCV.  
DN. MICH. BERNHARDI VALENTINI,

*De*

Fringilla albicante.

**S**tupenda prorsus est Dei T. O. M. providentia, quā in primævæ Creationis benedictione, de quavis minimarum quoque avicularum Specie conservanda ita sollicitus fuit, ut suo quævis habitu optimè discernatur & cujuslibet, ut ita dicam, individua quoad extima corpusculorum integumenta eodem ferè colore gaudeant: Adeò quidem, ut in



proverbium abierit, ex plumis internosci avem, man fenne den Vogel an den Federn. At verò ut in humanis, sic & in aliis sæpè ludit Divina Potentia rebus, naturaque sueti sibi tramitis subinde obliviscitur. Elegans hujus rei exemplum nuper vidi in illâ fringillarum specie, quæ Nostreis der Blutsinck audire solet, & ob cantûs, qua homines æmulari amat, dulcedinem, magno sæpe in pretio habetur. Harum 5. genitali adhuc nido contentas venum haud ita pridem exponit rustica quædam puella, quas inter erat, quæ tota plumarum compage prorsus candicabat, exceptis saltem oculis & rostello, sanguineò ferè rubore tinctis. Avis erat elegantissima, unâ cùm cæteris ab Amico, mihi domi notò, tolerabili satis pretiò coemta & à mirabunda civitatis nostræ plebecula ostenti loco habita. Cùm verò brevi post (ut fieri solet) exspiraverit, impetrato ab Amico corpusculo pellem detraxi pennis suis obsitam, quam in fumò exsiccata speciebus quibusdam corruptionem arcentibus suffarcinavi, interque alia Naturæ collectanea adhucdum conservo.

### SCHOLIUM.

**H**Aud equidem de pane lucrando sunt hæc talia ; cùm tamen ad specialiores Physices partem aviumq; historiam suam quoque symbolum addant, hujus quoque rei mentionem facere non dubitavi, cùm id & aliis in Præcedentibus Ephemeridum Annis non displicuerit. Huc enim pertinet *Corvus ille albus* Wetteraviae *Ephem. Germ. Dec. 1. An. 3. observ. 57.* *Aquila item alba* Cnöffelii *Dec. 1. 4. & 5. obs. 58.* *Varia aves p.n. alba* Ejusdem anni *obs. 184.* *Aves Canarienses alba* Dn. Schröck *Dec. 1. An. 6. & 7. obs. 230.*

## OBSERVATIO XCVI.

DN. MICH. BERNHARDI VALENTINI,

De

## Ridiculo Uromantiæ exemplo.

**Q**uidam Artis Pharmaceuticæ Studiosus eodem quo hæc scribo annô, me convenit & oblatâ urina de fratribus sui Germani valetudine consulit. Cùm verò in præviô priùs discursu obstinatè satis responderet, nec ulla ferè quæstione sibi aliquid extorqueri pateretur, generalia tandem scorbuti symptomata ipsi recensēbam, cujus haud pauca in urina indicia erant. His equidem faciliorem sese præbebat, pro ulteriore tamen satisfactione sciscitabatur, annon ex urina pariter conspici posset, si quis ligna findendo, membraque fortius justò distendendo corpori suo incommodaret: *Ob man nicht auch sehen könnte / wenn einer Holz gehauen / und sich weh gethan?* Id enim fratri paulò ante contigerat. Ridebam stupidam hominis simplicitatem & tacitè mecum execrabar splendidam Medicorum miseriam, qui ab infimæ plebis opinione pendentes, panem quotidianum ex abjectâ ejusmodi & incertâ Uromantiâ, summis licet ingratiis sæpè quærere tenentur.

## SCHOLIUM.

**P**urgatorio ferè comparat Uromantiam animosus *AMMANNUS*, in *Parenasi ad discipulos*. Utinã verò essent, qui huic Augiæ stabulo repurgando animum admoverent? Quis enim absque conscientiae vulnere tot suo proximo glaucomata objicere poterit, quot ii sæpe solent, qui ob turpissimi lucelli pretium ea se in urinæ liquore conspiciere palam profitentur, quæ hominum sensus prorsus superant. Novi & optimè novi Practicum magni quondam Nominis, qui, si Ventriculum



fortè malè habere observaret, hæc ferè ex urina profiteri solebat: Der Magen ligt im Leib wie eine Waschlumpe. Alius Phthisicis atque tussientibus hunc sæpe palpum obtrudebat, ut pulmones in coagulo quodam saponiformi natare assereret: Die Lunge liege in einem Schaum wie Seifenwasser. Quibus similia ferè stratagemata docet Author *Machiavelli Medici MSS.* qui multis est in pretio. Quæritur, an hæc talia salva conscientia fiant? Dubito herclè, quin prorsus nego. Novi equidem, quò se purgant, diæterium: Volenti non fit injuria. Novi & distinctionem Ethicorum inter mendacium malitiosum, officiosum & jocosum. Vereor autem, ut coram supremo, quod restat, judicio, hæc valeant sequelæ, ubi nec Plato nec Aristoteles distinguere noverint. Optandum E. foret, ut unanimi Medicorum consensu summus hic & detestandus Uromantiæ abusus prorsus eradicetur & non tam burfæ, quàm conscientia consular, quæ auro contra pretiosior æstimanda.

## OBSERVATIO XCVII.

DN. MICH. BERNHARDI VALENTINI,

De

## Hæmorrhoidibus Pueri fluentibus.

**U**T in sexu sequiori præmaturus sæpe menstruorum fluxus in tenerrimis quoque annis observari solet, ut plura hujus exempla referunt *Præcedentis Decurie Anni*. Ita quòd mage mirum est, in pueris subinde hæmorrhoides officium suum pariter obire satagunt, quæ adultæ aliàs & declinantis ætatis beneficia sunt. Elegans hujus rei testimonium habet *Annus IX. & X. Dec. I. Obs. 178. Ephem. Germ. Cur.* ubi hæmorrhoidum cæcarum dolor in puerulis 3. vel 4. annorum legitur. Fluentes verò hæmorrhoides haud ita pridem observare licuit in puello 8. ferè annorum Per-Reverendi Dn.

J. P. Eck-

J. P. Eckhardi, Pastoris & Diaconi Megalindani, qui menstruis ferè periodis excretionem ejusmodi in filio suo observans ejus gratiâ me consuluit. Cùm verò nil hætenus mali inde perferentierit puer, totum hoc negotium naturæ potius relinquere, quàm beneficio ejus obicem ponendo aliis fortè incommodis fores aperire malui.

*SCHOLIUM.*

**S**Trictè nimis hæmorrhoidum vocem acceptum hætenus à Practicis Generalioribus observo, quæ generaliter quamlibet notat venam in cavitate quâdam p. n. protuberantem. Sic *narium hæmorrhoides* ex Arabum doctrina observat *MARCUS AURELIUS SEVERIN de reconditâ absç. natura p. m. 290,* Quas alii cùm polypo confundere solent. *Uteri* pariter *hæmorrhoides* hinc inde prostant apud Clinicos, & recordor quibusdam abhinc annis easdem in muliere quadam Francof. curatas esse à Cl. Viro *Dn. JOH. DAN. HORSTIO, vñ ev åptois,* quod ex vivâ ejus relatione habeo. Dum interim à potiori fit denominatio, hæmorrhoides intestini recti, per excellentiam ita dici poterunt, ob suetam venarum illarum notationem. Anatomicis communem, à quâ tamen argumenta ducuntur admodùm infirma.

[*A. 1685. 1. Decembr. Francofurto Augustam missa.*]

OBSERVATIO XCVIII.  
D. GEORGII HEINTKE,

*De*

*Mercurio diu in corpore latente.*

**M**ulieris temperamenti Phlegmatici, præterpropter 49. annorum, aliquando copiosis maculis scorbuticis cum alvi obstructione validissimâ affectæ, postquam laxantibus & clysmatibus ipsâ per 14. ferè dies frustra se con-



se tentasset, dedi binis vicibus ꝓv. Merc. vivi, sicque conjunctim ꝓx. cum laxantibus & stomachicis permistas; sed sine fructu; hinc tertio porrexi potiunculam, ex resina Jat. c. Vitell. ovi subactâ, & purgata fuit sufficienter, hinc aliis successivè ad morbum reliquum directis, alterantibus &c. necessitate urgente repetitæ fuere aliquoties laxationes, & convaluit, non tamen sine levi seu aliquali indicio salivationis. Post 2. septimanas ab assumpto Mercurio è lecto surrexit, probè comedens & egerens munia sua obiit, libera à salivatione visaque restituta. Sed post iterum 14. dies aliquando sedens in Gynæceo surgens præterpropter, tota hausta copia Mercurii exclusa fuit, cum ingenti risu muliercularum nescientium, quid in pavimento se manifestaret. Id mihi relatum miratus fui, *quòd tam diu in corpore, tot adhibitis laxantibus & fortiore purgatione, item clysmatibus cum dejectionibus etiam solius naturæ beneficio subsecutis, Mercurius latere potuerit sine copiosiori & diuturniori salivatione.*

[Uratislavia 1685. d. 8. Decembr. ad D. Helianthum.]

### SCHOLIUM.

**H**Ydrargyrum vel Mercurius, ob maximè mobilem suam naturam vivi nomen adeptus, dum rotundis suis & ponderosis particulis, loco stare nesciis, facilè huc illuc fertur, ad ventrem obstructum penetrandum & referendum quomodo conducere queat, haud difficulter hinc colligitur. Si tamen excrementis viscidis & copiosis alicubi implicetur & obruatur, aut etiam in parciore dosi, quàm quæ scybalis intestinalem fistulam infarciendis, penetrandis ac propellendis, intestinisve dilatandis sufficiat, propinatus fuerit, aut etiam in cæco intestino substituerit (uti fortasse in hoc Casu delituit, usque dum tandem motu corporis agitur, vel cum mulier illa federet, ex bursula ista compressa extrusus fuerit,) haud mirum, si aliquandiu

quandiu in corpore deliteſcat. Sic memini, A. 1684. d. 22. Junii, Matronæ cuidam ſeptuagenariâ majori, ex vaſta & antiqua umbilicali hernia in iliacum adfectum incidenti, à Collegameo, Exc. D. D. *Vito Riedlin*, me itidem, in conſilium propterea vocato, haud diſſuadente, fuiſſe exhibitus Mercurii vivi ſex uncias, ſine ullo tamen effectû; eâdem etiam doſi ſequenti die, ſed fruſtrâ pariter repetitâ; & quamvis enematum, aliorum laxantium &c. uſu per aliquot dies contra rebelle malum ſtrenuè inſuper depugnatum fuerit, præter excrementa pauciſſima liquiduſcula, nihil tamen excernere, neque ullam interea ſalivationis alteriuſvé mercurialis operationis indicium præbere viſa eſt, ſicque poſt novem dierum decurſum animam Creatori ſuo reddidit; nobis verò, aperto poſt mortem abdomine, ex inteſtino ileo, liquidis fecibus maximè diſtento, livido & in umbilicalis cutis extenſione reposito hydrargyrum, quod hauſerat, colligendum reliquit. Scilicet hujus particulas in minimas atomos non diſgregatas, aut etiam ſalinis corroſivis ſpiculis haud armatas, ſed ſibi relictas atque unitas, in cavitare ventriculi aut inteſtinorum ſi hæreant, noxam corpori haud inferre, tot iliacorum & alvo obſtructorum exempla, quibus feliciter fuit exhibitus, teſtantur; quæ inter maximè huc quadrat militis, cujus in *Ephemer. noſtr. Dec. I. Ann. IV. obſ. 76.* mentio facta eſt, qui 20. unciarum pondus eporum, ſexto demum die ſine ullo incommodo, à diuturna mora metuendo, excreverat. Quam ſextiduanam moram etiam, in minori quidem pondere à Parente meo exhibitæ, vir quidam pingendi arte præſtantiſſimus quondam abſque ullo incommodo hîc expertus fuerat. Ubi verò in ipſum ſanguinem, ſubtiliſſimas in atomos reſolutus, penetravit, ſerum fundendo & agitando, varios in corpore effectus producere ſolet; quos inter inprimis, dum ſerum ita turgescens ad conſuetas excretorias vias copioſius deducit, ſalivatio ſubſequitur. Unde in hoc Excell. Dn. Autoris Caſu, vel à ſero in inteſtina per ductus



solitos deposito, aut etiam ab adsumpto aliquo medicamento, cibo potuvé quasdam mercurii particulas fuisse solutas, sicque dein in vasa lactea receptas, vel globulos ejus aliquo muco vel excrementis intestinalibus involutas, interiori intestinorum parieti adglutinatas, ac ita per eorum poros in sanguinem penetrasse, & salivationem aliqualem excitasse dicemus; non secus ac in mercuriali dicta inunctione per cutis poros idem insinuare se aliàs consuevit. Quomodo verò Mercurius stomacho ingestus, ex eo ad intestina, ob grave pondus suum, deferri queat, cum utrumque illius orificium in æquali situ locatum, non in fundum terminetur, sed eminentiori loco oriatur, si quæritur: Decubitum ægri & motum in lecto, qui in torminibus illis satis inquietus esse ut plurimum solet, dum justam ipsi agitationem conciliat, & progressum per anfractuosas vias promovet, ad exitum multum tribuere arbitror, præcipuè si lateri dextro æger incubuerit, sicque per pylorum recta in intestinum duodenum via aperiatur. Ridicula autem exclusio mercurii in Observatione nostra recensita, alterius cujusdam memoriam mihi revocat, dum haustum à pictore superius memorato hydrargyrum in fundo solii, cui idem pro impetranda & feliciter etiam subsecuta alvi apertione infederat, ancilla, post aquæ pro balneo adhibitæ effusionem, conspiciens, aliquem argenti se reperisse thesaurum crediderat, à fugitivo tamen illo & manibus sese illico subducente servo delusa, aliorumque risui exposita. Nec possum quin & me ab improbo illo ferè deceptum aliquando fuisse, referam; videlicet cum reculas meas, quas ex Italia redux, cistæ majori inclusas, per aurigam Patavio huc deferri curaveram, perlustrarem, in porulis quorundam carie hîc illic exesorum ossium viri marasmo senili defuncti, atque privatæ meæ sectioni à Nob. D.D. Antonio de Marchettis gratiosè concessi, quæ pro sceletto conficiendo ex arte mundaveram, inque minori cistula, majori illi inclusa, reposueram, mercurii vivi globuli sese conspiciendos exhibuerant;

Observ. XCIX. De Ruptione diaphragmatis ab immodicâ &c. 195

rant ; unde cùm in cadaveribus nonnunquam hydrargyrum, ab adhibita quondam ejus inunctione residuum, fuisse inventum recordarer, ( prout tremulas hujusmodi guttulas circa juncturas vidisse se, *Nicol. Fontanus respons. & curat. med. pag. 100.* atque in ossibus *Joh. Langius lib. 1. epist. med. 43.* testantur,) & ex ossium carie, virum illum lue venereâ infectum, dictâque inunctione fuisse curatum, suspicarer; facile rariores inter casus hoc phænomenon reposuissem, nisi mox vitri, quod mercurio vivo resuscitato impleveram, & minori illi cistæ, ad explenda vacua spatia, juxta cum aliis rebus indideram, recordatus fuisset, cujus etiam globulos per orificium non satis arctè obturatum penetrare, sicque ossium poros ingredi potuisse animadverti. Nemo hîc mihi vitio vertet, si verba magni *Dan. Sennerti*, à gallina aurea *Windleriana* decepti, ex lib. 21. *Med. pract. part. 1. cap. 15.* huc posuero : *Casus hic omnes naturæ scrutatores meritò monere debet, ne causas rei & rō dîcti prius quarant, quàm rō dîcti sit manifestum, & de re ipsa planè constet.*

(*L. Schröck, L. F.*)

*d. g. sensu et di  
symmior. in  
et Aristot: p.*

OBSERVATIO XCIX.

D. JOH. CONRADI PEYERI,

*De*

Ruptione diaphragmatis ab immodicâ  
ventris extensione.

**N**Otum est, & *Plinio* quoque observatum, pecorum ventres vel pabuli nimietate, vel assumpta aliqua re extranea & venenata interdum usque adeo distendi, ut fracto fibrarum robore crepent, aut rumpi periclitentur. Retulimus id ipsum in merycologia nupera, & ruminationis impedimentis annumeravimus. Rarum verò adhuc, nec scriptorum ulli quantum scio commemoratum, immodi-

Bb 2

co disten-



co distentu non tam ventrem quam diaphragma dissiluisse. Excidii specimen, commentationis nostræ quoddam quasi supplementum, quod neque incuriosum videatur, neque prorsus inutile, *Ephemeridibus* tradere allubescit. Prægnantem ovem enormis tumor abdominis hac æstate ad cibi fastidium, ruminandi impotentiam, anhelationem perpetuo increbescentem, tandemque veterinario nihil proficiente ad ultimum vitæ redegerat exitium. Quem casum observans eximia doctrina & sagacitate medicus nostras *Alexander Stokarus*, peculiare morbi genus subesse ratus, cadaver nobis disseccandum sumministravit. Inciso abdomine prorupit magnus venter, impenso flatu turgidus: manibustamen fortiter compressus nihil per œsophagum reddidit, adeo pertinaciter occlusum erat orificium. Tumbant etiam cæteri ventriculi. Secundus autem, quem *Kekryphalum* Græce vocant, non spectabatur in abdomine; verum mutato situ ad thoracem penetraverat, mediis adscriptus pulmonibus. Transitus erat ei per rupturam transversam diaphragmatis, in parte superiore carnea, inter costas & tendinem medium seu centrū nerveum. Magnitudine palmum excedebat hiatus, laceris fibris utrinque dependulis. Liquet ergo novo hoc experimento, quantam fibris inferat vim musculorum justo vehementior expansio, cui tamen rectæ quantumvis crassæ & robustæ fibræ citius succumbunt spirali-  
bus etiam tenuioribus. Quæ ratio me simul adducit, ut credam, ruminantium ventrem utut tenuis fragilisque videatur, rarenter nec nisi validissimo conatu dirumpi. Deinde constat etiam, quæ causâ sit difficilis respirationis in ascite, cur denique præpingues homines suminato abdomine, etiamsi vitio caruerint pulmones, plurimum anhelent.

OBSERVATIO C.  
D. JOH. CONRADI PEYERI,De  
Motu intestinorum.

**A**ccidit nuper me viragini assidente, cui menstrua defecerant, ut rugitus per vices in ejus ventre oborirentur, aliis etiam exauditi in eodem conclavi distantibus. Qua occasione retulit illa mihi, hujusmodi strepitu intestinorum tumultuoso identidem se infestari, durante interdum per horas aliquot, atque in omnes abdominis oras sursum deorsumque ac ad latera ruente, manepotissimum; nullos tamen ventris crepitus, neque dejectionem postea sequi. Hæc igitur mecum pensitans experientiae omnino consentaneum reperi, quod alibi jam asserueram, intestinorum, præcipue tenuium, motum non tantum recta deorsum à pyloro versus anum, sed etiam reciprocatione quadam sursum vergere, sic ut materies in iis ultro citroque agatur. Istam vero sententiam experimentis & rationibus aliis atque aliis à me stabilitam & defensam *Theodulus Kemperus* vel potius *Joh. Ernestus Richelmannus* dissertatione peculiari de valvularum structura & usu *Cap. II. §. IV.* rejicere voluit, quasi autopsiæ contrariam, dum scripsit: *Valvularum conniventium in jejunò & ileo usus est, ut remorentur alimenta, ne cito nimis præterlabantur, sed ut intra duas ubiq; illarum contignationes, tanquam ventriculum singularem, ulterius solvantur, digerantur (quare & hic maxima glandularum copia adest) & ut chylus in vasa lactea eo commodius exprimatur.* Harumq; intuitu non opus est, ut cum *Peyero* heic motum peristalticum naturæ statuto sursum quoq; ferri statuamus; quippe doto<sup>phi</sup>a etiam refragatur. Nihil facile adstruo, quod rerum natura non suadeat, nec dicet evidentia, quam maxime standum anatomicis. Arbitror autem argumenta mea esse



eiusmodi, ut non prius dimovear sententia, quàm solide quis confutaverit. Profecto tenuium intestinorum valvulæ neque tanta sunt amplitudine, neque eo pollent robore, ut alimenta tanquam carcere claudere ac detinere possint. Moram tamen aliquam huc illuc ruentibus injiciunt, ac velut reperiunt illidentem chylum, quemadmodum torrens crebris frangitur & languescit repagulis: fitque hoc ideo, ut bilis & succus pancreatis atque humor peculiaris intestinorum cum cibo penitus commisceatur. Cujus permissionis gratia valvulæ chylum remorantur aliquantillum, neutiquam ut in ventriculo concludunt. Alias dum fervet concoctionis opus, spiritibus ubertim affluentibus, & bile simul ex hepate affatim profusa, concipi nequit intestina quiescere. Quod si vero tunc deorsum tantum commoverentur, materiem ex alvo omnem ocyus propellerent, magno nutritionis detrimento. Nec video an quisquam probabiliter statuere possit, valvulas motui intestinorum tantopere resistere, ut earum conatus superet ac eludat nixum validum impulsionemque fibrarum spiraliū circulariumve, quibus intestina stipantur. Quid quod ipsæ valvularum fibræ à fibris intestinorum dependeant, nec admodum differant positu. Quod denique omnium evidentissimum ac prorsus ineluctabile videtur, ab autopsia repetam: constat omnibus in zootomia paulum exercitatis leporino generi avibusque compluribus & piscibus intestina cœca esse prælonga & varie intorta, ut plurimum materie farta nec valde tenui nec perquam crassa, ac illi plane simili quæ stabulatur in vicinia. In hæc vero intestina an, quæso, ingredi quicquam aut ex iis egredi rursus poterit, nisi reciproco fibrarum motu per naturam ultra citrave fuerit impulsus? Quare cum alternæ motionis hujus vicissitudinem manifesto demonstraverimus, non putamus eam temere esse rejiciendam.

## OBSERVATIO CL.

D. JOH. CONRADI PEYERI,  
E Muribus atrophix remedium.

**F**Elum præda mus, animal domesticum, nihil quidem commodi mortalibus, nocumenta vero plurima asferre vulgo creditur; quippe vel solo adspectu aut inopinata præsentia territans interdum non mulieres tantum, sed etiam viros. Nobis autem mage animatis, atque aliter quam vulgus sentientibus, nulla res creata tam vilis aut perniciofa videtur, quin ad utilitatem aliquam ab humano possit ingenio converti. Eximium sane est ac perquam curiosum, quod nunc commemoro, sanatam atrophiam particularem desumpto à muribus remedio. Cùm enim præterito Vere textoris uxor juvenca in pago urbi nostræ vicino ad cataractas Rheni gemellos uno partu edidisset, ad consuetos labores à puerperio reversa, coxam dextram sentit dolere ac impediri gressum. Dolore postea augescente, noctu potissimum, ac per intervalla vehementius affligente maritus imploravit opem medici. Hic operam pro virili parte daturus, ut ischiadem tolleret, usitata remedia incassum adhibuit. Tandem observatum est crus ipsum decrescere atque sinistro tenuius reddi. Compararunt ergo sibi medicastri nostratis amuletum, à multo jam tempore famosum, constans è gnaphalii montani foliis & radicibus filicis certò die ante Solis ortum quæsitis. Verùm & hæc spes illos frustrata est. Novissimè fortuito transiens extera mulier suasit murem vivum caperent, & filo in acuperejus tergum trajecto de contignatione tamdiu suspensum relinquerent, donec commoreretur. Postea detracto filo vincirent femur, qua parte maximè doleret: isto namque auxilio insperantes plurimos revaluisse. Obtemperant monito, & faustissimo successu profligatum morbum experiuntur, superstitione



stitutione nulla, nullo etiam incantamento. Itaque cognoscimus in vilissimis sæpe rebus stupendarum virium medicamenta latere. Mirum vero in eodem animali atrophie remedium inveniri, quod annonam nobis victumque ultro depascitur atque consumit.

### SCHOLIUM.

Quàm varia expectare à muribus Medicina queat subsidia, prolixè diversis ex Autoribus enumeravit Cl. *Conr. Gesnerus* in sua *quadruped. viviparor. historia*; vim etiam eorum antepilepticam recenset *Hieron. Reusnerus obs. med. 152.* ut & notis in illam noster *G. H. Welschius*; quid in urinae incontinentia præstare queant, Ill. Dn. *Præses* noster in *Dec. I. Ephem. Curios. Ann. VI. observ. 88.* ut & Exc. D.D. *Sommerus* in *Dec. II. Ann. II. observ. 173.* consignarunt. Cæterum quid in doloribus arthriticis valeant, *Plinius lib. 30. hist. natur. cap. 9.* edocuit, dum podagras à muribus dissectis impositis leniri scripsit; in ipso coxendicis morbo ex muscerda remedium, superstitiosum tamen & ridiculum *Marcellus* commendat. Quæ ratione verò in Observatione nostra expositum murinum remedium hoc coxæ morbo laborantes juvare queat, aliis, & ipsi curiosissimo nostro *Pythagora* dijudicandum relinquere malo. Num fortè ad *Helmontiani* amuleti, quod ex bufone paratum in *tumulo pest.* describit, operandi modum recurrere licet? dum terror bufonis, quem viso homine concipit, interimere & annihilare studet ideas terri Archæi humani; unde & terror muribus innatus, inque filum, quod per tergum eorum trajicitur, derivatus, ideas Archæi humani, sive spiritum à dolorificis infixis spiculis perterrefactorum annihilaret, sicque dolorem abigat; id quod tamen, nâ alterum illud suppositum, bufoninum nempe amuletum, majori certitudine roboretur, ipse pro certo venditare minimè velim.

(*L. Schröck, L. F.*)

OBSER.

OBSERVATIO CII.

D. JOH. CONRADI PEYERI,

*De*

Februm tertianarum & quartanarum intermittentium remedio.

**F**ebribus tertianis intermittentibus & quartanis varia parant remedia, in quorum possessione tanto major gloria, quanto morbi sunt contumaciores & sanatu difficiliore. Nuperrime rursus increbuit à multo tempore neglectus cortex Peruvianus, Anglis Gallisque de novo concelebrantibus, atque medicaminis Talboriani omnium sermone prædicati fundamentum perhibentibus. Quo factum, ut medici certatim imitantes ejus rei periculum facerent. Quidquid vero narrent alii aut opponant, præsidium in eo reperi certissimum. Corticem tenuissime tritum cum extracto trifolii aquatici, quod aliqui fibrinum nominant, in pilulas redigo pisi vulgaris magnitudine. Quinas intermissionis tempore haustim cum vino aut congruo liquore alio propino ter de die, si tertiana, quater si fuerit quartana, donec paroxysmus novus accesserit. Eo finito pergendum ut ante. Nec facile postea insequitur febris, nisi aliquando in quartanis; quæ si ingruat porro continuandum est. Paroxysmis autem evanescentibus per octiduum adhuc mane & vesperi sumenda dosis pilularum, rursusque quolibet mane per aliud octiduum. Nullus sic imminet recidivæ metus, dummodo insignis error in victu non fuerit commissus. Ab initio re hortante emetica præmitto, tandemque diuretica, quod observaverim materiam heterogeneam sæpissime cum lotio evacuari. Subjungi etiam possunt majoris securitatis ergo leniora cathartica. Trifolium denique fibrinum ideo mihi videtur aptissimum, quod eundem saporem quem cortex ille

*Dec. II. Annus IV.*

Cc

pere-



peregrinus gustatu referat, neq; tantopere ingratum sit quam gentiana & centaurium.

[*Scaphusia Augustam Vind. 1685. 11. Decembr. allata.*]

### SCHOLIUM.

ET hujus Trifolii fibrini salutarem in febribus vim etiam commendat Exc. D. Joh. Val. Willius in *Act. Med. Hafn. Barthol. Volum. 3. obs. 75.* Porro vid. *Dec. I. Eph. an. 4. 5. fol. 133. & Dec. II. f. 170. A. II. & A. III. p. 60. D. Glin. & Glin.*  
(L. Schröck, L. F.)

### OBSERVATIO CIII.

D. D. HERTII,

De

### Rara suffocationis causa.

Puer quidam nobilis, postquam ex lapsu graviori pectoris sinistrum latus non parum læsisset, de dolore pectoris obtuso per plures menses conqueri cepit, cum aliquali saltem respirandi difficultate, appetitu interim constante, Pueroque in cæteris satis alacri, adeo ut parentes eum magis morbum fingere, quàm revera ægrotare existimarent, donec tandem de morbo indies crescente meliùs informati, varios Medicos consuluerunt, medicamentisque usi selectissimis, sed frustrà & sine ullo levamine; postremo morbi decursu somnum nonnisi mensæ decliviori inclinato capite capeßere potuit, cumque aliquando uvas liberaliùs ingurgitasset, subito suffocatus periit. Recluso thorace, molem quandam carneam pendulam pleuræ & costis proximè adhærentem invenimus, quæ dissecta duo ossicula persimilia illis, quæ in corde cervi reperiri solent, primò non adeo dura, sed nunc durissima exhibuit; ab hoc sanè corpore in pulmones incidente, eosq; comprimente & respirationem impeditam, & mortem illatam fuisse certum est.

OBSER-

OBSERVATIO CIV.

D. D. HERTII,

*De*

*Ardore manuum ac pedum intolerabili.*

**V**Idi hîc locorum Virginem 26. annorum, quæ diu affligebatur ardore sive æstu manuum ac pedum dolorifico ferè intolerabili, nullis remediis cedente. Plurimorum enim consilio sine ullo successu usa, adeo ut desperata quasi proprio ausu manus pedesque aquæ frigidissimæ immitteret per plures dies, eamque incalescentem (brevis autem incalescebat, quod admirandum, quasi actuali igni fuisset apposita) renovaret, continuaretque tamdiu, donec vigore vitali totaliter prostrato, pedum & manuum gangrænâ fuerit correpta, omnesque digitos in pedibus, plurimos in manibus amiserit; singula iterum consolidata, præter dextrum pedem cariosum, adeoque ferro extirpandum, quod remedium genus hæcenus recusavit,

*SCHOLIUM.*

**L**ympha per totum corpus circumflua uti de aciditate naturaliter participare statuitur, cujus acorem in glandulis spiritus animales ibidem occurrentes temperent: ita vigoris sui defectum illi si patiantur, sicque lymphæ acorem non satis mitigare valeant, aut ejus in obvias partes furendi impetum non refrenent; aut si vicissim spiritus isti aliàs, sive cerebri, sive partium, ad quas perveniunt, vitio qualitatem peregrinam alcalinæ æmulam induant, à debiliore hîc lymphæ acido non satis saturandam; aut ubi lympa justò acidior extiterit, & sic ubique debita ac naturalis salium horum proportio desideretur, hoc vel illud prædominium habens in partes



obvias agere, illas vellicare, agitare, & ita calorem inducere haud desinet; quanquam & idem accidere queat, si utrumq; excefferit, sic enim impetuosius congregiando eundem calorem excitare poterit; ceu simile quid ex. gr. in spiritus vini, cui spiritus animales comparari à quibusdam solent, rectificati, cum puri spiritus nitri, cujus indolem ob acorem lymphæ quodammodo repræsentat, mixtura videmus; utpote quæ tantam in liquoribus istis salium agitationem & calorem producere valet, ut vel in flammam ipsam erumpat. Et tale quid in præsentī casu etiam contigisse, videtur esse verosimile. Cum verò liberalior aquæ frigidæ usus non tam naturam salium horum peccantium enervet, quàm congressum eorum impediat, motumque in vasis reprimat, à quo consequenter ipse etiam sanguinis motus cohibeatur necesse est, quomodo is gangrænam partibus inducere queat, facile hinc colligitur. Confer. *observatio 57. Ephem. harum Anni præcedentis.*

(L. Schröck, L. F.)

## OBSERVATIO CV.

D. D. HERTII,

*De*

## Plica Polonica.

**V**Idi ante aliquot septimanas infantem quatuor circiter annorum, triplici plicâ Polonicâ laborantem, unam in vertice, alteras in bregmate habentem, cui Parentes tres prædictas plicas præciderunt sine omni noxa, & quod admirandum, unius trihorii spatio plicæ abscissæ de novo sunt conspectæ intricatissimæ, ut nullo artificio extricari potuerint.

[*Ex literis ad Dn. Lic. Valentin.*]

Conf. inprimis *Dec. I. Ephem. nostr. Ann. VI. observ. 138.*  
 & *dec. 1. anni 2. obs. 1.*

OBSER.

OBSEKVATIO CVI.  
D. CHRISTOPHRI SCHRÖDTERI,

*De*

Extractione fœtus vivi matre vivâ  
unco stateræ.

**C**onradi Wegners Rustici Bruderdorffensis in Præfectura Durgunensi Ducatus Meclenburgensis Uxor, quadraginta annos nata, primipara, 13. Calendas Februarii hujus 1685. anni conatum pariendi, absque ullâ, ob viarum angustiam, promotione, per triduum fermè cum doloribus partus sustinuit quàm atrocissimis. Copiosæ adstantes cum obstetrice Mulierculæ de vita matris & fœtus desperant, tristi præfagio festinant, marito anxio rotundè & rusticè indicant, dubiaque perculsæ sollicitudine ad patienter ferendum animum deponunt, quod mater post insignem totius corporis diu durantem horrorem, nec conatum nec motum fœtus sibi amplius superesse affirmaret; Exhorruit miser hoc tristi prognosticò extrema cuncta ante obitum uxoris tentanda reputans, obstetricem querula voce ita alloquitur: miser ego, qui intra annum spatium bis à Deo eodem crucis onere affligor! (ad secunda enim vota, nondum exactâ istius anni revolutione, transierat) contendo atque efflagito, ut fœtum, quem putamus mortuum, hoc unco stateræ manu apprehenso, ope istarum muliercularum, ut viâ hâc quamvis dubia, uxorem meam mihi vitâ meâ chariorem, ab onere per Dei gratiam dissolvas. Huic desiderio toties reiterato, in extremo miseræ vitæ periculo morem gerens obstetrix, uncum stateræ singulari divinâ providentiâ, casu nuchæ fœtus tam providè applicat inscîa, ut eundem fœtum vivum & innoxium leviter quamvis vulneratum rarò & inaudito exemplo extraxerit sâ-



tis robustum, ita ut in præsens tempus adhuc sanctissimo Numini exacta laude, gaudeat incolumitate.

[Attestantibus Pastoris illius loci Domini Jona Buceri, quas possideo, literis.]

## OBSERVATIO CVII.

D. CHRISTOPHORI SCHRÖDTERI,  
Exclusio foetus mortui ex parte jam putrefacti & post obitum matris inventi, ultimo naturæ conatu facta.

**N**obilis quidam in vicinia Pomerania 30. circiter annorum primipara Anno 1680. post tot in partu per spatium novem noctium dierumque exantlatos dolores, foetu, jam in utero putrescente, ut ex summo foetore constabat, nono die me in consilium vocat, sed frustra omnia, etiam ipsius unci applicatio, qui ob vires exhaustas, succumbente naturâ, in usum trahi non poterat; Undè circa vesperam eodem die, quo vocatus eram, placidè in Domino expirat: Astantes igitur circa lotionem corporis laborant sollicitæ, quicquid abluendæ immunditiei esset, decernunt. Hisque & aliis circa curam talem exactis, foetum putrefactum, ex insperato intra femora defunctæ matris inveniunt, ultimo providæ Naturæ conatu exclusum, quem nulla ars manusque adstantium sedula poterat promovere: Sic & hodie mira in natura fiunt.

[Ex communicatione Dn. D. Günth. Christophori Schelhammeri, Noribergam in principio Anni 1686, delata.]

OBSERVATIO CVIII.

D. JOH. LUDOVICI HANNEMANNI,

*Le*

Fœmina, quæ limpidam aquam copiosè  
ex ore rejecit.

**Q**Uædam honestissima hujus loci Matrona magna cum virium debilitate insignem aquæ limpidissimæ copiam ejecit : ( similem casum in mea dilectissima Matre sum expertus, ) hæc jam bis isto fluxu, & quidem summa cum virium prostratione laboravit. Mirum autem est, quo loco sit tam limpidus scaturiens fons, & quidem cum tam insigni copia ? limpiditate enim suâ fontanam superat, omnis odoris & coloris expertus, totoque coelo ab urina differt : neque caret admiratione, quod huncce aquæ effluxum tanta comitetur virium debilitas, quæ & tanta est, ut animam agere videatur. Si conjecturæ locus, forsân vasa lymphatica oscula sua aperiunt, & istam lympham evacuant : necesse etenim, ex loco aliquo notabili promanet hic liquor, qui cæteroquin vires ita haud debilitare posset. Quod si duntaxat ex vesica, alioque loco sentinæ corporis excipiendæ destinato proflueret, hoc viribus integris & salvis fieret. Concludo ergo, ex loco profluere spiritibus vitalibus pleno, qui unâ magnam jacturam patiantur, unde debilitas. Omnis enim debilitas spirituum jacturæ vel vappescentiæ effectus est, imò & ipsa mors nil aliud est, quàm spirituum vappescencia. Plura addat Academix nostræ *Celsus*.

[*Kiliâ Noribergam in fine Anni 1685. allata.*]

SCHOLIUM.

**U**T desiderio Nob. Dn. Autoris, & ita sine contradicendi aut temerè censendi animo, qua suspitione nemo bonorum me



rum me onerare jure poterit, satisfaciam, existimo, limpidum hunc humorem ex ore profluum, non alium agnoscere fontem, quàm ex vasorum lymphaticorum, limpidissimo utpote sero turgidorum, numero dicta salivalia; sive jam patentiora tantùm Warthoniana, Stenoniana, & Bartholiniana, (qua ratione in Studio domestico, cùm linguam manè attolleret, ductum talem sublingualem, adparuisse refert celeberrim. *Thom. Bartholinus cent. 4. epist. med. 27.* lympham copiosam rivuli instar extra os profundentem; atque ex vasis etiam salivalibus superioribus, ab inunctione mercuriali humorem hunc insigni cum impetu prosiliisse vidit Nob. *D. Joh. Conr. Brunnerus*, ut in *diatrib. de lymphæ & pancreat. usu cap. 12.*) sive minora etiam illa numerosè in palati, labiorum, imò reliqua faucium glandulosa tunica occurrentia, nomine hoc donare unà velimus. Cùm verò lymphæ in ductibus his contenta, ex arteriis, spirituosissimum sanguinem vehentibus, in glandulas proprias fuerit separata, ibique etiam spirituum animalium per nervos ad hæc protensos excurrentium connubio vigorata, si justò copiosior excernatur, magnam simul spirituum contingere debere jacturam, & consequenter virium prostrationem, hinc elucescit. Id quod eò minùs mirandum, cùm salivalem hunc humorem non simpliciter excrementitium, sed maximè utilem esse, nemo negare queat; quamvis & excrementa vitales ac animales spiritus contineant, (confer. *schol. observ. 81. Decad. II. Ephem. nostr. Ann. I.*) unde in pure empyicorum, & sero hydropicorum per paracenthesin evacuando ne nimis prodigi simus, monere solent communiter Practici, experiencià pariter edocti, & Hippocraticâ autoritate *sect. 6. aph. 27.* suffulti; non secus ac ipsius urinæ largam nimis excretionem esse periculosam, in *scholio obs. 79. Eph. dd.* exemplo probavi; & de pure quoque ex magno abscessu educto *C. Celsus lib. 2. cap. 7.* olim edixit: *sive aqua inter cutem quem implevit, sive in magno abscessu multum puris coit, simul id omne effudisse aquè mortiferum*

tiferum est, ac si quis sani corporis vulnere factus exsanguis est; ut de immodica sudoris & seminis excretionem, magnam spirituum jacturam, & hinc virium prostrationem inducente, nihil dicam. Et hæc virium debilitas eò magis comitari copiosum hoc lymphæ profluvium debet, si causa in sanguine minus temperato, minusque ob spirituum paucitatem vegeto, atque hinc in abundantis sui feri dimissionem eò magis proclivi resideat: qua ratione immoderato ejusmodi pyelismo, diu noctuque per aliquot menses perseveranti, apud *August. Thonerum* in *observ. med. pag. 145.* in viro tandem hydropem; atque in senem cum crurum sphacelo ipsam mortem, apud *Joh. Helwigium* *obs. med. 64.* ut & in alio apud nostrum *Exc. Avicennam* *pag. 17. Regni animal.* successisse contigit. Unde verò salivatio hæc ortum trahat, nî plures historiæ circumstantias noverimus, difficilius conjecturâ adsequi licebit; cum & in massa sanguinea, copiâ feri gravata, & quacunque de causa ac impulsu ab hoc onere, non secus ac in critica etiam salivatione quandoque fieri solet, se expediente, rationem quærere liceat: & ipsis salivalibus glandulis peregrinum aliquod (si loqui ita liceat) fermentum innasci, aut saltem proprium, si quod habent, intendi queat, quod dein vel poros & oscula vasorum glandulis his implantatorum, magis dilater, sicque ad emissionem largiorem, disponat, vel etiam secretionem copiosiore ex sanguinea massa instituat; non secus ac in apophlegmatis aliàs medicamentorum acrium ope, simile quid fieri consuevit.

(*L. Schröck, L. F.*)



## OBSERVATIO CIX.

D. JOH. MICHAELIS FEHR,

De

## Carina Nautili elegantissima.

**C**Oncha hæc Nautili carina dicta, ab Haliæto sive Aquila marina prædam quærente ex aquis cum Incola suo, polypo pisce, in sublime abrepta, sed ab Unguibus Avis polypo solum innexis soluta, in littus Ambonici cum fertur & à Piscatoribus loci *Domino Georgio Eberhardo Rumphio*, Germano Hanovia-Franco, Batavorum in Indiæ orientalis Insulis Historico affertur, qui Eandem statim cistulæ santalinæ inclusam, mihi S. R. J. Acad. Nat. Cur. Præsidi misit, pro collato sibi Plinii agnomine, cum adjecto disticho:

*Argonauta, Tibi donatur Eoa carina,  
Quam maris Ambonici Nautilus incoluit:  
Sit munus Plin! vestro modo munere facti,  
Gratus ob id Vobis Rumphius esse cupit.*

Elegantissima autem hæc concha etiam apud incolas in magno habetur precio, quia propter subtilitatem rarò integra reperitur, purissimi argenti aut perlarum Orientalium instar pellucida, ac limpidissimis striis artificiosissimè contexta, ipsum biennium terrâ marique incolumis jactata est, at fractâ, quâ Hamburgo Berolinum advehebatur, in Albi flumine navi, cum cistula sua in aquas juxta cum reliquis pretiosissimis mercibus mergitur, sed ex fundo fluminis feliciter extracta, atque à *Domino Christiano Mentzelio*, Consiliario & Archiatro Elect. Brandenb. Acad. N. C. Apolline, exsiccata, nihil damni passâ est, præter maculas quasdam luteas, quibus ab impura aqua exterior ejusdem cortex nonnihil livoris attraxit, intus foris-que autem niveo splendore refulget tota. Amboina sive Ambona verò est Insula Indiæ Orientalis inter Moluccas primaria,

caryo-

Carina.


Nautili.

Fig.  
XXXIII.


f. 211.



Fig. XXXVII.



fol. 339.





ria,  
caryo-

caryophyllis aliisque aromatibus refertissima, Batavorum Imperio cum munitissimo castro, Victoria dicto, subjecta.

Concham prælaudatus noster *Æpollo*, donum verè regium & ad invidiam usque elegans, etsi non aureum, ob raritatem tamen & mirabilem naturæ artem auro carius & charius vocare sustinet, quæ non nisi in Magnatum aliquo Gazophylacio asservari mereatur; AUGUSTISSIMO itaque IMPERATORI hac cum Epigrapha offerre eam ausus sum:

Victoriosissime Imperator LEOPOLDE.

*Hac TIBI VICTORI gratatur, MAXIME CÆSAR*

*Dux Avium prædâ, littore ab Ambonico:*

*Argonauta offert, Academia læta triumphat,*

*O nostri vivas Dux LEOPOLDE chori!*

Sacræ Cæsareæ Majestatis

*Humillimus servus*

S. R. J. Acad. Nat. Curiosorum I. Adjunctus  
jam 20. annorum Præses secundus, d. Argonauta.

Joh. Michaël Fehr, M. D.  
Physicus Svinfurt. Ordinarius,  
Urbisque Imperialis  
Prætor.

*Svinf. Cal. Jan. 1686.*

Fig. XXXIII.

Dd 2

OBSER-



## OBSERVATIO CX.

D. GEORGII EVERHARDI RUMPHII,

De

## Ceraunia spathula metallica.

**M**itto quoque sub numero 81. Cerauniam metallicam : hujus parem Magno Duci Hetruriæ quoque misi. Rem miram, Europæis forsitan inauditam, &, pro- ut quotidie experior, prorsus incredibilem; mihi tamen diligenti inquisitione & sufficiente testium examine satis exploratam. Hæc itaque Ceraunia, sicuti vides, ex ære constat non puro, sed nescio quibus sordibus & auri particulis permixto, eaq; tali figura, quali conspicitur, gravi tempestate per fulmen dejicitur. Contingit id maximè in Insula Celebes, nobis versus Occidentem propinqua, ubi multi montes metallici, ferrum, æs, & aurum ferentes, è quibus conjectura est, vapores cum particulis metallicis, saxeisque in nubes tolli, & illic in igne fulmineo concentrari, unde Cerauniæ dejiciuntur, modò lapideæ, modò æreæ, modò ferreæ, rarò etiam aureæ, sæpè etiam è pluribus mixtæ. Metallum hoc fulmineum plerumq; impurum est, primæ fusioni ineptum & difficulter tractabile. Indi plerumque aurum admiscunt, & annulos ex eo faciunt, quos contra varios morbos & ad victoriam consequendam gestant. Idcirco Ceraunias hujusmodi nec pretio, nec precibus ab illis redimere possumus, nisi vel aperto bello, vel clanculū per amicos, qui clam suis Magnatibus illas nobis vendunt. Non ita diu est, quod illas possideo, quare nulla, adhuc experimenta proferre possum, quæ tamen incolæ ad stuporem usque jactant. Si quid tale in Europa notum aut visum sit, rogo, ut mihi communices.

[ Ex literis ad D. Mentzelium missis ex Amboina Insula  
die 30. Augusti anno 1683. & hinc Augustam 1686.  
d. 16. Januar. delata. ]

SCHO-

*Ceraunia spathula metallica ad magni-  
tudinem æquatam delineata.*



*foramen cerauniae  
manubrii adæquatum.*

*Fig. XXXIV.  
fol. 213.*

*Anni IV.*



THE HISTORY OF THE  
CITY OF BOSTON



## SCHOLIUM.

**D**Ari meteora metallica & deturbari quandoque deorsum  
 ex censu mineralium lapides & id genus alia, apud me du-  
 bitandi rationem non invenit, nec ab experientia multorū id  
 alienū est. Sic *Hermes noster primus, p.m.* chrysocollam tempesta-  
 re vehemente detrusam ipsemet oculatus testis Academicis no-  
 stris monumentis in æternam sui memoriam nobis & posteris  
 sacravit. Sed Jovem ceraunium per æthereum aliquem Vul-  
 canum in altissimis montium jugis spathas æreas & metallicas  
 omnis generis tam artificiosè fusas & fabricatas, cum fulmine  
 suo in terram ejaculari, id mecum in aula nostra ægrè credunt,  
 quicunque *νεραυνόν* hunc, vel telum hoc ceraunium intuentur.  
 Verū enim verò quidni fidem habeamus viro fide digno? &  
 quid non accidit quotidie, quod captum plurimorū superat?  
 Curiosam hanc spathulam imposui chartæ & ductis circumcir-  
 ca terminis calamō scriptoriō ad magnitudinem æquatam de-  
 lineavi: ei schedula est appensā cum hac inscriptione belgica:  
*Diß kupfferne Schifflein ist mit dem Donner heruntergeschlagen /*  
*fast eines Fadens tieff in die Erden / auf Corfora der Ost Rūsten auf*  
*der Insel Celebes.* Ceraunia hæc spatha ponderat ferè uncias  
 undecim, splendet æs ad luteū aurichali colorem ad cujus ma-  
 nubrii latera striæ sive lineæ aliquot tanquam arte factæ incur-  
 vantur: superior pars tenuior & in acumen rotundum desi-  
 nens plena est foraminulis non perviis, adeò ut formam sive  
 modulum, cui æs illud mixtum infusum fuit, non admodum  
 lævè & tersè confecerit, quicunque fuerit, æthereus ille  
 Chemicus.

[ *D. Christian. Mentzelius.* ]

Fig. XXXIV.

**C**Æterū cū, præter hanc Cerauniam spathulam metal-  
 licam, plura exotica laudatissimus Dn. Rumphius ad me

Dd 3

ex In-



ex Insula Moluccarum Ambona An. 1683. mense Septembris miserit, eandem cum rarissima illa in *priori observatione descripta* Nautili carina sortem perpeffa, Catalogum eorum hic subijcere volui, quorundam descriptionem in posterum daturus, quæ verò in appensa notatæ modò carinæ schedula consignavit Dn. Rumphius, cum Lectoris curiosi venia repetiturus:

1. Cassis cochlearum maxima. 2. Cassis rubra. 3. Murex ramosus. 4. Unguis odoratus major vulgò, Blatta Bizantina. 5. Tribulus, 6. Haustellum 7. Murex minor, 8. Cassis verrucosa. 9. Harpa. 10. Auris gigantum, 11. Umbilicus major. 12. Umbilicus marinus minor. 13. Furnus cochlea. 14. Trochus. 15. Trochus longævus. 16. Lacinia-  
ta cochlea. 17. Nautilus major. 18. Nautilus minor s. tenuis. Elegantissima & rarissima hæc est concha, apud Incolas magno in pretio habita, quia rarò integra reperitur. Hujus incola similiter parvus est polypus (ut Nautili majoris incola) cujus duo posteriores cirri latas habent palmulas, quibus carinam suam gubernat, dum in mari remigat; flante verò vento membranam inter priores pedes extendit, & ita velificat. Duo reperiuntur in peculiari capsula, quorum majorem dono mitto Dn. Præsidi Nostri Collegii Johanni Michaeli Fehr, dicto Argonautæ, in exiguum monumentum & gratitudinis symbolum pro concessio testimonio. Rogo igitur Dn. Christianum Mentzelium, ut Carinam hanc prædicto Domino Suinfur-  
tum transmittere velit.

Carinæ huic mirabile quid contigit: in mari velificans ab Aquila marina sive Haliæto prædam quærente in auras evecta est, unguibus verò carnem polypi forsan tenens, carinam demisit, quæ in subjectum litus cadens, miro successu nihil damni accepit, præter exiguam portiunculam, quæ, ut vides, in anteriori margine facta est, ipsa verò carina statim à piscatoribus sublata & ad me perlata est. Habet igitur Dn. Argonauta Carinam, quæ instar Palladii è coelo delapsa est,  
sed ni-

sed nimis angustam, ut aliquot Illustres Argonautas in Colchidem vehat. Nostri Malais vocatur, Ruma - Grorita. i. e. domuncula Polypi, nostri Carinam Nautili appellant. Alia minor est, & in prioris ventre continetur, quam Dn. Menzelius proseretineat, majorem enim nunc mittere non possum, quia quas possideo fractæ & parvæ sunt, rarissimè enim integra reperitur. Utraque Nautili Carina conferatur cum illis, quæ in Mari Mediterraneo reperiuntur, & apud Authores describuntur.

19. Cornu Ammonis, 20. Cochlea picta, 21. Buccina Tritonis. 22. Pseudo purpura. 23. Unguis odoratus minor. 24. Fusus. 25. Turris Babylonica, 26. Strombus, 27. Corona Papalis. 28. Cymbium. 29. Voluta Marmorata. 30. Voluta musicalis, 31. Voluta cerea, 32. Voluta aculeata. 33. Atragen. 34. Epidromos. 35. Heptadactylus. 36. Pentadactylus. 37. Porcellanà guttata. 38. Porcellana litterata, 39. Ovum. 40. Caurium vulgò Cauri, vel Caudi. 41. Caurium granulatum. 42. Cylindrus. 43. Auris marina. 44. Solea. 45. Denticulus Elephantis. 46. Chama squamata. 47. Chama striata; 48. Chama lævis. 49. Chama literata. 50. Candisca. 51. Tellina gari. 52. Tellina virgata. 53. Unguis sive dactylus. 54. Fragum rubrum & album. 55. Rostrum anatis. 56. Musculus arenarius. 57. Pholas. 58. Pinna. 59. Marcus. 60. Ostrum echinatum. 61. Accarbarium nigrum ramosum. 62. Hippuris saxea. 64. Flabellum. 68. Erica marina. 66. Abies marina. 67. Lithodentron calcarium. 68. Amaranthus saxeus. 69. Fungus saxeus, 70. Radula saxea. 71. Caryophyllum saxeam. 72. Saxum calcarium. 73. Tuber regium. 74. Sagitta marina. 75. Caput Barbirussæ. 76. Sperma ceti in massa, 77. Ambra nigra impura. 78. Ambra nigra pura. 79. Dammara Silanica, 80. Dammara alba Ambonica. 81. Ceraunia metallica. 82. Chamites. 83. Calappites. 84. Reticulum saxeam. 85. Ramula. 86. Dammara canarina. 87. Umbilicus. 88. Echi-



88. Echinometra digitata. 89. Ejus digiti lapidei. 90. Fragum album superius indicatum. 91. Dupa. 92. Echinus marinus tenuis. 93. Avicula. 94. Piscis arcularius. 95. Fructus Rottanus major. 96. Fructus Rottanus minor. 97. Pila lapidea. 98. Dactyli Idæi, 99. Pecten Jacobæus. 100. Canarium sylvestre. 102. Idem Sylvestre. 103. Crusta accardarii. 104. Quadra Saguava est panis Ambonitus è medulla cujusdam Arboris Sagus dicta confectus &c.

*Cuilibet rei peculiaris speciei appensa est schedula cum suo nomine.*

*Rumphius.*

Nomine Rumphii subscriptum  
Hendrich Schröder.

# OBSERVATIO CXI.

D. PETRI ROMMELII,

*De*

## Menstruorum retardatione.

*211. Ob. 29. p. 48.*

**Q**Uam utilis imò necessaria sit sexui sequiori menstrua purgatio, tanquam præcipua sanitatis causâ; quot & quantorum è contra morborum & periculosissimorum symptomatum author existat purgatio hæc, vel imminuta vel inordinata, immoderata vel etiam suppressa &c. nemo est quem lateat, totoque die id Practici experiuntur; unde minime succensendum videtur Virginibus Hispanicis, barbaricisque mulieribus aliis sibi invicem magnificè de mensium fluxu gratulantibus, lintheaminaque virgineo cruore madida & tincta gloriosè ostendantibus; multo minus contemnenda feminarum nostratum sedula sollicitudo, qua omni conamine student, quò nulla huic fluxui menstruo injiciatur remora,

mora, ipsæque, hoc ritè se habente, integra fruantur valetudine. Inveniuntur tamen & virgines & maritatae, quæ sine ullius periculi metu, aliquando hoc lunare debitum, non sistere, sed instantem jam fluxionem, ad aliquot dies morari & retardare satagunt. Non credidissẽm hoc fieri posse, nisi iteratæ experientiæ aliter me docuissent & credere jussissent. Non enim recordor me unquam legisse, instantia menstrua pro lubitu, & juxta arbitrium fœminarum, imò sine noxa, retardari posse, mensesque jam jam instantes exitumque parantes, usu alicujus medicamenti tam obsequiosos esse, præfixumque terminum tam adcuratè observare, & ad nutum quasi imperantis expectare. Novi virgines & uxores honestas, quæ quando vel convivii & festis nuptialibus, aliisque hujusmodi solennitatibus, unum vel alterum diem duraturis interesse conveniebat; vel iter aliquot dierum aggrediendum erat, præ foribus jam expectantem mensium ordinarium fluxum (ad evitandum consuetas molestias, utque eò melius & hilarius choreis, epulis & comestationibus, vel & itineri expediendo, & necessariis occupationibus vacare possent) esu trium, 4. 5. 6. 7. & plurium etiam (ad numerum nonarium ascendendo) granorum piperis albi, ad totidem dies retardarunt Catamenia ipsis, commodiori tempore, celebraturæ. E. g. sit crastina dies terminus tributi lunaris solvendi, adsintque jam consueta signa, tormina, dolores, & alii fluxûs instantis ordinarii prodromi, tunc statim prædicta grana integra, tot numero, quot dies à menstrua purgatione immunes adhuc esse desiderant, deglutiunt, & voti compotes fiunt: nam numerus dierum exactè numero granorum deglutitorum respondet. Mirum sanè λευκοπέπρι, aromati nobilissimo, quod Magnatum mensis in India inferri solet, & quo, ut nos sale culinari, utuntur, tali virtute menstrua retardandi, præditum esse, præsertim cum *Dioscorides* aliique virtutem potius contrariam, urinas nempe (menses) ciendi, partum accelerandi & promovendi adscribant, ni po-



tius, ut in plurimis aliis, superstitioni hîc aliquid tribuendum. An verò semper successurum sit hoc, ut superius dixi, repetitum experimentum, non ausim arrogantius affirmare, sed aliorum etiam Experientiæ & limatiori examini relinquo.

[*Ex literis ad D. J. Paulum Wurffbainium, 2. Decembr. 1685. datis.*]

### SCHOLIUM.

**A** Pud nos quoque feminis quibusdam secretum hoc innotuisse, scio; quo de tamen cum experimentum sumere eadem dubitaverint, aliud non addere volo, quàm *Ludov. Septalium in comm. in Aristot. problem. Tom. 1. sect. 1. probl. 43.* cum propriè dicta diuretica urinam movere eâ ratione dixisset, quòd crassitiem humorum ingenti caloris vi non solum extenuent, sed sanguinem ipsum etiam fundant, ejusque tenuem & aquosam partem secernant, hisce piper quoque adnumerasse; id tamen menses cieri non solere, aut certè quam minimum, addens, propter nimiam exsiccandi facultatem. Quæ si majori probabilitate dicerentur, prædicatam piperis virtutem aliquo modo detegere possent. Sed nollem his immorari. Cæterùm si effectus ille revera ita se habeat, nescio, quid aliud dicere liceat, quàm fermentum illud uterinum, quo sanguis in menstruum illum *ὄργανον* cieri solet, à piperis albi specifica & nostri intellectus imbecillitati abstrusiore virtute (quales sanè omnino negare in aliis quoque haud possumus,) sopiri, ac ita pro majori minorive adsumti piperis quantitate vel granorum numero, per brevius longiusve temporis spatium ligari, usque dum discussâ illa ac evanescente, ad pristinum genus redire valeat.

(*L. Schröck, L. F.*)

OBSERVATIO CXII.

D. CHRISTIANI LUDOVICI GÖCKELII,

*De*

Abscessu inguinis periculoso curato.

*D. H. A. V. ob. x*

*p. 19.*

**L***æfionis* in corpore *magnitudo* ex partium nobilitate fluit; intestinorum vulnera quis omnia à lethaltate vindicabit? *Modus* tamen *læfionis* limites hîc ponit notabiles jubetque, quæ circumstant, conditiones attentè trutinare. Ut de vulneribus cæsim punctimve immisfis si leam, quantum inter se differunt foris & intus, sensim & cum impetu eidem quamvis membro, in loco licet eodem inflicta. Natura interim arbiter horum optimus est & quovis iudice certior. Non facit nec patitur hæc saltum; hostem, qui per interpretes veluti agit & dat inducias, oppugnat & fugat nonnunquam, *abzōw* invadentem ipsa fugit vitæque dispendium in prædam non rarò relinquere cogitur. Istius exempli copiam observatio sequens pathologica porrigit, quâ fidem nuperrimè datam liberabo. Virgo ruri nata in pago *Algersdorff* 26. annorum, mense Majo anni ferè elapsi cruciatus enormes in abdomine, circa umbilicum præprimis, per intervalla sentit, pausam ad tempus laboribus consuetis injicientes. Urget quandoque vomitus ventriculò nunc inani, nunc cibis refertò, munia antem sua paroxysmo velut exantlato repetit; appetitus bene se habet, quin solito major est. Parentes malum pro colica habent & haustum frigidæ è proximo lacu æstuantis nuper stomacho ingestum in culpam vocant, parum de remedio solliciti. Junio subsequente abscessus in inguine dextro à nucis juglandis ad pugni molem excrescit, adhibitis emollientibus rumpitur, profilitque simul ac semel materia purulenta foetoris teterrimi ad libram unam & amplius. Post dies aliquot lumbrici in conspectum prodeunt, quorum decem à Chirurgo



per vices eximuntur, singuli viventes & spithamæ longitudine haud inferiores. Repurgato sic maximam partem ulcere, paucis à pastu horis quotidie magma primò chylosum elabitur, sequuntur summo cum ardore assumptorum recrementa lymphæ ichorescenti immersa. Molestissimo huic non minus, ac periculosissimo affectui ut consuleretur, interne traumatica anthelminticis maritata propinavi successu adeò felici, ut fluxus ille chyloso-stercoreus (sit venia verbo) indies imminutus, penitus tolleretur; externè præter emplastra appropriata in arcenda verminosa putredine mirè se gessit balsamus sulphuris terebinthinatus cum oleo tartari foetido mixtus & instillatus calidè. Hisce Divini Numinis gratia ægra pristinam sanitatem recuperavit nullius rei, quàm frigoris impatiens.

Consul. *Ephemer. harum Dec. II. Ann. I. observ. 126, ut & Ann. III. obs. 55.*

## OBSERVATIO CXIII.

D. GEORGII HANNÆI,

*De*

## Raro post Quartanam Symptomate.

**D**Um sedulus in Rorismarini (cujus Analyfin graphicam, juxta Methodum Curiosorum, quantum meæ indulgentum est mediocritati, Deofavente, daturus sum propediem, in mea LIBANOTIDOGRAFIA,) vires inquirō, hinc aliis atque aliis nobilitatum virtutibus cum voluptate observo. Certè, usum Olei Rorismarini (ut cætera, huc spectantia, nunc reticeam,) me suadente, admodum proficuum nuper expertus est aliquis, de immani Ossis coccygis dolore adeò querulus, ut, quò se verteret, nesciret: illum enim ram feliciter sopivit, modò ter vel quater illitum, hoc Oleum, ut optatò evanuerit, quasi admotò incantamentò. Et hic ipse  
ægrotus

ægroto factus est etiam, se, post diurnam Quartanam, solito factum salaciorem. Quoties autem, in amplexu Conjugis, sperata frui gestit voluptate; toties, ad effluxum genitalis liquoris, sentit in Urethra intensissimos dolores, à quibus tamen, extra hunc actum, liber est atque immunis. Spolium est invisa Quartana, præbens indicium Acidi, nimium in corpore dominantis; accedunt quoque scorbatica, quorum cum acido lucta excitat subinde in ipsius pedibus pustulas satis molestas. Ego suasi, ut Alterantia Evacuantibus interpolans, illud Augiæ repurgaret stabulum, odiosumque Priapo tolleretur fastidium, quò, ultra biennium, nauseosus fuerat.

## OBSERVATIO CXIV.

D. GEORGII HANNÆI,

*De*

## Abortu Bulliformi.

**P**ericulosus apud nos fuit Puerperis hic, quem modò terimus, Annus! neque enim meminimus, per Annos bene multos, vel plures Puerperas, aut tristiùs laborasse in partu, aut spiritum Egeriæ reddidisse atque Pertundæ; vel plures Obstetricum auditas querelas, de malè dispositis ad partum infantulis, Pertundæ injuriâ, quàm hoc ipso Annò. si ve id factum fuerit occulta Numinis lege, si ve irâ Olympi. Hinc non solùm multa audivimus Gynæcea miserandis personuisse parturientium gemitibus; sed & varia, proh dolor! suas Dominas, vel non pares partui, vel à partu recentes, vel abortantes, modò seriùs, modò ocyùs, remisisse ad umbras. Una, præ cæteris, mihi heic memoranda abortiens. Uxori Pistoris, 13. antea liberorum matri, sistebatur sua sponte lunare tributum, unde se gravidatam suspicata est, intumesciente sensim, una cum Mammis, ventre, per septimanas octodecim. Dum hæc fiebant, affligebatur in tantum valetudo ipsius, ut lecto ali-



quot menses affixa teneretur, Quatuor ante Festum Paschatos, proximè elapsi, septimanis, in ipso scilicet mense quarto post prima hominis (ut suspicabatur,) inchoati indicia, solvuntur occlusa muliebris profluvii repagula, continuatâ, nec intermissa, vacuatione, donec tertiâ Paschatos Feriâ ipsum Partus tempus instat & urget. Advocata suæ Artis callentissima Obstetrix, partui vicinam gravissimè afflictam offendit, & de atrocissimis suis doloribus, ventrisque lancinationibus, quales antea nunquam perpeßa fuerat, immane quantum, conquerentem, nihilque in votis habentem prius, quàm ut Lucinam prævalidè anteverteret Obstetrix, cruciatus tantos, vel millies expetitâ morte, si aliter non possêt, finitura. Tandem, per ruptas interiùs cataraças fluere sponte cœperunt aquæ, partus prænunciæ, novos secum afferentes dolores, & quidem prioribus adhuc truculentiores. Nec ita multò post, non sedit Uterus, sed, cum foetore mephitico, effundit, mirum dictu! magma oculcum, (bullulis, quas conflant ex aqua & smegmate pueri, quàm simillimum,) & quidem in tanta copia, ut tres implevisset cantharos, atque eò ampliùs. Cum jam illuc perventum esset, ut exploraret Obstetrix, intusne latitaret Secundina quædam; extraxit aliquam membranam, in qua inusitatus hic habitaverat Abortus, cessantibus brevi torminibus. Tale spectaculum quia nunquam viderat Obstetrix, quæ aliquot millenis præfuerat parturientibus, nihil certi de eo statuere ausa fuit. Sed aderat mulier ætate senior, nec inficeta, quæ pro seminio hoc habuit canino, ut ut ad spermatismum analogiam propiùs, me judicè, accessisse videatur. Nisi fortasse impuri Uteri pituitosum viscum, ita, per fermentationem animaverint inclusi flatus, ut inde olida surrexerit soboles, satis infausta. Verùm de non visis, iisque, miraculo vicinis, judicare, difficillimum est. Ipsâ foemina hodie salva vivit, licèt in mense Augusto hujus ipsius Anni,







Anni, eandem iterum cantilenam cecinerit, sed suaviore modulamine.

*Confer. Anni præcedentis Observ. 157.*

OBSERVATIO CXV.  
D. GEORGII HANNÆI,

*De*  
Ovo Gemello.

**O**Vum ovo innatum observavit olim maximus Præceptor meus, Divus & Illustris D. Th. Bartholinus; ego Ovum ovo adnatum possideo, quod hōc Anno peperit apud nos, non Leda, sed Gallina. Subventaneum est utrumque, sed vitello plenissimum, cum interjacente collo, non flaccido, sed rotundissimo, utriusq; ovi conjungente vitellos,

Fig. XXXV.

Plura de Ovis nunc scribere mei non fert instituti ratio, potissimum, cum Oologiam satis accuratam Erudito promiserit Orbi Excellentiss: Oribasius, cujus elegantissimæ purpuræ hanc meam modò assuere volui laciniam. Vide Athanas. Kircheri Mundum subterraneum *tom. 2. lib. 8. cap. 8.*

OBSERVATIO CXVI.  
D. GEORGII HANNÆI,

*De*  
Bilis Deliramentis.

**Q**Uæ de Catarrhi Deliramentis jampridem commentatus est Ingeniosus *Helmontius*, novit satis Eruditus Orbis; nunc pauca delibabo de Bilis Deliramentis, cujus



cujus ferociam nuper vidi in quodam Generoso Barone. Hic, immodico exagitatus & prorsus intolerabili dolore, ventriculi acrius vellicante orificium, nec quiescere potuit, nec dormire; aderat Alvi obstructio, Siti, Anorexia, & Vomitu, (quoties nauseanti aliquid ingerebatur stomacho,) nimium molesto comitata. Ego in auxilium vocatus has turbas Bili adscribendas prædixi, ejusque salibus oleoso-volatilibus cum succo pancreatico confligentibus, cujus indicium manifestum præbuit, præter alia, Icterus larvatus, qui, (quod mirari licet,) quavis horâ sæpiusculè & apparuit, & disparuit, quasi myinda lufurus. Neque levem mihi scrupulum iniecit ex atro viridescens urinæ color, oleaginosa inhorrescens superficie, unde adstantes mortem certissimam præforibus, ceu ipsum ante portam Hannibalem, metuebant. Verùm ego, qui, sæpius fallentia, Uromantiæ prognostica adeò superstitiosè nec miror ubique, nec moror, nondum omnia planissimè conclamata monui, licet feroale pallens ægrotus ipsemet ultimam & expectaret, & præ doloribus expeteret, factorum petitionem. Nec promissis, Deo gloria! excidi. postquam enim ferocientem, & quasi in furias actam, compe-scuissem Bilem, evanuit funestus iste dolor, mox liberalius se manifestante, qui intra siparium hætenus delituerat, Ictero, donec, post tot hostium desideratum exsilium, ovans cum triumpho rediret sanitas.

[*Othiniâ Augustam Vind. 1686. 17. Jan. allat.*]

OBSERVATIO CXVII.

D. GEORGII WOLFFGANGI WEDELII,

*De*

*Aloës vi ad ἐντολίαν.*

**C**um hepar anguillæ tantopere deprædicet *Helmontius*, idque virtutem suam unicè ob fel junctum exerceat, cogitavi id convenientius præstari posse à felle vegetabili, externo quasi. Dictum factum. Remiscui aloës Socoterinæ aliquot grana pulveri ad partum ex borace, croco, cinnabari nativa, oleo cinamomi, succino, cum felicissimo & præsentaneo successu per aliquot annos.

[*Jenâ Augustam 1686. 20. d. Januar. allata.*]

OBSERVATIO CXVIII.

D. JOHANNIS DOLÆI,

*De*

Exanthematibus scorbuticis nigerrimis,  
totum corpus defœdantibus.

**A**D felicem morborum curationem instituendam causarum notitiam perquam esse necessariam, nemo cordatiorum Medicorum ibit inficias, quàm verò abstrusum sit hoc causarum scrutinium, Practici mecum sæpius toto pectore ingemiscentes experiuntur, ceu hîc quoque casum referam: Puer nonum nondum egressus annum, aliàs sanus absque ullo præcedente frigore, calore, nullo capitis dolore aut corporis lassitudine manè surgens totum per corpus lividis & nigerrimis maculis & pustulis conspurcatur, quæ in ipsa lingua, labiis & tota facie apparebant maxima in copia: Parentes ad me deferunt filium, quem nudum aspexi, mirum

*Dec. II. Annus IV.*

Ff

dictu!



dictu ! dorsum non aliam præ se ferebat faciem ac si fustibus fuerit dedolatum, interspersis maculis truttæ maculis non abfimilibus. Unde hæc subitanea pustularum eruptio orta sit, meretur meditationem; puer tamen intra paucos dies antiscorbuticis medicamentis pristinæ restitutus fuit valetudini.

### SCHOLIUM.

Cum venia Nobil. D. Autoris conjecturam meam adponere de hoc Casu si liceat, existimo, quod, uti massæ sanguinæ per naturam insunt variæ particulæ, quibus aliæ sæpius se jungunt heterogeneæ, quæ tamen arcto connubio sociatæ & à benignis reliquis quantitate superantibus quasi subjugatæ, placidè per corpus circulantur, ita quamprimum quacunque de causâ excitatæ & exaltatæ secessum ab iis moliuntur, variorum symptomatum causæ fieri possint. Unde in hoc puero, scorbuticâ labe infecto, impuras ejusmodi partes sanguini fuisse permistas, hariolari liceat; quæ sive mole suâ nimis adauctæ, sponte à reliquis tandem secedere aptæ, sive à cibo aliquo ingestio, aliavé causâ externa non ita obvia aut animadversa commotæ fuerint, dum per corpus cum reliquo sanguine circulum obeunt, ad cutem quoque delatæ fuerunt, in cujus emunctorio-  
lis subsistentes & coagulatæ maculas istas & pustulas hac suâ stagnatione præsentarunt; etenim dum laxiùs sanguini probocohærent, aëris cutem undique ambientis occursum, aut alia aliqua etiam occasione ab unione cum sanguine divelli, à spiculis suis acidis, quibus turgent, utpote sui juris jam factis, condensari, atque ob hanc crassitiem suam, porulorumvé ineptitudinem, quia neque venularum in oscula recipi, neque per insensibilem transpirationem diffilari aptæ, subsistere ibidem possunt. Inesse autem sanguini scorbuticorum ut plurimum tale acidum, quod sanguinem coagulandi vi pollet, Medicorum modernorum unanimis ferè est sententia; sic grumofum sanguinem in duobus scorbuticis observavit *D. Joh. Theod.*

*Schen-*

*Schenckius hist. de sero sangu. cap. 5. & in scorbuticis vasa omnia sanguifero chylo coagulato repleta videri, D. Richard. Lownerus cap. 2. de cord. testatur.* Cum verò hæc particularum vitiosarum à sanguine separatio, & acidi salis eliquatio vix absque aliquâ sanguinis effervescencia accidere queat, mirum, quòd nullus caloris, frigoris &c. sensus antea in puero fuerit observatus; unde si motum hunc sanguinis, nocturno utpote tempore institutum, in somno contigisse, & ita minùs fuisse perceptibilem, dicere non liceat, saltem, eam nonnunquam laxiorem cum sanguine unionem fuisse particulis istis heterogeneis, dicemus, quæ absque notabili motu dissolvi potuerit; qua ratione etiam variolas & morbillos quandoque sine alio sanitatis notabili observato detrimento, non advertentibus ægris, erumpere notum est, & hoc ipso tempore apud nos uni alterive sic erupisse scio. Quàm levi autem de causâ morbosæ ejusmodi in sanguine delitescences efflorescentiæ sæpe excitentur, experientia crebriùs loquitur; exempli loco esse poterit Consul Servestanus, cujus *Phil. Salmuth cent. 3. observ. med. 28.* mentionem facit, in quo pustulas scorbuticas nigerrimas post nimium vini meracioris potum primùm erupisse vidit; & solum per hortum matutinis horis, ineunte vere, deambulationem easdem copiosissimas in pedibus Matronæ nobilissimæ, sine graviore incommodo, aliquoties elicuisse memini.

(*L. Schröck, L. F.*)

OBSERVATIO CXIX.  
D. JOHANNIS DOLÆI,

*De*

Tumore volatili.

**P**Uella 5. annorum post variolas in manus tumorem incidit, præscripsi linimentum discutiens ex ol. chamomill. aneth. dest. &c. quo perungebatur manus; sed quid fit?

Ff 2

peractâ



peractâ inunctione tumor evanuit, & cubitum petiit; cubito inuncto, iterum manum jucundo spectaculo infestavit, quod aliquoties repeti curavi, tandem puellæ hydragogum exhibui, quo facto penitus tumor sublatus fuit.

## OBSERVATIO CXX.

D. JOHANNIS DOLÆI,

*De*

## Infausta inunctione mercuriali.

**B**Arbitonfor quidam inter gregarios Stolz dictus militem quendam arthritide vaga laborantem unguento mercuriali inunxit, & quidem totam spinam & omnes articulos, à quâ inunctione miser miles adeo largam sustinuit salivationem, ut omnes dentes eximere potuerit; dein aliquot post dies accessit sphacelus, à quo lingua, gingiva, fauces, maxillæ, imò tota facies cum maximo foetore absumebantur, & sic æger tristi certè spectaculo vitam miserè amisit.

[ 1685. 21. Decembr. Cassellis Augustam Vind. missæ. ]

## SCHOLIUM.

**Q**Uamvis arthriticorum aliquos salivationis mercurialis beneficio fuisse restitutos, inprimis duo Lycei Salani lumina, beat. *Guern. Rolfsincius ord. & meth. med. spec. comment. lib. 6. sect. 3. cap. 1. & D. Georg. Wolffg. Wedelius lib. 2. de medic. facult. sect. 2. cap. 12.* testentur, non semper tamen curam hanc conducere posse, atque in arthritide inprimis vaga, turgescentibus humoribus, nec corpore priùs satis disposito, plenam esse periculi, nemo Medicorum diffitebitur. Unde conferri hîc merebitur casus, quem recenset in *cent. 5. observ. med. 76. Nicol. Binningerus*; quibus add: judicium *Francisci de le Bcë-Sylvii prax. med. lib. 4. tract. 8. §. 171. & seqq.*

( L. Schröck, L. F. )

OBSER-

## OBSERVATIO CXXI.

D. JOH. JACOBI HARDERI,

*Ad Illustrem*

FRANCISCUM REDI, Nob. Aretin.

*De*

## Viperarum morfu Dissertatio.

**I**Am in experimentis circa viperas faciendis occupamur, visuri quid ipsarum morsus venenatus possit. Heri quidem in columbâ, cujus alam sinistram una momorderat, funestum ipsum comperimus, alâ mox intumescente, & sanguine extravasato gangrænâ unâ inducente, cum spiritus dispendio, præcedentibus aliquoties motibus epilepticis: circa præcordia verò, sanguis rutilus magis & fluidus, quàm coagulatus exstitit. Morderi hinc curavimus sub vesperam aurem sinistram canis mediocris magnitudinis, ab unâ alteravé, qui deinceps ingenti vomitu corripiebatur, per alvum dejiciebat fœtida, atque cùm urinam cruentam copiosè reddidisset, sex circiter horarum spatio interiit. Sectioni, quam primo mane die seq. instituimus, adfuère Viri aliquot Excell. & Clariss. Inter integumenta abdominis communia & musculos, sanguis extravasatus paucus hîc illic conspiciebatur: paulò copiosior in epiploo. Viscera imi ventris nullam labem monstrârunt: Ventriculus & intestina tantisper distenta: In renibus sanguinis extravasati vestigia nulla. Urinæ verò tenuis & cruentæ idoneam adhuc copiam vesica exhibuit. Mediastinum sanguinem extravasatum & coagulatum variis in locis ostendit, cujusmodi pulmones penitus caruerunt. Cordis thalamus dexter cum auriculâ prætumidus sed non renitens, incisione factâ, sanguinem summè tenuem & acrem fudit, qualem etiam in vasis majoribus, venis æquè ac arteriis offendimus. Si-



mus. Similem quoque stillavit auris vulnerata incisa. Eodem manè morderi curavimus canem alium majorem, in crure sinistro, hinc etiam in pudendis: Viginti hic horas substitit antequam corrueret: ab initio equidem evidentis noxæ nihil comparuit, post meridiem verò, crus, quod summo opere intumuit, affectum claudicare, & salivare per vices cepit: sub vespem alvum dejecit vehementius: totâ die nihil comedit sed quietus jacuit: urinam hinc cruentam minxit, tandemque alterâ die postquam motus epileptici ipsum haud obscurè vexassent, periit. Separatis integumentis, præsentibus Viris Excellentiss. DD. Jo. Rod. Burcardo DD. Rothio aliisvè, musculi cruri affecto interius incumbentes, planè denigrati fuerunt ac gangrænati, sanguine ad adspectum grumoso, fluido tamen, ex læsis vasorum osculis stillante: similem quoque in abdominis musculis, antè & interius, maximè ponè pudenda observavimus. Abdomine aperto, in abdomine & mesenterio, sanguis grumusus copiosè satis deprehensus fuit. In hepate nulla manifesta labes: vesicula fellis liquore suo tumuit. Renes salvi ac incolumes, nec vesica urinaria ita sanguinolenta. Thorax resecratus sanguinem extravasatum & coagulatum, pariter hic illic ostendit, in cordis præprimis auricula & thalamo dextro, ubi insigniter grumuerat: similem quoque in vasis huic appensis comperimus. Eâdem quâ canem hunc vulneravimus die, animum subiit capite viperæ abscisso, vulnus alæ columbinæ infligere; experturi quid inde eveniret: bihorio ergò post cùm ala itidem intumuisset & gangrænam concepisset, vidimus motus convulsivos illam prehendere tandemque corruere, liberatâ à funesto hoc exitu gallinâ, quam vipera alia momorderat, ope ferri igniti, quod è longinquo parti vulneratæ applicuimus, & incolumi persistente capellâ, quæ à tot morsibus inflictis, citra ullam medicamentorum exhibitionem, nihil prorsus detrimenti sensit, felicior in hoc cane alio, qui ex aure morsu vulneratâ, haud dubiè succubuisset, nî  
fale

fale viperar. exhibito, mali vires infractæ fuissent; multum etenim auris intumuit, ipseque lassus, mali serpentis enormitatem monstravit.

### SCHOLIUM.

**N**ihil est nostro judicio, quod mentem veritatis avidam, magis oblectet atque in cognitione rerum naturæ magis confirmet, quàm curiosa experimenta, præcipuè de iis rebus, quas priscei scriptores aut omiserunt penitus, aut ancipiti ac diversâ ratione exposuerunt. Identidem tamen officit etiam, turbatque experimentorum contrarietas atque dissensus, licet enim illa quandoque faciem veritati illustriorem accendant, accidit nihilominus ut ipsa non rarò sint suspecta & dubia: De viperarum sanè morfû elegantissima argumenta *Vir Nobiliss.* in medium protulisti, quibus cum non parum refragari videremus *Cl. Charras* in suâ viperæ Anatome, in rem præsentem ire nobis libuit, viperas subministrante periculisimo *D. Eglingero*, Pharmacopolâ quondam nostro, qui eas ad theriacam conficiendam, è Gallia adferri curaverat: Antequam autem utriusque Vestrûm sententiam excutiamus, effectus in nostris animantibus productos, tantisper rimabimur: utque ab animali mitissimo ordiamur, columbæ ala, venenati morfus damnum mox luit, irritatis partium membranofarum & tendinosarum incolis, in quos sanè vel maximè vim suam hostis hic exercere videtur, sanguinisque, massâ infectâ, cujus portio extravasans, gangrænâ funestam induxit: nec immunes evasere canes, licet alter paulò diutiùs substitit, cujus causam equidem, nunc in parte morsui magis resistente, nunc in ipsius veneni citiore vel tardiore communicatione quærendam arbitramur. Uterque vel salivavit, vel vomuit, alvum dejecit vehementius, & cruenta minxit, evidenti indicio mali cum fibras nerveas, spiritumque animale m illicò aggredientis, & in motum impetuosiores concitantis, unde cum œsophagi, tum



gi, tum ventriculi & intestinorum fibræ ad expulsionem stimulatæ fuerunt, tam ipsum vitæ principium massam humoralem graviter fundentis, unde sanguinis nimium attenuati particulis serum imprægnatum, urinæ tincturam sanguinolentam conciliavit, cujusmodi à spiritu nitr. aëreo incitato, cordisq; machinâ in motum velociorem actâ, malum quandoque subsequitur. Clariora hujus effectus vestigia sectione prodierunt, in cane præcipuè priore, utpote cujus thalami cardiaci, cum vasis appensum, sanguinem tenuem & acerrimum fuderunt: in altero vim suam præcipuam ludit, in crure affecto, vasisque istud cum partibus vicinis perreptantibus; præterquam enim quod musculosæ partes intumuerunt, denigratæ fuerunt insuper, à liquoris & sanguinis eò infecti corruptelâ, qui fluidus ex vasculis singulis prorupit, aliquâ ejus portione in partibus reliquis (crasi destructâ) nunc grumescente nunc fluiditatem concipiente, cujusmodi effectus, rationi consonus omnino videtur; nec enim fieri potest, quin solutis particularum combinatione & motu legitimo, aliquæ heic illic seseprehendentes, grumescant & in motu subsistant: Eandem noxam intulit alæ columbæ viperæ caput abscissum, gallinâ ope ignis, veneni communicationem cohibentis liberatâ, cujusmodi emolumentum sal viperarum, cani ultimo attulit. Mirum verò capellam nihil damni prorsus sensisse, animal quod etiam cicutam innoxie comedit, cujus rei causam alii pro lubitu explicent: id apud nos ratum est, non modo exugendo vires ejus infringi, aut ignearum particularum ope extrahi subtiles veneni particulas posse, sed etiam quod supra innuimus, variâ trituratione subigi, mucoque involvi, imò partem nunc minus commodam esse, aut aliter resistere, ut venenatus liquor osculis vasorum decenter instillari nequeat, quandoque etiam vires suas eundo amittere, inprimis ubi vipera fuerit fatigata, à frequentiore morsu: Imò ipsius massæ humoralis talem posse esse *διάθεσιν*, cui enervandæ ilicò, tale venenum

nenum non ſufficiat: De activitate autem huius liquoris, nunc  
 majore, quæ præter regionis diverſitatem, ab ipſo etiam mate-  
 riæ ſolaris copioſiore influxu ( unde animalis iſtius vivacitas  
 vel torpiditas ) pendere videtur, evidenter fortè teſtari poſſunt,  
 experimenta, imminente boreæ tempeſtate, in pharmacopo-  
 lio præſtantiff. *D. Frey*, Art. pharmaceut. Magiſtri iterata;  
 tum enim vulnera canibus inflicta, præter partis intumeſcen-  
 tiam, unde difficulter inceſſerunt noxam nullam intulerunt,  
 quæ quidem ſubſequi debuiffet, ſi in ſolâ ſpirituum ex morſu  
 irritatione, nocivi inſultus deducendi eſſent. Periiit tamen ex  
 morſu graculus, motibus convulſivis, corculique palpitatione  
 confeſtim inſequentibus, cum alæ qualicunque intumeſcen-  
 tiâ & gangrænatione. Atque in funeſtæ huius labis cauſam,  
 maliq̃ue genium & fontem, jam penitus eſt inquirendum: Tu  
 Vir Nobiliſſ. in *Tuis de viperis obſerv.* liquorem flavum quem  
 glandulæ vaginales ſuppeditant, potiſſimum in ſcenam trahis:  
*Verba pag. 23. & ſeq. Edit. Amſtelod.* ita habent: Sed prætermis-  
 ſâ hac digreſſione, redeo ad deſcriptionem liquoris illius flavi,  
 qui intra vaginas dentes contegentes invenitur. De hoc cum  
 ore aſſumptus, neque hominibus neque brutis lethalis, per-  
 gam inquirere, an fortaiſis vulnere inſtillatus, cauſa mortis exi-  
 ſtat. Et verum eſt, ſpatio trium quatuorvè horarum, mor-  
 tuos eſſe omnes gallinaceos, omnesq̃ue columbinos pullos,  
 quorum vulnera eo infecta fuerunt, tamq̃ue necare liquorem  
 viperarum vivarum, quàm deſumptum è palato & vaginis vi-  
 perarum mortuarum, etiamſi mortuæ ſint ante 2. vel 3. dies,  
 quod ipſum in *Epift. ad Eruditiff. Bourdelotum & Morum* confir-  
 mas. Equidem de liquore iſto ſeoriſim nulla fecimus experi-  
 menta, id tamen Tuæ, Vir omni laude digniſſime, ſententiæ  
 ſtabilimento eſſe videtur, quod nî pars à liquore maduerit, ſan-  
 guinemq̃ue ſtillarit, ſymptoma pejus inde ſubſequi nunquam  
 viderimus, infallibili communicationis cum cruore neceſſa-  
 riæ argumento: Columba quoque quæ à capite viperæ abſciſſo



vulnerata interiit, liquoris nocivam vim satis prodit, cui morsus solus utcumque insufficiens esset, imò ineptus, si sæpe laudatam in experiundo industriam tuam consideramus. Clariss. *D. Charras* qui post Te eadem experimenta tentavit, morsu plurima animalium internecioni dedit; nec enim quòd quidam carnes evaserunt, ad illius impunitatem argumentatur, cum ipse viderit, à vipera vivaci, si partem imprimis laxam, aut vasculis sanguiferis copiosè instructam momorderit audacius, interitum ilicò afferri: De liquore verò paulò aliter sentit; Enim verò quòd hic ore animalium absumptus, & per gulam in ventriculum trajectus, pejus malum non inducit, mucus quo dictæ partes oblinuntur, in causâ esse potest, ejusdemque postmodum & subactio & cum particulis aliis comixtio, unde pari sinceritate cum cruore impossibile misceri potest (videtis quæ alibi de cantharidibus memoravimus.) Corruunt hinc primùm *Charrafi* experimenta de panis taleolâ, quæ cum succum flavum è gingivis sex viperarum irritatarum exhaustisset, cani famelico innoxie objecta fuit, hujusque impuni ab hominibus etiam per os assumptione. Id verò majoris momenti est, quod prædictus Vir Clariss. astruit succum flavum in vesiculis contentum parti que vulneratæ citra morsum instillatum, nullum gravius symptoma induxisse, contra quàm Illustris Aretine experimentis iteratis, supra laudat. ad *Abbatem Bourdelotum* Epistolâ comprobavisti; Arduum sanè negotium nec expeditu facilè, ubi propria experientia deficit: In partes verò tuas ut eamus, plura sunt quæ nos movent; partim liquoris à spiritu animali viperâ excandesciente major actuatio unde morsu massæ humoralis immixtus, turbas funestas infert, quâ cadere utcumque posse videtur, nō extractus, in momento ferè vulnèri recenti instilletur; volatile enim illud est & in auras abit citissimè, à quo singulæ liquoris particulæ, siquidem vivaces fuerint, acrimoniam nocivam acquirunt; partim rationum quibus *D. Charras* labem lethalem evincere satagit, obscuritas:

ritas : vult nempe viperæ phantasiâ ab idæa vindictæ quam sibi finxit, irritatam, motum quendam inexplicabilem spiritibus conciliare, atque vi impellere, per nervos eorumque fibras, versus dentium cavernulas, quasi infundibulum, exinde in sanguinem animalis demorsi deferri mediante foramine ab iis inflicto, unde cuncti effectus emergant ! At æquè crassa est hæc viperæ phantasia, quàm idea vindictæ, imò *D. Charras* ratiocinium : cur quæso illam sibi fingit demum, mali illati conscia ? ecquis ipsam edocuit, spirituum explosioni per dentes perforatos viam esse ? quàm facili non avolarent animali ad morsum sese componente ? quis fibrarum nervearum multam feriem in cavernulas ipsorum inferri ipsi monstravit ? Stagiræ hæc nata videntur, & multo magis inexplicabilia esse, necdum veritati congrua quàm est spirituum motus : Atrox sanè evadit iste & concitatur animali irritato, ceu istud convulsiones celeres, cum linguulæ protensione ostendunt. Inde verò vel phantasiâ vel ideam vindictæ non arguit : Cogitet *D. Charras* animal unumquodque sui defensionis & conservationis studiosum esse, indeque singulari providentia summi Opificis, motibus certis gaudere ac instrui, quibus inimicum depellat, quem nec novit nec nôsse potest : perpendat aculeos aliorum insectorum, liquorem ictu immittere, quem de ipsis pendulum in apibus & vespis sæpe numerò vidimus, cùm tamen æquè perviis, spiritus animalis ad vindictam concitatus suffecisset, & probè consideret, huic explosioni, in capitibus quindécim viperis præscissis, & per quatrimum in vase vitreo coacervatis, locū amplius non fuisse ; fuisse tamen enecationi quinq; gallinaceorum & quinque pullorum palumbinorum, ceu Tu feliciter observasti : ut sileamus *D. Charras* nunquam vesiculas illas, è quibus liquor nocivus jugiter suffunditur, penitus rescuissè, quò de præconceptâ & effictâ hâc spiritus irritati per denticulos concavos explosione, symptomatum quorumvis unicâ matre, ipse melius constaret : Nova certè & inaudita opi-



nio, quæ hanc dentium cavitatem, ejusmodi tutelæ loco infectis pluribus dotos eſſe pronunciat. Verum enim verò ne philoſophemata ipſius tantum rejeciſſe videamur, datâ occasione, ſucco ipſo plura tentabimus, quamvis de morſu à capitibus viperarum præſciſſis illato, experimenta cum noſtris non conveniant: Sed fatis de his, de naturâ liquoris hujus adhuc quædam delibabimus; quam alkalinam acerrimam eſſe, ſanguinis fuſio & tenuitas, cum partium vulneratarum gangrænatione, miſtio ſanguinolenta, aliaque, nobis perſuadere optimè poſſunt, nec obſtat magnopere, quod in cane altero ſanguis circa præcordia coagulatus fuit; lentius enim in illo labes nociva ſerpiſit, inque parte ipſa fluidum fundendo acrimoniam ſuam prodidiſſe veriſimile fit. Quis autem non novit ſanguinis craſi ita dejectâ, dum heic ſummam fluiditatem induit, alibi ſæpenumero coagulari, ceu ſupra jam innuimus; Ipſemet *D. Charras* iis qui in ſpiritibus animalibus, arcanam quandam latere aciditatem credunt, reſpondet, acidum iſtud in maſſâ ſanguineâ generari potuiſſe, ab ipſiusmet partibus, quæ diſgregationem & diſſolutionem paſſæ ſunt, cùm à veneno infectæ fuere & corruptio ipſas invaſit, videſis cap. 1. turbato itaque motu maſſæ humoralis, ejusque craſi à liquore morſu præcipuè communicato dejectâ, quis non videt varios effectus haud difficulter ſuccedere; Id verò mirari ſubit, modò nominatum Virum Doctiſſ. *ibid.* loci adjicere: *Neque etiam vipera inter animalia, ſola morſu lethifera eſt, qua in rabiem aliquando tranſeunt, ſi in iram concitata fuerint: fidem faciunt canes, lupi, quin imò & homines ipſi.* At unde in his ſpirituum excandefcentium exploſio, dentibus ita perviis non exiſtentibus? Vereor ut ſibi ipſi ſimilis heic ſit, quod de *D. Redi* incautius dixerat; Etenim aut aliunde illa petenda eſt, quod etiam in viperis obtinebit, aut morſum liquor ſalivalis irâ aculeatus, activitate ſuâ præcipuè ſuſtentat. Contrâ acidæ naturæ venenum hoc eſſe, ſal volatile viperarum, quod vulneratis ſolatio eſſe ſolet, probabiliter

biliter evincit, cùm aliter non juvet quàm spiritus animales promptissimè instaurando & coagulum præcipitando, à fermenti venenati contagio oriundum: Sed etiam succus citri, qui alkali non est, teste Clariss. *Hofmanno*, morsui venenato medellæ est, & quæ ab acido corrumpuntur partes carnosæ, rubent magis, nigredine (quam in cane altero deprehendimus) contrarium ejus insequente; fortè etiam volatilia sanguinis grumescentiam, quam ex ejus fusione aliquibus in locis necessariam conjecimus, tollendo juvant, ut difficile sit utrinque, sententiam infallibiliter dicere. Commodè de his liquor ipse sanguini instillatus plura & certiora docebit.

## OBSERVATIO CXXII.

D. JOH. JACOBI HARDERI,

Anatomie Muris alpini.

*Ad Virum Celebratissimum*

JACOBUM WALDSCHMIDIUM

Archiatr. Hassiac.

**A**Nnò 1682. quum in thermis Fabariensibus Venator loci, qui nuper Rupicapram attulerat, murem alpinum vivum adhuc donavit, auriculis ursi, colore leporis oblongiusculò, ceu quoque pedum digiti sunt, magnitudine cuniculi. Ventriculi & intestinorum facies, Porcelli Indici ferè similis erat: Simplex illa fuit, tenuis membranaeus, à cujus sinistris Lien rubellus, longiusculus, teres, à dextris verò hepar quatuor lobis conspicuus, cujus cavum cystis fellea occupavit: Mesenterium pingue, cujusmodi pinguedine etiam capsulæ, atrabiliaræ infarctæ erant: Renes phaseolum perbellè imitabantur: Ovarium elegans: Cor cum pulmonibus uti in aliis hujus generis animantibus: Anno sequenti urgente brumæ sævitiâ, allati nobis fuerunt ex

Gg 3

Vallesiâ



Vallesiâ Musculi duo dormitantes, & in semetipsos prorsus revoluti, ut instar pilæ quocunq̃ue libuerit, illos volutare licuerit, respiratione manu abdomini adhibitâ vix perceptibili: Paulatim tamen in loco calido detenti, per corporis blandam expansionem vitæ indicia exhibuerunt, & quod adhuc magis oculos recreabat, post meridiem in camera lucidâ Solis radiis expositi, alacriter reuixerunt, & discurrerunt; iisdem verò recedentibus, paulatim ad pristinum morem obdormierunt: In utriusque sectione præter modò nominatas partes plurimas glandulas mammarias æmulantes, in dorso cervicem versus conspicati fuimus,

### SCHOLIUM.

**M**uris alpini enutritione, & hinc Sectione Excell. *Velfchius* Meriam delectatus fuit, ceu videri est *Observ. 1. Ann. 1. Ephemerid. German.* Et Clarissimus *Fabricius Hildanus Observ. Chirurg. Cent. VI. obs. 97.* plura de animali hoc lectu non minus jucunda, quàm utilia commemorat. Sunt denique Authores alii, inter quos præprimis est *Stumpfius in suo Chronico*, qui de ipsius docilitate multa debuccinant, quibus fidem prorsus non denegamus. Naturæ providentia est, & hujus Authoris, sui tutelam animantibus variè commendantis, quod sub terrâ se tam artificiosè abscondant, parentq̃ue domicilium adversus hostem externum, quo ipso equidem quam graviter ejus dictamini obsequantur rationis experta, homini palàm fit: Nec verò locum tutiorem in alpibus degens, totamq̃; hyemem stertens, quærere potuisset, quàm terræ reconditos sinus; boreæ enim spicula cohibendo, & figendo sanguinis, in quo vita ipsorum consistit, motum, destructionem protenus inferrent, à quibus immune tantisper persistit, in specubus delitescens, foribus terrâ fortiter obseratis; Id autem asserere nondùm audemus, quod aliqui audacter contendunt, animal humi stratum, & instar plaustrî foenô onustum, ab aliis caudâ appre-

apprehensâ specum versus trahi, cujus indicio fit dorsum pilis denudatum : Scimus ista à venatoribus perhiberi, sed num testes oculati sint, ignoramus. Gesticulosum satis est, & festivum animal, suæque alimonix studiosum, quam tamen æstivo tempore sibi parat faciliè unumquodque : Nec caret suis insidiis, quas ingruente hyemis sævitiâ frequentissimas esse, nobis constat, attendunt siquidem ad foveas ipsorum alpium incolæ æstate, & inde tempore opportuno mures istos dormitantes multo numero capiunt : Habet etiam usum suum dorfi caro glandulosa (quam munimenti loco inservire, dum dicto vectationis officio funguntur, *Hildanus* auguratus est) eumque nobilem, materiæ viæ oleaginosæ, sulphuræ, in pinguedinem deinceps transeuntis secretionem paulatinam, cujusmodi etiam in abdomine, & pellem inter & musculos copiosè sequestratur, imò tantum non ibi in certas quasi vesicuals reconditur, quod æstivo tempore ubi pabulo saginantur, animadvertere est facilius, quam hyemali, cum per plusculum tempus dormierunt; tunc enim illa sensim funditur, perque vasa convenientia resorbetur, profluere, nec escam pariter accommodatam, vel sapidam præbent, quod etiam de cochleis sui tempore demonstrabimus : Illustrationem verò nî fallimur, merentur, quæ laudat. Observat. *Hildanus* memorat. *Primo* inquit occurrit pellis, in qua raritas & paucitas pilorum & lana, observatione digna est; Unus enim cuniculus, qui magnitudine murem alpinum exæquat, hoc tempore hyemali plus habet crinium & lana, quàm duo mures alpini : Putasne hoc sine causa à Summo Genitore ita factum fuisse? minimè. Quia enim animal hoc in Autumno se abscondit, & per totam hyemem in cavernis profundis, & calidis dormit, & non nisi in fine Veris, quando aër iterum incalcescit, ex locis istis subterraneis, & calidis proci. t, superfluum fuisset, si crinibus lana, uti reliqua animalia, qua dies noctesq; aëris inclementia, imbris ac nivibus exposita sunt, vestitum, ornatumq; fuisset : Superfluum, inquam non solum, verum etiam

damma-



damnosum id fuisset : Calor enim ille externus & adventitius calorem innatum exstingueret , humidumq; radicale animalis absumeret , & vix ad astatem superviveret : Scribit Excell. Gesnerus se murem alpinum dormituriensem initio hyemis in vas ligneum , scandulis abiegemis concinnatum & feno semiplenum , addito suo operculo deposuisse , & post dies aliquot mortuum reperisse : Causam fuisse respirationem exclusam existimat Gesnerus ; Ego potius calorem illum nimium feni & vaporem sulphureum in ipso contentum mortem accelerasse arbitror : In ipsis enim montibus , ut item Gesnerus testatur , aditus cavernarum tam solide arteq; occludunt , ut mirum sit , quid fiat , quod respiratio eis non intercipiatur : Hæc ille : quibus vereor , ut nostra sententia prorsus consona sit. I. enim nostri hyemales hospites pelle satis pilosa , quamvis teneriore fuerunt instructi : argumentum verò , quod de aëris inclementiâ , imò caloris innati extinctione , humidique radicalis absorptione depromit , forsan huc totum non quadrat , etenim nec cuniculi. Borea faviente suis in cellulis delitescere detrectant , nec calor ille externus , quem pili exhibere possunt tantus videtur , qui in foveis alpinis detentum animal , quarum exterior facies riget & congelascit sapius extinguere valeat , quinimo antiperistasis Aristotelica contrarium potius evincit , terræ sinibus internis per hanc satis calidis existentibus , unde fluidi motus longè vegetior esse deberet , quàm verò in dormitantibus deprehenditur , ipsa quoque naturæ providentia , quâ spicula brumæ subterfugiunt , ceu summè nociva , motumque vitalem interceptum simile quid dictitare videtur , pariter secundò aliquantisper miramur , quòd cum feno Excell. Gesnero contigit , cum aliter non , quàm isti involuti , vasique ligneo inclusi ad nos advehi citra damnum consueverint , valeretque maximè vapor feni sulphureus , nî tum temporis præcipuâ ex parte deferbuisset , credimus tamen , eo prorsus non rejecto , loci regionivé rationem hæc habendam esse , nec enim apud nos contra frigus ita

gus ita obmuniendi videntur, uti in locis alpinis, ubi particulæ deleteriæ magis urgent; Utque hinc ad dormitationem ipsorum aliquid dicamus, dubii sumus valdopere, an respiratio iis quodammodo non intercipiatur, ceu jam ulterius ibimus illustratum: Constat eruditis cum ex insectis tum volatilibus plurima, quæ hyemali adventante frigore, tantum non emoriantur, varieque sese recondant, Solis sub adventum, cum primis æstatis delitiis blandè revictura, imò esse etiam animalia grandiora inter, quæ aëris usuræ, quamvis assuetæ, imperfectorum tamen more, per hyemem latebras quarunt, in quibus tutè stertere, & mutatâ scenâ mortem obstinatissimo somno referre possint: In hisce monente Excellent. Pechlino illustr. de alimenti & aëris defectu meditatione, hoc notari debet, alia unam & perpetuam, hyemem domire, alia exactis temporum periodis, movere se non nihil & instructâ ante somnos penu ali, vel ex suo ipsorum corpore delibare, si Diis placet, quod deinde sustentet & inferciat pellem; de ultimo genere, quid sentiendum, dicere heic non vacat. Ad primi generis mures alpini referuntur, de quibus præfatus Vir Celeberr: ita nobiscum judicat: De Mure alpino, de Erinaceo quoque nostratibus, eos abdicertissimum est, circa Martini festum, & naves pedum anteriorum cavis ceu manibus excipere, cetera profundo somno sepultos nil aliud, quàm mortem simulare, quod adeo etiam in vivis deprehenditur, ut quo magis tundas, verberes, torqueas eò minùs sensum superstitem, & vitalem motum manifestent, imò ad sævissimos ferri, ignium cruciatus, spinosissimo illo & in orbem collecto corpore obdurent: de quibus videri potest in actis Hafniensium, Vir incomparabili eruditione Olaus Borrichius, delitium nostrum. Illud autem animal modò lentum, nunc jubente impetu pernix, in ediam diutissimè tolerat, atq; imminutâ respiratione, sanguinisq; motu abditur, ad Martii demum calorem reviviscens, murium domitor acerrimus. Hic tamen nemo existimare debet, animalia in isto corporis habitu nihil spi-



*rare vite, spirant enim profecto, sed lento & indeprehenso motu:*  
 Et sanè materiæ solaris in hæc inferiora influxus adeo necessa-  
 rius, ut ferè ne per momentum quidem, corpora nostra illo ca-  
 rere possint: In plantis res satis evidens est, quæ quò uberius il-  
 lius motu fruuntur, referatis terræ propriisq̃ue poris, ad mo-  
 tum vivaciorem concitato succo alibili, promptè germinare  
 incipiunt, cùm prius per hyemem tantùm non emortuæ ob-  
 riguerint: Id ipsum quoque in corporibus nostris patet, in  
 quibus eò vegetior est fluidi motus, ac promptiores singula-  
 rum partium actiones, quo illius præsentia ad votum magis  
 beamur, humoresq̃ue motu impertito ita disponuntur, ut or-  
 gana suis muniis feliciter fungi possint; cùm è contrà Brumâ  
 ingruente imminutum per Solis recessum ejus motu & præsen-  
 tiâ à particulis rigidioribus pori stringantur, occludantur, flui-  
 dumq̃ue ipsum cogatur magis & torpescat: Quod ipsum Artis  
 nostræ Parentem latuisse non potest, quin hic *sect. 2. aphor. 25.*  
*Οἱ θεεινοὶ τετραταῖοι τὰ πολλὰ γίνονται βραχέες οἱ δὲ φθινοπωρινοὶ μακροὶ, καὶ*  
*μάλιστα οἱ πρὸς τὸν χειμῶνα συνάπτοντες.* Quid mirum ergò si muscu-  
 li nostri obdormiscant, ab externi hostis injuriis immunes, si  
 ex fluidi subtilis imminuro vivifico influxu magis vitæ anima-  
 lis indicia non edant, quàm ob massæ humoralis viscositatem  
 aliquam, cui in motum celeriores agendo, illud ob sui pau-  
 citatem minus sufficiat? Perirent certè animalia isthæc ob ali-  
 moniæ, quam durante brumâ sibi difficillimè, imò non citra  
 periculum pararent defectum, si pristinos motus, in terræ spe-  
 cubus detentis, fluidum ingeminaret, satius longè imminui  
 ipsum, & singulari Dei providentiâ, coagulum nocivum ma-  
 teriæ subtilis influxu impediri. Satiùs fibræ motricem ferri-  
 ri, spirituq̃ue irrorante; quem nares aliàs copiosè receperunt,  
 musculos multâ ex parte orbari, respirationemq̃ue imminui,  
 quàm sanguinis impulsu, vasa in pulmonibus & partibus mu-  
 sculosis adimpleri, aërisq̃ue usu sanguinem nimium rarefcere,  
 qui deinceps novo fomite non accedente, cum vitæ animalis  
 dispen-

dispendio, fatiscere necesse haberet, imò satius in isto statu, Endymionis instar tamdiu stertere, donec itu redituque caloris subterranei & solaris, motum à fluido subtili novum accipiat, qui deinde insolida perinde ac liquida transeat, vitamque instauret; succrescente paulatim novo victu conservandam: Ut proin nonnisi superficiariam respirationem in iis agnoscamus, in quâ diaphragma non multum figuram mutet, imò ita movetur, ut explorari motus ille difficulter possit: Propterea autem à motu omni cor non cessat, ceu Illustris *Harveus* suspicatus est *Exercit. 51.* qui inde sanguinem particulam sanguinis principalem, Cor verò & vasa transmittendi & distribuendi gratiâ extructa esse, evincere satagit, in quo posteriore adversarium magnopere habet neminem; motum autem à particula hac principali minus feliciter separat, utpote quo ablato prerogativa ista desinit: Jam verò quî possibile sit, sanguinem vasis suis contentum in motu concipere, negato obscuriore vel cordis arteriarumve motu, qualem vel ante puncti salientis comparitionem, in ovo incubato necessarium statuimus, alii judicent, quî sine isto conceptum nec esse nec subsistere posse nobiscum nôrunt. Ast à capite, quòd ajunt, seu vitâ, ad caudam transimus, quâ Marmotas (sic enim animal nostrum appellat) penè destituit *Scaliger Exercit. 203.* Verba ipsius ceu quæ in cæteris descriptionem nostram confirmant heic apponemus; *Quare, inquit, ex tuâ Philosophiâ, rectissime horum animantibus Marmotas attribuisse, ibi enim frequentes; quarum Plinius cum nullam fecerit mentionem, hîc ultradearum naturam scribere constituimus: Melis sunt magnitudine & pilo, caudâ enim nullâ penè: eundem quoq, ad modum crura brevia, aures brevissima, auriculis curtissimis, atq, ad adspectum nullis; Ungues longi, acuti, firmi, unci nigri: Leporum capita non malè suis capitibus referunt, hybernos totos menses sopore transigunt &c.* Similiter etiam *Cardanus l. X.* in historia murium, alpinos recenset, àque Mediolanensibus Marmotas vocatas,



juxta tamen cum muribus præter nomen nil commune habere asserit: Omnes sanè quotquot vidimus & secuimus caudam humi pendulam habuerunt, valdeque ambigimus an in isto genere alii sint, ἀνεργος, caudatuli alii? Utrumque quis reluctante αὐτοψία asseverabit, quam fide æque si non magis dignam censemus ac *Johannis Struvis* Scriptoris novitii, qui in suis peregrinationibus Lugduni gallicè editis, homines caudatos in formosa insulâ prope Sinarum oram non paucos observari asserit. D. I. A. IX. c. X. p. 456

## OBSERVATIO CXXIII.

D. JOH. GEORG. SOMMERI,  
Opera DEI admiranda & glorificanda.

**D**E anni 1684ti hyemis rigidissimæ, deque subsequen-  
tis veris & æstuantis æstatis effectibus, v. gr. de maribus  
citra solitum solidâ glacie obductis, de multis frigore  
perditis hominibus, brutis, arboribus, aliisque vege-  
tabilibus; item de morbis & morte hominum atque brutorum  
aëre præcalido spiritibus ferè effœto inductis, de fontium exic-  
catione, urbium, pagorum, sylvarum & cespitum numerosis  
incendiis, de frumento æstivali in terra propter defectum plu-  
viæ plurimam partem sine germinatione jacente, post messëm  
autem, exortis pluviis, denuo progerminante, eodemque au-  
tumno in ipsas luxuriantes aristas excrescente &c. procul du-  
bio Curiosi multa admiranda posteritati relinquent.

Ego hæc insolita piâ speculatione considerans inter alia  
non semel admiratus sum, quod dicto anno à tempore semen-  
tis vernalis usque ad & post ipsam messëm cœlum nostrum nec  
guttulam pluvix, nec noctu quicquam roris in fruges tunc  
adolescentes demiserit, & propter Solis fervorem valdè in-  
tensum terra ita fuerit are- & rarefacta, ut segetes radicibus suis  
vix so-

vix solo hærentes tantum non penitus exaruerint, maximè cum profunditate terræ ulnam, & quod excurrit, infra segetum radices, ab agricolis explorata, non nisi pulverulenta terra, & ne minima humiditatis nota ad sensum advertenda fuerit, eademque de causa multæ etiam arbores statu cœli hoc siccissimo, pingui suo humore nutritio depauperatæ, contabuerint, multaque pratorum tum pinguium, tum cespitum compita quasi canitie marcescente obducta, penitus exaruerint; imò quod majus est, quod contrà factum, ut frumenta hyberna potissima culmis & spicis luxuriantibus feliciter succreuerint, & grana polline, plus panis, quàm frumenta aliorum annorum elargiente, turserint.

Quod sanè testimonium est omnipotentiae & immensæ benedictionis divinæ, quo ipso etiam verum esse demonstratur, quod vulgò dicitur, benedictionem divinam, (vel potius modum & motum ejusdem,) non esse visibilem.

Inter media autem, per quæ Deus hac in parte egit, & causas sensibus perceptibiles inprimis fuisse videtur ventus frigidus, quem Deus ex thesauris suis non rarò producebat. Quotiescunque enim *cælum*, ceu sonant verba *Psalmi 104. v. 3. aquis contignatum* apparebat, & ita nubes in aère suspensæ, se in pluvias jam jam resoluturas terræ aquis anxie inhianti promittebant, toties inter septentrionem & occasum oriebatur ventus frigidus à Physicis *Cyrcius* vocatus, qui quamvis nubes dispelleret, &, abs præeunte pluvia cælum redderet sudissimum, interea nubium spiritu imprægnatus reficiebat vires omnium supra & intra terram viventium, quæ de re *Hippocr. lib. de Natura Pueri* huc congrua reliquit, scribens: *Ex nubibus, quæ sunt aqua continua, semper spiritus prodeunt, & terra, quæ aquam plus minusve semper in se continet, vento perficitur, & per eam spiritus percolatur.* Qua ratione scilicet terra crebrius novis spiritibus imprægnabatur, sicque frugibus subinde nova vis vegetans & occultum alimentum afflabatur,



& ita frumenta, inprimis hyberna, ad vix expectatum maturitatis & perfectionis gradum feliciter pertingerent.

## OBSERVATIO CXXIV.

D. JOH. GEORG. SOMMERI,

De

## Dysenteria ex intensa aëris siccitate.

**Q**uod Hippocrates aphor. 16. lib. 3. scribit, per siccitates sunt dysenteria, illud non de simplici siccitate, sed de intensa & extensa aëris siccitate intelligendum est, ceu illud præter vocis pluralitatem contextus ratio, & è contrà multorum annorum sicca constitutio dysenteriam tamen nullo modo produci addocet. Quare liquidum est, coeli intensè calidi & sicci inclementiam, maximè diuturnam, & inprimis intenso frigore, sine singulari qualitate aëris interveniente media, permutatam, solam fieri posse dysenteriae causam. Siquidem talis aëris contrarietas valde collidit temperaturam corporis humani, cujus sana & annosa hyparxis in qualitatibus partium vitalium symmetria consistit, de quo Sylvius Prax. med. Append. tract. 5. §. 70. ita scribit: *Subita aëris mutationes, eaq; notabiles destruunt potenter hominis sanitatem, inter quas omnium pessima est frigus acre magnum æstum subito excipiens.* Quorum effatorum confirmationem satis effectuosam suggererunt anni 1666ti æstas & simul dysenteria per potissimas Europæ partes æstuans, ut & anni 1684ti hyems humorum vitia concentrans frigidissima, ver subsequens siccissimum, & æstas tota calidissima spiritus omnis generis dissipans, humores etiam per se acriores reddebat, fundebat & ad ægrætuendū disponebat, & demum, spiritibus exhaustis, omnium facultatum principum actiones labefaciebat. Quare Illustris noster Hercules in *Physiologia* pag. 154. ita scribit: *Aer à calore solis aut ignis externo nimio valde attenuatus nec ad refrigerationem*

*tionem sanguinis, multo minus ad restitutionem spirituum sufficit, imò eodem quovis modo atterit.*

Harum causarum pedisequæ erant appetitus ad cibos maximè actu calidos dejectus & ad potum frigidum affatim ingerendum excitatus, & ita vigore coctionis & chylicationis fracto ad crudorum humorum farraginem materia suggerebatur, quæ cum humoribus acris ex massa sanguinem per arterias meseraicas cum sanguine humorum motu exagitato in intestina depositis conjuncta importunas intestinorum Furias excitabant, & sanguinem cum humoribus per alvum exturbabant.

Hiscæ causis autem si aër corruptus etiam conspirabat, aut malum erroribus diætæ, v. gr. fructibus horariis, inprimis aëris vitio ad corruptionem dispositis aliisque facilè putrescentibus cibis, potu impuro, actu & potentia frigidiori, inprimis glaciæ, (ceu, effato Hippocratico, gravissima & pessima aquæ partè,) in isto fovebatur, eò etiam magis ventriculi & intestinorum facultas coctrix à priori vigore remittebat & retentrix relaxabatur, sicque etiam eò citius, malignius & periculosius in diarrhœam, dysenteriam, omnis generis febres & alia mala magis vel minus contagiosa à solo aëris vitio prædicto produci apta incidebant. [*X. Jan. 1668.*]

OBSERVATIO CXXV.

D. PETRI CHIRAC,

Experimentum Anatomicum circa  
naturam Vomitionis.

**E**Xperimentum nuper feci circa naturam Vomitionis explorandam, quod clarè, ut opinor patefacit actionem ventriculi in vomitu nullatenus esse in Contenta ejus; Dedi Cani in offâ panis mercurii sublimati corrosivi 3j. quam



quam mox postea evomuit cum incredibili vomendi conatu ulteriori, tum temporis ipsi abdomen aperui sec. musculorum rectorum longitudinem, quo citò observarem quid in ventriculo fieret, verùm nullatenus observare datum motum adesse aliquem in ventriculo extraordinarium, motus enim peristalticus leviter ac confusè saltem apparuit cum contractione fibrarum ita debili & parvâ, ut quamvis nil esset in capacitate ventriculi (jejuno enim ventriculo ipsi bolus exhibitus erat) ille tamen inde incapax esset se vel ad vigesimam partem constringendi, prout fieri deberet ad evacuationem ejus per orificium vel superius vel inferius; interea tamen temporis inanis vomendi conatus sæpius recurrebat; unde ulterius mecum constitui ventrem apertum consuevi, relicto non nisi exiguo foramine ad experiendum digito immisso quid ibi perageretur; hoc facto, continuatisque in Cane vomendi conatibus, nulla contractio in fibris ejus observanda fuit, sed solummodo quòd ventriculus esset planus ob pressionem viscerum ad inferiora ex motu diaphragmatis & constrictione musculorum abdominis, vel, ut verbo dicam, eo tempore quo vomebat canis nulla omnino erat contractio; tum ergo de novo ventrem aperui, rursusque aliquoties dicto modo clausi, verùm nil novi præter hæcenus dicta observandum erat, nullis apparentibus indiciis alicujus constrictionis fibrarum ventriculi ad ejicienda contenta in eo foràs per orificium vel superius vel inferius.

[*Ex literis ad Cl. D. D. Emanuel. König. 1686.  
25. Januar. Augustam allatis.*]

OBSERVATIO CXXVI.

D. MARTINI JOHANNIS HAESBAERT,

*De*

Matre foecundâ, quæ stante matrimonio  
nunquam menses passa.

**P**Ræterita ætate, Vir quidam egregius (cujus nomen uti petiit, supprimo) mihi præsentibus aliis, historiam retulit, cui nunquam similem me vel legisse vel audivisse recordor, *Fabricius* quidem *Hildanus* libr. *Observ.* historiam de mensibus sine noxa retentis refert: Verùm longè alia ibi res est, non fluxère menses durante virginitate neque in matrimonio & tamen peperit. Affinis quoque casus est, quem alibi legisse memini, ubi nec durante virginitate neque in matrimonio fluxère menstrua, at sterilis erat mulier. Hinc neminem experimentis vel leviter tinctum latere potest, quantum ad sanitatis rationem conferant disposita benè fermenta, & quantum contra damnum inferant eadem malè temperata. At nos hîc alium casum observatu dignissimum exhibemus, juvencula quædam est honesta viginti annos septem nata, judicis cujusdam uxor: Ea licet durante virginitate fluxu menstruali laboraverit toto, matrimonii tempore (in quo tamen aliquot liberos peperit, quorum major pars adhuc in vivis est & iterum gravida) nunquam menses passa est, mulier egregiæ formæ sana atque vegeta. Unde hæc mixturæ turbatio procedat nunc dicendum esset, sed me facile excusatum iri spero, si hoc in difficultatum pelago, in scopulos mediis in undis sitos fortè impingam, videntes enim rem à nullo hætenus explicatam ejusque causam, sacro adhuc tegi involucro hoc solùm dicemus quòd corruptioni usque adeò exposita sit corporis nostri materia, ut eo ipso momento, quo formari cœ-

*Dec. II. Annus IV.*

*Ii*

*pimus*



pimus illicò corrumpi & alterari incipiamus. Sit ergò Oedipus, qui hæc divinet necesse esse. Ego rem Curiosis ulterius indagandam relinquo; Quid ulterius continget, Deo vitam & valetudinem conservante significabimus.

### SCHOLIUM.

**P**Ræter illud à *Guil. Fabricio Hildano* recensitum exemplum feminæ fœcundæ, quæ nunquam tamen menses passâ fuerat, alia etiam leguntur apud *Dominic. Panarolum pent. I. observ. 17. D. Laur. Straussium de fœtu Mussipont. pag. 99. Hieron. Reusnerum in Syll. obs. Welsch. obs. med. 99. nec non Ephemeridum nostrar. Dec. I. Ann. III. obs. 132. Ann. VI. obs. 64. nec non Dec. II. Ann. I. obs. 41. Confer. quoque Dan. Sennertus medic. pract. lib. 4. part. 2. sect. 2. cap. 1. quæst. 1. Joh. Prævotius de morb. uter. cap. 3. & Joh. Bened. Sinibaldus geneanthrop. lib. 6. tract. 1. cap. 11. an mulier concipere possit, cui nunquam menses fluxerunt, ibidem quæstionem moventes. Rarum non minùs est, feminæ eosdem, cum gravida esset, tantùm prodiisse; ut ita, cum fluere inciperent, certa de imprægnatione fuerit, vid. *dd. Ephem. Dec. I. Ann. III. obs. 348.**

(*L. Schröck, L. F.*)

### OBSERVATIO CXXVII.

D. MARTINI JOHANNIS HAESBAERT,

*De*

Lumbricis inguina perforantibus. &c.

**U**Xor cujusdam rustici, habitans in Ducatu Clivenfi multorum liberorum mater, de atrocissimis, quos per intervalla in abdomine sentiebat doloribus conquesta, aliàs satis robusta & hucusque vix aliquo morbo tentata, tempore autumnali 1684. febre correpta, per aliquot septimanas, sine omni cibo, solo potu cerevisiæ secundariæ contenta,

tenta, denique vomitibus succedentibus, cui diversa adhibita remedia frustra omninò fuere: Nullum enim inde levamen sentiens, lecto affixa permanens, pejora indies symptomata experta est, adeò ut sibi jamjam ad plures abeundum putans, marito atque aliis adstantibus extremum valediceret. Quid fit? maritus Chirurgi qui in proximo habitabat consilium atque opem implorat, hic nihil aliud, nisi apertionem tumoris instituendam uti judicabat ita suadebat. Ægra cruciatuum impatiens facilè consensit, proximo itaque die Chirurgo ad se accersito tumorem ostendit, qui locum, quem expellendo oneri demonstrabat officiosa natura, perforante mansit ægra exitio suo superstes, nullo ferè artis ingenio ex orci faucibus erepta. Nam facta apertione duodecim vermes quartam ulnæ partem præterpropter longi exière, dehinc applicatis idoneis remediis ne quid mali accederet pro viribus cavit, sicque trium mensium spatio mulierem à molesto illo tumore feliciter liberavit, quæ in hunc usque diem dum hæc scribo, bona fruitur valetudine.

OBSERVATIO CXXVIII.

D. JOH. THEODORI MOEREN,  
Calculi inter duplicaturam peritonæi.

**Q**uanquam penè mihi superfluum videbatur ulterius loca corporis humani recensere, ubi fabulosæ materiæ congeries spisso luteoque coagulo ex vasis lymphaticis per Glandulas credo exstillante in veros calculos abierit, præsertim cum Nobilissimus *Grassius*, ut refert in suo de *succo pancreatico* tractatu, *cap. VII.* plus quàm vigesies calculos in glandula pineali observaverit: & passim *Ephemerides* nostræ curiosa Calculorum farragine turgeant.

Nolui tamen Observationem conticere, quam ad me nuper ex *Agrippinatum Colonia* scripsit Magnæ famæ & scientiæ



Vir *Johannes Baptista Lambsverdt*. Facultatis Medicæ Coloniensis novum Columen in his formalibus:

A quatuor diebus aperui cadaver foeminæ miserè per annum decumbentis, & ut vulgò fertur incantatæ, sed inveni sacculum plenum calculis & arenulis inter duplicaturam peritonæi circa ejus glandulam enatum lumbaribus musculis annexum, Major ex illis pendit lb. j. & 3iv., tumor tantus erat in abdomine, ut se primò gravidam, ut & postea ejus Medicus foetum mortuum in utero latentem putabat, sed culter Anatomicus noster veritatem, detexit.

## OBSERVATIO CXXIX.

D. JOH. THEODORI MOEREN,  
Vulnera Cerebri non statim lethalia.

**N**on possum non quin identidem gaudeam & tripudium ob seculi hujus nostri felicitatem, ubi solertissimis naturæ Curiosis indies obtrudantur amplissimæ materiæ, è quibus tanquam ex Abyssò proliciatur prioribus seculis aut ignota, aut etiam oppugnata veritas, imò tam benevolè annuit fortuna, ut non simplex & una solùm observatio veritatem relinquat dubiam, sed multiplicatæ historiæ concordantia ejusdem propositionis dubiam ante veritatem luculentissime stabiliat & roboret.

Quam scrupulosam fidem habuit *Fabritii Hildani* cura Cerebri? quum ejusdem portiunculam quandam detraxerit, & quanquam plures de hac materia historias recenserit *Schenckius* aliique, præsertim & recentius *Ephemerides* nostræ, dubia tamen quibusdam mansit fides, at ego alterius infortunio certior redditus genuinam historiæ relationem referre volui.

Cum me Confluentiæ & ibidem ipsa Excellentiss. *Æoli* lætaret humanitas sub solutæ hyemis Epilogum, quo lapidicida quidam adolescens adhuc sexdecim circiter annorum, excin-

dendis

dendis lapidibus ad montis radicem novam daret operam, & nescio quo fato ab alto lapis ingens & irregularis in capitis latus sinistrum dicti adolescentis fecit impetum; evocatus è Confluentiâ Chirurgus qui eo vesperi simplicis vulneris ligatura contentus, graviora symptomata metuens jussit eum in civitatem deportari.

Alteradie, manè cum alio Medico advocatus, juncto Chirurgo, unam impendimus operam. Convulsio erat dextræ utpote oppositæ partis corporis in similibus casibus fieri solita, ut habet *Bartholinus in Cent. 5. hist. anat. 2. & Helvvigius mihi fol. 70.* ubi variè de illo puncto discurrit in *additamento suo* Doctissimus *Schröckius*: aperto vulnere cum fractum esset cranium, utramque tabulam sed frustatim concisam exemimus, quibus partibus cranii in mensa conjunctis spatium volæ manus implevimus, horruimus vulneris istius immensitatem hiscentibus labiis & saltante instanter cerebro, manente tamen sibi præsentè vulnerato.

Grandis hæc contusio & duram piamque meninges ruperat, ipsamque Cerebri substantiam confuderat, & sanguis se ipsis Cerebri glandosis cavitatibus inferuerat, quem stylo adaptato bombicino flore suaviter exsuximus vulnereq; depurato, debitis Medicamentis extra intraque adhibitis caput ligamentis involvimus.

Indies æstimavimus miraculum, protuberabat enim continuo suo pulsu Cerebri substantia ut ut fungosa, quæ sui cautam ablationem indies duplicatis etiam vicibus requirebat; ubi apto licet forfice non potuimus cavere, quin non quandoque gravem hæmorrhagiam causarem, quæ cogeret, ut stylo etiam ad ipsos oculi tubos opticos descendente sanguinem è cerebri cavernis purgarem, graviora sui alias restagnatione symptomata causaturum. Inter hos cruciatus & dolores craniique sæpe in molestas apices excrecentis dilatationes, mansit ad omnium stuporem interturbatum judicium, ut nobis pro

li 3                      ligamen-



ligamentis firmandis acum quærentibus ipse vulneratus in lecto jacentem & digito & voce monstraret.

Cæterum & Medicè & Chirurgicè tractatus jam videbatur natura post vigesimum primum diem se ipsam juvare velle, & nobis de curæ felicitate gratulabamur, ubi ego ad negotia extra civitatem evocatus aliquot dies emanſi, cæteris ad curam ſufficientibus; at interea temporis advenerat vulnerati parens, qui ubi ſolus filio conſabularetur quoque duceretur appetitu, quæreret, reſpondit filius ſe haleces crudos cereviſiamque affectare ſolita in ſanitatis ſtatu edulia: parens utrumque adfert clanculo, avideque cum filio devorat; ſed altera die accedente Medico & chirurgo inventum Cerebrum in ſœdum quaſi liquamen ſeu gelatinam abiſſe, ipſaque adhuc die penè putridam (ſit verbo venia) emiſit animam.

## OBSERVATIO CXXX.

D. JOH. THEODORI MOEREN,

De

Eclipſi lunæ totali, quæ fuit Anno 1685. 10.  
Decembr. St. N. Veſperi poſt  
horam nonam.

**V**ix auſus fui ſimplicem hanc obſervationem in chartam conjicere, novi enim, quo inſtrumentorum apparatus ſextantibus, quadrantibus aliisque requiſitis machinis debeat excipi lunæ labor, non mihi *Tychonis* Uraniburgum nec nova *Hevelii* ſpectula, quibus tanquam in Camera obſcura diverſas lunæ phaſes, montes, maria, ſinus aut è *Ricciolo* Mathematicos diſtinguerem.

Tota noſtra menſuratio conſiſtit in denominatione duarum ſtellarum notiorum per perpendicularum in uno verticali. Praxis hæc ut ut ſimplex Curioſis aliquoſiter ſatiſfaciet, qui norunt ex ſtellis in eodem azimuth conſtitutis horam tempusque elicere.

Locus

Locus Observationis est *Mittelheimium Ringavia*, ubi  
poli elevationem observo  $50^{\circ} -- 6$ .

Spem omnem observandi ademerant nubes, quæ tamen instante Eclipsæ tempore omninò è cœlo flante vento ab ortu autumnali, recedebant, ubi è musæo lunam conspicatus, eam tumere seu penumbram adesse observo, mox hortum intro & in uno verticali jam erant  $\gamma$  &  $\zeta$  Orionis & ipso momento tubus seu Telescopium initium instare Eclipsæ suggerebat.

Cum media luna obumbrata esset in uno verticali, erat  $\alpha$  Orionis cum Sirio; Initium Eclipsæ totalis erat, cum ipsa luna patiens cum meridionali cornu  $\gamma$  eundem in horizonte gradum secaret, item verticalibus  $\alpha$  &  $\gamma$ . item  $\beta$  &  $\chi$  ursæ majoris.

Luna jam æqualiter sanguinea alto pendebat cœlo non sine meis variis interea cogitatis de secundaria isthac luce, & verticales erant  $\gamma$  &  $\rho$  Orionis, stetit nunc luna in recta linea cum duobus cornubus  $\gamma$ .

Redunte albidior rubedine à parte orientaliore idem verticale subibant  $\lambda$  &  $\zeta$  Orionis, item  $\eta$  &  $\epsilon$   $\Sigma$ is.

Momentum emersionis accuratè erat azimuthalibus  $\mu$  &  $\gamma$   $\Sigma$ is item  $\alpha$  &  $\rho$  ursæ majoris. Item  $\beta$  Orionis &  $\chi$  cum  $\mu$  leporis.

Revixerat jam media Cynthia & in idem incidebant azimuth  $\epsilon$  Orionis &  $\alpha$  leporis; item  $\eta$  &  $\rho$   $\Sigma$ is.

Universum à Sole lumen recepit luna, & in eadem linea verticali erant  $\alpha$  & genu sinistrum Orionis; item  $\zeta$  Orionis cum  $\beta$  leporis; item  $\lambda$  & regulus  $\Sigma$ is; item  $\epsilon$  &  $\eta$  ursæ majoris.

Restabat penumbra, quæ paulatim evanescens sui ne ulla reliquerat vestigia, dum in eodem verticali filum esse denotaret  $\alpha$  &  $\zeta$  ursæ majoris.

Si nunc quid valet *Procli* prognosis de Eclipsibus lunæ, hæc nostra utpotè in secundo Denario  $\Pi$  & sub medium Eclipsæ in initio 19. gradus subsistens protendet repentinos

Exerci-



Exercituum motus, privatarum publicarumque rerum sollicitationes, ego ab hac minùs doctè exculpta materia libenter abstraho.

OBSERVATIO CXXXI.  
 GEORG. CHRIST. EIMMARTI,  
 Eclipseos Lunæ totalis cum mora, celebratæ  
 An. 1685. die ult. Nov. & 1. Decembr. St. Vet.  
 Noribergæ habita, sub Elev. Poli

o    i    ii  
 49. 29. 30.

**L**Unaris hujus Deliquii phasēs quamplurimas ab initio ad finem usque considerare, ejusque potiora momenta cum aliis hūc spectantibus & conducibilibus apparentiis observare, invitante propitia Cœli serenitate, perquam feliciter contigit, etiamsi aër in horizonte nostro diebus aliquot ante & post densioribus nubibus ac tristiori peplo esset obvelatus, Cynthia tamen votis nostris desideratissimis gratè abblandiens, toto durationis in umbra tempore sese liberrimè conspiciendam præbuit. Cùm itaque Observationes, opitulantibus Amicis ac sociis, eâ, quâ fieri potuit dexteritate ac circumspeditione peractæ, annotatæ, inque gratiam Curiosorum, quò eas cum alibi notatis ritè conferre queant, fideliter ante hac Typis mandatæ fuerint, Lector benignus, ibidem singula membratim suo quæque loco collocata, ut & circumstantias nonnullas alias ubertim descriptas, si lubuerit, internoscere potest: Quia vero paucioribus Typis excusæ sunt, ac proinde Viris Eruditioribus minus fortasse cognitæ, ut quoddammodo amplior earum qualium, qualium, usus evaderet, easdem hūc transcribere non incongruum fore judicatum est, quare præcipue ex illis in Synopsis redactæ, præsentī Tabula proponuntur.

*Tabula*

## Tabula ad Phases crescentes.

Ordo Phasium.	Digit Eclipt.	Tempora per cul- minantes fixas H. / . //	Altitudines Lunæ o. /.	Azimutha ☾ Centri o. /.	Distantiæ ☾ à fixis. o. / . //
		culm. lucida ☾.	limbi sup. 42. 34.	ab ortu 15. 10. ad mer.	limbi occiden- talis à luc. ☾ 46. 10. o.
immersio in penū- brā den- siorem.		post culminantem lucidam ☾. o. 43. 38.			
Phas. I.	0. $\frac{1}{2}$ . ferè.	hinc. o. 4. 29.	limbi sup. 49. 18.	26. 20.	
II.	1. $\frac{1}{3}$ . ferè.		50. 18.	27. 30.	
III.	2. & paulo plus.	culm. mandibula Ceti.	51. 18.	29. 20.	
IV.	3. $\frac{1}{2}$ .		51. 32.	30. 5.	
V.	4. $\frac{3}{4}$ .	culm. lucida late- ris Persei.	52. 19.	32. 30.	
VI.	5. $\frac{1}{2}$ . circiter.		52. 40.	limbi occident. 34. 6.	ab humero O- rionis 16. 25. 15.
VII.	6. o.	culm. in suffragi- ne dextra Tauri.	54. 18.	36. 20.	
VIII.	8. $\frac{1}{4}$ .		54. 23.	36. 55.	
IX.	10. $\frac{1}{6}$ .		55. 48.	39. 30.	
X.	11. $\frac{1}{8}$ .			41. 15.	
immersio totalis.			58. o.	centri ☾ totali- ter obscuratæ 48. 12.	
		culm. Aldebaran.	post totalem obscu- rationem 61. 1.	62. 30.	
		culminat ferè in pede sinistro, circa pectus Tauri.			ab Aldebaran 15. 6. o.

Dec. II. Annus IV.

Kk

Altitu-



258 *Observ. CXXXI. Eclipses Luna totalis cum mora, &c.*

Altitudo Meridiana limbi ☾ superioris  $63^{\circ} . 23' . 50''$ . erat tunc hora per culminantes fixas supputata H. 12. 1/8.

Transibat cum limbo ☾ orientali fixa occidentalissima in baltheo Orionis.

Eodem instanti distabat limbus orientalis Lunæ à Procyone  $34^{\circ} . 34' . 0''$ .

Tempore totalis obscurationis observata fuit diameter ☾ apprens  $30' . 7''$ .

Proportio semidiametri conî umbrosi Terræ æstimabatur circiter dupla ad semidiametrum disci Lunaris.

*Tabula ad Phases decrescentes.*

Ordo Phasium.	Digiti Ecliptici.	Tempora per culminantes fixas.	Altitudines limbi Lunæ superioris.	Azimutha Lunæ. à meridie ad occasum.
I.	11. ferè.			
II.	9. $\frac{3}{4}$ .	culminat humerus Orionis ferè.		cornu superioris. 0 / 9. 20.
III.	8. $\frac{1}{2}$ .		63. 0.	13. 30.
IV.	6. circit.		62. 56.	17. 27.
V.	4. $\frac{1}{4}$ .		62. 36.	21. 58.
VI.	3. $\frac{1}{6}$ .		61. 55.	24. 50.
VII.	2. $\frac{2}{3}$ .		61. 50.	26. 0.
VIII.	2. $\frac{1}{4}$ .		61. 20.	centri ☾ 28. 6.
IX.	1. $\frac{2}{4}$ .		61. 18.	29. 28.
X.	1. $\frac{1}{6}$ . ferè.			30. 36.
XI.	0. $\frac{1}{6}$ .			32. 24.
Emersio ex umbra.		culm. in manu sinistra Castoris.		34. 0.
Emersio ex penumbra.		culm. in dorso Castoris ferè.		40. 0.

OBSERVATIO CXXXII.  
D. GABRIELIS CLAUDERI,

*De*

Lapide animali è Sale Microcoſmi  
vel Urinæ.

**N**OVIT Curioſus Lector , me Tractatui de methodò  
balsamandi cadavera majora ſine eviſceratione adne-  
xuiſſe caput integrum, quomodo parandæ ſint variæ  
eſſentiæ & liquores chymici ſine igne, ſine deſtillatio-  
ne, modis extemporaneis ; & hoc quidem pro compendifaci-  
endis ſumtibus, ac laboribus tædioſis - periculofis, in ægroto-  
rum, præcipuè pauperum, ſingulorumque curioſorum com-  
modum, ac Artis noſtræ honorem. Cùm autem percepe-  
rim, nonnullos Chymiurgos, & Chymicorum carbonum tra-  
ctatores mihi indignari, quòd ob Publico communicatas ſi-  
miles enchiriſes eorum labores vileſcant; imò ipſi pauperes  
reddantur ; Et egomet nec ulli è proximi mei Familiâ no-  
cere velim, conſtitui proponere, unum alterumve medica-  
mentum, laborioſum ſatis, diuturnam atque expertam expo-  
ſcens manum chymicam, quod tamen certè tædioſam labo-  
ris tarditatem rarâ virtutis ſuæ gravitate ac penetrabilitate com-  
penſabit. Prodeat hîc igitur I. ſalinum. De Salium natu-  
râ & efficaciâ præmittere nonnulla, operæ eſſet pretium, ni-  
ſi vererer, ne noctuas portarem Athenas ; cùm moderni Phar-  
maciæ chymicæ Scriptores adcuratâ diligentîâ hoc enucleave-  
rint, imò integri publicâ utentes luce libri illud edoceant &  
declarent. Duobus proinde ſaltem addo verbis, illum qui  
Chymiatriâ hodiè profitetur, nec ſalia medicamenti tantùm  
non omnibus in edomandâ morborum Hydrâ Lerneâ ante-  
ponit, nec intelligit, quantũ lucis hæc accendant reliquis ope-  
rationibus chymicis, indignum ſanè magnæ ſuæ Artis procla-



mandum esse filium. Si itaque salibus in genere tantum laudis competit, multo magis tali superbire potest ac debet illud, cujus virtuosa efficacia per arcanam methodum adhuc magis fit exaltatum, fixatum, concentratum. Inter talia primæ notæ est dictum Sal microcosmi, quod chymicis lapis animalis audit, veluti è reliquis duobus aliis regnis etiam datur lapis mineralis & vegetabilis. Sequenti autem modo erit procedendum: Colligantur urinæ puerorum libræ 80. ad centum circiter, ( nonnulli adcuratius rem tractari credunt, si labor ita instituatur Sole ingrediente in arietem ) impone in cellam, vel locum à Sole immunem ad putrefactionem; ( donec Sol ingrediatur Virginem ) tunc ꝛ. cucurbitam magnam, infunde urinam putrefactam, ut pars tertia impleatur; destilla ex arenâ primò ignis gradu spiritum; dum phlegma vult prodire, ( quod paret è guttulis collo cucurbitæ adhærentibus, ) tolle recipiens; Spiritum optimè munias, ne quid exhalet; adpone aliud, auge ignem unò gradu, ut phlegma omne prodeat, ( quod etiam seorsim servandum, ) & remaneat liquor crassus saltem in cucurbitâ; è quâ frigefactâ exime, destilla ex retortâ per gradus ignis, donec prodeant guttæ sanguineæ; tunc auge, ignem, donec nil ampliùs prodeat; hinc adhibe quartum gradum, ut retorta cum materiâ igniatur; refrigerat caput mortuum & destillatum, inde oleum serva optimè. Destillationem hanc ita continua, donec omnis urina abierit in spiritum, oleum & caput mortuum. Tunc illa ita rectifices: Spiritum indas cucurbitæ fortiori, destilla ex arenâ igne leni, ut impuritas & phlegma s. a. separantur; refrigerat, spiritum & sal volatile serva conjunctim in vitrò optimè munitò; continua destillationem, donec omnis spiritus ab impuritate sit separatus; & ita spiritum & sal volatile conjunctim rectifica septies, vel tamdiu, donec nullæ remaneant faeces, ac omne in recipiens prodeat; & sic spiritus cum sale volatili fixatus est, & perfectus. Postea ꝛ. phlegma-

phlegmata, rectifica septies, vel donec nullæ faeces remanent; serva usui. Tunc ꝛ. caput mortuum optimè calcinatum, cum phlegmate tuò extrahe sal fixum, quod rectifica, donec planè fiat crystallinum, ac in calore leni fluat; sic enim redditur volatile, quod hîc necessariò requiritur; hoc serva, ab aëre optimè munitum. Hinc ꝛ. caput mortuum, è quibus sal extraxisti, calcina; aquâ communi edulcora, ut fiat terra mortua siccissima; Huic superfunde oleum tuum, (quod separatur ab adhuc admixtò phlegmate, quantum quidem erit possibile,) mixta optimè destilla successivè igne forti; dum nil amplius prodit, ꝛ. Bolum aliquem, hunc calcina optimè, edulcora, exsicca, cui infunde oleum tuum, destilla septies, uti in præcedenti factum, semper sumendo terram vel bolum recentem; ita purissimum fit, & deponit foetorem. Postea ꝛ. omnes terras, calcina in tigillò per horæ dimidium, superfunde in vitrò aquam puram, & acquires aquam cœruleam, quam evapora, & habes sal viride. Jam sequitur conjunctio & fixatio: ꝛ. Olei rectificati part. 1. spiritûs, in quò solutum est sal volatile, partes duas, salis tui fixi partes tres, omnia seorsim serva; tunc ꝛ. hoc sal fixum, in phiolâ optimè munitâ imponatur arenæ, accende paulatim ignem, usq; dum fluat, uti gummi vel cera; tunc ignem statim supprime, ita tamen, ut phiola eòdem ignis gradu temperatò servetur. Jam ꝛ. oleum ponderatum, tolle phiolæ operculum, instilla guttam unam tui olei, & subito rursus claude, donec materia quiescat, & olei guttam ingurgitaverit; hoc continua, donec oleum sâli fixo sese univerit. Tunc ꝛ. spiritum ponderatum, infunde hunc guttatim ad sal fixum, ad quamlibet guttam, vitrum rursus obturando; id continua, donec omnis etiam spiritus infusus, sâli fixo unitus, & in unam substantiam omnia fuerint redacta; Phiolam sigilla hermeticè, pone in Balneum in gradu ignis æquali, donec incipiat rubescere; tunc exime è Balneo & impone cineri, quæ æqualis cum materiâ contentâ sit altitudinis;



tudinis ; stet in calore , donec acquirat ruborem pulcherri-  
 mum ; Hinc impone arenæ , admove ignem per gradûs, sin-  
 gulis tribus horis augendo gradum ; in gradu quartô serva  
 ignem per 24. horas ; tunc est fixum & absolutum medicamen-  
 tum incomparabilis efficaciz , veluti vinum vendibile , hederâ  
 neutiquam indigens , contra morbos herculeis clavis etiam a-  
 liàs non obedientibus ; Dosis sunt gr. ij. iij. Hujus remedii  
 gran. j. libræ uni aquæ vel vini mixtum sanguineo colore ju-  
 cundè & utiliter imbuit. Possèm heic nonnulla de ejus exal-  
 tatione ad opera alchymica adnectere , sed sufficiant jam Medi-  
 cis medicam à Medico ; atque esto hâc vice sapienti satis.

OBSERVATIO CXXXIII.  
 D. GABRIELIS CLAUDERI,

*De*

Stomachico Poterii.

**S**ervandorum hominum artem legitimè exercere , atque  
 labores suos fine laudabili coronare qui satagit , eò inten-  
 dere animum necesse habet , ut ante omnia adcurata cau-  
 sâ morbificâ cognitio ipsi constet ; deinde , ut genuinâ  
 methodô aggrediatur morbosa symptomata ; ac tandem , ut hoc  
 perficere audeat mediantibus medicamentis penetrabili effi-  
 caciâ ac probatâ experienciâ sese commendantibus. Cùm e-  
 nim Divina Majestas Regale suum , lapidem Philosophicum  
 intelligo , ob causas varias in Tractatu de Tincturâ universali à  
 me propositas , rarissimè ac paucissimis innotescere concedat,  
 Medicus rationalis ægrorum saluti , propriâque conscientiz  
 ac honori consulturus noctes atque dies eò laborat , ut medica-  
 mentis aliis efficacibus sese muniat ; Non aliter , ac prudenti  
 & provido militi incumbit , ad expugnandum hostem suum  
 non modò callere exercitia militaria , & debitâ generositate  
 pollere ;

pollere; sed insimul etiam armis eximiis & decenter paratis instructum esse; sine hoc enim priores, laude suâ aliàs summè conspicui, à scopò sanè longiùs aberrare coguntur, oleum operamque perdendo. Inter similia arcanæ virtutis remedia, stellas velut inter Luna minores emicuit Guidonis Poterii, Medici Romani celeberrimi, stomachicum quod vocat, quippe quod juxta plurima in scriptis suis proposita testimonia plerisque optatò effectù opposuit symptomatum generibus. Genuinam præparandi illud methodum summè occultavit, adeò, ut non pauci crediderint, cum Autore ipso eundem in tumulum esse sepultum. Nihil ominus ex ore & colloquiò literariò multorum Chymiatrorum successivè varia mihi innotuerunt, quæ adcuratè ventilavi, combinavi, ac in sequentem formam Lectori curioso coëgi: *℞.* Nitri purissimi pulverisati q. v. pistillò ligneò agitetur per tempus, ut omnem perdat humiditatem; (NB. Alii nitrum arenæ mixtum tenuiter igne reverberii calcinant, postea arenam hanc nitratam in aquâ solvunt,) solve in aquâ pluviali; evapora in sal, hoc denuò ita pulverisati pistillò ligneò, idque sic aliquoties repete, usque dum fiat omnis saporis expertus, ac egregiè crystallifetur. *℞.* hujus nitri, sulphuris communis ana q. v. subtilissimè pulverisati misce; materiæ mixtæ  $\mathfrak{z}\mathfrak{ss}$ . per vices immittatur ollæ fictili non vitreatæ in anemiò priùs candefactò; & sic perge, donec omne immiseris, sed olla semper unde quaque candeat. Materiâ omni immisâ olla operiatur tegulâ, ne cineres vel carbonēs ingrediantur; impone carbonēs ad dimidii pedis altitudinem, & sic relinque, donec vas refrixerit; tunc exime materiam sub albido rubescentem; quam denuò, si placet, aliquoties solve in aquâ pluviali, & coagula in crystallos purissimos. Per hoc sal crystallinum extingui & suffocari materiam quamcunque febrilem, similiūque adfectuum è sanguinis & feri salsi per ebullitione orientium experti testantur cum *Poterio* plures; Proindè scorbuticæ putredini hodiernæ magis magisque.



magisque dolori ingravescenti obex erit incomparabilis. Si cuidam libuerit crystallos holce generales contra hunc vel illum morbum reddere magis adpropriatos & exaltatos, pro lubitu suo per vias chymiae cognitae ipsis admiscere poterit Lunam, Jovem, Martem, Saturnum; Confortans & purificans autem extraordinarium Tibi compones, si cum aurò denuò fluant. Obiter heic adnectendum censui optimè meritum nostrum *Georg. Hieron. Velschium, mictomim. Centur. 3. observat. 1. Ephemerid. Germanicar. Anno IV. adnexarum* quidem referre, Medicum quendam sibi detexisse, Poterianum hoc stomachicum constare è Saccarò rosatò & oleò sulphuris multiplicabili; Cum quò quidem neutiquam litigabo, sed suo abundare sensu concedam; & hòc eò facilius, quòd ipse laudatus noster Velschius ad sensum ipsi non præbeat.

OBSERVATIO CXXXIV.  
D. GABRIELIS CLAUDERI,

*De*

Stomachico Poterii exaltato.

**M**edicamento Poteriano in præcedente observatione fidelissimè descripto hederam extendere supervacaneum sanè judico; certius unicuique de hòc testimonium suppeditabit experientia, communis illarum omnium Magistra. Nihilominus, cum inventis facile sit addere, primicerius quidam Chymicus vires ejusdem mirum quantum augeri, & sanè non immeritò, statuit per regulum Martis stellatum prudenti manu Chymicà ipsi adjunctum, aurò insimul non omisso. Mirabilem enim efficaciam huic regulo adscribunt modernorum Chymiatrorum nonnulli, ac inter sua arcana reservant. Ita autem unitur ille Poteriano, ut paucis multa, crenà tamen candidà: & reguli antimo-

antimonii martialis partes octo, auri purissimi partem 1. mixta optimè pone in crucibulo ad ignem, addendo successivè triplum dicti nitri Poteriani; fluant ita per 12. ad 15. horas; compositum frigefactum postea edulcoretur aquâ communi, aliquoties solvendo & coagulando; pro dosi unicum Tibi sufficeret granum.

OBSERVATIO CXXXV.  
D. GABRIELIS CLAUDERI,  
*De*  
Cornu Cervi bezoardico.

**C**ervus inter quadrupedes animal sanè summâ admiratione ob plurimas causas dignum, non modò carne suâ speciale ornamentum est culinarium, sed etiam, & quidem præprimis morbofo Generi Humano exhibet commoda innumera, è partibus suis spagyricè compositis Medicamentis laude insigni conspicuis. De hisce per ambages multa enumerare, extra meum est scopum; præprimis, cùm præter alios peculiari in Tractatu curiosâ elaboratione illud non ita pridem edocuerit Collega noster honorandus, *Dn. Joh. Andr. Grabe.* Hîc Egomet saltem intendo, ex ejusdem cornu, utpote potiore parte medicamentosâ, egregium publicare remedium. Virtutem igitur therapeuticam laudati Cornu cervini potissimùm consistere in sale volatili, Chymiaè etiam Tyrones non latet; sal hoc sibi soli ita liberum relictum, efficacibus privatur atomis, hisce successivè in aërem evolantibus; Econtrâ per acidum aliquod affusum figitur quidem; sed insimul bonam virtutis innatæ perdit portionem. De spiritu ejus, si ritè ac decenter sit depuratus & exaltatus, eandem ferre cogimur sententiam. Cornu cervi sine igne vel philosophicè (uti cum Pharmacopœis loquimur,) præparati qualitatem

*Dec. II. Annus IV,* Ll coctione



coctione partim imminutam experimur ; partim nimis fixa adhuc latitat. Cornu cervi ustum verò vix alias amplius in se continet operandi vires, quàm illas, quæ peraguntur abforbendo, & figendo ebullitiones cruditarum acidarum & sylvestrium, veluti quidem idem præstant creta, conchyliæ, aliaque communi modò calcinata.

Propterea sequens Tibi commendo, Curiose Lector, bezoardicum cervinum : Cape instrumentum ovale, ( quod à figurâ suâ quum philosophicam vocitant, ac à manu pictoriâ delineatum est,) in mediò manubrium pervium vel foramen



obtinens, libram I. ad II. capiens, immitte rasuræ C. C. puræ uncias aliquot, ut sexta vel ad summum quinta pars circiter vasis repleatur ; foramen sigillò hermeticò optimè claude, impone arenæ, suppositò leniore ignis gradu, ( cavendo, ne calor nimis augeatur, aliàs certè videbis atomos volatiles imprudenter commotas, carceris impatientes, vitrum in plurimas particulas esse divisuras ( more bomborum novorum militarium ) vitrum hoc singulis 10. ad 12. horis circiter invertatur, eò modò, quò Clepsammon horarius tractatur, quod duabus septimanis ita continuetur ; tunc exime materiam circulatam, pulverisâ & cribra ; quod cribrationi non obedit, vitro Tuodenò

nuò concrede, ac eò, quò dictum, modò, procede. Hâc methodò Salia volatilia & spiritûs essentialia à Naturâ inditi à compedibus modestè liberantur, cautâque hâc circulatione in seipsos agendo magis ita uniuntur, ut postea in residuâ corporis sui parte amicè nidificentur ac restant. Sic acquiris medicamentum virtute suâ alexipharmacâ, sudoriferâ, purificante, sanguinisque cruditates generosè corrigente, dubiæ lapidis bezoar operationi longè anteponendum; Cùm negari nequitiam possit, horum plurimos fictitios, è gypsò, calce vivâ, &c, compositos hodiè ad Nos transferri per Judæos Lusitanos, aliosque fraudulentos. Monendus hîc adhuc est Medicus aut Chymiurgus, si in promptu non esset, nec facilè obtineri posset vitrum tale ovale, substitui poterunt duæ cucurbitæ parvæ, vel vasa urinaria arctâ ligaturâ & combinatione, mediante vesicâ bovinâ humectatâ quadruplicatâ, conjunctæ.

OBSERVATIO CXXXVI.

D. GABRIELIS CLAUDERI,

*De*

Medicamentorum obsessio infanti exhibitorum effectus.

**Q**Uamvis me non lateat Medicorum non paucorum opinio, medicamenta incongruè & inutiliter exhiberi contra fascina & incantationes, multò magis verò absurdè obsessis ideò, quòd remedia naturalia in diabolum, utpotè incorporeum, ob proportionis necessariæ absentiâ agere nequeant. Alii tamen contrariam fovent sententiam, cùm Divina Majestas tali etiam in statu per medicamenta à se creata (precibus quidem præmissis & conjunctis,) gloriæ suæ augmentum expectet; adducuntque exemplum



Tobiæ junioris, per hepatis piscini suffumigium ab Asmodi liberati; item Regem Saulum, *1. Reg. 16.* à diabolicis insultribus Musicâ Davidicâ aliquoties sanatum. Plures insuper veneficæ fateantur, herbam ac flores hyperici, aliaque vegetabilia, ac res phycas ipsis, ac earum operibus summè contrariari, imò esse intolerabilia. (Quâ de re consulatur *Frommannus* in elimatô & lucernam olente *de Fascinationibus opere*, item *Gansius Tractatu de Corallis*, p. 171. ac alii.) Quæ sententia mihi non videtur inconcinna; præprimis, cum non desint diversi, qui hæc adhiberi posse statuunt limitando, licet immediatè in diabolum ita semper non agant res phycæ; illud tamen fieri posse directè & mediatè, dum scilicet Satanas ad similia sua opera sæpè uti soleat humore melancholicô, vel bile atrâ, quam vocant, aut impuritatibus massæ sanguineæ summè incraassatis, & corruptis, quas ideò nonnulli pulvinar diaboli vocitant; De quibus ac similibus evolvendi *Melch. Sebizii & Hieron. Jordani* elegantissimi *de Divino in Homine libri*. Europa nostra habet, de quô sibi gratuletur, ac divinæ clementiæ operosas reponat gratias, quòd Adamitico isti hosti nostro rarissimè permittat, ut tam manifestè inquilinos suos tali in statu angat ac cruciet, veluti quidem olim accidebat Judæis; illudque adhuc hodiè experiuntur reliquarum Orbis partium incolæ, licet divinum diabolo exhibeant cultum. Non inutile fore judicavi, producere raram hâc de re historiam, veluti eam olim curiositatis gratiâ, adnotare placuit: Quinque ad 6. abhinc lustris in pagô propè Delicium, (*Delitsche*) oppidum tribus milliaribus Lipsiâ distans, puellus sexennis à Dæmone obsidebatur, qui miserè eum torquebat, sæpè blasphema verba ex ejus ore effutiebatur, Verbiq; Divini ministros, ob preces & cantica peragenda alternatim accedentes eludebat, deridebat; inter quos tamen nonnullorum ob vitæ piæ ac honestæ integritatem extraordinariè conspicuorum adventum indignabundus prædicens, præ aliis eos metuebat. Post aliquot menses Satanas pro-

nas profert, sese ob precum efficaciam cogi deferere hoc hospitium; Econtrà autem velle diei sequentis horâ 12. eodem modo, intrare & tractare obsessi hujus Fraterculum I. anni. Quod & jam ita eveniebat; dictâ enim horâ sexennis puellus incipit iterum naturaliter sese gerere; minor autem, cum tenerrimæ ejusdem ætati loquelâ uti per se non competebat, tunc cœpit miserè angere, labia variè torquere ac alios insolitos ac miserabiles gestûs & tormina ostendere, cum vomitibus, abdominis elevatione flatuosâ, & similibus. Mirandum miserandumq; hoc fatum tandem ad aures celeberrimi Lipsiensium Medici, *D. Joh. Michaëlis* quoque deferrebat, qui successivè sequentia exhibebat Medicamenta; primò quidem potionem ex aquâ florum hyperici tiliæ, & fumariæ, cum essentiâ suâ fumariæ compositâ, flor. hyperici, & Tincturâ corallorum, ejusque Syrupô. Hâc aliquoties assumptâ totum corpusculum acquirebat colorem variegatum è cœruleo quasi subrubrum, aut lividum, fæcesque per alvum copiosè deiciebat deterrimas. Hinc suffumigium totius corporis simul instituebatur, quod constabat è flor. hyperici ꝑij. herb. & semin. antirrhini 3ij. corallor. rubrorum, alborum, ac dentium Hominis demortui ana 3j. His ita aliquot diebus peractis, diabolus aliquando concedebat somnum & quietem; per vices tamen denuò miserè cruciabat innocentem; proinde interna potio dicta repetita; Atque ita anxiiis symptomatibus, tumore item, ac colore abdominis livido successivè remittentibus, integra cœlitùs reddebatur convalescentia. Sæpiùs tunc dolebamus, quòd priùs obsessio, utpote magis adulto non fuerint propinata medicamenta, ut mediante solitâ loquelâ innotuerit, quomodo in horum propinatione sese gesserit Cacodæmon. Qualem sese ostenderit in juvene obsessio iste idem, & quòd ille hâc ipsâ horâ, quâ exitum & desertionem ejus hic promiserat, fuerit mortuus, videre est apud *Binningerum, observat. Medicinal. Centur. 2. observat. 27.*



OBSERVATIO CXXXVII.  
D. GABRIELIS CLAUDERI,*De**Fascino recens-nuptorum sanato.*

**O**B analogiam materiæ in præcedente observatione propositæ, ac medicamentorum morbo oppositorum, placet hîc subungere, *Cacodæmonem* per amanuenses suos, veneficos, *Neonymphis* inter alia mala & hoc inferre, quòd non rarò lectum ingredientiens, opusque connubiale utpote primarium *Conjugii* scopum aggressuris, non modò inermes sint milites amatorii; sed etiam variis symptomatibus dolorosis vexentur, imò aliquando contabescant; & ita, dum homines generare intendunt, ipsis infelicitè mori cogantur. Tali in statu, uti antea plus vice simplici in meâ Praxi factum; paucas ante septimanas, dum hæc scribo, tali misello militi optatò effectu exhibui *Tincturam* meam corallorum mixtam *Essentiæ* flor. hyperici ex ejus extractò spiritu propriò factam. Sequens tamen simul amuletum adplicui, omissis omnibus quæ superstitionem aut impietatem olent. *℞. flor. hyperici, aquilegiæ, folior. herb. Paridis, capillor. Veneris ana piii. semin. aquilegiæ, hyperici ana ʒiʒ. granor. Paridis num. vj. Mercurii vivi in nucem avellanam inclusi ʒij.* Mixta indantur sacco è sindone, appendantur collo. Quicquid igitur de operatione similium remediorum philosophari etiam subtilissimè placeat nonnullis, suò quidem in locò relinquo; Ego tamen unum alterumque experimentum practicum antepono centum rationibus theoreticis.

OBSER-

OBSERVATIO CXXXVIII.

D. GABRIELIS CLAUDERI,

*De*

*Sanguine Apoplecticorum frigido.*

**Q**uantam caloris innati ventilantis, ac virtutis balsamicæ consuetæ depauperationem, quantamque in-  
crassationem, præter ordinarii circuli sui impeditio-  
nem patiatur sanguis Apoplecticorum, inter alia è  
sequentibus clarescit: In duabus Matronis violento paroxy-  
smo apoplectico correptis observavi, dum pro sanguinis ven-  
tilatione, ac in circulum ordinarium reductione statim ve-  
nam aperiri curaveram, eundem emissum mihi adstanti im-  
provisò in manum profiliisse actuali præditum frigiditate, non  
sine animi stupentis alteratione. Ambæ tamen cum Deo  
sunt restitutæ, alternatim, ac successivè exhibendo ei essentiam  
castorei volatilem, essentiã meam alexipharmacam è sale fuligi-  
nis, liquorem C.C. succinatum, sal volatile C. C. & succini, cin-  
nabarim meam nativam fixatam succino mixtam; elæosacra-  
rò item succini & extracto theriacali linguæ impositis; non mi-  
nùs capite, nuchâ, ac spinâ dorsi inunctis spiritu salvix, rutæ,  
juniperi, salis armon. camphoratis; spirituque salis armon. na-  
ribus admotò. Deinde, post vires quodammodò reductas,  
non ommissa laxantia, repetita sudorifera, purificantia ac balsa-  
mum massæ sanguineæ ordinarium reddentia, v. g. Essentia  
mumiæ aloëtica, Elixir proprietatis alcalicum, Essent. Terræ  
catechu; Fonticulus etiam cruri inustus &c.

OBSER-



## OBSERVATIO CXXXIX.

D. GABRIELIS CLAUDERI,

*De**Sanguine è naribus frigide stillante.*

**A**Rtificiofissimæ ac mirabilissimæ istius machinæ, Microcosmum intelligo, œconomia vigere & subsistere neutiquam valet, nisi massa sanguinea, singulæque partes calore innatò ac spiritibus vitalibus decenter conserventur, ac quotidie denuò quasi balsamentur. Nihilominus, veluti in Naturâ aliquando fiunt monstra, ita etiam dictâ in Oeconomîâ rara aliquando contingunt, & insolita. De frigidò apoplecticorum sanguine in præcedente egi observatione; Meretur heic, subjungi, quòd alteri cuidam foemina ob cachexiam sanguinis scorbutici inveteratam, varia symptomata patienti, narium etiam hæmorrhagia sæpius acciderit, ubi quidem sanguis modò insolitò frigidus exstillabat. Post diversa in antecedente historiâ adducta remedia, putridam sanguinis crassitiem balsamicè restaurantia, ac cachecticam feri acrimoniam dulcificantia cautè adhibita partim alcalia, partim serum incrassantia, v. g. Ess. mumiaæ alcalica, Ess. Terræ Japonicæ, theriacalis, pulveres item martiales, sulphurei, è præparatis è mumiâ, &c. vitales Archæi actiones in naturalem successivè reducebantur suum circulum.

OBSERVATIO CXL.  
D. GABRIELIS CLAUDERI,*De*

## Urina frigide emiſſa.

**S**anguinem actu frigidum apoplecticis per venæſectio-  
nem eſſe emiſſum, aliisq̃ue eâdem qualitate è naribus  
ſtillâſſe, in præcedentibus declaratum eſt hitoriis. No-  
tatu digna non minùs eſt ſequens obſervatio: Quidam  
ſolitis melancholiæ hypochondriacæ, iisq̃ue variis hæredita-  
riè moleſtatur ſymptomatibus. Creſcentibus autem annis,  
creſcunt eidem ſymptomata; præprimis verò ipſi augetur tar-  
tarus circa viſcera chylo- & ſanguificationi deſtinata ob imper-  
fectam coctionem, neceſſariamq̃ue puri ab impurò ſeparatio-  
nem; Hinc ipſum ſæpè inviſunt dolores tam totius abdomi-  
nis, quàm nephritici, item penis, tartarò mucosò ſimul  
copioſè per alvum & urinam exeunte. Unde aliquoties fa-  
ctum, ut, doloribus circa vias urinarias vehementer auctis, u-  
rinam actu frigidam prodire perſenſerit; quod quidem di-  
ctarum partium ob multas à cruditatibus acido-ſaliſis paſſas in-  
jurias debilitatem, caloris innati ibidem inopiam demonſtrat.  
Poſt exhibita tamen alternatim remedia baſſamica, Eſſ. nimir.  
caſtorei volat. Eſſ. è ſale fuliginis, mumix alcal. Elixire propriet.  
alcal. Eſſ. Terræ Japonicæ, cortic. aurantior. malvaticò juni-  
perinò, ſale volatili oleosò ſuccini, & aniſi, Tincturâ meâ co-  
rallorum; externè item applicitis cataplaſmatibus è carmi-  
nantibus, nervinis, nephriticis ſpeciebus, ſpiritu item compo-  
ſitò externò in antecedentibus propoſitò, neceſſarius partibus  
calor egregiè renovatus eſt, ac revocatus.



OBSERVATIO CXLI.  
D. GABRIELIS CLAUDERI,*De*

## Sternutatione violentissima.

**S**I Sternutatio unicâ saltem vice cuidam accidens Medicorum pluribus, & quidem non immeritò, audit apoplexia parva, nullus dubito, quin sequentem relationem insigni admiratione singuli sint percepturi: Ancilla 20. annor. experitur nimiam massæ sanguineæ tenuitatem, ac ferrosam falfedinem, inde ortos & similes, quos dicunt catarrhos; cætera sana, & negotiis suis peragendis idonea, corripitur à ferò hóc acri nares p. n. petente ac stimulante improvisò sternutamentis uti vehementissimis, ita frequentissimis per integras octo horas, & quod excurrit, aliquot mille vicibus; & hoc quidem stimulò tam continuò, ut sermonem distinctum proferre, & medicamenta interna deglutire neutiquam ipsi licuerit, ob motum capitis, imò totius corporis concussi continuum. Proinde ad externa saltem remedia confugiendum erat; applicitò itaque clystere revellente è speciebus fl. & fruct, accarminativis; cum electuarii hier. picr & agar. ʒj. nitri refin. ʒj. &c. per nares attractis incrassantibus & dulcificantibus ex oleò amygdalar. ac hyoscyami, admixtò opii extractò, mucilage semin. cydonior. Capitis item partibus ac nuchæ ilitò spiritu externò compositò aliquoties in præcedentibus allegatò, additâ extracti opii portione, successivè cessavit malum hoc symptoma, miserabile adstantibus exhibens spectaculum; Postea causâ fuit correctâ & remota per laxantia, sudorifera, sanguinem dulcificantia, ejusque serum tenuius ac largius incrassantia.

OBSER.

OBSERVATIO CXLII.

D. GABRIELIS CLAÜDERI,

Suturarum Cranii discessio ab adstantibus  
perceptibilis, à cephalalgia con-  
tumaci.

**U**Ti universa Microcosmi structura jure meritò singulos rerum naturalium scrutatores in extraordinariam rapit admirationem, ita globus huic impositus, caput intelligo, specialem meretur stuporem, in quò, præter plurima mirabilia alia, non minùs arctè, quàm artificiosè Cranii partes mediantibus suis fissuris coherere voluit ac jussit Natura naturans, Deus. Coalitus hicce in adultis adeò firmus est, ut cruditatibus vaporosis aliqualis transitus difficulter ulterius pateat. Hòc tamen non obstante, aliquot in personis observavi, aliquando tam violenter ac p. n. ebullire atomos sanguinis impuri dolorosàs, atque exitum moliri, ut subsecutæ suturarum Cranii divaricationes à quòlibet adstantium manifestò sensu percipi potuerint; (*daß man es knacken höret;*) Tali in statu partim obviam ivi symptomati dolorosè urgenti, partim causæ mordax illud serum capiti communicanti; Hoc autem peregi bonam partem per medicamenta in antecedentibus commendata interna & externa, v. g. Ess. castorei volatilem, in *Dissertat. meâ de Tincturâ univers.* descriptam, liquorem C. C. succinatum, sal volatile oleosum succini, &c. quæ volatilia tamen cum incrassantibus sunt alternanda, ipsisque addenda essentia opii, vel è succò hyoscyami, despumatione purificatò per spiritum verbenæ extracta; Aliis tamen palmam hîc præripere observavi uti omnia Cinnabarina (antimonii, & nativæ) succino, cranio humano, denti equi marino, spinis viperarum,



perarum, radic. pœoniæ, cum modicò laudani opiatî mixta, ita præprimis Cinnabarini nativam Hungaricam meâ methodo præparatam, veluti in *peculiari Tractatu* descripta est.

## OBSERVATIO CXLIII.

D. GABRIELIS CLAUDERI,

## Idem adfectus in partu observatus.

**Q**Uæ jam jam in genere de futurarum Cranii digressionem proposui, præprimis etiam in partu difficili acciderè observavi; dum tumultûs isti uterini dolorosi, ad illum actum quidem necessarii, ob substantiæ nervinæ uteri consensum cum principiò nervorum (non aliter, ac chorda arctè extensa in unò locò tacta, per totum suum corpus motum & sensum statim experitur,) Archæum adeò in furorem sæpè concitant, ut partim convulsiones epilepticæ, partim cephalalgia contumax, suturarumque Cranii divaricationes sensibili sonò adstantium aures replente, non rarò inde succedant. Duro satis huic nodo commodum quarens cuneum, adhibui tam in præcedente observatione notata tamen mixta pro complexionum, symptomatum, ac circumstantiarum diversitate, quàm causam simul respicientia, nervosum genus & caput roborando, v. g. cinnabarinis succinò, &c. miscui cineres secundinæ, Sal succini volatile, pulverem borrhacis & similia. Vigilare autem jubetur Medicus prudens simili in casu, ne statim ob partum feliciter succedentem triumphum integram canat ante victoriam; sed debilitato postea consulat Cerebro per antea adducta; aliàs sanè œconomix Microcosmicæ interitum minantia instant incommoda.

OBSERVATIO CXLIV.

D. GABRIELIS CLAUDERI,

Dolor auris & capitis violentus, aliâque periculosa symptomata post mictionem in aurem.

**G**enuinam morbificæ causæ cognitionem dimidiam absolvere partem in sanandō morbō, veritati summè consentaneum Ego semper credidi; imò hujus rei plurima è propriâ experienciâ producere possem exemplâ; proinde Philiatros ac novellos Practicos cautos hîc esse, ac vigilare, candidè moneo. E pluribus unicum hâc vice proferam casum: Semiebrius quidam frivolâ stimulatus perulantiâ Socio ebrio inter pocula obdormiscenti mingit in aurem. Expergestus iste, vaporosâ crapulæ narcosi quodammodò dissipatâ, sentit dolorem auris, imò totius capitis tantum - non intolerabilem, succedente delirosō capitis stupore, ac calore insigni, ob lixiviosâ urinæ, organa auditûs delicatissima partesque nervosâs titillantîs atque debilitantis, falsedinem. Remediis variis incassum exhibitis, ob causæ genuinæ, nec per somnium conceptæ ignorantiam, cùm in pejus ruerent omnia perceperit malitiosus morbi artifex, conscientia metuens cauterium, quid jocosè peregerit, detegit; propterea pro acri lixivio immisît & partes inflammante dulcificandō auri infunditur mucilago è semine psylli & cydonior. aquâ symphyti facta; vapor item è flor. verbasci, pœonia, chamomill. semine lini, &c. in lacte coctorum eidem per infundibulum communicabatur; internè verò exhibitis nervinis reborantibus antea aliquoties propositis, item alterantibus Tinctur. flor. pœoniae, papaver. err. nitratis, & præprimis cinnabarinis, non



omissâ infimul opiatorum portiunculâ, pro sopiendô spirituum Cerebri ac nervorum fervore, sanitatem cum Deo recuperavit.

## OBSERVATIO CXLV.

D. GABRIELIS CLAUDERI,

*De*

Miserandis torminibus, à formicâ aurem ingressâ.

**O**B adfectûs homogeneitatem lubet sequentem subjungere observationem: Insecta in aures aliquando irrepere, dum in pratis decumbitur, alisque de causis variis, notum est. Hæc à cautâ manu Chirurgicâ commodorum instrumentorum ope feliciter plus vice simplici extrahuntur; non tamen semper procedit, veluti sequentia docent; Puella septenni in pratô obdormiscenti formica aurem intrabat, ac parvâ, eâque agili corporis sui mole ad ejus interiora penetrabat; Hinc dolor intensissimus, quem misellus gestibus miserandis ac clamore exaltatô adstantibus satis ostendebat, ut sic inflammatio internâ, ac ejus pedissequa, convulsiones; veluti Hannibal ad portas, fuerint metuendæ. Chirurgus accersitus eludebatur instrumentis suis aliâs efficacibus, utpote ferreis; Cùm igitur remediis fortioribus vix domandus videretur hostis iste, in proprium simul interitum ruens, ad stratagemata & blanditias, more in castris consuetô, confugiendum fore, censui; Proinde jussi lac calefactum auri adponere; dulci hujus vapore vix ingrediente, regrediebatur molestissimus iste hospes, atque hõc reditu & puero, & sibi vitam servabat.

OBSER-

OBSERVATIO CXLVI.

D. GABRIELIS CLAUDERI,

Aqua, quâ mortuus lavatur, sedat nimium  
& abusivum spiritûs vini ap-  
petitum.

**D**E operatione medicamentorum per sympathiam aut antipathiam, & quæ his cognata sunt, factâ laboriosè tracta fuit hætenus controversiarum ferra, & adhuc trahitur. Eam quidem hîc meam non facio; Liceat tamen libertate medicâ uti, ac sine bile, aut in alios censurâ, salvôque singulorum judiciô, paucissimis saltem, *ὡς ἐν παρόδῳ* præmittere, *Danielem Sennertum*, alterum illum Hippocratem, atque communem in re Medicâ saniozem Præceptorem, cum plurimis affectis infelicitate sui temporis variâ ad occultas qualitates retulisse, quorum causâ hætenus per rationes manifestas facilè demonstrari potuit; cui rei extra dubium plurimum lucis accendit acutissima Philosophia Cartesiana, ac adcurata atomorum doctrina; Nihilominùs, dum quidem ab hisce ito in contrarium iri solet laudabili subtilitate, tenui meô judiciô videtur, in omnibus nondum omnem absolvi paginam solere, vel posse, quia scilicet variarum rerum actiones (olim pro occultis habitas,) manifestis qualitatibus fieri, clariùs demonstrare nequeunt, quàm ut statuant, hunc vel illum effectum absolvi modô peculiari, modô singulari. Judicent autem alii, num modus hic peculiaris aut singularis occultas antiquorum qualitates oleat, aut eas penitus tollere sufficiat; nec obscurum per æquè obscurum explicetur, aut petitio principii committatur? Intereâ repetere cogor philosophicum illud suspirium *Heinsii*: Quantillum est, quod scimus. Quantum est, quod ignoramus! Sed ad rem: Spiritûs vini, vinorum-



norumque generosorum potus moderatus ( moderatus dico, nec abusivè institutus, ) Oeconomiae Microcosmicæ, sartum-  
 tectum servandæ pluribus complexionibus non modicū sanè  
 commodi confert; præprimis verò in castris, in peregrinationi-  
 bus, & in specie quidem navalibus plurimi ante dies suos ad  
 plures migrare cogerentur, nisi atomis putridis ac nimium hu-  
 midis ob varias causas massæ sanguineæ ibidem communica-  
 tis dictus potus foret quasi alexipharma, & balsamicus. E-  
 contrà homines leves non paucos potu hōc abusivè haustō ita  
 assuefieri, ut nullō planè modō eundem postea deferere liceat,  
 irreparabili sanitatis, imō vitæ jacturâ, quis est, qui nesciat;  
 Dum scilicet ordinarius sanguinis circulus turbatur, plus solitō  
 acceleratur, ejusdem virtus innata debilitatur; ut inde, si non  
 statim Phthisis vel hectica, tamen cachexia hydropica adsit eo-  
 rum pedissequa, quam altera insequitur pedissequa, mors.  
 Propterea plus vice simplici aures meas fatigârunt, ac dedi-  
 gnantes reddiderunt querelæ uxorum, liberorum, cognato-  
 rumque, num ars servandorum hominum tantâ tandem pol-  
 leat experienciâ, ut duro huic nodo decentem & ad proprium  
 adponere valeat cuneum. Quamvis quidem ad remedia  
 Theologico-politica, monita scilicet severa Confessionarii,  
 Magistratûs, & qui hujus vicariâ pollent autoritate, Agnato-  
 rum remiserim; nihilominus in mentem mihi venit, subti-  
 lem *Helmontium* verrucis extirpandis illinire sudorem mori-  
 entium; aquam item, quâ mortuus fuit lotus, similibus ex-  
 ternè applicari indicationibus; additque insimul rationem,  
 quod Archæus, vitæ nostræ promus condus ac conservator ab-  
 horreat talia mortuis analogâ, & ita harum applicatione per-  
 terrefactus deferat verrucas. Hæc ego ventilans, num & in-  
 ternè data talis aqua emortualis, inhonestum illum spiritûs vi-  
 ni amorem enecare fortè valeret; Exhibui itaque foeminae de  
 dictâ mariti temulentiâ querenti libram semis talis aquæ mix-  
 tam libræ uni spiritûs vini, jubens, ut marito inscio pro solitō  
 vini

vinu adesti potu propinaret. Quid fit? iste cum bigâ com-  
potatorum itidem insciâ vesperi dictam ebibit mixturam. Am-  
bo hi focii manè sequenti redeunt, valdè invehentes in po-  
tum hesternum, fortassis improvisò vitiatum, aut impurum  
redditum, cùm hucusque persentiscant insignem in vinum  
adustum nauseam; Maritus autem de aliquali saltem nauseâ  
querebatur, extra dubium ideò, quòd in incomparabile hoc-  
ce nectar pertinax confidentia nimis altas egerit radices, aci-  
dèæ appetitûs imaginativæ, & consuetudo vetusta in primam  
quasi naturam degeneraverit. Unde Autor fui uxori, ne in-  
termittat, repetitis vicibus eundem ita fallere; quòd nullus  
dubitem, quin ad adsueta hæc natura spuria à priore congeni-  
tâ furca malæ consuetudinis expulsa, tandem plenariè sit re-  
cursura.

OBSERVATIO CXLVII.

D. GABRIELIS CLAUDERI,

Liquores Chymici, præprimis volatiles, ali-  
unde non sunt transportandi, nisi vi-  
tris penitùs repletis.

**E**Nchirises aurò contra caras in Laboratoriis Chymico-  
rum passim esse obvias, atque earum plurimas, quot die-  
bus quasi, magis magisque innotescere uni & alteri cu-  
rioso scrutatori, experientiâ constat quotidianâ; Op-  
tandumque esset, ut in alorum inexpertorum, ac novellorum  
Medicorum favorem, imò Proximi ægrotantis commodum  
ingenuè communicarentur, nec tam invide supprimerentur,  
aut ad umbras secum raperentur, sanè non sine inustò consci-  
entiæ propriæ stimulo. Unam eamque ægrotis valdè profi-  
ciam hâc vice sum producturus enchirisin; Observavi, li-

*Dec. II. Annus IV.*

N n

quores



quores Chymicos, v. g. Spiritûs, essentias, præprimis Sale volatili abundantes, multum virtutis innatæ perdere, dum aliunde transportantur, vitris non planè plenis. Quamvis enim vitra mediante cerâ, vesicâ bubulâ, & similibus cautè munita tam guttulis ipsis, quàm qualitatibus virtuosus transitum omnem denegare soleant & valeant, tamen hoc non obstante, agitatione istâ & motu continuò per vacuum vitri spatium ipsis concessò efficaces illæ atomi in se ipsas agentes & lascivientes fatigantur, ac pedetentim consumuntur. Pro meliori rei declaratione jucundum subjungam exemplum; Incomparabilis Chymiater, *D. Joh. Michaëlis*, mittebat olim Medico cuidam in aliam Urbem Spiritûs sui anticolici egregii libram unam. Hic autem componebatur è tribus partibus Spiritûs vini fortis cum speciebus carminativis vegetabilibus digesti & abstracti, ac postea cum parte 1. Spiritûs nitri puri per aliquot menses circulatione uniti. Tramissus hic Spiritus tunc nondum absolverat debitum digestionis necessariæ tempus, ideoque dictus Medicus etiam monebatur, ut ante usum adhuc magis figi & uniri concederet Spiritûs sulphureo-volatiles cū Spiritu acidò nitri. Amanuensis præcipitis autem incuriâ spiritus hic immittebatur vitro nimis capaci, ut vacuum in eò spatium relinqueretur. Tabellio spiritum huncce cum aliis scutellæ inclusum dum in sarcinâ tergo impositâ portat, ejusdem particulæ in sibi contrarias ac nondum unitas pugnando, atque fermentativè ebulliendo vitrum rumpunt non sine magnò fragore & sonitu. Tabellarius aliis intentus, hâc re subitaneâ valdè perterritus, veretur, ne à latrone globulò sit transfossus à tergo, ac subito in Terram procidit; Ad se autem successivè rediens, vitamque sibi superesse persentiscens, percipit dorsum esse humefactum; hinc sese saltem vulneratum credit; Cùm autem manum dorso ad mortem retraxerit sanguine albò, non verò cruore tinctam, & sarcinâ depositâ observaverit, liquorem

quorem album è scatulâ effluxisse, discit, quænam tam insperati latrocinii falsò suspecti fuerit causâ.

OBSERVATIO CXLVIII.  
D. GABRIELIS CLAUDERI,

*De*

*Iliacâ passione sanata.*

**Q**Uam miserabilis sit affectus Ileus aut Volvulus, vel inde satis clarescit, quòd communi nomîne etiam audiat Miserere mei, quâ denominatione nullus sanè morbus alius insignitur; Proinde hujus adfectûs optimum accidens esse judico, quòd talis æger ob obitum ferè semper certè insequentem eò commodiore fruatur occasione, animæ suæ curam gerere. Cùm tamen aliquando, licèt rarissimè, reconvalescant, mihiqûe licuerit esse tam felici, ut unam, Divinò auxiliò restituerim, in gratiam juniorum Practicorum heïc proponere, quomodo eam tractaverim, non inutile fore, censeo: Matrona quinquagenaria à lixiviosis scorbuticis cruditatibus per plures annos multa patiens, circa viscera coctionis præcipuæ, v. g. tensionem abdominis flatuosam, dolorem nephriticum, tumultûs hypochondriorum anxios, duritiem alvi frequentem, eamqûe summè molestatam, &c. corripitur torminibus ventris & lumborum, vomitibus biliosis, per 2. dies, urinâ valdè lixiviosâ, ut metuerimus, instare solita doloris nephritici symptomata; proinde exhibebam ipsi antea aliquoties utilissimam Essentiam meam è Sale fuliginis, & Essentiam mumix alcalicam (veluti in Tractatu methodi sine evisceratione balsamandi easdem describo,) additâ portiunculâ Essentiæ theriacalis; Externè item adplicui proseri falsi in flatûs dolorosos ebullientis sedatione spiritum juniperi, flor. chamomillæ, & Salis armoniaci volatilem. Sed his hâc vice præter consuetudinem irritò effectû exhibitis succedebant ter-



tiò die vomitûs largiores muci instar fæcum p. n. fermentantis, ac per totum conclave foetentis, non sine magnis ventris torminibus; proinde adplicitus clyster, præprimis cùm alvus non responderit, qui ℞. flor. chamomill. Miß. herb. malvæ, parietar. ana Mj. radic. altheæ ʒj. castorei, colocynthidos in petiâ ligatæ ana ʒj. incisa & contusa coqv. in s. q. aquæ commun. Colat. ℞. ʒviij. dissolve electuar. hier. picr. cum agar. ʒj. olei flor. chamom. ʒj. colocynthidos ʒij. nitri refin. ʒij. M. pro clystere. Unguentum sequens, cui multum etiam tribuo, abdominis parti inferiori inungebatur: ℞. Ungv. de artanitâ ʒj. olei diacolocynthidos ʒiiij. Misce. Die sequenti hæc ambo repetebantur; internè verò pro suffocandis, fermentationibus putridis atque vomitibus dabatur Elixir meum proprietatis alcalicum, Ess. mumix alcalica, Ess. aurantior. theriacalis opii: Pro roborandò Archæò, & contra lipothymias alternatim exhibebam Tincturam meam auri & corallorum, ut & Cinnabarin meâ methodò fixatam, ac mixtam Ebori, corallii. que ustis, pulveri Terræ catechu, mumix, lacti sulphuris. Per talia interna externa aliquot diebus continuata symptomatum dictorum cessavit violentia, reconvalescentiâ successive, Deò benedicente, reduce.

## OBSERVATIO CXLIX.

D. GABRIELIS CLAUDERI,

Corium vegetabile è lignò quercinò hæ-  
morrhagias sistens.

**N**obiliss. Jac. Breynius, *Ephemerid. Medicar. Germanor. Anni 4. Observat. 150.* refert, in mediò quercûs reperi-  
tum fuisse fungum coriaceum, narium hæmorrhagias  
sistentem, si cordis applicetur regioni; Cui observa-  
tioni propter analogiam materiæ & effectûs addo sequentem:  
Corticem

Corticem talem tenerum corio molli simillimum, sæpissimè reperire est in lignò quercinò, diu aëri exposito, quasi putrefacto ac cariosè corrupto. Hujus corii tessulatim inter ligna repositi vegetabilis, particulas plurimas excindere & separare facilè licet; quas itidem in manu detentas, usque dum incalificent, vel cordis regioni applicitas pro cohibendis narium hæmorrhagiis plus vice simplici feliciter operari vidi. Quàm mirè abscondit Naturæ arcana Naturæ Autor, etiam inter res abjectissimas, inter ligna semiputrida, ignis combustione indigna judicata! Proinde meritò haberemus, cur adcuratiùs inquiramus in tot & tanta adhuc occulta physica.

OBSERVATIO CL.

D. GABRIELIS CLAUDERI,

Miranda ac jucunda Vegetabilium plurium structura.

**D**Um in præcedenti Observatione Curiositatis vegetabilis mentionem feci, lubet aliam subungere: Mirabilem Hepatis Humani compagem, ablatâ nimirum, mediante ignis coctione, modicâ parte carnosâ relictâ artificiosissimâ innumerabilium vasorum & vasculorum machinâ, manifestè nobis depinxerunt adcuratus *Casseri*, meritiſſ. *Thom. Bartholinus*, alii. Idem de Renum substantiâ Orbi Medico demonstravit clariss. *Bellinus*; illos scilicet non minùs constare è variis vasis ac fibris. Rarâ eâdem elegantia constare plurima vegetabilia, curiosam meam manum docuit experientia; dum v. g. folium vitis, aut similis sub æstivò Solis æstu in arenam aëri liberam repono; hòc per unum alterumvé mensem ita relictò, remanet corpus fibrarum reticulare, hilari suâ texturâ sese oculis commendans, parte folii humiliore



diore exsiccata. Pulchrum hocce folii vitis sceleton multis tamen parasangis superat fructus halicacabi vel vesicariæ, (*Jus dentifschén*;) dum ejus folliculus modò dictâ methodò in arenâ absconditur; Sanè sine mentis exhilaratione recordari non possum summè artificiosi illius reticuli fructum hunc rubrum maturum continentis. Possem alia adnectere hòc modò tractata, vel arenâ extracta, præprimis radicem magnam cicutæ, cujus solæ fibræ ita restantes mirabili naturæ artificio jucundissimè repræsentabant nassam, receptaculum illud piscatorium, *die Fischreisse*; sed sufficiat, curiosis viam curiosam monstrasse ingenuè.

## OBSERVATIO CLI.

D. GABRIELIS CLAUDERI,

*De*

## Partu quinque Filiorum.

**F**œminas nostras præter Geminos aliquando etiam excludere 3. imò 4. liberos, uti ex aliorum, ita etiam è propriis observationibus practicis mihi constat. Ut plurimum tamen tales non sunt planè perfecti, ideoque etiam non diu vivaces, ob debiliorem virtutis spermaticæ imprægnantis magis dispersæ efficaciam. Vidi tamen semel inter trinos tales Filios, binos mundum, quem vix adspexerant, statim rursus deleruisse; tertium autem vegetam superstitem, post longa per Germaniam, Italiamque itinera, post varios casus, post tot discrimina rerum, superatò ætatis suæ annò 67. fatis demum cessissè. Hisce quasi obiter præmissis, pergo ad scopum, quem titulus docet; cujus hæc est Historia: Dum præteritò mense Aprili milites Lunæburgici Saxoniam nostram superiorem transibant, Hungariam petaturi, ac Hosti communi anti-Christiano cum aliis sese opposituri, (veluti quidem,

quidem, sub umbone Divinô, summâ laude postea præstiterunt,) nonnulli pernoctabant in pagô *Königshofen*/ propè *Eissenbergam*, *Misniæ* urbem, dum Hospita die antecedenti pepererat Filiolam; Inter gaudia & pocula convivalia consueta miscentur quoque discursus de re militari; ubi inter alia miles magis consultum fuisse dicit, si exclusus fuerit Filiolus, ne deficerent gloriosissimô nostro Imperatori milites necessarii. Cui Hospes jocosè reponit, impofterum pro virili virum sese fore præstiturum. Quid fit? Togatus hîc in castris venereis miles, absolutô Puerperii tempore, uxorem denuò reddit gravidam; & accidit, ut illa, dictis militibus *Lunæburgicis* principiô Mensis Decembris (dum hæc scribo) rursus heic trans-euntibus, ac domum repetentibus, partu septimestri enitatur quinque Filiolos, quorum tres vivi sacrô Baptismate statim imbuti, cum reliquis duobus vitam extra uterum non expertis, communi nostræ Matri, Terræ, uni loculo inclusi, fuerint redditi. Nimiis extra dubium, fuit rustici hujus in coitu fervor; hîc spiritûs seminales in ovariô muliebri largiùs disseminati-conatum ejus intentioni insufficientem reddiderunt. Varii inde orti joci; Ut desint vires tamen est laudanda voluntas! Utinam unusquisque Subditorum aut Vassallorum Imperatori nostro pio, felici, Augusto, tantum, quantum posset, conferret, pro Turcicorum, canum latratu magis magisq; sopiendô! Medicas Ego Observationes hâc vice communicatas subjectissimô finio votô:

IoVa IVVa, VIreat LVnâ LEOPOLDVs InerMI!

OBSER-



## OBSERVATIO CLII.

D. JOHANNIS MAURICII HOFFMANNI,

De


## Monstro gemello.

**M**onstrum si cum *Liceto* quis appellaverit, quod ob sui novitatem quamprimum visum, cum admiratione atque stupore ab unoquoque unicuique alteri monstretur, tale mehercle attulit nobis novi anni auspicium. Nono namque, Martiali in festis sacro, Januarii die Margareta Treuberin, quadragenaria major, vidua, conceptas ex inhonesto concubitu, in vicino pago Hagenhausen enixa est favente Lucinâ primùm vivas, & baptismatis fonte irrigatas, mox tamen subsequatâ morte peremptas, foemellas, gemellas, si capita & artus atque viscerum plurimorum interanea spectes, thorace medio unico conclusas, quas delineatas sisto in Fig. I. Capita nempe erant bina adversâ fronte se intuentia, sinistrum tamen paulo majus & rotundum bihorio prius quam dextrum oblongè depressum uteri claustra per-ruperat; collum geminum numero parem capitis Olympum geminâ excipiebat cervice, pectus medium à parte anteriore & posteriore cernebatur, illic & hîc prostante sternum, unâ tamen tantùm relicta intus thoracis cavitate costis, à vertebriis dorsi quasi extremis ad sternum medium geminum arcuato ductu protensis. Artus conspiciebantur geminati tam superiores quàm inferiores, brachiis verò in mutuos amplexus circum-volutis foemellas hæc gemellas in dias luminis auras egres-sas fuisse, obstetrix aliæque partui adstantes mulieres affirma-bant. Ita se oculis nostris ingerebat exterior monstrosi par-tus forma: Posthac interiora rimanti mihi spectaculum haud unum obtingebat jucundum; apertum thoracis cavum lym-phâ exundabat limpida argentei nitoris comulâ; cui cor ac pulmo-





Figure XXXVI. Fig. 2. exhibens viscera in situ, quo  
a. a. conspiciebantur anteriori gemellarum foemella-  
rum trunco aperto.




a. a. Aspera Arteria.  
b. b. Pulmones.  
c. c. c. c. Auriculæ Cordis qua-  
tuor.  
d. Cor vasis coronariis obdu-  
ctum.  
e. e. Diaphragma.  
f. Ligamentum Epatis suspen-  
sorium.  
g. Epas.  
h. Ventriculus ejusq; ori-  
ficium dextrum β.

i. Lien.  
k. Renes.  
l. Intestinum.  
m. Intestinum coecum.  
n. Intestinum rectum.  
o. Funiculus umbilicalis.

Figura

XXXVI.

Fig. 3.







pulmones innatabant, ac prorsus simili pericardium repletum erat; pulmones geminæ annexi asperæ arteriæ, vid. Fig. II. lobis quinque utrinque divisi obveniebant, flatu per tubulum Tracheæ immisso leniter expansi vasorum lymphaticorum propagines exteriores eâ prorsus facie, quâ à *Willisso*, Viro immortalitate digno, fuerunt delineatæ, obtutui nostro præbentes. Cor primo aspectu apparebat geminum, lineâ quasi divisum, sed revera in medio concretum; auriculæ intereâ numerabantur quatuor, duæ anteriorem, posteriorem duæ in cordis basi locum occupantes, quibus numero & situ pares subiciebantur ventriculi. Diaphragma unum thoracem ab abdomine sejungebat, sub illo singularis magnitudinis recumbebat Epar ligamento suspensorio annexum, numero unum, sed quasi geminum quibusdam intestinis intrâ cavum in medio sui patens reconditis circumplicatum, dum ex parte superiore sive anteriore ejusdem vesicula fellea, ex parte inferiori l. posteriori vena umbilicalis exortum sumere videbatur. Porro ventriculus conspectum subibat duplex, alter à sinistris situ anterior, alter à dextris posterior, unicuiq; Lien per vasa brevissima gastricaq; minora & expansionem membranaceam erat connexus, omentum insuper omni excluso pinguedinis consortio vasa alebat gastroepiploica communia atq; epiploica propria, proximis intestinorû voluminibus contactu junctum. Ceterum in admirationem me inprimis rapiebat Intestinorû distributio, ventriculus siquidem duplex pylori facto mutuo occursum in unum desinebat duodenum, vid. Fig. III. Itia, quod ductus à vesicâ felleâ ulterius exporrectus cholidochus subintrabat, à duodeno simplex excurrerebat Jejunum, quod comitabatur Ilei portio prior simplex, posteriorem autem πολυμήχανῃ illa μητὴρ natura in duplicem separavit dextram ac sinistram, cui dein cœcum colon, ac denique rectum meconio ex atro-viridi summè distentum æquâ divisionis lege utrinq; succedebant. Renes quatuor bini semper sibimet impositi incumbant,



bebant, ureteribus quatuor de se dimissis: uterus geminus ligamenta teretia & lata, hisque tortuoso situ circumflexas tubas post sedulam inquisitionem ostendebat, quin etiam ovula in ovario sub bullularum formâ conspicienda microscopium oculis pandebat. Causam propositi monstri sagaciores inquirent Viri,

— — — Tritonia Pallas

*Quos docuit, multaq; insignes reddidit arte.*

Tale namque ne per somnium quidem sibi unquam visum interrogata respondit mater; an illiciti concubitus dulcedo mutuo brachiorum amplexu proritata ab ipsâ haud dissimulata. Ideam talem impresserit? an potius ovulorum duorum ab ovario secessus, & eorum facta conglutinatio aut rectius coalitatus accusandus sit, in medio relinquo, Davum namque hinc me profiteor probabilia conjicientem, non Oedipum certa augurantem.

Fig. XXXVI. *p. 222.*

#### OBSERVATIO CLIII.

D. JOH. MAURICII HOFFMANNI,

*De*

Plexu Choroide.

**C**um Cadaveris masculini suspensi Anatomen publicam elapsi proximè anni Mense Aprili hinc adornassem, inter alia plexum choroidem intuitus, præter arteriolas à carotidum vertebraliumque propaginibus dimissas, in Venas etiam inquisivi, ratus easdem propter prægressam sanguinis & unâ animæ cum fune interceptione turgidiores promptius subituras esse conspectû, tot verò quot *Higbmorus* *disquisit. Anatom. lib. III. part. I. cap. 6.* describit, & in *Tab. XV. fig. I. lit. h. h. h.* designat, cernere haud licuit, quin potius secundum mediam plexus nominati longitudinem inter arteriolas.

riolas extensam unicam vidi venam sanguine atrorubente distentam, & primò statim conspectu ab arteriarum proximarum habitudine distinctam, qualem observatam etiam postea legià Diemerbrockio *Anatom. lib. III. cap. VI.* ubi scribit: *His arteriis (scil. plexus choriodis) bis terve vidimus unam venulam manifestissimam, secundum totam plexus longitudinem admisceri, (quæ alioquin rarò conspicua est) suamque sanguinem in tertio ventriculo infundere vena illic medio plexu semper interjecta, ac se in sinum quartum exonerantis.* Atque hac occasione in sui contemplationem me simul invitabat copiosa feri lymphatici in cerebri ventriculis vulgò sic dictis anterioribus colluvies, ob sanguinis per sinus & venosa vasa cohibitum refluxum procul dubio adaucta, quemadmodum aliàs ligatis venis jugularibus feri extravasationem notavit *Louverus.*

OBSERVATIO CLIV.

D. JOH. MAURICII HOFFMANNI,

De

Uteri hæmorrhagia singulari.

**M**Atrona nobilis temperamenti Cholerico-serosi, annos 23. nata, cùm primum puerperium subsecutâ tertiâ septimanâ alvi constipatione laborâisset, ex consilio vetulæ medicastræ umbilico admovit salviâ cum butyro frixam, & ecce post aliquot horarum spatium alvus soluta officium fecit, tanta verò per uterum simul excitata est uteri hæmorrhagia, ut in supremo vitæ discrimine versaretur puerpera: notabilis simul obveniebat mammarum antea lacte turgidarum subitanea flacciditas, & momentanea lactis evanescencia, nec alimentis nec medicamentis lactificis postmodum restaurabilis, certissimo indicio, sanguinem omnem ad supplendum vasorum uterinorum inanitorum spatium properâsse, naturamque de eodem restaurando & individui potius



quàm speciei conservatione sollicitam chylum omnem sanguini destinasse.

## OBSERVATIO CLV.

D. JOHANNIS MAURICII HOFFMANNI,

De,

## Intestino Cæco.

**C**OECI Intestini, exiguam licet, cavitatem, in foetu humano facibus semper repletam Anatomicorum primicerii docent, ego verò cum hisce diebus monstri gemelli & abortus seximestris humani dissectioni vacassem, nullibi à cæco, flatu tantum occupato, vel tantillum meconii observare potui, an ergò in brutis potius credemus, cæcum perpetuò facibus infarctum esse?

## OBSERVATIO CLVI.

D. ROSINI LENTILII,

Febris malignæ Singultuosæ non lethalis confirmatio.

11. A. V. 66. 116.

p. 235.

**O**Bsecro Naturæ Curiosos, ut observationes à Collegis *Ephemeridibus* communicatas, cum primis Practicas, data in eam rem occasione, periclitentur, atque, ubi aut similia observare, aut effectus dexter contigit, suo easdem testimonio roborare non graventur; Sic enim utilis, ferè labor noster erit, nec quidquam peccabimus, si forte unius generis observatio vicibus aliquot recenseatur, quæ, nobis inde certioribus factis, majorem adeo fidem promerebitur. *Decad. II. Anno II.* inseruit Excell. *Zephyrus noster*, mulieris *historiam* Ordine 62. ex febre maligna singultuosa curatæ; quam

quam eandem curationem confirmatam sequenti observatione sisto. Vir in hac Urbe Primarius, annorum circa LVI. domum post epulas reversus, occasionem frivolum nactus, in ferventissimam iram excanduit: Noctu quassatur ingenti horrore, quem insequitur æstus; & pressio pede tanta artuum debilitas, ut, è lecto surrecturus, temulenti ad instar, gressibus incertis titubaret: Posteris diebus in deterius omnia ruere, dejici appetitus, sitis ingruere, sine tamen dolore capitis. Die quarto singultus levi brachio ægrum corripuit, cui & medicamenti primum levioribus contra itum: Sub noctem, cum intensiore conamine ægrum exerceret, exhibitus è C. C. usto, mithridatio, laud. opiato & miva cydoniorum bolus, extra è stomachicis sacculus; aliquoties inde quiescere visus, manè atrociori conatu revertebatur, exhibiti pulveres è C. C. usto, Terra Sigill. bez. mineral. lap. prunellæ & laud. op. cum Camphora. Vesperi delirium inopinato ingruit vehemens unà cum singultu; omnia in deterius nunc ire visa, periculossissimo symptomate singultu lugubria quæque comminante. Accitus ad curam honoratissimus Collega meus *D. D. Welschius*: Communicatis proinde consiliis illico pulverem supra dictum cum bolo armena & duplicata laud. opiatu dosi, nempe ad granum duo, præscripsimus. Interea, ut delirio obviam iremus & æstui, parata frontalia, it. epithemata propulsibus pedumque plantis, gargarismi imperati, decocta refrigerantia & Julebi ob singultum parcius adhibita, alvo adstrictiori cottidianis clysteribus prospectum. Jamjam morbus idemtidem invaluit, & salutis spes parca: Denique commodum inciderunt mihi species diacretæ Myns. quas cum alexipharmacis & laudano sociatas, aliquoties propinavimus hunc in modum: *℞. Spec. diacret. Myns. ʒj. Bezoar. mineral. lap. prun. ana ʒss. laud. op. gr. ij.* Parata rursus Emulsio *Zephyri nostri l.c.* descripta, foris regioni stomachi applicabatur Cataplasma è fermento panificum, theriacum & nuce moschata. Omne punctum tulisse videbantur

Oo 3.

diacretæ



diacretæ species, remisit enim sensim singultus; ita, ut in singulos dies laudandi dosibus detraheremus; Die 12. prorsus evanuit, æstus deferbuit, & jam desperata valetudo reversa erat. Quis jam dubitasset nos in vado consistere? Sed quàm sint vanæ spes mortalium, tristis eventus comprobavit; Cum enim Patiens jam dies computaret in publicum proditurus, enormi diæta multis modis convalescentia sua abusus, in recidivam, si-  
ne tamen singultu, lapsus, urina sana, pulsu sano intra triduum interiit.

### SCHOLIUM.

**S**ingultum in febribus malignis ut plurimum lethalem nemo miraretur, quisquis cum *Helmontio* sedem Animæ in stomachi membrana interiore collocaret. Utiq̃ue enim esset metuendum, ut, quæ tot impetuosus pulsibus feriret januam languens Anima, nidum illinc brevi migrare intenderet. Abundat hic suo, ut in plurimis aliis, sensu, magnus ille Toparcha, quem, cum Animæ bruta & ignobili sede valere merito jubent saniores! Posset equidem tolerari, si solam animam sensitivam nidorosa illi culinæ manciparet; eundem verò & ipsi Rationali adsignari, non ferendum. Sic autem ille *tr. de sed. anim. §. 17.* *Mens non habet propinquius aut similis sui subiectum, in quo hospitetur, quam illud lumen vitale, quod dicitur anima Sensitiva, in qua sc. mens involvitur, & mandato Divino ligatur vitæ vinculo.* Si enim animæ rationalis sedes in stomacho, cur ea brutis denegata? à quibus quamplurimis, canibus puta, porcis &c. nil quidquam stomacho differimus? Idem esto de corde judicium, quæ similia cum quamplurimis brutis habemus. Arbitror enim Animam rationalem (si ei certa est in aliquo viscere sedes) utpote à brutali longe diversissimam, congener etiam sibi domicilium possidere, nec posse cum bruta in consimili diversorio hospitari. Id autem in cerebro statuere, nil vetat, cum hoc sit viscus, non mole tantum, sed

sed artificiosissima structura, brutorum omnium cerebra post se longissime relinquens, atque adeo dignum tanto hospite Palatium. Nil obstat ab hoc vulnerato evadere Homines, quin ejus, per fulmina, supposito salvo, integra cochlearia esse exempta; secus autem in corde fieri, ut, quo vulnerati illico moriantur, quod primum sit vivens, ultimum moriens. Nam è cerebro, salvo Subjecto, vix quidquam, præter corticosam substantiam eximere licet, tacta autem pineali glandula mors ingruit momentanea: Legi in hanc rem meretur virtuosissimus *nosfer Aretæus Ann. II. Dec. II. Ephem. obs. 29.* Cordis autem vulnera non illico esse lethalia, observationibus probant Excell. *nosfer Andromachus Dec. II. Ann. II. obs. 138.* quin & *Æolus* atque *Pollux Ann. III. Dec. II. obs. 113. & 114.* Immo exemptis hisce animalia supervixisse *Ann. I. Dec. II. obs. 132.* ostenditur. An primum sit vivens, ultimum moriens dubitat *D. Cöllerus Ann. II. Dec. II. obs. 143.* cum in abortu humano non sit repertum; ibique statuit punctum sanguineum salientem, non esse Cor, sed totam fetus formandi, per omnes corporis partes, ideam, cui sententiæ, cum adeurata ovarum inspectio (de qua *Oologia mea*) contrariari videatur, eam tantisper meam non facio. Totam autem litem, ut & innumeras controversias diremtum iri autumo, si duplicitas animarum in Homine concedatur, quarum sensitiva & corporea à Parentibus propagetur, aut cordi, aut, per me, stomacho inferenda, altera immortalis mens à Deo creetur, in cerebrum collocanda. Commodum mihi hoc incidit: Volunt aliqui Lutheranorum, *Lutherum nostrum* nimis inhæsisse quantum Versioni vulgatæ. Ad, quei venit, quod iste locum *Gen. 2. vers. 7.* ita vertit: Und Er blies ihm den lebendigen Athem in seine Nasen. Nam ita versio vulgata: & *inspiravit Deus in faciem ejus spiraculum vitæ*, quamquam versio *Junii & Tremellii* verterit, loco, (*in faciem ejus*) (*in nareis ejus*) Id quod etiã Textus Hebraicus innuere videtur, nam cum synonyma sint, <sup>87</sup> ut quod simul denotat, & nasum & faciem, non



non tamen sine causâ & *Lutherus* in Germanica, & *Tremellius* in Latina per nares verterunt vocabulum *ἡ ψυχή* quasi dicturi essent, non esse in aliâ quàm capitis peripheriâ animæ rationalis & immortalis domicilium, alioqui pantocrator Deus non æque in nares (si sedes in cerebro non esse debebat,) quam fortè in os ipsum vitalem spiritum insufflasset. Posita hac sententia Cor anima sensitiva vivet & movebitur, ante formatum cerebrum, & cadet nobilis inter Academicos de creatione & propagatione animæ, dissensio. Cur ergo glandula pinealis, notante *Bartholino*, major in brutis ratione destitutis? Eadem ego licentia quæram, cur in brutorum haut equidem paucis Cor humano proportionem majus? Sed, ut quadamtenus quærenti de ista glandula satis fiat, statuendum existimo, cum *ἀνάλωγόν τι* rationi brutis denegandum non sit, animæ sensitivæ brutalis partem defecatissimam ibi hospitari, quæ, ut materialis, majore domicilio egebat, secus, atque rationalis humana.

Singultus non est diaphragmatis, quod *Sylvio* placuit, sed ventriculi affectus convulsivus, à quacumque irritatione nervorum sextiparis, dextrum ventriculi orificium ramis sat speciosis circumcingentium, dependens, qui, dum violenter se contrahunt, dictum orificium una convellunt, ubi non fieri potest, quin ob contiguitatem trachæ cum œsophago ejusmodi contractio, cum primis fortior, cum sono, nunc minori, nunc majori, conjuncta sit. Hoc præcipuè demonstrat substantia ventriculi membranosa, nervea, fibrosa, & ejus orificii, utpotè ad convulsiones sustinendas aptissima, probant juvenia & nocentia, omnium autem optime cura per Terrea absorbentia, cum stomachicis mixta, quales sunt diacretæ species & opiata, tum constringentia & anodyna externa. Diaphragma proinde per consensum magis, ob ejus cum nerveo stomachi orificio, connexionem vicinam afficitur, non primario. Nec obstat singultum excitari posse ex proæresi, hinc non esse stomachi actionem, quarum nullæ obediunt voluntatis im-

tis imperio, sed animale potius: Præterquam enim, quod non à quolibet excitare sponte queat, ut à me & innumeris aliis, quin à paucissimis, quot tamen, si esset mere animalis actio, necessarium foret, ita plures toto die ex Epicuri nepotulis videre licet, qui, quoties volunt, imò vel centies, ructari possunt & pedere, quas tamen actiones nemo animales dixerit: Quinimmo, si ex arbitrio pendent animales actiones, cur non singultum semel excitatum rursus cohibere licet? Censebitur itaque Singultus ex animali & naturali actio mixta, & stomachi adfectibus adnumerabitur.

Singultiunt sæpe, febre maligna laborantes, non tam à materiæ malignitate & acrimonia, quam ab errore externo, perpetuato nihilominus singultu per morbi decursum, & lethali. Bina exempla à me observata, in medium proferam. Anno 1679. Nobilis quispiam Curlandus febre continua correptus, & aquam multam & cerevisiam frigidissimā, cum tabaco, hausit, ut æstum, quo urebatur magnum, restingueret, hinc vi, post exitiale refrigerium, per nicotianam ad vomitum compulso ventriculo singultum excitavit, per 14. dies non interrupto impetu continuantem, nullisque medicamentis, nec opiatis, coërcibilem, mortuus enim est inde æger. Alius Mercator Mitaviæ ex febre maligna decubuit, cum gravi delirio, sed absque singultu; Mulierculæ vesanæ (quæ iis in locis æque sunt molestæ ægrotis, cum vanis suis consultatiunculis, quam apud nos in Germania) citra meam voluntatem, inscio me, suo more ægrum refrigerare sustinuerunt, id quod sequenti modo solent effectum dare: Caprillum stercus in cerevisia secundaria coquunt, quod decoctum calide sorbillat æger, postea florem lactis cum aceto miscent, & spinam dorsi inungunt, simulque madefacta hoc unguine lintheamina cataplasmatibus in morem, lumbis, femoribus & inguini applicant: Fateor me admirandos effectus, in robustioribus naturis ab hac æstum sedandi ratione, vidisse, sed & sæpius exitus funestos; vel enim



À repellente medicamine infecuta suffocatio, vel singultus, quod ultimum apud Mercatorem contigit, vocatus itaque de nocte, cum rescissem acta, vix potentiissimis medicaminibus intra triduum singultum compescui: plures autem morte luerunt empiricum refrigerii genus.

In ægroto nostro punctum omne tulisse visæ sunt species diacretæ Mynsichti, molestissimi & infauti symptomatis dormitrices. Commodissime & oportuno plane tempore inciderunt mihi in mentem, quorum ingredientia omnino ad rhombum fuerunt. Persuasus enim eram omnem hunc singultum ab acido-Salinis halitibus, orificium ventriculi vellicantibus, profectam; quos proinde commendatissimas ad singultum habeant sibi medicinam qui faciunt.

Potiores sibi in compositione Creta alba vendicat, ad acidum absorbendum aptissima, hinc etiam pro ardore ventriculi (Sodam barbarè vocant) compescendo, vix præsentius remedium invenias, cui usui potissimum à Mynsichtio dictum. Zythopeptæ acri cerevisiæ medentur injectâ cretâ: Adsciscit sibi in sodalirium bolum Orientalem, Coralia rubra præpar. lap. carphon. eâdem aciditatis absorbendæ intentione.

Demulcent acrimoniam ac spicula obtundunt in consortium adoptata radix glycyrrhizæ & cydoniorum unctuosum fermen. Locum affectum nux moschata cum mace & mastiche respiciunt, & simul adstringunt; hinc macem torreri jubet Auctor. Crocus anodyna virtute commendabilis est, gratiamque Saccharum conciliat.

Est præterea medicamentum hoc laude dignum, quod in brodio statim liquefiat, nilque delicatis negotii facessat, secus atque pulverum nonnulli, qui diutina subactione opus habent. Huic proinde, si malignitatis respectu bezoardicum minerale; æstûs atque sitis, lapis prunellæ addatur, & laudani adjecta dosi acuetur, medicamentum hinc in singultu malignis juncto, par inveniri posse vix credo.

Adfue-

Adfuere multi (ut solet in ejusmodi affectibus) promtam hujus symptomatis coercitionem spondentes: Medica quædam suavit, ut aquam extinctionis chalybis & auri potaret; alii voluerunt, ut cataplasma è cepis assis calidum cordis scrobiculo applicaret; alii nidum hirundinis in lacte coctum, quod stomacho applicatum, materiam morbificam per alvum exturbaturum pollicebantur; sed horum nihil à me & honoratissimo Domino Collega tentatum, prætercepas, quarum foetorem, cum æger sustinere nollet, tempori removimus.

Recidiva ut plurimum priori morbo periculosior: Ratio est, quod ab illius, sc. prioris morbi, impetu, natura in pristinas vires nondum surrexerit. Non itaque se habet aliter recidiva, quam obsessum ab hoste castrum, quem virtus & sollicitudo obsessorum propulit; hi autem inde securiores facti, dum munimenta bombardariis & tormentariis ictibus labefactata non reparare student, ab alio hoste denuo infestati, incauti demum opprimuntur.

[ *Nordlingâ A. 1686. d. 7. Febr. Augustam Vind. allata.* ]

OBSERVATIO CLVII.

D. SAMUELIS LEDELII,

*Pudor intempestivus est causa mortis.*

**S**ub regimine Antonii Pii Imperatoris, Philosophi Secundi mater moritur præ pudore, cum filius ut inco-  
gnitus ab ea incestum petierat, ipsaque annuerat; ille  
verò deinde, quod filius sit, ipsi exposuerat. De puellis  
Japonensium plurimi referunt, quod etiam præ pudore mori-  
antur, allegantque exempla, quæ hîc consignare supersedeo.  
Pastor cachecticus, statæ ætatis, laborabat nimio fluxu hæmor-  
rhoidum,



rhoidu[m], cum virium insigni imminutione. Medico de affectu nil dicebat, & ille curabat nescio quid, nam

*non intellecti nulla est curatio morbi.*

In ultimo morbi articulo constitutus ægrotus, explicabat adstantibus affectu[m], & obibat. Ab erudito hoc erat intempestivus pudor; veruntamen quibus hujus viri genius erat cognitus, non mirabantur, quippe qui in vita erat mirabilis, talis erat etiam in morte. Præterlapso anno rustici uxor 26. annorum, à cibo & potu inordinato, incurrebat suffocationem uteri cum prolapsu, & fluxu alvi continuò, aëriq[ue] frigidiori in fine Novembris, dum ventus nimium erat vehemens, se exposuerat, noctu plus 10. vicibus alvum exonerans. Camera etiam erat frigida, ubi decumbebat, inq[ue] tali statu 8. insumebat dies. Penultimo die notum facit affectum, quem præ pudore occultaverat, verum assidentes meram uteri suffocationem eum judicantes, neque periculum subesse putantes, quia tempestas erat impetuosa, differunt consilium Medici ad alterum diem. Interim illa moriebatur cum summa cordis anxietate, fluxu alvi, calore totius corporis & sudore copiosissimo.

[1686. d. 10. Febr. Grünberg à Augustam Vind. allata.]

### SCHOLIUM.

*S. Butzsch* Pudoris hujus intempestivi funesta exempla si ullus morbus, iliacus certè ex hernia intestinali oriundus suppeditat; quam dum eâ laborantes, præ nimia verecundia, sedulò etiam in eam inquirentibus Medicis, propalare recusant, intestino prolapsu temporis diuturnitate inflammationem & gangrænam subeunte, nec in naturalem locum recedere amplius apto, eosdem frustra tandem morbum patefecisse, mortemq[ue] miserè oppetiisse, non unâ vice observavi.

(L. Schröck, L. F.)

OBSERVATIO CLVIII.

D. ROSINI LENTILII,

Coralia, quæ ruborem perdiderant in corpore ad sensum sano, in cachectico eundem recuperant.

**H**elmontius *tr. tumul. pest. p.m. 263.* ita: *Corallum rubrum frictione ad mulierem ex utero agrotantem, pallorem contrahit permanentem, verum ad carnes sanæ mulieris affricetur, pristinum recuperat fulgoris ruborem.* Idem *tr. de conceptis §. 26.* legere est. Ego, quid in simili casu experitus fuerim, proximè enarrabo: Serenissima Curlandiæ Princeps, Potentissimi Electoris Brandenburgici Soror, virtuosa, & innumeris corporis animique dotibus longè insignissima, gestavit armillas è Coralio raritate magnitudinis pretiosissimo. Cum fortuna forte afflicta uteretur valetudine, ab eo latere, quo cutem armillæ contigerunt, præcipue verò ipsas Coraliorum extremitates, rubeo suo fulgore penitus depauperarat, ut quis pigmento ante incrustata, nunc fuco nudata credidisset, immo & notata ibi locorum cum pallore quædam scabrities. Nec verò, quod in conceptis *Helmontius* voluit, pristinum ruboris nitorem, cum recuperata valetudine, ea resumserunt, sed eadem illis amantùm propria facies, pertinaci constantia perseveravit. Indignus proin tanti pretii mundus, qui speciosos Ducalis corporis lacertos ornaret, iudicatus, in prædam Fölkerfamiae, generosæ mulieri, cessit, sed nec ibi ruboris gratia rediit; Igitur alia Nobilis virgo, cui numquam non cum infirma valetudine lis erat, cachectica, chlorosi laborans, facie pallidissima, armillas brachiis adaptavit suis, tam egregia cum metamorphosi, ut una nocte pristinum ruborem felicissime recuperarent.



## SCHOLIUM.

**H**Elmontius loc. *supr. cit. tum. pest.* ita : Si igitur lapis. inquit, magnam habeat virtutem in usum humanum, ipseque durissima gemma, sapientis testimonio, virtute sint fertiles : necesse id est contingere irradiando in corpus, quod attingunt, propemodum instar astrorum : Heic verò se pure passive Coralia habere videntur, quibus tamen cum aliis solidissimis corporibus effluvia sua nullatenus deneganda. Videamus tamen, an etiam per irradiationem imperceptibilem, & imaginariam, an verò per alia quædam corporis humani effluvia ejusmodi coloris mutatio contingere queat ? Videmus facta per acidos liquores corrosione Coralia suo ad sensum rubore exui, eoque fere promptius, quo acidum est magis penetrans ; Serenissima verò Princeps ex utero & hypochondriis, malo ferme in consuetudinem irroborato persæpe laboravit, morbose tamen parum in vultu præterea ostendens, sed cuique credita sanissima ; Uti autem uterinæ istæ affectiones plerumque originem ducunt à vasorum obstructionibus, unde sanguis ibi subsistens, oppressis particulis balsamicis & salinis volatilibus indolem acetosam adsciscit, halitusque consimiles per totum corpus expirat, qui per insensibilem transpirationem extra corporis poros delati ; qua Coralia tetigerunt, violentiore destructione & corrosiva, ac subtili, virtute, colore rubello, dispositis aliter superficiebus, hæc exuerunt. Quin autem, ais, non in omnibus hystericis illa contingunt ? Aliter equidem ego respondere nescio, quam, vel causam me ignorare, vel scorbutum illis regionibus endemium, additis acetositati salinis fixis particulis, & inde quasi facta muria, potentius heic operari. Magis arduum videtur discernere, quei colorem recuperarint in corpore cachectico, pallido, chlorosi laborante ? Nam & hic morbus cum primis acceptus fertur sanguini, particulis sulphureis & balsamicis depauperato, & sero in acetositatem everso. Liceat mihi pal-

loris

loris virginalis causam adhuc aliam hanc adducere, quod nimirum in salacibus & viripetis, udor lymphaticus, lasciviæ, femininæ auctor (cujus egregiam sane descriptionem *Thessalus* noster in *Ephem. Ann. II. Dec. II. appendice* tradidit, in ἰσχυροῦς & effervescenciam quandam actus, parenti suo, sero multas ἀναθυμῶν salinas volatiles communicet, quæ per glandulas subcutaneas exspirantes Coralia casco rubori reddere potuerunt.

Patet hinc etiam, quam futilis sit per acetosa & corrosiva menstrua parata decantatissima Coraliorum Tinctura. Occulant enim potius, seu subvertunt ruborem, non extrahunt; hinc ope salinorum volatiliū levi brachio restituitur. Valeant itaque proletriæ illæ & vulgares Coraliorum Tincturæ, qualem, si quis insipido menstruo extraxerit, is sane magnus mihi Apollo habebitur.

Caraben, ajunt, qui gestat, indicem valetudinis vel habere prosperæ, vel afflictæ certissimum: Quoties enim succinum expallescit, morbus bellum denuntiat, inita cum natura pace, pristinam faciem resumit. Id in B. Parente meo se observasse, Mater sæpenumero commemorat.

Ob materiæ affinitatem occurrit, quod adseveravit Serenissimi Marchionis Onoldo-Brandenburgici Minister quidam, Chemicarum rerum non ignarus; nimirum, se parasse arte Chimica *Mercurialem annulum* in statu sano fulvo colore illustrem, sed, ubi corpus languet, nigrescentem, recepto tamen iterum colore; item, eundem annulum venena, ubi qua sint præsto, detegere. Annulum ipsum ego hac manu mea contrectavi.

Monstravit idem frustum Auri puri 3ß. pondere, ex argento, it. Argenti 3iij. præterpropter pondus, è cinnabari nativa, à se, quod ajebat, extractum. It. in Palatinatu superiori, effodi Terram mineris gravidam, quæ calcinata & elixiviata sal reddat, per retortam spiritum exsudentem, extemporaneum Mercurii fixatorem.

Elegans



Elegans est denique de Coraliorum Tinctura iudicium *Hesperii nostri*, qui in *Gen. errant. cap. 22*. Paucissimi, inquit, eorum, qui tantas contentiones de Tinctura Coraliorum fovent, uti quidem fas esset, cogitant, an etiam ut maximè vera Coraliorum Tinctura haberetur, tantas, quas accipit, laudes in Medicina mereretur per se, modo ortum, conditionem & vias abjecti & fixissimi illius succi lapidescentis curæ & cordi habeamus. Conf. quæ Excellentissimus *Grimmius Ann. I. Dec. II. obs. 173. Ephem. nostr.* in hanc rem adnotavit.

## OBSERVATIO CLIX.

D. ROSINI LENTILII,

Noxa panis à forno calentis comesti.

**L**ocumtenens Veteranus in Misnia, Vir provectioris ætatis, conjugem sibi Juvenulam sociavit, cum ea liberiorum aliquot factus Parens. Ut solent plerumque, qui sequuntur in juventute militiam, prædæ loco, cum artubus mutilis, pauperiem senes reportare, ita & huic erat res domi angusta, uxorque contextis tibialibus familiam sustentare coacta. Contigit autem, ut hæc, Saxonum Halam ad nundinas profecta, maritus interea farinam nactus, panes pinferet filigineos, quos è forno calentes, triduana fere abstinencia exhausti liberi, indulgentissime abliguriunt, superbibita cervisia secundaria. Ecce Tibi, præterlapsa vix hora una, tres pueri nefarium appetitum suffocatione tristi luunt, quos frater superstes altero post die, mirum excruciat, pede pressio sequebatur.

## SCHOLIUM.

**P**anis, omnium elogio, cibus maxime naturalis, & prope modum universalis, non obstante, quod *Helmontius tr. victus rat.*

*Etus rat. §. 14.* cum non verum cibum, sed tantum obsonium appellet, eo, quod aliqui sine pane victitent. Non enim Panis prerogativæ quidquam inde decedit, quod aliquæ gentium inenarrabili hoc dono destitutæ vivant. Magis arridet elogium *Quercetani diat. Polyhist. l. 2. c. 5.* In pane, dicentis, *basis & fundamentum nutrimenti præsertim est positum, quod ex granis multo spiritu Aquâ vitæ & balsamo fecundis, quæ cum nostris spiritibus & nectare vitali magnum habent consensum; eleganti artificio, & preparatione salubri concinnetur, citra quem, aut aliquid simile, quod constantis sit corporis, commode vivi non potest.* Nec, quod ego addo, sine causâ Salvator Noster sub pane quotidiano, ceu generali medio vitam humanam conservandi, omne, quod ad hanc tolerandam necessum est, comprehenderit. Hinc tam reverenter hodiernum panem Judæi habent, ut 1. vas nullum ei superstatuant, 2. nulla patina ejus frusto suffulciatur, 3. nullam post rem jaciatur, sunt verba, non mea, sed *Buxtorfii Synag. c. 7. p. 207.* Hinc Pistorem primarium Pharaonis Ægyptii *Genes. 40.* propterea Regis iram meruisse, quod massæ silicem forte immixtum, cum Pane pistum, inscius Regi obtulerit, quem admordendo dentes hic læserit, Rabbini, suo more, fabulantur.

Panis tamen nausea nonnullos fuisse detentos hinc inde *Nostra Ephemerides* testantur, quibus addo, me novisse Magistrum quendam Equitum, qui secalinum quidem bene; ad siligineum & triticeum panem citra deliquium vorare vix potest, quem eundem vidi animo lictum ab odore moschi, confecturis (quas vocant) immixti, cui deliquio crusta panis secalini cocta, naribus admota, medebatur. Harum averfationum veræ rationes, ut aliquando dantur, ita semper dari non possunt.

Noxæ à panibus è forno calentibus contractæ Auctorum plures commemoraverunt; hinc Diætetici eum talem comedere vetant, & repletionem panis cujuscumque adagio pessimam,



non tantum, quod sit index pauperiei, sed quod revera in stomacho debili sit onerosissima, *Helmontius l.c.* recte affirmat.

*Panis non calidus, nec sit nimis inveteratus,* præcipit *Schola Salernitana*, & vere ex *Avicenna* ibi allegatur, quod inflet, & immodica viscera obsepiat atque obstruat. *Martinus Panfa* in *dieteticis* non laudat panem, nisi minimum ante 12. horas pistum: Vid. etiam *Sim. Paulli Quadrip. Bot. hist. Secalis.*

Ut viderem, quid de pane adhuc à forno calente fieret, ubi masticatur & comeditur, rem analogâ quadam cum ventriculi digestionem, experiri constitui: Cepi igitur panem jam è forno extractum secalinum, ejus bonam partem masticavi, & vitro latioris orificii credidi, aspersa notabili salivæ quantitate, & insuper cervisiæ bono haustu, atque, ut ventriculi fermentum acido-salinum promptius æmularer, Nitri puri tantillum, solutioni cinerum clavellatorum cum aqua simplici fontana factæ, miscui, & post aliqualem digestionem liquorem filtratum volatilem massæ illi adfudi, Vitrum probe observatum in digestionem collocavi; sed ægre fermentatio processit, lentoque gradu bullæ hinc inde adsurrexere, tantumque abfuit, ut massa illa decenter funderetur, ut potius in seipsam consideret nunc, nunc inflatione grandi insurgeret, tantum cum lentore, ut jurare queam, vix ullum gluten esse glutinosius; odor autem, qualis est lixivii communis, inde exspiravit. Si acetum illud naturale, seu spiritus Saturni vegetabilis, & spiritus Aureus quintæ essentiæ depuratus, succi pancreatici & biliosi vicarii, quales in *Chrysogon. anim. & miner.* Excell. *Tackius* memorat, ad manus felici adfuissent, tentassem, quid inde chyli expectari potuisset. Quidquid sit, arbitror, à crassis, terrestribus & viscidis exhalationibus, quas ejusmodi panes recenter pistæ, & masticatione in priorem ferè massam crudam redactæ exspirant, ventriculum, cum primis à diuturna inedia jam flaccescentem, affusa insuper cervisia, miris modis inflari, glutino-

glutinosum inde chylum generari, vasa mesenterii & reliqua, expandi, sanguinem limosum ad motum ineptum reddi, circularemque motum tardari, Cor multis palpitationibus quassum obrui, flammam vitalem ab impuro pabulo suffocari, mortem insequi.

Miles Suecicus cum Anno 1678. per Livoniam & Curlandiam hyemali, ac proinde molesta, expeditione, Prussiam impeteret, Panisque defectu tritico & secali cum Aqua & sale cocto intemperantius vesceretur, ventre intumescendo suffocatus, maxima sui parte interiit, quamquam & gelu plures perierint: Id revocavit in memoriam locum *Galenii à Quercetano l. c.* adductum: Ubi se, cum sociis, famelicum apud rusticos triticum cum Aqua & sale coctum, affatim, copiose & ad satietatem comedisse recenset, sed tali cum eventu: A coena gravitatem in ventre, ad instar incumbentis luti, coeperunt sentire, postridieque toto die crudi, cibum fastidientes, languebant, adeo, ut nihil possent omnino adsumere; Præterea, flatulento spiritû plenis, caput dolebat, oculique, ceu per nebulam cernentibus, caligabant.

Spiritum Panis analepticum, quem tantopore *Kergerus*, aliique extollunt, ut non vidi, ita nec possum laudare, nec culpare, non tamen nego, me vix tanta in illo liquore quærere, ob immensam istorum spirituum volatilitatem, quæ vix coërceri potest. Aquam *Rubai* è pane adhuc calido, destillatione per descensum, ad surditatem parata, & à *Sim. Paull. l. c.* allegata, experimento meo, insipida est. Interim testatur experientia, panem & medicamenti loco multis affectibus inservire, quorum Catalogum Practici exhibent.



OBSERVATIO CLX.  
D. ROSINI LENTILII,

De.

## Excisione tumoris Sielodis in Gravida.

**E**legantia forma Sculptoris nostratis uxor, viginti & aliquot annorum juvencula, inde à prima Juventute Odontalgia subinde laboravit. Jam ante biennium enormis dentium dolor tuberculum pisi quantitate, in maxilla superiore dextra, supra dentem caninum, sui vestigium, ingratus hospes reliquit, quod, cum parum incommodi ferret, utcumque toleratum. Sub anni 1684. auctumnum à dentibus laborare denuò coepit, comite tum quidem Igne sacro, eoque loco, quo tuberculum prominebat, exortum ulcus, quod ficubus in lacte coctis ruptum, plurima sui parte laudabile pus evomuit, verum, erysipelate perpetuato, paucis post diebus, recens affluxus Tumorem expandit, qui statim duriusculus &ensus evasit, quorsum repellentia fortiora, pro delinenda rosa foris adhibita, haut minimum contulerunt. Cum igitur incrementum tumor sumeret, consultus Cheirurgus nostras, egregius & exercitatus, *Dn. Johann. Georgius Lang*, decoctum ex herbis emollientibus cum lacte, ut ejus subinde calidi cochlear unum atque alterum in ore teneret, ordinavit, foris emplastrum de gummatibus cum spermate ceti. Catarrhis exsiccandis & evacuandis pilulæ; hinc revulsionis fine, saphæna dextri pedis pertusa. In eodem tamen statu tumor nec discussus nec emollitus perduravit, usque ad nuperæ conceptionis momentum, postquam enim est gravida facta elegans muliercula, indies tumor increfcere. Parati à Cheirurgo trochisci è ficubus ex acin. rad. alth. sem. lin. fœnigr. in lacte cocti, & calentes appliciti, sine notabili effectu, nisi, quod tumoris, antea vix toleranda, tensio remittere visa. Denique, his pa-

his parum proficientibus, ego vocor: Examinato tumore, non esse, nisi in sectione remedium, pronunciaui. Non enim erat adeo durus tumor (dolorem taceo) unde prælagiri scirrhus posset, neque heic discutientibus erat, neque emollientibus ullus locus. Tumor autem quotidie expansus, genam & os tortuosus anfractibus deturparat, & metus erat, ne, successu temporis, tum sermo impediretur, tum transitus alimentis, tum ori clausura, negarentur. Cheirurgi animum, nescio, qui timor habebat, suspicantem, ne forte tumor scirrhusus, sanguinem pro pure funderet, labiis excrescentias fungosas affigeret, & curationem aut postea, qui est ejusmodi tumorum mos, penitus frustraretur, aut periculi plenam redderet. Rationes præterea adduxit venularum & arteriolarum propagines ibi sine dubio radicatae, hinc insignem hæmorrhagiam, quæ vix aliter, quam actuali cauterio, ob incommoditatem loci, compescenda, oculorum nervis, per consensum, damnum illatura esset; quin, ob affluxum humorum, ab hac operatione varia symptomata esse metuenda, dolorem, inflammationem &c. nec esse hic defensivis locum, cum exterius imposita non penetrarent, interioribus aditus denegetur: Consultius itaque statuit per corrodentia, ut oleum Vitrioli & Antimonii paulatim tumorem & caute absumere; quæ methodus, cum longam manum expostulet, securior tamen ei visa, ob symptomata non adeo metuenda, & graviditatis statum. Ego verò sentire contrarium, nil nempe, ob rationes supra adductas, heic scirrhi, proinde nec venularum nec arteriolarum tantumdem; hæmorrhagiam, si qua inopinato fusior prorumperet, liquore stiptico, levi brachio, absque actuali cauterio posse cohiberi, suspicari me, pus in profundo tumoris latitare, ob dolorem pulsatilem, incisuram proinde requiri profundiorrem: Corrosionem æque cautissima manu perficiendam, affluxum humorum in gravidis esse majorem, & misellam, longa hac via, cum primis gravidam, gratis exerceri; denique



è *Mekerano* curam per incisionem, in casu simili factam allegavi. Cum & ægra vehementer hanc postularer, & consentiret Maritus, posthabitis in prægnante universalibus, incisio 15. Maij, 1685. scalpello secundum longitudinem, in eminentiore parte, profundior perfecta: Sed neutrius nostrum suspicionem exitus comprobavit; dum enim hæmorrhagiam ille, pus ego, expectaremus, horum neutrum vulnus dedit, sed aquam, seu serum, paucò sanguini mistum, nullo fetore naribus ingratum, limpidum, ad instar salivæ, ingenti & largo scaturigine, excrevit. Vulnus debite tractatum per crebras collutiones, turundas traumaticas & alia, levissimo negotio consolidatum fuit, nec ullum symptoma notabile inscutum, immo nec tumoris vestigium, quod è nimium expansa gena, non sine formæ dedecore metuebamus, foris relictum. Tuberculum, cujus supra facta mentio, cum novo tumori ansam præbere potuisset, corrosivis oleis intra paucos dies ablatum; prospectum fetui & gravidæ roborantibus, dentibus autem putridis Tinctura gummi laccæ, cum melle rosato & spir. salis. Nunc optime, facta Puerpera, vivit.

### SCHOLIUM.

Cuilibet planum existit, quâ ratione compulsus, tumorem hunc sielodem appellarim, quam ob rationem etiam dignus fuit judicatus, qui *Ephemeridibus* infereretur. Nec enim alii tumorum classi accensendus est hic plane peculiaris, quem existimo ortum traxisse, ab affluxu salivæ ex glandulis maxillaribus superioribus, quæ utrimque vas quoddam salivale, à *Stenonio* primum notatum, (quod tamen & sibi *Blasius* inventum vendicat) per buccinatorem musculum in oris cavitatem protendunt, unde materia tumori, & incrementum suppeditata. De hisce vasis in *disp. de Saliva & vasis salivalibus*, sub Excell. nostro *Argo*, Anno 1673. Heidelbergæ habita, fusius egi. Nec enim aliunde humor iste lymphaticus derivari potest, qui, nullus

nullus alius, quam salivalis, impediens tuberculo, exitum sui non inveniens, restagnando tumorem extulit; quale exemplum, deviantis ductus salivalis, *Kerkringius obs. 68.* exhibet. Accedit mulieris querela, quæ aliquot post septimanis, sibi, præter voluntatem, continua saliva os inundari conquesta est, quod tamen ipsi malum non fuit perpetuum, sed sensim remisit. Patet hinc etiam, eum primis aureum *Hippocratis 6. Epid. axiomata* Cheirurgis & esse discendum & usurpandum, quod tale est: *Μηδ' ἐν ἐκτῇ, μηδ' ἐν ὑπεροπῇ.* Ut enim improbanda, carnicum quorundam Cheirurgastrorum sævitia, gratis ubique secantium, & urentium, quales latrones mihi probe noti sunt; Ita non minus à superflua timiditate culpandi quidam, cujus nimie instinctu, optima sæpenumero subter manibus elabatur occasio.

Occasione salivæ in mentem mihi revoco Amicum quemdam meum, Medicum, qui, dum serio & diutius loquitur, salivæ guttas quasi per siphonem eructat, quæ continuo in albidissimam calcem concrescunt. Si quid conjiciendum, particulæ quædam alkalicæ terrestres à Spiritu Salivæ nitroso, seu acidulo solvi, hoc verò spiritu in saliva eructata ob volatilitatem suam expirante, calcem denuo coagulari, non secus, quam in Principis dicto, prope Jenam, fonte, cui imposita ligna, folia &c. lapide incrustantur, de quo *Jetringius diss. de calculo.* De hac salivæ concretionem ita ad me *Excell. Thesæus noster*: Salivam, in orbem stanneum eructatam, concrevisse in calcem albissimam, miror; crederem salivam continuisse salsedinem magnam, constat enim mihi, sanguinem scorbuticum Venæsectione emissum, in vas orichalceum, ejus acri à sero extractum fuisse Vitriolum coagulatum.



## OBSERVATIO CLXI.

D. ROSINI LENTILII,

De

## Processu Phosphori Hermetici.

Dec. I. A. VIII.  
Pag. 241.

**C**um ante hos annos paucos nemo ferè haberetur in curiosis, nisi, qui de Phosphoris, eorumque paratione, differere posset, diu in id incubui, ut & mihi de illustri hac materia quid innotesceret. Phosphorum cereum primo mihi videre contigit apud Excellentiss. D. D. Bilgerum, Physicum Esslingensem, Chemicum haut vulgarem, amicum meum insignem, quem ex Anglia sibi missum ab Agnato συννοήμα, Chimico celebratissimo, testabatur. Ejus conceptaculum erat aqua, è qua exemptus cito fumare, seseque ipsum consumere, incipiebat; pressus folio brassicæ, chartæque illitus, in tenebris, flamma cæruleo-rutilante se quidem commendabat, at fetore teterrimo molestissimus erat. Alterum mihi idem Excell. Bilgerus communicavit, liquidum, in quem penna intincta, manus, facies &c. non sine cautela, pingi poterant, ut quis, exacta candela, Diabolum magis, quam hominem, aspectu horridissimo, referret. Denique à milite quodam generoso, communicatus mihi Phosphori processus, quem ex Anglia genuinum sibi communicatum, sanctè affirmavit. Ego verò, quo minùs *Ephemeridibus* clare inferendum, elegantem sane, &, si quis alius, concinna encheiresi commendabilem, tametsi à manu parum latina conscriptum, processum sentiam, quid obstat, non video: Est itaque verbotenus & stylum talis:

Notabilis quædam quantitas urinæ lento igne ad consistentiam mellis evaporetur; Tunc olla quædam stercoreis humani, super igne satis forti calcinetur, donec non amplius feateat. Simili modo feces vini, unde spiritus destillatus est, exprimantur.

primantur, siccentur, & forti igne calcinentur, ut prius cum stercore factum est. Nunc misce ana calcinata mixturæ ster-  
coris humani & fecum vini; Interim imponitur Cucurbitæ  
portio quædam sapæ urinæ, de qua in principio dictum est,  
atque successive injice de duplicata mixtura calcinata, tantum,  
donec non amplius ebulliat, & reactionem faciat, tunc bene  
miscendum & finito omni sibilo, statim est apponendus alem-  
bicus, & destillandum lento igne, usque ad siccitatem. Tunc  
omne, quod destillatum est, novæ Cucurbitæ vitreæ imponi-  
tur, & tantummodo spiritus destillatur è balneo lento igne, do-  
nec rubræ guttæ ascendant, tunc cesset destillatio, spiritus ta-  
men adhuc semel rectificandus cum sale suo volatili, quod  
ipsum in destillatione concomitatum est: Rubræ verò guttæ,  
seu fusca residentia servetur à parte. His sic peractis sumatur  
bonus rectificatus spiritus vini, ponatur in Cucurbitam &  
injiciatur de calcinatis fecibus vini, de quibus in antecedenti-  
bus mentio, tantum, ut massa fiat instar tenuis pulmenti, post-  
modum destilletur spiritus vini inde; hoc spiritu vini extra-  
hatur tantum stercoreis humani siccati, sed non calcinati, quan-  
tum extrahere potest, & postea destilletur lente, erit spiritus val-  
de igneus, qui, cum antecedente spiritu Urinæ mixtus, rea-  
ctionem faciet, tertiumque aliquod salis medium producet,  
quod congelatus spiritus vini vocari posset. Porro forte  
quoddam acetum vini, sed non destillatum, funde super suffi-  
cientem quantitatem stercoreis humani siccati, sed non calci-  
nati, & destilla ex arena, usque ad siccitatem; hic destillatus  
spiritus fundatur super Oleum urinæ, seu residentiam fuscā,  
cujus in antecedentibus, sub destillatione urinæ, mentionem  
feci, tunc rursus fiet reactio, atque oleosum Sal volatile (talis  
quoque spiritus aceti stercoreatus fundi debet super Oleum Tar-  
tari ferens, & quoque Oleosum salis volatile exinde procedit.  
Jam: R. Sapæ urinæ, sapæ stercoreis humani, sapæ vini, sapæ ace-  
ti, ana, misce cum stercore humano siccato, cum Tartaro cru-



do pondere anatico, destilla per gradus, sub finem forti igne, quod in destillatione transit, tam spiritus, quam sal volatile, & Oleum denuò super proprio Capite mortuo rectificanda sunt, semper sub finem fortem ignem dando, donec sal fixum totum in spiritum transierit; Observatum est, quod si spiritus, sive sal, sive sapa urinæ cum sale Tartari fixo, vel Cineribus clavellatis probe per frequentem solutionem clarificatis & in salis formam redactis misceatur, & forti igne destilletur, sal fixum tandem elevari, & in butyri forma ascendere, quod noctu lucet instar ignis, per se, & cuicumque etiam re affricetur, citra tamen læsionem & quod non ardeat, ignis vere humidus, lucidus & non ardens.

### SCHOLIUM.

**D**E Phosphoris heic multa fari non vacat, præsertim, cum isthanc materiam satis, & suo more, id est, perquam erudite, nitidissimus noster *Phosphorus II.* exhausterit. Id tamen non nego, Processum hunc, præ aliis, quos legere varios contigit, maxime cum ratione consentire videri: Excell. *D. D. Bilgerus* materiam juravit, esse stercus & urinam, eamque sic sufficienter, pro ultimata destillatione, præparatam, è Britannia sibi missam, contrectandam exhibuit, erat massa levis, porosa, friabilis è fusco rutilans; Huncque Processum, cum ipsi legendum tradidissem, falsus est, à genuino parum vel nihil discedere. Fecidum ejus periculum, qui volet, faciat. Ego arbitror, primum Inventorem nulla intentione phosphori inquirendi, aliud quasi agendo, hunc reperisse, nam quis alioqui lucem in stercorebus quærat?

[*Nordlingâ 1686. August. Vind. allata.*]

OBSERVATIO CLXII.  
D. ROSINI LENTILII,

De

## Processu aquæ stipticæ.

**C**um adhuc in Curlandia versarer, Generos. *D. de Lettau, Sereniss. Hassiæ Landgravii*, ad Ser. Curlandiæ Ducem, Legatus, Vir Naturæ per quam Curiosus, inter alia monstravit decantatissimum liquorem stipticum, quem genuinum adseverabat, sibi que ab Excellentissimo *Nostro Priamo* communicatū, cujus sapor erat aluminosus, cum sedimento consimili, & effectus, Illo teste, præclarus. Hafniam deinde veniens, quæsi Chirurgum Regium, *Dn. Hacquard*, hujus aquæ Possessorem, experturus, num illa Hafniensis cum ea, quam Mitaviæ degustaram, ejusdem & esset saporis, & sedimenti; sed, quia dictus *Dn. Hacquard* apud Reginam Matrem in arce Nieköping Falstria moraretur, voti compes non factus sum, tamen si Illustr. tum adhuc in vivis, *Thom. Bartholinus* affirmavit, Hafniensem, ut sit aluminoso sapore, sedimento tamen carere. Post Lubecam appellens, cum de hac aqua sermones misceremus, ego, & Excell. *D. D. Hannekenius*, miratus hie est, in aqua, quam in Curonia videram, esse sedimentum, cum Excell. *Priamus* in litteris ad *D. D. Hannek.* testatus fuerit, aquam suam stipticam esse destillatum quid, qualia sedimentum habere non solent. Igitur Crailsheimium veniens, dubiæ prorsus fidei, cum ejusmodi liquorem optarem, volutavi *Acta Medica Hafniensia*, ibique in *Vol. 2. obs. 41.* reperi Illustr. *Bartholini* hæc verba: *Vitriolum primas tenere partes in hoc liquore stiptico, nulli dubitamus, quamquam de veneno aliquo, aliisq; ingredientibus, nebula quedam oculis nostris objiciantur. Illud sapore, quasi sorex, suo indicio se prodit. Mera solutio vel coctio vitrioli videtur.* Dif-

Rr 2

ficultas



*fi. ultas augetur unica, quod innoxie adsumi dicatur. Et hic totum artificium latet, ut Vitriolo vis emetica adimatur.* Hæc ille. Quamquã autem non sit contemnenda mille experimentis probata vitrioli vis adstringens, vel solo famoso venere sympathetico probatissima, non tamen videbatur mihi prorsus satisfacere, cum primis, cum aluminosus sapor, vitriolicum in Sapore vicisse, alumenque præ vitriolo cum minori acrimonia magis & potentius adstringere videretur: Hinc methodo Beckerianæ institi, quam describit *ejusd. volum. obs. 133.* & est mera quædam solutio limaturæ Martis & spiritus vitrioli, conjunctorum cum phlegmate vitrioli, cui post additur solutio alumin. crudi, cum aqua pluviali facta, abjecta residentia, & fateor, usum ejus non fuisse quidem spernendum, attamen nec sapor mihi videbatur penitus idem, nec interna propinatio usque tuta. Hinc in Excell. *Weberi* tractatum peculiarem & curiosum de liquore stiptico incidi, cum autem ipse Dom. Auctor interni ejus usus mentionem nullam injiciat, & ratio dicet, hunc liquorem sapore acriorem futurum, quam ut instar aquæ communis bibi queat, quod tamen vult primus Inventor *Bondetus Gallus*: præterea crudior mihi appareat compositio, & oleum vitrioli ʒj. ad liquoris ℥j. dosi præter rem major, cogitavi, num forte propior ad hanc aquam genuino more parandam accessus & via reperiri posset. Communicati proinde ab Amico quodam meo processus bini, quorum primus à Weberiano parum dissidet, & geminus perhibetur à Gallo Clerico ipsi. datus lingua Gallica. In Latinam tralatus ita sonat: *℞. Vitrioli, aluminis rochæ, & phlegmatis Vitrioli ana ℥j. pulverisetur vitriolum & alumen, & simul injiciantur in vitrum capaci, cui pulveri superfundatur vitrioli phlegma; Vitrum imponatur calori arenæ lento, usque dum media pars dicti phlegmatis evaporarit, quod restat, per chartam emporeticam filtretur & reponatur in cellam pro crystallisatione: liquor restitans decantetur in aliud vitrum, cui*  
*miscea-*

miscetur olei vitrioli 3j. quæ parum invicem digesta, usui ferventur : ad gratiam liquori conciliandam torna Solis eum tingere licebit. Ad hunc modum liquorem in Officina nostra Weinmanniana sat elegantem parare jussi. Alteram descriptionem idiomatis Germanici talem transtuli. Rec. Mineræ Vitrioli q. v. fac ut in in aëre liquecat, hujus liquoris pars sexta evaporetur, cujus evaporati recipe ℥vj. mineræ Martis pulverisatæ ℥ij. Stent simul in digestionem per dies aliquot, postea destilla primo ignis gradu, usque dum omnis aquositas alembicum transcenderit, post auge ignem per gradus, & perge destillare summo Ignis gradu per 4. dies, donec omnis materia transierit. Postea Rec. limat. Mart. ℔i℥. superfunde spir. destillatum, qui, si subtilior est, quam, ut cum Marte effervescat, tantillo terræ sensim affundendo diluatur, dum videas effervescentiam. Stent ita in retorta capaci, destilla igne lento, ad remanentiam decimæ partis; post limaturæ Martis recentis tantundem injice, & aquam destillatam reaffunde, stent parum, postea destillentur, ut antea, pene ad siccitatem, ut tamen materia humida maneat, reaffunde hinc liquorem vel spir. & 6. partes aquæ fontanæ, ut omnia solvantur; soluta filtrentur ad separationem fecum Martialium impurarum & minus perfecte solutarum, liquor ad siccitatem, cavendo tamen empyreuma, evaporetur, & remanebit in fundo sal flavescens, quod in s. q. aquæ plantaginis pro usu solvatur.

[*Nordlingâ 1686. 12. Febr. Augustam Vind. allata.*]



OBSERVATIO CLXIII.  
D. JACOBI DOBRSENSKY  
de Negroponte,

*De*

Puero tertio ætatis suæ anno barbato.

*infra p. 348.*

**N**atus est Puer parentibus rusticis Anno 1673. in Districtu Rockoniensi 7. milliaribus Pragâ ex Pago Teirzovitz, nomine Jacobus Sima, hic tertio jam ætatis anno in tantum staturæ & roboris excrevit, ut triturare & omnia munia robusti rustici peragere potuerit, barbaque eodem anno eidem crescere coepit. Nunc 12. cum dimidio ætatis annum agens, insigniter barbatus & benè aliàs reliquo corpore proportionatus est, excepto quod sinistro pede claudus à nativitate sit (pes enim sinister intortus non exæquat ulnam mediam) longitudo corporis ei est duarum ulnarum & unius quadrantis, latitudo duarum ulnarum, Pectus est hirsutum, & genitalia dicitur habere insignia, quam ob causam mirum non est cur uxorem nunc tantoperè appetat.

[*Ex literis ad Excellentissimum D. Volckamerum.*]

OBSERVATIO CLXIV.

D. CHRISTIANI ERNESTI CLAUDERI,

*D. II. A. 2. obs. 172.* Vomitus sanguineo - carnosus rarissimus, lethalis.

*p. 394.*

**G**enerosus à Waldau inter Serenis. Saxonix Electoris nostri milites Locumtenens, per 6. 7. annos laborabat totius abdominis ferè, infra umbilicum usque, duritiâ tam validâ ac insolitâ, ut digitis, ne minimè quidem comprimi potuerit. Procul dubio igitur totum mesenterium, unâ cum hepate ac Liene obstructionibus validissimis, radicatis, scirrhoris, affectum; nihilominus Appetitus semper bonus fuit, computationibus, præcipuè vini, liberalissimè indulgit,

dulsiſit, ad miraculum uſque ſæpiſſimè ! Vox & loquela per aliquot annos continuos, nunc rauca, nunc difficilis, nunc gracilis, nunc gravior. Pro curatione hujus affectus internè ac externè multa, à multis etiam Excellentiffimis Medicis adhibuit, paucò tamen emolumento. Ante aliquot menſes, poſt continuatũ medicamentorum uſum, totus venter, exceptà lienis regione, emolliſit; Tumor verò quidam cachecticus totum corpus occupavit, de dolore quoque hypochondrii ſiniſtri, verſus ventriculum, difficultate quãdam reſpirandi, voce raucà & depravatà manente, conqueſtus. Tandem die 2. Novembr. 1685. inopinatò, nullo prægreſſo violento motu circa noctis initium in Diarrhœam incidit ſeroſam, cruentam, ſine omni tamen dolore, ſed adeò vehementem, ut illà nocte 16. ad 20, ſedes primò nigrificantes ſummè foetidæ poſtea ſinceras habuerit; inſequenti primo mane ſedili inſidens, abſente omni vehementi commotione vel doloris cujuſdam ſenſu, patitur vomitum sanguineo-carnofum, magno impetu per fauces erumpentem, unà cum ſanguine ſincerò multà copiam, unam libram excedente, carnis parenchymaticæ, membranarum tenuibus præditæ, in fruſtula nunc minora, nunc, majora, quorum aliqua ferè 1. 2. digitorum longitudinis, ac craſſitiei, conceptæ, Lienem, Hepar, vel pulmonem corruptum & laceratum, ſine omni tamen putredinoſo ac corruptibili odore, accuratè repræſentantis. Factà hâc evacuatione, viribus totaliter proſtratis, pulſu extremè debili & vix perceptibili, Ipſe ſemimortuus quaſi jacuit; ſalvâ tamen ſemper manente ratione ac ſuo modo reſpiratione; Circa hujus diei vesp̄eram adhuc unum vomitum ac ſec̄ſum talem; alteroquẽ inſequenti manè tertium denique, quamvis in minori quantitate, paſſus eſt; Poſt hæc neque ſanguinem, neq; carnoſam ſubſtantiam excrevit, niſi per aliquot vices dejectiones ſeroſas, nigrificantes, aliquoties ſummè foetidæ, injecto priùs clyſtere abſtergente, conſolidante.

Sub prognofi Medicamenta confortantia, traumatica, baſſamica, conſolidantia ordinavi, quorum uſu melius quoque ſe



que se habebat, viresque paulatim recolligebat: Sed verebar semper, ne anguis sub herbâ lateret; siquidem post vomitiones summos adhuc dolores in latere sinistro perſentiebat, qui tamen ſucceſſivè magnâ ex parte ſopiti videbantur. Ventriculus tamen Cibum rurfus appetit, ac digerit, quod ſecum naturales excretiones indicant; licet Diætâ, diligenter quamvis admonitus, non, ut debet, obſervet.

Quòd metuerim, ſub herba anguem latitare, jamjam reſtuli, nec metus fuit vanus; poſtquam enim generoſus æger à graviſſimò & lethali morbo liberatus, priſtinæque ſanitati in tantum reſtitutus videbatur, neceſſitate urgente, ac jubente officio publico, iter, per plures dies ſummè moleſtum aère maximè injurioſo, alternatim pluvioſo, ventoſo frigidiffimoque coincidente ſimul ſolſtitio hyberno ſubire tenetur; Quo jamjam peracto in reſſu in Febrem continuam incidit, à cujus invaſione, tertiâ tandem die huc redit, Curamque diligenter ſuſcipit, verum Natura à graviſſimo prægreſſo Morbo ſummè debilitata, viribusque denuo proſtratis, Morbi que vehementiâ auctâ, die hujus ſeptimo beatè obiit, ſcilicet die 30. Decembr. 1685. Cujus cadavere aperto, ſequentia notata fuere & primo quidem circa viſcera, eorumque conſtitutiones.

*Infimi Ventris:*

1. **D**iſſectâ abdominis Cute, muſculis & peritonæo, copioſa Effluebat aqua flavescens.

2. In hepate & abdomine portiunculae quædam albæ, ramentorum ad inſtar pinguiuſculorum, ab Omento divulſorum, ſemiputridorumque hinc inde diſperſæ jacebant.

3. Hepar ipſum ingentis & vix credibilis magnitudinis, adeò ut dimidiam ferè totius abdominis partem ſolùm occuparet, Ventriculumque totum obtegeret, parte ſuâ ſiniſtrâ ad umbilicum uſque, dextrâ verò ad oſſis Ileï cavitatem pertingeret, latusque dextrum ita totum repleret, & in hoc plurimis in locis membranis coſtarum firmiter adnatum. Ejus ſubſtantia

stantia non quidem scirrhusa, interim tamen adeò duræ consistentiæ, ut digitis fortiter etiam tangentibus vix ac ne vix quidem cederet, & ab Hepatis aliàs naturaliter constituti parenchymate (quod facillè friabile, rubicundum) planè diversæ ac alienæ indolis, in parte saltem sinistra circa Ventriculū in extremitate suâ aliquatenus mollior & vegetioris coloris erat; Dissectum, internè coloris erat fusci. Parte ejus postica dextrâ, quâ costas statim sub diaphragmate contingeret trium digitorum latitudine jamjam corruptionis labem contraxerat, colorisque erat luridi ac facillè friabilis, membranamque costas cingentem corruptionis vestigio tetroq; colore tinxerat.

4. Vesicula fellis magna, humore bilioso, atro ac crasso plena.

5. Lien, humano, in statu naturali, latitudine & crassitie triplo vel quadruplo major, lapidis ad instar, quantus quantus erat induratus, color externus obscurè flavus ac Ochreus; in hujus medio, externè scirrhus, magnitudine Imperialis, qui tamen in substantiam altius non penetrabat, conspicuus, quo mediante facis firmo ligamento membranoso costæ membranæ firmissimè adnatus; color internus plumbeo-fuscus.

6. Pancreas ex diversis Glandulis, ex albo flavescens, maximè induratis, adeo ut digitis etiam vix comprimi possent, constabat.

7. In Mesenterio quoque aliquot glandulæ induratæ, scirrhusæ, coloris ex albo & nigricante mixti, non adeò magnæ quidem reperiébantur.

8. Ventriculus non parvus, humore nigricante, tenui, cui partes chylosæ perfusæ innatabant, semiplenus, cujusmodi humor in intestinis tenuibus quoque præsens. Aliàs benè sanus, tunicaque ejus interior optimè rugosa & naturaliter constituta videbatur.

9. Intestina omnia benè comparata, interim gracilia, visceribus, imprimi Hepate, illis se magis explicandi, locum & spaciū præcludentibus, ut judico.



*Medii Ventris.*

1. **R** Emoto sternô & aperto Mediaſtino multa effluebat aqua flaveſcens.

2. Pulmo dextri lateris prætumidus, turgidus ſimulque durus, ut digitis difficilè quoque comprimendus, ſicque, procul dubio, ad omnem motum naturalem planè ineptus, plurimis in locis inſuper membranis ad Mediaſtinum, Coſtas pleuram firmiter annexus; imò inſimâ ſuâ parte Diaphragmati arctiſſimè cohærebat. Externè coloris luridi & flaveſcentis, internè cinerei, multisque ex nigrô ruſſeſcentibus maculis obſitus, ac per totam ſubſtantiam tenui ac ſanioſo ichore manabat, inferiorique verſus diaphragma parte, purulentâ, craſſâ ac flaveſcente materiâ repletus; Hæcce pulmonis pars per medium diſſecta, levi etiam factâ compreſſione multam materiam ſpumofam, cum ſibilô & ſonitu quodam evomebat, als *Seiſſens Geſſ.* In minore ſaltim, ſuperiore ejus parte circa inſertionem Venæ arterioſæ, mollioris erat nonnihil, nec adeò diſcoloris ſubſtantia.

Siniſtri lateris Lobus, dextro magnitudinè multò cedebat, minorque erat, interim liberior, ad latera non ita adnatus. Ejus externus color obſcurè rubeus, ad nigrorem tendens, quam faciem interna quoque ſubſtantia referebat; Mollioris denique ac flaccidæ ſubſtantia totus erat, quæ, ut videbatur, jamjam ad corruptionem prona.

3. Cor inſolitæ magnitudinis erat & turgidum, cujus auriculâ & ventriculo dextro diſſecto, non ſine magno ſtupore obſervabatur totum repletum materia tali, qualem ante paucas ſeptimanas per os vomitu rejecerat, rubicundâ nimirum, grummiſ haud abſimiliſ, parenchymatica tamen, tenerriſisque membranuliſ intertexta & cinctâ; Tum quoque materiâ ſeba- ceâ, molliuſculâ; albicante, ad ſuavem flavedinem nonnihil vergente, ſteatomatoſâ quaſi. Et hæc duo colore magiſ, quam ſubſtantiâ diverſa retenta, partim diſtinctè ac ſeparatim, eâ formâ,

formâ, quam à sinuosâ ac fibrosâ ventriculi Cordis internâ facie, cujus fibris ac foveis impacta quasi firmiter inhærebat, nacta; partim suaviter invicem mixta, unumque corpus ex parte rubrum altera parte album constituentia, nunc minore, nunc majore quantitate (horum aliqua nucem Juglandem æquarent) alia oblonga, alia teretia conspiciebantur. Vide *Thom. Bartholini Anatom: Corp: hum. p. m. 263. seqq.* Præter naturam multa in ventriculis, Cordis scilicet reperiuntur. *Bauhinus* frustula adiposa; Et *Wormius* noster Experientissimus ex utroque ventriculo carunculas quasdam, interius albicantes, exterius rutilo colore emergentes; quod & Nos Patavii pridem & Hafniæ In Dissectionibus nostris invenimus hominum juxta ac brutorum. *Erastus* concretionem pituitosam, flavescens instar medullæ quæ in boum coctis ossibus reperitur.

*Vesalius* glandulosæ nigricantisque carnis libras duas. *Benivenius* frustulum carnis instar mespili.

Eodem plane modo jam dictâ & descriptâ materiâ sinister quoque Cordis ventriculus unâ cum ejus auriculâ refertissimus; etiam portiunculæ quædam tùm in vena arteriosa tùm pulmonibus, ipsorumque bronchiis, ipsâ Arteria magna Cor egrediente & in ascendentem & descendentem truncum sese dividente, reperiēbatur. Dicta hæc materia Cordis sinibus extracta, collecta, non pauca, sed tam copiosa, ut duplicatam manus volam totam repleret, at ab omni corruptione & putredine erat libera, cujus nec minimū etiam vestigium odore vel visu percipiendum exhibebat, non sine summa admiratione.

Insper sanguis post mortem naturaliter congruatū & coagulatus in Cordis sinibus videbatur, qui tamen à jam dictâ materiâ colore & consistentia facillimè & apprimè discerni poterat, undiquaque quasi circa hanc diffusus.

Ipsa denique Cordis substantia ex optimè sanâ, densâ ac durâ carne constabat, hâc saltem differentiâ, quod tenuioris ac minoris crassitiei ac in statu naturali aliàs esse soleat. Ventri-



culi econtrà amplitudine & capacitate statum naturalem longè excedebant.

In ejus Septo nullus transitus, meatus, vel foramen (ex mente *Folii*) oculis usurpandum, tale verò vivo adhuc & maxime perspirabili corpore adfuisse, rationi haud absurdum videtur, facillimèque crediderim.

1. Hisce luce meridianâ clarius nuperum Vomitus sanguineo-carnosum ab ipso Corde per pulmones, mediante venâ arteriosa, anastomosin cum pulmonum bronchiis habente factum. Quamvis mirandum, nec satis demirandum, quomodo talis copiosa in visceribus vitalibus primo collectio, deinde violenta ac enormis excretio sine momentaneo Vitæ discrimine fieri potuerit?

2. Disquirendum, unde materia hæc albicans & parenchymatica? putarem, chylum ex parte in Corde à singulari hujus visceris Idiosyncrasiâ in hanc albicantem primum, dein successive in parenchymaticam substantiam, accedente excellenti calore & fermento Cordis specifico, degeneratam; siquidem in nupero enormi Vomitu sanguineo-Carnoso paucissima, & in minoribus saltim portiunculis materia albicans rejecta, reliquum totum sanguineo-Carnosum videbatur. Ergò concludo, copiosam repertam albicantem materiam in auriculis ac Ventriculis Cordis, vasisque ejus propinquioribus nondum satis digestam, excoctam & in parenchymaticam substantiam concretam fuisse, deficiente sc. ad hoc opus sufficiente temporis morâ.

3. Posito nunc, dictum Vomitus ex Corde ortum, per pulmones & asperam arteriam factum; Quær: per quas vias factæ eodem tempore tam copiosæ alvi dejectiones sanguineæ, unâ cum aliquot frustulis carnosis, parenchymaticis? Putarem has particulas instituto à Naturâ sponte sua (postquam copia nimis laessita) motu hoc quasi critico, & violento vomitionis Actu, facili negotio per œsophagum ad Ventriculum & intestina descen-

descendere; Sanguinem verò & serofos humores breviori & magis convenienti Nobis quamvis incognitâ, Naturæ tamen haud impossibili viâ, v. gr. per venam quandam vel ramum phrenicum, vel alium per anastomosin ad intestina ablegari potuisse, quoniam plane nulla intestinorum & ventriculi læsio observanda, hæcque Actione Chylificandi, & excrementa alvina sequestrandî officiô suô semper benè functa fuere.

4. Hæmorrhagiam narium difficillimè & nullis ferè remediis sistendam die 20. Novembr. obortam, puto, ab acrimoniâ sanguinis biliosâ, acri, adjuvante sufflaminatâ sanguinis in corde ejusque vasis circulatione, facultateque retentrici simul valde debilitatâ.

5. Totius abdominis elapsis ab hinc annis, summè indurati, ante aliquot menses facta emollicitio non revera, sed tantum apparenter talis fuit, & provenit à tumore cachectico & sero intra peritonæum, visceribus, imprimis Lienî & Hepati, quod induratâ suâ mole abdomen ultra dimidium replebat, innatante, tactumque hoc modo illudente.

[*Cygnea die 31. Decembr. 1685. ad D. Gabr. Clauderum.*]

OBSERVATIO CLXV.

D. JOH. BENEDICTI GRÜNDELI,  
Sanguis per venæ sectionem, vel hæmorrhagiam narium, evacuatus, quo ad tertiam partem chylosus, & lacteus.

**F**RANCISCUS Lutzendorffer apud Illustrissimum Dominum Comitem Kisl hic Marpurgi in Styria minister, quotiescunque Venæ sectionem celebrat, similem præbet sanguinem; Expertus sum hoc ipsemet elapso vere anni 1685. dum medianam pro cura majali curarem secari, ubi duas portiones sanguinis, chyli verò, seu liquoris lactei unam deprehendebam: serum etiam, quod in aliis solet esse aqueum,



hic erat lacteum, non tamen dulci & lacteo sapore, sed salso, prout ipse gustavi, præditum, neque postmodum coagulabatur; crusta superior, & superficies candidissimum insuper representabat colorem, & aliqualem viscositatem ob pituitæ admixtionem: Imò guttæ aliquot, quæ ex venâ sectâ ante admotionem scutellæ in terram fluxerunt, post minuta aliquot adeò evaserunt candidæ, ut unusquisque habuisset magis pro effuso lacte, quàm extracto sanguine. Casus iste utpote rarissimus, varias ac miras apud nonnullos produxit opiniones: Fateor equidem, me subinde, si venæ sectio tempore chyli distributionis instituta fuerit, aliquid albedinis deprehendisse; Idem etiam observavi in quodam cane, cui lac ante fata anatomica præbuimus, verùm ubique chylus vix fuit observabilis, ac in paucissima quantitate. Præterea venæ sectio ista non fuit instituta tempore chyli distributionis, jussi enim studio hunc virum horâ sextâ coenam sumere, à quo tempore nihil cibi & potûs sumpsit, usque ad missionem sanguinis, quæ horâ octavâ alterius diei, nimirum 15tâ Maji fuit celebrata, unde interstitium horarum quatuordecim sufficiens fuisset tempus, quo chylosus iste succus in rubicundum potuisset mutari sanguinem. Imò retulit mihi, sanguinem jam ab octo annis sive per cucurbitulas scarificatas, sive sponte per hæmorrhagiam narium profluentem, semper istam habere substantiam lacteam. Ego salvo aliorum judicio existimo hoc provenire à viscerum chylum non bene depurantium, vel eundem sanguini assimilare haud valentium vitio, prouti olim in disputatione mea inaugurali de remedio missionis sanguinis cap. 8. pag. 65. fusiùs declaravi, testaturque cacochymia præsens, & ob varios in cibo & potu, præsertim vino nostro, non adeò diuretico, ira, venere &c. à cunis usque commissos errores gravissimos in hecticam & atrophiam jamjam vergens; In qua re autem præfatum vitium consistat, & quomodo fermentatio in visceribus sanguinem generantibus ac depurantibus destruat, & cardi-

melech

melech disgustetur, difficile est juxta Veterum ac Recentiorum principia omnibus satisfacere. Ego futuro vere Venæ sectionem in pauca tamen quantitate, curabo repeti, omniaque curiosiori examini subjiciam, ac tentabo, utrum chylosa hæc massa ope chymiae purpuram suam posset adipisci; Interim accuratius à Naturæ curiosis hac super re expecto judicium.

OBSERVATIO CLXVI.

D. JOH. BENEDICTI GRÜNDELII,  
Mania Tartaro emetico curata.

**C**ivis & victor Marpurgenfis in platea Ecclesiastica habitans, temperamenti melancholici, vino tamen, utpote summo tristicie alexipharmaco addictissimus, dum elapso anno 1685. secundâ vice nuptias in Februario celebraret, & veneri nimium indulgeret, incidit in maniam adeo immanem, ut catenis ligari debuerit. Vocatus ego, videns hanc spirituum animalium vitiata crasin provenire ex caco chymia præsentis per Bacchum inductâ, & per venem exagitatâ, præscribo Tartari emetici gr. v. clâm in vino porrigenda, quibus absumptis magnam humorum saburram *αὐτὸ καὶ πάλιν* evacuavit, & his adhuc semel repetitis, ac Venæ sectione insuper celebratâ ex toto convaluit absque ullis aliis remediis, quare votivam fecit promissionem, se per totam vitam non bibiturum vinum, quod hætenus quidem præstitit, forsitan in posterum etiam præstiturus.

OBSERVATIO CLXVII.

D. JOH. BENEDICTI GRÜNDELII,  
Gangræna & mors ex levi vulnere sub barbæ  
tonfione exorta.

**P**etrus Fischer civis & dulciarius Marpurgenfis 60. aliquot annorum, plethoricus, & corpulentus, decimâ Novembris



vembris Anni 1685. vaporarium apud balneatorem ingreditur, & poſt cucurbitulas cum ſcarificatione applicatas, vinumque generoſum pro novo ſanguine generando, copioſè more Germanico aſſumptum, barbam ſibi curat abradi, accidit autem quòd ex incuria tonſoris leve ac vix conſideratu dignum vulnuſculum in mento inductum fuerit, quod equidem civis iſte parvi fecit, ac altero die in nebuſa, & auſtrina aëris temperie ad vicinum oppidum profeſtus eſt, vulnuſculo adhuc madente, & modicè dolente; poſt duos verò dies cùm denuò Baccho ad crapulam uſque indulgeret, & cum ſua Xantippe enormiter litigaret, ſanguis hoc modo rarefactus adeò copioſè ad partem affectam expulſus eſt, ut ſponte, guttæ aliquot effluerint, & ſubitò dolor calorque auctus, tandemque eryſipelas phlegmonoſum exortum ſit. Adhibentur quidem remedia domeſtica, ſed incaſſum: Advocatur balneator, à quo vulnus inductum fuerat, hic applicat unguentum album camphoratum (quod in hiſce terris, uti alia oleoſa rarò huic affectui prodeſſe ſolent) Venæ ſectionem celebrat, aliaque adminiſtrantur, verùm omnia in pejus ruebant; tandem ego rogatus invenio in vulnere duritiem aliquam nigricantem, à qua tanquam à centro nonnullæ exoriebantur lineæ rubicundæ, & puſtulæ, collum & genæ valde erant tumefactæ, & rubedine tinctæ, uti & ipſi muſculi pectorales per conſenſum affecti, hinc ego gangrænam aſſeſſe judico, & ſummum vitæ periculum pronuncio, præſertim ex hoc, quòd pulſus vix eſſet ſenſibilis, qui in gangrænoſis & ſphacelatis affectibus ordinariò aboletur, prout aliquoties in caſtris Cæſareis animadvertere potui: Quamvis itaque remedia varia tam externa, quàm interna adhibita ruriſum fuerint, altero tamen die expiravit, fatali ſuo exemplo omnes edocens, ex parva ſcintilla provenire poſſe maxima incendia, hinc:

*Principiis obſta, ſerò medicina paratur.*

OBSERVATIO CLXVIII.

D. JOHANNIS ACOLUTHI,

Febris acuta, sudore croceo particulari finita.

**S**udores variâ sub facie notabiles, adeo studiosè orbi curioso recensuerunt alii, ut vel solus harum Ephemeridum Decuriæ Imæ Annus VI<sup>us</sup> me præsentis narrationi supersedere juberet, nisi à circumstantiarum varietate commendaretur. Pygmæa, Illustrissimæ cuidam Silesiæ nostræ aulæ ob Phrygiam, quam dexterrimè exercebat, artem, olim æstimatissima, quatuor milliaribus abhinc distante in oppido Canto, febre continuâ correpta, inter enormes cephalalgias, anxietates, & inquietudines inexplabilem sitim, vires, mox à principio penitus prostratas, atque incrementa nervosi generis Symptomata, medicâ ope neglectâ, quinquendium exegerat, cum animam fere agentis maritus, singultiente voce, imminencia conjugis fata explicaret, &, si quid Machaoniæ arti pro eâ conservandâ reliquum, sollicitè expeteret. Exprobratâ intempestivâ morâ, duplicem Bezoardici Pulveris Dosis exhibeo, alteram, triplici forsan salis volatilis CC. grano, utramque Cinnabari nativâ exaltatam, cui mixtura sitis delinitiva & analeptica sociebatur. Primo præbio post meridiem sumto, notabiliora symptomata, imprimis convulsiva, non nihil ausculta- runt, secundum, nocti destinatum, sudor, circa cordis sic dictum scrobiculum copiosissimus, isque reverà croceus, eodemque colore lintea constanter tingens, excepit, cæteris partibus levi, colorisque omnis experte madore irriguis. Tum omnium accidentium graviorum finis & æstuantis ex caloris succedaneum decrementum, integraque paucos post dies, sanitas.

*Dec. II. Annus IV.*

*T t*

*Vobis,*



Vobis, me sagaciores Oedipi, an fermentum febrile sub-acidum volatile, ad hæc loca depositum, rarefactum intensiore massæ sanguineæ ebullitione sulphur, præcipitaverit, illiusque tincturam cum sero transmiserit delicata & rarior cutis hujus loci textura, aut quæ alia accuratior phænomeni ætiologia, licebit judicare.

OBSERVATIO CLXIX.  
D. JOHANNIS ACOLUTHI,

*De*  
Potu Vini in Malignis.

**S**I quicquam divinus certè hic liquor est, quem Vinum appellare soliti, magnificè & prodesse & obesse humano generi, quotidianis discimus experimentis. Quàm, suo tempore & mensurâ haustus, universam hominis Oeconomiam animalem, nova quasi spiramine animat, quàm è contrà, abusus ejus, omnes illius officinas turbat, destruat, nôrunt, me non monente, œnoposæ accurati observatores. Hic prodigus, neque in laudes ipsius, neque vituperia sese calamus effundet, illud brevibus delineaturus, quod Praxis nostra de Potu vini in malignis, notatu forte non indignum, plus vice simplici vidit, imprimis autem, Anni nuper elapsi Octuagesimi quinti Julius ei obtulit. Menses hujus, Februarius, Martius, Aprilis, fœcundâ malignarum febrium, imprimis purpuratarum seu petechialium segete oriebantur, quamvis & alias benignas exanthematis junctas, tum quoque frequentissimas, pro talibus ab imperitis habitas, & curatas cognitum habeam. Majus & Junius epidemicum nonnihil devicisse malum videbantur, cum Julii exordium, de eo, nondum penitus extincto, rursus testaretur. Vir enim, trigintra circiter annorum, visitato professionis suæ socio, ex febre ardente decumbente, adstans lecto, halitu retro afflabatur, unde mox male se habens,

habens, aquam, nescio quam, alexipharmacam haurit, seseque ad somnum in lecto componit. Nocte, multâ jactitatione & inquietudine consumptâ, mane surrecturus, omnium membrorum lassitudinem persentiscit, & ad consveta munia obeunda, inhabilis, torporem excussurus extra moenia se proripit. Unde mox reversus, ulteriorem gressum virium prostratione intercipientem, domum repetit, ibique inter caloris & horro- rum vicissitudines, nullo consulto Medico, duas exigit septimanas. Tum demum ingens æstus præcordia urere cœpit, saporque in ore amarulentus nausæa comite, cephalalgia exquisita, vires penitus dejectæ, consilium, penes me exorare suaserunt. Blando exhibito vomitorio, propinatâ semel cum sudoris imperio, bis absque eo Essentiæ Bezoardicæ Ammoniacalis, Dosi, & subjuncto pulveris Bezoardici præbio, eò rem deduxeram, ut tertio die meliora de se æger promitteret, cum nox quieta, caloris remissio, & in urinâ, hætenus intensissimè tinctâ, jam coctionis egregia signa apparentia, fausta quævis vaticinarentur. Quid tamen monstri quarta dies aleret, miratus sum, cum mane patientem invisens, ex adstantibus inquietissimam intelligerem noctem, & mentem penitus emotam, Urinam, sanissimi hominis similem, omne corpus petechiarum myriadibus maculatum, pulsum, vix ac ne vix quidem sensibilem, continuas manuum ac pedum convulsiones, eorumque frigus observarem. Mali prænuncias fati circumstantias, probè pensitans, Essentificatum protinus Cornu Cervi spiritum exhibeo, sanguineam massam, jam congelationi proximam, rursus discontinuaturus naturæque præstiturus auxilium, in ejiciendis petechiis occupatæ. Aliquid mihi eo ipso profecisse videbar, cum naturalis calor extremis rediret, pulsusque, quamvis infra mediocritatem, augmenta caperet, cæteris tamen universis, quo cœperant tenore, pergentibus, imprimis delirio, ad fugam per fenestras capeSSendam, ipsum instigante. Tunc verò minor pro morbi exigentiâ, calor, ante omnia instauran-



dus censebatur, ut resolutus concitatiores intestino motu sanguis, peregrinis ejiciendis inquinamentis, & amolendis à cerebro, nervosoque genere hostilibus heterogeneitatibus par esse posset. Optimè id theriacalibus præstitum iri, ratus, copiosis salibus volatilibus oleosis, latentes consimiles flammulas felicissimè accensuris, Electuarium, Diascordio Fracastorii, Antimonio Diaphoretico, & conservâ pulpæ Citri, c. s. q. ejusdem succi recentis constans, ordino, sæpius de die, Dosi, cuspidi cultri mensurandâ, imprimis autem mane & vesperi triplicandâ, porrigendum. Cum tamen & hoc majorem pertinaciam morbi violentia ostenderet, B. Langio referendum habemus consilium, quo, in Miscellaneis suis Curiosis Medicis p. m. 38. Tit. *Deficiens sitis in febribus malignis Medicum vigilare jubet; sequentibus exposito verbis, ultima jamjam trahenti suspiria animæ, feliciter suppetias ferebamus. Desiderium inquit sitis, callide admodum accendere ac suscitare, ignaviamque caloris oppidè emendare norunt, experientie fidissimo robore instructi Medici, dum cumprimis, & potissimum vini potionem concedunt, & ab ejus haustu, febrientem, ut vulgaris hætenus obtinuit superstitionis vanitas, & Pandelitia quorundam Catonum sententia constituit, non penitus arcent.* Ad hoc igitur confugientes suave remedium, dicto modò illud sociavimus Electuario, vinumque Rhenanum, loco alius potus ordinarii, etiam non deposcenti, quippe sibi non constanti ægro, largius infundi jussi, ita, ut per 24. horas, nonnunquam libras ferme duas absumserit. Tum demum vivifico hoc perfusus Nectare jam in ipsius Orci faucibus hærens, reficiebatur, augebatur notabiliter calor, altius assurgebat pulsus, blandus obrepebat somnus, per quatuordecim dies totidemque noctes hætenus cessans penitus rationis usus, per intervalla redibat, convulsiones mitigabantur, instauratæque fermentationis internæ ulterior index, Urina, indies rursus rufescebat magis, donec tandem constantia coctionis signa lætissimè ostenderet. Quæ supererant malorum re-

rum reliquiæ, continuato per aliquot dies pulvere Corallia v. præpar. Lap. 69. præpar. & Bezoardicum minerale, sulphure solari nobilitata, recipiente, abolebantur. Sic, succrescente indies, lento quamvis processu, vigore, nil amplius de salute suâ sollicitum terrebat ægrum, præter leviculas manuum convulsiones, mixturæ tamen ex Elixir Propr. s. acido, Essentiæ Castorei Tartarisatæ maritato, mox obtemperantes, exoptatissimum curæ Colophonem imponente Essentiâ stomachali Balsamicâ, & constantibus jam tum magnam partem, viribus, purgante Jallapino.

Varias de Vini usû in quibuscunque febribus, opiniones B. Sachsus noster in suâ Ampelographiâ collectas, Lectori cupido p. 277. exhibebit.

#### OBSERVATIO CLXX.

D. JOHANNIS ACOLUTHI,

#### Senilis Fœcunditas.

**G**randævum hîc mihi virum memorare liceat, quem ultimo quoq; in senio benefica nondum destituit natura, quin sacros visceribus ejus adhuc subderet igniculos enervataque penes alios, hoc, imò plurimum anticipante ætatis articulo, membra, juvenili roborata vigore, procreandæ soboli idonea sisteret, erroris convictura illos, qui vires ipsius (naturæ) temporum cursu detritas, accusant, culpam infirmitatis nostræ accuratius perverso Rerum Non-naturalium usui, (unde debilitata corpora, ætatem semper avis pejorem, & vitiosorem indies dant progeniem,) adscripturos; Mirare Matthiam Trusium, Rosenbergæ in Comitatu Hungariæ Liptoviensi agrestem vitam viventem, quæ, cum simplicissima, & ab omni remota luxu, hanc ei peperit functionum naturalium constantiam, ut nonagesimum egressus annum,



ex secundo castissimo conjugio filium susciperet, fratrem Hio-  
bi Trufii, Viri docti, Theologi, rarissimæque fecunditatis fe-  
nilis fidissimi assertoris, vitâ posthæc ulterius ultra annum  
centesimum & vigesimum protractâ, nullius sibi consciâ mor-  
bi, nisi quem levis lumbarû dolor nonnunquam monstrabat,  
donec marasmus senilis placidissimam conferret analysin.

## OBSERVATIO CLXXI.

D. JOHANNIS ACOLUTHI.

Abortus, omni lochiorum fluxu  
destituti.

**Q**uales absq; purpureo latice advectos partûs viderunt  
Salmuth *Cent. III. obs. 89.* Rhodius *obs. Med. Cent. III.*  
*54.* Schenck. *L. IV. obs. 117.* *Ephemerid. German. Curios.*  
*Decadis II. Ann. I. obs. 41.* Petrus Toletus de morbis pue-  
rorum *cap. I.* Marcellus Donatus *Hist. Med. mirab. L. IV. cap. 23.*  
alii alibi, tales haut ita pridem cernere nobis licuit duos abor-  
tûs, tantò quidem magis notandos, quod communius  
nullum abortientibus symptoma contingat, periculosissi-  
mis uteri hæmorrhagiis. Ultriusque autem mater juven-  
cula erat, militi altera, altera mercatori nupta, qua-  
rum facies ridens pingebat ætas, totum corporis habitum tur-  
gidulus animabat succus, sororiantesque nymphae, quovis no-  
vilunio florentissimas inter rosas, luxuriosè lavabantur. Illa vi-  
gesimum secundum, hæc vix decimum sextum compleverat  
annum, cum tertium & secundum gravidæ, quarto & quinto  
mense, externâ interveniente culpâ, filios præmaturo partu  
eniterentur. Pauca serosi liquaminis gutta genitalia irrigan-  
tes arva, sollicitas ad medicum ablegabant mulierculas, lunaris  
tributi, largius aliàs exsolvi soliti, solennem hæctenus moram,  
liberaliore redditione jam compensandam, avidè expectantes.  
Consolabatur equidem anxias omnimoda sinistrorum acci-  
dentium absentia, quæ tamen eventura, non sine ratione au-  
guraban-

gürabantur, antecedentium penes utramque foeminam, partuum, memores, diviti purgamentorum imbre roridorum. Tum, quicquid præsidii, vices suppleturi hæmagogi medicaminis, arti nostræ deficientis, adesse poterat, advocabatur, Elixir Proprietatis volatile, Tinctura myrrhæ Balsamica, Crocus, Borrax, succinata remedia, Purgantia, alia, Venæ-sectioni in talo, pediluvii, Clysteribus, Colocinthiacis suffumigiis, inunctionibus, fotibus, irritato tamen conatu jungebantur, ita, ut ex pumice prius aquam, quàm uteris hisce, sanguinem elicuerimus. Naturæ igitur omnibus liberæ molestiis, negotium relictum, ab eâ verò faustâ adeò operâ expeditum, ut non tantum omni morbofo insultu conticente, vires subito instaurarentur, sed & statâ rursus periodo Catamenia efflorescerent, lætissimaque valetudo utramque nunc foeminam felicitat.

### SCHOLIUM.

**I**Ncruentorum, quos supra citavimus, partuum causæ, suâ radiant luce, dum vel nunquam natura sacros muliercularum illarum locellos rutilante rore perfudit: vel labores duri, auctâ exinde diaphoresi, tantum roscidi difflexerunt humoris, ut nutritii succi in maternis visceribus abundare nihil potuerit, quin omne, proprio, foetusque corpori alendo infumeretur, neque respectiva exinde oriri plethora, in, & post partum, apertis vasorum uteri osculis, deplenda: vel mucosus fluxus, quo balsamicæ chyli partes, vitio digestionum, in obscœnum fusæ liquamen, tanto surrecturæ exinde massæ sanguineæ cum dispendio, educebantur, ut nulla illius exuperantia manserit superstes: vel coacervationem vitali liquori præscidit extenuatus corporis habitus, index humorum minus dulcium, seseque copiosius, per varia excretionum sensibilibium æquè atque insensibilibium organa dissipantium, quàm ut specimini, studiosè asservati thesauri, exsolvente se partus exhibendo, pares esse valerent: & quas alias, dictos partus illustrantes rationes

recen-



recensere liceret, nostris autem abortibus nullas faces succensuras. Quò tamen, salvo perspicaciorum judicio, meam de iis sententiam tantò clarius aperiàm, altius, quid menstrua, quid Lochia sint, deducere, rei necessitas jubet. Eò nempe ætatis ubi adolescentula pervenit, ut ad aliqualem perfectionem evectum corpus, tantum sibi alimenti non assimilet amplius, quantum à ventriculo bene constituto per roriferos canales Mæ. Sæ. infunditur, illud debitâ digestionem maturatum, purpureo cingitur pallio tali sanguinis incremento, quod grave individuo futurum esset, nisi ab inspirato menstruo glandularum uterinarum fermento, in periodicam inflatus turgescenciam, liberas sibi quæreretur elabendi vias, & dilatatis arteriarum hypogastricarum, ad uterum, ejusque præsertim vaginam tendentium, orificiis, evaderet. Quamprimum verò seminali actuata spiritu fœminea ovula, conceptum in matrice constituunt, is ipse nutritius liquor, almâ matre naturâ præsidâ, fœtui apponitur, idque formationis tempore tantò copiosius, exornationis, verò parcius, quod plus ad eum constituendum, quàm constitutum jam, conservandum & alendum, chylosi roris requiratur. Hinc sanguineæ molis nimium intercipitur augmentum, donec ultimo gestationis tempore, ubi perfectus fœtus, modico facillè vivit alimento, id, quod ex ipso superest materni rursus sanguinis rivo accedit, qui oras suas transgredi pronus, partu valvas recludente, alacriter erumpit, cæterisque recrementis, gestationis tempore circa uterum ejusque inquilinum embryonem coacervatis, junctus lochia constituit. Nostros igitur abortûs cur omnia destituerint purgamenta, non rejicula penitus causâ subesse videtur, quod utraq; mater in pulcherrimo ætatis robore constituta, pro augmento adhuc & conservatione sui individui magnam sibi depoposcerit vitalis Nectaris mensuram, reliquum ejusdem penu, abinde formando, exornando, & alendo pusione exhauriente; unde nihil restitit, ex quo superflui incrementi sanguis

particeps

particeps fieri, & consequenter ob copiam avido impetu prorumpere potuerit, quod præcedentibus partibus factum, nostra observat. relatio, & hîc obventurû fuisse, dictis supra ex rationibus non vanè colligimus, si destinatum partui legitimo tempus gravidæ nostræ attigissent. Neque nostram feriunt sententiam aliarum juvenularum, iisdem gestationis mensibus abortientium, diffusæ hæmorrhagiæ, cum nixus earum ut plurimum laboriosissimi, vel sanguifera quædam vasa rumpant, vel magno conatu sanguinem ad inferiora propellant, certè, exquisiti dolores spiritûs insigniter agitant, & hinc rapidiorem omnium humorum motum, &, quâ data porta, efferatam conciliant eruptionem; nostri vero labores fuerint faciles, adeoque omnium, illas tangentium factorum, expertes.

OBSERVATIO CLXXII.

D. DANIEL BSCHERER,

*De*

Arteriæ spermaticæ sinistræ propagine  
rariori.

**V**arium, illumque sæpe admirabilem atque curiosum esse in corpore humano Naturæ lusum; hoc annotata multorum Anatomicorum exempla, satis superque contestantur, multæque etiam in Ephemeridibus nostris Curiosis prolatae observationes hujus rei fidem facere possunt; quas iterum iterumque recensere nec æquitas, nec scopi nostri brevitatis studium postulat. Attamen vero ejusdem licet farinæ exempla, subjecto tamen atque loco diversa, aut plane nova in lucem proferentium curam, non omni utilitate atque delectatione exhaustam esse puto. Hoc enim modo aut dictorum gravius veritatis pondus apponere, aut novorum relatione, ulteriorem delectationis modum excitare volunt. Quapropter exemplar aliquod cuicunque demum


*Dec. II. Annus IV.*

Uu

dictorum



dictorum scopo benevolus lector illud annumerandum esse censet, in medium proferre lubet. Anno superiori cadaver militis *λειποτάκτε*, cultro Anatomico, in usum Chirurgorum heic Noribergæ publice subjiendum erat, quo elegantissima humanæ fabricæ structura, ejusque interna Naturæ mysteria ulterius innotescerent; horum autem vices Celeberrimus atque Curiosissimus noster Helianthus Primus, Vir de re medica optime meritis, in se diligentissime suscepit, quibus eleganter & docte absolutis, laudem etiam labore condignam merito deportavit. Quum autem in sacellum hocce Naturæ sacrum intransibis, viâ nondum acie cultri Anatomici aperta, liber aditus sit denegatus; quapropter hoc munus Excellentissimo Domino Doctori Grubero Collegæ Nostro honoratissimo, atque Tenuitati meæ injungebatur. Cum igitur primi limites, ut ita loquar parati essent, & pedes ultiores ad partes generationi dicatas figere concederetur; Arteria spermatica sinistra propagine valde rariori oculis nostris se contemplandam exhibuit; ex trunco enim Arteriæ Aortæ descendente, non ductu tortuoso, naturæ alias familiari rectâ viâ tendebat; sed cum ex trunco Arteriæ Magnæ descendente more solito radices egisset, iter prius supra Arteriam & Venam emulgentem ductu hemisphærico capiebat, quas amico contactu via descendente cum salutasset, sic demum more consueto testes occupabat; quod ex Icone clarius videri potest. Utrum vero inconsueta hæc Arteriæ spermaticæ propago damni quid attulerit vix credi potest. Hoc enim in aprico erat hunc militem nec inermem nec ignavum ad Veneris castra accessisse.







Num. I.

**I**nstrumenta Genitalia, cum urinariis, à me observata, in corpore Militis suspensi, 1684. Mense Decembr.

- |                        |   |
|------------------------|---|
| A. Renes,              | K. Arteriæ spermaticæ in situ naturali.   |
| B. Vena cava.          | L. Arteria spermatica sinistra in situ plane rariori, & hoc modo in Cadavere observata. |
| C. Arteria magna.      | M. Vas sinistrum semen deferens.  |
| D. Vesica.             |   |
| E. Testis sinister.    |   |
| F. Venæ Emulgentes.    |   |
| G. Arteriæ Emulgentes. |   |
| H. Ureteres.           |   |
| I. Venæ spermaticæ.    |   |

Fig. XXXVIII.

Num. II. & III.

Scholii loco binas istas Vasorum emulgentium, quondam Patavii observatorum differentias adjungere placuit *Heliantho*.

OBSERVATIO CLXXIII.

D. LUCÆ SCHRÖCKII LUC. FIL.

*De*

*Ægagropila badzahardica.*

**Q**ui lapides badzahardicos orientales illos tantum genuinos esse judicant, quibus aliqua intus est cavitas, aut palea concretionis basis vel principium, atque vicissim omnes, quibus fundamenti loco aliquid aliud, phaseolus, semen &c. concluditur, rejiciunt, ne decipiantur.



tur, vereor; iisdem talium lapidum institutâ cum genuinis istis creditis adcuratiore comparatione contradicente; cum & hos colore, lamellis & cæteris notis in genuino lapide requisitis pollere, quotidiana, ut ita dicam, nos edoceat inspectio. Quàm varia autem corpora contineant hi lapides, passim ex autorum constat relatione; & ipse plura, eaquæ inter carbones, lapillos varios, dactylorum nucleos &c. ex præstantioris notæ lapidibus collegi. Scilicet cervicaprae cum alimentis varia si deglutiant ventriculi actionem & concoctionem eludentia vel difficiliùs subeuntia, sicquæ moram inibi aliquam hæc trahant, à chylo lapidescente faciliè incrustari poterant. Singulare in primis est, quod nuper in hujusmodi lapide inveni, Agagropila nempe, sive concrementum vegetabile fibrillarum crassiorum & tenuissimorum ac papposarum, non mediocri tamen pilorum fusci coloris intermixtâ quantitate; cujus odor aromaticus nostras Europæas exactè æmulator. Et hanc pilam, loco crustæ chylosæ in plurimis aliàs agagropilis reperiundæ, lapidosus ille cortex, ex aliquot lamellis constans, badzahardicas undique incingit; qui ipse magnitudine & figurâ anacardium fructum ferè repræsentat, pondere scrupulos quatuor æquat, è nigro virescit, inque parvas protuberantias coagulatus est, totidem quasi glandulas conglomeratas exhibens. Quo ipso confirmari poterit conjectura nostri Cl. Georg. Hieron. Welschii, qua pag. 37. dissert. 2. de agagropil. etiam apud Sinas, Persas, & Indos reperiri pilas istas scripserat, ac postea Dec. I. Ephem. Nat. Cur. Ann. III. obs. 29. illustraverat. Hunc verò meum lapidem esse genuinum, tum ejusdem in lamellas concretio, tum color viridescens, quo cretam chartæ superinductam, fricando tingit, persuadere posse, mihi videtur; ut taceam, minùs credibile esse, tale corpus non minùs pretiosum, agagropilam nempe, à deceptoribus ad fraudem peragendam adhibiturum iri.

OBSERVATIO CLXXIV.

D. LUCE SCHRÖCKH LUC. FIL.

Podagra & Ossium excreſcentia  
in capone.

**P**odagricis Medicorum quosdam eſum carnis gallorum: caſtratorum ſive caponum diſſuadere, notum eſt; id quod inprimis tùm celeberrimi illius trium Imperatorum Medici, *Joh. Cratonis*, autoritate confirmare nituntur, tùm rationem addunt, quòd copioſum præbeant nutrimentum, podagricis tenui potiùs diætâ competente; imò & podagrâ ipſos capones quandoque laborare, experienciâ conſtare arbitrantur; id quod eò credibilus ipſis videtur, cùm gallos atque gallinas arenam & calculos deglutire videant, quos in ventriculo concoquant, ſicquæ terreſtres & tartareas particulas, arthritidis cauſam daturas, ipſi ſanguini communicent; & quamvis gallinæ itidem lapillos ingerant, cùm tamen ad putamina ovorum inde producenda inſervire credantur, caponibus, quibus beneficium hoc deeſt, non niſi damnoſum & podagræ generandæ commodum eſſe judicant. Verùm gratis hæc uti adſeruntur, ita prætenſus quoque *Cratonis* conſenſus nullus eſt; qui licet ratione & obſervatione Medicos moneri, *conſil. Med. 246. in opere Scholz.* ſcripſerit, ut morbis articularibus obnoxiiis interdicanť uſum caponum frequentem, mox tamen addit: *Caponum caro, licet nimium nutrire videatur, tamen parcior uſus nequaquam reprehendi poteſt.* Scilicet uti immoderata Venus cum Baccho & Cerere podagram ut plurimum generant, ſic non caponum tantum, ſed quorumvis etiam ſaluberrimorum ciborum nimius & intemperantior uſus arthritico dolori expoſitis nocere valet; unde etiam podagricos heſtiones nunquam curari, in *Conſil. ſeq.* edixerat. Imò caponum ca-



num caro, sub gelatinosa sua substantia, multum salis volatilis, acido morboſo contrarii continens, commendanda potiùs ægrotis iſtis videtur; cui inſuper & illud meritò adplicandum, quod de cibis aliàs in morbo hoc exhibendis requiri ſolet, eſſe ſcilicet ſalubris ſucci & facilis concoctionis edulium. Capones verò podagræ adeò eſſe obnoxios, meritò dubitatur, cùm id, ſi unquam, rariffimè fortè obſervare haſtenus licuerit. Imò ſi in humano genere caſtrationem, ut podagræ remedium, ob alias tamen cauſas ab Excell. D. Paulo Ammanno Medic. crit. *Diſcuſſ. 9. ſ. 5.* egregiè exploſam, conſiderare liceat, cur non gallos potiùs & gallinas iudicio illi ſubmittere, capones verò ob idem caſtrationis beneficium ei ſubducere ſtudent? præſertim cùm etiam Hippocrates ſect. 6. aphor. 28. Eunuchos podagrâ non laborare ſtatuerit; id quod, cæteris paribus, nec ratione caret, cùm ſpermatis generatio non mediocrem partium optimarum oleoſarum & pinguium in teſtibus collectionem involvat; quàm pinguedinis ad ſeminaria vaſa derivationem clariùs in *Exercitat. de Omento &c.* expoſuit celeberr. Marcell. Malpighius; unde ſi ablatis teſticularum, particularum illarum à ſanguine impediri ſecretionem conſideremus, eaſdem blando ſuo cum reliquis particulis connubio, acrium & podagricos dolores excitantium ſpicula obtundere, ac ita podagræ generationem inhibere apta eſſe, rectiùs dicemus. Lapillos ab avibus, quos duriffimos & ita ſolutioni magis ineptos ſeligunt, deglutitos non diſſolvi, aut ovis putamine obducendis deſtinari, ſed loco dentium, atterendis cibis, inſtar lapidum molarium inſervire, alii jam notarunt; hosque etiam non gallinæ tantùm, ſed & galli, aliique in avium genere mâſculi ſtomacho ingerunt, quos tamen podagrâ idcirco laborare nemo obſervavit; quin attritione deſaæ lapillorum particulæ, cum excrementis alvinis iterum è corpore eliminantur. Cæterùm de his diſquirendi anſam dedit capo non ita multos ante annos in ædibus præſtantiffimi Dn. Johann. Biermanni, Pharmacopœi

macopœi noſtratis enutritus, qui oſſium ſuorum excreſcentiã  
tophaceam aliquam accretionem, podagricum quaſi fructum,  
ſimulabat, cui ſimilem ſi forte aliqui in aliis etiam obſervave-  
rint, capones iſtos podagrâ laboraſſe, fortassis fuerint ſuſpicati.  
Is itaque mole & pondere corporis præſtans, nec non ob pro-  
num, quando ex gallinario, altiori in loco ſito, in terram ſe  
demittebat, prolapſum, pinguis admodum & ſucculentus  
cùm videretur, ac menſæ propterea deſtinaretur, parum ta-  
men carnis & pinguedinis exhibuit, oſſa ferè tantùm, dura &  
quaſi lapidea facta, cute obteſta, dentibus obſiciens; quæ tamen  
adcuratiùs poſtea conſiderata, duritiem non tam lapideam,  
quàm oſſeam oſtenderunt; & quidem talem, ut oſſium ſub-  
ſtantia non extenſa, & ſic amplior compareat, ſed quæ, oculis  
quantum diſcernere licuit, accretione oſſa majora reddiderat.  
Atque hac ratione, præter capitis oſſa naturaliter ſe habere cre-  
dita, perfunctoriè quamvis tantùm explorata & neglecta, om-  
nia huius caponis oſſa, quædã magis, minùs alia, comparue-  
runt; in primis verò femoris oſſa pondere, in ſingulo unciam  
unam cum dimidia excedente, moleq; omnia reliqua exceſſe-  
runt; quorum dextrum (ut & connexũ ei os tibiæ) in adjuncta  
Tabella delineatũ Lectoris oculis conſpiciendum dare volui. Id  
tamen qua ratione fieri potuerit, haud facile edixerim. Quod ſi  
gramen illud Norvegicum vim oſſa emolliendũ poſſideret,  
quam in jumentis exſerere comestum quondam perhibebatur,  
aliquid fortè conjecturari hinc poſſemus; verùm eſſe illud  
fiſtitium, celeb. *D. Thom. Bartholinus* tandem cognovit, quod  
*Volum. 2. Act. med. Hafniens. obſerv. 43.* teſtatur. Nihilominus  
tamen ſi calli in oſſibus fractis nondum in duritiem inſignem  
exſiccati, à quorundam remediorum impoſitione emollicitio-  
nem; ſi oſſium naturam, qua primò membranosa & cartila-  
ginea fuerunt; ſi eadem in Anglico invento per artem in mol-  
lem ſubſtantiam excoqui; ſi ebur & oſſa bubula pro vario Me-  
chanicorum uſu mollia reddi poſſe; ſi hominibus à morbo  
eadem.



eadem quandoque emolliri, quod *Johann. Fernelius lib. 2. de abdit. rerum cauſ. cap. 9. Georg. Hier. Welfchius epigram. obſerv. med. 82. & prælaudatus Bartholinus dd. Actor. Volum. 3. obſerv. 24.* exemplis confirmant, perpendamus, aliquam oſſium in capone hoc mollificationem accidere potuiſſe, dicemus; ſive illa à devorato aliquo pharmaco, in aream pharmacopolio vicinam fortè conjeſto, vim hanc in teneriori, & reſpectu ad hominem habito, parvo volucris corpore exſerere apto, ſive etiam à morboſa aliqua conſtitutione, gelatinofas oſſium partes, firmitatem fibrillis eorum conciliantes, quaſi eliquante proceſſerit; qua nempe contingente, appellentes aliæ in ſanguine gelatinofæ particulæ uberiùs in ſpatiis laxioribus redditis ſeparari, tranſſudare, & ſeſe exterioriùs adglutinare, ac ita extra locum ſuum naturalem conſtitutæ, ſenſim vel ob propriam naturam ſuam concreſcere aptam, vel à ſeminali oſſium poteſtate, oſſificum, ſi loqui ita liceat, fermentum inſpirante, indurari atque oſſeſcere potuerunt; non ſecus ac in fractorum oſſium extremitatibus, nutritium ſuccum ex patentibus ibi oſſium porulis exſtillare, ibique concreſcendo in callum oſſiformem condenſari obſervamus; aut prout *Joh. Bapt. Helmontius cap. 1. de lithias. ſ. 13.* dentem ſuo contactu tandem petrificare, quid ſibi pertinaciùs adhæſerit, i. e. mucaginem dentibus adhærere ſolitam, quam excrementum gingivarum ex præparato cruore pro nutritione dentis vocat *tract. aliment. tart. inſont. ſ. 22.* odorem & ſemen petriforme dentis per attactum haurire, ſicque lapidem dentalem generare ſcripſerat. Simile quid deprehendiſſe videtur ſupra dictus *Bartholinus*, dum in *Decad. I. Ephemer. harum Ann. I. obſ. 37.* medullam gallinæ oſſeam ſe obſervaviſſe ſcribit, in aliis verò exoſtoſi perpetuâ deformia oſſa.

Fig. XXXVII.

OBSERVATIO CLXXV.

D. LUCÆ SCHRÖCKII LUC. FIL.

Asthma siccum, convulsivum, esu raphani sanatum.

**N**obiliss. cujusdam Viri filiulus biennis mense Majo anni elapsi, postquam adpetitu prostrato aliquandiu laboraverat, & præter corporis torporem, morositatem, aliaque signa, lurido faciei colore aliquod cachexiæ indicium præbuerat, in affectum asthmaticum, uno die sæpe ter, quater, imò octies quandoque recurrentem, & à levi aliqua animi commotione mox ingruentem, incidit, qui cum *Helmontio ex tr. asthm. & tuss. §. 61.* asthma siccum, & caducus pulmonis vocari, vel cum *Th. Willisio pharmac. ration. sect. 1. cap. 12.* ad asthma convulsivum referri potuit; quo paroxysmo durante, respiratio non tantum cessans suffocationis metum incutiebat, faciesque ob sanguinem stagnantem atro colore induebatur, sed & membra, imprimis brachia & manus convulsæ rigebant. Cui morbo quamvis variis remediis præcipuè etiam volatilibus, per aliquot septimanas medellam adferre laboraverim, effectu tamen sperato frustrabar; nisi quod morbus aliquando inducias quasdam concederet, aut rariùs saltem accederet. Tandem in mensa raphanum recentem, ex minoribus illis sativis oblongis, conspiciens, avidè eundem expetiit, quem etiam, voti compos factus, sali priùs intinctum comedit, & ab eo tempore mox alacrior fieri, cibos adpetere, libertate respirandi inconcussâ gaudere, atque repetito isto desideratissimo ferculo, omnino convalescere incepit. Quem sanè effectum in tam tenello & puerili corpore meritò licet mirari; ubi quamvis imaginationem

Dec. II. Annus IV.

Xx

magnum



magnum momentum, quale quid in adultis aliàs sapè præstare notum est, non adeo conferre potuisse, verosimile videri queat, si tamen puerorum adpetitum crudis ejusmodi cibis & fructibus ut plurimum ardentius inhiare, & si denegentur illi, intensiorem etiam fieri, perpendamus, spirituum aliquam vehementiorem commotionem & suscitationem hinc insequi potuisse haud dubitabimus, à qua dein impactæ nervis infestæ materiæ discussio contigerit. Quamvis raphani in primis esus maximopere contulerit redintegrandæ sanitati; quem sale volatili subtili pollere, & odor, & sapor acris, quin & coctura omni sapore eum privans, ut & maceratio cum aceto, huic acorem adimens, manifestant; cui nempe vis illa viscosum serum attenuandi & incidendi præcipuè debetur; unde *Celeb. D. Simon Paulli in παγετ. de febb. §. 52.* dum rationem inquit, quomodo plantis pedum adpositus raphanus in febribus revelat, sali ejus copioso, subtili & volatili eam adscribit, quo sanguinem, ob lentorem ad liberam circulationem ineptum, attenuet, liquefaciat, fundat, sicque liberæ circulationi restituat; quin & propterea pectoralis virtus ipsi non denegatur; prout, canente *Strabo Gallo,*

*quatientem tussim*

*mansa premit,*

succusque cum saccharo in asthmate ab aliis commendatur.

ADDEN.

# ADDENDA

ad Decadis hujus, Anni Secundi Observationem X.

D. CHRISTIANI MENTZELII,

De

## Vespa rosea.

**Q**Uam loco cit. Nobiliss. atque Excellentiss. noster *Apollo* de Bedegware pharmacopolarum, & ejusdem *Vespa rosea* dedit Observationem, nuper auctario ad eam transmissio illustrare magis voluit Vir curiosissimus. Cum enim 26. d. Junii st. vet. Anni proximè elapsi *vespam* talem capi per servum curasset, eandem ad nos amandavit; quam itaque debitâ magnitudine delineatam hîc damus, jungendâ cum alterâ illa, minorem junioremvé ejusmodi *vespam* repræsentante. De hoc ipso insecto, quod sub *cantharidarum* nomine proponit, & *Cantharides* colorum splendore quodammodo æmulator, videri quoque poterit *Clar. noster Ehrnsfrid. Hagendornius lib. 2. Cynosbatolog. c. 2. art. 6. §. 2.*

ad Anni hujus OBSERV. XLII.

## SCHOLIUM.

**C**ONtrarium statuere, hîc nonnullis placet, & in primis *Cl. Gu. Charleton* *Ocon. animal. exerc. 8. art. 21.* *Harvæanam* hanc sententiam placidè oppugnat, contrariumque ex autopsia defendit, quæ nullum discrimen in foetu tam ante, quàm post partum demortuo ostendat, eodem in omnium pulmonibus colore, ad albedinem nempe qui inclinet, comparente. Quanquam in foetu, ipso in utero materno defuncto, pulmones semper colore sanguineo præditos invenisse se, vicissim *Cl. Joh. Swammerdamius* *sect. 2. cap. 1. §. 2. de respirat.* testetur;

XX 2

eosdem-



eosdemque semper paulò majore rubore suffundi, vel ex illo videatur verisimile, quòd, dum vesiculæ pulmonales nondum sunt distentæ & aëre refertæ, sed compressæ, sanguinea tunc vasa magis transparere, & sic rubedinem majorem oculis objicere queant, ceu notat *Malach. Thruston diatr. de respir.* Certior tamen erit de vivo mortuove per partum excluso foetu nota, quæ communiter ex eorundem pulmonum in aquam immersione habetur, in qua si mergantur, vesiculas eorum nondum aëre fuisse extensas, sed adhuc connivere, sicque foetum nondum respirasse, adeoque in ipso utero demortuum fuisse, adparet; cum idem, quamprimum ex utero, ruptis membranis, quibus involutus fuerat, prodiit, non possit non aërem mox inspirando haurire, sicque eodem jam in vesiculas pulmonales admissio, impositos in aquam pulmones supernatare; quale experimentum in *prioris Decad. Ephem. harum Ann. VI. observ. 202.* produxit etiam Nob. D. *Carolus Raygerus*, idemque etiam in vaccæ foetu trium quatuorvé mensium *observatio 2.*, epistole *Theodori Aldes contra Harvaum addita*, nec non *tertia* in vitulo ad partum proximo confirmat.

(*L. Schröck, L. F.*)

Ad Anni hujus OBSERV. CLXIII.

### SCHOLIUM.

**P**Ulerum etiam barbatum virilisque habitus *Zodiacus Medicus Gallicus Ann. 2. mens. Oct. obs. 9.* Infātem quoque vidit barbā &c. præditum *Hali Rhodoham*, quem citat *J. Georg. Schenckius observ. med. lib. 1. p. m. 6.* Quid de barba à testibus oriunda differat *J. B. Helmontius, tract. ignot. act. regim. §. 47.* videri poterit.

(*L. Schröck, L. F.*)



APPEN-

APPENDIX  
*AD*  
ANNUM QUARTUM  
DECURIAE II.  
EPHEMERIDUM  
MEDICO-PHYSICARUM  
NATURAE CURIOSORUM,  
In Germania.

---

NORIMBERGÆ,  
ANNO M DC LXXXVI.





## CONTENTA APPENDICIS

Anni IV. Dec. II.

1. Clavis Medica, ad Chinarum Doctrinam, De Pulsibus, Authore R. P. Michaelae Boymo è Soc. Jesu, & in China Missionario.
2. Epistola 3. Joh. Christ. Sturmii, Math. & Phys. P. P. ad Joh. Georgium Volckamerum M. D. Quarta Borelli Indago, ab eodem oculariter & paucis ope machinulæ suæ exhibenda.
3. De Specierum erectione in Camerâ Opticâ Dissertatio Epistolica Ludovici Laurentii Phil. & Medici Bononiensis.
4. Planetolabium diu desideratum, à plurimis tentatum, à nemine perfectum, nunc tandem inventum à Lothario Rumbach, dicto Koesfeld; familiæ Uranogææ Euclide.
5. Isibordi ab Amelunxen, & Alexandri de Insulâ, Monachorum Corbejæ Saxonica, Breviarium rerum memorabilium, complectens varias historias curiosas, non minùs jucundas quàm utiles, nunc primùm è MSS. erutas, & Scholiis illustratas à D. Christiano Francisco Paullini, Curios ARIONE.
6. Historiæ literariæ S. R. J. Acad. Nat. Cur. Continuatio II. Authore Michael Bernhardo Valentini, Med. Lic. & Acad. Germ. Cur. Collegæ.

CLAVIS

CLAVIS  
MEDICA

ad

Chinarum Doctrinam

De

PULSIBUS,

AUTORE

R. P. MICHAELE BOYMO, è Soc.  
JESU, & in China Missionario.

*Hujus operis ultra viginti annos jam sepulti fragmenta,  
hinc inde dispersa, collegit & in gratiam Medicae Facultatis  
in lucem Europaeam produxit*

CL. DN. ANDREAS CLEYERUS,  
M. D. & Societatis Batavo - Orientalis  
PROTO-MEDICUS.

A quo

Nunc demum mittitur

*Totius Operis Exemplar, è China recens allatum,  
& à mendis purgatum,*

Procuratore

R. P. PHILIPPO COPLETIO,  
Belgâ, è Soc. JESU, Chinenſis miſſionis  
Romam miſſo.

---

ANNO dō Ibc LXXXVI.



214.113

211.113

211.113

211.113

211.113

211.113

211.113

211.113

211.113

211.113

211.113

211.113

211.113



AUTHORI

*Vitæ ac Salutis, Medicorum Principi Opt. Max.*

CHRISTO JESU.



Uti enim potius dedicem & consecrem hoc opus, quàm Tibi Authori vitæ ac Restauratori? Sive enim hoc opus considero ut notitiam dare admirabilem illius fabricæ corporis humani, certè Tibi potissimum dicatum esse debet, qui tam admirandæ fabricæ es Archite-

ctus. Si pulcherrimum corpusculi & vitæ nostræ humanæ cum vastissimo ambitu cœlorum & utriusque machinæ consensum & harmoniam contemplor, Te imprimis, Te solum venerari debeo, qui omnia in pondere & mensurâ usque ad finem tam fortiter suaviterque disponis, & in minimis quoque tam magnus es DEUS. Jam verò si oculos conféro in minoris Mundi flumina tot, rivulosque, venas, inquam, & meatus tenuissimos, per quos devectora vita sese communicat, ab uno omnes fonte profectos, ingratus sanè sim, si fontem hunc cuiquam alteri quàm tibi, qui es  $\alpha$ . &  $\omega$ . principium, inquam, & finis, si, inquam, aliò derivare illos pariar, quàm ad Te, Pelagus bonorum omnium, ad quem omnia creata tanquam flumina ad mare currunt, aut si aberrent, exsiccari illico penitusque deficere necesse est. Cui, inquam, quàm Tibi, qui es Sapientia aterna, scrutans renes & corda, qui uti potes, ita & vis omnes salvos fieri.

Creaveras Tu quidem hominem immortalem, arborem quoque vitæ plantaveras, sed (eheu!) DEO sibi que injurius sese & totam posteritatem toxico peccati mortifero infecit, do-



nec tandem misertus nostri magnus è cœlo Medicus descendisti, imò & Medicus dici voluisti verè in æternum honorandus propter necessitatem inevitabilem & prorsus incurabilem, nisi omnipotens manus tua remedium contulisset. Equidem ut animæ morbos, qui mortis æternæ sunt prodromi, depelleres, vix aliâ sanè viâ aut medio efficaciori usâ Sapientia divina, quàm medendo corporibus. Hinc ibas per Castella & Urbes, sanando omnes à languoribus; Imò medicinas quasdam seu ex luto, seu sputo, seu aquis adhibere dignatus es, ut ita omnes ad Tui & æterni Patris notitiam animarum vulneribus medendo perduceres. Quin imò, ut Te Medicum verum esse ostenderes, languores & infirmitates nostras ipse ferre voluisti, & dolores nostros ipse portare, ut Tuo livore sanaremur, corpus, inquam, & sanguinem Tuum in medelam nobis dedisti, mori voluisti, ut viveremus, malè haberi, ut bene haberemus, & in ipsis Tuis vulneribus, in manibus, inquam, Tuis recipe vitæ nostræ descriptum, adeo feliciter, quòd repararas servatum. Neque hoc contentus, sed medicinas animæ etiam tanquam salubres fontes, scilicet, Sacramenta in remedium reliquisti, inter quæ sacratissimum corpus & sanguinem, divinissimam & vivificam panaceam, quâ proprias oves proprio pascis cruore,

Tibi igitur Clavem hancce, Tibi, qui solus aperis & claudis, Tibi, qui nobis & fidei Tuæ, aperuisti tot sæculis oclusam Sinam.

Non aliam mercedem expeto laborum, nisi ut aperire pergas oculos cœcorum & aures surdorum, & linguas mutorum facias esse disertas, quibus resonent in æternum laudes tuæ: Denique cognoscant Patrem tuum, & Te Filium, quem misit Pater, Jesum Christum; Hæc est enim vita æterna, ut ex hoc exilii nostri universali nosocomio in æternam beatitudinem perducamur, & aliquando sociatis agminibus Sinensium, ad expertem omnis morbi mortisque Patriam feliciter transeamus.

*Michaël Boymus, S. J.*

R. P. MI-

## R.P. MICHAELIS BOYMI,

è Societ. Jesu, ex Regno Siam

Anno 1658.

*Prefatio ad Lectorem.*

**M**irabere fortasse, Lector humanissime, qui in animum induxerim meum recondita medicæ artis præcepta apud Sinas penetrare, atque etiam vulgare Europæis; Videtur enim res aliena ab homine religioso, & ab eo, qui in Sinarum Imperio reducendis ad DEUM animabus attendere debet. Rationem facti accipe, ut admiratio & fortè obrectatio aliquorum aut præveniatur aut tollatur.

Sæpius mecum ipse cogitavi, quid Dominus noster Jesus Christus, qui in hunc mundum salvaturus animas venerat, egerit. Illum occupatissimum in verbo prædicando & docendo Populo omnia vulgant Evangelia; Verùm ut prædicationes & monita, atque illius sancta doctrina audientis Populi Judaici ac Principum aures & corda fortius suaviusque penetrarent, quid putas consilii accepisse, quo medio præcipuè usum? Sapientia æterna aliud non reperit efficacius, quàm si se Medicum corporum faceret, ut per salutem corporum animabus facilius mederetur. Verbo solo medebatur, & verbum illius ut perditis prodesse posset prædicatum, & immortalitatem persuadebat, cum mortem ipsam Medicus immortalis à mortalibus depellebat. Nimirum per miraculosas curationes febrium, hydropisis, paralyfis, lepræ, ac mille aliorum morborum hoc agebat, ut medicinas animabus salutiferas instillaret, & naturam à venenoso esu vetiti pomi infectam, & omnibus morbis, mortique ipsi expositam ad vitæ immortalitatem adduceret: Neque esse solummodo, sed etiam dici Medicus voluit, dum non esset opus Medico sanis, sed malè



habentibus, se vitam, salutem, resurrectionem vocat. Quæ cum ita sint, quando placuit Deo segregare me supra coetaneos meos, & vocare per gratiam suam, ut evangelicarem illum in Gentibus, continuo vitæ illius conformare me studui. Igitur medium ad salvandas Gentes à DEO adhibitum sequendum decrevi; Equidem in Europæis successum habuisse apud agrotos expertus fui, Medicos & illos, qui aliquid de hac scientiâ se nosse ajunt, habere facilem, imò & ad omnes, aditum, perspicuum est, ad Sinarum etiam lucrandos animos & eorum corda pervadenda non inutilem artis hujus notitiam judicavi. Quare cum linguæ Sinicæ operam darem, eadem operâ cum characteribus Sinensibus artem illorum medicam penetrare studui, quàm ex lectione plurimâ Sinensium Medicorum: Postea adverti habere adeo magnam antiquitatem & experientiam, atque etiam connexionem earum rerum, quas afferunt, mirabar proinde, quomodo Sapientissimus DEUS non modò similes Europæis Populos in illâ extremâ Orbis parte constitueret, verùm eosdem multis naturalibus donis ac talentis, divitiis etiam ac Politia, Artibus ferè omnibus, & nobilissimâ imprimis artis medicæ scientiâ exornavit; Vulgandam igitur illam judicavi: Quomodo enim celarem tantum thesaurum? Olim Galenus circuli hujus fabricam admiratus, non alium ejusdem Artificem esse potuisse, nisi DEUM, exclamavit. Considerabat regius Propheta in homine aliquando structuram ossium, & quasi extra se raptus, memor debitæ gratitudinis, ad Conditorem suum ait: Omnia ossa mea dicent, Domine, quis similis est tui? Non ego, inquit sancta illa Machabæorum mater ad filios, spiritum & animam donavi vobis & vitam, singulorum membra non ego ipsa compegi, sed eam mundi Creator, qui formavit hominis nativitatem, quiq; invenit omnium originem, & spiritum vobis iterum cum misericordiâ reddet & vitam. Profectò sicuti Sapientia DEI & vitæ illius vestigia elucent clariùs in medicinis, quas reliquit

reliquit mortalibus : Ita etiam vita hominum, quam ineffabili quodam modo animam rationalem & immortalem tribuere corpori corruptibili fecit, ad quam conservandam & restaurandam etiam artem ipsam medicandi inspiravit, relucet providentia DEI ac sapientia, ut ex hac vitâ mortali Authorem illius vitæ immortalis homines agnoscere possent. Et si hinc scientiam vitæ restituendæ, & in Medicinis miras operationes vitæ, quam adeo omnes amant, mirantur homines, multò magis admirari Authorem eorum, & laudare vitam ipsam, seu illum, cui omnia vivunt, & in quo omnes vivimus, movemur & sumus, cogerentur ! Hæc fuit ratio potissima vulgandi novum Sinarum in Arte Medicâ inventum, ut in DEI laudes excitaretur Lector, & miraretur Sapientiam illius, atque ad illam æternam vitam suspiraret, quam DEUS se dare indicat, cùm medicinas & artes medicas prorogandæ vitæ proponit ad suam gloriam & bonorum operum incrementum. Suadebat etiam vulgare hoc idem opus utilitas, quam arripere possent ægroti homines & Sacerdotes, qui illorum expiandis peccatis, vel ægrorum ad agonem ultimum disponendorum curam habent : facillimè enim tam infirmi sese in periculo positi, si ad ea scripta animam adverterint, scire posse, & Sacerdotes juvare eosdem ac monere de morte instante & curâ salutis ex signis & judiciis, quæ hinc multò plura & faciliora habes, quàm unquam aliquis notaverit fortè Medicus. Habebit & hinc Philosophus, quod scire aveat, & quod speculetur, si arcana illa, quæ DEUS naturæ indidit, & Sineses ex antiquissimâ traditione receperunt, perscrutetur, & Microcosmi cum Megacosmo harmoniam quandam atque concentum. Habebit & Mathematicus, cùm crises seu decretorios dies, quorum rationem in numeros referre solent, à causis aliis occultioribus procedere animadvertet. Habebit Astrologus, cùm cœlorum motum adæquari à regularis vitæ humanæ circuitu, in quem mirabili cum efficacia influit, Sineses invenisse



venisse mirabitur. Habebit Physicus, cum Elementorum mutationes in corpore humano non aliter ac in universo fieri cognoscit. Habebunt Medici, quæ studiosè explorent, experiantur, observent, ac in praxin & utilitatem mortalium deducant. Ut autem de veritate dictorum, perlecto illo nemo dubitare posset, partim, ut Sinenſes ipſi quoque non ignari aliquando Europææ & latinæ linguæ, vera me de Arte ipſorum narraſſe, orbi univerſo poſſint confiteri, eandem ipſum librum characteribus Sinico-Europæis curavi deſcribi, & interpretationem latinam, (quæ ut facilior eſſet intellectu, nonnulla verba interſerui, & hoc non ex meo capite, ſed aut ex textu alterius loci Sinico, vel ex commentariis ejusdem ipſius textus) appoſui. Quicumque igitur ſine hoc textu Sinicis & latinis characteribus exarato librum hunc videris impreſſum, fidem illi ne adhibeas, ſed ut ſpurium rejicias, nam prætermiſſo textu multa vitioſè, & incerta irrepere poſſe, mihi certum eſt. Appello ad textum, quem integrum incorruptumque adhibeo. Quæſo autem, ut à principio quæcunque legis, memoriâ tenere ſtudeas, nam hæc uſui maximo ad poſteriora intelligenda. Si initio principia ſpreveris, ultima intelligere, crede mihi, non poteris, ſiquidem abrupto filo exitum non facile invenies; Eſt enim omnium, quæ Sinenſes afferunt, mira connexio, & intellectus unius ab alio pendet. Quare omnia legenda ſunt, ſi vel unicum in hac arte percipere velis dogma. Adverte autem, modum legendi Sinenſium diverſum eſſe ab Europæo, nam illi à ſiniſtrâ incipiunt legere, & præterea à ſummo margine deſcendendo deorſum, & hoc ſecundum in libro hîc adjuncto obſervatum à me videbis; Primum verò illud mutavi, & ad modum legendi receptum à latinis accommodavi.

Caterum ſcias, velim, humaniſſime Lector, me, quæ in hâc clavi poſt multum laborem & diligentiam conjeci, pleraque ex authenticis ac in Imperio Sinarum receptiſſimis libris

bris Medicorum, & qui ex jussu Tribunalium & ipsius Imperatoris vulgati, atque iterum & iterum recusati sunt, accepisse, & plura alia habere vulganda, si DEO placuerit. Ac proinde de certitudine Artis mihi dubium nullum est, neque enim mentiri toti Imperio ausi fuissent, aut illis imponere per tot ætates, quorum jussu ista elucidata sunt; Adde, quod Ars ipsa seu ipsius fundamentum antiquissimum sit, & commentarii novi cum antiquis ferè concordent, & quod ego maximè obstupui, quasi iidem sunt, quæ conformitas in tantâ varietate ingeniorum, multitudineque hominum, atque vicissitudine cuilibet sanè admirabile videri potest ac debet. Ac proinde ego quoque post clavem Sinicam textum ipsum antiquissimi omnium libri medicæ Artis subjunxi, partim, ut ex eâ quam dixi auctoritatem habere possent, partim, ut de ejus fide, prout à me translata sunt, nemo sinistrè sentiret aut suspicaretur.

Stylus in hac clavi pedestris est potiùs & tumultuarius, quàm concinnus & elegans: secutus enim sum, quantum quidem potui, modos loquendi Sinensium, qui quàm ab Europæis sint diversi, ex lectione patebit. Memor fui magni illius Augustini, qui libro quarto de doctrina Christianâ Cap. XI. ait: Bonorum ingeniorum insignis est indoles in verbis verum amare, non verba. Quid enim prodest clavis aurea, si aperire quod volumus non potest? Aut quid obest lignea, si hoc potest, quando nihil quærimus, nisi patere, quod clausum est.



*Alia Præfatio ante librum receptarum ponenda.**Ejusdem P.*

**L**iber hic, qui sequitur, est ratio seu regula medendi Sinensibus usitatissima, quam ille nobilissimus & primus Medicorum invenit & composuit, quamque Arti pulsum explorandorum ab ipso traditæ uâm Xõ hõ Auctor adjunxit, hodieque sequuntur Medici Sinenses omnes, qui quidem, etsi non haberent ab ipso pulsu infirmi, omnino securi sunt, quòd medicinæ pulsibus hinc præscriptæ morbis quoque medebuntur, longâ quique experienciâ compertum habent, quòd medicamenta hinc allata certam afferant curationem. Igitur si curatio non succedat, vel, ajunt, indebitè adhibitam, vel non probè cognitos pulsus, vel certè malum hoc cum altero malo conjunctum esse, vel denique medicinam pulsui, cui mederi sit impossibile, adhibitam. Quapropter quicumque voluerit his uti medicamentis, sedulò ac diligenter, obsecro, sese exerceat in pulsibus explorandis ac discernendis, ne librum hunc, quo vitæ plurimorum consulere volui, temeritas alicujus atque imperitia non sine meâ immerentis invidiâ faciat esse lethiferum.

Sed occurrunt tibi fortasse medicinarum Sinicarum prorsus ignota nomina & ipsæ adeo medicinæ, unde impossibilem esse usum Europæis libri hujus concludis. Desiderabam equidem remedium afferre huic difficultati, & jam de facto proposueram herbarium Sinense conficere, ac medicinarum, quibus utuntur, virtutes & herbarum imagines proprias describere; Sed cum hoc longum tempus & laborem exigeret, nec non otium & commoditatem, quam Ego nactus nondum fueram, differre rem in aliud tempus perficiendam, DEO favente, decrevi. Olim cum ex Sinis in Europam proficiscerer, & Goæ subsisterem, Amicis Macaensibus scripseram, atque etiam sumptus

sumptus suppeditaveram, quibus medicinas Sinensium, quarum ferè omnium catalogum adjunxeram, ad me transmittèrent in Europam, & hoc quidem eo consilio, ut medicina Sinensium cum Europæis conferri possent, & vel cognosci, vel à peritis similes & ejusdem efficaciam pro eis substitui. Verùm desiderium hoc finem & postulatio effectum sortiri illo tempore non potuit. Verùm si seriò medicinas, quas habent Sinenses, & quas hîc legis, habere desideras à Mercatoribus, qui in Indiam vel Macaum abeunt, descriptis ex hoc libro Sinicis characteribus afferri curabis. Nam sicut Rhabarbarum & radix Sinica deferretur in Europam, & tantâ quidem copia: Ita & alias medicinas deferri posse certum est, quippe quæ in variis locis Imperii Sinarum uti nascuntur, ita etiam colliguntur & vili pretio veneunt.

Potiones hîc & pulveres & pilulas invenias, per hæc enim tria Sinenses medentur malis omnibus; Verùm necesse est ea, quæ observanda dicunt, observare sedulò, cum ratione vi-ctûs ab ipsis præscripta, de quâ egi pluribus in fine clavis medicæ.

Nota etiam, cùm de pondere hîc loquimur, Sinas quidem prorsus ignorare pondera Scrupulorum, drachmarum, & ana, quibus utuntur Medici Europæi: Apud illos in usu est pondus, quod *seúm* vocant, quod æquat pondus scuti romani, continetque decem Julios quasi partes æquales: Singulorum pondus vocant *Czên* Julium, porrò Julium ipsum seu *Czên* subdividunt in decem partes æquales, quas appellant *Fuen*: *Fuen* autem dividunt in decem *li*, & sic deinceps.

His tribus ponderibus non solùm alia, sed etiam medicinas ac illarum doses ponderare solent.

Item nota, quòd aquam metiuntur magnâ paterâ & parvâ paterâ (vulgò) Porcellanâ, ex quâ vinum vel *cha* seu *thè* bibunt. Ego calicem verti ordinarium, qui nec adeo parvus nec adeo magnus sit, & magnum calicem pro paterâ substitui.



Jubetur quoque decoctio fieri medicinarum in aquâ, quod intelligi plerumque debet, ut ex aquæ partibus decem tres absumentur, ac septem remaneant ordinariè loquendo, nisi aliud in loco particulari notatum videris.

Ad extremum praxis medicandi, quam ad finem clavis medicæ addidimus, est sequens: Probè cognito pulsu, qui irrepsit pro connaturali in quemcunque ex tribus locis (neque enim differt, siue dextræ loca sint, siue sinistræ) consule librum, & in hoc Medicinas, quæ isti pulsui præscribuntur, cura illas fieri ac sumi. Quòd si exactus vis esse, consule pulsum illius loci, primi scilicet vel secundi, vel tertii (*cùn quan chē*) planè sicut invenisse ægrotum, & medicinas pro primi, vel secundi, vel tertii loci pulsibus irrepentibus, siue illa sit portio, siue pilulæ, siue pulvis, fac confici illa, & ante vel post cibum, seu jejuno, tepida vel calida, uti præscribitur ibidem, sumenda porrige, quoad videris, pulsum connaturalem rediisse, itera. Unum hîc advertas, velim: Cùm Climates Europæorum & Sinensium, item orizæ & tritici, item modi ipsius victus (Sinensium e. g. ut potus ac cibus omnis sit calidus, Europæorum non item) & aliarum ejusmodi rerum magnum sit discrimen, hujus tanti discriminis cauto ac prudenti Medico in ægris curandis, ac seligendis medicinis habendam esse rationem.

Boni igitur consule laborem hunc qualemcunque meum, qui me per annos omnino decem inter occupationes & multas & graves, suis quoque intervallis occupavit, quia omnino videbar mihi factururus operæ pretium aliquod. DEUM admirare, Lector, qui hominibus vitam tribuit, & hujus ipsius vitæ tam, arcanum artificium voluit esse perspectum; DEUM ama, qui cùm tot meritò nostro animæ corporisque malis urgeamur miseri mortales, & his & illis tam apposita tamque efficacia remedia subministrat.

*Annotatio ad hanc præfationem de re-  
ceptarum libro.*

**R** Eceptarum Sinensium liber videtur Europæo parùm uti-  
lis esse. Ratio 1. Quia herbarum genera pleraque ignota  
sunt, & in Europæo solo nondû nata. 2. Radices & herbæ, tam-  
etsi siccatae, in Europam transferri plurimæ nequeunt, quòd  
à vermiculis & tineâ exedantur, antequam Macaum aut Bata-  
viam ferè pervenerint, quantò magis, si in Europam trans-  
mittantur. 3. Ex ipsismet herbis aut radicibus arentibus vix  
potest Medicus discernere, an alibi in Europâ similes reper-  
iantur: Opus foret percurrere Chinam totam, & herbas arbores-  
que vivas adhuc & spirantes consulere. 4. Herbæ & radices, quæ  
in Pharmacopoliis veneunt, magnâ priùs curâ præparandæ  
sunt, quædam vino, aliæ aquâ purâ aut falsâ, aut orizæ, aut triti-  
cea, aut parvuli lotio, aliæ aceto non nihil macerandæ, aliæ fari-  
næ masâ, aliæ nucû, aliæ glebâ terræ involvendæ, & sub cinere  
& igne lento mortificandæ, aliæ sacchari aut glyzirrhicæ aquâ,  
aliæ vaporibus aquæ bullientis imbibendæ, ac dein aut vento  
aut Soli à nonâ matutinâ usque ad tertiam pomeridianam ex-  
ponendæ, uti fit in Rhabarbaro, quod novies vapore aquæ im-  
bibitur, & singulis vicibus Soli siccandum exponitur, ut diu-  
tius servetur, & à malignitate, quam habet, depuretur, serva-  
tâ tamen virtute naturali, quæ, cùm sit admodum frigida, po-  
tius per ignem seu Solem sese intra magis recolligit, quàm fo-  
ras se effundat aut dissipetur: Aliis item herbis & radicibus e-  
ruitur nucleus, aliis cortex, in quarundam usu à contrariis ca-  
vendum, aliis etiam addenda quædam, quæ sint vehicula di-  
ctarum herbarum, ut est v. gr. Zingiber, & alia similia.  
5. Quædam radices & herbæ, quæ priscis temporibus certo  
morbo erant proficuæ, multo usu comperere, hisce tempo-  
ribus eidem malo noxias & penè lethiferas; Denique atten-  
dendum ad clima, complexionem, victum & potum Sinicæ



gentis, si enim alia applicent medicamenta Australibus Populis, alia Borealibus in uno eodemque morbo, quid faciendum putabunt, cum toto orbe ferè divisis Europæis? Quare superfedendum videtur hisce receptis, si modò apprimè noscantur pulsus, & ex his morbi qualitas. Non desunt in Europâ omnis generis medicamina lenientia, confortantia, restaurantia, evacuantia, temperantia, refrigerantia, calefacientia &c. Quibus morbis jam probè cognitis medeantur, ut non sit opus ea à Sinensibus emendicare. Sed videlicet hic cardo rei est, hoc opus, hic labor, probè pulsus dignoscere, requiritque subtilissima ad hoc ingenia, & usum experientiamque valde longanimum, uti ipsi dicunt. Quare si otium feret, conabimur aliquid de pulsibus annotare, quæ fortè hîc desiderantur, & proferre in medium, quî de unico saltem morbo, v. gr. febre malignâ, discurrant Sinenses Medici, ( si tamen discurrunt ) ut ex uno velut ungue de reliquis ferant judicium. Est autem, quòd non parùm credibilia sint censenda, quæ de morbis dicunt, cùm multi Medici totâ vitâ non aliam curam suscipiant, quàm curandi unicum morbum ( idque ab Atavis acceptum in familiâ sua Nepotes observant ) alii febrem hæticam duntaxat, alii malignam, alii puerorum solummodo morbos, alii solas variolas, alii mulieres tantùm, quæ omnium difficillimæ censentur; utpote, ubi morbi ex solo pulsu dignoscendi sunt: nam ex coloribus & signis exterioribus ( quæ item examinari volunt Medici ) in fæminis honoratioribus, cùm eas videre non liceat, nihil colligi nec judicari potest.

R. P. MICHAELIS BOYMI POLONI,

è Societate Jesu, è Regno Siam,

Anno 1658.

*Ad Medicos Prefatio.*

**P**roducimur in vestrum, Viri Clarissimi, atque totius Europæ conspectum ab ultimis terrarum finibus antiquissimum & nobilissimum Medicorum omnium. Si genus scire avetis, est sanguine & dignitate Imperator; Si ætatem, profectò Avicennâ, Hippocrate, Galeno & Celso multò antiquior, nam 400. & paulò ampliùs post diluvium annis vixisse refertur, & imperare cœpit anno ante Christum 2697. An Patriam scire desideratis? *Hònâm* Imperii Sinarum Provincia, *k'ài fũm* Metropolis, Civitas *syn pi* tanti viri Patria est. Nomen illi est *Hoâm-ti* id est, flavus Imperator. Hic equidem primus medicinas apud Sinas excoluit, & ejusdem artis præcepta posteris tradidit, atque cùm ob multa præclare facta de Imperio ille optimè esset meritus, per hanc quoque artem mortales sibi voluit demereri, atque adeo etiam nunc in arte suâ superstes deposito fastu & peregrinam à suâ edoctus linguam, iter ferè medii Orbis suscepit, Europam petens, vitam multis, quâ caret ipse, conservaturus. At, inquires: Quid novi adfert hic tuus Medicus Imperator? Fortassè in Anatomia plus reperit, quàm Europa sciat à Rondeletio, Vesalio & Bartholino? Minimè, nihil hic Medicorum primus de hac re ex proposito egit, etsi Medici Sinici illum secuti multa obiter dicant, atque etiam in imaginibusea, quæ latent in homine, depicta habeant. Vidi ego exactas earum imagines, putasses Europæas, cum descriptione Anatomiae humanæ. Verùm, utrùm hanc artem ipsi ex hominum sectione nacti fuerint, in nullo reperire potui, atque crediderim, exercuisse aliquando Sinas sectiones, siquidem omnes vel imaginariam crudelitatem hor-



tem horrent, & mortua cadavera, qui sic apud illos tractaret, quôcunque illud fine faceret, esset execrabilis. Quid igitur hic Medicus Sinicus adfert novi? Numquid novas medicinas per Artem Chymicam repertas, aut herbarum genera plura invenit, quàm Dioscorides & tot alii in Arabiâ, Græciâ, Indiâ Europâ aut Africâ, qui ingentes libros cum herbis depictis ad vivum vulgârunt.

Non solum in hoc excelluit hic Sina Medicus, utpote qui multas medicinas & herbas Europæis incognitas, quibus uti jubet in medendo, monstrat. Cæterum de Chymiâ nil habet, habebit sanè vitæ, mortis, morborum aphorismos aut de pulsibus novi aliquid. Sed quicquid sit, quod non jam Hippocratis ingenium, & qui illum sunt secuti in genere aphorismorum non totum, quod possit sciri, repererint? Quis verò uberius & excellentius de pulsibus doctrinam tradere poterit, quàm Galenus, & post illum tot alii præstantes Medici? Etenim Medicum Hoâmti antiquissimum aphorismos omnino alios ab Hippocrate adferre, similiter & scientiam de pulsibus omnino diversam à Galeno, & à nullo vel per somnum imaginatam, præterea rationem medicandi morbis aliam & novam prorsus ab Europæâ invenit & tradidit, & hæc omnia, quæ dixi, à diluvii ferè ipsius temporibus. Hæc ego omnia cum Authore suo in conspectum vestrum, Viri expertissimi, profero, & in clavi medicâ, quam fieri procuravi ad reserandam Artem in libris reconditam, descriptâ quilibet poterit invenire. Planè aphorismos hic Sina Medicus vitæ ac mortis in Scientiâ pulsum fundat, ex quibus non mortem solum vel morbos docet prædicere, verum affectiones & qualitates, quæ à morbis causantur, & vix quemquam inter Sinas Medicos reperias, qui à circumstantibus, quid morbi habeat æger, perquirat, vel quid passus fuerit, siquidem ille post pulsum exploratum omnia divinat, & ad miraculum morbum, & quæ ex illo orta sunt aut oritura, docet, imò mortem non ad  
dies

dies tantum, sed ad menses, ad annum & annos potest prædicere. Olim legi, Galenum aliqua ex pulsibus prædixisse, imò & prædicere docuisse, ut si quis jam comederit, vel laborarit aliquâ passione, & etiam aliquo alio morbo. Verum ut universaliter omnes & singulos morbos ex pulsibus cognoverit, vel hoc percipere, eorumque affectiones divinare ille vel alius ab illo docuerit, hucusque quod sciam, fuit nemo. Solus hic Imperator hanc artem edocuit, cujus præcepto observando Medici Sinæ hodieque apud Sinas & genera morborum quæcunque ex illis consequuntur, certò assequuntur. Sed quid, inquires, de pulsibus habere potest, quod non jam à Galeno aliisque sit repertum? Suprà retuli, quod prorsus alia, imò & contraria nec opinata habeat, & quanquam hæc fusiùs in clavi Medicâ retulerim, per transennam hîc aliqua subjicio. Omnes cum Galeno unius tantum manus pulsum explorare jubent, Hoâmti ambarum. Galenus sinistram manum duntaxat; Hoâmti præter sinistram etiam dextræ priùs jubet explorare pulsus, quod videlicet ibidem vita incipiat, desinatq; Galenus contendit, unicum locum in sinistrâ ad hoc sufficere: Hoâmti in dextrâ tria loca, totidem in sinistrâ ad pulsus cognoscendos esse necessaria, nec hoc contentus, in brachio tam dextro quàm sinistro in profunditate cujuslibet loci superficiem, medium & profundum, (hoc est, ad pellem & carnes, ad sanguinem & nervos, denique ad ossa) qualem pulsum habeant, explorare & distinguere docet. Præterea in foeminâ & viro naturales etiam pulsus in dictis tribus locis diversissimos observavit. Quid amplius? Levitatem & gravitatem inesse pulsibus ostendit. Quid deinde? Mensuram pulsum infallibilem vitæ & morborum regulam, quæ intervalliconstat spirationum, præscripsit. Mensuram temporis se ignorare ingenuè fatetur Galenus, quamvis multo tempore defudaverit in illâ quærendâ. Quid dicam de qualitate differentium inter se pulsum, atque admirabili illâ repertâ connexionione



nexione ac certitudine cum affectionibus, quas prædixit? Quid dicam de causis, quas assignavit in differentiis pulsum. Quid de circuitu sanguinis & Spirituum, atque reciprocatione? Quid de prædictionibus & coloribus, sonis, saporibus, odoribus & liquoribus? Quid de reliquis, ac postremò de ipsâ arte medicandi? Nimirum pulsibus Sinenses medentur, & non morbis, imò verò morbis per ipsos pulsus; Hoc est: cum pro naturali irrepsisse contranaturalem cognoverint pulsum, medicinam adhibent pulsui contranaturali, ut aut abeat, aut redeat ad naturalem, quò quid mirabilius? Quid referam de scientiâ pulsum, quomodo videlicet se mutuò pulsus producant, augeant, invadant & destruant? Sed hæc atque alia scire qui velit, medicam clavem accipiat, ac singula consideret. Unum moneo, ut ne ingredientium hoc Sinense conclave nova rerum species offendat animum, postquam lustraveris omnia, de opere toto & fabricâ sententiam feras licet.

Quisquis autem non assecutus fuerit rationes & causas omnium, quæ tradimus, experientiam ipsam consulat, & meminerit, illud, quod usu tot seculorum, quod in florentissimo maximoque Imperio probatum fuerit, quod etiamnum vigeat maximè, sicut Batavi, Angli, Lusitani, cæteræque Nationes, quæ ad Sinarum portus accedunt, testari possunt, non posse non suas habere causas, easque solidas, quibus innitatur Ars illa morbos prædicendi.

Agite! Viri Clarissimi, & hanc Artem vos ipsi pro vestro ingenio excolite! Et sicut his, qui acceperunt à Galeno vel Hippocrate Majores vestri studiis ac lucubrationibus suis multum lucis ac splendoris attulerunt: Ita & vos æmuli avitæ laudis expolite hoc opus & illustrate, atque effcite, ut Sinenses hos pulsus clariores ab Europæis jam redditos audiamus aliquando Orbe toto personare. Finem facimus, & rogamus, ut laborem hunc nostrum qualemcunque contra ingratos & Obtrectatores defendatis: Denique ut precemini DEUM Opt. Max. ut hunc Populum, quem ab Arte medendi corporibus adeo instructum esse voluit, non patiat diutius carere peritis animarum Medicis ac cœlestibus medicinis, adjuvante illo, cujus livore sanati sumus, qui est salus, vita, resurrectio omnium, cui soli honor & Imperium in secula seculorum.

R. P. MI-



R. P.

MICHAELIS BOYMI POLONI,  
è Societate Jesu,

## CLAVIS MEDICA

ad

Sinarum doctrinam de pulsibus.

## CAPUT PRIMUM.

*Quenam sit in homine vitæ ac sanitatis causa.*

Risci Sinenses viventem & sanum hominem per certam duarum qualitatum, quas *yâm* & *iñ* vocant, conjunctionem & quasi consensum constitui credunt. Per *yâm* calorem primigenium, per *iñ* humidum radicale volunt intelligi. Porro Spiritus & sanguis ambo in corpore humano dicti humidi radicalis & caloris primigenii dicunt esse vehicula, (quam ob causam etiam iisdem apud Sinenses nominibus *yâm* nimirum & *iñ* designantur,) quæ si inter se aptè & cum proportionem co-hæreant, primigenium quoque calorem, & humidum radicale quàm optimè habere, atque inde perfectam hominis vitam ac sanitatem existere & conservari affirmant.

*Fin* inquit Sinæ (quâ voce hominem significant, quem


& hoc caractere  describunt) ex *yâm*, cujus est hæc


nota , & in cujus nota est ista  conjunctis compo-

C 2

nitur.



nitur. Sicut autem ex illis duabus descriptis notis Sinicus ille Character, sive hominis significatio tota coalescit, & quemadmodum ex notâ vocabuli *yâm* conjunctâ cum notâ *iñ* vocabulum resultat, significans Sinicè hominem, *yâin* scilicet: Ita persuasum est, illis ex qualitatibus in temperamento humano *yâm* calore primigenio, & *iñ* humido radicali inter se mutuò unitis certam hominis vitam & sanitatem existere. Verùm hanc interdum ex incongruâ dictarum qualitatum conjunctione aut violentâ separatione alterari primum & languere, dissolvi deinde, ac postremò tandem extinguì. Eâ ferè ratione, quâ Sinicus Character  quando

ejus binæ partes  &  dissolvuntur, totam hominis significationem prorsus amittit.

Binas illas primigenias qualitates in principalibus corporis humani membris & intestinis velut in suis recondi fontibus, & inde in reliquum diffundi corpus, atque ab illis juxta eorum naturam, à quibus promanant, vitam ac sanitatem, actum & operationem singulas corporis partes pro suâ quamque exigentiâ accipere arbitrantur.

Quòd si aliquando, quas modò diximus, qualitates in membris ac intestinis, vel omnibus, vel aliquibus alteratas, immutatas reperiunt, tum morbos enasci, vires ac vitam deficere, & mortem imminere; Contrà verò, si integras ac sibi aptè invicem hærentes, valere hominem, integris esse viribus, ac fore longævum, certò conjiciunt.

Manifestum proinde est, apud Sinenſes Medicos vitæ ac sanitatis in homine causam existere ab *iñ* humido radicali, & *yâm* primigenio calore, prout vita per Spiritus & sanguinem ex illis promanans, cum debitâ proportionem universum corpus hominis & singulas ejus partes quasi rigat, penetrat, informat ac vegetat.

CAPUT SECUNDUM.

*Quenam sit in homine vitæ sedes.*

**P**Artes humani corporis dividunt Sinenſes in *Câm* & *fu*. Prior vox accipitur pro membris, poſterior pro inteſtinis.

Membra principalia, quibus ineſt potiffimùm in hu- midum radicale, ſex numerant.

Ex parte ſiniſtrâ : *Sin*; cor, *kan* hepar, *Xin* renes; Ex parte dextrâ : *ſi*, pulmones, *pi* lienem, *mim mûcû* portam vitæ.

Inteſtina ſimiliter, aut ſi mavis interiora, quibus potiffi- mùm ineſt *yâm* primigenius calor, ſex numerant.

Ex parte ſiniſtrâ *Siáo chám*, minora propriè dicta inteſti- na : *ſu*, folliculum fellis : *pâm kuâm* ureteres.

Ex parte dextrâ *tá chám*, id eſt, inteſtina majora propriè dicta, *quey*, ſtomachum : *Sin crao* tertiam partem corporis.

Etenim dividunt Sinenſes corpus humanum in tres par- tes : Prima eſt ſuprema pars, dicitur *Xam crao*, eſtque ea, quæ à capite protenditur ad pectus : Media *chum crao*, à pectore ad cingulum ſive umbilicum : Tertia & infima *hia crao* & *ſan crao* ab umbilico ad plantas pedum pertingit.

Membra Sinicè vocantur *Câm*, quod recondere ſignifi- cat; Recondunt enim vel cibos, vel ſanguinem, vel liquores, vel humores, vel ſpiritus. Inteſtina appellarunt *fu*, quod idem eſt ac atrium ſive colonia, quia ſcilicet illa, quæ in mem-bris reconduntur, ad interiora tanquam ad atria ſeu colonias membrorum deferuntur. Cùm verò principalia tum mem- bra, tum inteſtina, ob viciniam plurimùm inter ſe conſpirare, mutuoque ſibi inſervire comperiſſent, ſingulis ideo membris ſingula adnexerunt quaſi inteſtina.



Atque ita ex parte sinistrâ cordis quidem membro minora intestina ; hepatis membro folliculum fellis, renum membro ureteres ; Ex parte autem dextrâ : pulmonum membro majora intestina ; lienis membro stomachum, portæ vitæ tertiam partem corporis adjecerunt. In his autem membris ac intestinis humidi radicalis & caloris primigenii qualitates eis ab ipso ortu congenitas residere & conservari, & easdem pro diversitate temperamenti per diversos motus, spiritus & actus, vitam in corpus universum diffundere affirmant. Egerunt hoc enim summâ cum diligentia Sinarum primi Medici, ut singulorum membrorum ac intestinorum perspecta haberent naturalia temperamenta & affectiones. Quæ omnia atque imprimis consensum eorum ac dissensum, cum ex pulsibus se certò posse deprehendere, diuturno usu didicissent, (prorsus uti periti fidicines exploratis cytharæ suæ nervis, & horum & cytharæ totius vel consonam, vel dissonam constitutionem) pulsum ipsi pulcherrimam scientiam Posteris tradiderunt. Quæ quidem scientia ad hæc usque tempora conservatur ac viget, & nos eam infrâ, DEO favente, aperiemus.

Porro *con* contenti in sex membris & adjunctis sex intestinis origines & fontes vitæ detexisse, horum ipsorum certa indicia per totum exquisierunt corpus humanum. Et cum in diversis partibus corporis diversa reperissent, in capite potissimum tam membrorum quàm intestinorum, vitæ ac sanitatis, morborum, & mortis certiora signa apparere cognoverunt, quæ signa illi quidem *heu cyé* vocitant, nos postea externos temporariæ constitutionis indices appellabimus.

Ajunt insuper alligari exteriora sensuum organa, (quæ utique & in capite spectantur præcipuè) vitæ fontibus, membris, inquam, & intestinis, adeoq; linguam cordi, nares pulmonibus, os lienis, aures renibus, oculos hepatis. Quia imò ex colorum, qui in fronte, oculis, naribus, auribus se ostendunt varietate : Ex saporum, quos lingua vel sentit, vel appetit,

petit, vocis etiam, quam profert æger discrimine ac diversitate se posse vitæ mortisque tempora certâ assequi conjecturâ, non vanè glorientur. Unde ex memoratis sex membris & totidem intestinis (quæ sunt duodecim origines, aut potius, si membris intestina adnexa numeremus, vitæ fontes omnino sex) in reliquum corpus, atque etiam in exteriora sensuum organa per humidum radicale & calorem primigenium vitam derivari contendunt. Et quemadmodum membra & intestina diversimode sunt temperata, & interdum alias atque alias affectiones subeunt: Ita annexa sibi organa, aliasque subditas sibi & vicinas corporis partes aliter atque aliter afficiunt.

Adverte autem obiter, Sinenses modò dicere esse sex membra, modo quinque, videlicet hepar, cor, pulmones, liem & renes, quia nimirum renes duplices sunt, quatenus est in sinistrâ parte corporis, renis nomen obtinet, quatenus autem in dextrâ, porta vitæ dicitur. Rursum Sinenses modò dicunt, esse sex intestina, (quæ, ut suprâ diximus, totidem membris jungunt) modò quinque, scilicet parva & magna intestina, fel, ureteres, stomachum, *quæ San Ciao* tertia pars corporis magis ad extra est, at alia intra sunt. Quod verò tertia pars dicitur, esse sextum intestinum, quamvis non habeat figuram propriè dicti intestini, fit ex eo, quia est locus interiorum Spirituum, unde etiam jungitur portæ vitæ, quæ est ipsorum officina.

Ex dictis deducitur, quòd in homine vitæ sedes in duodecim originibus, sex, inquam, vitæ fontibus constituitur.

Supereft explicemus, quomodo membra principalia humidum radicale, & principalia intestina calorem primigenium pro suo quæque temperamento in totum diffundant corpus, & ejus singulas partes, seu quod idem est, per quas vias seu meatus vitæ, quæ diversimode in singulis membris ac in-



ac intestinis residet, ad humani corporis multiplices ac differentes operationes sanguine ac Spiritibus quasi vehiculis subvecta deferatur.

### CAPUT TERTIUM.

*Per quas vias seu meatus principalia tam membra quàm intestina, (illa scilicet, quæ sunt origines seu fontes vitæ ac sanitatis cum reliquo corpore humano vitam communicent ac sanitatem.*

**S** Inenses Medici constituunt ad dexteram tria membra, & tria eis annexa intestina, totidem quoque ad sinistram, ut, modò à nobis superiore capite est dictum. Porro à membris ( *in* ) humidi radicalis, & ab intestinis ( *yâm* ) caloris primigenii virtutes inter se permixtas, unitâ efficacitate in reliquum corpus dimanare, sequentibus describunt viis,

A sinistris nobilestimum, inquiunt, cordis membrum derivatur humidum radicale ad manus, vocaturque hic meatus ( *xáo xán yn kím* ) *manuum à corde diminuti humidi radicalis via*. Adnexa verò cordis membro minora intestina derivant eòdem calorem primigenium, atque adeo vocant hunc caloris ductum ( *xeú táí jám kím* ) *manuum à minoribus intestinis primigenii magni caloris viam*.

A duabus istis viis indicantur duæ origines, quæ constituunt vitæ unicum fontem, eodem modo de reliquis intellige.

Hepatis membrum demittit humidum radicale ad pedes, vocantq; hunc canalem ( *Có kiue yn kím* ) *pedum ab hepate defectuosi humidi radicalis viam*. Et quia ab adhærenti hepatis folliculo fellis calor primigenius item ad pedes sese diffundit, vocatur ( *Cò xiao jám kím* ) *pedum à folliculo fellis diminuti caloris via*. Ad pedes rursus humidum radicale à renum membro

membro delabitur, idcirco (C'ò Xáo ým kím) pedum à renum membro diminuti humidi radicalis viam appellant. Uti & (C'ò táí jam kím) pedum ab ureteribus magni caloris primigenii viam : quia scilicet ab ureteribus ipsis renibus conjunctis primigenius calor ad pedes procedit. Et hætenus quidem partis sinistræ meatus indicati sunt.

Jam verò à dextrâ parte pulmones, inquiunt, humidum radicale diffundunt ad manus, nempe per (Xeu táí ýn kím) id est, manuum à pulmonibus magni humidi radicalis viam. Item calor primigenius à majoribus intestinis, quæ cum ipsis pulmonibus conjuncta sunt, profectus, insinuat sese manibus per meatum (Xem iâm mîm kím) manuum à majoribus intestinis caloris primigenii puri & lucidi viâ.

À liene humidum radicale, à stomacho autem, qui lieni proximus est, calorem primigenium manare ad pedes, docent. Hujus meatum (C'ò iâm mîm kím) pedum à stomacho caloris primigenii puri & lucidi viam ; Illius (C'ò táí ýn kím) pedum à liene magni humidi radicalis viam vocant.

Denique ex vitæ portâ humidum radicale procedit ad manus, dicitur (Xeu kiñe ýn kím) manuum à portâ vitæ defectuosi humidi radicalis via. Et huic adjuncta tertia pars corporis calorem primigenium dat pedibus viâ, cui nomen indiderunt (Xeu Xáo iâm kím) id est, pedum à tertiâ parte corporis diminuti caloris via.

Hâc ratione totum corpus humanum ex Sinarum sententiâ humido radicali & calore primigenio penitus imbutum ab his ipsis vigorem accipit ac vitam, quæ utique ab suis originibus ac fontibus per eos, quos modò retulimus, meatus promanat.

Viæ autem duodecim ad originēs duodecim, sex, inquam, membra, humidi radicalis principia, & sex intestina, caloris primigenii spiracula, quasi calles duodecim & totidem vitales fontes deducunt : Fontes tamen hi non nisi sex vul-



gō numerantur, quia nimirum quodlibet dictorum membrorum & intestinorum nonnisi ex mutuo quasi consensu & uno eodemque influxu, vitam de qualitatibus modò dictis resultantem per vias memoratas in corpus humanum derivat.

Quisquis igitur naturam ac temperamenta istorum sex vitæ fontium vel duodecim originum probè cognoscit, sine dubio constitutionem totam membrorum ac intestinorum perspectam habebit. Quisquis præterea duodecim viarum dispositiones & affectiones eis congenitas, incrementa quoque & decrementa, adhæc alterationes & alias qualitates affectus fuerit, is sanè membrorum & intestinorum corruptiones, morbos & interitum facilè conjicere ac divinare poterit.

Quomodo verò sex vitæ fontium, sive duodecim originum ( membrorum, inquam, & intestinorum ) natura ac temperamenta, atque ab his promanantium duodecim viarum qualitates, tum naturales, tum etiam præter naturales à Sinen-sibus deprehendantur, nunc est porrò declarandum.

#### CAPUT QUARTUM.

*Quæ sit natura, quæ temperamenta & qualitates viarum duodecim ab originibus duodecim ductarum, & vitam ac sanitatem in corpus humanum deventium.*

**S**Upponunt Sinenſes, Elementa mundi à cœlo & conjunctis cum cœlo qualitatibus *yâm* videlicet, calore, & *yñ* humido ( quorum duo sint orta ex *t' ai kiě*, quod chaos seu materiam incompositam significat ) processisse, non esse pauciora, quàm quinque contendunt: Terram, Metalla, Aquam, Arbores sive Aërem, Ignem. Rationem verò hujus esse, quòd hoc quinario omnia, quæ videntur & sunt in universo, contineantur: Unde & Elementa vocârunt, quasi genera prima rerum, ad quæ reliqua possint reduci,

Hominis

Hominis corpus, ejusque membra & intestina, non inter simplicia constituunt, sed mixta. Verum cum in horum mixtione & temperamentis comperissent, in quolibet membrorum & intestinorum unam aliquam unius Elementi præ cæteris qualitatem dominari, singulis membris & intestinis singulorum vocabula Elementorum indiderunt. Atque ita sinistram partem corporis humani præstantissimo cordis membro, quod rubei seu ignei coloris, quod & amari saporis esset, quod præ cæteris membris efferveresceret & æstualet, & similiter annexis cordi parvis intestinis (*hò*) id est, ignis Elementi nomen tribuerunt.

Utraque verò ad Australem plagam, & *lingua* regionem sic dictam spectare, quod ibi ex eorum sententiâ Elementum ignis quasi in propriâ sede resideat, & æstate maximè effervescat, (unde fit, ut cor in æstate suas præcipuè prodatur qualitates) affirmant.

Hepatis membro nomen & naturam *mo*, id est, arborum, plantarum, aëris & ventorum, & similiter folliculo fellis ob colorem caruleum & subacidum saporem assignant. Utraque ortum respicere, & *Xin* cœlorum regionem, quod inde vis vegetandi & ventitantiæ ex nativo loco proficiantur, & quod in vere vires suas uberius explicent, (unde hepatis affectiones tunc maximè spectantur) docent.

Renum membro & ureteribus, *Xui*, id est aquæ Elementum inesse volunt, quod in illis falsuginosus quidam sapor, nec non ater color, & potissimum frigiditas seu humidum radicale principatum obtineant, adeoque ea ipsa sub cœlorum *qua kien* portione ad Boream collocant, quod ibi aquæ Elementum multo frigore rigeat, unde etiam hiberno tempore crebriora renum indicia atque effectus se prodant. Ad dexteram pulmonum membrum tum ob siccitatem, tum quod adustum, nescio quid, sapiat, præterea, quod albicantis sit coloris, nec non magnis intestinis, *kin*, id est, Metallum Elementum do-



minari putant. Ambo occasui & portioni cœli *qua kiuen* subjiunt. Et quia metalla per Autumnum perfici existimant, pulmones etiam & magna intestina eâdem anni tempestate vim suam imprimis exercere & indicare dicunt.

Lienis membro ob teporis qualitatem saporem dulcem, colorem flavum *tu* id est, terræ nomen indiderunt. Pari ratione & stomachum qui lieni jungitur, terreum esse censent.

Utraque in medio quatuor reliquorum Elementorum sub plagâ cœli (*gua ken* vocitant) sita esse, & exercere vires suas, tertio quoque (cujuslibet ex quatuor tempestatibus anni) mense asseverant.

Portam vitæ, & huic annexam tertiam partem corporis, ignis simul & aquæ subjiunt Dominis, ideoque à cordis & renum membris qualitates recipere, receptasque diffundere arbitrantur.

Hâc ratione distributis nominibus Elementorum, & observato Elementarium qualitatum dominio, in singulis membris & intestinis corporis humani, quemadmodum in hoc mundo majori minùs inter se pignantia, seu symbola Elementa se invicem producere & intendere, dyssymbola autem destruere & corrumpere, ac subinde alterationes & impressiones inter se mutuò efficere, observârunt. Similimodo membris & Intestinis, & quæ ab his ducuntur viis, aut easdem, aut non adeo dissimiles Elementorum Virtutes & propriam cujusque efficaciam inesse collegerunt. Nam, ut in Mundo (inquiunt) sublunari ex aquâ certo quodam modo videmus produci plantas seu arbores, ex plantis ignem, ignis autem cineream relinquit terram, terra verò metallorum est genitrix: Porrò metalla iterum producunt seu exprimunt aquam, aqua rursus arborem, & sic deinceps in orbem: Ita prorsus eundem in corpore hominis (quem meritò sapientes *μικροκόσμον* dixerunt) orbem effici passim docent.

Siquidem

Siquidem renum aqueum membrum communicat qualitates aqueas hepati, seu arboreo membro, quas suas postea efficit, sive in naturam quodammodo suam convertit: Hepar arboreum igneo cordi suas itidem qualitates: Cor igneum & similiter portæ vitæ, lien & stomacho naturâ terreis igneas, lien & stomachus suas terreas pulmonibus, qui metallicæ sunt naturæ, pulmones metallicas qualitates communicant renibus aqueis, ab his rursus ad hepar arboreum rerum submituntur qualitates &c.

Contrà verò, sicut aquæ Elementum igneum vel immittit, vel prorsus extinguit: Sic frigida qualitates renum cordis calorem vel minuunt, alterant, vel planè suffocant. Hepatis quod diximus subtile temperamentum pulmonum metallicâ virtute læditur; Et uti terra aquam inficit & suffocat, eodem modo lien terreis qualitatibus oppletus, aqueum renum temperamentum obruit, aut etiam destruit.

Quocirca si perspectum habuerimus, quomodo Elementa vel qualitates Elementares in membris ac intestinis reconditæ sese invicem afficiant, alterent, restaurent, augeant, immutent, destruant, corrumpant, facilè perveniemus in notitiam status, ac dispositiones naturales, imò & præternaturales viarum duodecim, ac totidem suarum originum, membrorum, inquam, & intestinorum: atque adeò mille genera morborum, mortem quoque ipsam multò antè, quàm accidant, cognoscemus.

Sed quoniam per vias duodecim sex membra & sex intestina, docuimus posse cognosci, vias verò ipsas duodecim per qualitates Elementares sibi congenitas, sui ipsarum, suarumque originem, seu sex vitæ fontium temperamenta manifestare, operæ pretium fuerit explicare, quomodo Elementarium qualitatum in membris ac intestinis, viarumque status naturalis aut contranaturalis explorari possit.



## CAPUT QUINTUM.

*Per quid in corpore humano viarum duodecim qualitates Elementares, ac illarum habitus, affectionesq; naturales aut præternaturales certò possint deprehendi.*

**V**itam humanam constare ex humido radicali & calore primigenio, non apud Sinenſes modò, ſed Europæos quoque receptum eſt. Sinenſes prius in ſex membris, poſterius in ſex inteſtinis recondi, atque ab iis in reliquum corpus per duodecim vias diſpergi volunt. Membrorum verò & inteſtinorum temperamenta & diſpoſitiones non niſi per eaſdem duodecim vias, per quas humidum radicale & calor primigenius deferuntur in totum corpus, indagari poſſe contendunt. Vias verò & earum capita ſeu initia per Elementares qualitates, ac verò qualitates has ipſas ſolummodo ex pulſibus certò poſſe cognosci ſequenti deducunt ratione.

Pulſus cauſatus in venis eſt à motu: Motus autem, qui exiſtit in venis, eſt à ſpirituum & ſanguinis fluxu decurſuq;: Spirituum denique & ſanguinis (quorum quidem ſanguis eſt humidi radicalis, ſpiritus verò ſunt caloris primi vehicula) fluxus & refluxus per duodecim vias à duodecim originibus ſex videlicet membris & ſex inteſtinis rigant totum corpus, ſingulasq; ejusdem partes commovent.

Verùm ſi id omne, quod movet, etiam impellat neceſſe eſt, id verò quod movetur, aut cedere debet aut reſiſtere, ſequitur omnino ex motu ab huiusmodi moventibus & motis productò pulſum reſultare: Itaque cùm Spiritus & ſanguis decurrentes moveant partes corporis atque impellant, adeoq; hæ moveantur, non poteſt ab his non aliquis pulſus exiſtere.

Pulſuum

Pulsuum proinde scientia necessaria est, quorum si naturam & differentias optimè perspectas habuerimus, congenitas duodecim viis Elementares qualitates & illarum affectiones in sanguinis & spirituum impressas motu, & consequenter ea ipsa ( à quibus proficiuntur duodecim origines ) membra, inquam, & intestina deprehendemus. ac illorum omnium statum & temperamenta, deinde etiam deprehensio qualitatum Elementarium diverso vel excessu vel defectu ( qui sunt utique diversitatis pulsuum causa ) alium atque alium viarum & corporis totius statum cognoscemus. Ex pulsibus autem connaturalibus statum quoque naturalem qualitatum Elementarium & sanguinis, qui vehit humidum radicale, & spirituum, qui calorem primigenium, viarumque duodecim & originum ac corporis totius humani vitam ac sanitatem conjicere, & ut cum Sinis loquamur, ex differentibus pulsibus differentes excessus & defectus in sanguine & spiritibus assequi, atque adeo membrorum varia & innumera genera & mortem ipsam imminentem prævidere poterimus.

Veruntamen vitam ( inquiunt ) conservare, valetudini consulere, morbis mederi poterit solus ille, qui pulsus connaturales in corpore humano conservare & corroborare, vel præternaturales & immutatos ad pristinum statum revocare, & restaurare per apposita medicamenta noverit. Ex pulsibus enim debito & naturali statui restitutis intelligunt statum, vias quoque duodecim rediisse ad primævum statum ; & per illas item in spiritibus & sanguine congenitas qualitates elementares ritè temperatas devehit vitam, quam duodecim jam sæpius memoratæ origines in corpus diffundunt.

Pulsuum itaque scientia imprimis est necessaria. Sed cum illi sint motus, aut certè efficiantur à motu in venis, motus autem & mobile tam locum quàm tempus supponat, hîc verò solùm declaratum sit, quomodo ex sex membris & sex intestinis Elementares qualitates in totum corpus devehantur, & illius partes fin-



tes singulas moveant, quærendum de loco & tempore, in quibus motus, & à motu pulsus fiunt, hoc est, ad quæ loca corporis sint pulsus explorandi, & quâ mensurâ temporis metiendi, ut inde pulsuum distincta certaque notitia accipiat, atque ex hâc scientiâ constitutionis sanguinis & spirituum, elementarium qualitarum, duodecim viarum, & originum totidem, seu sex vitæ fontium, membrorum, inquam, & intestinorum, ac denique humidi radicalis ac caloris primigenii & quæ ex his duobus existunt, morborum ac sanitatis, mortis ac vitæ.

### CAPUT SEXTUM.

*Quenam sint in humano corpore loca pulsuum magis idonea ad explorandas viarum duodecim qualitates Elementares.*

**P**ulsuum in corpore humano loca descripta sicut in libris Medicis Sinensium reperi, cum fide subijcio unâ cum ipso textu ad verbum & commentario ejusdem.

Textus: Omnium cavitatum in quibus pulsus reperiuntur loca.

1. *Fen pe*, id est, natans albedo (sic dicta pulsuum loca) sunt post aures, ingrediuntur locum, ubi terminant capilli, ad unam digiti mensuram.

Commentarius: Carmen ait de pulsu remisso, post cerebrum in ipso flexu cervicis ad tertiam colli vertebam, ibi dicta pulsuum loca reperies.

2. Textus: *San ciao*, id est, tres partes humani corporis, sic vocantur pulsuum loca.

Terminus supremæ partis corporis est à vertice capitis ad os supremum stomachi: Mediæ partis terminus à supremo stomachi ore ad ventriculi os inferius; Tertiæ seu infimæ partis terminus à stomachi inferiori ore unâ infra umbilicum digitali mensurâ ad plantas usque pedum pertingit.

3. Textus:

3. Textus: *ki muen*: id est, extremorum porta, duo sic dicuntur loca: In foeminis, ubi papillarum pendularum extremitas correspondet ossi interiori: In masculis autem & iis, qui minores mamillas habent, unico digito pulsus explorari potest: Siquidem pinguis sit homo, duabus infra mamillas digitalibus mensuris; Si verò macilentior fuerit, unicâ & dimidiatâ digiti mensurâ deprehenditur.

4. Text: *ki hai*: id est, spirituum mare sic dictus pulsuum locus. Est autem unâ & dimidiâ infra umbilicum digiti mensurâ.

Comment: Spirituum mare dicitur, quia in Masculis feminalium spirituum ibidem est concursus seu mare.

5. Text: *tan tien*: id est, rubeus ager, sic dictus locus, distat ab umbilico trium digitalium mensurarum intervallo prope locum, *quan yuen*, id est, limitum origo.

6. Text: *quan yuen*: id est, limitum origo; Ita dictus pulsuum locus, qui est infra umbilicum tribus digiti articulis & aliquanto magis.

Comment: Locus hic est venarum, quæ à parvis intestinis & viâ pedum diminuti humidi radicalis & caloris primigenii porta, corporis humani radix & fundamentum; denique spirituum feminalium aggregatio.

7. Text: *Gin im*: id est, hominis obviatio. Ita dictus locus pulsuum, & existit in sinistrâ manu ante limitem, (qui medius est pulsus) mensuræ digitalis, (quam in decem partes dividunt) parte unicâ.

Comment: Hepatis & folliculi fellis est sedes. Hujus loci pulsus si iidem fortè reperiuntur in loco renum signum est, hepar & fel lædi à frigore. Similiter hic locus & sequens dictus *ki keu*: id est, spirituum os: subjiciuntur ambo magni humidi radicalis pulmonum viæ.

Imperator ait: *Gin im* (loci nomen est) pulsuum itidem indicat stomachi. Hujus sedes est in sinistrâ manu ante limitem,



tem, mensuræ digitalis parte unicā; Itidem in utraque parte gutturis dextrorsum & sinistrorsum, reperitur *gin im* cavitas. Sedes *gin im* subjecta est pulmonum magni humidi radicalis viæ. *Giu im* cavitas subest stomachi seu pedum caloris pr. puri & lucidi viæ, ideo dicitur *giu im* denotare quoque stomachi pulsum.

8. Textus: *ki keu*: id est, Spirituum os. Locus sic dictus est in manu dextrâ ante limitem seu medium pulsum, digitalis mensuræ parte unicā.

Comment: Lienis & stomachi sedes est; Si pulsus intensi sunt ac pleni, membra illa ex cibis læsa esse ostenditur. Imperator quare, inquit, Spirituum os solum habet dominium in quinque membra corporis humani? Kipeús responderet: Stomachus liquidorum & solidorum alimentorum est mare, & sex intestinorum magna origo. Quinque sâpores alimentorum, quæ per os recipiuntur, in stomacho duntaxat reconduntur, ut alant quinque Spiritus. Spirituum os manifestat viam magni humidi radicalis, seu etiam lienem. Quinque membrorum & sex intestinorum Spiritus & sâpores oriuntur à stomacho, & alterantur, & alterati apparent in hoc pulsum loco *ki keu* dicto.

*Giu, im* & *ki keu* in collo utrinque percipiuntur, videnturque coeli & terræ mutuam inter se conspirationem vel unionem imitari: Denique sunt pulsum aut incipientium aut terminantium portæ.

9. Textus, *tai chum*: id est, magna penetratio. Duo sic dicta pulsum loca in duobus pedibus post pollicis avorticulum, intervallo duarum mensurarum digitalium, in ipso plantæ pedis medio; Pulsus qui ibi incidunt ipsi sunt.

Comment: Aliqui volunt, spatium illud habere duntaxat intervallum unius mensuræ digitalis mensuram & mediæ.

Ex hoc pulsu cognoscitur via, quæ defectuosum humidum ra-

dum radicale ab hepatis membro ducit ad pedes, & ubi horum locorum pulsus exploras, conjicere certò potes, hominem, siquidem pulsus perseverat, omnino vivere; Si verò cessat, proximè abesse à morte, idcirco dicuntur ista loca vitæ & mortis januæ.

10. Textus: *tai ki*: id est, magna lacuna. Sic dicuntur bina loca pulsuum; Reperiuntur ad latus pedum supra os calcanei.

Comment: Diminuti humidi radicalis à renibus ad pedes ostendunt viam; Mares quidem in pede sinistro, Fœminæ verò in dextro dicta loca pulsuum habent. Et quia sicut renum, ita etiam vitæ portæ idem est pulsus, ideo mortis ac vitæ hîc dantur indicia. Æger proinde, si pulsus in illo loco pro ratione sui morbi habeat, vivere adhuc cognoscitur; Verùm si penitus illo pulsu careat, mortuum esse indicat: Ideo pulsus hi appellantur portæ vitæ.

11. *Chum yam*: id est, caloris primigenii viæ, se mutuò penetrantes; Dicuntur etiam *hocy juuen*, id est, coacervationum fontes, suntque in pedum superficie quinque mensurarum digitalium intervallo inter ossa, ubi pulsus percipitur, sursum versus procedendo, non in ipso quidem flexu seu cavo finu, sed tribus ab hoc digiti mensuris.

Comment: Caloris prim. puri seu stomachi via est. Homo spiritus accipit ab Alimentis, alimenta demittuntur in stomachum, stomachus ad quinque membra & intestina vapores seu spiritus diffundit, ij autem, qui puriores sunt, in sanguinem resolvuntur, nam spiritus (humidi) grossiores digeri necesse est. Proinde purius, quod dicitur *ym*, intra venas insinuat sese, fitque sanguis; Quod verò extra venas fertur, dicitur *qnêy*, suntque calidi spiritus, qui extra & intra venas hîc atque illûc meant. Per sanguinem & spiritus humidum radicale & calor prim. veluti per sua vehicula ad omnes corporis partes & intimos quosque recessus in orbem ad in-



Itar circuli circumferuntur, penetrantque se mutuò, ac penitus miscentur.

Cùm autem stomachus sit liquidorum & solidorum alimentorum mase, & consequenter omnibus spiritibus materiam suppeditet, dominatur per diversas suas qualitates & recens exortas affectiones, quatuor anni temporibus, adeoque spirituum pulsus iisdem temporibus percipi debent.

Atque isti spiritus stomachi fundamentum sunt, ac semen aliorum omnium, quia non solum morbos, quatuor anni temporibus grassari solitos alterant, sed etiam vitæ ac mortis præcipuæ sunt causæ: quare cujuslibet ægroti convenit etiam locorum *Chum yam* explorare duos pulsus, & exquirere diligenter, an stomachi spiritus contineant nec ne, atque inde de vitâ ac morte statuere.

12. Text: *Fum fu*: Id est, ventorum civitas, & alio nomine *Xe<sup>n</sup> puèn* dicitur, id est, linguæ radix. Est in occipitis parte infimâ, ubi capilli terminant, à quibus intervallo unus mensuræ digitalis fursum tentando pulsus percipitur.

Comment: Magnorum nervorum caro declinans in illa loca malignæ febris tempore, relatos pulsus solet efficere, & ab hoc loco capitis jam memorato pullulare.

*Hujus prædictorum paradigmatis Sinici figuram  
vide in Tab. Appendicis primâ, n. 1.*

**M**Odò operæ pretium erit inquirere, sintne ex his, quas retulimus cavitatibus aliquæ, quæ 12. originum vias 12. & congenitas iisdem qualitates elementares queant indicare.

Etenim primus locus ex suprâ numeratis & pulsus post aures in illo repertus solum manuum diminuti caloris primam viam indicat, sive tertiæ corporis partis viam.

Loca dicta tres partes corporis numerant illi quidem, sed non declarant earundem pulsus.

Tertius

Tertius locus manuum puri caloris se intestinorum magnorum viam prodit.

Quartus & quintus locus nullam viam denotare videntur.

Sextus locus *quān yuēn* seu limitis origo per viam pedum diminuti humidi radicalis ad renes originem ducit.

Septimus locus sinistræ manus hepar & fel indicat.

Octavus locus, manus dextræ, lienis & stomachi viam indicat.

Nonus locus pedum defectuosi humidi rad. seu hepatis viam indicat.

Decimus locus pedum diminuti humidi rad. seu renum viam designat.

Undecimus, caloris primig. puri, id est, stomachi viam prodit.

Locus denique *fuñ fū* ad statum pulmonum aliquantum cognoscendum conducit.

Sed quoniam ex hac inductione patet, ex enumeratis pulsum locis, si nihil præterea afferatur, non omnes vias viarumque origines aperiri; rursus necesse erit investigare alia pulsum loca, ut his cognitis duodecim viarum elementares qualitates, duodecim iterum origines, sex inquam membra, & sex intestina, & singulorum status atque affectiones regulariter ac certè deprehendi queant.

### CAPUT SEPTIMUM.

*An præter dicta pulsum loca, alia in tribus corporis partibus reperiantur, idonea ad explorandas duodecim vias & harum qualitates?*

**C**Um ex tribus partibus totum corpus humanum Sineses constituent, (ex capite præcedenti & secundo item per transfennam vidimus) iterum singulas corporis partes hoc modo explicant.



Textus: Tres corporis partes omnium liquidorum & solidorum regia sunt via, sunt item spirituum principia ac fines.

Kipeús ait: Tres partes corporis passionum in homine & temperamentorum sunt origo. Spiritus nascuntur ex vaporum, quos stomachus congregat, materiâ; Vapores verò prodeunt ex aqueâ qualitate, quæ residet in cavitatibus, in quibus etiam fines ac principia desumunt.

Textus: *Xám cião*, id est, suprema seu prima pars corporis infra cor & pectus, constituitur supra orificium stomachi, dominatur interioribus & non iis, quæ egeruntur. Ejus præcipua sedes est pectoris meditullium infra locum *yo tám*, id est, gemmarum aulam, dictum, unius digitalis mensuræ & sex partium intervallo. Planè autem, ubi papillæ interiùs incidunt, pars dicta corporis terminatur.

*Chúm cião*: id est, media seu secunda pars corporis, sedem habet in eâ cavitate stomachi, quæ nec suprema est nec infima, dominatur carnibus & alimentis. Ad latus umbilici utrinque statuatur.

*Hia ciao*: id est, infima seu tertia pars corporis; Est ab umbilico descendendo ad ureterum supremum orificium. Dominatur loco, ubi purum à fæculento secernitur, uti etiam in ea, quæ egeruntur. Sedes illius est infra umbilicum unicâ digiti mensurâ: Habet etiam aulam, quæ est spirituum radix & vita. Et cum spiritus calidi motu suo permisceant sese, omnibus & interiùs atque exteriùs adhærescant, motus ille vocatur insinuatío spirituum.

Comment: Supremæ partis corporis sedes est in pectoris meditullio, quod ex textu patet. Mediæ partis sedes est in umbilici latere. Umbilicus duo habet latera, quodlibet verò latus unius mensuræ digitalis habet locum, ubi extremum ventris pubes operit, ad intervallum duarum mensurarum digitalium. In eo loco humidi radicalis & caloris prim: pulsus exi-

fus existit, nec non à pedibus lucidi & puri caloris prim: seu stomachi via.

Stomachus quos accipit cibos digerit excoquitque, & in vapores primùm, deinde in spiritus convertit, qui orsi à tertiâ parte corporis deferuntur ad vias duodecim, & ad semitas seu calles angustiores, tendunt etiam sursum & deorsum, seu hi spiritus quasi impetu acti sui caloris cavitates liquidorum aliosque vegetant, & sanguinem permeant commoventque. Hujus autem motus, quem Spiritus efficiunt, est ab infimæ seu tertriæ partis loco. Et quamvis originales spiritus accipiant aliunde materiam, ex quâ immediatè procreantur; quia tamen ipsa illa materia sine spiritibus stomachi esse non potest, ideo illorum radix dicitur & fundamentum. Notandum verò diligenter, spirituum aulam & viam esse in tertiâ parte corporis, ubi spirituum motus incipit, ac per illum motum omnes originales spiritus permeant; Unde fit, ut dicatur duodecim quoque viarum radix, & omnium quoque (quæ aliis spiritibus insident) viarum atrium ac domicilium.

*Vide paradigma capitis precedentis.*

Quemadmodum igitur in hoc universo tria constituunt longè præcipua *Sân côi* dicta, seu tres excellentias substantiales longè præcipuas: Suprà videlicet cœlum, infra terram, in medio autem ipsum hominem, qui cœli terræque sit particeps: Ita corpus ipsum hominis in tres partes & quasi regiones dividunt: Supremam, quæ pertingat à capite usque ad orificium ventriculi, & contineat pulmonem & pectus, seu quicquid est supra diaphragma, cor item & pericardium, seu, uti vocant, involucrium cordis: Mediam verò, quæ pertingit ad umbilicum, complectatur diaphragma, stomachum seu ventriculum, & quicquid eum ambit, lienem, item hepar & fel: Infimam denique, quæ propè ab umbilico ad pedes usque decurrit, includitque renes, vesicam, ureteres, intestina & genitalia. Aliter etiam dictas tres regiones sed per Metaphoram explicant.



explicant, sic, ut in supremâ constituent velut varias quasdam nebulas, in mediâ pluviam, in imâ lacum & stagna, quæ ex dictâ pluvîâ confluxerint.

Porro tribus hujuscemodi regionibus humani corporis eodem prorsus ordine ternos manûs utriusque pulsus respondere contendunt; Atque ita primo & supremo pulsui (quem etiam cœli nomine significant, quod supremæ corporis regioni respondeat) dominari calorem primigenium, qui adeo pulsus naturâ suâ sit exundans, supernatans, magnus; Tertio seu infimo pulsui (quem terræ nomine, significant, quod infimæ corporis regioni respondeat) dominari humidum radicale, eâque de causâ profundum esse, & comparatione quidem pulsus mediæ ac supremi esse radicis instar, quæ cum trunco, ramisque & foliis arboris comparetur. Infimum hunc pulsum robustiorem volunt esse in fæminis, propterea, quod in eis prædominetur humidum radicale & sanguis, supremum verò pulsum seu primæ regionis in eodem sexu debiliorem esse, contrarium verò Maribus accidere. Jam verò pulsus medius (quem hominis nomine significant, qui medius cum sit cœlum inter & terram, mediæ item corporis regioni respondet) neque exundans est, neque profundus, sed remissus, inquit, id est, temperatus, ac verè medius, ut qui pari cum portione fiat particeps tam caloris, qui versus primum locum effert sese, quàm humidi radicalis, quod suoque quasi pondere ad terram infimumque locum descendit: Item limes dicitur, ut qui duo, quæ diximus, extrema limitet medius, non secus ac truncus arboris radicem ejusdem & ramos.

Nec observant tantum pulsum ordinem jam dictum, sed horum singulos tripliciter item explorant, atque ita ad cujusque superficiem applicant primò digitum, sic ut cutem leviter stringant duntaxat; Ad medium verò dum exploraturi procedunt, arteriam digitis utcunque deprimunt. Infimam denique ejusdem pulsus regionem & quasi fundum seu radicem explo-

exploraturi ad nervos ipsos & ossa validiore contactu pertinent, atque hoc modo conjiciunt, an idem pulsus ubique sibi constet, & consequenter, an morbus tantummodo superficialis sit, aut ab extrinseco adveniens, an contrà, occupatis jam interioribus, radicem fixerit. Unde si fundum aut radicem exploraturi pulsū abesse comperiunt, fidenter pronunciant, actum esse de vitâ, quia (inquiunt) pulsus caret radice. Et quoniam denique membrorum alia collocata sunt ad sinistram partem humani corporis, ad dextram partem alia; Idcirco etiam docent, hæc quidem membra pertinere ad ternos pulsus manus dextræ, illa verò ad pulsus sinistræ.

Tab. III. Append. n. I.

Porro pulsus istarum novem partium, quas continent scilicet tres magnæ regiones corporis, quomodo reperiantur, & quomodo ex pulsibus constitutio & qualitates cognosci debeant, infra explicabimus, adjecto etiam schemate à Sinenfibus Medicis descripto. Nunc brevibus:

Collige 1. Quæcunque pulsuum loca invenientur in corpore humano ad cognoscendam sanitatem aut morbos, vitam aut mortem, necesse est iis earum trium regionum corporis temperamenta & congenitam constitutionem & advenientes seu subinde irrepentes indicari.

Collige 2. Quòd cujuslibet magnæ regionis ternis partibus sit pulsus supernatans (qui est à calore primig.) medius & profundus (qui est in humido radicali) sive (quod idem est) novem partium singulæ suos omnino habent pulsus.

Collige 3. Indiciorum seu signorum exteriorum novem illis partibus annexorum habitus & affectiones ex pulsibus illis debere manifestari in ternis partibus pulsuum seu supernatantem &c. ut suprà dictum est.

Collige 4. Cùm iam & in calor primig. & humidum rad. in novem memoratas insinuent sese partes, necesse est,



ex similibus partibus pulsum aliarum partium constitutionem dignoscere, & in omnium partium pulsu singularum constitutionem relucere. Ratio est, quia quælibet non solum suam ipsius constitutionem manifestat, sed etiam, quomodo se cum aliis pulsibus habeat, cum quibus sympathiam seu unionem quandam habet. Ratio ulterior est, quia viæ inter se certo quodam modo penetrantur ac permiscentur, ex eâ quæ est propria solum humido radic. ei, quæ soli calori primig. est destinata, & alteri, quæ de utroque æquam portionem accipit. Rursus hæc duabus præcedentibus & media utriusque viæ illi, quam primo loco attuli, & ultimæ, atque ita pulsus, qui v. gr. viæ cordis dicitur, non solum suam cordis viam, sed & hepatis & vesicæ, & pulmonum & stomachi vias, & quæ his annexa sunt, unâ cum singularum dispositionibus per indicem quasi secundarium manifestat: Et sic de reliquis discurre. Nam tres partes, coelum, homo terra sic dictæ itidem se mutuo continent, pars enim coelum vocata partibus coelo terrâ & homine constat, & pars, quæ terra dicitur, iterum ex coelo homine & terrâ est, & pars, quæ homo appellatur, iterum ex coelo homine & terrâ confurgit. Similiter pars, quæ viam humidi radic. habet, illa eadem à viis, quæ partim humidum radic. partim calorem primig. æqualiter continent, & à viis, quæ tantum calorem primigenium habent, penetrantur, & pars quæ habet viam caloris primig., illa eadem à viis, quæ solum humidum radic., & ab aliis viis, quæ æqualiter humidum radic. & calorem primig. participant, permiscetur. Ad extremum pars, quæ viam partim humidum radic. partim calorem primig. æqualiter habentem continet, illa eadem à viâ, quæ calorem primig. tantum, & ab aliâ viâ, quæ humidum radic. tantum continet, informatur. Quare pulsus reperti debebunt non solum singulas vias 12. singuli singulas, sed singuli pulsus vias, & omnes pulsus singulas vias, simili quoque ratione originis, & quæ ex illis constituuntur, sex vitæ fontes in suâ

in suâ constitutione indicare. Sic, v. g. pulsus loci, qui viæ cordis dicitur, non solum suam cordis viam, verum & hepatis, & vesicæ, & pulmonum, & stomachi, & quæ his connexa sunt, statum & dispositionem indicent necesse est; Pulsus deinde, qui loco viæ hepatis assignatur, non solum hepatis viæ constitutionem, sed etiam cordis & vesicæ, & stomachi, & pulmonum, & portæ vitæ indicat. Et sic de reliquis discurre. Horum verò omnium hæc est causa, quod vita & sanitas sit quid totum integrum, unde non magis de vitâ una pars corporis, licet diversimode, aut unum membrum participat, quam singula reliqua, eò quod ad singularem partium corporis vitam ac sanitatem omnia membra & intestina, sex, inquam, vitæ fontes concurrant, & per vias duodecim in sanguine & Spiritibus humidum radic. & calorem primig. devehentibus se ipsa communicent.

Cum igitur vita sit bonum integrum, non potest esse vita, nisi ex causis integris, & quia malum ex singulis defectibus, hinc ex minimo defectu unius membri vel partis alterari vitam ac sanitatem labefactari facile est, adeoque lædi etiam omnia & singula membra & intestina, à quibus est vita. Quomodo autem in uno pulsu, qui unius membri viam indicat, aliæ quoque viæ, seu, quomodo in uno pulsu unius partis corporis aliæ partes corporis se manifestent & discernantur, infra docebimus.

Colligitur interim viarum duodecim pulsus potissimum in manibus manifestari, in quibus adeò videtur absolutè coærvatio esse & quasi concursus pulsuum. Nam mediæ regionis corporis suprema minor pars in dextrâ manu per pulsum magni humidi radic. viam seu pulmones denotat, & mediæ regionis minor media pars in sinistrâ per viam diminuti humidi radic. hepar manifestat; Ideò vocatur absolutè coærvationem potissimum esse in manibus. Et licet in pedibus reperiri modò docuerimus membrorum & intestinorum vias,



attamen, quia ibi nec omnium nec principalium viarum pulsus sedem habent, potiusque in manibus investigandæ sunt illæ, quàm in pedibus. Hoc autem consequemur, si modò observaverimus, ubinam sint coacervationes sive concursus in corpore humano, ossium, medullarum, nervorum, membrorum & intestinorum, spirituum, & denique venarum pulsuumque; Nam si hic pulsuum ultimus concursus in manibus reperiatur, manuum sanè loca ad duodecim vias explorandas idonea esse, determinare oportebit.

### CAPUT OCTAVUM.

*Queritur, ubi reperiantur potissimum scaturigines rerum, ex quibus constat corpus humanum, & an in harum singulis possint pulsus haberi, ad deprehendendum 12. vias, an verò solum in concursu venarum pulsus existant ejusmodi, & an alibi quàm in manibus existant?*

**C**Orpus humanum constare ossibus, medullis, nervis, carne, pelle, sanguine, pulsibus, spiritibus, membris, demum ac intestinis, certum est; quare ossium, medullarum, nervorum &c. necesse est scire loca, ac horum cognata reperire. Primum quidem per Sineses renes ponuntur loco primo, deinde cor, postea hepar, tunc pulmones, mox lien, exercere verò dicunt suos actus sexto loco renes. Porro, uti primo loco nascuntur renes, ita omnium primò exercere incipiunt actus suos, deinde cor, tertio loco hepar, postea pulmones, ad extremum lien. Hæc verò membra, uti etiam, quæ membris adnascuntur, intestina, videlicet ureteres, parva intestina, folliculus fellis, magna intestina & stomachus, ac reliqua habent suas congeries & loca illa, prout in tabula III. infra positâ videre est.

Sic igi-

Sic igitur in loco dicto, *tá cáu* (quod significat magnum reconditorium) intestinorum est scaturigo.

Loco dicto *kí, hū*, quod significat quatuor anni temporum constantem qualitatum unionem, membrorum sex scaturigo est. Porro, cum cor non solum sit causa faciei, humerorum, sed palmarum, manus, item linguae atque sanguinis, congeries sanguinis est in loco *kě yú* quod significat diaphragmatis locum.

Pulmones etiam, quia non solum sunt narium, labiorum, pellis, capillorum; ac unguium causa, sed etiam Spirituum, congeries ipsorum Spirituum est in loco *san ciāo*, id est, trium partium corporis.

Jam hepar, quia non solum est oculorum, sed etiam nervorum origo, ideo nervorum scaturigo est in loco *jām līm ciāen*, quod significat caloris latebram & fontem.

Renes non solum sunt dentium, aurium, sed etiam ossium causa. Scaturigo ossium est in loco *ta ín*, quod significat magnam elevationem. Iidem renes sunt causa etiam medullarum in ossibus. Locus, in quo est scaturigo medullarum, vocatur *ciúe kō* quod significat interruptionem ossium.

Restat venarum & pulsuum congeries & scaturigo, quam nullibi esse Sineses ajunt, nisi in ipsis manibus, vocant locum *tá quén*, quod significat magnae profunditatis abyssum, & cum de causa principali venarum & scaturiginis earum nullum membrum, nullum intestinum singulare scaturiginis causam esse docent, intelligi volunt, omnia ac singula membra ac intestina concurrere, & esse causam quadantenus singularum venarum scaturiginis.

Cum enim non paucae viae ad dictum locum scaturiginis venarum a suis originibus (quae sunt membra & intestina) manantes confluant, & sanguis & spiritus decurrentes per venas sibi que congenitas qualitates Elementares, & per has consti-



tutionem tam viarum quam sex vitæ fontium explicant, motu suo pulsum efficiant, pulsum sanè locus nusquam aptior inveniri aut deligi potuit ac debuit, quam in venarum concursu, nam ibidem quoque est pulsum concursus.

Quocirca, cum hic locus sit in manibus, manuum loci idonei videntur esse pulsum, ad investigandas duodecim vias, & congenitas his Elementares qualitates, origines quoque, à quibus profluunt membra ac intestina. Vide tab. III. n. II. III.

### CAPUT NONUM.

*Cur in manu sinistrâ, in quâ scaturigo venarum inventa est, pulsus sint explorandi? Item: An sola manus sinistra sufficiat? An venarum etiam pulsus sint explorandi in dextrâ?*

**N**On solum in sinistrâ manu, sed etiam in dextrâ pulsus inveniri, experiëntiâ constat. Sinenses, (uti suprâ ostendimus) cum rerum, ex quibus corpus constat, quærerent scaturigines, in manibus venarum scaturiginem esse dixerunt, eandemque etiam scaturiginem pulsum esse statuerunt.

Cæterum in dextrâ manu locum *kí keù*, os spirituum dictum, pulsus habere etiam ajunt. Cum enim hic pulsus à spirituum decurrentium motu potissimum fiat, in dextrâ quoque manu pulsum coacervationem esse, sibi persuaserunt, ac proinde utriusque manus loca pulsum nobilissima & eorum concursus apparere omninò asseverant, & horum sufficientem esse causam, cur non solum in sinistrâ, sed etiam in dextrâ, pulsus sint explorandi, quia nimirum in sinistrâ manu venarum est scaturigo, in venis verò motus à sanguine & Spiritibus procedentes pulsum causantur.

Porro

Porro, in dexteræ manus loco *ki keu* dicto, quod pulsum congeries etiam reperitur, vel ex eo probant, quod ibi fit maxima vis & copia Spirituum, à quibus utique extra & intra venas in sanguine decurrentibus motum effici necesse est, & ab hoc motu pulsum; Proinde utramque manum ad pulsus explorandos magno usui esse dicunt, siquidem hæc & illa manus causam adæquatam pulsum habet. Sinistra quidem sanguinem decurrentem in venis, in quibus reconditur scilicet, & nunquam in vivo corpore sine spiritibus est: Dextra verò copiam spirituum, qui, quia cum sanguine decurrunt, sine sanguine esse non possunt, ideoque, cum sanguis & spiritus causa sint motus, & motus pulsum, qui tam in dextrâ quàm in sinistrâ reperiuntur, pulsus explorari posse ac debere in utriusque manus loco asseverant.

Adde, membra hominis & intestina alia esse sinistra, alia dextra, viæ proinde ab illis decurrentes aliæ sunt ad dexteram, aliæ ad sinistram, ut supra retulimus. Ut igitur status illarum & congenitarum illis elementarium qualitatum percipi possit, sequi oportere, tam in sinistrâ pro membris ac intestinis sinistris, quàm in dextra pro dextris explorandos pulsus.

Ad extremum, quod in manibus pulsus sit exquirendus, ratio potissima est, quia omnis illa circumvolutio sanguinis ac Spirituum (qui humidum radicale & calorem primig:, unde vita resultat, devehunt) in manibus potissimum terminantur, complenturque, & ab illis iterum fluxum suum circulem ordiuntur. Cum igitur vitæ principium primò, ac vitæ finis ultimò se prodant in manibus, non alibi pulsus explorandos esse, certò concludunt. Esto se prodant etiam in pedibus.

Sed quomodo in corpore humano circuitus viarum duodecim, & in illis revolutio sanguinis & spirituum, humidum radicale & calorem primig: devehentium, ad manus terminetur, & ab his ipsis incipiat, & sic circuitus ex pulsibus manuum à Sinensibus sit deprehensus, & à quolibet deprehendi possit, necesse est explicare.

Figura



Figura & motus circularis non aliâ in re clariùs apparet, quàm in cœlorum orbibus, quorum circumvolutio, quòd ab hominibus usu ipso & diuturnâ observatione compertum fuerit, æternus esse creditus est. An verò ab æterno existere potuerit cum generatione vel rebus generatis, in Scholis disputatur, & à plerisque Thomistis affirmatur. Orbem cœlorum spatio viginti quatuor horarum revolvi, & singulis annis circuitum non solum Solis, sed reliquorum etiam Planetarum observare, hujusmodi æternum à DEO posse creari, nonnulli asserunt. Echnici verò nonnulli, Duce Aristotele, de facto fuisse ab æterno, contendunt. Perpetuum motum doctissimi quique Philosophorum ac Mathematicorum hâc nostrâ & superiori ætate alii inventum esse, alii verò inveniri posse, alii & hoc & illud, ac meritò sanè negant.

Cæterum si dari potest perpetuus motus, profectò dicendum est, hunc in orbibus cœlestibus imprimis, tum verò in vitâ corporum humanorum, & ex artificialibus rebus in horologiis aut instrumentis, quæ motum illorum habeant ut in variis subjectis, dari posse. Neque enim facilior & aptior alia figura pro æterno motu fingi potest, quàm circularis, & verò describit, hunc præsens cœlorum motus, vita etiam humana, nec non sua horologia rotata artis miræ opus & mirabiles effectus solertiæ humanæ imitantur.

Summæ artis fuit, quendam Pictorem sine errore circum absque centro descripsisse perfectissimum. Summæ artis & illud, alium itidem Pictorem circuli centrum abolitum uno ictu ostendisse; Quin & eò processum humanâ industriâ, ut horologia fabricata sint, quæ sub formis canum, Leonum, hominum Personarum ad horas aliquot deambulant ac circumirent: Ut organa, quæ nullo pulsante sponte personarent ad numeros, feliciter arte effinxerint.

Apparuit nuper in Poloniâ horologium, quod non solum Lunæ defectus & Planetarum oppositiones, conjunctiones, quadra-

quadratos, sextiles, & trinos aspectus (quale est in Pragenfi & alibi) reliquosque motus menstruos, item & annuos manifestare potuerit; Sed quod maximè mirabamur fuit, quòd unicâ rotarum circumactione astrorum, sex mensium, tam horarum quàm dierum singulorum, nec non etiam lunaris cursus circuitum pulcherrimè describebat. Vivere diceres ad medium annum. Sed anne fieri posset aliud, quod integro anno similem motum exhibeat, omnino posse existimo; Imò alium fortasse labentibus annis fore, qui ad duos & plures annos ejusmodi instrumentum circularium motuum in lucem producat, non absurdum fuerit credere. Potuit igitur solers hominum indagatio exteriorum & circularium conferre instrumentis vitâ carentibus, idque per adeo longum tempus, ut etiam medii anni. Verùm enim verò, Sapientissimus rerum omnium Artifex Deus cœlorum orbibus vastissimis per adeo vastum spatium à tot annorum millibus circularem motum impressit, quia imò viventia etiam quasi horologia in hoc sublunari constituit, quibus alias atque alias statas periodos annorum & ætates præscripsit, corpora, inquam, animantium, & imprimis ipsorum hominum, quæ sicut vitæ principia habere, ita & ejusdem vitæ cursum traducere, & finem denique hic obtinere voluit, sic tamen, ut eidem homini contulerit æternam vitam in paradiso per usum & esum admirabilis fructus, quem dabat, ligni vitæ, quo quidem fructu irrepente in corpus diuturnitate, ut fit, temporum vitia (quasi rubigo quædam vitalium rotarum) detegebantur. Neque contentus hâc planè divinâ liberalitate, eandem in cœlo longè perfectissimam ac bonis omnibus cumulatam vitam promiserit, si modò, quod est æquissimum, sui Creatoris sanctissimæ voluntati obsequeretur. Cùm igitur vitæ nostræ sit maximè consentaneus motus circularis (quod quippe quò maximè conferatur) motum circularem in viventibus, ac potissimum in homine, maximè regularem esse, credamus necesse est.



Porro Sirenſes vitam humanam non ſolùm motibus cœlorum menſurari, verùm etiam iisdem eſſe quàm ſimillimam, crebrò inculcant. Et nos quidem Europæi annuos motus circulares vitæ noſtræ numeramus. At verò Sinæ & annuos, & menſtruos, & diuturnos etiam motus circulares jam inde ab ipſo propè diluvio in corpore humano detexerunt.

Sed quâ tandem ratione hoc deprehenderint, nos ſecuti illorum doctrinam, initium circularis motus diurni, qui vitæ noſtræ ineſt, locum etiam, à quo incipit, & in quo deſinit, modò oſtendemus; Deinde verò menſtrum circulum vitæ, ad extremum etiam annum, DEO favente, explicare conabimur.

Supponunt Sinenſes, circuli (quemcunque circino deſcribas) centrum in plano & in ſuperficie planæ aliquo puncto principium orbis facere, tum verò flexu ſuo obliquo perpetui orbis finem conjungere, ſicque in diem, à quo cœperat, punctum coïre, atque ſi motus cœptus & perfectus duret in illo ipſo plano, iterum unde cœpit redire, & conſequenter alios atque alios motus circulares efficere & proſequi. Eodem planè modo in corpore humano evenire, conſtanter ajunt. Vita, inquiunt, tum procul dubio principium accipit, cùm fœtus animatur, ſed aliorum longior, aliorum brevior vitæ periodus, eò, quòd vitalis circulus vitæ longævæ ampliorem, brevius autem vitæ anguſtior circumferentiam naſtus fuerit. Hòc vero circulo contineri alios circulos vitales, & his rurfum alios inſertos eſſe volunt, non aliter, quàm orbis conſtat annuis, & lunaribus ſeu menſtruis circulis & diurnis. Quòd ſi vitæ circulus inceperit, etiam locum habere debet, à quo incipit, & ad quem curſu ſuo deſluit ac terminat, curſum ſuum denuo exorſurus, uti cœlorum orbis ab ortu cœpti circumaguntur, donec ab eodem ortu iterum incipiant.

Sed quodnam eſt, inferimus, centrum in corpore humano hujus circuli vitalis? Ajunt Sinenſes, eſſe mediam regionem

gionem corporis humani. Circumferentia autem quæ? Caput inquit, & pedes & manus. Sed si in medio quasi puncto corporis humani pedem circuli defixeris, altero circumducto, perfectissimè circulum ad distantiam pedum, capitis & manuum describit. Quare cum vita in toto hoc spatio & ambitu ex ipso motu partium, quæ circumferentiam attingunt, existat, necessariò ex motu partium circumferentiam circularem attingit & describit. Ostenso proinde centro & peripheriâ circuli ostendendû est, quomodo per eundem à centro & circa centrum assignantur duodecim viæ, & per illas sanguis & spiritus, & in illis tanquam in propriis vehiculis humidum radicale & calor primigenius, seu vita ex illis resultans feratur, seu quomodo tandem, iste fluxus vitæ à centro ad circumferentiam veniat, & ex quo loco motus in hac rotâ vitali initium ducat, & vitæ cursum consumat.

*Sed audiamus Sinenses ipsos.*

Textus: Homo recipit Spiritus à cibis, cibi recipiuntur in stomachum, & suas virtutes communicant quinque membris & sex intestinis: Omnia enim quæ sunt in corpore, recipiunt Spiritus, qui ex ciborum materiâ nascuntur; Nam id, quod est subtile, est *qûm*, humidus, inquam sanguis purissimus, imbutus humido radicali, intra venas serpens; Id quod est grossum, & nec dum bene digestum, est *quêi* sive spirituum calidorum quasi congeries, calido primigenio imbutorum, intra & extra venas meantium, & sanguinem commoventium, quippe hæc duo *qûm* & *quêi* totum corpus penetrant & circumeunt rotæ instar aut circuli, qui sine interruptione circumagitur. Nota: quòd spiritus calidi subjiciantur calori primigenio, & sanguis venarum humido radicali, quæ duo inter se permixta ac penetrata motum in corpore humano circularem spatio viginti quatuor horarum perficiunt. Nam quo temporis spatio 50. domus cœlorum circumaguntur ex Sinarum sententiâ, eodem ipso Spiritus & sanguis, qui



cursum suum exorsi sunt à pulmonum viâ, diei præteritæ tempore matutino (horâ tertiâ & quartâ Europæâ, nam hora quælibet Sinica duas Europæas complectitur) per diem integram & noctem integram ad eandem horam matutinam fluunt refluuntque, & ibidem cursum integrum complent, planè in ipso illo loco, in quo reperta est maxima congeries Spirituum, quæ os Spirituum vocatur, & in quo apparent calor primigen. & humidum radic. invicem sibi unita, & unde hæc ipsa iterum in sanguine & Spiritibus incipiunt fluere & refluere, & perpetuos orbes agere, vitamque in illis deferre.

Textus: Duodecim viarum pulsus & quindecim 10 (sunt pulsus venarum ad latera duodecim viarum rivulorum instar manantes) venarum pulsus quo tandem in loco ducunt initium, & in quo finiunt? In duodecim viis pulsuum decurrunt sanguis & Spiritus, penetrant ac penetrantur ab humido radicali & calore primigenio, ut virigent, foveant, servant ac vivere faciant totum corpus humanum: Illorum (sanguinis videlicet & spirituum) origo est in medio seu meditullio mediæ regionis corporis (quod supra centrum circuli vitalis esse diximus) inde verò communicati manuum magni humidi radicalis viæ ab illâ motum ordiuntur, & præcedunt ad manuum lucidi seu puri caloris primig. viam, ab hac verò ad pedum caloris primig. puri & lucidi viam, & ab hac ad pedum magni humidi radicalis viam, à quâ postea motum continuant ad manuum diminuti humidi radicalis viam, & ab illâ ad manuum magni caloris primigenii viam, deinde ab hac ad pedum magni caloris viam, unde ad pedum diminuti humidi radicalis viam, à quâ eundem profequitur motum ad manuum defectuosi humidi radic. viam, & ab illâ ad manuum diminuti caloris viam; Ad extremum ab hac ad pedum defectuosi humidi radic. viam, ubi videlicet vitalis illa rota sanguinis & spirituum & circulus finem accipit, ac rursus volvendo redit à loco viæ manuum magni humidi radic. & sic deinceps, cursum quem memoravimus repetito.

Viarum

Viarum quas diximus motus prorsus annulorum instar aut circularum inter se mutuò infertorum se pervadunt, ac sine interruptione totum corpus circumeunt, manè verò redeunt ad locum manus dextræ, ac inde iterum fluere ac currere incipiunt. Inde est, ut ex hoc loco manuum, qui & os spirituum dicitur, de quibusvis morborum generibus & ipsâ vitâ & morte possit ferri sententia.

Observe hîc quasi per transennam, quòd cùm sint quindecim *lō* seu semitæ aut calles emergentes ad latera viarum, tribus quoque diversis motibus & pulsibus diversas efficiunt vias, ut infrâ dicetur.

Cujuslibet diei hora matutina (*ym*) quæ est tertia & quarta Europæa matutina, fit motûs ac flexûs initiû, nam in meditullio magnæ partis corporis oritur, & membro pulmonum communicatur, unde initium motus est à pulmone, ab hoc ad magna intestina: ab his verò ad stomachum, à stomacho ad lienem, hinc ad cor, inde ad parva intestina, ab his ad ureteres & vesicam seu renes, à vesicâ seu renibus ad involucrum cordis, hinc ad intimam seu tertiam regionem corporis, ab hac ad fel, & denique ad hepar motus sanguinis & spirituum decurrit, qui ibidem horâ primâ & secundâ noctis terminatur; Sequentis diei horâ tertiâ & quartâ matutinâ ad pulmonem cursum suum denuò resûmit, ac sic per consequentes dies & menses & annos eum cursum prosequens, vitæ periodum sibi consentaneam tandem absolvit. Cùm igitur in pulmonibus seu viâ pulmonum omnium viarum sit caput ac principium, id est: cùm per illas sanguis decurrit, qui rursus ac motus sanguis non aliunde est, quàm à spiritibus, in quos dominantur pulmones, & cùm à loco dicto cursus instituitur horis matutinis, & eodem quoque pulsus venarum incipiat, fit, ut in loco dextræ manus pulsus explorandi sint.

Textus: Cognito fine & principio facilè est determinare, quomodo se habeant humidum radic: & calor primig: . Quare hoc



re hoc dicitur? Quia videlicet finis & principium pulsuum, & præterea humidi radicalis & caloris primigenii sedes est, ex quâ rotæ instar manè incipiant moveri, & ideò diximus principium inibi esse, sed & finem verè etiam, quòd nimirum trium viarum humidi radicalis à trium viarum caloris primigenii spiritus finem habeant, ad quorum quidem finem mors consequitur. Verùm ejusmodi mortis singulæ viæ suæ habent indicia, atque ideò dicimus finem habere.

Commentarius. Inest singulis rebus suus calor suumq; humidum, ideò finis & principium illorum in ipsis locis determinatis caloris & humidi reperitur. Porro in pulsuum viis illa duo sunt præcipua vincula, & hoc in loco *ki ken* dicto, quòd ibi trium viarum humidi radicalis & trium caloris primigenii pulsus matutino tempore in dextrâ manu percipiuntur, & moveri incipiant, circularique. Initium ergò ipsius motus est à spiritibus & primigenio calore, finis verò ac desinitio tum pulsus, dein trium viarum humidi radicalis & trium viarum caloris primigenii. Finis autem dicitur, quia humidum radicale finem accipit.

Mortis cujuslibet indicia sunt hæc, quæ sequuntur. Primò: Vesicæ seu renum humidi radicalis diminuti, Spirituum desinentium signa sunt: dentes acuti & eminentes, carnis marcor & siccitas. Secundò, stomachi: Pedum humidi radicalis spirituum desinentium signa sunt, corporis extenuatio, & labiorum alterius ab altero in obliquum retorsio. Tertiò: Hepatis: defectuosi humidi radic: Spirituum desinentium signa sunt: Lingua in rotundam extuberans superficiem. Quartò: Pulmonum humidi radic: magni spirituum desinentium signa sunt, ariditas pellis & corporis, item capillorum ac crinium defluxus seu erectio. Quintò: Cordis diminuti humidi radic: Spirituum desinentium signa sunt: Dentes, qui nigerri mi apparent: Deinde trium viarum caloris primig: spirituum desinentium in oculis signum est obscuratio illorum, & quasi paula-

quasi paulatim offundentes se tenebræ. Ad extremum, sex viarum caloris primig: spirituum desinentium signa sunt in frigido sudore, qui instar gemmarum apparet, nec defluit in reliquum corpus, & significat propinquam exinanitionem Spirituum, denique ac Mortem. Quicumque igitur hæc indicia repereris, de certâ morte ne dubitaveris.

Colligitur ex dictis 1. Non in sinistrâ manu tantum pulsus esse explorandos, ubi & venarum & sanguinis, in quibus pulsus fiunt, maxima est congeries, sed etiam in manu dextrâ pulsus esse explorandos, ubi itidem in loco *hi kēu* magna vis est & copia spirituum, qui in homine vivo in sanguine, quem movent, decurrunt, ex quo quidem motu pulsus oriuntur. Primò verò ab hoc loco manus dextræ pulsus explorandus est, quia vitalis rota, seu sanguinis & spirituum circuli (uti suprâ dictum est) principium ibidem & finem habent.

Colligitur 2. Vitam in homine seu humidum radicale & calorem primigenium non aliter communicari cum toto corpore, quàm quòd eadem vita à centro (quod est in corporis mediâ regione) ad peripheriam manuum, capitis ac pedum extensa, cujusdam rotæ instar ministerio motûs sanguinis & spirituum circulariter totum corpus permeantium & penetrantium decurrat ac volvatur à loco ac viâ pulmonum eundem cursum suum exorsa, & perfecto circulo diei naturalis, h. e. viginti quatuor horarum Europæarum eundem cursum continuando, & non solum circulos diurni motus, sed & menstrui & annui componendo ad periodum seu terminum suis causis consentaneum, aut quamvis afferat aliqua, perveniat, qui terminus Mors appellatur.

Sed quomodo Sinenses deprehenderunt circularem motum sanguinis ac Spirituum à pulmonibus eorumque viâ principium ducere, unde etiam, quòd pulsus manè in dextræ manus loco principium rursus faciat? Respondetur:

Vitam



Vitam à spiratione ( quæ constat ex introspiratione seu aëris attractione & expiratione, hoc est, aëris ejectione. quæ duo græcè systole & diastole dicuntur ) initium facere. Cum igitur spirationis officina sint pulmones, & vita, ut diximus, faciat initium à spiratione, quâ desinente & ipsa desinit, ab ipsis pulmonibus vitam incipere, & in pulmonibus iterum desinere, seu à viâ pulmonum sanguinem & Spiritus, quæ vitæ sunt vehicula, vitæ motum circularem incipere, & ad eandem viam redire, ut ab hac iterum repetatur, ex dictis planè conficitur.

In dextro porrò loco, qui *k'î k'eu* sive spirituum os dicitur locus, qui locus sine dubio terminus est viæ pulmonum, qui spirituum officina sunt, cum hi calore suo motum ac pulsuum efficiant, etiam sequitur initium motus vitæ & pulsuum, quibus se pròdit vita, cum in illo loco via pulmonum terminetur, & esse & manifestari.

Sed quam dices esse causam, quòd via pulmonum in dextro terminetur manus loco ? Quam item causam, quòd ibi spirituum sit congeries vis & copia ? Quare ibi manè incipit pulsus, & quare manè ille est explorandus, ut rectè de ægroti iudicet constitutione. Hæc omnia sequente capite ubi item de mensurâ temporis motuque pulsuum & circularis vitæ agemus, plana fient.

## CAPUT DECIMUM.

*Cur pulsus manè potissimum explorare oporteat, item, ubi & quot sint loca pulsuum in singulis manibus.*

**T**Extus : Huantî Imperator quæstionem proponit huiusmodi : Qui pulsus explorat, quare potissimum matutino tempore id debet peragi ? Respondet Kipeus : Quia matutino tempore humidi radic: spiritus nec dum sunt agitatione multâ commoti, nec caloris primig: spiritus

ritus sunt dispersi, potus item ac cibus nec dum sunt recepti in corpus, viæ pulsum nec dum sunt repletæ, venarum rivuli æqualiter adhuc observant pulsum, sanguis demum ac spiritus nondum sunt perturbati, ideo hoc tempus præ omni alio est idoneum pulsibus explorandis.

Textus: Post palmam manus est os quoddam altius emi-  
nens, cui nomen limes.

Comment: Ductâ rectâ lineâ ab ungue pollicis proximè post juncturam & flexum, qui est brachium inter & manus, exstat os aliquanto eminentius, hic ipse brachii est pulsus (*quân* dictus) qui bene observandus est. Post palmam sub-  
lime exstat os, sub quo directè loci (qui limes vocatur) pulsus percipitur.

Textus. Per ordinem (ab hoc loco) distingue & ordina locum *chě*, qui significat cubitum Sinicum (& est multò minor Europæo,) & tria loca seu puncta diligenter annotabis.

Comment: Quocunque tempore pulsum explorabis, ante omnia medium digitum manus, qui est à pollice ordine tertius infra dicti ossis eminentioris locum fac applies, & hoc modo reperies determinatam sedem pulsus ejus puncti, quod *quân* seu limes dicitur, per digitum indicem proximè antecedens punctum, *cun* *pū* dictum, tange, & digitus tertius, qui sequitur medium, & est annularis, incidet in tertium punctum pulsus *chě pū* dicti.

Textus: E loco palmæ manuum dicto *iuci* usque ad os eminens (*quân*) progrediendo, spatium intercedit unius articuli digitalis (*cūn*) medium verò illius spatii (quod articuli os dicitur) ab hoc puncto (*quun*) progrediendo ad cubitū (*chě cě*) illius, quod cubiti lacunam significat. Inter duo puncta sic assignata medium locum seu punctum obtinet, qui est post *cān* & ante *chě*, sæpe nominatus locus *quân*, id est limes, eò, quòd ibi calor primig. mediantibus spiritibus egrediatur versus *cūn* primum locum, & humidum radic. mediante sanguine vena-



rum regrediatur versus *chē* locum tertium, unde fit, ut per locum illum tanquam per limitem terminentur triplicis caloris primig. egredientis distinctæ viæ, & triplicis humidi radic. regredientis totidem etiam viæ, atque ob hanc causam percipitur motus triplex caloris primig. & triplex humidi radicalis.

Motus quidem spirituum (qui sunt à calore primig.) procedunt à loco tertio (*chē*) & secundum locum (*quān*) ingreditur usque ad primum locum, qui dicitur *cūm*. Motus verò sanguinis, qui est ab humido radic. manans à loco primo *cūm* & per locum secundum *quān* progreditur usque ad locum tertium *chē* dictum.

Ex loco primo pulsum, *cūm* dicto, cognoscitur constitutio supremæ regionis corporis, quæ est à vertice ad pectus, & protenditur etiam ad pellem corporis & capillos. In secundo loco pulsum cognoscitur constitutio mediæ regionis corporis, quæ est à pectore ad umbilicum, & occupat omnia ibidem contenta. In tertio loco pulsum percipitur constitutio infimæ regionis corporis, quæ est ab infimâ stomachi parte usque ad pedum plantas.

Ex his colligitur, tam in manu dextrâ quàm in sinistrâ esse tria loca seu puncta, in quibus Medicus tribus item digitis pulsum debet explorare.

Colligitur secundò, quòd medius seu secundus locus pulsum in dextrâ manu ibi planè est, ubi os spirituum est, & in manu sinistrâ medius & secundus locus pulsum ibi est, ubi venarum concursus *tai quēn* dictus, & alio nomine *gēn im* hominis obviatio appellata, seu caloris primig. & humidi radic. obviatio.

Quare verò hoc loco pulsum indita sunt nomina limitis & cubiti Sinici? Secretum aperiam. Credunt Medici Sinenfes, venarum meandros, per quos meant remeantque sanguis & spiritus, si extendantur, & earum longitudinem aliquis velit metiri, contineri 810, (*chām*) sic intelligendo, ut  
spiritus

spiritus servatâ semper proportionem mensuram inter & ipsum corpus prout hoc majus est, minusvé contineat. Est autem *Châm* mensura Sinica, quæ spatium utriusque brachii bis complectitur, quæ mensura constat decem aliis minoribus mensuris *chě* dictis (quæ vox cubitum Sinicum minorem Europæo significat) *chě* autem mensuræ decem mensuras digitales *cũn* dictas. Quare si ab digiti medii extremitate illius venarum dictam dimensionem 810. *châm* metiri velimus, incipiendo à mensurâ primâ *cham*, mox eæ, quas continet, mensuræ minores occurrent, *chě* videlicet & *cũn*. Unde sequitur, quod prima *chě* mensura cubitalis ad brachium in loco tertio pulsuum suprâ assignato & *chě* dicto terminetur. Nam *cũn* mensura seu articulus digitalis in loco illo appellationem suam amittit. v. gr. Caloris primig. via per pulsuum (*feu*) supernatantem, qui leni tactu in superficie pellis & carnis percipitur: humidi verò radicali, qui per pulsuum *Xin* profundum ex tactu fortiori ad ossa habet, percipitur. Secundus autem seu medius locus, qui de calore & humido æqualiter participat, per pulsuum *hũn*, id est remissum, seu neque natantem neque profundum dignoscitur. Quare explorans pulsuum *in cũn* & *in chě* ferè totum illud spatium tribus digitis occupat, sed cum hac distinctione, quod scilicet primus digitus tangens primum locum exploret tantummodo *yâm* sive calorem primigenium, & tertius digitus tangens tertium locum exploret *yñ*, hoc est, humidum radicale. Verùm magnus seu medius digitus tangens medium locum exploratissimè, ac uno eodemque tactu *yâm* & *in* dignoscit.

Textus: Venarum pulsus habent locum *chě* & *cũn*. Quare? Quia scilicet *chě* & *cũn* continent principalium rerum congeries, in loco medio *quân* usque ad *chě* humidi radicalis est dominium, ideo oporteat distinguere, *cũn* articulum notare item locum *chě*: Item distinguere *chě*, & conferre cum loco *cũn*, in quo est caloris primig. dominium.



Comment: Pulsus habent in membris tria loca, *cūn quān* & *chě*. *Quān* locus medius est, in quo si pergas ad *yn ci* cavitatem, habes *cūn* spatium, seu articuli digitalis mensuram, quod quidem spatium subjicitur calori primig. egredienti ex limite seu loco *quān*; At verò si à *quān* limite ad *chě cě* locum pergas, spatium *chě* cubiti Sinici impletur, ac nomen etiam ejus acquirit, estque ejus spatium subjectum humido radicali regredienti.

Ex hoc intelligitur, quòd humidum radicale intra mensuram *chě* sive cubiti Sinici (cujus cubiti initium accipi debet ab extremo digiti annularis) occupat spatium articuli decimi digitalis; At verò calor primig. residens intra *cūn* (puta articulum digitalem illum, qui ab extremitate digiti medii numerando nonus est, novem partes illius *cūn* solum occupat) de quo infrà. Sic *chě* & *cūn* sunt principium & finis pulsuum, videlicet unus articulus, qui *chě* vocatur, & alterius articuli novem partes; Ideo illa loca dicuntur *cūn* & *chě*.

Comment: Nota: Singulas mensuras *cūn* habere partes decem æquales & pares, & quidem ultimam mensuram *cūn* seu decimam articulorum digitalium (quæ constituunt mensuram *chě* cubiti Sinici) integer sit articulus, humidum radic. in illo residens spatio, occupans, æqualium partium numerum parem & æqualem, est perfectissimum (& *lúo in* dicitur) hoc est, maturum & perfectissimum humidum. Numerus impar, licet æquales quidem partes habeat, sed in impari numero in nonâ parte articuli (*quān c'ūn* appellamus, & est primus locus pulsuum) reperitur, nam decima pars æqualis pertinens ad numerum parem, & integritatem articuli ipsam palmam manus ingreditur, ut videre licet in figurâ. Ideo in dicti *c'ūn* articuli numero impari calor primigenius novem solum partes occupat, & in illis *lao yân* quod maturum & perfectissimum significat calorem primigenium, sedem habet.

Etenim, sicuti humido radicali par numerus adscribitur:  
ita ca-

ita calori primigenio impar. Quare intra *chě* cubitum Sinicum oportet distinguere humidum radic: & calorem primig: nec non loca quæ occupant, *chě* videlicet, seu illius articulum digitale integrum, qui illam mensuram complet, & est in numero decimus, numerando ab extremitate medii digiti, & *c'ũ* articuli novem partes, quæ duo sunt principia ac fines pulsum, & nobilissima loca venarum, ubi simul manifestantur sanitas & morbi, & quidquid sanitatem vitiat, atque adeo horum omnium accipi debet notitia.

### CAPUT UNDECIMUM.

*Pulsuum tria loca tam in dextrâ quàm in sinistrâ manu inventa quorumnam vitæ fontium statum ac constitutionem, & quo ordine inter se manifestent; Item, quæ sit ratio ordinis, & quæ etiam levitatis & gravitatis, quæ pulsibus accidit, explicatur.*

**T**Extus: Pulsus indicantes statum cordis sunt à diminuti humidi radicalis ad manus viâ, quæ ab ipso corde initium ducit, alterius item viæ, quæ parvorum intestinorum statum prodit, manuum magni caloris primigenii viâ est. Hi, inquam, pulsus sunt in manus sinistræ primo loco *c'ũ kiũ* dicto ante locum *quan*. Ambæ viæ junguntur in supremâ corporis regione ad aulam spirituum in loco *quey ici*, id est, testudinis cauda.

Pulsus indicantes statum hepatis percipiuntur in sinistræ manus medio loco *quan* dicto, & statum viæ, quæ dicitur *c'ò kiũe yñ kiĩ* id est: defectuosi humidi radic: à pedibus ad caput viâ; Ulterius item viæ, quæ fellis statum prodit, diciturque *ho xao yam kiĩ*, id est: diminuti caloris ad pedes viâ. Hi, inquam, pulsus in manus sinistræ secundo loco *quã* dicto percipiuntur: Ambæ viæ junguntur in mediâ regione corporis, locò dictò *pao muen* quod significat membranarum portam.



Pulsus indicantes statum vesicæ seu renum sunt in sinistra manus loco tertio in diminuti humidi radicalis à pedibus viâ; Ureterum autem, quorum status ibidem exploratur, sunt in magni caloris ad pedes viâ. Ambæ viæ uniuntur in infimâ corporis regione in loco, qui dicitur *quan yuên c'ò*, id est, clausarum originum sedes.

Pulsus indicantes statum pulmonum, & statum viæ, quæ ab ipsis ducit, dicitur *Xeú tai yn kim*, id est, magni humidi radicalis ad manus viâ. Alterius item viæ, quæ à magnis intestinis procedit, & dicitur *Xeu jam mim*, id est: puri & lucidi caloris primig: à manibus viâ. Hi autem pulsus in manus dextræ primo loco antelocum *quan* percipiuntur, ambæ verò viæ junguntur in primæ partis corporis loco *hu kiě chi fu*, id est: exspirationis & inspirationis civitate in puncto determinato, quod dicitur *yuên muên* id est, nubium porta.

Pulsus indicantes statum lienis sunt à viâ magni humidi radicalis à pedibus, & in manus dextræ secundo loco percipiuntur. Ibidem item alterius viæ seu stomachi pulsus est à viâ puri caloris primig: ad pedes. Ambæ illæ viæ se penetrant, & uniuntur in *chum cião*, id est, mediâ regione corporis ceu meditullio, quod est inter lienem & stomachum.

Pulsus indicantes statum portæ vitæ & viæ, quæ ab hac ducitur, dicuntur: defectuosi humidi radic: ad manus viâ, alterius autem viæ, quæ tertiæ corporis partis statum prodit, & dicitur diminuti caloris à manibus viâ, percipiuntur pulsus in tertio loco manus dextræ *chě* dicto. Ambæ hæ viæ sese penetrant & uniuntur in infimâ regione corporis.

Colligitur, pulsus, qui in sinistra manus primo loco percipiuntur, indicare statum cordis & parvorum intestinorum, affectiones viarum, & præterea habitum supremæ regionis corporis. Et sic de reliquis collige.

Sed quare in tribus prædictis locis pulsuum, tam dextræ quàm sinistra manus, Sinenses Medici duodecim vias & origines il-

nes illarum, à quibus sunt, ac illarum constitutionem prædicto ordine cognosci posse doceant, operæ pretium fuerit ex illis ipsis cognoscere.

Textus: Pulsus habet tria loca, & quilibet locus quatuor vias, videlicet viam manuum magni humidi radicalis, & pedum caloris primigenii lucidi, item magni primigenii caloris, & pedum diminuti humidi radicalis. Quare in locis pulsuum aliquæ ex viis sursum tendunt, aliquæ deorsum, aliquæ à primo loco pulsuum, aliquæ à tertio indicantur.

Comment: Tria loca pulsuum sunt tam in dextrâ quàm sinistrâ; Quilibet indicat duas vias, unde idem locus v. g. primus in utrâque manu indicat quatuor vias, & consequenter de reliquis collige.

Ex membris sæpe memoratis pulmones & viæ illorum sunt in corporis humani supremo omnium loco, vesicæ seu renes in infimo; Ideo in dextrâ manu (cùm in dextrâ parte supremæ partis corporis resideat pulmonum membrum) pulmones & viæ illorum, (quæ est manuum magni humidi radicalis) constituitur in pulsuum supremo & primo loco, uti etiam adjuncta intestina magna, & viæ illorum, quæ est manuum lucidi caloris primigenii viæ. Ambæ viæ sunt subditæ Elemento Meralli ex Sinarum quidem sententiâ, quæ etiam ob spiritus copiam pulsus supernatantes efficiunt, qui pulsus eorum statum primo loco indicant.

Porrò renes seu vesica & ejus viæ, quæ est pedum humidi radicalis diminuti, & ureteres eorumque viæ, quæ est pedum magni caloris primigenii viæ, ad sinistram in parte infimâ corporis pertinet, & ambo, cùm subiecta sint aquæ Elemento cujus natura est ad infima defluere) in sinistræ manus infimo seu tertio loco pulsus suam constitutionem indicantes obtinent.

Textus: Manuum humidi radicalis & caloris primigenii viæ pertinent ad Metallorum (Sinicum) Elementum.

Pedum.



Pedum humidi radicalis & magni caloris primigenii viæ pertinent ad Elementum aquæ (à Metallorum Elemento, dicunt, Sinas producere aquam) quæ petit semper inferiora, & nequit ascendere, ideoque viæ vesicæ seu renum & ureterum pulsus manet in infimo & ultimo loco manuum.

Pedum defectuosi humidi radicalis & diminuti caloris primigenii viæ pertinent ad Elementum arborum seu aëris, & producant manuum magni caloris primigenii & humidi radicalis diminuti igneas vias. Cum enim Elementi ignis substantia ascendat, nec descendere possit, fit, ut etiam viæ cordis locum pulsum superiorem & in sinistrâ, ubi cor residet, obtineant. Et cum ignis via gignat pedum magni humidi radicalis & lucidi caloris vias, quæ viæ procedunt à terreo liene & stomacho: Et cum terræ Elementi locus sit in medio, ideo illæ viæ lienis & stomachi medium pulsum sive secundum locum occupant in manu dextrâ.

Omnia quinque Elementa, & illa, quibus dominantur, illo ordine collocantur, quo se producant. Et hoc intellige de membris & intestinis eorumque viis, quæ habent virtutes Elementorum & denominationem ab iisdem.

Comment: Pulmones & intestina magnæ naturæ Metallicæ generant aquam seu renes, nec non ureteres, quæ habent aqueas qualitates. Ideo cum sint pulmones dextrum membrum, & magnæ supremæ partis locum super cor obtineant, pulsus quoque illorum constitutionem in primo loco dextræ manus indicat.

At verò vesicæ seu renes cum ureteribus, cum sint ad sinistrum in infimâ parte corporis magnâ, & cum aqua, quæ illis dominatur, ob fluxum infimum petat locum, viæ illarum in manu sinistrâ pulsum ultimum seu sexti loci obtinere; & quia aqua seu vesica est mater arborum, & aëris, seu hepatis & fellis statum indicantes in sinistrâ manu supra locum vesicæ, locum secundum seu medium (cum etiam sint in  
magnæ

magnæ regionis sinistrâ parte ) occupant. Jam verò ligna, arbores & aër generant ignem, qui superiora appetit, cor verò ac intestina parva ac illorum viæ ad ignis Elementum pertinent, suntque in supræmæ regionis parte sinistrâ,

Atque ideo pulsus constitutionem illorum indicantes occupant primum locum in manu sinistrâ ; Ignis verò cùm sit productor cinerum atque terræ, quæ in medio sita est, ac ad mediam partem corporis spectat. Et lien cum stomacho ad dextram vergens (cui terræ nomen inditur) ad corporis mediam partem pertinet. Pulsus affectiones viarum lienis & stomachi indicantes in dextræ manus medio seu secundo loco sedem habent. Porta denique vitæ, etsi habeat igneas qualitates natura tamen illius aquea est, ob quam sæpe vesicæ seu renum nomine compellatur, & spiritus vaporibus aqueis constant, quorum ipsa sedes est, idcirco infimum locum seu tertium in dextrâ manu & pulsus viam suam indicantes, sortita est, uti etiam tertiæ partis corporis viæ dictæ portæ annexæ. Hunc in modum in manibus tam dextra quàm sinistra sex loca secundum ordinem Elementorum, duodecim viarum & earum pulsum affecuti sunt, quem ordinem in compendio sic accipe: Initium faciunt pulsus duodecim viarum, scilicet in dextræ manus primo loco, qui à viâ metallicorum pulmonum & à viâ magnorum intestinorum, quæ viæ generant in sinistræ manus ultimo loco vias aqueæ vesicæ seu renum & ureterum, hi autem generant in medio loco sinistræ manus aërei seu arborei hepatis & fellis vias, hæ autem in primo sinistræ manus loco cordis & parvorum intestinorum vias, quæ in dextræ manus tertio loco (quod igneas qualitates se mutuò adjuvantes habeant) proximè dictæ cum cordis & parvorum intestinorum viis, portæ vitæ & tertiæ partis corporis vias gignunt. Viæ verò igneæ in proximo medio loco terram & cineres producant, quarum rerum lien & stomachus naturam habent, unde & hoc loco illorum viæ, & qui ab illis dicuntur



pulsus, constituuntur. Et cum lien & stomachus seu terra producant metalla, quorum naturam obtinent pulmones & magna intestina, viæ amborum in manus dextræ primo loco inveniuntur. Et sic deinceps.

Colligitur, quòd inferiores viæ membrorum & intesti-  
norum in pulsibus habeant locum infimum seu tertium, & su-  
prema viæ superiorem, & mediæ medium. Verùm, cum ea,  
quæ superiora obtinent, levia sunt, & quæ inferiora obtinent,  
gravia esse censentur, quærendum est, an in pulsibus pro-  
pter dictam coordinationem materiæ levitas & gravitas repe-  
riantur.

Sinenfès, cum coordinatione universi observassent Ele-  
menta, ea, quæ supremum obtinebant locum, minimè gravia  
esse, ea verò, quæ inferiorem, maximè gravia esse, illa verò,  
quæ medium, minùs gravia esse, vel partim levia partim gra-  
via: Ita etiam membra (quæ Elementa etiam vocant) in cor-  
pore humano quædam esse in supremâ parte, & pulsus vias il-  
lorum indicantes, tam in dextrâ quàm sinistrâ locum obtine-  
re, sibi persuaferunt, pulsus illius loci minimè graves esse debe-  
re; Infimos autem pulsus seu membrorum inferiorum esse gra-  
vissimos; qui denique in medio loco percipiuntur, minùs gra-  
ves, seu partim leves partim graves esse.

Textus: Pulsus cur habent gravitatem & levitatem? Re-  
spondetur: Pulsus in loco supremo trium parvarum fabarum  
pondus habet, & status in pelle supremâ & adjunctis capillis  
percipitur, indicatque pulmonum viam; Si verò videas, pul-  
sum habere sex fabarum gravitatem, & mox percipi in com-  
pressionem venarum & sanguinis, esse pulsum cordis intelliges;  
At si novem fabarum pulsus & in attactu fortiori carni ad-  
vertatur, ipse est pulsus stomachi in loco medio; Et si sit duo-  
decim fabarum gravitas, pulsusque in attactu nervorum per-  
cipiatur, ipse est pulsus hepatis in medio loco. Porro ad ossa  
ipsa

ipsa manum applicando pulsus quicunque reperietur, erit vesicae, (quæ & portam vitæ complectitur) & quindecim fabarum gravitatem habebit. Dicitur igitur debet, pulsibus inesse gravitatem & levitatem pro coordinatione, quam loca membrorum ac intestinorum, & viæ, quæ ab illis procedunt, inter se sortitæ sunt.

Comment: Leve est subtile & natans ad superficiem, planè simillimum cœlo, grossum est grave, vergens in profundum, simillimum terræ, quia de utroque participat. Membra quinque habent gravitatem, habent & levitatem, quædam sursum sita sunt, quædam deorsum: Spiritus illorum aliqui ad superficiem aliqui in profundum tendentes, cum cœlo & terrâ similitudinem habent, ideo per pulsus in levitate & gravitate diversos ordo gravitatis & levitatis est is, qui sequitur. Pulmonum alæ, quæ instar foliorum alia quatuor membra cooperiunt, in primo ac supremo loco resident, ideo pulsus viam illorum indicans necessariò levis est. Quisquis igitur locum dicti pulsus explorare voluerit, non ampliùs tribus fabis gravem reperiet, percipiturque in pellis, & qui pelli adnascuntur, pilorum superficie. Ideo pulmones dominantur in pellem & pilos. Pulsus vocatur *feu*, quod natare significat. Cor est infra pulmones in secundo ordine, dominatur sanguini & venis; Ideo pulsus indicantes viam cordis necesse est esse paulò graviores. Digni, qui illos explorant, reperiunt esse graves sex fabis, & percipiuntur ad pressionem venarum pulsus exundantes. Et sic de reliquis juxta prædicta.

Adverte autem, quòd Sinenses, quando metallorum nomen & naturam attribuunt pulmonibus, ea hòc indicare voluisse, quòd pulmones, & illis adjuncta magna intestina habeant illas qualitates, quæ iis maximè congruunt, & quibus ipsa Metalla præ aliis excellunt: Uti sunt grossities, opacitas & frigiditas, nam per has aquam, quæ maximè est frigida, producere dicuntur; Adhæc qualitatem illam, per quam resonant



& vocalia sunt metalla, sunt, quæ ad aërem maximè spectant. Unde, cum aër sit levissimus, pulmones etiam, qui hanc qualitatem affecuti sunt, & viæ illorum, levitatem habent, hoc est, exiguam aut nullam gravitatem. Et sic de cæteris philosophantur membrorum qualitatibus elementaribus, quibus elementorum natura attribuitur, quæ hîc sufficiat obiter innuisse, ne aliquis ingenia Medicorum Sinensium non intellectâ ratione eorum, quæ asseruntur, reprehendat.

#### CAPUT DUODECIMUM.

*Quâ mensurâ temporis in locis manuum tam dextræ quàm sinistræ reperti pulsus, atq; illorum circuitus dimetiendi sunt, & quomodo in exploratione pulsuum per observationem prædictæ mensuræ de corporis bonâ vel malâ constitutione & intestinorum conicere quis possit, explicatur.*

**E**Xploratis locis pulsuum & motu circulari sanguinis & spirituum, ex quo oriuntur pulsus, restat mensura temporis, quam se in pulsibus invenire non potuisse, fateatur ingenuè Galenus. Sinenses verò non solum illa, quæ suprâ retulimus, planè ignota Medicis Europæis invenerunt, verum etiam mensuram temporis, nobilissimum Artis inventum, pulsibus præscripserunt, ex quâ, bonam esse constitutionem, si pulsus regulariter mensuram adæquat, judicant; Sin verò ab illâ aut deficit, aut illam excedit, malam constitutionem esse.

Textus: Vivens quilibet homo spirat, & spirando vel expirat seu ejicit calidum aërem, seu introsumit frigidum; siquidem tempore expirationis pulsus moventur, & decurrunt in venis ad tres articulos digitales in corpore humano: Itidem introspirationis tempore, alii ad tres articulos digitales. Etenim in-

nim introspiratio & expiratio unam constituunt spirationem, in cuius temporis intervallo pulsuum motus progreditur ad sex articulos digitales in corpore humano.

Atque ita cum per diem & noctem spirationes ab homine sano tredecim mille & quingentæ fiant, sequitur pulsuum motum in venis viginti quatuor horarum, & horologii artificialis aquei defluentis, (quali utebantur Sinenses) sive centum quadrantium tempus explere, quod conversioni quinquaginta domorum seu graduum cœlestium, aut constellationum Sinarum, ex ipsorum sententiâ, exactè responder. Verum, cum humidum radicale motu suo in medietate circuli vectum in sanguine per tempus, quo conversio cœlorum viginti quinque domos decurrit, progrediatur, calor item primigenius in altero semi-circulo corporis humani, aut potius venarû, vectus in spiritibus per tempus reliquum, quò fit conversio cœlorum per viginti quinque domos reliquas, refluat & regrediatur; Ideo ambo suprâ dicta flexu & reflexu seu progressu & egressu, tempus integræ conversionis cœlorum per quinquaginta domos absolvunt & complent, simul atque pervenerunt in spirituum & venarum concursum, in eum locum, in quo sex membrorum & sex intestinorum seu vitæ fontium, tam viæ quàm motus illarum & pulsus terminatur ac incipiunt, ut non immerito regula explorandorum pulsuum in loco manuum, ubi dictus est concursus, petatur.

Commentar: Expiratione, quæ dicitur *hü*, calor igneæ naturæ ejicitur, & sequenti mox introspiratione frigus humidum æreæ naturæ attrahitur seu introsumitur, & dicitur *hië*, atque ita integra existit spiratio. Unicæ spirationis tempore pulsus venarum conficiunt in corpore iter sex articulorum digitalium spatium. Uti autem circulatio spirationum, quæ per diem & noctem intra spatium 24. horarum habet integras spirationes tredecim mille quingentas: Ita, si singulis spirationibus promoveantur in corpore humano pulsus ad sex ar-



ticulorum spatium, totus circuitus pulsum decurrentium in corpore conficiet spatium octingentarum decem *cham* mensurarum. *Cham* mensura continet 10. cubitos, cubiti mensura continet 10. articulos digitales, articulus autem digitalis etiam 10. partes continet. Rursus, quia viæ quælibet constant spatium triginta trium *cham* mensurarum, & quinque *cun* seu mensurarum digitalium, hoc autem toto viarum spatium actualis motus respondet duarum domorum cœlestium & octo minorum cursui; (nam Sinenses dividunt cœlum in quinquaginta domos, quas & gradus suo modo vocant) respondent item temporis artificialis horologii aquei quatuor quadrantibus & decem minutis, atque adeo motus quinquaginta domorum, & tempus integrum viginti quatuor horarum, completitur universum circuitum gyantium & regyantium pulsum per venas octingentas & decem mensuras, & consequenter calor primig. (qui in spiritibus intra & extra sanguinem in venis vehitur) tempus illud decurrit, quod tribuitur motui 25. domorum cœlestium, nec non horis duodecim Europæis. Similiter humidum radicale cursum æquat aliarum 25. domorum & horarum duodecim Europæarum, unde fit, ut revolutione domorum cœlestium quinquagesimâ peractâ, & etiam viginti quatuor horarum tempore absoluto, circuitus quoque pulsum per dicti spatii mensuram absolvatur. Quod ut planius fiat, adverte primò: Noctem & diem, seu cœlorum integram per quinquaginta domos conversionem (quæ respondet duodecim horis Sinicis, Europæis autem viginti quatuor) commensurari tempore spirationum, quarum circuitus integer in homine sano tredecim mille & quingentas spirationes continet. Porro in quolibet sano homine spirationis unius intervallo quatuor vel quinque pulsus in venis contingit deprehendi; Unde sequitur, quod pulsus venarum per diem & noctem (sive intra viginti quatuor horas) non pauciores quinquaginta quatuor millibus existant, aut non plures sexaginta septem

septem millibus & quingentis. Cumque cœlorum motus ac tempus, & circuitus pulsuum sibi mutuò corresponsdeant & sequent, sequitur, quòd ubi circularis motus pulsuum nec tardiore nec celeriore habet ipso cœlorum motu, hoc est, nec plures pulsus nec pauciores, quàm suprà diximus, habeat, omnia quoque rectè habere in humano corpore; At verò, si deficiat aut excedat circuitus pulsuum, hoc est: si tardi pulsus, adeoque ob tarditatem pauciores sunt, aut ob celeritatem plures, malè hominem habere, & ejusdem membra & intestina viasque ex hâc pulsuum cum cœlorum motu irregularitate dissentire cognoscant. Etenim Sinenfes circulare motum vitæ humanæ coelesti esse quàm simillimum, quem utique regularissimum & perfectissimum existimant, adeoque omnium aliorum motuum normam & exemplar, ac proinde cum quâlibet spiratione ad sex articuli digitalis mensuras progrediantur in sanguine & spiritibus tam humidum radicale, quàm calor primigenius, intervallo ac tempore tredecim millium & quingentarum spirationum absolvitur motus, adeoque sanguinis ac spirituum circuitum in corpore humano octingentarum & decem mensurarum *cham* spatium conficere necesse est. Initium circulare caloris primigenii in sanguine (à viâ pulmonum) est ab horâ Sinicâ (quæ est tertia & quarta post mediam noctem, quâ credunt hominem primum in rerum naturâ ex luteâ terrâ esse formatum, uti & foeminam horâ tertiâ & quarta vespertinâ) usque ad horam sextam pomeridianam (quæ est prima & secunda inclusivè:) Ita initium humidi radicalis ab horâ Sinicâ tertiâ & quartâ pomeridianâ usque ad primam & secundam post mediam noctem inclusivè, quia est circulus completus duorum motuum sive pulsuum humidi radicalis & caloris primigenii, qui quidem pulsus incipiunt in loco manus dextræ, (qui dicitur os & scaturigo spirituum) & ibidem finiuntur, ut iterum incipiant ab horâ Sinicâ tertiâ & quartâ matutinâ. Ideo Sinenfes Medici docent, ab hoc manus dextræ



dextræ loco eodem tempore decurrere pulsum, & ex illo statuendum de rectâ aut pravâ constitutione corporis humani, quâ, inquit, in loco & tempore assignato duodecim viarum motus & status humidi radic. & caloris primig. certò detegitur; Nondum enim humidi radicalis spiritus (puta vitales) dispersi sunt, & caloris primig. spiritus (puta animales) nec dum adeo commoventur, quia ex illo loco primùm ac in illo tempore incipiunt moveri: Item dicto tempore nec dum cibus sumitur, unde viæ duodecim non sunt repletæ, sanguis etiam atque spiritus in suo naturali consistunt loco, utpote nec dum perturbati, quod non accidit alio tempore. Quare sicut per mensuram conversionis cœlorum per quinquaginta domos seu gradus cœlestes: Ita tempore viginti quatuor horarum & octingentarum & decem *cham* mensurarum spatium *yn* & *jam* seu calor & humidum, fluunt ac refluunt, invenerunt, quæ respondeant circulari intervallo tredecim millium & quingentarum spirationum. Sic ex dimidiatâ mensurâ motus viginti quinque domorum cœlestium, & ex dimidiatâ mensurâ temporis duodecim horarum (seu sex Sinicarum) accipi volunt mensuram ejus intervalli, in quo circuitus venarum per motum *jam* & *in* dimidio spatii, quod est quadringentarum & quinque *cham* mensurarum, & dimidium numeri spirationum, quod sex mille septingenta quinquaginta quinque complectitur.

Ex quo deducitur, quòd singulis horis nostris, (quæ respondent dimidiæ Sinicæ horæ) & singulis cœlestibus duabus domibus, seu gradibus & quinque minutis, spirationes in homine sano fiunt quingentæ sexaginta duæ & dimidia. Pulsus verò, si naturales sunt, (quia quolibet intervallo spirationis aut quatuor aut quinque pulsus contingunt) non pauciores bis mille ducentis quinquaginta, aut non plures bis mille octingentis duodecim & plus aliquantò deprehenduntur, in quo interstitio sanguis & spiritus, ac in illis *jam* & *in* calor & humi-

humidum, seu resultans ex illis vita promoveretur triginta tribus mensuris *cham* ac septem *chē* cubitis, & quinque *cūn'* digitalibus mensuris per dictum flexuosum spatium seu mæandros viarum in corpore humano. Unde, cū quadrante uno spirationes contingant in sano homine centum & quadraginta & dimidia circiter, sequitur, pulsus non pauciores, quā quingentos sexaginta duos, aut non plures quā septingentos duos, & interea promoveri sanguinem & spiritus in corpore humano ad mensuras octo *cham*, quatuor *chē* & tres *cūn'* & paulò ampliùs.

Adverte tertio: Ex his manifestum esse, quòd sicut in homine sano spirationes per circulos coelestes temporis, & consequenter motus pulsuum in venis respondent, naturales esse; Verū in homine ægroto tam spirationes quā motus pulsuum semper vel deficere, vel excedere numerum spirationum prædictum, adeò, sicut rectum est regula obliqui, & æquale est norma seu regula cognoscendi excessus vel defectus inæqualis, pari ratione sani hominis regulares seu naturales spirationes & pulsus bene perspecti manifestant ægrotorum irregulares & præternaturales spirationes ac pulsus. Inde Sinenſes volunt, Medicum sanum esse, ut possit de morbis aliorum judicare, juxta quod dicunt, ne Medicus ægrotus se ipsum curare præsumat, cujus Sinenſes effati dabunt rationem sequentem. Sani hominis spirationis tempore pulsus non pauciores quatuor, nec plures quinque contingere; Sed in infirmo homine certissimum est, aut pauciores quā quatuor, aut plures quā quinque accidere, ex quibus pulsibus deprehendi posse tam morbos, quā periculum Mortis, & ipsam mortem & causam illius ajunt. Medicus igitur ægrotus, cū spiratione sani hominis (quæ involvit mensuram cœlorum, regularis temporis, & mensuram spirationum sani hominis) careat, proclive est, ut pulsus regulares in sano, & irregulares in ægroto, sive in alio, sive in se ipso, soleat esse regulare, & facile



morbum alium, quàm revera sit, esse existimet, nisi fortè magnâ experienciâ mensuræ irregularis, temporis & intervalli spirationum in pulsibus explorandis polleat, sic enim adhuc posset & sui & ægrotantis aliorumque constitutionem deprehendere.

Adverte quartò : Quòd Sineses non solùm repererint in sanguine & spiritibus, &, qui ex his oriuntur, pulsibus, (quos quidem metiuntur per spirationum certas morulas) circuitum, qui omnino respondet intervallo horarum quatuor & viginti, nec non conversioni integræ coelorum, sed etiam reperisse illius annum circuitum sanguinis ac spirituum, hoc est, per duodecim menses lunares secundùm tempestates & immutationes annuas, hoc est : distinxisse duodecim viarum & originum membrorum & intestinorum pulsus, neque solùm pulsus diurnos assignasse connaturales duodecim vias & origines, à quibus sunt, ut eorum constitutionem manifestarent : Verùm etiam pulsus pro ratione tempestatum anni & immutationis, quæ tum contingit, unicuique membro ac intestinis eorumque viis assignasse, imò defectus, decrementa & incrementa talium pulsuum diligenter annotasse, uti infra docebimus.

Unde, sicut prior motus diurnus ab ortu in occasum vocatus, & secundus ab occasu in ortum : Planè simili modo motum primi mobilis viginti quatuor horarum, & motum raptus, ut ita dicam, licet conijcere.

Ex dictis colligitur, spaciū venarum in corpore humano continere octingentarum mensurarum *cham* quantitatem; At verò in locis assignatis pulsuum ex motu circulari prædicto causatorum mensuram esse tredecim mille & quingentas spirationes in homine sano, cujus mensuræ alia est mensura, quinquaginta coelestium domorum circumvolutio in orbem. Hujus verò motus ac temporis artificialis mensura in horologio aqueo

gio aqueo quadrantes omnino centum continet. Restat modò, ut sigillatim pulsuum mensuram explanemus.

### CAPUT DECIMUM TERTIUM.

*Circuitus ac motus sanguinis ac spirituum, seu potius pulsuum, (qui à motu circulari die ac nocte unicâ complentur) per certos numeros spirationum, per motum determinatum cœlestium domorum, per horarum deniq; & quadrantium mensuras & paradigma.*

**D**Ixi mus, circulum motuum sanguinis & spirituum, unde & cœpit, finiri & absolvi in manus dextræ loco *cun' ken'*, ubi pulsus est viæ pulmonum, & matutino tempore cujuslibet diei denuò ordiri cursum, ex quo evidenter patet, pulsus quoque per hoc diei & noctis 24. horarum intervallum, qui ex motu sanguinis & spirituum oriuntur, eodem tempore & loco terminari. Modò hujus circularis motûs sanguinis & spirituum seu pulsuum mensuras annotatas, adjunctis etiam viis, per quas decurrunt, & locis, in quibus reperiuntur, sigillatim declarabimus. Adverte imprimis, quòd diem & noctem, seu integram unam conversionem cœlorum Sineses metiantur horis duodecim, sed ubi clepsydra utuntur centum quadrantibus, qui sine dubio minores sunt nostratibus. Quare reducendo ad calculum temporis nostri tam horologium aqueum, quàm duodecim horas Sinicas, noctis & diei tempus erit viginti quatuor horarum nostrarum; Unde una hora Sinica duas nostras complectitur, & media Sinica integram nostram, & ex horologio aqueo quatuor quadrantes & decem minuta, quo tempore orbes cœlestes duabus domibus seu gradibus & octo minutis promoventur.

Hoc diligenter annotato ad sequentem circuitum per



suas horas exhibitum in sequenti paradiġmate animum adverte. Hujus ut intelligentia sit clarior, exemplar dicendorum in horâ unicâ Sinicâ præmittō.

Horâ terciâ Europæâ post mediam noctem, quæ apud Sinas horologii horæ (*im* dicitur) dimidiæ, item quadrantibus quatuor & decem minutis horologii aquei, Sinicis domibus seu gradibus in cœlorum conversione duobus & quinque minutis respondet, pulmones propagant humidum radicale per spiritus & sanguinem ad manus; Vocatur magni humidi radicalis via.

In primo puncto manus dextræ pulsus *cūn* pulmonum viam & statum indicantes (cūm videlicet illo tempore suprâ dicto quingentæ sexaginta duæ spirationes & dimidiæ in homine sano absolvuntur, & spiritus ac sanguis in venis corporis humani triginta tres mensuras *châm*, septem *chě* & quinque *cūn* promoventur) accidunt in homine sano vel non pauciores 2250. vel non plures 2813. & aliquantò plus.

Horâ quartâ matutinâ, quæ *im* Sinicæ horæ alteri dimidiæ completæ, & quadrantibus item quatuor & decem minutis respondet, aut (si per additiones ad priora multiplicare volueris, uti & noscum Sinis in paradiġmate facimus) quadrantibus octo & 20. minutis horologii dicti, & Sinicis gradibus duobus & quinque minutis, seu (per additionem) gradibus quatuor & viginti minutis respondet, iidem pulmones per suprâ dictam manuum viam propagant humidum radicale, pulsus regulares in eodem loco manus dextræ manifestantes viam & 562½ in homine sano absolvuntur, aut (per additionem) 1125. & iidem spiritus cum sanguine in venis triginta tres *châm* & quinque *chě* promoventur, pulsus, inquam, regulares non plures 5625. nec pauciores 4500. contingunt, & sic de singulis horis per ordinem in paradiġmate ostensum addendo, seu multiplicando priora, cum posterioribus discurre.

Horâ

Horâ quintâ, quæ Sinicæ *mao* dimidiæ & quadrantibus duodecim in horologio, & gradibus sex cum viginti quatuor minutis *cum* cœlo respondet, in magnis intestinis propagant *jâm* calorem naturalem per sanguinem & spiritus à manibus: Vocatur puri & lucidi caloris via. In primo puncto manus dextræ hanc viam & statum magnorum intestinorum (cùm tempore relato spirationes 1687. fiant, & spiritus cum sanguine in venis ad 101. *cham* & duo *chẽ* & quinque *cun* commoventur) indicant pulsus regulares, qui tunc vel non pauciores sex mille 750. vel non plures 8437. existunt.

Horâ sextâ, quæ Sinicæ *Mao* completæ & quadrantibus sedecim & aliquantò plus, gradibus item in cœlo octo & 32. minutis, eadem magna intestina per viam dictam à manibus ad caput propagant calorem primigenium, & cùm bis mille 250. spirationes existant, & spiritus in venis cum sanguine promoveantur 135. *cham*, regulares pulsus non pauciores 9000. & non plures 11250. contingunt.

Horâ septimâ, quæ Sinicæ *Xin* dimidiæ, & quadrantibus 22. & gradibus 10. 40. minutis correspondet, stomachus propagat calorem primig. ad pedes, vocatur pedum lucidi caloris primig. via. In secundo puncto manus dextræ tam viæ quàm membri statum (quando spirationes 2813. & dimidiæ absolvuntur, & spiritus cum sanguine conficiunt in venis 168. *cham*, 7. *chẽ* & 5. *cun*) propagant. Pulsus regulares non pauciores 11250. nec plures 14062. contingunt.

Horâ octavâ, quæ horæ Sinicæ *Xin* completæ, & quadrantibus viginti sex, ac gradibus duodecim, 48. minutis respondet, idem stomachus propagat ad eandem pedum viam calorem primig., quo tempore cùm absolvuntur spirationes 3375. atque spiritus cum sanguine promoveantur 202. *cham* 8. *chẽ* in venis, pulsus regulares fiunt non pauciores 13500. nec plures 16875.

Horâ nonâ, quæ Sinicæ *fü* dimidiæ ex horologii qua-



drantibus 28. in cœlo gradibus 14. 56. minutis correspondet, lien propagat humidum radicale ad cor, vocatur pedum seu à pedibus magna humidi radicalis via. In secundo puncto manus hujus viæ & stomachi statum (quando spirationes 3937. & media absolvuntur, & spiritus cum sanguine promoventur in venis 236. *cham*, 2. *chē* & 5. *cūn*) propagant. Pulsus regulares, qui non pauciores 15780. nec plures 19687. fiunt.

Horâ decimâ, quæ Sinicæ *si* completæ, seu 32. quadrantibus horologii, & paulò plus, & gradibus 16. & 64. minutis correspondet, idem lien per dictam viam pedum propagat humidum radicale, & quando 4500. spirationes absolvuntur, ac spiritus cum sanguine 270. *cham* decurrunt, pulsus regulares statum illius indicant, qui non pauciores 18000. nec plures 22500.

Horâ undecimâ, quæ *ii* Sinicæ dimidiæ ex horologio 34. quadrantibus, & gradibus in cœlo 18. ac 7. minutis correspondet, cor propagat humidum radicale ad manus, vocatur manuum diminuti humidi radicalis via. In primo loco *cun* finistræ manus constituitur, quando spirationes 6062. & media absolvuntur, & cùm spiritus & sanguis in venis promoventur ad 303. *cham* 7. *chē* & 5. *cūn* pulsus regulares indicant, qui non pauciores 20250. nec plures 25300, fiunt.

Horâ duodecimâ seu meridianâ, quæ Sinicæ *iii* completæ & 40. quadrantibus horologii, & in cœlo gradibus 20. 8. minutis correspondet, idem cor propagat humidum radicale ad manus; Et cùm dicto tempore spirationes 5625, absolvuntur, & cùm spiritus & sanguis conficiunt in venis 337. *cham* & 5. *che*, fiunt pulsus regulares non pauciores 22500. nec plures 28124.

Horâ primâ, quæ Sinicæ *vi* dimidiæ & 44. quadrantibus horologii, & in cœlo gradibus 22. 2. minutis correspondet, parva intestina propagant calorem ad manus, vocatur manuum

num magni caloris primigenii via. In primo puncto *cū* manus sinistrae, cū dicto tempore spirationes 6187. absol-  
vuntur, & spiritus cum sanguine promoventur in venis 371.  
*cham* & 2. *chē* & 5. *cū*, pulsus regulares, qui indicant ejus con-  
stitutionem in sano homine, non pauciores 24750. & non  
plures 30937. fiunt.

Horâ secundâ, quæ Sinicæ *ui* completæ, & 46. quadran-  
tibus horologii, & paulò plus, & in cœlo gradibus 24.20. minu-  
tis correspondet, eadem parva intestina propagant calorem à  
manibus, & cū eo tempore spirationes 6750. absolvuntur, ac  
spiritus in corpore cum sanguine promoventur 405. *cham*,  
pulsus regulares fiunt non pauciores 27000. aut non plures  
33750.

Horâ tertiâ, quæ Sinicæ *Xin* dimidiæ & quadrantibus 52.  
ac gradibus 26. & 54. minutis respondet, ureteres propagant  
calorem naturalem ad pedes; Vocatur pedum magni caloris  
via. In tertio puncto *chē* manus dextræ hujus viæ constitu-  
tionem, cū spirationes 7312. absolvuntur, & spiritus cum  
sanguine conficiunt 438. *cham* 7. *chē* & 5. *cū*, indicant pul-  
sus regulares, qui non pauciores 29250. & non plures  
36562. fiunt.

Horâ quartâ, quæ Sinicæ *Xin* completæ, & quadrantibus  
56. ac gradibus 29. & 6. minutis respondet, iidem urete-  
res propagant calorem ad pedes; Et cū spirationem 7875. & 5  
dimidiæ absolvuntur, ac spiritus cum sanguine promoventur  
472. *cham* & 5. *che*, pulsus regulares fiunt non pauciores  
31500. & non plures 39375.

Horâ quintâ, quæ Sinicæ *yeñ* dimidiæ, & horologii qua-  
drantibus 60. ac gradibus 31. 4. minutis respondet, vesica  
seu renes propagant humidum radicale à pedibus, vocatur  
pedum diminuti humidi radicalis via. In tertio puncto *chē*  
manus sinistrae constitutio ejus dignoscitur, cū dicto tempo-  
re spirationes 8437. & media absolvuntur, ac spiritus cum san-  
guine.



guine propagantur in venis 506. *cham* 2. *che* & 5. *cùn*. Pulsus regulares non pauciores 33950. vel non plures 421887. sunt.

Horâ sextâ, quæ Sinicæ *yeû* completæ, ac horologii quadrantibus 62. ac gradibus 33. & duodecim minutis respondet, eadem vesica seu renes propagant à pedibus humidum radicale, qui hujus viæ constitutionem indicant; Cùm peraguntur spirationes 9000. & spiritus cum sanguine conficiunt in corpore 540. *cham*, regulares pulsus fiunt non pauciores 36000. & non plures 45000.

Horâ septimâ, quæ Sinicæ *Sio* dimidiæ, & 66. quadrantibus horologii, ac gradibus 35. 25. minutis respondet, vitæ porta humidum radicale ad manus propagat, vocatur manuum defectuosi humidi radicalis via. In tertio puncto *chě* manus dextræ hujus viæ status indicatur; Cùm in homine sano spirationes 9572. & dimidia absolvuntur, ac spiritus cum sanguine in venis decurrunt 573. *cham* 7. *che* & 5. *cùn*, pulsus regulares sunt non pauciores 38250. & non plures 47812.

Horâ octavâ, quæ Sinicæ *Sio* completæ, & 70. quadrantibus & amplius, & gradibus 37. & minutis 28. respondet, eadem porta vitæ humidum radicale propagat ad manus, cùm spirationes 10125. absolvuntur, atque spiritus cum sanguine in venis promoventur 607. *cham* & 5. *che*, pulsus regulares fiunt non pauciores 40500. & non plures 50625.

Horâ nonâ, quæ Sinicæ *hai* dimidiæ & quadrantibus 72. & gradibus 39. 36. minutis respondet, tertia pars corporis calorem à manibus propagat; Vocatur manuum diminuti caloris via. In tertio puncto manus dextræ *chě* hujus viæ constitutio declaratur, cùm spirationes 10607. & dimidia absolvuntur, ac spiritus in sanguine promoventur 641. *cham* 2. *chě* & 5. *cùn*. Regulares pulsus, qui fiunt, non pauciores 42750. & non plures 53437.

Horâ decimâ, quæ Sinicæ *hai* completæ, & quadrantibus 74. & gradibus 40. minutis 44. respondet, eadem tertia pars

pars corporis propagat calorem à manibus, & cùm in sano homine spirationes 11250. ac spiritus cum sanguine peragant in venis 675. *cham*, fiunt pulsus regulares non pauciores 45000. nec plures 56250.

Horâ undecimâ, quæ Sinicæ *cù* dimidiæ, & quadrantibus 80. ac gradibus 43. & minutis 52. respondet, fel propagat calorem naturalem ad pedes, vocatur pedum diminuti caloris via. In secundo puncto *quan* manus sinistræ hujus viæ status indicatur, cùm spirationes 11813. absolvuntur, ac spiritus in venis cùm promoventur 78. *cham* 7. *che* & 5. *cùn*. Regulares pulsus, qui fiunt, non pauciores 47280. & non plures 59062.

Horâ duodecimâ, quæ completæ Sinicæ *cù*, quadrantibus 90. & gradibus 45. & 6. minutis respondet, fel eâdem propagat calorem ad pedes, & cùm spirationes 12375. absolvuntur, ac spiritus cum sanguine in venis progrediuntur 742. *cham*, 5. *chẽ*, fiunt regulares pulsus non pauciores 49500. nec plures 61875.

Horâ primâ, quæ Sinicæ *cheñ* dimidiæ, & horologii quadrantibus 96 atque gradibus 98. respondet, hepar propagat humidum radicale à pedibus, vocatur pedum defectuosi humidi radicalis via. In sinistræ manus secundo puncto *quan* hujus viæ constitutio indicatur, cùm dicto tempore spirationes duodecim mille nongentæ triginta septem & dimidia absolvuntur, ac spiritus cum sanguine in venis decurrunt septingenta septuaginta sex *cham*, duo *che*, & quinque *cun*. Pulsus regulares fiunt non pauciores 51750. nec plures 64687.

Horâ secundâ post mediam noctem, quæ Sinicæ *cheu* completæ, & centum horologii quadrantibus, ac gradibus in cœlo 50. correspondet, idem hepar propagat humidum radicale à pedibus, & cùm dicto tempore spirationes 13500. absolvuntur, & spiritus cum sanguine in venis promoventur 810. *cham*, fiunt pulsus regulares non pauciores 54000. nec plures 67500.



res 67500. Et sic deinceps in orbem revolutis ad revolutionem cœlorum & intervallum spirationum temporis horologii ac motus in spatio venarum, pulsum quoq; regularitas revolvitur in sano homine, ex quâ tam noctis quàm diei sanitas deprehendi potest, imò & singularum horarum, & hoc non solum in universo corpore, verum in singulis membris & intestinis.

Adverte diligenter, quòd pro duplici motu cœlorum, diurno videlicet, qui est 24. horarum, & annuo etiam, pulsus non solum diurni, sed & annui differentes pro differentiâ quatuor tempestatum in homine, à sanguine & spiritibus causati reperiuntur, quam ob causam Sineses Medici cuique membro ac intestino, seu potius cuivis pulsum loco pro ratione temporis ac tempestatis annuæ suas quoque vicissitudines inesse docent, atque ita in verealiter pulsus habere quàm in æstate, & in hyeme, quàm in autumno; Unde fit, ut pro qualitate pulsum diversâ, diversa etiam pulsibus indant nomina; Mensuras autem tam cœlorum quàm horologii, tam spirationum quàm spatii pulsum, quâlibet anni tempestate si sint, naturales easdem omnino esse volunt. Si verò pulsus unius tempestatis vel præteritæ vel futuræ in locum connaturalis pulsus irrepere vident, ægrotare hominem ex eo cognoscunt; Et sicuti, si pulsus diurni excedunt vel deficiunt à determinatâ temporis mensurâ, & à numero spirationum sani hominis, vel ab inordinatâ qualitate pulsum, malè habere hominem cognoscunt: Ita etiam, si circularem revolutionem, si annua & mensurua decrementa & incrementa in pulsibus tempestatum vernæ, æstivæ, autumnalis & brumalis turbata vel immutata compererint, malè affici quoque hominis vitam concludunt.

Verum, ut facilè mensuram pulsum quilibet assequi possit, ac ex illâ sanitatem & morbos cognoscere, ad sequens caput progrediamur.

CAPUT DECIMUM QUARTUM.

*Quomodo facili methodo mensuram pulsuum regularium, & ex illâ nullo negotio sanitas, morbi & mors ipsa cognosci queant.*

**E**st imprimis mirifici usus atque utilitatis hoc caput, uti & ea, quæ sequuntur, quippe, qui ad illa, quæ dicemus, vel leviter adverterit animum, ferre poterit iudicium de vitâ ac sanitate, de morbis eorumque causis, de morte etiam futurâ, & quidem nullo ferè negotio. Secretum aperiamus.

Diximus, intervallum spirationum 13500. mensurarum circuitum, quem faciunt sanguis & spiritus, compleri, eò namque intervallo pulsus causati à memorato motu circuitûs mensurantur. Verùm, cùm prorsus difficile sit per integram diem ac noctem explorare pulsus ad tantam moram spirationum, imò vel ad horam, imò & ad quadrantem, resque foret tædiosissima explorare pulsus, qui ad intervallâ tot spirationum dicti temporis contingunt; Operæ pretium fuit brevius intervallum præscribere, in quo pulsus regulares & desinentes, & excedentes, deprehendi queant.

Proinde Sinenses contendunt Medici, eum, qui exploraturus est alterius pulsus, ipsum omnino sanum esse debere, liberum à negotiis & curis, nec non majori aliquâ defatigatione, sicut enim fore, ut connaturalem spirationem habere possit. Hic itaque Medicus usus intervallô unius, duarum, trium, & usque ad novem, spirationum, siquidem ipse in singularum morâ spirationum pulsus non plures quàm quinque, vel non pauciores, quàm quatuor reperiatur, quando loca pulsuum utriusque manus explorat, regulares esse pulsus hominis illius, & ipsum valere, securè pronuntiabit. Hujus ratio subtilissima sanè hæc est: Spiratio, inquiunt, constat expiratione (hoc



est, ejectione aëris) & introspiratione (hoc est, attractione aëris.) Igitur si intervallo exspirationis duos pulsus percipias, intellige, quòd viarum cordis & pulmonum statum denuncient, & sic consequenter ad introspirationis intervallum pulsus iterum accipias duos, intelligitur, quòd viarum vesicæ seu renum & hepatis pulsus sint, quæ viæ cùm invicem se penetrent, & inter se harmoniam quandam vitæ efficiant, eandem per dictos pulsus in numero relato nec minori ad dictum intervallum, quod reperitur in homine sano, indicant. Et si accidat, in intervallo unius spirationis dari pulsus quinque, intelligere debet, quintum pulsuum indicare viam stomachi, & esse in medio pulsuum, sicut & stomachus est in medio membrorum. Dicuntur verò pulsus ad intervallum integræ spirationis indicare bonam hominis constitutionem, eò quòd quinque membrorum (cordis, pulmonum, stomachi, vesicæ, hepatis) constitutionem congenitam quinque ictuum numero prodant. (Et sic de singulis locis pulsuum intellige, sic tamen, ut principium ictuum, seu, ut numerus, illi membro & viæ attribuitur, cujus loco pulsus explorantur) Et sic per ordinem.

Porro, quòd unius spirationis intervallo per quatuor pulsus sanum hominem indicari diximus, intelligas oportet, ideò fieri, quia illi quatuor ictus non solum quatuor membrorum, cordis, pulmonum, vesicæ & hepatis statum indicant, verum etiam stomachi (cujus spiritus sunt omnium pulsuum fundamentum,) unde iidem quatuor pulsus qualitates, quas in se habet reconditas, manifestant. Quare sive quatuor sive quinque pulsus repereris intervallo unius spirationis, sanum hominem pronunciabis. At si deficere pulsus, hoc est, pauciores esse ad mensuram integræ spirationis advertas, pravè affectum esse corpus, non dubitanter pronunciabis. In promptu est causâ, quia indicatur numerus pulsuum regularis modò assignatus vel excessu suo, vel defectu harmoniam vitæ vitare vel destruere.

*Sed audiamus Sinensem textum:*

Quare

Quare dicuntur pulsus alii plures, seu excedentes, alii verò pauciores seu deficientes? Quia scilicet, si ad intervallum expirationis vel introspirationis solùm dentur duo pulsus, denunciant quidem hominem sanum, seu rectè habere; Verùm, si dicto intervallo dentur tres pulsus, illi vocantur *li kim*, aberrantes à viâ; Si quatuor pulsus, vocantur auferentes perfectiōnem & integritatem, & si eodem quinque pulsus, vocantur periculosi & mortales; Si verò sex, vocantur vitam abrum-pentes. Hi pulsus sunt omnes excedentes.

Sed quare vocantur pauci seu deficientes? Quia ad unicam expirationem vel introspirationem, si duntaxat unus pulsus accidat, est item & vocatur aberrans à viâ. At si ad intervallum duarum expirationum unus integer pulsus fiat, vocatur auferens vitæ integritatem; Et si ad intervallum trium expirationum unus integer pulsus contingat, vocatur mortalis. Denique, si ad intervallum quatuor expirationum sic unus pulsus, vocatur abrumpens vitam. Et hi dicuntur pulsus deficientes. Porro pulsus, qui sunt plures, seu excedentes, incipiunt ab inferioribus ad suprema, & pulsus, qui sunt pauci, seu descendentes à superiori ad inferiora.

Comment. Quod dicitur in textu, intervallo expirationis si dantur duo pulsus, indicant sanum hominem, si videlicet intervallo integræ spirationis ad minimum quatuor sint pulsus, nam spiratio constat expiratione & introspiratione; Atque ita, cùm de unâ parte spirationis (hoc est, introspirationis) notat numerum pulsuum, itidem de alterâ intelligi vult parte (seu expiratione.) Et sic de reliquis, seu excedentibus seu deficientibus. Sed quod refertur de deficientibus pulsibus, si intervallo introspirationis accidat unus pulsus, intelligi debet, si tempore integræ spirationis advertas solùm duos pulsus, ejusmodi pulsus vocari *pai me*, id est: destruentes & corrumpentes. Hi duo pulsus ex deficientibus, & illi sex pulsus ex excedentibus ad intervallum unius integræ spiratio-



nis vocantur *li kim* aberrantes ab ordinariâ & connaturali viâ, unde infirmari homines judicant.

Quòd si excedentes seu plures pulsus integræ spirationis intervallo sint septem vel octo, & ex deficientibus seu pucioribus contingat unicus solùm tempore integræ spirationis, tam hi quàm illi pulsus vocantur *to cuom*, auferentes integritatem vitæ, quòd nimirum spiritus subjugent sanguinem & exsiccant, ac vitæ flos vigorque marcescat, & calor illius violentè auferatur.

Si deinde intervallo unius spirationis excedentes pulsus decem advertas, & si advertas ex deficientibus unicum solummodo pulsus intervallo integræ spirationis & mediæ (hoc est, exspirationis) indicat, hominem subjici sepulchro. Nam duo hujusmodi pulsus dicuntur mortales. Si verò ex excedentibus ad intervallum unius spirationis percipias duodecim pulsus, scito, abrumpi & separari animam; Et si ex deficientibus intervallo duarum integrarum spirationum unicus pulsus fiat, qui pulsus dicitur monstruosus, & vitam separari indicat, quippe membrorum destruitur temperamentum, & spiritu deficiente, anima abit, & mors sequitur. Isti sunt pulsus quatuor mortis.

Textus: Pauci seu deficientes pulsus ob quam causam sunt infirmantium? Quia nimirum primi generis pulsus deficientes (puta, cùm intervallo integræ spirationis duo accidunt pulsus, qui destruentes vocantur) damnificant pellem, & ab illâ defluere capillos faciunt. Secundi generis pulsus deficientes (puta, cùm intervallo unius spirationis unicus pulsus fit, qui vocatur auferens integritatem vitæ) damnificant sanguinem, qui cùm evacuetur, atque perparum sui retineat, non potest vegetare & irrigare membra & intestina. Tertii generis pulsus deficientes (puta, cùm intervallo integræ spirationis & mediæ pulsus unicus accadat, qui dicitur mortalis) damnificat & exsiccant carnem, unde fit, ut cibi & potus marcorem

corem illius restaurare nequeant. Quarti generis pulsus deficientes (puta, cum intervallo duarum spirationum integrarum unicus pulsus percipitur, qui monstrosus dicitur) damnificat nervos, quippe illorum remissio aut laxatio nequit jam curari. Quinti generis pulsus deficientes (puta, si intervallo duarum spirationum & mediæ pulsus unicus acciderit) damnificat ossa, & medullas exsiccat, quô fit, ut ager lecto affigatur, nec amplius surgere valeat.

Cum simili proportionem discurrendum est de pulsibus excedentibus, qui morbos etiam ipsi indicant, sed in horum iudicio illos faciunt ab inferioribus ad superiora, hoc est, à pulsibus illis, qui indicant ossa sicca, & causa sunt, ob quam ager è lecto surgere nequeat, usque dum veniatur ad pellis marcorem & defluxum capillorum, nam in pulsibus deficientibus morbi ascendunt quodammodo à superioribus ad inferiora, hoc est : à pellis marcore & capillorum defluxu usque ad ossium siccitatem. Qui autem hos vel illos pulsus habeat, indicantes morborum dictum progressum, omnino sibi mortem imminere credas.

Comment: Ex omnibus membris in loco superioris sedem habent pulmones, qui suis quasi alis membra alia tegunt, & intra se recipiunt omnium viarum motus, unde fit, ut via pulmonum sit ad instar maris, congregantis & reciprocantis omnes pulsus, quibus vitam confert vegetativam & vitales spiritus, & ad extrâ quocunque se effundit, vegetationem tribuit pelli & capillis.

Quia verò morbi indicantur à pulsibus deficientibus, ascendendo in morbis à superioribus ad inferiora, ideo pulmones omnium supremum locum obtinentes, atque per suam viam pellem & pilos vegetantes, siquidem habeant primi generis deficientes pulsus, in primo loco manus dextræ necesse est primò quidem pellem marcescere, ac pilos defluere, unde morbus & mala constitutio pulmonum colligitur, & descenden-



scendendo ad inferiora, cùm cor ( quod est Dominus sanguinis ) sit infra pulmones, ideo pulsus deficientes secundi generis indicantes, malè affectum esse cor; indicant consequenter, sanguinem diminui, siccari, evacuari, unde sequitur marcor in quinque membris & sex intestinis ; Et cùm etiam infra cor resideat stomachus, qui recipit quinque alimentorum spiritus (puta: tritici, orizæ, fabarum) per quos extrà quidem carnes alit, intrà verò membra & intestina: Ideo pulsus tertii generis deficientes damnum, quò fortè afficitur stomachus, indicant, & vel ex eo apparet, quòd nec cibis nec potus digerantur, unde necesse est carnem languere & marcescere.

Rursum cùm hepar ( quod sanguinis est officina ) sit infra circiter stomachum, ac illum sanguinem conservet, ac cordi subministret, nervos item irriget, unguibusque tribuat vegetationem, ideo pulsus quarti generis deficientes malum, quod patitur hepar, manifestant, quod potissimùm in nervis, qui remissi & laxati corpus totum pari modo afficiunt, videre est.

Denique cùm vesica inferior sit cæteris membris, & quinque membrorum ac sex intestinorum vias conservet suis spiritibus, sit, ut etiam ipsi capilli, ossa & medullæ per ejus viam vegetentur, adeoque quinti generis pulsus deficientes malum & damnum vesicæ produnt, quod ossa ipsa arefacta & marcida significant ; Ex quo debilitas in corpore, & somni gravedo in ægroto oritur, qui è lecto se amplius erigere nequit.

Isti quinque generum pulsus deficientes quinque genera morborum indicant, & hoc descendendo à morbis superiorum membrorum ad inferiorum morbos ; Puta à pulmonibus usque ad vesicam seu renes. Sed in excedentium pulsum generibus contrarium accidit : Nam morbi inferiorum membrorum ascendunt ad superiorum membrorum morbos, puta à malo vesicæ usque ad malum pulmonum, ut suprà.

Textus:

Textus : Quâ ratione potissimum mederi poterimus quinque jam dictis generibus deficientium pulsum ? Sanè hæc sequenti ratione : Si videas primi generis deficientes pulsus indicare morbum pulmonum , spiritus pulmonum restaurabis ; Si secundi generis , indicare cordis morbum , motum spirituum & sanguinis attemperabis. Si tertii generis , morbum stomachi , medicina erit in potus & ciborum regulâ , frigida & tepida commiscendo. Si quarti generis hepatis morbum ostendentes , remissionem spirituum inducere oportebit. Si quinti generis , vesicæ morbum indicantes , augeas vesicæ qualitates , quibus ipsa perficitur. Atque hæc quidem est ratio medicandi dictis pulsibus.

Comment. Frigus & cibi frigidi lædunt pulmones , ideo morbo pulmonum mederi debes per restaurationem spirituum , quibus dominantur. Nam per spiritus omnes pulsus perficiuntur , & ad naturalem statum reducuntur , unde etiam vigor pelli & pilis redit. Porro tristitia & sollicitudo ac multa cogitatio lædit cor , quod dominatur sanguini , ideo morbo cordis medicari oportet per reductionem motus harmonici sanguinis & spirituum : Sic enim fiet , ut venæ spiritibus & sanguine repleantur , & motum pulsum naturalem continuare pergant.

Cibus & potus nimius , ac multa defatigatio lædit lienem & stomachum , hujus namque qualitates quatuor anni temperatibus tertio quodque mense magis apparent , & dominium suum in potum & cibos exercent ; Hanc ob causam huic morbo stomachi mederi necesse est per ciborum ac potuum sapes , conformiter ad quatuor anni temporum frigidos vel tepidos spiritus , ut sic reductus ad suam temperiem possit alere carnes.

Ira & cholera nimia lædit hepar ; Proinde hepatis morbis medicaberis , si dulcia comedas , v. gr. oryzam , quæ vino faciendo inservit , & ipsa dulcis est : Item bubulam & fructum



*cadè cū* dictum, qui est similis prunis & cæteris hujusmodi; Hepar enim naturam habet & qualitates celeres intensas & vehementes. Verùm sãpores ac præcipuè dulcedo cū sint terrei temperamenti, remissas habent virtutes, ideoque intensiorem hepatis relaxant, quò fit, ut nervi, quibus dominatur hepar, attemperentur. Diuturna mora aut sessio in locis humidis, nec non violenta contentio virium lædunt vesicam seu renes, vesica verò est fundamentum alimenti corporei. Morbis illis poteris mederi salis condimento, sic enim restaurabis illius constitutionem & spiritus, per quos alit ossa & ossium medullas.

Et ista quidem est regula medendi quinque generibus deficientium pulsum: Et ex hac colligitur, quomodo procedendum sit in morbis, quos quinque genera excedentium indicant pulsum.

Textus: Quidam pulsus habent unicã expiratione tres ictus, & totidem unicã introspiratione; Item: unaexpiratione quatuor ictus, & unã item introspiratione quatuor: item quinque & quinque; item sex & sex; Aliqui verò pulsus unã expiratione unum ictum, & unã introspiratione unum ictum; Item duabus expirationibus unum ictum, & duabus introspirationibus unum ictum: item duabus expirationibus & duabus introspirationibus unicum solùm ictum.

Sed quomodo cognoscas & distingues ex illis morbos? Respondeo: Si pulsum ictus duo expirationis intervallo, & alii duo intervallo introspirationis adveniant, utiq; nec magni nec parvi, vocabis eos pulsus æquales: Et si intervallo expirationis tres ictus, & introspirationis tres alios ictus advertas, jam est morbus incipiens. Quòd si ictus pulsum priores sint magni, & posteriores sint parvi, scito, caput dolere, & oculos gravari & obscurari. Si autem priores pulsum ictus sint parvi, & posteriores magni, scito, pectus esse oppletum, & spiritus seu respirationem esse angustam.

Comment:

Comment: Si tempore unius integræ spirationis, (quæ extra- & introspiratione constat) ictus pulsuum quatuor, nec adeo magni, nec adeo parvi, sed mediocres sunt, sanum indicant hominem; Sed si hoc tempore sex ictus advertitis, celer est pulsus, & morbi initium designat.

Si ictus priores pulsuum (puta in primo loco) sunt magni, & posteriores pulsus (puta in tertio loco) sunt parvi, (quia primus locus pulsuum cœlo est similis, & supremam partem à pectore ad caput regit,) ostendit capitis in cerebro dolorem, & oculorum, cùm moventur, gravitatem & obscuritatem; Quòd si pulsus seu ictus priores sunt parvi, & posteriores magni, hoc est, post locum primum pulsuum: Si in secundo loco, qui ad mediam seu secundam regionem corporis spectat, (quæ homo dicitur) significant, pectus esse oppletum, & genua gravari, adeoque pedibus insidere tarditatem.

Textus: Intervallo unius expirationis quatuor ictus, & introspirationis alii quatuor ictus magnum morbum indicant. Si pulsus sint exundantes & magni, molestiam & inquietudinem ægri denunciant. At si sint profundi & subtiles, intra ventriculum dolorem; Si etiam sint pulsus crebro-acuti, læsionem à frigore; Si denique pulsus sint obtuso-rari percepti, humores intus esse multos frigidos judicandum.

Comment: Intervallo unius spirationis octo ictus ostendunt, malum invaluisse: Et siquidem exundantes sint & magni, morbus est in viâ triplicis caloris primig., nam ob multum calorem pulsus multi fiunt, & cor & pectus tristitiâ repleti, & molestiâ & inquietudine ex frigore & calore exortâ indicant. Quòd si autem pulsus sunt profundi & subtiles, morbus est à viâ triplicis humidi radicalis, multum enim humidum, dominans frigido, ossium dolorem causatur & efficit, ut spiritus caloris primigenii lædantur ab extrinseco nimio calore. Denique si pulsus fuerint obtuso-rari, indicant, parum esse sanguinis, ac



nis, ac vaporum ex nimio frigore esse abundantiam, unde intra viscera murmur personat.

Textus: Percepti intervallo expirationis quinque ictus, & introspirationis alii quinque ictus, ægrum denunciant vehementer affligi; Porro si sint profundi & subtiles, & de nocte veniant, ac deinde nutantes & magni evadant, de die verò neque magni neque parvi appareant, quamvis sit morbus difficillimus, potest curari. Quòd si duntaxat sint parvi & magni, difficillimè curabis, nam pulsus illi subtiles magni de die sunt multi.

Comment: Octo ictuum pulsus vocatur separationis, novem ictuum mortalis; Ista verba innuunt. Quòd si decem ictuum sint pulsus tempore plenæ spirationis, ægrotum subjici sepulturæ, nam morbus difficillimus & molestissimus est: Et si pulsus sint profundi ac subtiles, humidum valde auctum: Si natantes & magni, calorem valde auctum de die; Si nec magni, nec parvi, nec natantes, nec profundi, morbus, etsi difficilis & vehemens, potest curari; Quòd si pulsus inconstantes, hoc est: modò sint magni, modò parvi, modò celeres, modò tardi, certam mortem imminere, indicium est.

Textus: Percepti tempore expirationis ictus sex, & totidem tempore introspirationis, indicant mortem; Si illi pulsuum ictus sint profundi, nocte mors contingit; Si sint natantes & magni, de die moriturum ægrum nunciant.

Comment: Unius spirationis intervallo duodecim ictus nunciant, animam seu vitam abrumpi. Ratio hujus est: quia calor primig. omnino nimius est. Si pulsus deprehendantur profundi & subtiles, & nox instet, sequitur, eâ ipsâ nocte mori ægrotum; Si verò sint magni & natantes, de die morietur, nam tum humidum radicale à calore primigenio separatur. Et hæc dicta sufficiant de multis pulsibus seu excedentibus, nam quod sequitur, est de paucis seu deficientibus.

Textus: Intervallo expirationis unus ictus, & introspira-  
tionis

tionis alter ictus, est pulsus deficientis. Qui hunc habet, quamvis possit ambulare, non potest evadere, quin tandem in lectum incidat, quia sanguis & spiritus non sunt sufficientes.

Comment: Pulsuum deficientium genus, quod spatio unius spirationis integræ duos solùm ictus habet, & aliud genus, quod spatio unius spirationis unicum tantùm ictum habet, vocatur pulsuum corruptorum, quia videlicet membra & intestina habent malum exinanitionis, & amiserunt perfectionem, vigorem & alimentum, eò quòd sanguis & spiritus non sufficient.

Textus: Intervallo duarum expirationum unus ictus, & aliarum duarum introspirationum alter unus ictus vocantur sine animâ, quia ejusmodi hominem mori necesse est; Et licet æger possit incedere, nomen obtinet vivi cadaveris.

Comment: Tempore spirationis integræ, quò fit unicus pulsus, anima ad calorem primigenium & corpus ad humidum radicale respicit, & calore etiam desinente, anima abit, æger autem, etsi incedat & moveatur, vivum cadaver appellatur.

Textus: Primus locus pulsuum in manibus si habeat pulsuum, & tertius locus pulsuum, si illo careat, hominem illum necesse est vomere; Quòd si non vomat, omninò moritur. At si superior locus pulsui careat, & in tertio loco reperiatur, quamvis erit maxima difficultas & infirmi afflictio, non damnum mortale ex se affert, quia homo habens pulsuum in tertio loco constanter, similis est arbori, quæ habet radicem, ramos & folia; Quòd si rami & folia exarescant, radix tamen remanet, unde cætera propagata sunt, Non est itaque de eo desperandum.

Comment: Si tertius locus caret pulsui, signum est, vitiò oppletionis laborare superiora, unde necesse est aut per vomitum oppletionem tollere, aut per spiritus inde progenitos suffocari interiora, ex quo mors. Porro in sinistræ manus tertio loco pulsus ad viam vesicæ pertinet, in dextræ tertio loco ad



viam portæ vitæ pertinet, ambo enim recondunt spiritus, cùm sint illorum locus & origo. Quare si primus locus in manibus careat omni pulsu, & tertio loco appareat, clarum est, originales spiritus perseverare & conservari; Ideoque bene colligitur, necdum mori, qui illos habet.

Colligitur primò: Quare tam primi generis deficientes pulsus (ut: cùm intervallo integræ spirationis unicus tantum pulsus fit) quàm excedentes (ut: cùm in intervallo spirationis sex pulsus fiunt) vocantur aberrantes à viâ ordinariâ? Quòd scilicet si tempore spirationis integræ contingat, spiritus & sanguinem in corpore humano promovere ad sex mensuras digitales, excedentes pulsus eodem tempore septem mensuras conficerent; Unde sequitur, ut circuitum absolvant celerius & citius, adeoque quasi tertia pars (ob celeritatem pulsum) temporis regularis superfit.

Contrà in deficientibus pulsibus tantundem retardare necesse est & deficere à tempore regulari, ex quo patet, tam hos quàm illos à viâ aberrare ordinariâ. Idem cum proportionem dicendum est de pulsibus tam deficientibus, quàm excedentibus secundi, tertii, quarti & quinti generis discurrendo reperies, quos omnes deficere comperies à mensuris spirationum sani hominis; Item revolutionis coelestis, item artificialis temporis in horologio aqueo: denique à cursu æquabili & spatio venarum in corpore humano suprâ annotatis; vel contrà excedere illas mensuras in excedentibus pulsibus.

Nunc unicum est persequendum obiter: an dictarum mensurarum pulsus præscripti in omni ætate & sexu reperiantur hominum, an videlicet in puero & adulto, pingui & macilento, procero & brevi, tardo & agili, mare & foeminâ mensura sit eadem pulsum, vel saltem, an qualitas illorum pulsum in illis sit diversa, & an aliquando pulsus sistant & interpolent, & quid illa quies seu interpolatio portendat; Deniq; an  
pulsus

pulsus certo constans numero certa judicia temporum, mortis vel morborum dare possit?

## CAPUT DECIMUM QUINTUM.

*An relata mensura spirationum eadem sit in pueris & adultis, an qualitas pulsuum eadem sit in mare & foeminâ, macilento & pingui, procero & pusillo, tardo & agili, & an pulsus sistant, & in quam notitiam temporis, morborum & mortis venire quis possit, ex illâ quiete ad certum numerum pulsuum?*

**T**Extus : Puerorum triennialium usque ad quintum annum ætatis, expirationis & integræ introspirationis tempore, necesse est diligenter considerare pulsuum, nam si ictus dicto tempore sint octo, sani sunt, si novem, malum interius habent, si decem aut duodecim, morbus est difficilis, maximè verò, si sint ictus modò breves, modò longi, modò parvi, magni, non carent periculo mortis. & malum radicatum ostendunt.

Comment: Parvulorum pulsus omnino diversi sunt ab adultorum; Similiter: Si homo procerus habeat pulsuum subtilem, & tenuis atque exilis magnum, lætus pulsuum plenum, & tristis pulsuum vacuum, excitatus remissum, & gravis ac tardus velocem, agrestis & grossus delicatum, delicatus grossum pulsuum, brevis ac pusilli corporis longum, macilentus magnum, procerum corpus exundantem, & robustus tenuem, pinguis parvum, aut æger laborans fluxu alvi vel sanguinis pulsuum magnum, omnes isti pulsus ferè sunt præ-nuncii Mortis, aut morbum periculosissimum indicant. Quare exploraturus pulsuum diligenter advertet animum, an homo sit altus, brevis, agilis, tardus &c. an pulsus respondeant nec ne in tribus pulsuum locis utriusque manus ingenitæ, cujusq; conditionis seu complexionis.

An ve-



An verò maris & foeminæ pulsus observent eadem loca aut mensuram, quæstio esse possit? Respondent Sinenses Medici, masculorum locum tertium utriusque manus *che* dictum semper habere debiliores pulsus, contrà in foeminis utriusque manus primi loci *cun* esse pulsus debiliores, & tertii loci robustiores. Quare (inquiunt) si reperias in viro, locum tertium *che* pulsus habere solidos, scias, illum hominem pulsum foeminæ habere, qui pulsus in viro est ex deficientibus; Si verò in foeminâ in *che* loco tertio pulsum debilem reperias, intellige, foeminam habere pulsum viri, qui pulsus sunt ex excedentibus, unde tam virum quàm foeminam malè habere judicabis.

Textus: Pulsus sunt alii naturales seu ordinarii, alii sunt contra naturales seu extraordinarii. Maris & foeminæ pulsus quare sunt oppositi? Quia nimirum primus vir coepit vivere ad principium horæ *ym* (Est tertia & quarta post mediam noctem) quæ hora pertinet ad *yam* calorem primigenium, & prima foemina coepit vivere horâ *Xin* (est tertia & quarta post meridiem) quæ spectat ad humidum radicale, ideo viri pulsus primus seu principalis est infra locum secundum, ex quo fit, ut pulsus in tertio loco *chē* in viro sint debiles, & in foeminâ sint solidi ordinariè loquendo; Nam si contrà evenit, vir assequitur pulsum mulieris, & mulier viri.

Comment: Pulsus vel pertinent ad humidum radicale, vel calorem primigenium, vel sunt in viis naturales, vel præternaturales. Foeminæ & viro sunt propriæ suæ complexionis, quare? Quia (per Sinenses) vir, qui primùm in rerum naturâ apparuit, horâ *ym* creditur exstitisse, cui calor primigenius dominatur, & qualitatem validiorem habet; Foemina verò hora *Xin*, cui dominatur humidum radicale, cujus qualitas debilior est; Jam verò tres viæ caloris primigenii à primo loco, & tres viæ humidi radicalis à tertio loco motum suum ordiuntur, ideo fit, ut pulsus in viro in loco primo fortiores sint, & pulsus in foeminâ in tertio loco, & contrà in tertio loco debiliores

biliores sint in viro, & in foeminâ fortiores sint, quàm in primo, præter alias multas rationes, quas afferunt Sinenſes.

Textus : Morbus quomodo homini accidit? Si nimirum vir habet pulsus foeminæ ( qui sunt deficientes ) indicant, morbum esse interius; Ad dextram quidem, si pulsus sit ad dextram ad sinistram autem, si pulsus sit ad sinistram. At si foemina habeat viri pulsus ( qui sunt excedentes ) morbus est in membris, & si pulsus sunt ad dextram, vel sinistram, morbus similis erit.

Kipeus Author inquit : Pulsus, qui non observant, sed destruunt quatuor anni tempestatum qualitates, sunt vel deficientes, vel excedentes: Loquendo de deficientibus, oriuntur illi ex eo, quod parùm sit humidi radicalis, quod ossibus dominatur, & facit illa replendo gravia, pulsus ejusmodi sunt summè deficientes. Quod si quem advertas bibere & comedere parùm, & semper minùs ac minùs, scito, corpus marcescere, & quodammodò imminui. Pulsus, qui hoc indicant, vocantur deficientes à fine intento. Si verò videris hominem dormiturire & quiescere, nec tamen egerere, & oculos aut aures non rectè suo officio fungi, pulsus id indicantes, vocantur deficientis corporis pulsus. Si deinde advertas, expirationem & introspirationem non sibi mutuò respondere, item quinque colores in corpore vigorem deperdere, pulsus, qui tunc reperiuntur, vocantur animæ deficientis. Denique, si quatuor partium corporis ( puta: pedum duorum, & totidem manuum, quæquæ illis annexa sunt ) pulsus videas perturbatos, sunt & dicuntur illi pulsus spirituum deficientium.

Præter hos sunt alii pulsus summè deficientes spatio triginta annorum, hoc est, qui non nisi trigesimo anno vitam ablatum iri indicant; Alii pulsus medio modo deficientes, spatio viginti annorum, hoc est, qui indicant, vigesimo anno ætatis vitam finitum iri; Alii pulsus minimè seu admodum parùm deficientes spatio decem annorum, hoc est, qui decimo anno vitam abruptum iri indicant. Hos pulsus relatos scito repe-



riri vere, æstate, autumno & hyeme. Quare si sanus homo sit corpore procero, & habeat pulsum brevem, scito illius pulsus esse primi generis, qui multum deficiunt.

Si autem homo sit brevis staturæ, & pulsus habeat longos, scito, illius pulsus esse secundi generis, qui minus deficiunt, & vitam promittunt minoris temporis seu medii, viginti scilicet annorum, Si ille pedes & manus habeat exiles, illius pulsus dicendi sunt tertii generis, qui admodum parum deficiunt, perexigui temporis annorum, scilicet decem, vitam pollicentur. Quod si advertas, aliquem deficere in spiratione ac spirituum perfectione, intellige, illum diu vivere non posse ordinariè.

Si in Maris sinistrâ manu pulsus *tuon* breves, & in dextrâ *cham* longi sint, indicant, esse pulsus caloris primigenii deficientis, & vitam solum medii anni promittunt. Si in foemina dextrâ pulsus sint breves, & in sinistrâ longi, indicant, esse pulsus humidi radicalis deficientis, & solum vitam semestrem foeminis promittentis.

Præter enumeratos pulsus deficientes sunt alii, de quibus infra, ubi de mutatione quatuor anni tempestatum dicitur fusiùs, ut cum v. gr. verni pulsus temporis, qui est in loco hepatis viæ, (hoc est, in secundo puncto sinistræ manus) stomachi viæ pulsum obtinet, vocatur stomachi deficiens pulsus; Et cum æstate pulsus cordis in primo loco sinistræ esse debeat, si ibi viæ vesicæ vel pulmonum pulsus apparent, vocantur pulsus deficientes vesicæ vel pulmonum. Si in autumno in loco primo dextræ debent videri pulsus pulmonum, quod si apparent hepatis vel cordis, vocantur pulsus deficientes hepatis vel cordis. In hyeme, si pulsus viæ vesicæ aut renum in loco tertio sinistræ manus contenti apparent, contrà, si cordis vel stomachi viarum ibi pulsus appareant, appellantur cordis vel stomachi deficientes. Quæ omnia oportet diligenter animadvertere, an videlicet primo loco *cum ken* sint pulsus interrupti, an verò post: Quia si in primo loco nullus

nullus sit pulsus, & in tertio sint instar tensæ chordæ, pulsus illi habent adhuc stomachi spiritus; At si loca superiora & inferiora nullos habeant pulsus, mortem indicant; Si illa vel hæc non omnino pulsibus careant, viventem adhuc hominem indicant.

*Atq; isti sunt deficientes pulsus.*

Excedentium pulsuum sunt indicia, cùm quis vocis sonum habeat valde profundum, & aspiciendo res non adeo remotas, turbata omnia & confusa, quasi unum quid esset; Vocantur hi pulsus excedentes seu deficientis animi. Et si corpus sit obesum & magnum, & cibi potûsque multum absumat, pulsus, qui tamẽ reperiuntur, sunt multa sollicitè meditantis, excedentes vocantur, & si aliena loquuntur, & non solùm pedibus, sed & manibus videntur ambulare, deficientis corporis pulsus excedentes vocantur. Et si habent colorem herbarum, pulsus excedentes, qui tum sunt, animæ deficientis vocantur. Si videas exiles aut parvos pulsus, & expirationem ac introspirationem non sibi respondentes, vel magnam, intelligitur, illos pulsus esse ex excedentibus. Atque hæc sunt indicia illorum ab Imperatore Hoâmni Medicorum antiquissimo Posteris tradita.

Sed de interpolatione pulsuum, prognostica inquiramus.

Textus: Cujus pulsus semel dat ictum, & alterâ sistit vice, ille alterâ die moritur.

Comment: Alius liber habet: post unum diem moritur.

Textus: Pulsus duorum ictuum, & post hoc semel sistens ac interruptus, tertiâ die mortem denunciat.

Pulsus dans tres ictus, & postea sistens, quarti diei mortem & interdum quinti.

Dans quâtuor ictus, & postea semel sistens, sextâ die mortem denunciat.



Dans cinque ictus, & post semel sistens, quintâ die & interdum septimâ mortem.

Pulsus dans sex ictus, & dein sistens, octavâ die mortem.

Dans septem ictus, ac dein sistens, nonâ die.

Dans octo ictus, ac dein sistens, decimâ die mortem.

Pulsus dans novem ictus, & dein sistens, decimâ die, & interdum undecimâ die mortem indicat.

Comment: Alius liber habet, etiam decimâ tertiâ die mortem, & quidem principio veris denunciat.

Pulsus dans decem ictus, & postea sistens, principio æstatis mortem denunciat.

(Comment: Liber alius habet: principio veris moritur.)

Pulsus dans undecim ictus, & postea sistens, in solstitio æstivo moritur.

(Comment: Liber alius habet: initio æstatis, & alius: initio autumn.)

Pulsus duodecim vel tredecim dans ictus, & postea sistens, initio autumn moritur.

(Comment: Alius liber habet: initio hyemis)

Pulsus quatuordecim vel quindecim ictus dans, & postea semel sistens, initio hyemis moritur.

(Comment: Unus liber habet: initio æstatis proximæ)

Pulsus viginti ictus dans, & postea sistens, post unum annum mortem indicat, quæ accidit initio autumn.

Pulsus viginti & unius ictuum, & post hoc sistens, post duos annos mortem indicat.

Pulsus viginti quinque ictuum & postea sistens, initio hyemis moritur. (Comment: Alius liber habet: Post unum annum moritur, & interdum post duos.)

Pulsus triginta ictuum, & post semel sistens, post duos annos & interdum post tres moritur.

Pulsus triginta quinque ictuum semel sistens post tertium annum moritur.

Pulsus

Pulsus quadraginta ictuum semel sistens, post quartum annum moritur.

Pulsus quinquaginta ictuum semel sistens, post quintum annum moritur.

Pulsus venientes & abeuntes sine interpolatione, quiete & statu, sicut non interrompant, quinquaginta ictus, ostendunt, omnia membra & intestina habere spiritus, & propterea carere morbo.

Comment: *Sien kin fan* liber sic dictus, inquit: Quinq; Elementorum Spiritus absoluti humidi radic: & caloris primig. numeros complent, simul etiam manifestant, permeare sanguinem & spiritus ingredientes & egredientes motu suo per vias pulsum, & percurrere illas intervallo noctis ac diei.

Pulsus quadraginta vicibus veniens, & postea semel sistens, ostendit, unum membrum destitui spiritibus, adeoque mortem post quartum annum obventuram, tempore illo veris, quo herbae nascuntur.

Pulsus triginta vicibus veniens, & postea semel sistens, ostendit, duo membra esse sine spiritibus, ideoque mortem obventuram post tres annos, eo tempore, quo triticum maturefcit.

Pulsus viginti vicibus veniens, & postea semel sistens, ostendit, tria membra esse sine spiritibus, adeoque futuram mortem post biennium, quo tempore mori arboris fructus maturefcunt & rubescunt.

Pulsus veniens decem vicibus, & deinde semel sistens, ostendit, quatuor membra carere spiritibus, & futuram mortem intra medii anni spatium. Et si evadit, cum advenit tempus *ci in mi in* quod significat tempus mutationes perfectioris claritatis, & est tempus circa secundam lunam, (incipiendo annum Sinicum à primâ lunâ, quæ est circa initium Februarii) moritur. Et si etiam hoc tempus evadit, mors differri diutius multò non poterit, nam tempore sequenti mutationis



*kō yn* dicto, quod significat segetum pluviam, & est circa tertiam lunam.

Pulsus ictibus quinque veniens, & deinde subsistens, indicat, quinque membra sine spiritibus, & ideo mortem futuram post quinque dies.

Porro, si videris, unius pulsus ictum diu hærere & morari, scito, fortem morbum esse in corde, & medium illius occupare. Si duorum pulsuum duos ictus similiter hærere, & moram trahere, scito, morbum esse in hepate, & illius extrema occupare. Si advertas, tres pulsuum ictus diutius hærere, scito, morbum esse in stomacho, & in illius infimæ partis medio residere. Si quatuor pulsuum ictus diutius morari sentias, scito, morbum esse in vesicâ seu renibus. Si quinque pulsuum ictus percipias diutius morari, scito, morbum esse in pulmonum extremitatibus.

Hos quinque proximè memoratos pulsus si habeat æger corpore delicatus vel obesus, mori illum necesse est, & nulla medicina ei prodest. Si sit æger corpore moderatè pleno, possunt dictorum pulsuum attemperari spiritus.

Colligitur primò ex hoc & præcedentibus capitibus, quæ mensura temporis sit ad pulsus necessaria, & quare illam adeo sollicitè Sinenses observent. Adverte autem diligentissimè, per pulsus, quos reperies in tertio loco, sive naturales illi sint, sive præternaturales, statum tertiæ regionis corporis indicare, quos verò invenies in primo loco *cum ken*, statum supremæ regionis corporis, & quos invenies in medio seu secundo pulsuum loco, statum mediæ regionis corporis: In quo medio loco, si pulsus sint spectantes ad calorem primig., manifestant ab umbilico ad caput primam regionem corporis; Si verò sint pulsus ad humidum radic. spectantes, manifestant ab umbilico ad pedes statum infimæ partis corporis. Cùm verò accidit in primo loco nullos reperiri pulsus, ideo fit, quòd pulsus tertii loci non procedant ad medium locum, quia humidum ra-

dum radic. destruitur & deficit, quoniam destructo humido radicali & exiguo apparente calore primig. mortem sequi necesse est. Collige hinc, tria loca pulsum, sive habeant aliquos pulsus, sive nullos, indicare frigus stomachi, quod est *ir* causâ, quare pulsus minùs perveniant ac pulsant. Idcirco primus locus *cun kên* habens pulsum, & tertius eo carens, indicat, hominem omninò vomiturum, & si non vomat, moriturum. Si primus locus sit sine pulsu, & tertius habeat pulsum, licet sit difficilis curatu morbus, spem vitæ facit, sicut radix, quæ arefactis ramis adhuc viget ipsa, & fructus olim spondet. Et si perceptò, qui solet esse pulsus sani hominis, accidat tamen, eundem mori, inde fit, quòd viæ spirituum repleantur in vesicâ seu renibus, nec non in portâ vitæ, & omnino intercipientur.

Colligitur secundò, ex quo sit vitæ causâ, & ubi resideat, & quomodo per corpus propagetur, ac per pulsus perfectio illius ac defectus cognoscantur. Cùm verò jam pulsum loca assignaverimus, & motùs (qui est causâ illorum) ostenderimus tam mobile quàm mensuram, in quâ ille motus incipit & desinit, restat, ut de pulsibus ipsis eorumque qualitate agamus, proinde pulsum genera, quacunque à Sinenribus proferuntur, adducemus & definiemus, ac etiam ad ipsam imaginationem imaginibus, quas illi adhibent, exprimemus, sicut in veteribus & neotericis reperimus; Tum verò pulsus ordinarios seu naturales sex (trium locorum in dextrâ & trium locorum in sinistrâ) hoc est: sex vitæ fontium (membrorum videlicet & intestinorum) describemus, ac postea, an semper iidem pulsus connaturales perseverent, an verò pro vicissitudine qualitatum quatuor anni tempestatum mutantur, perquiremus, & irreperentes vitiosos pulsus ac contra naturales per quatuor anni tempestates aperiemus; Item, quomodo ex pulsibus omnium morborum symptomata cognosci & prædici possint, atque etiam ex coloribus, vocis sono, appetitu, somniis atque aliis.



aliis signis ea colligant Sinenses, docebimus, & si tempus superfit, de morbis, febribus, ac morte ipsa agemus, ac praxin omnium annotabimus; Ad extremum de ratione medendi usitatâ à Sinis proferemus.

## CAPUT DECIMUM SEXTUM.

*Pulsuum genera, quæ à Sinensibus assignantur, descripta etiam in imaginibus; Item: Quæ Elementa & quatuor anni tempora dominantur illis, nec non cujus membri vel intestini naturam sortiuntur.*

**O** Stendimus suprâ, calorem primigenium & humidum radicale congruè & aptè unita vitam tribuere, & eam in totum corpus diffundere, operâ motûs sanguinis & spirituum, ex quo motu pulsus exorti indicant vitæ in locis manuum assignatis vel bonam vel malam constitutionem. Hôc positô, cùm de pulsibus agere instituamus, illos habere naturam motûs & mobilium, à quibus sunt, necesse est declarare. Quare cùm motus sit triplex secundum triplicem viam caloris primig., & iterum alius triplex secundum triplicem viam humidi radic., sequitur, pulsus sive ex hoc sive ex illo motu exortos, tam connaturales quàm præternaturales quosdam spectare ad calorem primigenium, & quosdam ad humidum radicale; Item, cùm illæ duæ qualitates diversimode in diversis originibus Elementa & eorum virtutes includant, pulsus quoque diversos ad diversâ Elementa spectare. Denique, cùm in viis exoriantur, vel in vias irrepant, etiam naturam originum habere illarum debent, quarum virtutes magis participant.

Nunc primò pulsuum omnium descriptionem (quam alibi expressam suis imaginibus reperies) an scilicet ad *yâm* vel *in* pertineant, cujus item Elementi & consequenter originis (membri

(membri inquam & intestini) naturam habeant, & nomen proponemus. Quomodo autem ex pulsibus singulis in locis sex pulsuum deprehensis divinare quis queat morbos, symptomata & affectiones cujusque partis, infrà dicemus.

Pulsuum genera vulgò recepta sunt hæc : *Mě ciě piáo* septem, quæ ad extra sunt, & *me chum pā* octo, quæ ad intra sunt ; Deinde *kieŭ tao mě*, novem viarum pulsus ; Postea sunt pulsus octo, *k'í kiŕm pā mě* extraordinariarum viarum ; Denique sunt pulsus *quay mě* monstrosi sedecim, qui omnes sunt mortales.

Septem pulsuum, qui extrà apparent, & ad *yâm* calorem primig. pertinent, descriptio.

1. *Feu* : pulsus natans in superficie ad *yâm* spectat. Ictus, quem digitus explorando percipit, deorsum deficere videtur, & ad superficiem superabundare, quem si iterum atque iterum explores, videbitur esse quasi *t'ái quo* pulsus multum excedens.

Comment: Quòd videatur hic pulsus deorsum deficere, provenit ab *in* humido radicali ; Quòd verò elevatus habeat excessum, provenit ab *yâm* calore primig. multum excedente. Antiquissimus liber hunc pulsuum describit : Pulsus *feú* facit ejusmodi planè motum, qualem efficit folium ceparum, cum depressum se sursum reducit.

Subjicitur Elemento Synico *kiŕn* metallorum.

In morbis repertus indicat pulmonum ventum.

2. *Ken* pulsus ad *yâm* pertinet, digitis explorans ictum nantem, & magis reperit in utroque extremo, sed in medio ruptum & vacuum, unde hic pulsus non est integer.

Comment: Ignis caloris primig. pulsuum intendit, & natantare facit, qui, cum sit natans, quia sine viribus in medio est vacuus, & in duobus extremis plenus.

Antiquissimus liber inquit : *Ken* pulsus habet duo capita, sed in medio illorum est vacuus.

Dec. II. Annus IV.

O \*

Subjici-



Subjicitur Elemento ignis, repertus in morbis, sanguinis multitudinem atque evacuationem significat.

3. *Hiē* acuto - creber, pertinet ad *yām*. Digitus explorans illum in tribus locis manuum invenit. Ejusmodi videtur esse tactus, cujusmodi fit a gemmâ rotundâ decurrente, & si iterum palpas locum, cadens ictus esse videtur, & qui nec ingreditur nec egreditur.

Comment: *Hiē* pulsus habet caloris primig. aqueam qualitatem. Antiquissimus liber, *hiē*, inquit, pulsus videtur esse similis motui gemmæ, quæ accedit & recedit, & in fine acuta est vel pungens. Subjicitur Elemento aquæ; Repertus in morbis indicat vomitum, cui ventus contrariatur.

4. *Xē*: Plenus & solidus pulsus pertinet ad *yām*; Ictum illius digiti inveniunt integrum, qui cum elevatur, habet excessum.

Comment: Pulsus plenus est ignis caloris primig. Idem liber ait: Plenus pulsus in medio videtur natare.

Alius liber antiquus ait: Pulsus plenus idem est cum longo. Subjicitur ignis Elemento, repertus in morbis significat, cordis calorem suffocari.

5. *Hiên*. Est pulsus chordæ extensæ, pertinet ad *yām*. Qui illum explorat, deorsum non sufficere, sed elevatum excedere percipit.

Similis est arcûs intensi ictui, interdum est frequens liber antiquus idem dicit.

Subjicitur Elemento Sinico arborum seu aëri, repertus in morbis, indicat oculorum dolorem & nervorem defatigationem.

6. *Kiù*, vehemens, intensus & validus, pertinet ad *yām*. Digitus explorans in tribus manuum locis excedere illum intelligit, & cum elevatur, valde celerem. Assimilatur torrentis cursui intenso.

Liber ait: *Kin* pulsus vocatur tensæ chordæ similis; Subjicitur

citur Elemento arborum seu aëris, repertus in morbis indicat, dominari ventum, & ex eo exortum dolorem.

7. *Kum* exundans, pertinet ad *yām*. Qui illum explorat, infrà esse valde magnum, & cùm elevatur, excedere percipit.

Liber habet: Cùm elevatur, excedit, & valde magnus est. Subjicitur Elemento ignis. In morbis repertus significat, dominari calorem & capitis dolorem.

Octo pulsuum genera, qui ad intrà sunt, & pertinent ad *iñ* humidum radicale.

1. *Vī* pulsus parvus, pertinet ad *iñ*. Est ictus, qui cùm quæritur, accedit & abscedit valde exiguus, iterum verò atque iterum perquisitus modò videtur esse, modò non esse.

Comment: Pulsus parvi regula est: Ille ictus, qui in autumnno & hyeme solet esse, oritur ab humido radicali.

Liber antiquus idem ait: Pulsus parvus subtilis est, prorsus ac si quis filum sericum palpet. Subjicitur Elemento terræ; In morbis repertus grossum sanguinem significat & corruptum, & ideo defluentem, etiam tristitiam ob excessum humidi & defectum caloris.

2. *Xīn* profundus ad *iñ* pertinet. Ictus cùm quæritur, deorsum videtur percipi, sed ubi elevatur, absolutè non apparet; Remissus pervadit tria loca pulsuum, & instar mollis gossypii percipitur.

Comment: Pulsus profundus est ab aqueo humido radicali, contingit nervos, innititur ossibus, nascitur propriè ex spiritibus humidi radicalis deficientibus & contrariis, & excludit spiritus caloris primigenii.

Liber idem ait: Profundus pulsus tactum afficit planè instar gossypii mollis, invenitur proximè ad ossa, subjicitur aquæ Elemento, in morbis significat copiam spirituum frigidorum.

3. *Huōn*, id est remissus, pertinet ad *iñ*. Ictus ad digitum cùm accedit & recedit, tardus & lentus est, & pulsus ex non magno & tardo componitur, vocaturque remissus.



Comment: Est à magno calore, cum ventus lædit motum sanguinis & spirituum, qui adeò se non possunt mutuò pervadere.

Liber ait: Pulsus remissus est, cum parvus & tardus accedit & abscedit paulatim. Subjicitur Elemento terræ. In morbis repertus indicat stomachi calorem & putridum teporem.

4. *Ci*, obtruso-rarus, pertinet ad *m̃*. Exploranti digito adesse videtur infra, sed ubi elevatur, non percipitur, in principio vacuus, in fine plenus, qui mox etiam dissipatur, & ob subtilitatem difficulter reperitur.

Comment: Est talis eò, quòd sanguis sæpius est læsus.

Liber ait: *Ci* pulsus similis esse videtur, cum quis cultro superficiem corticum cannæ seu arundinis sæpius radit. Subjicitur Elemento metallorum. In morbis significat, ab humido radicali sanguinem corrumpi, & in prægnante proximum partum, & si non gerat uterum, corrumpi in illo sanguinem.

5. *Ch̃*, tardus pertinet ad *m̃*. Digitus non nisi fortiter applicitus ad manum reperit illum, nam est occultior.

Comment: Oritur id ex eo, quòd caloris abundantia sic debilitata, unde motus spirituum & sanguinis condensatus & quasi congelatus videtur esse. Ideo pulsus tardus dicitur, utpote qui intervallo unius spirationis tres ictus tantum habet.

Liber idem habet.

Subjicitur Elemento terræ; Repertus in morbis significat à frigore generatos spiritus aut aërem.

6. *Siū*: mollis, natans, subtilissimus, lenissimus & debilissimus; Manus illum percipiens planè si tangeretur à gossypio intra aquam.

Pertinet ad *m̃*. Sæpius accedit absceditque, & explorantem repentè fallit.

Liber ait: Cum invenitur, statim abire percipitur. Subjicitur aquæ Elemento.

In mor-

In morbis inferiorem partem corporis frigidam valde indicat.

7. *Fo* cadens pulsus, pertinet ad *in*, videtur percipi, sed unius spirationis intervallo vix apparet, iterum ac iterum inquisitus se prodit, nec elongatur à tribus locis pulsuum.

Comment: Non nisi diligenter perquisitum invenies; Illius extremum seu finis non est longè à locis pulsuum *cun quan chē*.

Liber ait: Est ictus ad instar demersæ rei, & mox emergentis, ad osium fortem attactum interdum se prodit, non habet imaginem, sed literam dictam *miē*, quod significat quære.

Subjicitur Elemento arborum vel aëris. In morbis significat venenosorum spirituum conjunctionem & copiam.

8. *Jō* debilis seu fragilis pulsus, pertinet ad *in*. Digitus afficitur ab illo, sicut à lanâ vel gossypio, & levissimo attactu percipitur, sed validâ & forti impressione factâ evanescit.

Comment: Ad pellem & carnem apparet mollissimus, idem ait liber. Subjicitur Elemento metallorum. In morbis significat ventum cum spiritibus colligatum.

Adverte 1. Pulsus *hieu* & *kin* extensæ chordæ & intensæ: *Vī* & *jō* parvum & debilem: *hiē* & *siū* crebrum & molliter nantem: *feu* & *kūm* natantem & exundantem: *chi* & *ci* tardum & rarum: *chin* & *fō* profundum & cadentem videri simillimos, & planè eosdem, ac propterea morbos similes, sed tandem omnino alios indicare. Porro pulsus *feu* & *chin* natans & profundus: *kūm* & *ci* exundans seu grossus & subtilis: *hien* & *huen* intensus ac remissus; *siū* & *chi* frequens seu concitans & tardus: *Xe* & *hiu* plenus & vacuus: *ham* & *tuon* longus & brevis: *hie* & *ci* creber & rarus: *hien* & *vi* chordæ extensæ, seu magnus & parvus, sunt omninò contrarii & inter se oppositi pulsus, & contrarios indicant morbos.

Adverte 2. Septem pulsus ad extra, qui pertinent ad *yām*, plerosque percipi in locis pulsuum manus sinistrae, quia nimirum ibi



rum ibi in locum connaturalium pulsum plerique ex illis instar hospitem subintrant, & hoc pro mutationibus corporis humani, quæ sunt huiusmodi pulsum causæ. Porro octo pulsus ad intrâ, qui pertinent ad *in*, plerique solent percipi in manus dextræ locis pulsum, & hoc, quia ibidem in locum connaturalem pulsum simili modò irrepunt pro mutationibus corporis, ut suprà. Manus sinistræ tria loca pulsum *cūn quān chē* mutationem pulsum, quæ illis accidit, habent, & dicuntur vel *uēn* tepidi, vel *fūm* venti, vel *hēn* frigidi, quæ tria causant morbum ad extrâ; Ad manus dextræ alia tria loca mutationes pulsum habent ex dominio *c. o* adustarum qualitarum, *Xe* humidarum, *Xu* magni æstus; Hæc enim tria causant morbos ad intra. Id verò nota per quàm diligenter, ut intelligas qualitatem morborum; Nam prout sunt mutationes, pulsus interdum videntur in dextram manum ex septem exterioribus irrepere, interdum in sinistram ex interioribus. Aliquando humidum radicale & calor primigenius se invadunt & opprimunt, (quod ex pulsibus, qui illorum habent naturam, cognoscitur, interdum se invicem suffocant & demergunt, aliquando unus pulsus, seu potius locus unius pulsus, decem varias mutationes subit. Equidem cū ratio pulsum sit subtilissima, breviter hîc describi non potest. Verū, quod maximè notare oportet, quòd videlicet omnes pulsus vel *γām* vel *in* naturam habent & quinque Elementorum qualitates; Cū verò septem pulsus & octo faciant 15., Elementa autem sint quinque, sequitur. cuilibet Elemento attribui tres pulsus. Sic pulsus *feū ci* natans obtusorarius debilis habent naturam Elementi metallorum, & sic de reliquis suprà dictis collige.

Hinc quoque colliges, singulos relatos pulsus irrepen-tes in sex loca pulsum habere suam gravitatem aut levitatem, prout Elementa, quorum naturam sequuntur, sunt gravia vel levia, aut secundum quod occupant in locis pulsum superiorem

perioiorem vel inferioiorem locum. Quod verò attinet ad ipsa quinque Elementa, ipsa etiam subinde habent & observant inter se æqualitatem, & subinde patiuntur inæqualitatem, quod in morbis adverti faciliè potest. Solet quoque dici, quòd illa, quæ intrà sunt, se ipsa lædant, non sibi faciunt malum, verùm ea, quæ extrà se mutuò commovent, quæ duo si nescias, distinguere cœli videlicet & terræ medium, & sex spirituum motus, (corpus enim hominis est instar parvi cœli & terræ) multum aberrare poteris.

Malum ad extrà irrepens & commovens sequitur malignam naturam, v. g. ventus & humidum radicale ad extrà commoventes indicant, Elementum arborum & ignis (puta, hepar & cor) excessum pati, nimirum, ac terram & metalla (puta stomachum & pulmones) deficere; Ex quo patet, quòd aqua (puta, vesica) non sit sufficiens hæc conciliare aut restaurare. Et hoc est, quod suprà dixi, quòd malum extrà adveniëns & movens, v. gr. ignis, hoc est, cor, facit alia Elementa, hoc est, membra suam perdere qualitatem. Dixi etiam, ea, quæ sunt ad intrà, se lædere, hoc est, eadem quinque Elementa, hoc est membra, ex se ipsis sibi non posse restituere æqualitatem. Idcirco operæ pretium est, ut bene percipias Metallorum, Aquæ, Arborum seu Aëris, Ignis ac Terræ naturam & qualitates, (hoc est, membrorum, quæ naturam illorum participant) tum verò examines, quæ vacua & exhausta sunt, & quæ plena & redundantia. Præterea malum latrocinii irrepens, & malum exiguitatis, & malum, quod à se ipso venit, quæ infra explicabimus.

Adde operæ pretium esse, singulorum locorum qui in manibus sunt, distinguere *seú chím xín* superficiei, medii & profundi loca & pulsus illic diligenter perscrutari, an congruant & convenient cum naturâ locorum, hoc est: an illæ viæ, quæ dictis locis pulsuum sunt assignatæ, cum pulsuum (qui aliunde velut hospites adveniunt vel irrepunt) naturâ & qualitatibus



litatibus convenient ; Nam si non corresponsdeant, scias, illos esse advenas & hospites, ut ipsi loquuntur, & præternaturales. Quòd si hoc bene perspexeris, facile erit cognoscere, quæ sint illa, quæ intrà lædunt, & quæ illa, quæ extrà moventur, qui morbi sint extrà apparentes foliorum instar, & qui intrà exorti sicut radices.

Adverte 3. Medicos primò assignasse pulsus septem ad extrà, & octo ad intrà, qui omnes sunt quindecim, eò quòd ex illis membrorum & intestinorum status, vita & mors satis colligi possit. Verùm, cùm animadvertissent, per annum regnare quoque alios pulsus (nam uti cœlum habet viginti quatuor mutationes aëris, ita esse in corpore humano, in quod cœlum plurimùm influat) pulsus viginti quatuor diversos invenerunt, seu novem vias pulsuum illis quindecim addidère ; Sed crediderim, hos novos pulsus qualitates superaddere relatis potius quàm novos constituere pulsus.

Novem viarum pulsus *kien tao inè* dicti.

Primus : *Cham* id est longus, pertinet ad *yâm* ; Ictus in tribus locis pulsuum instar lanceæ vibratæ, cùm elevatur, habet excessum. Vocatur longus etiam, cùm propriò locò egreditur ; Liber antiquissimus idem habet. Oritur à viâ magnorum intestinorum, in morbis æstuans corpus & perturbatum indicat.

Secundus : *tuon* brevis, pertinet ad *in*, est deficiens, nec pertingens ad proprium locum. Liber ait : Non attingit ad medium digiti. Est à viâ stomachi. In morbis manus pedesque sudare, & cibos non digeri significat. Assimilatur motui grani oryzæ.

Tertius : *hiu* vacuus, ad *in* pertinet. Ictus non est sufficiens, & cùm elevatur, non pertingit.

Comment: Non est plenus ex exinanitione sanguinis.

Liber habet antiquus: Quæsitus etiam, cùm elevatur, est deficiens. Oritur à viâ cordis, similis est serici fili glomo. In morbis

morbis significat timorem, vires exiguas & difficilem spirationem.

Quartus: *Su* celer & non latus, seu arcto-celer, pertinet ad *yam*. Ictus illius est velox, & sedem habet in primo loco *cum keu*, ubi si augeatur, mortem, si introrsum se colligat & quasi recondat, vitam promittit.

Comment: Pulsus creberrimè veniens, & interdum semel sistens, ac iterum veniens; vocatur celer. Oritur à calore naturali, qui est à viâ vesicæ seu renum. In morbis indicat *yam* & *in* perturbata.

Quintus: *Kie* alligatus seu interruptus, pertinet ad *in*. Ictus interdum est veniens, interdum abiens & rediens.

Comment: Pulsus est creber, & quasi cumulatim veniens, & postea sistens ac rediens.

Liber inquit: Pulsus cum venit latus, sistens & rediens, vocatur *kie*; Oritur à viâ pulmonum. In morbis indicat in stomacho, latere, spiritus aggregatos, & tristitiam ac defatigationem.

Sextus: *tai*: vicarius; dicitur etiam mortis pulsus & intercidens, pertinet ad *in*, movetur, & redeundo elevare se nititur iterum atque iterum, & nequit se elevare. Componitur ex reditu & statu seu quiete. Explorans illum, aliquo tempore advertit violenter se elevare.

Liber ait: Pulsus hic veniens in medio sistit, nec redire potest; Oritur ab animâ & corpore. In morbis indicat spiritus dissipari, membra & intestina destrui, mortem advenire.

Septimus: *Kieñ*, id est, trahens pulsus, ad *in* pertinet. Si explores tantum more solito, non percipies, percipies autem, si appressò fortius digitò eum quæsieris.

Liber ait: Si quærat, plenus non reperitur, nisi valde premas.

Comment: Durior & profundior est, & habet vires, nec



mutatur. Oritur à viâ hepatis. In morbis dolorem ossium & spirituum sursum evagationem indicat.

Octavus: *tum*, motus: Pulsus motûs pertinet ad *iñ*. Videtur à digito deprehendi, verùm cùm elevari deberet, evanescit, iterum ac iterum quæsitus reperitur, nec longè est à suo loco.

Comment: Neque accedens nec abscedens vocatur pulsus motûs. Videtur hic pulsus, cùm nec veniat nec abeat, sed sit continuus, quasi motus citissimus, qui tamen propter ipsam celeritatem, quâ circumagitur, videtur non moveri, estque instar montis quiescentis. Vocatur hic pulsus, cùm nec veniat, nec abeat, sed sit continuus quasi, ut ipsi loquuntur, orbicularis.

Liber ait: Si intra aquam lapidem molarem projicias, motui ab ipso facto in aquâ quiescente hic pulsus persimilis est. Oritur à viâ parvorum intestinorum; In membris indicat omnia membra defatigata, & sanguinem corruptum defluere deorsum.

Nonus: *Si*: subtilis, pertinet ad *iñ*. Ictus quasi si gossypium tangatur est, accedens & recedens, valde parvus. Oritur à viâ umbilici. In morbis indicat, vesicam carere alimento medullarum, frigus, defectum virium, dolere interiora & defluere.

*Kí kiñ pa mē* Extraordinariarum viarum pulsus ordo. Duodecim viæ habent rivulos quindecim, quos à se hinc inde derivant. Hi colligantur viis, & præter duodecim rivulos, qui respondent duodecim viis, tres alios rivulos reperire est; Manuum magni caloris primig. ab intestinis parvis habet ejusdem nominis rivulum *lo*, & sic consequenter; Sed cùm non sit decima tertia via, *lo* rivulus vocatur *pí chi tá lo*: magnus à liene rivulus, & decimus quartus *yn kí ào lo* humidi radic. ad calorem rivulus: & decimus quintus *jám kí ào lo*, caloris primig. eodem tendens rivulus. Sed adverte, quòd horum

horum trium rivulorum quamvis sint pulsus extravagantium viarum, aliquâ tamen ratione colligantur cum viis ordinariis. Verùm aliarum viarum extraordinariarum pulsus quamvis originem ducant à viis ordinariis, tamen illas non sequuntur. Harum proinde viarum sunt octo pulsus & octo loca, quæ morbos etiam diversos indicant.

Primus: *yâm quây*: caloris primig. vinculum; Via pulsus est in confluxu omnium vinculorum *yâm*, quòd circulum facit instar vermis longum circa caput, & postea in obliquum vergit, residens in ore pectoris causât morbum, & calorem primig. demittit ad stomachum, & inde ad cor, quod malum illud recipit, ex quo calor & frigus ad extra prodit, est morbus frigido-calidus. Causa morbi est, quòd caloris primig. vincula innitantur viis ordinariis, sed non colliguntur cum ipso corpore.

Locus hujus pulsus *yâm quây* est in omnibus locis, in quibus *yâm* viarum pulsus reperitur.

Secundus: *in quây*: humidi radicalis vinculum. Pulsus hujus via est ex confluxu omnium vinculorum humidi radic., pervadit deorsum, & circuit corpus instar vermis. Sedes ejus est in medio pectoris, ubi & morbum causât, ex eo, quòd omnes vias humidi radic. suffocet & demittat ad lienem, & inde ad cor. Hujus viæ malum est pedum diminuti humidi via, Morbus ex illâ ortus fatigat cor & dolore afficit, estque ad intrâ in sanguine & non extrâ. Pulsus *in quây* locus est in omnibus locis, in quibus sunt pulsus viarum humidi radicalis.

Tam morbus ex *yâm quây* quàm ex *in quây* indicat, multam sollicitudinem inesse, & animi generositatem deperdi, corpusque torpore & pigritiâ corripì.

Tertius: *yâm kiáo*: via caloris primig. ad calcaneum. Hujus pulsus via in calcaneo circuit os supernum calcanei, procedens sursum pertingit ad locum capitis, qui *di fum xi ten* (capillorum extremitas) vocatur. Instar serpentis ejus est mo-



tus, residet in ventriculo. Morbus est in juncturis pedum, & ubi facit tumorem & spoliat viribus; In corde verò causat metum. Origo viæ hujus est in manuum & pedum humidi radic. viis.

Quartus: *in k'iao*: via humidi radic. ad calcaneum pedis. Pulsus & via circuit os supernum calcanei ad latus, & progreditur ad guttur, & inde ad oculos. Pulsus est similis chordæ extensæ, morbus, quem causat, manus & pedes atque illis conjuncta occupat, & vires ambulandi adimit, etiam intestinorum & nervorum spiritus diminuit. Origo ejus est in pedum & manuum defectuosi humidi radicalis viis.

Adverte: Omnes pulsus humidi radic. plenos & mox dispersos ingredi in viam humidi radic. ad calcaneum, qui indicant, malum esse in humido radicali, & non in calore, unde calor est remissus, & humidum intensum. Porro ex intensione & remissione dictâ sequitur exinanitio & repletio, ac proinde *in k'iao* via humidi radic. ad calcaneum gyrans circum os, & ascendens sursum operatur morbum ad intrâ, quem & intendit, verum adextrâ remittit; At verò *yâm k'iao* morbus est frigidus, & residet in loco *fum fû*, calor enim ad extrâ fertur (sicut humidum ad intrâ se recipit) unde si exstat extrâ, ægrotum necesse est sudorem procurare; Si ad intrâ, portionem purgativam necesse est adhibere.

Quintus: *chûm*, via transversa, pervadens spiritus in mediâ magnâ parte corporis à viâ pedum caloris puri. Locus est supra umbilicum usque ad ventris medium; Pulsus verò est similis ictui avis grana carpentis, qui in procedendo ad pectus ascendit, & ad latus utrinque dispergitur. Inter vesicam seu renes & tertiam regionem corporis, ubi est locus dictus civitas spirituum, quorum ibi est officina, perfectio & irrigatio, amittitur, unde quatuor partes, puta, manus & pedes tumore flavo inficiuntur. Subjicitur manuum magni humidi radicalis viæ, facit intendi dolorem stomachi ad intrâ.

Sextus:

Sextus: *Gín me*: Pulsus prægnantis, est via in medio umbilici, quæ descendit ad sinuosum flexum, & ad id, quod infra illum est. Via pulsus illius est sine capite seu principio, sed habet extremum. Circuitus ejus est circa ventriculum, & sursum pertingit ad locum, qui ventorum porta dicitur. Morbus est mulierum fluxum infra patientium, qui quatuor partes, puta, manuum & pedum destituit viribus. Subjicitur viæ magni caloris primig., quæ hunc rivulum mittit ad cor, quod fatigat, & illam fatigationem in colore rubro vultûs & oris siccitate explicat, & subit etiam locum *quan uên*, unde venit ad guttur.

Si mulier jam concepit, morbum hunc habet.

Septimus: *To me*: pulsus gubernans, ut ipsi vocant. Via illius est in infimo loco infimæ partis ad os ultimum, quæ sursum ascendit ad locum capitis *sum fu* dictum. Pulsus est instar extensæ chordæ. Morbus, quem indicat, causatur ex copîâ spirituum, tristitiam, dolorem laterum, oculorum obscuritatem affert. Subjicitur viæ pedum diminuti humidi radicalis.

Octavus: *Tui*, cinguli seu balthei. Pulsus & via est intra latera corporis, circuit totum corpus. Pulsus est instar papilionis, caudam longam habentis, interdum pulsât, interdum quiescit. Dominatur pedibus & manibus, quos immobiles reddit. In renibus & vesica dolorem causat. Est à pedum caloris primig. puri viâ, stomachus præterea repletus esse videtur, quasi intra aquam latens. Morbus horum est frigidus.

*Monstrosi & mortales pulsus sedecim.*

Primus: *Chîa yén*: ranæ motus, pulsus sic dicitur, quia non aliter quàm ranæ subsilientis instar movetur. Per tria loca pulsuum progreditur. Intervallo integræ spirationis nunquam integer apparet, & semel tantum pulsât: Digitus saltem percipit. Indicat febrem malignam, & tertiâ die mortem; Ast si in loco, ubi vesicæ seu renum locus assignatus est,



deprehendatur post diem mortem nunciat. Vocatur pulsus *sanxi* dissipans corpus. Codex ait : Abit anima, & corpus fit cadaver.

Secundus : *Yü ví* : piscis cauda. Pulsus sic dicitur, quòd moveat digitum, sicuti piscis natans immotâ caudâ. Interdum redit ictus, interdum sistit. Intervallo unius spirationis percipitur, maligna tunc febris suffocat humidum. Qui hunc pulsum habet, post biduum moritur, & si sit senex, post medium diem. Vocatur *kiue xi* dividens corpus. Pulsus hic vesicam seu renes destrui nunciat, similis est uti cum piscis caudâ immotâ caput movet, quem si manè perceperis, resolve, vesperi moriturum, qui eum habet.

Tertius : *Yen t'ão* : absconditus gladius. Pulsus sic vocatur, quòd (sicut in manu gladius absconsus repente vibratur) appareat & dispareat celeriter. Celeritas ejus pulsus est, cum intervallo unius expirationis & introspiratio duo ictus fiunt, indicat, destrui pulmones. Morbus est narium emittentium sanguinem. Qui ejusmodi pulsum habet, post duos dies moritur; Si antiquus est morbus pulmonum, post unum diem. Vocatur *him xi* ambulantis cadaveris.

Quartus : *Feu liên*, eversum folium floris *liên* dicti (*liên* est flos, fructum proferens rotundarum amygdalarum instar, quæ in lacubus nascuntur) planè ejusmodi figuræ ad manum ictus pervenit, qui in primordio est parvus, in fine postea obliquè descendit, & inæqualis est, intervallo integræ spirationis semel pulsât, indicat, pectus oppletum spiritibus brevem habere spirationem. In morbis Senum hujusmodi pulsus mortem post tres dies, in Juvenibus post unum diem nunciat. Vocatur *sum xi* elati foras cadaveris.

Quintus : *Kem xam feu che*, id est : jusculem pingue sursum fluctuans, & bullas seu orbiculos gemmarum instar natantes in superficiem emittens, Pulsus illi similis, cum venit, parvus est, cum abit, magnus. Indicat spiritus debiles; Vocatur

Vocatur *hie* & *fu fee* fervens & aqua bulliens. Unde intervallo integræ spirationis facit duodecim ictus, & semel sistit. Antiquus liber ait: Digitus percipit ictum, atque si essent undæ jusculi natantis. Qui ejusmodi pulsum manè habent, vesperi mortem expectent. Apparens in loco medio, ubi est viæ lienis & stomachi pulsus, annunciat mortem post tres dies; Vocatur *feu xi* natantis cadaveris.

Sextus: *Chen ken*: calicis orificium, pulsus hic dicitur, quia motus dicti vasis figuræ ad instar afficit digitum. Nam duo capita seu potius labra cum medio vacua & profunda percipiuntur. Cùm abit & venit, motum habet, qualem manus, quæ funiculum circumligat. Intervallo integræ spirationis octo ictus & interdum novem fiunt, & post diem mortem nunciant; Et si unum ictum suprâ dictis addant, post unam horam mortem nunciant. Vocantur *kuem xi* uncti cadaveris.

Septimus: *Cio c'hui*, ictus avium seu gallinarum, cùm rostro carpunt grana. Pulsus sic vocantur, cùm veniunt, sunt celeres, & digitum pungunt, prorsus uti gallina carpit grana. Interdum intervallo integræ spirationis faciunt tres ictus, interdum octo vel novem. Omnes indicant post tres dies mortem, & si pulsus reperiantur in loco, qui est assignatus stomachi viæ, post unam horam. Vocatur *su, xi* disponens ad cadaver. Antiquus liber ait: Ictus comedentium gallinarum continui & interdum valde celeres stomachum (originem scilicet spirituum, qui ex alimentorum materiâ fiunt) deficere significant, & difficulter restaurari.

Octavus: *Ilo leu*, id est domûs stillicidium. Pulsus, qui similis est aquæ decurrenti, aut potius stillanti guttatim ex domo, tres ictus plerumque habet, & cursum interrumpit, quos intervallo integræ spirationis percipies in ægrotis; Cùm veniunt, sunt pleni, cùm abeunt, debilissimi. In Senibus post decem vel triginta dies mortem, in Juvenibus post tres nunciant. Quicumque in loco viæ stomachi ejusmodi pulsum habet,



habet, post diem unum moritur. Vocantur *pim xi* cadaveris ægrotantis. Antiquus liber ait : Trium calorum spiritus exinanitos & à stomacho separatos indicant. Similes sunt stillicidii pluvie delabentis ex tecto.

Nonus : *Tan xe* : Id est pulsus pilæ lapideæ; Sic dicitur, quia habet ictum, quem facit projectus lapis seu pila, qui in intervallo integræ spirationis non iterum redit. Indicat, pedum diminuti humidi radic: viæ à vesicâ spiritus destrui. Cum venit & abit, motum efficit quem qui sufflat in plumam. Aliquando integræ spirationis intervallo unicum ictum, aliquando duarum integrarum spirationum similiter unum ictum habet. Uterque mortem post diem nunciat. Vocatur *Xoen xi* anima cadaveris. Antiquus liber ait : Ictus, qui vadit celeriter, & venit tardè, significat vitam abruptam. Similis est motui, quem lapis projectus efficit.

Decimus *kiaj so*, solutæ chordæ motui pulsus persimilis, frequens est & dispersus, nec continuus, sive etiam colligatus, planè sicut cum aliquis cordam aut cingulum dissolvit à corpore. Intervallo frequentium spirationum interdum unicum ictum habet ; Cum venit, mox dispergitur, cum abit moram facit, videturque ejus motus, sicut si torqueas herbas in funis modum, annunciat post tertium diem mortem, & si in loco viæ vesicæ deprehendatur, post unum diem ; Vocatur *tai xi* cincti cadaveris.

Undecimus : *Sië kium* : duarum herbarum sic dictarum radices, qui statim atque natant mox evanescent. Pulsus similis illis à digitis exploratus deficere comperitur, sed cum elevatur, impleri. Integræ spirationis ictus novem vel decem sunt ; Ictus, cum accedunt, longi, cum abeunt, carent viribus. Si in pedum diminuti humidi radic: seu vesicæ viâ pulsus hunc videris, mortem post diem resolves. Vocatur pulsus *fi xi* volantis cadaveris.

Duode-

Duodecimus : *Hú nón*, terræ globulus seu gleba. Pulsus similis huic facit ictum, in digito percipi plenum & magnum, nec principium nec finem habet. Intervallo unius spirationis novies & decies accidit : Nunciat mortem post duos dies. Si in vesicæ viæ loco reperitur, spiritus finiri, & post diem unum mortem nunciat. Vocatur pulsus *ciue xi* destructi cadaveris.

Decimus tertius : *Fan pai*, everfus & destruens. Sic dictus pulsus assimilatur duabus fabis parvis in aquâ natantibus, ictus similis illarum motui. Cum venit, est levis, cum abit, est tardus. Intervallo unius spirationis septies vel octies accidit, & est in malignâ feбри, quando ob laborem delirat ægrotus. Qui ejusmodi pulsûm habet, post unam horam moritur, vocatur *te xi* cadaver auferens.

Decimus quartus : *Ta ke*, polus seu axis : Est pulsus instar digitalis indicis. Ictus cum venit, est magnus, cum abit, est plenus, nunquam sistit aut quiescit, interim unus ictus intervallo integræ spirationis, interdum duarum, sed valdè debilis fit. Qui istos pulsus habet, post horam moritur. Vocatur pulsus *kien xi* trahens cadaver.

Decimus quintus : *Kiai so*, solventis lumbos. Pulsus est instar fili delicatissimi & subtilissimi, cum venit, est parvus & sine capite : Similis est morui, complicantis quidpiam, & qui non potest iterum redire. Indicat, originales spiritus finiri. Tempore unius spirationis decem ictus facit, & post illos subsistit. Post diem mortem nunciat. Vocatur pulsus *cõ xi* deplorantis cadaver.

Decimus sextus : *To Xi*, significat, afferens Mortem. Pulsus sic dictus similis est chordæ personantis intenso ictu. Cum venit, est creberrimus, cum abit, minùs creber, principium habet magnum, finem valdè parvum, chordæ percussæ assimilatum. Intervallo spirationis unicus ictus, vel tres celerissimi absque quiete, vel octo cum subsequenti quiete accidunt,

Des. II. Annus IV.

Q\*

& post



& post diem mortem nunciant. Vocatur pulsus *mày xi*, sepultum cadaver.

Commemorati pulsus omnes sunt mortales, & quasi singuli ex intervallo regularis spirationis, quam supra diximus esse mensuram omnium pulsuum bene colligi possunt, etiam oportet hoc idem intelligere ex vocibus seu sonis, coloribus atque appetitu ægrotantium, ad quod si pertigeris, artis perfectionem attigeris, nam inde quoque morbos & affectiones ac mortem prædicere poteris.

#### CAPUT DECIMUM SEXTUM.

*Qui sint pulsus connaturales in tribus locis manus dextræ, & in tribus locis manus sinistræ, assignati viis duodecim, manantibus à membris & sex intestinis.*

**A**Dverte primò, tam in dextrâ quàm sinistrâ locum primum *cun̄ keu* subditum esse *lao yâm* calori primig. perfectò, & occupare de spatio *kieu fuèn* seu mensuræ digitalis novem partes ex decem *kè* dictis seu numero impari. At verò in utrâque manu locum tertium seu ultimum *chẽ* subditum esse *lao in̄* humido radicali perfectò, & occupare de spatio decem partes in numero pari, seu integram unam mensuram digitalem. Porro medium locum seu secundum pulsus *quan̄* esse limitem distinguentem primum & tertium locum, & unientem inter se calorem primig. & humidum radic. Nam locus primus *cun̄ keu* est sedes caloris primig., & pulsus connaturalem habere debet in novem partibus natantem, & locus tertius *chẽ* humidi radic. pulsus connaturalem habere debet in decem partibus, hoc est in uno articulo *Xin* seu profundum. Sed medius seu secundus locus *quan̄*, sedem utriusque habere debet, & pulsus connaturalem, nec supra nec inf̄ à natantem, sed medium inter hæc duo, qui cum à *quej̄ ki* spiritibus stomachi exoriatur, (qui utiq; in medio

medio consistit) inde fit, ut temperamentum indicet ac æqualitatem primi & tertii loci pulsibus, quam si amittat, tam primi quàm tertii loci pulsus indicant, calorem & humidum excedere vel deficere, & si extra *yn ci* (sic locus vocatur in extremo palmæ) & *chě* (alter locus ad extremum *chě* mensuræ) terminos evagentur, & pulsus medii loci *quan* & spiritus nulli se attemperantes appareant, contingit, homines, qui ejusmodi pulsus habent, sine morbo mori.

Textus: Pulsus alii sunt *tai que*, excedentes, alii *pu kie* deficientes; Interdum *in* & *yâm* se mutuò opprimunt, interdum pulsus *feu* retrocedunt, interdum *iě* excedunt, interdum limites intrâ & extrâ pervadunt. Quare? nimirum, quando ad medium locum *quan yâm* movetur, si pulsus natans ultra partes novem mensuræ digitalis transgrediatur, vocantur pulsus *tai quo* excedentes; Si ad illos non pertingant, vocantur *pu kie* deficientes; Porro, si ascendant locum *iu ci* palmæ manus extremum, exundantes, qui limites egrediuntur, & ad intrâ pertingunt, tales pulsus esse humidi radic. opprimentis; Cùm verò post seu infra locum medium *quan* in humidum radic. movetur, pulsus in spatio integro unius articuli profundi sunt, qui si illud spatium pertranseant, vocantur excedentes, si non attingant, deficientes, & si non attingant locum *che te*, sunt pulsus *feu* retrocedentes, quia limitem ipsum ingrediuntur, & ad extrâ se recolligunt, vocanturque *yâm* caloris primig. vincentis pulsus.

Comment: Ante medium locum in utrâque manu primo loco pulsus natantes caloris primig. moveri oportet in novem partibus in impari numero; Post secundum locum verò seu medium *chě* tertius locus humidi radic. profundos pulsus habere debet integro spatio seu decem partibus *in* pari numero. Hic & ille pulsus bene habentem indicant, siquidem illa loca distinguunt *yâm* & *in*, quæ & in unione mutuâ conservantur, unde æqualitas & temperies sequitur, unde fit, ut



unum aliud nequaquam superet. Quòd si unum aliud superare contingit, tum verò pulsus *tai quo* excedentes, *pu kie* non pertingentes seu deficientes, *iẽ* excedentes, seu retrocedentes, *quan* limites invadentes aut non attingentes exoriantur. Quando nimirum spiritus *iñ* valde sunt copiosi, faciunt, *yâm* spiritus deorsum non posse pervadere à loco, unde sunt, unde illos necesse est à proprio loco evagari, & pulsus ascendere ad *in ci* locum, ubi pulsus sunt, qui exundantes appellantur: quòd videlicet *vai quān* extra limites progressi fuerunt, & *níy kie* intra pertingere non potuerint; Nam multum humidum radic. vincens opprimit calidum primig. quare humidi radic., pulsus habere dicuntur *tái quõ* excedentes, & calor primig. *pu kie* deficientes. Et si spiritus caloris primig. sunt valde multi, faciunt humidum sursum pervadere cum suis spiritibus, & à loco connaturali descendere & evagari infra locum quartum *che ce*, ubi pulsus reperti seu retrocedentes appellantur: hoc est, intra ipsos limites *nuy quan* progressi & *vai kie* ad extra non procedentes amplius. Nam calor primig. vincens opprimit humidum radic., & hic habet pulsus excedentes, illud verò deficientes.

Textus: seu pulsus retrocedentes, & *ye* exundantes solent esse pulsus, *chẽ cam* recti intestini: Qui illos habet, etiam sine morbo moritur.

Comment: Uterque indicat, calorem & humidum non sibi mutuò coherere, quòd videlicet unum ab alio separetur, à se mutuò deficient, siquidem *yâm* calor primigenius nihil producit, & in humidum radicale nihil efficit, unde susque deque sibi mutuò commixta. *Chẽ cam* intestini recti pulsus efficiunt, & cum stomachus spiritus nullos habeat, per quos ad temperiem reducat calorem & humidum, accidit, ut quamvis homo sine morbo sit, cum unum ab altero vincatur, ut repente moriatur.

Paradigma.

Cum

*Cum* primus  
yâm calor is pr. pul-  
sus & motus.

*Qua*n secundus  
limes utriusque  
in medio.

*Ch*ẽ tertius locus.  
In humidi rad. pul-  
sus & motus.

*Pulsus.*

Qui locum  
in ci ingre-  
ditur est  
exundans  
extra limi-  
tem vadẽs,  
& intrã si-  
stens, indi-  
cat mori-  
bundum.

Qui novem  
partes supe-  
rat, dicitur  
tai quo ex-  
cedens, qui  
non attingit  
pu kiẽ defi-  
ciens, indi-  
cat morbũ.

Qui sunt  
in chum cum  
loco, qui  
est chẽ  
est profun-  
dus, sa-  
tes, qui non at-  
tingunt, sunt  
deficientes, in-  
dicat.

*Pulsus.*

Qui superat  
spatium  
mensuræ digi-  
talis tai quo  
sunt exceden-  
tes, qui non at-  
tingunt, sunt  
deficientes, in-  
dicant morbũ.

Qui intrant  
locum chẽ ce,  
dicuntur re-  
trocedentes,  
intra limitem  
recollecti &  
extra sisten-  
tes indicant  
moribundũ.

Qui novem partibus seu  
supernatat, sanum ho-  
minem indicat.

Adverte autem diligenter, in tribus locis tam sinistrae  
quàm dextrae, si connaturales pulsus sint, debere esse vel na-  
tantes, vel medios, vel profundos. Quòd si seu natantes de-  
generent in tai huo, excedentes tunc fiunt, vel ta magni, vel  
cham longi, vel xe pleni & solidi, vel hien chordæ ad instar ten-  
sæ, vel kum exundantes, vel ken in utroque extremo plani, &  
in medio interrupti, vel hie crebri; At verò si chum pulsus  
profundus degenerat in pa kie, deficientes tunc fiunt, vel si  
subtiles, vel tuon breves, vel hui vacui, & chi tardi, vel me de-  
biles, vel fo introcedentes, vel ci rari.

Soli pulsus chum in medio, qui indicant spiritus, ventris  
sunt, nec magni, nec subtiles, nec parvi, seu pu ta pu si, item:  
pu cham, pu taon nec longi nec breves, pu chon pu seu nec  
profundi, nec supernatantes, pu kie pu kua nec deficientes, nec  
excedentes, seu quod idem esse dicitur, digiti explorantes illos



mediocres reperiunt, & possunt vocari pulsus spirituum stomachi, quia sunt medii inter duos extremos pulsus.

Adverte secundo, quod pulsus connaturales, qui competunt locis tribus utriusque manus, ac viarum, ac statuum originem congenitam indicant, habent causam generalem calori primig. & humido radic: sanguinis ac spirituum motu illo devectorum. Verum distinctio & qualitas pulsuum provenit ex ordine & distinctione triplicis viæ ejusdem caloris primig: & triplicis viæ ejusdem humidi radic:, prout illæ diversimode à suis originibus dimanant, quam diversitatem pulsus in dictis locis explicant, ac proinde causa integra diversitatis ordinis ac pulsuum connaturalium in locis tribus utriusque manus est calor & humidum, prout hæc in viis motus sanguinis & spirituum congenitas qualitates originum communicant, quas pulsus dicti explicant.

Textus: An pulsus habeant humidi radicalis & caloris primigenii mensuram? Omnino habent, nam *hæc* exspiratio egreditur de corde & pulmonibus, *hie* introspiratio ingreditur vesicam & hepar, & hæc duo integram componunt *sic* spirationem. Stomachus situs in medio, recipiens alimentorum sapores, pulsus, à quo status suus indicatur, habet quoque in medio.

Comment: Pulsus habent humidi radic: & caloris primig: spiritus distinctos & diversos. Exsufflatio & insufflatio, ut ipsi dicunt, videtur in expiratione & inspiratione. Cor & pulmones existunt in supremâ parte, calor primig: prædominans illorum spiritibus apparet in expirationis egressu; At verò vesica & hepar in inferiori parte consistunt, & dominans illorum spiritibus apparet in introspirationis ingressu. Lien & stomachus quamvis non pertineant ad spirationis egressum vel ingressum, tamen quia dominatur & præest recipiendis alimentis, ex quorum materiâ spiritus enascuntur, sicut locum medium obtinet in membris, ita in medio pulsuum illius con-

lius constitutio indicatur, & pulsus reperiuntur medii inter pulsus, qui intervallo introspirationum & expirationum contingunt.

Textus: Pulsus supernatantes sunt à calore primigenio, & profundi pulsus ab humido radicali, unde omnes vel ad humidum vel ad calorem pertinent; Sed cor & pulmones sunt pulsus supernatantes, quomodo ergò inter se distingui poterunt? Nimirum: Si pulsus sunt *feu ta san* natantes, magni, qui & subito disperguntur, pertinent ad cor, & ejus statum naturalem indicant; Si autem sint *feu tuon*, natantes breves ac rari, ad pulmones pertinent, eorumque naturalem statum indicant. Item hepar & vesica seu renes pulsus habent profundum. Sed quomodo eorum differentia poterit cognosci? Si nempe pulsus sunt *Xin kin cham* profundi, vehementes, intensi ac longi, hi enim ad hepar spectant, illiusque naturalem constitutionem indicant; Quod si verò *Xin so* profundi debiles, advertant, illi vesicam seu renes & illorum statum naturalem indicant.

Stomachus in medio residet quasi custos civitatis, unde & pulsus, qui statum illius indicant, in medio sunt, & officium habent in aliis pulsibus humidum radicale & calorem primigenium attemperare.

Comment. Pulsus magnus, qui statim dispergitur & longus est, pertinet ad calorem primigenium; Pulsus breves, rari, intensi, debiles ac vacui ab humido radicali proveniunt. Quod verò dicuntur *Xe lapides*, intelligere debes profundos, nam ima perunt, ut & lapis. Qui pulsus ascendunt sursum, vocantur supernatantes, natura illorum est elevari ac dimitti; Qui autem descendunt deorsum, profundi sunt; natura eorum est, ut, si leniter à manu explorantur, prorsus non sentiantur, & non nisi fortius compressi reperiantur. Atque inde cum cor & pulmones aliis superemineant, pulsus, qui indicant statum, supernatare debent, ac vesica & hepar cum deorsum resideant,



resideant, pulsus, qui eorum statum indicant, profundos esse oportet.

Nota verò diligenter, quòd pulsus natantes, magni, & qui mox disperguntur, quia sunt à *chūm yām*, à perfectissimo calore primig: ideo indicant cordis naturalem constitutionem, & pulsus natantes, breves & rari, qui sunt à *yām chūm chī in* ab humido radicali quod est in medio caloris primig: indicant pulmonum affectionem connaturalem, & pulsus profundi, intensi & longi, quia sunt ab *in chūm chī yām* à calore primigenio, qui est in medio humidi radicalis, indicant statum naturalem hepatis: Et pulsus profundi, molles & debiles, quia sunt à perfecto humido radic. per pedum humidum radic: perfectum calorem primig: intelligitur non mixtus, sed simplex. Porro per *yām chūm chī in* & *in chūm chī yām* intellige calorem intra humidum radic: & humidum radic: intra calorem primig: seu in medio caloris primig., æqualem verò utriusque mixtionem, caloris scilicet & humidi, esse stomachi pulsus, qui qualitatibus terreis subiecti sunt, & cū ipse in medio pulmonum & vesicæ consistit, & tanquam à centro ad omnia membra illas propagat qualitates, atque temperiem in illarum calorem primig. & humidum radic: inducit, pulsus etiam illius in medio aliorum pulsuum sunt. Addiscentem oportet hæc profundè speculari.

Textus: Alii pulsus sunt *yě yñ yě yām* ab unâ origine humidi radic. & ab unâ origine caloris, alii *yě in Ch yām* ab unâ origine humidi radic. & duabus caloris: alii *yě in sām yām* ab unâ origine humidi radic. & à tribus caloris: Deinde *yě yām yě in* ab unâ origine caloris & ab unâ origine humidi radic: alii *yě yām Ch in* ab unâ origine caloris & duabus originibus humidi radic. alii *yě yām sām in* ab unâ origine caloris & tribus humidi radic. Unde sequitur, quòd *cūm keu* locus primus habeat interdum pulsuum qualitates sex, aut iisdem careat pro accessu vel recessu contrariorum pulsuum. Pulsus natantes & profundi vel sunt breves

breves & longi, vel crebri & rari, sed qui sunt natantes à calore primig: & qui profundi, ab humido radicali. Quare pulsus hos diximus ab unâ origine humidi & unâ caloris esse *xin kie*, sunt profundi & crebri, qui *yě in ch yâm* ab unâ origine humidi, & duabus caloris sunt: *Xim kie cham* profundi crebri & longi? Singuli quos diximus *yě in san cam* ab unâ origine humidi & tribus caloris sunt pulsus *feu kie ulli chan xi yě xim* natantes, crebri, longi sunt, & postea superveniens illis profundus.

Quos autem diximus pulsus esse *yě yâm yě in* ab origine caloris alterâ, alterâ humidi sunt *feu lli ci*, natantes & rari sunt, quos *yě yâm Ch in* ab unâ origine caloris & duabus humidi sunt, *cham ch cham ci* simul longi, profundi & rari sunt. Quos *yě yâm san in* ab unâ origine caloris, & tribus humidi sunt *Xin ci le tuon xi ien feu* sunt simul profundi, rari, breves, & postea superveniens natans. Per similes pulsus viæ membrorum ac intestinorum manifestantur, & bona singulorum vel mala constitutio.

Comment: Pulsus ab unâ origine humidi & unâ caloris est profundus & creber; In manus sinistræ tertio loco indicat statum vesicæ & ureterum connaturalem. Quod si idem pulsus appareat in manus sinistræ primo loco, est contrarius cordis membro & parvis intestinis, (quia aqua seu vesica, cujus pulsus est naturalis, ignem suffocat, qui cordi dominatur.

Pulsus ab unâ origine humidi & duabus caloris, v. gr. profundus creber & longus, si appareat in tertio loco (sive dextræ sive sinistræ) qui subjectus est humido radic., manifestum est, à calore primig. opprimi humidum. Pulsus ab unâ origine humidi, & tribus caloris natans, creber, longus & subsequens profundus; Si in tertio loco sive dextræ sive sinistræ appareat, manifestum est, in medio caloris primig. suffocari & interire humidum radicale. Item: Pulsus ab unâ origine caloris & unâ humidi, hoc est: natans & rarus, si appareat in dextræ manus secundo loco, est hepatis & felli pulsus contrarius.

Pulsus ab unâ origine caloris, & duabus humidi, simul  
Dec. II. Annus IV. R \* longus,



longus, profundus & rarus, si reperitur in primo loco seu dextræ seu sinistræ, (cui dominatur *yâm*) significat sanguinis & spiritum exinanitionem, quod humidum radicale opprimat calorem. Pulsus ab unâ origine caloris & tribus humidi, hoc est: profundus, rarus, brevis, & post illos natans, si reperiatur in primo loco seu dextræ seu sinistræ, manifestum est, in medio humidi radicalis intercedere & suffocari calorem primigenium. Quare necesse est singularum duodecim viarum & originum loca assignata pulsum inquirere, & quatuor temporum examinare pulsus, præterea mutationes sex pulsum, & ex illis statum naturalem vel præternaturalem corporis humani resolvere.

*Paradigma rerum supra dictarum.*

<i>Xin</i> pul-	hic introspi-	Spiratio	<i>hu</i> exspiratio.
sus pro-	ratio ingre-	<i>hum kie</i> , stomachus	egreditur à pulsus
fundus	ditur vesicâ	recipiens cibos & sa-	pulmonib9 natans
ab hu-	& hepar, am-	pores, habet pulsum	& corde, est à
mido	bo sunt <i>Xin</i>	remissum sed parvum	ambo sunt <i>yâm</i> ca-
rad.	pulsus pro-	quia indicat stoma-	pulsus na-
	fundi, sed	chi statum.	lans <i>yâm</i> migem.
	pulsus pro-		caloris, sed
	fundus, mol-	sed soli-	natans, bre-
	lis debilis in-	<i>chum chan</i> dus in-	vis, rarus, natans
	dicat vesicâ	<i>hie</i> profun-	dicat <i>pi</i> indicat & mox
	& ureteres,	dus; lon-	lienem pulmonem dissipa-
	quia est hu-	gus, creber, nam cõ-	& magna tus in-
	midum radic.	indicat <i>han</i> natura-	intestina, dicat
	intra humi-	<i>tan</i> hepar lis eorū	nam est in cor &
	dū radic. hoc	& fel, quia stat9 est	medio ca- pauca
	est; via intra	est in <i>chum</i> humidum	loris humi- intesti-
	viā alteram	<i>chi can</i> in- intra	dum radic. na nam
	eiusdem na-	tra. humi- calorem.	est calor
	turæ. Et sic	dum radic. & con-	primig.
	intellige de	calor pri- tra.	intra
	reliquis.	mig.	calore.

Introspiratio sequitur  
humidi ingressum.

Exspiratio cum calo-  
re egreditur.

Dico

Dico primò: Sex puncta manuum sex habere pulsus, qui statum connaturalem membrorum & cohærentium intestinorum indicant, & quidem in sinistræ primo loco *cun keu* pulsus viarum cordis & parvorum intestinorum est *feu ta san*, natans, magnus, & qui mox dispergitur; Oritur à calore puro & non mixto, ideo dicitur esse à calore intra calorem. In manus dextræ primo loco *cun keu* pulsus viarum, pulmonum, & magnorum intestinorum est *feu tùm ci*, natans, brevis & rarus. Oritur à calore primigenio, in cujus medio est humidum radicale.

Ambo pulsus cùm fiunt natantes, pertinent ad *yâm* calorem primigenium, cujus spiritus sursum feruntur, ideo *hu* exspiratio egreditur à corde & pulmonibus sursum. Proinde primo loco tam in dextrâ quàm sinistrâ ejusmodi pulsus sunt assignati, quia ibi sunt eminentes & natantes, & quasi superiores, sicut & ipsa membra in corpore humano, quorum statum connaturalem indicant, videntur esse in primo & superiori loco præ reliquis.

Iterum in secundo loco seu medio *quan* manus dextræ, qui hepatis infrà siti, & fellis vias indicat, pulsus est profundus, intensus atque longus. Oritur ab humido radicali, in cujus medio est calor primigenius.

Similiter in manus sinistræ tertio loco *chě*, quia viam vesicæ seu renum & ureterum inferiùs sitorum indicat, pulsus est profundus, mollis, debilis, oritur ab humido puro & non mixto, ideo dicitur esse ab humido intra humidum. Talem pulsum habet in manu dextrâ tertius locus, qui indicat statum vitæ portæ & tertiæ regionis corporis; Et cùm pulsus profundi ab *in* humido radicali deorsum ferantur, ideo *hiě* introspiratio, quæ consequitur humidum radicale, ingreditur hepar, vesicam seu renes & portam vitæ, in quibus humidum residet radicale.

Hinc tam secundus locus in manu dextrâ, quàm tertius lo-



cus in dextrâ & sinistrâ, pulsus habet profundos, quia etiam membra & intestina, quorum indicant statum connaturalem sunt in inferioris vel infimo corporis humani situata loco, hoc est: secundo & tertio.

Porro inter *hú* & *hie* expirationem & introspirationem (puta: inter *yâm* & *in* humidum & calorem, seu inter pulsus natantes & profundos, cum sint extremè contrarii) medium necesse fuit poni, ideo pulsus medius temperatus remissus videlicet est. In medio loco manûs dextræ seu secundo qui *quan* dicitur. Hic pulsus remissus si sit & parvus, indicat stomachi statum connaturalem; Si verò sit solidus, indicat lienis statum item connaturalem. Oritur ex æqualitate *yâm* & *in* mutua, seu humidi radic. & caloris primig.; Nam cum lien & stomachus neque sint supra nec infra alia membra, sed in medio, pulsus quoque, qui amborum statum indicant, medios seu mediocres; hoc est: neque natantes neque profundos esse oportuit, & locum etiam eorum, ubi reperiuntur, medium, hoc est: secundum in manu dextrâ *quan* dictum, ubi percipiuntur eorum pulsus. Planè in mensurâ temporis seu spirationis mediâ morâ, quæ intercedat inter *hu ke* expirationem & introspirationem, si sint quinque pulsus, vel in ipsis ictibus pulsuum, si sint quatuor, nam in intervallo unius spirationis in sano homine non plures quinque, nec pauciores quatuor pulsus inveniri, diximus suprâ.

Colligitur, primum locum utriusque manus subjici calori primigenio, similiter tertium subjici humido radicali, medium verò æqualiter humido radic. & calori primigenio. Proinde & pulsus, qui reperiuntur, connaturales alios esse à calore, quales sunt natans, creber, longus, alios ab humido, quales sunt profundus, rarus, brevis, ac præterea in dextræ primo loco pulsus natans, brevis & obtusus - rarus est à calore; In quo est humidum, hoc est, ab unâ origine caloris & duabus originibus humidi, indicant congenitum statum pulmonum & magno-

magnorum Intestinatorum, quibus metallorum frigus dominatur; Et cum ignis frigori contrarietur, ideo cor pulmonibus, & pulsus cordis exundans magnus pulsui viæ pulmonum natanti & raro. Ideo repertus in primo loco dextræ indicat, à corde igneo destrui metallicam pulmonum naturam.

In primo loco manus sinistræ pulsus exundans, magnus, qui mox dispergitur, est à calore primig:, qui est in medio caloris primigenii, hoc est: solummodo ab originibus caloris primig: indicat connaturalem cordis & parvorum intestinatorum statum, sed igni sicco contrariatur aqua, ideo cordi vesica seu renes, ac proinde illius pulsus profundus, debilis & creber pulsui cordis magno natanti. Quare repertus in loco sinistræ manus indicat, ab aquâ; hoc est: vesicâ extingui ignem, hoc est, cor. In tertio loco sinistræ manus pulsus profundi & crebro-acuti ac debiles sunt ab humido radicali, in cujus medio est calor primig: seu à duabus originibus humidi radic: (quatenus profundi sunt & debiles) & ab unâ origine caloris primig: (quatenus sunt crebri) indicant congenitum statum vesicæ seu renum & ureterum, nec non in tertio loco dextræ statum portæ vitæ & tertiæ regionis corporis, quorum natura est aquea, licet qualitates item igneas habeant; Atqui humidæ aquæ sicca terra contrariatur, & vesicæ & portæ vitæ lien & stomachus, ac proinde pulsus viæ stomachi remissus & languidus repertus in tertio loco (seu dextræ seu sinistræ) indicat, à terrâ destrui aquam, hoc est: à stomacho vesicam seu portam vitæ. In medio seu secundo loco sinistræ pulsus profundi, longi & intensi, seu similes chordæ tensæ, sunt ab humido radic: in cujus medio est calor primig: (quatenus profundi & intensi) indicant connaturalem statum hepatis, cui dominatur Sinarū Elementum arboreum seu aëreum; Verum arboribus seu aëri humido metalla per suam siccitatem contrariantur, ac proinde hepatis pulmones, & horum pulsus utrique natans, brevis & rarus simul contrariatur pulsui hepatis profundo, longo & in-



tenso ; Quare repertus in secundo loco sinistra, significat, à Metallis arbores seu aërem frigidum destrui, & à pulmonibus hepar.

In secundo loco seu medio dextrae pulsus remissi & simul languidi, sunt à caloris & humidi temperie, & medii sunt inter natantes & profundos, breves & longos, crebros & tardos ac languidos, indicant lienis & stomachi statum connaturalem. Porro lieni & stomacho dominatur terra, sed siccae terrae contrariatur arborum seu aëris humiditas & subtilitas, ideo stomacho contrarium est hepar, & pulsus viæ hepatis profundi, longi & crebri pulsibus stomachi remissis, languidis & tardis : Unde reperti in dextra secundo loco terram destrui ab arboribus seu aëre, & stomachum ab hepate, indicant. Quòd si bene percepisti pulsus connaturales à calore primig: & humido radic: exortos, qui mediantibus viis originum in punctis sex manuum apparent, facile contrarios pulsus & præternaturales, qui irrepere solent, advertes : Item, in quo peccant, (aut deficiant aut excedant) à connaturalibus, & consequenter, quomodo origines connaturalium pulsuum afficiantur, diminuantur aut dejiciantur à suo connaturali statu ac temperamento ; Nec te fugiat notitia morborum, qui destruunt sanitatem, & inducunt Mortem : nam sanitas in temperie caloris primig: & humidi radic:, quam pulsus explicant, consistit, morbi in mutatione & horum alteratione, mors verò in dissolutione, aut victoriâ, aut excessu alterutrius, vel destructione utriusque.

Colligitur secundò : Cùm loca pulsuum aliquos natantes, aliquos profundos habeant, bene animadversum esse à Medicis Sinicis, natantes pulsus, qui sursum feruntur, levitatem habere, & profundos gravitatem, quæ etiam bene sunt notanda, & locus cujuslibet pulsus perscrutandus, prout majorem gravitatem in illo aut minorem habent : Si videlicet aut ad pellem & carnem, aut ad nervos, aut ad ossa illorum demoratio

moratio sit connaturalis, vel adventitia, ac irrepens per modum advenæ & hospitis, quemadmodum Sinenſes loqui ſolent, Ex hoc enim percipi poterit clarè, ubi in illo loco resideat morbus, videlicet, an in offibus, an in nervis tantum, vel etiam in ſanguine vel ſuperficie carnis.

Colligitur tertio: Non ſolum in locis assignatis pulſum neceſſe eſt obiter pulſum explorare per meſuram unius ſpirationis, ſi nimirum ad intervallum unius ſpirationis quatuor vel quinque ictus connaturales ille pulſus excitet, ut indicetur illa via & origo (membrorum, inquam, & inteſtinorum) bonam habere conſtitutionem; Verum neceſſe eſt octo vel decem ſpirationum intervallo quadraginta quinque aut quinquaginta ictus ejusdem loci pulſum explorare. Nam ſi intervallo prædicto conſtanter iidem immutati reperiantur, intelligetur via illa & origo (membrorum, inquam, & inteſtinorum) non ſolum ipſa bene habere, ſed alias quoque vias & origines, à quibus ſunt, cum illâ viâ & origine.

#### CAPUT DECIMUM SEPTIMUM.

*An pulſus connaturales assignatis viis duodecim & originibus ſpiritus iidem perſiſtant in locis ſiniſtræ & dextræ manus hominis ſani, an ſuas etiam viciffitudines temporis annui patiantur, & quis viciffitudinum ſit motus & cauſa.*

**A**Dverte primò: Sinenſes uti anno lunari, qui conſtat 360. diebus, Continet verò hic numerus ſexies ſexaginta dies, (qui cyclus apud illos horariarum literarum duodecim, & annuarum decem conversiones obtinet.) Porro, cum ſint quatuor anni tempeſtates (quarum quælibet ex duodecim Menſibus tres meſes, ſeu ferè nonaginta dies occupat) Sinenſes quintam anni tempeſtatem ſeu mutationem.



rationem invenerunt, & quidem tam veri & æstati quàm autumno & hyemi singulis septuaginta duos dies ex nonaginta diebus seu ternis mensibus assignârunt; Quintæ verò tempestati octodecim dies, (qui à 72. diebus ad nonaginta dies excurrunt) decerptos de quâlibet ex quatuor tempestatibus tribuerunt. Unde fit, ut quater octodecim faciant 72. & quinques 72. efficiant trecentos sexaginta dies, qui complent annum Sinicum lunarem, constantem quinque tempestatibus seu mutationibus annuis secundùm illos.

Adverte secundò quòd non solum membra & intestina adhærentia subiecta sint quinque Elementis, verùm etiam singulas anni tempestates, quare dominium, quod quinque anni tempestates supra membra & intestina habent, rectè dicitur dominium Elementorum, & dominium, quod Elementa habent, rectè vocatur dominium quinq; tempestatum. Sic verò dominari aëri & arboribus, hoc est: hepatis, quod naturam earum habet, dicitur. Æstas igni, h. e. cordi, Autumnus metallis, h. e. pulmonibus, hyems aquæ, h. e. vesicæ seu renibus, denique annua tempestas, (quæ est tempus extremum octodecim dierum cujuslibet ex quatuor præcipuis tempestatibus) terræ dominatur, hoc est, lienis & stomacho.

Neque solummodo tempus annum in quinque tempestates, quæ quinque mutationes notabiles indicant, diviserunt, verùm in reliquo tempore alias etiam varietates & immutationes minores seu minùs notabiles reppererunt, distinxeruntq; quas 24. esse volunt, & quidem in primis duodecim mutationibus *yâm* calorem primig: crescere & augeri, *in* verò diminui duodecim viis corporis humani, ac proinde & pulsus in illis exortos variari, in aliis verò duodecim mutationibus crescere *in* humidum radicale, & *yâm* calorem diminui, & similiter pulsus variari, notârunt. Verùm maximè notabilis variatio & distinctio pulsuum fit per quinque tempestates annuas, quam & præcipuo cum studio observari jubent.

Textus;

Textus : Codex sicut : Diminuti caloris primig: via & origo tertiæ partis corporis pulsum interdum producit magnum, interdum parvum, interdum longum.

Puri caloris via & origo magnorum intestinorum pulsum producit *feu ta ch ton* natantem magnum & brevem.

Magni caloris primig: via & origo parvorum intestinorum producit pulsum exundantem, magnum & longum.

Magni humidi radicalis via & origo pulmonum pulsum producit intensum, magnum & longum.

Diminuti humidi radicalis via & origo cordis producit pulsum intensum, subtilem & parvum.

Defectuiosi humidi via & origo hepatis producit profundum, brevem & celerem.

Ex istis sex pulsibus alii sunt connaturales & sani hominis, aliqui apparent, cum morbus advenit. Quælibet viæ dictorum pulsum habent pulsus prædominantes, eò, quòd Spiritus illorum in determinatis mensibus dominari soleant pluribus diebus. Sic in solstitii hybernici tempore in cyclo sexaginta dierum prædominatur diminuti caloris via, in sequenti verò cyclo sexaginta dierum caloris puri via dicitur, postea diminuti humidi radic. in alio item cyclo sexaginta dierum dominatur spatio.

Unde, cum cujuslibet originis & viæ dominium duret sexaginta diebus, & sexies sexaginta conficiant 360. dies, sequitur per annum in sex viis diversarum qualitatuum dominia apparere. Ista autem dominia trium viarum & originum humidi radic. & similiter trium viarum & originum caloris primig. atque tempus dierum, quo illa exercent, maximi sunt momenti.

Comment: Humidi radic. & caloris primig. diversi spiritus in annuis tempestatibus maximè apparent; Solstitium hyemale habet perfectissimum *iñ kiē* humidum radic. quòd producit calorem primig. solstitium æstivum habet *yâm kiē*

Dec. II. Annus IV.

S \*

perfectis-



perfectissimum calorem primig. quòd producit humidum radicale.

Sequuntur cycli primi sexaginta dies, in quo tempore diminuti caloris via producere incipit spiritus prædominantes, qui adhuc parvi sunt, quia tempus frigidum; Ideo pulsus potius ingrediuntur, quàm egrediuntur: Unde modò magni, modò parvi, modò longi vel breves promiscuè sunt. Sic primus Cyclus sexagenarius incipiens à tempore solstitii hyemalis incidit in undecimam vel duodecimam lunam, & pulsus illi indicant statum magnæ tertiæ partis corporis & portæ vitæ. Secundus cyclus item sexaginta dierum (qui incidit in primam, vel secundam, vel tertiam lunam) in hoc tempore dominatur via puri & lucidi caloris in secundo ordine; Spiritus, qui tunc vigent, veniunt solidi, & tempus anni incipit esse clarius ac lucidius. Pulsus sunt natantes, magni & breves: Indicant vias hepatis & fellis.

Succedit tertius cyclus sexaginta dierum (qui incidit vel in tertiam, vel quartam, vel quintam lunam) magni caloris via dominatur illo tempore & in ordine tertio. Spiritus hujus temporis sunt multi & magni, ipsum tempus valde calidum, ideo pulsus adveniunt exundantes magni & longi indicantes statum parvorum intestinorum & cordis.

Postea tempore solstitii æstivi in cyclo quarto sexaginta dierum dominatur magni caloris primig. via. (Incidit cyclus in quintam, sextam vel septimam lunam) in quarto ordine. Spiritus perfecti sunt, & calor primig. est perfectissimus, incipitque producere humidum radicale & ejus spiritus, tempus est calidum & humidum, ideoque pulsus vehementes, magni & longi; Indicant pulmones & magna intestina.

Quintus cyclus sexaginta dierum (incidit in septimam, octavam vel nonam lunam) in hoc humidi radic. diminuti via dominatur in quinto ordine, spiritus caloris primigenii diminuantur, & se recolligunt; At verò spiritus humidi radicalis augen-

augentur. Ipsum tempus anni tepidum est & subfrigidum, adeoq; pulsus vehementes, subtiles & parvi, indicant ureteres.

Sextus cyclus dierum sexaginta (incidit in nonam vel decimam lunam) dominatur in hoc tempore humidi radicalis via. Spiritus illo tempore humidi radicalis sunt intensi & perfecti: Tempus ipsum est frigidum seu glaciale & pluvium, ideoque sunt pulsus profundi, breves, graves, vel ponderosi, & indicant vesicam seu renes.

Recensiti hi pulsus non possunt vocari æquales, & absolute sano homini connaturales, sed nec posse dici contranaturales aut infirmi hominis; Illos tamen hic retulimus, ut vel inde intelligas, quomodo tres viæ & origines caloris primig. dominia sua exerceant in circulo anni, ac pulsus causent in corpore humano.

Colligitur, spiritus pro varietate caloris & humidi variari &c.

Atque hæc sunt, quæ desiderabantur ad complementum clavis Medicæ, nam quæ sequuntur jam dudum in Europam missa sunt, & fortè præproprio prælo excusa, quibus adeo iterum describendis superfedemus, quæque procul dubio correctioni repetito prælo subjicienda. Quandoquidem autem in hac clavi Medicæ toties fiat mentio membrorum & intestinorum, uti & viarum ab illis dimanantium, placuit hic apponere, quæ in libris ipsorum continentur, singulorum imagines seu figuras. Anatomiam nullam habent, nisi hic appositam figuram Anatomiam vocare volueris. Hinc quæ referuntur, ex traditione magis habere omnia credibile est; Adde, quòd dicant, etiam in hominis demortui corpore multa dissolvi & diffluere, quæ in vivente sunt, adeoque in Anatomia multa adhuc posse latere perspicacissimos Anatomicos. Cæterum obiter indaganti singularum viarum principia & terminos, quibus ajunt correspondere pulsus, multa sanè occurrunt, in quibus sibi contradicere videntur; Quo pacto enim, v. gr. hepatis,



quod ad dextram collocant, pulsus in sinistrâ manu explorari debet, & lienis cum stomacho in dextrâ, cùm ad sinistram collocetur: Adhæc, per quas venas ureterum via ad pedes terminari dicitur, quo item pacto tertiæ regionis corporis via à manibus ad caput tendit, cùm hæc via spectare potius videatur ad supremam corporis regionem. Atque hinc dubitare licet, an terni pulsus utriusque manus eatenus duntaxat & eo ordine inter se distinguantur, quatenus correspondent ordini trium corporis humani regionum, earumque rectam aut pravam constitutionem indicant. Merito item quæri potest, quidnam ipsi intelligi velint per vesicam, quam renum figurâ videntur exprimere, an succenturiatorum, an aliarum glandularum? nescio; Nam hoc membrum (quod Author clavis medicæ vocat vesicam) comparant duabus rubeis fabis majoribus, *lum teu* dictis, annecti dicunt immediate post decimam quartam vertebram spinæ dorsi utrinque ad latera, singuli distant à vertebrâ duabus mensuris digitalibus, & tribus partibus, immediate utrinque sunt infra stomachum, & umbilico directè correspondent. In medio collocatur porta vitæ seu calor primigenius, constitutus inter humidum radicale velut inter duas portas, à cordis venâ dimanant dicti renes, & inferior via seu vena descendit ad magnum os, dein ascendit ad medullam spinæ dorsi, donec tandem perveniat ad medium capitis seu locum *sui hai*, medullarum (seu cerebri potius) mare dictum. Item alia hujusmodi multa, quæ hîc prætereo, quæque incredibilia & ridicula potius videbuntur Europæis, nisi fortè credamus, Priscorum mentem Medicos tot nondum assequi potuisse, qui tamen mordicus per tot seculorum seriem juxta illos Artem suam exercere se jactitant, suâ scientiâ illâ Empiricâ seu experimentalî duntaxat contenti; Nam revera rationem philosophicam rerum suarum dare nequeunt, & si quid lucis ab Europæo accipere queant, utique gaudebunt doceri, & lubenter fatebuntur, in multis se errasse, uti fatentur de Mathematicâ & Astrologiâ suâ licet

licet vetustissimâ, quam reformârunt Patres è Societate nostrâ Europæi, cum tanto plausu & fructu Christianæ legis hinc consecuto.

Ad figuras infra positas quod attinet, notandum, quòd vias illas seu loca cavitatum, (quas suis nominibus indigitant, & inter se distinguunt) duntaxat notent in ordine ad uestiones seu cauteria, & acuum punctiõibus inter musculos, quæ ars priscis illis temporibus (quibus passionum adeoque interiorum morborum expertes erant, adeoque si quod malum paterentur, ab exteriori promanare credebant) maximè vigeat, & quam usque hodie nondum se affecutos, utpote per tot seculorum vicissitudines dilapsam, ac veluti sepultam, ingenuè fatentur. Figuras autem viarum singularum per tot flexus & mæandros intra membra & intestina hæcenus consequi non licuit, neque ullibi exstare intra Chinam putandum est. Quare solum duntaxat cujusque viæ principium & finem in his figuris descripsere, omissis interioribus flexibus, uti & semitis seu rivulis venularum, per quos unaquæque membri & intestini via plerumque terminat, & ab alterius membri viâ excipitur, uti in descriptione & paradigmate circulationis videre est, de quâ quidem circulatione omnes omnino libri identidem ajunt. Et si Europæo fortè videbitur phantastica, præfertim, ubi mensuram 810 *cham* (quæ continet octo mille & centum cubitos minores) in totâ circumvolutione 24. horarum assignant, nisi dicamus, singulis horæ quadrantibus singulas fieri revolutiones, aut certè singulis mediis horis unicam, seu universim 50. revolutiones intra 24. horas juxta cœlorum per 50. domos circuitum, quod ipsum asserunt etiam Sineses libri. Cæterum expertissimorum judicio & censuræ ego ignarus rerum hujusmodi Medicam Sinarum per 40. secula conservatam facultatem lubens relinquo & subijcio.




Cum reliquæ Tabellæ, quæ modò recensitas quinque sequuntur, omnes in Nobiliss. Dn. Andrea Cleyeri Specimine Medicinæ Sinicæ, A. M. DC. LXXXII. Francofurti in lucem producto, jam prostant, easdem hîc repetere nolumus, sed potius curiosum Lectorem ad librum illum remittimus, indicaturi tantum varietatem in inscriptionibus observatam, meliorem interim pulsuum sub carpo explorandorum rationem tabula quinta exhibet.

Tabella V. quæ in Cleyeriano tractatu Tabulâ I. compareret, hanc habet inscriptionem : Monstri Sinarum anatomizati vera effigies.

Tabella VI. cum Cleyeriana Tabula numero, ut & sequentes reliquæ, coincidunt : & huic 6<sup>ta</sup> sequens addita est inscriptio : Pulmonis imago. Pulmo pondus habet trium librarum & totidem unciarum : sex folia, duas auriculas : adjacet spinæ dorsi tertio articulo : continet 24. vacuitates, per quas spiritus per cætera membra derivatur : trachea habet novem articulos seu annulos. Introspiratione dilatatur, exspiratione contrahitur. Hujus & cæterorum membrorum & intestinorum viam vide, ubi de circulatione agitur. Pulmo nascitur ordine quartus, perficitur ordine nonus.

Tabella VII. est cum hac adscriptione : Pulmonum via magnum humidum vehens terminatur ad manus, initium sumens à media regione corporis, seu potius ab ipsis pulmonibus. Notandum in his & sequentibus figuris mediam tantum partem cavitatum notari, nam eo ordine de alia quoque parte, quæ eidem correspondet, judicandum esse. Continet ad lævam & ad dextram universim 22. cavitatum loca.


Tabella VIII. cum hac inscriptione. Intestinorum majorum figura. Majus intestinum pondus habet duarum librarum & 12. unciarum, longum est duas orgyas Sinic. & unum cubitum, seu cubitos undecim, latum quatuor mensuris digitalibus ; sed cum gyros habet, capit mensuram unius *teñ* alimento-



Ad Append. Anni IV











Paradigma, quo tria loca determinata pulsuum exploran-  
dorum designantur.

Utriusq; manus ea-  
dem est ratio.



quē cū  
cū  
quā os nonnihil eminens.  
chē chē cē

N. i. fol. 41.



pulsuum ordo  
prout respondet  
supremæ regioni  
corporis caelo.  
mediæ - homini  
infimæ - terræ.

suprema.  
media.  
infima.

10 cubitalis mensura 10 digitales  
mensuras continens.





Vetus codex primo loco assignat  
pulsum cordis et pericardii.

Secundo loco pulsum epatis et  
diaphragmatis.

Tertio loco pulsum renum ad  
sinistram et gracilium intesti-  
norum et ureterum.

Vetus codex dextre primo loco assi-  
gnat pulsum pulmonum et mediastini  
pectoris.

Secundo loco pulsum stomachi seu  
ventriculi et lienis.

Tertio loco pulsum renum ad dextrum  
et magnorum intestinorum.



1 pulsus cordis  
et gracilium  
intestinorum


2 pulsus epatis  
et fellis

3 pulsus renum  
et ureterum

Utriusque manus primus locus  
spectat ad calorem primige-  
nium et respondet supremæ  
regioni corporis.

Secundus locus æqualiter  
participat de calido et hu-  
mido, et respondet mediæ  
corporis regioni.

Tertius locus spectat ad  
humidum, et respondet  
infimæ regioni corporis.



1 pulsus pul-  
monis et graci-  
lium intestinorum

2 pulsus lienis  
et stomachi

3 pulsus porta-  
e vite et ter-  
tie regionis  
corporis.

Ordo pulsuum in sinistra et dextra manu juxta veterem codicem et juxta  
modernas, qui auctore Vān, Xō hō (floruit hic mille abhinc circiter annis) cum  
ex ordine circulationis in veteri codice contentæ didicissent, intestina gracilia cum  
corde, et crassa cum pulmone relationem magnam habere, ordinem pulsuum non  
nihil immutandum censuerunt, quos item refutavit hujus seculi Scriptores medici.  
Notandum hic quoque hisariam dividi renes, sicut horum sinister ad sinistram, dex-  
ter ad dextram pertinent, et prout ad dextram et portam vite inter renum utrumque collocant.






Regula pulsus sui ipsius explorandi, circumducen-  
do dextram ad pulsus sinistrae, sic ut index explo-  
ret primum locum pulsuum, uti infra.



Regula pulsus alterius hominis explorandi, sic  
ut index respondeat primo pulsuum loco, medius digi-  
tus secundo, annularis tertio loco.







Delineatio cavitationum vel locorum pulsuum et trium partium corporis.

**Fūm fū** .i.e. ventarum urbs. locus in occipitis parte ima, ubi extremi capiti statum pulmonis indicant.

**Feū pē** .i.e. natans collado. locus in occipite infra aures.

**Kū mūen** .i.e. extremorum. locus infra mammillam, prodit originem intestini magni.

**Kū Rēu** .i.e. spirituum os in dextra ante locum Quān.

**Kū hāi** .i.e. spirituum mare, uno et dimidio infra umbilicum digito distans locus.

**Quān y ūen**

.i.e. limes originum infra umbilicum tribus et dimidio digiti articulo, perfectonum spirituum receptaculum. Prodit originem ad vesicam.

**Chūm yām** .i.e. penetratio viarum caloris primigenii in pedum superiore parte, ab imo et extremo osse tribus digiti articulis distans. Prodit originem ad ventriculum.

**Tā Rū** .i.e. magna lacuna, ad latera pedum supra talum, sunt illi pulsus. Mares in pede sinistro, femine in dextro habent.

**Xām ciāo** .i.e. suprema pars corporis a vertice usq. ad os supremum. stomachi infra cor et pectus.

**Chūm ciāo** .i.e. media pars corporis a stomacho ad ventris medium. continet fel, hepar, stomachum et ventrem.

**Hiā ciāo** .i.e. infima pars corporis a ventris inferiore ore ad plantas pedum.

**Gm ym** .i.e. hominis obviantis seu viarum humidi radicalis et caloris primigenii occursum in sinistra. prodit originem epatis et fellis.

**Tān hēn** .i.e. rubeus ager, locus tribus infra umbilicum digitis.

**Tāi chūm** .i.e. magna penetratio in ipso planta pedis medio.

Dicitur et porta vite, quia cessante illic pulsu, moritur ager.



# IV. ART



mentorum & aquæ septem mensuras cum dimidia. Hujus os superius est gracilium intestinorum os inferius.

Tabella IX. hanc habet inscriptionem : Majorum intestinorum via lucidi caloris à manibus ad caput, continet loca cavitatum utrinque quadringenta.

Tab. X. hac cum adscriptione : Stomachi figura. Stomachus pondus habet duarum librarum & quatuordecim unciarum, longitudinem duorum cubitorum & sex mensurarum digitalium, capit duas mensuras alimenti & unam & dimidiam aquæ. Inferius os est gracilium intestinorum os superius.

Tab. XI. hujus est inscriptionis : Stomachi via ludici caloris à capite ad pedes. Continet utrinque cavitatum loca nonaginta.

Tab. XII. cum hac inscriptione : Lienis figura. Lien pondus habet 2. librarum & 3. unciarum : altus quinque mensuris digitalibus, latus tribus : pinguedo illi adhærens mediam libram continet. Est infra undecimam vertebra[m] spinæ dorsi.

Tab. XIII. c. h. i. Lienis via magni humidi à pedibus terminatur ad cor : continet cavitatū loca utrinq; quadraginta duo.

Tab. XIV. c. h. i. Cordis figura. Cor habet pondus 12. unciarum : continet 7. cavitates, 3. pilos : capit liquoris purissimi 3. pugillos : adhæret quintæ vertebræ dorsi. Quatuor membra pendent à corde, cui subjacent. Cor nascitur ordine secundum, perficitur ordine septimum.

Tab. XV. c. h. i. Cordis via diminuti humidi ab ipso corde ad manus. Continet cavitatum loca octodecim utrinq;.

Tab. XVI. c. h. i. Intestinorum minorum sive gracilium figura. Horum os superius est stomachi os inferius, & hoc est magni intestini os superius. Habent pondus 2. librarum & 4. unciarum, longitudinem 12. cubitorum : sedecim gyros habent, capiunt alimenti mensuras duas & ferè mediam, aquæ mediam mensuram & amplius aliquid.

Tab. XVII. Eadem inscriptio huic est, quæ Tabulæ Cleyerianæ.

Tab. XVIII.



Tab. XVIII. c. h. i. Ureterum figura. Os superius adjacet gracilibus intestinis: Ureterum pondus est novem unciarum & duorum scrupulorum.

Tab. XIX. Inscriptio cum Cleyeriana coincidit.

Tab. XX. c. h. i. Renum figura. Renes pondus habent unius libræ & duarum unciarum, & sunt aquæ seu spirituum seminalium adeoque vitæ & duodecim viarum fontes: intra secundam (ut ajunt) & intra umbilici nodum minimum quid, quod ibi nascitur est principium vitæ, dein in duos veluti ramulos seu (uti videtur) renes utrinque dividitur.

Tab. XXI. Inscriptio Cleyerianæ responder.



Tab. XXII. In Cleyeriano tractatu non est, & hanc habet inscriptionem: Pericardii sive cordis involucri via, devehens defectuosum humidum à pectore ad manus. Figura ejus est hæc præsens, infra cor non nihil, & supra diaphragma.

Tab. XXIII. Similis est Cleyerianæ inscriptioni.

Tab. XXIV. c. h. i. Folliculi fellis imago. Fel pondus habet trium unciarum & totidem scrupulorum; longitudinem trium mensurarum digitalium; tres pugillos

liquoris capit.

Tab. XXV. Eadem inscriptio cum Cleyeri.

Tab. XXVI. c. h. i. Hepatis figura. Hepar situm est infra nonam vertebra spinæ dorsæ, pondus habet duarum librarum & 4. unciarum. Ad dextrum continet 4. folia, ad lævam verò tria. Nascitur ordine tertium, perficitur ordine octavum.

Tab. XXVII. Tab. XXVIII. & XXIX. cum Cleyerianis conveniunt.



EPISTOLA III.  
JOH. CHRISTOPH. STURMII,  
Math. & Phys. P. P.

*Ad*

JOH. GEORGIUM  
VOLCKAMERUM, M.D.

Quarta Borelli Indago, à Joh. Chri-  
stoph. Sturmio oculariter & paucis ope  
machinulæ suæ exhibenda.

---

ANNO M DC LXXXVI.



IN THE  
CITY OF  
MICHIGAN  
COUNTY OF  
JANUARY 1880

Fig. 1.




Fig. 2.



Fig. 3.



Fig. 5.




Fig. 4.




Fig. 6.




Fig. 7.





Fig. 8.



ven  
ipse  
stra  
bus







V I R

NOBILISSIME, EXCELLENTISSIME  
ET EXPERIENTISSIME

*Fautor Observande.*

**M**ones per Filium Tui similem æmulumque, uti  
coeptam semel telam pertexere pergam; & ego  
monenti parco, si nihil aliud, obsequii saltem  
laudem à Te reportaturus. Ostendi binis ante-  
hac ad Te datis epistolis, quo pacto ALPHON-  
SI BORELLI tres indagines priores, ex fun-  
damentis Mathematicis ab ipso sollicitè ac subtiliter, ideoque  
prolixiùs aliquantò, deductas, ope machinulæ cujusdam in  
hunc finem excogitatæ ad oculum demonstrare soleam tyroni-  
bus, viâ breviori multò ac faciliore, tametsi non adeò accuratâ  
& præcisâ, ad veritatem tamen prope inspiciendam ita dedu-  
cente, ut in hoc rerum genere major subtilitas & *ἀνεπίβητα* non  
aspersanda quidem aliis, qui eam assequi possunt, nec expo-  
scenda tamen aliis plerisque videatur. Cùm itaque huc uni-  
cè collineent omnes hæ BORELLI Indagines, ut ostendant, Na-  
turam in motibus articulorum animalis corporis ea compen-  
dia movendi, quibus ars & ingenium humanum debilitatem  
virium compensare, non tamen sine temporis dispendio, solet,  
prorsus negligere, &, quò velocius exsequi sua munia commo-  
diusque posset, ingentes ubique vires molibus exiguis emo-  
vendis impendere; id quidem ex triplici capite hæcenus ab  
ipso rectissimè demonstratum esse ocularibus machinulæ no-  
stræ experimentis evicimus: ex eo nempe 1. quòd, cùm ossi-  
bus utatur tanquam vectibus, vires fibrarum muscularium



ossa trahentium breviori semper parti vectium illorum applicet, ponderibus contra ex longiore suspensis; quo casu necessum est vires moventes superare pondus movendum eadem proportione, quâ pars vectis longior brevior: 2. ex eo, quod vectes illos adhibeat, non rigidos & continuos, velut ars utiliter facere solet, (nec enim animalibus functionibus apti erant aut brachium, aut pes, ex uno continuo osse formati) sed pluribus in locis fractos quasi & flexiles; Unde necessum est ut e. g. cum ab extremitate digitorum suspensum pondus ope totius brachii venit elevandum, non agat solus Deltois musculus (uti quidem solus hic sufficeret, si humerus, cubitus, carpus &c. Unicum os continuum essent) os humeri circa centrum suum sursum adtrahendo, sed opus sit alios musculos plurimos unâ agere, quò reliquas brachii flexuras omnes, effectui præsentì aliàs obfuturas, eâ rigiditate extendant, quæ brachium totum adinstar unius ossis rigidi exporrigat: 3. denique ex eo, quod funiculi illi musculares non solum tendinibus suis alligati vectibus osseis attollendis, sed etiam ex parte opposita principiis sive capitibus suis alicubi affixi sunt (nec enim animalis fabrica patiebatur illos solutos pendere, aut ab externa quadam vi trahi, sicuti funes machinarum ab hominibus ex altera parte soluti liberi quæ trahuntur;) quo casu necessum est vires trahentes, ob resistantiam gemini alligationis termini, statim duplicari. Ex hoc triplici capite ostendimus cum BORELLO, in dirigendo suspendendo quæ brachio toto unâ cum pondere  $9\frac{1}{2}$  lb. ab extremis digitis pendente, naturæ animalis eas esse insumendas vires in contrahendis omnium musculorum hic concurrentium fibris, quæ, si ad libram sive vectem æqualium brachiorum applicarentur, in oppositâ lance aut ex oppositâ brachii alterius extremitate, sustentare valerent pondus minimum 1990 librarum.

Et hæc quidem ingentes vires tam parvulo effectui, sed mirâ commoditate, præstando suffecissent, siquidem fibræ muscula-

sculares ubique rectâ ad os vel articulum movendum exporrigi potuissent, prout e. g. in (Fig. 1.) fibræ musculares *a b* rectâ in tendinem latum *b c d b* exporrectæ articulum E directè traherent.

Verùm enim verò cùm aliqui muscoli, ut Glutèus, Deltois, &c. ingentem vim exserere debeant, virium autem muscularium magnitudo ex fibrarum multitudine pendeat (ut in seqq. magis patebit ac interim ex eo per analogiam colligi potest, quòd, quòd plures funes uni ponderi, funibusque respondentes motores, adhibiti fuerint, eò major etiam moles loco moveri queat) si fibræ tam copiosæ parallelo illo situ jungerentur, non haberent tendines tam lati satis spatii in lateribus ossium, nisi hæc ingentia essent, præsertim cùm ob necessariam motuum varietatem, alii plures muscoli tendinesque eidem articulo essent affigendi. Quamobrem Natura, & decoram animalis formam servatura, & multipliciter motuum commodè præstitura, coacta fuit aliam fibrarum muscularium dispositionem meditari, & commoditates istas novo impendendarum virium augmento redimere. Tendinem ergo in plerisque musculis gracilem instar funiculi directè ad articulum movendum (qui hoc pacto plures horum ambitu suo excipere facillè poterat) exporrexerit, e. g. C D (Fig. 2. per totum autem circuitum hujus funiculi tendinosi copiosissimas applicavit fibras, *a b* tendinem cum annexo ossè obliquâ tractione, adeoque majori cum difficultate, adducentes; quod equidem musculorum genus *Penniformium* nomine insignire solet BORELLUS: in quibusdam autem (e. g. in *Deltoide*) compositionem ex pluribus penniformibus molita est, quorum tendines E D (Fig. 3.) in unum communem D C desinentes, hunc obliquè trahunt, ipsi quoque à suis fibris *f g* obliquè tracti, ut sic ex obliquitate gemina in hujus generis musculis (quos *Radiofos* Borellus vocat) geminata quoque difficultas



ficultas oboriatur, novâ virium impendendarum accessione superanda. Et in hac demonstranda occupatur

*Quarta BORELLI Indago, à nobis oculariter & paucis ope machinula nostra exhibenda,*

prout ab ipso μαθηματικότης & prolxiùs à Prop. LXIII. ad xc. inclusivè deducitur per paginas triginta integras. Tota nimirum hujus indaginis ratio duobus hisce fundamentis nititur: 1. In penniformibus musculis, quia fibræ musculares tendinem medium cùm annexo pondere obliquè trahunt omnes, & eadem sensibilibiter inclinatione, harum contractioni plus virium adhibendum esse ad eundem affectum præstandum, quàm si directè traherent ac tendini suo parallelæ, & quidem tantò plus, quantò fibra quælibet obliqua *ba* longior est suâ sublimitate *bc*: 2. In radiosio, qui ex pluribus penniformibus similibus componuntur, augmentum illud virium ex obliquitate geminata, tendinum sc. ipsorum, & fibrarum, tendines trahentium, efflagitatum æstimari per rationem compositam, ex ratione fibræ unius *fg* ad suam sublimitatem *fb*, (Fig. 3.) & ex ratione tendinis unius *ED* ad suam sublimitatem *DF*; supposito nimirum, & fibrarum eandem esse quam proximè in musculis partialibus obliquitatem, ac tendinum quoque pares sensibilibiter inclinationes. Hæc duo fundamenta sic illustrat & ad oculum demonstrat nostra machinula:

I. Inclinatoris ad invicem eò viciniae machinulæ nostræ brachiis, ut supremæ rotulæ *d* & *d* (Fig. 4.) se proximè contingant, & utraque fila *e* & *d* directè sursum trahant, appendimus geminato filo medio pondus *r* 1. lib. protracto verò supra rotulas utrinque pondera inter se æqualia *s. s.*, utrumq; sc.  $\frac{1}{2}$  lb. ut simul æqualia sint sustinendo medio; videmusq; hoc ipsum medium *r*. ab illis extremis *s. s.* hac directâ tractione in æquilibrium omnimodum reduci.

Mox II.

Mox II. diducimus brachia machinulae  $a d$  &  $a d$  (Fig. 5.) videmusque ad oculum, pondus medium tantò magis prævalere ac descendere, alteris è contrà elevatis, quantò evadit obliquior tractio filorum  $d e$ , & consequenter utrique ponderi  $s$ . addendum quid esse, si prius obtinere momentum, & medium pondus ad pristinum situm reducere debeant. Quod equidem additamentum eam habere rationem, quam BORELLI Mathematicæ deductiones exposcunt, ut ad oculum mechanicè ostenderemus, levantes digito pondus  $r$ ; donec cum lateralibus  $s, s$  situm æquilibrium haberet, his ipsis adjecimus unciam unam & mox alteram, eoque facto vidimus æquilibrium quàmproximè servari. Observato igitur decenter angulo quem fila  $d e$  cum directione perpendiculari  $g f$  faciebant, transversimque applicatâ regulâ  $d d$ , notavimus sublimitatem  $g f$  prope verum ad longitudinem fili  $g d$  esse ut 8 ad 9: Eandem verò rationem cum deprehenderemus inter pondera æquilibrata,  $r$  np. 1. lb. sive 32. unc. & duo  $s s$  cum additamentis 1. lb. 4. unc. f. 36. unc; in primo hoc casu Borelliani asserti veritatem ipsis oculis lustravimus.

III. Similiter ex 4. filis obliquis & parallelis  $d e$  &  $g e$  (Fig. 6.) totidem suspendimus ponduscula,  $s, s, s, s$ , singula  $\frac{1}{4}$  lb, quæ medium filum  $e h$ , & pondus ex ipso pendulum  $r$  1. lb. suspenderent: Vidimus hoc directè trahens illis quatuor oblique trahentibus (quibus aliàs æquibre foret, si & ipsa directè traherent) notabiliter prævalere. Ut igitur augmentum obliquis addendum ex BORELLI præscripto indagaremus, digito sustulimus pondus medium ad æquilibrium desideratum, & observavimus angulum  $d e f$  grad. circiter 40. qui ex Tab. Sin. si  $d e$  ponatur 100, dat pro  $e f$ . circiter 76: ut  $d e$  esset ad  $e f$  sicut 100 ad 76. sive ut 50 ad 38. Postea æquilibrium, attollente digito hætenus obtentum, additamento ponderis procuravimus, quod requirebatur 10. circiter unciarum; ut potentia  $s. s. s. s.$  cum hoc suo augmento ad pondus  $r$  essent. quàm-



quàmproximè ut 42 ad 32. ; quæ cum illa priore 50 ad 38 quàm proximè eadem est.

IV. Tandem ex binis filis *eg* (Fig.7.) in 4. alia *de* ramescentibus, & his annexis pondusculis *s. s. s. s.* suspendimus idem pondus *r* & hoc magis nunc quàm in casibus prioribus descendere notavimus, facilè hinc judicantes, in hoc casu majorem etiam accessionem pondusculis *s* deberi, ut pondus *r* in situ æquilibri sustinerent. Testabatur autem experientia, non potuisse obtineri hoc æquilibrium, nisi additis 18 unciis (sive adderentur uni soli ex pondusculis, sive distributivè  $4\frac{1}{4}$  unciae singulis) ut potentiae *s. s. s. s.* simul sumptæ unà cùm his suis augmentis, ad pondus *r* se haberent ut 50 ad 32. Facturi igitur periculum, an hoc congruenter asserto Borelliano contingat, observavimus angulum *ege* graduum circiter 60, & angulum *ded* quàmproximè 90. Cùm igitur sublimitas *hg* sit sinus complementi dimidii illius *egh*, & *ef* sinus complementi dimidii anguli hujus *def*, posito *eg* vel *ed* pro radio, 100, *gh* ex Tabb. facilè habebatur 86, & *ef* 70. quàmproximè; ut ratio *eg* ad *gh* esset, ut 100 ad 86, & ratio *ed* ad *ef* ut 100 ad 70, sive ut 86 ad 60 & paulò amplius, adeoque ratio ex 100 ad 86 & 86 ad 60 &c. composita se haberet ut 100 ad 60, sive 50 ad 30 & paulò amplius; quæ parum differebat à superiore, 50 ad 32, & Borellianum assertum satis confirmabat pro instituto præsentì.

Neque verò dissimulandum est, VIR AESTUMATISSIME, neque satis temporis hac vice nobis suppetiisse, neque pondusculorum genera necessaria &c. ad manûs ita fuisse, ut plura hujus rei experimenta capere, aut enumerata, rigoro-  
siori curâ & examine instituere licuisset. Non desperamus tamen, iis, quos hæc talia delectant viam nos commonstrâsse planam & facilem, quâ pervenire possint ad intellectum eorum fundamentorum, quibus hæc quarta Indago nititur

Cap. XIII & XIV. operosiùs expositis, quibusque intellectis, applicatio Cap. XV. facta nihil habere ampliùs obscuritatis potest. Hæc enim huc tendit unicè, ut vires musculorum Indagine superiore tertiâ determinatæ nunc limitentur porrò, & ex principio novo hætenus exposito tantillum augeantur.

Nimirum 1. cùm portio musculi KO (Fig. 4. Epist. II.) adhiberet vires extimo digiti articulo dirigendo plusquam 76 librarum, siquidem ejus fibræ rectæ essent ac tendini parallelæ; nunc, ubi obliquas illas ad tendinem, inclinatione 14 graduum ad summum, observatio testatur, (quo casu sublimitas bc (Fig. 2.) ad longitudinem fibræ ba est ut 97 ad 100) erunt, ut 97 ad 100 sic vires illæ 76 librarum tractionis rectæ ad vires obliquæ tractionis 78 lb. Similiter 2. Musculus KN, si rectâ traheret, adhiberet vires 152 lb, prout in Epist. II. indago tertia docuit. Nunc autem, quia ejus fibræ trahunt obliquè sub angulo 14 gr. erunt ut 97 ad 100, sic 152 ad 157 quàmproximè. 3. Portio prioris musculi KM unâ cum lumbricalibus rectâ trahendo vires impenderet 190 libr. & sine lumbricalibus partem saltem dim. 95 (alterâ medietate lumbricalibus relictâ.) Nunc autem, propter fibrarum obliquitatem, erunt ut 97 ad 100, ita vires rectæ portionis KM 95 ad obliquas 98. Totus igitur musculus KO vires adhibet (ex duabus portionibus 78 & 98 compositas) libr. 176. 4. Musculi KL carpiflexoris inventæ sunt vires 240 lb. Jam verò quia fibræ ejus obliquæ sunt (est enim & hic penniformis) sub angulo pariter 14 gr. circiter; ut 97 ad 100, sic erunt 240 ad 247 libr. vires accuratiùs determinatas. 5. Musculorum cubitum flectentium PK vires ex hypothefi fibrarum tendini parallelarum deprehensæ fuerunt lb 552. Nunc autem, ob exiguam fibrarum inclinationem, parum augenda est eorum vis motiva, ut minimùm adæquent 558 lb. 6. Deniq; musculus Deltoides IP, si parallelas haberet tendini fibras, impenderet brachio toto exporrigendo, & u-



nācum appenso pondere sustinendo, 780 lb. vires. Jam verò hic radiosus est, ex pluribus penniformibus compositus, quorum fibræ vix ultra 8 gr. inclinatæ sunt, cū tendinum inclinationes gradûs 30 non superent: Illa dat rationem sublimitatis ad longitudinem fibræ, ut 99 ad 100; hæc rationem sublimitatis ad longitudinem tendinis ut 87 ad 100, h. e. 86 ad 99. Ergo ratio composita ex his duabus, nempe 86 ad 100, dabit rationem virium antè inventarum 780 ad auctiores nunc & correctas 907.

Sic igitur limitatiùs correctiusq; computatæ vires omnium muscutorum, ad brachium dirigendum & pondus  $9\frac{1}{2}$  lb. ab extremitate digitorum suspendendum, in summam ita colligendæ veniunt:

Portio musculi KO una adhibet vires plusquam	-	78 lb.
Altera portio KM plusquam	-	98
Lumbricales	-	95
Musculus KN	-	157
Carpi flexor KL	-	247
Cubiti flexores PK	-	558
Deltoidis humerum flectens	-	907

---

Summa virium æquivalentium libris	-	2140
Quam Indago tertia sub finem Epist. II. dederat tantum		1990.

Cæterum, cū facilè videret BORELLUS vastam illam Deltoidis-musculi molem in attollendo brachio cum parvo  $9\frac{1}{2}$  librarū pondere (debilioribus sc. digitorum flexoribus proportionato) non omnes suas adhibuisse vires; ut hæc totales erueret, experimento novo, quantum ageret solitarius Deltoidis ingeniosè scrutatus est, suspendendo sc. ab extremitate humeri B (Fig. 8.)

B (Fig. 8.) pondus maximum, quod ex porrecto humero A B sustineri à Deltoide poterat, idque majus 55 libris deprehendendo. Et cum notasset longitudinem vectis A B ad distantiam directionis musculi C D à centro A esse ut 14 ad 1, facile erat concludere ex indagine prima, si tendo musculi C D traheretur liberè sub illa directione (h.e. non fixus altero termino C) requiri potentiam trahentem, quæ ad pondus 55 lb. se haberet ut 14 ad 1, sive ad quam idem pondus reciprocè se haberet ut 1 ad 14. h.e. æquivalentem 770 libris. Enimverò cum musculus Deltois non in D solum sed altero extremo in C quoque fixus trahat, ex indagine secunda inferre promptum erat, ipsum adhibere debere vires geminatas h.e. 1540 libris æquivalentes, & has fore vires ejus totales, si fibræ musculi hujus rectà secundum directionem C D essent extensæ. Nunc autem, quando certum est ipsum esse radiosum, ex pluribus penniformibus compositum (uti STENONIUS curiosè investigavit) ita quidem ut fibrarum inclinatio in quovis penniformi sit 8, circiter graduum, & intermediæ tendinum inclinationes ad summum 30 gr. ex præsentì quarta indagine concludendum erat, rationem fibrarum ad suas sulimitates esse quamproximè ut 100 ad 99, & tendinum longitudinem ad suas sublimitates ut 100 ad 87 sive 99 ad 86, secundum rationem ex utraque compositam 100 ad 86, concludendum esset, sic esse vires Deltoidis ex hypothesi tractionis directæ inventas 1540 ad vires totales veras & obliquè trahentes 1790 librum.

Habes igitur, Fautor Honorande, BORELLI quartam etiam indagine machinulæ nostræ tentaminibus ocularibus illustratam; neque superest hac vice quidquam, quàm ut hoc etiam, si possim, TIBI persuadeam: Uti muscularium fibrarum vires per has indagines gradatim auctiores majoresque eliciuntur, sic indies augescere meum inserviendi



TIBI studium, ac tantò magis quò frequentior mihi obviat  
ejus demonstrandi occasio. Vale &, quòd facis, amare me  
perge, futurum indefinenter

NOBILISSIMÆ TUÆ  
EXCELLENTIÆ

Dabam Altorfi postridie Kal.  
Febr. clō DC XXCVI.

toto pectore deditissimum

Joh. Christoph. Sturmium P.P.

DE SPECIERUM  
ERECTIONE

*in*

# CAMERA OPTICA

DISSERTATIO EPISTOLICA

LUDOVICI LAURENTII

PHILOSOPHI, ET MEDICI

BONONIENSIS.

*Cui nonnulla obiter de Visione annectuntur.*

Communicata à Clar.

D. ANTONIO MEGLIABECHIO.

---

ANNO M DC LXXXVI.



DEPT. OF THE INTERIOR

# CALIFORNIA OFFICE

LAND OFFICE  
SAN FRANCISCO, CALIF.

RECEIVED

DEPT. OF THE INTERIOR

NOV 12 1894



CLARISSIMO P. JOSEPH  
FERRONIO

E SOCIETATE JESU

In Collegio Bononiensi Matheseos Professori.

LUDOVICUS LAURENTIUS. G.

**V**isum, Reverende Pater, Nobilissimum esse inter alios Corporis sensus latissimè patet, si cum Galeno, aliisque Anatomicis totam Capitis Harmoniam in gratiam Oculorum constructam esse perpendamus: immo ipsum *ἐνέφαλον* Animalium operationum Principem, & Viscus tam nobile, Oculorum causâ in Capite reponi fateamur, Porro si præstantia, & nobilitas istius Sensus est tanta, ut teneam cum Seneca Tragico asserere. *Visu carenti magna pars Veri latet*; velcum Plauto: *Qui audiunt audita dicunt, qui vident planè sciunt*. Quæcunque possunt aliquam huic sensui præstare utilitatem, non pauci sunt facienda. Et cum fuerim expertus inter alias labyrinthi Studii anatomici difficultates non infimum obtinere locum Quæstionem de Speciebus, quæ in Oculum introducuntur, quatenus nimirum, an ipsæ in fundo Retinæ pingantur inversæ, ac pinguntur in Camera Optica, an repræsententur sicut apparent. Hoc Theorema exagitatum in Philosophorum Scholis, discussum in Medicorum, Dioptricorumque Palæstris, & hinc inde rationes, & experimenta à Viris Præclarissimis adducta ancipitem me reddiderunt. Pro dirimenda hac lite te conveni, Vir Doctissime: Et tui Nominis Fama me non fefellit; siquidem Te non tantum in hac Scientia, verumetiam, & in quacunque alia Facultate.



cultate peritissimum deprehendi. Noster autem sermo duas potissimum offendit difficultates. Alteram de modo, quo Species terminatae in Camera Optica inversae erigi possint. Alteram, an similiter operetur Natura intra bulbum ocularem. Hanc unanimiter enodavimus asserendo Objecta externa pingi inversa in Retina, adeoque à nobis erecta videri. Et quæ externè sunt inversa, erecta in eadem repræsentari, adeoque inversa nobis apparere: hocque esse Theorema commune, apud Opticos, Anatomicos, ac Philosophos nemini dubium est. Mihi tamen occurrit suspicio, an in omni distantia Objectorum, ipsa semper inversa in Retina pingantur, sed juxta varias distantias, nunc inversa, nunc erecta in Retina repræsententur. Et hujusce Rei conjectura deducitur ex unica convexa lente ab Oculo proportionabiliter distanti diversoq; in loco ostendente modò Objectum inversum, modò erectum, Cæterùm hoc cogitatum sit dubitativè prolatum, & tantùm verisimilem difficultatem contra communem Sententiam tetigisse mihi sufficiat; nam alii fortè in suis de Oculo observationibus rem hanc exponent. Primam postea difficultatem elucidavit Tua Paternitas, benignè communicando in Camera Optica Specierum per Prisma erectionem à nullo usque adhuc publici Juris factam, nullaque ratione excogitatam, sed, ut refers, à nonnullis tuis Amicis Eruditissimis fortuitò adinventam. Quamobrem lepidè admodum testatus est Cartesius Dioptricam non sine aliquo Scientiarum nostrarum opprobrio à vagis experimentis inopinatò fuisse repertam. Hinc opportunum duxi, ne in Oblivionem hoc caderet inventum, Typis ipsum mandare, & hac occasione, alios modos Species erigendi à me compertos omnibus hujus Scientiæ Amatoribus palam facere, nec non aliquid circa istos physico-mathematicè ratiocinari, quæ omnia complectens omni possibili brevitate, nunc tuo Examini, qui harum rerum meditullium tangis, castiganda submitto; ut, si quid in hac rescriptum sit, quod in Mathematicos ja-

seos jacturam vergere queat, condemnes errorem, si autem non, Veritatis traditionem, ut tuearis instanter rogo, ne timeat judicium præsentis, nec posterioris Ævi subire.

Vulgare, & tritum est posse per foramen factum in Valva alicujus Camerae, & Vitro convexo objectivo armatum introduci in eandem Cameram obscuram Objecta externa, seu Species Objectorum externorum, & terminari in distantia Foci, seu concursus radiorum ipsius Lentis ab alba Papyro, vel quovis alio corpore albo, in quo Objecta externa apparent ita ad vivum propriis coloribus expressa, ut Sol Apollo, Parastasis Pictor, vel ipsum Apellem superet. Sed inversa Pictura, minuit Parastasis pulchritudinem, cum sit Oculo ingratissimum Homines per Viam deambulantes, Domosque, ac alia Objecta inversa videre. Ut autem huic rei aliqua posset afferri medela Dioptrici multi multa excogitarunt, & impresserunt, sed tamen non ita felici exitu Praxis, sicut forsân Theorematis.

Multos igitur extare modos apud eosdem Dioptricæ Professores, quibus inversarum Specierum fit erectio, est jam indubitatum: Unde ut melius inter istos, & recens inventum à tua Paternitate mihi communicatum, & inter alia à me reperta, innotescat discrimen, studio, & arte illos laconicè prius enarrare, præmittere, ac examinare decrevi.

1. Eriguntur Species duobus Vitris ambo convexis, & cum debita distantia in Tubo dispositis, & foramini Valvæ applicitis. Sed iste modus deficit in Claritate, & in Campo.

2. Directæ fiunt, quando invertuntur extra foramen, si fieri potest, ut si quis Statuam aliquam, vel aliquod aliud Objectum delineare vellet in Camera Optica ipsum extra invertat & erectum in Camera apparebit. Sed iste modus respicit tantum aliqua particularia Objecta, & ad universalia non extenditur.

3. Si accipiatur Speculum planum & ita disponatur, ut maneat in Angulo semirecto Horizonti apud foramen Valvæ



absque Lente, tunc à Speculo sursum reverberatæ Species apparebunt erectæ in fornice vel tecto Cameræ obscuræ : sed reflexio à Speculo producta exiit propriis vivacibus coloribus Species, nec distinctæ apparent, & earundem Visio aspicienti est incommoda.

4. In Problemate quodam Typis edito à Patre Georgio Beem, talis modus erigendi Species reperitur. *Si per occlusarum fenestra Valvarum foramen, vel liberum, vel convexo vitromunitum Species Objecti in obscurum Cubiculum intrantes in debita distantia Speculo plano excipiantur, & Speculum eo Loci ita moveatur, vel tuus Oculus ita collocetur, ut in Speculo foramen Valvæ, quod dicitur foramen Opticum, & post hoc Videns Objectum, apparet Objectum illud in speculo plano visum, sit u recto non inverso, ut in Carta contingit.* Sed in Praxi modus iste non arridet, etenim, est perdifficile invenire illud determinatum punctum Oculi, à quo appareat in Speculo foramen illud Valvæ ab Authore vocatum foramen Opticum. Quapropter nec aliis, nec mihi licuit ipsum comperire.

5. Pater Ægidius Cottignies Societatis Jesu eximius Mathematicus extrahit à primo Tubo Telescopii quadrilenti, Tubum interiorem continentem duas Lentes convexas oculares, & hunc Tubulum aptans Oculo aspicit Species in versas erectas, etiam aliqua delectatione ipsas eminens ostendendi : sed hic modus propter parvitatem Lentium ocularium minimum detigit Campum, & obscurat Objectum.

6. Si extra Cubiculum paulò infrà foramen ponas Speculum, aut Pelvim aquâ plenam ; tunc si Species rerum in Speculum incidentes reperiuntur, & subintrent Foramen exhibebunt rerum Imagines erectas : sed cum Inventores istius modi non explicant, qualis debeat esse Speculi positio ; nam Speculum quolibet modo collocatum non potest rerum simulacra erigere. Si enim respectu foraminis Valvæ ex parte exteriori ejusdem collocetur horizontaliter, etiam si Speculum repræ-

repræsentet Objecta inversa, nunquam possunt præberi in Camera. Si collocetur perpendiculariter demonstrabit Objecta erecta non externa, sed interna, nimirum illa quæ per foramen Valvæ, si repræsentari possunt, in Camera reperiuntur, quod non est nostrum intentum. Si ad Angulum semirectum, non tota moles extensio, ac magnitudo Objectorum externorum, quæ habent respicere partem anteriorem Speculi, sed tantum cacumina, & Extremitates eorundem Objectorum, experientiâ docente, in Speculo inversa ostenduntur.

Igitur quum non sit ita facile prædicta parare, ac etiam benè disposita medietatem tantum Objectorum demonstrant, & semper obscuritatem Specierum producant. Hinc est quod hic modus pro Specierum Ereptione, sit cæteris minus idoneus.

7. Alii utuntur Speculo Cavo-sphærico ex Metallo constructo, ipsum in tali distantia collocando, ut imago inversa cadat intra concavam Speculi superficiem, & ejus focum, qui erit ad quartam Diametri partem, & Species eriguntur longè à puncto, in quo fit radiorum Concurfus à Speculo. Modus explicatu difficilis in figura, & difficilior in Praxi. Si verò aliquis in hac re uberius desideraret alimentum, consulat P. Franciscum Claudium Millies de Chales in sua Dioptrica.

8. Si daretur Vitrum lenticulare hyperboliforme habens scilicet figuram Sphæricam ex uno latere, & ex opposito hyperbolicam: Vitrum hoc ex se solo foramini fenestræ applicito, erigeret Species, ut constat in Apiariis Patris Marii Bettini. Sed cum hætenus non innotuerit modus dandi Vitro Structuram conicam, de qua, Deo dante, alibi: Etenim dum laborantur in Clypeis, vel Patinis conicis contrahunt figuram sphæricam; Proinde est, quòd iste modus nondum sit natus Praxi, sed solum vagetur per Ideas Dioptricæ speculativas.

9. Alii revocant ad Praxim Capsulam Parastaticam, intra quam est Speculum planum, positum ad Angulum semirectum,



ctum, quare Species introductæ intra Capsulam per foramen lenticulari Crystallo armatum, reflectuntur à Speculo in Laminam vitream horizontaliter positam, & habentem superficiem exteriorem rudem; sicque ipsas terminando erigit. Et hic modus est pulchrior, jam assignatis. Et si istud Instrumentum esset magis in promptu, & parabile in erigendis Speciebus forsân nulli esset secundum. Collocatur Instrumentum hoc in Camera, seu alio loco obscuro, vel saltem ubi non adsit Sol, & optatum finem præstat.

Interim volo duos Camerae Parastaticæ usûs insinuare. Primus est, quòd Tubus, ubi detinetur Lens, sit satis crassus, longus, & trusâtilis. Crassus, ne angustia Tubi debitam impediât Specierum propagationem. Longus, etenim dum cernitur aliquod Objectum, quod sit maximè proximum, ut F. G. si vellemus Objectum aliquod in Cubiculo aspicere, in hoc casu, debet multùm extrahi extra Lentis focum; Et hoc pacto lucidiora, ac multò plùs majora conspiciuntur Objecta. E contra verò quando volumus cernere Objecta longè sita, Tubus debet reponi ad proprium Lentis focum. Trusâtilis, propter beneficium extractionis, & intrusionis.

Alter istius Instrumenti est Usus, & cum utilitate à me ex-cogitatus, & feliciter revocatus ad praxim. Apponitur Tubus Instrumenti foramini Valvæ Camerae obscuræ, & sic meliùs apparent Species introductæ, & magis suis naturalibus coloribus donatæ cum maxima Intuentium admiratione. Quare in gratiam Pictorum, Opticorumque insinuo hoc Instrumentum ipsis esse aprimè utile, ac necessarium. Ut igitur ipsis inserviat debet taliter parari. Supra Laminam vitream non ampliùs ex una parte rudem, sed ex utraque parte diaphanam, ac pellucidam extenditur Papyrus alba subtilior, in qua apparebunt Objecta externa ita naturaliter, ut quisque etiam delineamenti prorsus ignarus, meliùs, ac faciliùs, quàm Parallelogrammo Patris Scheiner, quælibet externa Objecta delineare possit.

possit exactius, ac citius, quam faceret in Arte Picturæ Peritissimus Magister. Unde Icones Ædificiorum Romanorum, Fontium, Prospectuum, Arcium &c. ære incisarum, quæ tam miro artificio factæ, communiter venduntur in Officinis, facili-ter tali Instrumento possumus imitari, & æmulari.

10. Eriguntur, ait Sanctorius in Comm. supra Fen pri-  
mam Avicennæ. Quæst. 123. *Si inter Cartam, & Crystallum  
convexum ponatur vitrum excavatum, in quo Aqua sit inclu-  
sa, Imagines in Carta, erecto, & non inverso situ recipiuntur.*  
Sed modus iste ob multiplices refractiones valdè minuit splen-  
dorem, & claritatem Idolorum.


11. Sed verior, qui usque adhuc sit repertus modus Spe-  
cies erigendi est per Prisma, scilicet per Vitrum ex Crystallo  
artificiali, sive naturali constructum, obtinetque tria latera  
æqualia. Etenim non solum, ut postea ego observavi, easdem  
erigit ostendendo totum Campum apparentem supra Papy-  
rum, verum & notabiliter augendo. Itaque tam nobile in-  
ventum, & propter Specierum Erectionem, ac earundem Aug-  
mentum in iisdem erigendis inter cæteros modos primas ob-  
tinere debet.

In Praxi Modus talis est. Accipiatur Prisma N V P Q,  
quod taliter Oculis applicari debet, ut ejus superficies plana  
N P Q R, tota adæquetur supra Nasum; ita ut Acies Vitri P Q,  
fecet principium, seu radicem Nasi. Oculi postea extollan-  
tur aspiciendo in superius Vitri planum V P Q S. Et hoc pa-  
cto cernentur Species erectæ unico obtutu super subjectum,  
quod ipsas recipit (nec coloratæ apparebunt colore Iridis,  
Phasma proprium istius Vitri; unde propterea vocatur Stul-  
torum Paradisus) sed aspicientur propriis, ac nativis coloribus  
pictæ, & ut dixi, etiam auctæ, suppositâ tamen Lente objecti-  
vâ in foramine Valvæ. Nec hoc admirationem parere debet;  
etenim est proprietas Prismatis, ut supra appliciti, Objecta ere-  
cta ostendere inversa, consequenter rarum est Objecta in-  
versa.



verſa præbere erecta, & ita debet erigere Species paraſtaticas  
inverſas.

Quod juxta Dioptricæ Regulas breviter sic explicari potest. Sit  $ABC$ , Imago parastatica inversa supra Cartam albam  $XZ$ , in Camera obscura. Extremitas  $A$ , Specie intentionalis fertur per rectam lineam  $AG$ , in Prisma, cui perpendiculariter incidit, & quoniam Triangulum  $EFD$ , est Æquilaterum, ideo Angulus  $D$ , est graduum 60. Et Angulus  $O$ , est rectus,



permanente DE, in situ perpendiculari Horizonti. Et quia  
radius perpendicularis non patitur refractionem; ideo radius  
AD, penetrabit Vitrum proveniendo in G, absque refractione.  
Et per 32. Libri primi Euclidis erit Angulus AGD, gra-  
dum 30. Et quia Angulo Incidentiæ AGD, est æqualis, ut  
sciunt

sciunt Catoptrici, Angulus Reflexionis KGF, idcirco & ipse erit graduum 30. Et quoniam Angulus Æquilateri D F E, est graduum 60. sequitur per 32. primi Euclidis, quod Angulus G T F, erit graduum 90. Angulus rectus, quare Radius reflexus G T, egreditur perpendiculariter à Vitro, Igitur non patitur refractionem nec coloratur, cum sint colores apparentes producti à sola Luminis modificatione, facta à refractione. Igitur Punctum A, Paraſtaſis transmittit suam Speciem intentionalem per radium rectum A G, reflexum G K, in punctum K, & ipsam ibi erigit existentibus in K, Sagittæ pinnulis in situ opposito Cuspidi A. Eadem demonstratione probabitur Cuspideſtam C, in Paraſtaſi inverſam, exhiberi in M, erectam.

Hic suppono ex Anatomicorum Experimentis (quicquid sit universaliter, ut supra dubitatum est) illa Objecta à nobis visa erecta pingi inverſa in Retina; adeoque à nobis erecta videri. Producitur itaque in Vitro Imago K L M, similis illi, quæ producitur in Teſcopiis bilentibus in concursu Focorum duarum Lentium, idcirco à Dioptriciſ vocatur Vicaria Objecti. Hæc Imago Vicaria K L M, est illa, quæ (licet non videatur in Vitro depicta, quia à Prisma Diaphano non terminatur) transmittit suas Species intra Oculum. Et quoniam ipsa est erecta, pingitur in fundo Retinæ inverſa. Et juxta suppositionem præmissam videmus Imaginem Vicariam K L M, erectam: & in ipsa, quæ est Vicaria sui Objecti, videmus Objectum A B C, non amplius inverſum, sed erectum.

Duo in Praxi pro Speciebus cum Prisma erigendis, ut animadvertas, Benigne Lector, rogo. Primum, quod est genericum, & extenditur ad alios modos Specierum erigendarum debet præcipuè pro hoc observari, nimirum, ut in Cubiculo, ubi paratur Paraſtaſis, debeat omnis intercludi aditus Luci, aliàs parum, aut nihil apparebit. Secundum, quod est proprium ipsius Prismatis, est magnitudo, & pelluciditas ejusdem.



dem. Etenim quò majus, & pellucidius, eò magis in talem conducet effectum.

Hæc sunt, quæ circa inventum à Paternitate tua mihi communicatum physico - mathematicè licuit speculari.

Haftenus secundum aliorum Sententiam, & Experimenta prosequutus sum Specierum Erectionem artificio aliquo: hinc oritur ansa quærendi, an tantum unica Lente, vel etiam absque Lente in obscurò Cubiculo Simulacra Objectorum erigere possimus.

Ad primum respondeo secundum illa, quæ in hac re observavi me agnoscere Specierum erectionem accipiendo cartam albam, vel quodlibet aliud Objectum album, quod collocetur in debita distantia Foci Lentis foramini appositæ, ut Radiorum reflexorum Conus supra Cartam recipiatur. Papyrus, ut moris est, non teneatur perpendicularis Horizonti, sed flectatur quasi ad Angulum semirectum, & diametraliter opponatur illi Objecto, quod representari debet supra ipsam, alias contortum apparebit, tunc Aspiciens post hanc videbit Imagines introductas erectas nec colore, nec claritate diminutas.

Et quamvis Representatio Camerae Parastaticæ sit pulchra, hæc verò est pulchrior, & nulli postponenda, eò quia Simulacra lucidiora atque distinctiora supra subjectum refulgent. Finis quàm maximè à Dioptrici optatus, sive ratione majoris luciditatis, sive ratione erectionis, sive ratione minoris numeri Instrumentorum ad hunc finem necessariorum; etenim ultra subjectum album, & Lentem convexam nil aliud requiritur. Ratio majoris luciditatis in promptu est; quia radii transeuntes solum per Lentem patiuntur unicam refractionem, non verò multiplicem, ut in Capsula Parastatica, ac aliis modis contingit. Quò minus enim radii refranguntur, eò magis Objecta lucidiora cernuntur: Et si Papyrus firmabitur aliquo in subjecto, ut supra ipsam delineari, ac pingi possint Objecta,

Objecta, naturalissimè, ac vivacissimè ab Artis Pictoriæ Imperito, propriis etiam coloribus ad actum supra Cartam, Duce Naturâ, reducentur.

Secundo eriguntur si accipatur Speculum convexo-concavum ex metallo constructum, & in debita distantia à Lente collocatum, tunc si Speculum horizontaliter ad foramen Valvæ teneatur, sive ex parte concava, sive ex convexa, melius tamen ex concava, Species erectæ Aspicienti apparebunt. Similiter Speculum collocari potest ad Angulum semirectum, & Imagines etiam eriguntur.

Possunt itidem erigi Species, si casu, vel arte aliqua, subter parietem, in quo sit foramen Opticum, flumen, vel aqua reperiat. Quod testatus est etiam Sanctorius Loc. al. dum ait. *Si Species visibiles, antequam perveniant ad Lentem vitream, transeant per Aquam, in Lente eriguntur, & ad cartam veniunt erecto, & non everso situ, sicut observatur Domi nostra, cujus parieti Aqua fluminis adjacet, dum per Lentem vitream foramini appositam inspicimus Objecta, quæ sunt trans Aquam, illa erecto, & non inverso situ apparent.*

Ad secundum Postulatum dico me interdum observasse in Camera Optica per foramen Valvæ Lente non munitum aliquorum Objectorum erectionem, & aliorum inversionem. In pariete foramini opposito inversionem illorum Objectorum vidi, quæ è longinquo erant, & per rectam lineam aspici poterant per foramen. In pariete verò laterali sinistro, non multum distante à foramine; Erectionem illorum Objectorum aspexi, quæ sub pariete erant, nec per foramen videri poterant. Quare & ex præfata Sanctorii Observatione, & ex mea deduco Objecta erecta repræsentari, si refractionem prope parietem patiantur. Ex quibus colligo hoc Theorema universale. Si prope parietem, ubi est foramen Opticum, fiat Specierum Objectivarum refractione, debeat necessariò, & earundem fieri erectio.



An autem Objecta, quæ à me visâ fuere in pariete laterali sinistro erecta absque Lente, possint erecto situ cum Lente observari, non mihi licuit addiscere. Siquidem hæc animadverti in Cubiculo cujusdam mei Amici, qui cum aliam duxisset Domum, non potui amplius procedere in observatione. Ex quibus omnibus relinquitur locus Cæteris alios modos Specierum erigendarum speculandi.

Ultimo addo, & sic Corollarium, ad extractionem duarum Lentium ocularium in Tubo quadrilenti, quæ est inventio, utpalam feci, P. Cottignies, non debere Lentes illas esse laboratas in eadem Patina, sed in diversis, quatenus nimirum ocularis sit satis minoris Diametri, quàm Objectiva. Unde suadeo, quòd arte, & studio fiat Telescopium prædictis Lentibus constructum ope cujus habebitur Specierum erectio, Augmentum, & Major Campus, quàm duabus Lentibus univocis, quæ, etiamsi erigant, non ita tamen augment, nec ita magnum, Campum faciunt.

Hæc sunt, quæ extra medicam facultatem otii tempore, & mihi facere periculum, & speculari licuit, quibus finem impono, ne id mihi, quod olim Protogeni, detur convicio.

Dabam Bononiæ VII. Kalendas Augusti Anno  
M DC LXXXV.

Illustris. & Excellent. D. D. Jo. Hieronymus Sbaralea Medicus Phisicus S. Offic. videat pro eodem S. Off. & referat.

*F. P. H. Inqu. Bonon.*

Pro Reverendis. Patre Inquisitore Bononiæ Vidit Jo. Hieronymus Sbaralea, & admitti posse censuit.

Vid. D. Fulgentius Orighettus Clericus Regularis Pœnitentiarius pro Illustris. & Reverendis. D. D. Josepho Musotto Vic. Capitulari.

*Imprimatur.*

Fr. Angelus Gulielmus Molus Vicarius Generalis S. Officii  
Bononiæ. \* PLANE-

# PLANETOLABIUM

Diu desideratum, à plurimis tentatum, à  
nemine perfectum, nunc tandem  
inventum

<sup>A</sup>  
LOTHARIO ZUMBACH

dicto KOESFELDT,

Familiæ Uranogæ Euclide.

AD ASTROPHILUM.

**A**rtis myſteria doctus judicet. Quam operoſa ſit proble-  
matum primi mobilis per calculum reſolutio artis  
iſtius gnari non modo teſtantur, ſed & Aſtronomiæ  
plerique cultores huiusce moleſtiam prorsus abomi-  
nantur; Quam verò facilis & jucunda ſit iſtiusmodi mecha-  
nica per globum aut planiſphærium inquiſitio, uſus ejus adeo  
frequens & tritus abundè probat, globus enim aut planiſphæ-  
rium meta paſſim eſſe ſolet eorum ſaltem Aſtronomorum qui  
Trigonometriæ & reliqui calculi rædium abhorrent, quorum  
ſi attentius perlutres ingens eſt numerus; At ſi operationis  
huius acriphiam inquiras aut nullam aut à calculo prorsus  
degenerem invenies, dicamné globi aut planiſphærii uſum  
nedum ad aliquot ſæcula ſine enormi errore extendi poſſe.

Protinus in Aſtronomiæ momenta & dignitates ſi inqui-  
ramus, offert ſeſe motuum planetarium Calculus, ſed quam  
pauci huius nobilis & abditæ artis atrium; pertranſeunt ne di-  
cam penetralia penitus ſubeunt, dum hic obſtant calculi mo-  
leſtiæ & rædia quamplurima illic multifaria in computatione  
reflexio, iſthic moræ in calculo diuturnitas, & plurima alia  
quæ animum impatientem & difficultates hæſce prorsus abhor-



rentem reddunt. Desiderandum igitur est & maximè optandum, ut quemadmodum primi Mobilis per compendiosum globi cœlestis & planisphærii usum tolluntur, ita quoque spinæ & tribuli Theoricæ planetarum evitentur substituta & præmonstrata placidiori per Mechanicam via. Mihi haud exiguo temporis spatio in hâc parte sollicito obtigit tandem hunc Labyrinthum evitare, inventâ quadam machina non minus accuratè quam compendiosè absque omni calculo motus Planetarum tam apparentes in Longum & Latum, quam reales, Distantias eorum à Sole & Terra phases ☿♀♂ æque ac ☾, Eclipses Solis & Lunæ, aliaque quamplurima inde derivata pro multis post & retro sæculis in Systemate Coperniceo unico excentrico pro singulis planetis simplicissima certe hypothese representante, ita ut consimili acriphia cum calculo certet, quod ipsum in globis & planisphæriis adhuc desideratur, non dicam eorum valorem ne quidem uni sæculo satisfacere.

Machina motus ☿♀♂ representans figuram orbicularem refert duorum pedum in diametro, adest tamen & alterum partiale Systema orbitas ☿♀♂ tantum exhibens eo quod in universali systemate eorum orbis ob exilitatem nimiam Locis planetarum exactè representandis sint minus idoneæ: Cæterum multifaria ejus cum observationibus collatio acriphiam ejus sufficienter probat, compendiosum illius usum declarant problemata sequentia, præstantiam tu Astronomiæ peritus faciliè colliges.

Quamvis me non lateat plerosque non inferioris notæ Astronomos in genuini planetolabii inventionem multum defudasse, utpote Petrum Apianum, Franciscum Sarrosium, Joannem Schonerum, Joannem Ferneliū, Rheinholdum, Bonaventuram Cavalerium, at impari successu ob hypotheseos genuinæ defectum & operosum adhuc satis eorum usum profunda faciliè oblivione sepulta hucusque jacuerunt tantorum virorum conamina; habet enim planetolabium nostrum  
eximiam

eximiam sanè à prænominatorum planetolabiis differentiam, tum in inquisitionis compendio, cum in Locorum planetarum acripheia, maximè verò in rerum exhibendarum diversitate, quibus planetolabia reliqua carent. An verò compendiosius unquam Longitudo planetarum acquiri possit habitâ solâ (præter unius ex 6 planetis aphelii locum) Anomalia simplici heliocentrica (quæ non additione sed simplicissima, quadam numeratione obtinetur) nemo unquam nisi imperitus dubitabit, unum enim parallelogrammum debite applicatum mox planetæ longitudinem designabit.

Sed expendantur sequentia problemata quorum quidem explicatio si ventorum tantummodo rationem habuisssem multum contrahi potuisset, sed in tyronum gratiam paulo me in eorundem expositione prolixiorē esse necessum fuit.

#### PROBLEMA PRIMUM

*Quâ arte Anomalia simplex per numerationem  
inveniat, docet.*

**A** Signatis Sæculo, anno, mense, die & hora, proximè completis, quære in tabula competenti Epocham sæculi proximè antecederet completi, & pone in circulo proprio perpendiculum ad competentem signi gradum hujus Epochæ (omissis vel notatis seorsim tantisper minutis) Dein in Tabula competenti quære motum pro annis à sæculi initio completis (si annus ille præcisè ibidem reperiat, alias accipiantur motus pro anno proxime inferiori ibidem posito) Signa igitur & gradus pro annis completis, prioribus (id est ubi ultimo perpendiculum posuisti) juxta signorum & graduum ordinem adnumera incipiendo à signis, quod facile fiet si perpendiculum ad eundem gradum signi sequentis ponas & sic deinceps si plura signa numeranda sint, Signis igitur numeratis gradus quoque supernumera idque primo per decades (si plures sint) ponendo scilicet perpendiculum ad

Y 3 eundem



eundem gradum decadis sequentis & sic deinceps, hisce reliquos deinde gradus adnumera (minutis quoque uti antea de Epochâ dictum tantisper omissis vel seorsim notatis) ponens perpendicularum ad numerationis terminum. Tertio si ob defectum anni propositi proximè minorem eligere debuisti, quære deinceps in tabula eadem motus pro annis residuis ab anno proximè minori accepto, & hos motus in circulo competentis prioribus signis & gradibus ubi ultimo perpendicularum posuisti adnumera modo prorsus eodem quo ante dixi ponendo ad ultimum numeratis gradum perpendicularum. Quarto, simili modo excerpe pro mensibus, diebus, horis &c. proximè completis, motus competentes, atque (omissis vel seorsim notatis interea minutis) horum signa & gradus prioribus ubi perpendicularum ultimo posuisti adnumera ponens perpendicularum ad ultimum numerationis gradum. Demum minuta antea ommissa collige & in gradus redige tribuendo unicuique gradui 60. minuta (quod, arithmetices imperiti per decadam numerationem seu per Arithmeticam rusticam facillè absolvent) hosce tandem gradus & ultimo ipsa residua minuta prioribus appone ponendo ad terminum perpendicularum quod ostendet quotum signum, gradus, & minuta, ac si Logistice omnes prædictos motus in unam summam collegisses.

#### PROBLEMA SECUNDUM

*Loca Apheliorum, nodorum, & stellarum reperire ostendit.*

**P**RO sæculo, annis, mensibus &c. completis, erue ordinè ex tabula motus aphelii & stellarum competentes motus, atque ab Epochâ exordiando, sumptoque perpendicularo centri numera rite in extimo circulo qui Eclipticam refert juxta signorum & graduum ordinem motus prædictos, quemadmodum præcedenti problemate ostendi, & ad numerationis terminum ponatur perpendicularum centri, juxta quod deinde aphelium exactè dirigatur & obtinebis Locum aphelii & stellarum pro assignato anno.

PRO-

PROBLEMA TERTIUM

*Verum solis Locum reperire docet.*

**P**Ro assignato tempore, primo inveniatur Locus Aphelii per problema 2. Tunc assumpto perpendiculo ex centro æquantis Terræ propenso, Excerpe ex Tabula Anomaliæ simplicis solis Motus competentes & juxta problema 1. numera ritè motus illos in æquante Terræ, & posito perpendiculo ad terminum numerationis designabit in Orbita terræ Locum Terræ, ad hunc Terræ locum per intersectionem perpendiculi in orbita sua designatum ponatur perpendiculum centri & ostendet ipsum in Ecliptica verum locum Solis in gradibus & minutis.

PROBLEMA QUARTUM

*Verum Locum ☿ & ♀ in prpria orbita investigare.*

**A**D assignatum tempus inveniatur primo per probl. 2. & 3. Locus aphelii & solis; Deinde assumpto perpendiculo ex centro æquantis propositi planetæ propenso, quare & numera ritè per probl. 1, motus omnes competentes planetæ proposito, ad numerationis terminū perpendiculum positum designabit intersecando Orbitam planetæ locum. Tunc pone unum parallelogrammi latus ad Locum Terræ & planetæ in orbitis suis, immoto interea hoc parallelogrammi latere, alterum latus parallelogrammi dirigatur ad centrum planetolabii seu solis, ita tamen ut qua parte planeta à Sole vergit Latus parallelogrammi ad centrum solis applicati simul ad extimum Circulum seu Eclipticam pertingat; ibidem enim verum Locum planetæ in propria orbita designabit, simul & quibus cum stellis conjunctus appareat.

PROBLEMA QUINTUM

*Verum locum ☿ & ♀ ab Orbita ad Eclipticam reducere.*

**P**roblema hoc in ☿ non est necessariū sed in ♀ & ☿ plus requiritur. Cognito igitur præviè Loco planetæ in orbita



bita propria per probl. 4. Applica gnomonem exactè ad lineam inclinationis & simul ad Locum planetæ in sua orbita, & designabit gnomon Locum planetæ in Linea reductionis, tunc ad hunc Locum planetæ in Linea reductionis & ad terræ locum applicetur unum Latus parallelogrammi, alterum autem ad centrum planetolabii, quod ostendet in Ecliptica Locum planetæ ad Eclipticam reductum.

#### PROBLEMA SEXTUM.

*Veram Latitudinem planetæ reperire.*

**N**Otus sit primo verus Locus Terræ & planetæ tum in propriâ Orbita tum in Reductionis Linea. Sic cape circino bene acuminato distantiam Terræ à loco planetæ in linea reductionis, hanc distantiam transfer ex angulo inclinationis in Basin (cujus figura in altero parallelogrammi Latere expressa) ad cujus distantiae terminum promoveatur filum transversum parallelogrammi lateri perpendiculariter circumligatum. 2. Cape distantiam planetæ in sua orbita positi à linea inclinationis, hanc transfer ex angulo inclinationis in hypothenusam proprio planetæ caractere notatam & manente altero circini pede in hypothenusa fixo, reflecte pedem alterum ad basin & cape distantiam ejus perpendicularem à base, hanc distantiam (quæ vocatur sinus Latitudinis) transfer in filum transversum ex puncto quo basim perpendiculariter interfecat, & terminum in filo transverso nota, protenso enim ex centro inclinationis filo per terminum istum ad arcum latitudinum usque, ostendet in eo latitudinem planetæ geocentricam.

Hæc 6 problemata sufficiant pro nostri planetolabii fide, horum plurima quidem alia supersunt, sed cum in his prioribus tanquam basi fundentur in eorum descriptione superfedere consultum magis fore duxi quo usque ipsum et planetolabium Lucem videat & à luce sive ab Astronomorum hujus temporis luminibus videatur.

ISIBOR.

ISIBORDI AB AMELUNXEN,

ET

ALEXANDRI DE INSULA MONACHO-  
RUM CORBEIÆ SAXO-  
NICÆ,

BREVIARIUM  
RERUM MEMORABILIUM,  
complectens

*Varias historias curiosas, non minùs jucundas quàm  
utiles, nunc primùm è MSS. erutas,  
& Scholiis illustratas*

à

D. CHRISTIANO FRANCISCO PAULLINI,  
Curiosorum ARIONE.

---

ANNO M DC LXXXVI.



REVERENDISSIMO ET CELSISSIMO  
PRINCIPI ET DOMINO,

DOMINO  
**CHRISTOPHORO.**

Imperialis semperque Liberæ Ecclesiæ Cor-  
beienfis Abbati Religiosissimo, S. R. I. Principi,  
Virtutis, Doctrinæ, omniumq; Bonorum

Patrono singulari,  
Domino meo Clementissimo,

*Breviarium hoc humilime  
inscrib.*

ARION.

## LECTORI MEO BENEVOLO ET CURIOSO.

*Salutem & gaudium in JESU  
crucifixo!*

**S**isto Tibi, A. L., duos antiquioris *Corbeia* alu-  
mnos, & vel ideò commendandos, quòd ultra  
vulgus surrexerint, foedumque somnolentiæ  
crimen, abs ipso Celeberrimo *Trithemio* Ordinis  
Sui hominibus passim objectum, industriâ suâ  
absterferint, Antiquitates patriæ, utiles ac jucun-  
das, fidâ manû annotantes. Hem! rogas, quinam illi? alter  
*ISIBORDUS*, ex antiqua & Equestri *AMELUNXIORUM*  
familia, quam *Karolus M.* expugnatâ *Brunsbürgâ*, ob res præcla-  
rè gestas, in *amœno* isto, quò adhuc germinant, locò, qui & no-  
men eis, aspersit, fatam natamque, *Corbeia* tamen, quam  
tunc Gloriosissimus Imperator, ex voto Deo piè factò, partu-  
riebat, devotè subjectam esse voluit. Nobilis hic & venustio-  
ris ingenii *Asceta* è membranis fastisque monasticis (qui o-  
mnes abièrunt in fumum) selectiora, & ea tantùm decerpere,  
inque unum fasciculum colligere voluit, quæ futuræ ætatis me-  
moriâ digna censebat. Catè igitur vocat *Breviarium rerum  
memorabilium*. Intrâsse videtur Monasterium sub *Fridrico*,  
Abbate XXI., quem Comitem *Hojensem* alii faciunt, circa  
A. C. MLXXXII. vixisse sub *Erkenberto*, seu, ut ipse scribit, *Er-  
kenoto*, decessisse autem sub *Henrico I.*, circa annum, si calculum



benè posui, 1144. Næ, haud fuit sellularius aliquis homuncio, aut gurgulio monasticus, cum qua colluvie *Corbeia* tunc ultrà semiseculum pro aris focusque colluctabatur, testibus literis, à tota Universitate ad *Eugenium* III. lachrymas inter & Suspiria scriptis; sed nobilis sanguis, qui, pietatis doctrinæque elegantioris fundamento ad *Visurgim* præcociùs jactò, benè multos consumpsit Soles in vetustissimis Celeberrimisque Academiis *Parisiensi*, *Oxonienti*, *Coloniensi*, *Lovaniensi*, discendi cupidus. Mirè mihi placet discretio Viri, non nescientis, quid distent æra lupinis. Alter ALEXANDER est, ex illustri Comitum de INSULA stirpe, quorum castrum quondam in Vicinia Urbis *Hildesie* stetit. Ex hisce Insulanis ad 1188. maximè floruit *Theodoricus*, Nobilis Advocatus Illustris Collegii *Gandersheimensis*. Meminit etiam *Letznerus* in hist. *Ludov. Pii* (quam si-ve *Chronicon Corbeiense contractum* vocites, perinde est) edit. *Secund. cap. 31. p. 65. a. Alexandri de Insula*, Monachi *Corbeiensis*, quem sub Pio *Adelgario* Anno 859. vixisse retur, factum postea ibi Priorem. Non equidem inficior, Juniorem *Insulanum* tunc commoratum fuisse in cœnobio *Corbeiensi*, non tamen Priorem. Hæc enim vox *Letzneriana* est & præterea nihil. Scilicet hoc munus tunc bajulabat *Raginbarius* de *Herivortio*, ut in vetusto codice legi, antiquæ & Illustris Comitum *Herifordensium* familiæ generosa propago. Hic ALEXANDER, industriâ *Isibordi* accensus, Memorabilia quædam, suæ potissimum ætatis, compilavit, bonæ certè monetæ, & curiosò scrutiniò digna. A *Guicboldo*, Comite *Northheimensi*, & Domino *Bömeneburgico*, Professo, ut loquuntur, *Corbeiensi*, (licet *Bucellin. P. II. Germ. Sacr. & Profan. p. 281. a.* eum filium Monasterii *Vazorensis* in Diœces. *Leodiens.* falsò asserat,) ex Abbate *Stabulensi*, demum, speciali *Conradi III.* mandatò, (si quidem maluit *bubulcus* esse, quàm *Antistes Corbeie*, adeò sortuit tunc, ob collapsam disciplinam, & quæ inde nascitur,

Iliada

Iliada malorum , bonum *Sacroſancta* olim , *Arnulfi* Imp. en-  
 comiô , (*orbeia* nomen) Abbate & Restauratore Monasterii  
 XXVIII. ut religioſiſſimô ; ſic fortunatiſſimô ; Sub hoc , in-  
 quam , *Guiboldo* ſacram induit togam , extinctus verò ſub  
*Wittekindo* , Nobile *Spigelio* , pedo & enſe inſigni , quic-  
 quid etiam *Frideric. Formarus* , S. Theol. D. , Episcopus *Her-*  
*bronnensis* & Suffraganeus *Bambergenſ.* L. II. de *Temulent. &*  
*ebriet.* c. 13. p. m. 172. è *Casarii* (quem à cœnobio ſuo Ordin.  
 Cisterciens. Archi-Diœceſ. Colonienſ. *Heiſterbaccenſem* vulgò  
 nominant) L. XII. de *miracul.* c. 40. de eo , præter veritatem ,  
 ſcripſerit. At , heus tu , muſſitas , ubi impetrâſti hæc anti-  
 qua *Corbeia* ſpolia ? dic , ſi Vir es. Vix enim aliquis *Corbeien-*  
*ſium* vel fando quid accepit aut de *Iſibordo* vel *Alexandro* iſto.  
 Obtinui codicillos abs Erudiſſimo Viro , inque dignitate  
 conſtituto , qui ex quiſquiliis reformati Monasterii protraxe-  
 rat , neſcio quem in uſum. Excusô autem , quô ſquallebant ,  
 pulvere , viſisque in fronte *Iſibordi* & *Alexandri* nominibus ,  
 mutatâ fortè ſententiâ , operæ pretium duxit ſacculo inclu-  
 dere bonos Cœnobitas , donec origines eorum ( quarum cu-  
 rioſiſſimus erat ) ſagaciùs indagâſſet. Quas cùm Ipsi dextrè  
 explicuiſſem , meque ſingulari deſiderio huiusmodi *Sorditiei*  
 ( liceat ſic appellâſſe ) teneri , & tantùm non angî , animadver-  
 teret , ultrò dedit , ut in ſtercore , ſi quirem , piſcarer unio-  
 nes. Perlegi ſubitò , & inſanùm mihi placuit Vetus curioſi-  
 tas Monaſtica. Tandem , Bonorum ſuasû , queis vetuſta vi-  
 dentur venuſta , è ſordidis codicibus cuncta fideliter meâ ma-  
 nu deſcripſi , ſcholiisque , ut vides , illuſtravi , utinam feliciter !  
 Memorabilia ſunt , & potiſſimùm è ſecretiori *Phyſica* , tan-  
 quàm è tripode , hauſta , ( quæ inprimis ego ſeligere volui ,  
 amputatis reliquis , ſuo tamen loco reſervatis , ) cujus licet  
 uterque , præter morem ſeculi , amantiſſimus fuerit , ob infe-  
 licitatem tamen ejus , haud adeò gnarus. Interim plauſum  
 Z 3 dabunt



dabunt Emunctioris naris Viri : & folis hisce placuisse sat est. Ego enim nunquam *laudari* volui ab his , quorum laus est *criminatio* : nec *culpari* veritus sum ab illis , quorum *reprehensio* laus est. Vides hîc , mi Lector , in quàm honestis occupationibus , præter sacra , quæ ex voto devincti erant , studia , præterque diurnos nocturnosque hymnos , si quæ suffurari poterant temporis momenta , ea contriverint antiquioris *Corbeia* inquilini. Vale , mihiqûe , si mereor , fave.

Guelferbyti, d. X. Nov. 1685.

INDEX BREVIARII.

- I. Sal verminosum.
- II. Caro splendidè lucens.
- III. Cattus ex foemina, & vitulus ex equa.
- IV. Variolæ verminosæ.
- V. Canis religiosus.
- VI. Hæmorrhagia mirè curata.
- VII. Sanguis lacteus.
- VIII. Coqui astuta malitia.
- IX. Epilepsia valdè memorabilis.
- X. Mulier peperit catulos.
- XI. Mendicus bruticida.
- XII. Epilepsia è sinistro latere.
- XIII. Insolitæ strumæ.
- XIV. Sputum verminosum.
- XV. Cata furti delusio.
- XVI. Infans flavâ cute natus.
- XVII. Tumor à pediculis curatus.
- XVIII. Ranunculi virides in tumore.
- XIX. Vites aureæ.
- XX. Infans in utero prægnans.
- XXI. Felis excludit ova.
- XXII. Cancer verminans.
- XXIII. Mirabilis sympathia.
- XXIV. Numerus octonarius sacer.
- XXV. Gallus sine corde.
- XXVI. Purgatio ex in somnio.
- XXVII. Puellæ aures mobiles.
- XXVIII. Corvus viviparus.
- XXIX. Secretum in verrigine.
- XXX. Odontalgia à tonsura barbæ.
- XXXI. Mammæ in tergo.
- XXXII. Puellus barbatus.
- XXXIII. Crines & barba Cœrulea.
- XXXIV. Lac



XXXIV.	Lac Luteum.
XXXV.	Lac verè oleosum.
XXXVI.	Pulli gallinacei pulcrè monstrosi.
XXXVII.	Anates in quercu natæ.
XXXVIII.	Homunculus in ventriculo lucii.
XXXIX.	Corvus excommunicatus.
X.L.	Podagra à formicis curata.
XLI.	Milvi ex ovis gallinæ à terrore.
XLII.	Chamomilla è capite cervi nata.
XLIII.	Lac planè nigrum.
XLIV.	Quatuor mirabilia in puello.
XLV.	Epilepsia ex insomnio.
XLVI.	Monstrum caprinum.
XLVII.	Imago crucifixi pectori impressa.
XLVIII.	Picæ avis menstrua.
XLIX.	Carpio ulcerosus.
L.	Hepar anseris filiceum.
LI.	Febris à Venæsectione semper.
LII.	Mira lactis diversitas in foemina.
LIII.	Cattus cum pedibus anserinis.
LIV.	Mus venatur mures.
LV.	Grata ciconiæ pietas.
LVI.	Mulier epileptica in paroxysmo pariens.
LVII.	Cerasus in falice nata.
LVIII.	Ominosa Gvicboldi electio.
LIX.	Monstra marina in Visurgi capta.
LX.	Gallus quadrupes.
LXI.	Motacilla sine gutture inferiori.
LXII.	Psittaci astutia.
LXIII.	Foemina peperit cancrum.
LXIV.	Ranæ cum mensibus excretæ.
LXV.	Passer albus.
LXVI.	Verbena in calvaria.

# BREVIARIUM RERUM MEMORABILUM.

## I. SAL VERMINOSUM.

**A**C. DCCCXLVIII. ob denegatas, à moroso Portarii famulo, quem substituerat ipse sacris intentus, indigentibus eleemosynas, in *sale* nostro è Budinsfeldio allato, copiosi reperti sunt *vermes*, ut in Wisarah projecerimus. *Isib.*)

*Sal verminosum.*

Non ibimus quidem inficias Nemesis divinam, interim & naturaliter, ut omnibus rebus, sic etiam *sali* inesse possunt *vermes*. Vid. *Eph. nostr. German. ann. VIII. Obs. 52.* Budinsfeld, nunc Bôhmfeld, est locus ad Visurgim, in quo Ducatu Ludov. *Salinas* suas, cum omni jure contulit *Corbeia* Saxon., ut in literis plenius continetur, dat. VI. Id. Jun. ad Imperii Ludoviciani XX. indict. XI.

*Budinsfeld.*

## II. CARO SPLENDEDE LUCENS.

**A**C. DCCCLXVIII. sub *Adelgario*, Pio Patre, in ipsa vigilia S. Viti, coquus noster, mediâ surgens nocte, ut se ritè summoq; mane præpararet ad confessionem, intrat culinam, ex hac in cellam vicinam penariam, nescio quid ibi facturus. Ostiò apertò, omnia intus eleganter luce & qs. sole irradiata. Coctâ autem comestâque in festo Patroni *carne*, quam ubi suspenderat Oeconomus, *splendor* iste evanuit. *Isib.*)

*Caro lucens.*

Idem in itinere suo Montispeffulano An. 1641. observavit Præceptor meus ô nâv, D. D. *Th. Bartholin. de luce brutor. c. VI. p. m. 180. seqq. & C. I. epist. 9. & 12.* & ante eum Summus Gymnasii Patavini Anatomicus, *Hieron. Fabricius ab Aquapendente L. de oculo, c. VI. An. 1592.* Unde autem lux ista? à *lampyridibus*, re-

*Causa.*

Dec. II. Annus IV.

Aa \*

mur,



mur, noctū per patentēs fenestras involitantibus, carnīq; & pinguedini ejus densō agmine insidentibus, vel, examinis instar apum, conglobatim adhærentibus, mutuatitiam fuisse. Sanè circa festum *S. Viti* (i. e. Mens. Jun.) hujusmodi *lampyrides* circa Corbeiam copiosissimè reperi, ut conjecturam meam aliquid ponderis habere putem. Omnia insecta, etiam minutissimos *vermiculos*, suā nativā radiare luce, Illustris *Bartolinus* L. II. *de luce anim.* c. 12. & *Cl. J. Theod. Schenk. in hist. general. de humorib.* c. 5. p. 72. luculenter probârunt. Hinc *παράδοξον* *Langianum*, deigne fatuo *verminoso*, quo de in *cynograph. meacuriosa Sect. IV. c. 4. p. 172. seqq.* fusiùs. Die *Holländer* / ait *Levin. Hulsius* in seiner siebenden *Schiffarth* in *Guineam* c. 37. haben einmal bey Nacht auf dem Felde etwas sehen leuchten und schimmern / derhalben sie hingelauffen / und dasselbe in ein Wischtuch gebunden / da es denn durch das Tuch durchgeschienen / und geleuchtet / als wann feurige Kohlen drinn gewesen. Sie haben es den *Mohren* gezeigt / die sich zwar drüber verwundert / aber nicht gewußt / was es gewesen. Als es aber Tag worden / hat man gesehen / daß es kleine schwarze Fliegen gewesen / den *Spanischen* nicht ungleich / ohne daß sie gar schwarz gewesen / wie ein Pech. Et in *Insula Ceylon* in monte *Pico d'Adam*, arbor est noctū manifestè lucens. *Joh. Heinric. Seyfried. in medull. mirabil. Nat. L. II. c. 5. p. m. 684.*

Muscae  
luciferae.

### III. CATTUS EX FOEMINA, ET VITULUS EX EQUA.

Cattus ex  
foemina, &  
vitulus ex  
equa.

**A**C. DCCCLXXIV. Vidit *Geroldus*, Regia proles, *Commodus* *Anachus* noster, in villa sua *Gædelehorn* foeminam, quæ ex dæmone peperit *nigrum cattum*, igne combustum. Idem retulit, equam peperisse *vitulum*. (*Isib.*)

*Geroldus* iste fuit *Karol. M.* propinquus, illustre *Corbeia* *Saxonica* fidus. Cur verò *cattum* istum, seu *ater* fuerit aut *niveus*, dæmonis prolem dixerit, non video. *Canis marinus* in *ventriculo Viri* repertus, teste *Zephyro* nostro D. D. *Tilingio* de *Tuba*

*Tuba Uteri Sect. II. p. m. 90. catuli albi, vivi, repentes, & nondum videntes per vomitum reiecti. Meibom. in chron. Brunsv. Magdenb. P. III. p. m. 548. Mulier quædam, cum felium aliquot clamores audiret, ut suam sibi carissimam liberaret, accurrit, sed accedens ad locum, ubi ejulatus ejusmodi audiebatur, invenit felem in puteo, quam ut eriperet, urnam demisit, eâq; illam extraxit. Hôc labore lassata & sitiens, ex urna bibit aquam, à quo tempore malè habuit. Vomitoriò tandem sumtò, cattum ex ore projecit. T. I. Ephem. Curios. obs. 109. An foemina ista Godelheimensis fortè, ut hæc, unà cum aqua ex urna pota, semen felium, post coitum super puteo excretum, adhuc calidum simul hauserit, curiosiori disquisitioni relinquimus. Sicalia canem felemq; peperit, teste Jacob. Philipp. Bergo- mens. Ord. Eremit. S. August. in supplem. chron. impress. Venet. partus. Anno 1483. & quidem L. XV. p. m. 175. c. p. alia glirem, Barthol. C. I. obs. 10. quod & Isenaci factum esse refert Weinrich. L. de monstris c. 17. p. m. 161. alia leonem, Abb. Urspurgens. in chron. p. m. 351. plusscula hujus rei exempla studiosè collegi in cynograph. mea Sect. I. c. 3. & 54. seqq. & tract. de bufone Sect. I. c. 3 §. 15. seqq. Equam verò peperisse vitulum, faciliùs credo, quàm quod Val. Max. L. I. c. 6. ext. n. 1. ex Herod. L. VIII. de lepuscùlo refert, equæ Lepus ex filio, quo de in Lagographia nostra curiosa Sect. II. P. II. c. 1. equa. prolixius. Apud Cæl. Rhodigin. tamen L. XIII. L. a. c. 14. & Ælian. L. I. c. 29. ovis enixa leonem; apud Gobel. Person. Cosmodr. at. vi. c. 4. bos agnum. In Dania nuper vacca, unà cum Catuli ex vitulo XXX. catulos caninos peperit. Vol. II. Act. Med. Hafn. obs. vacca. 2. & Vol. III. obs. 86. In ovis, in seminiis cuncta latent Naturæ secreta. Quàm facilè autem taurus conscendere potuit equam? Causa. Prudenti pauca!*

#### IV. VARIOLÆ VERMINOSÆ.

**A**C. DCCCLXXVI. Bohe Abbas hoc consignavit. In Bo- Variola  
vezen Ministerialis nostri filius, paucorum annorum, vermino-  
Aa 2 commu- se.



communi puerorum [morbo tunc grassante, correptus, unà cum contractura brachii, tactis B. *Viti* reliquiis, postea *pusillos* & *vix visibiles* per totam cutim exsudavit *vermiculos*, ferè *anguilli formes*. *Isibord.*)

*Bovo L.*

*Bovo* iste, hujus nominis I., erat VI. novæ Corbeizæ Abbas, & diligens sui seculi *actuarus*, ut vetus membrana habet; scripsit historiam Saxoniam, cujus etiam meminit *Ad. Bremenf. L. I. H. E. c. 35.* Per communem puerorum morbum, tunc grassantem, quid nisi *variolas* intelligam? Autor expulsionem *vermium*, quos curiosè annotavit, tactis *Viti* reliquiis assignat: At dubio sine nobiles parentes domestica adhibuere remedia & facilè parabilia, cùm & illa, censurâ *Herophili*, *manus Dei* sint. Sumtò igitur sudoriferò è *card. ben. salv. junip.* cum tantillo *theriaca*, quæ ut omnibus nota, sic familiaria, robustior adhuc

*Variolæ  
nil nisi  
vermes.*

pusionis natura unà cum sudore faustè exantlavit *vermiculos* istos. *Variolas* enim & *morbillos* nil aliud esse quàm *animatam*, ac innumerorum minutissimorumq; , vel atomorum ad instar *insensibilium*, *Vermiculorum pullulaginem*, acutissimus *Langius*, explosò veterum deliriò, catè docuit in judiciosissima sua de *Morbilis disp.* habit. *Lips.* anno 1660. Quam thesin tùm aliorum, tùm curiosâ nostrâ observatione apertè demonstravimus in *ann. VI. Ephem. Germ. obs. 3.* Add. hîs *cynograph. nostra S. IV. c. 8. & 11.* Exc. *Bonett. Med. Septentr. L. III. Sect. XVI.*

*Probat.*

*c. 15.* Fidem huic postea fecit *Cl. D. Schmid.*, *Phys. Dantisci primar.* in *Eph. cit. T. VIII. obs. 85.* dicens: puellum biennem post febrem continuam, eamque malignam, *variolis* correptum, de colli pruritu, quod continuò vehementer fricabat, conquestum esse, ibique in plicis colli *vermes* plus quàm 50, tineas referentes, & articuli digiti magnitudinem æquantes, repertos. Quos ligno à cute in scarulam abrasos, vivos adhuc & salientes, ipsa monstrabat mater. Quàm tornatilia referant corpuscula, adeò, ut sint veluti *sceleta vagientia*, infantes *vermibus dorfi* infestati, tantùm non quotidie cernimus. Habui olim

olim talem puellum quinquennem, ad summam maciem perductum, *morbillus* supervenientibus, meæ curæ commis- *Morbilli* sum. Subitò orta suspicio de *vermibus*. Conjecturam auxit *verminosi*. pruritus dorsi, narium, halitus foetidus, & sententia, quam cum *Kircher*, *Langio*, aliisque *animata Pathologia* modestis scrutatoribus, constanter defendo. Datò igitur pulv. bezoard. *Sennerti*, tergòque melle & farinâ frumentaceâ bene inunctò, ad sudorem composui pusionem. Qui ad nutum obsequens, unà cum *sudore*, copiosos rejecit *vermiculos*, in cute adhuc ejus & lectulo hinc inde reptantes, reliquos è tergo prospicientes capite pleximus novaculâ, turbamque residuam feliciter expulimus, servatò puerulò. Meminit quidem *Henr. ab Heer*. *Sudor pe-* *obs. 23.* cujusdam nobilis, qui sanguinem, cumque eo *pedicillos* dicularis. ruberrimos sudavit, cui minimè contradico. Et *Joh. Vigver.* vidit post morbum chronicum convalescentem vesicis per totum corpus scaruisse, qf. admotò vesicante remediò universali; quibus apertis, parvi *pediculi* innumeri exhibant. Habebat *Struma* Batavus quidam *strumam* in collo, ad ovi magnitudinem, *pediculis* quæ, ense fortuitò aperta, innumeros evomuit *pediculos*. *Fo-plena.* *rest. L.VIII. obs. 58. in schol.* *Sudorem* verò in *variolis* & *morbillis* verè *verminosum*, vix quisquam ante me divulgavit. De puero isto fortè *rythmi* Saxonici è membranis eruti:

Do ist hie nah und fort geschehn!  
Dat een Kind seßjarig kleen!  
Welchs hadde een Arm sehr lahm!  
Na dem et vor Sünste Bith Hilgdohm kam!  
Und dat sülve am Abend Sünste Johann  
Mit Demötigkeit gerochen an!  
Nest weder kregen sine Macht ic.

*Rythmi*  
*Sax.*

Cùm dicant: *in vicinia & brevi*, i. e. eò saltem seculò, quò corpus *Viti* Corbeiam translatus, factum hoc esse in puero sexenni in hunc *Bæffensem* remur digitum intendisse Poëtastrum nostrum. Quàm acutè, quàm curiosè autem *Isibord.* *vermi-*



culos istos vocat *anguilliformes*. Næ, tales in *aceto* natantes notârunt *Eph. nostr. Curios. ann. I. p. 26. & serpentiformes Borellus obs. microscop. I.* Quàm verum *Jobi* oraculum! *Adam putredo:* (est enim prima *vermium* mortisque origo,) & *filius hominis* (seu *Adami*, vel *putredinis*,) *Vermiculus. c. XXV. 6.* Der Mensch die Made / und ein Menschenkind der Wurm. Ergò vive memor lechi !

## V. CANIS RELIGIOSUS.

*Canis religiosus.*

**A**C. DCCCXCVII. *Theodulus*, (Gottschalck!) Pius Pater, habebat *canem* punicei coloris, staturæ mediocris, robustum tamen, valdeque religiosum & pene rationalem. Quoties signum dabatur ad sacra, quocunque diei tempore, velociter ad templum currens, *lentè & modeste* intrabat, confidebatque ante summum altare, continuò fixis id oculis intuens. Ad lectionem Evangelii, quasi admonitus, promptè *stabat erectus*; recitatò eò, iterum confidebat. Sub elevatione Sacramenti totus prostratus *immotusq;* jacebat, ore ad terram pressò, *ductoq;* è præcordiis *gemitû*. Finitâ communionē, more solitò, pedibus posterioribus insidebat, stans demum ad lectionem Evangelii. Benedictionem *humi prostratus*, oculis ad Presbyterum elevatis, accipiebat. Et sic suò more iterum lentè modesteque exhibat templò. Si videret socios suos ad parietes Ecclesiæ mingentes, acriter mordebat: nunquam etiam permisit, ut alieni canes, aut nostri, sacris interessent. Imò si quos in area latrantes inter Missam audiret, tardè exiens compescebat petulantiam eorum. Quò factò redibat. Dies abstinentiæ tam accuratè distinguebat, ut nullis blandimentis ad *esum carnis* iisdem eum perduxeris. Auditò nomine JESU, subito in terram prostratus concidebat. (*Isibord.*)

*Aliud exemplum.*

Mirabilius ferè exemplum de alio cane recenset *Joh. Euseb. Nierenberg. Soc. JESU, Prof. Phys. Madrit. L. IX. H. N. c. 94.* idque ex eo transcriptum repetit *Schott. L. VIII. Phys. curios. c. 19. §. I. p. m. 827.* VI. HÆ.

## VI. HÆMORRHAGIA MIRE CURATA.

**A**C. DCCCXCIX. *Baddo de Plesse* patiebatur largam *nari- Hamor-*  
*um hæmorrhagiam*, nullis superandam remediis. Venit *rhagia mi-*  
 tandem paupercula, eleemosynas petens, quæ, cum ex rumo- *re curata.*  
 re domestico casum fratris audiret, medelam promittit. Ad-  
 mittitur cum consensu Superiorum. Insufflatô prius *pulve-*  
*re* in nares, quem parabat ex animalculo, & scriptis aliquot  
*in fronte* literis sanguine *Baddonis*, mucciniô eam circumliga-  
 vit. Et statim fatalis desiit affectus. *Isibord.*)

*Pulvis iste*, meô equidem judiciô, fuit ex *busone* incinera- *Pulv. è*  
 to, qui in tali casu maximè commendatur. Literas *in fronte busone.*  
 scriptas divinare nequeo, rens tamen, fuisse secretum *Agricole*,  
 etiam eô tempore cognitum, quod habet in *Chirurg. parv.*  
*Tract. II. p. m. 193. seq.* cujusq; felicem eventum vidit *Purmann.*  
*Chirurg. P. IV. c. 5. p. m. 211.* & est tale:

Calamô stramineô, patientis sanguine imbutô, *fronti ejus*  
 inscribantur seqq. literæ: O. J. P. U. L. U. & fluxus; miraculi  
 instar, cessabit.

## VII. SANGVIS LACTEUS.

**A**C. DCCCC. in vigilia *S. Scholastica* rusticus Fürstenau- *Sanguis la-*  
 sis furti accusatus, factum negat, dicens coram Judice: Si *cteus.*  
*ego furatus sum parochæ vaccam*, faxit Deus ut ne guttula *sani cruo-*  
*ris in corpore meo repeiratur.* Alterô die incidit in febrem. Ju-  
 bet venam tundi. Effluit *merum lac.* Suspensus ergo de pati-  
 bulo. *Isibord.*)

Magna, nec declinanda, perjurii pœna. Interim an *san-*  
*guis iste albicans* certum ejus testimonium fuerit, suspendio di-  
 gnum, dubito. Sanguis ægro in *tertiana duplici* extractus & *In febr-*  
*salvatella planè albus* fuit, & *glutinosus instar pituitæ.* *Rhod. C. I. obs. bus fre-*  
 36. Puellæ in *Syncho* sanguis ter missus semper apparuit *albus.* *quens.*  
*Id. C. III. obs. 32.* Novi quendam, ait *Willis de febr. c. 1.* vitio-  
 sô cor-



sô corporis habitû præditum ( talis etiam dubio sine rusticus iste fuit,) *cruorem albicantem & lacti similem* emittere solitum. *Borell.* vidit virum *febre malignâ* decumbentem, cujus sanguis statim à phlebotomia *lactis albedinem* retulit. Idem in scabioso notavit *Isaac. River.* Alius ex omnibus venis, vulgò secari solitis, semper *album* sanguinem emisit. Plura hujus rei exempla collegit *Phosphorus* (eheu!) Curiosorum olim, *D. Sachs.* Fautor meus, dum viveret, sincerus in *Schel. ad obs. 28. T. I. Ephem. Germ. Curios.* Malè igitur, si ex solo hoc indicio suspensus fuerit rusticus.

## II. COQVI ASTUTA MALITIA.

Coqui astuta malitia.

**A**C. DCCCCIII. Famulus coci Monastici in vicinia, jussu Prælati, vapulat. Nebulo hoc vindicaturus, vetulam consulit, cujus consiliò *radices* quasdam, è *dumetis* & circa *corylos* evulsas, collectasque, macerat per noctem in aheno aquæ pleno, in quo alterò die cibos ordinarios coxit. Totus Conventus cum Prælato securè comedit. Inter vespervas alter post alterum clanculùm se subducit, quos tandem ipse Abbas sequitur. Summa: enormiter *vomituriunt* omnes, & *purgantur* terribiliter. Interim *furcifer* ille aufugerat: captus tamen culpam suam deprecatus est. (*Isibord.*)

Radices quales fuerint.

Stratagemma Solonis.

Radices istæ in *dumetis*, & circa *corylos* repertæ, dubio sine fuêre *rad. bryon.* & *asari*, quæ *ἀνω ῥιζώματα* violenter purgant. Cùm verò nemo ex istis Monachis decesserit, robusti utique fuêre & bonæ constitutionis. Sic cùm *Solon* radices *hellebori* quàmplurimas in Plietum amnem conjiciendas curâset, atque nunc satis infestam medicamento aquam intelligeret, quem prius in urbem fluentem averterat, in pristinum alveum omnem reposit. *Cirrhaei* avidius eam bibentes, perpetuo *alvi profluvio* laborabant; ideò præsidio relictò *Amphyctionibus* urbs tradita, ut è *Pausania* refert *Schenck. L. VII. obs. 9.*

## IX. EPILEPSIA VALDE MEMORABILIS.

**A**C. DCCCCX. *Hoholdus de Hachenverthera*, Athanasii & *Epilepsia* Catharinæ filius, Confrater noster, singulis annis in *die valde memorabili* parentum suorum *epilepticis* insultibus infestabatur, aliàs *morabilis*. per totum annum optimè valens. *Isib.*)

Singularia & valde memorabilia *die natali* plurimis accidisse in *Lagegraph. nostra Curios. S.I.c.3.* selectis comprobavimus exemplis. *Antipater Sidonius*, Poëta, omnibus annis *unò die* tantum *natali* corripiebatur febris, eodemque consumtus est longâ satis senectâ. *Plin. L.VII. H. N. c. 51. Val. Max. L. I.c.8. num. 16.* Verum tale exemplum, quale noster hic recitat, nuspiam legi. Ceterum dominium *Hachenverd*, seu *Habenverd*, erat olim ad *Ocrum* fluvium, *Brunsvigam* inter & *Wolffenbytelum*, ubi, ante conditam illam urbem, sedem suam habebant Marchiones Saxoniae. *Bruno* enim, Ottonis, Duc. Saxon. & Svev. Fil., qui ex Monacho *Corbeiensi* factus Episcopus *Verde* XVI., tandem Pontifex Maximus, dictusque *Gregor.V.* (vid. *Theatr. meum Illustr. Corb. Saxon. Viror.*) se scripsit Marchionem Saxonie & Dominum in *Hohenverda* & *Mewelrode*. Vid. *Kranz. IV. Saxon. 27.*

## X. MULIER PEPERIT CATULOS.

**A**C. M. *Ulhelricus*, frater noster in *Visbike*, novit feminam *Catuli ex* opilionis, quæ rem habuit cum *molosso*, exque eo suscepit *muliere. duos catulos*, ope Dæmonis. *Isib.*)

Quidnî absq; opera Dæmonis, *Isiborde*? ecce enim pluscula detestandi hujus coitus exempla. Refert *Helvaderus in sylv. chronol. circul. Balth.* ad ann. 1600. ancillam *Schvvabstetensem* in Ducatu Slesvicensi à cane anglico imprægnatam, tres peperisse *catulos*. Et *Alexandro VI.* in cathedra sedente alia mulier ex cane peperit *catulum*. *Sim. Majol. T. I. colloq. dier. canicul. p. m. 42. a.*

Dec. II. Annus IV.

B b \*

XI. MEN-



## XI. MENDICUS BRUTICIDA.

*Mendicus  
bruticida.*

**A**C. MXIII. venit ad nos è *Normannia* Juvenis, si habitum spectes, pauperculus, si vultum, satis modestus, si animum verò, *scelestissimus*. Is, stipem qui denegârat, pecora pulv. quodam diabolico enecabat, sic ut etiam comminuerentur bestiarum ossa. Tandem rotæ impositus est. *Isib.*)

*Suspicio  
men.*

Suspiciari posses, cùm è *Normannia* venisse dicatur, attulisse secum herbam, ab effectu *ossifragam* dictam, qua de Celeberrimus *D. Sim. Paulli*, trium Regum Borealiū Archiater, & Prælatus Aarrhusanus, Fautor quondam meus singularis, in *Bot. quadrip. Cl. IV. p. m. 529.* Norwagi vocant *Beengras*. Hæc enim ossa adeò mollescit & conterit, ut baculo q. circumvolvi queat animal; quod tamen non moritur, modò ossa alterius bestię, esû hujus herbæ enecatæ contrita ei exhibeas. Maltiam, conjecturâ Paullianâ, cum nutrimento suo fortè è *minera Saturnina*, vel *Mercuriali*, magneticè è terra attrahit planta, ut metalli, supra quod crescit, particeps fiat.

XII. EPILEPSIA E SINISTRO  
LATERE.

*Epilepsia  
è sinistro  
latere.*

**A**C. MXIX. *Werinboldus* de *Poppenburg*, Commonachus noster, dixit *Drutmaro* Abbati, se habere propinquum, qui, quoties noctû sinistro lateri incubaret, toties sentiret insultus epilepticos, aliàs ab hoc malo immunis. *Isibord.*)

Sic Amplissimus *Tulp. I. obs. 9.* juvenem nobis sistit, cujus pressâ, vel solo digito, regione *lien*is, contrahebantur illicò omnes nervi, & sequebatur confestim miserabilis universi corporis distentio, lædens iteratis suis circuitibus usque adeò mentem, & cumprimis vim ejus imaginatricem, ut crederet, se nescio quem Regem: distribueretque, non minus largiter, qualiacunque munera, imò integras regiones, ac si revera rerum potitus foret. Erat verò *Werinboldus* iste ex antiquis Comiti-

Comitibus *Poppenburgicis*, quorum dominium, sub nomine Præfecturæ, nunc pertinet ad Episcopatum *Hildesheimensem*.

### XIII. INSOLITÆ STRUMÆ.

**A**C. MXLV. Venit ad *Drutmarum* Abbatem rusticus in col- *Insolita*  
lo, sub utraque *axilla* in *pectore* & circa ipsam *virilitatem struma*.  
ingentes *strumas* ostendens. *Isib.*)

Terribilius exemplum, quod habet *Nic. Fontanus L. I. re-*  
*spons. & curat. p. m. 66.* de juvene, cujus gulam, asperamque  
arteriam simul adeò compresserant *struma*, ut neque potus,  
vel ipse aër transire posset. Dissecto cadavere, reperiebantur  
similes in orificio stomachi, pulmonibus, omento, mesente-  
rio, pancreate, ipsis intestinis, & circa vesicæ collum. Quæ de  
*Seminibus strumarum*, sub qualibet clanculum delitescenti- *Semen ea-*  
bus, curiosè observavit *Tulp. I. obs. 46.* aurea sunt, & sublimio- *rum.*  
ri scrutinio digna.

### XIV. SPUTUM VERMINOSUM.

**A**C. MXLVII. *Richburgis* de veteri domo, religiosa Soror no- *Sputum*  
stra in *Herivortio*, de dolore lateris sinistri capitisque gra- *vermino-*  
vativo, cordis palpitatione, respiratione difficili, ructibus ven- *sum.*  
tris, tumore pedum, lividis aliquando maculis, nummi ma-  
gnitudine, q̃. pictorum, &, quod molestissimum erat, habitû  
summè foetido diu conquesta, multa incassum adhibuerat re-  
media. Tandem in sputo ejus ore rejecto manifestè visi sunt  
*pusilli vermiculi albi*, ut in caseo. Hæc ex vita ejus, à *Frithari-*  
*co de Frencken* descripta excerpti. *Isibord.*)

*Richburgis* illa, Comitissa ab *Oldenhusen* è Marchia, sum- *In scorbu-*  
mè erat scorbutica, ut ex tota relatione patet. Maximè igitur *ro.*  
notabile *sputum* ejus *verminosum*, quale exemplum etiam no-  
tavit Excellentiss. *D. D. Doleus*, Consil. & Archiat. *Hasso-Cas-*  
*sellanus*, Curios. **ANDROMACHUS**, Fautor & collega ma-  
gni æstimandus, *Vid. L. II. Med. Sept. Bonett. Sect. III. c. 3.*



## XV. CATA FURTI DELUSIO.

*Cata furti  
delusio.*

**A**C. MLVI. *Scholastica Bibermannia*, Priorissa in Abbatiola nostra *Vrsbeke*, in festo annunciationis B. M. V., pro exornanda statua ejus in templo, è cella sua in culinam affert rubicundissima *corallia* in scatula, ut ea per filum trajiceret, & collo imaginis circumligaret. Sedit fortè ad focum vetula, elemosynas quæ petierat, & mentiebatur somnum. Signo interrim ad vespervas datò, in cellam recurrit Priorissa, relicta cum coralliis scatulâ, in angulo quodam culinæ, patinâ coopertâ. Finitis sacris, reversa deflet ea ablata. Suspicio cadit in anum. Quæ, rumore à Vicinis in casula sua perceptò, subito deglutiebat omnia corallia, & sponte suâ regrediebatur, nescio quid prætendens, ad cœnobium. Priorissa durioribus eam affatur verbis. Illa Sanctos omnes in testimonium advocans, astutè malitiam defendit. Sed ecce! ingeniosa quædam soror, *Beatrix* de *Dorringsen* ita ad eam: *Mi Rixa*, bono, quæso, sis animò: non sunt deperdita corallia, reperiemus, si non hodie, aliò tamen die, & perinde est. Sede tu ad focum, habeas, cum vigilia sit, offam, quam ipsamet tibi parabo. Illa interim *purgans* præparat, quod, insciâ vetulâ, in juscule diluit. Comedit anus, nil sinistri suspicans. Interim *Beatrix* omnes ejus egressus observans, paulò post videt ad vomitum proclivem. Subito pelvis supponitur, digitòque in fauces intrusò, conatus Naturæ promovetur. Tunc en! in putidis excrementis *rubentia corallia*, ceteris aliâ via exclusis. *Isib.*)

Similem planè historiam de *margaritivoro* Parisiensi habuimus in relationibus hebdomadariis publicis anni hujus 1685.

## XVI. INFANS FLAVA CUTE NATUS.

*Infans flavâ cute  
natus.*

**A**C. MLXII. Uxor *Viti Bretshels*, Walburgis, anno ætatis suæ xxv. tertium gravida, nescio quò inordinato appetitu fe-

tu ferebatur in *croco*, adeò ut omnes fastidiret cibos, si non *croco* essent conditi. Peperit tandem lepidum puellum, cujus tota cutis *crocei coloris* erat. An aduictior factus retineat necne, dies docebit. *Isib.*)

Simile ferè exemplum affert *Amat. Lusit.* (*V. curat. med. p. 71.* quod etiam in *canè felici* cum successu tentavit ORPHEUS noster Curiosus, *D. Hertod. T. I. Ephem. Cur. Germ. obs. 60.*

## XVII. TUMOR A PEDICULIS CURATUS.

A C. MLXV. Hermannus de *Welfenbyttel* habebat magnum *Tumor à* tumorem in capite, qui pressus tenuem foetidumque emi- *pediculis* sit humorem. Suasù Henrici de *Stoppelberg* matris, capiti suo *curatus.* innumeros *pediculos* immisit, idque linteo arctè beneque munivit, ut nullus elaberetur. Cruciârunt eum terribiliter; tumore autem istò penitus ab eis exsuctò, optimè valuit. *Isib.*)

Adde elegantem historiam *D. Jacozii*, Medici *Costensis*, & lucem afflâsti *Isibordianæ. River. in obs. commun. p. m. 346.*

## XVIII. RANUNCULI VIRIDES IN TUMORE.

A C. MLXVII. *Godschalcus* de *Wittorp* insigni tumore sub læ- *Ranun-* va papilla diu excruciat, tandem jussù *Saracho* Prælati *culi in tu-* eum ferro aperiri curat, & ecce! cùm copiosa materia *duos mi-* nutos *ranunculos prorsus virides*, quorum alter post alterum in mensam, cui assedit patiens, desiliit. *Isibord.*)

De stupendis aliis tumoribus vide sîs *Schenck.*, *Donat.*, *Paræum*, *Sennert. Ephem. nostr. Curios. &c.* Addo saltem memorabile exemplum *Kircheri*, Fautoris mei, dum viveret, singularis *L. de peste Sect. III. p. m. 309. seqq.* & *D. Sorbait*, Collegæ *Et buso-* in *T. II. Eph. Germ. nostr. obs. 103. de busone* in tumore dorsi & colli *nes.*



reperito. Unde ergò *ranunculi* isti? ex ovulis, è seminiis suis, quocunque etiam modò ingestis, , adque hunc locum à Natura devectis. Ceterùm nescio, an Hermannum istum à *Witt. xpiis* istis in agro *Verdensi* deducam, seu, an rectiùs legam *Wittenborch*? Qui Comites inter reponuntur à *Kranzio* L. II. *Vandal. c. 3. § 11.*

## XIX. VITES AUREÆ.

*Vites aureæ.*

**A**C. M L XXIII. *Ekenrieck* de *Badevvitha* è Hungaria reverfus, attulit *botros aureos*, quos, nisi *Fridricus Abbas* toti *Conventui* aliisque ostendisset, pro fabula haberem. (*Isib.*)

*Causa.*

Vide quæ *Sachsus* noster collegit L. I. *Ampelogr. c. 5. p. m. 40. seqq.* Causam miraculi è vicinia *aurifodinarum* facilè erues, qui intimiora Naturæ mysteria scrutaris. Num *Ekenricus* iste è Comitibus de *Badevvide*, qui olim versùs *Holsatiam* habitârunt? Vid. *Helmold. L. I. c. 15. 55. & 57.*

## XX. INFANS IN UTERO PRÆGNANS.

*Infans in utero prægnans.*

**C**Um Anno M LXXXVIII. in monte S. Petri *Erfurti* degerem, incidi in vetustum & illegibilem codicem, è quo hoc tantùm decerpsi. An. 896. puella 19. annorum ob *ingravidationem* famosa, ideoque coram *Judice* accusata, negabat, omnia, dicens: *Si ego gravida sum*, faxit Deus, ut & *infans in utero meo talis sit*! Paulò post peperit puellam mortuam, ventre nimis prætumidò, ut jamjam rumpi videretur. Mulierculæ rem insolitam mirantes, *Judici* indicant ordinario. Apertò corpusculò, ecce alia *puella* in *puella modò nata*, etiam mortua omnibus tamen membrulis bene conformata. An fabula sit, nescio. (*Isibord.*)

Et ego pro fabula haberem, nisi scirem, quæ de *embryone prægnante* è *Davidis Bartholinus*, Præceptor meus desideratissimus, C. VI. *hist. anat. 100.* & novissimè D. D. *Gabriel Clauder.*, *Archiat.*

Archiat. Altenburg., Curios. THESEUS, in *Decur. II. Miscell.*  
Cur. ann. 3. num. 72. p.m. 163. seq. curiosissimè annotâssent.

## XXI. FELIS EXCLUDIT OVA.

**A**C. MXCI. *Anas* molitoris nostri in remoto stabuli angulo novem posuerat ova, solitò more ea exclusura, nî à petulantibus pueris, ob capturam pisciû in dimola, ipsi operi intenta, ocyûs fuisset occisa. Interim *felis* domestica, nescio quò casû, nidum anatis investigat, obque commoditatem loci, & murium copiam, quos ibi poterat venari, habitaculum ibi feligit, diu noctuq; ovis incubans. Statò tempore prorumpunt pulli benè conformati, *felina* tamen indolis. Nam pusilli adhuc *musculos* cupidè vorabant, adulti autem majoribus insidias struxêre, præsertim *aquaticis*. *Felis*, mater, summo mane eas ad pastum educebat, gregem præeundo, & dum pulli in aqua hærerent, ipsa ad littus cubans, canes hominesque prætereuntes quasi, in rabiem acta, invadebat aut arcebat. Serò demum vespere in hospitium suum reducebat. (*Isibord.*)

Add. quæ de *cane* ova excludente inspersimus *Cynograph. nostr. Curios. S. II. Membr. 3. c. 2. §. I.*

## XXII. CANCER VERMINANS.

**A**C. MXCII. *Eufemia*, pia Soror in Herivortio, contagio *Cancer* sibi contraxerat *cancrum* lævæ mammæ, Qui, cum à *vermi-* nullo curari posset, ferrò apertus & rescissus, multùm licèt re-  
luctante *Eufemia*. Perreptabant carnem putidam abscissamq; *nans.*  
*longi candidique vermiculi, nigris in capite notati punctulis.* (*Isib.*)

Eadem in sectula eodem in affectû vidit D. D. Gifeler, Amicus heu! quondam, Phÿs. Reip. Brunsvicens. Ord. & Curios.  
HIPPOCRATES I. in *Eph. nostr. ann. I. obs. 148.*

## XXIII. MI-



## XXIII. MIRABILIS SYMPATHIA.

*Mirabilis  
sympathia.*

**A**C. MXCIV. *Lovanii* mihi dixit primarius quidam Vir, in-  
que eminenti dignitate constitutus, se toties, quoties con-  
jux ejus *fluxum menstruum* ordinariè haberet, & ipsum pati *flu-  
xum hæmorrhoidum*, eâdem quasi horâ & die cum fluxu mulie-  
bri incipientem. *Isibord.*)

Lucem historiæ afflat curiosa observatio Summi *Bartho-  
lini C. V. hist.* 79. de marito pro uxore puerpera dolente & de-  
cumbente.

XXIV. NUMERUS OCTONARIUS  
SACER.

*Numerus  
octonarius  
sacer.*

**A**C. MXCVI. Parisiis novi devotam virginem, quæ nume-  
rum *octonarium* sacrum habebat ideo, quòd quòvis *octen-  
niò*, singularia & memorabilia sibi suisque accidisse notârat.  
Etenim anno 1048 avus ejus maternus decesserat, ætatis suæ 68.  
Anno 1068. avus paternus d. 8. Januar., æt. suæ 38. An. 1058.  
pater ejus natus d. 18. Maji. Mater verò an. 1068. d. 28. Novem.  
An. 1088. d. 28. Maj. nuptiæ parentum habitæ. Anno ætat.  
*octavo*, d. 8. Novemb. in ipsa *octava* adhuc omnium Sancto-  
rum, ipsa Monasterium ingressa, *octies* tunc in eo graviter de-  
cumbens. Annum itaque 1098. fatalem credebat, uti fa-  
ctum. *Isibord.*)

Ita memini, me adhuc puerulum sæpius à Celsissima Ducis-  
sa Saxonix CHRISTINA, nata Landgravia Hassiæ, Susceptri-  
ce & Benefactrice mea clementissima longâ serie narrantem au-  
diisse, quæ tùm sibi, tùm Majoribus ejus, quolibet *octennio* eve-  
nerant. Ipsa demum (ut crebrius prædixerat) annò ætat. 88. post  
Christi natalem 1658. d. 18. Aug. circa hor. *octav.* vespertin.  
obiit, sepulta Isenaci d. 18. *Octob.* ejusd. anni. Sic *octo* memo-  
rabilia iræ divinæ exempla in SS. reperiuntur, quæ studiosè  
collegit J. Moller in *Alvear. Sac.* §. 188.

XXV. GAL-

## XXV. GALLUS SINE CORDE.

A C. MXCVIII. *Lugduni* in Gallia mactavimus *gallum* in cu- Gallus sine  
justoto corpore *cor* non est inventum. *Isib.*) corde.

Dixerim ego potius cum *Arist. L. IV. G. A. c. 4. corde carens Dubito.*  
nullum animal unquam ortum est.

## XXVI. PURGATIO EX INSOMNIO.

A C. MXCIX. Somniabat *Oxonia* Monachus Ord. nostri, qs. *Purgatio*  
potiunculam purgantem, pridie confectam, exhaustisset. *ex insom-*  
Et ecce! surgens mane, ab eâdem phantasia adhuc delusus, vel *mnio.*  
*octies* cum levamine alvum deposuit. *Isib.*)

Simile exemplum vid. *Ann. III. Eph. Germ. Curios. obs. 234.*  
ab Excell. D. D. *Waldschmied* / Illustris Acad. *Marpurg.* P. P. &  
Archiatro *Cassellano*, *Curios. P. R. I. A. M. O.*, communicatum,  
quod hûc bellè quadrat.

## XXVII. PUELLÆ AURES MOBILES.

A C. MC. Vidi apud *Britones* puellam septennem, *aures Aures mo-*  
suas pro lubitu *moventem.* Quò spectaculò multos alli- *biles.*  
ciebat. *Isib.*)

Curiosam hac de materia disput. in Illustri Acad. *Heydelb.*  
an. 1676. habuit D. D. *Francus*, *Curios. ARGUS*, Fautor no-  
ster venerandus, quæ omninò legi meretur.

## XXVIII. CORVUS VIVIPARUS.

A C. MCIV. Pro certo mihi narrârunt P. P. nostri, *corvum, Corvus vi-*  
quem alebant in refectorio, sine *ovis*, more prorsus inau- *viparus.*  
ditò, duos peperisse pullos, ipsum verò cum prole sua ocyùs mor-  
tuum. *Isibord.*)

Fidem mereri videtur relatio, si addas & expendas, quæ de  
*gallina vivipara* D. *Mich. Lyserus*, Vir candidus, *obs. 6. D. Th. Bar-*  
*tholin.* transmiss. & J. *Euseb. Nierenberg de pisce viviparo* habet  
*L. VI. de mirac. Nat. in Europ. c. 41.*

Dec. II. Annus IV.

Cc \*

XXIX. SE-



## XXIX. SECRETUM IN VERTIGINE.

*Secretum  
in vertigi-  
ne.*

**A**C. MCV. Venator noster, *Niger Casparus* vulgò dictus, annum tunc agens 87. altissima adhuc arborum cacumina promptè conscendebat, sine ullo *vertiginis* metû. Rogatus à me, num solius Naturæ beneficium, seu Artis adminiculum foret? Utriusque respondit, ecce! hoc meum arcanum. Avus meus, cui inventum debeo, vegetam suam agilitatem in festo S. Viti olim *Corbeia*, præsentè multo populo, publicè contestaturus, *nonage septuaginta* ætat. suæ annò, altissimam abietem, ex *Hercynia* ad hoc spectaculum allatam, cum jubilo conscendit, stansque in summo vertice longè lateque prospexit, tunc, funiculò in terram demissò, lagenam, vini plenam, hilariter ad se pertraxit. Quà hilariter evacuatâ ad terrena è sublimi descendit. Sciscitanti mihi, quale igitur arcanum esset? candidè dixit: pulverem *sciuri*, summè *rubicundi*, & potius *femelle*, quàm *masculi*, ad pondus scutati, quòvis mane in vino, seu cervisia, sumtum. Maximè tamen hanc efficaciam inesse *capiti & cerebro* eâdem dosi. *Isb.*)

*Probatur  
abs aliis.*

Memini, idem nobis commendâsse olim in Regia *Hafnienfi* Virum incomparabilem *D. Christian. Ostenfeld*. Phil. U. Jur. & Med. D. P. P. inque Summo tribunali Assessorem, Fautorem Doctoremque meum summè venerandum. Et Celeberrimum *D. Michaël.*, Prof. Lips., idem carò pretiò à *funambulone* quodam, ægrè licet, obtinuisse, multi Auditorum suorum constanter affirmârunt.

## XXX. ODONTALGIA A TONSURA BARBÆ.

*Odontal-  
gia à barba  
tonsura.*

**A**C. MCVI. In Gallia vidi monachum, qui semper à *tonsura barba* magnum patiebatur *dolorem dentium*. *Isb.*) *Cecitatem*, à barba rafa vide sis in *epist. Barthol. C. III. n. 67. p. 275.*

XXXI. MAM-

## XXXI. MAMMÆ IN TERGO.

**A**C. MCLXIV. Rustica fœmina è comitatu *Winzenborch*, *Mamma* præter *duas* in loco ordinario, adhuc *duas* alias ejusdem *in tergo*. quantitatis & qualitatis *mammæ*, lacte fœcundas, habuit è regione in *tergo*. Jam tertiâ vice pepererat gemellos, qui antè retroque suserunt. *Alex.*)

Vidit etiam *J. Faber Lynceus* quatuor in muliere Romana *mammæ*, at non in *tergo*. *Borell. C. I. obs. 49.*

## XXXII. PUELLUS BARBATUS.

**A**C. MCLXV. *Guicboldus*, Abbas adhuc *Stabulensis*, vidit *Puellus* puerum vix sexennem, bene *barbatum*. Quem & circa *barbatum*. pubem *crinitum* dixere alii. *Alexand.*)

De alius pueri *mentula hirsuta* etiam fidem nobis fecit *Exc. D. Th. Barthol. Conf. Borell. C. I. obs. 58.*

XXXIII. CRINES ET BARBA  
COERULEA.

**A**C. MCLXV. Vidit idem *Guicboldus* in aula *Conradi Imp. Crines &* Virum metalli fossorem, ex sylva *Hardgo*, annor. XLII. *barba cœ-* cujus *capilli & barba* erant *cœrulei* coloris. Eruditi causam *rulea*. conjiciebant partim in *vapores metallicos*, partim in *singulare Viri temperamentum*, partim in *bilis* quandam speciem, quam *aruginosam* dicunt. Eundem Virum & pater meus & Comes de *Popenborch* viderunt. *Alex.*)

De sudore planè *cœruleo*, ex eadem *bile aruginosa*, curiosissi- *Sudor cœ-* mam vid. s̄s ANDROMACHI nostri *D. D. Dolai observ. 67. ruleus.* *T. VI. Eph. Germ. Curios. Pilos virides* vid. apud *Borell. C. II. obs. 56.* & *Bartholin. I. hist. 40.*

## XXXIV. LAC LUTEUM.

**A**C. M. CLXVI. Puerpera *Schlademensis*, ut à Comitissa ibi- *Lac lu-* dem, agnata mea habeo, alvi constipatione miserè excru- *teum.* ciata,



ciata, quod malum etiam in parvulum suum derivarat. Svasu mulierum, ut utrique consuleretur, nodulum è contuso *rhabarbaro* cerevisiæ pro potu ordinario immergit. A quo alvus matris infantisque bene soluta, *lac* verò planè *luteum* factum in utraque mamma, quod tandem, ob amaritiem, pusio averfabatur. Remotò *rhabarbaro*, & lacti *niveus* rediit color. *Alex.*)

Sudor luteus.

Næ curiosa & elegans hæc observatio, asteriscò digna. Notum aliàs, quod de *luteo sudore*, etiam ab assumpto *rhabarbaro*, in seipso notavit Excell. D. D. *Menzelius*, Consil. & Archiat. Brandenb. Curios. APOLLO, Fautor & Collega magni semper æstimandus. *T. V. Eph. Cur. obs. 78.*

### XXXV. LAC VERE OLEOSUM.

Lac oleosum.

A C. MCLXVII. Sic recordor, me ab *Agnete*, Comitissa *Wunstorpiensi*, audivisse, se, quoties filiolus, adhuc ab ubere pendens, durioris alvi esset, sumere in calido juscule tria, seu duo cochlearia *olei olivar.*, quod lac sapore, odore & pingvedine manifestè tingeret: quòque acceptò melius esset parvulo. *Alex.*)

Lac suillum aut infantibus detur?

Mira muliercularum inventa! Nostrates in tali casu infantibus exhibent *lac suillum*, à quo alvus quidem fit lubrica; sed vidimus copiosum phlegma relictum, à quo ventris tormina, vigiliæ, asthma, & alia mala, ut novissimè observavimus ad *Hercyniam*.

### XXXVI. PULLI GALLINACEI PULCHRE MONSTROSI.

Pulli gallinacei pulchre monstrosi.

A C. MC LXXI. *Blankenauæ* aluit villicus noster *anatem* masculum, gallinas crebrius comprimenter. Hinc una ex iis peperit pullos verè *gallinaceos*, rostris tamen pedibusque planè *anatinis*. Erant animalcula *amphibia* & pulchrè monstrosa. *Alex.*)

XXXVII. ANA-

# XXXVII. ANATES IN QUERCU NATÆ.

**A**C. MC LXXIV. Abstulerant pagani pueri *corva*, quæis *Anates in* incubabat, ova in monte *Köterberg*. Illa, prolis cupidè *quercu na-* amans, iterum aufert, nescio ubi, ova *anatum* supposita, eaque *ta.* in nido suo, in vertice quercûs structo, excludit. Pulcherrimas tandem *anaticulas*, numero quatuor, fortè repertas, omnes tamen ad *nigredinem* aliqualem vergentes, unâ cum corva & nido, apportavit Venator noster. *Alex.*)

Dixit mihi Comes ab *Itteren*, se quondam, fractis ovis *Columbae* *corvinis*, supposuisse *columbina*, & inde veras quidem enatas esse *ex corvo.* *columbulas*, colore naturali, oculis verò rostrisque *corvinis*. Est Scholion *Alex.* nostri.

# XXXVIII. HOMUNCULUS IN VENTRICULO LUCII.

**A**C. MCLXXV. In culina Comitis de *Popenburch* exentera- *Homuncu-* tus *lucius* piscis in ventriculo habuit *homunculum* verum, *lus in lucio.* sed non planè perfectum. Habeo ex ipsius Comitis ore. *Alex.*)

Puto, *abortum*, fortè à muliere rejectum, inque aquam coniectum, denuò à lucio, paulò antequam caperetur, deglutitum fuisse.

# XXXIX. CORVUS EXCOMMUNICATUS.

**C***onradus*, Abbas noster, manus olim loturus, *annulum* su- *Corvus* cum, deponit. Advolat *corvus*, contubernalis ejus, & fu- *excommu-* ratur illicò. Quæritur annulus in omnibus angulis, at repe- *ni catus.* ritur nusquam. Rogat famulos omnesque inquilinos, utrum quis invenerit? negant universi. Sic iratus Archimandrita ignotum sibi furem sacrò strinxit fulmine. Ab illa hora *cor-* *vus* antea hilaris & facetus, omnem subito indolem exuit, nec nidò egreditur, nec escam cupit. Narratur Prælato. Hem, ait unus è famulis, dispeream ego, si non ater iste nebulo *annu-* *lum* furatus sit. Visitant nidum, repertò *annulò*. Absolvitur



ab excommunicatione. Ita antiquum suum obtinet hilaris  
fanusque. *Alex.*)

*D. II. A. V.* Hanc historiam fusiùs & venustius describit *Angelinus Ga-*  
*zarius* è Soc. JESU, in *piis suis hilariis edit. Mussipont. p. m. 66. seqq.*  
*Appn.* ad quem curiosum lectorem ablego.

#### XL. PODAGRA A FORMICIS CURATA.

*Podagra à  
formicis  
curata.*

**A**C. MCLXXIX. Parocho in comitatu *Peynensi*, podagrâ &  
chiragrâ miserè afflicto, ex amore & officio quasi inser-  
viebat custos templi. At morosus patiens, ut solent ejusmodi  
homines, quicquid etiam faciebat custos, sinistrè interpreta-  
batur. Die quodam dominico custos in horto, parochi ædibus  
vicino, nescio quem in usum, colligit cum myrmecio *formicas*.  
Quas dum domum portare vellet, revocatur à parocho. Ac-  
currit subitò, reponens ramdiu saccum sub lecto, donec man-  
data Pastoris sui implêset. Interea signum dandum erat ru-  
sticis ad preces vespertinas. Oblitus ergò sacci sub lecto positi,  
clausis ædibus, in templum properat. Bestiolæ turmatim con-  
scendunt lectum, miscellumque parochum terribiliter excru-  
ciant. Is sacrum inter & saxum constitutus membra elevat,  
surgit, inque vicinam cameram prorepat. Ibi, abjecto in-  
dusio, juxta fenestram nudus confidens, tibialibus, ore & di-  
gitis fortè arreptis, bestiolas de cure sua abigit. Supervenit tan-  
dem custos, deprecans errorem suum. Delatus itaque paro-  
chus in alium lectum, incidit in somnum & largissimum sudo-  
rem. Ab hoc die athleticè valuit. *Alex.*)

Plurimos equidem *podagricos* ex insperato terrore perfectè  
fuisse curatos, passim restantur historiæ. Vid. sis saltem *Sal-*  
*mut. C. I. obs. 48.*

#### XLI. MILVI EX OVIS GALLINÆ A TERRORE.

*Milvi ex  
ovis galli-  
næ à terro-  
re.*

**A**C. MCLXXIX. Gallina parochi nostri in *Lüchtringen* ni-  
dum sibi fecerat in angulo aræ, ova sua ibi exclusura. Sed  
quotidie

quotidie aliquoties terebatur à pervolitante *milvo*, adeò, ut ad levem auræ flatum *milvum* adesse crederet. Ex hoc terrore & errore phantasiæ tres demum exclusit *milvos* è propriis ovis, qui adultiores facti rapax suum ingenium manifestè ostendebant. *Alex.*)

## XLII. CHAMOMILLA E CERVI CAPITE NATA.

**A**C. MCLXXX. *Sigebodo de Schnakenburg* vidit in Lotharin-*Chamomil-*  
gia *cervum* captum, cui inter cornua è capite elegans *cha-la è capite*  
*momilla*, cum floribus suavem exhalans odorem, enata e-*Cervi na-*  
rat. *Alex.*) *ta.*

Ipsemet ego Hamburgi vidi *lucium*, è cujus capite nata erat *anserina*. Plura in hanc rem consignata exempla dabunt *Ephem.* à *Cl. Nitsch. vers. T. IV. p. 126. seqq. Eph. nostr. Cur. ann. II. obs. 53. Act. Med. Hafn. T. I. obs. 3. Bartol. C. II. hist. 20, Borell. C. I. obs. 10. Nierenb. L. I. H. N. c. 10. Bonett. L. III. Med. Sept. S. XII. c. 14. Sachs. Ampelograph. L. I. c. 7. p. 62. & in append. p. 17. Kerger. de ferment. S. I. c. 6. p. 51.*

## XLIII. LAC PLANE NIGRUM.

**A**C. MCLXXXI. Sororis meæ villica, multis ab hinc annis *Lac atrū.*  
valetudinaria, peperit tandem puellam; quam verò, cum ipsa lactare non posset, siquidem omne lac ejus *nigrum* & maximè *acidum*, nec etiam aliam substituere nutricem (*oculus defunctam* audivi. *Alex.*)

Quis dubitet, puerperam hanc perfectè fuisse *hypochondriacam*? In his enim tale quid sæpè notamus, ut *feces alvi nigerrimas* picis instar, imò *semen aramenti instar scriptorii* emis-  
sum. *Ann. I. Eph. nostr. Cur. obs. 63.* Ante biennium in foemi-  
na è Præfectura Schlademeni XXVII. annor. fluxum menstru-  
um *nigerrimum* observavi ultra sex menses. Et *sputa* etiam talia erant, durante fluxu, ut hisce vidi oculis. *Urina* ab assumtis & *urina*  
*nigra*, teste *Actuar. L. I. de judic. urin. cap. 20.*  
*Barthol. C. V. hist. 90. D. Schmidio, Phys. Gedani primar. in Eph. nostris.*



Hist. le-  
pida.

*nostris Curios. ann. VIII. obs. 87. Schenk. L. III. obs. 7.* Non tamen semper *sinistri* quid portendunt, ut *Barthol. l. c.* doctè probavit. Vidit *Isibordus* noster *Lovanii* Monachum, qui noctu immensum sitiens, omnesque angulos perquirens, incidit tandem in *urceum atramenti* plenum, retrò fornacem positum, è quo avidè & largiter bibit. Reversus in cellam suaviter quiescit, usque ad matutinas. Tunc sentiens tormina Ventris, pulverem sumit, ex quo copiosè minxit *nigerrimam* urinam. Attonitus ipse, & nescius, quid hauserit noctu, rem narrat aliis. Convaluit tamen bello. Hæc *Isibord.*)

#### XLIV. QUATUOR MIRABILIA IN PUELLO ÆTHIOPICO.

IV. Mi-  
rabilia in  
puero.

A C. MCLXXXIII. Cum *Erfurtò* tenderem *Colonium* in Urbibus vidi in oppidulo quodam lepidum puellum ex *athiope*, & venusta matre natum, in quo quatuor singularia notavi. (1.) *Nasum* ferè *cæruleum*. (2.) *Luna* imaginem pectori manifestè impressam. (3.) in vertice pilos albos, cum ceteri essent atrii & crispuli. (4.) addebant alii virilitatem ejus planè albam. Scilicet gravida mater lintheamina lota amylo cæruleo (intelligit *blaue Stärcke* oder *Stübels*) magis magisque cum expurgaret, & nitidiora redderet, frater ejus fortè superveniens clanculum, immisit in patellam amyli plenam digitò, oblinuit eò *nasum* ejus. Ex quo terrore nævum istum asperferat infanti. Somnians aliquando, ac si *Luna* magno cum fragore cælo super pectus ejus delapsa, valde perterrita, somniumq; istud semper ruminans & referens, & alteram inusserat notam. Ob terrorem igitur, ex hoc, aliisque turbulentis somniis, sæpè conceptum, capillos subinde fricabat, interdum candore eorum quasi delectata, coram speculo crebrius intuebatur, donec tertium infanti imprimeretur signum. De quarto judicent alii non ego. *Alex.*)

Quàm mirabilis phantasiæ vis, quam omnes, quotquot sumus & erimus, Curiosi nunquam dignè vel commendabimus, vel

mus, vel explicabimus. Scrutabimur interim & Dei & Nature codicem, NUNQUAM OTIOSI!

XLV. EPILEPSIA EX INSOMNIO.

A C. MCLXXXIV. Si forsitan alicui hæc mirabilia phantasiæ *Epilepsia* ficta videantur, cum tamen verissima sint, ecquid ad hoc *ex info-* respondebit insomnium? Erat soror mea Cæcilia in horto: in *mnio.* quo cum rubicundissima conspiceret cerasa, accurrit, decerpens ea. Sed ecce! *lepusculus* è frutice surgens viam interturbat. Somnò discussò, tantò corripiebatur terrore, ut omnes artus tremerent. Hinc prolapsa in *febrim.* Peperit postea filiolum, qui, *viso* tantum *lepore*, *vivò* seu *mortuo*, etiam *pietò*, statim fit *epilepticus*. Quod oculatus contestari possum. *Alex.)*

Cum adhuc in Illustri Gymnasio *Gothano*, studiorum causa, commorarer, vidi puellam toties, quoties *araneam* videret, *Ab aranea* gravi correptam *Syncope*. Causam rei indaganti dixit mater, se vidisse olim per quietem *araneum*, super ventrem ejus prorepentem, ex quo terrore filia hæc labes aspersa.

XLVI. MONSTRUM CAPRINUM.

A C. MCLXXXV. Parentis mei molitor in uno stabulo ale- *Monstru* bat *asinos caprasq.* suas, è quibus una hædulum cum capel- *caprinum.* la enixa. Hæc *nigerrima* erat, *auribus* planè *asininis*, quas robusta armabant cornua. Cauda proluxa & *asina*: cetera matri suæ similia. *Alex.)*

Bonâ fide mihi dixit *M. Henr. Simmel* Ecclesiastes *Mihla*. *Puer auri-* nus, se nôsse puerum *auribus asininis* natum, & molitoris filium, *bus asini-* quod vitium prægnans mater contraxerat. Et anno 1174. *nis.* *Et agnus* agnus in monte Jacobi natus est *leporinis.* *leporinis.*

XLVII. IMAGO CRUCIFIXI PECTORI IMPRESSA.

A C. MCLXXXVIII. Devotissima mulier, ubi stabat, ibat, *Imago cru-* sedebat, vel cubabat, ibi imaginem crucifixi habebat appi- *cifixi pe-* ctam, seu adfixam, aut positam. Diu noctûque inter ubera *ctori im-* ejus pendebat, ceu fasciculus Myrrhæ, ut Canticum ait, ut nun- *pressa.*

Dec. II. Annus IV.

Dd \*

quam



quam non piis suspiriis JESU crucifixi meminisset. Nunquam prateriit, aut adspexit talem imagunculam, nisi ut ad os & pectus premeret. Pariebat demum filium primogenitum, ipsi DEO in utero sacratum, qui elegantissimam JESU crucifixi imaginem pectori habebat impressam, sanguineis lineolis, vel potius arteriolis, artificiosissimè distinctam. *Alex.*)

Fidem huic historiæ facit vetus membrana, quæ ita:

*Cunigunda de Doerslad*, JESU crucifixi semper memor, adeò ut etiam imaginem ejus in utero adhuc concluso impresserit infanti. O bonum factum!

#### XLVIII. PICÆ AVIS MENSTRUÆ.

*Picæ avis  
menstrua.*

**A**C. MCLXXXIX. Habuimus *picam* feminam, singulis mensibus in novilunio, ad duos vel tres dies, per inferiora sanguinem, suò more, sat copiosè excernentem, cæterà optimè sanam. Cibis initiò adscripsimus, at ab ipsa experientia meliora edocti vidimus, quàm mirabilis sit Dominus in omni creatura sua. *Alex.*)

*& aliorum  
brutorum.*

Menstruam purgationem in *equabus*, *scrofis* & *ovibus* aliorum quando notavimus. Vidit ò *χαιρίσατο* *Cortnummus* meus, Prof. olim Reg. in Equestri Danorum *Sorana*, Doctor optimè meritus, *pavonem* foeminam, quòvis mense Lunâ decrecente, *globulum* quendam, lentâ pituità qs. incrustatum, egerentem, qui apertus nil nisi *innumeras* continebat *arenulas* deglutitas, & à provida Natura certò tempore prudenter expulsas.

#### XLIX. CARPIO ULCEROSUS.

*Carpio ul-  
cerosus.*

**A**C. MCXC. In culina Comitum de *Wintzenborch*, propinqui mei, exenteratus *carpio* in ventre totus fuit *ulcerosus* & *pustulis* plenus, quæ aciculâ apertæ foedam spirabant mephitim. *Alex.*)

*Gamm-  
arus lepro-  
sus.*

I nunc, *Nonni*, & jacta perpetuam piscium sanitatem *L. III. de re cibar. c. 8.* Conf. quæ de *gammario leproso* habet *D. Bernitz Ann. II. Eph. Curios. nostr. observ. 99. p. m. 174.*

L. HE-

L. HEPAR ANSERIS SILICEUM.

A C. MCXCI. Mactavit coquus noster *anserem* pro fratri-  
bus, & ecce totum ejus *epar*, præter omnium expectatio-  
nem, planè fuit *siliceum*, (non lapideum,) ut etiam mallei per-  
cussiones elideret, colore subruſſo. *Alex.*) Hepar si-  
liceum.

De variis hepatis lapidibus varia collegit *Sachſ. in epist. de  
miranda lapidum natura & Miscell. nostr. Curios. Ann. I. obs. 66.*  
tota verò ejus substantia in *silicem* conversa haud passim ob-  
veniet. Servo mihi adhuc *renem* perfectè *siliceum*, è cadave-  
re Norwagi cujusdam excisum, aliquot uncias pendentem, & *ceus.*  
ab Excell. D. D. *Cortnummio*, Medico & Philosopho consum-  
matissimo, liberaliter olim in Dania mihi datum. Hominem *Homo sili-*  
totum, mammas tenus, *siliceum* vide in *Muséo Wormiano L. I. ceus.*  
*sect. II. c. 13. Conf. Ann. I. Eph. Cur. obs. 27.*

LI. FEBRIS A VENÆSECTIONE SEMPER.

A C. MCXCII. Habemus quendam in familia nostra tem-  
peramenti maximè sanguinei, cui crebriorem Venæse-  
ctionem imperârunt Medici. At quoties obsequitur, in pri-  
mis vere & auctumno, toties alterò vel terciò die postea certò  
certiùs incidit in *tertianam*. *Alex.*) Febris à  
V. S.

Utrum primâ alterâve statim vice subsequuta fuerit febris,  
reticet *Autor*. Ceterum ratio in promptu est, cur crebra V. S. *Ratio.*  
homines *febri* aptiores reddat? Scilicet quia *sulphur* in massa  
sanguinea ita copiosius congeritur, *sal* verò (quod ipsum fre-  
nare, & ab efferatione cohibere debet,) hac ratione subduci-  
tur. Etenim sanguis, quò magis inveterascit, eò evadit *salsior*,  
Sale nimirum præ ceteris elementis minimè evaporante. Quò  
verò *Sale* magis abundat cruor, eò minus *sulphure*. Sal enim  
*sulphur* atterit, absomit & evaporare facit. Cùm itaque V. S.  
pristinus sanguis detrahitur, ejus vice alius opulentior, & *sul-*  
*phure* imprægnatior substituitur, adeò ut evadat minùs *salsus*,  
& plus *sulphureus*. Vide subtiliss. *Willis. L. de febr. c. IX. p.*  
*m. 166.*



## LII. MIRA LACTIS DIVERSITAS IN FÆMINA..

*Mira la-  
ctis diver-  
sitas in fæ-  
mina.*

**A**C. MCXCIII. Novi fæminam rusticam, cujus mira con-  
stitutio *lactis* in mammis. Si enim è *dextra* sugat infans  
optimè valet: si è *sinistra* verò, statim patitur insultus *epilepti-*  
*cos*. Suasit igitur mater mea, ut *dextra* solummodò appone-  
retur infans. Rei tamen veritatem porrò indagatura, ipsa lac  
è *sinistra* mamma emulctum alii dedit infanti, & statim in  
eundem incidebat morbum. *Alex.*)

Conf. si placet, quæ notavit Cl. *Lyser. obs. XI. ad Th. Bar-  
thol. missa.*

## LIII. CATTUS CUM PEDIBUS ANSERINIS,

*Cattus cū  
pedibus an-  
serinis.*

**A**C. MCXCIV. In vicino Monasterio natus est *cattus* pedibus  
planè *anserinis*, quem adhuc raritatis causâ servat Abbas.  
*Isibord.*)

Sic *cattum* pedibus *humanis* in agro Patavino natum anno  
1629. refert Licet. Et anno 1474. in Germania natus est infans  
manibus pedibusque *anserinis*. In Gallia ovum *anserinum*  
fractum exhibuit *humanum* caput, quod, locò capillorum &  
barbæ, colla habuit *anserina*, cum rostris & oculis. Figuram da-  
bit *Schott. in Phys. Curios. L. V. & longè monstrosiora exempla,*  
ut alios hîc taceam.

## LIV. MUS VENATUR MURES.

*Mus ve-  
natur mu-  
res.*

**A**C. MCXCV. habuimus *murem* in conventu adeò cicurem,  
ut aliquando cum fratribus colluderet. Id singulare & vah-  
de memorabile in eo, omnes alios in toto refectorio, quos po-  
terat, cupidè venabatur instar *catti*. Occidebat autem saltē,  
non vorabat. *Alex.*)

Vide quæ de *lupo*, caulæ custode, aliorumque luporum  
animoso invasore habet *Schott. L. VIII. Phys. curios. c. 48. p. m. 904.*  
Adeò consuetudo potentior Naturâ!

LV. GRA-

LV. GRATA CICONIÆ PIETAS.

**A**C. MCXCVI. *Ciconia* è vicinia, ob incendium, cum con- *Grata cico-*  
juge è laribus pulsa, domicilium sibi eligit Corbiæ. *Cona-* *nia pietas.*  
tum ejus fratres juniores ultrò promovent, lignumque pro  
structura nidi largiter suppeditant. Circa autumnum dis-  
cessuri, Missam inter templum intrant Seniores, subsequenti-  
bus, quos eò pepererant annò, quatuor junioribus. Ibi coram  
altari è latere singulæ unò eòdemque consistentes pede, omni-  
um oculos in se convertunt. Finitò sacrò, cum nemo tribur-  
tum suum peteret, Seniores cum junioribus *natu minimum* alis  
rostrisque ad sellam Abbatis quasi protrudunt. Quà retentâ,  
templò exeunt, eademque nocte discedunt. *Alex.)*

Conf. *Jonst. thauinat. nat. Class. VI. c. XV. p. m. 249. seqq. &*  
*C. Schott. Phys. Curios. L. IX. c. 26.*

LVI. MULIER EPILEPTICA IN PAROXY-  
SMO PARIENS.

**A**C. MCXCVII. Sororis meæ villica in ipso paroxysmo epi- *Mulier in*  
leptico peperit venustos gemellos. *Alex.)* *paroxysmo*  
Simile exemplum vid. *apud Tulp. I. obs. ro.* *epileptico*  
*pariens.*

LVII. CERASUS IN SALICE NATA.

**A**C. MCXCVIII. Stabat in pomario nostro ad muros an- *Cerasus in*  
nosa *salix*, nunc excisa, in qua elegans *cerasus* enata, cu- *salice.*  
jus fructus summa cum voluptate decerpere fratres. *Alex.)*

Sic *Theophrast. L. II. de caus. plant. c. 23.* memorat terebin-  
thum in *olea* natam; *laurum* in platano & quercu *Licet. L. I. de*  
*monstr. c. 5.*

LVIII. OMINOSA GVICBOLDI ELECTIO.

**E**òdem annò, quò *Guicboldus*, Abbas, qui mihi sacrum de- *Ominosa*  
dit habitum, præesse coepit, tria valde memorabilia acci- *Guicboldi.*  
derunt, fausti regiminis omina. (I.) *Ovis* ad ostium templi *electio.*  
peperit agnum. (II.) *Canis* in sacello S. *Gertrudis* septem pe-  
perit catulos. (III.) *Gallina* in ipso limine Ecclesiæ pullos ex-  
clusit XII. *Alex.)*



Explica-  
tio.

Aliâ manû hæc in margine erant scripta. *Ovis* denotat incrementum gregis religiosi. O utinam omnes essemus *oves* mancipatæ *agno*! Deus faxit! *Canis* peperit VII. catulos, numero sacro. Fiamus omnes *catuli* latrantes pro Deo & Ecclesia. Væ enim mutis! *Gallina* XII. exclusit pullos. Tot erant Apostoli. Tot fontes in Helim *Exod.* XV. 22. tot gemmæ pretiosæ in veste sacerdotali *Exod.* XXXIX. 14 tot Præfecti Salomonis *1. Reg.* IV. 7. tot portæ Hierosolymæ cœlestis. *Ap.* XXI. 12. O simus & nos tales, si non omnes, saltem XII. ut Saxonia habeat **ZODIACUM CHRISTIANUM**: Næ, divina providentia non minùs ethnicis, quàm Christianis, interdum memorabilia obtinendi, amittendi aut infelicitè & feliciter etiam administrandi imperii omnia monstrat, quorum catalogum dabit *Cl. Bernegger. obs. hist. polit.* 10. Adde sîs *Phil. Carol. animadvers. in 2. Curt. n. 2. & Richter. axiom. polit.* 18.

### LIX. MONSTRA MARINA IN VISURGI CAPTA.

Monstra  
marina in  
Visurgi  
capta.

**I**Ntra *Corbiam* & *Hemelen* capta sunt monstra marina, quæ omni populo incusserunt terrorem; cete sc. & canes marini, unâ cum insolito & grandi pisce. (*Alex.*)

Equidem ex Oceano in *Visurgim* delabi potuisse *catulos marinos*, Junioresque *balenas*, aut alias ponti incolas, captis, fugatis seu occisis, parentibus, ecquis negabit? Sed quòd miraculum inde cudat *Just. ab Hoxar*, U. J. L. & Cancellar. olim *Corbeiens.*, magnum profectò puerilis ignorantia specimen est.

### LX. GALLUS QUADRUPES.

Gallus  
quadrupes.

**A**C. MCXCIX. Vidi Colonia in monasterio ordinis nostri nigerrimum gallum, quatuor pedibus animosè gradientem. (*Alex.*)

Similia exempla pete ex *Licet. L. I. de monstr. c. 4.* & *Lycosten. de prodig. ac ostent.*, ac *Jul. obseq. de prodig. p. 80.*

LXI. MO-

LXI. MOTACILLA SINE GUTTURE INF:

A C. MCXCIX. Ceperunt Fratres nostri juniores *motacilla* *Motacilla*  
*lam*, quæ excrementa sua quotidie per os rejecit, cum via *sine guttu-*  
 ordinaria à Natura penitus occlusa esset, optimè tamen va- *re inferio-*  
 luit. *Alex.*)

Contrà *Lycosthen. de prodig. & ostent. p. 610.* depinxit co-  
 lumbam quadrupedem, cum duplici excrementorum exitu.

LXII. PSITTACI ASTUTIA.

A C. MCC. Alebat Abbas noster astutissimum *psittacum*, & *Psttaci a-*  
 ad mira quævis ingeniosè eruditum. Singulis matuti- *stutia.*  
 nis, jussu domini sui, distinctè promptèque recitabat *Pater no-*  
*ster &c.* cum annexo: *Gloria Patri &c.* Si quando fratres ju-  
 niores, Musices nostræ, nondum satis gnari, in decantandis  
 psalmis fortè errarent, statim animadvertibat iste nequam, &  
 inclinato capite, rostroque ad pectus pressò, altà voce canta-  
 bat: *O mea culpa! mea maxima culpa!* Cùm verò, agnitò er-  
 rore, rectà procederent, tunc iste cum cachinno; *Deo gratias!*  
 Prælatus in vicinia aliquando in Conventu volebat, ut recita-  
 ret *Pater noster*. Sed cùm non nôsset bonum virum, parere  
 noluit, aliàs domino suo obsequentissimus. Interim Abbas  
 iste semper præibat, dicens: *Pater noster*; &, cùm adhuc re-  
 pugnaret, repetens verba ista, subdidit: *ey bete du Schelm!*  
 Tunc avis clarà voce: *Qui ES.* Proh! quantus inde cachinnus.  
 Intererat Missæ nobilis, at fastuosa, mulier, quam cùm vide-  
 ret, capiti ejus insedit, faciens opus Naturæ, & clamans:  
*PULVIS & UMBRA SUMUS!* *Alex.*)

De alio, *Symbolum* qui recitabat *Apostolicum*, & ad interro- *Et alius.*  
 gata respondit, vid. *Drexel. P.II. Aurifod. c. 6. p. m. 173. Jonston.*  
*Thaumat. nat. Cl. VI. c. 36. Londini* aliquis in Tamasin lapsus, *cym-*  
*bam, cymbam*, clamabat, pro 20. libris. Postea respondebat re-  
 demptori suo: *date nebuloni solidum.* *J. Henr. Seyfried. in me-*  
*dull. Memorabil. Nat. L.II. c. 4. p. 625.*

LXIII. FOE-



## LXIII. FOEMINA PEPERIT CANCRUM.

Cancer ex  
famina.

**A**C. MCCII. Fœmina, partui vicina, ex horto suo domum reditura, ad rivulum fortè confidet, nudis pedibus limpida aquæ immerfis. Ita incidit in somnum. Interim *cancer* (non tamen adeò magnus) fortè arreptans, ipsâ planè insciâ, ad *uterum* usque pertingit. Excitata demum ad suos revertitur. Alterò die *acutos* uteri dolores sentit, quos mulierculæ à *partu* vicino, Medici verò ab *aquæ frigore* deducebant. Sequentè septimanâ parit venustam sanamque filiam, tandem, maximis cum doloribus, verum *vivumq; cancrum*, ut à testibus habeo oculatis. *Alex.*)

Conf. Scholion Eruditissimi *Sachs. ad obs. 109. T. I. Eph. Curios.*

## LXIV. RANÆ CUM MENSIBUS EXCRETÆ.

Rana cum  
mensibus  
excreta.

**A**C. MCCIII. Puella XVI. annorum, de *doloribus uteri* diu quæsta, tandem, unâ cum mensibus, XI. minutissimos *ranunculos* rejecit, omni dolore cessante. *Alex.*)

Menses  
verminosi.

Sic *Panarol. Pent. IV. obs. 12.* narrat : fœminam quandam quolibet mense, sine ullò dolore, quàm plurimos *vermes*, locò mensium, excrevisse.

## LXV. PASSER ALBUS.

Passer al-  
bus.

**A**C. MCCIV. Vidi apud Comitem *Homburgicum*, summæ raritatis causâ, *passerem* verè *niveum*, qui eum ab Hebræo emerat tribus scutatis. *Alex.*)

Et corvi.

Conf. de *corvis* verè *albis* in *Wetteravia* captis *D. Witzelii, Reip. Francf. Phys. ord. obs. 57. in T. III. Eph. Curios. p. m. 94. & de aquila alba T. IV. Eph. obs. 59.*

## LXVI. VERBENA IN CALVARIA.

Verbena  
in calva-  
ria.

**A**C. MCCIV. Vidi elegantissimam *verbenam* cum flore in abjecta *Calvaria* natam. *Alex.*)

Conf. quæ *D. Bernitz* habet *Ann. II. Eph. Curios. Germ. nostr. obs. 53.*

DEO GRATIAS!

HISTO-

HISTORIÆ  
LITERARIÆ

S. R. I.

ACADEMIÆ NATURÆ  
CURIOSORUM

CONTINUATIO II.

*AUTHORE*

MICH. BERNHARDO VALENTINI,  
Med. Licent. & Acad. Germ. Cur.  
Collegæ.

---

NORIMBERGÆ,  
ANNO M DC LXXXVI.



THE  
LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
OF THE  
MUSEUM OF  
COMPARATIVE ZOOLOGY  
AND ANATOMY  
OF THE  
MUSEUM OF  
COMPARATIVE ZOOLOGY  
AND ANATOMY

JOH. LAURENTII BAUSCHII,  
Med. Doct. & Reip. Swinf. Physic. Ordin.  
*SCHEDIASMA*  
de

Lapide Hæmatite & Schistô,

*ad modum & mentem Acad. N. C. Lipsiæ 1665.*

**P**Ro continuandâ nuper cœptâ Historiâ Literariâ, addo jam ea, quæ primò omnium recensenda erant, curiosâ sc. Beatissimi Dn. BAUSCHII, Primi Acad. Nostræ & Præfidis, Scripta, quæ inter agmen meritò ducit curatissima Lapidis Hæmatitæ Historia, in quâ mirare mecum indefessam atque variam Illustris Viri lectionem, quæ vel ex solò *Proœmiô* Tractatui huic præfixo colligi poterat: Bipartitum autem est: Primùm enim conquisitis ex optimæ notæ Scriptoribus exemplis, tragicos eorum casus enumerat, qui omnis generis hæmorrhagiis perierunt. Abhinc arduam omninò & perquam difficilem *de Lethalitate vulnerum* doctrinam expedit, ut quas alii hunc in finem annotârunt Observationes, hîc in compendiò ferè conspici possint. Quod verò ipsam tractationem cernit, præmissâ *nominis* evolutione, *generationem* hæmatitæ docet & ex ramentis rubricæ per calorem in lapidis consistentiam induratis provenire credit. Quoad verò *locum natalem* notatu forte dignum est, quod ferrifodinas maximè amet & cum ♂ insignem affinitatem habeat; inde enim est, quòd instar magnetis ferrum sæpiusculè attrahere dicatur. *Differentia* ejus variæ sunt, ratione sc. *figuræ, coloris & consistentiæ*, sicut fusè ostendit. *Vires* autem *adstrictivas & exsiccativas* illi tribuit; hinc in omnis generis hæmorrhagiis, hæmoptysi, mictione



cruentâ &c. Sacra vulgò anchora est,, intus & extus adhibitus. *Traumaticum* pariter remedium constituit in phthisi, vulneribus ulceribusque extremis: Quin ubicunque adstrictione quâdam opus est, egregiè sese gerit. Multæ tamen *virtutes fabulosa* huic pariter lapidi adscribuntur, quas fusè ridet Author. In *mechanicis* Aurifabris quoque inservire solet. Cùm verò à Matthiolò olim dubitatum fuerit, an vulgaris officinarum hæmatites idem sit cum hæmatite Dioscoridis, hinc eum *eligere* docet, qui frangibilis æquè ac friabilis sit, æqualis duritiei, coloris sanguinei & ab omnibus sordibus liberi. Variæ postmodum hujus *præparaciones* in officinis instituuntur, frequentissimè tamen in formâ *pulveris* præscribi solet.

Inter *succedanea* ejus *Schistum lapidem* extollit, qui hæmatitæ quædam species est & tantam invicem similitudinem habent, ut Schistum frequentius, quàm verum hæmatiten nobis offerri credat, utut formâ multum, variet, ut adjectæ *tabula anea* demonstrant. Hinc hujus pariter *differentias* atque *vires* tradit, quæ cum hæmatite ferè colludit. Tandem & alios eosque *Spurios hæmatitas* addit, non tantum *naturales*, sed & *artificiales*, quorum descriptiones tum ex Authore, tum *Ephemeridum Nostrar. Dec. I.* haurire poterunt.

De

## Lapide Aëtite

### SCHEDIASMA,

ad modum & mentem Acad. Nat. Cur. congestum

à

JOH. LAURENTIO BAUSCHIO,

Med. Doct. & Phys. Svvinf. Ordin.

Lipsiæ Anno 1665.

**S**criptum hoc priori junctum est, & eadem fere methodò  
elaboratum, in cujus *Proæmiò* varia muliercularum infor-  
tunia

nia, aut ex abortu aut præternaturali vel difficili partu illis sub-  
nata recenset; quæis *Aëtites* aliàs mederi dicitur. Lapis hic  
aquilæ ferè *nomen* debet, quòd in ejusdem nido vulgò reperiri  
dicatur, quod tamen ut prorsus fabulosum ridet Author Ve-  
nerabilis, & in fluminibus, ripis, agris atque montibus col-  
ligi refert: Unde sterilis est disceptatio, an in aquilarum nidis  
vel corporibus generetur, an verò ab iis eò deportetur, utrum-  
que enim falsum; hinc convenientius adhibentur alia ejus no-  
mina ab Authore addita.

*Species* ejus pro varietate contentorum variant admodum:  
Velenim calculis, terrâ, arenâ, vel aqua prægnans est, unde va-  
rias sortitur denominationes, quatenus crusta illa lapidosa  
circa aliam vel aliam materiam concrevit, id quod *modum ge-*  
*nerationis* absolvit. Sunt tamen & aliæ *differentia à loco natali,*  
*colore, odore, magnitudine & figura* desumptæ, ut ex adjectis *ico-*  
*nibus* videre est. Quod verò *vires* ejus attinet, multa illi tri-  
buuntur, quæ & naturæ & Medicinæ limites superare viden-  
tur. Præcipua ejus vis est, quòd pro diversò applicandi mo-  
dò & abortum præcaveat & partum promoveat, quod contra  
alios & authoritatibus & experimentis confirmat, cum hâc ta-  
men distinctione, ut non cuiusvis partus difficultati præternatu-  
rali, sed naturali (nec hujus tamen causis singulis) opitulari cre-  
dat; sicut abortum pariter à causâ violentâ neutiquam præ-  
cavere soleat. Alias ejusdem virtutes, ut & *vires fabulosas* suis  
Authoribus relinquit, tandemque *coronidis & Appendicis* loco  
aliis lapidibus gravidis concludit, utut sub censum aëtitarum  
nullibi cadant, quos inter & saxa illa calcaria refert, quorum  
ager Suinfortensis æque ac thermæ Malliacæ fertiles sunt, qui-  
bus minores quidam lapilli ex una parte convexi sunt inclusi;  
vulgò *bufonum lapides*, die *Krötenstein* / audire solent, quos (ne-  
scio in quem finem) auro circumdare & de collo suspendere so-  
lent. Quin & viva sæpè animalcula, ranas, bufones, serpen-  
tes, &c. in lapidum meditullio reperiri plurimis experimentis  
ostendit.



De

## Unicornu Fossili

*Ad normam & formam Acad. Nat. Cur.*

## S C H E D I A S M A

JOH. LAURENTII BAUSCHII,

Med. Doct. &amp; Phys. Svvinf.

**T**Ractatus hic curiosæ Dn. D. FEHRII Scorzonæræ adjectus est, ubi præmissis variis *nominibus* hujus unicornu, *materialiam & modum generationis* inquiri, quam margam quandam, bolum vel succum lapidescentem esse credit, qui intercedente motu in terræ visceribus, conceptô atque variâ matricis sive loci conditione, vel ipsius etiam naturæ lusu in cornuum, dentium &c. formas abeat & coaguletur. Unde jam patet, quid de eorum opinione sit sentiendum, qui cornua hæc, aut monocerotum cornua aut dentes elephantinos, diluvii tempore terrâ obrutos & qs. calcinatos esse statuunt. Illud verò haud impossibile esse credit, quòd lacteus hujusmodi liquor, ex margâ lignorum cornuum vel dentium porulis se insinuans, hæc in lapides successive indurare possit.

Abhinc *diversitatem* animale inter atque minerale unicornu occurrentem tradit, quæ à colore, odore, sapore, consistentiâ aliisque proprietatibus hauriri faciliè potest. *Locum* verò natalem diversâ Germaniæ æque ac Italiæ loca esse variis exemplis & historiis comprobat. *Vires* quod concernit, pares illi ac terræ cuidam sigillatæ ascribit, præcipitantes scilicet, diaphoreticas & alexipharmacas. Quod verò à vulgo tot exæque stupendæ prorsus facultates illi tribuantur & auro contra pretiosius æstimetur, id ex præconceptâ ferè opinione de Unicornu verò provenire credit, quod ipsum tamen tantas adversus venena vires neutiquam habere ex Clariss. Medicorum testimoniis adstruit. Multi interea in epilepsiâ, febribus malignis,

gnis, variolis, diarrhoeis &c. *usus* esse non inficiari potest. *Modum utendi* in *preparatō* potissimum esse subjungit, utut ex eodem pariter ac terrā quādam sigillata *Spiritum* quoque per destill. elici posse nullus dubitet. Quin & variis illud *compositionibus* admisceri solet, quas inter elegantes imprimis sunt *globuli bezoardici* à Dn. Authore in febb. malignis & variolis expertissimi:

℞ Unicornu mineral.

Terr. Sigill. alb.

CC. Philos. calc. aa. 3iij.

Antimon. diaph. 3j. Terantur subtil. & cum mucilag. Tragac. alb. c. aq. Scord. vel Scorzon. fact. F. Globuli in form. Terræ Sigill. Turcicæ Dos. ℞j. ad ℞ij.

## SCHEDIASMA POSTHUMUM

De

### Coeruleo & Chrysocollo,

AUTHORE

D. JOH. LAURENTIO BAUSCHIO,

Physicō Svvinf. Ord. & Acad. Nat. Cur. PRÆSIDE

benè meritō.

Jenæ 1668.

**D**Uobus hoc membris absolvitur: Prius eleganti *Proœmiō Melancholicō-Historiologicō* est instructum, in quō collectis undique exemplis varia Melancholicorum deliria recenser: Et cum in affectuum horum curatione coeruleum specificè conveniat, non potest non in ejus heic naturam curatius inquirere:

Quandoquidem verò coeruleum nativum, lapis Armenus & Lazuli ab aliis prorsus confunduntur, hinc eorum *differentias* docet, à *Patriâ, colore, sapore* &c. petendas. Sic quod ex Armeniâ olim adferebatur coeruleum, *lapis Armenus* dicebatur,

cum



cum terrâ tamen seu bolo Armenô neutiquam confundendus. Ubi verò cœruleum aureis quasi punctulis est distinctum, *lapis Lazuli* audire solet. Jam verò *modum generationis* quod concernit, lapides hosce tum generari putat, si quando humor quidam acidus sive falsus materiam fortè metallicam corroserit, auream v. g. vel argenteam, quæ à calore demum subterraneò, in lapidis duritiem excoquatur. Non negat interim eandem sive per sublimationem lapidibus, sive per præparationem sabulo & arenæ adhærendo lapides hosce producere posse. Instituto postmodum *delectu* varias ejus & *præparationes* & *compositiones* annectit, una cum *viribus*, ubi præter qualitates calido-siccas, *externè* vis potissimum *caustica* illi tribuitur, quæ tamen non tam lapidi crudo, quàm ustione prius calcinato attribui potest. *Internè* atram bilem purgare dicitur, in affectibus melancholicis, inde vulgò deductis, melanchol. maniâ, epilepsia. Quin & cœrdialibus annumerant, quò fine celebrem alkermes confectionem ingreditur. De usu tandem *mechanicò* res est in vadò; unde ad alterum

## De Chrysocollâ

**M**Embrum nos convertimus, quod cum pari ferè methodo absolvatur, parciùs heïc attingemus. Duplex verò est *Chrysocolla*, *nativa* & *factitia*. Illa propriè hoc venit nomine & *viribus* ferè cum superioribus cœulei speciebus colludit: Hæc verò *borrax Offinarum* dicitur & ex Nitro, Sale Armon. & Urina Venetiis copiosè coquitur, eximii *usus* in rebus aphrodisiasticis & cosmeticis. Quin in ciendis menstruis, partu, lochiis &c. ferè ultimum est refugium. De usu *mechanicò* Pictores & Aurifabri loquantur. De valore Taxæ.

# Anchora Sacra vel Scorzonera

*Ad normam & formam Acad. Nat. Curios. elaborata*

à

JOH. MICH. FEHR D.

*Jenæ 1665.*

**A**bsolutis ita B. Dn. D. BAUSCHII pensis ea jam subjun-  
gimus, quæ ab *Illustri Nostro Argonauta* D. D. FEHRIO  
hactenus expedita sunt; qui & Dignitate & Eruditione Ante-  
cessoris sui vestigia legens, bina Nobis eaque Curiosissima scri-  
pta concredidit, *de Scorzonera* unum, alterum *de Absinthio*.  
Hoc cum jam ad manus non sit, alibi forte recensebimus. Illi  
verò eruditam *ad Lectorem Præfationem* præmisit, in quâ non  
tantum miratur, quòd saluberrima *Scorzonera* tot retro secu-  
lis in obscurò latuerit, sed & quòd à Dioscoridis ævò nemo ferè  
se obtulerit, qui pari vel fervore vel studiò Studium prosecutus  
sit Botanicum, adeò q. ut non sine causâ Scholis objecerit  
olim HELMONTIUS, bis mille fere annos nequicquam lu-  
minis in rem herbariam allatum esse, dum maxima Botani-  
corum pars formam saltem admirantur & varia corradunt no-  
mina, prætereaque nihil. Eorum ex adversò conatum sum-  
moperè dilaudat, qui cum ad TRAGI & Discipuli ejus TA-  
BERNÆMONTANI imitationem usum herbarum Practi-  
cum pariter indagare eundemque Materiæ Medicæ applicare  
student; quo fine & hanc *Scorzonera* historiam tradidit.  
Antequam autem ad pleniorẽ ejus evolutionem dilabatur,  
*prodromi* loco prolixum vegetabilium numerum addit, quo-  
rum Germania Nostra ac ager speciatim Swinfurtensis fertilis  
est, quæ inter & quædam tragopogi Species reperitur, *Scorzo-*  
*nera* à serpente Scorzo dicta, cujus morsui mederi dicitur.  
Addita ergò *descriptione*, diversas ejus Species recenset latifo-  
lias sc. & angustifolias, subnexis elegantissimis figuris adul-  
Dec. II. Annus IV. Ff \* ram



tam æquè Scorzoneram ac in primâ adhuc herbâ pullulantem exprimentibus, cùm utriusque cognitionem Medico necessariam omninò esse peculiari *questione* doceat. Abhinc *locum natalem* considerat, qui certæ cuidam Regioni adscribi nequit, cùm non Italiam modò, Galliam aut Hispaniam, sed &, quod suprà dictum, Germaniam pariter pro Patriâ agnoscat: Quin & in utrâque India quædam ejus vestigia reperiuntur, ut ex Itinerariis constat. Quod verò *Vires* attingit, ex primis, ut audiunt, qualitatibus caliditatem, atque siccitatem ei quidem cum aliis non denegat, *facultatem* tamen alexiteriam ab altiori, eoque occulto ferè principio derivare amat, quâ latifoliam Hispanicam s. Germanicam majorem excellere dicit, justò q. tempore collectam; Ita enim ratione Salis Volatilis omnis quoque generis *obstructionibus* mederi, quin & viscera nobiliora cor, cerebrum & alia singulariter corroborare solet.

Nec externè in fistulis & ulceribus putridis penitus rejicula est. Hunc in finem variæ formæ *preparationes* atque *compositiones* inde parandas addit earumque *usum* & *culinarem* & *Medicum*, in *affectibus* præprimis malignis tam cum febre affligentibus, ut feb. petech. Ung. Peste, variolis morbillis aliisque exanthematibus, quàm *sine febre*, ut: Convuls. Epil. Melancholia, Gangræna &c. Tandem occasione Serpentis Scorzo *parecbasi* quâdam de venenis eorumque antidotis, ut & aliis *questionibus* curiosis concludit.

# HISTORIA MOSCHI

Ad

*Normam Acad. Nat. Curios. conscripta*

à

LUCA SCHRÖCKIO LUC. F.

Med. D. & Phys. Aug. S. R. J. Acad. N. C.

Adjuncto d. Celsò.

*August. Vindel. Anno 1682.*

**Q**uàm in Cathedrâ olim Academicâ Jenensi, tanquàm in Synopsi dederat Moschi Historiam, hanc loco Pensi Curiosi jam locupletatam magis offert Celeberrimus Author & eleganti carmine Reverendissimo atque Eminentissimo Academiae Nostræ Protectori consecrat. *In primò verò Tractationis limine* ea statim præoccupat, quæ Alii fortè circa Moschi nostri usum objicere poterant, quod aut Vetustissimis Artis Medicæ Scriptoribus sit incognitus, peregrinus, pretiosus nimis, adulteratus, aut alio quovis modo re-jiculus. Quibus cum *Philologicâ nominis evolutione* expeditis, *originem ejus & materiam* inquirat, & recensitis variis variorum opinionibus tandem duplicem ejus ortum esse concludit, unum *naturalem*, alterum magis *artificialem*: Illic in peculiari folliculò, ad animalis moschiferi umbilicum locato generari, & ut ingeniosè suspicatur, per glandulas quasdam minutissimas sub humoris excrementitii formâ secerni putat, qui cum folliculo suo, non tam spontaneâ animalis affrictione, quàm manuali hominum encheiresi resecto, sub moschi nomine nobis innotescat. Negare interim prorsus non audet, & aliis eundem modis, adulterinis magis, artificio parari posse, ex sanguine nimirum, per crebras bruti fustigationes extravasato; testi-



bus item, renibus, imò tota animalis substantiâ minutissimè contusa & verò Moschò folliculario imprægnatâ, ut ab Indicarum Rerum Scriptoribus annotatæ encheireses & historiæ referunt. Quoad *animal* illud *moschiferum*, collatis invicem aliorum descriptionibus, ex propriâ autopsiâ illud ex capreolorum genere esse probat; hinc non sine insigni c. Zibethico animali confusione catum moschatum alii vocarunt *die Biessem Käse*. Utut non unum modò, sed duplex animalis hujus moschiferi genus esse credat. Verùm interim *Capreolum moschiferum* cutè variegatâ, capite lupinò, duobus ex ore terram versus protensis dentibus & infra umbilicū folliculò quodam instructum esse depingit. Sicut non minus accuratam *folliculi* istius *anatomiam* instituit, qui extus pilosus, magnitudine suâ ovum gallinaceum adæquat & in cavitate sua nucistam facile continere valet, non tam carnosæ quam membranaceæ substantiæ, ductu peculiari, orificio suo & musculo sphinctere munito gaudens, ne prodigè profundatur moschus inibi contentus. In interiore verò superficie adhuc specialem habet pelliculam moschum cingentem, in qua præter vasa sanguiferâ circa meatus moschiferi orificium complures glandulas, ad moschi procul dubio secretionem facientes reperit, in quas pilorum, orificium illud cingentium, radices implantantur, quas cavitate satis pervias esse observavit, & unâ cum climatis folliculi figuris ob oculos ponit. *Patriam* autem animalis hujus Tartariam, Chinam atque Indiam esse probat. Quæ verò alii de moscho Persico, Syriaco & Americano referunt, sublestæ ferè fidei sunt. Multò minùs in Europæis regionibus illud reperiri credit, nisi fortè aliunde deportatum in Magnatum Aulis aleretur, ubi tamen aut de vita aut moschi bonitate periclitatur. Quandoquidem verò plurimis à Dn. Authore detectis fraudibus *adulterari* solet, de *electione* ejus etiam est sollicitus; ubi primatum semper folliculario illi, humanâ ope exempto tribuit, non tamen rejectis penitus aliis, ex sanguine, renibus.

bus vel testibus paratis massis, modò fragrantia natiua, cominus gravi, eminus verò suavi se commendent, cui magna hoc in passu fides ascribenda, eoque major, si reliqua quoque signa, integritas sc. folliculi, amaror &c. conspirent, quæ sensum sumta non sufficiunt, quicquid m. alii de hæmorrhagiæ narium, colore &c. proferant. Quo ad *qualitates* ejus, in eorum sententiâ acquiescit, qui calidum & siccum pronunciant, cum volatilis admodum & tenuium sit partium, unde vis attenuans & dissolvens. Adstrictiva nulla est. In *odore* moschi explicandò missis qualitatibus intentionalibus, Recentiorum DYGBÆI, BOYLEI, HELMONTII &c. sententiæ favet, qui per effluvia ejus & miasmata salino-volatili-oleosa, quæ ad CARTESIANORUM mentem particulis suis & moleculis flexibilibus odoratûs, organon blandè titillare valeant, rem explicare amant, in quibus vis ejus & *intèrpretia* consistit; Unde ne hujus dispendium ferat, curam ejus *asservationem* suadet, ut folliculo suo contactus pyxidi aut vitreæ aut metallicæ indatur. Antequam autem ipsas moschi virtutes explicandas suscipiat, de *incommodis* ejus primùm cavere jubet, dum ob summam, quâ fervet, caliditatem, tenerioris texturæ hominibus cephalalgiam, vertiginem epilepsiam, suffocationem & sexcenta alia creare potest. Curiosum est, quod in Pictore suo Augustano, cui folliculos moschiferos, aqua licet maceratos delineandos tradiderat, observavit Author, qui ad primam ejus perceptionem immani capitis dolore, mox lypothymia correptus, cœptum ferè opus derelinquere coactus fuit. Aliis hæmorrhagias excitat, ob summam sanguinis resolutionem & incallescenciam à moschò causatam. Hinc pro curandis hisce symptomatis, temperata, oleosa, foetida & quæ narcosi quadam gaudent, adhibere jubet. Inter *virtutes* è contra *alexipharmacam* primò tradit, non quod omnibus in genere venenis adversetur, sed quod ea præprimis, quæ spiritus C. H. stupore quodam & narcosi afficere solent, validè retundat.



qualia sunt : Napellus, coriandrum, juglans arbor, felis cerebrum &c. Sed an & pestiferæ malignitati resistat, quæreres? Cautus hic omninò est Author Nobiliss. & ut pro naturarum & symptomatum ratione non planè rejicit, ita aliis experientia statuminatis alexipharmacis anteferre non sustinet: Quin verendum ferè est, ne M. S. nimis rarefaciendo malum augeat. Magis E. ob summam *confortandi vim* expetendus, quam à fallis vol. animali, spiritibus nostris analogo haud ineptè dedunt. Quà ratione & *Cephalicis* annumerandus, cum tam in genere quibusvis affectibus nervinis, quàm in speciè cephalalgia, catarrhis, memoriæ deperditæ, fatuitati &c. opituletur. An & mania atque phreniditi conducat, dubitat Author, ob summam affectuum horum fervorem. Imprimis verò soporosos discutit affectus, lethargum sc. carum, comata &c. Apoplexiam it. paralyfin & epilepsiam. Sic sensuum externorum organis pariter appropriatum est remedium, cum & in collyriis pro *oculorum affectibus* applicetur, & in *aurium* vitiis præter alia inde parata communissimum è bombace moschata petatur euporiston. In *narium* quoque & *oris affectibus*, foetore præprimis, mirè juvat. Rarum est, quod ex relatione Celeb. Dn. WEDELIi obtinuit Author Noster, quòd Gregorius quidam Belga odontalgiam per aquam moschatam auri lateris affecti infusam sæpissimè curaverit. Ratio ex Anatomicis non ignota. Sed nec inferiores C. H. regiones moscho defraudandæ sunt, cum & *vires suas pectorales* habeat, in asthmate præprimis atque tussi. Moscho verò quid *cordialis* est, inquit laudatus modò WEDELIUS. Unde in omnibus, qui cordi vulgò ascribuntur, morbis, lipothymiâ, syncope, palpitatione, asphyxia, divinum est remedium. Imò *hepaticis* quoque & *spleneticis* sæpe non inconvenienter addendum suadet moschum.

*Stomacho* aliàs favere in modum, nullum ampliùs est dubium, in senibus præprimis atq; pueris, cardialgiâ, nausæâ & flatibus vexatis, magis verò in bulimo, lipothymiis crebris comitato, quas

ro, quas validè retundit. Quantum & in *colicis* valeat *cruciatibus*, etiam veteribus incognitū non fuit, & quatenus balsamica sua fragrantia verminantem putredinem aufert, *anthelminticis* quoq; accenseri solet: Nec *utero* profus inimicus est. Ut enim plures, odorem ejus ferre nequeant absq; summò passionis hystericae cruciatu, sunt tamen alia, quæ moschi odore, juvari foetidis è contra pessimè affligi solent, exempla prostant in Authore. Ut taceam *Sterilitati* specificè convenire, sicut & in Viris aphrodisiacum est. Hinc pro naturarum & subjectorum varietate internè pariter ac externè applicari posse, nihil impedit, cum ut toto systemati nervoso, ita uteri pariter substantiæ sæpè sit solatio. Quò nomine & *arthriticis* in usum cedit, acidum furiosum sale suo volatili subvertendo.

Tandem & illi, qui Thaidis instar hircum olent, & *alarum*, *inguinum* aut *aliorum membrorum fectore* laborant, certum in moscho refugium habent, ut cum minori, tum sui, tum aliorum tædiò vivere nec à conjugibus suis divortium pertimescere necessum habeant, sicut notabilem prorsus historiam enarrat AMMANN in Medicina Criticâ. *Dosin* interim ejus non granulis, sed granula dosibus dimetiri, h. e. parcè nec prodigè administrare jubet ut ægri tum facultatibus, tum sanitati magis consulatur. *Forma* remediorum inde desumptorum varia est. *E liquidis* aquæ seu liquores moschati excellunt, sive jam per destillationē sive macerationem? cum moscho parentur, perinde est. Huc spiritus vini moschatus pertinet, & quem in corroboramentū cordis magni æstimant, spir. rosarum ambratus. Olea autem aliorum moschata nullius ferè pretii sunt. Nec operosas ejus essentias, Q. E. tincturas &c. magni æstimat, quin aut in substantiâ, aut simplici solutione filtrationeque potius eundem exhibere suadet; nisi fortè elixir vitæ M. adhuc eligere velis. *In formâ siccâ* verò hodiè pulveres imprimis atq; species eò, condiuntur, ut spec. diambrae, diamosch. dulc. Porro globulis, morsulis, rotulis quoq; additur. Sic & pulv. de Cypro, sternu-



sternutat. Trochisc. Sapones & alia inde prostant. In aviculis verò Cypriis, seu candelis fumalibus moschum rectius omitti censet, cum sub adustione foetorem potius quam odorem spiret. *Medicæ consistentia medicamina* moscho insignita duo adhuc decantatissima sunt unum internum, confectio alkermes ; alterum externum, bals. puta apoplect. Ubi elegantem in specie D. D. WEDELII descriptionem addit, quam è Polychrestis suis Authori Nostro, communicaverat. Absolutis ita Medicis, nunc *sacrum moschi usum* insimul addit, dum non Antiqui modo, sed & nostræ ætatis Christiani devotionem suam incensis sæpè suffumigiis, moschum redolentibus, demonstrant, utut cordis infucati & contriti fragrantiam ferè præferat ; In hoc enim Christo bonus odor sumus. *In Politicis* æquè donarii loco ab Exterorum Legatis offerri Magnatibus non ignotum est. Sic & in Principum *Oeconomia* culinæ sæpè moschum sapiunt, imprimis apud Exteros. Muhametanis certè prodigum ciborum condimentum est. Itali pariter non modò embammata sua moschò condiunt, ut in mostarda Venetiana videre est ; sed & potum eò sæpè inficiunt. Hinc tanti æstimare solent illud aquæ vitæ genus, quod Rossolino vocant, alibi verò Ros solis dicitur, quod vel extimis labris degustatum moschum prodit. *Ufus* tandem *Cosmeticus* est notissimus, cui Vir Excell. *Emblematicum* & *res varias*, tam naturales ex triplici regno petitas, quam artificiales *moschum odore amulantes* per coronide adjicit, quæ cum aliis à Curioso Lectore in ipso Authore legi merentur.

# SALAMANDROLOGIA,

*Hoc est:*

Descriptio Historico-Philosophico-Medica

SALAMANDRÆ, quæ vulgò in igne vivere

creditur, S. R. I. Academia Nat. Cur. exhibita

opera atque studio

JOH. PAULI WURFFBAINII, D. Med. No-

rimb. Ordin. & S. R. I. Acad. N. C. Colleg. HERMET. II.

dicti. Norimbergæ Anno 1683.

**A**Uthor Nobilissimus occasione Disputationis Altorphi, olim ab ipso de hoc argumentò habitæ, Academia Nostræ legibus satisfactorius, curiosam hanc Salamandræ anatomiam instituit, & in *proæmiò* non immeritò detestatur excessivam illam credendi facilitatem, quâ fictitia Antiquorum argumenta ad seram usque posteritatem propagantur, quam juxta ARNOBIUM tamen plenissimam sæpè errorum matrem esse constat, non in verbalibus modò Monachorum barbarismis, sed & realibus, historicis imprimis atque Physicis: Illic Sibyllarum, heic Salamandræ historiam in exemplum trahit, & promeritis encomiis evehit Eos, qui utrobique hoc Augiæ stabulum unquam expurgare sustinuerunt, subjuncto honorificò Eorum catalogo. Horum vestigia premens, in ea, quæ de *Salamandrâ* olim sive verè sive falsò dicta sunt, sedulò inquirat, & adstructâ primùm ejus *existentiâ*, præmissisquæ fusè *nominalibus* tandem accuratam ejus descriptionem annectit, & ad quadrupedum reptilium genus refert. Insectis verò neutiquam annumerari posse, ex ARISTOTELE, PLINIO, VOSSIO &c. insimul approbat. *Divisionem* ejus duplicem habet, partim ratione loci, in terrestrem & aquatilem: Utut neutiquam errare censeat Eos,

Dec. II. Annus IV.

Gg \*

qui



qui Salamandram ex amphibiorum numero esse contendunt: Partim ratione sexus, in marem & foeminam, cum *differentiis* ab aliis lacertarum speciebus, additis elegantiss. *Iconibus* ex ALDROVANDO, MATTHIOLO, BESLERO & propriâ autopsiâ petitis, præmissio prius discursu curiosô, de artis cælatoriæ & præstantia & modernô ejus abusu. Ne verò circa corticem unicè hæreat, institutâ curatissimâ cum JACOBÆO, BARTHOLINO, HOFFMANNO &c. *anatomia*, in partium internarum structuram est intentus, & quæ illuc unquam observârat, figuris æri incisus aliorum pariter oculis offert, addita simul *osteologia* atque *sceletum*. Hæ jam ad *Salamandra naturam* atque *temperamentum* feliciter eruenda quasi manu deducere poterant Virum Excellentissimum, ubi expeditis primò aliorum problematibus, repetitô experimentô id ferè primus observavit, quod & exuvias deponat Salamandra, idque in aqua potius, quam continenti, quod ultimum serpentibus aliàs haud insolens est. Ubi verò *generationem* ejus absolvit, eorum meritò castra deserit, qui plurimis adhuc difficultatibus obrutam, generationem æquivocam defendunt; quin potius ex ovulis pariter Salamandræ ortum petendum esse concludit, ita tamen ut ad viviparorum potius, quàm oviparorum classem accedere videatur. Victum quod attinet, non tam aërem, quàm insecta & in specie lumbricos esse docet, quorum frustula arenulis interpersa in stomacho ejus reperit. Quod verò caput rei & primaria Authoris est intentio, binos jam superstitiosæ antiquitatis errores in hoc argumento detegit, dum & summè *venenatam* Salamandram esse, & *in igne* sine quovis incommodô *vivere* credidit. Quoad prius, haud equidem omnem prorsus Salamandræ noxam ejurat, imprimis si viperarum instar ad morsum irritetur, quod tamen ægerrimè fieri experimentô constat; hinc & remedia quædã, ad morsus ejus curam addit: An verò adedò internecinum ejus venenum sit, ut Authores quidem perhibent, de eô meritò dubitat, ex plurimis tùm rationi-

tionibus, tùm experimentis. Quid quòd ipsi Veteres Salamandra cineres intus propinarunt, quam venenatam adeo pronunciant. *Posterius* autem prorsus fabulosum & ex malè intellecto ARIS I OTELE originem traxisse demonstrat. Sicut E. pleraque, quæ de corporibus quibusdam naturalibus ut incombustibilibus & ignis potentiam eludentibus dicuntur, gratis saltem & precario efficta sunt, de adamante v. g. de asbestino, auro &c. sic & Salamandræ hoc falsò, attribui probat, tùm ratione, tùm experienciâ, quâ id tantùm evincitur, quòd per exiguum temporis intervallum igni reluctari & liquore suo è subcutaneis porulis exsudante carbones nonnihil suffocare, postmodùm verò concremari prorsus & in cineres fatiscere soleat. Quoad *usum Medicum* tandem pauca vel nulla exinde parari docet, nisi quod internè ad aphrodisiaca quoque à Veteribus relata legatur, quod tamen de Scinco potius intelligendum haud absurdè credit. Externè verò pro psilothro habuerunt olim, de quò tamen ipse dubitat. Magis verò superstiosificam an ridiculi sunt, qui seu pro amuleto seu ad restinguenda incendia adhibent. Unde hæc in pretio suo relinquens, elegantia demum *Hieroglyphica, symbola ac Emblemata* à Salamandra petita pro coronide subnectit.







# INDEX

Ephemeridum S. R. I. Acad. Nat. Curios.

Decur. II. Anni IV.

## A.

<b>A</b> <i>Bortus</i> bulliformis.	221	Regionum circa montes varietas.	14
omni lochiorum fluxu destitutus.	334	<i>Aeris</i> siccitas dysenteriae causa.	247
<i>Abscessus</i> abdominis & per eum excrementa alvi excreta.	160	<i>Ethiops</i> , & in eo quatuor mirabilia.	208. in Appendice.
inguinis periculosus curatus.	219	<i>Etita</i> lapidis à Bauschio descripti Synopsis.	220. Append.
lumbricos in se continens.	219	<i>Aloës</i> salutaris usus in pellendo foetu.	225
<i>Absurdorum</i> esus.	147	<i>Alpini</i> muris anatome.	236
<i>Acacia</i> orientalis, verus fructus & basis Catechu.	6	mures mortem hyemali tempore saltem simulant.	241
<i>Achores</i> repressi, Epilepsiae causa.	179	<i>Alvi</i> excrementa per abscessum abdominis excreta.	160
<i>Acidulis</i> curata Ischuria XV. dierum.	168	inguinum excreta.	220
<i>Acidum</i> Scorbuticum vi pollet coagulandi Sanguinem.	226	penem excreta.	159
<i>Aegagropila</i> Badzahardica.	339	vulvam ejecta.	159
ejus ortus & generatio.	340	<i>Aluminis</i> vires antifebriles.	44
<i>Aeris</i> regio suprema, ad eam Ventinon ascendunt.	17	<i>Ananas</i> lithontripticum præbet excellens.	8
cur in ea homines non diu durent?	18	<i>Anates</i> in Quercu natae.	205. App.
		<i>Anatome</i> Cadaverum omnino licita est.	127
		Canis, viperarum morsu extincti.	229

Foliorum

*Index Rerum.*

Foliorum Vitis.	285	<i>Apoplecticorum</i> sanguis frigidus.	271
Folliculi fructus Haliacabi.	286	<i>Apoplectici</i> terræ serius sunt mandandi.	51
Hæmoptysi extincti.	175	<i>Apoplexia</i> in Juvene ob terrorem ex Sene Apoplexia tacto, causata.	81
Muris alpini.	237	<i>Aqua</i> quâ mortuus lavatus, nimium Spiritus vini sedat appetitum.	279
Phthifici.	90	<i>Aqua</i> stipticæ Processus.	315
Puerperæ defunctæ notabilis.	187	<i>Aranea</i> deglutita & symptomata inde nata, curata.	144
Suspensi.	290. 337	<i>Aranea</i> ictus lethalis.	176
<i>Anatomicum</i> experimentum circa naturam Vomitionis.	247	à viro quodam pro delitiis habitæ sine ulla noxa.	147
<i>Anima</i> rationalis sedes, an in stomacho?	294	<i>Ararat</i> mons conscenditur à Viro quodam Curioso.	17
<i>Animalia</i> quædam toto hyeme latitantia & mortem simulantia, num respirent?	241	<i>Arborum</i> insitionis artificium Japonenses egregiè callent.	7
<i>Animalis</i> Lapis è sale Microcosmi f. Urinæ.	259	<i>Ardor</i> Manuum & pedum à frigida suppressus, Gangrænæ causa.	203
<i>Animalium</i> motus subtilius demonstratus. 147. seqq. App.		ratio.	ibid.
<i>Animi</i> deliquium ex Odore & præsentia Menthæ.	121	intolerabilis.	201
<i>Annulus</i> Mercurialis, sanitatis utriusque index.	303	Ventriculi à croco externè adhibito.	145
<i>Anserculus</i> Quadrupes.	100	<i>Argentum</i> ex Cinnabari nativa.	303
<i>Anseres</i> præ reliquis avium generibus sunt monstrosi.	101	<i>Arsenici</i> Antidotum.	36
<i>Anserinis</i> pedibus natus cattus.	212	Venenum consistit in acrimonia corrosiva.	38
<i>Anticolici</i> Spiritus Michaëlis ingredientia.	282	<i>Artemisia</i> Japonico Vocabulo dicitur Moxa.	1
<i>Antipathia</i> cum Gammaris.	61	ejus præparatio.	1. 2.
cum Mentha.	121	<i>Arteria</i> spermaticæ propago rarior.	337
Opiatorum hæreditaria.	108		



*Index Rerum.*

[illegible]

*Index Rerum.*

<i>Calculosus</i> caute sunt propinanda ca-	ratio & causa.	343
thartica.		
<i>Calculus</i> renum passerulum colore	<i>Caponum</i> caro an podagricis saluta-	
& figura referens.	ris?	341
<i>Calor</i> in Cadavere ad quartum diem	<i>Carnoso</i> -sanguineus Vomitus Iethalis.	
permanens.		318
sepius in corpore humano ori-	causa ejus sectione Anatomi-	
tur à putrefactione.	ca detecta.	320. seqq.
post mortem durans.	<i>Caro</i> lucens.	185. App.
<i>Caloris</i> agitatio, experimento repræ-	<i>Carpio</i> ulcerosus.	210. App.
sentata.	<i>Carpathi</i> montis altitudo.	17
	descriptio.	16
<i>Calvaria</i> brutorum & ex iis enatae pla-	<i>Cassia</i> lignea & Cinnamomi differen-	
ntæ. 207. App. 216. pp.	tia.	8. 9
<i>Calx</i> albißima è saliva guttatim inter	diversæ species.	9
loquendum exsillante, con-	<i>Catarrhi</i> suffocativi, melius quàm ha-	
creta.	ctenus, sunt distinguen-	
<i>Camphora</i> ex Radice Cinnamomi.	di.	136
9	<i>Catarrhos</i> tenues & serosos imprimis	
<i>Cancer</i> ex foemina.	sistunt Opiata.	108
leprosus.	<i>Catechu</i> ejus basis & verus fructus.	6
verminans.	optimum ubi colligatur. ibid.	
<i>Canis</i> religiosus.	est succus ex variis adstrin-	
viperarum morsu extincti ana-	gentibus expressus.	6
tome.	ejus vires non adeo sunt ex-	
<i>Canities</i> à metu.	tollendæ.	6
134	<i>Cattus</i> anserinis pedibus.	212. App.
<i>Capella</i> nec à viperarum morsu, nec	ex foemina.	186. App.
Cicutæ esu læduntur. 230.	<i>Catulus</i> ex foemina.	186 App.
232	<i>Cephalalgia</i> contumax futurarum	
<i>Capitis</i> & aurium dolor violentus, post	cranii discessionem	
missionem in aurem.	perceptibilem cau-	
277	sans.	275
<i>Capra</i> Sylvestris Africana.	<i>Cerasa</i> botryformia.	83
131	<i>Cerasus</i> ex salice.	213. App.
liquorem oleosum flavum in-	<i>Ceraunia</i> spatula metallica.	212
ter oculos & nares exsudat.	<i>Cerebri</i> ventriculi in suspenso copio-	
	so sero repleti.	291
<i>Caprea</i> Anatome & in ea varia notatu	<i>Cerebrum</i>	
digna.		
152		
<i>Caprinum</i> monstrum.		
209. App.		
<i>Capo</i> Podagricus ossium excreſcentia		
laborans.		
341		



*Index Rerum.*

<i>Cerebri</i> vulnera non statim sunt le- thalia. 252	<i>Cærulea</i> Barba. 203. App.
<i>Cerebrum</i> vulneratum ex halecum crudorum esu in liqua- men solutum. 254	<i>Cærulei</i> à Bauschio descripti Syno- psis. 223
<i>Cervi</i> ex Capite chamomilla enata. 207. App.	<i>Colicam</i> demulcens Spiritus Michaë- lis, ex quibus specificis pa- ratus. 282
<i>Chalybs</i> optimum Melancholiæ dige- stivum. 32	<i>Colores</i> Iridis non oriuntur à Sole. 111 seqq.
<i>Chamomilla</i> è Capite Cervi nata. 207 App.	<i>Columba</i> ex Ovo. 205. App.
<i>Cherrefolium</i> Cicutæ antidotus. 121	<i>Conserve</i> rosarum multifaria expe- rientia comprobatus u- sus in Phthisi. 25. seqq.
<i>Chiragra</i> flatulenta. 182	<i>Contagiosa</i> ex terrore hæmoptysis. 106
<i>Chrysacolla</i> à Bauschio descriptæ Sy- nopsis. 224	<i>Convulsio</i> diaphragmatis & Venti- culi dolorifica. 134 post paroxysmum febrilem in puero decenni den- tiente. 70
<i>Chyli</i> & excrementorum ex inguinis abcessu, effluxus. 220	<i>Cor</i> in gallo deficiens. 201. App.
<i>Cicuta</i> sine noxa comesta. 120.	<i>Corallia</i> quæ colorem perdiderant, in corpore ad sensum sano, eundem in Cachectico re- cuperant. 301 ratio. 302 malitiosè deglutita, & rursus vomitu rejecta. 196. App.
<i>Ciconia</i> pietas. 213. App.	<i>Coralliorum</i> Tincturæ per acida cor- rosiva nullitas. 302
<i>Cinabarina</i> in Cephalalgia continua omnibus aliis medica- mentis palmam præri- piunt. 275	<i>Cordis</i> motus per XXIV. horas post abscissos omnes nervos, spi- ritus ipsi communicantes, continuatus. 85
<i>Cinnabrium</i> nativum, & ex eo extra- ctum argentum. 303	<i>Corium</i> Vegetabile à ligno quercino, hæmorrhagias sistens. 284
<i>Cinnamomi</i> arbores maximam partē differunt oleo. 9 & Cassiæ lignæ differen- tia. 8. & 9	<i>Cornu</i> Cervi Bezoardicum. 265
<i>Cinnamomi</i> radix, ex ea producitur Camphoræ species. 9	<i>Corvus</i> excommunicatus. 205. App.
<i>Coagulatio</i> sanguinis ab acido Scor- butico. 226	<i>Cranii</i>
<i>Cæcitas</i> à barbæ tonsura. 202. App.	
<i>Cæcum</i> intestinum in foetu humano fecibus non semper est re- pletum. 292	

*Index Rerum.*

*Cranii* suturarum divaricatio perceptibilis à Cephalalgia contumaci. 275

à partu difficili. 276

*Crines* & barba coerulea. 203. App.

*Crocus* externè adhibitus, ardoris ventriculi causa. 145

*Cruentus* vomitus lethalis. 174

*Crusta* infantum squamosa, butyro inuncta, Epilepsiæ causa. 178

*Crystalli* fossiles subitanea Arsenici Antidotus. 36

magnum præbent usum in Epilepsia & Dysenteria. 37

Sacchari Saturni vi fulminante præditi sunt. 19

**D.**

**D**æmones humana specie obvios percutientes. 66. 67

*Dæmones* meridiei. 66

*Deliramenta* bilis. 223

*Dentes* conspicui in quibusdam recens natis. 73

*Dentibus* recens nati non carent. 73

*Dentitio* in puero decenni, febrim, convulsionem & Syncopen causans. 70

*Dentitionis* difficilis causa. 74

Curatio. 77

Signa & Prognosis. 76

*Dentium* dolor raphano rusticano mitigatus. 181

tumoris Sielodis causa. 308

*Diaphragmatis* & ventriculi convulsio dolorifica. 134

Dec. II. Annus IV.

ruptio ab immodica ventris extensione. 195

*Distantia* nubium à terra est inæqualis. 17

terræ proxima, minor est, quam vulgò creditur. 17

*Dolor* intensissimus Urethræ, ad effluxum genitalis liquoris in amplexu conjugali post Quartanam. 221

*Dolores* artuum sopiens Evporiston externum. 180

*Dysenteria* ex immensa aëris siccitate. 246

**E.**

**E**cclipseos Lunæ totalis Observatio. 254. 256

*Epilepsia* infantilis ob crustam squamosam butyro inunctam causata. 178

*Epilepsia* ex insomnio. 209. App. valde memorabilis. 193

App.

sinistri lateris. 194. App.

*Epilepsia* causa Acores suppressi. 179

*Epithemata* refrigerantia in febre malignis summè sunt periculosa. 297

*Equa* pariens vitulum. 186. App.

*Erectio* specierum in Camera Optica. 159. seqq. App.

*Erysipelatis* faciei exulceratio. 122

causa. 123

Curatio. 122. seqq.

*Esue*

Hb \*



*Index Rerum.*

<i>Esus</i> absurdorum. 147	<i>Febrifugum</i> ex Alumine. 44
quorundam animalium prohibi-	intermittentium. 201
tus, duplicem agnoscit cau-	plebeum. 43
sam. 89	<i>Felis</i> excludit ova. 199. App.
<i>Europæa</i> plantæ multæ crescunt etiā	<i>Fibrarum</i> reticularium textura folio-
in Japania. 2	rum vitis. 285
<i>Exanthemata</i> Scorbutica nigerrima	<i>Fixatio</i> Mercurii extemporanea. 303
totum corpus defœ-	<i>Flatulenta</i> Chiragra. 182
dantia. 225	<i>Elatus</i> unde generentur? 183
eorum generationis ra-	per quas vias ad manus & bra-
tio. 226	chia perveniant? 184.
<i>Excrementa</i> alvi per abdominis ab-	<i>Flava</i> cute natus infans. 196. App.
scessum ex creta. 160.	<i>Florum</i> insitionis artificium egregiè
220	callent Japanenses. 7. 186.
per penem ejecta. 159	<i>Fluentes</i> pueri hæmorrhoides. 190
vulvam ejecta. 159	<i>Fœcunditas</i> senilis. 333
<i>Exenteratio</i> Cadaverum omninò est	<i>Fœmina</i> cattum pariens. 186. App.
licita. 127	fœcunda nunquam menses
<i>Exoticorum</i> quorundam ex India	passa. 249
transmissorum Cata-	Impidam aquam copiosè ex
logus. 214	ore rejiciens. 207
<i>Extensio</i> immodica ventris, ruptio-	ratio & causa. 207
nis Diaphragmatis causa. 195	<i>Fœtus</i> post mortem matris exclusus
<i>Extractio</i> foetus vivi, matre viva un-	t. t. num. vivus fuerit an
co Stateræ. 205	mortuus incertum est. 103
<i>Exulceratio</i> Erysipelatis faciei. 122	<i>Fœtus</i> mortui putrefacti post obitum
ejus causa. 123	matris spontanea exclusio.
curatio. 122. seqq.	206
<b>F.</b>	vivi, matre viva, unco stateræ,
<b>F</b> ebbris acuta sudore croceo particu-	extractio. 205
lari finita. 329.	<i>Fontis</i> Freienwaldensis vires. 48
maligna singultuosa non le-	<i>Formica</i> aurem ingressa, miserando-
thalis. 292	rum dolorum causa. 278
ejus curatio. 293	<i>Fragaria</i> botryformis uno petiolo
terrore curata. 185	novem fraga gerens. 83
à Venæ Sectione. 211	<i>Freienwaldensis</i> fontis virtutes. 48
	<i>Eringilla</i> albicans. 187
	<i>Eringilla</i>

# Index Rerum.

<i>Frugalitatem</i> , Venti maximè promo-		ejus descriptio.	4. 5
vent.	245	facile concipit cariem.	4. 5
<i>Fulmen</i> an detur frigidum?	118	apud Sinas magno est in pre-	
mirabile.	116. 113	tio.	3. 5
<i>Fulminantes</i> pulveres.	20. 21	ejus Synonymia.	4. 5
<i>Fulminaris</i> lapis metallicus.	212	Virtutes.	3. 5
<i>Fulminares</i> lapides ex sepulchris ef-		Uusus nimius lethalis.	ibid.
fossi, tragiçi eventus			
omen.	125	<i>Gibbus</i> pediculis scatens.	40
<i>Fulminis</i> generationis materia.	19	<i>Gigantes</i> an inter monstra referendi.	127
G.			
<b>G</b> alli Gallinacei ovum monstro-		<i>Gigantum</i> sepulchra ominum plena.	124
sum.	105	<i>Glandi</i> virili applicati hirudines sine	
testiculus albedo humore		noxa.	51
turgidus.	119	<i>Glandula</i> pinealis an animæ sedes?	295
<i>Gallus</i> sine corde.	201. App.	cur in brutis quibusdam	
& Gallina Quadrupes.	101	major quàm in homine.	296
	214. App.	<i>Gryllorum</i> stridoris Organon.	84
<i>Gammarorum</i> efus in foemina qua-			
dam vehementissi-		H.	
mas causat stertu-		<b>H</b> æmatita Lapidis à Bauschio de-	
tationes.	61	scripti Synopsis.	219
ratio & causa.	62	App.	
<i>Gangrana</i> ob manuum summo ardo-		<i>Hæmoptici</i> Anatome.	175
re incalescentium in fri-		<i>Hæmoptysis</i> à fluxu hæmorrh. sup-	
gidam immiſſionē.	203	presso, hirudinibus cu-	
ratio & causa.	203	rata.	51
& morſex levi vulnere sub		lethalis.	174
barbæ tonsura exorto,	322	ex terrore contagiosa.	106
præputii ex ejus cum filo		ratio & causa.	107
forti facta conſtrictione.	160	<i>Hæmorrhagia</i> narium frigida.	272
		in puero variolis labo-	
<i>Gemelli</i> monſtroſi eorumque anat-		rante innoxia.	93
me.	288	uteri ſingularis.	291
<i>Genſigh</i> radix.	3		
confortat calidum nativum.	3. 51	<i>Hb</i> 2	<i>Hæmor-</i>



*Index Rerum.*

<i>Hæmorrhagia</i> Cura.	52	<i>Hydropicorum</i> Omentum plerumque laborat vitio.	156
per aquam frigidam periculosa.	53	<i>Hydrops</i> ex deligatis pedibus.	167
pulverem Sympatheticum.	229	<i>Hypochondriacus</i> frigidam excernens urinam.	273
<i>Hæmorrhagias</i> sistens corium Vegetabile è ligno Quercino.	284	<i>Hysterica</i> passione defunctæ seriùs terræ sunt mandandæ.	51
<i>Hæmorrhoides</i> pueri fluentes.	190	passionis similimo affectu affici possunt & viri.	135
<i>Hæmorrhoidum</i> vocabulum nimis generaliter à quibusdam usurpatur.	191	<b>I.</b>	
<i>Hælecum</i> crudorum ex esu, Cerebrum vulneratum Lapidicidæ cujusdam, in liquamen lethale solutum.	254	<i>Aponenses</i> arborum insitionis artificium egregiè callent.	7. 186
<i>Haliacacabi</i> folliculi Skeleton & anatomæ.	286	<i>Japonica</i> Terra malè sic dicta, est succus ex adstringentibus paratus.	6
<i>Hepar</i> an flatus in se fovere queat?	182	<i>Icterus</i> vagabundus, mox apparens, mox disparsens.	224
siliceum.	211. App.	<i>Ictus</i> araneæ lethalis.	176
<i>Hermetici</i> Phosphori Processus.	312	<i>Iliaca</i> passio sanata.	283
<i>Hernia</i> ex tonitru.	119	<i>Imago</i> crucifixi pectori impressa.	209
<i>Hirudines</i> glandi virili malitiosè applicati sine noxa.	51	App.	
<i>Hirudinum</i> Osculum quale?	60	<i>Imprægnationis</i> in foemina quadam indicium Menses fluentes.	250
morsus noxius.	59	<i>Infans</i> flava cute natus.	196. App.
Motus convulsivi & irritatio ex salis aspersione.	59. 60	in utero prægnans.	198. App.
usus in variis morbis.	51	<i>Infantes</i> dum nascuntur dentibus jam sunt præditi, qui tamen latent.	73
<i>Homo</i> siliceus.	211. App.	<i>Inguina</i> perforantes lumbrici.	219.
<i>Homunculus</i> in lucio.	205. App.		250
<i>Hydatides</i> animatæ.	152	<i>Inguinis</i> abscessus periculosus, curatus.	219
<i>Hydropica</i> salivatione curata.	21	<i>Insania</i> per Venæ S. tricies celebratam, curata.	30
<i>Hydropici</i> sæpius ad tertium usque diem post obitum callent.	50		
ratio.	ibid.		<i>Instru-</i>

*Index Rerum.*

<i>Instrumentum</i> necessarium, ad elabo- rationem Cornu Cer- vi Bezoardici. 266	<i>Lampas</i> volans nocturna. 12 ejus generationis locus. 13. materia. 19. 21 tempus. 18. 23 an prodigiosa? 23
<i>Intestinorum</i> tenuium motus non deorsum saltim, sed etiam sursum ver- git. 197	<i>Lapideum</i> hepar. 211. App.
<i>Intestinum</i> cœcum fecibus non sem- per in foetu humano est repletum. 292	<i>Lapideus</i> homo. 211. App. ren. 211. App.
<i>Inunctionis</i> Mercurialis noxa. 45. 228	<i>Lapis</i> animalis è Sale Microcosmi vel Urinæ. 259
<i>Iridis</i> causæ m. ante diluvium fuerint in rerum natura. 113 colores non procedunt à Sole. 111	in Ventriculo Vaccæ inventus. 161 Vide Bulithis
unde? 111. seqq.	<i>Lien</i> an flatus in se fovere possit? 182
singularis descriptio. 110	<i>Lingua</i> tumor hirudinibus curatus. 51
<i>Iris</i> Noacho in signum foederis datus, num talis fuerit, qualis hodie- num apparet. 113. 114	<i>Liquor</i> limpidus ex ore copiosè reje- ctus. 207 ejus causa & origo. 207. 208 cur virium prostratio- nem inducat. 208
<i>Ischiadicus</i> dolor raphano rusticano placatus. 181	oleosus flavus inter oculos & nares Capræ sylv. Afric. effluentes. 131
<i>Ischuria</i> XV. dierum, acidulis cura- ta. 168	<i>Liquores</i> Chymici Volatiles aliunde transportati notabiliter immutantur. 282 non nisi vitris penitus reple- tis sunt transportandi. 281
<b>L.</b>	<i>Lithontripticum</i> excellens ex fructu Ananas. 8
<b>L</b> <i>Abia</i> , an in formatione foetus ulti- mò perficiantur. 170	<i>Lochiorum</i> fluxu destitutus abortus. 334
<i>Labiis</i> leporinis nati porcelli. 169	<i>Hb</i> 3
<i>Lac</i> atrum. 202. App.	<i>Lucernæ</i>
luteum. 203. App.	
oleosum. 204. App.	
<i>Lacteus</i> & Chylosus sanguis. 229. 191. App.	
ejus causa & ratio. 326	
<i>Lactis</i> mira diversitas in foemina. 212. App.	



*Index Rerum.*

<i>Lucem</i> corporibus revera inesse, manifesta demonstratione probatur.	31	<i>Martis</i> vitriolum dulce mediante rore Indico extractum.	130
<i>Lucens</i> caro.	185. App.	<i>Medicamenta</i> fascinationibus cum effectu contraria.	269. 270
<i>Lucentes</i> Muscæ.	186. App.	obseffo infanti adhibita eorundemque effectus.	267
<i>Lucius</i> homunculum in se continens.	205. App.	<i>Melancholia</i> hypochondriaca hirsudinibus mitigata.	51
<i>Lues</i> Venerea ubi in ea vasorum incipiat exulceratio.	87	<i>Melancholia</i> causa spiritus tenebrosi.	31
<i>Lumbrici</i> ex abscessu inguinis prodeuntes.	219	Cura ex V.S. tricies celebrata.	30
inguina perforantes.	19. 250	optimum digestivum.	32
<i>Lumbricus</i> sanguineus in rene canis.	149	<i>Memoria</i> imbecillitatis cura.	128
unde?	150	<i>Mentha</i> odor & præsentia in foemina quadam, animi causant deliquium.	121
<i>Luna</i> Chymicorum mediante rore Indico soluta.	130	<i>Menses</i> fluentes in foemina quadam certum imprægnationis indicium.	250
<i>Luna</i> Eclipseos totalis observatio.	254. 256	nunquam passa foemina fecunda.	249
imago pectori æthiopis impressa.	208. App.	& unà cum eis excretæ ranæ.	216. App.
<i>Lupi</i> rabidi morsus.	163	<i>Menstrua</i> atra.	207. App.
variis subjecti sunt affectibus.	165	picæ avis, variorumq; brutorum.	210. App.
<i>Lycanthropia.</i>	163	verminosa.	216. App.
Melancholiæ est species.	164	<i>Menstruorum</i> natura.	336
ejus significationes variae.	165	retardatio pro lubitu innoxia.	216
<i>M.</i>		<i>Mentula</i> alba in Æthiope.	208. App.
<i>Malignis</i> in morbis num Vini usus concedendus?	330	<i>Mercurialis</i> annulus Sanitatis utriusque Index.	303
<i>Mamma</i> in tergo.	203 App.	inunctio.	
<i>Mania</i> Tartaro Emetico curata.	327		
<i>Manuum</i> pedumque ardor intolerabilis.	203		
retro pulsus Gangrænæ causata.	203		

# Index Rerum

- inunctionis noxa. 45. 228  
*Mercurii* exclusio ridicula. 191. 194  
 fixatio extemporanea. 303  
 præstantia medica. 132  
*Mercurius* diu sine noxa in corpore humano latens. 191  
 ratio & causa. 192. seqq.  
 mediante rore Indico in liquorem albidum redactus. 130  
*Metalli* portio è globo tormenti bellici in oculum militis immissa, spontaneo naturæ conatu exclusa. 53. seqq.  
*Metallum* fulmineum. 212  
*Meteora* cur semper descendant? 19  
 eorum generationis locus. 13. 18.  
 Materia. 19. 21  
 tempus. 18. 23  
 metallica dari certum est. 213  
 an prodigiosa? 23  
*Metus* canitiei causa. 134  
*Mictio* in aurem, capitis & aurium doloris violenti causa. 277  
*Milui* ex ovis gallinæ à terrore. 206  
 App.  
*Monstra* brutorum unde? 169. 170  
*Monstrum* quædam aves. 100. 101  
 aures in puero. 209. App.  
*Monstrum* ovum Gallinaceum. 105  
*Monstrum* caprinum. 209. App.  
 gemellum ejusque anatomie. 288  
 pulli. 204. App.  
*Montes* in orbe excelssissimi. 14. 15  
 circa eas aëris observatur factis notabilis mutatio. 15  
*Montium* altissimorum in cacuminibus cur homines diu durare non possint? 18  
*Morsus* hircinorum sale conspersorum noxius. 59  
 ratio & causa. 60  
 Lupi rabidi. 163  
 Viperarum periculosus curatus. 143  
*Morsum* viperarum concernentia Experimenta varia. 229. seqq.  
 eorum rationes & causæ. 231  
 seqq.  
*Mortem* referentia quædam animalia per totam hyemem, num respirent? 241.  
*Mortis* prælagium. 171  
 variæ causæ. 36  
*Moschi* Historia à Schröckio descripta Synopsis. 227. App.  
*Motacilla* sine gutture inferiore. 215.  
 App.  
*Motus* animalium subtilius demonstratus. 147. seqq.  
 cordis per XLII. horas post omnes nervos, spiritus ei communicantes, abscissos, continuatus. 85  
 intestinorum tenuium non deorsum saltim, sed & sursum vergit. 197  
*Moxa* nihil aliud est quàm Artemisia. 1. & 2  
*Mures*



*Index Rerum.*

<i>Mures</i> alpini mortem saltim per hyemem simulant. 243	ratio, experimento comprobata. 306
<i>Mures</i> atrophiae remedium. 199	<i>Nubium</i> distantia à terra, non est æqualis. 17
in variis morbis salutare sunt evporiston. 200	terræ proxima, minor est, quàm vulgò creditur. 17
<i>Muris</i> alpini anatome. 237	<i>Nuptorum</i> fascinum sanatum. 270
<i>Mus</i> capiens mures. 212. App.	O.
<i>Musca</i> lucentes. 186. App.	<b>O</b> <i>Bseffo</i> infanti adhibita medicamenta eorundemq; effectus. 267
Polonica exitiosa. 98	<i>Odonarius</i> numerus sacer. 200. App.
earum descriptio accuratior. 99	<i>Oculi</i> vulnus grave non lethale. 53. 55
adversus læsiones earum remedium salutare. 100	<i>Oculorum</i> Noctuae mira fabrica. 87
<i>Mydriasis</i> noctuis commodum affert. 89	<i>Odontalgia</i> & cœcitas à barbæ tonsura. 202. App.
N.	<i>Olei</i> cinnamomi differentia. 9
<b>N</b> <i>Asus</i> cœruleus in æthiope. 208. App.	<i>Olla</i> fictiles effossæ. 148
<i>Nausea</i> panis. 305	<i>Omentum</i> capreae vermibus vesicularibus scatens. 152
<i>Nautili</i> carina elegantissima. 210	hydropicorum sæpius vesiculis est refertissimum. 155
quid mirabile ei contigerit. 214	penitus consumtum. 156
<i>Nigerrima</i> exanthemata Scorbutica totum corpus defœdantia. 225	<i>Opiatorum</i> Antipathia hæreditaria. 108
eorum generationis ratio. 226	<i>Optica</i> camera species erectas exhibens. 159. seqq. App.
<i>Ninsingh.</i> Vide <i>Gensingh.</i>	<i>Ossea</i> excrefcentia in Capone arthritico. 341
<i>Nitrum</i> propter sulphur non est inflammabile. 21	ratio & causa. 343
<i>Noctua</i> anatome & mira ejus oculorum fabrica. 87	<i>Osse</i> humerali utriusque brachii destitutus Chirurgus. 157
tetrum spirant odorem. 89	<i>Offis</i> coccygis dolor oleo rorismarini profigatus. 220
<i>Nocturna</i> Paralyfis. 63	<i>Osium</i> comminutio. 194
<i>Noxa</i> panis à forno calentis comesti. 304	<i>Ovum</i>

*Index Rerum.*

<i>Ovum</i> gallinaceum monstrosum. 105	in Tumore reperti. 40
humanum è dextro foeminae	in Vesiculis Ventriculo adna-
teste pendens. 187	tis. 40
ovo adnatum. 223	unde in illis nati? 41
<b>P.</b>	<i>Pedis</i> ulcerati curatio lepida. 166
<i>P</i> anis à forno calentis comesti no-	<i>Penis</i> cum scroto & testibus amputa-
xa. 304	tio non lethalis. 11
ratio experimento comproba-	mutilatio ob gangræ-
ta. 305	nam non lethalis. 161
nausea. 305	rejecta ex eo alvi excrementa. 159
<i>Paralysis</i> singularis. 63	<i>Peritonæi</i> inter duplicaturam inventi
ejus ratio & causa. 63. 64	calculi. 251
<i>Partus</i> difficilis & in eo satis notabilis	<i>Perpingues</i> homines cur anhelent. 196
cranii futurarum discessio. 276	<i>Phosphori</i> Hermetici processus. 312
insoliti exempla. 186. App.	<i>Phthifici</i> anatome. 90
193. App.	<i>Phthificis</i> in morbi principio V. S. in-
post mortem matris exclusus. 102	terdum est salutaris. 47
ratio. 103	<i>Phthisis</i> desperatæ cura. 24. 47
an vivus fuerit nec ne,	<i>Pinealis</i> glandula an sit animæ sedes? 295
incertum est. 103	cur in brutis quibusdam ma-
numerosus. 146	jor, quàm in homine. 296
Quinque filiorum. 286	<i>Piperis</i> albi usus rarior ad retardanda
<i>Passer</i> tripes. 101	pro lubitu menstrua. 216
<i>Passio</i> Iliaca curata. 283	<i>Planetolabium.</i> 171. App.
<i>Pedes</i> deligati hydropis causa. 167	<i>Planta</i> ferè quælibet, proprios alic
<i>Pediculi</i> curant tumorem. 197. App.	vermes. 98
in Gibbo reperti. 40	<i>Planta</i> Europææ multæ etiam cre-
inunctionibus Mercurialibus	scunt in Japonia. 2
fatali successu profligati. 46	<i>Pleura</i> adnata moles carnea suffoca-
in Strumâ colli inventi. 40. App.	tionis causa. 202
189. App.	<i>Plexus</i> Choroides. 291
cum Sudore rejecti. 189. App.	<i>Plica</i> Polonica sine noxa abscissa re-
Tabaci pulvere infausto ferè	nascens. 204
omine propulsi. 46	<i>Ii</i> *
<i>Dec. II. Annus IV.</i>	<i>Plumbum</i>

*Partim & movens. 225.*



# Index Rerum.

<i>Plumbum</i> mediante rore Indico in liquorem albidum redactum. 130	<i>Purgantia</i> calculosis cautè sunt propinanda. 168
<i>Podagra</i> à formicis curata. 206. App.	<i>Purgatio</i> ex insomnio. 201. App.
<i>Podagra</i> & ossium excrescentia in capone. 341	<b>Q.</b>
ratio & causa. 343	<b>Q</b> uadrupes anserculus. 100
<i>Pæonia</i> arborescens flore pleno. 7	Gallus & gallina. 101
<i>Polypi</i> pisces aquilis marinis cedunt in escam. 214	<i>Quartana</i> remedium Plebeum. 43
<i>Pomi</i> in terram prolapsi esus lethalis. 176	<i>Quercini</i> ligni corium ad hæmorrhagias utile. 284
<i>Porcelli</i> labiis leporinis nati. 169	<i>Quing.</i> filiorum partus. 286
ratio & causa. ibid.	<b>R.</b>
<i>Poterii</i> Stomachici præparationis Methodus genuina. 263	<b>R</b> adix Cinnamomi, ex ea producitur Camphoræ species. 9
ejus exaltatio. 264	<i>Radix</i> Gensingh. Vide Gensingh.
<i>Præputii</i> gangræna ex filo constricto. 160	<i>Ranunculus</i> in tumore. 197. App.
<i>Præsagium</i> mortis. 171	<i>Raphani</i> rusticani folia ad articulorum dolores Evporiston. 180
<i>Processus</i> Aquæ Stipticæ. 315	dentium sedat dolores. 181
Phosphori Hermetici. 312	ischiadicos placat dolores. 181
<i>Psittaci</i> astutia. 215. App.	<i>Raphano</i> , Asthma siccum & convulsivum curatum. 345
<i>Pudor</i> intempestivus, mortis causa. 299	<i>Religiosus</i> canis. 190. App.
<i>Puer</i> tertio ætatis anno barbatus. 318	<i>Ren</i> canis lumbricum in se continens sanguineum. 149
348. 203. App.	generationis modus. 150
<i>Puerpera</i> defunctæ Anatome notabilis. 187	lapideus. 211. App.
<i>Pulli</i> monstrosi. 204. App.	<i>Respirationis</i> in Ascite difficilis causa. 196
<i>Pulmones</i> capræ furfuracea materia repleti. 152. 156	<i>Ros</i> Indicus saporis salino-acidiusculi. 130
<i>Pulmonum</i> ulcera an insanabilia? 24	solvit omnia metalla. ibid.
<i>Pulsuum</i> doctrina ad mentem Sinarum. 3. seqq. App.	<i>Rorisma-</i>
<i>Pulveres</i> fulminantes. 19. 20	

*Index Rerum.*

*Rorismarini* Oleo dolor Ossis coccy-  
gis sanatus. 220  
*Rosa* centifoliæ in Japania ex altis na-  
scuntur arboribus, odore ta-  
men carent. 7  
*Rosea* Vespa. 347  
*Rosarum* conservæ multifaria expe-  
rientia comprobatus u-  
sus in phthisi. 26. seqq.  
*Rosmarinus* in manibus sepulti cujus-  
dam excrecens. 103  
ratio & causa. 104  
*Rugitus* Ventris unde? 197  
*Rupicaprarum* pila badzahardica. 339  
ejus generatio & ortus. 340  
  
S.  
**S**accharum ex quibus potissimum  
constet particulis. 27  
ejus usus an propter aci-  
dum in Phthisi vitan-  
dus? 26  
*Sagitta* cuspis triginta annorum spa-  
tio pupillæ infixus, per  
sternutationem expulsus. 55  
*Salamandrologia* à Wurffbainio de-  
scriptæ Synopsis. 233.  
App.  
*Sal* verminosum. 185  
*Salia* volatilia affatim non sunt exhi-  
benda. 28. 29  
*Salini* fontes Hallenses. 57  
*Saliva* inter loquendum guttatim ex-  
stillans, & in albissimam cal-  
cem excrecens. 311

*Salivialis* tumor à dolore dentium  
causatus, scalpello felici-  
ter apertus. 308. seqq.  
*Salivatio* Mercurialis arthriticis 62  
Omnibus conducit. 228  
*Salivatione* curata Hydropica. 91  
*Salivationem* nimiam virium sequi-  
tur prostratio. 208  
*Salivationis* lethalis exempla. 208  
*Salvus* fortior suppressionis Urinæ  
causa. 138  
*Sanguis* ab acido Scorbutico coagula-  
tus. 226  
apoplecticorum frigidus. 271  
Chylosus & lacteus ad tertiam  
partem per V. S. & Hæ-  
morrhagias excretus. 315.  
191. App.  
ratio & causa. 316  
*Sanguis* Morbosus an per V. S. eva-  
cuari possit? 30. 32. 33  
è naribus frigide exstillans.  
272  
verbis recitatis malo exitu  
suppressus. 34  
*Schisti* à Bauschio descripti Synopsis.  
219. App.  
*Scopelismi* Cymbrici. 124  
*Scorbutica* exanthemata nigerrima  
totum corpus defœ-  
dantia. 225  
eorum generationis  
ratio & causa. 226  
*Scorbuticum* acidum vim habet coa-  
gulandi sanguinem.  
226. 227



*Index Rerum.*

<i>Scorzonera</i> à Fehrio descriptæ Synops. 225. App.	<i>Sternutatio</i> convulsionis species. 62
<i>Scroti</i> cum testibus & pene amputatio non lethalis. 11	frequentissima & vehementissima. 274
vulneratio non lethalis. 11. & 12	ex esu gammarorum. 6
<i>Secundina</i> violenta ruptio, mortis causa. 145	ratio. 62
<i>Senilis</i> fœcunditas. 333	<i>Stiptica</i> aquæ processus. 315
<i>Sepulchra</i> Gigantum. 124	<i>Stomachi</i> orificium an animæ sit sedes? 294
ex iis effossi lapides fulminares, tragici eventus fuere prælagium. 125	<i>Stomachici</i> Poterii exaltatio. 264
<i>Sielodis</i> tumoris excisio in gravida. 308	præparationis methodus genuina. 263
<i>Singultuosa</i> febris maligna non lethalis. 292	<i>Stridoris</i> Grillorum Organon. 84
ejus curatio. 293	<i>Struma</i> insolita. 195. App.
<i>Singultus</i> causa. 296	colli pediculis scatens. 40
<i>Specierum</i> Diacretæ Myns. mira efficacia in sopiendo acido & singultu. 293. 298	<i>Succinum</i> an valetudinis index? 303
<i>Spermatice</i> arteriæ sinistræ propagatio rarior. 337	<i>Sudor</i> cœruleus. 203. App.
<i>Spina</i> Ventosa ossium humeralium à Variolis causata. 157	croceus particularis febrim accutam solvens. 329. 204. App.
<i>Spiritus</i> Anticolici Michaëlis ingredientia. 282	pedicularis. 189. App.
Sulphuris præstantia in tertiana. 140	<i>Suffocationis</i> causa rarior. 137. 202
tenebricosi Melancholiæ causa. 31	<i>Suffocativa</i> tussis. 135
Vini appetitus nimius & excessivus astu sedatus. 279	<i>Sulcia</i> Hallensis Tirolia. 57
<i>Sputum</i> Verminosum. 195. App.	<i>Suppuratio</i> testiculi muliebris, mortis causa. 95
<i>Stannum</i> mediante rore Indico in liquorem albidum redactum. 130	<i>Suturarum</i> cranii discessio perceptibilis ex Cephalalgia contumaci. 275
<i>Spatula</i> metallica. 212	in partu difficili. 189. App.
	<i>Sympathia</i> mirabilis. 200. App.
	<i>Symptomata</i> varia post mictionem in aures. 277
	<i>Symptomata</i> pulvere curata Hæmorrhagia. 129
	<i>Syncope</i> ex Dentitione in puero decenni. 70.
	<i>Tabaci</i>

*Index Rerum.*

**T.**

**T** *Abaci* usus ad scabiem & pediculos externus infelix. 46  
*Terra* Japanica. Vide *Catechu*.  
*Terror* ob *Apoplexiâ* tactum senem, in *Juvene* *Apoplexiâ* causa. 80  
*Terror* convulsionum & *Aphoniâ* causa. 64  
 subitus ægris interdum est salutaris. 185  
 variolarum eruptionem binis vicibus causat. 80  
*Testiculi* *Galli* gallinacei albido humore turgidi. 119  
*Testiculus* muliebris suppuratus mortis causa. 95  
*Thee* fruticum generi rectius, quam herbarum, adscribitur. 7  
 potatores ex faciei colore facile dignoscuntur ab aliis. 142  
 potus, pituitoso ventriculo laborantibus non conducit. 142  
*Thesauri* fossoris, exemplum tragicum. 124. 125  
*Tinctura* corallorum per acida corrosiva paratæ nullitas. 303  
*Tonitru* herniæ causa. 119  
*Tophi* in articulis ossium boum reperi. 162  
*Trifolii* fibrini usus in febb. 201  
*Triticum* cum sale & aqua coctum, intemperantiùs comestum, mortis causa. 307  
*Tumor* inveteratus male curatus. 165

*Tumor* à pediculis curatus. 197. App. cum pediculis. 40  
 ranunculum in se continens. 197. App. volatilis. 227  
*Tumoris* Sielodis in gravida excisio. 308  
*Tussis* suffocativa. 135  
*Tzudzinsic* arbuscula Japonensis. 186

**U.**

**V** *Accarum* in Ventriculis lapides inventi. 161

Vide *Bulithos*.

*Vaccis* è corporibus Lapidis Bezoardici eximuntur species. 162

*Variola* spinæ ventosæ causa. 158  
 ex terrore bis in juvene prurientes. 80

*Verminosæ*. 187. App.

*Variolis* laborantibus sanguinolentæ excretiones ut plurimum sunt funestæ. 93

*Vena* secta, ex ea una cum sanguine in foemina quadam profuit urina. 138

*Vena* sectio febris causa. 211. App. phthisicis sæpius in principio morbi est proficua. 47

*Vena* sectio quadragies cum emolumento instituta. 33  
 tricies in infano cum fructu celebrata. 30

*Veneris* evaporatio jucundo spectaculo mediante rore indico in effectum deducta. 130



*Index Rerum.*

<i>Venenata</i> araneæ deglutitio, & sym-	<i>Vesicularis Vermis</i> in Omento Ca-
ptomatum exinde nato-	preæ repertus. 152.
rum curatio. 144	seqq.
<i>Venti</i> frugalitatem rerum maximè	ejus generationis ratio. 156
promovent. 245	<i>Vespa</i> rosea. 347
ad supremam aëris regionem	<i>Vini</i> potus an in malignis conceden-
non ascendunt. 17	dus? 330
<i>Ventorum</i> tempestuosiorum præsa-	<i>Viperarum</i> morfus periculosus cura-
gium. 112	tus. 143
<i>Ventriculus</i> pediculofus. 40	morsum concernentia Ex-
<i>Ventriculi</i> ardor à croco exhibito. 145	perimenta varia. 229
cerebri lymphatico humo-	eorum rationes &
re in suspenso repleti. 291	causæ. 231
<i>Vermes</i> proprios quælibet alit planta. 98	Sal volatile quâ ratione ve-
<i>Vesiculares</i> in Capreæ omen-	neno vulneratis solatio
to. 152	fit. 236
eorum generatio. 156	<i>Vitis</i> aurea. 198. App.
<i>Vomitu</i> rejecti. 96	foliorum, anatomica fibrarum
eorum delineatio & de-	reticulariû textura ut appa-
scriptio. 97	reat, Experimentum. 285
generatio unde? 97	<i>Vitulus</i> ex equa. 186. App.
<i>Verminosa</i> Menstrua. 216. App.	Ulcerati pedis lepida curatio. 166
<i>Verminosa</i> Variolæ. 187. App.	<i>Unicornu</i> fossilis à Bauschio descripti
<i>Verminosus</i> Cancer. 199. App.	Synopsis. 222. App.
<i>Verminosum</i> Sal. 185. App.	<i>Volatilis</i> tumor. 227
Sputum. 195. App.	<i>Vomitu</i> rejecti Vermes. 96
<i>Vertigo</i> ex applicatione pulv. Tabaci	<i>Vomitus</i> cruentus lethalis. 174
cum butyro adversus pe-	an fiat ex constrictione fibra-
diculos. 46	rum Ventriculi dubium
<i>Vertiginem</i> curans secretum. 202.	est. 247. 248
App.	sanguineo-carnosus lethalis. 318
<i>Vesicula</i> aquosæ in hydropicis sæpius	causa ejus per anatomi-
observantur. 155	miam detecta. 320
	<i>Urethra</i> dolor ad effluxum seminis ge-
	nitilis post Quartanâ. 221
	<i>Urina</i>

*Index Rerum.*

<i>Urina</i> frigide emissa.	273	<i>Vulnuscum</i> sub barbæ tonsione in-	
suppressa cum narium hæmor-		fiectum, gangrænæ	
rhagia & sanguine misso ef-		mortisq; causa.	327
fluens.	137	<i>Vulva</i> & per eam excreta alvi excre-	
<i>Urina</i> inspectio incerta & vana.	189.	menta.	159
	seqq.	<i>Uvula</i> ferè ex Lue Venereâ consum-	
suppressio ex saltu fortiore.	138	tæ curatio.	132
<i>Urna</i> fossiles.	148		
<i>Uromanta</i> exemplum ridiculum.	189		
<i>Uteri</i> hæmorrhagia singularis.	291		
<i>Vulnera</i> cerebri non statim sunt le-			
thalia.	252		
<i>Vulnus</i> oculi grave non lethale.	53.		
	55		

*W.*

<i>Windgall</i> portiuncula quædam Iri-	
dis.	112
tempestuosioris Ventûs	
præfagium.	112





*Observationum Errata.*

Pag. 2. lin. 9. transcendere. p. 19. l. 23. observamus. p. 39. l. 4. hebetant. l. 10. Ebn. p. 57. l. 26. imitari. p. 62. l. 8. àque. l. 9. dele ab. p. 70. l. ult. durationis. p. 123. l. 16. Iridem. p. 128. l. 3. exhibet. l. 11. Phil. Salm. p. 137. l. 17. tracheæ. p. 152. l. 16. hydatides. p. 154. l. 10. reni. p. 160. l. 27. evitaret. p. 181. l. 28. Grube. p. 184. l. 4. manuum. p. 204. l. ult. Dec. II. p. 213. l. 22. Aurichalci. p. 246. l. 2. pertingebant. p. 251. l. 11. perforando. p. 252. l. 25. recensuerit. p. 263. feri falsi p. n. p. 281. l. 24. aliorum. p. 295. l. 27. nimum quantum inhæsisse. p. 305. l. 24. at. p. 318. l. 12. cœperit.

*Appendicis.*

Pag. 12. lin. 13. invenisti. p. 19. l. 15. dicuntur. p. 61. l. 9. notitia. pag. 63. lin. 8. pulsuum. p. 116. proinde. p. 118. l. 17. introspirationis. MAGLIA-BECHIO, p. 207. l. 1. terrebatur. p. 232. l. penultimâ, pro.

*Ad Nobilissimos & Excellentissimos Dnn.*

*Collegas, Amicos suavissimos.*

*Optandum prorsus esset, si qui memores Symboli sui frequentiores ad conferendum, si etiam ad communicandum promptiores apparerent, ut circa tempus Natalitiorum Christi suis cum Observationibus adesse possent, ne nimia suâ tarditate Typographo ad deproperandum Typum occasionem darent, dum jam ad umbilicum opus festinat, & tot cæci parerentur catuli, in quibus removendis Lector Benevolus obviam haud gravatim suam accommodet operam.*

*Dem Buchbinder.*

*Die Kupfertafel pag. 223. mag wol pag. 289. voran gebunden werden. Die 6. Tafeln in Clavi sollen ordentlich nach- und nicht gegeneinander zum folio 142. eingebunden werden.*

DECURIAE  
ANNORUM SECUNDÆ  
MISCELLANEORUM  
MEDICO-PHYSICORUM

*Sive*

EPHEMERIDUM  
GERMANICARUM  
ANNUS QUINTUS.



THE  
LIBRARY OF THE  
MUSEUM OF NATURAL HISTORY  
AND GEOGRAPHY  
OF THE  
CITY OF LONDON

ENTOMOLOGICAL  
MUSEUM  
20191213 1000









MISCELLANEA CURIOSA  
*SIVE*  
EPHEMERIDUM  
MEDICO-PHYSICARUM  
GERMANICARUM  
ACADEMIÆ  
NATURÆ CURIOSORUM  
*DECURIÆ II.*  
ANNUS QVINTUS.  
Anni M. DC. LXXXVI

*Continens*

Celeberrimorum Virorum

*Tum Medicorum, tum aliorum Eruditorum in Germania  
& extra Eam*

OBSERVATIONES  
MEDICAS, PHYSICAS, CHYMICAS,  
*Nec non*  
MATHEMATICAS.

*Cum*

APPENDICE.

---

NORIMBERGÆ,

Sumptibus WOLFGANGI MAURITII ENDTERI.

Anno M DC LXXXVII

4.

9-16-95







POTENTISSIMO

*Atque*

INVICTISSIMO

IMPERATORI

LEOPOLDO,

SEMPER AUGUSTO,

PIO, JUSTO, FELICI;

ROMANORUM, GERMANIÆ,  
HUNGARIÆ, BOHEMIÆ, DALMATIÆ,  
CROATIÆ & SCLAVONIÆ

REGI,

ARCHIDUCI AUSTRIÆ

&c. &c. &c.

*Barbarorum Domitori fortissimo,  
Doctorum Parenti benignissimo.*

Dum



**D**Um *Jovis* ultrici fuscantur fulmine Gentes;  
Pannonia Odrysiis ossibus alba nitet;  
& LEOPOLDE *Tuos* debuccinat inclutus enses  
Rumor; idem *Phœbi* suspicit *ordo* decus.  
Utque togâ ferrum mulcere ferocius almâ,  
laus est, AUSTRIACIS propria dicta DIIS:  
Sic colit ille *Tuas*, CÆSAR, fidentius aras,  
atque petit: *Tribui* Numen adesse suæ!  
Annuis. Hinc, votis à *Te* solertior orbis  
damnatus, pro *Te* vota secunda facit:  
*Armiger ungue Jovis felix inimica cruentet,*  
*mitior ut pennis pectora docta fovet!*

*Sic vovent subjectissimi*

Academici Naturæ Curiosi.

SERE-

# LEOPOLDINO-IMPERIALIS

## ACADEMIÆ PRÆSES

### JOH. GEORG. VOLCKAMER,

S. Cæs: Majest: Archiater ejusque Personæ Imperialis Medicus, S. R. I. Nobilis; Aulæ Cæsareæ Palatiique Lateran:  
& Consistorii Imperialis Comes; Collegii Norimbergenfis Medici Senior primarius & perpetuus

L. S. D.



Irtus sine invidia macrescit! Rosam armant spinæ! Felicitatem bonorum petulci petunt malevolorum assultus! Sacratissimus IMPERATOR Noster LEOPOLDVS immanitatem Turcæ fregit & perfidiam, ferociam ejus compescuit, ac longe retroque cedere coëgit DEO duce, comite militis generosi virtute, quæ foris arma eo felicius movit, quo salubrius domi erat Consilium. Sed ecce, dum mala MAGNVS Ille TRIVMPHATOR ex Oriente propellit atque <sup>ἐπιπίλοιον</sup> canit, ab Occidente longe graviora repullulascunt, quæ Germaniam tranquillam, foederi & Sacramento fidentem ac non tam securam quam justitiæ consilam instar torrentis rapidi inundant, & tantum non submergunt. Adeo cum Nasone exclamamus:  
*Nubila sunt subitis tempora nostra malis!* Nam *Qui venit, hic fluctus fluctus supereminet omnes*  
*Posterior nono est, undecimoque prior.*

Verum & hic DEVS quasi ex machina PIO JVSTO INCLVTO & INVICTO LEOPOLDO apparebit, ut Gemina Aquila, Imperii Orientis & Occidentis indicium, geminum hostem felicissime prosterнат, & ex Utroque CÆSAR sit, dum ibi pro Aris, heic pro Focis justissime pugnabit, nosque sibi vindicabit & assêret. Sed nec hæc calamitas sola: quin Publicæ illi adhuc alia accedit ACADEMIÆ Nostræ LEOPOLDINO-IMPERIALI è gravissimo vulnere, quod nos ferit ex obitu Magnifici, Amplissimi atque Excellentissimi Dn. D. JOH. MICH. FEHRII, *Medici Cæsarei, & Archiatri Svinfurtensis, nec non Consulis & Prætoris Imperialis, Ex-PRÆSIDIS nostri honoratissimi; quem DEUS ex hac miseriarum valle ad se recepit xv. Novembr. clō 13c xiii.*

*Nec profunt Domino, quæ profunt omnibus artes!*

In hoc tamen est, quod luctum refrenemus, quod Vir candidissimi pectoris, canæque fidei cultor præstantissimus, consilio medendique peritia vel maximè potens, tandem satur dierum (quippe ultra LXXVIII. annos natus) ad Superos evolârît, famam orbi nostræque ACADEMIÆ, successione & successu secundus Præses immortalē, & quod Caput rei est, sui similem reliquerit Filium paternarum virtutum ex asse heredem, Virum Nobil. Excell. atque Experientiss. Dn. JOH. LAVR. FEHRIVM; Med. D. ac in Patria Physicum probatissimum, Academiæque nostræ Collegam gratissimum. Nos interim Manibus beatis BENE MERENTIS-SIMI VIRI benè precemur, solatioque summo in utraque erit calamitate nobis, quod AVGVSTISSIMVS CÆSAR nos clementissimè protegat, & sub alis Aquilæ benefica nos suis tueatur: Cujus rei illustrissimum habemus testimonium, quando non ita pridem Nostræ Academiæ fecit suo de Nomine nomen, & LEOPOLDINO-CÆSAREAM vocavit, insuper Ejus PRÆSIDEM ac DIRECTOREM Ephemeridum Curiosarum in Archiatros suæque Personæ Imperialis Medicos, S. R. I. Nobiles veros antiquisque Nobilibus æquales, nec non Aulæ Cæsareæ Sacrique Palatii Lateranensis ut & Consistorii Imperialis Comites longè gratiosissimè recepit, easdemque una omnes dignitates omnibus eorum legitimis Successoribus perennes esse indulgentissimè jussit. HVIC ergo immortales gratiarum hecatombas pro nostro veterrimo verissimoque amore DNN. COLLEGÆ Honoratissimi, mactabimus, ac pro Vita, Incolumitate SACRATISSIMI CAPITIS, & felicissimo armorum Ejus successu contra quoscumque hostes Divinum fatigabimus NVMEN precibus nostris; ut Divisum Imperium cum Jove CÆSAR habeat; Potentissimisque REX HVNGARIÆ JOSEPHVS, Orbis amor, & Generis humani delitiæ cum Divino PARENTE

*Imperium Oceano, & famam terminet astris!* Adeoque *Quisquis ades, castæque colis penetralia Veste,*  
*Gratare, Austriacis thuraque pone focis!*

VOBIS vero, Viri celeberrimi & in Naturæ Sacris maximopere operosi, COLLEGÆ venerandi, hæc significare debui volui, officio meo defungens, speque fruens certa Vos omnia facturos, quæ in DEI gloriam, S. Cæs: Maj: obsequium devotissimum atque continuam oblectationem, Naturæ Artisque emolumentum insigne; proximi salutem, vestrumque decus concedere possunt. Agite, Viri Sollertissimi, non condormiscamus, manum nunquam de tabula subtrahamus. <sup>ὅς τις ὅστις πάντες ἐς πέποι ἰδί. νῆς</sup> judice Democrito apud Stobæum! Quin cogitemus sacra nostra non esse Opertanea, aut Eleusinia; immo verè publica almæ Matris nostræ quæ forte ideo <sup>πολύμαρτον</sup> Poëtis fingebatur; ut omnibus inserviret. Ego vero officio hoc meo defungar, quantum DEVS & natura Septuagenario majori, & octuagenarium adscendenti permittent; interim

*Reddere quæ ferrum valet, exsors ipsa secandi.*

Valete. PP. Norimbergæ XXIV. Decembr. Anno clō 13c LXXXVIII.



I  
&  
U  
S  
A  
1



SERE



SERENISSIMO AC POTENTISSIMO  
PRINCIPI AC DOMINO

DN. MAXIMILIANO  
EMANUELI

Utriusque Bavariae & Superioris Palatinatus Duci,  
Comiti Palatino Rheni, S. R. I. Archidapifero & Electori,  
Landgravio Leuchtenbergensi &c.

*Domino & Principi Electori nostro Clementissimo.*

SERENISSIME AC POTENTISSIME  
PRINCEPS ELECTOR,

*Domine Clementissime.*



Uam sibi felicitatem exteri certatim  
omnes exoptant, quam potentissima  
Hadria ventosi domina, tanquam victo-  
riarum suarum condimentum, tantope-  
re expetiit; ut in ejus sibi liceret intueri vultus, per  
cujus virtutem maxime stat, ut barbari citra spem  
resur-



resurgendi jaceant exercitus, cujus equo Troja capiebatur, cujus ultrice flamma ardebat Illium, TE nempe, HEROS BOIORVM fortissime, frui coram, TE,

*Vir factis maxime, cujus  
dextera per ferrum, pietas spectata per ignes,*

cominus nosse & admirari : Illam huic libro suo obtinere *Academici Natura Curiosæ* impensius laborant. Exploraverunt autem illud sibi potissimum momentum invisendi ad TE, quo spirans è TVIS oculis Mars per hyberna paulatim mitigatus esset, & præludentem restaurandis præliis severitatem, frons resumeret: Ut ita non minus inter pacis artes serenantem facilitatem, quam è belli studiis decore fulgurantium lineamenta irarum eadem opera cognoscerent. Admitte igitur PRINCEPS CELSISSIME, quod humillime oramus, conspectum Tuum dignissimum ambientes has Cadmi nigellas filias; (sic Ausonius literarum elementa vocat) foetui nostro spinosis seculi judiciis exponendo *Cuninam* præsta; suscipe, *literarum Parens illustrissime* illius Patrocinium adversus calumnias alienæ laudi obtreçantium : ne cunis Mosis nostri  
tenelli,



# CATALOGUS

## *Excellentissimorum VIRO RUM*

Qui pro augendo Quinto hoc secundæ Ephemeridum Physico-  
Medicarum Decuriæ Anno, Observationes communi-  
carunt.

1. D. JOHANNES CONRADUS BRUNNERUS, *Universi-  
tatis Heidelbergensis P. P.*
2. D. DANIEL BSCHERER, *Physicus Norimbergensis, Acade-  
micus Curiosus.*
3. D. RUDOLPHUS JACOBUS CAMERARIUS, *Physicus  
Tubingensis.*
4. D. THEODORUS CAROLI.
5. D. GABRIEL CLAUDERUS, *Archiater Electoralis & Du-  
calis Saxonicus, Academicus Curiosus.*
6. D. CHRISTIANUS ERNESTUS CLAUDERUS, *Reipubl.  
Cygneæ Medicus Ordinarius.*
7. D. ANDREAS CLEYERUS, *Societatis Batavo-Orientalis  
Proto-Medicus, Academicus Curiosus.*
8. D. DANIEL CRUGER, *Archiater Electoralis & Physicus  
Colbergensis.*
9. D. JOHANNES DOLÆUS, *Consiliarius & Archiater Hasso-  
Cassellanus, Academicus Curiosus.*
10. D. JOH. MICH. FEHR, *Medicus Cæsareus, Archiater Svinfurt.  
& S. R. I. Acad. Nat. Cur. PRÆSES Emeritus d. Argonauta.*



occidens, quæ & Athon cavare posset & moestum  
pelagus gementis *Helles* intercludere ponte non  
natanti, immortalis cantaberis literarum præconio:  
Doctique, quotquot erunt, omnes TE benignum  
fidus adorabunt, supremum fatigantes Numen,  
precibus, pro Vita tua & Imperio Christianæ rei  
adeo salutari, suam quoque adjicient laudem,  
quam à Marte ipso reportasti,

*ex quo prima truces amentia Thraces  
impulit, & magno gens est damnata triumpho,*

SERENISSIMÆ CELSITUDINIS VESTRÆ  
ELECTORALIS

*humillimi, devotissimiq;*

PRÆSES & COLLEGÆ CETERI

Academiae S. R. I. Nat. Curios.

CATA-

*demia Altdorffinae P.P. & h. r. Rector Magnificus, Academicus Curiosus.*

26. Dn. JACOBUS AUGUSTIN. HÜNERWOLFF, *Physicus Arnstadiensis, Academicus Curiosus.*
27. D. EMANUEL KÖNIG, *Medicus Basileensis, Academicus Curiosus.*
28. D. ADAMUS à LEBENWALD, *Com. Pal. Caesar. & Incl. Ducatus Styriae Consiliarius Medicus, Academicus Curiosus.*
29. D. SAMUEL LEDELIUS, *Physicus Grünbergensis in inferiore Silesia, Academicus Curiosus.*
30. Dn. ROSINUS LENTILIUS, *Med. Licent. Physicus Nordlingensis Ordinarius, Academicus Curiosus.*
31. D. MICHAEL FRIDERICUS LOCHNERUS, *Physicus Norimbergensis, Academicus Curiosus.*
32. D. CHRISTIANUS MENTZELIUS, *Sereniss. Elect. Brandenburg. Consiliar. & Archiater, Acad. Curiosus.*
33. D. GEORGIUS ABRAHAMUS MERCKLINUS, *Physic. Norimb. Academicus Curiosus.*
34. D. JOHANNES THEODORUS MOEREN, *Prof. Publ. Moguntinus, Academicus Curiosus.*
35. D. FRIDERICUS MOLLER, *Medicus Electoralis Brandenburgicus in Castro Cüstrinensi.*
36. D. JOHANNES de MURALTO, *Physicus Tigurinus, Academicus Curiosus.*
37. D. JOH. CONRADUS PEYERUS, *Poliater Scaphusannus, Academicus Curiosus.*
38. D. GOTHOFREDUS SAMUEL POLISIUS, *Physicus Ordin. Francofurtensis ad Viadrum & P.P. Extraordinarius, Academicus Curiosus.*
39. D. PETRUS ROMMELIUS, *Physicus Ulmenfis.*

40. Dn.



11. D. GEORGIUS FRANCUS, *Universitat. Heidelberg. Pro-  
rector, P.P. & Procancellarius, Elect. Trevirensis & March.  
Badensis Archiater, Academicus Curiosus.*
12. D. JOHANNES FRANCUS, *Physicus Ulmenfis.*
13. D. JOHANNES DANIEL GEYER, *Seren. Elect. Palatini Physf.  
Ord. Praesidii Fridericiburg. & Manheim. Academicus Cu-  
riosus.*
14. D. ERNESTUS SIGISMUNDUS GRASSIUS, *Physicus in  
Faver. Silesf.*
15. D. EBERHARDUS GOCKELIUS, *Archiater Würtember-  
gico-Weiltingensis & Reipubl. Ulmenfis Physicus, Academici-  
cus Curiosus.*
16. D. CHRISTIANUS LUDOVICUS GOCKELIUS, *Physicus  
Hersbrucco-Noricus.*
17. D. HERMANNUS NICOLAUS GRIMMIUS, *Poliater  
Niuköpingensis.*
18. D. JOHANNES BENEDICTUS GRUNDEL, *Incl. Styria  
Statuum Physicus, ac Marpurgi Practicus, Academicus  
Curiosus.*
19. D. EHRNFRID HAGENDORN, *Archiater Elect. Saxon.  
& Poliater Gorlizensf. Academicus Curiosus.*
20. D. GEORGIUS HANNÆUS, *Practicus Otthinienfis in Da-  
nia, Academicus Curiosus.*
21. D. JOHANNES LUDOVICUS HANNEMANNUS, *P. P.  
Chilonienfis, Academicus Curiosus.*
22. D. PHILIPPUS JACOBUS HARTMANNUS, *Professor  
Publ. Regiomontanus.*
23. D. GEORGIUS HEINTKE, *Physicus Uratislaviensis.*
24. D. BENEDICTUS HERMANNUS, *Physicus Memmin-  
genfis.*
25. D. JOHANNES MAURITIUS HOFFMANNUS, *Aca-  
demia*



# CATALOGUS OBSERVATIONUM.

## D. CHRISTIANI MENTZELII.

1. De Vulnere Ventriculi ultra undecim annos aperto , superstitie Viro. pag. 2.
2. De Stagno admirando Borussiae alternis trienniis sponte piscoso & frugifero. 4
3. De Alces monstroso partu & gratitudine in homines, 6

## D. LUCÆ SCHRÖCKII Luc. Fil.

4. De Cervo corde plumbea glande à Serenissima Electrice Brandenburgica trajecto , mortui instar prostrato , & post tres horæ quadrantes quatuor circiter passuum millia aufugiente. 8

## D. GEORGII WOLFFGANGI WEDELII

5. De Uvulæ defectu & usu. 12
6. Ab Uvulæ defectu in adultis diversa Phænomena. 13
7. Delirium ex contusione capitis extemporaneum. 15

## D. GÜNTHER. CHRISTOPH. SCHELHAMMERI.

8. Febris quartanæ An. 1684. indoles. 16
9. Hepatis vulnus feliciter curatum. 17
10. Lumbrici ex abscessu in inguinali regione erumpentes. 19
11. Abscessus hepatis. 23
12. Opii vis deleteria & symptomata ejus. 25
13. Partus naturalis ad justum tempus retardatus. 27
14. Triste fatum infantis nondum nati. 28
15. Vertigo nocturna. 29
16. Opii

)( (



40. Dn. GEORGIUS EBERHARDUS RUMPHIUS, *Illustris Societatis Indiae Orientalis in Insula Moluccarum Ambona apud Belgas Senator & Mercator emeritus*, Academicus Curiosus.
41. D. GUNTHERUS CHRISTOPHORUS SCHELHAMMERUS, *in Universit. Helmstad. P.P. Academicus Curiosus.*
42. D. LUCAS SCHRÖCKIUS, *Luc. Fil. Physicus Augustanus, Acad. Nat. Cur. Adjunctus, d. Celsus, Ephemeridum Director.*
43. D. MICHAEL BERNHARDUS VALENTINI, *Polia- ter Francofurtensis ad Mœnum*, Academicus Curiosus.
44. D. JOHANNES GEORGIUS VOLCKAMERUS, *Senior, Sacr. Caesareæ Majestatis Medicus, Collegii Medici Norimbergensis Senior Primarius*, Academiae Naturæ Curiosorum PRÆSES, d. Helianthus I.
45. D. JOHANNES JACOBUS WAGNER, *Poliater Ti- gurinus.*
46. D. GEORGIUS WOLFGANGUS WEDELIUS, *Consilia- rius & Archiater Ducalis Saxonicus, in Universitate Jenensi Prof. P. & h. t. Rector Magnificus*, Academiae Naturæ Cu- riosorum Adjunctus, d. Hercules.
47. D. JOHANNES JACOBUS WEPFERUS, *Archiater Sca- phusanus.*
48. D. JOHANNES PAULUS WURFFBAIN, *Medicus No- rimbergensis Ordinarius*, Academiae Naturæ Curiosorum Adjunctus, d. Hermes II.



D. THEODORI CAROLI.

36. De Cantharidibus. 66

D. HERMANNI NICOLAI GRIMMII.

37. Minera auri & argenti Sumatrensis. 68

D. DANIELIS CRÜGERI.

38. Oleum Majoranæ destillatum in sal volatile mutatum. 70

D. CHRISTIANI MENTZELII.

39. Deradice Chinesisum Gîn-Sen. 73

D. ANDREÆ CLEYERI.

40. De Arbore laccifera Japonensi Fasnoky (Namra). 79  
41. De Arbore Mami Itabo Japonensium. 82

D. CHRISTIANI MENTZELII.

42. Ex Dysenteria intempestivè sanata sphacelus pedis. 83

D. CHRISTIANI LUDOVICI GÖCKELII.

43. De Vesica spongiosa extra abdomen posita, cum defectu penis. 84

D. ERNESTI SIGISMUNDI GRASSII.

44. Sitis quartanam comitantis exemplum rarius. 86  
45. Vermes intestina innoxie perforantes. 87

D. SAMUELIS LEDELII.

46. Ab esu Cyprini podagra. 89  
47. De Cephalalgia scorbutica. 90  
48. Imberbes. 91  
49. De Curatione retentionis urinæ in variolis. 92  
50. Lixivium enecat puerum. 92

D. ADAM à LEBENWALDT.

51. Venæsectio noxia. 93



16. Opii vis sudorifera.	29
17. Puelli desperati cura.	30

Dn. Lic. JACOB. AUGUST. HÜNERWOLFFII.

18. Curatio affectus spasmodici ab incantatione.	31
19. Ileus lethalis à vermibus.	32
20. Lachrymæ verminosæ.	32
21. Brachia scrofulosa.	34
22. Catarrhus ex rosarum odore.	34
23. Haustum napelli venenum potatione extinctum.	35

D. DANIELIS CRÜGERI.

24. Efficacia smaragdi in fluxu mensium nimio.	36
25. Febrifugum Riverianum.	38
26. Suppressio urinæ 8. dierum lethalis.	40

D. FRIDERICI MOLLERI.

27. A Lumbricis horrenda symptomata.	44
28. Paralysis scorbutica.	46

D. PETRI ROMMELII.

29. De Voluntaria fluxus menstrui retardatione.	48
---	----

D. BENEDICTI HERMANNI.

30. De usu raphani rustici in pleuritide.	52
---	----

D. CHRISTIANI MENTZELII.

31. De coloribus Iridis etiam in flamma ignis culinarii & candelæ spectabilibus.	53
--	----

D. JOHANNIS de MURALTO.

32. Anatome Melis, seu Taxi.	55
33. Urinæ retentio à scirrho.	58
34. Immaturus foetus cum placenta, funiculo & manu dextra ad uterum osculum compulsus.	61
35. Ardor urinæ & lancinatio hypogastrii intolerabilis à retentione secundinarum.	63

D. THEO-

D. GEORG. WOLFFGANGI WEDELII.

- |                               |     |
|-------------------------------|-----|
| 78. Menses in puella sexenni. | 184 |
| 79. Hæmorrhagia in infante.   | 185 |

D. MICH. BERNHARDI VALENTINI.

- |   |     |
|---|-----|
| 80. Contumax malæ tumor & excretum inde officulum.  | 185 |
| 81. Menstrua per ulcus tibiæ emissa.                | 186 |
| 82. Ingens narium polypus deglutitionem præpediens. | 187 |
| 83. Polypus cordis lapideus.                        | 188 |
| 84. Admirandi maniacorum gestus.                    | 190 |

D. JOH. LUDOVICI HANNEMANNI.

- |  |     |
|--|-----|
| 85. De Pathologia animata.               | 190 |
| 86. De Arenulis cum sanguine exeuntibus. | 191 |

D. EHRENFRIIDI HAGENDORNII.

- |   |     |
|---|-----|
| 87. De Fermentato ex Branca ursina, Bartsch dicto.        | 192 |
| 88. De Diarrhœa ex Arcano tartari liquido.                | 193 |
| 89. De Ischuria chalybe curata.                           | 194 |
| 90. De Tumore femoris monstroso.                          | 195 |
| 91. De Liquore querno antipodagrico.                      | 197 |
| 92. De Euporisto ad strumas.                              | 198 |
| 93. De Fungo sorbi aucupariæ antidysenterico.             | 199 |
| 94. De Pellis leporinæ in vigiliis usu.                   | 200 |
| 95. De Capillis illitu aquæ apoplecticæ albedine tinctis. | 201 |

D. MICH. FRIDERICI LOCHNERI.

- |                                   |     |
|-----------------------------------|-----|
| 96. Canis periodice catalepticus. | 202 |
| 97. De Ossium strepitu.           | 203 |

D. EMANUELIS KÖNIG.

- |  |     |
|--|-----|
| 98. Empyema thoracis caseosum.                     | 204 |
| 99. Alexipharmaca lumbricos necantia.              | 206 |
| 100. Sanguis tertianarii venenosus.                | 208 |
| 101. Lupi piscis & Mugilis ventriculi conformatio. | 208 |
| 102. Decoctum febrifugum certissimum.              | 209 |

)( ( 3

D. JOH.



52. Delirium melancholico-maniacum solâ sanguinis missione curatum. 94

D. RUDOLPH. JAC. CAMERARII.

53. Tensio cordis lipothymia causa. 95

D. EBERHARDI GOCKELII.

54. Pila seu globus cupreus per 18. annos gestatus, feliciter ex uteri vagina extractus. 103  
55. Oculi vulnus curatum. 105

D. GEORGII HEINTKE.

56. Quantum cibatio in avertendis & debellandis morbis interdum valeat. 107  
57. Menstruatio dysenteria remedium. 108  
58. Anatome cachectici. 109  
59. Apertio scroti & scarificatio pedum sæpius hydropis, salvis adhuc visceribus, medela. 110  
60. Pinguia non semper obliniunt poros. 111

D. PHIL. JACOBI HARTMANNI.

61. Anatome puellæ diarrhoea confectæ. 111  
62. Anatome phrenetici. 119  
63. Anatome herniosæ & asciticæ. 125  
64. Anatome asciticæ. 130  
65. Anatome tabidi. 134  
66. Anatome anasarca enecli. 138  
67. Anatome hydrope uteri extinctæ. 142  
68. Anatome hydrope & mola uteri afflictæ. 147  
69. Anatome infantis cui abscessus congenitus. 157  
70. Anatome infantis scirrho viscerum defuncti. 159  
71. Anatome calculo vesicæ enecli. 162  
72. Anatome ascitici. 164  
73. Anatome pueri calculo vesicæ enecli. 167  
74. Anatome puerperæ partus difficultati succumbentis. 168  
75. Anatome matronæ febre confectæ. 171  
76. Anatome monstrosi crediti foetus. 176  
77. Anatome ascitici & herniosi. 179

D. GEORG.

130. Remedium nimii hæmorrhoidum fluxus.	259
131. De potu calido puerperarum.	260

D. JOHANNIS de MURALTO.

132. Anatome ardeæ.	270
123. Verruca cancrofa.	271

D. CHRISTIANI MENTZELII.

134. De Iride Solari in planitie terræ & Arachnia meteoræ.	273
--	-----

D. JOHANNIS DOLÆI.

135. De Ischuria lethali.	277
136. De Atrophia unius lateris.	278
137. De Motu foetus in Utero Matris jam extinctæ.	279
138. Ex assumptione XII. granorum Theriacæ cœlestis mors secuta.	ibid.
139. De filia Urinam per inusitatam viam reddente.	280

D. PETRI ROMMELII.

140. Loquelæ, Memoriae & Rationis imbecillitas à Venæ Sectione.	280
141. Paralytica à Venæ Sectione restituta.	285
142. Convulsionestriduanæ à Venæ Sectione in Septuagenario.	287
143. A Venæ sectione delirium Melancholicum.	290
144. Virus imminutus à Phlebotomia.	292
145. Aphonia post Venarum hypoglottidum Sectionem.	294
146. Bulithi copiosè in Vesica reperti.	297
147. Ovum cum appendice f. caudatum.	299
148. Pullus gallinaceus quatuor alis totidemque pedibus præditus.	301
149. Diarrhoea singulis mensibus recurrens in gravida.	303

D. JOHANNIS JACOBI WEPFERI.

150. De Uteri procidentia sectione feliciter sublata.	306
---	-----

D. JOHANNIS GEORGII VOLCKAMERI Sen.

151. De imprudenti in nares liquoris errhini injectione deperditus gustus cum olfactu.	315
152. Ul.	



D. JOH. JACOBI WAGNERI.

103.	De Hypopyo five oculo purulento.	209
104.	De Bulitho renali ramofo.	210
105.	De Pilis pilofis ab equo excretis.	211
106.	De Coronis serpentum vulgo dictis.	ibid.

D. DANIEL BSCHERERI.

107.	De quadam fistularum abdominis lithiafi.	213
------	--	-----

D. JOH. THEODORI MOEREN.

108.	De Phænomeno meteorologico.	215
109.	De Iridibus & Corona.	216
110.	De Infolitis muribus.	218
111.	De Ipihus feu Convolvulis.	219

Dn. GEORG. EVERH. RUMPHII.

112.	De Ovomarino, Porcellanis feu concha Veneris.	222
------	---	-----

D. JOH. LUDOVICI HANNEMANNI.

113.	De Potu Calido.	223
114.	De usu Bufonum medico.	229
115.	Caufa ardoris urinæ fingularis.	230
116.	Araneorum innoxius efus & venenum.	231
117.	De miro vifus fymptomate.	234
118.	De febre fingultu ofa.	235
119.	Contumaciffima menfium obftructio curata.	236
120.	Aliud curatæ Menfium fuppreffionis exemplum.	237
121.	Infantis à partu difficili quafi emortui in vitam reftitutio.	242
122.	Vifus debilis reftitutio.	243
123.	De ufu Afrologiæ in Venæfectione.	248
124.	De aëris inquinamentis.	251
125.	De cadavere fanguinem ftillante præfente occifore.	251
126.	Lapilli tuffi rejecti.	254
127.	Uvulæ prolongatæ cura.	256
128.	Lochia aquofa.	258
129.	Delirium fingulare.	ibid.
	130. Re-	

D. GABRIELIS CLAUDERI.

177. Medicamenta è Mercurio vivo difficillimæ sunt præparationis  
ideoq; summè cautam Chymiatrî prudentis & experti ex-  
poscunt manum. 158
178. Opium inter moderna medicamenta generosa neutiquam po-  
sterius in præparatione & propinatione molliter vult tractari. 361
179. Opium crudum quotidie per plures menses larga dosi optato ef-  
fectu à Germano assumtum. 364
180. Phthisici auxilio medico anxie inhiant, quia ipsis Hannibal re-  
verà ad portas. 366
181. Nimis rigorosa & iniqua est Galenicorum nonnullorum in  
Chymicos censura. 368
182. Thematum genethliacorum incertitudo. 370
183. Felis Sciurum pariens. 370
184. Transmutationis metallorum possibilitas. 371
185. Bryonia egregium exhibet regno suo vegetabili ornamentum. 375
186. Cricetus (der Hamster) providus sibi contra famem hyemalem  
promus-condus, singularibus ad hæc à Natura organis in-  
structus. 376
187. Simia mas, constans usque ad exilium suum virginis pulchræ  
amasi. 377
188. Pennæ albæ colivo nigro ex alia successivè excrecentes. 378
189. Rara Somnambuli historia. 380
190. Scortum album parit filium bicolorem. 381
191. Melancholica imaginariè sibi visa gravida & postea puerpera. 382
192. Vermis importunus & molestissimus dentis cavi inquilius. 383
193. Vomitus XL. librarum mucî corrupti & pici liquatæ similis,  
lethalis, aliæque rarissima in dissecto corpore observata. 386
194. Vagitus Uterinus an mala prædicat. 389
195. Clyster innoxie vomitu rejectus. 390
196. Severa animi adfectuum biga Ira & Mœror, crudeli ingrati-  
tudinè humanæ imperant valetudini; aliquando tamen eam  
huic quasi invitam profuisse, observatum est. 392



152. Ulcerum in cruribus periculosa curatio.	317
153. Ex Obstructione narium Melancholia.	319
154. Dolor nephriticus celeriter curatus.	320
155. Nervi læssio Epilepsiæ orientis causa per cauterium curata.	321

D. GEORGII WOLFFGANGI WEDELII.

156. Sanguis per Microscopium examinatus, ramosus.	323
--	-----

D. JOHANNIS PAULI WURFFBAINII.

157. De Nigredine fuliginosa in cruribus Hydropicæ non gangrænosa.	325
158. De admirandis grandinis figuris.	327
159. De Numismate quodam scutellari argenteo.	331

D. GOTHOFREDI SAMUELIS POLISII.

160. Experimentum Vesicatorium cujusdam Judæi in dolore dentium probatissimum.	333
161. Usus Salis Armoniaci in faucium affectibus conspicuus.	334
162. Ex Obstructione Urinæ totius corporis intumescencia curata.	336
163. Mictus sanguinis bubone exsiccatō sublatus.	337
164. Usus cucurbitularum in dolore Ischiadico.	338
165. Dolor in musculis femorum & tibiæ aliisque.	339
166. De Puella cum Hydrocephalo singulari in lucem edita.	339

D. GEORGII HANNÆI.

167. Graviditas frustrata.	342
168. Desperatus Ascites curatus.	344
169. Vermes Epidemii.	345
170. E Vermibus cœca & muta restituta.	346
171. Petechiis agonizans, reviviscens.	347
172. Virulenta gonorrhœa sanata.	349
173. Secundina retenta, insperatō exclusa.	350
174. Mater infantis mortui vivum sepulchrum.	352
175. Ovum hydropicum.	354

D. JOHANNIS CONRADI PEYERI.

176. De rete mirabili.	355
------------------------	-----

D. GEORGII WOLFFGANGI WEDELII.

- |                                |     |
|--------------------------------|-----|
| 217. De Inflammatione Renum.   | 443 |
| 218. De Aloe largius assumpta. | 444 |
| 219. De Lordosi.               | 445 |

D. MICHAEL. FRIDERICI LOCHNERI.

- |                        |     |
|------------------------|-----|
| 220. Incubus lethalis. | 446 |
|------------------------|-----|

D. GEORGII FRANCI.

- |  |       |
|--|-------|
| 221. Vermes cucurbitini in Infante.  | 448   |
| 222. Ex terrore lochiorum subpressio, & inde Phrenitis, Convulsio<br>ac tantum ferè non mors.  | 449   |
| 223. Scrofulæ in fetu ex Imaginatione matris.  | 451   |
| 224. Convulsio & mors è scabie capitis evanescente.  | ibid. |
| 225. A Mensibus diu subpressis maxima cordis palpitatio, tandem<br>Cachexia, Apoplexia & mors. | 452   |
| 226. De Sectione Tumoris glandulosi in sexagenariæ collo dextro.                               | 453   |
| 227. Tumor umbilici in infante.  | 454   |

D. JOH. DANIELIS GEYERI.

- |  |     |
|--|-----|
| 228. De Membrana per Urinam excreta.   | 455 |
| 229. De Mira Sympathia patris & filioli in paroxysmo febris tertiana.                  | 455 |
| 230. De Omento mirabili hydropici.   | 456 |
| 231. De Calculo Vesicæ.  | 456 |
| 232. De Aqua petrificante & musco petrefacto.  | 457 |
| 233. De Abortu inque hujus placenta uterina incluso embryone<br>cum propria secundina. | 457 |
| 234. De mira antipathia & exinde animi deliquio orto.                                  | 458 |
| 235. De variis nævis.  | 459 |

D. JOHANNIS FRANCI.

- |  |     |
|--|-----|
| 236. Omnis subita mutatio etiam in peioribus periculosa. | 459 |
| 237. Dysenteria cerevisiæ Naumburgensi curata.           | 460 |
| 238. Mercurius vivus in hernia lethalis.                 | 461 |
| 239. Triticum arte multiplicatum.                        | 462 |
| 240. Prodromus Arachnolithographiæ.                      | 462 |

)()() 2

D. JOH.



D. JOH. CONRADI BRUNNERI.

241. Novarum Glandularum Intestinalium Descriptio. 264

D. GEORGII ABRAHAMI MERCKLINI.

242. De Strepitûs ossium curatione. 465  
243. De Miro & inaudito symptomate ex Mensibus. 466  
244. De Pertinaci abstinencia à Vino & Cerevisia post febrem tertiam. 467

D. LUCÆ SCHRÖCKII.

245. De Gemino Rhinocerotis Cornu. 468  
246. Anatome Amaurosi laborantis. 469  
247. Amaurosis curata. 472

ADDENDA.

Dn. ROSINI LENTILII.

- De Lactis abundantia. 474


D. JOHANNIS GEORGII LAIBII.

- De Arsenico Antipyreto. 474

D. JOH. LUDOVICI HANNEMANNI.

- De Ebore. 475





EPHEMERIDUM  
MEDICO-PHYSICARUM  
CURIOSARUM  
DECURIAE SECUNDÆ  
ANNI QUINTI  
BREVILOQUIUM

Ad

OBSERVATIONEM I. II. & III.  
D. CHRISTIANI MENTZELII.



*Gloriosa Imperatorum, Regum & Principum gesta literis consecrare, eorumq; trophæa erigere, monumenta sunt memoria non peritura. At præter bellicas virtutes etiam tot variarum rerum scientiis, quæ vel usum insignem humano generi præstare videntur, simul inclarescere, id demum in terris utramque immortalitatis paginam constituit. Hac ambo cum in Sereniss. & Potentiss. Principe ac Domino, Dn. FRIDERICO WILHELMO, Electore Brandenburgico &c. Domino meo clementissimo integra reperiantur, prius ab illis, quorum interest, & quibus convenit, præstabitur; alterum verò in his Ephemeridibus nostris, vel à sera posteritate contra omnem livorem suspiciendis, paucis delibare licebit, præmissis tribus sequentibus Observationibus Medico-Physicis, ab ipso Sereniss. Electore expertis; fide confirmatis & enarratis, quas tanquam raras & notatu dignas erudito Orbi exponere placuit:*

Dec. II. Annus V.

A

OBSER.



## OBSERVATIO I.

D. CHRISTIANI MENTZELII,

De

Vulnere ventriculi ultra undecim annos  
aperto, superstite viro.

**I**Nsterburgi, in Quæstura Borussiae, quæ paret *Sereniss. Electori* nostro *Brandenburgico*, fur quidam, ex Lituania oriundus, noctu per fenestram sibi januam parans descendit in cubiculum cujusdam civis, ut auferret, quod ad se non spectaret. Id cum paterfamilias persentisceret, arrepto venabulo, quod prope lectum habebat, furem cum fugam caperet, in iisdem, quas repetebat, foribus, in dextrum abdominis latus prope par transversim lato vulnere sauciat. Fur ita extra fenestras exceptus fugâ, quantum pedes valuere, in proximum nemus se recipit; ibi cum se solum & à nemine conspectum videret, evulsis graminibus & musco (quod postea fur ipse retulit) urfarum more vulnus obstruit: deinde, cum ad suos rediret, mutatis his turundis, sibi ipsi Podalirius, illud stuppâ, lintheaminibus, lardo imprimis, & aliis, quæ ad manus aderant, emplastris, obligat. Protrahitur cura hæc per aliquot dies, hebdomadas, tandem per integros annos sine ullo lethali symptomate, vulnere tamen nunquam clauso, ob callum labiis inductum. Interea temporis cum poenam plagæ sic per undecim annos luisset, innotuit vulgo vir, quod cibum assumptum ex ventriculo per vulnus ejicere, & (ut quidam volunt) calorem ventriculi interius digito explorare valuisset, fitque lucri causâ spectaculum vulgi, quo tempore *Serenissimus Elector*, Juvenis adhuc Princeps Electoralis, Quæsturam illam visitans, cum ipsi talia de hoc viro narrarentur, eum accersi jussit; quo facto vir casum suum liberè enarrans, ostendit vulnus, & per id cibum assumptum non sine foetore aliquo, manu expressit. Hoc cum

Archiater

Fig: 1.



Fig: 2. p. 3.



Fig: 3.





Archiatr p. t. Dietericus, Principi Electorali adstans simul videret, rei que fidem adhibere dubitaret, exhibuit viro medicamentum quoddam innocuum sed coloratum, ut id per vulnus rejectum cognosceret, quod cum vir præstitisset, D. Dietericus fidem adhibere rei coactus fuit. Vid. Fig. I. memoriæ ergo inventa.

[*Ex relatione Sereniss. Electoris Brandenb.*]

### SCHOLIUM.

CAsus hic rei medicæ usum aliquem præstare videtur, cum nos edoceat, vulnera ventriculi non omnia esse lethalia, etsi aliquandiu aperta maneant. Nam etsi vulgò credatur, ventriculum læsum, tanquam membranam vix posse sanari; tamen cum experientia & veterum nempe Galeni, Albucasis, Christoph. à Veiga, Fallopii, Schenckii &c. & neotericorum quandoque reclamet, vulnera ventriculi non omnia lethalia esse, liberè pronuntiandum est, præsertim si accidant sive casu sive arte & ex proposito non in loco nervoso, circa nempe superius os ventriculi, sed paulo inferius, transversim, ut in nostro fure præsumendum, & in cultrivoro sive cultri deglutatore Brüssico Anno 1635. die 29. Maji st. n. accidit, qui eodem die cum cultri sui manubrio adunco fauces irritando vomitum sibi ciere proponens, manubrii uncum nimis profundius in fauces recondidisset, earum lubricitate totus culter in œsophagum & tandem in ventriculum delapsus & deglutitus est, qui postea consensu totius Collegii Medici Regiomontani Borussorum per Chirurgum die 9. Julii illius anni feliciter versus sinistram regionem ventriculi fuit excisus & curatus, vid. Fig. II. ex autographo libri D. Danielis Beckeri de hoc cultrivoro Anno 1643. editi delineatam. Hunc rusticum, qui post vulnus curatum uxorem duxit & liberos procreavit, vidi adhuc superstitem Regiomonti Anno 1646. cum ibi studiis medicis operam darem. Fig. III. exhibet cultrum deglutitum & arte excisum, cuspis in ventriculo arrosa fuit, ut apparet ex figura.

[*Christiani Mentzelii D.*]

Fig. I. II. III.

A 2

OBSER-



## OBSERVATIO II.

D. CHRISTIANI MENTZELII,

De

Stagno admirando Borussiae, alternis triennis spontè piscoso & frugifero.

**Q**ui ruri oeconomiam exercet, diligens Paterfamilias etiam inter primos redditus numerat, quos ex piscatura desumere potest, unde piscinas, stagna, lacus ita adaptat, ut post aliquot annos, cum ex aquis piscaturâ commodum hausit, depletis iterum aquis in alveo sicco frumentum serat, non tantum in suae oeconomiae, sed etiam, alveo iterum aqua repleto, futuri piscatus usum fructum uberiores. Verum provida quandoque natura sponte quibusdam locis succurrit hac in re, uti manifestè apparet in stagno quodam Borussiae in eadem Camera Electoralis Quæstura Insterburgensi prope oppidum Kauten: Hoc stagnum per tres annos aquâ repletum, & satis profundum, pisces suos omnis generis copiosè reddit; præterlapsis verò tribus annis sponte suâ, aquis in fundo se subducentibus, exarescit, adeò ut accolæ in alveo arido frumenta omnis generis serant & felici proventu metant per tres annos, quibus præterlapsis aquæ iterum ex fontibus in fundo latentibus regurgitent cum piscibus (quod mirum) mixtæ nullis in solo continente rivulis affluentibus. Tempore messis Serenissimus Elector aliquando alveum eques cum comitatu transiit leporesq; in eo venatus est. Manifesta hujus rei causa dari non facillè potest, nisi quis statuatur, torrentes aliquos circa hunc locum dari, qui ex nive liquefacta, aliisque confluentibus aquis constantes, ex alto ruant prope hunc lacum, & tunc temporis per canales vel cuniculos quosdam subterraneos in stagnum illud cum piscibus se exonerent: Deficientibus verò iterum per certum tempus torrentibus illis,  
aqua

aqua omnis ex stagno per cuniculos suos in fundo regurgitet, absorbatur & deficiat, uti sagaciter & cordatè Serenissimus opinatur.

[Ex relatione Sereniss. Elect. Brandenb.]

### SCHOLIUM.

Fontium certis tantum temporibus scaturientium variae passim occurrunt historiae; quas inter inprimis memorabilis & huic Borussico similis existit Americanus ille in provincia Chiapa apud Taxiam, quem per triennium continuo fluere, totidem verò postea annis evanescere, nunquam pluviae vel absentia vel praesentia fluxus hujus diversitatem variante, *Johannes Latius in Descript. Americ. & ex eodem Dapperus lib. 2. cap. 16.* memorat. Thermas Piperinas Helveticas mense Maji usque ad Septembrem scaturire, postea verò cessare, plures tradunt; id tamen cum distinctione intelligendum esse, tum ex observatione propria, tum ex incolis edoctus *Guil. Fabricius Hildanus* testatur, qui, hyems si asperrima & siccissima fuerit, tunc omnino sese subducere aquas istas, neque ante medium aut finem mensis Maji redire, hyems verò si pluviosa fuerit, aquam quidem profluere, sed in minori copia, vixque tepidam esse, dicebant. De fluvio etiam Italiae, quem Torbidone vocant, legi merentur, quae à *Clar. D. Paulo Bocccone in observ. natur.* non ita dudum editis, num. 19. referuntur, eundem scilicet per septem annos continuos aquam continere, totidem verò post aliis annis siccum remanere, ita ut qui modo pisces suppedicaret, jam frumento seminando & colligendo opportunum fundum praebeat: quanquam exactam illam septennii alternationem infida relatione niti, diligentiori inquisitione praeaudatus Autor cognoverit. Quod judicium fortasse plures alios hujusmodi fontes & fluvios, si exacto examini subjicerentur, maneret, & hac tamen ratione diversius fluxus causae promtius consignari possent.

[L. Schröck, L.F.]



## OBSERVATIO. III.

D. CHRISTIANI MENTZELII,

De

Alces monstroso partu & gratitudine  
in homines.

**B**Rutorum in homines gratitudinis exempla Plinius & alii commemorant. Aquilæ in virginem apud Seston urbem Plin. l. 10. c. 5. Simile quid de leone l. 8. c. 16. refert. Homine animalium præstantissimo sæpius erga benefactorem suum ingrato existente. Apparuit tale quidpiam nuper, præterita hujus 1686. anni æstate circa Potsdamum in Alce fœmina. Hujus animalis natales Borussia nemora imprimis sunt, ex quibus cum *Sereniss. Elector* noster aliquot animalia in Marchiam Brandenb. & in specie Potsdamum ad alteram suam regiam afferri jussisset, ut ibi in nemoribus & theriotrophiis alerentur & generentur, una earum, cum difficili partu se laborare sentiret, missis nemorum latebris, ad viam publicam non procul à Potsdamo decubuit, ut opem humanam, necessitate sic jubente, acquireret. Prætereunt quædam mulieres, miseram alcem laboriosè parturientem aspicientes, cum animal se in pedes conjicere prorsus invalidum esset ac miserrimo intuitu opem posceret. Accurrit quædam mulierum miseram animalis sortem miserata, manum adhibet obstetricem, & extrahit ex utero alces partum mortuum & monstrosum: gemellas nempe, uno capite & pectore conjunctas, reliquis membris & artubus separatim existentibus, vid. *Fig. IV.* qualem monstrosum partum Ephemerides nostræ *Obs. 4. Anni 9. & 10. Dec. 1.* in agno, & *Obs. 102. Anni 2. Dec. 2.* in homine quoque exhibent, adeò ut monstra eadem æquè à brutis quàm homine fatò suò eveniant. Partu hoc monstroso ope humana sic in lucem edito, Alce (Germanis

*Alces monstro-*  
*sus partus.*

*Fig: 4. f. 7.*







nis à miseria (*Stend dicta*) miseriam suam perpeffa & ab ea sic liberata, surgit statim, nihil curans partum, hominesque aliàs fugiens, jam mulieres abeuntes tanquam gratitudinis signum & actum erga auxiliatricem suam ostendens usque ad Sedes Electorales invalido licet gressu concomitatur, argumentò solidò, quòd brutorum gratitudo quandoque superet hominum ingratitudinem, sicut Plinius l. c. de leonis gratitudine erga Elpida Samium, nave in Africam delatum, refert, is cùm leoni os avidiore morsu dentibus inhærens evulsisset, quamdiu navis ea litore steterit, venatus aggerendo leonem Elpidi gratiam retulisse. Vid. *Fig. IV.*

[*Jussu Sereniss. Electoris Brandenb.*]

### SCHOLIUM.

Quamvis *Conrad. Gesnerus lib. 1. histor. quadrup.* cùm Illyrios etiam cervum Gelen vocare consideraret, fieri potuisse arbitretur, ut inde nomen hujus animantis ad Germanos translatum sit, propter similitudinem ejus cum genere cervino; non immeritò tamen à miseria nomen habere dicendum foret, quia, ut idem paulò post loquitur, *verè miserum est animal, si credendum est, quod sæpè audivimus, quotidianum ei morbum comitiale ingruere.* Et certè caduco aliquo morbo Alcen laborare, testimonio etiam *Martinierii* comprobatur, qui in *Itinerar. suo Septentr. cap. 3.* simile quid semetipsum vidisse testatur. Quod autem nonnulli modico vulnere læsam, præ timore, statim expirare adserunt, id ex ejusdem *Martinierii* observatione refellitur, qui tale animal à Nobili vulneratum, per duas integras horas aufugisse, atque tres ejus canes anterioribus pedibus (siquidem, ut in *vita Joh. Franc. Comendoni Card. lib. 2. cap. 13.* legitur: *invadentes canes non cornibus* (id quod de maribus, cornutis nempe, intelligendum,) *sed calce petit, interdum letali ictu,*) prostravisse, nec facile in prædam cessurum fuisse, scribit, nisi denuò morbo correptum concidisset. Caterum in locis palustribus sese plurimum condere, illic.



illicque & partus suos edere, ex *Erasmo Stella Gesnerus d. l. in paralipom.* monet. Ut itaque & locus partus, & monstrosa soboles, quin & gratitudo, raritate se in hac observatione commendent. Plura verò brutorum in homines gratitudinis exempla, ut alios Autores taceam, *citatus Plinius* habet, & imprimis huic quodammodo quadrat, *cujus lib. 8. cap. 17.* mentionem facit, de Panthera, feritate insigni aliàs famosa, *cujus catuli cum in fossam decidissent, & ipsa Philinis Philosophi parentem conspicata, leniter mordicus apprehensa ejus veste, pavidum illud deduxisset, ipseque catulos è fossa eduxisset, meriti hujus gratiam ut referret panthera, per totum illud iter hominem prosecuta, ab aliis eum feris hostibusque defendit.*

[*L. Schröck, L. F.*]

#### OBSERVATIO IV.

D. LUCÆ SCHRÖCKII, L. F.

*De*

Cervo glande plumbeâ trajecto,

*à*

SERENISSIMA ELECTRICÆ BRANDENBURGICA

DOROTHEA &c. &c.

Mortui instar prostrato, & post tres horæ quadrantes  
quatuor circiter passuum millia aufugiente.

Cum An. 1686. Mense Septembri, hymæneorum cervinorum tempore, Serenissimus ac Potentissimus Elector Brandenburgicus, FRIDERICUS WILHELMUS &c. &c. cum Serenissima Electrice, DOROTHEA &c. &c. venationi apud Golze, in Præfectura Lebus, dimidio milliari à Cüstrino ad Oderam distantem, vacarent, & d. 13. Septembr. d. 1. à meridie, pro more, in rhea ad

da ad venandum exirent, magnitudine insignis cervus obviam factus est, & centum circiter passuum distantia, ad latus sinistrum rhedæ, versus quam etiam cervi latus sinistrum, frons autem in oppositam partem prospiciebat, substitit; quem Serenissima Domina eâ felicitate glande plumbea feriit, ut trecentos quidem vel quadringentos passus, tarde tamen, titubando, pedemque sinistrum anteriorem trahendo, ac multum cruoris profundendo, usque ad fossam quandam progredere-  
tur; in quo postquam eundem Electoralis sclopeti aptator, nomine, *Conradus*, cane parvo indagatore comitatus, ejusdem vestigia jussus premere, stantem offendisset, atque ad triginta passus eidem adpropinquasset, occiput ejus globulo trajecit; verum cervo neque sic ruente, ad sex usque passus ei propior factus, tertiam glandem plumbeam in caput juxta aurem sinistram emisit, à qua cervus mortui instar in humum prostratus, sine ullo motu jacuit, sicque in eodem statu permanens ex fossa à dicto Conrado, Saltuario aliquo, & Præfecto Stabulo Electorali *Dn. Frobenio*, qui interea accesserant, protractus fuit usque ad rhedam eos insecutam. *Dn. Frobenius* & *Conradus*, ex mandato Electorali, dum in primum vulnus à Serenissima inflictum inquirunt, cervum de latere in latus vertendo, illud in latere sinistro, infra scapulam, per os superius pedis anterioris penetrare inveniunt, digitisque ulterius explorantes, versus latus dextrum, non nihil antrosum, in cavitatem pectoris abire deprehendunt. Saltuarius jussus, rusticos cum plaustro in vicinia subsistentes accersit, qui post tres horæ quadrantibus demum comparent, cervo interea mortui instar humi procumbente. Rustici verò postquam eundem à latere in abdomen vertunt, caput plaustro imposuerunt, & cornibus comprehenderunt, dum jam corpus etiam in plaustrum conjicere parant, cervus in pedes se erigit, reviviscens quasi, rusticorum manibus se eripit, & magnâ celeritate, omnium cum admiratione, & insigni inprimis rusticorum consternatione, per campos aufugit. Canes itaque venatici emissi, cervum tandem 3000. vel



4000. passuum distantia prope Oderam adsequuntur, eundem allatrando & continuè cingendo à fuga cohibentes; quos insectus Saltuarius, cervum globulo emisso in dorsi posteriori parte ferit; is autem cum exin perterritus aufugere tentaret, à canibus excipitur & prosternitur, sicque denuo captus & mortuus ad Electoralè hospitium in Golze deportatur. Venatores dum eum dissecant & eviscerant, majori cum admiratione cor transfossum reperiunt, atque ut rarum quid *Serenissimis* offerunt, qui illud præsentibus tum Electoralibus Consiliariis & Medicis, *D. D. Willichio*, & *D. D. Marchio*, ad pleniorè vulneris explorationem, transmittunt, à quibus, ictum in parte posteriore per dextrum cordis ventriculum penetrasse, ac sinistrum unà tetigisse, antè verò sub dextra auricula exitum invenisse, observatum fuit. Vulnus sat amplum fuerat, cui digitus sine impedimento immitti poterat; quin & cordis caro ex utraque vulneris parte multum contusa & dilacerata comparuit; prout hæc omnia, quantum possibile, adjecta Figura ostendit.

Fig. V.

### SCHOLIUM.

**H**istoriam hanc à supra nominatis Nobilissimis Dnn. Archiatri Electoralibus commemoratam, & ab Amico ad nos transmissam, cum *Cl. Dn. Georg. Conr. Wolff, Berolensis, Med. Cand.* in celeberrima Academia Francofurtensi ad Oderam elucidandam publicè sibi sumserit, aliqua inde decerpere & hinc subjungere libuit. Postquam itaque cordis vulnera non solum esse lethalia, sed presso pede mortem etiam illa insequi, aliorum testimoniis, quin & observationibus ostendisset, præsens tamen casus contrarium cum edoceat, & regulam illam universalem sua exceptione limitet, corde vulneratos, ad ipsos licet ventriculos penetrante vulnere, aliquot nihilominus dies supervixisse, fide dignis historiis comprobatur. Cervo autem quia cor maximum, proportionè habitâ ad reliquum corpus, idcirco non obstante vulnere, spatium satis amplum relictum fuisse







fuisse, arbitratur, in cujus cavernulis sanguis adhuc fermentare potuit; porro cum caro à glande plumbea fuerit contusa & lacerata, è talismodi vulneribus sanguinem raro exstillare, cum *Guil. Fabricio Hildano*, quin & sclopetorum vulnera cum semper escharam, ex *Nicol. de Blegny Zod. Med. Gall.* mente, inducere soleant, certissimum hæmorrhagiæ remedium hinc adferri, monet. Verum quia vulneris hiatus sat magnus fuit, ex quo non potuerit non aliquid sanguinis in pectoris cavum effundi, eo ipso, pergit scribere, minor sanguinis copia carotides ingressa est, arteriisque subsidentibus, pauci in cerebrum depositi fuere spiritus animales, qui dum musculorum motui non sufficebant, hinc tardi & titubantes fuere animalis gressus, quibus tandem deficientibus, procubuit humi, idque eo magis, quia iteratus globulorum impetus illud prostravit. Jacuit ita in loco paludoso, umbroso & pro ratione temporis, accedente terræ cui incumbibat frigore, frigido, quo factum ut sanguis paulatim de suo remitteret impetu, nec amplius adeo premeret vasa, unde ille in vulnere cordis corrugato, facilius reliquo, cum magis externo aëri fuerit expositus, abiit in grumos, & ceu operculum hiatus obturavit. Elapsis tribus circiter horæ quadrantibus cum commoveretur, nec sanguinis fermentationes (quas in cervo maxime esse constantes, longævitate ejus probat,) penitus intermisissent, inque hoc cervo libidinis oestro percito, valde is esset spirituosus, circulum suum, qui quidem remiserat, non tamen intermiserat, denuo exorsus, spiritus eructavit animales, quorum defectu cum antea conciderit animal, his jam de novo influentibus, se in pedes conjecit atque aufugit.

[*Ex Dissertatione Georg. Conrad. Wolff, sub Præsidio D. Bernhard. Albini, P.P. Francof. ad Oderam Anno 1686. editâ.*]



## OBSERVATIO V.

D. GEORGII WOLFGANGI WEDELII,

De

## Uvulæ defectu &amp; usu.

**P**ropria homini uvula, in centro faucium reperibilis velut lingula quædam curiosa est pars, nec dùm satis ab anatomicis vel medicis exhausta. Rariorem paulo faucium investigationem instituimus, ubi tamen penitiora latent arcana. De usu in sermonis & vocis efformatione cujus huic plectrum audit, alibi diximus, Exerc. Miscell. Dec. I. Ex. XI. p. 39. Aliud phænomenon oblatum & confirmatum invitat, ut de alio quoque usu quædam dicamus.

Ante annos quinque circiter in aulâ quadam natus infans sugere non poterat obvians ex papillâ lac bonæ notæ, sed id per nares mox rejiciebat, cum molestiâ & anxietate non levi. Judicabatur culpa hæere in linguâ, ast frenulo forfice paullum discisso, quoad extantior membranam, parum vel nihil juvabat, quin lac subinde regurgitaret sursum. Examinatis faucibus, uvula aberat, unde inventa quidem causa curari tamen per πρόσθεσις debitam non poterat. Suasimus hinc profundius immergere papillam, ut linguæ concursu facilius posset deglutiri, quod & factum est, successivè naturâ ad suetâ remittente vitio, puellâ adhuc feliciter cæteroqui incremente.

Nuperis mensibus consilium petiebatur pro infante 5. hebdomadarum, ad fluorem alvi spumosum cum torminibus addito & hoc, quod infans sugere non posset, lacte per nares ut plurimum resultante, & hoc nomine lacte nutricis ostenso simul, an forte vitio non careret, idque phænomenon causaret. Ediximus confestim, inspiciendum guttur, sine dubio infantem sine uvulâ natum esse. Tunc demum fateri parentes, se jam id observasse, sed occultare voluisse. Ipse verò renellus

nellus morbo consumptus fatis cedebat, accedentibus convulsivis motibus.

Difficile est hauriolar, quâ ideâ inductus archeus in fabricando corpore nonnunquam hujus partis velut obliviscatur, quamvis prioris mater referret, se attentius in os Carpionis inspexisse. Illud verò ceu porisma inde elucet, facere uvulam ad deglutitionem quoque eximie.

Obtensus faucibus est musculus pensilis & mobilis, cujus pendulum, uvula, motum, quem præstat moderatur, motum ad vocem & sermonem multis modis variandum; motum ad deglutitionem quoque. Neque enim quis negaverit hunc ipsum in deglutitione actu moveri, vel illum ad hoc aptum esse. Cibus & potus non descendit gravitate suâ, (ut in moribundis, ob debilitatem & spiritus motores in actione suâ cessantes, wie in einen hohlen Topf vocant,) sed motu peristaltico manifesto & animali comite detruditur. Quod si verò uvula desit, adeoque musculus hic laudatus, cujus similis non est in toto corpore, nisi cum diaphragmate ex parte eum comparemus, non concurrat debito pacto, prius, quam natura hunc defectum consuetudine suppleverit, fit motus peristalticus quidem & sic sed inversus, ut dum deorsum debite detrudi nequeat potus, regurgitet *årw*, & sic ad nares deviet, quod erat demonstrandum.

## OBSERVATIO VI.

D. GEORGII WOLFGANGI WEDELII,

Ab Uvulæ defectu in adultis diversa  
phænomena.

**Q**Uamvis verò in adultis phænomenon in deglutitione vitiatâ ab uvulæ defectu non ita observetur manifestè, quod partim in detrudendo corrigere id norint facilius, nec fluidiori saltim alimento utantur,



*14. Observ. VI. Ab Uvula defectu in adultis diversa phenomena.*

sed grossiori, quod circumplecti potest gula magis, ne de functionis diversitate dicamus quoque; alia tamen eveniunt notabilia & magis quidem circa vocem, nec illa unius ejusdemque commatis. Operæ pretium itaque fuerit, notare quæ in diversis subjectis de eo observaverimus, citra repetitionem alibi dictorum.

In aliis nempe occurrit vox rauca, quod in fœmina vidimus scorbutica, & ita quidem, ut claram vocem emittere omnino non posset, sed quando verba faciebat, submissâ omnia proferre cogebatur voce, als wenn jemand heimlich redet/vocant Germani linguâ vernaculâ. Eo casu credibile est elaterem glottidis simul de tono suo dejectum, ut scindi aër minus, neque sic sonare possit.

Minister quidam aulicus à pedibus cum rigidissimo gelu iter fecisset, inde inflammata uvulâ, per exulcerationem è medio amotâ penitus, clarâ quidem voce eloqui poterat, sed eo saltim modo, ac qui compressis naribus in verba solvuntur, durch die Nase reden vocamus. In quo sine dubio ab illâ læsione resonitus, seu productio aëris scissi per mæandros narium, ad ampliandam vocem necessaria, vitiata fuit.

Concionator quidam in viciniâ crebrioribus defluxionibus catarrhalibus afflictus, tandem uvulam amisit penitus, nec scius ipse, quomodo consumpta fuerit. Hinc exquisitè quidem & sonorâ voce è suggestu etiamnum officio suo fungi potest, sed tamen defluxiones longè crebriores adhuc experitur, ut probè attendentibus, & quomodo olim se sermo habuerit, memoriâ repetentibus, non ad illum tenorem vividum pristinum accedat. Occasio itidem fuit frigus, cum crebrius vi officii aëri ventoso hyemali corpus exponere ipsum oporteat. Quod si difficultatem in loquendo, in iis occurrentem, quia primâ nativitate hâc parte carent, & difficultatem in deglutendo his addamus, bonam partem phaenomenorum horum exhaustimus.

OBSERVATIO VII.

D. GEORGII WOLFGANGI WEDELII,  
Delirium ex contusione capitis extem-  
poraneum.

**A**Nno M DC LXXXIV. d. 10. Februar. tyro fabri stan-  
narii templum frequentaturus ante ipsum ingressum  
à saxo, grandifatis & momentofo, sponte suâ deciduo,  
vulneratus in occipite insigniter duobus locis, concidi-  
dit, non paucò profuso sanguine; Cranium integrum erat ad-  
huc, sed pericranium vi illâ, ex sublimi adauctâ lapsu, contu-  
sum & lacerum ad unam alteramque unciam. Delatus ad  
Chirurgum cum ad se non rediret, sed deliraret extemplò,  
verbis minacibus, clausis oculis, & furibundis, si tangeretur,  
gestibus, quales sunt ebriorum, putabatur ab adstantibus  
largiùs bibisse & ad ebrietatem usque. Sed veritate cognitâ  
comperiebamur potius, à morbo, à vulnere extemporaneum  
& simultaneum id delirium inductum. Idem verò ad novem  
usque dies continuabat. Non agnoscebat matrem, non re-  
spondebat congruè, sed absurdè potiùs, cæteroqui subinde qua-  
si dormitans. Venâ sectâ in pede; propinatâ essentiâ trauma-  
ticâ, cum bezoardicâ, pulvere ad casum cum bezoardico & cin-  
nabarinis, impositis exterius sacculis ex beton. rosm. salv. fl. lil.  
convall. ros. & aliis ex legibus medendi methodi, imposito  
empl. de betonicâ & stictico, cum linteaminibus concerptis  
intento cranio, ut par est, redibat sensim ad se, & curatus ple-  
nissimè convaluit. Mirandum est, non comminutum à saxo  
cerebrum & totum corpus, sed à tergo saltim tactum corruis-  
se, citra læsionem aliam in reliquo corpore, si excepero levius  
vexatas simul scapulas. Mirandum tam subitò confusos spiritus  
& delirium momentaneum illatum, quod qui præsentès vide-  
runt utrumque mille testes, non satis potuerunt animo assequi,  
adeò monstra fiunt etiamnum toto die in medicina.

OBSER-



## OBSERVATIO VIII.

D. GÜNTHERI CHRISTOPHORI SCHEL-  
HAMMERI.

## Febris Quartanæ Anni 1684. indoles.

**C**um Volumen Observationum Anni præteriti M DC LXXXI. avidis oculis perlustrarem, No. CX. Celebrerrimo Viro G. Franco, cujus amicitia ac familiaritate olim uti, inter felicitatis partes habuimus, nonnulla de illius anni Quartanis adnotata reperio. E re medicorum igitur esse aurumo, scire, non ad Rhenum tantum sed apud nos quoque epidemicè & tam atrociter sæviisse, illud febrium genus, siue frequentiam spectes, siue pertinaciam, ut si ullum aliud, strenuè medicos exerceret: Neque vulgaria erant, quibus stipatum, symptomata. Cœpit regnare mense Augusto, & statim in principio, (ne quis putet culpa medici incrementa sumfisse) triplex sese mihi exhibuit in quodam non typo tantum, sed & symptomatibus diversâ. Prima aggrediebatur cum hora nona vespertina, levi horrore, durabatve ad 2. matutinam. Hujus non admodum graves erant molestiæ, præter cardialgiam, alias etiam in aliis hic frequentem: Sequens dies erat tranquillus cum integra subsequente nocte. Altero mane II. oriebatur hora 8. Hæc nullo cum horrore, sed stupore ingruerat: Finis paroxysmi erat 9. vespertina. Qua eadem hora III. incipiebat, alteri adhuc duranti prope superveniens, ita ut nondum plane cessante calore, horror ac rigor ultimam hanc fabulæ partem exordiretur. Huic adjunctæ præcordiorum anxietates maximæ, quam, una cum horrore & frigore cessantem statim cum calore immanes capitis dolores excipiebant, quæ in statu paroxysmi mentis alienationem manifestam habebant pedisequam. Hujus paroxysmi singuli ultra 12. horas protrahebantur, eratque hæc omnium gravissima eaque

eaque cum II. fixa, cum prima inconstans aliquot horas præcurreret tempus quo prius accesserat. Hæc in isto ægroto ita se habebant, expugnavi eam post menses demum, variis febrifugis & alterantibus, præcipuè tamen China China.

In aliis haut minora erant quæ jungebantur morbo symptomata. Delirium præsertim non infrequens: Sudores foetidissimi, sive solveretur in eum paroxysmus, sive medicamentis iisdem proliceretur. Frigus præter morem diuturnum, 3. vel 4. horarum implebat spatium: cum calor vix 6. horas haberet. Nonnullæ in continuam degenerabant, mox ad genium revertebantur, verum hoc iis accidebat qui medicamentis efficacissimis oblucebantur. Dolores osteocopi dicti, & debilitas ex iis summa. Pulsus etiam in rigore magnus & frequentior, sanguis autem secta fortè vena profluens, nulla pellicula alba aut pravo colore, sed qualis optimè constitutus esse solet. Cæterum ego omnes tandem, qui mihi suam valetudinem committebant, feliciter restitui, sed præter morem erant pertinaces. Nullam tamen hydrops quod sciam hîc loci consecutus est.

Talis hîc loci gravissimi hujus morbi mos fuit: quem depingere lubuit: utile enim ad artem vel faciendam vel excolendam esse puto, ut quales morbi hic illic epidemicè grassentur, cognoscamus, itaque ego præire volui, si fortè Nobilissimis Dominis Collegis placeat institutum & deinceps velint de suæ etiam quilibet regionis morbis nobis aliquid communicare.

OBSERVATIO IX.

D. GÜNTHERI CHRISTOPHORI SCHELHAMMERI,

Hepatis Vulnus feliciter curatum.

**O**bservatione anni ejusdem CXXIV. de Hepatis Vulneribus agi video: de quorum lethalitate perdoctè in Scholio Celsus noster disseruit, adductis quamplurimis testimoniis, non omnia esse fatalia comprobans. His

Dec. II. Annus V.

C

etiam



etiam mea accedat experientia: Biennium enim est plus minus quod hic loci quendam juvenem cultro acinaces in modum reflexo & lato in abdomen ad capulum usque adacto vulneratum curaverim: Vulneris ipsius & locus & profunditas (erat enim in dextro latere, tribus unciiis ab umbilico distans eoque superius, & versus spurias costas obliquè procedebat, eratque profundum si specillum chirurgi non fallebat ultra digiti cum dimidio longitudinem,) hepar esse haut leviter tactum, luculenter ostendebant: magis tamen ingens profusio sanguinis, cujus ultra 6. lb. amiserat, quantam copiam non nisi hepar poterat in isto quidem loco suppeditasse: Cum autem robustus esset juvenis & optimæ constitutionis, & in tempore cum chirurgo adessem, non tantum facile stitit sanguis, sed & graviora adeo symptomata præter febrem vulnerariam non magnam, nulla sunt subsecuta, sed adhibitis dextrè remediis vulnerariis maximè potionibus & liquoribus siphone injectis, intra paucas hebdomadas lectum reliquit: Interim vulnus per menses ferè tres mansit apertum, nec claudi potuit. Ego, cum dudum ipsum chirurgi reliquisssem industriæ, ea de re ab ipso admonitus, accessi denuò: deprehendi sinum excavatum versus inferiora, cum antea versus superiora vulnus abiret: Ex hoc sinu quovis mane effluebat pus coctum ad 3j. aut ultra, subsidente mox tumore, quibus solebat prius apparere. Primum itaque ligatura & spleniis comprimere, & sic conglutinare tentavimus partes dissidentes, quæ cavitatem faciebant. Sed cum viderem per dies aliquot continuato, nihil me proficere, deprehendebam etiam intra cutim & musculos pus illud colligi, ad sectionem accessi; Factâ itaque incisione in fundo, superius & verum vulnus claudere jussi, quo facto sensim etiam inferius, incisurâ data opera factum, fuit sanatum, nihilque amplius incommodi inde sensit juvenis.

Videlicet ita cum vulneribus hepatis comparatum esse existimo, ut ea quæ vasa majora attingant, periculosissima sint. Non enim potest facile hæmorrhagia sisti ob loci difficilem aditum.

dicum. Ubi verò parenchyma & vasa non adeò magna, nulum periculum est: cùm parenchyma etiam pulmonum coire sit notum, quòd tamen in perpetuo motu, magnisq̃ue arteriis refertum, longè plus habeat difficultatis. In hepate enim præterquam quod quietum est, paucas etiam arterias habet easq̃ue exiguas, venas autem plurimas. Quod si in bile sit balsamum naturæ, multò facilior quoque ex hoc erit sanatio, verùm de hoc balsamo valdè dubito, adeoq̃ue sententiam meam suspendo.

OBSERVATIO X.

D. GÜNTHERI CHRISTOPHORI SCHEL-  
HAMMERI,

Lumbrici ex abscessu in inguinali regione  
erumpentes.

**V**ermes per umbilicum & inguina sæpè prorupisse, multorum optimæ fidei auctorum testimonia perhibent, ut de rei veritate haut liceat ambigere. Utrum verò ex intestinis à se perforatis prodierint, *Felix Platerus* Avus, Germaniæ quondam decus præcipuum, nî fallor, primus dubitare cepit: causam adferens, quod nec rostro acuto, nec dentibus præditi sint ibi reperiundi, sugendo autem tunicas eorum absumere aut perrumpere, sibiq̃ue viam sic parare non possint: Quapropter sedibus externis, factò abscessu sub cute ex putredine natos existimat, nec lumbricos etiam referre, sed vermes quales in ulceribus alias generentur, docere ausus est.

Equidem fateor, primo intuitu rem videri difficultatis plenam, si quis velit contra ipsum demonstrare, prodiisse ex intestinis: sive in regione pubis (sic enim interpretandum, quando ex inguinibus prodiisse leguntur) sive ex umbilico prorepere videantur: Cum enim peritonæum, musculos, pan-



num adiposum & ipsam cutim perforare, non sit exigui operis, non videtur contemnenda ratio dubitandi quam attulit primo loco. Quod autem addit, non referre lumbricos id quidem, ipsa confutat experientia: Interim tamen etiam si veri lumbrici cernantur prodiisse, cum tamen exulcerationem, hoc ita facto, abesse, credi non possit, tacentibus licet auctoribus, semper objici potest, abscessum ab externis partibus ad intestina penetrasse, ibique orta fistula, viam non fecisse sibi, sed reperisse lumbricos, per quam prodierint id quod cuilibet, exempla à *Schenkio*, aliisque annotata expendenti, facile patebit.

Sed quicquid hujus sit, ego potius abscessum, à vermibus ex intestinis egressis, & in carnosis partibus rodendo inflammationem excitantibus, locumque cavum reddentibus effici, quam per fistulam ex abscessu secutam illos egredi putaverim: quod ut credam, post alia hæc quoque observatio effecit: Mulier quædam rustica, anno ætatis quadragesimo sexto immanes ventris dolores perpeffa est, per satis diuturnum tempus: Vicini ac mulierculæ amicæ, ita ut sit, visitatum veniunt: colicam esse putantes, anticolica ipsi remedia propinare instituunt: illa, nunquam se antea hoc malo laborasse causata, vix admisit, sed aliud quid subesse, continuo prædixit: nec à remediis istis dolor cessavit. Non multo verò post tumorem in inguinali regione prope os femoris oriri sensit, qui diebus aliquot elapsis rubere cepit, simulque ipsum pedis summum à tumore genu versus veluti radio protenso, tres uncias lato inflammatum est. Tumor verò sensim ad nigredinem vergere, ut gangrænam metuerent mulierculæ: Emollientia tamen applicantur, cum non jam amplius erigere se posset ægra, musculis ac tendinibus rigentibus, ac quoties id tentaret dolentibus. His abscessus ruptus est, ex quo primum pessimè foetens pus effluxit, mox lumbrici veri, XXIV, alii parvi, maximi alii, ut ulnæ quadrantem cum dimidio excederent, exire ceperunt; bini vel terni diebus singulis, ita ut post octiduum tandem finem

nem exeundi facerent. Vivi autem fuere omnes: nonnulli verò capite prius se exhibente, alii media corporis parte, ut duplicati essent: magna cautela agrotæ extrahendi.

His ita peractis, consuluerunt porro medicatrices mulierculæ, oleum olivarum biberet, quo coiret ulcus & sanaretur: Paruit: sed idem mox oleum ex ulcusculo rursus effluxit: quo indicio patuit, intestina fuisse perforata. Ulcus itaque apertum mansit, ex quo cotidie serum tenue subflavum effusum est, nullius odoris, ejusque tanta interdum copia, ut descendens per pedis longitudinem, ejus extremum attingeret. Hic variam subiit ab agyrtis curationem, sed cum data opera consolidabatur, statim ingens mulieri dolor, donec denuo materia antiqua vestigia legens, cutim perrumperet.

Biennio ita elapso, febre intermittente correpta, sponte coivit, sed cum eam interim male mulctaret febris absurda remedia haut pauca, ut solent rustici, traxit in usum: febre itaque cessante, fistula denuo aperta fuit, & in hunc usque diem patet, XVIII. jam à mali ortu anno labente. Est autem foraminulum, frumenti calamus non æquans, ex eovè jam aliquoties lumbrici iterum prodire, tam magni & perfecti, quam parvi & exiles, ut filum vix æquarent. Nullus inde dolor est, sed levis intus titillatio, eorum egressum præcedit. Domestica munia materfamilias obit, sed à rusticis, quæ flexu corporis & motu violento constant, cogitur abstinere.

De chylicatione sollicitus, sciscitatus sum ex muliere, de liquoris effluentis constantia. Respondit se observasse præter oleum, etiam alia quæ assumerat, allium, cæteraque odore gravi: Brassicam rubram colore fusco eum inficere; lacteo laticinia. De tempore interrogata, post horæ dimidium, vel paulo tardius se id percipere asseveravit, ex quo moram ciborum levioris coctionis in ventriculo patere existimo. Plura experimenta lubens ipse instituissim, sed senium mulieris & locus affectus, quem nemini inspiciendum præbet, prohibuere: audio interim, Excellentissimum *Meibomium*, Collegam ho-



22 *Obs. X. Lumbrici ex abscessu in inguinali regione erumpentes.*

noratissimum in homine id tentasse, qui poterit, si quando placebit, eruditas suas observationes publicæ utilitati consecrare, plura ea de re reip. literariæ impertiri.

Sed ut redeam ad *Platerum*: Primum id contra ipsum hoc pariter atque aliis exemplis planè evincitur, Lumbricos veros ex ejusmodi processibus prodire. Deinde, intestina à vermibus erosa, non abscessu corrupta, testantur prægressi diu ante dolores, non illo in loco, ubi natus deinde est, sed in medio abdomine: accedit, quod ibi loci prorepere lumbrici, in quem ob peritonæi tenuitatem (cùm intra duplicaturam procedant vasa spermatica) facilius vermibus transitus erat; & quidem, meretur notari, vix legi unquam per ventrem medium eos egressos, sed vel per umbilicum, vel per inguina, id est, ipsum hunc locum: Minus deinde credibile, abscessum ortum in parte externa, nec adeò malè tractatum, cuniculos hîc loci egisse, & peritonæum à pure exesum, sursum enim versus pus debuisset ascendere, & superare os pubis, quod tamen contrario planè modo deorsum vergere constat; sed ubi & illud factum fuisset, cùm intestina sint contigua, non continua, nec eundem situm servant, qui potuerint affici, non patet: Deflueret enim in infimum ventrem fundum petiturum. Quæ omnia contra doctissimum virum videntur pugnare.

Quod verò ad illud attinet, quòd rostro acuto & dentibus non esse instructos, ait, nihil nos debet movere, si quæ dixi, sunt vera, frustra enim contra experientiam rationibus pugnatur, nec ejus rei idoneus *Platerus* judex fuit, microscopiis destitutus, quibus multa hodiè reperiuntur, veteribus non visa: interim ingentes illi cruciatus, quos nobis adferunt lumbrici, de morfu ipsorum aut fortè punctura satis superque testantur, non licet enim alii rei eos adscribere. Cæterum eorum erit partium quibus microscopiorum est copia, inquirere nunc curatius, utrum dentes sint lumbricis, quales in vermiculis perexiguis subinde hodiè reperiuntur. Confer  
*Decur. II, Ann. IV. Observ. CXII.* OB.

## OBSERVATIO XI.

D. GÜNTHERI CHRISTOPHORI SCHEL-  
HAMMERI,

## Abscessus hepatis.

**A**Nno M DC LXXXIV. mense Octobri, chirurgus me convenit, referens, se foeminam sub manu habere, ingentitumore in abdomine laborantem, haut longè ad umbilicum, dextrum versus: Emollientia se imposuisse, sed nondum maturatam, imò ne abscessum quidem esse videri: Rogat ut in medium consulerem, quid enim ulterius agendum, se nescire. Pensitatis omnibus, jubeo ut adacta lancetta, aperiat: illico effluxere materiae foetidissimæ & purulentæ libræ tres. Deinde singulis diebus bis ulcus mundabat, instaurabatque idonea quæ judicabantur remedia, ubi singulis vicibus libra integra aut paulò minus materiae effluebat, non tamen foetida amplius, sed crassæ, albæ, pus coctum referentis, nisi quod ad viriditatem nonnihil vergebat: cujus rei bilis causa erat, quod statim patescet. Omnia medicamenta frustra adhibebantur: mundantia, adstringentia, vulnerariæ potiones, injectionesque, ipsum unguentum fuscum Wurzii, & post illud ægyptiacum, nihil mutabant ulcus. Appetitus interim prostratus erat, nec quicquam cibi admittebat ægra, licet optimæ ætatis esset, annum enim agebat quadragesimum. Sic tandem diem obit supremum. Aperto cadavere, invenitur hepar plene computruisse ex illa parte quæ peritonæo contiguum: quæ verò ventriculum spectabat, dimidium totius hepatis putrida illa materia erat repletum. Quæ penetraverat per peritonæum, musculosve, & sub cute latens, tumorem ingentem illum concitaverat, qui latus totum prope occupabat, pugnae duplum excedens. Adhærebat autem hepar sic satis firmiter peritonæo.

Ali-



Aliquoties ex hoc ulcere extraxit chirurgus volsella membranas convolutas, magna긑ue earum frustra aliquoties exhibuit. Has ego primum credidi esse partes membranæ adiposæ, sed tum patuit, omenti frustra fuisse.

Materia, cùm tanta esset ejus copia, ut evacuari omnis non possët, sub cute descendens, versùs os pubis inter musculos se insinuaverat, ibi긑ue semel excitaverat tumorem, qui tamen iterum evanuit. Post obitum nihilominus magna ejus copia ibidem reperta est, quæ jam carnem absumerat circum, sed cutim, utpote crassam nimis, non potuit penetrare.

Hæc si conferas cum carbunculis, bubonibus, & abscessibus aliis, apparebit, pus carnes & ossa membranas긑ue exedere, & consumere posse, vel corrumpere, cutim perrumpere vix posse, quod ob duritiem tendinosam, qua prædita est, videtur contingere: Si tamen sponte aperiuntur abscessus, vel in ipsa cute hærare, vel distendendo cutim tenuiorem reddere prius videntur.

Illud etiam addendum: Post ruptum abscessum nunquam de dolore conquestam esse ægram, sed in principio tantum, ubi pus cutim adjacentes긑ue carnes rodebat: Signo, hepar sensum habere vel nullum, vel valdè obtusum. Certè nullus dolor, nullum sensum indicat: Exprimebat enim sæpiùs vi purulentam materiam chirurgus, nullo doloris sensu.

Mortua est ex febre superveniente continua. Intestina nigricabant id긑ue ab unguento fusco Wurzii & Ægyptiaco injecto accidisse, non est dubitandum.

OBSERVATIO XII.

D. GÜNTHERI CHRISTOPHORI SCHEL-  
HAMMERI,

*Opii vis deleteria & Symptomata ejus.*

**Q**uidam ex errore pilularum opiatarum, quarum compositio erat ex MP. de Styrac. 3iij. & Opii 3ß. singulæ autem pilulæ ponderabant gr. jß. deglutiverat novem, quæ continebant opii grana tria cum dimidio, Croci totidem: Inde illa sunt orta symptomata: Primum (cùm esset nox media) somnus confestim insomniis gravis ac turbulentus, deinde post  $\frac{1}{4}$  horæ linguæ motus impeditus & siccitas oris, ut vix verba proferre posset. Vigilare statim jussus est, & somnus variis sermonibus discussus, ad quos respondere semper tenebatur. Post horam superveniebat vertigo & circumgyratio, cepitque caput turbari; retulit etiam postea se cum lecto in aëre sibi suspensum fuisse visum, & quasi volitare, omniaque cum ipso circumgyrari; tunc non amplius in lecto commorandum esse, judicatum est. Itaque surrexit, cepitque ambulare: Primum non sine titubatione, mox tamen & turbatio illa cessavit nonnihil, & incessus firmior fuit, non tamen omnimodè, nam motus jamtum imminuebatur musculorum sed obtusus animus & sui ferè nescius perstitit. Non tamen incommoda loquebatur, sed interrogatus rectè respondebat. Inde horæ dimidiæ spatio sensus omnes præter auditum & visum cessârunt. Acerrimum acetum, jamtum initio propinatum, nihil acedinis habere dicebat: Tum verò nec Spiritum Salis Armoniaci nec Sal volatile percipiebat nares titillare, imò odore destitui pronuntiabat. Hinc & sensus tactus cessabat, & obtundebatur. Denique rursus intercedente  $\frac{1}{2}$  horæ spatio frigus omnia membra potissimum extrema occupabat: quod tamen non percipiebat. Nam frigiditas esse manus nesciebat, ita torpebant, sed percipiebat, ubi

*Dec. II. Annus V.*

D

genis



genis admoveret. Interim non ex causâ externa esse frigus, sed à principio interno, argumento erat luculentissimo, quod in dorso sentiretur non secus ac ubi febrilis paroxysmus instat. Et hic erat morbi Status, in quo ad fornacem accedens, cum calore externo internum tentaret excitare, aut refocillare, tanta erat motûs musculorum difficultas, ut vix pedes proferre posset, ibique erat morti proximus, si enim accidisset omnimoda motûs intercessio, ut promovere gressum amplius non potuisset, res desperata fuisset penitus. Itaque continuo deambulare jubebatur, manuque ducebatur, etiam invitus, nam somnus admodum urgebat, & oculos sollicitabat assidue, ita ut semel inter ambulandum obdormiret, nictitaretque, ac sisteret gradum. Sed jam tertia elapsa erat hora, itaque fractis medicamenti viribus, mentis obnebulatio velut è longinquo appropinquante sole noctis tenebræ, discuti cepit: pulsus quoque, qui ab initio non nihil suppressus fuerat, sensim sumfit incrementum. Itaque aliquantulum dormire ipsi concedebatur. Verùm cum clauderet oculos, prorsus extra se positus videbatur, nec tam dormitabat quàm sopore oppressus jacebat. Itaque cum jam melius mens sibi constaret, renuit, & fregit somnum, ipse metuens periculum, quod antea non agnoscebat. Deniq; hora quarta propinabatur aqua apoplectica spirituosa, ex aq. lavend. meliss. menthæ & similibus, quo haustu illico spiritus ex suis ergastulis se expedire ceperunt, & jam videbatur erectioris animi, sentiebatque se egregiè refici. Altera vice igitur petiit ipse haustum, eoque impetrato non multo post sensit pruritum in toto corpore, nec temperabat à manibus, sed fricando torporem, qui per totam corporis superficiem æqualiter erat effusus, discussit, sensumque quo privatus fuerat, sensit redire. Sic læta catastrophe finita fuit fabula. Post factus est, se nullius rei veram habuisse notitiam: omnium tamen quæ acta erant, exactè jam recordabatur. Quæ jussus erat legere, eorum sensum se assequi non potuisse, affirmabat. Oculi ipsi, quadruplo majores crediderat, veritusque fuerat,

ne

ne tantam eorum magnitudinem horrerent adstantes. Hoc puto à tensione & convulsione musculorum Operatio per horas duravit integras 6. Rectissime verò mox habuit, & ad consueta rediit munia, cum vero & placido somno vires redintegrasset.

OBSERVATIO XIII.

D. GÜNTHERI CHRISTOPHORI SCHEL-  
HAMMERI,

Partus præternaturalis, ad justum tem-  
pus retardatus.

**M**atrona quædam hic vicinæ cum gravida esset facta, & subducta probè ratione, mensis ad partum unus adhuc reliquus esset, subito doloribus parturientium simillimis corripitur, ita ut, aliquoties mater jam ante facta, nihil aliud judicaret, quam partum instare; Accersitur obstetrix quæ idem affirmat: cum autem nondum apertum esset internum uteri os, abijt, Matronam in lecto relinquit: Interim dolores cessant, omniaque satis tranquilla. Sed circa diluculum dolores recrudescent, aperitur uteri os, & (Mirum & Stupendum!) manum exiit puer extra orificium exterius: In angustiis sic constitutæ supervenit amica matrona itidem prudentissima: Illa re omni audita, auctor est, ut aquam frigidam exerta manui, adspargere faciat: Huic auscultat. Quid fit? dictum factum infans retrahit manum, cessantibus mox doloribus, os uteri clauditur, retrahit se ipse uterus, & omnia redeunt à statum pristinum, tam belle etiam habet mulier ut non rei modo familiari præesse, sed etiam exire foras & templum frequentare iterum valeret, donec tandem expleto menstruo spatio, prout recte judicaverat antea, scitus ipsi nasceretur puer partu naturali & legitimo, qui etiamnum in vivis est, salvus ac valens pancraticè, mihi pariter ac permultis hujus



oppidi incolis notissimus. Quid hic factum de membranis foetum includentibus huiusque nutritione per os?

## OBSERVATIO XIV.

D. GÜNTHERI CHRISTOPHORI SCHEL-  
HAMMERI,

## Triste fatum infantis nondum nati.

**H**Uic subjungam ejusdem generis sed triste ac funestum exemplum, & quod nescio commiserationem potius an indignationem meritò commovere queat. Brunsvici nuper Proletaria mulier in partu difficili, diem obiit supremum: Hæc postquam Spiritum exhalavit ultimum, deprehensus est infans in utero vivere adhuc, & valido motu exitum quærere. Hic mulieres adstantes miserrimam infantem mirè se torquentem, & extrema omnia tentantem oculis atque animis immotis adspexerunt: cumque admonerentur, ut facta sectione, mortis faucibus eriperent, & in consortium protraherent viventium, nulla opera potuerunt ad id impelli: crudele facinus causati, mortuæ mulieri vulnus infligere; viventem leto tradere minus crudele reputantes. Itaque miser hic infans unam atque alteram horam matri sic supervixit, & intra ipsam cum morte luctatus est; tandem verò, fractis viribus, nemine opiculante obiit & ipse. Eo vero momento non venter tantum matris, sed & universum corpus ingenti quassatione contremuit: accusante quasi defuncta amicorum detestandam crudelitatem, quod perire prolem suam scientes volentesque siverint, ipsis exprobans, & ista sua commotione post mortem factâ ipsis horrorem incutiens. O animadvertendum facinus! & gravissimis poenis ulciscendum: Quod enim est quo ab homicidio distat? Maximè verò omnium obstetrix accusanda est, aut potius mos ille, quo ad hæc sæva admittuntur, obstetricesque constituuntur non examinata ipsarum

rum industria, vilissimæ mulierculæ, nec, si talia eveniant, quid factio opus sit, prius docentur.

## OBSERVATIO XV.

D. GÜNTHERI CHRISTOPHORI SCHEL-  
HAMMERI,

*Vertigo nocturna.*

**R**usticus in vicinia laborat vertigine, quam nocturnam appellare licet. De die enim optimè habet, & præest omnibus negotiis rusticanis, laboribusque, at quamprimum vesperascit, & sol vergit ad occasum, nihil oneris levare audet: Hoc enim si facit, ut truncus in terram concidit; nec egredi domum imò vix per plateam incedere: Mox sole oriente surgit ad pristina negotia alacris & robustus. Hunc nulla medicamenta juvarunt.

## OBSERVATIO XVI.

D. GÜNTHERI CHRISTOPHORI SCHEL-  
HAMMERI,

*Opii vis sudorifera.*

**Q**uidam immani capitis dolore vexatus, cum post alios frustra adhibitos in consilium, meâ operâ uteretur, conquestus miserè, se per mensem & amplius nunquam somnum oculis vidisse, pilulas anodynas sumsit, ex M.P. de cynogloss. opio, & syrupo papaveris constantes. Hæ sudorem eâ nocte tam intensè moverunt, ut ter indusium mutare cogeretur. Alterâ etiam vice datæ, eodem effectû, sed mitigato nonnihil: imminuta jam materiæ copia: caput verò cumprimis & præ cæteris partibus sudore maduit: Hisperactis, dormivit, cessarunt dolores, & statim convaluit. Erat autem hemicrania, & quidem periodica,



quotidiè quinta aut sexta vespertina recurrens. Hic sudor an opio adscribendus? an verò naturæ antea oppressæ, tum verò per medicamentum sibi redditæ ut sui compos, molestum acre serum per poros expelleret? Quod sæpè ita fieri, haut incertis experimentis edoctus sapiùs fui. Et quia in hoc argumentum casu incidi, unum exemplum, idque nuperrimum, referre lubet.

## OBSERVATIO XVII.

D. GÜNTHERI CHRISTOPHORI SCHEL-  
HAMMERI,

*Puelli desperati cura.*

**R**usticus quidam, cujus puellus nondum bimulus primum immani tussi laboraverat, mox ex illa in febrim ardentem inciderat, frustra sollicitatis pharmacopœis, obstetricibus, carnificibus, medicastris, cùm jam esset res desperata, meam implorat operam. Ubi statum morbi intelligo, in extremo periculo constitutum infantem prædico: neque aliud quicquam præscribo præter aquas refrigerantes, cum tantillo aquæ cordialis, pulvere epileptico Marchionis, coralliis, oculis cancr. & syrupo papaveris: Cum hoc medicamento ipsum remitto, & si quid spei se ostenderit, redire jubeo, nihil interim minus quam reditum istum sperans. Cùm domum venit, infans jam animam agere videtur, rigentibus oculis: Ex lectulo igitur in mensam adstantem collocant: ubi eò transferunt, tremit manibus pedibusque, torusque rigidus est, vera nempe epilepsia correptus. Infundit tamen in apertum os medicamen sollicitus parens. Quo assumpto aliquoties, alvus moveri cepit, qui antea stipatus erat, & materia excernitur coloris & odoris teterrimi, sex sedibus subsequenti-  
bus. Hinc in somnum incidit viginti quatuor horarum, ac deinde reconvaluit. Hic si gialapium sumsisset, num potuisset feliciùs purgari? Aut, nisi mixturam illam sumsisset, an non epi-

epilepticus interiturus erat? Non potest autem unum & alterum cochleare tantam obstructionem humectando solvisse: restat igitur, ut confortando naturam.

[*Helmstadio ad D. Volckamerum & d. 21. April. 1686. Augustam missa.*]

OBSERVATIO XVIII.

Dn. JACOBI AUGUSTINI HÜNERWOLFFII.

*De*

Curatione affectus spasmodici ab incantatione.

**M**Argaretha Armsterin, uxor villici Holtzhusani, ex improvise horrendis convulsionibus correpta, os trahebat ad aurem sinistram, oculos invertebat, manus & brachia in gyrum agebat, pedes in globum torquebat, & omnia ossa ejus cum dolore maximo crepabant. Hoc autem ter & quater in die accidebat. Curatus à nonnullis affectus hystericus, nullis morem gessit medicamentis. Alii frustra instituerunt vermium curam. Vocatus exhibebam ægrotx ob nauseam & ructus nidorosos Tartarum emeticum, quod copiose rejecta fuit materia mucilaginosâ, flavescenti ranarum spermati non absimilis. Mirabantur præterea adstantes, quando ad os vel manus patientis admotâ ptarmicâ aridâ floribus albis, contra veneficia tanti æstimata à rusticis, vel suffumigiò ex asâ foetida, verrucis equorum & similibus usurpatò, crudelius, postea verò mitius torquebatur. Tentatis tandem omnibus, alexipharmacis etiam optimis, jubebantur à nonneminè plantis pedum decumbentis imponi recentia alni folia, & penitus evadebat ex morbo, non alia forsàn de causâ, quàm quòd expunctò maximam partem caractere morbofo impressò medicamentis adhibitis, ista folia virtute diaphoreticâ, balsamicâ, nervinâ revellere, demulcere, & roborare poterant.

OESER.



## OBSERVATIO XIX.

Dn. JACOBI AUGUSTINI HÜNERWOLFFII.

De

## Ileo lethali à vermibus.

**A**Nna Veitin, Specularii Arnstadenſis conjux melancholica, annorum triginta, poſt intolerabiles infimi ventris cruciatûs, evomuit cum fece liquida ſedecim lumbricos teretes robuſtiſſimos, & animam efflavit in ſudore frigido. Cadavere apertô, in medio ilei inteſtini membranas cuculli adinſtar extenſas, & foramen ibi magnitudine groſſi extrinſecus tenuiſſimâ membranulâ clauſum, utrinque verò inteſtinum unius digiti longitudine, meſenterium duorum tranſverſorum latitudine nigrum & gangrænâ corruptum deprehendi.

*Sic furit in miſeros homines animata putredo,  
Extremumq; ferunt vulnera tecta diem.*

## OBSERVATIO XX.

Dn. JACOBI AUGUSTINI HÜNERWOLFFII.

De

## Lachrymis verminosis.

**F**Oemina quædam, anus lippiens maritum in exequiis deſlens, linteolô mundô abſterſit oculos, idque madidum lachrymis domi ſervavit in ciſtula mundâ, & commutavit cum alio. Sequenti die reviſens ciſtulam obſervavit anus, & monſtravit mihi prius linteolum muſcellis candidis refertum, quod & ipſi cum linteolis aliis contigit ſæpius. Quid iſtuc ergò tam mirum eſt, ſi per leviffima & tranſilia ejusmodi corpuſcula puſiones ſub aſpectu fascinantur à vetulis inſanis?

SCHO-

## SCHOLIUM.

Quamvis in lachrymis haftenus nemo adhuc vermiculos, quales in aliis quibusdam corporis partibus microscopia detexerunt, se observasse memoraverit, potuisse tamen muscularum genus aliquod exiguum, ovula quocunque modo vel per patentem oris hiatum ventriculo ingerere, & ita cum chylo illa in sanguinem deponi, ab hoc verò in lachrymales ductus, lippitudine laxiores factos, secerni, ibique excludi, non est improbabile. Quamvis etiam lintheoli à lachrymis madidi odor certum muscularum genus, non secus atque aceti odor singularem muscarum speciem, in *Ephem. nostr. Dec. II. Ann. II. Obs. LVIII.* descriptam, & vermiculorum anguillarum in eo genitricem, allicere potuerit. Caterum ex oculis effluvia acria exhalare, quæ in corpus aliud migrare, ibique per varios meatus intromissa sanguinem inquinare & multorum malorum causæ existere queant, quis dubitet? inprimis ubi ira, odium, vel alius vehementior animi adfectus, qui magnum in sanguineam massam & spiritus imperium obtinent, eosdem nimium agitaverint, sicque unà ad particulas maximè mobiles & activas, quæ superiora præsertim, oculos etiam, non dicam solos, sed magna in copia petere solent, expellendas disposuerint. Quamvis enim fascinationem istam, latiori quidem sensu sic dictam, solis oculis deberi, cum totalia præterea corporis emunctoria, concitatis humoribus subtilioribus exitum datura, occurrant, haud adeò adfirmari queat, omnis tamen halituum emissio oculis denegari nequit, in quibus & humoris diffilabilis, & partium porosarum præsentia conspicitur. Hinc memorabile est, quod *Petr. Borellus cent. 3. hist. med. 1. & 67.* de perspiciliis ab oculorum effluviis sensim corrosis memorat.

[*L. Schröck, L.F.*]



## OBSERVATIO XXI.

Dn. JACOBI AUGUSTINI HÜNERWOLFFII,

De

## Brachiis scrofulosis.

**X**orgades glandulas esse induratas, omnes norunt, ac nemo tumidum guttur miratur in albibus. Ridiculum istud decus potissimum in collo, axillis, & inguinibus observavit *Actuarius*. Idem cum *Paulo* vidit ejusmodi tumores post aures, in mammis, & articulorum flexuris. Ex carne colli, alarum, mammarum & inguinum scrofulas nasci notavit *Aëtius*. In omnibus ferè partibus corporis easdem deprehendit *D. Prückelius* noster in *Observ. 8. Ephem. Germ. Dec. I. Ann. 9. & 10.* Plures ipse vidi in brachiis Dn. Joh. Eckoldi, Senatoris nostri, ab humero usque ad carpum tendentes, salvis flexuris, magnitudine ovorum gallinaceorum, molles, indolentes, mobiles, ad lunæ mutationes crescentes & decrescetes, nullò gestantis incommodò.

## OBSERVATIO XXII.

Dn. JACOBI AUGUSTINI HÜNERWOLFFII,

De

## Catarrho ad nares ex rosarum odore.

**R**osa, florum honos, contra tantam morborum illidem efficacissima, suò notanda venit incommodò. Ex hac quippetàm nocens odor afflatur aliquibus, ut affligantur nunc morbo, nunc lethò pereant præcipiti. Interemptorum ex hac causà in historiis Medicorum passim leguntur exempla. Ex eadem causà dolores capitis & dentium, sternutationes, suffocationes, animi deliquia, sanguinis eruptiones, pustulas excitari, notorium est. Catarrhum ad  
nares

*Observatio XXIII. De Hausto Napelli veneno potatione extincto. 35*

nares molestum toties novi hic in viro quodam exortum, quoties ille florens rosetum intravit, aut rosam recentem olfecit. Huic spiritus apoplecticus fortis admotus mucchio naribus, pryalismo suborto, unice profuit.

OBSERVATIO XXIII.

Dn. JACOBI AUGUSTINI HÜNERWOLFFII,

De

Hausto Napelli veneno potatione extincto.

**V**Ir bonus Arnstadii in convivio ex esu aprugnae, floribus variis, quos inter flos napelli coeruleus erat, exornatae, non levem sensit ardorem in ore & ventriculo, tumoremque in lingua, quibus tamen ob causam non intellectam neglectis, conviva hic ita merum in se ingurgitavit, ut subinde eructaret, & ex gula revomeret quavis assumpta, unaque venenum exploderet, nullâ remanente noxâ.

[*Arnstadio ad D. Wedelium, & d. 21. April. 1686. Augustam delata.*]

SCHOLIUM.

**I**N hac Observatione natura se morborum medicatricem revera ostendit, ab ingestis utpote sollicitata, cibos & unâ venenosos flores per vomitum expellens; quod aliàs ejus ministri, per artem concitato vomitu, efficere jubentur & feliciter præstant. Fortunato itaque magis eventu, quam generoso cuidam apud *Thomam Willis* accidit, quem in maniam lethalem à foliis aconiti vel napelli teneris, in acetariis cum aliis herbis inter prandendum comestis, incidisse, *tract. de anim. brut. part. 2. cap. 12.* memorat. Mortiferum etiam ejusmodi esum civi cuidam Hildesheimensi contigisse, *Guil. Fabricius Hildanus in præfat. oper. chirurg.* refert, hoc exemplo, addens, matronas nostras



*absterrere soleo, ne tantopere de pancarpiis ac fertis sint sollicita, ut  
napello propter florem in hortis suis locum dare velint.*

[*L. Schröck, L.F.*]

## OBSERVATIO XXIV.

D. DANIELIS CRÜGERI,

De

Efficacia Smaragdi in mensium fluxu  
nimio.

**V**irgo quædam sedecim annorum formæ atque morum præstantiâ conspicua, incidit in fluxum mensium nimium, durantem ad sex septimanas, usquedum viribus fractis cogeretur morbum manifestare; vocatus cum Collega meo *D. Doct. Avenio*, ordinavimus potum *Riverii Observ. 94. Cent. 1.* ex aqua plantag. naphæ, rosar. ãã. ʒj sang. Dracon. gr. xij. Salis prunell. ʒij. M. Exinde omnia symptomata & ipse fluxus desit, sed altero die recrudescibat. Reiteravimus potum præscriptum, sed retinere non potuit, idcirco ad pulveres adstringentes & alterantes confugimus, ad margaritas, corallia, croc. Martis adstring. bol. Armen. sang. Dracon. lapid. hæmatit. nihil inde levaminis, Ulsneam, succum urticæ & alia specifica, item opiata temporaneum tantum auxilium contulerunt, pectoris accedente angustia. Bufones sub axillis & genibus applicati, focus ex adstringentibus cum aceto & aqua fabrorum, nihil contulerunt, omnia frustra; itaque cum res esset desperata, ita ut omnia medicamenta evomeret & abhorreret, sacroque viatico ad aliam vitam se præpararet, tandem ex analogia argumentatus sum, si smaragdus in dysenteria, meâ quidem experienciâ, sæpius contulit, non incongruè eundem & hîc cum fructu exhiberi posse, itaque honoratissima virgo multis precibus exorata, tandem pulvisculum exiguum sine sapore & odore à me commendatum

cum sumpsit. Dedi itaque smaragd. præparat. gr. viij. mox se levamen cordis & symptomatum sentire deprædicavit, post sex horas reiteratum medicamentum & hoc continuatum per quinque dies, & sic virgo nobilissima, unica Parentis de Republica meritissimi filia, absque ullis aliis remediis, Deo benedicente, cui sit laus & gratiarum actio, convaleuit.

### SCHOLIUM.

**S**maragdi in dysenteria vires, ex variis Autoribus, in primis ostendit *Dan. Sennertus in paralipom. ad lib. 3. med. præct. num. 5.* quin & alias hæmorrhagias sistere, *Anselm. Boëtius lib. de lap. & gemm.* animadvertit; quare etiam Tinctura ex eo parata in omnibus hæmorrhagiis, uterinis quoque, commendatur; vid. *N. de le Febure Chim. part. 2.* Unde verò ejusdem vires proveniant, incertum. Si *Paracelsus* credimus, *tom. 8. lib. 2. philosoph. tract. 5. cap. 3.* smaragdus cupream naturam, sive colorem à cupro obtinuit; prout etiam *Jul. Cas. Scaligero exerc. 104. de subtil. §. 8.* originem ab ære habere dicitur, tum quòd colore cum æruginè conveniat, tum lapidi *Lydio* affricatus, *Indiæ* mercatorum exemplo, æris colorem reddat; id quod etiam Tinctura ex eo parata; cœruleo colore, *Veneri* insito, conspicua: tum quòd in vitris smaragdino colore imbuendis æruginem vel *Veneris* crocum artifices quandoque adhibere soleant, probabile reddit. Cum verò vis antidyssenterica *Veneri* metallicæ haud competat, quæ ventrem turbare potius, & acido morbofo saturata corrodere valet; nec etiam corpus terreum, (cui quidem ut corpori frigido & sicco, si cum *Veteribus* loqui liceat, alvi sanguinisque fluxus moderandi vim non prorsus denegabimus,) tincturam istam dispersam continens, in parvo utpote pondere adhiberi solitum, acidum dictum sufficienter absorbere & mortificare queat, vel tingens illud sulphur smaragdinum ab alio deducendum erit principio, vel quod de aliarum gemmarum virtute fateri communiter solent, incognitam smaragdo vim inesse, dicemus, quam insen-



sibili particularum emissionem, vel uti loqui amant, irradiatione, & ita specificâ virtute exserat.

[L. Schröck, L. F.]

OBSERVATIO XXV.

D. DANIELIS CRÜGERI,

De

Febrifugo Riveriano.

**V**arias Observationes Clarissimus Autor de hoc febrifugo suo habet *Centur. 3.* idque securissimum deprædicat, ejusque descriptionem ænigmaticè in *appendice* proponit. Cujus enodationem *Rolfincius*, Professor & Præceptor meus Jenæ olim meritissimus tentatus est in *Chimia sua in A. F. R.* vid. p. 373. nempe medicamentum constare ex Auro, Antimonio, & Mercurio, quem modum & recenset ex eo *Digby* in *experimentis Chymicis & Arcanis suis* explicante *Harmanno* Anno 1684. editis, p. 211. Verùm aliam explicationem addit p. 213. & pro vero febrifugo agnoscit, si componatur ex Mercurio dulci duodecies sublimato & Mercurio vitæ correcto, modo ibidem enarrato; Cui adstipulatur *Curiosus* & laboriosus *J. H. Jungken* / operibus suis in *Medicina* editis clarissimus, p. 374. in *suo Medic. præsent. sec. accomm.* Verum jam ante annos decem Medicus quidam Senex hoc Medicamentum ex Mercurio dulci duodecies sublimato Mercurio vitæ correcto ad mentem *Riverii* in *Institut.* & in *Pomerania* ad experientiam Anno 1672. revocavit, qui ex intimo *Riverii* se in Italia illud accepisse jactitabat, & certè in multis & ultra 50. Quartanariis id bene cessit, grassabatur enim tum temporis *Quartana Epidemicè*, primâ enim vel ad summum secunda exhibitione febris emanavit. Ast in tribus personis Clarissimis malum effectum habuit.

Primus erat Consiliarius Provincialis Pomeraniæ meritissimus *Dn. à Küßow*, qui in enormes vomitiones & secessus incidit,

incidit, & tertio die mortuus est, cum aliàs ex febre ista non esset mortuus.

Alter erat Consiliarius Regiminis *Dn. Brunnemannus*, qui quidem ab assumpto remedio à febre liberatus, ast in magnam cachexiam incidit, ita ut postea demum multis remediis restitutus sit.

Tertius itidem erat Consiliarius Dicafterii Electoralis Brand. meritiss. *Rabnerus* qui assumpto hoc remedio tantas turbas in corpore animadvertibat, ut vix ex morte, vino Rheno, eriperetur.

Jam quaritur si nonaginta tali remedio possent à quartana liberari, centesimo autem esset moriendum, an tali remedio salva conscientia Christianus uti possit? Responsum aliis relinquo. Forsan responderi possit, Medicamentum illud non fuisse ritè & accuratè correctum. Verum Medicus ipse præparavit & multoties aliis exhibuit. Ast ego existimo non omnium naturarum proprietates, ad talia remedia exquisita, quæ in radice sua aliquid maligni fovent, esse proportionatas, & idcirco succumbere. Quid Senex noster *Thonerus* honorandus in antimonio diaphoretico saltim observaverit in *Observat. suis*, proponit *Observ. 7. in Append. de Pestilentia.*

### SCHOLIUM.

**V**ariæ de Febrifugo hoc Riveriano circumferuntur conjecturæ. *Christophor. Schorerus in lib. Medic. peregrin. pag. 99.* haud dubitandum esse putat, ex antimonio illud procedere, aut minimùm antimonium recipere, ab amico non aliud quàm pulverem Cornachinianum esse monitus. *Tackenius* illud declaraturus, præter quartum *Riverio* sic vocatum athletam, quem *Diagryd.* esse putat, ex unico subjecto, alcali representante, & binis acidis fieri, in *Hipp. Chim.* innuens, per illud mercurium, per hoc vitriolum & sal intelligere videtur, qui sanè modus cum *D. Frider. Hoffmanni* illo, in *Clar. pharmac.*



*mac. Schröd. lib. 3. cap. 15. pag. 275. ex quo Cl. D. Helfr. Jüncken eundem chim. experim. inferuit, convenit. Sed Bernardinus Christini, qui Arcana Riverii, Præceptoris quondam sui, Venetiis An. 1676. in lucem edidit, ex floribus Antimonii ter cum sale ammoniaco sublimatis, vitro Antimonii hyacinthino, mercurio vivo cinnabarino, lauroque, in aquis Stygiis eadem solvendo, duodecies illas abstrahendo &c. parare hoc edocet, hoc unicum esse sincerum adfirmans, quartumque athletam itidem ut videtur, scammonium, & quidem sulphuratum illud constituens: quod sanè medicamentum, licet compendiosiori ratione parari queat, in quartanis destruendis non contemnendas possidere virtutes, haud est incredibile; quamvis & alterum illud ex mercurio sublimato & antimonio sub mercurii vitæ nomine latente, ritè paratum & prudenter exhibitum, non minùs salutare in febribus istis edomandis esse queat.*

[*L. Schröck, L. F.*]

#### OBSERVATIO XXVI.

D. DANIELIS CRÜGERI,

#### Suppressio Urinæ octo dierum lethalis.

**P**Er-Reverendus Consultissimus atque Excellentissimus Dominus *Sebastianus Brunnemann*, Consiliarius Regiminis atque Dicasterii Electoral. Brandenb. gravissimus 67. annorum per aliquot dies reddidit urinam instar aquæ fontanæ albißimam. Quem colorem *Hippocrates* à calculo provenire censet, dum nimirum *σολωδίστατον* seu turbidissimum illud, seu ut recentiores vocant, tartareum & salsum concrevit & in lapidem coagulatur, reliquum aquosum & quod coagulari & concrevire non potest, effluit, unde urinæ fiunt aquosæ.

Verum urina hæc etiam alia ratione fieri potest, nempe cum jam cavitas renum & ureteres arena limosa repleti, urina transcolando albescit, subsistentibus nempe particulis salinis  
in

in arenâ, quemadmodum videmus, quando aqua marina per arenam transcolatur, quod tum dulcescat, & salsedinem amittat; tum & ipsi renes debiles principia urinæ disgregare & urinam corrumpere possunt. Utrumque in exemplo præsentem locum habere potest. Calculis renes refertos fuisse, hoc signum patefacit, quod à multis annis, cum vehementius ambularet, urina cruenta prodiret, tum secundo quod sæpius doloribus nephriticis corriperetur cum vomitu & reliquis signis consuetis, paucis tamen post horis remittentibus, nullis unquam ejectis calculis, argumento indubitato, majores esse calculos quàm ut ureteres transire possint. Hâc vice post urinam albam iterum corripitur dolore circa renes & ureterem sinistrum, qui tamen intra paucas horas, linimentis & clysteribus sedabatur, idcirco altero die sumpsit laxativum, ad saburram quæ calculum concomitari solet ejiciendam, è prunis tantum & foliis Sennæ decoct. cum manna, verum per dimidiam horam tantum retinuit, ter tamen dejecit, urina eodem die alba adhuc satis copiosè profluente. Die 3. Augusti manè cum iterum de urina percontarer, nullam se emisisse illo manè dicebat, ego mox perterritus exhibui oculos cancri, item Vinum Alkekengi cum spiritu salis pro potu, Clysteres & linimenta adhibita, verum omnia frustra, nullus dolor aderat, nullumque symptoma, idcirco perlustratis circumstantiis, experienciâ in tali casu jam confirmatus, periculum adesse edisserui, & ut famæ meæ consularem, petii ut & alius Medicus acerseretur, idcirco adjuncto mihi Collega meo honorando *D. Avenio, d. 4.* manè dedi succ. radic. raphani commun. ℥iij. vini Hispan. ℥ij. hor. 9. ol. destill. succini gutt. xiiij. hinc Balneum ingressus herbis diureticis, emollientibus alteratum; A meridie succ. armoraciæ ℥ij. vin. Hispan. ℥ij. hor. 4. Clyster *Riverii* nihil levaminis habuit.

*D. 5. Aug.* manè ℞. terebinth. ℥℥. vitell. ovi N. j. sacchar. ℥℥. vini Rhenani ℥iiij. Misce exactè in mortario sensim affundendo vinum. Dejecit quinque multa piritosa, & aliquot



cochlearia urinæ; Vesperi hor. 4. Spiritus salis Armoniaci succinat. 3ß. Spirit. Tartar. ʒj. Elyxir. junip. ʒij. Salis succin. volat. gr. viij. Aquæ foenic. petroselin. āā. ʒj. Syrup. dialth. ʒß. M. Nihil fecit. Clyster iteratus d. 6. Aug. Verum cum res in angusto esset, quilibet accurrebat ad patientem aquis (ut ita dicam) immersum, sublevandum, inter alios Chirurgus, qui per 30. annos Indiam perlustrasset, Arcana sua quæ in navibus expertus esset, proponebat sequentia: 1. Cantharides ad gr. vj. 2. Nitrum ʒij. Oleum tartari ʒj. cum vino Rhenano ʒiiij. 3. Emeticum è tartaro emetico Mynsicht. Alter Chirurgus qui per multos annos cum circumforaneis periclitasset, sua proponebat: 1. Confect. Hamech. cum mercurio dulci. 2. Decoct. sabin. cum allio & macere. Sed his propter certas causas assensum non dedimus, sed sequenti Medicamento Naturam sollicitavimus, ut simul per alvum & renes urinam moveremus: R. radic. pimpinell. petroselin. āā. ʒß. flor. cyani, calcatrippæ; herb. veronic. beton. capill. Vener. āā. Mß. fol. Senn. rhabarb. agarie. troch. āā. ʒj. coq. in f. q. vin. alb. Franc. Colatur. ʒiiij. adde. salis tartari ʒij. spirit. sulphur. gutt. xx. ter deiecit. Ecce & semper urina fluxit, idcirco hoc remedium albo calculo notandum, verum eo die nihil nisi cerevisiam calidam, in qua magna quantitas anisi incocta erat, cum butyro hausit; item vinum Alkekengi. Hinc magnum gaudium apud Conjugem & nos exortum est.

Verum expirante virtute medicamenti & urina iterum substitit, idcirco circa vesperam dedi Ocul. cancr. succini alb. āā. ʒß. olei destillat. foeniculi gutt. v. nihil fluxit. Idcirco altero die d. 7. Aug. iterandum duximus auxilium laxativum d. 6. adhibitum. Iterum urina fluxit sed parcius, idcirco circa vesperam: R. Radic. pimpinell. Fol. sabinæ, Semin. anis. āā. ʒß. Macis ʒjß. coq. in f. q. vini Franc. Colatur. ʒiiij. add. Tartari vitriol. ʒj. Sed urina substitit, neque ulterius fluxit, ad vitæ usque terminum. Per totum morbi decursum cataplasma ex parietaria, item ex cepis externè applicatum. Item test. ovar. cal-

calcinatae ad ʒij. exhibita; Decoct. Foresti cum guttis xx. Spirit. terebinth. sed omnia frustra. Idcirco cum vidimus omnia desperata, Spiritum Salis & alia levia ordinavimus. Sensim enim convulsiones accesserunt, quibus auctis d. 9. Aug. hor. 2. aquis submersus vitae naufragium fecit Vir de Republica nostrâ benè meritis. Notandum, per totum morbi decursum nullus dolor, neque febris, neque sitis, neque tumor abdominis, omnia medicamenta benè assumpsit & toleravit. Mortis eventum ab initio morbi mox praesagire potui: 1. quia in primis tribus diebus tanta virium imbecillitas aderat, ut erectus in lecto sedere non potuerit, imò ex levissimâ motione in lipothymiam incideret, unde cum indusium indueret, in lipothymiam incidit, neque ulla causâ interna hujus morbi gravis perspicui poterat, verum factâ suppressione urinæ, vires ita rediére, ut non tantum ambulare, mensæ assidere, sed etiam balneum ingredi posset, factâ nempe crisi infelici & translatione crassæ pituitæ tum ad pectus, unde tussis vehemens & excretio materiæ viscidæ & phlegmaticæ diu noctuque, sed etiam ad renes, unde illa obstructio in angustis emulgentium capillaribus per renes dispersis, unde urina ad vesicam non translata, & videtur in talibus casibus mors ferè naturalis, dum massa sanguinea quasi in vappam degenerat, perque venarum capillarium anfractus ulterius circulari nequit. Hinc 2. nullus dolor; quod indicium ut plurimum in hoc affectu lethale; sopita enim facultas expultrix renum & emortua, non est modo aliquo de corporis salute sollicita. Nuper hic etiam ancillæ renes suppressione urinæ mortuæ, inspeximus, in quibus calculos avellanarum magnitudine & alios minores deprehendimus, à quibus non tantum renes maximè erant distenti, sed & tanta saburra limosæ & arenosæ materiæ & instar pulpæ pisorum calculos concomitabatur, ut ureteres inde infarcti digiti minoris crassitiem adæquarent; per mensem suppressio hæc duravit, supplente mictionem diarrhoea, venter tamen tumidus, dolores in renibus, sæpius epilepsia accedebat, quâ tandem mortua.



Hoc obiter addo, (quoniam in suppressione urinæ sæpius epilepsia sæpissimè convulsiones adfunt,) non tantùm ab acido epilepsiam concitari, sed manifestâ hâc demonstratione & experienciâ, cum latis salibus volatilibus urinosi in sanguine ex suppressione urinæ, talia etiam salia epilepsiæ causam esse posse, imò & alias causas inordinatum & cum impetu spirituum animalium in musculos influxum concitantes. Salvis aliorum judiciis.

[1686. id. 21. April. Augustam delata.]

## OBSERVATIO XXVII.

D. FRIDERICI MOLLERI,

## A Lumbricis horrenda symptomata.

**N**obilis à Sydcz, Magister Equitum anno 1658. ducebat in Castrum hoc Custrinense suum filium tredecim circiter annorum, vegetum, externam si conspexeris formam, nisi quod facies aliquo modo pallida esset: assumebat cibum & potum pro necessitate; ille quotidie circa horam tertiam pomeridianam prehendebatur inquietudine; anxietate cordis, ut lectum petere cogeretur, insigni melancholiâ, desperans de gratiâ Dei, & vitâ æternâ. Urina erat ferè naturalis, parum tincta. Symptomata hæc durabant per integram horam. In principio opinabar esse melancholiam hypochondriacam. Sed per quatuor aut quinque dies frustra adhibitis huic affectui idoneis medicamentis, mihi in mentem veniebat observatio Schenckii quam habet *libro tertio, Observat.* 201. ex Cardan. lib. 8. cap. 43. quod quidam lumbricis conflictatus linguâ, quam nunquam didicerat, locutus sit, præmissa essentiâ seminis Cynæ & Centaurii minoris, Cardui benedicti &c. propinabam ex Rhabarbaro & Jalapâ purgantia, optimo cum successu, siquidem ejiciebantur duo lumbrici teretes vivi primo die: sequenti iterum duo: tertio unus, dimidiam ulnam

nam longi erant fere omnes: quibus ejectis pristinae restituebatur valetudini.

### SCHOLIUM.

**Q**uam horrenda lumbrici in hominibus excitent symptomata, præter aliorum Observationes, hæc ipsa satis superque demonstrat. Adjungo aliam huc quadrantem. Adducebatur mihi rustici puer sex annorum, tenerioris constitutionis & palloris plenus. Hujus parentes explicabant mihi ejus affectum, quod nempe semper circa lunæ decrescientiam laboraret difficultate loquelæ, ita ut metuerent obmutescientiam: Elapsis autem duobus vel tribus diebus loquela rediret, & benè loqueretur iterum usque ad recursum decrementi lunæ. Affectus jam durarat per aliquot menses & videbatur augeri. Quid consilii? aderant lumbrici, qui ubi erant expulsi, affectus, cum Deo, erat expulsus. Fullo hujus loci 26. annorum mense Martio 1686. corripiebatur dolore artuum cum metu contracturæ. Quia habebat vitiosos in corpore humores, dabam purgans ejus naturæ accommodatum, & exclusit cum excrementis copiosissimè lumbricos. Subjuncto stomachico & nervino medicamento reconvalefcebat. Virgo 24. annorum laborabat retardatione mensium cum intumescencia glandularum colli evidenti & cephalalgia sat molesta. Porrigebam purgans in antecessum curæ, & magnam excernebat lumbricorum copiam. Curæ adhuc subest & indies vegetior existit. An lumbrici queant remorari fluxum mensium, quærere, non est de nihilo: turbant utique coctionem ventriculi & intestinorum, bonum exsugunt succum, sanguinem inquinant & reddunt fæculentum, inde Obstructiones: hinc pallor ora notat eorum qui lumbricos alunt.

[D. Sam. Lædelius.]



OBSERVATIO XXVIII.  
D. FRIDERICI MOLLERI,  
Paralyſis ſcorbutica.

**N**obilis foemina, à Götzen, Uxor Magiſtri Equitum à Oſten, familiae honoratiſſimæ, viginti quinque annorum, pallida, macilenta parum, ſterilis, adducta in Caſtrum Cuſtrinenſe anno 1653. menſe Junio meæ curationi committebatur. Conquerebatur de dolore lienis, laſſitudine omnium membrorum, obſtructione alvi. Paulo poſt incidebat in paralyſin totius corporis, ut ne manus quidem elevandæ ſuppar eſſet, & lodicibus de loco in locum transferenda eſſet; appetitus erat proſtratus, ita ut extra juſcula & ova, omnes cibos renueret. Ex ſignis concludebam eſſe paralyſin ſcorbuticam. Univerſalibus præmiſſis frequenter adhibebam Clyſteres; porrigebam ſuccos antiſcorbuticos recter expreſſos cochleariæ, becabungæ, numulariæ, acetoſæ &c. juxta normam D. Horſtii, lib. 2. part. 2. de morb. contag. & malign. p. 171. obſerv. 26. Ut etiam membris reſolutis ſubvenirem, curabam Ægrotam inferi vaſi ligneo vacuo: Abluebantur omnia membra decocto herbarum primulæ veris, Cham. artemiſ. herbarum antiſcorbuticarum, bacc. Juniperi, lauri &c. tepido bis & ter indies, ſpongiâ. Decoctum ante uſum colabatur. Poſt ablutionem in fundo vaſis deprehendebatur illuvies copioſa, quam ex poris emanafſe liquido conſtabat. Hac methodo priſtinam recuperabat ſanitatem. Poſtea ſæpius hypochondriaco moleſtabatur affectu. Moriebatur anno 1683. catarrho ſuffocativo, ſterilis.

[1686. d. 24. April, à D. Ledelio Auguſtam miſſa.]

*SCHOLIUM.*

**B**Alnea quid valeant in Republica Medica, est in aprico. Illuvies autem illa in fundo vasis deprehensa, an è poris corporis emanarit, an potius ab herbis & aliis ingredientibus fuerit, quæri posset. Nec obstat Colatura: novimus enim aquam simplicem, destillatam & alia, deponere impuritates & nubeculas, licet colentur, quanto magis compositum decoctum. Nostri Grunbergenfes hoc genus curæ habent sat antiquum. Si quis conqueritur indiscriminatim, quod malè habeat, cujus cujus sit ætatis aut sexûs, tùm statim lavant faciem adultorum, aut etiam totum corpus infantum cum facie, ex aqua, in qua folia dentis leonis, aut taraxaci fuere cocta, & vocant *Uberwaschen*. Idèd copiosissimè ab incolis nostris colligitur & ad usum reservatur, vocaturque vulgari idiomate *Scheerfraut* / (hedypnois) unde autem appellatio sit, non nòrunt, fortè eam ita nominant, quia folia taraxaci integra aliqualem habent æqualitatem cum forficula aperta aut expansa. Post ablutionem semper reperitur illuvies in vase, vocant *es ist gelippert* / & ego judico, quòd partim sit à decocto herbæ, ubi materia crassior fundum petit, partim ab impuritate manus lavantis & faciei membrorumque aqua calida ablutorum. Interdum reconvalescunt, quando non latet anguis in herba, sed multoties etiam in cassum lavant. Quod autem hancce attinet observationem Excellentissimi *D. Doct. Molle-ri*, statuo cum ipso (quum præcesserint debitæ evacuationes) urique naturam mediante lotionè medicata stimulatam exclusisse per poros hanc illuviem cum reconvalescencia.

[*D. Sam. Ledelius.*]

OBSER-



OBSERVATIO XXIX.  
D. PETRI ROMMELII,

De

## Voluntaria fluxus menstrui retardatione.

**L**ubet hac vice si non supersticiosam, saltem ut ego mihi persuadeo, curiosam observationem Physico-Medicam adducere. Dubitatio quidem proxima ad scientiam via esse dicitur, sed de multis ideo dubitamus, quia ratio multorum in profundo later. Non possumus tamen aliorum experientiae diffidere, aut damnare omnia, quæ vel non videmus, vel ratione clara assequi non valemus. Non ita pridem occasione ita ferente, ad Exc. *Hermetem II.* observationem de retardatione mensium fluxus voluntaria, beneficio Piperis albi efficienda, transmissi, quæ etiam *Ephemeridibus Curiosorum, Ann. IV. Decur. II. num. III. pag. 216.* inserta est; jam aliam priori analogam, exhibeo, Curiosorumque ulteriori examini atque experientiae subjicio. Quam refractariae plurimæ mulierum interdum esse soleant, ita ut ipsis naturæ legibus quandoque se subducere, suoque modo, legibus quasi solutæ, vivere & agere satagant, notius esse puto, quam ut exemplis probare operæ pretium existimem: Tam temerariæ nonnullæ reperiuntur, quæ quantum in illarum quidem potestate est, Naturæ ipsi (quæ alias sui juris est, nec ad leges humanas componitur, & modo properat & vota præcurrit, modo lenta est & moras nectit) si non vim inferre, saltem frenum aliquod injicere, illique dominari, tentant; imo non tentant tantum, sed etiam impune & majori felicitate, quam par esse videtur, opere ipso præstant; audacibus enim ut plurimum juxta πολυδρῶμον, fortuna adstistere solet. In superius citata Observatione monstravi, foeminas ad aliquot dies, sine noxa vel incommodo valetudinis, menses retardare posse; interea ex virginibus, marita-

maritatis, & viduis, omnibus sua laude dignis, honestis, nec infimi subsellii, vel ex fece plebeja oriundis foeminis, didici, apud se & alias in secretis haberi, & aliquoties tam in coelibatu, quam in conjugio & viduitate se expertas esse, & adhuc dum experiri, mensium fluxum jamjam naturali motu quasi erupturum, circumvolutione fili serici carmesini, circa digitum auricularem utriuslibet manus, menses in motu impedire, totque dies eorum fluxum morari ac retardare solere, quot nempe circumvolutiones sive circuli in digito dicto facti reperiantur, semperque numerum dierum, numero circulorum respondere, proprio igitur exemplo expertae hae Rupertae fluxum consuetum ad 3. 4. vel 5. dies postponi posse me docuerunt, licet rationem sufficientem, cur & quomodo haec fiant, apud me invenire haud potuerim; quandoquidem non omnibus videatur opus esse rationibus, ubi experientia & res ipsa loquitur, sed quo jure hoc dicant, ipsi videant. Ego cum magno Bartholino ejusdem sum sententiae, monstrosis observationibus, quae consuetae naturae vim inferunt, non temerè esse credendum, quia otiosa & faceta ingenia nos saepe deludunt; nonnunquam etiam spe lucri multa finguntur, quae nunquam neque picta fuerunt, neque scripta, non raro quoque inventis & visis aliquid sive ex ingenio, sive ignorantia additur: temerarium tamen etiam esset, idoneis & honestis testibus fidem denegare, & ut jam monitum est, illarum experientiae diffidere. In magno apud me pretio semper fuit egregium praeclearissimi quondam Medici monitum, quando scribit: *Neminem pudeat quantumvis literatum & doctum aliquid addiscere, quod ad artis suae perfectionem & ornamentum spectat, sive illud ab annu septuagenaria, sive ab eruditissimo quoque suggestum, modo non sit superstitiosum, lege divina prohibitum, aut alia ratione insanum.*

Quantum ligaturis sive deligationibus à plurimis celeberrimis Medicis, in sistendis omnis generis haemorrhagiis tribuatur, quantaeque utilitatis, ritè celebratae existant, Practicos minimè fugere debet, obstetricibus item & hujus farinae mu-



lierculis satis notum est, quanquam etiam sæpissime sine suc-  
 cessu fieri haud nesciam, ut plurimum tamen, quia istas recta  
 methodo & enchiresi adhibere nesciunt, obiterque saltem &  
 oscitanter, nullo observato discrimine, nunc hanc nunc illam  
 partem leviter ligant, non autem constringunt, & alia maxi-  
 me observanda minus observant. Duorum digitorum me-  
 diorum manus dextræ lino colligatorum constrictione, revul-  
 sionem à supremis partibus fieri creditur, monente Exc. *Rob-  
 fincio. Plinius* sua jam docuit ætate, destillationes à capite arce-  
 ri, si pollex in pede præligetur, maxime si jam dicti digiti & pol-  
 lex pelle canina involvantur. Sed hoc in casu deligationi ni-  
 hil vel parum tribui potest, cum artis hujus magistræ profite-  
 antur, nihil interesse, an ligatura arctior vel laxior existat, imo  
 non opus esse, ut digitus constringatur, sed pro lubitu eam la-  
 xiolem esse posse. Et licet ligatura fiat arctior, non tamen mi-  
 hi persuadere possum, istam in unico saltim digito factam suf-  
 ficientem esse ad effectum istum producendum, imo si suffice-  
 ret, utique admiratione dignum esset, sanguinis jam præsen-  
 tem orgasmum tam facile compesci & suspendi posse, ita ut flu-  
 xus hic menstruus nullam aliam, ob impediti exitus denega-  
 tionem, hancque sequentem regurgitationem, viam, vel per  
 os, nares, alvum, aliaque loca minus consueta, ut sæpe facere  
 solet, affectet vel inveniatur. Natura fane in motibus suis cer-  
 tas periodos & statuta tempora observare solita est, eaque non  
 nisi gravissimis de causis mutat. Posset hic objici, mulieres in  
 calculo suo facile errare, ne tam exactam futuri & redituri flu-  
 xus menstrui scientiam habere exinde facile decipi aliisque  
 etiam ita imponi potuisse, ut retardationem illam, arte factam  
 putarint, quæ tamen naturalis fuerit, cum tota die experia-  
 mur, apud plurimas foeminarum, fluxum lunarem non tam  
 exactè menstruum terminum observare, sed illum interdum  
 antevertere, interdum postponere, modo citius modo tardius  
 redire. Revera ita esse, in confesso est, interdum tamen nu-  
 merus dierum, numero circumvolutionum sive circulorum  
 cum

cum filo serico factorum respondet; nemoque etiam facile negabit, quamplurimas inveniri foeminas, quæ tam certa indicia, & fidelissimos fluxionis menstruæ instantis prodromos (quos jam describere & recensere nimis longum foret) habent, ut accuratissime, spatio aliquot horarum, vel insequentidie, purpureum liquorem fluxurum, præsciant, & non facile fallantur. Utrum sericum hæc efficiat, dubito, quanquam illi virtutes Physico-Medicas denegare animus mihi non sit; plus tamen hic quam alia fila linea &c. præstare posse, vix adduci possum ut credam. Causam forsan in colorem conjicient signaturarum amatores, Crolliani & Helvetiani &c. eo modo ad dicunt, rubrum colorem, vel pannum tali colore tinctum, sanguinem ad se & exteriora provocare, similiaque cum similibus facile conspirare: sed cum hæc nihil aliud sint, quam formæ rerum externæ & accidentales, nihil efficere valentes, & juxta doctissimum *D.D. Simon. Paulli*, de medicamentorum viribus, non ex signis & coloribus sit judicandum, parum aut nihil his erit tribuendum, idemque quod de filo serico, quo serpens vel vipera strangulata & suffocata fuit (& de cujus præstantia in angina magna promittuntur,) censendum, mulieribus quidem nostratibus sæpissime usu venire solet, lochiis vel mensibus superfluè fluentibus, deligatione membrorum cum serico rubro, quod *Flacht-Sciden* vocant, mederi velle; sed ob rationem superius adlatam, vano & frustraneo plerumque successu. An imaginationi, quæ tam in producendis quam curandis morbis magnam quandoque vim exercet; an numeris arithmeticis vel Cabalæ; an vero superstitioni, qua *Exc. Bartholin* teste, non pauca experimenta aluntur; vel etiam aliis animi affectibus (vetustatis enim erat decretum, ab animo hominis medicinas pendere) quibus aliàs menses vel promoveri vel sisti posse, à *Clar. Sylvio* docemur, adscribendum sit, hac vice determinare supersedeo, donec ulteriore facta inquisitione & experientia, an semper & in omnibus succedat, quid statuendum vel credendum, dies futurus doceat. Interim tamen



32 *Observatio XXX. De Usu raphani rustici in Pleuritide.*

verum est, Naturam non pati angustis se limitibus circumscribi, nec nostro se semper intellectui subdicere. Externorum enim vis per experientiam nobis quidem patet, quanquam causas ignoremus; nobisque multa occulta sunt, quæ Naturæ manifesta: Vult enim ea latere multa, ut major sit eorum ex occulto authoritas & admiratio.

[1686. d. 28. April. Ulmâ Augustam missa.]

OBSERVATIO XXX.

D. BENEDICTI HERMANNI,

De

Usu raphani rustici in Pleuritide.

**O**ccasione observationis, quam de Raphano rusticano in *præterito Ephemeridum harum Anno numerus XC.* dedit, communicare libet, quod nuper demum mihi, pleuriticæ cuidam ancillæ medicinam facienti, de raphani dicti in eodem morbo virtute, illi quam *Th. Bartholinus* in dolore dentium recenset, analoga, Matrona quædam retulit; videlicet quandam sibi notam feminam, filiæ suæ pleuriticæ, raphanum dictum abdomini imponendo, dolorem ex latere in abdomen derivasse; id quod & ipsa postea in libro aliquo notatum deprehenderit. Sed quomodo hoc cum obstructione in vasis pleuræ, ab acido sanguinem coagulante inducta, & à multis modernis accusata conciliari queat, aliis judicandum relinquo.

[Memmingâ 1686. d. 26. Maji Augustam missa.]

SCHOLIUM.

**C**um sal volatile in raphano hoc & penetrantissimum & subtilissimum esse sensus doceat, impositus ille abdomini per poros cutaneos ubique patentés, intromittere atomos illas efficacissimas potuit, quæ sanguini communicatæ, cum illo  
per

per corpus circulari, & obstaculum circa pleuram offendentes, sanguinem nempe ac serum ibi coagulatum, resolvendo illa, atque si acorem contraxerint, eum destruendo, attenuare sicque ad pristinum motum reducere valuit, præcipuè, quod suspicari hîc liceat, si ista sanguinis ac seri stagnatio non enormis, sed tolerabilior exstiterit. Quamvis & hæc cura succedere potuerit, quatenus, id quod equidem in historia expressè non declaratur, effectum ante annum recensito analogum præstitit, ulcusculum nempe in abdomine excitando, per quod pars seri cum evacuetur, stagnans illud alterum, præcipuè ab adpellentibus unâ partibus raphani resolventibus attenuatum, eò promtius in vasa convenientia, nonnihil sic inanita, readsumtum fuit.

[L. Schröck, L. F.]

## OBSERVATIO XXXI.

D. CHRISTIANI MENTZELII,

De

## Coloribus Iridis etiam in flamma ignis culinæ &amp; candelæ spectabilibus.

**P**Ræcedente Ephemeridum nostrarum *Annò tertiò Decuriæ secundæ Obs. VI.* discurre de Iridis 5. coloribus, ut se mutuo in Iride communiter insequuntur à Sole procedentes & tanquam in eo residentes. Hoc ego non ita *ἀπλῶς* intelligi volo, quasi Solis corpus ex circulis versicoloribus, quales in Iride observantur, constet, eosque in nube opposita, tanquam speculo, præsentet; siquidem colores Iridis emergunt quoque ex varia guttarum pluvialium dispositione, juxta luminis solaris variam in guttulis refractionem, earum distantiam inter se atque in humanos oculos incidentiam, uti rectè arbitratur Doctiss. D. *Mæren Obs. 47. Anni præced. & Optices* leges id demonstrant. Esse tamen colores Iridis primariò



in Sole & ab eo emanare in objectam nubem variè dispositam, videtur ignis nostri culinarii, candelæ & omnis flamma nos docere, in qua colores Iridis (licet non adeò exactè & ordine suo) conspiciuntur. Eruçtat enim omnis flamma sursum motu quodam perpendiculari fumum atrum, cum quo, tanquam Iris cum atra nube, mixta flamma primò phœniceum colorem exhibet: Hunc sequitur ipsius lucidæ flammæ color aureus vel flavus ex ligno vel ellychnio exiens. Et hi duo colores (uti benè observavit præfatus D. Mæren) aureus nempe & flavus ægrè adeò distinguuntur, ut pro uno colore semper fuerint habiti, sicut puniceus cum phœniceo miscetur cum aurora vel matutina vel vespertina phœniceum colorem in atra nube tingit. Tertiò ubi aër infra sub ellychnio ad sebum, ceram, lignum resinofum &c. ingreditur & motum flammæ adjuvat, exactè apparet viridis & huic adjunctus quartus color cæruleus. Quintus puniceus color rarò in ipso aère ad latera flammæ se exhibet; cùm hic mixtura quædam sit ex phœniceo & cæruleo. Quod si igitur in ipso igne nostro colores Iridis perspiciantur & insint, sequi videtur, eos quoque in ipso Sole, actuali Naturæ igne esse, ac communicari obstantibus nubibus. Ad iridem ergò generandam versicolore, requiruntur pluviarum guttæ legitimè dispositæ, certa oculi intuentis distantia, sine qua Iris non percipitur & Solis lumen. Remotò Phœbò, evanescet sua Iris. Ita salvis aliorum judiciis ex ansa sic data ego puto.

[1686. 27. Maji Angustiam delata.]

OBSERVATIO XXXII.  
D. JOHANNIS de MURALTO,

De

## Anatome Melis seu Taxi.

**M**elis animal est in Helvetiorum Alpibus vulgare, mordacissimum, duplicis speciei, caninæ atque porcinae, quam verò Melem nos dissecuimus, canum instar digitata erat, cæterum ursum referebat, & caput, rictu canino, parvis oculis, & auriculis brevibus præditum, instar Erinacei abscondidit. Magnitudine Vulpis majoris, sed crassiore & brevior corpore, propter crurum brevitatem, etiam humiliore staturâ fuit: cutem habebat duram ac sordidam, villosam & rigidam; nam duris vestitur villis, gryseis, albis, & nigris; dorsum quidem abundat nigris, reliquum corpus albis, excepto capite, quod alternis quibusdam quasi lineis nigris & candidis à suprema capitis parte ad rictum ductis decoratur, etenim in medio niger, utrinque ad latera albus capitis pilus cernitur. Cauda est varia villosa, brevior. Dentes acuti. Dorsum latum. Ungues quini ante & retro erant. Crura anteriora dodantralia, posteriora breviora: Longitudo corporis à summo naso ad caudæ extremum sesqui-ulnam superabat, corpus valdè latum, imprimis circa pectus claviculis sustentatum erat, pinguique plurimo inter carnem & pellem ac circa renes abundabat; Ungues anteriores sunt cute denudati, ad fodiendum & discerpendum leonum more apti, posteriores cute tecti: si verò irritetur animal, tum exsertis omnibus unguibus urforum instar formidinem spectantibus incurrit. Totâ die dormivit, cuniculosque quæsivit, noctu prædam insequabatur, carnesque avidè devorabat.

Musculus rectus abdominis pluribus locis intersectus à prima costa pectoris ad pubis os descendit, sub pectorali autem musculo absconditus latebat usque ad sextam costam. Ductus  
thora-



thoracicus incepit juxta musculos psoas, & plexu vario ramis plurimis ascendit usque ad axillam sub descendente trunco arteriæ magnæ occultatus, juxtaque thymum anfractus gyrosque varios efformans. Cornua matricis usque ad renes ascendunt, atque à vena & arteria spermatica mirè intorta & capreolata vascula juxta longitudinem suam mutantur. Testiculorum seu ovarii substantia è carne glandulosa & spongiosa conflatur: uterque oblongus post cornua visitur atque inflatur, ut non nisi membraneam ejus substantiam reputes. Masculus penem osseum & parvos testiculos tenebat. Vesica urinaria supra matricem inflatam recumbit pyriformis, adhuc instructa uracho & à lateribus ligamentis versus abdominis musculos & umbilicum protensis. Hepar constat septem lobis & vesicula bilis intestinulum referens clara, pallidaque bile plena fuit, hujus ligamentum suspensorium adhuc cavum erat; supra ductum biliarium hepaticum minima particula carnea hepatis parenchymati haud absimilis observabatur. Stomachum cum intestinis inflavimus, inibi que glandulosos plexus observavimus, & glandulas quoque solitarias, nec colon cellulatum, nec cecum intestinum reperimus. In stomacho hinc inde vagantes rugas fermentum in se continentes observavimus; stomachi fundo splen longior staminibus omenti pluribus adnectebatur. Costæ sunt quindecim. Sternum è novem in medio ossiculis conformatum est. Ab interna sterni parte triangularis musculus oblongior, ac speculi instar renitens cernitur. Thymus in summa mediastini parte supra tracheam (disperis hinc inde glandulis) observabatur, quælibet autem harum glandularum contextum vasculorum sanguinem vehentium monstrabat, præterea & crystallina vascula plurima ad mediastinum & pericardium à dictis glandulis jucundo spectaculo serpebant, potius lymphæ ductus quam nervos esse, haud ex præconcepta opinione reor; quanquam aliqui Anatomici fuerint, qui opinionem meam, aquam pericardii à thymo mutantem, culparint; quæ verò *Avicenna*, Collegæ nostri, circa hanc materiam

teriam ad me præscripta mens sit, referam: *Quæ de thymi ductu* retuli, suspiciones erant, ex similitudine quam olim adverti in canibus cum pancreate ex colore in utroque nigricante, succo acidiusculo in vitriolicum quid non nihilexaltato; putabam tum me ductum similem quoque ut in pancreate reperturum, verum me fefellit opinio, ductulus enim minimos persequens, minimè offendi grandiore in formandum; nuper in capellis thymum examinando reperi ductum sursum ad tonsillas meantem, huncque non quidem immisso flatu ob ejus exiguitatem, sed duriori membranacea natura collegi, quamvis etiam vas sanguiferum aut nervus esse potuerit, quorum tamen probabilius mihi illud præ hocce videtur; suspicor ego thymum & thoracis & colli ossibus prospicere, ductumq; in eo formandum necessario aliter quam in pancreate dirigendum fuisse, nempe & infernè & supernè, hincque dispersim thymi substantiam percurrere, adeò, ut hæc glandula magna satis, tum pericardium, cui id adnexum vidi, sufficienter liquorem stillare faciat, (membrana namq; à quibus vasa lymphatica sine glandularum manifestarum presentia, ut & in diaphragmate, ceu in asina Monspelii conspexi, prodeunt, Malpighii judicio, plexus secretorios possident, plexibus glandularum ceu filtris analogos) ceu jam opinor in hac sententia eras in Clavi Medicinæ, tum etiam collum & etiam os sufficienter irriget, fons namq; salivalis non solum è glandulis maxillaribus superioribus & inferioribus, sed etiam profundius ex ipso thorace, ad quem collum & os referuntur, erit deducendus, certè salivatio copiosissima in lue venerea laborantibus è thymo quam maximè etiam erit haurienda, unde & emplastra mercurialia collo circumdata pyalismum mox provocant, glandulisque his laxioribus, nec à spiritibus animalibus satis tensis salivatio aucta, ac etiam mors, ceu exemplum hîc observatum in Regno animali addidi, ex confinio forte glandula hujus cum corde &c. Porro lobi pulmonum in Taxo sunt quatuor dextro, & duo sinistro in latere, cor undique ambientes, inflati, siccati per microscopium considerati vesiculæ hexagonæ bronchias attingentes venas, vasaque cætera



œconomia publicæ inservientia ; & postquam inflavimus asperam arteriam , flatus ad sinistrum cordis ventriculum sine omni molestia transibat , & per eundem vulneratum egrediebatur. Musculus coracomastoideus in diversas musculosas fibras distinctus , sub musculo sternomastoideo situs est , & nervum recurrentem socium sibi junctum habet. Supra tracheam sternohioideus & sternothyroideus , cæteri que pharyngis laryngisque muscoli insigniter proportionati aderant. In capite notavimus nervum opticum inter oculos & cerebrum medio spatio nodo quasi intricatos & sibi connexos extitisse , id quod in leone & fele observavi , aliàs , usque ad cerebrum disjunctos notavi ; mirum est , nullam glandulam pinealem in utroque hoc subjecto repertam esse , cerebri partes reliquæ ad amussim cum cerebro canino conveniebant. Ossa Pictoris sciagraphia , ut & cætera viscera delineata hîc sîstet : affabrè illa celebris & curiosus noster Chirurgus *Bernhardus Ringglinus* , de quo D. V. plura & majora Patria nostra sibi promittere potest , in Sceleton compegit. Ipsa verò anatome , sub fine mensis Maji 1686. præsentè & manus admovente Nob. D. *Joh. Georgio Volckamero* , M. D. magni nostri D. *Helianthi* filio non de genere , publicè in Collegio Anatomico Tigurino fuit celebrata.

[*Tiguro A. 1686. d. 27. Maji Augustam Vind. missa.*]

Fig. VI.

#### OBSERVATIO XXXIII.

D. JOHANNIS de MURALTO,

De

Urinæ retentione à Scirrho.

R

Udolphus Brunwald von Xiethè 60. annorū post obitum conjugis ex continuo Spiritus Vini potu & masticatione Nicotianæ , agrè habere cœpit , tussivit , macilentus evasit,

*Taxus.*



*Fig. 6.*

*p. 58.*

*Ventriculus, cum  
intestinis inflatis.*

*ruga  
stomachi*



*Vesica cum  
utero reflexo  
et macro.*



*Taxi Skeleton.*





evasit, tribus post hebdomadibus conqueri cœpit de urinæ difficultate & totali postmodum retentione; adhibiti sunt sacculi emollientes, supra pubem, lacte cocti, cathetere urina evacuat; inde melius, se habere credidit, sed impletâ vesicâ, urina identidem retenta fuit, Chirurgi denuò urinam cathetere allicere volebant, sed sanguis loco urinæ post dolorem illatum effluxit, sensimq; in pejus abivit, reliquam manuum opem sprexit & ita subsequente in glandis extremo inflammatione ad fata decessit.

Aperto cadavere, præsentibus D. Joh. Georg. Volckamero, Fil. Chirurgisque patriis, D. Zenderio & Hegio, An. 1686. d. 26. Maji, reperimus vesicam urinariam admodum urinâ turgentem, hanc aperuimus, dein, cathetere per urethram immisso vix penetrare potuimus: hujus causam rimantibus scirrhus in ejus cervice magnitudine pugni comparuit, idque non intra ipsam vesicam, sed loco prostaticarum & sphincteris; ulterius inquirentibus obvenerunt nobis tubera enormia utrinque ad vesicæ hujus latera, nihilque aliud erant, quam indurata & scirrhosa vesiculæ seminales. Ureteres erant solito majores, & intestini recti extremitas glandulis nigris in circuitu interius conspicua, cætera ut in schemate repræsentatur, naturaliter se habebant.

Fig. VII.


- a* Intestinum rectum sub vesica urinaria transiens, in extremitate apertum.
- bbbbbb* Vesica urinaria hypogastrium implens urinâ plena.
- cccc* Prostata & sphincter vesicæ scirrhosus, urinæ ductum præcludens.
- dddd* Vesiculæ seminales scirrhosæ utrinque & duræ, sinistra quidem major improporcionata.
- eeee* Extremum ani dilatatum, ubi conspiciuntur glandulæ quædam nigricantes instar venarum hæmorrhoidali-um.



- ff* Ureteres ampliores, juxta glandulas seminarias inserti.  
*g* Urethræ principium.  
*HH* Musculi penis erectores.  
*ii* Musculi urethræ dilatatores.  
*KK* Corpora nervosa penis.  
*LL* Vena pudenda juxta urethram.  
*mm* Præputium.  
*n* Glans.  
*o* Frenulum.  
*p q* Vena & arteria spermatica.  
*rrr* Ramificationes & corpora pampiniformia.  
*ss* Membranæ Elythroides & Erythroides.  
*TT* Corpora Pyramidalia.  
*uu* Epididymides.  
*W* Testes.  
*xx* Vasa deferentia, sub collo vesicæ ad prostates delata.  
*z* Musculi Cremasteris portio.

### SCHOLION.

Sicuti ergo omnis coagulatio prærequirit materiam aptam  
 liquoremque coagulantem, ita credibile est semen in pro-  
 statis & vesiculis contentum terreum nimis salsumque extitis-  
 se; imò integram ejus massam sanguineam, utpote cum &  
 in corde & in arteriis, polypum vulgò dictum singularis longi-  
 tudinis invenerimus; huic dispositioni ansam dedit ætas &  
 moeror ab obitu conjugis, quæ acidum augere potuerunt, an-  
 te omnia autem liquor coagulans fuerat Spiritus Vini & Nico-  
 tiana Salivæ immixta, utrumque inviscat Spiritus Narcosinque;  
 Sulphure suo incurtit, imò immoderatus sumtum urinam re-  
 tardat, præterea incendium ingurgitatio cum Vini Spiritu par-  
 tibus hisce induxerit, tumoremque augere & viam recludere  
 potuit; Quod sæpius obvenit iis, qui vel mustum vel cerevi-  
 siam non probè defœcatam avidè nimis hauserant; Certum ad-  
 modum







modum non est, ægrum à tali scirrho esse sublatum; inflammatio hîc potius accusanda venit, ab ejus intemperantia, quæ excusanda non venit, contracta.

[*Figuro 1686. 29. Maji Augustam missa.*]

OBSERVATIO XXXIV.

D. JOHANNIS de MURALTO,

*De*

Immature Fœtu cum placenta, funiculo  
& manu dextrâ ad uteri osculum  
compulso.

**F**œmina 15. annor. à nuptiis cubitum itura, sensit dolores partus sensim ingravescentes, post aquarum pruritionem placenta cum funiculo umbilicali ex utero foras propendebat, auctisque nisibus, manus infantis dextra subsequuta est, inde nocte & die sequente integra in sedili ad enitendum adacta quolibet nisu frustrâ conatus impendebat misereque excruciatâ est, præsens Medicus cum adstantibus opem meam implorârunt, ego examinato infantis situ, oleo rosato inunctâ manu dextrâ, præcisis unguibus, primò liberavi undique placentam, eamque eduxi, cavendo nymphas & membrâham hymeneam, quæ undiquaque tangebatur; manum dextram exsertam sinistrâ mea apprehendi, atque in pedes utero reconditos inquisivi, quibus arreptis, repulso brachio prominente, caput pubis ossi adstans loco dimotum, & sensim adjuvante puerpera, integer infans extractus est, interim ægra sitim maximam perpeffa, pro potu ordinario rosar. tincturam bibit, ac nihilominus Salis Armoniaci Spiritum hausit, oleo que rosato pudenda fovit. Postridie ab operatione in omnibus, quæ gratia Dei, melius habere cœpit, sitis discussa, muliebria probè constituta, urina sine incommodo cessit.



## SCHOLIUM.

**M**atrimonium tam altè in naturâ fundatas radices habet, ut effatum Creatoris, solitudinem viro noxiam fore, quàm verissimum sit, sed sicuti in omnibus animi passionibus vexillo & ductore, ratione opus est, ita & præprimis in cupiditatibus matrimonialibus, siquidem Neogami, amoris stimulis perciti, naturæ cursum anteverunt; in hac historia non tantum anteconstitutum tempus amor invaluit; sed & post festivitates nuptiales nimium flagravît, ut tenera fœtus flamina disrupta, sicque placenta uterina ingravescentibus partûs doloribus separata, profluviumque sanguinis subsequutum fuerit. Ex parte prominens placenta funiculum umbilicalem comitem habuit, misero sanè exitu; tali enim modo infanti nondum absoluto sanguis maternus denegatus viæque per quas illuc ad infantem defertur, obstructæ erant, mortua ergò puella sese ad exitum disponere nequivit, & antequam posituram aptam nacta esset, brachium dextrum exseruit, capite ad oppositum latus (pubis nempè os) firmiter obstante, ex quo pater, impossibilem talem enixum fuisse & solam manuum operam foeminam à morte liberare valuisse; maximè opportunum judicavi arripere pedes, ut ab angustiis partes minus apprehensibiles removerentur, nec foemina læderetur, multoties enim observavi capitis duritiem vesicam comprimentem, in continentiam urinæ, pluraque alia mala produxisse, sed cum diu satis in tali statu manserit infans, adeò ut & præterea mortuus sit, post extractionem rosato oleo muliebria inungenda imperavi, ut arceatur omnis inflammatio, sitisque contemperetur, notatu enim dignum est, sitim in puerperis non debere corrigi potionibus refrigerantibus, ceu quæ inflationes uteri pejoraque mala excitare possunt, melius revera inunctiones adhibuisse, quibus nempè sanguis æstum suum spiritusque velocitatem motus sui perdunt, deinde & hac inunctione fibræ distentæ vigorem & tonum suum recuperant, cum

cum alias vel in flacciditate p. n. permanerent vel gangrænam contraherent.

[*Tiguro 1686. d. 26. Junii Augustam missa.*]

OBSERVATIO XXXV.

D. JOHANNIS de MURALTO,

*De*

Ardore urinæ & lancinatione hypogastrii  
intolerabili à retentione secundi-  
narum.

**P**Rimipara 23. annorum filium vegetum peperit, remanente in utero placenta, inde unico à partu die, nisi bus perpetuis vexabatur ægra, retentione urinæ, ardore, & lancinatione sub umbilico & circa pubem, ut nostrum auxilium implorare coacta fuerit. Fœmina ergò in lecto ritè collocata, præsentè *D. Joh. Georg. Volckamer. M.D. Norib. Fil.* operationem tali modo subii: inuncta utraque manu oleo olivarum; sinistrâ funiculum apprehendi, dextræ verò indice ductum funiculi sequutus, intra vulvam ad osculum manum imisi, placentæ circumferentiam undique liberam inveni, Chorion & Amnion sensim ex uteri latebris eduxi, placentam in globum convolutam vesicæ urinariæ adstantem, undiqueque digitis comprehensam, attracto pedetentim funiculo, è corpore eduxi, quò factò stimulus urinam reddendi ægram invasit, adeò ut magnam ejus copiam illicò evacuârit: Puero oleis calentibus, ut moris est, fovere, atque requiescere jussi.

SCHOLIUM.

**P**ost concubitum, ovum maternum maturius ab ovario, motitatione alarum vespertilionum in applicatum ornamentum foliaceum eliditur in tubam, sensimque motu hujus peri-



peristaltico ad uteri cavitatem urgetur, quo loco eâdem, quâ ovario adhæsit, maculâ spongiosâ, lateribus uteri, minimisque inde vasculis hiantibus agglutinatur, spiritum plasticum ovo incarceratum maternus hic calor suscitât, fovet, expergefâcit, ut pro viribus suis, & pro proportione liquoris in ovulo contenti seminalis, numerô, figurâ, mensurâ, certa ducat stamina, homini analogâ, seseque ulterius expandat, membranas dilatat, funiculum velut radiculam in maculam hanc spongiosam sive placentam futuram uterinam figat, corculum pulsans fabricet, viscera interna erigat, membra superiora & inferiora pandat, caput extollat, cute omnia investiat, & tali modo perfectionem suam meditetur: Successivis mensibus spongiola seu placenta hæc exteriori membranæ ovi seu chorio & uteri cavo adhærens in sat magnam quantitatem augetur pro augmenti ratione ab arteriis matris spermaticis, foetum nutriendum alimentum capit & transcolat, per venam umbilicalem eidem transmittit, superfluum à nutritione per arterias iliacas infantis, funiculumque umbilicalem ad placentam reducit, quod osculis venarum hypogastricarum & spermaticarum abreptum ad matris cor redit. Ubi ad debitam magnitudinem tali modo infans pervenit, partimque per os nutritus est, matrem nifus comprehendunt tum propter distentionem fibrarum, aliarumque partium nervosarum motus spasticos causantium, tum propter aviditatem nitrum cœleste per aërem hauriendi, tum propter vegetationem & motum infantis proprium, uterus aperitur, foetus quasi vomitione eliditur, placenta subsequitur, si maturior fuerit nec admissio frigore uterus statim recludatur. At in ægra nostra retardata est ea, non quidem propter admissum frigus, sed propter conglobationem & transversum supra vesicam urinariam situm: nam intra osculum haud erat integra, quamquam in magna distentione ejus vestigia seu circulus non animadvertantur: hoc tamen notandum, loco substituisse supra vesicam vaginæque partem vesicæ adhærentem repressam esse, ut urethrae

thra ductus rectitudinem suam amiserit, admodumque compressus fuerit, quò neque urina egredi quiverit: Urgens ergò eadem tantam distentionem fibrarum dolorificam tantosque nifus excitavit, ut agra tota nocte præ dolore ejulare coacta sit; Nifus autem excitabantur propter reliquias in utero resistentes, & naturam laceffentes, in subsidium coactis spiritibus fibrisque uteri circularibus posterius in fundo contractis, in orificio amplificatis, quod & in vomitu à ventriculo fit, fibrarum autem motui hos nifus esse adscribendos nemo dubitat, qui vel semel erinaceum terrestrem dissecuit, hujus cutis musculo circulari affabrè constructo donata est, fibris dotato robustissimo, cujus ope ecchinus capite pedibusque retractis se convolvere atque rursus pro arbitrio explicare potest, tantà hic musculus violentià comprimit caput & pedes, ut vix possibile sit, magna adhibita potentià eosdem ab invicem divellere; Quanto verò cum molimine uterus foemininus postquam suam sarcinam deposuit, sese constringat, illi norunt, qui abrupto funiculo umbilicali præcluso orificio placentam educere satagunt, vel foetum vivum in utero regere debent. Post operationem peractam exemptà placentà urina illicò missa est, quia comprimens pondus sublevatum & via libera erat. Muliebria fota sunt oleis calidis ne compressa urethra aut sphincter laxitatem tenens, vel patiatur paralyfin, vel agrè constringatur, calor autem & oleosa hîc loci plus præstant quam adstringentia frigida, quia hæc adstrictio à robore spirituum & caloris nativi, non verò nimio ardore p. n. dependet.

[*Figuro d. 26. Jun. 1686. Noribergam missa.*]



OBSERVATIO XXXVI.  
D. THEODORI CAROLI,

De

## Cantharidibus.

**A**dductæ sunt A. 1685. menſe Majo, Cantharides, neſcio quoaëris impulſu, in noſtram viciniam copioſiſſimæ, cœlo aliquandiu ſereno exiſtente, Soleque terram blandius excalefaciente, ſingularem de ſe ſpirarunt odorem, naribus admodum adverſum, quo præſentiam ſuam etiam nondum viſæ, obviam euntibus, declinante poſtiſſimum Sole, ſignificârunt, ſoli ex tot fruticum generibus Liguſtro catervatim adhærentes, quem foliis ſuis, floribus penitus intactis, omnino ſpoliârunt. Ex aliquibus domum deportatis tumidiorem mihi viſam aperui, & innumera mox ovula oculis comparuere oblonga, pellucida, ſubalbicantia, quæ duriùs paulo tractata cum tantillo fragore diſſiliere. Vitro incluſas per aliquot dies foliis Liguſtri ſuſtentavi, quibus abſumptis quietiores ſenſim factæ, tandem extinctæ ſunt, ſuccedente foetore abominabili. Pulverifatas verò & ſalivâ ſolâ ſubactas, egregias excitaffe veſicas vidi. Quæſitus ab Amico, quî factum fuerit, quòd ſoli inhiârint Liguſtro Cantharides, cum nihil acrimoniæ aut volatilitatis, cujus ob naturæ convenientiam expeti deberet, poſſideat Liguſtrum? Regreſſi, ſtomachale, ut aliorum animalium, ita Cantharidum quoque menſtrum, characteriſtico & ideali ſubjecti vitalis animati ſigillo notatur, eo in adſumta modo operari, ut ex inſipidis acria, ex fixis volatilia, vi tranſmutatoriæ poteſtatis, mutatâ partium texturâ, facilè exurgant, cùm indubitatum ſit, menſtrua animalium gaſtrica ab igne animali directâ, non latentes tantum antea actu particulas, ſola quaſi ſecretione ex aſſumptis elicere, ſed & novas ex iis nullo antea ſenſu perſcrutabiles producere. Quin & œconomica & archealia quarumvis partium fermenta

vola-

volatilem spirantia acrimoniam assimilandum ex Ligustro succum in sui naturam convertere posse, ut sub insipido licet victu salina volatilis Cantharidum acrimonia salva subsistere possit.

[*Leomontio Augustam 1686. 15. Jul. delata.*]

### SCHOLIUM.

**C**antharidum foetorem etiam inprimis *Joh. Christ. Magnus exercit. de Manna cap. 1.* notavit, in Italia An. 1628. Ticini Mannam in umbrosis fraxinis, ante Sanctæ Crucis Ædes plantatis repertam, dulcedine suâ tantam cantharidum copiam allexisse, referens, ut arbores istas, cum odorem ad templum euntibus cantharides illæ spargerent abominabilem, excindere necesse fuerit. Rara quidem earum in Germania est abundantia; singulo tamen septennio eandem contingere, antiqua vulgi est traditio. In Hildeshemiensi tractu A. 1667. Mense Junio magnam earum copiam exstitisse, Exc. *D. Frider. Lachmund* in *Dec. I. Ephem. harum Anni IV. ObscLXXX.* recensuit, *p. 242.* ut salices totæ earum fuerint plenæ; ex quo, variis ab arboribus &c. alimentum easdem capere solere, nec tantum dulcibus delectari, unâ adparet; prout etiam præter summitates ramorum fraxini, in olivis eas nasci *Joh. Rhodius not. in Scribon. Larg. pag. 277.* meminit, & *Casp. Schvvenckfeldius* in *Theriotroph. Siles.* populum etiam & triticum designat, ex vermiculis erucis similes eas provenire observans. Ast quod vermiculi illi in spongiis cynorrhodi inveniendi, ætatis tempore in cantharides mutantur, quod tradit *Adrian. Spigelius Isagog. in rem herbar. lib. 1. cap. 7.* incertum admodum est, cum longè aliam esse muscarum vel insectorum speciem, à notis istis nostris cantharidibus diversam, nostri Exc. *Curiosorum Apollinis*, in *Dec. II. Ephem. nostr. Ann. II. Obs. X.* ut & *Ann. IV. pag. 347.* observationi debeamus.

[*L. Schröck, L. F.*]



## OBSERVATIO XXXVII.

D. HERMANNI NICOLAI GRIMMII,

De

## Minera auri &amp; argenti Sumatrensi.

**D**atur hîc delineatio metallifodinæ Asiaticæ, quæ in Sumatra, tribus circiter milliaribus à Sillida, in montibus Tambungensibus invenitur, à quibus etiam denominatur, sub potestate Societatis Ind. Orient. Belgii confœderati constitutæ, quatuordecim circiter orgyias altæ, cuniculis autem 2. vel  $2\frac{1}{2}$  orgyias latis, & venis itidem diversimodam latitudinem, interdum unius aut duarum palmarum, quibusdam duorum aut unius digiti habentibus.

Mineræ autem, quæ hîc inveniuntur, sunt sequentes:

1. Minera nigricans, sive Argentum rude nigrum, aureis splendentibus striis ornatum, in albo Spatho; venam habet inclinatam & reclinatam, sive in tecto & fundamento; à Septentrione ad Austrum extenditur, ubi fossorem cuneo & malleo laborantem Figura exhibet. Minera est elegans & dives, argenti & auri ferax; facilè plumbum subit, & pulchras promteque in igne fluentes scorias largitur, iterum iterumque tertiâ vice in usum ducendas. Ejus centenarius ut plurimum marcâ 1. 12. lothones, interdum 2. marcas, nonnunquam 3. insuper lothones continet.

2. Altera species, ejusdem coloris, continet marcâ unam & 6. lothones.

3. Vena, cui divites mineræ insunt, cærulescens est lapis vel Spathum, satis durum, cujus tamen centenarius 5. lothones continet; ejus verò multi centenarii obtineri brevi tempore possunt.

4. Aliud argentum rude nigrum, elegantibus aureis striis interspersum, quod digiti crassitie, interdum arctiori venâ continetur;

tinetur; post examen tamen dat 8. vel 9. marcas argenti auro mixti.

5. Minera non procul à prima machina tractoria proveniens, est grysei coloris cum nigricantibus punctis, centenarius ejus  $3\frac{1}{4}$  lothones auri & unam marcā argenti suppeditante.

6. Minera rubra, cujus copia haberi potest, hæret ad latus superioris cuniculi. Continet Sol. Lun. & Mart. Elegantem cum Aqua Regia dat solutionem, remanente calce albā, argenti ferace, si plumbo incorporetur: Solutio verò ista præcipitata elegantem crocum suppeditat.

7. Elegans minera, quæ nidorum instar (Nesterweis) invenitur, argenteis cœruleis floribus obsita est, & martialis unā esse videtur; dives tamen est, 10. 12. Lun. marcis, cum aliquot lothonibus Sol. prædita.

8. Alia elegans minera, quæ more nidorum, dimidii ovi gallinacei quantitate invenitur, cum materia cretacea alba intertexta, centenarius 9. 10. 12. marcas Lun. & aliquot Sol. lothones continens.

9. Minera cinerea clara ex novo Opere, cujus centenarius 8. lothones Lun. & Sol. habet.

10. Varii sulphurei & vitriolici Pyrites, nullo tamen metallo fixo præditi.

11. Variæ elegantes Terræ, rubræ, luteæ, albæ, nigræ, solares, lunares, saturninæ, suos in medicina & chirurgia usus habentes.

12. Medulla saxorum.

13. Lac Lunæ, eleganter album, & sapore aluminoso dulce.

14. Crystalli montani duplices, quidam magnorum Nistri crystallorum instar concreti, quidam salis communis modo coagulati.

Aquam communem in his montibus scaturientem in B. M. destillando prolicui puram omnino & claram, remanente



gravi rubicundo liquore, qui ulterius evaporando condensatus, elegantissimum aureo splendore fulgens sal, & instar auri tenuiter lamellati mihi dedit, dulce omnino & sapore gratum, cujus si quantitas aliqua haberetur, frustra quæsito Auro potabili præferri posset.

Ex latere etiam superioris cuniculi clara aqua acida effluit, luteum Gur continens, & lateribus adhærescens, quæ aqua medicinalis est ad potandum commoda, à me ipso aliquandiu in usum ducta.

Non procul à metallifodina hac locus est Tambuny more dictus, ubi incolæ aurum colligunt, quod ipsemet vidi: Fissura est, per quam aqua ex monte decurrit; ex hac terram cum arena desumunt, & lavando aurum, quod in fundo remanet, separant.

Cæterum locus hic omnia necessaria ad metallicas operas possidet, ligna, carbones, victualia, ut & ad movendas machinas flumina.

[*Hafniâ 1686. 20. Aug. Noribergam missa.*]


Fig. VIII.

#### OBSERVATIO XXXVIII.

D. DANIELIS CRÜGERI,

#### Oleum majoranæ destillatum in Sal volatile mutatum.

**N**uper ex mandato Dicafterii Electoralis Brandenburgici visitavi Pharmacopœjam viri ex longinquis itineribus famigeratissimi, Dn. Heisen non pridem defuncti, ubi invenimus oleum destillatum majoranæ in cella per 27. annos reconditum, in vitro angustissimi oris cerâ & veficâ benè munito, 3vj. continente, fermè totum in Sal volatile transmutatum. In aliis oleis destillatis autem hoc non contigit; patet igitur magnam affinitatem esse inter salia volatilia







lacilia herbarum & olea destillata. Ideoque quoniam vis integra in oleis destillatis, quid tantopere in salibus herbarum volatilibus sadandum? Invenimus præterea in conditorio ipsius rerum exoticarum lapidem Lazuli elegantissimum auro ditissime intertextum, quem è minera attulit. 2. Linguam serpentis è petra enatam in Maltha, lapidem serpentis, terram sigillatam albam S. Pauli. 3. Frustum Unicornu veri, & plurima alia, quæ ipse è locis dissitis attulerat.

[Colbergâ 25. Augusti 1686. Augustam delata.]

### SCHOLIUM.

**O**leum ceræ, quod etiam in pharmacopolio Berolinensi Tonnenbinderi p. m. diu erat reconditum, observavi quoque ferme totum in Salem, petræ salis instar crystallizatum. Sic oleum camphoræ ex arbore cinamomi ante 6. annos mihi ex Indiis transmissum, salem in fundo album multum habet. In oleo pariter destillato cinamomi, anisi & forsân aliis, quæ jam non occurrunt, tale quid deprehenditur. Præterea in lapide Lazuli sæpius aurum inveniri, expertum est; mihi quondam frustulum tale fuit exhibitum, cujus tamen emicantes aureæ particulæ è natura Sulphuris fuere. Minera enim Sulphuris & Veneris splendorem aureum referunt, qui à Metallurgis Germanis *Rieß* vocatur.

[D. Christ. Mentzelius.]

**O**leum istud majoranæ in salinum corpus coagulatum, cum ab Exc. D. Autore huc transmissum fuisset, inquisitioni ulteriori subicere placuit, quod equidem saporem alium, quàm illum, qui ab inhærentibus olei particulis linguæ occurrit, haud exhibuit, odore etiam solam majoranam referens. Ferro excalesfacto impositum in olei formam totum facile abiit, remotum tamen ab igne, mox iterum in salinam formam reversum; ulteriori verò igni in ferro dicto expositum, tandem rema-



remanente solum exigua crassioris olei rubicundi portione, omne in auras abiit, & conclave olei majoranæ vetustioris rancidi odore complevit. Spiritui vini rectificato injectum, promptè in eo totum colliquefactum fuit, quem dein additâ aquâ nonnihil lactescentem cum in arena abstraxissem, remanentia clara ulteriori calori concredita, exhalantibus partibus aqueis, in corpus albicans; & flores quasi, argenteo nitore splendidos, nauseabundo nonnihil sapore præditos, abiit, qui iterum iterumque in aqua solubiles, neque ab adfuso tartari alkali, neque vitrioli spiritu, quidquam ad fundum demiserunt; & ferro calefacto impositi, denuò in olei formam concidentes, & obtusum majoranæ odorem adhuc spirantes, in aërem migrârunt, albicantis pulvisculi minimam particulam relinquentes.

Quod aureas illas micas in lapide Lazuli attinet: verum esse aurum, plurimi arbitrantur; unde etiam auri ex eo extractionem proponit *Athan. Kircherus Mund. subterr. tom. 2. lib. 10. sect. 4. cap. 3. & lib. 12. sect. 5. part. 3. cap. 4. propos. 12.* Duplicis tamen generis lapidem hunc esse, unum, cujus micantes illæ particulæ revera aureæ sint, alterum in quo marcasita potius aurum saltem mentiatur; quam differentiam dijudicare docuit *Gabr. Fallopius lib. de fossil. cap. 33.* lapidis scilicet in ignem immissione, in verè aureo scintillas istas pulchriores redditurâ, contrarium autem in altero producturâ. Cui tamen contrariatur *Joh. Steph. Strobelbergerus cap. 9. de confect. alkerm.* nunquam tale quid in plurimis Lazuli lapidibus à se deprehensum esse, omnes nempe, qui ignis vim persenserant, scintillas suas aureas amisisse, adfirmans; ut ita omnes in pharmacopoliis prostantes lapides hosce Marcasitæ potius plurimis portiunculis refertos esse, concludat, quæ aurum quidem primo ad spectum æmulantur, verum ubi ignis vim subierunt, splendorem ejus penitus derelinquunt. Cujus etiam sententiæ videtur esse *Nob. D. Joh. Nic. Pechlinus cap. 22. de purgantib. æs purgativi sulphuris plenum ex lapide Lazuli elici, ex pyrotechnia notum*

Textus primus Sinica  
Descriptionis Radicis  
Gin-Seng:

人 <sup>gîn</sup>	陽 <sup>yâm</sup>	濕 <sup>pí</sup>
參 <sup>sân</sup>	也 <sup>yě</sup>	山 <sup>xân</sup>
味 <sup>uí</sup>	陽 <sup>yâm</sup>	谷 <sup>çö</sup>
耳 <sup>cân</sup>	中 <sup>chûm</sup>	生 <sup>sêm</sup>
氣 <sup>cí</sup>	微 <sup>úi</sup>	
溫 <sup>uén</sup>	陰 <sup>yn</sup>	人 <sup>gîn</sup>
微 <sup>úi</sup>	無 <sup>uui</sup>	參 <sup>sên</sup>
寒 <sup>hán</sup>	毒 <sup>tó</sup>	味 <sup>uí</sup>
氣 <sup>kí</sup>	東 <sup>túm</sup>	耳 <sup>cân</sup>
味 <sup>uí</sup>	北 <sup>pě</sup>	微 <sup>úi</sup>
俱 <sup>kíu</sup>	境 <sup>kím</sup>	溫 <sup>uén</sup>
輕 <sup>kian</sup>	域 <sup>mó</sup>	無 <sup>vú</sup>
升 <sup>xim</sup>	有 <sup>yeu</sup>	毒 <sup>tó</sup>
也 <sup>yě</sup>	陰 <sup>yn</sup>	

Textus alter Sinica  
Descriptionis Radicis  
Gin-sen frequentior.

主 <sup>chú</sup>	除 <sup>chú</sup>	谷 <sup>çö</sup>
補 <sup>pú</sup>	明 <sup>mim</sup>	東 <sup>túm</sup>
五 <sup>ù</sup>	目 <sup>mó</sup>	二 <sup>lh</sup>
臟 <sup>cân</sup>	開 <sup>kân</sup>	月 <sup>yue</sup>
之 <sup>chí</sup>	心 <sup>syn</sup>	四 <sup>sù</sup>
陽 <sup>yâm</sup>	如 <sup>jú</sup>	月 <sup>yue</sup>
安 <sup>ngán</sup>	人 <sup>jín</sup>	八 <sup>pá</sup>
精 <sup>cim</sup>	形 <sup>hín</sup>	月 <sup>yue</sup>
神 <sup>xim</sup>	者 <sup>chè</sup>	上 <sup>xám</sup>
定 <sup>tým</sup>	有 <sup>yeu</sup>	旬 <sup>sich</sup>
魂 <sup>kuó</sup>	神 <sup>xim</sup>	根 <sup>kén</sup>
魄 <sup>pě</sup>	生 <sup>sêm</sup>	竹 <sup>chö</sup>
止 <sup>chí</sup>	上 <sup>xám</sup>	刀 <sup>táo</sup>
驚 <sup>kím</sup>	黨 <sup>chám</sup>	刮 <sup>kuó</sup>
	山 <sup>xân</sup>	

Tab: 1.



大正十一年四月廿一日

東京市立第一高等學校

理科部

物理科

電氣學

電氣學

電氣學

電氣學

電氣學

notum eſſe, quin & eundem maximè in æris fodinis, & in metalli hujus ſinu enaſci, matremque ſuam colore manifeſtè reſtari, adſerens.

[L. Schröck, L.F.]

OBSERVATIO XXXIX.

D. CHRISTIANI MENTZELII,

De

Radice Chinenſium Gîn-Sên.

[Ex Herbariis Sinenſium characteriſticis eruta cum explicatione textuum Characteriſticorum & relationibus Clariſſimorum Virorum D. D. Cleyeri & Rumphii ex Indiis nuper tranſmiſſis, aucta.]

Cùm diu animum induxiſſem de Chinenſium admiranda radice Gîn-Sên, vulgò Genſing, Japanis Niſi, in gratiam D. D. Cleyeri & Rumphii, Collegarum noſtrorum Indorum aliquid depromere, detinuit hoc propositum per aliquot annos Vir nonnemo literatiſſimus, qui textum Sinicum Characteriſticum de hac radice cum figuris aliquot æri incidi quidem curaverat, labores tamen hos in hunc uſque diem incaſſum reliquit nec ad finem perduxit: hunc prævenire nolui, ejus honori conſulens. Atcùm in *Ephemeridibus noſtris præteriti anni Obſerv. 2.* vidiffem Cl. D. D. Schefferum p. m. de hac radice ex literis Cleyerianis obſervationem bonâ hujus viri fide edidiſſe, quæ D. Cleyerus ad eum, & antea etiam ad me ex Indiis miſerat, additò eruditò Scholiò Cl. Dn. D. Schröckii, placuit ea non repetere, ſed quæ ſaltem illibata adhuc noviffimè mihi hodiè primò die Auguſti 1686. à Plinio noſtro Ambonico, D. Rumphio tranſmiſſa ſunt, propinare, ſi priùs duos de radice Gîn Sên textus characteriſticos ex Herbariis Sinicis, quæ ad manus habeo, explicavero, quorum Characteres cum ſuis vocibus Sinicis peculiari tabulâ hîc æri

Dec. II. Annus V K inciſos



incisos videre licet. Addidi insuper imagines plantæ Gensing ex Herbariis, quotquot adipisci licuit singulari Tabulâ, eâque tertiâ: nam illa quæ secundum locum tener, habet figuras *D. Cleyeri* ex Japania & Batavia, nec non *Rumphii* ex Ambona missas, ut afferrem ea, quæ nancisci poteram, atque ut constaret eorum omnium differentia, quæ pluribus herbis competere videtur. Notandum, quod in secunda Tabula, prima figura *Cleyeri* habeat radiculam iis, quæ hodiè ex Indiis ad nos mittuntur, similem. Secunda autem & tertia figura ex Japan sub nomine *Nisi* missæ sunt plantæ umbelliferae, geniculatae, altera bulbulosad internodia ferens. Harum radices sunt tuberosæ nec respondent radiculis vulgaribus *Gîn Sên*, quarum numero sex addidi, depictas ex meis radicibus Gensing, quas partim ex Indiis accepi, partim Amstelrodamo afferri mihi curavi, pro quarum unciâ octo persolvi thaleros. In tertia Tabula videntur prima & secunda figura eandem plantam præsentare, sicuti etiam tertia & quarta; quinta autem & sexta manifestò inter se discrepant, & sexta quidem paniculata planta est. Ultimò addidi *Guil. Pisonis* *Ninzin*, quam describit in sua *Mantissa Aromatica* p. 194. Textus autem primus ita declaratur: Radix *Gîn Sên* (quasi dicas Hominis comparisonem vel similitudinem, quod radix hæc cum hominis effigie comparetur; *Gîn* enim hominem & *Sên* comparisonem significat) dulcis est saporis: odor ejus est temperatus & suavis, insuper parùm est frigida: hinc & sapor & odor ejus leves & perceptu subtiles sunt. Sumitur ad pugillum pro calido innato confortando præsertim in senibus; Auget etiam cum calido innato humidum radicale. Vis ejus non est noxia, præsertim quæ crescit versus orientem. Nam quæ in Septentrionalibus locis usclaret, recens sumpta vomitus ciet, humidumque radicale multò humore aqueo obruit. Crescit in montibus clivosis, quibus valles profundè adjacent.

Textus alter ita sonat: Radix *Gîn-Sên* saporem habet dulcem, parùm frigida & parùm tepida seu temperata est, minimè

Fig: 10. p. 74.



Tab: 2.





Fig. 11. p. 75.

Figure Ginseng ex Herbariis Sinicis.



Tab. 3.





nimè venenosa. Dominatur quinque membris, calidò innatò instaurandis. Quietem affert naturalem Spiritibus tam corporis quàm animo: Sistit & tollit pavores internos: clarificat oculos: aperit & lætificat cor. Instar Imaginis humanæ ejus similitudo est. Vitam agit subtilem crescendo super claros & excelsos montes orientem versus. Radix arundinosa præscinditur cultro mensibus secundo, quarto & octavo supra decendium. Sequitur relatio *D. Rumphii* ex literis ejus binis deprompta.

[*Cl. Dn. Rumphii de Radice Genseng enarratio ex lit. ad D. Mentzelium missis Anno 1684. die 20. Septembris.*]

Prostat radix Ginseng hoc tempore Bataviæ satis rara & cara, adeò ut singulis Hayl (pondus est unius uncie cum quadrante) ibi septem, hîc verò decem Imperialibus vendatur. Invenies unum frustum in crura divaricatum hominis instar, unde Europæi Scriptores conjecerunt de mandragoræ speciebus esse, cùm potius ut apparet, petroselini radices referat. Herbarum illius folium fructumque Sinenses mihi declarare non possunt, quia illam nunquam viderunt, aut, ut ajunt, non habet. Nascitur enim in Borealissima Sinici Imperii Provincia Leautung & in propinqua Tartaria Orientali, nec non in Giappone. Sinenses literati eam appellant Ginseng, aut, ut alii pronunciant Ninzin, quod vult dicere hominem divaricatum, vulgares, qui nobiscum degunt, Som: Japanenses Nisi vocant. De viribus ejus multa perscribere supervacaneum duco, quòd eas legere liceat in *Athan. Kircheri China Illustr. p. 178.* imprimis apud *P. Martinum in Atlante Sinico pag. 35.* in descriptione Jungping octavæ Urbis Provinciæ primæ Peking. Didici tamen aliquid novi à Sinensibus, ut mihi persuadeo de hac radice præstantissima, quod apud neminem autorem hætenus deprehendi. Itaque ex illorum relatione radix hæc genuino nomine Sinico appellatur Jinzem, sive simpliciter Som, quod significat hominem divaricatum, quia (licet rarissimè) invenitur forma humana cum brachiis & duobus cruribus, quæ apud



plebejos non vifitur, fed à magnatibus affervatur ob præmiis dignitatem. Una quippe radix, tali modo formata vel centenis Imperialibus redimitur, non quod præstantiores aut majores habeat vires, fed quod rariffimè eâ figurâ inveniatur, & idcirco inftar laris familiaris à magnatibus colitur. Vocabulum Ginseng aut Ninzen non intelligunt. Nullos omnino emittit caules aut folia, fed crefcit in terra inftar raphani aut Paftinacæ fed multò minor. Quærunr illam in frigidis & nudis Regni Sinici montibus, idque ferenâ nocte fulgentibus aſtris ſtato tempore, quando radix illa paululum ſupra terram extuberat, ut rorem bibat. Ros autem radici huic illapſus facit illam non nihil ſplendere luce quâdam aſtrali, quod ſignum quærentes ſecuti dilutam calcem in eum finem ſecum allatam loco, ubi lucem animadvertunt illinunt, diemque expectant. Poſtquam dies illuxit, montana repetunt, & quæcunque loca calce illita inveniunt, effoſâ humo perſcrutantur. Radices inventas ſecum aſportant, & in umbra, aëre tamen ſerenò & perviò ſiccant. Radix enim hæc incluſa ciſta ſervari non vult. Per balneum illud Mariæ, cujus *P. Martinus*, loco citato mentionem facit, nos intelligimus ollas iſtas ſigulinas, in quibus herba Thee coquitur, vobis ut audio non ignoras.

[*In literis verò noviffimis die 20. Septemb. 1685. in Ambona Infula datis de Ginseng ita refert.*]

Transmiſi ante annum radicem illam Sinicam Ginseng ſive Som dictam, cum deſcriptione, qualem tunc nanciſci poteram. Cùm verò mihi hoc anno familiaris factus eſſet alius civis Sinenſis *Zeuckius* dictus, haud ita diu è patria ſua recens ad nos delatus & profeſſionem Medicinæ faciens, ab eo naçtus ſum paulò certioſam notitiâ illius radicis. *Zeuckius* igitur ille plantam virentem vidit apud quendam Magnatem in ſua patria, qui eam è longè diſſitis Regionibus afferri curaverat, ex hujus itaque relatione, Som, planta erat humilis, è quavis radice unicum promens caulem, vix dodrantali altitudine, alternatim ferè veſtitum foliis ſolitariis, inſtar arundinis puſilæ,

læ, aut Zingiberis. Folia mihi videbantur cum Bliti foliis non-  
nihil congruere, ſed minora, ſeſquiunciam longa, digitum  
lata, antè & ponè acuminata in marginibus minutim ſerratis,  
inprimis circa medium. Eorum medium pervadit nervulus,  
utrinque ſpargens quatuor aut plures obliquas venas ſive co-  
ſtas, ſuntque pinguiuscula, mollia & facilè decidentia colore  
viridi. Menſe Sinico primò, qui nunc cum Januario nunc  
cum Februario noſtro coincidit, caulis è terra prodiit & per  
totam æſtatem folia oſtendit, non ultra novem aut decem  
quovis caule. Nullum florem aut fructum noverat, quos nun-  
quam fert, ut ipſi relatum eſt. Radix tunc nullius momenti  
eſt, utpote nimis ſucculenta, & quæ effoſſa ſtatim corruga-  
tur, & cariem ſentit. Circa Septembrem folia deponit, to-  
tusque caulis perit, ut nihil ſupra terram cernatur. Omnis  
doſtunc redit in radicem, quæ firmam ſubſtantiam acquirit.  
Tribus hybernis menſibus effoditur, Novembri ſcilicet De-  
cembri & Januario. Ut autem tam nobile medicamentum  
ab homine commodius inveniri poſſet, quando nihil ſupra  
terram apparet, benigna natura mirabilem huic radici notam  
tribuit, quod aliqua ſui parte protuberet, & noctibus ſerenis,  
ſtante frigido Aquilone, ſive rore cœleſti tacta, ſive proprio  
humore turgens aſtralem quendam fulgorem de ſe ſpargat, a-  
deò ut tunc demum veritas appareat, illius, quod antehac  
ſcripſi. Foſſores duplicis ſunt generis, vel enim apertâ pote-  
ſtate à loci Dominis conceſſâ, vel furtim id faciunt, pœnarum  
metum lucri cupiditate vincente. Prioris generis foſſores no-  
ctibus prædicto modo conſtitutis, montana illa pervagantur,  
ubi dictum fulgorem animadvertunt, locum dilutâ calce vel  
cinere ſignant, ſeſeque inquietem dant, circa auroram re-  
deunt, loca ſignata ante Solis ortum fodiunt, radices majores  
ſecum auferunt, minores ruſus terra tegunt pro ſequentis an-  
ni meſſe. Radix recens effoſſa, & digitum craſſa, corrugatur,  
aut contrahitur in calami craſſitiem. Omnes radices cogun-  
tur foſſores Dominis ſuis tradere, quæ pulchriores & divarica-



ti hominis figuram exprimentes, sibi servant, reliquas amicis donant, nihil de illis vendunt exteris. Posterioris generis furunculi similiter noctibus montes petunt, occulto tramite custodes ad viam positos fallentes. Prædicto indicio repertas radices statim effodiunt, iisque sublatis confestim se recipiunt, ne deprehendantur, hocque solum est, quod in mercatorum manus venit. Interfodiendum autem facile legitimas Som radices discernere possunt ab aliis, quia terra hyberno tunc gelu emortua nullas fert herbas nec frutices.

Custodia non ubique pariter stricta adhibetur, liberius enim effoditur in Leautung, Coréa & ejus boreali parte Taufian, unde maxima pars ad mercatores pervenit. E reliquis Sinici Imperii Provinciis veluti Xensi, quam vulgares Sineses appellant Soásay sive Soansay, Tartari Sansay, in Xansi vulgò Siamsay, Tartari Samsè non nihil quidem effoditur, sed id omne apud suos Dominos manet. Paucum etiam dant Provinciæ Australiores Sutfjuan, Junnam sive Gunnam. Queicho sive Quithjuan & Xansi occidentalibus Imperii Provinciis incolæ, excursiones faciunt extra murum Sinicum in Provinciam Jensam itinere duorum mensium & Occidentalibus Tartaris, quos Seythat vocant, subjectam, in cujus montibus non minus furtim effodiunt & in Sinam delatam mercatoribus vendunt. Unde patet causâ quod tam rara & cara sit radix hæc, cujus pretium augetur certâ quadam opinione, ut antea scripsi, quod hominis formam exprimens generatim pro panacæa habeatur. Nam in aqua calida solvitur & more Theanæ sorbetur, pondere unius aut duarum drachmarum. Quandoquidem post omnes morbos diuturnos, collapsas vires mirificè restaurat, medullam in ossibus & totam artuum compagem blando suo calore vegetat & confirmat. Prorsus enim temperatæ est naturæ, nec ut vulgo creditur calida, paucum tamen cibum potumque requirit in utente eâ: copia enim cibi tunc non solum radici adversa est, sed etiam calorem nimium auget, & vigilias inducit.

ducit. Juvenibus igitur, & calidæ complexionis hominibus interdicitur. Senibus è contrà utilissima, qui frigoris & aëris injuriâ iter molestum aliquod suscipiunt, prædictâ dosi eam manè sumunt, cujus vi nec famem nec sitim eò die sentiunt. Undè meâ opinione huic radici aptius competunt cognomina, radicis Sasticæ & Adipsi, quàm nostræ vulgari Glycyrrhizæ, vires illas non habenti. Considerandum porrò doctioribus relinquo, an non veteres aliquid de hac radice somniaverint. Sanè fabulosa illa herba Achæmenidon sive Achæminis, de qua *Plin. l. 24. c. 17.* aliqua habet cum Som congruentia. Electri colorem illi tribuit, per quem fortè intelligit fulgorem illum, esse sine foliis, nasci in Tardistilis Indiæ &c. Fulgorem etiam quibusdam radicibus veteres tribuerunt, ut videre est apud *Ælianum l. 14. c. 17. 28.* in Aglaophotide utraque & *Josephum* in sua radice Baara, quas ambas docti censent esse Pœoniam. Supradictus *Zeuckius* formam herbæ Som, quantum memoria assequeretur, hâc inclusâ chartâ exprimere voluit, in ejus formam excisâ, quam exsculpi curabis, si placet &c.

[1686. d. 25. Sept. Augustam allata.]

Fig. IX. X. XI.

# OBSERVATIO XL.

D. ANDREÆ CLEYERI,

De

## Arbore laccifera Japanensi Fasnoky sive Namra.

**S**unt, qui nobis referunt, Europæos imitari artificium obducendi res varias ex ligno fabrefactas laccâ illâ elegantî, quâ solent Japanenses & Chineses idem artificium præclarè exercere. De hoc tamen valdè dubito, persuasus,



fus, quemlibet emunctæ naris Europæum facillimè perspicere posse & judicare differentiam harum rerum juxta se positarum, nempe quæ in his Indiis, & quæ in Europa operantur. In Europa incrustantur tantùm res laccâ illâ Persarum sive vulgari illa in Officinis satis notâ; at in his terris lacca illa elegans provenit ex succo quodam gummoso Arboris, quæ Japonensibus dicitur Ourischy, sive Fasnoky & Namra. Hæc arbor in magna copia crescit in Regnis Siam & Pegu. De hujus Laccæ præparatione ut proximiorē & exactiorē notitiā acquiram, dabo porrò operam, quod quidem factū difficillimum erit, quoniam Japonenses artificiorum suorum erga exteros tenacissimi sunt, & suorum arcanorum custodes strenui. Arbor autem illa, quam depingi curavi, lignum habet durissimum: folia ejus sunt saligna, frequens est in Japan. Mense Majō Japonenses corticem exteriorē arboris unō ictu securi sauciant: Sic ex vulnere isto inflicto emanat gummi quoddam nig. Hoc mense Juniō colligunt, & in mundissimis vasis fictilibus asservant superfusō oleō recenti ex nucibus Kokos dictis expressō, & sic multos annos perdurat liquor hic gummosus. Incolæ ad usum partem hujus subtilissimè terunt & per pannum colatum rebus laccâ obducendis adhibent &c.

[Ex literis Cleyeri ad D. Christian. Mentzelium d. 28. Octobris ex portu Japonensi Nangasaki anno 1685. transmissis.] [1686. M. Septembr. Augustam missa.]

Vid. Figuram XII.

### SCHOLIUM.

**G**Arzias ab Horto lib. 1. histor. arom. cap. 8. ex fida aliorum relatione, arborem lacciferam Peguanam esse vastam, foliis quodammodo pruni præditam refert, ex cujus furculis & minutioribus ramis, magnæ formicæ, quarum ideò alæ plerunque laccæ permixtæ conspiciantur, non secus atque apes mel, laccam exsugant atque elaborent. Formicas tamen hasce alatas







ras non ex sola arbore ista, sed aliis quoq; floribus, fruticibus, arboribus ac herbis, apud more, laccæ conficiendæ materiam colligere, ac in communes operas conferre, *Jacob. Bontius not. in hunc Garzile locum, lib. de Med. Ind.* admonet. Eandem in arbore nigra, foliis rotundis, supernè virefcentibus, infernè Salviæ ferè instar candicantibus, & adstringentem saporem habentibus, floribus itidem inodoris, & fructu quem Jujubas vocent, plena provenire, ex Hollandorum relatione, *Arnoldus Montanus hist. Legat. Batav. Societ. Ind. Orient. ad Impp. Japon.* ex Diariis earum desumpta, refert, ex qua à formicis alatis succus exsugatur, & ramulis arboreis eam circumducendo, elaboretur; ubi simul modi, quem in obducendis laccâ hac variis rebus ligneis Japoni adhibent, mentionem facit. Formicarum alatarum sterminus favaginemque laccam esse, *Amatus Lusit. comm. in Dioscor. lib. 1. enarrat. 23.* notat, quem tamen falsè redarguit *Francisc. Aléxander in Apoll. pharm. pag. 47.* earum fortasse formicarum excrementum esse, jocularis, quæ vulpibus majores ab *Herodoto*, vel magnitudine luporum esse, à *Plinio* scribantur. Duplicis generis laccam esse, Peguanam nempe, & Bengalensem, *Joh. Bapt. Tavernier in suo Itinerar. Orient. part. 2. lib. 2. c. 12. & part. 3. lib. 3.* refert, à formicis eandem, in Peguano quidem regno supra terram, in Bengalenfi verò parvulorum arbusculorum extremos ramos eadem incrustando, colligi, ideoque hanc puriorem & cariorem præ illa esse, tradens; quin & in magna copia Laccam Indicam in Chinam & Japoniam deferri, *part. 2. lib. 3. cap. 17.* scribit. Unde si relationes hæ fidem, quam omnem ipsis denegare, temerarium foret, mereantur, Japonensibus non eam arborum laccam sudantium copiam esse, suspicari liceat, quæ tot ac tantis rebus in vasto illo regno incrustandis sufficere queat, ut ita aliunde etiam, ex India, petere eandem cogantur; vel etiam pro diversitate operis vernice tali exornandi, diversa etiam gummi fundentium, plures esse species, non secus ut apud nos quoque cerasorum,



prunorum &c. arbores gummia sudare observemus, est credibile. Hinc etiam quæ in America, ex *Francisci Hernandi relatione, histor. natur. Mexic. lib. 3. cap. 21.* nascuntur arbores lacciferæ, ipsi inconditæ, ac mediocriter magnæ dicuntur, quæ folia exilia, pennas avium imitantia, brevina, tenuia, ex utraque parte ramorum serie quadam prodeuntia, & quod ex figura addita, ut & nota *Job. Terrentii* patet, quodammodo Acaciæ Ægyptiacæ similia, ferunt, stipitesque ac ramos purpureos habent. Ast putare gummi hoc à formicis elaborari, incertum vocat *Hernandus*, cum ab ipsis arborum ramis undecunque stiller, & ejusdem veluti tubuli quidam adhærescant. Unde licet alæ formicarum in eo reperiantur, non tamen argumentum sufficiens hujus operis esse, citatus *Terrentius* concludit, præsertim cum videamus, & nostras formicas congerere potius frumenta, muscas, & similia, quam aliquid apibus simile elaborare.

[*L. Schröck, L. F.*]

# OBSERVATIO XII.

D. ANDREÆ CLEYERI,

De

## Arbore Mami Itabo Japonensium.

**A** Pud Japanenses excelsa satis crescit arbor, ipsis Mami Itabo dicta. Folia fert ampliora Salicis: Color eorum ad luteum magis vergit. Semen ejus aut fructus brunni & spadicei coloris est, acinis durioribus. Semina vel baccæ ad coloranda varia adhibentur. Coquuntur enim cum iis telæ, panni, linteamina, fila, & id genus alia, quò res illæ colorem illum fuscum, brunnum acquirant. Turdi in escam valdè appetunt has baccas sive semina. Folia hyeme decidunt, vere autem cum floribus renascuntur. Lignum arboris in usum focorum & carbonum venit.

Vide Figuram XIII.

OBSER-

OBSERVATIO XLII.

D. CHRISTIANI MENTZELII,

*Ex*

Dysenteria intempestivè sedata Sphacelus pedis.

**V**irgo, hinc Berolini adhuc superstes, ante aliquot annos, cum ageret 24. annum, persuasū vulgi, ad coërcendam dysenteriam, varia fluxum illum alvi inhibentia assumit: hinc gravia symptomata incurrit, lipothymiam præsertim, & cordis dolorem. Matrem, ut sibi opem ferat, advocat tanquam moritura. Accurrit mater, erigit filiam amplexu, mox, cessante pectoris angustia, filia dolorem ingentem in pede sinistro percipit. Perlustratur pes & hinc inde maculae lividae instar scorbuticarum visuntur. Varia ex adstantium & vulgi consilio ad dolorem compescendum imponuntur. Intenditur dolor: eâ nocte pes inflammatur: sequente die nigrescit. Accersuntur Chirurghi Urbis primarii. Fit dissensus inter eos, quid pedi imponendum: proponitur aqua nigra, sic dicta ipsis, pro epithemate ad extinguendum sphacelum, qui hoc epithemate paulò quidem reprimitur, sed non penitus extirpatur. Protrahitur cura hæc per quadrantem ferè annum, donec emplastrum quoddam ab amico propositum pedi undiquaque imponitur, cujus ope caro emortua omnis à sana separata secessit, osq; tibiæ totum cum metacarpo & digitis sponte suâ excidit, & ita Virgo adhuc superstes, cum suo pede ligneo, per Dei gratiam, sana circumambulat. Adeò nimis accelerata & intempestiva plurium morborum cura pejus sæpè malum secum trahit. Ita ex Febre quartana nimis citò curata cervicis rigorem, nephritidem, arthritidem, phthisin, hydropem, tandem mortem ipsam sequi indies experior, quam tamen vel duplicem vel triplicem nullis fortiori-



bus medicaminibus per Dei gratiam multoties curavi & me-  
cordati medici contra vulgi errores methodo certâ adhibitâ  
profligare norunt.

[12. Septembr. 1686. Augustam allata.]

OBSERVATIO XLIII.

D. CHRISTIANI LUDOVICI GOCKELII,

De

Vesica spongiosa extra abdomen posita  
cum defectu penis.

**N**atus est in pagô hujus ditionis Alsader infans potio-  
ris sexus circa inguina non ritè formatus. Parentes,  
antequam divulgaretur, diu presêre. Fuerunt, qui  
suis post oculis usurpatum haberent pro hermaphro-  
dito; alii, qui nescio quid monstri eidem affingerent. Avto-  
ptis tandem ad ipsum pagum excurri: Inveni puellum, X. jam  
hebdomadas emensum, eô positu, quem Icon ostendit: Com-  
paruit in inguine corpus carnosum extra abdomen, vesicam  
obscurè referens, cuticula & cute destitutum, madebat undi-  
que, tactu spongiosum & tenellulo dolorificum, cujus à lateri-  
bus carunculæ binæ ejusdem substantiæ propendebant. Um-  
bilicus non centrum abdominis, more solito, occupabat, sed  
in fronte hujus protuberantiæ vestigiô vix sensibili latebat.  
Cutis ordinariè abdomen claudens & expansa cingebat corpus,  
hoc spongiosum undique, impedita igitur, quò minus exten-  
deretur, in plicas utrinque convoluta desit. Urinæ perpetua,  
incontinentia dolores inguinumque excoriationes enormes  
peperit, cujus exitum distinctum præter exsudationem mani-  
festam spongiæ instar nemo deprehenderat. Mihi verò cura-  
tius inquirenti subtus statim excrescentiæ duæ carneæ in me-  
dio per rimam disjunctæ sese obtulerunt, quarum superior  
duobus gaudebat foraminulis, urinam ad oculum stillantibus;  
inferior

Fig. 14.



Fig. 19. p. 162.

*Lapides Vesicae, quos sponte  
sua excrevit Matrona.*



*Lapis Vesicae*

*posthumus.*

Fig. 20. p. 162.





inferior radicem penis, studiò velut abscissi, simulabat, non tamen pervia. Testiculi suo loco pensiles nil p. n. fovebant. Hæc in vivo. Cùm autem dolores indies aucti haud diu superstitem prælagirent, exempti è vivis extispicium suasi. Vix dies XIV. abhinc elapsi sunt, eùm motibus epilepticis interemtum sectio- ni licet superficialiæ saltem traderent. Notavi funiculum um- bilicalem tractu solitò longiori, adhuc ex parte pervium hepati implantari: Vesicam protrusam foras & in hoc ipsum corpus carneo- spongiosum mutatam, quæ cultro divisa in modum parenchymatis liquorem ex poris quasi glandosis urinosum odere fundebat. Nulla tamen manifesta cavitas. Ureteres non vesicam sed carunculam substratam superiorem singuli seor- sim trans mittebant, unde urinæ incontinentiam derivò. Ura- chus nuspiam visendus fuit. In partibus genetalibus intra ab- domen & visceribus reliquis præter omenti defectum nullam licuit anomaliā observare. Plura equidem altioris fuissent indaginis, verùm ægrè talia concessa sunt. Infans dum vixit ci- bo & lacte benè saginatus corpus succi plenum & cætera satis formosum tenuit. Addiderunt fide dignissimi, semper in fa- milia horum reperiri quempiam soboli procreandæ vitio na- turali ineptum, quod hodiernum unus ex illis matrimonio ste- rili testetur.

[*Ex literis ad D. Joh. P. Wurffbain d. 18. Maij datis.*]

[*1686. 12. Sept. Augustam missa.*]

Fig. XIV.

*A* Umbilicus.

*B* Vesica extra abdomen propendens.

*cc* Duæ carunculæ adnatæ.

*d* Excrescentia carnea superior exitum ureterum per duo puncta monstrans.

*e* Excrescentia inferior radicem penis referens.

*ff* Cutis utrinque in plicas desinens.

*gg* Testiculi pensiles.



## OBSERVATIO XLIV.

D. ERNESTI SIGISMUNDI GRASSII,  
Sitis Quartanam comitantis exem-  
plum rarius.

Quemadmodum sub Oeconomiae animalis regimine laudabili, dum per crebros & veloces fluidorum circulos multum humoris consumitur, humidi tandem defectus inferendo sitim lymphatici liquoris, communis illius tot difformium particularum in corpore humano vectoris restitutionem per potulentorum assumptionem non raro permolestè satis urget: ita ab eodem afflictionis genere longè magis excruciantur, ægrotantium corpora, eorum imprimis, quorum præcordia febrili torrentur æstu; sitis enim est immediata caloris soboles. Non verò in continuis solum & Causò, sed &, imò gravius sæpè, in intermittentibus tormenti hoc genus adest, ut singularem siticulofarum speciem constituere non dubitaverit *Sylvius*. Quartanarii saltè hâc vice videbimus sitim, qualem me nunquam aliàs observasse memini. Generosus è Vicinia Eques in 15. annorum decursu ultra tredecies febris tertianâ intermittente, quam toties irriguò Bacchi Ungarici nimbò feliciter ebrius citra medicamentum aliud fugaverat, Poliarchi illius è *Barclajo* exemplum fortè secutus, tandem Anno 1684. Mensè Julio ultra quinquagenarius in gravem incidebat Quartanam, quam vinò pro more diluere veritus curandam meis exponebat præsidiiis. Certamen cum hâc versatili febre in corpore valdè cacochymicò & scorbuticò mihi contigit acerbum & per recidivas diuturnius atque tædiosius quam vix aliud unquam, finitum tamen feliciter, benedicente Divino Numine, Mensè Novembri ejusdem Anni. Inter plura alia nec levia symptomata, ubi non longè post initium Curæ Paroxyfmi jam erant in-

fracti

fracti adeoque leviores & breves versus vel circa vesperam ingruere soliti, præcipuè sitis inextinguibilis Nobiliss. agrum, paroxysmò licet ut plurimum jam finitò, tantopere torquebat, ut plenissimis haustibus porulenta ingurgitaret totasque noctes potandò & frigidà oris elotione consumeret. Id verò notatu dignum erat, quod plerumque sitis, postquam sic totà nocte absque febrili calore defævierat, simul ac diluculum appareret, incantamenti instar plenariè & in unò quasi momentò dispareret; imò unâ sive alterâ vice, licet paroxysmus vel potius paroxysmi jam ferè deleti saltem vestigium ante unam circiter horam jam transisset, sitis illa indomita demum cum crepusculo vespertino invaderet & accedente diluculò consimili ratione subitò iterum evanesceret sine sensibili causa. Aliquando hujusmodi sitis, tunc absentis, locum dolores hypochondriorum intensi occupavère, pari ratione cum lucis diurnæ adventu sponte fugati. Aliquoties vehementia sitis & diurnitas imminui se passâ fuit tum copiosissimâ aqueorum & diluentium ingestione tum aliis sitim sedantibus medicamentis, inter quæ eminebat Spiritus Croci Metall. clyssiformis Vitrioli phlegmate permistus.

Dubio equidem caret siticulosum hocce phænomenon à motu fermenti febrilis sed concentrati & jam enervati ortum traxisse; sed haud omni raritate, *quod absentiam Solis tam accuratè observaverit.*

## OBSERVATIO XLV.

D. ERNESTI SIGISMUNDI GRASSII,

Vermes intestina innoxie perforantes.

**C**Ivis & Textor Strigenfis mediæ ætatis à multis retrò annis in inguine dextrò gestaverat tuberculum parvum, idque dolens, si pedes laborassent paulò diutius. Tandem dolorem abdominis hinc inde radentem & vehementer augmentem, intermistis vomitibus, per horas circiter

24. sentit



24. sentit Anno 1684. Mense Julio. Dein subitaneo motu tuberculum illud in tumorem assurgit inflammatorium insignem, qui à Balneatore vocato per aliquot dies emollientibus tractatus rumpitur sponte, & cum ægri notabili debilitate largissimam materiæ foetidissimæ & ex parte serosæ albicantis copiam profundit. Die secundo ex apostemate lumbricus teres putredine jam semi consumptus prodit, posterò die aliò sed vivò ad spithamæ longitudinem succedente. Die quintò vocatus ego ægrotum calore, siti, inappetentiâ, doloribus, viriumque prostratione graviter pressum, tumorem verò haud exiguum & valdè inflammatum inveniebam. De læsione intestini non erat quod dubitarem; non solummodo propter exclusionem vermium, sed & quod sumtò jusculò crocatò flavescens liquor (quamvis non tam à Croci quàm bilis tinctura derivandus, cum deinceps totò curationis tempore flavescens ichor promanaverit) ex ulcere prodiret, imò membranacea portio valdè foetens cum insigni patientis dolore pridie fuisset separata; confirmatus dein uberius, quod diversis diebus adhuc duo vermes, quorum alteruter verus, ex ulcere provenissent, imò dein & quintus insciò ægrò, qui cum manè in lecto mortuum repererat, porrò excrementa plus vel minus chylosa sæpius excernerentur ex ulcere, imò unâ quoque vice portiuncula, ut referebant, enematis injecti. Præter varia, quæ requirebantur interna, ab initio jussu meò applicatum epithema ex aqua calc. vivæ cum aqua sperm. ran plantag. & fl. Sambuc. factum, addendò cuius portioni calefaciendæ camph. parum, mirè profuit, ita ut biduò omnis ferè tumor & inflammatio sedaretur. Haud minoris postea utilitatis fuit decoctum astacorum fluviatiliū rad. aristol. rotund. herb. prunellæ, alchimillæ, sanic. beton. cum vino & aqua s. fact. atque locò injectionis adhibitum, ita ut progressu temporis dimissio ob rem angustam domi Chirurgò, ægroti uxor solò hòc decocto additò simul myrrhæ & aloës pauxillò (ubi dein loco emplastri tantum ex linteo pulvillum applicavit) fuerit usâ, & tandem balsamo

balsamo Saturni (ex digestionem Spirit. Terebinth. cum sacch. Saturni & Camphor.) benedicente Deo sanationi, quæ paulò lentius procedebat, ultimam imposuerit manum. Similefactum, sed triste, eodem anno experta fuit rustica paupercula, quæ contumaci quartanâ diutius laborans, tandem exquisitissimis abdominis & dorsi doloribus vexata, lumbricos non modò per os & vomitum, verùm etiam per oborti in inguine tumoris & rupti viam excrevit quidem, sed fractis viribus atq; subsidiorum inops fatis concessit. *Sic ergò Viva Mortis Imago hominibus eheu! insidiatur & vivis.*

[Ex Jauer. Siles. 1686. 21. Sept. Augustam missa.]

## OBSERVATIO XLVI.

D. SAMUELIS LEDELII,

Ab esu Cyprini Podagra.

**D**ixtam non minimam in curandis morbis ferre operam, notum est quam quod notissimum. Hanc si exactè observarent Arthritici, leviores sustinerent paroxysmos. At illi ipsi hoc commune habent: *Ich esse was mir schmeckt / und leide was ich kan.* Inter plures Arthriticos degit apud nos Mercator B. W. Hic peregrè profecturus pro prandio sibi apparare jubet carpionem, avideque ut solet, comedit. Dum cibus adhuc intra dentes hæret, statim corripitur Podagra ad aliquot septimanas prorogata. Alio tempore adhuc semel periculum facit, & idem subrepebat paroxysmus. Jam ita miserè vivit ut nec pedes nec manus de loco movere valeat, monito meo inobediens gulæque suæ deditissimus.

## SCHOLIUM.

**C**Yprinos, à Cypride, Venere, addictissimos sibi filios sæpè Podagrâ exercente, dictos, sunt qui laudent, sunt qui vituperent. Et quamvis sanis omnia sana esse, si quidem juxta sanitatis regulas ingerantur, non omninò negari queat, piscem

Dec. II. Annus V.

M

ramen



tamen esse cyprinum, qui licet in puris etiam aquis degat, naturâ tamen suâ visciditatem, uti cum aliis *Paul. Neucranzius ex-  
erc. de barengo cap. 7.* judicat, carnis mollitiei & saporis suavita-  
ti adjunctam habet; ut ita ex paludosis & minùs salubribus a-  
quis depromptum eò minùs esse probandum, hinc faciliè adpa-  
reat. Inprimis ob carnem hanc suam limosam podagricis do-  
lores accelerare creditur. Hinc podagricum novisse *Jul. Ale-  
xandrinum* (uti refert *l. 15. c. 6. de salubr.*) memorat *Jul. Cas. Ba-  
ricellus in hortul. genial.* qui cyprinorum pinguium esu parata  
erat semper podagra, ut in manu illi esset, eo pacto hanc accer-  
sere, cùm vellet. Prout autem podagricis insignes quivis in  
diæta errores paroxysmum reducere possunt, ita avidiùs inge-  
stus hic piscis, præsertim si minùs bonæ notæ fuerit, in ventri-  
culo corrumpi, chylum inquinare, & ita latentia jam antea  
in corpore spicula dolorifica excitare, movere, augere, &  
sensibilibus articulorum partibus imprimere poterit.

[L. Schröck, L. F.,]

#### OBSERVATIO XLVII.

D. SAMUELIS LEDELII,

De

#### Cephalalgia Scorbutica.

**C**ephalalgia Scorbutica multis atroces solet excitare  
turbas & cruciatus. Geminum adducam ægrotum.  
Civis noster P. H. Scörbuticus, acutissimis laborabat  
doloribus capitis cùm vigiliis continuatis, in & externa  
nil proficiebant remedia. Tandem dabam in forma pilulari  
laudanum opiatum tribus vespers; à prima dosi lenis Spiri-  
tuum confusio succedebat cùm somno turbato, ab altera dosi  
quietior erat ægrotus; tertia dosi, Deobenedicente, post so-  
mnium quietum ipsum nobis alacrem sistebat, & vires appetitu  
redeunter edibant, evanescentibus doloribus. Alter erat ille,  
cujus

cujus mentionem feci *Observ. 34. Dec. 2. Ann. 2.* Hic tantos perferebat cruciatus, ut ipse de Mania metueret. Omnia accersimus Medicamenta quæ ratio & experientia dictabat, at parùm levaminis vidimus. Tandem natura robur suum exerit & per nares sanguinem extrudit sat copiosè, ad aliquot horas. Datis confortantibus post sufficientem fluxum, omnis dolor abiit, & Natura se morborum esse Medicatricem, satis clarè demonstravit.

## OBSERVATIO XLVIII.

D. SAMUELIS LEDELII,

Imberbes.

**E** Legans & curiosus est Discursus *Dietherri* de Capillis & Barba *Ann. 4. & 5. Ephemerid. Dec. 1.* Qui mihi ansam dedit sequentia annotare. In Ducatu Saganensi vivebat Pastor sat notus & eruditus, qui per omnem vitam carebat Barba, & attigit 80. annum ætatis. Hic Grünbergæ obambulabat Pannifex statæ ætatis & optimæ constitutionis, cui nullus mentum ornat pilus. *Aristoteles* putat quod sint foeminei temperamenti istiusmodi imberbes, & in iis reperiatur defectus caliditatis. Sed hic videtur illa ratio insufficiens: Quia alias prior Senex tot non complevisset annos, & posterior non esset tam vegetus, ut est, sed effoeminatus. Nostra civitas aluit etiam alium imberbem, quem ideo nominabat *Ohne Bart*: erat facetus & vino nimium deditus. Ad hos non pertinet:

*Credebant hoc grande nefas, & morte piandum,*

*Si juvenis vetulo non assurrexerat, & si*

*Barbato cuicumq; puer.*

Uti hic Natura in defectu; ita in excessu peccat in barbatis foeminis, quibus menstruus fluxus hanc deformitatem debebat impedire. Visa nobilis foemina, in vicinia, sat virtuosa, quæ justam aluit barbam. Alia vilioris sortis albicantem gestabat.

M 2

Salacem

D. I. A. IX. Ob  
P. 245.



Salacem vidi, quæ superius labrum pilis denigratum habebat.  
*Horstius l. 2. Observ. 28. dat curam juvenis depilati circa barbam.*

OBSERVATIO XLIX.

D. SAMUELIS LEDELII,

*De*

Curatione retentionis urinæ in Variolis.

**N**obilissima puella erat defœdata variolis copiosissimis, succedente retentione urinæ & inflatione abdominis præprimis circa pubem. Medicus quem consuluerant, porrigit Medicamenta varia in- & extra adhibenda, sed sine effectu. Applicant dein svasu Matronæ calidè sacculum lineum fl. Chamæmel. vulgar. repletum, in lacte coctum, & remittit utrumque symptoma cum restitutione. Sic etiam foemina opportunè est locuta, & elusit simplici hocce omne penu Chemicum.

OBSERVATIO L.

D. SAMUELIS LEDELII,

Lixivium enecat puerum.

**P**annificis filiulus 2. annorum, solus in hypocausto relictus, incidit in vas ligneum rotundum, ad medietatem lixivio vulgari repletum. Parentes accurrentes extrahebant: Succedebat vomitus & fluxus alvi, corpus in tumorem attollebatur, & vita protrahebatur tam miserè cum doloribus, ad septimum diem, quo moriebatur. Consilium in hora mortis expetebant, attamen sine effectu. *Balthasar Timæus à Guldentleel l. 7. Cas. Medicin. cas. 9. adducit Pharmacopœi viduam feliciter restitutam, quæ hauserat lixivium è crystallis nitri, succedentibus variis & periculosis symptomatibus. Principiis obsta, hinc in tempore venire omnium rerum est primum.* [Grüneberg à d. 2. Octobr. 1686. missa.]

SCHO-

## SCHOLIUM.

Quamvis lixivium, sal alcalicum in aqua solutum continens, egregias in curandis variis corporis ægritudinibus vires obtineat, & quondam Umbris, Rhenanisque hominibus salia lixiva pro quotidiano cibi condimento, sine ullo sanitatis dispendio inservisse, quin hodieque ab Oceani accolis passim ex alga confectum pariter usurpari, Nob. D. Ol. Borrichius *tr. de artu & progr. chem. pag. 95.* ostendat, quibusdam etiam Insulæ Formosæ incolis potum ex cinere lignorum, quo sine incommodo utantur, parari, ex *secunda Societat. Batav. Orient. ad China Imper. Legatione* constat: cautè tamen ejusmodi Lixiviorum usum esse ineundum, Exc. noster D. Wedelius in *Pharmac. acroamat.* animadvertit, ne pessundando ventriculi tonum noceat. Sic puerum lixivio imprudenter hausto dysenteriam sibi perniciosam contraxisse, *Benedicti Sylvatici* testimonio, recenset *Joh. Rhodius Cent. 2. Obs. Med. 86.* quem morbum etiam Europæis ex lixivio illo Formosorum excitari, *d. l.* memoratur; ut ita consuetudinem apud reliquos noxam hanc avertere posse, inde pateat.

[L. Schröck, L. F.]

## OBSERVATIO II.

D. ADAMI à LEBENWALDT,

Venæsectio noxia.

Ad majalem Venæ sectionem vocatus Chirurgus à Viris quinque, optimi aliàs corporis habitus, utebatur phlebotomo, quo prius aperuit venam lue Venereâ graviter affecto, nec eo absterfo & purgato &c. Ecce omnes quinque eadem lue infecti fuerunt, ut nullum decoctum lignorum, nulla inunctio Mercurialis, nullum azoth intrinsecè propinatum, nulla suffumigatio cinnabarina, quæ omnia à peritissimis Medicis & Chirurgis ordinata, impressum

M 3

hunc



hunc malignum characterem tollere & delere potuerint, sed doloribus articulorum nocturnis graviter cruciati, post unum & alterum annum tabe omnes perierunt, duobus ex his, crura fuerunt ulcerata, qui non tam graviter afflicti, diutius vixerunt. Nequam Chirurgus sibi fugâ consuluit, de quo potest dici:

*Qui fuerat Chiron taperat esse Charon.*

### SCHOLIUM.

**D**Eluis Venereæ, vel scabiei malignæ, per scarificationem, ex servi Balneatoris nequitia, propagatione in plus quam 70. homines, diffusè agitur in *Joh. Hornungi cista Med. epist. 235.* ut & *Gregor. Horstii consultat. & epist. lib. 2. sect. 6.* Quin & hydrophobiæ metum phlebotomo, quo Balneator antea partem à cane rabido demorsam scarificaverat, feminæ ejusque lactenti infanti fuisse excitatam, Exc. *D. Petr. Rommelius tr. de peste part. 2.* memorat. Scilicet maximè activum ejusmodi venenum, phlebotomo adhærens, dum vasa sanguifera in toto cutis ambitu obvia, secando, in dehiscences earum cavitates penetrat, & sanguini calenti immergitur, ab eo solvitur & abluitur, qui ulterius ad majores venarum ramos, versus cor properans, totam sanguineam massam inficere valet.

[*L. Schröck, L. F.*]

### OBSERVATIO LII.

D. ADAMI à LEBENWALDT,

Delirium Melancholico-maniacum sola  
sanguinis missione curatum.

**R**eligiosus quidam, Corporis Eufarci & Plethorici, singulis annis circa æquinoctium vernum & autumnale incurrebat delirium melancholico-maniacum cum imaginatione depravata, quod certa persona illum ve-

lic

lit decollare, quare latebras quærebat illosque qui ipsum in aprium deducere conati sunt, verbis & verberibus excipiebat. Vocatus ego caput nimio sanguine oppressum spiritusque in cerebro ob defectum debitæ circulationis coacervari & ferveri judicavi, jussi ut sanguis ex Cephalica ad libras duas extraheretur, quo solo remedio in integrum restitutus; eoque impofterum pro præservativo efficaciter usus fuit.

Hunc ad casum quid dicitis Hæmophobi?

Confer. Anni præcedentis Observatio X.

[Leobio 1686. 18. Octobr. Augustam missa.]

## OBSERVATIO LIII.

D. RUDOLPHI JACOBI CAMERARII,

Tensio cordis lipothymia causa.

**I**nteralia, quæ curiosissimi hujus Seculi fervor quotidie adhuc suggerit, artis medicæ tentamina, celebres hodie sunt *Injectiones*. Immittunt enim cultores hujus artis seduli apertis vivi corporis vasis varia liquida, artificiosi siphonis ope, modò curiosæ indagationis, modò restituendæ sanitatis gratia, prout varia talia suppeditant experimenta viri celeberrimi, *Boyle, Clarck, Elsholtius, Ettmüllerus, Fracassatus, Garmanus, Hofmannus, Major, Schottus, Wren*, qui primus hujus Infusionis author dicitur, & alii. Immittunt in cadaverum vasa ac viscera, ceram diversiccolorem, mercurium, lac, aliosve liquores, quarum injectionum dexteritate celebres præcipuè sunt *Græfius, C. Bartholinus nepos, Svammerdam, Nück, du Verney, Brunnerus, Peyerus &c.* Immittitur etiam aër per insufflationem ipsis vasis, cum flatus beneficio variæ delitescences partes detegantur & meatus; de quo scripsit *Riolanus Anatomien pneumatice*. Non solum autem ad partes sed & causæ morbificæ lædendi modos detegendos talem aëris immisionem non parum conferre censeo; quale experimentum à me inter alia per infla-



inflationem institutum etiam sequens est : Mense August. A. 1685. canis foemellæ venæ jugulari sinistra vehementi nisu inflatum aërem brevi vitam eidem ademisse, & quidem secundâ vice expertus, ultimo dicti anni mense tentavi, quid levior ac brevior valeat inflatio, ubi tale apparuit phænomenon : Catuli venam jugularem dextram non præcipiti, sed provido denudatam cultro incidi, effluxit, quoniam studio non ligaveram, parum sanguinis, inflatione immisi aërem leviter absque insigni vehementia; quietior inde jacuit canis, fermè immobilis, absque clamore, obmutescens, sine vigore quovis aut vivido aspectu: oculis semiapertis, membris flaccidis, collapsis, quasi resolutis, manus queis ipsum tenuerat, licet retraxerit Socius, fortiter ego membra digitis vellicarim, non tamen movebatur; Linteolo aceto imbuto venam, ut sanguinis cohiberem effluxum, compressi. Jacuit canis immobilis ad minimum per medium horæ quadrantem, tandem sensim sensimque se recolligebat, pedibus rursus insistebat, & alacrior factus membra agiler movebat. Postea in ejusdem canis sinistra detectam jugularem flatu valde vehementi transmissi aërem, inde apparuit frequens pulsatio, ejulatus, membrorum nullus rigor nec concussio, sed potius flaccescencia, sub finem canis os sæpius aperuit, & continuatâ insufflatione quietè obiit. Effluebat è vulnere venæ sanguis spumofus, nec tamen ad se rediit canis; aperto abdomine & thorace peristalticè adhuc movebantur intestina, cor, ejus cavitates & vasa, aëre valde distenta, præcipuè autem auricula dextra adeo, ut inflatâ venâ cavâ & ligatâ arteriâ pulmonali magis expandi non potuisset, omnibus ejus fibris pellucetibus, à sanguine planè vacua, in neutro cordis ventriculo grumus conspiciebatur sanguinis, sed hic è ventriculis vulneratis fluidus cum aëre & spumofus profluebat, pericardium à corde penitus replebatur, ejus & cordis vasa coronaria plus aëris quàm sanguinis continebant. In universo corporis ambitu arteriæ pariter ac venæ rubentes optimè erant conspicuæ, bullasque in minimis quoque

que ramulis manifestè exhibebant. Priori mense alium canem meæ subjeci indagationi. In venam ejusdem dextram jugularem ab omnibus incumbens liberatam inflatu leviori ac breviori immisi aërem, unde mox canis obmutuit, flaccida membra penitus non movit, absque ulla vivacitate immobilis jacuit, licet acriter pressus & vellicatus. Postea successivè sibi reddi videbatur, & iterum alacri agilitate vegetus singula movit membra. Hinc eandem venam denuò sed intensiore spiritu insufflavi, unde canis ad illum virium & partium collapsum mox iterum delapsus in tali statu per horæ fere quadrantem permansit, inde vero post respirationem hianti ore frequentissimam tandem expiravit. Occasionem ut hæc tentarem, eorumque considerarem phænomena, primam suppediavit famigeratissimus *Dn. D. Wepferus Senior*, meo longè major encomio; qui cum Parentem meum hîc Tubingæ inviseret pro solita sua ac singulari humanitate inter alia plura ingeniosa & utilissima faventissimè, cum adhortatione ad tentanda paria, mihi communicavit scripto consignata phænomena, apparentia in enectis ab inflata hic sinistra, ibi dextra jugulari vena, vervece adultiore & vacca utero gerente. Ab hoc itaque proposito experimento deduco, tensionem cordis aliquando Lipothymiam inducere.

### SCHOLIUM.

**H**Anc suam sententiam cum *Clar. D. Autor* Thesibus academicis, sub Nobiliss. *Dn. Parentis* sui, Celeberrimi *D. D. Elia Rudolphi Camerarii* præsidio, confirmare sustinuerit, Magnif. *Dn. Præsidi* nostro visum fuit, Discursum illum contractum operi huic nostro, ut eruditum ac curiosum inferere.

Primò itaque thesin hanc: *Inflari non rarò solet corpus humanum*, formando, per naturam quidem, utiliter & necessariò flatus in ventriculo, intestinis &c. hospitari ostendit, extra tamen debitam sæpè migrare eos sphæram, & varias corporis partes magna cum noxa inflare submonet, id quod in primis

*Dec. II. Annus V.*

N

pro-



prolixo discursu de hypochondriaco orgasmo probabile reddit.

Progressus dein, alteram thesin ponit: *Orgasmus flatulentus dum ad cor pertingit, tendendo illud lipothymiam inducit.* Hunc autem orgasmum exsurgere plerunque statuit in ventriculo & intestinis, ubi concurrant ingesta, sputi, salivæ portio, gastricus, intestinalis, biliosus, pancreaticus, alii etiam per ordinarias vias cum sanguine advecti liquores, quorum minima dissimilia heterogenea, in statu nimirum p. n. facile extra suos limites debitos hostiliter congregiantur, effervescent, ac flatus gignant; quamvis & in massa sanguinea, ipsisque partibus tale produci gas sylvestre soleat, modò ipsis non debitè in illa subactis particulis prædominantibus turbas excitantibus ac bullas, modò ipsâ à peregrino in spumam agitatâ fermento. Hisce autem flatibus, ubiubi sint orti, viam patere ad cor, variis morbis (prout & ipse aliquando cor tuberculis materiam vitello ovi non absimilem continentibus obsesum, & copiosum pericardii humorem gelatinæ instar concretum, sed & situm, qualem mucidus aliàs panis contrahere solet, propè cor pulsans adhuc juxta arteriæ ramum ascendentem, in anse diu morbo vidit,) obnoxium ostendit. Inter cordis autem adfectus cùm etiam sit Lipothymia, ejus unum & alterum casum à Nob. D. Parente observatum, cum ætiologia, his verbis depingit: *Unus & alter ager, qui in juventute vitam per varias terras egerat liberam, ad iram cum mæstitia indignabunda, quam Galli chagrin vocant, pronissimus est, officio fungitur vitam requirente sedentariam, à cibis coctu durioribus, flatulentis facile leditur, pluribus jam modò remittentibus modò incrementibus fatigatus fuerat molestiis, cardialgia, ruëtibus, distensionibus hypochondriorum, appetitu bulimode, torminibus, lassitudine, dyspnœa, cephalalgia, capitis quasi inanitate, turbatione, flatibus modò incarceratis, modò liberis, copiosis, qui habitu corporis erat macilento, vultu luteo pallescente, venis distentis, dum inquam, talis hypochondriacus non semel, absque omni tamen typo modò*

po modo hoc modo alio tempore, praesertim à copiosioribus aut dyspeptis variis cibis, à vino largius hausto, ab isto ipsi familiari animi pathemate intensiori, subito post praegressam cordis insignem palpitationem & compressionem, totius turbationem corporis sensim sensimq; incrementis, corripiebatur paroxysmo lipothymico, in quo pedes ac brachia collabebantur, vultus pallebat, corpus absq; horrore vel rigore frigeat, praecordia ac hypochondria tendebantur, pulsus vix imò nullus sentiebatur, mæror & anxietas aderant, summa cum virium dejectione, ut mortem jamjam singulis momentis sibi imminere censeret, paucissimis talia voce debili eloqui valens verbis, frigidumq; tandem sudabat, à quibus molestiis æger medicamentis assumtis, per Dei gratiam, excepta lassitudine liberabatur, postquam elapso per talem pressum statum dimidia hora spatio flatus copiosi per utrumq; inferius potissimum guttur transmitti, vires cum calore sensim sensimq; redire, ipsaq; anxietas ac pectoris compressio cessare cæperant. Paroxysmi talis lipothymici causam cordis fibras nimium tensas, ventriculos ac aurículas ad debitam contractionem ineptas nimium distentas accuso. Distendit autem utrumq; ibi fluidum, & humorosum & spirituosum, aër enim expansus siue flatus in ventriculos cordis delatus & ipso suo elatere & impetu ab alio impellente communicato, liquores rarefacti, agitati turgentes istos dilatant, ac ita fibras tendunt. Etiam si enim in statu naturali dilatari illud soleat ac debeat, ut illabentem recipiat sanguinem, huncq; in finem cavitates obtinuerit sat magnas huic destinatas negotio, receptacula fluidorum per vasa vectorum communia, non tamen eò tendunt dicta, ut inibi detineantur, quin potius ut singula harmonicè consociata characterè vitali ibi tincta, spirituofo vigore induta mox constrictorio iterum propellantur motu, fibris, quarum glomos Recentiores egregiè explicant, huic negotio destinatis, spiritus ac vigorem partibus, quas per ordinarias petunt vias, afferant. Cum autem hîc dilatatio benigna naturalis non sit, sed peregrina, orgasmica, tensiva, cum propter illarum fibrarum tensionem debita talis constrictio, ad partes sufficiens propulsio fieri non possit, imò etiam



spiritus vitalis generatio, excitatio, harmonica variorum adve-  
ctorum unitio, ipsa characteris vitalis impressio aliquantum impe-  
diatur, ipsa partes quæ à corde Microcosmi Sole Lumen, sanguine  
ex corde dispensando vividum expectant vigorem, lumine desti-  
tuuntur debito, graviter affliguntur, ipsa totius corporis machi-  
na, ad quam aeris ac humorum debitus maximè requiritur motus,  
valde turbatur, ipsis spiritibus, qui etiam in maxima effervescen-  
tia vigorem à volatilitate illa p. n. ob dyscrasiam non accipiunt, ad  
officium ineptis, inde & extrema frigent, quia caloris fons debite  
non bullit (quid nî in quibusdam casibus & hûc advocare liceat san-  
guinis volatile salcum extraneo congregiens, sub quali congressu,  
cum in philosophicis adhuc litarem Castris, frigus excitare phœ-  
nomenis per instituta experimenta publicæ ventilationi expo-  
sui) uno verbo, Lipothymia, syncope oritur; Jungi solitorum  
Symptomatum causas ex dictis & dicendis quivis facile eruet.  
Ista autem tendens causa est, ut modo innui, liquor orgasmice ir-  
ruens, aer in flatibus copiosis sese expandens, quorum in tali mor-  
bo frequentiam & exsurgendi modum jam delineavi. Hinc com-  
pressio, palpitatio cordis, ob eandem causam familiaria talibus  
mala, prægredi tales solent paroxysmos, à quibus insultibus cor  
magis ac magis impetitur, agris jam dùm spirituum debita crasi  
non gaudentibus. Ac in casibus his sanguis flatibus vehementer  
agitatus contrarium producit effectum, nimirum nimius motus im-  
minutus, stasinq; ejusdem, quia tensum Cor contrahere se atque  
istum pro vigatione partium, talem, qualem adhuc orgasmicus  
largiri potest sanguis, transmittere non valet; nec enim intes-  
tinus, ceu vocare amant, id est, partium sanguinis inter se & pro-  
prius circa axim motus ad vitalem sufficit, licet necessariò requira-  
tur, sed circularis ille ac localis accedat necesse est, ne tota sangui-  
nis turbetur dispositio ac energia. Fibra ergò isti dicto cordis offi-  
cio destinata in sua impediuntur actione, ceu & carnea in mediâ  
vesica tunica fibra ob urina copiam nimiam distendentem ischuria  
sunt Causa. Et contingit hûc, quod in causarum morbificarum  
ladendi modis aliàs etiam accidere solet, ut nimirum ipsa ledere  
dicantur

dicantur nimio motu, dum per partes fit, distendendo & suis dis-  
 paribus solvendo, sed transitorium est; verum ubi s. spiritui s. hu-  
 mori libera denegatur via, vehementiora, diuturniora oboriun-  
 tur producta; sic in catarrhis latex s. lympham maximè cum per par-  
 tem transitus ipsi intercluditur, ladic; sic & flatus in genere ubi  
 exitum concedunt porta & patula parum afficiunt, sed ubi vel solida,  
 vel fibrae, tam in membranis quam musculis spasmodicè aut alià  
 causà tense, aliquando ob laxitatem aut aliam degenerationem in  
 propellendo segnes ipsam occludunt, vehementius ladic, ubi ipse  
 expansus aer viscido nimis tenaci, cen in bullis ex sapone in aqua  
 soluto & aliis viscidis apparet, includitur, ubi ipsi flatus crudi, id  
 est, prout humoribus aliis hoc applicant vocabulum, ad discernen-  
 dum & excernendum proprià culpà inepti sunt, ubi tensione, quam  
 fibris inducunt, sibi ipsi viam præcludunt, circulo quoad causam  
 & effectum in morborum productione familiari. Et in his propositis  
 casibus lipothymicis, postremam, non exclusis duabus præceden-  
 tibus, ego adducendam censeo detentionis Causam. Et hinc  
 dum malum in illis solvi, remittere cæperat, per utrumq. potissi-  
 mum inferius guttur flatus egrediebantur, quia à medicamentis  
 ista effervescentia distendens hinc & ibi remittebat, fibris natura-  
 le robur redibat, cruditas flatuum cessabat, potissimum, quia  
 aperta illa ordinaria porta impetus à Corde avertebatur, & ipsis  
 flatibus per solitas vias ex ipso Corde, sanguine & istis, ubi exurge-  
 bant, partibus huc derivatis, quod dicere in Arte Nostra hete-  
 rodoxum non est, nam præter alia plura, varias sæpe vias mon-  
 strantia, observata à Parente tumoris pedum in quodam ulcere re-  
 num laborante cachectico subitanea per vomitum sponte obortum,  
 & doloris ac tumoris omnium artuum podagrici per flatus ac feces  
 cum cardialgia & torminibus per inferiora eductas celer cessatio;  
 sicut & per gulam flatus, qui sanguinem prius infestant, exire  
 dicit Auth. Novus Oeconom. Animal. Quoties in summa Ce-  
 phalalgia ferocia, anxietate, dejectione, paucorum exclusio fla-  
 tuum præsentaneum affert levamen. Remansit lassitudo, quia  
 non solum spiritus ob Causas dictas in tubulis fibrarum spongiosis in-



tra musculos deficiebant, sed & ipsi muscoli variis adhuc excrementis infarcti in inflatione impediti fuerunt, ceu Quibusdam explicare placet adducentibus exemplum horologii rotarum, quæ ob rubiginem contractam non sine difficultate circumvolvuntur. Ceu autem illa inflans effervescentia, de quâ hactenus, per vias monstratas à me ad Cor deducta est, ita quin & casus, licet perraro, dentur, ubi primò ista inde contingit, nullus dubito.

His ita propositis, Cl. D. Autor cum sibi varias contra hæc formasset objectiones, iisquæ satisfecisset, ratiociniaque sua aliorum etiam Clarissimorum Virorum consensu comprobasset, tandem thesi tertiâ, quod valde calida, multa volatilia quod hîc noceant, monstrat. Postquam enim prioris generis carminantium & cardiacorum dictorum remediorum naturam & *intèpretat* ostendisset, hæc in præsentî casu acuere mineram, agitationem ac effervescentiam intendere, turgentes ac impetuosè motos humores magis pellere, aërem se expandentem magis attenuare, ac ad expansionem urgere, inde fibras magis tendere, quæ cor in propellendo, uniendo & tingendo impediunt, non sine experientiæ consensu, concludit: posterioris verò generis carminantia & cardiaca, sive volatilia urinosa, in descriptis tumultibus impetum suâ tenuitate & mobilitate quod augeant, vel ob hostilem occursum ac nimium congressum novam excitent ac insignem effervescentiam, vel etiam in gas flatulentum abeuntia, alios flatus incarceratos, ceu cuneus cuneum trudit, nimium pellant, disferit; & in supra memoratis casibus spiritum C. C. volat. in exigua etiam dosi impetum, turbationes ac anxietatem in ægris magis intendisse, valde læsisse, eoquæ solo omisso reliqua (integra autem Mixtura ex aq. borag. cinamom. bugloss. conf. alkerm. compl. spir. C. C. & syr. cort. citr. parata fuerat,) insigniter profuisse, experientiâ paternâ, aliorumquæ Virorum celebrium testimonio admonet. Quamvis non omnem volatilium usum exclusum velit, prout etiam dicta Mixtura ex aq. cinamom. & conf. alkerm. compl. profuit, cui carminativa

siva alia ex flaved. cort. citr. lign. assafr. semin. foenicul. addi possint. In talibus tamen casibus non tam cardiaca calida, quam frigida juvare, hæc enim spirituum effrænem motum compescere, sanguinem nimis attenuatum volucrum concentrare, deprimere, ligare, serum acre emendare, cordis nimium calorem corrigere, tensas fibras relaxare, & nimis dilatatas cavitates ac ductus ad contractionem disponere; & hisce aliquando sub dicta limitatione volatilia jungi posse; Carminantia verò hîc suppetere, quæ sunt præcipitantia, absorbentia, imbibentia, implicantia, destruentia, invertentia, diluentia, acidula, terrea, lapides, mucilagines, gelatinas, calces, marina &c. anodyna etiam & opiata, quæ sæpe unicum remedium & sacra sint anchora contra dolores à flatibus: talia enim hostiles, acidos, acres, sulphureo-salinas particulas ante & in congressu invertere, immutare, à textura sua reducere, violentiam infringere, seminale flatuum fermentum, gas sylvestre, mineram fermentalem agitatam reprimere & coërcere.

OBSERVATIO LIV.

D. EBERHARDI GOCKELII,

*Pila, seu globus cupreus magnitudine sua, ovum anserinum longè superans per octodecim annos gestatus, & è vagina uteri feliciter extractus.*

**M**ulier quædam Xenodochialis, anno ætatis septuagesimo tertio, cum ante septem & viginti annos, post laboriosum partum, ponderosam calcis molem, marito suo alutario adjuvante, in Officinam porteret, ex improvise uteri prolapsum passa est, ad quod malum corrigendum, magnum globum cereum, sex uncias cum duabus drachmis pendentem, per novennium in vagina uteri gestavit, sicque uteri exitum coërcuit: Cum autem hic globus



globus ab ponderis gravitatem molestiam pareret, patiens alium ex cupro rotundum, uncias duas pendentem, confici curavit, quem satis magnum impetuosè in vulvam intrusit, & octodecim, (sicque ambos septem & viginti annos) in vagina uteri gestavit; Postquam autem globus hic ab urinæ acrimonia exesus & corruptus erat, ob calcanthosam & æruginosam suam acredinem, claustrum muliebrem tantum læsit, erofit, ac exulceravit, ut multa sanies ac materia purulenta affatim cum magno foetore, non sine dolore ac molestia quotidie prodiret, quem foetorem, dolorem, sordidumque saniei profluvium dicta patiens diutius tolerare non potuit, ac proinde opem ac auxilium meum imploravit.

Quapropter die 18. Julii, Anno 1684. huic vetulæ supinæ & in dorsum reclinatæ, divaricatisque cruribus supra mensam positæ, per Chirurgum Xenodochialem ordinarium, dictum globum per cochleare chirurgicum incurvatum, ac cava sic parte asperum, non sine labore extrahi curavi, qui ab urinæ acrimonia hinc inde perforatus, exesus & corrosus, foetidissimisque sordibus ac mucore incrustatus erat. Post extractionem sequens Lavamentum à me ordinatum fuit, quo uteri vaginam eluit, & intinctis linteis, à purulentis sordibus repurgavit. *℞.* Herb. agrimon. Mij. scordii, meliss. puleg. āā Mß. M. & concis. decoq. in aq. fontan. mensur. 2. in Colatur. dissolv. Mell. communis ꝑiiij. d. ad ollam pro usu. Post Lavamentum, locum affectum Ung. de lithargyrio, & deinceps sequenti linimento illinivit. *℞.* Ung. de Ceruss. de litharg. āā ʒvj. M. & terantur in mortario plumbeo tamdiu, donec acquirant formam plumbi, addendo sub finem, Ol. de vitell. ovor. ʒij. M. Et sic allegata patiens à molestissimo hoc affectu liberata, adhuc superstes, de nullo amplius impedimento doloreque genitalium conqueritur.

OBSERVATIO LV.

D. EBERHARDI GOCKELII,

Oculi vulnus cum maximo dolore conjunctum, mucrone gladii inflictum atque curatum.

**A**Nte paucos annos, cùm milites in diversorio quodam Ulmenſi Carcheſiis poculis Bacchi liberaliter certarent, & arx Palladis eorum, cum expulſione & poſthabitione ſanæ rationis denſiſſimis temulentiaë nebulis obvoluta diverſiſque motibus errabundis navigium in alto ferocientique mari procellis expoſitum repræſentabat, unus eorum, neſcio an ex perulantia, vel bilis fervore, diſtricto gladio hypocauſtum percurrit, quo enſe, ſolo hypocauſti ſuperficietenus infixò, poſtea impetuoſè ad arcus formam inflexo, momentaneoque inſuper quaſi ſaltu, motuque velociori ruſſus ad priſtinam formam redacto, ac extenſo, præter expectationem & ex improviſo ancillæ oculum propè iridem non leviter tetigit & ſauciavit, quam læſionem maximus dolor, cum humoris aquei aliquali exſtillatione, inſecutus eſt.

Ego ad hanc Patientem vocatus, vulnus ex continui ſolutione membranæ conjunctivæ & corneæ, probè contemplatus, ac proinde ante omnia vulneris dolorisque, ac inſequentis inflammationis rationem eſſe habendam ratus ſum, hoc Prognostico appoſito, quod dicta patiens ratione viſus amittendi in maximo diſcrimine verſetur.

Ad hujus itaque vulneris curationem, ante omnia columbæ ſanguinem ſub ala per venæſectionem emanantem læſo oculo calidè immiſi, poſtea quæ tale Collyrium, ſæpius tepidè oculo inſtillandum, & extra etiam cum intinctis linteis applicandum, ordinavi. *R.* Tutia præp. aloes pulv. ſief alb. Rhaſ.  $\text{āā}$   $\text{ʒʒ}$ . aq. roſar. plantag.  $\text{āā}$   $\text{ʒij}$ . vini rubr.  $\text{ʒj}$ . mucilag. ſem. pſyll. tragacanth.  $\text{āā}$   $\text{ʒj}$ . M. Externè, ſupra oculum, quia

*Dec. II. Annus V.*

O

lac



lac muliebre recens multum calidumque haberi non poterat, sequens cataplasma ad dolorem leniendum ac inflammationem compescendam inhibendamque applicavi. *R.* Pomor. putridor. vel assator. dulc.  $\mathfrak{z}$ ij. mucilag. sem. psyll.  $\mathfrak{z}$ ij. farin. sem. lini  $\mathfrak{z}$ ss. opii crud.  $\mathfrak{z}$ j. Croc. or. gr. v. vitell. ovor. q. s. M. f. Cataplasma cum linteis calidè imponendum; Ab horum usu dolor cum lymphæ stillicidio cessavit, ac inflammatio cohibita est, oculique vulnus postea coaluit. Quia vero nihilominus de oculi caligine conquerebatur, & in læsa parte nubecula quædam conspicienda erat, idcirco hæc pilulas cephalicas ad rheumata oculi præcavenda, humoresque noxios è capite eliminandos, præscripsi. *R.* Extr. pill. lucis, aurear. cochiar.  $\mathfrak{a}\mathfrak{a}$   $\mathfrak{z}$ ss. Mag. gialapp. gr. v. M. f. cum aq. foenic. pill. num. XXVII. unâ vice deglutiendæ. Ponè aurem partis læsæ, Emplastro vesicatorio Horstii vesica fuit excitata. Et ad nubeculam in oculo resolvendam & discutiendam, post perfectam oculi læsi conglutinationem & consolidationem, sequentibus usâ est, *R.* Tutia præp.  $\mathfrak{z}$ ss. Margarit. præp.  $\mathfrak{z}$ ss. Camphor. vitriol. alb.  $\mathfrak{a}\mathfrak{a}$  gr. ij. sacch. cand. alb.  $\mathfrak{z}$ j. M. f. pulv. subtil. M. & V. oculo pisi magnitudine inspergendus; Et, absoluto hoc, *R.* Pingued. tichymali piscis (Germ. *Äschen-Schmalz*)  $\mathfrak{z}$ ij. fel. lucii piscis  $\mathfrak{z}$ j. f. mixtura, M. & V. lentis quantitate oculi cantho majori indenda.

Tandem, non neglecta bona ac laudabili Diæta, sequentem Trageam pro visus corroboratione assumpsit. *R.* Sem. foenic.  $\mathfrak{z}$ vj. anis.  $\mathfrak{z}$ ij. Carui.  $\mathfrak{z}$ j. Macis  $\mathfrak{z}$ ij. Cubeb. Cardamom.  $\mathfrak{a}\mathfrak{a}$  gr. XV. pulv. flor. Euphras.  $\mathfrak{z}$ j. sacch. albiss.  $\mathfrak{z}$ ij. M. f. Tragea, de die aliquoties, quantum cultri cuspide majori capi potest, assumenda.

Ab horum remediorum usu hæc ancilla, aliquot septimanarum spatio, per Dei gratiam, ita convaluit, ut non solum visus aliqua portio, sed etiam oculi fabrica in sua naturali forma ac magnitudine manserit, atque cicatricis macula vix videri, oculisque comprehendendi potuerit.

[*Ex literis ad D. Wurffbainium M. Octobr. & deinde Augustam missis.*]

OBSER-

OBSERVATIO LVI.

D. GEORGII HEINTKE,

Quantum cibatio in avertendis & debellandis morbis interdum valeat.

**R**usticus quidam, quadraginta annorum, habitus macilenti, staturæ mediocris, temperamenti phlegmatico-melancholici, postquam flammis ante tres annos depastam domunculam de novo exstruere laboraret, sentit *δυσάρεσταιν* quandam cum dolore in sinistro thoracis latere, hinc semiluxationem vertebræ dorsi suspicans utitur aliquoties mumia aliisque euporestis medicamentis, frustra quoque quamquam successu. Hinc dolore continuante conqueritur & de dolore capitis lateris sinistri, quem quoque domesticis remediis frustra debellare tentavit. Tandem cum post aliquod tempus terram occando equo veheretur, de subito corripitur vertigine cum obfuscatione oculorum, ita ut nescius sui ipsius ab uxore pejora metuente ex equo detractus mox lipothymia & epilepsia corripere. Domum vectus malum nullo medicamento abigi potuit, donec cibo refectus ad se rediret. Huic malo obviam iturus unum alterumve Medicum consuluit, sed pro more horum hominum his relictis ad medicastros confugit, e quibus quidam intra tres menses singulis lunæ quadrantibus, excepto ultimo, misello duas decussatim incidi curavit venas, ad ℥ij. unâ vice quandoque detracto sanguine, dirisque suis purgationibus tantum non omnibus miserum spoliavit viribus; tandem ad me transiens variis sed frustra tentatus, dolores thoracis tamen capitisque amplius non sentit, saltem de illâ confusione animi, omni manè, conqueritur, quæ illum subito corripit, nulla precedente, vel nausea vel cardialgia, interdum tamen levem rigorem in extremis manuum persentiscit, interdum sensum quendam in dorso,

O 2

quasi



quasi gelidâ perfundatur. Paroxysmum antecedit formicationis sensus in manibus pedibusque item labiis, es frûbelt darinnen/ interdum urget spasmus. Malum præcavet cibo vel ex solo pane, quo fine ad 2. dies in huiusmodi confusione, interdum cum insultu epileptico: antequam ad se redit, jaceret. Pastus verò bene se habet. Namque spiritus animales, dyscrasiâ scorbuticâ correpti, & jejunio tentati, nî subinde debito succi alibilis rore deliniantur & saturentur, tanto acriores fiunt & motus ejusmodi irritativos irregularesque eò magis subeunt. Hinc Hippocrates: spasmi quandoque ab inanitione & siccitate producuntur unde pater, per stolidas istas Venæsectiones & purgationes sanguinem magis ad hanc dyscrasiam perductum fuisse. Fusius exponerem causas hujus affectionis, nisi ad satietatem à Dravvizio hæc labes fuisset ventilata. Notandum, quòd cæteras suas functiones æger noster sine notabili virium jacturâ perficere optime possit, & quòd lædatur à purgantibus, vix alvum debite moventibus, paulò melius verò se habeat ab Emeticis, rejecto magmate viscido ex viridi flavescente.

## OBSERVATIO LVII.

D. GEORGII HEINTKE,

*Menstruatio dysenterix remedium.*

**V**irgo temperamenti calidioris & siccioris incidit in dysenteriam ex contagio Parentis dysenterici demortui, cui à servitiis fuit, adeò atrocem, ut terribiliter sanguinem ejiceret; aliquot remediis à me propinatis ad præsentem statum conducere visis quarto die supervenit fluxus menstruus octo dies consueto citior, hinc altero die à dysenteriâ ferè libera, tertio die à lecto sana recedit, aliquot pauci saltem momenti adhuc adhibitis pharmacis.

OBSERVATIO LVIII.  
D. GEORGII HEINTKE,  
Anatome Cachectici.

**V**ir XL. annos natus, sanguineus, *εὐραπυος*, ad res agendas satis aptus, vini generosi sæpius potator, incipit fieri Cachecticus per quadrantem circiter anni, antequam lecto affigebatur abhorrens medicamentorum, tædiosis tamen à morbosâ vitâ, non rarò vino menti pariter ac corpori satisfacere studet. Doloribus vero circa ventriculum de nocte imprimis laceffentibus, nonnunquam obviam ivit vino cremato, quo etiam sæpe malum pacatum fuit. Attamen in pejus semper ruens, sine ullâ perceptione febriculæ in inflammationibus ejusmodi aliàs solitæ, meo cum Senioris Medici consiliis uti animum intendit. Nos in abscondito adhuc affectu variantamus, sed frustra quævis. Æger interim doloribus interdum per aliquot dies inducias facientibus, interdum cum ingenti atrocità recurrentibus plures insomnes ducit noctes. Tandem per intervalla se manifestat infra scrobiculum cordis tumor quidam, cum motu pulsûs pulsui cordis plane æqualis & congrui, interdum verò iterum evanescit. Nos nihilominus ex signis quibusdam abscessum hariolantes advocatis adhuc binis celebrioribus Medicis plura ad hunc affectum aliàs facientia per quoddam tempus ordinamus. Acerbissimo verò dolore & vigiliis ad summam maciem perductus & vitæ penitus pertæsus æger auxilium aut mortem summè flagitat. Hinc coacti ferè apertionem abdominis tentamus incisione factâ, sed nullo successu, malo quippe intimius residente. Vulnere per 14. dies apertè servato, morbo denique fractus miser placidè exspiravit. Aperto cadavere Hepar in parte convexa invenimus colore & constitutione reliquâ optimum. Sed ecce, cum lobum illum, qui ventriculum obteggit, attollere intendimus, observatur viscus istud nobilissimum ventriculo undiquaque adnatum, adeò, ut



cultro separationem facere necessum habuerimus. Sublato lobo hepar penè totum in parte concavâ meris hinc inde sparsis scirrulis non quidem valdè duris, sed interius materiam instar mellaginis continentibus repertum fuit. Ventriculum vero solum tumor occupabat, & intra tunicas residebat genuinum ulcus cum sat multâ materiâ, non quidem purulentâ, sed quasi sanguis foret grumofus ac corruptus absque tamen foetore. Cavitate stomachi reliquisque visceribus naturaliter se habentibus. Non prorsus alienam ab hac vid. *Observation. 90. Cent. 1. ap. Riverrum.*

## OBSERVATIO LIX.

D. GEORGII HEINTKE,

Apertio scroti & scarificatio pedum sæpius  
hydropis, salvis adhuc visceribus,  
medela.

**T**Ria mihi contingere non ita pridem exempla in viris duobus pro desperatis ferè habitis, unum in juvene ascite universali penitus decumbente. Huic juxta cum internis magno auxilio fuit apertura scroti per binas vices celebrata, adeò, ut nunc felix liberorum parens existat. Alterius viri 45. annorum, qui quoad faciem & manus Hippocraticus videbatur, propterque nimiam extensionem abdominis jam rum Omphalocelen passus erat ingentem, ope hac laudatâ Chirurgicâ optimè restitutus est. Tertium, Viri, qui dies noctesque insomnis extra lectum sedere cogebatur ob summè difficilem respirationem, per vesicatoria verò & scarificationes in pedibus instituta manifestam sensit curam.

OBSERVATIO LX.

D. GEORGII HEINTKE,

*Pingua non semper obliniunt poros.*

**C**ura mea Medicæ concredita foemina formæ elegantioris vitæque lautæ, ea ipsa conqueritur de latere sinistro ac si affectu splenetico laboraret, huic ordinatur commune Emplastr. splenicum, quo appposito ruborem contrahit locus emplastro tectus & poris apertis sudor copiosissimus emergit, ut plura lintea madefacta fuerint, cum euphoria partis, nec desit fluere sudor ex latere, licet plura adhibita fuerint externa, donec fonticulo posito in brachio tandem sponte cessaverit. Alterâ vice propter dolorem dentium apponitur temporibus emplastrum usitatum ad tempora, & pari modo locus lympham adeo acrem stillavit, ut genæ valde arrosæ fuerint. Tertiò oleo quodam illinit digitum propter dolorem, & digitus per multos dies in tanta copia serum effudit, ut tabescere visus fuerit, imò affirmavit postea, quemcunque corporis locum ipsa re quadam pingui, e.g. Ol. amygd. dulc. si illiniret, mox sequi stillicidium lymphæ, nec antè remittere fluxum, quàm desisteret ab illinitione.

OBSERVATIO LXI.

D. PHILIPPI JACOBI HARTMANNI,

*Anatome Puellæ Diarrhoeâ confectæ.*

**P**rimum sibi locum vendicant, cadaverum, quæ *Xenodochium majus Regiomonti* obtulit, Sectiones. Indulgentia ista fuit *Perillustri Supremi Provinciae Magistri JOHANNIS ERNESTI à WALLENROD*, qui quod bonis bene fit beneficium gratiam eam gravidam esse bonis, æstimans, nunquam probos Viros beneficiis ornare, augere, atque locupletare, cessat. Hic *Summus Musarum Fautor*



tor me voti compotem fecit, ut discipulorum, quos semper nominare possum *testes oculos*, (*auritos* enim non est quod curem malevolos) vel hâc etiam operâ inservire valuerim commodis. *Hujus* favori si quis usus redundat in Rempublicam Literariam, omne illud acceptum ferendum. Non detractassem vel cum dispendio sanitatis plurima eviscerare corpora, sed quod publicâ auctoritate his curis ædes nondum concessæ, & quod multas mihi fuisse insidias, interea dum ista incidi, re ipsâ cognoverim; nolui & temporis, & sanitatis, & sumptuum, facere jacturam. Si tamen *Supremorum Dominorum Regentium* indulserit favor, uti quidem *Perillustis Fautor* spem fecit, quî conclave ad ejusmodi Anatomas obeundas aptum concedatur, non parcam molestiis, sed lubenti illas sustinebo animo.

*Mille autem modis Lethi miseros mortem unam fatigare*, hæc facile evincet misella, quæ non uno cum morbo conflictata, vel à teneris se mori sensit: tribus annis duxerat vitam, quâ tandem Anno 1682. ipsam *trium mensium* privavit diarrhæa.

*Ex partibus motoriiis: Musculos* ubique graciles deprehendi, Abdominis imprimis, quorum plerosque separaveram; *pyramidales* nullos hîc fuit observare.

*Peritoneum* substratum, solito crassius, duplices manifestò exhibebat tunicas.

*Ex partibus nutritiis: (1.) Novum alimentum præparantibus Venterculus* vacuus, in tantum ut & interior tunica, mucoso omni humore destitueretur.

Par ratio *Intestinorum*: studio abluta dixisses, rugis exstantibus, villis autem sive ramentis pressè adhaerentibus: Memorabile autem, quod rugæ ita deterfæ atque ablutæ, præsertim *crassorum*, *valvulas conniventes* prout ipsæ erant innumeræ, innumeras quoque præsentarent. *Tenuia* flatu turgebant; *Crassa* justo magis depressum obtinebant sicum. *Cæcum* ad instar vermiculi dependebat inane. *In confinio Crassorum* plures *lumbrici*, gyris in se convoluti, hospitabantur.

(2.) *Ultimum*

(2.) *ultimum Alimentum* sive *Sanguinem defecantibus*:  
*Pinguedinis* nulla uspiam vestigia;

Nec *Omenti*; nisi quod *membrana* omnis adipis expers, quâ *vasa* alia atque alia ad ventriculum, Lienem, &c. à mesenterio excurrerant, ejus locum occuparat.

*Hepati* omnia, quæ oportet adesse, sanitatis<sup>o</sup> aderant signa, nullo Scirrhi, putredinis, alius cujusque vitii indicio.

*Vesica Fellis* tumida erat, liquore croceum per omnia æmulante; exteriorem faciem luteus depinxerat color, sed qui adjacentes partes tinxerat minimè. *Valvula* erat conspicua, quâ ductus cysticus ex vesicula egreditur, & stilo ex cavitate vesiculæ adactò non nisi difficulter admodum transitus concedebatur, secus quàm si ex cholidochico communi versus vesiculam dirigebatur idem. *Cervice incurvâ ductus cysticus cholidochici communis trunco inferebatur*, cujus quasi ramos rectâ gemini *pori biliarii* sua divaricatione constituebant.

*Lien* verò maximè omnium nos in admirationem rapiebat, non tam quod *figurâ peculiare* quid præ se ferret, sed magis quod sinistro ipsius lateri alius *parvus* quasi *succenturiatus* affabre appensus, id quod feliciter *ex tabula Fig. XV.* addisces. Iniectione & inflatione in venam & arterias splenicis *major* intravit, exin & *minor*, quippe quod *vasa* ipsos brevium instar intercederent, quæ injecti liquoris tincturam prodebant. Ambo diaphragmati erant annexi, sed alter ab altero ex Limbi inferioris medio ligamenta suscipiebat. *Minor* autem totus intra spatium, quo brevia ad ventriculum feruntur, diaphragmatis membranis prætextus, à postica arcu constrictus, ab anteriori parte liberior propendebat.

*Renum* dexter *asperam superficiem* offerebat, ac si ex pluribus globosis corporibus constaret. *Putridus* idem erat, *calculisq;* refertus, ab alterius sani specie totus abhorrens. Diducienti involücrâ *flavus liquor* bilis æmulus hinc inde occurrebat, tantoque majorem in separando adhibens curam, asperum detexi *calculum*, amygdalam qui referret saccharo incru-



statam, lutei coloris; partes exteriores molliusculum; qui caruncularum unâ vel alterâ excavatâ liquoris flavo innatabat, acumine suo ureteri ex renibus exeunti imminens; reddideratque ureterem hîc locorum digiti minimi capacem, inflatu id ad oculum commonstrante. Plures calculos nascentes in aliarum caruncularum cavernulis passim observavimus, magnitudine cedentes & duritie.

*Mesenterium* spissius quàm congruebat, præprimis ad rectum; toto illo limbo, quo intestinorum colligit anfractus, glandula cicerum aut lentium magnitudine apparebant, quibusdam ad illam pisorum appropinquantibus. Ex glandulis verò medium occupare solitis nulla conspicuâ eminentiâ, nulla quæ major (vulgò *Asellii*) jure merita fuisset dici, præterquam quod raræ hîc locorum occurrerent.

Circumspectè exinde *Pancreas* indagans, præter illas ad margines sive limites *Mesenterii* sporadicas glandulas nullum viscus glandulosum deprehendo: *Duodenum* itaque aperio, si quâ ductus *Virsungianus* me ad illud duceret; unico, quod aderat, foramini stilum immergo, & versando inquirō, an alicubi ex hoc in aliud vas versus glandulas pertendere daretur, frustra; negante industriæ successum naturâ. Perscrutatus quid vices hujus glandulosi visceris commodè sustinuerit? ad duodenum densiori numero consitas memoratas glandulas adverto, quarum insignior avellanam æquans, conglobatæ specie ad Lienem, à quo vix digiti minimum latum aberat, ascendebat, & vas à Liene sanguinem in portam exonerandum deducens, excipiebat. Huic vasi sive ramo splenico, pennæ mediocris capaci, aliæ quoque glandulæ, sed minores, turbato ordine innexæ erant, his quibus mihi vestigia *Pancreatis* legisse visus sum.

(3.) *Ultimum Alimentum coquentibus* sive sanguificantibus: In thorace *Pulmo* spumâ refertus, neque aliud quicquam p. n. nisi quod *dexter lobus* multis pellucidis filis extremam partem diaphragmati concreverat.

*Cordis*

*Cordis dexter Ventrículus* flaccidus detumuerat, in neutro sanguis, cum totum corpus ex sanguine, parumque cruoris ex majoribus vasis concisis: *Foraminis ovalis signum* reliquerat membranula semilunaris. *Pericardium* crassius, nil aquæ continebat.

*Ex partibus genitalibus: uterum* denique cum *testiculis*, *Tuba Fallopiana* ejusque *fimbriato orificio* obiter lustrans, in *hymenis* inquisitionem curam verti. Verum patula admodum vulva, nec *caruncularum myrtiformium*, nec *hymenis vestigium* reliquerat; exiles saltem rugæ limbum, quo urethra exit, distinxerant, extantiores quam in aliis partibus vaginæ. *Uteri orificium* nec flatum, nec stilum, facile admittebat, contra quam *Tuba Fallopiana*.

Usus ex Anatome Puella Diarrhœâ confecta.

I. *Cruditatem* causam esse diarrhœæ, intestinis inquinatis, quæ sententia etiam *Philosoph. 2. de generat. Animal. c. 20.* illamque uberius exponit *Aretæus* vestigia *Aristotelis* nunquam non premens *2. d. ca. & seg. diut. Morb. c. 7. conf. c. 11.*

II. *In bilem & in sanguinis succi, nervosi recrementa*, ex arteriis & ductu *Pancreatis*, ad intestina suffusa, diarrhœæ ut plurimum causas *Cl. Willisus d. Febr. c. 13. refert.* Alii in bilem non qualemcunque, sed *salinam*, quæ cum succo *Pancreatico* chylum corrumpat. *Salinam* in hac puella non fuisse forte arguent non tinctæ adjacentes vicinæ partes, utut luteus fuerit folliculus. Et cum bilis in intestinis nullum indicium, secus quam in cane diarrhœâ laborante observavi, forte nec bilis simpliciter in culpa fuerit. Neque succus pancreaticus Auctor erit mali, cum non *Pancreas*, nedum ductus pancreaticus, adfuerit. Quid ergo causæ dicamus? *Cruditatem?* qui ex cruditate fieri poterit, ut vacuus plane ventriculus & intestina omnia jejuna? an hoc in sanguinis succique nervosi recrementa ex arteriis erit referendum? Venas portæ, quibus intestina con-



stant, facilius in eadem posse quippiam deponere, quam quidem arteriæ, mihi certis constat experimentis. Neque ex sanguinis succi que nervosi recrementis, unde, unde essent, tanta fieri posset absterfio, nullis relictis sordibus. Paucis itaque *quomodo ex cruditate*: Scilicet cum ex debilitate caloris parum novi alimenti à filtris oscillorum lacteorum fuerit exceptum, atque ex defectu novialimenti, parum quoque successerit alimenti ultimi sanguinis, exiguum autem existens alimentum ultimum cum illud laxas invenerit vasorum sanguineorum vias illas liberè commearipotuerit, non opus habens ut per glandularum aliarum minima cribra adactum multum feri deponeret. Hincque adeò à glandulis intestinalibus (illas *Exc. Peyerii* supponamus) nihil novi muci apponi, cum alius quivis mucus à sorbitionibus, quibus misella usa fuit, sit deterfus; atque deficiente usu, collabentibus scilicet vasis, obliteratæ quoque glandulæ.

III. *Calore laticis vitalis omnem vita salutisq; constare rationem: hinc membranarum densitas præter solitum, Peritonæi, Mesenterii, Pericardii; hinc sordium ubiq; situs; hinc malè connexa plerarumq; partium series, & ut Lucretius:*

*Multa sine ore etiam, sine vultu cæca reperta,  
Vinctaq; membrorum per totum corpus adhesus;*

*hinc musculorum gracilitas, adipis defectus &c.* Præclarè itaque Philosophus, quod caloris imperio, materiæ servitio corporum & generatio & nutritio & auctio; debilitate autem *istius*, hujus impuritate (quæ sunt cruditatis & iniquationis) succedat *μολυσσις & ἀπεψία* vid. 4. *Meteor.* 1. quod cum innumeræ anatomæ liquidò demonstrent, mirari subit, esse qui negant primarum qualitarum cognitionem Arti Medicæ quicquam conferre. Utur enim secundis suas laudes non invidiam, non omnia tamen illis cedere autumo: vel explicentur ista Phænomena secundis aut etiam tertiis qualitatibus?

IV. *Glandulas humorum collectioni inservire, est Coi, libro de glandulis, & Auctoris anat. vivor. apud Galenum; quare diarrhoæa*

rhœa omne humidum per alvum egerente, glandulas suo munere exauctóratas necesse erat contabescere.

V. *Febriculam ex glandularum vitio oriri, idem Cons loc. cit. ostendit.*

VI. An defectus *Pancreatis* arguet, ipsum non nisi *humorum collectioni* esse destinatum?

VII. An quoque *Pancreatis usus* ex liene gemino colligi potest? siquidem naturæ puto ingenio hoc deberi, quæ sagax, partium, idem servitium subeuntium, decrementsa magmentis aliarum pensat.

VIII. *Geminum Lienem* jam tum *Aristotel. 4. d. Gen. Animal. 4.* dignum judicavit, quem annotaret inter illa quæ raro occurrunt: geminus & Exc. *Hardero* in cadavere puellæ decennis repertus. (*Exercit. Anatom. & Medic. 49.*) Atque etiam *ex cane* reverâ geminus mihi à discipulo oblatus, docente illud *Tabella Fig. XVI.*

IX. An *folliculus fellis* tantum *sinus* erit *ductus cholidochici*?

X. *Renum naturam* infantibus glandulosam solenniter Exc. *Raygerus* annotavit *Ephem. Germ. Ann. VI. & VII. Observat. CCII.* Confirmantibus idem *D. Andrea de Balsamat. Clauderi & Bilsii Hipp. L. d. gland. & off. natura. Aretæo L. 2. d. acut. sign. & caus. c. 9. L. 2. d. diut. sign. & caus. c. 3. Arist. 3. d. Par. Animal. c. 9.* Verum hóc exemplo parum huic sententiæ accedet roboris, cum p. n. dici possit ita evenisse.

XI. *Calculorum in renibus generatio, eorundemq; in ureteres ingressus* quomodo contingere possit, luculenter exponit *Aretæus loc. citat.*

XII. *Hymenem morbo perire.*

XIII. An *caruncula myrtiformes rugarum* erunt *protuberantia, an magis hymenis disrupti lacinia*? Qua de re *B. C. D. in Tract. de generatione Viviparorum ex ovo* fusius; plures hymenum exhibiturus delineationes, prout in tenerrimis & integerrimis puellis hic flos se conspiciendum præbuit.

Fig. XV. & XVI.

P 3

A. pars



- A* Pars Ventriculi præcisa,
- B* Pars Omenti.
- C* Vasa splenica.
- DD* Corpus lienis majoris ad crassit.
- E* Pars Diaphragmatis pendula.
- F* Lien minor.
- G* Vasa per omenti membranam transparentia quibus majori connectebatur.
- H* Glandula majuscula, quæ loco Pancreatis erat, & eandem cum Liene majori venam habebat & arteriam: truncus etiam vasorum h. l. per quem injectio facta.
- I* Locus, qui connexionem renis sinistri cum liene majori & Diaphragmate exhibet.
- K* Vasa brevia ad Ventriculum excurrentia.

*Alia facies. B*

- A* Ventriculi pars.
- B* Major lien ad latitud.
- C* Lacinia Diaphragmatis.
- DD* Crassit. lienis minoris.
- EE* Vasa per quæ injectione in majorem facta, hic parvus etiam intumescebat.

Fig. XVI. Explicatio.

- A* Lien major.
- B* Lien minor.
- C* Membrana tenuis pellucida interstitium faciens inter utrumque.
- DD* Vasa.
- EEEE* Pinguedo reclinata.



Fig: 15.  
p. 118.



Fig: 16.  
p. 118.





## OBSERVATIO LXII.

D. PHILIPPI JACOBI HARTMANNI,  
Anatome Phrenitici.

**E**X eodem Xenodochio fuit, qui febre per semestre spatium afflictus, tandem in delirium incidit, saltuque in coelum enisurus, in aquam se præcipitarat, vixque huic periculo vel cum Sospitatoris exitio ereptus, graviori aliquot dierum furore agitatus, animam efflavit.

*Ex partibus motoriiis: Musculos rectos separanti, pyramides* portionem horum constituere videbantur.

*Peritonæum* crassum admodum.

*Ex nutritiis: (1.) Novum alimentum præparantibus: Intestina* tabes infecerat, adeò emarcuerant.

*Receptaculum Chyli & Pancreas Asellii* ex Mesenterio evolvantibus, locus, ubi lactei ductus ad glandulam majorem tendunt, *corpus durum*, ossiculi cerasi, vel pisi majoris specie obtulit; ipsiusque *glandule majoris tumor* præter naturalis visus, tactui, vitium subesse, dignoscendum præbuit; uti in detectâ paruit, quid monstri aleret; cum detractâ membranâ, *pars ejus superior grumosa* casei recentis speciem referret, *inferiori in lapideam duritiem concretâ*; caseosum istud Solis calori exposui, quo in niveum corpus gypseum abiit, uti adhuc fidem faciet asservata glandula. *Minor glandula* tota calculi naturam induerat, aspera ubi membranis illam denudaras. Consulatur *Fig. XVII.*

*(2.) Ultimum Alimentum defecantibus: Hepar* magnitudine vastum, & pondere grave, quale non memini *friabile*, minus soliditatis habens, levissimo contactu in fissuras & rimas dilabens, pluribus ligamentis dextro lateri erat annexum.

*Vesicam felleis* dissecanti, multa viscosa, crassaque *bilis* picis liquidæ instar, qualis ex cysti bubulâ ultimò, exiit; *Pori biliarii liquor* longe subtilior erat & fluidior. Partes vicinas Hepatis



tis aliorumque viscerum nullo colore bilis tinxerat. *Fundi vesica interna facies* reticulatum opus exprimebat. *In cervice aperta*, *rugas* plures observavi, quas inter una insignior, quæ minori permittebat majori stilo denegabat aditum; nullâ tamen membranê comparente valvulâ. *Cholodochicus communis* recto ductu itidem à poro biliario descendebat, incurvato tramite ad illum accedente *cystico*; *pori biliarii unicus truncus externus sub Parenchymate Hepatis* in duos ramos erat divisus.

*Lien* vastus, malè compactus; cùm levi pressura distringeretur, quomodo putrefacta solent, colore intus aterrimo, non item extus. *Mirabilis species*, qualem *Aristoteles 3. d. Part. Animal. 7.* Quadrupedum oviparorum dicit, *reniformis*, magnum enim renem dorso æqualiter declivi & convexo referebat, cavernulis item sive recessibus quibusdam foveas præsentabat, quibus inserta erant vasa portæ, uti emulgentia renibus inseri videmus; *Crassities* latitudinem æquabat, ut de pondere conjectura sumi possit: videatur *Tabula Fig. XVIII.*

*Vasa brevia*, inflatâ venâ Portæ, satis conspicua, per quæ eâdem operâ insigniter etiam intumescere ventriculus.

*Pancreas Scirrhus* erat infectum, minimis glandulis induratis: neq; *ductus Virsungianus* se sistebat quærentibus, unico foramine perforato duodeno. Crassissimam Pancreatis partem rectâ transibat *vena Porta*, quæ pollicem caperet amplitudine.

(3.) *Ultimum Alimentum coquentibus*: *Cor* parvitate memorabile, vix bimuli æquabat pugnum.

*Pulmonum* pars diaphragmati, pars sterno, multis fibris & distinctis tunicis erat connexa. Tribus in dextro, duobus in sinistro lobis.

*Ex partibus sensoriis*: turgidis omnibus, matrem duram cranio minime adhærere advertimus; incisâ autem eâdem cruor & sanies diluta effluebant affatim. Hinc *sinum falcatum* patefacientibus, vermiculus quasi sanguini innatare visus, quem uncò extrahentes blande concretam sub albidam massam, quæ carnem mentiretur, *polypi figurâ* fuisse constitit. *Ad Torcular*

*Hero-*

A. Portio Mesenterii qua Vertebriis adhæret.  
 B.B.B.B. magnitudo protuberantis glandulæ majoris sive Pancreatis Asellii gypso-lapidescentis.

C.C.C. Vasa excurrentia per pancreas Asellii.  
 D. Alia glandula minor vel officulum cera  
 E. Ejusdem glandulæ detractis mem-  
 senterii et propriis.



A. Ramus splenicus ex vena portæ. B.B.B. Cavernulæ quibus laciniae omenti erant  
 immensoe decur-  
 rentibus una  
 vasis qui-  
 busdam







*Herophili* extendens brachia excurrerat, ubi divisus ramis duos sinus transversos occupabat; erat latitudine pennæ mediocris ubi crassissimus; finiebat in quarti sinus confinio, Torculari *Herophili* multo cruore oppleto.

*Matre durâ* circumcirca recisâ & sublatâ, *pia* occurrit illaesa, multis vasis turgida; stagnante in interstitiis anfractuum copiâ subcœrulei humoris. Curiositatis ergo *piam* accurate separans, illam alteram duram matrem exhibui, non solum quod crassitiem tunicæ, sed & quod amplitudinem vasorum; eademque à cortice cerebri facilius quam unquam dura à piâ, auferebatur, cum nullo adhæsu cortici esset annexa, quô ipsô subcœruleus per *piam* translucens humor effusus se lympham intuentibus probavit.

*Anfractus* vero corticis cerebri, piâ hâc matre semotâ, nudiprorsus, omni membranâ destituti, præclaro spectaculo, intestinulorum vel funiculorum seriem quandam dispositam digitis ordine explicandam offerebant, nullis in ipsorum superficie conspicuis vasis, sive sanguineis, sive lymphaticis, saltem, uti cocta agnorum aut vitulorum intestina tenuia, tubulos erectos dense coagmentatos exhibebant: adeg i cultrum per corticem ad medullam usque, crebrâque sanguinea stigmata in medullâ hinc inde animadversa.

*Ventriculi* madidi lympham agitatione dilapsam arguebant, tertio adhuc cochlearis mensurâ sat puram effundente.

Exinde *plexus Choroides* nostrum sollicitavit studium, *pineali glandulâ* nihil singulare demonstrante; atque *plexus* prorsus non sanguineum colorem præ se tulit, sed albicans magis pallidumve glandulosum aliquod corpus exhibuit, præprimis in extimo limbo conspicuis glandulis compluribus.

*Medullam oblongam* instar arboreti jucundissimi vasorum mirabilis *plexus* succinxerat.

### Usus ex anatome Phrenitici.

I. *Phrenitidis causam*, si modo unquam, non semper tamen meningum aut cerebri esse inflammationem.

Dec. II. Annus V.

Q

II. Cl.



II. Cl. Willis part. 2. de anim. brut. c. 10. Phrenitidem à meningum inflammatione oriri posse negans, ipsam spirituum animalium inflammationi vindicat, particulis sulphureis à sanguine in cerebri claustra suffusis, illosque spiritus ibidem continenter accendentibus. Ex nostrâ Historiâ huic Sententia Willisii quod faveret, illud forte esset, quod stigmatibus sanguineis interior medulla fuerit dispuncta, unde qui medullam subiit sanguis sulphureæ admodum naturæ judicari poterat. Revera enim *f. n. neque corticem, nedum medullam subintrant vasa sanguinea*; quomodo forsitan capiendus Arist. 1. de Hist. animal. 16. &c. Quando cerebro sanguinem & vasa sanguinea denegat; non obstante quod per injectiones iter liquor, vel ipse sanguis, in medullam adigi possit; aut quod etiam in ferocibus animalibus, quibus vivaq; adhuc animaq; aliquid retinentia membra dilaniamus, medullam notis sanguineis distinctam non unâ vice observaverimus. An quoque ex Whartoni, Malpighii, Willisii, & cæterorum Sententia cerebri medulla aut cortex *f. n.* minimè aliquid sanguinis admittet?

III. Verum an phrenitis, hujus nostri, incendio spirituum animalium, à sulphureo sanguine excitato, debeat, multa reddent dubium: (1) Omnes anfractus, omnes ventriculos lymphæ inundarat: (2) Plexus Choroides ex sanguis; (3) Polypus sinui falcato immersus; (4) Sanguinis quodcunque adfuit admodum dilutum; (5) Pia mater incrassata & avulsa; hæc omnia non sulphurei alicujus incendii, sed aquei alicujus diluvii patrata diceres facinora.

IV. Sanè videtur febris diuturna omnes exhausisse caloris nativi vires, quo factum ut sanguis sursum ad cerebrum adactus, hujus frigore superatus, polypo materiem relinquere coactus fuerit; atque cum novus, qui accessit sanguis, pariter generoso calore minus esset coctus, in viis latiusculis commearum solum obtinuit, totoque corpore non valens minima penetrare, subtilissimum ichorem per angustias viarum transmissit, stagnante crassiori; hincque adeo in sulcis sive liris  
corticis

corticis cerebri exundavit lymphæ; hinc in ventriculos eadem exstillavit per plexus Choroideos; hinc pia dura reddita mater. Interea verò cum justum incrementum *Polypus* accepit, ut sinum falcatum ferme obturavit, circa torcular imprimis, coarctatio hinc & depressio meningum atque cerebri, impedito cursu sanguinis, non sine dolore, *proxima* puto *Phrenitidis* nostro fuerit causa: *Conf. Exc. Pechlini Eph. Germ. An. IX. & X. Observ. XXV.* Sanguinea verò puncta in medulla ex vehementia commoti sanguinis, quando viam vi sibi fecit furore æstuantis succensus.

V. *Dari vasorum lacteorum obstructionem.*

VI. *Eandem ad glandulas majores febris causam huic nostro extitisse.*

VII. *Ubiq; locorum in corpore animato calculos generari posse.*

VIII. *Generationem calculorum non esse momentaneam, sed coagulata particulâ, illi aliâ atque aliâ novè appositâ tandem corpus justum exsurgere, inæquali primum duritie, donec tempus omnia solidaverit.*

IX. *Non solum sal, aut terram, sed & viscidum caseosum materiam calculis præbere, uti in hoc nostro chylus lymphâ suâ destitutus.*

X. *Viscerum Hepatis & Lienis friabilitatem refero in defectum lymphæ, quod hæc ob glandulæ majoris obstaculum ad ductum thoracicum non tam liberè commeaverit, unde torridus sanguis redditus, præsertim lymphâ in cerebro insuper suppressâ.*

XI. *Eidem lymphæ defectui viscositas & crassities bilis in folliculo adscribenda.*

XII. *Non semper tenuiorem esse bilem vesicæ, quamvis Cl. Diemerbrockii istud fuerit placitum, sed contingere ut pororum bilis sit fluidior & tenuior.*

XIII. *Hippocrates d. morb. mul. c. 87. d. liene magno §. 11. Succedit autem ex hoc semper hydrops: huic minimè suffragatur*



nostra Historia. At *græcus Textus*, qui addit ἀπὸ τοῦ πόλῳ, Hippocratis propositionem forsitan defender.

XIV. Non opus habere naturam ubiq; valvulis membraneis, pro instituto suo sive arcendi, sive admittendi quippiam, e. g. in cervice cysteos.

XV. An *vesica fellis* nil aliud erit, quam *sinus cholidochici*?

XVI. An *male ductus Hepaticus* à *poro biliario* distinguitur? rectius sanè *cholidochicus*, quinunc audit communis, truncus supponendus, cujus rami designandi aut divaricationes; quodque alii rami *Parenchymati hepatis* incumbant, alii verò idem subintrent.

XVII. Duri à *vena Porta* ad *ventriculum* per *lienem* *com-  
meatum*; an vero & s. n.?

XVIII. *Pancreatis Scirrhus* in *defectum lymphæ* aliquando referendus.

XIX. An *parvitas cordis* præternaturalis dicenda, ex *pau-  
citate sanguinis*?

XX. *Pulmonis* alterius *tria fissa* inter rariora notanda vult *Cl. Bartholinus*.

XXI. *Pia mater* p. n. illustriorem adhuc reddet luculentam *descriptionem* ejus s. n. apud *Cl. Willisium anat. cerebr. c. 7.*

XXII. Favet nostra observatio *corticalibus* sive *glandulis* sive *tubulis* *Exc. Malpighii*.

XXIII. Stabilitur eadem quoque *Sententia Willisii loc. cit. c. 12.* quod *plexus Choroidei glandula* sint destinatae sero, sive *cerebri*, sive *cerebelli*, digerendo.

XXIV. *Glandulas plexus Choroidei* sæpius vix conspicuas an-  
notat *Diemerbrockius*.

Fig. XVII. & XVIII.

## OBSERVATIO LXIII.

D. PHILIPPI JACOBI HARTMANNI,  
Anatome Herniosæ & Asciticæ.

**I**dem tempus, idem Xenodochium mihi obtulit vetulam hydropè extinctam.

*Ex motoriiis: Umbilici* protuberantia nos invitavit, ut cutem illicò circumcideremus; quâ à subjecta pinguedine liberatâ, loco umbilici emerfit sacculus peculiaris, quem aperientes portione insigni omenti, eâque incorruptâ infarctum vidimus, *Omphalo-epiplocelen*, umbilici ex omento Herniam qui constituerat. Indagantes quâ viâ omentum perrupisset, singulare foramen ex peritonæo protenso efformatum offendimus; ex hoc omnem illam omenti partem licebat educere, & per idem in sacculum rursus intrudere, cum cætera liberum esset omentum, nisi quod exigua ejus particula, intercedentibus fibris, margini foraminis accreverat; istarum adeo firmum erat vinculum; ut ferro saltem cederet. *Ligamenta ex umbilicalibus* s. n. erant impervia, uti in aliis adultis fieri amat.

*Ex nutritiis: Expreparantibus Venterculus & intestina* aquâ exundabant, quâ etiam tota cavitas abdominis exuberabat.

*Mesenterium* quoque aqueis sulcis ita divisum erat, ut diluceret; his rivulis vasorum semitas occupantibus.

*Ex Defecantibus: Omentum* minus pingue erat. *Pinguedo* verò quæ *Mesenterium* obsidebat aqueis ductibus erat uvida atque irrigua; ast quæ *musculos* investiebat, à lymphâ prorsus erat immunis, ut tamen ad flavedinem plus justo inclinaret.

*Hepar*, nullâ re, nisi colore, flavis punctis ipsius superficiem pingentibus, suspectum se reddebat. In dissecto verò *Malpighii* sententiam aliquid ex vero trahere advertimus, quando *glandularum compagem* *hepar* adstruit; lobulis enim sibi succenturiantibus per totam profunditatem undique *hepar* ef-



factum erat. Idem flavo colore à reliqua parte discriminati *Scirrhum* quendam referebant, utut leviusculum. *Venarum porta* & *pororum biliariorum sedem* hi racemi invaserant; merè botryoides, nullo caule longiori aut pedunculo, sed punctulis sive glandulis parvulo intervallo disjunctis unicè infignes.

*Vesica felle* minimè turgida; cervice ejus inclinante, *Cholidochicus communis* rectâ lineâ *peri biliarii continuatio* comparabat. *Apertâ cervice plures rugæ*, sex circiter, mentiebantur valvulas, quæ crassiorem stilum morabantur, subtiliori præterlabente. *Bilis presso* fortius *folliculo*, quamvis adeo spissa non esset, lente tamen effluebat; tinxerat & omenti & hepatis partem flavedine. *Fundi interior tunica* reticulatum opus, quali facie ventriculus ruminantium cornigerorum, κεράφαλον, exprimebat. *Porus biliaris* in duos ramos sub hepatis Parenchymate discedebat.

*Lien* parvus, palmam vix longitudine & latitudine æquans, rhomboideâ figurâ, satis solidus, & naturæ respondens.

*Renibus* aderat pinguedo; situs sinistri altior.

*Capsula atra-biliaria*, oblongæ pennæ crassitiem vix æquantes: Ductum intus notabilem monstrabant nullum, coherentibus arctè lateribus, utut qualiscunque alveoli signum exstaret, atro humore lineam quandam in mediis efformante.

Reliqua naturæ vultum retinebant, saltem quod *Pancreas* grandinosâ duritie: *Ductui Virsungiano* stilus immissus, per foramen Cholidochici in duodenum exibat, à quo tamen versus pancreaticum stilo penetrare erat impossibile.

(3.) *Ex coquentibus*: *Cor* vastum erat, digitos transversos sex & ultra latum: concreto sanguine, non item polypo, *ventriculi* erant oppleti.

*Pulmones* speciosi, quod texturam, quam ex facie externâ erat legere, ad Malpighii mentem adumbrarent egregie. *Marmorea* tibi finge *lineamenta*, in quibus vario ductuum lusu hinc inde

inde centra (ita Plinius duritiem in marmore clavo similem appellat) & infinitos circinnos Naturæ effinxit ingenium; Istum in modum turgidos pulmones discurrentes sanguinei delineant tubuli, infinitis ambagibus de errantibus vivis, & ad cisternulas quasdam certis intervallis & figuris contendentibus; quod ipsum tantò illustriorem præbebat conspectum, quanto saturi magis coloris sanguis per vasa extantiora transmicaret.

*Ex genitalibus: Uteri vagina absque rugis erat; orificium densiusculo corpore hians.*

*Testium species notatu digna, quod exterior anfractuoso- rum ductuum implicatas undique exponeret series, quales inflatis spermaticis in Epididymidibus masculorum est obtinere: Dissecti vero Anfractus incrassatam variisque rugis condensatam monstrabant tunicam albam; reliquo corpore carneo solido.*

Memorabiles quoque *Tuba Fallopiana* imperviæ prorsus, five cœcæ, ligamenti instar cultro dividendæ. *Fimbriatum five foliaceum ornamentum* in carneas glebularum exiguas concesserat; *Orificium* vero ipsum in globosum caput coaluerat; ab utroque latere hinc inde vesiculis diversæ magnitudinis limpidis. Quæ omnia rectius in *Tractatu de generatione Viviparorum ex ovo* sistet tabula.

### Usus ex Anatome Herniosa & Ascitica.

I. Non à peritonæi rupturâ aut vulnere herniam semper, sed à laxatione qualicunque sæpius; *Paræus lib. 7. c. 13.* rectè descripsit, qualem in hac herniam invenimus.

II. *Difficultatem curandi herniam ex accretâ quantulacunque ad angustias meatûs portione.*

III. *Differre Anasarcam five aquam inter cutem ab Ascite, quod in hac Hydropis specie, musculorum caro & pinguedo non sit inundata, vid. Aræus lib. 2. c. 1. de sign. & caus. chronicorum.*

IV. *Pinguedinem esse ex abundantia ultimi alimenti concocti, vid. Aristoteles 1. de generat. Animal. c. 18.*

V. Rectè



V. Rectè quidem *Galenus*, quod non semper; erit tamen sapius ex hepatis scirrho *Ascites*.

VI. Hepatis Scirrhum ut plurimum in poris biliariis, aut ramis *Portæ*, deprehendes, non æquè in ramis venæ cavæ, nedum arteriæ.

VII. Nisi me animus fallit, glandulas *Mulpighii* in Hepate innumeros diverforum vasorum plexus in fibrillis minimis auguror.

VIII. *Choliodochico* communi trunco; vesiculâ fellis sinu; poris biliariis ramis, frustrâ hepatico ductu vasorum obscuratur doctrina.

IX. An cavernula memoratæ cervicis p. n.? an natura illis usa est loco valvularum membranearum?

X. *Posse bilem intra vesicam diutius detentam acrimoniam acquirere.* Cur autem in hac nostrâ diutius *Cystis* bilem detinuerit, in causa forte Scirrhus pororum biliariorum fuit, qui fecit, ut parum bilis ex hepate exstillarit, multò minus autem redundarit, unde neque turgidum vesicæ receptaculum redditum, neque penus bilis vetus novo seroso fuit dilutus, atque ventriculo cystin non exonerante comprimendo, inveterata bilis acrior evasit.

XI. *Per fundum vesicæ posse venam Portæ minimis suis extremitatibus aliquid effundere*, mihi aliis experimentis constat: Saltem id notatu dignum judicavi, quod per injectiones aliquando talem reticulatam speciem fundo vesicæ conciliaverim. An vero in hac nostra cancellatum istud opus fuit p. n.? cum obstructis poris biliariis, quâ data porta ruere bilem oportebat.

XII. Non hepatis solum, sed & aliorum viscerum defecantium obstructionem conferre ad *Ascitæ* generationem; e. g. pancreatis.

XIII. An cordis amplitudo caloris debilis index?

XIV. An melior portio sanguinis ad superiora contendit, relicto aquoso & feculento partibus inferioribus? ista *Aristotelis* est senten-

sententia, & pulmones in hac Nostra illud adstruunt, cum in reliquo corpore aquosus prorsus esset sanguis.

XV. Ex pulmonum datâ delineatione, forte illustrari possunt *Stigmata Hippocrati in pulmonibus dicta*; in quæ v. d. Lindel *Medicinæ Physiologicæ* c. 6. art. 20. §. 183. prolixius commentatur, contendens stigmata illa spumosa s. n. atque ita corrigendam esse lectionem ἀφρώδεις, non ut Foes. in *Oeconom.* ἀφρώδεις; cum neget pulmones notis sive maculis nigricantibus esse insignitos, nisi nicotianæ delectati fuerint fumo.

XVI. *Rugas deletas vagina, orificium uteri densius & hians, hydropis vitio.*

XVII. *Anfractus vero testium tunica*, nescio an quid aliud velint, quàm quod distincta in foeminarum testibus occurrant corpora. Quod *ovarium* vulgo nunc audit, in quo ova collocantur, Epididymidibus; *carneum* vero ipsis testibus virilibus respondeat; quando igitur ova generare tunica nescivit, quod sanguinis abundantia ab Ascite in cavitate ventris absumpta, evanuit usus ovarii. An vero ætati senili ista debetur facies?

XVIII. Sed quid de ovis sive vesiculis ad tubam Fallopiam, eamq. cæcam, variâ magnitudine dispersis. An naturæ hæc est sive providentia, sive necessitas, ut penset aliarum partium damna? abusa itaque est istis locis extra tubam, quando in testium dictâ tunicâ serosum semen muliebri secernere minus potuit. Verum Sententiam de generatione viviparorum ex ovo peculiaris exponet tractatus, qui sua reddet, quæcunque ex usu inveniet.



## OBSERVATIO LXIV.

D. PHILIPPI JACOBI HARTMANNI,  
Anatome Asciticæ.

**E**odem anno, Xenodochium minus, suburbanum, vetulam quandam, parili morbi genere enectam, secandam exhibuit, *Exc. D. Starckio, Collega & Amico candidissimo, Auctore*, qui eandem mecum inspexit.

*Ad umbilicum lineâ albâ* exiguo foramine perforatâ (quod ego facilius & commodius duco, quàm ad musculos transversos viam facere) multum aquæ exibat, loturæ carniū similis, citra insignem foetorem.

*Abdomine aperto ex nutritiis (1) Preparantibus* : Intestina aquâ plena, marcido colore contabuerant.

(2) *Defecantibus* : singularis omenti species, quippe pinguedine omni consumptâ, nec membranae vestigium, nisi ad colon & ventriculum, illudque exile admodum, reliquum, fuit : *Majora* autem *vasa sanguinea omenti*, funiculos aterrimos, vel magis cruorem in crassâ fila malè cohærentia diductum, non intertextâ ullâ aliâ compage, decussatim hinc illinc, magnis intervallis, intestina irretientem ob oculos ponebant.

*Hepar* illicò *Scirrhum* manifesto prodebat, asperum ad tactum, eminentibus alicubi etiam tumoribus flavedine bilis infectis. *In dissecto* evidentius hoc erat videre, quod & majores, & densiores, grandines flavescentes totum occupassent; quippe cum sanguinis tincturâ quod esset imbutum, vix linearum tenuissimarum intercurrentium quantitate conspiceretur.

*Summitate Orbiculari, capite Extorum nobis in Exercitatu de originibus Anatomicis* demonstrato, & *crepidine sinistrae partis* totum *diaphragmati* erat adnatum. *Portae* utrinque in simâ, globorum rotundorum in modum protuberabant.

Præterquam quod Omenti & hepatis illa erat pessima facies,

cies, nec reliquæ partes labe carebant. *Vesica felle* turgida, dissecta aterrimam effudit bilem, crassam & male fluidam, qualis sanguinis fex subsidens in febribus malignis, fibris dissolutis: Rob cerasorum nigrorum grumosum dixisses, quod colore æquè & consistentiâ referebat.

*Lienis externa tunica* crassa, pustularum subalbidarum numero plures dabat tumores; *interior substantia* justo licet solidior, notabilem tamen Scirrhum ostendebat minimè. *Species ejus* singularis renes æmulata, recedentibus introrsum in quasdam cavitates vasis, ad figuram, quam in *Phrenitici Anatome* dedimus, accedebat.

*Pancreas* solito durius grandinosum.

*Renum* communis membrana putris, & mucosa, deficiente pinguedine; salvâ tamen substantiâ.

(3) *Coquentibus*: *Pulmo* non unis fibris, sed integris lobis undique coaluerat, cum diaphragmate, cum Pleura, cum pericardio.

*Pericardium* aquâ destitutum, justo crassius, diaphragmati revinctum amplissimum efformarat alveum.

In quo *Cor* adeo vastum ut latitudine & longitudine superaret bovinum maximum, cui tamen crassitie cedebat, quod quasi compressi planior, non æque globosa *σφυσίλος*, turbinato mucrone, figura existeret. Illò, quod ab *Exc. Kerckringio* in *Spicilegio Anatomico* delineatum, *demptis vasis* (quæ & huic præter istam molem erant *capacissima*) duplo longius & latius, uti charta, cui impresseramus sanguineum, tabellæ Kerckringianæ admota, liquidò demonstravit. Cætera nihil portentosum ostentabat.

*Ex Genitalibus*: *Uterum* cum *tubis* & *testibus* exhibebit quondam *Tabula in Tract. de generat. vivipar. ex ovo.* præter mucum viscosum *in fundo uteri*, præter *orificium* patulum, præter unicum ad *orificium tubæ ovum*, præter *foliaceum ornamentum*, præter *foliaceas lacinias*, *figura utriusque testiculi* erat mirabilis, cum pari modo ac in illâ alterâ, *funiculi albi* pluribus



anfractibus utrumque investierant. Cultrum admovens inveni tunicam incrassatam & induratam anfractus exhibuisse, nullô ductu ullibi obvio; reliqua pars major testiculorum, carnea, solida, huic tunicæ inclusa, in altero cavernulam ex quâ sectâ aqua limpida profiliit, continebat.

### *Ufus ex Anatome Ascitica.*

I. Quod debilitas caloris causa fuerit hydropis, conf. ex *Cl. Bartholini Cent. III. Hist. 83.*

II. Aquam loturæ carniū similem, ex vasis scilicet, per colliquationem consumptis, itidem *Bartholinus loc. cit. Hist. 81.* observavit.

III. Omentum consumptum in hydrope, ex *Parvii Observ. 5. & 29. ad Cent. IV. Hist. Barthol. Conf. Cent. 1. Observ. 2.*

IV. Colliquationis gradus: Primò partes humidiores aut minus siccae consumuntur e. g. pinguedo; hinc membranæ rariores, tandem & vasorum compactæ tunicæ.

V. Quid causa fuerit, quod in majoribus vasis sanguis, & quidem coagulatus hæsit; an acidum? an magis quod circuitus sanguinis impeditus, & quod venæ Portæ sanguis lymphâ parum dilutus, ad majora hæc vasa concesserit, ut partim ex defectu fluidi, partim ex defectu caloris sanguis in hæc vasa impactus crassior substituerit. Mihi sane uti in aliis pluribus ita etiam in hoc Phænomeno aliæ quævis causæ adducendæ, quam acidum. Neque enim quia acidum aliquando talia efficit, ideo & semper; cum plures ejusdem rei possint esse causæ. Atque si aliquantum tempus ægrotæ vita protraxisset, acidum non fuisset prohibitorium, quo minus & hæc majora vasa, & illorum intus cruor, colluviei serosæ alluvione itidem consumpta fuissent.

VI. Obstructio pororum biliariorum negato à lymphâ, terrestri venæ Portæ sanguini, commeatu; cum bilis à lymphâ non digesta aut macerata per cribra venæ Portæ in poros biliarios excuti non potuerit.

VII. In-

VII. Inde adeo solitis viis non exonerata lymphæ in abdomen & intestina redundavit; inde Pancreatis Scirrhus, & Lienis induratio, inde bilis in vesicæ grumositas.

VIII. Ex obstructione illâ quoque calor colliquans absque dubio, qui hoc loco nescio acido quomodo sit adscribendus.

IX. Stagnationi quoque sanguinis crassioris coalitiones pulmonum debent originem.

X. Pericardii & cordis magnitudo Bartholino quoque in hydrope observata Cent. II. hist. 66. debilitati caloris quidem adscribenda generalius loquendo; sed propius ad causam accedendo, cum venæ Portæ sanguis à poris biliaris, bile sive terrestriori portione non sequestratâ, feculentus in cavam, & magnâ copâ irruat, citra dubium etiam turgidus & tumultuarius cor ingressus est, unde dilatatio; Cor hunc non potuit ita concoquere, ut aptus existeret ad subeunda vasa secretoria, reliquit itaque feculentum rursus per corpus distribuendum, in quo debilitas cordis erit; sanguis vero istiusmodi degener circulo solito vim solitam cordi subinde intulit.

XI. Ovarum extra testes in vetula effœtâ, cui uterus muco obfitus, hiante orificio, infelicitè ovarium gallinarum excludet in genere humano.

XII. Foliacea ornamenta cum laciniis favent Regnero de Graaf contra Syvammerdammium.

XIII. Tunica illa anfractuosa crassa alba testes involvens, multum confirmat istam conjecturam, quod sic dicta ova & ovaria Epydidymidibus Sexûs Masculi respondeant; illâ enim tunicâ oblitteratâ, oblitteratum & ovarium.

XIV. An quoque in carnosâ substantia vesicula, indice cavernulâ, idem approbavit? negatâ enim excretionè serosi seminis per ovarium, in solidiori testium corpore istud colligi contigit.



## OBSERVATIO LXV.

D. PHILIPPI JACOBI HARTMANNI,  
Anatome tabidi.

**P**uer erat septem circiter annorum, ossa atque cutis, quippe per semestre spatium tabe exaruerat, qualem suis coloribus depingit *Aretæus 1. d. caus. & sign. diurn. c. 8.* hic Lethargo, ubi

*Somno sic membra gravantur  
ut se conjungat letho sopor altus acerbo:*

Defunctus, oculos in facie Hippocratica ostendebat apertos: cujus Anatomem *Valentia in Delphinatu Anno 1678. M. Febr.* unâ mecum suscipiente *Exc. D. Manget* ista annotata.

*Ex partibus nutritiis: (1.) Novum alimentum præparantibus; Ventriculus* prorsus jejunos, flaccidus, in se subsidens, crassius solum præsentabat intestinum. *Intestinorum* autem lividus color, pustulis undique eminentibus putredinem manifestabat, accedente foetore, intolerabili, qui ipsa incidere ac rimari accuratius prohibebat.

*(2.) ultimum alimentum defecantibus; Cum Omentum* nullam sui notam reliquisset, præter membraneam quandam particulam Hepati substratam propendulamque.

*Hepar* occurrit mole insigni, quâ ventriculum & Lienem obtegebat, colore nullum prodente vitium. In parte dextrâ tangenti durities se offerebat, Scirrhus tamen in dissecis particulis minus manifesto.

*Vesica felle* satis ampla & longa suoque humore turgens.

*Lienis magnitudo* naturæ congruebat, colore haud alieno, nisi ubi asperitates in superficie ipsum corruperant.

*Renes* quantum tactu erat percipere, neque enim eximus, quasi in duos lobos dehiscens, insigni circa pelvim cavitare, & digitus infereretur facilè, omni deficiente pinguedine.

*Vesica* tumida eminebat, grandior ipso ventriculo.

*Glan-*

*Glandularum* autem maxime memorabilis erat *conditio*. *Pancreas* crassum & grande, intestini crassi dixisses portionem, colore minimè fœdo, nec *Scirrhus* multum erat induratum, nisi quod extremis membranarum limbis, plures albas duriusculas, seorsim suspensas, demonstraret glandulas.

Atque cum *Mesenterium* inquireremus, nullum solitâ specie erat obvium, sed numerosâ *glandularum*, majorum, minorum, congeries, centum numerasses & ultra, præprimis in confinio *Intestinorum*, *Mesenterii* latifundia obsederat; *Pancrea-ri Asellii* non dissimiles, colore, duritie; magnitudine quoque plures pisum, quin lupinum excedebant; formâ ab ovium cotyledonibus non prorsus alienâ.

(3.) *Ultimum alimentum coquentibus*: *Sternum* solventibus, & attollentibus, mirabile visu, nullâ pulmonis specie, cor unicè in *Thoracis* regiâ comparuit.

Sed cum nudum nullâque membranâ tectum cor deprehenderemus, illicò subiit animum suspicio, istam expansam condensatamque albam tunicam, quæ omnem capacitatem penetralium pectoris investiebat, nullo lymphæ indicio, ipsum metesse *pericardium*.

Atque *Pulmones* huic subnexi, in angustiis coarctati, non solum *Sterno* per *pericardium*, sed & *pleuris* undique, in modum quo a vibus adnati erant, ut non nisi dilaceratione à costis diripi, aut etiam à *pericardio* expediri possent. Hæc præter nil in pulmonibus memorabile.

Dum *Cor* educebamus, sectis vasis, ex grumoso sanguine de *polypo* sumptum indicium, quem liventi facie carneâ in *dextro ventriculo*, cujus fundo ductu exili adhærebat, advertimus; extractusque ex vena cava longitudine duos articulos, crassitie æquabat calamum, lentâ pituitâ tenacior, carnis teneræ instar discindi poterat, non verò ut mucus dissolvi aut distrahi. Verus, qualem *Exc. Pechlinus* in lib. d. habit. & color. *Æthiopum* demonstrat solidè. *Sinistro ventriculo*, s. n. erant omnia.

Ex



*Ex partibus sensoriis : Cranio aperto, dura mater crassa admodum, nullibi, ne quidem ad futuras, adhærescens; .sinu falcato insigniter denso; corpus cerebri vastum & distentum, aqueis sanguineisque lividis vasis translucentibus, lymphâque passim diffuente, præsertim ubi tertium diducebamus ventriculum, ex quo humor elapsus magnam partem cranii implebat. Glandula pinealis rotunda, pisi magnitudine, semicirculis duobus candidis in superiori parte conspicua.*

### *Usus ex Anatome Tabidi.*

I. *Causam tabis quandoq; in Scirrhum glandularum Mesenterii esse referendam, cum forte & glandularum intestinorum idem fuerit vitium, non admittente novum, per lactea vasa, alimentum solidiusculum glandularum cohorte, quæ vias suâ interclusit duritie: fides huic accedet si Exc. Wepferi Sententia quâ (apud Willis de anim. brut. part. 2. c. 8.) paristhmi intumescencia, arterias pertransientes comprimendo, sanguinis aditum à capite præcludere statuit, suffragium merebitur. Neque aliud videntur ex hac historiâ collegisse Auctores Bibliotheca Anatomica Tom. I. quod non tantum in hydropse tumescant glandulae superficiei intestinorum externæ obhærentes (uti Peierus in Exercitat. 2. de glandul. annotat) sed præcipuè in iis, qui marasmo conficiuntur; nam, dum præ languore stagnat serum, facile concrevit: in hujus affirmationis probationem plures adducere possemus historias, sufficiant duæ quarum prima est puelli septennis, filii Consiliarii cujusdam in curia præsidiali Valentiniensi in Delphinatu, die sextâ Februarii Anno 1678. defuncti, &c. H. J.*

II. *Obstructio venarum Mesaraicarum, in quâ, ad Exc. Volckameri Observationem LXXI. Ephem. Germ. Anni VI. VII. Scholion candidam majorum simplicitatem multum solatii posuisse notat, numquid hoc modo intelligenda veniet? aliam carere suo fundamento, quod fere nunquam in dissecis comparuerit cadaveribus, non vanè, quantum mihi constat, idem tradit Scholion.*

III. *Pin-*

III. *Pinguedinem esse ex alimenti ultimi boni abundantia, hocque deficiente meras relinqui membranas, omentum & renalis fascia ostendunt.*

IV. *Quod alimentum ultimum si novo non reficiatur nativum perdat calorem; genuino perduto calore polypus, pericardii incrassatio & siccitas, Pulmonum flaccescencia & accretio, meningum cerebri crassities & avulsio, appetitus prostratio, intestinorum denique inquinatio & putredo.*

V. *An laudatum Scholion loc. cit. hectica argumentum indubium, consumptam omnem in pericardio humiditatem, statuens, ex hac nostrâ historiâ illustrari poterit?*

VI. *Hepar, ab ultimo residui alimenti promum condum, vitio in tabe carere potest, quousque sanguinem, quem accipit refluxum, expeditè purgatum dimittit.*

VII. *Parratio Lienis.*

VIII. *Helmontius in dubium vocans, an aliquis usus ex morbosorum Anatomis scientiæ promittendus Medicæ; in Tract. Asthma & Tussis Num. 46. & seqq. tantum non ridet asthmatis per anatonem quasitas causas, sane Anatomicos perstringit hoc nomine, quando Num. 47. asserit, quod, dum fictos humores nusquam offendunt, tamen per novaculam, omnem mortis causam substernere promittant; Primo, inquit, mirantur, tum etiam serio indignantur mortem absq. veniâ illorum adventasse. Etenim quasi in cultro spem & remedium haberent, gaudent in cadavere partem reperisse, cui necem attribuant. Verum Helmontius non potest ex morbosorum Anatomis negare usum, quem ipse Presbyteri Asthmatici historiâ suam fecerat. Dubium tamen reddit cit. num. 47. An difficultas respirandi in accretionem pulmonis transferenda? Mihi quidem non annotatum, an misellus noster isto afflictus fuerit malo, si tamen illo laboraret; dum pulmones non solum costis, sed & pericardio constricti fuerunt undiquaque, incertum foret, quodnam vinculum potior mali extiterit causa? me iudice, istud, quod pericardium injecit: Quamvis & in homine, si toti pulmones costis, uti in*



avibus fieri amat, innectantur, vitio carere neutiquam possit. Aves enim habent, quò illam necessitatem corrigant, cum ipsarum pulmones, ope certarum membranarum, spiritus liberiùs dimittere queant. Exempla autem quæ in contrarium adducit *Helmontius*, unius lobitantum, ejusque non ex omni parte annexionem videntur enarrare.

IX. Quas industrius *Willis d. anim. brut. part. 2. c. 3. Lethargi* enumerat causas; ferosâ colluvie; sive exteriores cerebri anfractus irruente, ejusque poros & meatus corticales subeunte; sive interiores ejusdem cavitates diluvio inundante; hic in exemplo habes geminas.

## OBSERVATIO LXVI.

D. PHILIPPI JACOBI HARTMANNI,  
Anatome Anasarcâ enecti.

**M**ercenarius is fuit, ætatis virilis; Anno 1680. mens. Januar. isto defunctus morbo. *Cutis* per totum corpus; utut quam levissimè stringeretur cultro, cuticulam solam penetrante acie, guttas exsudabat limpidas; undique aquâ omnes partes inundante, ut ipsius rivi *musculorum compagem* quoque dividerent, quâ species carniû oculis eriperetur: quemadmodum violentis & urgentibus injectionibus aqua vi adacta aliquando omnes texturæ fibras udas atque pellucas reddit, ut aliud quidvis, quam hoc ipsum corpus crederes; sic & in nostro minutissimis vasis lymphâ distentis lucidisque, muscoli glaciale quasi exhibebant aquam. Eadem facies erat *pinguedinis*, garum aliquod, vel gluten pellucidum novissimè concretum æmulans, intercurrente minimas particulas aquâ, quæ alibi cavernulas repleverat. Veræ autem pinguedinis, quod suam retinisset naturam, nihil aderat. *Penis* tumidus, corporibus nervosis transparentibus: cùm *scroto ac testibus* nil tale acciderat.

*Ex partibus nutritiis: (1) Præparantibus*, ad lineam albam aperto abdomine, purissima lympham magnâ copiâ exibat:

*Inte-*

*Intestina* idem diluvium invaserat: *Cæcum* exile, pennæ anserinæ crassitie, longitudine digiti, circumflexum.

(2) *Ex defecantibus*: *Omenti* membranam præsentem, suoque officio, tegendo partes intestinas, fungentem offendimus, verum vasa illam solum pertexebant, nullâ intertextâ pinguedine.

*Pancreas* longit.  $\frac{1}{4}$  ulnæ, duorum digitorum transversorum crassitie, gibbosum ab unâ, ab alterâ simum; solidum, duriusculum, grandinosum; *Ejus ductum* ex gibbosâ parte, per tunicas duos transversos digitos in duodenum descendentem, stilo facili affecuti sumus.

*In Hepate* verò nullum vitium; magnitudine, colore, substantiâ sanum referebat, neque dissecando, ubi sedulò inquisivimus, vel scirrhum, vel aquosam vesiculam ullibi animadvertimus.

*Cholidochicus* autem ductus se difficilem præbuit, negando viam ad intestinum, licet *ex vesicâ fellis* stilum eò conaremur adigere; hæc ipsa verò à labe non erat immunis, uti nec *ductus*, quod tunicâ crassissimâ constarent, ut bilis per illam pallida compareret, quæ effusa, exiguâ quantitate, justum tamen retinuerat colorem.

*Lien* omni carebat notâ, Rhomboides, colore ex nigro albicante, sparso subcœruleo.

*Renes* cætera sani, sed destituti adipe.

(3) *Ex coquentibus*: *Thoracem* dissecanti teterrimus halitus feriebat nares, *pulmonibus* alioquin recte se habentibus.

*Cordis* autem illicò mirabilis obtutus, quippe *pinguedine* propter vasa & orificia in gelatinam transformatâ, dilucidas, gummosas, tremulasque illas partes conspiciendas dabat; neque tamen ad contactum aut compressionem degener iste adeps difflebat, sed solidior firmiter satis cohærebat; *ventriculorum dextro inciso polypum*, ex sanguine diluto contextam, carnis telam cum cruore congelatam, columellarum radicibus affixam inhærere vidimus. Sectâ autem cautè *venâ cavâ*



cum arteria pulmonali, eandem carneam texturam divaricatam memorata vasa occupasse observavimus, atque ex utroque  $\frac{1}{4}$  ulnæ longa frustra extraximus, Hæ illæ furia quæ ægrum excruciarunt, ut *semper de rupturâ cordis in dextro latere conquestus* fuerit perditè. In sinistro ventriculo nihil quicquam hujus occurrit, istud tamen alieni ostendit, quod mole carnis non exsuperaret dextrum; cavitate præterea ejus minimè ad ima penetrante, Mitrales valvulæ pulmonalis venæ nec digiti minoris latitudine à fundo distabant.

### Usus ex Anatome Anasarcæ enecti.

I. *Anasarca proprium nomen intercus competit*: hanc graphicè ante oculos ponit *Aretæus* 2. de diut. sign. c. 1.

II. *Non omnem hydropem ex Jecoris vitio oriri*; cujus *Exc. D. Scultetus* (in observ. 148. *Ephem. Germ. Ann. 4. & 5.*) rationes & exempla affert: & definire videtur *Galen.* 2. de nat. fac. c. 8. certam speciem hydropis, quæ illæso hepate contingat; nempe quæ ex toto corporis habitu immodicè refrigerato; atqui in tali hydropis genere, inquit, nec aliud viscus ullum, nec Jecur Scirrhus est affectum: *Erasistratus* contra ea perpetuò ex Jecoris Scirrhus, nec aliâ ratione ullâ hydropem fieri existimavit; modo *Galenus* hanc mentem *Erasistrato* non affinxerit, quippe quem *Cacoëthes* insatiabile tenuit cavillandi viros, quos in illustri rei literariæ loco noverat esse positos, hosque solos sibi adversarios constituit, ut tantò major ex triumphatis ad ipsum rediret gloria: dolendum sane quod iste invidiæ æstus indignâ æmulatione pleraque Eruditissimorum Scripta interverterit.

III. Dum hujus hydropis primam causam ex sanguificationis defectu provenire *Galen.* l. c. asserit, non obstante quod Jecur illibatum, *Adraстеa* ab ipso extorsit confessionem ingenuam contra hepatis sanguificationem. Quamvis enim hæc actio, sanguificatio, sit ex illis, quæ Græcis magnâ Emphasi *ιφεξις* dicuntur, (ubi una & altera aut aliæ plures priusquam excellentissima actio existat

stat certo ordine antecedunt;) tamen omnes reliquæ actiones partium, sanguificationi inservientes, uti & quæ hepatis sunt, defecando actioni cordis omnium in hoc opere nobilissimæ cedant, necesse est.

IV. *Cordis enim deficiens calor, id est frigus, crudo sanguini dominari nesciens, fecit ut viscositas polypi existeret, & circuitus sanguinis, potissimum in pulmonibus, vasis obstructis, impediretur, quò absque dubio evenit, ut nec lymphæ ita per pulmones liberè commearit; quæ cum neque per respirationis turbatum ministerium promptè exspiraretur, nimiam copiâ ductum Thoracicum ingressa est; accedente etiam errore in diætâ, potu nimio eo quæ tenui.*

V. *An quis per acidum & alcali hoc Phanomenon reddet manifestius, tentet, per me licet: bilis defectum quispiam fortè arguat, cum pauca illa exstiterit; sed unde hic defectus? nonne itidem reducendus ad defectum caloris in corde? qui ex vitio materiæ coepit: unde Aretæus loco cit. ἡ μὲν ἐν πνεύματι αἵτις τῆς ἀναρχίας.*

VI. *Galenus 2. de plac. Hipp. & Platon. quod nullus cor mori senserit: ast hic noster summum sensit cordolium; ex quo intelligi potest, quando ægroti cordis rupturam, admorsionem, aut corrosionem queruntur, quomodo subintrante sanguine, nec spatium inveniente, inde quæ adeo cordis & vasorum latera, quibus Pestis infixæ, lancinante, accedente pulmonum difficili obsequio, dolor immanis miseros affligat.*

VII. *Tulpius ad L. I. Obs. Med. 27. Polypum in sinistro Cordis Ventriculo, ab hoc non abludentem, exsculpi curavit.*



## OBSERVATIO LXVII.

D. PHILIPPI JACOBI HARTMANNI,  
Anatome Hydrope uteri extinctæ.

**C**ontigit, ut *Puerpera post secundinas nulla succederent lochia*, nec sanguinis nec ichoris sive saniei prolicito fluore; nec ullâ vi medicamentorum postea ut menstrua prodirent, impetrari potuit. Defuncto marito cum à partu isto uterus in majorem subinde excreveret molem, molam se gestare persuasa, secundas nuptias cum Sartore iniit, ex his sibi remedium spondens: sed longè aliter evenit, tumor ille incrementa cepit, & *labrorum pudendi accessit hydrops*; uti pugni magnitudine distenta & pellucencia in defuncta comparuere: conquesta toties de suffocatione & strangulatione, cætera sanæ munia obiit, cum cibum & appetierit, & digesserit, & concoxerit, alvo insuper obsequente: Tandem febris languida, cum strangulationis vel suffocationis metu perpetuò conflctans, vitâ eodem anno 1680. M. Septembr. decessit.

*Abdomen* à Chirurgo, loco quo pluribus mos est, incisum ad musculos transversos, multum saniei quidem emiserat, ut tamen adhucdum turgesceret, nullo umbilici conspectu; nos verò exiguo foramine sanguinem purulentum, cum aqua commixtum, foetidum medii cadi mensurâ exire fecimus.

Atque cum *musculos & pinguedinem abdominis* ab aqua minimè corrupta vidimus; ad *peritonæum* accedentes, in *tunicam crassam*, à peritonæo non nisi dilaceratione & lancinatione multâ separabilem, incidimus: Hæc ipsa autem erat *uteri corpus*, ejus contextu ad diaphragma usque se extendente, ut & Hepar, & ventriculus, & lien, & intestina omnia ab hac tunica cœca nocte essent involuta & sepulta; neque enim toto abdomine aperto quicquam præter hanc tunicam contineri primus obtutus ferebat, quippe quâ penitus succinctum erat, cum amplitudine suâ inanem abdominis cavitatem mentiretur.

*Sordes*

*Sordes* cuncta muco inquinant insuper, & contemplationi vel diductâ jam tunicâ subdlexerant viscera; in *uterum* igitur intenti, ruptis quibus ante cohærebat vinculis innumeris, ipsum integrum cum renibus & portione intestini recti eduximus; quô factô demum interanea, uteri mole suppressâ & ad angustias redacta, abluta in conspectum prodire; *Omenti*, *renumq;* nullâ pinguedine.

Cæterum in *utero* quod maxime mirabantur spectatores erat *paries intergerinus*, quô satis crasso divisus cellulas duas formarat, alterâ capaciori, idque aqua omnis eodem foramine exturbari nequibat, cum & alter locus incidendus fuerit. *Inversa uteri tunica* multas rugas intus exhibebat, quæ complicatæ *specie cotyledonum* in quibusdam locis fallebant; variis aliis *membranosis laciniis* hinc inde laquearium instar confluentibus.

Ubi autem domi otiosè indagabamus, quâ aqua & sanguis substitissent, nec stilo, nec flatu, nec injectione, nec ullo alio adminiculo, quæ ad vulvam duxisset, viam invenimus; *Orificium uteri* in solidum ligamentum impervium degenerarat; Hujusque lateribus incumbebant *carnea quedam glebulæ*, *testium* credo simulachra vitiata; alia enim corpuscula, quæ horum imagines præsentassent, non dabatur concernere.

### *Usus ex anatome hydrope uteri extinctæ.*

I. Rectè Hippocrates 1. d. morb. mulier. c. 60. §. 17. & 18. quum mulieri puerpera purgatio non rectè procedit, quod ipsa periclitetur, ne livida fiat velut plumbum, & aquam intercutem incidat; cui ipsius asserto historia fidem adstruit: quod vero l. c. §. 22. 23. dicitur, perire alias alio tempore, pro corporis & affectionis ratione, verum unam & vicesimam diem non excedere; adversus hoc Historia suggereret instantiam; nisi §. 24. subdidisset; hoc ἐπὶ τῷ πλείονι ita evenire. Cautum in ponendis propositionibus universalibus prognosticis admiremur Senem.

### II. Idem



II. *Idem l. c. cap. 86. in hydrope uteri (§. 27. & seqq.) istum in finem commendat congressum cum viro; quo tamen misera nostra excidit.*

III. *Hydropem & Anasarcam differre constat: Aretaus 2. d. diut. Sign. 1. & uteri hydropem ab ejus anasarca distinguit; in hac nostra labiorum pudendi erat anasarca, ipsius vero uteri hydrops. De labrorum pudendi tumore conf. Bogdani Obs. 10. ad Cultrum Anatomicum Lyseri.*

IV. *An ex historia colligi potest, sanguinem menstruum in corpus ipsum uteri exsudare, magis quam in collum aut vaginam? quâ de re prolixius ad Soranum.*

V. *Ex Veteribus plures videntur fuisse persuasi, uterum, ac si animal in animali esset, varie esse mobilem, ut qui modo ad summa contenderet, modo ad ima rursus dilaberetur; Aretaus, qui Hippocratem æmulando Galeno palmam reddit dubiam, lib. 2. d. caus. & sign. acut. morb. c. 11. prolixus. Confer. Hipp. 1. d. morb. mulier. c. 16. & 17. Quæ Veterum Sententia fixas in vulgi rudioris animis radices egit, cum ad fauces usque uterum gradibus conscendere strenuè adferant. Verum explodenda quidem est illa Vulgi opinio, quâ persuadent in corporibus promiscuè, sanis etiam, uterum de subito ad sublimia eniti; neque enim ligamenta illud admittunt, quæ non temerè quis dixerit istâ longitudine extendi; neque corpus uteri illud concesserit, quod collo & vaginæ connexum, certum cum his membrum constituat. Quomodo autem Uterus ad summa emergere queat Historia edocet; non derepente, quis enim paucis momentis corpus uteri in tam amplam tunicam expansam dicet? quis tot lacinias fungis citius pronatas subito statuet; morâ opus fuit, ut ad istam ascendens amplitudinem tandem vertice feriret diaphragma.*

VI. *Inde etiam patet strangulationis & suffocationis periculum; Diaphragma enim mole Uteri sursum adauctum pulmonibus grave incubuit, ut libere novi aëris solatia captare nequiverint.*

VII. Ca-

VII. *Canalis Colli coalitio* à sanguinis colluvie ex obstructione est deducenda: ista absque dubio, lateribus utrinque incumbens, laxum & spongiosum à partu canalem collabi fecerit.

VIII. *Amplitudo uteri* ad successiva incrementa suppressorum humorum successit.

IX. *Michael Scotus in lib. Physionomia ad FRIDERICUM Imperatorem c. 1.* septem cellulasatrici assignat, unde mulier possit septem filios concipere & portare; sed si in duas partes matricis diffundatur, (semen) duæ, inquit, fiunt creatura, vel amplius secundum divisionem per loca matricis. Unde cum Matrix constet ex septem cellulis sive cristaturis, ut patet in ventriculis ovium & porcarum &c. Mulier potest septem filios concipere & portare. Cap. 7. & est notandum; quod si semen sit multum, & intret in omnes cellulas matricis, & ibi debitò conservetur, septem filii generantur, & septimus est Hermaphrodita, scilicet qui in medio generatur, & plus septem non speret habere in uno partu. Conf. cap. 3. A quibus non aliena in Exercitat. d. origin. Anatom. c. 9. §. 3. ex Commentario novo & valdè magistrali in librum de Secretis Mulierum Alberti Magni creditum adduximus, istum in finem, ut de supinâ Scholasticorum negligentia, quomodo rem physicam pessum dederit, constaret liquidò. Inveni tamen Antiquiores istiusmodi Sententiarum Auctores, e. g. apud Galen. libri de Spermate, atque anatomia parva, septem receptacula sive cellulasatrici assignantes. Item Historia Philosophica, de geminis & trigeminis; qui Stoicorum hanc mentem fuisse memorat, ut vulvis loculos attribuerint; unde cum in duos immissum fuit semen geminos, cum in tres trigeminos fœtus gigni. Credo ansam errandi præbuisse librum de nat. pueri Hippocratis cap. 44. qui quomodo explicari possit, prolixitas huc adducere prohibet; saltem Auctorem libri de anatomia vivorum, rerum anatomicarum probè gnarum, ridere istam rationem argumentandi, quâ tot cellulae utero humano assignantur, quot partus unâ vice edere potest, (summum septem; tot enim, septenos, inquam, uno utero gigni in Ægypto, attestatur Solinus;) unde quidam, ait ille,



*per simile dicebant decepti, in muliere esse quinque cellulas; quidam septem, quia tot fetus simul possunt esse in matrice. H. 1.*

X. *Uterum tamen bipartitum pleriq; Veterum statuerunt, Aristot. 1. de generat. Animal. 3. III. d. Hist. Animal. 1. &c. idque adeo duos minimùm adsignarunt sinus; quam in rem Galenus nobis citatus in Exercitatione de peritiâ Veterum Anatomicâ in genere cap. 2. §. 12. cum quo facit Avicenna fen. 12. Tract. 1. c. 1. sanè in humano duo recessus tubas versus, uterum bipartitum reddiderint; & cum in hâc nostrâ tubas non fuit conspicerè, conjectura suadet, has cum istis recessibus in duas memoratas cavitates concessisse, majori illius lateris existente cui adhæsit placenta proximo puerperio, minori vero oppositi, quam intergerinus paries successu temporis, crescente dilatatione recessuum versus tubas, quasi dissepit. Aliam historiam uteri bipartiti habet C. Bauhinus in Appendice ad Tractatum Fr. Rousse-  
ti de partu cesareo, ubi in quâdam puellâ uterus bipartitus, qualem canes habent, observatus traditur.*

XI. *Hydropis uteri prima causa in hâc, constrictio orificii aut colli uteri.*

XII. *Laciniarum efformatio, ruptis aliis vasis aut arrosis à ferosâ colluvie; Aliis coalescentibus, à viscoso sanguinis glutine, quô & Polypi concrescunt; vel etiam extensio rugarum has suspenderit.*

XIII. *Emortualia testium corpora, non suppetente lymphâ, aut abundantia ultimi boni alimenti.*

XIV. *Cotyledoniformes rugæ an glandulis assignandæ, per quas lymphæ effusæ? amplexus vasorum istas dederint? Conf. Bogdani Obs. XI. ad L. C. A.*

XV. *Sordes visceribus incumbentes, Omenti & renalis pinguedinis defectus sive ex contagio, sive ex defectu caloris aut generosi sanguinis.*

XVI. *Tunica uterina incrassatio, ad peritoneum & adjacentes partes adhæsiô, ab impedito turbatoque sanguinis circuitu, compressis variè vasis, aut exinanitis.*

OBSER-

OBSERVATIO LXVIII.

D. PHILIPPI JACOBI HARTMANNI,

Anatome Hydrope & Mola uteri afflictæ.

**A**Nno 1680. Mens. Decembr. Uxor aurigæ *tumido ventre, partem tactui renitente, partem cedente*; jam ante puerperium, à quo annus elapsus erat, *dextris Hypochondriis pondus se sensisse*, & licet à partu lochia probè successissent, nihilominus fatale illud onus ipsam hætenus gravasse, querebatur anxie. *Cætera sana, nisi quod procidentia uteri* malo accessionem fecerat; *Ventriculus* optimè expetiit, benè concoxit, nullâ nausæâ, saltem quod ab impletione, quasi gravius premendo, dolor affligeret; *incedere erecta* potuit, longior autem via, *delassando*, & *anhelitum* difficilem reddendo, suffocandoque, ipsam ceu gravidam affecit; *menfes* interea ritè & largâ copiâ fluxerant, nullâ *urinæ* difficultate; accidit autem ut levi *lapsu* corrueret, tertio antequam vita defungeretur die, exin dolores intendi, qui cum angore & suffocatione perpetua animam emigrare coëgerunt.

Anatome monstravit *abdominis musculos* s. n. nisi quod extensione uteri graciliores essent.

Rectè quoque se habebat *pinguedo*.

*Peritonæo* *diviso liquor exiliit*, non foetidus, sed ne turbulentus, limpidus dilutum sanguinem referebat: cujus ubi magna pars effluxerat, *tumens uterus* adhuc dum omnem implebat cavitatem, compluribus ligamentis ad peritonæum & diaphragma revinctus.

*In tunica uteri*, ubi casus ipsam alliserat, *sugillatio*, se prodidit, *disrupto* è regione *peritonæo*.

Omnia *intestina* & *viscera* in hac quoque *uterus obvelarat*; ultra hepar icidem se extenderat, ut ut non ita fortiter ibi esset adstrictus; *Hepar, Lien, Ventriculus, Renes*, cuncta minimè



squalebant, cum muco aut putrilagine non essent obducta; saltem *omentum* aberat, *renes*q. omni destituebantur pinguedine.

Supremâ parte, quâ ventriculo & hepati incumbibat liberior uterus, *mola* dextrum latus occuparat.

*Vagina uteri* sive vulva, inversa cum orificii parte ex puerendi labiis dependens prominebat; verum attracto collo, præcidimus *uterum* cum *mola*, ulteriori demonstrationi illum asservantes.

Atque sequenti anno anatomicarum rerum Studioſis eundem exposuimus *non uno, sed gemino corpore; alterum minus*, quod cum collo uteri cohærebat, atque patulo satis foramine in hoc exhibat, ovi anserini magnitudine, sexque digitos crassum; *cujus situs minus erat naturalis*, quod non medium inter intestinum & vesicam, sed ad alterum latus propenderet, declinante parte superiori, fundo scilicet uteri, sinistrorsum: *Neque figura hujus erat s. n.* sed detorta, cum piriformem naturam intendisset, recedentibus quibusdam anfractibus ad aliam quamvis speciem decurrabat.

*Ubi orificio tubulum inserui*, distendi *corpus minus uteri*, in quantum crassities permittebat; idem cum injectione experirer, aqua resiliit; scilicet nec flatus, nec injectio viam inveniabat, quæ in *majus corpus uteri*, quo cum continenter connectebatur, contenderet.

Dissecans *minorem uterum* secundum longitudinem versus orificium, plurimorum *vasorum* insigniorum occurrebant vestigia, liquore tamen in *hypogastrica* injecto, non in hunc uterum idem exonerabatur, sed prætervectus ad superiora ascendebat,

Nempe ad *majus corpus, uteri majoris nomine* quod veniat, excurrebant, & per illud variis ramis se extendebant: quod ipsis inflatis non solum insignes rami dispersi comparerent, sed & ad *molam progressus* pateret, unâ insigniori, quæ digitum minorem amplitudine excipiebat, in dissectis moleculis,

culis, ex quibus foeta mola constabat, manifestos motus concitante; injectionibus idem reddebatur evidentissimum.

*Fundum minoris uteri*, cœcum, & *corpus majoris uteri*, *interstitium* quoddam distinguebat colli æmulum, quod veluti Isthmus hæc corpora committebat; constabat autem *ex ligamentis duobus* arctissimè compactis, quorum in cornua abinde *divisorum expansio majoris uteri* efformarat corpus: *rotunda partim* erant hæc *ligamenta* limbo scilicet externo, quo crasso utrinque corpus uteri majoris circumibant; *partim erant lata*, quod expansa tunicam quasi constituerent; hæcque ipsa vasa illuc commeantia excipiebantur, æquè ac memorata vena capacissima; *ligamenta vero rotunda concisa* præter exilia & paucissima vasa nullum alium ductum ostendebant notabilem, per quem ad majoris uteri ventrem flatus aut liquor immitti potuisset.

*Differebat* autem *corpus uteri majoris* ab illo *minoris* non solum *alveo*, qui octavam partem tonnæ s. cadi capere potis erat; sed & *laciniis*, quibus *ab extra* peritonæo alligabatur, cum alterius superficies exterior prorsus lævis esset; Majoris tunica diaphragmatis *crassitiem* adæquabat, alicubi paulum superabat, sed ut non accederet ad illam minoris. *Intus* majorem exasperabant plures hinc inde rugæ, vel segmenta pendulæ trium quatuorve digitorum transversorum, plus minus, latitudine; suspensis quoque hinc illic filamentis vagis; minori verò nulla intus asperitas, cum mucus, qualis intestinorum ipsum obleverat;

*Mola* in majori utero non prorsus continebatur, licet primo obtutu tota ab illo contegi videretur, sed summo agglutinata quasi fundo, ex illo Hepar & ventriculum prospiciebant; quâ parte, tanquam *propriâ tunicâ* lævi erat involuta, & libera jacebat, nullo vinculo visceribus alligata; Rimanti-que accuratius, exstante lineâ notabili in confinio uteri majoris, *totius Mole singularis tunica* cognita, quæ tamen ligamentorum uteri majoris membranis innexa concreverat, partem-



que ab eisdem cincta erat, quod laciniae complures ex membranis recurrentibus constantes, hunc locum hiatis quasi & antris sive cellulis plusculis dividerent.

Eadem *mola propria tunica non uniusmodi* aderat, *alterâ*, quæ extra uteri ligamenta eminebat, crassiori & continuâ, *alterâ* verò, quæ utero majori obvelabatur, tenuiori & multis segmentis scissâ aut disjunctâ, cum singulariter in numeris quasi valvulis tenuissimis semicirculari, quales in venis passim, aut aliâ figurâ ludentibus, præcincta esset, prospectantibus ex eisdem vario vultu moleculis.

*Neq, enim una erat quæ videbatur mola*, alia corpuscula globosa, quæ jure *moleculas* dixeris, *factam* catervatim conficiebant, quemadmodum acinorum globulos uvæ corpus exstruere contuemur: *sexcentas* ejusmodi fuisset numerare, quæ tamen arctè adeo connexæ texturâ subtilissimarum tunicarum sibi mutuò adhærebant, ut impossibile esset unam ab alia liberare integram citra dilacerationem tunicarum.

*Non uniusmodi erant Moleculæ*, (1.) *magnitudo variabat*, aliis ovum columbinum accedentibus, aliis superantibus, aliis minoribus, aliis minimis. (2.) *Variabant & contenta; ratione coloris quidem*, quod aliis is flavus, aliis niger, aliis dilutus aqueus &c. *ratione consistentiæ*, quod aliæ & quidem pleræque illarum viscosum & lentum ad modum albuminis, aliæ inspissatum leviuscule, aliæ limpidum & liquidum prorsus funderent, cum quædam incisæ ruptâ velut vesiculâ cum impetu aquam ejacularentur: *Ratione Corporum*; cum aliæ solo humore, aliæ aliis moleculis præterea essent prægnantes, ultra centum in quadam deprehendimus minimorum pisorum magnitudine. (3.) *Variabat deniq, figura*, cum aliæ globosæ essent rotunditatis, aliæ ovalis &c. (4.) *Variabant & prætensa valvula*, cum aliis plures, aliis pauciores, aliis nullæ essent oppositæ.

*Viscositas materiæ indomita* erat, nec coctioni cedens, cum aquæ quasdam injecissemus fervidæ; eadem prohibebat omnia accu-

accuratius lustrare, quibus ductibus liquores ad moleculas proximè abirent, quæ origines valvularum, &c.

Æquabat *mola facta* corpore suo cucurbitam minorem, peponem grandiore superabat, ponderis insignis.

Ad Uterum minorem non procul à fundi extremo, *ab altero latere testis* insignis, figurâ renis oblongi, vel dactyli fructûs majoris, duos articulos digiti longus, foris albus, intus unas atque alteras fovens vesiculas aquosâs, cæteroquin membranæ & fermè ligamentosæ naturæ, nisi quod in medio carnem offenderemus particulam, quæ dissecta, ad modum contractæ crumenæ, crispatum flavum ostendebat corpus, quale glandulosum in vaccarum testibus: *huic ex altero latere respondebat testis*, qui vix cerasum minus magnitudine æquabat, quem nuda carnis sive glandulæ portiuncula dabat, nullis stipatum ligamentosis corporibus.

In *tubas Fallopianas* inquisivi sollicitò, sed frustra; ligamentosæ enim substantiæ intersita pinguedo omnia obduxerat, nullo in conspectum ductu prodeunte pervio. Circa testem minorem quidem observabatur, quod tubam adumbraret, sed ut ad illam non pateret via; *ligamento lato* etiam ad hunc testem quodamtenus conspicuo, non item *rotundo*.

### *Usus ex anatome hydrope & molâ uteri afflicta.*

I. Hippocrates 1. de morb. mulier. c. 85. §. 1. Si aqua intercus in uteris nascatur, menses pauciores & pravi fiunt, & ante tempus deficiunt: hoc effatum minus universale reddet instantia suppeditata. An subintelligendum *ὡς ἐπὶ τὸ πολὺ*? Sequenti enim cap. 86. §. 1. Si hydrops, inquit, in uteris fiat, menses pauciores fiunt, ac deteriores, & per longius tempus, & pauciores quam oportet, aut paulo plures. H. I. ex quo patet, quod non semper necesse sit pauciores fieri menses, aut prorsus deficere, cum idem malum etiam suboriri queat, mensibus justo largioribus existentibus. Conf. c. 87. §. 16. & §. 24.

### II. Mu-



II. *Musculorum gracilitas ex tacita per elationem uteri distensione.*

III. *Sanguis in hydropico utero aquosus Hippocrati l.c. observatus c. 86. §. 7. c. 87. §. 16. & 18. Scilicet uteris tunc & sanguine & aquâ manantibus juxta c. 86. §. 11.*

IV. *Quomodo casus aut illisiones pregnantibus sint fatales ex hoc exemplo conjectura sumi potest.*

V. *Posse uteri hydropem contingere salvis reliquis partibus & visceribus.*

VI. *Omenti deficientis causa puto hæc erit, quod elatus uterus diuturnâ morâ fecerit alia atque alia vasa cum suis fibris coalescere; siquidem abundantia ultimi alimenti ab impensis in uterum exhaustâ, pinguedo omenti primum evanuit, hinc membranulæ disperiêre, vasaque majora collapsa in ligamenta degenerarunt, quæ contagium uteri suo tempore sibi associavit vincula, his quibus à peritonæo undique suspenderetur. An per acidum & alcali hæc rectius exponantur dubito.*

VII. *Pinguedo renum consumpta ex ratione colliquationis deducenda; nimirum humidus calor, qui hic obtinuit, optimè fundere novit pinguiam.*

VIII. *Mola tunica lavis, & visceribus minimè connexa, arguit ipsam jam diu peculiare corpus formasse, quod uteri genuini ligamentis à partu laxatis implicitum, spurii uteri majoris generationi dedit originem.*

IX. *De procidentia uteri dissertationem Anatomico-Practicam edidit Exc. v. d. Wesse in hac rectè negat semper conjunctam vaginam uteri & intestini recti procidentiam, neque enim in hac nostra ullus intestini recti observatus prolapsus.*

X. *Nostri quoque Historia adstruit non semper integrum corpus uteri prolabi, prolabente vaginâ; ac si minimè hæc possit procidere, nisi uterus procidat, ipsamque quasi vi quadam secum ad pudenda trahat: cum in hac uterus prorsus non prociderit, vagina autem tantum non toto corpore; atque hæc orificium uteri protraxerat, ut protuberaret, cum collum in pelvi*

pelvi abdominis memorabili crassitie, sibi constaret, nisi quod interiora ossis pubis subintraret, ut vi opus esset, quâ orificium cum hoc ipso attraheretur.

XI. *Causa autem procidentia uteri quoad orificium*, uti *Aretæus* distinguit, hæc mihi videtur, quod, cum pondus majoris uteri, genuinum uterum ex situ disturbarit, exinde membranæ, quibus cervix uteri intestino recto & vesicæ annectitur laxatæ; atque cum ex sua natura collum cum orificio deorsum moveri queat, attestante Obstetricum Experientiâ, quæ illum in finem his, quas explorant, contentionem Spiritûs imperant, quô ipsò orificium aliquantum protruditur, ut facilius attingatur, in hac nostra facile contigit ut in sinum pudoris provolveretur. Sed & *vulvæ tunica*, quâ cum Sphinctere intestino connectitur, & reliqua ejus substantia, quam raram laxamque *de Graaf* comprobavit, istius vitii contagio corrupta, non difficulter se totam invertendam præbuit. Verum de Procidentia Uteri plura *Commentario in Sorani Fragmentum de Matrice & Pudendo Muliebri* selegimus.

XII. *Gemini uteri specie talis historia rarissima*; *Sennertus* quidem *lib. 4. pract. part. 1. sect. 2. c. 9.* spem illarum facit, rubrum ponendo *de utero duplici*; verum nigrum non responderet rubro: quod enim apud *Julium obsequentem c. 113.* occurrit: *Mulierem duplici naturâ inventam fuisse*, de sinu pudoris præcisè intelligendum, id enim apud Latinos *Natura*. Uti apud *Eundem cap. 111.* *puera biceps geminâ femineâ naturâ* it. *c. 113.* *Puer natus dicitur sine foramine naturæ, quâ humor emittitur*, cui *c. 100.* opponitur *posterior natura*. Conf. *Schefferi Notæ in c. 85. & 111.* talem duplicem naturam sibi observatam in muliere *Hafniensi Barthol. L. 1. Anat. reformat. c. 30.* & *Borellus Cent. 2. Obser. 83.* *Puellam visam duas vulvas habentem, unam alteri subjectam*, refert. Præterquam quod obscurè positum de *Utero duplici*, hoc enim de bipartito intelligi potest, cujus exemplum ex *Bauhino* adduximus. Conf. *Bartholin. lib. 1. Anat. reformat. c. 29.* concinnius exemplum gemini uteri.

Dec. II. Annus V. U riel.



ri Cl. Sachs Ephem. Germ. Ann. I. Observat. CX. ex Fabio Lynceo adduxit, cui respondet *historica relatio uteri gemini ad Ann. XII. laudatarum Ephemeridum.*

XIII. *Originem spurii uteri tetigimus n. VIII.* verum quod tubæ Fallopiianæ non deprehensæ, illuc forte quispiam propenderet, his magis deberi ejus natales; speciem enim ligamentorum rotundorum quod præbuit, fuisse tubarum angustiores partes, quibus uteri fundo inseruntur.

XIV. Illi sanè *monstruosi uteri cum mola* talis succederet generatio: nimirum casu quocunque plura simul ova ex testium altero prolapsa tubam non potuisse ingredi; hæc itaque orificium dum obstruunt, alio atque alio affluxu, tubam in istam molem excrevisse: Scilicet cum altera tuba prorsus defecerit, alterius obscuro relicto indicio, colloque inter majorem & minorem uterum ad unam partem magis inclinante, tubam à latere fundi ascendisse arguet; *ab ovis verò mola natales*, quod hæc foeta nil nisi oviformia exhibuerit corpora, quam quod lacinia uteri majoris argumento esse videantur, foliaceum ornamentum tubæ, susceptâ congerie ovorum, illo ipso in ejusmodi membranas degenerasse: Tubæ sane idem adscribet, quod lævis mola propria tunica.

XV. Ista itaque *verosimillima* æstimabantur iis, qui generationem viviparorum ex ovo arcessunt, avulsa à testibus ova causam fuisse obstructionis tubæ, (quocunque errore illud contigerit, incertum relinquendum) conferentibusque in tubam vasis laticem, impedito sanguinis circuitu aut disturbato, inde *hydropem tubæ, inde mola varia incrementa.* Conf. Ephemer. Germ. Ann. XI. Observ. CLXXXIII. ubi itidem ex tuba ceu radice saccus prodiit hydropem causans: cum Scholion. XIX. item in Graafium de mulier. organ. c. 14. Auctores Bibliothec. Anatomic. de aqua in dextra uteri virginei tuba, & quidem solummodo in ejus parte juxta testiculum, nec non in ligamento lato; quæ eadem historia Ephem. Germ. Anni XII. Observationis XCV. Scholio ab Exc. D. de Muralto inserta. Tulpii quoque L. 4. Med. Obs. 44. conf.

XVI. Ut ut

XVI. Ut ut non sit prorsus absurdum, ligamenta ipsa quoque in uteri similem cavitatem extendi potuisse, cum ligamenta vasis pervia constet, & de Graaf cum aliis Anatomicis illa in rotundis etiam demonstret; Spigelio quoque de Fabrica human. corpor. L. VIII. cap. 20. eadem plena semine in quadam foemina, memorante; Et juxta Aristot. 1. de generat. Animal. c. 7. cum uteri nihil aliud sint quam extremitates vasorum multorum, patet, quomodo natura facile fuerit ex ligamentis utriculum conficere. Quin Galenus L. de uteri dissect. c. 6. Ligamenta in uterum inserta ipsum corpus uteri texentia & perplicantia asserit, quorum pars non exigua sint nervi à spinali medulla orientes: quod si s. n. ligamenta norunt texere corpus uteri, natura quoque illis abuti potest ad contexendum alveum monstrosum.

XVII. Ova quoque, quibus mola facta fuit, cuncta extrates videntur generata; aut designentur quæ intra testes? quæ extra? cum impossibile sit omnia intra testes generata, imprimis illa vel centum aliis prægnantia?

XVIII. Memorabile, quod non obstante inversione vulvæ, sive sinûs pudoris, menses rite fluxerint, an exinde Graafio accedet pondus, statuenti c. 9. de mulier. organ. per uterum & cervicem, non item per vaginam mulieres purgari s. n. sive ut plurimum?

XIX. Rectè Exc. Peierus in Scholio ad Observat. CXIV. Ann. XI. Ephemer. Germ. quod plerumque molam concipientes menstrua deficiant: non semper, nostra probat Historia.

XX. Ex fluxu mensium de perfecta uteri sanitate invalidum argumentum, cum hydropæ & mola laborarit iustâ mensium purgatione.

XXI. Sed quid factum, cum insigniora vasa uterum genuinum præterveherentur tamen menses fluxerint; an ex Graafio l. c. cap. 8. Cum arteria uteri alia à spermaticis, alia ab hypogastricis oriunda, his utero spurio cedentibus, illa genuino salvæ relictæ?

XXII. Cum ligamenta uteris major maximam partem interverterit, præsertim quod in altero latere non compareret la-



156 *Observatio LXVIII. Anatome hydrope & mola uteri afflictæ.*

tum, vespertilionum alis comparatum (modo rectè ligamenti nomine veniat, quæ liberrima est peritonæi expansio juxta *Exc. Kerckringii Observat. Anatom. 20.*) conjectura vult insigniorem testem ex membranis illis fuisse fermè compactum ac coagmentatum; adeo ligamentosæ & membranaceæ erat naturæ, ut vix ad Parenchyma nativum referri possent omnia.

XXIII. Ratione molæ hæc Historia *Arist. 10. H. A. 7.* illustrabit.

XXIV. Plerisque literarum monumentis *diversas molarum facies* consignantibus, *vix huic per omnia similis*prehendetur, neque enim ex illis, quas præclare de re Medica meritis *Sachsius ad Ann. I. Ephem. Observat. I. in Scholio* recenset, ulla huic nostræ quadrat; ast quæ *Ann. II. Observat. LXXXV. mola* aliquot ovorum vitellos repræsentans memoratur, aliquantum ad hanc accedit; propius quam *Schemate* etiam illustravit & graphicè exposuit *Exc. Peierus in hist. anatom. de tumore abdominis hydropico cum tuberibus in utero.* Plures autem parallelas ex *Auctoribus Tractatui de viviparor. generat. ex ovo,* inferemus, peculiari de molis vesicularibus loco.

XXV. *Disparitatem contentorum in moleculis ex acido & alkali* explicare nescio, *ex ratione coctionis, & ex ratione materia,* novi: Illustrari res potest ex sero sanguini innatante, quod si udo aëri, aut sibi relinquitur, fluidum persistet; si vero igni admoveatur exhalante aqueo *in viscosam gelatinam* concedet, *pro gradu caloris,* magis, minus indurandam; *pro puritate & impuritate,* alio atque alio colore induendam; quamvis hunc etiam caloris vehementia inducere novit. Perplacet *Exc. Peieri in Exercitat. Anatom. effatum: Fermentorum doctrinam interdum luxuriare: quidni & acidorum?* cum ex his illa fermentorum propullulet luxuries.

OBSERVATIO LXIX.

D. PHILIPPI JACOBI HARTMANNI,  
Anatome Infantis cui abscessus con-  
genitus.

**P**Uellulam quadrimestrem Ann. 1680. Mens. Octobr. *lien-*  
*teria* extinxerat, matris lacte nec probo nec copioso. *In*  
*lucem edita spina vertebrarum lumbarium tumorem*, qui  
ovum gallinaceum magnitudine adæquabat, sanguine  
turgidum ex purpureo nigricante carbunculi specie ostenderat;  
atque cum vires constarent, rupturamque minitaretur protu-  
berantia, leni incisione Chirurgus Apostema aperuerat, emis-  
soque quod sanguinis diluti continebat, mundificantibus ad-  
hibitis, bonam partem carne jam adimpleverat.

*Exempta tunica Apostematis* crassa erat, illamque multæ  
carneæ fibræ subnascentes undique: cum adjacentibus parti-  
bus connectebant. Insignem cavitatem ovalem, quæ proces-  
sus vertebrarum dirimebat, reliquerat, nuda comparente me-  
dulla spinali, nisi quod innumeris vasis à carneis rudimentis,  
quæ tunicam Apostematis undique investierant, quodammo-  
do esset obsita.

*Cutis atque macies* erat, ut corpus nec longitudinem, nec  
latitudinem pristinam servasse conspiceretur.

*Intestina* flatu distenta, ac si in publicæ demonstrationis  
usum præparata fuissent, omnia *jejuna* cum nulli quicquam chy-  
li inesset; omnia lactei coloris; *cæcum* ultra digitum longum  
pennam crassum; *recto* à nativitate prolapsò.

*Hepar* pallidum.

*Uterus* latâ formâ & magnitudine exprimebat lupinum.  
*Intesticalis* apparebant vesiculæ aquosæ.

*Vesica* utero decuplo major erat.



*Usus ex Anatome Infantis cui Abscessus congenitus.*

I. *Defectus caloris nativi causa cruditatis*, à cruditate vero lienteria & intestinorum inflatio; nimirum quod alimentum novum paucum sanguinis expensis, quæ ab Apostemate consumptæ, non suffecit restaurandis; non restaurato sanguine, calor imminui; imminuto calore male viscera suis fungi officiis; nec excipiendo novum, nec defecando ultimum alimentum, nec evacuando faculentum; hæc quæ circuitu generosi sanguinis, vasis s. n. dispositis, peraguntur; sanguine impuro & frigido fermenti in modum turbari partes, materiam, quæ per omnia minima commeet, calore minùs subigente: tandem ob pertinaciam materiæ ipse calor in flatus resolutus cogitur exitum querere, unde aliarum obstructio, aliarum inflatio; contingit vero talem materiam esse acidam, amaram, inspidam &c. non uno modo, unde magis minusvè nativo calori resistit; cum verò technicis uti liceat, ad evitandas verborum ambages, audiat cruditas.

II. *An à succi nervosi exhausto penu atrophia?* in *Exercit. de sanguine alimentoultimo* parùm novi istud placitum attulisse ostendimus, illis sanè qui bifrontes Jani & in vetustatem & in posteritatem prospicere valent.

III. *Spina in Embryis & tenellis cartilagine solum coalescens* facile patet injuriis abscessuum, quemadmodum *Cl. Tulpus* sexies sibi visum ejusmodi tumorem memorat *L. 3. Observ. Medic. 30.* neque poterant concinnius, vel verbis, vel coloribus exprimi, quam quidem ab eodem præstitum, quæ nostra conspicienda dedit puella. *Conf. Observ. 29.*

IV. *Idem l. c. lethalem, incisionem istiusmodi tumorem* notat: non semper, adest instantia.

V. *Quod in Apostematibus carne implendis natura suo munere fungatur ex ratione circuitûs sanguinis; In Oeconomiam Nutritionis;*

VI. *Quod-*

VI. Quodque mundificantia prævum cursum sanguinis tantum corrigant, vias alienas obstruendo, quo ipso tumorum receptacula, nullo com meatu humorum, emarcescunt, atq; exarescunt, ut à novâ domesticâ carne protrudi commode queant; hæc Exc. D. Muys in Prax. Chirurgica Rational. feliciter, si quis ullus alius, declaravit.

VII. Intestini prolapsum non jungi cum prolapsu uteri semper.

VIII. Hepatis colorem à sanguine.

IX. Dicite Pontifices in testibus puparum quid facit ovum?

OBSERVATIO LXX.

D. PHILIPPI JACOBI HARTMANNI,  
Anatome Infantis Scirrho viscerum,  
defuncti.

**M**isellus, à quo in lucem editus, multis vociferationibus & ejulationibus urinam, eamque paucam, excrevisse observatus, facie livore suffusâ, potissimum labia, eademque fœditate digitorum apicibus infectis, ut intra matrem labem contractam scias.

Septimestrem ubi incidimus Ann. 1682. Vesica nullum arenularum aut calculi indicium obtulit, aliquot urinæ guttæ, dum stilo urethram exploramus, exstillarunt.

Renes respicientes, sinistrum tactu asperum sentimus, qui in volucris denudatus, bubulum referens, promittebat calculum, sed in dissecto nil nisi durities memorabilis; erat enim adeò compactæ substantiæ, ut tantum non ad cartilagineam proximè accederet, rigidioribus mediis partibus ad pelvim usque: Renis dextri durities minus notabilis.

In ureteribus nihil monstrofi.

Lien solito durior, figuræ inusitatæ, lobulos & fissa hinc inde recessibus quibusdam representans, dissectus scirrhum aperuit,



aperuit, sparsis per totum albicantibus punctis, grandinum instar duriusculis.

*Major Scirrhi sensus in Pancreate*, meras grandinosas quasi glandulas tangentibus offerente.

*Hepar* ab omni vitio immune, nisi quod *bilis* folliculum proprium, & quædam adjacentium partium, tinxerat, quæ tamen colorem, consistentiam s. n. se habebat.

Cæteroquin *puellus optimæ compagis* adipe, carne, torosus, candidus, visceribus reliquis integerrimis, *ne lacte quidem in ventriculo coagulato.*

Cum altero à quo mortuus erat die incideretur *ex pericardio* humor limpidus exiit, ultra cochlearis mensuram.

### *Uusus ex Anatome Infantis Scirrhi viscerum defuncti.*

I. *Scirrhum renum* esse posse, ne quis cavillettur, sciat *Eustachium* in *Tract. de renibus* c. 45. de his, quæ in cadaveribus eorum, qui aliquâ renum affectione laborarunt, animadvertenda sunt, inter illa & duritiem annotasse; se plane ignorare scribens, num in apoplecticorum cadaveribus consipati ad summum & prorsus omni concavitate destituti reperiantur: certe hunc puellum sæpius malum, ab apoplexiâ non abhorrens, post tot ejulationes & vociferationes, velut exanimem reddidit.

II. *Cujus Scirrhi* potior ratio an *lien*is, an *pancreatis*, an *renum*? videtur magis *lien*is, quod mater prægnationis tempore in varias easque vehementissimas animi perturbationes inciderat, contigit absque dubio ut circuitus sanguinis ante omnia in liene fuerit impeditus, cum ex istis commotionibus Chylus crassior in Embryi nutrimentum cesserit, quod vena portæ à liene commodè excipere nequivit; inde *figura insolita.*

III. *Pancreatis* idem malum ex eodem fonte derivandum; cum & in hoc viscositas circuitum morata fuerit.

IV. Exinde *acrimonia bilis*, quæ folliculum & adjacentia tingendo se prodidit; sanguine ob viscera ista obstructa, minus

nus lymphâ temperato. Quam rem Exc. Brunneri Dissert. de Lymphâ & Pancreatis usu illustrabit.

V. Inde quoque canaliculorum, serum in renibus transmittentium, obstipatio arcessenda; Quamvis de Lymphæ circuitu nondum expeditum sit negotium.

VI. *Renes bubulis similes in Homine jam Aristoteli notati* I. H. A. 17.

VII. Licet Bellinus in Exercit. Anatom. de Struct. & usu renum contra Highmorum contendat falsum omnino esse; duplicem dari renum substantiam; quarum externa fibrosa non sit, interna fibras habeat; esse enim unam renis substantiam à pelvi usque ad extimam superficiem, continuam, & undequaque fibrosam: sustinuerit tamen quis contra Bellinum externam non aque esse fibrosam ac intimam; & inde adeò vitia canaliculorum, per quos serum in pelvim destillat, in internâ magis parte esse conspicua, non æque in externâ; quæ res peculiari opus habet, dissertatione.

VIII. An ad acidum referendus Scirrhus sive Lienis sive Pancreatis sive Renum? an vero obstat lac non coagulatum in ventriculo repertum?

IX. Spigelius de Human. Corpor. Fabric. L. IX. c. 5. notat, quod pericardii aqua in mortuis semper copiosior sit, præsertim si diutius à morte aperiantur. An etiam in hoc nostro ætati debetur copia?

X. Idem loc. cit. observat, eos qui ex obstructionibus Viscerum, Lienis, Jecoris & Mesenterii, si quando nimio animi affectu, & potissimum mærore afficiantur, cordis palpitatione corripitur, quod in his ad cor illico effundatur copia aquosi humoris in venis coacervati. Ergo lymphæ pericardii morbo quoque adscribenda, tantâ copiâ?



## OBSERVATIO LXXI.

D. PHILIPPI JACOBI HARTMANNI,  
Anatome Calculo Vesicæ enectæ.

**E**odem Anno Mense Novembr. honesta Matrona defuncta: hæc ante aliquot lustra, *lapides vesicæ quatuor insignes, quos delineatos damus* Figur. XIX. *(sponte suâ excluserat; quem dono datum possideo 3iij. 3j est pondere, basin quasi habens, ad latera compressus aliquantum acuminatus assurgit ad triquetram figuram alludens. Jam tum temporis de tumore ad sinum pudoris conquesta, inciso eodem à Chirurgo, nullum doloris fenserat levamen, sanguine solum effuso. Ex mortua vero calculus eductus trium unciarum pondere; Figur. XX. verum locus unde exemptus admirationem peperit maximam, fecerat enim ut vesicæ ad perinæi sinistram partem protrusâ tumorem ementiretur, crassâ hic locorum vesicâ pennam anserinam, sanguineque undique suffusâ, capacitatis quæ calculo responderet. Spatium autem, ad perinæum, & intestinum rectum pondus lapidis & vis dolorum urgens ita attriverat, ut cutis minimè suâ facie occurreret, cum excoriatam carnem, aut tenuissimam cicatriculam rubentem referret.*

Cæterum *lapis vesicam immerberat in tantum, ut primum intuentibus deesse credita fuerit: Inscinditâ verò in abdomen manu vesicæ collum apprehendens, alterâque prolapsam partem intrudens, integrum vesicæ corpus in conspectum produxi facile; illud memorabile, quod stilo ex aperto vesicæ tumore, qui calculum fuerat complexus, non daretur pervenire ad partem aliam quæ à calculo immunis intus sub osse pubis latitans peculiarem veluti vesicam finxerat.*

Hæc autem *vesicæ procidentia intestinum rectum quoque prolapsi fecerat. Sed & labia pudendi extensione cutis disperierant, & nymphæ quasi sanguinolentæ nudæ comparebant, Clitoridis exiguo*

exiguo relicto vestigio; qualem naturam muliebrem in puella, quam *multimammiam* meritò dixisses, mammosis protuberantibus carneis undique per corpus sparsis, Londini in Anglia Ann. 1679. spectaculo exhibitam, unà cum Exc. D. Pickero Aleppi in Syria & D. Rurock Tilsitæ in Prussia Physicis contuiti sumus, labiis sinûs vaginalis destitutam, relicto foramine exiguo rubicundâ carne circumcincto.

Urinam quidem nostra dum vixit guttatim emisit, cum cruciatu horribili, atque simul stercus ejicere præter voluntatem coacta est.

Usus ex Anatome Calculo Vesicae enectæ.

I. Quod fæmininus sexus facilius per urethram excernat calculos cum Cl. Tulpus L. III. Observ. Medic. 7. calculum 3iij. sponte à viragine octuaginata excretum referat.

II. Idem observatione 2. l. c. Vesica à calculo consumpta historiam recenset: Alium Vesica defectum memorante Exc. Binnigero Cent. II. Obs. Med. 34.

III. Hippocrates Epidem. l. 5. c. 11. §. 15. Historia, qua favonula Dyseridis in Larissa ex uteri orificio, calculus exemptus referatur digna quæ expendatur, non quod negem calculos in utero generari posse, cum Foësius in l. c. illud aliis confirmet historiis, suffragante experienciâ; sed quod quomodocunque altera ab altera lucem fœnerari queat.

IV. Cruciatûs causâ partium distractarum & excoriatarum convulsio, summo mictionis nisu.

V. Ut hernias distensio peritonæi & cutis conficiat.

VI. Quod etiam Fæmina herniis sint obnoxia conf. Graafius de mulier. Organ. c. 10.

VII. Intestini recti prolapsus ob laxationem communium membranarum non prolabente utero.

Fig. XIX. & XX. p. 84.



## OBSERVATIO LXXII.

D. PHILIPPI JACOBI HARTMANNI,  
Anatome Ascitici.

**A**Nnorum erat circiter LII. habitior, quadratæ Staturæ, Spiritu vini generosissimo per vitam delectatus; cum alii ipsum pulmonis ulcere, aut hecticâ, laborare credidissent, quòd tussiculâ per intervalla infestaretur, ut tamen respiraret liberè; inter cætera *de obstructione alvi & urinæ stillicidio* conquestus; cum per XIV. Septimanas decubisset, biduò antequam moreretur me acciri jussit; ast ex maximo ventriculi tumore, qui tactui cederet, Asciten demonstravi, nullâ spe salutis reliquâ.

*Inciso abdomine nullam Anasarcam sive intercutem deprehendi pinguedine musculorum salvâ.*

*Peritonæo autem pertuso aqua quibus intestina innatabant, prorumpebat, pura, nisi quod subflavesceret parumper, ex tinctura sanguinis, minimè foetida; gustantibus Discipulis subsalsi fuit saporis.*

*Pinguedo omenti scirrhosa, grandinibus majoribus quasi coalita, laciniosis extremis marginibus, velut disrupti fuissent præ tumore. Ipsum omenti corpus curtum, pensabat crassitie breviteratem.*

*Grandinosa quoque & fissa erat pinguedo quâ Mesenterium luxuriabat, in tantum ut omnes glandulas obtegeret.*

*Neque renum adeps ab hoc vicio erat intactus. Quem insuper aquæ alluvio inquinârat.*

*Ventriculus & intestina aquâ repleta, pellucida erant. Cecum Spirhamæ longitudine s. n. intra os ileum dextri lateris; Colo & recto compluribus insignibus lobis adiposis passim adhærentibus.*

*Renes ipsi justo duriores, Scirrhi suspicionem injiciebant.*

*Vesica*

*Vesica* prorsus inanis, membranas collapsas exhibebat, non nisi ex situ dignoscendi.

*Pancreatis* insolita species, laceratis limbis propendulis, triquetra figurâ erat tuberosum, totumque in Scirrhum obri-  
guerat.

*Hepatis* varius color sparso pallore *Scirrhum* illico prode-  
bat, qui in tantum omnia sua fecerat, ut rubri coloris in sangui-  
neo viscere vix superesset vestigium, vel ad extremas oras vis ma-  
li se extenderat, unde adeo versus diaphragma se receperat, ac  
si magno cum conatu à quoquam sursum fuisset attractum, illi  
grave arctè incumbens.

*Vesica felle* suo liquore turgida, ovum gallinaceum ma-  
gna, non tinxerat viciniam *Hepatis* aut intestinorum; aperta  
effundebat liquidam satis & flavam bilem; digito vero inserto,  
inquisiturus in calculum, versus cysticum ductum, in multa  
granula grossiuscula incidi, quorum aliquot centena erat exi-  
mere, aterrimi exteriorem superficiem coloris, solidiuscula,  
non nisi difficulter conterenda, contrita ostendebant qua es-  
sent origine nata, flavedine digitorum apices inficiente: hæ-  
rebant illo quo cysticus exit loco, istum ductum obturantia, ut  
bilis non haberet com meatum liberum.

*Lien* parvus, Rhomboides, nullo *Scirrhi* indicio, colore  
solito ex livido purpurascens, quatuor ferme digitorum trans-  
versorum longitudine & latitudine, crassitie ne quidem  
unius.

Ex *pericardio* nulla effluxit aqua *cordis* utroque *ventri-  
culo* sanguinem dilutum, tantum non aqueum fundente, situ  
s. n. versus sinistrum, latitudine palmæ.

*Pulmones* lividi, intercurrente sanguine, minus elati, flac-  
cescebant.

### *Usus ex Anatome Ascitici.*

I. *Tussicula causa* ab onere *hepatis*, *diaphragmati* imposi-  
to, arcessenda;



II. *Obstructio alvi à defectu bilis:*

III. *Urinæ stillicidium à defectu feri, quod in cavitatem abdominis exsudarat.*

IV. *Ascitæ causæ lymphæ error, quod sanguini non commista à pinguedine Mesenterii, renum, omenti secessionem fecerat, pancreate & hepate minus suo officio fungentibus.*

V. *An vitio originem præbuit nimius Cremati, uti Poloni vocant, usus? hunc male consultum in hydropse Cl. Tulpus l. 2. observ. 35. annotat, cum exempla habeat, quibus vina malvatica, alliata &c. accelerarint necem.*

VI. *Lympha sanè viscerum memoratorum vasa exsiccatione nimia occlusa, ingredi prohibita, in suis vasis exundante copia, distensis ruptisvè hinc inde fibris, in lacinias laceras dehiscere omenti & Pancreatis oras sive limbos fecit.*

VII. *Omentum non, ut naturaliter solet, super intestina se expandens, sed ventriculum versus contractum corrugatumq., quin & satis densum, & multâ pinguedine intertextum, unâ cum Mesenterii universi durâ atq. densâ pinguedine Exc. Merclinus apprehendit in quâdam ex abscessu hepatis mortuâ. vid. Ephem. Germ. Ann. XI. Observ. 88.*

VIII. *Nostra tamen historia Exc. Volckameri sententiam, veram hydropis originem omento sæpius assignandam, comprobat.*

IX. *Hepatis obstructio venis portæ primò debetur, quod à frequentiori usu generosi potûs nimium incallescens sanguis turbidus & sæculentus, tam poros biliarios, quam ramos venæ cavæ obsederit, accedente ab æstu siccitate: parili conditione eadem omento & Pancreati intulerunt vitium.*

X. *Calculi generati ex bile, quæ lymphâ spoliata in folliculo subsistere coacta. Ann. III. Ephem. Germ. Observ. 206. nonaginta lapides, pisorum magnitudine, exemptos ex cysti Ictერი refert.]*

XI. *Cur Lien saluus partim ex illo petendum, quod ramis sive arteriam, sive venam portæ, spectes, gaudeat amplioribus, unde liberè commeare potuit sæculentus sanguis, præsertim cum*

cum arteriosus insigni celeritate pollens, hoc viscus ingredi & ex eodem egredi valuerit, quod hic noster cætera sanus abundavit alimento generoso, teste per omnes partes pinguedine, idemque arguente diætâ, quâ per vitam delectatus est.

XII. *Pericardium aqua destitutum* perturbato lymphæ circuitu.

OBSERVATIO LXXIII.

D. PHILIPPI JACOBI HARTMANNI,  
Anatome Pueri calculo vesicæ enecti.

**S** Citulus à nativitate usq. cum calculo vesicæ conflictatus, Parentibus aliud quidvis suspicantibus, cruciatibus summis, anno 1684. ex æstuante sanguine catarrhoque petus opplente, quinquennis occubuit.

*Vesica* non solum peritonæo desuper ad lineam albam, sed undiquaque intestinis adstricta, ultra os pubis protrusa, ex altera parte carnosior erat, superiori magis membranæ.

*Calculus* obtuso extremo urethræ acutiori fundo oppositus, vesicam arctè impleverat, ponderis 3iij. ʒss.

*Interior vesicæ tunica* munda prorsus, nil squamosi aut calculosi continebat.

*Renes* nullo Scirrhi, nullo calculi vitio corrupti; integris quoque cæteris partibus.

*Usus ex anatome Pueri calculo vesicæ enecti.*

I. *Calculos nobiscum nasci, vel intra matrem.*

II. *Calculos intra vesicam sumere primordia.*

III. *Accessio nova, calculum subinde augeri facit.*

IV. *Calculus vesicæ arctè circumdatus* memorat & *Tulpius L. III. Observ. 6.* cujus tamen pejus affecta erant interanea.

V. Huic arctæ comprehensioni *stillicidium urinae* in calculosis aliquando adscribendum.

OBSER-



## OBSERVATIO LXXIV.

D. PHILIPPI JACOBI HARTMANNI,  
Anatome puerperæ partûs difficultati  
succumbentis.

**H**Onesta Matrona, *sive natura fuerit in culpa*, (cum alia quoque puerperia ipsi minus feliciter cesserunt) *sive erroris obstetricantium*, ægerrimè parturiens ann. 1683. M. April. supremum obierat diem. Huic *aquâ profusâ sub initium quies concessa*, quin mensæ adsideret permissum; horrore autem febrili perculsa, ubi cubile repetiit, exinde nullæ induciæ datæ parturienti, ipsâque doloris vi urgente se aliquoties in caput erigere, eâque circumvolutione situm Embryi corrigere tentavit: Pridie circa sextam matutinam sciscitanti, in vivis foetum uno ore omnes affirmârunt, quin manus protensæ motum etiamnum perceptum referebant; quibus tamen minimè habens fidem obstetricibus cunctantibus, & quævis alia molientibus, imperavi ut majori curâ adverterent, quò sumpto de mortuo indicio, maturè de aliis deliberare liceret, dum isto tempus consumitur, vires prostratæ, intempestivè ad parturiendum toties impulsæ, rejectoque à ventriculo per crebros vomitus sanguineo diluto; cum ramentis nigricantibus, impatientiâ ægræ & adstantium foetûs excisionem non ferente, imperitiâque obstetricum situm conciliare nesciâ, postridie modicum sanguinis paulò ante effundentibus genitalibus, decimâ vespertinâ piam DEO reddidit animam.

*Abdomine elato patefacto uterum ad diaphragma usq. ascendisse conspeximus.*

*Musculi abdominis extensi & dilatati, solito graciliores.*

*Uterus ex candido rubescens, vesicæ inflatæ instar minus crassâ tunicâ vasâ sua obtulit; undique liber, nullibi peritonæo adnexus.*

*Testiculi*

*Testiculi* parvi, paucis iisque minimis ovis præditi.

*Ligamentum* prope peritonæum lacerum & sanguinolentum.

*Inciso utero* foetidus exhalavit odor; *Crassities* vix ad penam anserinam accedebat, nisi ubi *Placentæ* erat sedes, in inferiori scilicet dextri lateris parte, cui & umbilicalia erant affixa.

*Placenta* natâ δάσιν facillima separatu, integra eximebatur, neque ullum succedebat sanguinis profluvium, neque vasorum uterinorum oscilla cotyledoniformia protuberabant.

*Situm Embryi p. n.* ex figura XXI. est addiscere, illo, qui in *Ephem. Germ. Ann. I. Observ. XLIX.* ab *Exc. Illmero* traditus, longe pejorem.

*Nullum Chorii aut Amnii vestigium*, nisi quod dextram Embryi, ex genitalibus matris exsertam cruenta circa carpum investiret tunica.

*Os pubis* nullo modo divulsum aut tenerius redditum, quin nec vi suo loco moveri poterat; *os coccygis* verò cedens, molliusque contrectantibus paruit.

*Ventriculum* incidens diluto sanguineo, & ramentis memoratis totum plenum contuitus sum; & ad *vasa brevia* reflectens oculos, ultra modum turgida hæc inveni, *Liene* vasto, & pluribus fissis in renis speciem efformato, quæ cum non liceret injectionibus explorare per momenta temporis, *jejunum* dividens eodem cruento liquore *intestina* stagnare adverto.

*Hepar* salvum & integrum, nullo venæ cavae aut portæ inflicto vulnere, utut *abdominis pelvis* diluto maderet sanguine.

*Fœtus masculus* totus *putredine* erat confectus, *cuticula* abscesserat, alibi disrupta, alibi in vesicas elata; ipsa *cutis* sugillata, alicubi quasi exesa aut erosa; *labia cum gingiva* consumpta, nudis *mandibularum ossibus*; *linguae* vix indicium, & quod stilo dabatur attingere, instar muci difflebat; *nasi* ale ad radicem usque corrosæ, *oculis* quoque illâ peste correptis; *testes* turgidos reddiderat *putredo*, *monstroso* pariter *abdominis & capitis tumore*.



*Uſus ex Anatome Puerperæ partûs difficultati  
ſuccumbentis.*

I. *Poteritne fœtus intra 40. horas in tantum putredine corrumpi? Helmontio quidem vero videbitur ſimillimum, cum Fr. Aſthma & Tuſſis n. 48. in Anatomicos viſceris putredinem mortis cauſam ſubſternentes, quaſi viſceris, inquit, putredo multis ante menſibus præexiſtiſſet, quæ in externis gangrena, paucis diebus interimit. Nidus quidem unde mors advenit ſenſim quidem ad interitum diſponitur; ab inſtanti autem morte propinquo putrere incipit, (citiusq. quam alioqui cadavera) putret: quia tepore fovetur. H. J. Et Salmuth. Cent. I. Obſerv. Med. 16. Brachium fœtus, quod pridie ejus diei exeruerat & retraxerat, corruptum fuiſſe & fœtens, infante extra ruptum uterum ſupra inteſtinum reperto. Verum totum corpus invaſiſſe, & ad oſſa uſque penetraſſe vim putredinis intra iſtud ſpatium, neſcio an ſolidis rerum probari queat documentis, in primis cum Chorii & Amnii tunicas iſta tabes perdiderat.*

II. *Ad facilitandum partum jam Hippocrati in uſu fuit concuſſio: qualis? ex L. de mulier. morbis Sect. 93. §. 8. & ſeqq. (in quem Cordæus Comment. VI.) & ex 5. Epidem. Sect. 36. §. 6. colligendum, licet difficillime; placet modus quo Exc. Binningerus ad corrigendum ſicum feliciter uſus; vid. Cent. III. Obſerv. Med. 81. & Cent. V. Obſerv. 79. verum is qui à noſtra adhibitus ridiculus, obfuit magis quam profuit.*

III. *Fruſtra Ranchinus de morb. ante partum, in partu, & poſt partum, de cauſis difficilis & laborioſi partûs ex parte matris monet, novaculâ incidendum ventrem, illæſis inteſtinis: cum uterus elatus illa procul arceat.*

IV. *Sanguis in cavitate abdominis ex ruptura peritonæi & ligamenti; ſive concuſſio matris, ſive infantis niſus iſtam fuerint cauſata.*

V. *Ventriculus citra dubium ex brevibus, & inteſtina ex aliis venis portæ accepto ſanguine ſtagnarunt, cum facilis per injectiones ex vena portæ ad ventriculum & inteſtina pateat via.*

VI. *San.*

VI. Sanguine ad alias partes p. n. abeunte, utero eodem destituto, *sicca adhæsit placenta.*

VII. *Ossa pubis non discedere à se invicem in partu; ideo in difficili ad os coccygis obstetricibus magis attendendum.*

Fig. XXI.

OBSERVATIO LXXV.

D. PHILIPPI JACOBI HARTMANNI,  
Anatome Matronæ febre confectæ.

**S**uccubuerat hæc febre continua, symptomatibus gravissimis; quâ in tertianam degenerante, fecit error diætæ, & medicaltrorum multitudo, ut in quotidianam commigraret: Hæc tandem remediis cessit, ut tamen recidivam incurreret; sed & recidivâ sopitâ, post unius atque alterius hebdomadis intervallum, de calculo renum, quem æstus comitaretur, conquesta, *calculi renum argumenta* suggessit; fixum ad vertebrae lumbares, in sinistro potissimum latere, dolorem; vasorum versus pubem protensionem urgentem; micтуриendi conatum; quodque jam olim laborârit calculo; (cum à partu quodam, sive Chorion s. Amnion, tunicam calculosâ congerie prorsus incrustatam ediderat:) ex urina tamen nullum calculi indicium, nisi quod tenuis per aliquot tempus exierat. In dies autem accessionem mali fieri ubi sensit, dolorum contagio omnes artus invadente, referebat à *pubis regione subitâ inflammatione*, veluti fulgure, *interanea corripit*, ad ventriculum advolante incendio, à quo per totum corpus æstus diffunderetur intolerabilis. Cum doloris vehementia, à quibus non, medicamenta conquireret, diuretica, lithontriptica, opiata, hysterica, præcipitantia, alcalia, fixa, volatilia, oleosâ, cordialia, frustra fuerunt omnia: neque ex ol. amygd. dulcium ferocia doloris mitigata, nec ex topicis, nec ex clysteribus quicquam fuit anodynum. Hinc aliis scorbutica, aliis hæctica, hysterica



aliis, aliis nephritica audit: sanguine interea naribus stillante, atque ore rejecto, cum per quatuor menses & ultra non passa fuisset muliebri profluvium, cujus alioquin abundantia laboraverat plethorica, salientia circa sinum pudoris vasa, suaserunt venarum in pedibus sectionem. Verum nec hâc multum vis mali fracta, cum ocyus recrudesceret; ab obstetricibus inspecta, si qua inflammatione muliebris natura correpta, verum nullum signum his fuit obvium. Antequam fato fungeretur, aliquot diebus arenulas rubras & albas cum squamulis nigricantibus urina manifestabat, & matutino diei, quo defuncta, ex naribus massa sanguinis, quæ instar tunicæ tenuioris expandi poterat, excreta.

Lustranti *abdomen pinguedinis & musculorum habitus* laudabilis occurtebat.

*Intestinis* plerisque; omnibus flatu turgescantibus inanibus; *coli pars sinistra* memorabilis, quod instar inflati utriculi angulari figurâ incurvati, novum mentiens ventrem, ex sua sede progressa, mole reclinata omento incumberet. *Ventriculum* non licebat diffecare.

*Omentum* curtum & densum, pinguedine tamen suâ sibi constans.

*Hepatis & Lienis* situs, magnitudo, color, consistentia s. n. videbantur omnia.

*Vesicula* tamen *fellis* peregrini quippiam atro colore portendebat, prementique *calculus* obnitebatur inclusus; ex incisâ bilis atra & viscosa evolvebatur; Calculi pondus 3ij ̄j. superficiem nigrâ, intrus materiem prodente flavedine, speciem & magnitudinem rectius docet Figura XXII.

*Renes* perscrutans, illos fascia & pinguedine s. n. involutos deprehendi, *situ dextri* aliquantum elatiori: *sinistro* nulli *lapilli*, *dextro* inerant complures, varii coloris, albi, subfusci &c. variae consistentiæ, aliquot siliceæ duritiei, qui ferri respuebant aciem; variae magnitudinis, majores pisum excedebant: habebant autem in sic dictarum caruncularum lacunis vel recessibus

Fig. 21.



Situs Embryi  
p. n. Matre Tar  
his Difficultati  
succumbens

Fig: 22. p. 172.





Fig: 23. p. 181.



*Batillus renalis ramossus.*

Fig: 24. p. 210.



Fig: 25.







bus anfractuosis, omnes pelvi incumbentes. Per ureteres stilum ad vesicam adegimus, sed nullus in his lapillus; nec in vesicâ ad os pubis contractâ quicquam lotii aut arenæ.

Uterum exinde lustrans ejus tubam coloris lividi conspicio; testis dextri majori specie, prominente ex eodem globoso corpore, magnitudine cerasi, carneâ facie, quod muscoli in modum per membranam ruberet; verum ex dissecto foetidum pus, minus fluidum, instar amurcæ fuscum; hęcq; major pars testiculi computruerat; sinistro longè minori, & incorrupto, præter alias, una insignis vesicula aquosa pisum maximum superans, quæ secta puram lympham ejaculabatur. Cæteroquin corpus uterisitum & magnitudinem rectè erat compositum, apertumque nec muci, nec sanguinis quicquam dedit, foraminibus, quibus tuba inseruntur ad latera fundi manifestò dehiscentibus. Ast orificium rigidum hiabat, nullâ exstante orâ, aut prominente, ut catheter patentem viam inoffensus ingrederetur; colli insolita durities, cum alicubi cartilagineam, tantum non osseam, induisset naturam, albicante prorsus substantiâ, qualis arteriæ aortæ ubi est crassissima; neque quod aliàs fieri solet, vasorum ductus ullibi in dissectis partibus conspici, omnes scilicet oblitterati fibrarum rigore.

Thoracem angustia temporis, & quæ ejusmodi anatomas ex voto perficere non sinunt, scrutari prohibuit.

### Ufus ex Anatome Matronæ febre confecta.

I. Diuturnas febres ex multiplici errore diætæ, & promiscuâ farragine medicamentorum, sæpius in tumores degenerare constat: In hac nostra an quoque *Apostematis in testiculo* similis fuit causa? cum ab agyrtâ spiritu frumenti corpus lavari curaverit.

II. Præsertim Mensium & seminis profluvio in plethorico corpore tanto intervallo suppresso; neque tempore reconvalescentiæ liberum exitum inveniēte. Novi Matronam ab æquè gravi, & diuturnâ febre reconvalescentem, quæ mensi-



bus non amplius purgabatur licet provectæ minus esset ætatis, largâ mictione, feminis profluvio comite, spem duraturæ sanitatis fecisse.

III. Hippocrates 1. de morb. mulier. cap. 61. §. 6. inter alia *ulcerum in uteris signa* ponit, quod velut spinæ (*ἀνὰ δία*) per uteros transire videantur: de tali dolore & nostra est conquesta.

IV. Ex abscessu enim testiculi & *dolorem* in his partibus, & *inflammationem tubæ*, atque *subultrationem vasculi circa sinum pudoris*, arcessenda puto.

V. *Cervicis durities* itidem à contagio inflammationis testiculi, præsertim suppresso cursu sanguinis menstrui.

VI. *Quæ autem ratio æstus instar fulguris à regione uteri ad ventriculum provolantis, hincq; totum corpus invadentis?* puto inflammationem testiculi æstuante sanguine affecisse vasa emulgentia renis dextri oblæsi; sed & vasa hepatis inde, à vesiculâ fellis inflammationi suppari malo, efflagrasse; quorum vicinia ventriculum læsit, ferociente unâ coli flatulentia. Quin sola doloris vehementia quàm latè per universum corpus incendium spargere possit, notum est, cum nervorum plenus facile in spasmodorum consensum concitentur.

VII. *Dolorem Hepatis ex calculo cystis felleæ* unâ cum *Observ. 66. Ann. I. Ephem. Germ.* nostra illustrabit Historia.

VIII. *Quomodo in testiculo Apostema generatum*, certis rationibus demonstrari nequit; divinandum tamen utique cum *Exc. D. Muys* acrem quendam humorem dilacerasse vasa, atque suo fermento corrupisse proximas partes.

IX. *Malè aliquando ventriculum accusari, cum colon sit in culpa sapius*; equidem hæc *Cardialgia* se affligi toties clamitans, quodque ventriculi ista esset elatio à qua abdomen attolleretur: Sed quod obstructionibus laboraret, quodque quale quale solatium à Clysteribus proveniret, hæc satis arguebant cujus foret culpa.

X. Do-

X. *Doloris Hypochondriaci causam in sinistro latere rectius assignari parti colî, quæ ampliori cavitate hoc loco angulari figurâ curvata, & hinc inde constricta renem sinistrum fere contingit, quam Lienitidem nostra innuit historia.*

XI. *Lapidis in cysti generationem ex istis originibus deduco: Febricitans assueverat potui tenui acidulo, (Schemper) ei que frigido, nec æstus quidem tempore ab isto sibi temperans: credo itaque fervidum ventriculum derepente frige factum fervidiori hepatis parti simæ, atque immediatè folliculo fellis, istud frigus impressisse; quò ipsò turbida bilis viscositatem indepta lateribus folliculi adhæsit, atque subinde à sedimentis incrementum nacta, tandem crusta intestinæ tunicæ, sive pondere suo, sive conatu affluentis novæ bilis, avulsâ, motuque qualicunque folliculi conglobata in oblongum lapidem ad figuram ipsius folliculi est conformata: Neque enim ulli sali istiusmodi debetur figura; atque si aliquando *Historia, quas morbosorum corporum belluinorum suppeditarunt Anatomæ B. C. D.* aspexerint lucem, conformem generationem calculi in folliculo fellis illustriori exemplo sumus demonstraturi.*

XII. *Sophisticam esse grandem definire certam aliquam internarum partium affectam morbi causam, ubi tota sanguinis Oeconomia est perturbata; uti enim actiones dantur, quæ non sunt unæ, sed ex pluribus ordine sibi invicem succenturiatis compositæ, Græcis ἐπιζῆσις, ita etiam passionēs erunt, quarum una ex alia dependet, quæque junctim morbi vim & nomen sustinent. Vanitatem sanè illorum, qui veluti ex oraculo delphico renuntiant, hujus, illius partis esse vitium, nunquam satis ridendam propinant, toties detecta ex anatomis prognosticorum talium ludibria.*

XIII. *Cum in putrido testiculo nulla fuerit aquosa vesicula, contra quàm in sano; an causam hujus dicamus; quod ad vesicularem substantiam testium muliebrium nihil seminis elaborati ex alia substantia fuerit transmissum, conflagrante sanguinis flore ex inflammatione testiculi? Fig. XXII.*

OBSER-



## OBSERVATIO LXXVI.

D. PHILIPPI JACOBI HARTMANNI,  
Anatome Monstrosi crediti Foetus.

**A**Nno 1686. Mense Martio in quodam suburbiorum Regiomontanorum (Lactr) uxor mercenarii, ter geminas sorores enixa, suspensis ex una eademque placenta tribus funiculis, priores duas vivaces, contractis pedibus non prorsus Agrippinum in modum ex dextro latere aquâ effusâ prodiisse retulit, tertiam mortuam pariter complicatam, facilius tamen ob corporis exilitatem ex sinistro latere natibus exitum invenisse, citra aquâ profluvium, citra tunicas: hæcque erat quæ obstetricantibus mulierculis monstrum ingeneravit opinionem, quâ in vulgus dimanante, fama mobilitate vigens, viresque eundo acquirens, Parentibus pauperculis, Pontificiæ religioni addictis, lucellum, ut ut minus invidendum, conflavit. Mater interrogata, an gravis gravidam percussisset casus, se lapsam quidem respondit, ut tamen nihil exinde mali perceperit, neque frigus abdominis aut febriles horrores ferentem utero affecisse, saltē quod ventriculus quandoque molestus fuerit, quem valentem aliæ prægnationes præstiterant; neque sibi in mentem venisse tres utero gestari foetus, cum solis minus hocce gestationis tempore abdomen fuerit elatum.

Cæterum attentè omnia perlustranti monstrosa visâ minime, quamvis vulgo Satyri cujuscunque (qualis apud Tulpium III. Observ. Med. 56.) effigies ipsi affingeretur. Distorsio & dislocatio ossium cartilaginumve, cute lanugine molli obsitâ, corpus reliquum deturparat. Caput verò non uno modo, accedente, putredine, vitiatum compressio, aures enim præter morem alas reddiderat, patulas & diductas, quales ferme vespertilionum; Palpebras quoque exsiccatas, in modum auricularum arrexerat, idque plebeculæ quatuor auribus prædictum ferebatur monstrum. At erectorum pilorum in singulis superciliis

illis singuli globi, cornua rumori suppeditabant: Ossibusq. mandibule inferioris intrò compulsis, altero alteri imposito, rictum efformantibus belluinum, naribusque depressis, simiæ, felisve vultus fabulis traditus. Memorabilis *Calvities Cranii*, quam veluti aream corona capillorum cinxerat, majoris tonsuræ pontificiorum Clero usitata in speciem; *Oculi* aperti luridi.

*Anatome* autem prorsus hunc fætum monstri suspitione liberavit, cum non solum *epiphyses cartilagineæ* ab ossibus secesserant, sed & alienum locum transferant; *ipsis ossibus* sede sua deturbatis variè, alia aliis incumbebant, quædam decussatim, magis, minusvè. *Secundâ vertebrâ* salvâ, salvo & dente *Hippocratis*, *primæ* divulsæ cartilagineum vestigium supererat. *Area* memorata cute merâ constabat, *bregmatis ossibus* (quæ quibusdam parietalia) magnitudinem lapidis percarum modicè excedentibus, *illisq. occipitis* minimè designandis, cùm totius cranii intercapedo in fonticulum concesserat; *costæ* omnes, nisi quod dextri lateris *duodecima* apice solum dignoscenda, *oppositâ* os & cartilaginem ostendente; siquidem supremæ hujus lateris dorso incumbebant perversæ. *Omnes vertebrae* præter primam, etiam *ille coccygis* distinctè erant conspiciendæ: quæ omnia in *illustrationem Osteogenia Skeleton* ante oculos ponet rectius; non possum tamen quin illud adjiciam, *dentium modulos ex superiore mandibulâ*, utrinq. octo, me eduxisse, excavatos, nigros, minimis apicem adæquantibus ægrè oculis usurpandum; alios tribus cuspidibus, alios uno saltem acutos, alios gibbo modice arcuatos; in *inferiori mandibulâ*, quod distorta esset non potui singulorum laterum dentes dinumerare. *Ossicula auditûs*, & *malleus* & *incus*, integra aderant & solida, præfixo longiori incudis pede orbiculari; *stapedis* basis divisa & tenuissima.

Cute vero illâ Cranii vices sustinente, incisâ nec grumus cerebri deprehensus, nullo meningis peculiaris liberæ, aut vasorum *fenulachro* reliquo. Concipere tamen erat adfuisse *meningem*, *bregmatis ossiculis* cuti mediâ crassiusculâ membranâ appensis, eademque alia quoque ossa obtegente. *Nudum* autem



*Os sphenoides* conspicientes indagavimus, si quid Parenchymatis cerebri, cerebellive, ad medullam concessisset; verum & hic specum inanem offendimus, membranis quibusdam circumvallatam, cui neque medulla spinalis momentum inerat, vel pennæ per vertebrae trajectæ indicio. Oculis dissecatis nullus humor effluebat.

*Abdomen patefactum* Hepar primo obtutui subduxerat; ast amurcâ quâdam oblitis Hypochondriis, in hac venabamur hepatis vasa, felici successu, cum exempta tepidæ imposita egregiè se in plumaceolorum tenuissima fila explicarent, conspiciis truncis, à quibus istæ pronascebantur propagines; vix ulla ars ista elegantia excarnificare potuisset hepatis minima. *Cætera abdominis cuncta* aderant, exsucca tamen, & flaccida. *Lien* propriæ tunicæ secessione; *Pancreas* parvitate; *Ventriculus* situ erecto, qualis piscium; *intestina* inanitate erant notabilia; cæcum articuli longitudine, pennæ anatinæ crassitie.

*Renes* magnitudine ad ovum columbinum assurgentes ventriculum superabant; in his natura egerat Anatomicum, cum fascia sponte suâ, & seorsim propria tunica à parenchymate secederet; *Sinister* detractâ propriâ tunicâ instar bubuli, ex multis glandulis compositus, comparebat, intus caruncularum & pelvis vestigiis qualibuscunque: *ureteres* manifesti & illæsi pennæ anatinæ minimæ crassitie. *Arteria umbilicales* vesicam claudebant, ex quâ tamen nullâ vi in urachum flatus adigi poterat, ut ut per ureteres æquè ac per urethram periculum fieret.

*Genitalia* non tango, cum illorum Historia Tract. de generation. viviparorum ex ova destinetur.

### Usus ex Anatome Monstrofi crediti fœtus.

I. *Vulgus credulum*, quot non portenta, monstra, obtrudit!

II. *An superfœtatio locum habeat*, de lapsu edoctus ambigo; multa tamen illam suadent: *minori fœtu*, vix sesquipithamam longo, compressionem, & à compressione reliqua vicia,

vicia, obtigisse; quod duæ vivaces hanc in angustias compulerint, atque fortè ruptis à coarctatione tunicis, subtracto alimento, sensim, sine sensu matris, emarcuisse fecerint.

III. *Lanugo cutis pilosa à putredine; cujus rei insignius documentum in historiis ex corporum belluinarum morbosorum Anatomis.*

IV. *Quod in superciliis pilorum erecti globi; quod in capite corona; situs in causa erat, aliis partibus, arctius compressis, exhalationi spatium negantibus, quod aliæ concesserunt liberum.*

V. *Palpebra arrecta, auricula diducta, itidem compressionis culpâ, accedente rigore exsiccationis.*

VI. *Cerebri, visceris omnium mollissimi, prima, quia facillimâ, putredo & evaporatio, cum in Embryis sit mucosum.*

VII. *Proximè à cerebro mollissimum hepatis parenchyma.*

VIII. *An ex ipsorum abolitione argui potest, non benè glandulis assignari cerebri & Hepatis contextum? à partibus Veterum stante historia: Illis parenchymata, vasis quasi affusos humores, concretos magis minusve fibrillis, statuminantibus.*

IX. *Quomodo Marasmus inducatur toti corpori, æquè ac visceribus, deficiente nutritionis œconomiâ.*

X. *Non posse ex situ differentiam sexûs colligi, qua de re collarium tertium Exercitat. de originibus anatomic, plura congestit.*

XI. *Renum in Embryis glandulosa natura.*

#### OBSERVATIO LXXVII.

D. PHILIPPI JACOBI HARTMANNI,

Anatome Ascitici & Herniosi.

**V**Ir quinquaginta octo Annorum diarrhæam molimine naturæ paulò antepassus, ad comedendum petasonem fumo induratum invitatus, illo comeso, haustuque spiritûs vini ingesto recidivæ obnoxius, quadraginta



vicibus unâ die deiecit, ex quo vires prostermi, aliis atque aliis ægritudinibus recrudescantibus, cum illo morbo conflictans, intervallo temporis elapso, *de oscheocele* Medicum consulens, factâ ventris inspiciendi copiâ, cuius ignarus erat *de ascite* certior est redditus, *Anasarca* virgam unâ occupante.

Remediis utenti illicò *livida macula* prodire, primùm quidem pedes hâc peste invadente, dein ad femora se proripiente, tandem etiam manus & totum corpus descendente. Uso cum *Euphoria* Syrupo de *spina cervina*, & succo *iris nostratis*, correctis aquarum aromaticarum virtute, *hydrops penis* evanuit; *abdominis* tumore quoq; aliquantùm subsidente; non tamen medicamentorum vires vi morbi expugnandæ erant satis; cum per tres septimanas urinam ex atro fuscâ reddiderat, stillantibus aliquando & naribus paucis guttis sanguineis, deficientibus concoctionis & somni suppetiis, paucis antequam defungeretur diebus tenaci pituitâ fauces aggravante, vomitu difficili noctu debilitatus, puri sanguinis copiâ, quæ scyphum impleret, illo quo obiit die, effusâ, placidè Anno 1686. M. April, animam exhalavit. Per morbi tempus *tussicula* ipsi minus fuit molesta.

Perforato *abdomine* plures aquæ cruentæ mensuræ, citra ullum foetorem, effluxere. *Ventriculo & intestinis* humore infarctis atque exuberantibus.

*Omenti* nulla pinguedo s. n. sed membrana luridis grandinosis granulis divulsâ disruptaque; densa & curta; nisi ubi in sinistro latere *Oscheocelen* contexuerat: hîc enim processum peritonæi dilatatum cum vasis præparantibus ingrediens, tenui laciniâ porrectâ: cum Epididymide testis illius coalearat firmiter; *testisq;* hâc laciniâ apprehensâ cum processu ex scroto extrahi poterat integer.

*Glandulæ* ad intestina aut Mesenterium scirrhusa non observatæ memorabiles.

*Hepar* totum albicans, æquè in gibba ac sima parte, fissi portis quoque rigidis; non extenderat crepidinem ad sinistrum  
Hypo-

Hypochondrium, nudo ventriculo: ad diaphragma resupinum, & contractum quodammodo, neutiquam tamen arctè huic adhærebat.

*Vesicula fellea*, ovi magnitudine, distenta, ex albo marmoreâ, densâ, tunicâ, incisa puram lympham nulla flavedine tinctam, quin potius lactescentem magna copia effundebat; ex illa versus cysticum ductum digitum extendenti obvia durities lapidea, atque præciso ductu calculus incurvus cervicem arctè occludens asper, agrè eductus integer candidicans, gypleus, prætercaput, quo rubebat. Vid. Fig. XXIII.

*Pancreas* durum.

Durus quoque *Lien*, punctis albicantibus in disseccto scirrhi initia prodeuntibus; cætera s. n. compositus.

*Renum dexter* tumidus & vastus, hepatis pressè adstrictus.

### Usus ex Anatome Ascitici & Herniosi.

I. *Cruditatis* quid possit, vel ex hoc addiscendum; neque enim aliundequàm ex debilitate caloris nativi diarrhoea ultimo pronata.

II. Nimirum cum perasonis crudi particulæ diu tunicas ventriculi infederint, calore non valente huic visceri impertire robur, quâ motu suo propelleret ingesta, ex haustis à priori diarrhoea viribus, appetitus solidorum languere, aut eadem illapsâ in ventriculum mucosâ perasone residuo adhærere, fluidis interea dilabentibus, & avidè ab exinanitis lacteorum oscillis arreptis, eisdem quod patentes ubique viæ ocysimè ad cor advectis, nullâque morâ interjectâ ad indigentes partes dimissis, contigit & fluida à corde ac pulmonibus in justum corpus nequaquam coqui, præprimis quod à præcedente diarrhoea sanguis residuus terrestri glutinoso, quod caloris est retinentius, bile egestâ maximam partem fuerat spoliatus, indeque dilutus evasit aqueus, nulloque calore generoso in cremorem conciliatus, nutrimentum partibus apponere neutiquam valuit, sed veluti aqua tepida, celeriter vasa permeavit, his quoque quod-

23 cunque



cunque mucilaginis nativæ fibris inerat auferens, unde *reſeratis oſcillis diluvium* undarum abdominis cavitatem invadere.

III. Verum illud magis in quæſtionem veniet, *quorum vaſorum oſcilla ſint reſerata*, an lymphaticorum tantum, an verò & ſanguineorum? & quorum, venoſorum an arterioſorum? & ſi venoſorum an magis portæ an cavæ? *lymphatica ſola iſtas inundationes patræſſe mihi minimè ſit veròſimile*: quæ enim tantâ, virtutibus medicamentorum, aquæ mole ejectâ, in diæ-  
tæ obſervantiſſimo & parcè liquidis utente, ventriculus & inteſtina à morte etiamnum repleta fuerint? lymphaticorumque erit à ventriculo & inteſtinis avehere, non item ad has partes advehere lympham.

IV. *Neq; eſt quod oggeras per glandulas exſudaſſe lympham in ventriculum & inteſtina*; illas enim autopſia in hoc Subjecto Nobis non ſtitit, licet & animum & oculos ad verterimus; accedebat quod ſanguinolento diluto colore ſparſa eſſent inteſtina æquè ac ventriculus, ut non à lymphaticis ſed à ſanguineis vaſis malum ſcias.

V. *Ex ſanguineis autem arteriarum non erit hac culpa*, cum in illis ferè ſolus tantillum purpurei laticis reſideret; *Cavæ quoq; ſoboli minus imputanda*, aliàs anasarca acceſſiſſet, quam ramen minime muſculi muſculorumque pinguedo, detegebant; reliquum itaque ut *Portæ propaginibus adſcribenda illa omnis*, cum harum in his viſceribus ſit regnum.

VI. *Quomodo verò vitium intulerint* paucis innuam; quando Portæ vaſis ſ. n. terreſtrior & tenacior debetur ſanguis, utpote à quo miniſterio hepatis & pancreatis bilis & pituita ſeparandæ, quo defecatio cavam ingreſſus cordis coctioni parere diſcat; contra morem, tepidum & dilutum valde, ab arteriis lienis, ſubinde his accipientibus, factum ut ipſarum compages madore diſſolveretur, oſcillaque exinde magis & magis hiarent, quæ à ramis propriis in ventriculum & inteſtina, & ab illis omenti in abdomen aquam loturæ carniū ſimilem depluere fecerunt. Memini me illud quod malo naturæ con-

filio

filio in hoc evenisse edisserui, tepidæ aquæ adminiculo à vasis Portæ obtinuisse.

VII. Ex istis facile est intelligere quomodo *scirrhus* totum *hepar* induraverit, quomodo *omentum* grandinosum, & *Pancreas* rigidum reddiderit.

VIII. Quomodo *vesicula felle* bile privata, ex eisdem itidem erit addiscere.

IX. Ast quod humor, quæ huic folliculo inerat, non loturam carnis, sed serum ferme lactescens referret, tunicâ quoque non lineamentis sanguinolentis pictâ, sed multum albicantibus, illud lymphaticis deberi autumo, quæ, utut bilis, cui diluendæ ipsorum lympham natura dicaverat, nulla adesset, in folliculum tamen laticem convehendo, credito sibi munere probè fungi voluerunt; Idem confirmante cystici lapidis candido corpore: quamvis diffusum magis commentarium requirat lymphæ ad vesiculam felle commeatu.

X. Oppletus & extensus folliculus felle cervicæ à calculo arte obsessa.

XI. Incurvus calculus cystis ad cholidochicum communem declivi cervicæ propensionem notat.

XII. *Oscheoepiplocele* Scroti ex omento Herniam cur medicina nesciat aliquando nisi ferro tollere, hæc docet Historia; non minus eadem *sinistram epiplocele* frequentiore comprobatur.

XIII. *Tussicula* non gravis fuit nostro, quod diaphragma & hepatis gibbum intercapedine justâ distarent.

XIV. *Macula* per totum corpus sparsa ex debilitate caloris, circuitu sanguinis impedito, quò in cuticulæ aut cutis superficie suum munus absolvere non valens congelatus efflorescere corpus fecit.

XV. *Urina furva*, inquinatis jam venæ cavæ vasis, & vitiosis uretericis fibrillis; dicto modo.

XVI. *Stillanarium sanguinea*, ex paucitate sanguinis generosi.

XVII. *Pur-*



XVII. *Purus ex pulmonibus regurgitans sanguis, ruptis vasis arteriosis.*

XVIII. *Nullus factor ex dissecto cadavere, id quod ad putredinis naturam explicandam faciens, militabit & contra Helmontium.*

Fig. XXIII.

OBSERVATIO LXXVIII.

D. GEORGII WOLFGANGI WEDELII,

*Menses in Puella sexenni.*

**U**T varii lusus circa mensium fluxum occurrunt, & milena exempla *idiosyncrasias*; ita idem speciatim quoad tempus eorundem serius vel ocys contingit. Anno M DC LXXXIV. consultus sum de puellâ nobili, quæ sextum saltim annum ingressâ à tribus mensibus, menses experta erat, cœteroqui benè valens, sed tenerrimæ texturæ. Causa sine dubio extraordinariorum ejusmodi casuum querenda est vel in ipsâ massâ sanguineâ, vel utero, ejusque poris & vasis. In tenerioribus facilius onerosus status sanguinis accidere potest, facilius ad porosas uteri partes decumbere, & ab elatere ejusdem expelli. Textura corporis & sanguinis symbolizat. Quando verò semel iterumque exoneratio facta est, natura ordinis & loci amans illuc amandat superfluum, ubi id convenientius invenit. Suasimus verò parentibus, ne temerè fluxum sisterent, vel motum naturæ, quousque *εὐφώρας* procederet, interturbarent: nec quicquam propinavimus, quàm Tincturam martis cum succo cydoniorum extractam, cujus usum in obstructionibus mesenterii, (unde non rarò menses ad uterum citatius redundant,) & productis inde aliis non semel experti sumus. Notavimus etiam menses in aliis IX. annorum.

OBSER-

OBSERVATIO LXXIX.

D. GEORGII WOLFGANGI WEDELII,  
Hæmorrhagia in Infante.

**T**Enacior quidem solet esse natura in effundendo thesauro vitali in Infantibus, præterquam à causâ violentâ externâ; Fit tamen ut idem observetur in praxi. Ann. M DC LXXXIV. Infans XV. hebdomadarum nobis offerebatur, qui ab integro mense sæpius hæmorrhagiam narium expertus erat. Curatus est pulvere styptico, cum anodyno mixtus unâ alteraque dosi propinato. Matri autem indictum est, ut à vino, aromaticis & similibus abstineret.

OBSERVATIO LXXX.

Dn. MICHAELIS BERNHARDI VALENTINI,  
Contumax Malæ tumor & excretum inde  
osliculum.

**O**bservationem meretur casus à D. Gothofredo Henniken, Practico Erpacensi & Amico singulari haud ita pridem mihi per literas communicatus. Vix duæ elapsæ (inquit) septimanæ, ex quo Virgo viginti circiter annorum curæ meæ est concessa, quæ menses antehac parcos experta, nunc per aliquot septimanas cum odontalgia est conflictata; illa verò cessante in tumorem insignem elevabatur mala sinistra, eumque durum admodum & cum doloribus capitis intensissimis conjunctum. In usum vocata erant, ut fit, domestica varia, cataplasmata & alia, sed sine fructu. Appetitus intereà emoriebatur, vires vacillabant, lipothymia satis graves & vigilie urgebant. Adveniens Ego, jubeo fieri ex melle, croco, vitello ovi & farinâ fecalinâ cataplasma, inunctâ prius malâ cum axungia leporina (nam tumor jam durarat tres he-

*Dec. II. Annus V.*

A a

bdoma-



bdomas) intus propino pulverem absorbentem traumaticum & roborantem potiunculam, quibus Deo fortunante optatum effectum edentibus, demum post discessum meum, & diebus, nî fallor, octo elapsis rumpitur tumor: Inde verò imponitur emplastrum satis bonum, non ita diu post officulum quoque secedit porosum. Circumferentia tumoris dura permanet. Nuper ad Nos huc perlata Virgo, meâ ulterius manu applico quædam balsamica & jubeo os eluere vinò calidò, cui myrrha incocta, ad foetorem oris corrigendum & alium quoque scopum obtinendum. Timeo namque maxillæ cariẽ: Turundas verò detestor, utut profundè lateat pus, nec exstillet, nisi intrusò in os digitò. Pridiè remisit tumoris durities, sanies prodit bona, vires constant, benè ingerit, digerit & egerit patiens, nullum symptomata adest, quod mereatur attentionem vel tantillam. Quæritur jam an secedere queat particula maxillæ, cui tamen caries non adsit vel in toto vel in parte? An sanatio, cui nunc omnia egregiè se aptant, genuina sit futura? Impertias quæso Tuam sententiam &c.

## OBSERVATIO LXXXI.

Dn. MICHAELIS BERNHARDI VALENTINI,  
Menstrua per ulcus tibiæ emissæ.

**U**T varias sæpe vias quærunt menstrua alibi præpedita, sic ex profundo pedis ulcere eadem prorumpere toti Medicorum Collegio quærebat Batava quædam in Per-Celebri Nosocomio Lugdunensi, consilium expetens, cum diffluxâ nunc æstate superiori iteratis illud vicibus frequentare liceret.

## SCHOLIUM.

**I**N ancilla, cui instante mensium periodo solitâ, sponte sua ulcus, quondam ex tumore pedum enatum, iterum tamen consolidatum, disrumpebatur, sanguinem ex eo copiosè fuisse

fuisse profusum, idque sæpius eodem modo contigisse, *Thom. Bartholinus cent. 1. hist. anat. 16.* testatur; menses quoque ex maligno pedis ulcere evacuatos, & postea, abscisso eodem, legitimum cursum consecutos, ex *Esaia Meichsneri* relatione, scribit *Joh. Georg. Schenckius lib. 4. observat. Med.* Hisce & suum Symbolum jungit *Joh. Rhodius cent. 3. hist. Med. 50.* *Joh. Bapt. Soncinum* mulierem novisse, memorans, cui menses nunquam fluxerant, sed imminente huic purgationi tempore consueto, magnam sanguinis copiam è dextra tibia erupisse, apertâ ulceris crustâ. Per talum in pede gravidæ hæmorrhagiam menstruam etiam sistit *Dec. 1. Ephem. nostr. Ann. 1. Observ. 96.* atque ex abscessu diuturno in genu *Ann. IV. Observ. 75.* Sanguis quippe, iudicio *Exc. Bartholini l. c.* qui propter vasorum uterinorum obstructionem, à consueta via fuit exclusus, aliam elegit, eamque ob tumores & ulcera prægressa debilissimam.

[*L. Schröck, L. F.*]

#### OBSERVATIO LXXXII.

Dn. MICHAELIS BERNHARDI VALENTINI,  
Ingens narium Polypus deglutitionem  
præpediens.

**T**Ristius ibidem spectaculum exhibebat puer tantâ narium excrecentiâ, quam polypum vocant, laborans, ut deglutitionem tantum non penitus impediret. Alterutræ insimul malæ tumor exulceratus aderat, tamque altas radices egerat malum in palati confiniis, ut ægrum prognostico potius relinquere, quam immedicabili malo manum adhibendo operam & oleum perdere maluerit *Dn. Schachtius* Pract. Professor, dictique Nosocomii Medicus Ordinarius.

#### SCHOLIUM.

**D**E ortu & generatione ejusmodi tumorum, dum quæritur, causâ certè non minus ardua est, quàm curatio. Ver-



mes esse sensuum est fallacia, cum & iis generentur partibus, quæ ob balsamicam sui constitutionem putredinosam vermium sobolem non admittunt. Sanguinem pariter coagulum huic negotio non suffenum esse probat nervulorum, fibrillarum & venularum intertextio. D. Drelincurtius narium polypum excrecentiam duræ matris esse haud insulsè asserit in *Colleg. Pract. MSS.* hinc curæ difficultas. Sic in aliis fortè partibus ex nutrimenti proprii abscessu, seu ut *Helmontius* loquitur, ploratione parili modò generari possent.

## OBSERVATIO LXXXIII.

Dn. MICHAELIS BERNHARDI VALENTINI,  
Polypus Cordis lapideus.

**N**on minoris portenti res erat, quæ *Parisiis*, (cum Reverendis. Dominus, *Mons. l' Abbe de la Roque* pro suo sibi favore liberum huc accessum indulgeret) in Illustri Eruditorum conventu, qui singulis Jovis diebus illic celebratur, se obtulit. Polypus erat cordis in lapidem mutatus, quem utè cadavere virili pridie refecarat, Curiosissimo Domino Abbati obtulerat Chirurgus. Notabile verò est, quod patiens ille paulò ante obitum palpitatione sæpè cordis & iteratâ syncope detentus fuerit, idque quieto potius, quam fatigatò corpore, cum sub equitatione fortiori què exercitiò paulò melius habuerit, quia mediante succussione, insignis aortæ obstructio, in quam excrecentia hæc desinebat, ad tempus aperiebatur & sanguini exitum concedebat. Non dubito, quin recentissimi Diarii Medici Mensi III. (vulgò *Journal de Medecine*) plenior hujus rei historia inserta fuerit, qui sub abitu meo prælum expectabat.

P.S. Vix hæc expediveram & Amicorum meorum haud Postremus Dn. *Camerarius Med. Lic.* Tertiam Diarii Medici Parisiensis Continuationem per literas offert, ubi casus hic cum elegantia æthiologia fusè diductus est.

SCHO-

**SCHOLIUM.**

**T**Ractatus hic *Journal de Medecine* superiori anno 1686. sua capiebat primordia & haud multo post in compendio *Reipublicæ Literariæ* (vulgò *La Republique des Lettres*) insertus, cujus Authorem Roterodami experiri licuit. Cum enim plures sint Medicorum Observationes, quàm ut *Ephemeridibus Gallicis* commodè inferi possint, hinc Author illarum Dn. Abbas de la Roque consultius fore judicavit, si easdem peculiari Diariò concrederet, cujus rei dudum quoque fecerat periculum, ob alia verò negotia rursus interceptæ, donec tandem Medici quidam & Chirurghi juniores operi manum admovent, qui singulis posthac mensibus Observationes hasce prosecuturi sunt. Titulus est;

**JOURNAL de MEDECINE**

ou

*Observations des plus Fameux Medecins Chirurgiens & Anatomistes de l'Europe, tirées de journaux des Pays Etrangers & autres mémoires particuliers.*  
à Paris.

**S**icut verò plurima ex Aliorum *Ephemeridibus* (ut Titulus habet) collecta sunt, ita speramus Scripti Authores abhinc (sicubi juvenilis fortè calor deferbuerit) veritatem historicam non tam faciliè & impunè dubiam facturos, nec plures *Ephemeridum Germanicarum* Observationes pro Chimæris habituros esse, sicuti *Contin. II. Mens. Maji Artic. VIII.* factum est, quod, si benè me novi, vel Ipsi Domino Abbati, libelli hujus Directori, plurimùm displicuerit, qui honorificentius multò me præfente de totò Acad. Nat. Curiosorum Collegio judicavit.



OBSERVATIO LXXXIV.

Dn. MICHAELIS BERNHARDI VALENTINI,  
Admirandi Maniacorum Gestus.

**U**T, contraria juxta se posita magis elucescunt, ita nullo major subit rationis & intellectus æstimatio, quam in Maniacorum ergastulis, qui ratione suâ sive privati sive distracti non homines se, sed bruta sæpè fingunt. Triste hujus rei spectaculum videtur *Londini* in Augustissimo & verè Regio Manodochio Anglicè *the Nievv Bedlam* dicto, in quo inter alios est, qui Galli cantum toto die æmulatur. Notatu verò dignum est, quod ex Oeconomorum atque Præfectorum relatione habeo, quòd tantum non omnes aut superbiâ aut amore detenti id sibi mali contraxerint; unde & in Celeberrimo atque Principali Hassiæ *Manodochio Haynensi* vidi qui se Reges, Duces, Abbates &c. simularent.

[*Ex literis d. 3. Nov. ad Dn. D. Volckamerum datis.*]

OBSERVATIO LXXXV.

D. JOH. LUDOVICI HANNEMANNI,

*De*

Pathologia animata.

**I**ncidi nuper in *Caput VIII. §. XI. Cynographia curiosa* Excell. D. D. *Paullini*, Collegæ & Amici honoratissimi, quo acutissimi *Langii* mente, asserit, variolas & morbillos nihil aliud esse, quam animatam, ac innumerorum minutissimorumque, vel atomorum instar vermiculorum pullulaginem. Ad hanc hypothesin confirmandam addo, quod mihi fide digna Matrona aliquando commemoravit, quomodo scil. hominis febre purpura defuncti vultum stanneo vase obtegerint, hoc cum removerent, eidem innumeri vermiculi adhæserant.

Qui

Qui vermiculi antea erant exhalantes fuligines, sed frigore flannei vasis addensati sunt in vermicularem formam. Talis vermiculorum curiosa progenies in variolis, morbillis & petechiis in sanguine insuperabilis putredinis testimonium perhibent. Conf. *P. Ath. Kircheri Scrutin. Pest. & s. XV. prælaudati nostri Arionis.* Hanc pathologiam animatam diligentius excolendam esse arbitramur. Et si expendimus contextum carnis, qui ut est filamentalis, quot itaque filamenta hunc contextum absolvunt, totidem vermiculos ex carne generari, nobis persuasissimum est, sicque exiguum frustum carnis aliquot legiones vermiculorum ex se gignit. Curiosissima & ingeniosissima meditatio est, quam & hic celeb. Autor de Jobo verminoso *Cap. X.* habet, & recte Jobum pathologiae verminosæ compendium appellat, quo in puncto celeberrimi Viri Sententiam amplector. Redivivi Jobi imaginem habemus in ægro, quem *Cap. LXXVII. cent. II. pag. 177. Poterius* describit.

OBSERVATIO LXXXVI.

D. JOH. LUDOVICI HANNEMANNI,

De

*Arenulis cum sanguine exeuntibus.*

**Q**Uædam generosissima Matrona ex Perillustri & antiquissimo stemmate de Ranzovv mihi retulit, quomodo ex ejus vena secta cum sanguine simul arena, qualem cum lotio excernere solebat, fuerit extracta, inque pelvim defluxerit. Ex hac historia concludo, elementa calculi omnium primo generari in ventriculo, & inde sanguini communicari &c. sicque salvari potest opinio *Fernelii* de foco generationis calculi, quam opinionem ut olim defendimus, sicque nunc magis pro ea pugnamus.

[*Kilia 1686. d. 6. Nov. Noribergam miss.*]

SCHO-



## SCHOLIUM.

**C**alculos etiam cum sanguine è vena secta prodeuntes observarunt Nobiliss. *D. Greifelius Dec. I. Ephem. harum Ann. I. Obs. 65. & Excell. D. Joh. Doleus Encyclop. Med. lib. 3. cap. 13.* Non minus prostant plures aliæ calculorum historiæ, qui in arteriis & venis fuere reperti: sic in arteria aorta calculum deprehendit *Nicol. Tulpius lib. 2. Obs. Med. cap. 25.* alios in arteriarum tunica interna *Clar. Laurent. Bellinus de morb. pector. in arteriæ venosæ & venæ arteriosæ nonnullis ramulis Christan. Langius Miscell. Medic. curios. 12. in venæ arteriosæ principio Petr. Marchettus apud Rhodium cent. 3. observ. 4.* ipsum venæ pneumonicæ truncum prope cordis insertionem lapidescentem *Thom. Willis part. 2. Pharm. ration. sect. 1. cap. 2.* Calculos venarum emulgentium describunt *Thom. Bartholinus cent. 3. hist. anat. 34. & Carol. Lana in Henr. à Monichen obs. med. 20. & Ant. Molinetti diss. anat. pathol. lib. 6. cap. 7.* venarum mesaraicarum *Ephem. nostr. Dec. I. Ann. III. obs. 285.* portæ & hæmorrhoidalium ex *Joh. Betto Sachsus noster append. ad obs. cit. Anni I.* Cæterum licet *Jo. Bapt. Helmontius* in calculi renalis generatione, contra Scholarum effatum, in fontem pronunciet stomachum *tr. de lithias. cap. 5. §. 12.* eundem tamen, chylum crudum, viscosum, acidum generando, calculosæ productioni sæpe ansam præbere, magis genuina aliorum est sententia.

[*L. Schröck, L. F.*]

## OBSERVATIO LXXXVII.

D. EHRENFRIIDI HAGENDORNII,

De

Fermentato ex Branca Ursina, *Bartsch* dicto.

**T**rita & passim obvia planta est, *Fuchsio* Acanthi Germanici nomine veniens, vernaculâ nostrâ *Bärenflau* dicta. Refertur à Botanologis ut plurimum inter herbas emollientes; hinc in clysteribus haud vulgaris usus est.

est. De usu alioquin interno multi silent. Egregii tamen usus esse & internè adhibita, in modum liquoris fermentati concinnata, ex Manuscripto practico B. D. Hagendornii, olim Patru mei desideratissimi, collegi. Modus conficiendi talis est: R. fol. branca ursinæ q. f. exsicca leniter, coque in aqua simplicis sufficienti quantitate, usque dùm liquor colorem flavescentem contrahat. Hinc adde fermenti secalini momentum, in olla clausa ad fornacem repone pro fermentatione, postea liquorem, gratum spirantem odorem, saporemque acidiusculum linguæ communicantem, percola, & in loco frigido serva pro jusculo gratissimo, quod vocare consueverunt *Barisch Suppe* / in alvi segnitie, mesenterii obstructione, febribus intermittentibus cum emolumento offerendum, tantisque olim in deliciis hîc loci habitum, ut non nisi primariæ conditionis ægrotantibus hoc jusculi genus commendatum fuisse legirim. Nostrâ verò ætate, quantum mihi constat, apud nostrates, licet sine causâ, planè in desuetudinem abiit; Polonis autem & Silesiis adhuc familiarem esse ejus usum refert D. D. Kergerus de fermentatione sect. 3. c. I. p. m. 183. Aliàs vestigia quædam quoque invenire licet apud B. D. Ludovici Dissert. I. de pharmac. mod. p. m. 774. hujus Barth autori dicti, qui videri potest.

*Sennerty Tb.*  
*p. 331*

OBSERVATIO LXXXVIII.  
D. EHRNFRIDI HAGENDORNII,

De

Diarrhœa ex Arcano Tartari liquido.

**M**edicamenta ex Tartaro concinnata præter vim aperiendi, incidendi, resolvendi, pro præparationis ratione interdum laxare, non obscurum erit medicinæ consecraneis, inque praxi chimica occupatis. Sicuti Tartarus tartarificatus, crystalli Tartari Martiales, Tartarus vitriolatus, &c. virtute solutivâ in dispositis quoque gaudent.

Dec. II. Annus V.

Bb

Diarrh.



Diarrhoeam verò ex usu Arcani Tartari liquidi, ad mentem *Sennerti* cum spir. vini parati, leniter aciduli, inque podagra hinc tantoperè laudati, per aliquot dies esse secutam, in praxi semel tantùm expertus sum. Casus sequens est: Vir quidam generosus ex humeri dextri luxatione laborans, de hypochondriorum tensionibus cum anorexia conqueritur. Præscribo arcani Tartari liquidi *Sennertiani* præter propter  $\text{ʒij}$ . in aurora, & circa vespèram quotidie ad guttas xx. usurpandi. Primus à sumto medicamine dies sic mediocriter decurrit, sequente autem dejectiones alvinæ succedunt. Vocatus, an purgans præscripsissem, negativè respondi. Narratur historia. Examino medicamen curiosè, nihilque erroris in præparatione commissum animadverto. Jubeo igitur per unum alterumque diem idipsum seponere, unde diarrhoea cessat. Usurpatò verò iterum eodem, mox alvi fluxus quoque rediit in homine aliàs difficulter laxando. Hinc per aliquot dies hæc acta fabula jussit Arcano Tartaro ulteriùs usurpando valedicere. Sic, quæ hætenus de vi solutiva Arcani Tartari retuli, eadem de arcano duplicato *Mynsichti* expertus quoque est *Exc. D. D. Wedelius* noster in foemina quadam, à sumto quotidie ejus  $\text{ʒj}$ . per tri-duum purgata. Vid. *Ejusdem Pharmac. Acroamat. p. m. 430.* Sic *Dn. Lic. Jungkenius* in notis in notas *Agricole in Poppium p. m. 77.* ex Antimon. diaph.  $\text{ʒj}$ . Cinnab. Antimonii  $\text{ʒʒ}$ . Fl. Sal. Armon. tartarif. gr. iij. laud. opiat. gr. j. mixtis, observavit hypercatharsin. Plures ut ejusmodi casus taceam.

## OBSERVATIO LXXXIX.

D. EHRNFRIDI HAGENDORNII,

De

Ischuria chalybe curata.

**P**Annifex quidam annis superioribus saccos lanâ à se coemta oppidò infarctos, hincque difficilioris gestationis factos, temerario ausu removere, manibusque pro

pro lubitu tractare sategit. Hinc negotiô peracto, domum redux experitur ardorem urinæ, quæ primo guttatim effluxit, postea in totum retineri coepit. Ea propter dolor exacerbatur, regio pubis intumescit, nescitque, quo se vertat, miser. Ex variis, quas domus suggerit, medelis nihil levaminis perentiscit, præter guttulas urinæ cruentas nonnullas, nonnisi magno conamine quas eminxit. In consilium ego vocatus exhibui diuretica ex tartaro, terebinthina &c. sed sine successu. Tandem metu sanguinis alicujus extravasati circa vias urinarias restitantis, jussi ut pauperculus chalybem ignitum in aqua fontana aliquoties extingueret, & hinc ejusmodi aquam chalybeatam successivè ad aliquot cochlearia usurparet, sic impetratum est, ut subortô prius membri virilis dolore longè acerbiorè, sanguis grumofus loco urinæ, prodiret, sequente hinc ipsâ urinâ, & tandem integra valetudine. De ischuria ex grumo sanguinis suborta videri quoque potest *Zacutus Lusitanus prax. admir. l. 2. obs. 65. p. m. 186. 7.* quo loco stercoreis bovini recentis applicationem pro pube mirè deprecatur.

OBSERVATIO XC.

D. EHRNFRIDI HAGENDORNII,

*De*

Tumore femoris monstroso.

**A**Nte biennium generosa quædam vidua meam implorans opem refert, sibi ante sesqui annum circiter, ex improvîso subortum fuisse tuberculum quoddam, primò magnitudine nucis juglandis, in femoris parte interna; postea id ipsum procedente tempore tanta sumsisse incrementa, ut capitis infantilis depressi, si non excederet, tamen æquaret molem. Rogatus tumorem adspexi, deprehendi que eundem eâ, quam referebat, figura & magnitudine.

Bb 2

Nempè



Nempè conspiciendus is erat à femoris parte superiore ad genu usque protensus, quoad latitudinem unius palmæ, depressus, non in fastigium elatus, sine pediculo, hincque sectioni ineptus, renitens, dolorosus, cum levi ardore. Præmissis purgantibus, sudoriferis, Ven. Sect. aliisque, suasi decoctum calcis vivæ cum mercur. dulc. & camphoræ q. s. remixtum cum spongia sæpè applicandum. Hinc quoque commendavi emplastrum Vigonis ex ranis cum mercur. unde tumor sensim emolliri, & spem sanationis haut levem promittere visus est. Perrexi hoc ipso emplastro per mensem spe successus latioris. Nec destiti autor esse contactum manus longâ tabe demortuæ identidem sustinere. Auscultavit dictis consiliisque promptè. Interea temporis, dùm hæc aguntur, circumforaneus quidam, ex commendatione vicinorum accurrit, petitque libertatem tumorem inspiciendi. Annuit misella, multaque verbis sesquipedalibus hominis, in curam consentit, solutis mox aliquot imperialibus. Pessimus autem ille cum pecunia sine ullius medelæ administratione excessit, erupit, evasit. Quare loci illius medicafter sanationem quoque promittens tumorem aperit, quò apertò, elapsis aliquot diebus, tumor hic monstrosus tumulo reconditur. Historiam nostræ propè genuinam in puero 2½ annorum, apertoque tumore tandem factis concedente, annotavit quoque D. D. Wedelius, *Ephem.*

Dec. || *Germ. Ann. III. p. 116.* Tumoris immensi à coxendice ad genu usque protensi, & per emollientia & sectionem curati, exemplum legi potest in Exc. D. D. Schröckii notis elegantissimis in *obs. Helv. v. 1. p. 400.* De struma coxendicis LX. librarum egit *Langius* in *Epist. med. p. m. 217. & 982.* Tumorem ex femore propendentem cum petiolo sectione curavit D. D. *Muralto* Anno *Ephem. Germ. II. Dec. II. p. 209. 210.* Tumorem femoris in cancrum denique abeuntem recenset *Tulpius* in *obs. 6. 51. p. m. 277. 8.* Alios ut fileam.

OBSERVATIO XCI.

D. EHRNFRIDI HAGENDORNII,

De

Liquore Querno antipodagrico.

**A**Nnosam quercum, emoriquē ferē nesciam, ob sal suum vitriolicum ex mente *B. Hoffmanni* in *Clav. Schröd. tit. de quercu*, vel juxta *B. Ettmüllerum* in *Commentario in hunc locum*, ob facultatem nitrosam, elegantissimas languentibus præbere medelas, in propatulo est. Quarum pleræque id habent commodi, ut sanguinis serique fluores inordinatas coërceant, & in ordinem redigant naturæ accommodum. Hinc in hæmorrhagiis, diarrhoeis, diabete &c. totō usurpantur die. Ut taceam viscum quernum hanc præ aliis hujus arboris partibus possidere prærogativam, quod Epilepsiæ medeatur specificè. Ex quercu autem euporiston in podagra subnasci, vel peti posse, non ita obvium quotidianum esse puto. Multi enim, quos in rem consului, Botanographi ne hulum de hac in scriptis consignarunt. Quemadmodum igitur dies diem docet, sic etiam præter alias, quibus gaudet quercus, facultates, Antipodagrica inventa est. Novi virum septuagenario majorem in finibus Bohemiæ, qui per decennium & ultrà, doloribus crurum periodicis insigniter cruciantibus, cumque inflammatione & tumore conjunctis, conflictatus fuit. Primos per annos, ut fit, benè multos consuluit, multis quoque usus est antipodagricis sic dictis, spe alicujus effectus. Sed spes decollavit. Tandem è plebejo homine remedium, ut dicebat, minimè fallax propalatur. Nempè colligendum esse post cæsas quercus in summitate truncorum (*auf den alten Eichen nen Stöcken*) liquorem aquosum faciliè reperibilem, eundem studiosè per linteum colandum & depurandum, hinc repidè cum linteis locis dolentibus subinde applicandum, sic fore, ut



in dies melius sit habiturus patiens. Sequitur effectus, quem homo prædixit, felicissimus. Ceteroquin, ut de meo aliquid in rem addam, novi per experientiam, decoctum scobis ligni querni, wie ihn die Lohgerber brauchen / in arthritide vaga, foetore & madore pedum insignis esse emolumenti aliquoties usurpatum externè.

### SCHOLIUM.

**A** Quam in marcescentium quercuum repertam cavitatibus, scabiem omnem ulcerosam etiam sanare, *Paul. Reinealmus Specim. hist. plantar. & Petr. Andr. Matthiolus comment. in Diosc.* scribunt; quam uti à pluviali aqua ibidem collecta, & tractu temporis particulas solubiles è querni ligni tubulis extrahente orrum & vires desumere, existimo: ita & huc liquorem aquosum in summitate truncorum reperibilem esse referendum, suspicari liceat; cui itaque ligni querni recentis cum aqua pluviali facta infusio substitui, eadem fortè efficacia, poterit.

[*L. Schröck, L. F.*]

### OBSERVATIO XCII.

D. EHRNFRIDI HAGENDORNII,

De

### Euporisto ad Strumas.

**Q**Uæ strumis amoliendis esse possunt, amplâ segete collecta hinc inde videas apud Practicos, ita, ut vix inveniat ulla, qui singulare quid hîc possidere non gloriatur. Liceat mihi vile quidem hoc, interim tamen fructuosum, addere. Laborat puella quædam ex struma per aliquot annos, in dies auctiore factâ. Parentes varias conquirunt artes pro medela. Sed incassum. Denique instar arcani ipsis communicatur, mus minor, quem jubentur capere,

pere, eundemque in conspectu strumosa filiola per medium diffecare, sanguine extillante strumam calidè aliquoties fricare, hinc filum cruore hoc madidum collo alligare, tamdiu relinquendo, usquedum spontè decidat filum. Sic factum est, ut strumam indies decrefcere, deformemque antea puellam postliminiò formosam factam viderint parentes. An negotium hoc apud plures eodem successu sit usurpandum, propediem data occasione experiar? Aliàs de sanguinis hujus virtute strumas abigente nihil uspiam legi, nec audiui, licet non ignorem ex *Schröderi Pharmac. Med. Chym. l. 5. f. 1. p. m. 682.* pellem junioris muris detractam ganglia consumere, itemque ex *Clar. Hoffmanni super loc. cit.* clave murem dissectum aculeos extrahere, sagittas & alia, impositum.

OBSERVATIO XCIII.

D. EHRNFRIDI HAGENDORNII,

De

Fungo Sorbi aucupariæ anti-dysenterico.

**F**ungis arborum quarundam à Medicis Practicis multæ magnæque passim assignantur vires. Sic fungus salicis rubrae inter alias dotes excellens perhibetur esse antiphthificum. Confer *Annum Ephemer. Germ. II. Dec. II. p. m. 310.* itemque *D. Ludovici Pharmaciam tit. de anod. p. m. 688.* à granis v. ad viij. bibonibus præsertim phthificis exhibitos. Cynosbati fungos cum successu usurpari in lichiasi, diarrhoea, agrypnia, præsertim infantum, ubi pulvinaribus eorum supponuntur à mulierculis, notum est, de quo etiam in *Cynosbatologia* olim pluribus egi. Item, wenn die Kinder Schwämme haben / fungos sambuci in aquis appropriatis infusos dilaudavit *B. D. Michaelis* in *Collegio Schröderiano*. Quò locò & fungos quercubus adnatos pro egregio antidysenterico habuit vir laudatissimus. In fluxu sanguinis quocunque præternaturali fungos betulae commendat *Hartmannus in not. ad Croll. p. m. 343.* De fungis juni-

peri-



perinis mente Majo ante exortum Solis tempore sereno, & à ventis libero, collectis, & in vitro ad radios Solis in liquorem solutis, pro specifico antiparalytico, legi potest D. D. *Martinus Bernhards de Berniz in fasciculo II. Medd. Cnöffelian. tit. XXV. p. m. 184. Anno Ephem. Germ. VI. annexo.* Quibus fungis annumerare quoque visum est fungum, sorbo aucupariæ, *Eibraschbaum* dictæ, adnascentem, inventuque equidem rariorem, quoniam inter decerpendas baccas ut plurimum à plebe, tanti usus nesciã, simul decerpi, perdi que sic soleat.

Fungus autem iste levis est, albicans, spongiosus, cui in loco sicciore asservato, siccatoque tanta tribuunt nonnulli ex ruricolis, ut tanquam ad sacram anchoram in morbis etiam deploratis, confugiant, in dysenteria verò potissimum summis eundem extollentes laudibus. Hinc fungi particulam grossè contundunt, vel, quia difficulter in pulverem redigi potest, *reiben ihn auf einem Reibe-Eysen* atque à ʒss. ad ʒß. in liquore idoneo ita propinant, iterando ejus usum ad cessationem mali usque. Et hoc euporiston & ipse apud alios proficuum expertus sum, idque ipsum inter alia tùm curiositatis, tùm necessitatis gratia, hætenus asservavi.

## OBSERVATIO XCIV.

D. EHRNFRIDI HAGENDORNII,

*De**Pellis Leporinæ in Vigiliis usu.*

**D**Ecumbit quidam juvenis rusticus ex febre ardente, præter alia symptomata complura quoque vigiliis pertinacissimis conflictatus. Mater ægrotantis filii nihil petit à Medico consilii, neque auxilii, rata, modò agrypnia cessaret, rem omnem fore in salvo. Hinc ex commendatione vicinæ cujusdam conquirat pellem leporinam, recentem, adhuc sanguinolentam, accelerandoque ad filium, eodem nesciò,

sciò; sub pulvinari eandem recondit. Filius subsequente nocte ad votum dormivit, postero die salubrius paulò se habens. Morbus tandem & ipse, naturæ forsàn robore magis, sensim decrevit, ægerque sic convalescit. Quare rumor fit in pago de tanta virtute leporinæ pellis in vigiliis tollendis. Singulare quid esset, nisi superstitio quædam in partes simul veniret. An ex Helmontiana hypothesi dicendum, cùm lepus sit animal pavidum & mansuetum, quoque cruorem ejus, sub pavore mortis interfecti, ejusmodi ideâ formidulosâ sigillari, huncque cruorem postea vel in substantia, vel pelli adhuc illitum, externè applicitum perinde pavidâ ejusmodi ideâ afficere Archeum hominis furem, ut furorem sic exuere, animali Oeconomix pacatiorem statum, & sic per consequens somnum reddere cogatur. Verum, quoniam in causam rei curiosius sine dubio inquireret *D. D. Paullini*, Collega noster curiosus, in *Lagographia* sua, ne verbulum quidem placet addere amplius.

OBSERVATIO XCV.

D. EHRNFRIDI HAGENDORNII,

*De*

Capillis illitu aquæ apoplecticæ albedine  
tinctis.

**B**iennium est, & quod excurrit, cùm ad me veniret nobilis quædam Vidua per plures annos ex hemicrania cum vertigine laborans. Adhibitis variis pro amolitione dolorosi hujus symptomatis, tandem suasu amicæ cujusdam totam propè calvariam aqua apoplectica frequentissimè inunxit. Continuando hujus aquæ usum, postmodum persentiscit non modò capillorum defluvium, sed renascentes posthac capillos, antehac colore ad nigredinem vergentes, efflorescere nunc subalbos, & cineritii velut coloris, cæteris in

*Dec. II. Annus V.*

Cc

con-



confinio, quos aqua non tetigerat, nigricantibus, ridiculò spectaculò, permanentibus.

[d. 9. Decembr. 1686. ex literis ad Dn. D. Volckamerum datis.]

## OBSERVATIO XCVI.

D. MICHAELIS FRIDERICI LOCHNERI,

## Canis periodicè catalepticus.

**C**Anes podagricos asseruit Excell. *Paullin. Cynograph. curios. Sect. 1. cap. 3. §. 60.* Ego Catalepticum in medium proferam. En Historiam! Ægroti nuperrimè cubiculum petieram cum canis visui meo se subiecisset, qui defixis in me oculis, hiantè riçtu, immota tamen lingua, nescio quid minitabatur. Jamjam Ægroti lectulo per horæ quadrantem adstiteram, cum tergora rursus vertens canem eadem quâ reliqueram facie rursus offendissem. Attonitus, sedulò ex circumstantibus in causam inquirebam, hoc tandem responsum ferens: Bestiam hanc eodem malo singulis torqueri mensibus; inque paroxysmo protrusam pedibus tamen insistere semperque in eodem situ statuque per tres interdum quatuor horas permanere. Omnia hæc collata catalepticum canem esse firmiter docebant; hinc phiolam longioris colli cui Fl. Sal. Arm. cum Sal. Tart. inditi essent, afferre jussi, naribusque canis admoveri. Vix admotâ phiolâ, jamjam penetrantibus subtilissimis particulis, discussisque quibus glandula pinealis obsessa erat nebulis nubilisque, humum petebat tanto impetu ut mortuum ferè credidisses; pauculo tamen temporis spatiolo interjecto resurgens, vertiginosus in cubiculo oberrabat. Desiderassem in prædam & prælium Anatomicum canem, & obtinuissem, nisi herus canis malo tandem pertæsus, Neptuni Regno eum tradidisset, per quod ad silentium regna abiturus, semetipsum Catalepsi & meæ curiosiori indagationi subtraxisset.

OBSER-

## OBSERVATIO XCVII.

D. MICHAELIS FRIDERICI LOCHNERI,

De

## Ossium strepitu.

**A**rticulorum per universum ferè corpus strepitum *Ephem. Nat. Cur. Dec. I. Ann. III. Observ. 275.* inseruit Excellentiss. *Jungius* adjecta insuper Willisia hac de re hypothesi. Eodem strepitu cum suturarum crepitu quoque *Ephem. Nat. Cur. Dec. I. Ann. VIII. & IX. Obs. 129.* locupletavit Nobiliss. *Dolaus.*

Mihi in brachio & cruribus Viri Generosiss. præcipiti casu fractis: itemque chirurgicâ manu restitutis, extra articulationem moto nonnihil vehementer brachio sonum percipere licuit, non absimilem illi, quem bacilli aliquot lignei unâ vice diffracti edunt; (nicht anders als wann man etliche Stecklein zerbreche) quem tamen strepitum crepitumque absque ullo titillationis nedum doloris perceptione se peragere mihi obstupescenti sanctè juravit Vir Generosiss. cujus nomini ob certas rationes parco.

## SCHOLIUM.

**C**ertè in Herculis biviò nutabundus hæreo, cuinam causæ mirandus hic Affectus ascribendus sit; Si conjecturis locus esset, certè vix ac ne vix quidem dubitarem annon Geneross. huic Viro acciderit, quod Parisiis cuidam brachii in medio cubiti fracturam perpeffo. Huic enim ex imperita fracturam tractantis Chirurgi deligatione, hæc contigit adhuc felicitas, ut callus in modum capituli ex una fracturæ extremitate, in altera verò in modum acetabuli sive sinus excreverit. Cujus cada-ver cum postea (nescio quibus fatis) Anatomicorum cultris subjectum fuisset, miram hanc articulationem naturalibus *Dn. du Verney* Anatomici Regii Parisini cimeliis reliquit; Qui per



Profectorem suum (t. t. cum Lutetiæ Parisiorum studiis Chirurgicis & Anatomicis incumbērem) *Dn. Büßler* Chirurgum in cursu suo Anatomico hanc articulationem præsentium omnium oculis manibusq; exhibuit; Ubi certè ex attritu horum artificiosorum ossium unctuofo Balsamo destitutorum strepitus provocari potuit.

Vel sonum forsan edidēre tendines indurati (quos osseam sæpè duritiem nancisci quælibet sapientior *Æsculapii* proles novit) ex brachii subitâ in gyrum agitatione promotoque motu inflexi, cumque impetu iterum resilientes; præsertim cum brachium post curationem nonnihil brevius fuerit redditum. Sanè utcunque fuerit, Davum me potius quam Oedipum in enucleando hoc casu profiteri, auresque oculosque limationis Ingeni sensis submittere malo.

## OBSERVATIO XCVIII.

D. EMANUELIS KÖNIG,

## Empyema Thoracis caseosum.

**P**uer annorum novem circa Monspelium brumæ rigore, vestimentis haud decenter munitus, in pleuro-peripneumoniam incidit, quæ medicamentis aliisque neglecta, insignem eumque universalem pectoris tumorem progenuit, unde oppressione pectoris magnâ cum extremorum frigore & pulsu penè ablato, sic tamen ut nihilominus facile cantharum prisanâ plenum ori adplicare potuerit, puer in nosodochio inibi obiit. Antequam cadaver à me & *D. Isser* Medico Ordinario cum *Clariss. Vieussentio* aperiretur, tumor pectoris summè protuberans leviter prius punctus mox magnam humoris purulenti sero commixti transudantis exhibuit copiam; pectore verò adaperto totum illud inundatum materiâ ejusmodi purulentâ incrassatâ, grumorum casei ad instar, apparuit, maximè circa pleuram & sternum; quæ hinc priusquam

quam pergeremus igni superposita, simile crassamentum caseosum exhibuit; evacuato pectore pulmones folle prius insufflati, in dextris prope spinam adnati fuere, quâ in parte pleura quadruplo crassior, quam in parte sinistrâ comparuit, ubi nihilominus etiam pulmones diaphragmati firmiter connexi conspiciebantur. In corde nulli polypi, uti nec in venâ cavâ infra hepar apertâ visi, nisi in dextro ventriculo cordis grumus sanguinis oblongus, id quod fere in quibusvis disiectis reperitur. Sanguis in venis dissolutus magis quàm crassus visus, collectâ scilicet in pectore omni materiâ lacteo-nutritiâ. In abdomine intestina vermibus erant plena, ventriculusque in parte infimâ compressus omentum inflare fecit & in vesicas elevavit, repletus nonnihil materiâ viscosâ albicante. Renes disiecti & compressi materiam itidem reddidere viscosam albidam; aliâs Hepar & Lien sana fuere, inque hoc incisura plures vitæ prout & rerum substantia exterior in plures velut lobos divisa apparuit. Cum bile varia fecimus experimenta, ei nunc affundendo spiritum vitrioli qui eam mox præcipitavit & colorem viridescentem induxit, quibus superaffusus Spiritus Salis Armoniaci vehementer effervesce fecit; cum spiritu nitri mox quoque insigniter fermentavit, vaporesque elevare fecit; prius experimentum cum spiritu vitrioli modum explicat quomodo in intestinis bilis viridis emergat, illâ in vesiculâ suâ adhuc contentâ naturali colore dotata. Unde verò materia illa caseiformis prodierit & in cavitate pectoris collecta sit, disquisitionem meretur, nobis quia in prædicto verè Empyematici cadavere ductus thoracicus in parte dextrâ eleganter isque integer minimè disruptus apparuit, videtur quòd materia illa taliter thoracem replens non ex eo prodierit, sed potius transudârit ex pleurâ summè intumefactâ in superiori thoracis parte dextrâ & inferiori ubi pulmones diaphragmati adnati erant, quâ etiam in parte pulmo vestigia inflammationis ex fixatione sanguinis exhibuit, ubi tamen non adeo durus & diathesi inflammatoriâ infectus erat, ut in sinistrâ.



## OBSERVATIO XCIX.

D. EMANUELIS KÖNIG,

## Alexipharmaca lumbricos necantia.

**P**RACTICORUM tum Veterum tum Recentiorum scripta si evolvamur, paucos Alexipharmaca lumbricos esse necantia attendisse apparebit, cum tamen Medicum intentum suum facilius obtinere, si ad vermes attendat, aut etiam si absque proposito formulam vermes respicientem ordinet, non semel docuerit experientia. De alexipharmacis universalioribus, non de particularibus uni certo veneno enervando dicatis me loqui, Lector facile colliget: Illorum igitur classes si evolvamur & perlustremus, nullum ferè erit quod non insigniter vermes destruat, seu sit amarum seu acidum seu terream, vel etiam ex his combinatum, ut Pilul. Ruffi, Elixir Propr. Paracelsi, Confect. de hyacinth. quæ aquis portulac. acetos. Syr. citri, sem. contra verm. Spir. Vitrioli, pulv. viperar. Cornu cerv. ust. & phil. præparat. Cinnabar. nativ. & Hung. & aliis permixta miraculosè sæpius symptomata quævis mitigavit, dum vermium rosio in partibus nervosis inhibebatur, eorumq; excretio inde sequebatur, ac æger è convulsionibus redux Medico vermium signa potuerit communicare. Celeberrimi *P. Kircheri* contagium pestilentielle ex vermiculis deducens multis minimè arridet, cum tamen sæpius contagii pestilentialis præludia fuerint Insectorum humoribus acerrimis vel ante vel post ad sui defensionem à natura donatorum insignis copia. Quicquid sit, facile posse in corporibus animalium vermes excitari, etiam si diu alimentis abstineant, oretenus Florentiæ retulit Illustriss. Magni Ducis Hetruriæ Archiater *D. Redi*, Vir humanissimus, de Lacerto Indico permagno per multas septimanas absq; alimentis vivente, in cujus post apertis partibus quibusvis vermium magna copia ab ipso reperta est, quâ de re pluribus in eleganti opere, quod nuper prelum evasit, de *Animalibus*

*in animalibus viventibus.* Mihi solùm hîc notare libuit in tantâ februm malignarum (quas sæpius Tertianæ intermittentes ab initio mentiuntur) frequentia in adultis æquè ac in puerorum morbis ferè semper ad vermes Medico esse respiciendum, qui ut ut sæpius non appareant, tamen inscio vel ægro ipso vel Medico è corpore expelluntur; cujus occasione non possum non hîc sistere notatu dignissimam Observationem olim à Clariss. D. D. *Georgio Binningero*, Poliatro Montpelgardensi, pronuper magno meo, cum cordolio è vivis subito erepto ad me perscriptam: Nuper peregrè vocatus ego, in urbem quadrihorio hinc distantem, mulierem vidi, cui sacro (quod ajunt) oleo tempora, os & nares jam erant peruncta, eratque omnino in mortis procinctu. Præsens ego, pulsum attrecto, qui parvus erat & celer, respiratio è profundo petita & parva (& hæc ab oppressione non ab exsolutione, ut mox intelliges) videbaturque in faucibus quid hærare, quod exitum continuò moliretur non sine suffocationis metu. Ægra autem tantum à biduo ægrotabat cum ingentibus ab initio statim symptomatis & febris intensâ. Rogavit me in lacrymas effusus maritus ejus opis ei aliquid ferrem pro virili; ego exorari me vix sum passus, eò quod desperata apparerent omnia. Facies planè Hippocratica & mortuæ similis. Tamen cum in extremis morbis extrema remedia adhibenda esse scirem, periculum feci, & ipse præsens, factò prius prognostico, Tartari emetici ad mentem Ludovici parati gr. iij. ex cochleari jusculi carniùm calidi exhibui & discessi, animam ipsius Deo potius quàm corpus committendum esse dicens.

Quid fit? Vix equum rediturus conscenderam, cum occurrit mihi præceps Parochus quidam qui ægræ, cum accederem, adsidebat, refertque moribundam nostram vermem ab exhibito cochleari vivum per os expulisse crassitie & longitudine digiti indicis, qui ægram in laboriosissimo exitu penè suffocârat, eamque non ægrotare amplius, sed à morte ad vitam revocatam esse, porrexitque nomine mariti Ludovicos aureos sex.



sex. Vermem hunc videre mihi, utpote iter urgenti non licuit sed delatus is est in Cœnobium Capucinatorum proximum, tanquam miraculum quoddam, quem in scutella plena lactis per triduum vivum servavit Pater Angelicus Vicarius (ut mihi postridie ibidem retulit) vir oppido curiosus & mei amans, injectoque ut curiositati satisfaceret, alio, mox peremit.

## OBSERVATIO C.

D. EMANUELIS KÖNIG,

*Sanguis tertianarii venenosus.*

**F**elicissimus Practicus quondã Monspeliensis, *D. Barbeyrac*, foeminam febre lactea laborantem curandam habuit, quæ ad sitim levandam noctu surgens patellam offendit in qua restitit adhuc parum sanguinis Tertianarii ex venæsectione eo die administratâ: Ex hac igitur aquam hauriens & bibens venter ejus postera die manè ita inflatus apparuit, ut causa sciri mox non potuerit, usque dum retulerit sibi noctu id contigisse; Venæsectio semel ipsi administrata fuit, sed intra viginti quatuor horas extincta est, indicio nullam dari febrem absque malignitate.

## OBSERVATIO CI.

D. EMANUELIS KÖNIG,

*Lupi piscis & Mugilis Ventriculi conformatio.*

**L**upi piscis mirabilis est conformatio, post œsophagum enim per amplum sed brevem duo velut ventriculi apparent, in quibus molculæ durissimæ inter binas membranas digiti latitudine invicem distantes notantur, ut cibi duriores ritè comprimi & in minutias redigi possint; pylorus in medio horum apparet, & post brevem ejus prolongationem appen-

appendices notantur, ut in Salmonum ventriculo aliàs apparent; ductus pancreatici quinque vel sex adfunt, uti duo vel tres ductus biliarii, rectum verò intestinum summè durum & compactum apparet. Mugilis piscis ventriculus rotundus est instar verticilli & gallorum gallinaceorum ventriculum, ad conchilia aliaque conterenda, æmulatur, cui & multùm accedit ventriculus anguillarum.

OBSERVATIO CII.

D. EMANUELIS KÖNIG,

Decoctum Febrifugum certissimum.

**D**Um Mense Julio Anni M DC LXXXIV. Nemausum antiquitatis venerandæ monumentis spectatissimam in Languedociâ urbem repeterem, ibique aliquandiu subsistere cogerer, communicatum à matronâ sequens pro febrifugo expertissimo: R. Antim. crud. opt. Nitri aa t̄ss. sal commun. ʒiiij. Crystallor. Tartar. ʒiiij. MS. Hujus R. ʒi. pro mensurâ vini albi, decoquendo decenter.

[1686. d. 26. Nov. Basileâ Augustam missa.]

OBSERVATIO CIII.

D. JOHANNIS JACOBI WAGNERI,

De

Hypopyo, seu Oculo purulento.

**Q**uam miserabilem aspectum Varioli nonnunquam post se relinquunt, & *auto-pla*, & Medicorum Observationes frequentes docent. Varioli dextrum quoque oculi bulbum puelli cujusdam nostratis invaserunt, unde *Hypopyon*, sive *Oculum purulentum* contraxit; hic extra orbitam fœdè prominuit, ut turpi spectaculo fuerit: exactis demum aliquot annis, nodulos ex floribus Trifolii pratensis purpurei,

Dec. II. Annus V.

D d

calidè



calidè ei applicuit, unde ita detumuit, ut jam alteri sano oculo æqualis fit.

## OBSERVATIO CIV.

D. JOHANNIS JACOBI WAGNERI,

De

## Bulitho renali ramofo.

**Q**uàm mirè summus ille artifex NATURA agat, in omnium rerum formis exprimendis, cùm aliis quidem in rebus, tum verò præcipuè in lapidibus, haud difficulter animadvertere poterunt, quotquot rerum naturalium pernoscendarum cupiditate tanguntur, ita ut ea hoc quoque modo curiositatem humani ingenii exercere, nosque vel sic ab otio propellere, & illud Illustris Societatis Imperialis lemma, *Nunquam otiosus*, tacitè inculcare voluerit. Ne lapides in terræ gremio repertos jam tangamus, ipsa quoque animalia tales suppeditant, qui admiratione non carent; renes autem præ cæteris illorum partibus, mineræ locum hic supplere, satis superque constat. Sic anno 1686. mense Aprili, lapis mihi oblatus est, ex juveni rene in Rhætia exemptus, quem penes me inter alia rara Naturæ servo, qui ita sese habet: Figuræ est ramoſæ, ac si Natura ramos cornuum Capreoli imitari voluisset, tribus diversis ramulis constans; coloris subflavi, præterquam quòd alicubi aureum quendam fulgorem quoque mentiatur, ut lapides in boum renibus reperti, communiter talem splendorem præ se ferunt: ponderis autem drachmarum quinque & granorum sex est. Magnitudo ejus ex addita Figura videre est.

Fig. XXIV.

OBSER-

## OBSERVATIO CV.

D. JOHANNIS JACOBI WAGNERI,

De

## Pilis pilosis ab equo excretis.

**I**N ventriculis caprarum, vitulorum atque boum Helvetiæ, Pilæ pilosæ crebrò nascuntur: at eas in equis quoque produci, rarò hætenus visum. Anno 1685. equus Nobilis cujusdam Viri apud Glaronenses tres pilas pilosas non sine dolore per alvum excrevit: earum maximam Vir Nobilis penes se servat; reliquæ duæ ad me pervenere. Figura autem earum est globiformis, magnitudine mali Punici; pilorum glomeramina arctè inter se sunt unita & compacta; atque hinc substantiæ sunt spissæ, & glabra durissimaque crusta obductæ: pro substantiæ autem ratione levissimi sunt ponderis; altera enim, coloris atri, pondus sesquiunciarum & unius drachmæ; altera verò, coloris sublutei, malicorium referens, pondus duarum unciarum, & trium drachmarum habet.

## OBSERVATIO CVI.

D. JOHANNIS JACOBI WAGNERI,

De

## Coronis Serpentum vulgò dictis.

**A**Gyræ nonnulli coronas quasdam parvas, osseas atque candidas venum exponunt, quas Serpentum candidorum coronas esse perhibent, capiti eorum innatas, easque à similitudine coronarum regiarum *Schlangen-Krönlein* appellant: de effectibus earum mira quoque vulgò persuadere conantur & sesquipedalia jactant verba. Conradus Khunrath, *Medulla Destillatoria & Medica Parte II. tract. 27. p. m. 309.* mentionem quoque harum coronarum facit, & iis ma-



ximas vires adscribere ausus est. Verba ejus ita sese habent: Die Vater: Schlangen streiffen es im siebenden Jahr mit dem Balge unter einer Haselstauden/ da Wispel aufwachsen/ ab/ darunter sie auch sampt dem Balge gefunden wird. Dieses Krönleins virtutes seynd/ daß wer es bey sich trägt/ præservirt es für allem Giffte/ und Zaubereyen/ und ist das höchste Præservativ wider die Pest in tempore infectionis, verhütet auch Apoplexiam, und machet den bey sich tragenden ein gar gut hell lauter Gesicht. Hinc Illustris Baro ab Hochberg | *Georgicorum Curiosorum Lib. XI. c. 97.* ob authoritatem hujus Viri, haud immeritò hîc intra sacrum & saxum stat, dubiusque hæret quid de his statuendum sit. Verùm ut dicamus id quod res est, Coronæ istæ Agyrтарum meræ sunt imposturæ: tales quippe coronas candidas, serpentum capitibus innatas, nullus Curiosorum Naturæ Mystarum hætenus observavit; aut quis quæso *αὐτόπτης* animadvertit tales coronas septimo anno, unâ cum exuviis, sub corylo exutas? Quin imò decantaræ hæ Agyrтарum Coronæ serpentum, nil aliud sunt quàm dentes molares porcellorum, substantiæ candidæ, superficiei inæqualis, acutis eminentiis seu apicibus pulchrè exasperatæ, inferiore parte rotundæ, ita ut ob id elegantis coronæ formam præferant: cavitas autem eorum ampla, albo seu lacteo quodam humore, veluti muco, est impleta, unde & vulgò die Milchzähne appellantur. Quilibet Archetypon nullo negotio habere, & ipse inspicere potest. Atque hinc facillè colligere licet, quidnam de jactatis viribus harum Coronarum statuendum sit.

[A. 1686. d. 26. Nov. Basileâ Augustam missa.]

### SCHOLIUM.

**D**E hisce serpentum coronis legi etiam meretur in *Dec. I. Ephem. harum Ann. I. obs. 128.* Scholium Nob. D. D. *Jenisti*, ubi porcelli jam ab lactati inferioris maxillæ protuberantes dentes molares mentiri coronas illas, monstrat; prout & alia fraudem

dem hanc parare possunt; quale quid in nostri *Georg. Hieron. Welfchii Hecatost. 1. Observ. Physico-Med. 27.* occurrit, ubi coronas has osseas sive eburneas ex maxillis aprorum colligi, & decussis quibusdam eminentiis lævigatos dentes, limaqué expolitos ad lubitum efformari memorat. Sed quondam etiam mihi coronæ serpentum Melitensium sic dictæ, albedine atque nitore non inelegantes, cæterum parvam cum coronis similitudinem habentes, ab Amicorum aliquo fuerunt donatæ; quæ tamen nihil aliud sunt, quam spolia Squillarum albo generi à *Rondeletio* Mantis dicto, erepta, de quibus idem scribit: *Brachia duo prima longa habet, articulis intercepta, ut ad os flecti possint, chelarumq; usum præsent, interiore in parte serrata, quorum denticuli initio minores sunt, in summo ita magni, ut aculeis incurvis aptius, quam serræ denticulis comparari possint.* Alterius generis mentionem facit noster quondam *Phil. Höchstetterus decad. 4. obs. med. cas. 6. in Schol.* epilepticæ mulieris, amuleti loco, culcitra suppositi; quod cornibus cervi sive scarabæi volantis similitimum fuisse refert, sed albida, pura, tersa; quæ forte à dictis Squillarum non multum diversa fuere.

[*L. Schröck, L. F.*]

#### OBSERVATIO CVII.

D. DANIELIS BSCHERERI,

*De*

### Quadam Fistularum in abdomine Lithiasi.

**C**Ivis quidam heic Norimbergæ Ictero nigro laborans, eoque per aliquot tempus valdopere excruciat, auxilium à me petiit. Adhibitis igitur medicamentis huic malo inservientibus, pristinam valetudinem, Deo favente, impetravit. Evenit autem ut ejusdem viri filia febr-



quotidiana corripere; ideoque de illius recuperanda valetudine itidem me consuluit; hoc facto, casum non adeò frequentem, ideoque hujus loci, ut puto, insertione dignum, de se in hunc modum mihi retulit. Semestri anno elapso, quo ab Ictero nigro liberatus fuerim, accidit mihi, ut in latere abdominis dextro, è regione umbilici, tres digitos ab illo distante, macula pisi magnitudine rubra, cum insigni pruritu, existeret, quam primum utpote rem levem pro nihilo habui; tandem verò in pustulam abibat, & sic indies tantum incrementum cum cruciatibus vix ferendis capiebat, ut ultimis diebus magnitudinem disci culinariæ æquaret; huic malo multis medicamentis, sed omnia in cassum adhibitis, tandem ex consilio alicujus Emplastrum Norimbergense vulgò sic dictum, tumori applicui; hoc facto, tantos dolores perpeßus fui, ut mortem ob ingentes jam antea dolores sæpius expectatam nunc omnibus precibus exoptatam efflagitaverim: rebus sic stantibus, & cum tantos dolores non amplius essem ferendo, jussi ut Emplastrum detraheretur, quo facto, tumor cum pustula albicante, illiusque centrum occupante in conspectum se dabat, quâ apertâ, insignis copia saniei cum deterrimo fœtore emanavit, multi levaminis causa; hoc Emplastro iterum iterumque adhibito omnis tumor evanuit, relictis tribus foraminibus, jam adhuc patentibus, in his singulis diebus, bis turundas hoc Emplastro obductas immitto, quibus extractis, sanies primum emanat, concomitantibus postea illam lapillis, quorum majores quoad magnitudinem figuræ appictæ respondent, hi plerumque in orificio Fistularum hærent, ibique moram aliquam agunt, & sic dolorem non tamen adeò molestum excitant; abdomine verò duobus digitis compresso, illisque orificio Fistularum quodammodo dilatato, cum impetu profiliunt, hocque saltu omnem quoque dolorem profligant; servo penes me in memoriam ejusmodi lapillos, jam ultra sexaginta, illorumque numerum quotidie ferè extrahendo adhuc augeo. Vivo cœteroquin satis benè, ita ut etiam munia

nia mea obire possim. His relatis, petii, ut dictorum inspicendi cōpia mihi daretur; quā concessā, omnibusque ritè examinatis, rem ita verè nudam, & sine ulla fallacia involutam inveni.

Fig. XXV.

OBSERVATIO CVIII.

D. JOH. THEODORI MOEREN,

De

Phænomeno Meteorologico.

**C**Um die 23. Januarii st. n. Anni 1686. ex projecto præaltæ nostræ domus in patentem cœli terræque planitiem, quam Rhēnus interfecat, & circumquaque montes terminant, post coenam vespertinam hora circiter septima *Mittelheimii* non incelebris Ringaviæ pagi tum temporis incola, oculos evibrassem, subito fulgore concutiebatur, ut vox faucibus hæserit, nam ubi vix respiraveram iterum iterumque perstringit oculos in crassis tenebris eò formidolosius fulmen quo repentinum magis & citatum. Etenim plagam versus occidentalem hybernā retro pagum Vinicellam (*Wincel*) dictum, vix semihoræ distantia surgebat à terra in summum usque cœlum flamma ingens motu tam celeri, ut fulmen æmularetur, tanta latitudine, taliq̃ue formâ, ut trium quatuorve ædium incendium putassem, ni pernitas motus subitaque extinctio idem dissuasisset. Vix verò flamma hæc cœlum attigisse visâ & extincta à terra de novo exorsa cœlum identidem ad duas horas vano licet conamine invasit, spectaculum hoc plures in pago excitavit, ut factō concursu incendium existimarent, quorum aliqui campanarum tumultu vicinos convocassent, ni attentiores se isthocaëreo spectaculo deludi observassent.

Totus dies fuerat dolosè frigidus, sine notabili vento, & circum-



circumquaque tegebat horizontem nebulosus vapor, qui ingruente nocte crassior redditus, liberiùs se expandit.

Si nunc inflammatio sit à sulphure, necessum fuit extitisse in hoc vaporoso aëre copiosam quantitatem particularum sulphurearum. At unde hoc gas sulphureum derivemus? lubet illud è terra deducere, quam illo tractu rudiori metallo divitem esse conjicio, è quo hæc mineralis coruscatio prodierit, quales in metallorum fodinis non rarè observant metallicolæ: Verum quo igne exarsit hic aër? nimirum eodem modo, quo ignes fatuæ, quarum insolita copia eo ipso vesperi vagabatur ab altera parte Rhæni nunquam visenda nisi tali aëre existente vaporoso, cum scilicet densiori isthoc aëre affricentur fortius particulæ sulphureæ, seque ipsas incendunt. Salvo meliori.

## OBSERVATIO CIX.

D. JOH. THEODORI MOEREN,

De

## Iridibus &amp; Corona.

**I**N prioris anni Observatione meâ de Iride in nui fundamento nixus philosophico non semper in iridibus eosdem esse stabiliter colores, neque eodem se semper ordine sequi. Lubet nunc hujus confirmandi gratia aliquot observationes annexere.

I. In fine Martii hujus anni octuagesimi sexti apparuit post prandium in cœlo Iris cujus in extrema convexitate color erat rubeus, abhinc flavus, tertius viridescens, quartus seu interior purpureus, inter quem & tertium non nihil sese ostendebat cæruleus color. Spatio decem circiter Pater & Ave progrediebatur pes iridis à primo loco ubi visus ad alium locum horâ integrâ distantem.

II. Decima octava Maji ejusdem anni vesperi horâ 5. apparuit Iris, cujus à suprema convexitate colores se in sequebantur

cur modo planè distincto & diverso ab aliis iridibus. Primus rubeus varios habens suæ rubedinis gradus, secundus viridis, tertius cæruleus, qui erat distinctissimè cum sequenti expressus, quartus violaceus, quintus flavus.

III. Vigesima prima Maji vesperi horâ 6. conspexi iridem, cujus supremus color rubescebat, secundus flavescebat, tertius viridescebat, quartus iterum rubescebat, sed rubedine obscuriore superiori.

IV. Sexta Junii vesperi horâ 6. se visui nostro conspiciendam præbuit Iris sequenti modo colorata. Superiùs dabat expansam & albicantem rubedinem, cui se jungebat flavedo, tertius color erat viridis, quartus cæruleus, quintus violaceus, à quo paululum distabat sextus color rubeus.

V. Vigesima secunda Julii mane horâ 6. Iris extitit præ cæteris rarior, non tam ob colores, quorum primus erat rubeus, secundus flavus, tertius viridis, quartus violaceus: sed ideo, quod ubi pulchritudine sua intensiori niteret, vix subiectum esset, cui inhæreret, nam sudo & puro quasi cœlo inscripta videbatur, cum vix nubes, nisi vapores tenues apparerent.

VI. Octava Augusti, Iris concordabat ferè cum quarta, primus enim color erat rubeus, secundus flavus, tertius viridis, quartus cæruleus, quintus violaceus.

VII. Pluries observavi Irides à Sole sed jam occidente descriptas ex opposito Horizontis, fuisse planè aureas, cum nubes pariter illo tempore ad aureæ auroræ exemplum inauratæ essent.

VIII. Decima sexta Aprilis anni octuagesimi sexti toto manè cœlo undique tecto communi tenui & nebuloso velo apparuit circa Solem Corona, quæ post prandium à radiis solaribus tam aptè circum circa secabatur, ut cœlum unam quasi stellam Sole centro ad omnium intuentium stuporem ad tres ferè horas referret.



## OBSERVATIO CX.

D. JOH. THEODORI MOEREN,

De

## Insolitis muribus.

**N**Ovas sæpè Generationes easque insolitas fieri testantur libri cum à causis purè naturalibus prodeuntes, vel Dei punientis manu permissuque effictas: Hoc ipso anno 1686. non contemnenda clades fuit circumcirca per Palatinum, & ad Rhenum circa Wormatiam, aliisque in locis Electoratibus Trevirensi & Moguntinensi vicinis, quam inflixerunt insoliti planè generis mures, quorum tanta & tam atrox exitit in agris vario frumento gravidis copia, *ut omnia frumenta ipsas Spicas & Aristas corroserint & suas in cavernas tanquam in horrea congregaverint & reposuerint*, imò viride gramen, vel fame coacti vel naturâ suâ absumpserint; atque cum messis tempore frumentorum manus hinc inde in agris jaceret, tanto numero accurère mures ut centum & plures ad unum cumulum numerarentur. Clades inde tanta, ut notabiliter auctum sit frumentorum pretium: imò ut ex Parocho Kembdensi habeo, quod certis in locis etiam ejusdem generis mures vineta infestent, & propè Pedunculum botros decerpant uvasque devorent.

Videntur nunc quidem hi mures parum aut nihil Historiam naturalem ornaturi, tamen cum formâ plurimum discedant ab ordinariis & domesticis & agrestibus, ipsaque eorum Generatio adhucdum lateat, Philosophicam disquisitionem merentur.

*Primò.* Vix mures pertimuerunt advenientes homines, ita ut plures baculis necati sint etiam à canibus plures concisi sed non devorati.

*Secundò.* Variegati plerumque sunt coloris, ordinariè tamen inferiori corpore nigrescebant, superiori rufescebant, col-  
lum

lum ambiebat circulus albus, cauda erat ordinariis multò brevior, sed crassior, auriculæ vel ambæ vel una discissa erat.

*Tertio.* Magnitudine & prædicta forma videntur convenire illi animali, quod in Saxonia vocatur ein Hambster, alias nostras æmulatur Mustelas (Wifelen.)

*Quarto.* Quantum observare licuit ex majore & minore statura horum murium, animadversum est eos singulis mensibus generare & perniciosos dare partus.

*Quinto.* Quanquam diversis temporibus in autumno copiosa deciderit pluvia, qua in suis antris sperabantur mergendi, non tamen hinc minor numerus observatus fuit.

*Sexto.* In aliquibus locis rustici effoderunt terram & amplissimis speluncis mures depulerunt, ubi selectissimam frumentorum copiam nitidissimè congestam reppererunt.

Hinc abiit vulgus, de quo *Cicero quod multa ex opinione, pauca ex veritate judicet*, in eam Sententiam, mures hos ab artificiosis magorum manibus & veneficarum artibus prodiisse. At ego novam hanc generationem imputo hyemis prioris benignitati & totius veris siccitati, qua terra ab animalibus subterraneis variè perforata & excavata varios variorum congressus concefferit, hincque nata tam damnosa progenies se ipsam dein avidius conservare gestiens & specificæ & individuali propagationi studuerit; quam meam conjecturam ex prioribus deduco.

## OBSERVATIO CXI.

D. JOH. THEODORI MOEREN,

De

## Ipihus seu Convolvulis.

**D**E Curculione granariorum hoste acturus *Levinus Lemnius lib. 1. de occult. nat. mirac. cap. 21. exorditur. Nihil est in vita hac caduca & mortali, quod suæ non experiatur adversitates atque incommoda multisq; vexationibus*



nibus atque insultibus non sit expositum, ut enim homines innumeris malis sunt obnoxii, multaq; illos circumvallant quæ valetudini vitæq; insidiantur, ita & frugibus sui non desunt hostes, qui illas infestant ac demoliuntur. Idem ego præfari possum damnosissimi insecti brevem daturus historiam.

Passim per Vineta in Junio & Julio volitat animalculum Magnitudine pisæ, scarabæi parvi figuram corporis referens variegati plurimum coloris: est quo in dorso seu potius alis aureum colorem refert, est quod cæruleas, est quod igneas, est quod virides punctis aureis interstinctas alas habeat tantæ pulchritudinis, ut vix sibi in amorem insecti tractus spectator persuadeat, naturam sub hac exactissimâ & aureâ picturâ voluisse latere tam ingentem vinearum hostem, cujus damnum annuè putatur plus minus in Ringavia solum ascendere ad mille florēnos.

Etenim proboscide crassâ & forti respectu corpusculi, cujus mediam longitudinem pene æquat, levare & deprimi apta in extremitate sua bifurcata & acuminata tenellos vitium ramos etiam calamo scriptorio crassiores juxta truncum perterebrando taliter lædit ut paulatim flaccescant & dependeant folia, quæ aptè nunc huc nunc illuc histeron proteron combinando digiti instar circumvolvitur infestus hostis, ac inter singulas flexuras speciei propagandæ erudito amore deponit sua ova grandia albicantia, quæ naturali coitu progignunt, semper enim duo & plura istiusmodi animalcula simul inveniuntur. Ubi folia jam plene exaruerint, decidunt in terram limosam (ordinariè enim in plagis limosioribus inveniuntur) atque autumnæ tempore ova hæc in veros vermes, quales ordinariè in fructibus horariis invenire est, abeunt, atque circumvoluta folia jam exsucca perrodunt, ut ad lucem veniant, hyemis tamen tempore sese terræ limosæ involvunt, atque in vere volatiles prodeunt, ut nova propagatione sese multiplicet damnosa progenies.

Nescio

Nescio penè, utrum nomine aliquo dignum esset hoc insectum, ni in ejus extirpationem vellem ut insudarent omnes: Ringavi Xebstichel vocant: videtur *Columella* citante *Aldrovando Prolegom. in lib. de Insect. pag. 5.* Animal illud quod perrodit teneros adhuc pampinos & uvas nominare volueram. *Aldrovandus* verò l. 4. de insect. cap. de *Cantharidibus* in tert. tab. N. 9. ponit *Convolvulum* in grecis dictum, *Tagliadizzo* vulgò apud *Italos agricolas.*

*Convolvulum* describit esse corpore cæruleo pedibus obscure lutescentibus in vite repertum ac folia ejus depopulantem, nascitur hic ex *Ovis bombicum* ovis similibus magnitudine, colore rubicundis; hic cum parere vult, multa cumulat convolvitque folia, (unde fortè à Latinis id nominis datum) atqui in his sua ova reponit.

Cum hæc ergo descriptio cum nostra aliquantisper conveniat, manebit huic insecto nomen *Convolvuli* seu *Ipi*.

De hujus insecti extirpatione video sollicitos antiquos, cum vites illiniverint terra ampelicide ut docet *Galenus lib. 9. simpl. Medicam.* quam *pharmacitin* vocat *Dioscorides l. 5.* eo quod vitium morbo medeatur: *M. Cato* etiam de *rerustica c. 95.* pultem præscribit ne fiat in vineis *convolvulus*, verum dubito, an hoc nostrum insectum, quod volatile est, pulte aut alia illi-  
nitione fugari possit. Laboriosius extirpant singulis annis perniciem hanc *Ringavi*, assignatis enim temporibus è quaque domo deputantur, qui è vitibus colligant ipsum animal, & convoluta folia ovis foeta, & urceo aqua semipleno injiciant, ut vesperi in unum cumulum ante Prætoris ædes aut in foro coacer-  
ventur, & superstructo igne & individua & species conflagrant, aut saltem quivis domi suæ aut in vinetis animalculo huic non parcat.

Dabimus forsàn aliàs plures de hoc insecto *Observationes*, cum plura mihi dicenda sint, sed nondum exactè cognita & satis examinata.

[*Moguntia 11. Decembr. Noribergam missa.*]

Ec 3

OBSER.



## OBSERVATIO CXII.

Dn. GEORGII EBERHARDI RUMPHII,

De

Ovo marino, Porcellanis, seu Conchis  
venereis.

**M**itto sub numero 39. Ovum, quod Porcellanæ est species: tota est alba, Incolæ eâ suos clypeos exornant: unde Malays Bia Saloaceo, i. e. cochleâ clypearia dicitur. Apud sylvestres nostros nemini eas gestare fas est, nisi Heroibus, qui multos hostes interemerunt. Videatur Fig. XXVI.

Porcellana guttata, quæ & concha Veneris guttata & matriculus dicitur (sub Num. 37. missa) satis nota est in mediterraneo quoque mari. Galli eam Porcelain sive Porcellanam vocarunt à forma porci, sive pudendi muliebris, unde & Græcis Chœrinæ dicuntur. Ab hac porro concha nomen suum ferunt pretiosa illa vasa Sinica, vulgò Porcellanica dicta, vel ob lavorem, vel quod antiquitus existimarint, illa è contusis cochleis marinis, albumini ovorum permixtis & in multos annos defossis, confici. In transitu notum facio Europæis, qui forsân vasa illa Porcellanica possident, ut illa studiosè asservent, quia hodiè non amplius in Sinarum Regionibus conficiuntur ob Tartarorum barbariem, qui artifices antiquos (ut fama est) extirparunt, & omne, quod nunc conficitur, ex Jappone venit, bonitate vasis Sinicis multùm cedens.

Porcellana literata, minor est, & repræsentat Scripturam Arabicam. Vid. Fig. XXVII.

[*Ex Literis ad D. Christ. Mentzelium A. 1683. ex Insula Ambona missis.*]

Fig. XXVI. & XXVII.

SCHO-

Ovi inversa facies. Ovum marinum Rumphii.

Fig: 26.

p. 222.



eadem inversa. Porcellana literata.

Fig: 27.

p. 222.







## SCHOLIUM.

**N**Oræ sunt hæ conchæ marinæ, quæ Venereæ à quibusdam dicuntur, & quarum primam Cl. Rumphius Ovum à similitudine vocat, unde R. P. Buornanni in tractatu suo nuper Romæ edito, dicto, Riecreatione dell' Ochio e della mente pag. 226. inquit: Concha Venerea lattea così detta, poiche, in tutta superficie esteriore imita il candore purissimo di latte, e più longo che un'uovo di gallina &c. Videatur etiam Aldrovandus libro 3. de Testaceis & in specie Conchis Venereis c. 82. ubi deductionem vocis Porcellanæ eandem cum Autore nostro habet, cujus tamen rationem Aldrovandus nescit, & Autor noster ponit, sicuti quoque modum vulgò traditum vasorum Porcellanicorum conficiendi. *χοιγωνα* ab Aristophano dictæ, quibus olim in suffragiis usi sunt.

[*Christian. Mentzelius.*]

## OBSERVATIO CXIII.

D. JOH. LUDOVICI HANNEMANNI,

De

Potu Calido.

p. 260

**V**ivit in hoc nostro Perillustri Collegio Vir Magni nominis, & de Republica literaria hucusque optimè meritus, quique & nunc Magnum Eximiumque opus molitur. Hic tam æstivo, quam hyemali tempore semper potum calidum bibit, nec unquam frigidum, quem & suæ valetudini salubrem & proficuum experitur, & arbitratur se jam dudum mortuum, nisi hoc potu calido, uteretur. Meumque votum est, hic adhuc diu literato orbi sua Eruditione præluceat.

SCHO-



## SCHOLIUM.

*Cleien*

O Ccaſione hujus potus calidi, paucis quædam diſſeram de potu Theæ, qui jam inter Magnates & præcipuæ dignitatis homines in frequenti uſu eſt. Quid Thea ſit, arbitror conſtare ex *Obſ. IV. Decur. II. Ann. IV. p. 7.* & elegantem obſervationem de iſto potu cum Curioſis noſtris communicavit Nobiliſſ. Dn. *Daniel Crüger c. l. Obſ. LXIV. p. 140, 141. 142.* Mihi etiam multis de cauſis potus ille adeo frequens ſuſpectus eſt (1) *propter nimiam copiam aquæ*, hanc enim non fert omnis ventriculus ſine noxa, & haud fieri poteſt, quòd non nimius ejus potus fermentum ventriculi hebetet, & ſi aſſumatur in tali homine, qui cacochymia laborat, in illo revera nihil aliud efficiet, quam ut cacochymiam augeat, cachexiam vel etiam hydropem cauſetur. Dices forſan aqua Thea corrigitur? R. Nulla aquæ correctio poteſt fieri ab hac herba. E. g. ſunt homines, qui aliquot libras aquæ ſorbillant, ad tantum pondus aquæ vix 3i vel 3ij infunduntur, ſi nunc ſinimus illam aquam, quæ Thea tincta eſt, evaporare, quod remanet, vix granorum duorum quantitatem excedet. Jam quæritur, an tam exigua Thea quantitas tot aquæ libras poſſit corrigere, ne hæc ſuâ copiâ noceat, vel & majus damnum det, quàm dicta herba proſit. (2) *Effectus*, quem ei tribuunt, non Theæ aſcribi poteſt, ſed ipſi aquæ, illa enim efferveſcentiam ſanguinis corrigit, illa podagræ ſeminium aliquantiſper domat, ſi in ea aliquem Arthritici experiantur fructum, quem tamen credo valdè exiguum vel nullum eſſe. Aqua per ſe & natura ſua in multis morbis Medicina eſt, proinde amplector Sententiam Excell. *Antonii de Heide Obſ. LXXVI. p. 159. Quippe verofiſſime videtur Emolumenta quadam Thea adſcripta ab aqua calida potius eſſe deducenda.* (3) *Quod adhuc* quodammodo proſit, vel prodeſſe videatur, ratio eſt, quoniam hunc potum uſurpant Primates, qui poſtea ſuperinfundunt vinum generoſum, ſicque vitium cruditatis, quod nimia aquæ quantitas efficit, corrigunt. Multi etiam aquæ

aquæ Thea tinctæ illicò aliquam vini portionem affundunt, saccharumque admiscunt, sicq; fit potus palato jucundus. Si æquè frequenter plebei, qui hunc potum vino diluere non possunt, biberent, plus damni quàm commodi afferret. (4) *Frustra* de hac herba vel frutice chinenfi sumus solliciti, eundem fructum promitto ex chamæpitidis vel ex aliarum herbarum in aquam infusione calidam, præprimis hîc laudo Baccas juniperi. Die 31. Aug. Quidam Generosissimus Dominus Veronica modo Theæ, quo illa usurpari solet, meo jussu usus est, laudavit usum. Eodem die cuidam Pastori potus Theæ Gnaro propinavi infusum Betonicæ, pro potu Theæ, fraudem non animadvertit. Novi virum hic Kiliæ, hic quoties potum Theæ sorbet, toties ardorem ventriculi sibi contrahit. Et forsân majus emolumentum bibaculis istis *accideret*. (5) *Vitium* diabetis omnino metuendum est in istis bibaculis *Thea*, si quippe nimius usus succi betulæ hoc vitium inferre potuit, quid obstabit, quòd non æquè Theæ potus hoc possit, cujus vim potissimum credo esse sitam in pellendo sero, & hoc in sanguine sequestrando. (6) Est *potus* magis politicus, quam Medicus, cujus beneficio conventicula optime possunt institui, in quibus deliberatur de negotiis, & quum Nationum quarundam consuetudo sit, frequenter guttur suum humectent, hoc potu sine metu temulentia abuti possunt. (7) *Optandum* tamen esset, in omnibus tabernis modicus ejus usus interduceretur, hoc pacto obviam iri posset frequenti temulentia & ebrietati, qua Deum gravissimè isti bibaculi offendunt, suaque bona dilapidant, quibus familia alenda est. Et loco *Thea* herba quâdam Europæa uti liceret, credo in Europa nasci, quæ non solum *Thea* defectum possent supplere, verum & *Thea* facere dubiam palmam. Sed finio hunc discursum, & superius prælaudatos viros rogatos volo, judicium suum de hoc potu *Thea* annectere placeat, cum primis hoc beneficium pollicem mihi de Excellentissimo *Celfo*. Celeberr. *Dionedes* hoc officio defunctus est.



[*Ecce Nobilissimi Excellentissimi Viri iudicium, quod ex literis Nobiliss. Dn. Diomedis excerpsti, hic enim Magnus Vir die 8. Augusti currentis anni in hunc sensum ad me scripsit, ut sequentia verba sonant*]

Quid Tu, Nobilissime Nestor, de Herba (seu Frutice) Thee vel Thea sentias, non novi; cum autem meum requiras iudicium, pauca hæc signare volui, utut jejuna & sterilia. Extemporaneum illud Theæ infusum, mihi nec ignoratum est, nec ingustatum; verum, si apertè loquar, neque beneficiis mihi, neque injuriis cognitum est: Sunt quidem, etiam in hac mea Patria, nonnulli hujus potus amasii, quos novi pulcherrimè; quantum autem ipsis ad sanitatem conferat, non novi, cum iidem apud me sæpius illa quærant sanitatis subsidia, quæ mutuari potuissent à famosa Thea sua, modo hæc non staret infra vota. Invaluit equidem Hafniæ ipsius usus, sed nunc à multis ibidem fama sua minorprehenditur. Certe, neque ego, neque maximus Socer meus, Dn. D. *Christianus Henricus Lusa*, plurima inclytus experientia, cuiquam hoc, vel dedimus, vel subtraximus, forbillum. Si ego rectè posuero calculum, iis maximè proderit usus Theæ qui justo largiore meraco ventriculum inquietant, ut, hoc astu, naturæ inimicum restinguatur incendium. Percrebuit, novimus, fama, Serenissimo Electori Brandenburgico benè cessisse contra Podagram hunc potum; num verò huic soli Tubæ sua parentaverit mina murus iste Jerichontinus, nondum satis certo constat. Indifferentibus non incongruè annumerari potest Theæ potus. Ei, qui cum delectu hoc utitur, non nocet, qui sine delectu non prodest. Vale, Amice maxime, Collegii Curiosorum Decus, & hunc sententiæ nostræ consensum, nescio an dissensum, æqui bonique consule. Vale & redamare perge

T. T.

Diomedes.

SCHO-

## SCHOLIUM.

Quamquam actum agere videri possem, desiderio tamen Amici denegare hoc officium cum haud valeam, tritum illud Hippocratis observandum imprimis esse arbitror, *sect. 2. aphor. 51.* omne scilicet nimium naturæ esse inimicum, vel quod *preced. aphor. 4.* legitur: *Non satietas, non fames, neq. aliud quidquam, quod naturæ modum excedat, bonum.* Uti verò non tam novitas herbæ istius, ex remotissimis Asiæ regionibus ad nos delatæ, quàm potius salutare ab ejus usu observati effectus, potum Theæ primitus Europæis persuasisse, suspicari licet: ita postea, qui mos est satis inveteratus multorum nostrorum hominum, non tantum sine ullo habito individui, temporis &c. discrimine, panacæ quasi loco, potum hunc paulatim fuisse in usum ductum, ipsique in morbis eum effectum tributum, qui naturæ vires excedit, sed nimia quoque, & hinc plurimis inimica potius in quantitate, stomacho, & quidem etiam, una cum reliquo corpore, sanissimo, fuisse infusum, credibile est. Magnum itaque discrimen hîc occurrere arbitror, quam in quantitate (ut alias circumstantias, brevitatis gratia, præteream,) bibatur. Quamvis etenim Sinis, aliisque finitimis populis creberrimus ejus sit usus, consuetudo tamen eos à noxa tutos ut plurimum facit, ut jam amplius ipsis medicamentum haud sit censendum, quod aliàs ob naturam suam sano corpori adversam nocere posset; non secus ac vini potui largiori adsueto nostrorum aliqui, eundem sine notabili sanitatis periculo, quod ob revera medicamentosas vires incon-  
suetis aliàs metuendum, perferunt; quod & de cervisiæ, liquoris lupulati, & hinc medicati, coctique potu dicendum. Ut taceam, Asiaticos illos populos, Sinas &c. potum aquæ istius medicatæ licet sæpius per diem frequentent, unica tamen vice aliquot saltem paucarum scutellarum sorbillatione contentos esse. Excessum igitur, quem in exhauriendis una vice plurimis cyathis committere, & ita tonum ventriculi, magno



aquæ diluvio eum inundando, labefactare nonnulli solent, neutiquam probare possum; qui neque acidulas maxima in quantitate ingestas nostris satis proficuas esse, multisque fuisse damnosas, imò lethales, recordor, moderato è contra usu earundem desideratum salutare successum per multiplicem experientiam confirmante. Sic Thee potum moderatum spem de eo conceptam in hypochondriacis aliquoties implevisse scio. Cum enim acidum humorem in eis ut plurimum peccare constet, idem potus non potest non esse proficiuus; aqua etenim, calidis suis particulis præterquam visciditatem seri quod incidat promptiusque vasa corporis permeet, latitantem humorem acidum diluere atque imbibere, sicque largiori quantitate haustâ, per urinarias vias secum eliminare valet; qua ratione Exc. *Frider. Loffium conf. Med. 39.* Viro cuidam Reverendo aquæ potum in ventriculi aciditate, ad obtundendam eam, multarum nempe in corpore illius causam, commendasse reperio; Thee autem quia sale alcalico & particulis blande adstringentibus atque amaricantibus prædita est, quas leni coctura in aquam promte dimittit, non tantum noxam, si quam aquæ potus stomachi tono inducere posset, emendat, sed & multorum morborum causam corrigere valet; præcipuè cum largas satis particulas in aquam deponat, atque ejus drachma unica, meo quidem experimento, plus quam tertiam sui partem eidem communicer; quanquam & minori quandoque pondere eas dimitti, si non adeò bonæ notæ herba fuerit, haud planè negare velim. Quanquam & aquæ potum, tam frigidum quàm calidum, naturæ non tantum non noxium, sed proficiuum & ad commodatum esse, vel aquæ potatores, sat vegeti, quin & Sinæ, omnia calidissimè, testante *Neuhoffo*, bibentes, ut plurimum tamen longævi, exemplo suo confirmant. Ob excessus itaque qui in herbæ hujus usu passim committuntur, abrogare ipsum usum circumspectum nollem. Fateor equidem posse multas alias herbas simili modo in aqua decoqui, calidèque sorbillando, ob egregias vires, in usum duci, aut etiam huic herbæ Thee

bæ Thee in certis casibus subrogari; cujus sanè exempla in multis, quæ passim commendant, Decoctis Galenici nobis subministrant; quæ idè non displicere adeò prorsus deberent; aut etiam fortè multis placerent, si simplicitate grata gauderent, nec herbarum &c. farragine multis nauseam facerent: interea tamen fatendum est, non tantum ad curatiori examine (quod nuper Vir quidam clarissimus monuit) magnam in herbis, quæ Thee substitui solent, intercedere differentiam, quin & específicas aut seminales à primo ortu eis impressas esse virtutes, frustrà ab aliis, licet forma externa, odore, sapore, aut alia qualitate analogis, expectandas; sed & ægrorum hîc sæpè quid dandum esse desiderio & gustui, quem porrò, aliam substituendo, fallere, confidentiam, magnum illud in morbis feliciter curandis momentum, facilè, si innoxia cæteroquin fraus innotescat, aquod quosdam, hypochondriacos in primis, tollere possit.

[L. Schröck, L. F.]

## OBSERVATIO CXIV.

D. JOH. LUDOVICI HANNEMANNI,

De

## Usu Bufonum medico.

**D**ie 8. Saturn. Maji Anno 1686. Quidam Generosiss. Dn. von Thinen, consilio meo adversus morbum uteretur suum, rus in aulam accersivit: inter alia discursus de bufonibus incidit. Narravit mihi prælaudati Domini von Thinen Perillustris conjux de quodam concionatore, qui homini furibundo in vertice capitis bufonem exsiccatum imposuit, quo facto illico furoris æstus sedatus, homoque sanatus est: proinde optime *Petrus Johannes Faber cap. XXIV. Myrothecii l. 7.* dicit: ubi posuit natura mortem, ibi etiam vitam collocavit, ut morti mederetur. Ex bufonibus salem prædictus *Faber* multis morbis curandis utilem parat. Revera in natura

Ff 3

nihil



nihil tam abjectum, quod non eximiarum virtutum in genus humanum promptuarium est, & ex quo non divinæ bonitatis character emicat. Idem *Faber l. 5. c. 8. p. 631. panchymia* pulchrè explicat, quomodo suo veneno bufo mustellam ad se attrahat. Etiam erudita sunt quæ de Bufone Excell. nost. *Avicenna Sect. 3. artic. 3. §. 15. p. 179.* in suo *Regno animalis* curioso opere discurret. *Bufo* in terra gradiens aquilæ in aëre volitanti alligatus, est materia Lapidis philosophorum. *Michael Majerus in Symbolis aureæ Mensæ l. 5. p. 192.* *Avicennæ* tale Symbolum assignat: Aquila volans per aërem, & bufo gradiens per terram. Ipse *Michael Majerus* inter sua insignia hoc Symbolum in imagine delineatum repræsentat. Foran indultu Rudolphi Imperatoris, cui fuit à consiliis, & eo denotatur quod fuerit adeptus. Cæterum hac nostra Holsatia oriundus.

Conferatur Exc. nostri *Arionis historia* curios. *Bufonis* nuper edita, *sect. 2. membr. 2. cap. 1.*

## OBSERVATIO CXV.

D. JOH. LUDOVICI HANNEMANNI,  
Causa ardoris urinæ singularis.

**A**Nno 1684. Vir quidam mihi conquestus se sæpius data opera urinam suam in lapathum acutum reddidisse, hocque modo factum est, vehementissimum inter mejendum ardorem experiretur, ita ut medicam manum adhibuerit, & emulsiones ex quatuor seminibus frigidis cum aqua hordei factas biberet, inde levamen sensit, curatusque. Eodem consilio Anno 1686. in urticas urinam suam reddidit, exinde ipsi nullum malum evenit.

## SCHOLIUM.

**M**irum est, Lapathum, cum temperatæ alias censeatur esse naturæ, tantum ardorem concitare potuisse, quem forte à

te à latente sub eo, vel prope illud alia herba &c. acriores atomos emittere apta, fuisse inductum, suspicari liceat, vel saltem aliud in viri illius urinariis partibus vitium delituisse, quod à mitioribus illis Lapathi exhalationibus commoveri, & dolorem hinc inferre potuerit; præcipue cum folia illius alvum subducere tradantur, atque Lapathis omnibus vim quandam purgandi inesse, experientia *Veslingii*, *Welschius* noster *Mistom. cent. 2. obs. 62.* notaverit; quæ ratione particulas illud habere salinas, nitrosas, quæ serum liquare & commovere ac partes stimulare possunt, credibile videtur.

[*L. Schröck, L. F.*]

OBSERVATIO CXVI.

D. JOH. LUDOVICI HANNEMANNI,  
Arenarum innoxius esus, & venenum.

**V**ixit Hildesæ Studiosus macilentus, facie pallida, rotundus valetudinarius, hic consilio nescio cujus, araneis vesci coepit, quorum usu obesus factus, & bonæ valetudini restitutus est, summoque desiderio araneas venari solitus, nec minori appetitu comedens. Ex Relatione *Dn. Andrea Ernesti Evers Studiosi Medicina.* Vivit etiam in mea patria Liber Baro ex Perillustri stemmate de Kniphausen, & hic avidè & affatim iis insectis venenatis vesci consuevit. Ex Relatione optimæ meæ Matris, quæ ipsum novit. Confer *observ. 22. pentecost. 1. cent. 2. p. 232. 233.* Excellentiss. *D. D. Cornelii Stalpart von der Wiel*, Amici & Fautoris mei honoratissimi. *Anni 2. obs. Ephemerid. obs. 10. fol. 29. Rhodii cent. 3. fol. 20. Caspar. Reys q. 63. fol. 484. Blancardi cent. 5. obs. 43. fol. 52. Albert. Magn. l. 7. de Animal. tract. 2. c. 5. Ludovic. Cæl. Rhodigin. l. 11. c. 13. fol. 109. Borell. cent. 3. observ. 19. fol. 212.* Et jam novissime Anno 4. Dec. 2. *Ephemerid. obs. 70.* narrante Excellentiss. *Dn. Collega Ehnfrido Hagendornio p. 147.* Aranei, præter alia commoda, quæ præstant,



stant, etiam hoc commodum afferunt, venenum ex aëre sugant, attrahantque, & nisi hæc insecta in aëre volitans venenum attraherent, multis modis id noxam afferret. Nam quod de *Fonte Son* scribit *Petrus Johannes Faber* c. 11. *Hydrag. spag.* hic de veneno fontis hujus afferendum est, quod potens est & validum cum spirituale sit, & nondum in corpus coagulatum, sed semen veneni habeatur, unde potentissima est ejus actio. At si coagularetur in corpus aliquod, minerale, animale, aut vegetabile, tandem ejus venenum cessaret & evanesceret, &c. Eodem modo arbitramur; venenum in aëre volitans spirituosum est, & nisi in corpora animalium vel vegetabilium coagularetur, quam maximè noxium foret. Quare quemadmodum bufo dicitur Bursa veneni Magnetica, scilicet terrestris; eodem modo & aranea est Bursa Magnetica veneni aërei. Hoc autem multo subtilius & efficacius est terrestri. Addimus adhuc quædam verba *Fabri*, quæ c. 1. recitat. Fons hic situs est, inquit, in pyrenæis, prope montem Tabor nuncupatum, Hispaniam versus. Hujus fontis scaturigo parva, est napello circumdata, & inde venenosa, animalibus cunctis, quæ ex eo bibunt fonte, lethalis est potus, & quidem intra parvum ac brevissimum tempus. Nihilominus si napelli quantitas tanta non esset, quanta est, existimo venenum fortius hujus fontis esse, & in omnes transeuntes sævire posse: At quia napelli productio majorem veneni vim ad se trahit, ideo minor est veneni hujus virtus, sic Deus mali totius naturæ victor & moderator, malum hoc minuit germinante & pullulante napello, qui venenum hoc coagulat, & in sui ipsius corpus figit; & condensat, & sic volatilem & communicabilem ejus naturam compescit. Simili modo venenum aëreum, postquam illud attrahant araneæ aliorumque insectorum copiae, minuitur, & in corpoream molem addensatum hebetatur. Et revera! venenatorum animalium insectorumque creatio insigne divinæ ergo humanum genus benignitatis testimonium est. Quod si Deus solum ex terra animalia venenata & plantas

vene-

venenatas tolleret, nemo hominum vivere quidem posset ad momentum temporis. Quam utilia ergo sint venenatorum animalium agmina ejusdemque indolis plantarum germina, verbis exprimi non potest, neque carent usu Medico: Curiosa sunt, quæ de araneorum usu Medico Excellentiss. noster *Avicenna* literis mandavit in suo de *Regno animali Tractatu artic. 7. §. 10. p. 164. 165.* Subsisto, plura procul dubio addet subsequens ætas. Et hæcenus de venenis nihil quod eorum admirandam naturam plenè explicat scriptum est. Unicum hic quæritur (1) an detur aliquod venenum universale, quod omnibus hominibus & animalibus lethale? (2) An illud sit animalis, vegetabilis, vel mineralis familiæ? Ego hæc malo ab aliis medoctoribus definiri! Interim ad primum mihi affirmativa placet. Ad secundum dico, quod hoc sit mineralis naturæ, si verum est, quod *Lapis philosophorum*, qui est *Medicina universalis*, & *Mineralibus* componatur, quod est unanimis adeptorum Sententia. Quemadmodum nunc datur *Medicina universalis* curans, sic etiam datur *venenum universale* destruens. Dato unico oppositorum, datur & alterum. *Lapis* verò *universalis* vel *philosophorum* existentiam nemo sanæ mentis negat, eamque asserunt ex professo *Michael Majerus* in *Symbolis aureæ Mensæ*; *Libavius*; *Daniel Merhofius*; *Caspar Cramer*; *Johannes Arndius*; *Valentinus Weigelius*, qui & ipse adeptus, & aureum vellus conscripsisse dicitur. *Johannes Gerhardi*; *Johannes Adamus Osiander*. Et nos peculiari opusculo eum asseruimus, quem propediem (Deo vitam viresque concedente) cum erudito orbe communicaturi sumus.



## OBSERVATIO CXVII.

D. JOH. LUDOVICI HANNEMANNI,

De

## Miro visus symptomate.

**A**Nno 1686. 14. Maji ad me accessit femina, ex pago dicto Brodersdorff / nomine Anna Christen annorum 35. ætatis: Hæc mihi de quodam miro visus affectu conquesta; scilicet manè usque ad horam decimam perfectè videre legereque potest, meque præsentè hora 9. matutina legit. Circa decimam visus caligine obducitur, ut non queat legere, sed literæ solito majores ast fractæ apparent. Antequam caligo ingruit, cutis in fronte convellitur. Oculi ipsi semper sicci sunt, nec unquam sordes ex iis effluunt; multis sine successu usæ. Optimè omnium profuit vesicatorium, quo fluente optimè vidit, recluso autem rediit caligo. Dabam ei Tragæam ex cortice Winterano, costo, cassia caryophyllata, semine feniculi, foliis Sennæ, diagridio, tartaro Vitriolato &c. Die 7. Junii ad me rediit, usumque pulveris laudavit, optimè vidit, quamdiu illo usæ est, ut legere potuerit sine impedimento, quadam autem interveniente tristitia rursus visus debilitatus est. Suasi fontanellam, quandoquidem vesicatorium tam proficuum & oppidò utile experta fuerat. Ego fontanellis multum in similibus morbis ut & catarrho tribuo, utut quidam Magni Viri fontanellas rejicant, & ipsis catarrhus deliramentum videatur. Mihi placet arridetque aliquis in arte Medica *Syncretismus*, proinde Antiquos veneror, modernos vel recentiores demiror, utriusque Sectæ pro re nata sector dogmata, in nullius autem verba juro; aliquid & mihi tribuo per Dei gratiam.

## OBSERVATIO CXVIII.

D. JOH. LUDOVICI HANNEMANNI,

De

## Febre singultuosa.

UT morem geram petitioni Excellentiss. Oribasii, qua petiit, ut observationes à Collegis Ephemeridibus communicatas, cum primis practicas, datâ in eam rem occasione, periclitentur, atq; ubi aut similia observare, aut effectus dexter contigit, suo easdem testimonio roborare non graventur; idem peto ab omnibus honoratissimis Dn. Dn. Collegis, hoc facto, plurimum commodum ex nostro labore in ægros redundabit ac arti Medicæ insigne augmentum accedet. Et quoniam hodie Nostra Medicina quodammodo in aliquem Scepticismum degenerat, apprimè necessarium est, Experientiam rerum omnium Magistratam sequamur. Ecce ergo Observationem, quæ respicit Excell. Oribasii Observationem de febre maligna singultuosa non lethali, Ann. IV. Decur. II. Observ. 156. pag. 292. 293. 294. usq; ad 299. Anno 1686. die 27. Maji Quædam Generosissima Matrona ad me ablegat pedissequam suam, me de duobus ægris in Uppendorff! (quæ Toparchia ad Generosiss. Dn. Alefeld Regiæ Majest. Danicæ Vice-Colonell. Strenuissimum pertinet) gravi morbo decumbentibus consuleret: Scilicet Filius delirabat & agrypniâ vexabatur invincibili, præterea jam sextiduum corpus singultus vehementissimus quassaverat. Hujus petito annui & in nomine Jesu juxta Methodum Excell. Lentilii præscripti ægro (1.) R. Specier. diacret. Mynsichti ℥iij. Bezoar Mineral. Lapid. prunella aa ℥i℥. Laudani opiat gr. vj. M. F. pulv. divide in tres partes æquales. (2.) R. Fermenti acerrimi ℥j. Theriacæ ℥iij. Nuc. Musc. N. i. M. F. Cataplasma sine igne cum Oleo Menthae ℥℥. detur in duplo. (3.) R. Sem. Melon. ℥j. Pap. alb. ℥j. Amygd. dulc. excortic. N. xxx. M. F. l. a. Emuls. cum aq. Scorzo-



*nera composita* ℥xiiij. detur edulcoratum saccharo perlato. Ejusdem Rustici patri eodem malo singultuosæ Febris laboranti in nomine Jesu præscripsi. (1) R. *Diascordii Fracastorii* ℥iiij. *The-riaca cælestis* gr. vj. *Lapis prunelle* gr. xx. *Specier. diacret. Myn-sichti* ℥ij. M. F. l. a. Bolus, divide in tres partes æquales. (2) R. *Aq. Scorzonera composita* ℥iiij. *Acacia* ℥iijss. *Aq. Sambuci* ℥ij. *Spirit. Sambuci* ℥j. *Diascord. Fracast.* 3v. M. detur. (3) R. 4. *Semin. fri-gid. maj. excortic.* āā ℥iiij. *Sem. pap. alb.* ℥ij. *Amygd. dulc. excor-tic.* N. xx. M. F. l. a. *Emulsio cum aq. Scorzon. composit.* ℥xij. de-tur sacch. perlato edulcoratum. Ambo (Dei auxilio) curati, pater prius, postea & filius cum matrem jam ante idem morbus necasset, quæ meo consilio non usâ fuerat.

## OBSERVATIO CXIX.

D. JOH. LUDOVICI HANNEMANNI  
Contumacissima Mensium Obstructio  
curata.

**A**Ncilla quædam ex Toparchia Borgshorst (quæ pertinet ad quendam Generosissimum & Perillustrem Domi-num von Thinen, & duobus miliaribus Kilia distat) jussu Generosiss. Dn. conjugis ad me accessit An. 1683 27. Octobr. & me consulit de contumacissima mensium Ob-structione per triennium durante, itaque pessimis symptoma-tibus, quæ ejusmodi suppressionem sequi comitarique solent, laborabat. Annui Generosiss. Dominae Mandato, (quam & jam pridem gravissimo morbo decumbentem (Dei gratia) libe-raveram) & ancillæ in nomine Jesu præscripsi: (1) quod se-quitur R. *Castorei optimi* ℥j. *Myrrha optima* ℥ij. *Sal. Succini vola-til.* Flor. *Sal. Armoniac.* *Sal. C. C. vol. non depurat.* *Sal. artemis.* āā ℥ij. *Croc. optim.* ℥iijss. aff. *Spirit. vini rectificatiss.* ℥viij. & inf. per horas 38. in vitro optimè clauso, & pone in calida arena, post detur filtratum infusum. Sign. *Deffnungs-Tinctur.* (2) R. *Residui magmat.* q. est pulv. *Sabina* ℥iiij. *Chalyb. aperitivi* ℥iijss. Can-

*Cantharid.* ℥ij. *Conserv. artemisia* ℥j. *Boragin.* ℥j℔. *Zingib. condit.* ℥vij. *Pulv. Cinamom.* ℥j. *Brodii Radic. Zingib. condit.* q. s. *Elaosacch. petroselin.* ℥v. M. detur Electuarium. (3) R. *Aloës lucida* ℥j. *pilul. fœtid. maj.* Gummi. *Armoniac. Myrrha Magist.* *Chalyb. aperitivi* āā ℥jj. *Castor. gr. x. Scammon. gr. x. Ol. succini* ℥℔. *Sabina gutt. v. M. F. l. a. Pilula pro* ℥j℔. N. xv. cum aq. *Sabine involvantur succino.* Horum Medicamentorum usu (Dei auxilio) restituta est, cum jam antea multa adhibuisset sine successu.

## OBSERVATIO CXX.

D. JOH. LUDOVICI HANNEMANNI,  
Aliud curatæ Mensium Suppressionis  
Exemplum.

**G**enerosissimi Srenuissimiq̃ue cujusdam Chiliarchæ ex Perillustri antiquissimoq̃ue Stemmate de *Alefeldt* conjux laborabat mensium suppressione contumaci, hæc Perillustris femina adversus hoc malum, quod sæva symptomata gignit, & comitantur, meam sollicitavit opem, huic succurri in Nomine Jesu præscribendo ex Sylva Medica p. 189. *Pauli de Sorbait*, utpote: *Excava pomum arantium, imple croco, & charta madida involutum, coque sub cineribus: Coctum impone tribus sextariis vini albi. De hoc dentur sæpius 4. cochlearia.* Hujus usu menses redierunt, qui diu fuerant suppressi. Sicq̃ue Deus huic Medicamento etiam benedixit, pro quo beneficio ipsi æternas debeo grates! sicq̃ue canon *Arnoldi de Villa nova* satisfactum est. Morbi quos generat evacuationis cessatio eadem redeunte vel revocata cessabunt. Doct. IV. c. I. §. 2. p. m. 106. Ego hujus Viri Scripta magni facio: plusque certitudinis Eruditionisq̃ue inest, quam magnis quorundam recentiorum voluminibus, quibus volupe est, novis inauditisque terminis artem Medicam per se claram & facilem incrusta-



re obscurareque. Ego jam totus revertor ad Veterum Scripta, & nihil sciunt novi, quod & non antiqui æquè benè & perfectè intellexerunt. Ego dico cum Nobiliss. Diomede nostro in Epistola Erudita die 25. Julii ad me scripta: Ego & antiquioris & recentioris Medicina Consultos æstimo; sed illorum, in firmandis Medicina pomæriis voluntatem, horum; facultatem imprimis laudo.

### SCHOLIUM.

Quædam de mensium in mulieribus fluxu hoc loco commentari placet. Quam commentationem, utut brevem, in aliquot quæstiones dispecemus. (1) An & præter feminam, in alio animalium genere etiam aliquod animal hoc periodico labore fluxu? R. Johannes Otto Helbigius Dec. I. Ann. X. Ephemerid. obs. 144. §. 9. p. 456. in Simeis & Rajis piscibus ordinarium mensium fluxum hac in India observavi. Quod experimentum Helbigii refellit Aristotelem l. 3. de Generat. animal. c. 1. scribentem: piscibus etiam, ut avibus, menstrua nulla prodeunt. Frigidior enim natura piscium est. Idem Philosophus l. 6. Hist. animal. c. 18. p. 980. purgatio menstruorum fit quidem & cæteris, sed nulli aque ac mulieri. Ovi, & capræ tempore coeundi, indicantur, quod idem post coitum etiam fit ad tempus, mox desistit, donec parturiant: tum denuo indicatur quare pastores proximum esse partum intelligunt. A partu autem purgatio sequitur abunde: primum leviter cruenta, post modum valde, vacca, asina, equa, modò quidem ampliore quam supradictis emittitur, utpote magnitudine excedentibus, sed multo ex proportionem minus. Bis itaque femina, cum coitum affectat leviter purgatur, quantum hominæ dimidium, aut paulo plus. Tempus autem coeundi tum potissimum est, cum purgatur. Præter feminam & viros pati menstruorum fluxum constat ex Decur. 1. Ann. 2. obs. 142. p. 294. Vol. III. Act. Hass. obs. 18. p. 30. & Decur. 1. Ann. 6. 7. obs. 44. p. 39. Decur. 2. Ann. 1. obs. 70. Et apud Excell. D. D. Cornelium Stalpart von der Wiel cent. 1. obs. 80. p. 260. 261. 262. vivit & hic in Aula Gottorpensi

pienssi Serenissimi Celsissimiq; Principis Domini Mei Clementissimi Nobilis, qui & juxta lunæ phases suum patiebatur menstruorum fluxum, nomini parco, quoniam ex Perillustri familia ortus, nec & forsân gratum esset, publicè innotesceret, & ipsi quid cum sequioris sexus personis commune, qui in omnibus aliis suis actionibus strenuissimum agit Equitem. Et concludimus hunc discursum verbis *Kozack* Medici Bremensis *l. l. c. VIII. p. 235*. Ita sunt quoque multi mares, qui sanguinis fluxum menstruum patiuntur, si non per genitalia, tamen per venas hæmorrhoides. Et quendam militem in oppido *Wansleben* infantem, mortua conjuge, lactasse, scio ex relatione *Dn. Andreae Ernesti Evers* Med. Studiosi.

(II.) *Ut &* nunc liberemus fidem vel promisso satisfaciamus, quo *Decur. II. Ann. I. Observ. 70. p. 171*. promissimus agere de causis fluxus menstrui in femina & viro, jam aliquid circa istius ætiologiæ scrutinium conabimur. Dicimus itaque quod sanguini impressa sit hæc proprietas seminaliter, justo statoque tempore effervescat ac ebulliat, ac in illa ebullitione, non secus ac mel igni appositum spumam evomit, suam quoque impuritatem à se sequestrare ac ejicere. Sic & mare habet suum tempus, in quo despumat. Ut nunc hanc virtutem sequestratricem habeat innatam, ea autem astrorum influxui respondet, non quod ab eo causaliter menstrua purgatio dependeat, sed analogia Microcosmi tanta est cum Macrocosmo, ut alteratio unius & alterum alteret propter consensum. Hic enim seminaliter sic dispositus est, ut omnes alterationes Macrocosmi in se percipiat. Nec malè comparatur rerum sublunarium systema cum horologio, sicut in hoc primum mobile motitat omnes rotas, omnes autem rotæ originaliter sunt dispositæ ad primi mobilis influxum recipiendum. Sic & omnis pars in isto systemate sic disposita est ad recipiendum influxum primi motoris. Quemadmodum autem primo mobili in horologio non accepta referenda est aptitudo rotæ, qua ejus influxum



fluxum recipit, sed artifici. Sic etiam in sanguine est illa dispositio nativa, certo tempore sordes quasdam à se eliminat, & hæc sordium eliminatio in sanguine analogæ est cuidam in Macrocosmo motui, quo humida se purgant. Quando autem in viris simile quid accidit, nulla alia ratio est, quam quod illorum sanguis ad similitudinem mulierum sit dispositus.

(III) Quonam anno ætatis menstrua effluere soleant? Hoc jam expendemus; illa menstruorum eruptio valde variat, quibusdam admodum juvenibus illa purgatio evenit, aliis tardius, certum tempus tanquam immutabile non servat: Ante pubertatem erupisse rarissima quædam exempla habent *Bartholinus Cent. III. Obs. 11. Tulpius L. 3. Obs. 36. Burgois l. obstetric. observ. 17.* Octiduam puellam menstruosam commemorat *Johannes Schmid M. D. Dantiscanus. Dec. I. Ann. IV. Ephemerid. p. 25.* Eodem modo & tempus, quo hic fons exarescere solet, maxime fallat & incertum. Quibusdam 50. ætatis anno, vel & citius desinunt. *D. Johannes Laurentius Fehr Ann. I. Dec. II. Ephemerid. Observ. 166. p. 392.* narrat exemplum de foemina, cui post 60. ætatis annum quasi postliminio & multos annos suppressi, redditus sit fluxus menstruorum. *D. Pruckelius Dec. I. Ann. IX. Ephemerid. Observ. 110. p. 46.* mentionem facit foeminae, cui sexto supra septuagesimum anno rediit menstruorum fluxus fonticuli in dextro crure excitati occasione. *Solenander Sect. 5. Consil. 15.* Nobilis Foemina ex *Dorbeck*, novit mulierem 103. annorum honestam, quæ cum esset annorum 101. recepit menses ordine fluentes magna commoditate naturæ & valetudinis. Retinuit istum ordinarium fluxum annos 101. 102. 103. sed hoc anno profluxibus eisdem tentata occubuit.

*Marenschalkia Plettenburg* ex *Ketleris* nata, nobilis foemina cum ageret annum 70. & amplius recepit suos menses, ordinatè valens, & retinuit annos quatuor. *Bumgardica* novit foeminam 76. annorum, quæ stans temporibus gaudebat ad paucos annos mensibus ordinariis, cum tandem copiosiore fluxu periclitata & exercitata vitam finiret. Addo, *Johannes Henrich*

*Henrich Voigt Mathematicus* mihi narravit exemplum de septuagenaria, cui menses fluebant. Quicquid tamen sit, amplector terminum *Vandeli l. 1. de aff. mul.* scribentis: Cessant aliquando Menses 60. anno, sed ultra hoc tempus nunquam protrahi possunt. Exempla à nobis adducta sunt rari commatis, quæ ordinario naturæ cursui non præjudicant.

(IV) An hic fluxus adeo necessarius? *Sinibaldus Geneantropes l. 6. tract. 1. c. 11. p. 597.* si sanguis menstruus, inquit, generationis est proximum elementum, fieri nulla ratione poterit, (unusquisque proferet,) ut mulier, cujus non madescit menstruali sanguine uterus, concipiat, quod experimento probari palam videmus, quandoquidem steriles existunt, quotquot menstruis carent mulieres. Quæ verba *Sinibaldi* necessitatem menstrui sanguinis astruunt absolutam, sed tamen sub hac conditione, si sanguis menstruus, generationis est proximum elementum &c. sub hac restrictione *Sinibaldo* subscribimus exempla, quæ in contrarium adducunt auctores, nihil præjudicant *Sinibaldi* Sententiæ, ut ex hoc discursu patebit. Quippe, si negotium generationis bene expendamus, ordinario naturæ cursu generatio non potest fieri, nisi fluant ritè menstrua. Patet & hoc ex *Cap. 18. Genes. v. 11.* Erant autem ambò senes, provec̃taq, ætatis, & desierunt *Sara* fieri muliebria. Ob id *Sara* ridebat, inuens scilicet suo risu, quomodo concipere posset, quoniam jam desierant fluere menstrua, quo fluxu desinenti simul extinguitur illa concipiendi facultas. Addit *Osiander & Cornelius à Lapide: Menstrua.* Et *Lucas Osiander* eodem modo reddit: Desierant *Sara* fieri muliebria, id est, inquit, menstrua cessarant fluere ratione senectutis. Quare etiam hac de causa incredibile visum, parituram filium. Paria habet *Andreas Osiander.* *Vinarienses Theologi* eodem modo vertunt, & addunt locum parallelum ex *Genes. 31. v. 35.* *Conradus Pellicanus* eodem modo vertit, & in *Commentario* addit: Id autem sine grandi miraculo fieri non poterat, quod ambò longæva ætate erant, & *Sara* muliebria per ætatem desierant, idè secum ridebat. Clarius



242 *Observatio CXXI. Infantis à partu difficili quasi emortui &c.*

Textum hunc habet versio Leonis Juda: *Ut menses desissent Sara juxta morem feminarum. Chaldaica Versio Onkelos autore Aria Montano. Et desierat esse Sara consuetudo mulierum.* Confer *Valles. c. X. philosoph. Sacra: Annotata tamen sunt etiam Medicis exempla de quibusdam feminis, quæ talem fluxum non passiæ, tamen conceperunt peperuntque. Vide Hildan. Cent. 4. Obs. 41. Panarol. pentecost. 1. Obs. 17. Strauss. de fœtu Mussip. pag. 99. Reusner. in Syll. Obs. Welsch. Obs. Medic. 99. Dec. I. Ann. III. Obs. 132. Ann. VI. Obs. 64. Decur. II. Ann. I. Obs. 41. Ann. IV. Obs. 126. Marcell. Donat. l. 4. c. 23. Rhod. Cent. 3. Obs. 59. Laurent. Joubert. popul. Error. l. 2. c. 1. Brassavol. Comment. ad Aphorism. Hippocrat. 36. l. 5. Nicol. Florentin. Sermon. 6. tract. 3. c. 4. Bertin. l. 4. Med. cap. 6. fol. 61. Thom. Bartholin. Cent. 4. hist. 37. fol. 309. Trincavell. l. X. c. 30. Lazar. River. Pr. M. c. 17. Kozack l. 1. c. 12. p. 335. de Hamorrhag. Et Cornelius Stalpart von der Miel Cent. 1. Obs. 78. p. 258. Pentecost. 1. Cent. 2. Obs. 31. pag. 303. Sed annumeranda sunt rarò contingentibus, quæ nullam legem faciunt. Plura de mensibus possent dici, sed apud practicos possunt legi! ego subsisto hîc.*

OBSERVATIO CXXI.

D. JOH. LUDOVICI HANNEMANNI,  
Infantis à partu difficili quasi emortui in  
vitam Restitutio.

**Q**uotidiana experientia probat, sæpius infantes in partu adeò, ut nec vitæ minimum indicium inesse appareat, debilitari: inque ejusmodi casu, ut pusionem vitæ restituant, nihil intentatum mulierum grex relinquit; ast vix medium eo præsentius suppetit, quo vitæ, qualis infans privatus videtur, restitui queat, quam si nutrix in infante debilitato fugat papillam sinistræ mammæ, hoc facto, illicò infans ad se redit, vitæque indicia præbet. *Accidit hîc Kilian Ann. 1686. die 24. Junii Henrich Waken Civis & Sartoris conjux filium*

lium masculum adeò in partu debilitatum (quoniam tres integras horas in partu humeris innixus hæserat) enixa sit, utque penitus mortuus videretur, & quicquid etiam molirentur præsententes prudentesque matronæ, sive vellicarent, sive setis pungerent, sive afflarent inflarentque, omnia in cassum tentata, nullum vitæ testimonium præbuit. Tandem cum nutrix papulam sinistræ mammæ in infante sugeret, illicò vitæ reddi visus. Idem remedium etiam ante in quadam ejusdem feminae infante dextræ successerat, hocque consilium primo dedit quædam vetula rustica. *Hujusq. remedii ætiologia, (nostro arbitratu) in hoc sita est, scilicet suctione illa aperiri poros mamma, per quos datur exitus vapor, qui cor obruit & angit, & sanguis qui circa cor hæret illudq. premit, ab eo avellitur, simulq. calore suctionis liquefcit, ne prorsus grumescat.*

## OBSERVATIO CXXII.

D. JOH. LUDOVICI HANNEMANNI,

## Visûs debilis Restauratio.

**I**Nter innumera divinæ misericordiæ beneficia, visus, quo homines animantesque donati sunt, quoque dulcissima fruuntur luce, non minimum est: Hic si optima oculorum acie, benè dispositis, formatisque organis gaudet, habet merito, de quo sibi gratuletur, Summoque Deo gratias immortales devota mente dicat. Verum postquam post lapsum protoplastorum humanum corpus Morbonæ insultui obnoxium; & tandè analysi, quam mors atra inducit, in sua revertitur principia, etiam visus multis morbis subjici solet, ut multi vel cœci etiam nati, aut morbô visu privati, obambulent; si quidem hoc multa testantur exempla. Quomodo & gutta serena, suffusione, ungue, præter ophthalmiam, strabismum aliasque sexcentos morbos, laborent, palam est: Verum præter recensita vitia, quæ aciem oculorum heberant, potest etiam accidere, cornea, quæ instar subtilissimi pellucidiq. crystalli, per



quam rerum simulachra in oculorum cameram intromittuntur, aliquam obscuritatem vel tenebrositatem, non secus ac vitra successu temporis pristinum splendorem vel pelluciditatem amittant, siquidem iis adhæreat pulvis aut etiam aër obnubilet, contrahat; unde aliqua visûs caligo, Adversus istam visûs caliginem Medici multa per experientiam didicerunt remedia, quorum hic meminisse institui ratio haud finit. Solum hoc hîc commemorabo ex relatione fide digni Chirurgi suæque artis peritissimi *Ecklenferde* habitantis nominati vom Dam. Hujus pater Pastor ad caliginem visus corrigendam multa adhibuit remedia, accidit autem quodam tempore loco suæ consuetæ aquæ ophthalmicæ spiritum vitrioli acciperet; hoc oculos suos inungit, credens se aqua sua ophthalmica uti, quid fit? oculi punxi & morderi incipiunt acrimonia istius spiritus, quasi è capite evellerentur, aculeis spiritus hebetatis altero mane in pupilla quædam impuritas collecta instar pelliculæ, qua absterfa, visu acutissimo donatus, ut etiam 83. ætatis anno sine conspicillis in suggestu textum legere posset, non secus, ac si juvenis esset. Narravit hanc historiam prædictus Chirurgus die 21. Febr. Anno 1686. Mihi sæpius pomum citri ex-corticanti succus in oculos infiliit, postea discussio dolore, visus acies confortata visa. Confer Excell. D. D. *de Muralto observ. 133.* & ad eam Nobiliss. D. D. *Celsi Scholium p. 269. Decur. II. Ann. III.*

### SCHOLIUM.

**D**isputari solet in Scholis an emissione vel receptione visus peragatur? Hoc dubium melius solvi non potest, quam si expendamus, nostrum visum omnino per se nullam posse conspiciere speciem, nisi clara adsit lux; lux ergo visui nostro repræsentat rerum simulachra, & hæc ut speculo objiciuntur. Quemadmodum in speculo nullum corpus, absente luce, utut ei proximum, videtur, eodem modo, nulla species ab oculo nostro percipitur, luce absente etiamsi ei proxime admota sit.

Patec

Patet ergo, quod per modum receptionis visio peragatur. Si ab emissionem dependeret, & absente luce visus suo officio fungi posset, sed contrarium experimur: illa autem receptio duplex est (1) oculus recipit *lucem*; qua recepta (2) recipit speciem visibilem. Hanc nostram assertionem probamus *secundo*: Verbis *Kyperi l. 8. instit. c. 5. §. 13. p. 480.* Nam talem specierum visibilium propagationem esse ipsi sensus confirmant, si quis in Camera obscura chartam albam aut aliud vicem ejus supplens foramini exiguo aperto ante posuerit: Quippe tum exteriora visibilia in illa charta quasi depicta conspiciet. Atque sic in oculis pariter fieri licet unicuique experiri. Nam artificiosa separatione facta corneae tunicae à postica circa nervum opticum parte si oculus is alicui lucidae rei obiciatur, quicquid foris est, id in oculo expressum apparebit &c. Sed inquires lux oculis innata est, ut inter alios probant *Bartholin. l. 1. de luc. hom. c. 14. 15. & 16. & Calius lect. ant. l. 8. c. 23. 24. & 26.* sicque lucem ex oculo ad objecta lumen emittere, cujus fulgore illustrata (sunt verba *Valentini Scheid dissert. sua eruditiss. de Visu vitiato sect. 1. §. 67. p. 33.*) objecta ad oculum redeant, atque ita visu percipiantur. R. Lucem aliquam non solum oculis sed & omnibus partibus innatam esse, non diffitemur. Hæc tamen lux non sufficiens, ut ejus beneficio in tenebris aliquid videre possimus; ante protoplastorum lapsum, hujus lucis beneficio omnia etiam nocte videre licuisset, verum post lapsum hæc lux sic in nobis obscurata est, ut ad res videndas luce aliqua externa indigeamus, hacque remota in tenebris nihil visu nostro percipimus, & oculi nostri tantum luminis ex se evibrare non possunt, quo res aliqua fiat visibilis juxta suam figuram, & colorum diversitatem. Gaudent tamen quædam animalia hoc privilegio, noctu quædam objecta per luminis cujusdam emissionem videant: E. g. catorum oculi, & serpentum fere omnium, noctu etiam lumen illud nobis ostendunt: illud tamen lumen valde exile est, non longe spargitur, vident duntaxat, quod oculis illorum proximum est. Proinde emissionis patroni nullum firmum fun-



damentum suæ opinioni & innata luce substernere queunt. Sed visio peragitur per modum aliquem receptionis vel intromissionis. Quod ad hoc quæsitum sufficit. Unicum dubium adhuc ventilare placet: An lux sit substantia vel accidens? & *Luxem* credimus esse *substantiam*, & quidem propter has rationes: (I) Quia Deus tum temporis, quo creabat lucem, occupabatur creatione substantiarum, non autem accidentium. Hæc lucis ad jussu divinum emicatio, qua tenebrarum Chaos dissiparetur, & omnia illuminarentur, probat ipsam revera esse substantiam & non accidens. (II) Quum ipse tribuatur tale prædicatum, quod de accidenti non potest prædicari, vel & ei competit. *Genes. c. i. v. 4. Et vidit Deus lucem, quod esset bona.* Lux dicitur bona, quoniam habet bonitatem substantialem, & respectu suæ bonitatis etiam tales dotes possidet, quæ in totum substantiam constituunt absolvuntque. (III) Quoniam nullo adhuc existente sydere per integrum existebat triduum. Quod si esset accidens, debebat aliquid existisse, cui, tanquam subjecto in hæsiōis, in hæsiōe: sed tale nihil fuit, nec etiam ad suam existentiam tali subjecto in hærentiæ eger. Sol omnia lustrat, & tamen à nullo inquinatur, & in se ipso habitat; Eodem modo & *lux omnia illuminat*, à nullo tamen inquinatur, & in semetipsa habitat, ex se ipsa per modum evibrationis scaturit, & per modum invibrationis in semetipsam revertitur tempore scilicet noctis: imo omnes proprietates lucis hoc peculiare habent, *in omnibus rebus sunt omnium mutationum vicissitudinumque effectrices*, tamen cum nulla re ipsi tale intercedit commercium, ut vel ullo modo ab aliqua realiquid pati possit, sed ab omnibus abstracta est, & nihilominus omnibus inhabitat rebus. Mirum est hoc paradoxon: *Lux omnibus rebus originaliter inhabitat, & tamen simul ab omnibus rebus, rerumque intima essentia abstracta manet &c.* Lux semetipsam in omnibus immergit, nihilominus & immersa, ab rerum essentiis abstracta manet. (IV) Quandoquidem ejus magnitudo indefinita; talis autem magnitudo non nisi absolutæ substantiæ

stantiæ propria est, quale enim corpus esset, cujus lux esset aliquod accidens.

(V) *Lux est substantia*, quando ejus effectum expendimus, (1) illuminat aërem & tenebras, quæ sub Sole maxima sunt entia. (2) *Per omnes creaturas se diffundit.* (3) *Lux habet vim incensivam*, vel potest incendere res sublunares. *Petrus Johannes Faber elegantissimus Philosophus*, & in *Adeptorum Republica ex procerum ordine primipilus l. 1. c. 49. p. 97. 98.* Panchymia de eodem discurret, nostramque sententiam sic asserit, quem vide. Hoc unicum adhuc restat hoc loco examinandum, scilicet an Lux aliquem habeat colorem, & quinam ille sit? *R. in Chiliade prima Cent. 9. Decur. 6. Epistol. 2. & 3.* quædam de hoc quæsito diximus, illa in compendium redacta huc transferemus. Verba, quæ ex dicto loco mutuamur, ita sonant: Lux, quam Deus Trismegistus ex nihilo creavit, & quæ se ad jussu suum sistit vel repræsentavit, est omnium creaturarum, quas hic Mundus sinu suo vel ambitu complectitur, pulcherrima & elegantissima, non tam ratione sui, verum & ratione sui effectus, quod omnia, quæ pulchra vel elegantia sunt, conspectui nostro sistat, ut sunt, quorum etiam pulchritudo & elegantia à nobis non cognosceretur, nisi lux adesset. Colores omnes, quibus res nobis arrident, beneficio lucis agnoscimus, & distinguimus, tempore tenebricoso nulla colorum apparentia, & quasi vultus suos occultare videntur, rarefcentibus verò umbris colores quasi è postliminio ad visum nostrum revertuntur, ac ferè idem est, quasi nobis accessum lucis & sibi etiam gratulentur. De ejus autem colore hoc loco quæritur, & quod ad hoc quæsitum attinet, dicimus, quod nullum omninò habeat colorem. Quippe si colorem haberet, & omnibus rebus suum colorem affunderet, vel suo colore tingeret; lux quippe est, quæ invisibilia reddit visibilia, & sic conspectui nostro objicit, ut sunt formata, eadem opera & labore, quo res visui nostro exhibentur vel obijciuntur, etiam colore suo tingeret, itaque etiam sequeretur, quod omnia uno eodemque colore essent colorata; sic



sic unus in orbe esset vultus, unus esset in orbe color, non secus ac tempore tenebrarum, quo cuncta umbris involuta, atra & nigra apparent, sic & tempore lucido omnia sic forent colorata, qualem colorem ipsis lux affunderet, e. g. si esset cærulea, etiam omnia cærulea, si flava, cuncta flava, si viridis, cuncta viridia &c.

## OBSERVATIO CXXIII.

D. JOH. LUDOVICI HANNEMANNI,

De

## Uso Astrologiæ in Venæsectione.

**Q**uicquid ullo modo ad sanitatem homini restituendam necessarium & utile arbitrati sunt Medici, hoc ipsum non intentatum reliquerunt. Sicque inter præsidia, non minimum est venæsectio, qua sanguis ex incisa vena humani corporis educitur. In illa autem cum fructu administranda Medici certas notarunt regulas, quæ observari debent, ne temerè profundatur. Etiam Astronomi tempus, quo venæsectio administranda in suis Calendariis indicare solent: Et quandoquidem astra cum homine vel cum inferioribus sublunaribus quandam habent harmoniam, merito ergo Astronomorum præcepta attendi debent. An autem omnibus Astronomis hîc fidendum sit, in medio relinquo; Quilibet autem Medicus tantum ipse in Astronomia intelliget, ut ipse delectum possit facere, quousque istis præceptis fidem adhibere debeat, deceatque. Referam quod contigit hoc anno: Quidam Senator in antiquissimo oppidulo *Lutkenburg*, (quod in hac nostra Holsatia situm) dictus *Buck* cum venam sibi curaret secandam, eidem venæsectioni corpus suum quoque subjecit ejusdem uxor, quæ jam per aliquot annos de quodam affectu vesicæ querula fuit, de quo non satis constat an sit ulcus vel calculus, utriusque non obscura signa in urina videntur, ut utroque laborare concludam. Hæc post venæsectionem, quæ

quæ in illa die 30. Martii statim post plenilunium administrata (in quodam autem Calendario Dn. Voigtii hæc signa visa sunt ♀♀♂♂ quæ etiam in Excellentiss. Dn. Thoma Pancovii fastis apparent.) Malè habuit in istis locis, in quibus dicto morbo laborat; scilicet illicò ardorem & vehementem æstum in uteri regione & intestino recto experta est. Causam istius symptomatici rejicio in dicta signa, cum primis in ♀ & ♀, alii hac dere judicent.

### SCHOLIUM.

**D**E multis hic discurrerem (1) an Venæsectio in totum rejicienda? (2) quid de astrorum influxu sentiendum? (3) quid de Uromantia judicandum? (4) an astra rectè nominibus idolorum nuncupentur? (5) an Astronomiæ cognitio Medico oppidò necessaria? Quicquid ad hæc quæsitæ respondendum sit, malo ex aliis audire, quàm ipse proponere. Solum hoc dico ad (3): Hæc morborum causas sæpius manifestat, proinde Medicus eam negligere non potest &c. Ad (4): Malè hoc fit: nam (1) hoc prohibet Scripturæ sacre Codex *Exod. c. 23. Omnia, quacumq; dixi vobis, servate, & nominis aliorum Deorum ne mentionem quidem feceritis, ne audiat ex ore tuo.* Quo jure ergo Christiani dies & astra nominibus gentilium Deorum nuncupent, non videmus, e. g. Dies Martis, dies Mercurii, dies Jovis, Veneris, Saturni &c. sicque planeta Saturnus, Jupiter, Mars, Venus &c. Sunt quippe nomina sceleratorum hominum, qui facinoribus pessimis apud Ethnicos inclaruerunt, teste historia: nos Christicolæ his sceleratis hominibus, eorum nomina in ore nostro circumferentes, cultum quandam exhibemus; imò, nostro arbitratu, est quædam idololatria, & Deo fit injuria, si optimas ejus creaturas hac nomenclatura paganorum insigniamus, & Eum debito honore privamus, hocque est contra 1. & 2. præceptum Decalogi, dictumque Scripturæ; honorem meum alteri non dabo, hoc hîc fit: Nec ullo modo excusare possumus, nisi consuetudinem oppo-

Dec. II. Annus V. Ii namus;





lis quibusdam discurrem! Magnum Myſterium iis ineſt, felix, qui eruit.

## OBSERVATIO CXXIV.

D. JOH. LUDOVICI HANNEMANNI,

De

## Aëris Inquinamentis.

**A**ccidit hoc Anno 1686. M. Junio aër noſter, qui ut rarò heterogeneis careat particulis, ſingulari quodam contagio vel inquinamento inficeretur: Videlicet omnia ex metallis confeſta peregrino anomaloque obducebantur colore, argentea cupreo, ut penitus in cuprum verſa viderentur: Succellu verò temporis ille color adſcitiuus evahuit, priſtinusque nitor rediit metallis. Aliqui cauſam rejiciebant in ſtagnum *Klenen Kiel dictum*, cujus aqua fermentefcens turbata *foetidum putridumque vaporem exhalabat*, quique tam abominabilis noxiuſque erat, ut niſi Deus Miſericors emendaffet, peſtem gignere potuiſſet periculofiffimam.

## OBSERVATIO CXXV.

D. JOH. LUDOVICI HANNEMANNI,

De

## Cadavere ſanguinem ſtillante, præſente occifore.

**F**ridrichſtadii (quæ civitas in Holſatia ad Eideram fluvium ſita, & Kilia decem milliaribus diſtat.) Quidam Fabri Ferrarii dicti Toulemont ſervus meretricem, qua diu uſus, malleo in cervice vulnerat, vulneratam in aquam præcipitat, hæc triduo poſt, aquis mortua innatat, ficque mortua in ſtabulum Curia civitatis deferretur, adducitur ad eam homicida (cui nomen Matz) ipſo accedente jamque



præsente, cadaver è naribus sanguinem fundit & cruentatur, viso hoc confitetur facinus, capitur, poenamque capitis luit. Ex relatione beati mei Soceri Petri Johannis de Calis, istius civitatis, dum viveret, Senatoris.

### SCHOLION.

**Q**uod si in ejus historiæ aliarumque similium ætiologiam inquirimus, claret, quod istorum eventuum partim causæ hyperphysicæ, partim physicæ sint. De priorum genere hoc loco & tempore non sumus solliciti. Secundum autem genus paucis scrutabimur. Et ut hoc, si quid obscuri inest vel inesse videtur, demonstramus evidenter, sequentia supponimus.

(1) Sanguis (sunt verba *Kozack l. 1. c. 1. p. 84. de Hemorrhagia*) est extractum totius mundi seminalium rationum; non quidem secundum artem aut scientiam humani spiritus factum, sed secundum leges spiritus Mundani, qui omnia desideria carnalia, terrestria, animalia, in nobis moderatur, per quæ cum Mundo hoc communicamus.

(2) Aqua est abyssus (idem *Author a. l. p. 85.*) omnium saporum, odorum, colorum; Aër verò caliditatum, frigiditatum, humiditatum, motuum, ponderum. Ita sanguis corporis humani animalis in suo Chaos complectitur omnia, quæ in eo sensibilia fiunt, cujus vel tardius, & sub forma sensibili inde generantur vel excernuntur.

(3) Quemadmodum in semen omnium rerum, quibus vescimur, character idealis imprimitur, quem nulla mutatio in eo obliterare valet, & cujus archæum phantasia (juxta ideam impressam) in actum excitat, ille & prævalet &c. Nihil autem in semine, quin prius fuerit in sanguine *obs. 55. p. 92. Dec. II. Ann. II.*

(4) Quoniam verò (*Johann. Marc. part. 4. sect. 1. subs. 3. t. p. 405.*) in corpore mortuo aliquid vitæ superesse dixi, cujus ratione sympathia & antipathia fiat; tanto magis locum habet

bet in fanguine, qui omnium primo vivit, omnibusque aliis vitam influit: ficuti enim vitam habet ex fe à quovis alio independentem, ita eandem citra ullius opem longius retinere valet: præfertim fi à corruptione fit alienus: qualis nimirum eft in iis, qui morte violenta decedunt.

(5) Quod quando infans per totam vitam à fele abhorret (*obj. 50. p. 82. Decur. II. Ann. II. & Schol. in hanc obj.*) hoc fieri ob abhorrentiæ ideam, quam mater embryoni impreffit, ob terrorem, quæ matrem gravidam ex subito felis in eam infultu invafit.

(6) Quicquid mater videt, audit, fentit, patitur, illud pariter videt, audit, fentit & patitur infans. Cujus enim infantis unum eft corpus cum corpore matris: fanguis fpiritus-que utrique funt communes. *Malebranche l. 11. c. 7. §. 1. p. 93.*

(7) Jam autem fensationes & affectus à motibus fanguinis & fpirituum pendent ordine naturæ. *Idem ibidem q.*

(8) Pathemata vehementia, cujusmodi funt ira, amor infanus, audacia, desperatio, valide concutiunt fanguinem & fpiritus. *Zodiac. Gallici Ann. V. Differtat. an fanitas ab animi pathematis &c. p. 245.*

(9) Pathemata, quæ poffunt fanguinem concutere ut & fpiritus, & quoque eodem modo & potentia fanguini poffe imprimere ideam abhorrefcentiæ.

(10) Ideo Deus, qui numeravit omnia, cuilibet numero legem conftituit ordinis certi custodem; ut unum alteri effer subsidio, vel ad motum, vel ad quietem; atque ficut omnia juftis temporibus, & locus tum moverentur, tum quiefcerent, tum ad motum ex quiete; tum ad quietem ex motu peregrinarentur, circulari reciprocatione. *Kozack c. 3. p. 135. a. l.*

Ex fupposito, quæ omnia credimus vera, concludimus cum *Joanne Marco part. 4. philof. 5. Ref. a. l. p. 406.* Hæc autem phantafia ideam fibi analogam pingit in fubjecto materiali &c. ob quam fympathia & antipathia provenit. (fcilicet illa idea imprimitur fanguini juxta fuppositum 5. 6. 7. illa autem impreffio



idea nullibi fit, nisi in sanguine, quia sanguis est tale receptivum, quale descripsimus *suppos. 1. 2. 3.* illa idea dependet à pathematis animi, juxta *supposit. 8. 9.* Nec ista idea movetur in actum, nisi juxta *suppositum 10.*) Cui idea analogæ & hostilis in corpore & sanguine homicidæ pingitur ab imaginatione ejusdem. Quæ hostilitatem in se exercent, dum intra sphaeram actionis magneticæ sunt constitutæ: mora que idea hæc ab illa, alias deinceps movet sibi connexas; quousque demum sanguinis ab idea motus concitatrice recipiat impulsus motumque. Ad hanc opinionem proxime accedit *Cornelius Gemma Cosmocriti l. 1. c. 6.* Videmus, inquit, extincto quoque cadavere, usque ad tertium diem interfectoris imaginem velut in concreto sanguine latuisse. Quam eadem semel præsentem residuus ille spiritus, propter ideas inhærentes in percussorem obvium concitat. Nec prius profluvium sanguinis è vulnere supprimitur, quam qui occiderat longius à funere sit semotus. Hæc *Marci* Sententia fundatur in suppositis, quæ jam ante attulimus, hisque & nos moti eam cadaveris cruentationem ex physicis causis posse oriri credamus.

## OBSERVATIO CXXVI.

D. JOH. LUDOVICI HANNEMANNI,  
Lapilli Tussi rejecti.

**H**OC Anno 1686. Mense Aprili decumbebat hic civis nomine *Daniel Solffuvechter* gravi tussi cum asthmate laborans, materia, quam frustulatim excreando rejicit, lapillis & sabulosa substantia plena est. Similem historiam jam ante annum cum nostris Curiosis Excell. D. D. *Joh. Daniel Dorstenius Dec. II. Ann. III. Observ. 63. p. 153.* communicavit.

SCHO-

*SCHOLIUM.*

**I**N Medicorum & Physicorum foro de generationis lapidum in Macrocosmo & Microcosmo causa disputari, cognitum est, hicque in varias opiniones abeunt. Quod si scrutinium hujus rei instituimus, comperimus, quod eadem causa, quæ in Macrocosmo producit lapides, etiam in Microcosmo gignit calculos. *Vallesius in sua philosophia sacra cap. XLIX. p. m. 300.* Lapidumque substantiam pertinere ad terram, & concretionem habere ab utroque, à calore scilicet siccante, & à frigore constringente, ut fictile. Siquidem neque dissolvuntur, liquari à calore, neque dissoluti ab aqua &c. Alii quendam spiritum lapidificantem fingunt. Hoc autem frustrà dici arbitramur. Nam quod primò ad causam efficientem attinet, nihil certius est, quam sicut omnia calor & frigus duo spiritus architectonici architectantur; sic & hos duos spiritus ex materia ad lapideam substantiam disposita & modificata lapidem componere. Ita ut minimè opus sit hîc quendam peculiarem archæum lapidificantem fingamus. Natura per hos duos spiritus omnia illa efficit, quæ effici opus, & prout materia ad hoc vel illud modificata est, istud etiam ex materia fabricat, & non aliud, nisi in sua turbetur operatione vel etiam avertatur à suo scopo per vim quandam fortiorem aut motum violentum intervenientem. Quod superest de materia, de ea dicimus, quod quoniam omne humidum in nostro corpore, & quoque in mundo in siccum est coagulabile, cum primis constat hoc ex destillatione humidi, quod omne humidum post se relinquat aliquid terreæ viscidæque substantiæ, & hoc constituit caput mortuum: Quando nunc calor humidum nutritivum absument, usque ad ipsam terream substantiam, facillimè fieri potest, ista terreæ substantia propter instantem calorem & præsentem visciditatem nexu quodam lapideo coaguletur, sicque lapidem constituat; sic & malè acetum, malè quoque sal accusatur, quasi hæc duo præ aliis apta sint generare lapidem. Sed potius  
statui-



statuimus, ubicunque humidum, istic & lapides generari queunt. Cum omni humido sic insuper comparatum est, ut semper vaporet, quando autem non refarcitur substantia, quæ per vapores perit, facillimè fit, humido per vapores absumpto, materia residua terrea in lapidem convertatur, ista enim materia terrea in poris suis semper retinet aliquid materiæ viscidæ, & hæc instar glutinis particulas ferreas in contextum lapideum coarctat. Pulchrè quoque hac de re discurret *Libavius l. 11. epistol. chym. N. VIII. p. m. 49.* Sed & in cavitatibus quibusdam ubi restagnant aliquantisper humores glutinosiores, aut sabulosi, ut in cerebro, pulmone, epate, renibus, rumine, ventriculo, intestinis, cholidocho, vesica &c. gypseas circumferunt concretiones & saxeos globos.

## OBSERVATIO CXXVII.

D. JOH. LUDOVICI HANNEMANNI,

De

## Uvulæ prolongatæ Cura.

**C**uratio uvulæ eâ methodo, quam communicavi *Dec. II. Ann. II. Observ. 56. p. 93. & Ann. III. Observ. 50. p. 139.* cum Curiosis nostris, interea temporis sæpissimè feliciter administrata est, nec fallit unquam. *Camerarius (Cent. XIV. Memorabil. Observ. 51. p. 1169.)* nostri Rustici (inquit ex *Rondelet. M. C. M. l. 2. c. 4. fol. 322.*) consillarum inflammationem, (antiades) furoulx vocant, easque curant frictione facta in carpo, existimantes tumores quosdam factos & apertos frictione illa dura in carpo prædictum affectum tollere, prodest autem revera ob diversionem. Hæc *Rondeletii* cura consillarum inflammationis non multum abit à nostra curandi uvulæ prolongationem methodo; in hoc autem non consentimus, quod quædam *diversio* uvulam in suum retrahat locum, tunc enim frictio in loco proximo prodesset, ut non opus in loco tam longè dissito, utpote carpo administraretur. Verum arbitramur,

bitramur, nodos illic in carpo existentes & Comm. 3. Observ. 50. p. 139.) à nobis remonstratos cum uvula habere consensum, quod probat, quoniam prolongata uvula hoc tuberculum magis sentitur tumidum, magisque versus manum descendisse, & frictione vehementi in locum suum restitui; frictio etiam peragitur in utroque carpo. *Uvula* est glandula; glandulæ cum glandulis per universum corpus dispersis singularem habent consensum, non secus ac aliæ partes. Quando autem nunc accidit, ut *Uvula* suo moveatur loco, etiam istæ glandulæ in carpo descendunt, & harum descensus testatur de *uvula* procidentia, sicut hoc cuilibet exploranti obvium. Quando dico, quod uvula glandula sit, hoc forsân nemo in dubium vocat, & quod tales glandulæ in carpo appareant, notum est; hisce glandulis cum uvula consensum esse, probat nostra observatio a. l. adducta. Quam cito ergo humor aliquis imbibitur ab uvula, & eam prolongat, is humor & depluit in carpi glandulas, easque intumescere facit, qua intumescencia & locum suum excedunt. Quando nunc hæ fortiori frictione vellicantur, exprimitur imbibitus humor, huic expressio humori succedit humor ex uvula depluens, quo & hæc evacuata in locum suum retrahitur, sicque non nuda est *diversio*, verum & quædam *expressio* imbibiti humoris; credo præterea, quod certus ductus ex *uvula* in has carpi glandulas transeat, per quem materia cum iis communicatur, inque eas infunditur, hæc expressionem postulat; hic autem ductus in *uvula* prolongatione solito magis lubricus est, exinde glandularum in carpo subsidencia. Hæc mea conjectura est de uvulæ cura, alii penitus inquirent in hoc arcanum, ergo etiam non desinam scrutari ætiologiam hujus curæ.



## OBSERVATIO CXXVIII.

D. JOH. LUDOVICI HANNEMANNI,  
Lochia aquosa.

**C**Ujusdam Commissarii Provincialis in Provincia Daniæ conjux in partu gemellorum lochiorum loco (excepta pauca ichorosa materia) meram ex utero fudit aquam. Et die 31. Julii huc venit Kiliam meo uteretur consilio. Prædixi me metuere hydropem, quam & ipsa meruit, curam auspicatus, Deus annuat cœptis: Est enim omnis hydrops periculosus; verum tamen hoc modo, anasarca periculosa, ascites periculosior! Tympanites periculosissimus &c.

[Confer. Observatio LXXXII. Decad. hujus Anni I.]

## OBSERVATIO CXXIX.

D. JOH. LUDOVICI HANNEMANNI,  
Delirium singulare.

**A**Nno 1684. Mense Augusto curabam cujusdam Generosissimi Strenuissimiq̃ue Chiliarchæ (qui ex splendidissimo Perillustriq̃ue *Ranzoviano* Stemmata ortus) conjugem febre maligna decumbentem, hæc in mentis abalienationem incidebat vehementissimam, ut multa paradoxa garrirer, quæ inter se non cohærebant, nec præsentium, Mariti, Matris, mei q̃ue vel & pedissequarum ullam haberet notitiam. Hæc in ejusmodi mentis aberrantis delirantisq̃ue paroxysmo canebat cantilenas, tam dulci melodia Rythmicaq̃ue Harmonia, qua nihil dulcius suaviusq̃ue ac concinnius me unquam audivisse recordor, quibus se, maritum, liberos, matrem, totamq̃ue Perillustrem stirpem Deo devotissimè recommendabat. Et quod mirum, vox erat tam fortis, ut homini athleticè valenti esset congrua; & quidem quod maximè de miror, cantilenas eas in ipso delirio primò meditata, nec unquam

quam memoriæ demandaverat suæ, nec in ullo exstant libro vel autorem aliquem, præter Generosissimam istam conjugem, agnoscunt.

*SCHOLIUM.*

**M**ens nostra nunquam in suis operationibus efficacior est, quam quo minus à corporeis impeditur, quemadmodum in somno, & graviore morbo, quo corpus debilitatum; Tunc mens suo quasi juri restituitur, ac sui fit compos, tunc talia potest, quæ captum humanum superant, eoque respectu & mens nostra quodammodo omniscia dici potest, habet enim ideas spirituales impressas, quas non hausit ex corporearum contemplatione, sed Deus primitus indidit, ut est aliqua DEI idea: Quare qui eam rasam tabulam, in qua necdum ulla litura facta cum *Johanne Marco Marci à Krenland (Philos. Vet. Rest. part. 3. sect. 3. subf. 3. p. 299.)* dicunt, hi videant ne in Deum injurii sint & in mentis majestatem, cujus amplitudo non minor est hoc universo creato. Et quoniam anima est ex spiraculo DEI, tanquam fonte, hinc etiam fit talia ex ejus principio scaturiant quorum ideas habet impressas.

*OBSERVATIO CXXX.*

*D. JOH. LUDOVICI HANNEMANNI,  
Remedium nimii Hæmorrhoidum,  
Fluxûs.*

**Q**uidam in hac Cymbria nostra Proquæstor immodico fluxu hæmorrhoidum laborans cujusdam Medici opem implorat, hic varia ei præscribit remedia, inter alia, sanguis deplueret in vitriolum, ast omnia frustra: Accedit quidam senex rusticus, hic dat consilium, fumo Rasuræ ungulæ equinæ nates suffirentur, hoc simplicis hominis consilium plus auxilii ipsi attulit, quàm quæ Medici manu præscripta fuerant.



## SCHOLIUM.

Ungulæ equinæ suffitu partum etiam mortuum ejici, in *Plinii histor. natural. lib. 28. cap. 19.* legimus, ejusdem cum butyro frixæ usum internum in dysenteria habet *J. B. Helmontius tract. pylor. rect. §. 22. & tr. ignot. regim. §. 41.* In eis copiosum reperiri sal volatile, in *Metallurg. contract. Cl. Jacobus le Mort, & Chim. Med. phys. cap. 11.* ostendit. Et hujus salis intuitu in hæmorrhoidum fluxu nimio suffitum earum utilem quandoque esse posse, existimo. Cum enim non semper à sanguine calido, biliolo vel effervescente ortum habeat, sed etiam, ut *Hippocrates in lib. de hæmorrhoid.* scribit, à pituita ad venas, quæ in ano sunt, decumbente, vel sanguine austero & acido, sicque in coagulationem prono, qualis hypochondriacorum fluxui huic sæpè obnoxiorum, esse ut plurimum solet, & qui coacervatus vasa tandem laxet atque perrumpat, producatur, ungularum fumus, ob salis volatilis spicula, crassitiem, lentorem, & acorem illius corrigere, quin & fibras ab eo laxatas, discusso impacto humore, ad naturalem tonum reducere; aut fortasse spiritus efferos, sanguinem agitantes, sicque qua data porta, cum eo erumpentes, foetore suo salino-fulphureo, quo cætera ferè salia exsuperare à laudato *le Mort* dicitur, compescere, ac quasi ligare, unaque sanguini placidum motum restituere valet.

[*L. Schröck, L. F.*]

## OBSERVATIO CXXXI.

D. JOH. LUDOVICI HANNEMANNI

De

p. 223. Potu calido Puerperarum.

Honestæ quædam Matrona anno XII. hujus seculi Embæ Frisiorum nata, sicque annorum LXXIII. per suæ vitæ integrum curriculum, ab omni potûs calidi usu abstinuit abhorruitque: sed semper etiam sæviante Bruma,

Bruma, frigidam cerevisiam glacie commixtam bibit, sitimque suam extinguit. Sicque dilectissima mea conjux quatuor filiorum (Dei gratia) genitrix in suo puerperio contra hic locorum & forsan omnium Germanorum receptam consuetudinem semper frigidam bibit cerevisiam; Et cum in puerperio primo presentibus matronis, Buxtehüde in Ducatu Bremensi, in assumendo potu calido gratificaretur, in gravissimum morbum vitæque periculum incidit, dato autem frigido cerevisiæ haustu illicò convaluit, ab eo tempore usu calidi potus abstinuit, puerperiique tempus sine morbo vel ullo sanitatis dispendio (Summo archiattrorum Principi Deo debentur grates) transegit. Nec frigidis abstinere tempore, quo ipsi juxta consuetudinem feminarum (ut cum *Rachele Genes. XXXI. v. 35.* loquar) accidit. E contra si aliæ feminæ calidi potus usu carent, dictis temporibus, in vitæ discrimen incidunt. Nec ego auctor ero ulli feminæ, hac in re conjugem meam æmuletur, ut ut ipsi benè cesserit. Et ego potius suadeo calidi potus usum ob multas rationes, quarum recensu hic supersedeo nisi forsan consuetudo aliud imperet, suadeatque.

### SCHOLIUM.

**D**E potus frigidi calidiq̃ue usu & abusu amplissimus discurrendi campus sese hîc pandit, verum isto labore Excell. D.D. *Jacobus Wolffius* Collega Honorat. in sua pererudita & curiosa *Exercitat. de Lîteratorum potu c. 11. §. 25. &c.* defunctus est; Hicque laudatus Autor §. 34. p. 50. Denique tanquam memorabile (inquit) recenset *Eunapius*, quod *Proaresius* expers calidi potus totam vitam exegerit. Duo autem hac vice expendere placet, tertium verò huic prælaudato *Jacobo Wolffio* expendendum relinquimus. Primò placet agere de potu *Theæ*, de quo jam ante quædam meditati sumus, verum loco *spicilegii* hæc addimus contra eos, qui adeò istius herbæ encomio tument, quasi nobis Europæis imò nobis Germanis deesset planta, quæ non similem effectum posset cedere, qualem sibi falso de potu *Theæ*



pollicentur. Contra eos autem hæc pono Theoremata. (1) *Quod omnis terra illa affatim proferat, quæ terra illius incolarum temperamento sunt proficua & homogenea: Sicque* (2) *omnium exoticarum usu carere possumus.* (3) *Exotica nostræ naturæ sunt adversa.* (4) *Utque plurimum adulterata mangonioque corrupta.* (5) *Hisque morbi peregrini in terram nostram traducuntur.* Hæc Theoremata esse vera, hæcque fundamento firmo inniti, palam est. Quod ad primum attinet, hoc ipsum eruditè & nervosè demonstravit Excell. *Thomas Bartholinus* in suo pererudito libro de *Medicina Danica*. Eodem labore & hoc demonstratu facile esset de *Medicina Germanorum*, quod scilicet nostra Germania ubertim producat, tam quæ requirit necessitas, quàm quæ exigit voluptas, ut minimè opus esset, ex Indiis sanitatis præsidia accersamus, ut nunc fit, cum nostrum solum, nostræque mineræ, vivariaque his luxurient. Et nos exoticis carere posse, eaque mercatorum avaritia corrumpi vel adulterari, sicque novorum morborum occasionem materiamque præbere, jam ante demonstravimus in *nostra Methodo cognoscendi simplicia vegetabilia* §. 11. pag. 21. &c. Hæc hætenus de exoticis dicta apud omnes saniores arbitramur esse in concessio & confessio, proinde jam applicamus hæc ad herbam, vel fruticem *Thee*, quæ non solum nostro temperamento contraria, siquidem crescat in terra, quæ sub ferventissimo climate sita, sicque etiam terræ suæ aërisque indole donata est. Ita etiam non potest habere virtutem, qua temperamentum nostri corporis peccans possit corrigi. (2) *Ea planta* in totum carere possumus, quum Germaniæ nostræ imo & hujus nostræ Holsatiæ solum suppeditet in magna copia herbas, quæ *Theæ* palmam possunt facere dubiam, inque ejus locum optime majorique sanitatis commodo substitui possent sequentes *Herbæ Betonica, Veronica, Euphrasia, Majorana* &c. *Bacca juniperi*, &c. De *Betonica*, hanc illi surrogari posse, si illius decocti usus introduceretur, scribit *Thomas Bartholinus a. l. Dissert. 5. pag. 234.* Ego sanctè dicere possum me jam ter infuso

*Betonica*

*Betonica* loco *Theæ* esse usum, non sine sanitatis commodo; imo & elapso mense Septembri his egregium *Thea* potui assuetum hominem infuso *Betonica* pro *Thea* fefellisse, qui & istud infusum affatim mecum bibit, & *Theam* istam, credebat enim eam esse, laudavit, sibiq; bene de ejus usu fuisse confessus est. Quis autem tam peregrinus est in notitia *Betonica*, ut non majorem efficaciam eam habere concedat. Secundo dico surrogari posse *Veronicam*; non admodum diu est, cum quidam Generosissimus Dominus mecum periculum faceret, de *Veronica*, hanc eodem modo ut *Theam* infundebamus, ac sat magnam copiam de illo infuso bibimus, nec male nobis cessit ejus usus. Imò die 3. Octobris, cum ad ipsum Generosissimum Dominum in Toparchiam suam accerferer, sponte confessus est, se ultra octiduum loco *Theæ* *Veronica* esse usum, paremque effectum se in ejus usu esse expertum, nec dubitabat *Veronicam* *Thea* præferre, se & diutius in *Veronica* usu velle perseverasse, sed propter defectum non potuisse. Ex his experimentis patet, nos *Thea* posse carere, & majori sanitatis commodo illi surrogari *Betonicam* & *Veronicam*, utriusq; plantæ usum jam probavit experientia. (3) Quod hæc planta, quæ juxta *Simonem Pauli* est chamæleagnus, etiam avaritiam fraudemque Materialistarum experiatur, ut pro vera planta *Thea*, quandam adulteratam mangonioque corruptam vendant, nullum omnino dubium est. Multas omnino querelas de hac impostura audiui; Libram herbæ istius *Theæ* vendunt jam pro 12. thaleris imperialibus, imò & majori pretio venire solet. Sicque duplicem *Theam* faciunt imperialem & communem; illa maximo pretio venditur, hæc minori. Verum quoties communem admiscet imperiali, vel & communem pro imperiali istius rei ignaris vendunt? Fraus illa tam multiplex est, ut verbis exprimi non possit. Avaritia enim Materialistarum inferno similis. Judæi, foeneratores, potius tolerandi in Republica, ut qui solum criminæ insidiantur, quàm illi fraudulentarii aromatarii, qui vitæ hominum insidias struunt, suntque foeneratores pessimi, &

homi-



homicidæ nequissimi. Sed dicis *Thea* tot commoda sanitati præstat, ut hoc ex Nobiliss. *Bontekoe* scriptis claret, ergo ejus usu carere non possumus; & Nobiliss. *Bontekoe* sat prolixus est in virtutibus *Theæ* deprædicandis; ast hætenus experientia ipsi testimonium non æquè verum, sed infidum perhibuit. Si etenim *Thea* omnes ejusmodi vires, quas ipsi *Bontekoe* tribuit, possideret, incomparabilis panacea foret. Verum enim verò experientia idem non asserit, sed potius vis illa, quam ei tribuunt, aquæ calidæ accepta referenda est. Idem mecum asserit Nobiliss. *Antonius de Heide Cent. Observ. Medic. Obs. LXXVI. p. 159.* Ejus potum aliquando quibusdam conducere negare nolo: Tamen ut cum omnibus utilem putem adduci nequeo: quippe verosimile videtur emolumenta quædam *Theæ* adscripta ab aqua calida potius esse deducenda. H. 1. Mihi quæ præterea ambiguum est, an aqua sit verum & genuinum menstruum, quo vires ex *Thea* possint extrahi, quoniam aqua penitus ejus contextum non solvit, nec intimam ejus essentiam medullitus penetrat. Hoc etiam quodammodo liquidum evadit ex observatione Dn. D. prælaudati *de Heide* sic scribentis: Tincturam è foliis *Theæ* mediante aqua calida extrahi vulgo notum est. Elegantiore verò colore rectificatus spiritus vini ab iis tingitur, ut & sapore adstringente ac gratè amaro. H. 1. Quod si ergò aquâ virtus ex *Thea* non sufficienter extrahitur, quod non videtur fieri, cum spiritus vini alcoholisatus aliam virtutem ex ea extrahat, sequitur, quod hætenus de genuina indole *Theæ* non judicare potuerunt; ferunt enim judicium de tali Extracto *Theæ*, quod non adæquato menstruo fuit præparatum. Alii & *Theam* infundunt in lac, sed hoc multo minus aptum menstruum est ad vires ex *Thea* eliciendas; itaque, ut dictum, judicarunt de Viribus *Theæ*, quæ præ se fert extractum *Theæ* menstruo minus idoneo compositum. Sicque procul dubio alias vires proderet, si genuino menstruo extractio fieret. *Bontekoe* scribit potum *Theæ* prodesse contra podagram, sed qua vi podagræ mederetur, nisi beneficio copiæ calidæ.

Sicque

Sicque Hydropotæ non infestantur podagræ cruciatu. Omnes affectus, contra quos Theæ potum deprædicat *Bontekoe*, emolumentum insigne sentiunt ex aquæ potu frugalisque Diætæ observantia. Et Excell. *Simon Pauli de abusu Tabaci & Herba Theæ* p. 47. & 48. &c. aliisque in locis pluribus & insufficientem enumerationem partium, vel demonstrationem esse dicit, quod Chineses à potu calido vel herbæ Theæ usu bene & à malis variis, imprimis vero à calculo, podagra, & chiragra immunes degant, nec universalem pestem quampiam illic observent; & hoc potius loci, aëris, vel cœli, & aquæ præcipue salubritati attribuit, atque inde excellentem sanitatem illic dependere scribit. Aquas autem propter mineralium efficaciam ibidem saluberrimas, nec non fontem peculiarem paralyticis mirè proficuum illic reperiri, eodem autore teste ex *l. a. p. 49.* percrebescit. Quod Chinesibus etiam aquæ potus & decocti chinæ usus sit frequens, apud eundem autorem p. 44. scriptum comperimus. Tandem quod etiam diætâ Asiaticorum Europæis non ita congrua atque ideo potus illorum calidus, nostro frigido usitato, in nostris regionibus neutiquam præferendus sit, laudatus *Pau-*  
*litidem* censet. Sicque hunc locum ex *Simone Pauli* citat Excell. D. D. *Jacobus Wolff. a. l. §. 31. p. 48.* Huncque articulum hisce verbis claudit: Accommodamus, ait, eidem asserto non invidi assensum; sique ad alios corporis affectus nationum earundem respicimus, quia marcore & sputatione frequenti laborare dicuntur, ideo suspectum istum potum nostro subfrigido minus præferimus. Suffragatur quadantenus opinioni nostræ *Bernh. Sövalvius in quærel. ventric. p. 161.* Dum tepidiusculum potum, nec admodum calidum laudem mereri ait, idque consuetudinem ita ferre, quod Japonenses fervidam bibant. Mihi plurimum gratulor, de Excell. *Wolffi* albo calculo, quem nostræ Sententiæ ex *Celeberrimi Viri Scriptis* appono. Merentur & hic locum illa, quæ de Thea Excell. *Henricus Mundt d. l. c. 15. §. 2. 3. p. 482. in Novo lumine physices* scribit: Multa de virtute, ait, hujus potus prædicantur: Nam dicitur omnibus cerebri, &



nervosi generis morbis conducere: item phthificis, stomachicis, & spleneticis auxilio esse. Porro narrant, neminem eorum, qui eo assidue utuntur in regionibus ubi nascitur, lithiasi, aut arthritide tentari, §. 3. Sed suspicio est, folia optimæ notæ ad nos raro, aut non omnino advehi: aut si advehantur, tempore, & longissima navigatione vilescere. Itaque nonnullis pseudothea è Betonica, scordio & chamæpitide eodem modo infusis non minoris efficaciam videtur &c. Et alia ratio subest, quare *Japonenses Sinensesq;* fervido potu fruuntur, scilicet, *vivunt* sub ferventissimo climate, ubi sol illorum corporum calorem ad circumferentiam evocat, & diffundit, ita ut viscera vix debito calore caleant, ut autem hanc caloris foras evocati jacturam refarciant, fervido potu indigent. E contra apud nos calor magis in intimis corporis visceribus dominatur, & concentratus est, proin calidus potus vix nobis tam proficiuus est, ut *Sinensibus & Japonensibus*. Nec parum famam potus Theæ immittunt nocumenta, quæ idem *Antonius de Heide a. l.* commemorat: Hunc potum quibusdam nocuisse videtur Experimento sæpius probatum, inter alia hoc patet ex sequenti historia. Mulier vegeta & sana potui Theæ addicta conqueritur de frigore acri interiora concutiente, præsertim noctu: quod à Theæ potu derivandum putat hanc ob causam, quia eo potissimum corripitur, ubi huic potui indulgit. Memini ante aliquot annos virum robustum conquestum esse de frigore acri in abdomine, quod etiam potus Theæ, quem quotidie sumebat, imputat. H. 1. Et quoniam talia similiaq; vitia metuunt Theæ potatores, ut plurimum, quando affatim ventrem aquæ potu haustuq; impleverunt, superinfundunt haustum vini Canariensis, vel adusti, vel spiritus anisi, cymini, Elixiris levistici, Matthioli, Liliorum convallium, & id genus spirituosos haustus inebriantes. Sed dicunt, Thea elicit sudorem, & hoc facit aquæ fervidæ haustus, cui vis sudorifica tribuenda, non Theæ. Interim laudamus Theæ potum ex hoc capite, quoniam facit ad frugalis diætæ observantiam, & præstat Thea potum

assu-

assumamus modicè, quam ut ventrem & caput oneremus inebriaminibus, sicque multis morbis occasionem suppeditemus, qui ex inebriaminum abusu oriuntur, & animam ex corporibus nostris exulare faciunt. *A potu Theæ progredimur ad potus calidi usum in febre ardente, & hoc erit alterum hujus Scholii punctum.* Quod inter illa symptomata, quæ febrem ardentem comitantur, *sitis censeri* debeat, non solum autores Medici, verum & ipsi ægri attestantur, & rarò febri ardenti abest sitis, & quando hæc abest pro infausto habetur signo. Quomodo autem sitis in febre oriarur, meo arbitratu, satis bene Pompejus Sacchius Vir in hujus Seculi ornamentum datus erudito libr. *Iris Febril.* dicto c. 15. §. 7. p. 242. demonstravit. scil. *Bilis vincens alios humores, unde caliditate vaporum fauces exsiccando, & salivalem humorem incrassando, sitim molestant parit &c.* proinde ad sitim illam exstinguendam pragmatici præscribunt apozemata refrigerantia, julapia, potiones, emulsiones, &c. quæ omnia merentur suam laudem, & sæpius bonum effectum edunt. Nec nos in totum ab eorum usu abhorremus; cum primis acidiuscula; ast in febre ardente quam maximè proficuum arbitramur calidi potus usum: quem autem nolumus constare ex *cerevisia*, si quidem hæc vix tam tenuis esse potest, ut non vapores ad caput ableget, qui id turbant, & somnum turbulentum generent. (2) Nec *vino* constabit, licet id aqua dilutum præstans sæpiuscule sit potus, quo interdum febricitans commode uti potest. Sed constabit *aqua*, quæ calida vel *Thea*, vel *Veronica*, aut etiam *Betonica* affundi debet, sicque hoc *infusum calidum* assumatur; nec malum, si febrem aliqua malignitas comiteatur, hæc aqua calida affundatur *Baccis juniperi, Radici Scorzonera, contrajervæ; Herba Scordio; Carduo benedicto, &c.* Nec opus aquam simplicem fontanam sumamus, potest & aqua *boraginis, acaciæ, tussilaginis, vel alia pro re nata* assumi. Quare autem potum calidum, vel etiam infusum recommendemus, sequentes rationes suadent; quas partim emolumenta, partim nocumenta docent, partim bibendi suavitas & diuturnitas.



nitas. *Emolumenta*, quæ ægro ex talis infusi haustu pollicemur, sunt: (1) Tale infusum calidum assumptum copiosum elicit sudorem; provocatio autem sudoris, qua fuligines simul exhalant, ne illæ in corpore corrumpantur, apprimè utilis & necessaria est. Sicque & sanguis ab excrementis suis mundatur. (2) Eodem modo & pori aperiuntur, ut ritè procedat insensibilis transpiratio, quò melius autem illa sese habet, tantò magis convalescentiæ spes affulget. (3) Talis potus caliditate sua, omnem occasionem flatuum generationi præscindit, hi autem ubertim generantur, quando vires languescunt. (4) Ejusmodi potus quàm maximè reprimat vapores, ne illi sic in caput efferantur. (5) Potus calidus etiam prohibet, ne salivialis humor nimium incrassetur, hujus enim incrassatio sitim gignit. (6) Potus calidus bilem efferam domat, & una abstergit, ne illa adhærentia sua noceat. (7) Imò tale infusum melius salino-acidas particulas resolvit, ne & hæ corpus lædant. (8) Tale etiam infusum exæstuantem sanguinem temperat, ejusque siccitatem novum serum sanguini affundendo corrigit. (9) Tale etiam infusum (excepto infuso Theæ, quod magis vigilias efficit,) blandè somnum provocat. (10) Tale infusum & ventriculo prodest, ejusque necessarium calorem conservat, nec in totum appetitum minuit. (11) Et nostro arbitratu, & tale infusum phrenitidem præcavebit, ne in illam æger dilabatur. Hæc sunt potiora emolumenta, quæ ex largiori calidi infusi haustu promittere possumus. E contra frigidus potus hæc nocumenta gignit: (1) Si diutius eo uti perseverent, appetitus ventriculi tam magnoperè perditur, ut debellato febris paroxysmo, tunc tam languidus ventriculus superest, ad quem curandum prolixiori industria & medicamentorum apparatu opus, quam antea requirebatur ad ipsum morbum superandum, cujus languor ventriculi duntaxat fuit aliquod symptoma. (2) Quoties videmus, quod febre ardente laborantes insuper incidunt in pleuritidem, peripnevmonium, & alia mala, quæ revera aliunde non proveniunt, quam à nimis larga potus frigidi infusione.

fusione. (3) Quando sic interanea vehementissimo æstu uruntur, & simul tunc in ista æstuantia viscera infundatur frigidum; quid hoc aliud est: quam quod ibi duo extrema concurrant, quorum concursus incurabile malum parit. (4) Docuit experientia sæpius homines febre ardente laborantes subito extingui, hujus rei nullam causam esse arbitramur aliam, quam quod partes, per quas frigidus ille potus transit, vel gangrena occupentur, vel etiam aliqua syderatio eas obsideat. *Omnis enim mutatio ab uno extremo ad aliud periculosa est.* (5) Quod & potus frigidus plura nocumenta, quam calidus attulerit, docet nos Excell. Wolff. l. a. §. 28. 29. p. 45. 46. proin melius facimus, media tutaque incedamus via, qua nemo perditur. (6) Quemadmodum à frigido potu post vehementes corporis motus protinus quosdam suffocatos commemorat Adrianus Spigelius l. 6. de human. corp. fabrica. c. 2. Joh. Henric. Paul. in anat. Bilf. c. 8. p. 88. Similis suffocatio fieri potest in corpore, in quo viscera tantopere calent. Quippe homines à frigido potu post motus vehementes non aliunde læduntur, quam quod motus calorem nimium in corpore excitaverit, quoniam autem in calentia viscera infunditur frigidum, exinde subita illa mutatio suffocationem accersit. Memorabile exemplum legimus in sepulchreto Excell. D. D. Boneti L. 3. Sect. 14. Observ. 5. p. 896. Plura nocumenta frigidi potus congefist prælaudatus D. D. Wolff. Omnia autem illa nocumenta quàm maximè metuenda sunt à frigido potu in febre ardente. Præstat ergò calidus potus. (7) Diutius largiusque tali infuso uti possumus, & sine minore noxa, quam aliis potus frigidi generibus. His argumentis moti potum calidum frigido in febre ardente præferimus. Sed antequam huic discursui finem imponamus, paucis & ad objectiones contra calidum potum: (1) dicunt, quod non æquè sitim exstinguat, & affatim bibitus æquè sitim exstinguit, nec tam citò rursus potus exigitur, quam post frigidi assumptionem. (2) *Objiciunt*, quod calidus potus non æquè spiritus refocillet, ac frigidus; nec etiam animi deliquio tam citò succur-



rat. & potus calidus debet esse loco ordinarii potus, interim ægro in promptu esse possunt aquæ cordiales, de quibus interdum aliquot cochlearia assumat, hæ spiritus refocillare, & animi deliquio subvenire possunt. Tantum de potu calido in febre ardente commentari placuit; prælaudatus *Wolff. a. l. §. 33. p. 49.* allegat *Marci Mappi* dissertationes geminas de potu calido, quæ mihi non ad manus, B. L. eum autorem consulere potest.

## OBSERVATIO CXXXII.

D. JOHANNIS de MURALTO,  
Anatomie Ardeæ.

**A**Rdea hæc, quoad staturam, Ciconiæ haud absimile quid referebat, colore tamen differentiam aliqualem innuebat. Erat enim armata rostro oblongo, minore tamen & breviori quam Ciconia, unâ cum collo, quod undiquaque plumis nigricantibus reflexo ordine dispositis circumdabatur. Collum excipiebat corpus reliquum, inferius candicantibus plumis molle, ab alis verò ad superiora fuscum. Pedes erant longissimi quatuor digitis ornati, quorum uterque, tres versus anteriora, unum versus posteriora protendebat. Quoad interna; ipsius peritonæum erat undique abdomini succinctum & superius cohærens cum diaphragmate, suspendebatque hepar quod ventriculum utroque in latere regebat, duobus lobis à se invicem divisus; Vesicula biliaria inde prodibat oblonga, ventriculus stercus pilosum continebat, ab avibus & muribus cujus plicæ interiores omnes commodè separabantur à subiecta musculosa cute. Ranam habebat in gula Salamandram lacertamque, ita quoque in oesophago pisces conspiciebantur, ad cujus principium congeriem plurimarum glandularum vidimus, quæ pressæ, liquorem fermentativum subcitrinum undique plorabant fracidi, penetrantissimi odoris; erant autem hæ glandulæ omnes ex conglobatarum numero, cylindriacæ; reliquum oesophagi ad gulam usque erat amplum

- a. Os cranii.  
 b. Rostrum superius.  
 c. Rostrum seu maxilla inferior.  
 d. Articulatio inter duas maxillas.  
 e. N<sup>o</sup> 16. denotant totid. vertebrae colli.  
 f. Anterior sterni pars clavacula dicta.  
 g. Latior ossis sterni pars, sive scutum pectorale.  
 h. 5. Costae denotant.  
 i. Humeri condylus.  
 k. Humeri extremitas cubito innexa.

l. Cubitus.

m. Radius.

n. Ossa oblonga carpi loco data.

o. Ossa manus loco volatilibus concessa,  
 id quod in vespertilionib. egregie  
 conspicitur.

p. Femur.

q. Tibia cum fibula.

*Ardea Stellaris.*

r. s. Pedium.

t. Metapodium.


u. Calcar.

x. x. x. Digiti.

z. Extremitas lumborum intra quam reconduntur intestinum rectum. p.

Fig: 28.

p. 270.







plum latumque ſtriis ſuſum verſus, plurimis diductis. Poſt ſeparationem internæ tunicæ ventriculi, villi plures ex oppoſito latere ſpectabantur; inteſtina pluribus glandulis rotundis forinſecus ornabantur cum meſenterio undique connexa. In lumborum cavitatibus, utrinque carnes glanduloſæ erant conſpicuæ, renum loco datæ. Paulò ſupra poroſi pulmones pallidique intra ſpatia ſua ceu totidem præſepiolis ſepeliebantur. Cor erat ſuſpenſum in medio pectore, duobus ventriculis præditum, valdèque carnoſum, muſculi pectorales craſſitie inſignes ad motum alarum accommodati videbantur, aures patulæ acumen auditus indicabant, oculi erant prægrandes, cerebrum verò totum flaccidum. Quoad oſſa in lumbis 6. utrinque conſpiciebantur præterea 24. colli & dorſi vertebraſ obſervavimus, & inſuper numeravimus coſtas & ſternum ſalcata lataque apophyſi præditum erat, cujus ſummo clavicula, ſuperinducta membrana fortiori adhærebat.

Fig. XXVIII.

OBSERVATIO CXXXIII.

D. JOHANNIS de MURALTO,  
Verruca cancroſa.

**H**enricus Meyerhoff pago Weyach ditionis Tigurinæ, ſexaginta quinque annos natus, ante annum in manu ſiniſtra, verrucam parvam accepit, quam ſcalpendo eradicaſcit, ut exiſtimarit ſpatio trium hebdomadarum verrucam hanc evanuiſſe, quia nihil amplius percepit, nihilque vidit, ejus loco verò rubicunda macula cum dolore comparuit, ingraveſcebat dolor, denuoque verruca comparuit, ac incrementa ſenſim ſine ſenſu ſumſit, latiusque vagata eſt ingenti cruciatu per totum brachium, magnitudine ad ovum gallinaceum accedens. Doloris & moræ pertæſus, circumſoraneum adivit ægrotus, qui ipſi ſanitatē promiſerat, abſciſcit hic verrucam, tantamque ſanguinis vim profudit, ut ſiſtendo par



do par vix eſſet, uſurpavit porrò varia medicamenta præfaſtus homuncio, uſurpavit quoque Sabinam à Medico quodam celebri Senatui medico noſtrati propoſitam, ſed ſine omni effectu, ſiquidem malum partes vicinas ſerpendo vorabat, dolor intolerabilis reddebatur, uſque ad cubitum & ultra perreptans, febricitabat ægrotus inſtar macie conſumti, nobis multoties comparebat & auxilium implorabat, abſciſſionemque brachii quam ardentiffimè precabatur; Miſericordia ducti peticum i- pſi denegare nolentes, ſupra cubitum die 28. Menſ. Julii operationem ſubire conceſſimus & in brachio notavimus verrucam hanc cancroſam cujus icon hic præ oculis ponitur, non tantum tendines digitos extendentium muſculorum, ſed & metacarpi oſſicula ſcabra atque cariola fuiſſe, intra quæ materia ſebacea, craſſa, purulenta, foetorem ſpirans acidum penetrantiſſimum, ex pluribus foraminibus exprimi poterat, tendines quoque inflammationem aliquam jam concepiffe, ex colore & dolore ſpaſtico, in præced. arguimus, ſperamus autem bono cum Deo virum hunc evaſurum.

## Fig. XXIX.

- a* Cancer ſuprà metacarpum ſiniſtræ manus ſitus.
- bbb* Ejus ſubſtantia intra diviſos digitos moventes tendines profundius repens.
- c* Cutis à pollice ſeparata.
- d* Cutis brachii dilatata & ſemota.
- e* Muſculus cubiteus externus.
- f* Cubiteus internus.
- g* Tendo quidam oblongus à humeri apophyſi descendens.
- h* Relicta poſt amputationem caro muſculola humeri.
- i* Oſſis humeri ad cubitum vadens portio.
- k* Oſſis humeri externa apophyſis.
- l m n o p* Quinque digiti.
- Q* Pollicis extenſor.
- R* Supinator brachii alter.
- S* Brachæus alter.







- T Brachiaëus.  
V Extensor carpi primus.  
W Carpi extensor alter.  
Xx Extensores bini digitorum.  
y Ligamentum annulare.  
z Tendines articulorum digitorum.

OBSERVATIO CXXXIV.  
D. CHRISTIANI MENTZELII,

*De*

Iride Solari in planitie terræ & Arachnio  
meteoro.

**C**UrThaumantia cælum nubesque pertasa ex alto in planitiem terræ se demittit coram homine? scilicet DEI cum mortalibus antiqui fœderis memor, divini amoris & gratiæ erga humanum genus, beneficiorum DEI aliàs obliuiofum, memoriam refricare instituit. Causæ naturales non excludunt supernaturales. Sic ego supputo Christianus. Vos calculum adjicite sapientes rerum sublimium perscrutatores, quos decet, Mathematici. Hôc Salvatoris nostri Annô 1686. die 30. Septembris Juliani, h. 8. antemeridianâ, sub elevatione Poli nostri Arctici 52. graduum cum dimidio, Potsdami, cælo sereno, Sole rorem cum frigore in terram deturbante & super gramina demessa, telis araneorum foetus innumeri & arachnio meteoro obducta, rore in guttulas margaritarum instar rotundas condensato, cum visitassem manè Serenissimum Electorem, & me domum referrem, Iris in via, in prato nempè quodam parvo, quod pertranseundum erat, se mihi exhibet ex latere, ubi Sol umbram meam in oppositum, nempè occasum versus, projecerat. Sisto gradum, novitate rei antea à me non visæ ductus, quamvis ab aliis forsân; voco in testimonium proximè habitantem Cl. D. D. Casparum Marchium,

Dec. II. Annus V. M m chium,



chium, Caspari filium, Archiatrum Electoralem, Collegam meum suavissimum. Procedimus ambo ad locum, ubi Iridem integram, quaquaversum nos concomitantem, in prati graminibus, rore, & araneolarum telis undique & densè oblitis, perlustramus. Erat hora circiter nona matutina, cum ego scipione meo, cui innitor, & qui tres pedes Reinlandicos accuratè dimensos & in suas uncias distinctos continet, distantiam Iridis à pedibus nostris mensuro & à calcaneo meo (ubi angulum rectum loco) usque ad apicem Iridis ante nos tres pedes Reinland. dimetio in umbra mea, reliquum autem umbræ per Iridem, ut pars diametri, duplo longior excurrebat, adeò ut tota umbra 9. vel 10. pedes Reinlandicos constitueret. Sic data mensura lineæ rectæ ab oculo meo usque ad calcaneum, quæ est quatuor pedum cum dimidio (cum tota statura mea sit quinque pedum Reinland.) formo triangulum rectangulum, B C D cujus latus ab angulo C ad apicem Iridis D sit trium, & latus rectum, C B sit quinque pedum; unde angulus C B D erit circiter 30. gr. & C D B 60. gr. Porro totius umbræ longitud. cum sit circiter 9. pedum, dat triangulum B C E, cujus angulus C E B est 30. & oppositus angulus è contra 60. graduum. Figura autem Iridis erat Hyperbolica, tanquam ex conì F G H latere dextro F H Hyperbolica sectione L I K excisa, ut est apud Apollonium. Hic A Sol est, cujus altitudo supra Horizontem Potsdamensem forsàn per triangulum B C E inquirenda; qualis tunc temporis fuit. Quibus modis autem Hyperbolica Sectio juxta Apollonium instituenda, cum latus conì F H secatur in L hyperbolicè & Diameter Hyperbolæ S L sit externa, sive latus transversum, nimirum vertice Hyperbolæ L prolongato in M N, ubi in N latus conì G F concurrìt &c. Autor est consulendus. Ego existimo (salvis meliorum Sententiis) Solem A dare Diametrum nostræ Iridis Hyperbolicæ in terris per umbras esseque centrum omnium Iridium, uti in Fig. XXX. indicavi. Porro an homo semper extra Irides & nunquam intra arcum cælestem etiam in terris, ut hoc loco, visum, constituatur, non a usim-  
sim-

simpliciter affirmare. Nam etsi in Iride nostra terrestri id acci-  
dat, cæteraque Irides omnes hominem circumvenire aut po-  
ne illum se sistere nunquam videantur, insuper subtilis ingenii  
Vir des Cartes hominem extra totum arcum Iridis ponat, ut est  
apposita figura de Iride Cartesii sub Fig. XXXI. expressa; potest  
tamen fieri, ut homo in principio pluviosæ nubis, sive in guttis  
primis pluviae, à Sole in Iridem illustratæ, versetur, qui etsi Iri-  
dem retrò se ob lumen Solis videre non possit; eam tamen  
prope & ante se in oppositam partem Solis, densam nimirum  
nubem pluviosam intueri poterit. Neque statuero hominem  
semper tres pedes Reinlandicos extra Irides terrestres constitui,  
ut mihi accidit, cum ascensus Solis ad meridianum loci, & um-  
bram hominis, & Iridis apicem ab homine distantem (quam-  
diu materia Iridis in terra non absorbetur) variè possit mutare.  
Et licet quis distantiam hominis ab apice Iridis determinare cu-  
piat ex figura Cartesiana hinc apposita, quoniam posito, quod  
homo E, qui ex angulo circiter 42. graduum Iridis apicem D  
intuetur, & ibi colores Iridis ex ampulla vitrea aqua plena &  
Solis radiis in B C D refractis & reflexis constituit, cum sua di-  
stantia, ab Iridis centro M ad suum oculum E delata & 44. par-  
tium circiter longa, deferatur in altum per circulum F ad api-  
cem Iridis D, emineret oculus hominis supra apicem Iridis cir-  
citer 4. partes: vel si pari ratione Iris cælestis 40. partium ex cen-  
tro M ad apicem ejus D sese inclinaret ad terram versus pedes  
hominis, similiter homo extra Iridis apicem tres vel quatuor  
partes de quadraginta collocaretur, ut mihi tres pedes ab Iridis  
vertice distante accidit; tamen non ausim statuere, partes has  
esse Iridis determinatas, cum illæ nunc in perticas integras, ju-  
gera, & majores mensuras, juxta loci varias distantias, nubium,  
Solis in hoc vel illo signo cælesti, hac vel illa Zona, hoc vel illo  
loci horizonte, hac vel illa hora statum, oculi humani aptitu-  
dinem, & secundum alias circumstantias abire & commutari pos-  
sint. Quapropter cum me huic calculo imparem agnoscam,  
exorandi sunt cujuscunque loci Clariss. Domini Mathematici,



ut ingeniosè supputent, cur Iris in planitie terræ figurâ hyperbolica apparuerit, & annon parabolicâ vel alia circulari forma in planitie terræ se exhibere possit? cur tres tantum pedes ab homine apex Iridis & non plures tunc fuerit? & quæ ex aliis circumstantiis deduci possunt, ut nostra admiranda Iris sit nostra jucunda Eris. Cæterum colores nostræ terrestris Iridis non tam multivarii erant, ut cælestis: nam extrema pars ejus versus hominem, quæ O O O O est notata, rubebat; ruborem sequebatur dilutissimus color luteus, qui deinde in album mutatus, candore reliquum arcûs constituebat. Unde inquisitio de his coloribus ibidem institui potest. Pars illa quæ Q notata est, pars est agri, prato P P P adjacentis, quæ ob defectum roris Iridem non exhibet, sed saltem pratum P P ubi ros telis aranearum tanquam filis instar margaritarum affixus cohærebat & quasi alligabatur, ut R monitrat. Nunc paucis de Meteoro Arachnio agam. Etsi meteora veteribus sint ea, quæ circa loca astris vicina accidunt, ut cum Cometes exsurgit, & ad illum omnium vultus in cælo est; tamen inter meteora numerantur quoque ea, quæ in terris fiunt, ex æthere tamen vel alto oriunda, ut sunt mineralia quoque & metalla, quibus veterum Sapientia naturam septem Planetarum in cælo dicavit. Meteora insuper mediam plerumque & infimam aëris regionem occupant, ut sunt Irides & plura, quibus annumerare placet ἀρχαίον μετέωρον, de quo paucis. In nostris Septentrionalibus regionibus, Autumni tempore, cum aranea foetus suos excludit, qui ad texturam nati, quaquaversum proreptando gramina demessa, & quidquid est solidum, telis suis cum majoribus inficiunt: Ingruentibus jam impetuosus ventis, imbribus, frigore, rore, pruina, araneus omnis cum foetu telas expansas relinquit, seque ad terræ, arborum, & ædium latebras confert, relictis inanibus suis retibus, ad capturam culicum muscarum & id genus ferarum suarum frustra expansis: quo tempore retia hæc araneorum ludibrio ventorum exponuntur, quorum vis omnes telas araneorum ex nemorum arboribus, ædificiis

Fig: 30.  
p. 274.




Fig: 31.  
p. 275.




Fig: 32. p. 276.  
ἀρχαίων.







ædificiis & nullis non locis cogit, destruit, & in aëre hinc inde agit. Cumque jam discussis nubibus, Sol die sereno insurgit, apparent hæ texturæ coactæ, niveo candore, tanquam longis filis alligatæ, liberè in aëre, nunc sursum supra turrium altitudinem, nunc deorsum in terram volitantes tanquam, & graminibus inhærentes. Vulgus hoc phænomenon vocat æstatem abiturientem. Discedit sanè æstas præsentem Autumno. Mihi ἀράχων μετέωρον vocare placet, cum in aëre infimo non quidem generetur, sed variè agitatam appareat, donec graminibus omnique solutæ rei in terris adhæreat. Hæc materia substrata videtur Iridis nostræ terrestris, quando tempore Autumnus, manè in pratis talibus araneosis & rore multo obsitis se conspiciendam hominibus præbet, vid. Fig. XXXII. Causam hujus phænomeni jam indicati quisquis aliam invenerit, idque ex halitibus terræ glutinosi aut aliis causis oriundum statuerit, per me liceat manifestiori inhærentem.

[Berolino 1686. Decembr. ad D. Helianthum missa.]

Fig. XXX. XXXI. XXXII.

## OBSERVATIO CXXXV.

D. JOHANNIS DOLÆI,

De

## Ischuria lethali.

**R** Arum est quod Romæ observavit Celeberrimus Noster Ettmüllerus Amicus post busta etiam colendus in Principis Tusciæ Ischuriâ lethali laborantis cadavere, in quo solæ glandulæ prostratæ ad radicem penis tumefactæ inventæ fuerunt, à quo humore lethalis urinæ suppressio oborta fuit, cui observationi & hanc addere lubet; Vir sexagenario major Pastor noster Gallicus ex Gallia propter religionem profugus l'Enfert dictus, iter suscepit Rintelium, in via post assum-

Mm 3

ptum



ptum Bryhanium incidit in colicam, quam comitabatur urinæ suppressio, urinam neque catheter neque candela cerea, neque optima alia remedia tum interna tum externa, balnea aliaque prolicere poterant, tandem accedentibus vomitu, singultu momentaneo, & convulsionibus, decimo morbi die placide moritur, post mortem, dissecto cadavere nil mali in renibus, nisi in sinistro duas pustulas sero limpidio repletas reperimus, vesica verò erat instar capitis in immensum extensa & sanguine seroso referta, glandulosæ prostratæ erant instar pugni tumefactæ inventæ cum maxima duritie, à quo tumore collum vesicæ & intestinum rectum ita comprimebantur, ut urinæ & fecibus transitus denegaretur, hinc lethalis hæc urinæ suppressio nostro iudicio orta fuit, quare multorum morborum causæ latent in hisce glandulosis partibus, hætenus à pluribus Medicis malè neglectis.

## OBSERVATIO CXXXVI.

D. JOHANNIS DOLÆI,

*De**Atrophia unius lateris.*

**P**Uella 7. annorum Mercatoris hujus civitatis Wizel dicti filia nunc ab anno atrophiam laborare coepit & quidem unius lateris scilicet sinistri, quod latus ab axillis usque ad calcem ita emaciatum est, ut nihil præter ossa & cutem appareat, altero latere benè & naturaliter se habente, adhibitis spinæ variis topicis antispasmodicis & internis sudoriferis nunc melius se habere coepit puella.

OBSERVATIO CXXXVII.

D. JOHANNIS DOLÆI,

*De*

Motu Fœtus in Utero Matris jam  
extinctæ.

**I**N oppido Lichtenau dicto fœmina gravida in febrem incidit malignam qua etiam octavo ingravidationis mense extinguitur, altero die post mortem adstantes cum admiratione observant motum infantis in utero per 12. horas, destituti verò Medico & Chirurgo naturæ omnia reliquerunt.

OBSERVATIO CXXXVIII.

D. JOHANNIS DOLÆI,

Ex Assumptione XII. gran. Theriacæ cœlestis Mors secuta.

**T**ertius excurrit mensis quo miles à pharmaceutices artis studio dono accepit grana 12. Theriacæ cœlestis, qui colicâ laborans ista 12. grana unica vice assumsit, hinc in contumacissimam incidit alvi obstructionem, ad quam referendam assumsit altero die purgans, à quo passus hypercatharsin lethalem.

OBSER.



## OBSERVATIO CXXXIX.

D. JOHANNIS DOLÆI,

De

Filia urinam per inconsuetam viam  
reddente.

**E**X profugis è Gallia filia etiam est, quæ clausa habet genitalia, in qua natura sibi fabricavit foramen prope claviculos, per quos continuò stillat humor urinæ perquam similis, quem filia semper sponsia excipit, aliàs vegeta est.

[Cassellus 1686. 20. Dec. ad D. Helianthum missa.]

## OBSERVATIO CXL.

D. PETRI ROMMELII,

## Loquelæ, Memoria &amp; Rationis Imbecillitas à Venæsectione.

**Q**uanto in pretio & existimatione Phlebotomia sive artificialis sanguiniseductio, tam præservationis quam curationis gratia celebrata, ab antiquis temporibus hucusque habita fuerit, & adhucdum habeatur, neminem, qui saltem non fungum vel cucurbitam pro cerebro habet, fugere potest; minimequælatet, quot quantaque commoda ab eadem ritè administratâ, in ægros redundârint, quodque plurimorum morborum salutare auxilium, imò præsentissimum & extemporaneum remedium vel centies millies extiterit, cujus opportuna evacuatio à morbis periculossimis morteque adeò ipsa sæpè liberârit, & proinde meritò *inter remedia universalia*, tanquam *præcipuum*, ante & post *Galenum*, ab omnibus ferè celeberrimis Medicis, interque eos etiam à solertissimo *Harvejo Exercit. de Generat. 52. pag. 217. posita*

sita sit, & à doctissimo *Conringio*, *Maximum Medentum Auxilium* vocetur, *Herophilo* verò *auxiliaris* *Deorum* manus audiat; Quicquid *Erasistratus*, *Apæmantès* item & *Strato*, eorumque asseclæ, præsertim egregius ille novator & mirus paradoxologus, *αιμεσιβος* *Helmontius* ogganniant, quibus à plurimis doctissimis viris, jamdudum & læpius responsum, leviculæque eorum rationes solidè refutatae, eque saniori Medicorum Schola proscriptæ & explosæ sunt.

Quia tamen nihil in Medicina tam præclarum, utile & sanctum est, quod non etiam inconsideratè & sinistrè adhibitum, plurimis incommodis & periculis ansam dare, imò quandoque mortem ipsam accelerare possit, juxta proverbium: *Medicamentum aliàs saluberrimum, in manu ignorantis, est instar gladii, in manu furentis*; ita etiam cum Venæsectione sive sanguinis Missione comparatum est, ut illa ob inconsideratam & intempestivam, vel minus necessariam, frequentiore aut largiore adhibitionem, haud rarò periculosa imò exitiosa extiterit, ita ut non una vice ægros in Cymbam Charontis præcipitârît, quæ aliàs non paucos, ex ipsius Orci faucibus revocavit & pristinae valetudini restituit: Unde plurimi aliorum periculo non quidem cautiores sed justo timidiores facti, tantopere venæsectionem exhorrescunt, ut ad illam admittendam, vel prorsus non, vel vix & ægerrimè, etiam necessitate urgente adigi possint, imò ad solam venæsectionis mentionem expavescant, aut ex imaginaria saltim venæsectione in lipothymiam incidant, quale exemplum habetur in *Decur. II. Ann. I. Misc. Curios. Obs. 168. p. 400.* & ego ipse bis vel ter, in aliis idem expertus sum, cum tamen, ut in omnibus aliis rebus ita etiam hîc, abusus, verum rei usum minimè tollere debeat.

Non mihi jam animus est prolixè de Venæsectione ejusque commodis, usu & abusu, & quæ circa hanc notari possent, scribere; hoc enim nihil aliud esset quam tempus venerabile simulque irrevocabile, chartamque inutiliter terere ac perdere, actumque agere; sed saltim exempla aliquot & quidem re-



centiora venæsectionis infelicitè peractæ, adducam, ex quibus patebit circumspèctè esse agendum & in venæsectione. Prudentiâ Medicâ maximè opus esse; aliter ac sibi vulgus chirurgorum elati barbitonsores, temerarii balneatores, fraudulentidentifrangibuli, pediculosi unguentarii, crumenimulgi extesticulatores & avari lithotomi, fraudatores Uromantæ & lotiophysici, circumpurpurati agyrtæ, malitiosi Pseudo-medici, grandistrepi sacrificuli, rogo dignæ medicastræ, hujusque farinæ sanguis-&argentiugi, (quibus pro pudor! major ut plurimum in venæsectione suadenda & adhibenda fides habetur, quam veris & judicio valentibus Medicis,) imaginantur; nec vitæ thesaurum pretiosissimum sanguinem scilicet in quo Scripturâ sacrâ teste vita hominis existit *Levitic. 17. v. 11. 14.* tam temerè & sine prudenti consilio profundendum esse; non enim tam difficilis & artificiosa res est, venam secare, cruorique purpureo & vitali exitum concedere, cum quivis tonsor & balneator paganus id possit & faciat toto die; sed cum successu & valetudinis periclitantis commodo id facere, ita ut juvet, haud verò noceat, hoc demum est prudentis Medici, non verò thrafonici Medicastræ vel scioli barbæraforis.

Ante aliquot annos communicavi observationem Matronæ cujusdam post venæsectionem sine consilio celebratam, paralyticæ & mirabiliter aphonæ factæ, quæ sub titulo Aphoniæ raræ *Ann. I. Decur. II. Miscell. Curios. Obs. 97. pag. 222.* inserta est. Jam aliam illi non prorsus dissimilem in alia matrona extranea, honesta, & apud suos non sine honoris charactere conspicua, nuper observatam communicare lubet. Hæc sexagenaria jam major, vegeta & evsarca, præterito vere, nulla præcedente præparatione, nec ulla urgente necessitate, solum consuetudinis (quæ vim legis habet) gratia, venam brachii aperiri curat, quod etiam Chirurgus dextrè & masculè exequitur, sanguisque debitè fluit; fluente autem adhuc liquore purpurea veste splendente, non levem in capite sentit alterationem, cum tremore & semiparalyti artuum, & loquendi difficultate, quam mox ex-

cepit

cepit, memoriæ (quæ thesaurus ac custos rerum, Ciceroni vocatur) imbecillitas, & vix non totalis rerum omnium oblivio in hunc usque diem dum hæc scribo, perdurans. Loquitur quidem jam satis articulatè, ita tamen confundit verba, ut nullus exinde sensus hauriri queat, recordatur etiam plurium rerum dudum actarum, sed admodum confusè, inordinatè, & tam inconcinnis verbis de iis fermocinatur, ut Oedipo opus sit, qui illam intelligere velit: inter loquendum enim ratio & memoria illam deserit, ita ut nil nisi verba parùm coherrentia, omni sensu destituta, sat abundanter quidem & promptè proferat. Maricus illius interdum quid indicare velit, potius divinatur, quam reverà intelligit. Irascitur interdum quando illi, quibuscum colloquitur illam vel non intelligunt. vel illa ipsa, quæ vult, tum ob memoriæ debilitatem, vel etiam ut viderur ob linguæ, tanquam loquelaæ organi principalis, inobedientiam (quanquam inventi dicantur, qui sine lingua ni ilominus articulate loquuti sint, teste *Th. Bartholino, & Miscell. Cur. Acad. Nat. Cur. Ann. I. Dec. II. p. 119.* præsertim *Jacobi Rolandi Aglossotomographiâ*) iis, quibus decet verbis proferre haud potest.

De nomine mariti interrogata, illud pronunciare quidem conatur, sed ferè semper in eo errat, longeque aliud profert, & nomen unum pro altero substituit ei que hoc vel illud imponit, qui tamen Ulrici nomen gerit. De errore monita, corrigere illum quidem satagit, sed loco veri nominis, modo prolatum denuò & repetitum profert, donec vix octava vel decima tandem vice, lingua officii memor, mentis imperio pareat, verumque nomen pronunciet. Caterum sic satis valet, appetitus viget, dormit, rectè incedit, brachiis præsertim in ducendis filis lineis commodè utitur, sed ad alia officia & negotia domestica obeunda minus idonea est. Plurimis hætenus remediis tam à Medicis quam medicastris & pseudo-medici præscriptis, sed sine successu, exiguoque cum levamine usa est. Ego cum nuper ad illam inviserem, diversa remediorum



genera, hisce symptomatis curandis vel mitigandis idonea visa, in & externè adhibenda, omnia tamen evporista ordinavi, diætam juxta præscripsi, & ut vena revertente vere denuò, præmissis tamen præmittendis, secetur, sua sor fui; qualis successus futurus sit, dies docebit.

Ad suadendam Venæsectionem præter alias rationes me etiam compulit Historia, quam ex *Fulgoso* refert *Bonifac. in Histor. Ludicr. lib. 14. cap. 14. p. 419.* quæ ita se habet: . Clericus germanus, natus in oppido quod S. Michaëlis Petram adpellant, dum Federicus II. Augustus rerum potiretur, ex venæ incisione servata aliarum rerum memoria, literas ita oblitus est, ut nihilo magis legere aut scribere nosset, quam si nunquam didicisset; transacto deinde anno, renovatoque vulnere ejusdem venæ, ad pristinam legendi & scribendi peritiam restitutus est. Felicior nostrâ matronâ & modo citato Clerico fuit Ecclesiastes ille sexagenarius, cujus meminit *Olaus Borrichius in Actis Philos. Med. Hafniens. Vol. 5. pag. 169.* qui quidem quoties vel febris, vel plethora necessariam sanguinis missionem indicabant, statim ab evacuatione memoriæ jacturam sentiebat, quæ tamen non longo post tempore integra redibat.

Ex hæcenus recensitis patescit, cautè cum Venæsectione præsertim in illis qui ætate jam sunt provectiores, esse procedendum; nec sine prævio prudentis Medici consilio, observatisque observandis, cum valetudinis dispendio & jactura, (ut sæpissimè fit,) vitæ inæstimabilem thesaurum minuendum, internamque quietem temerè & petulanter, non tamen semper impunè, turbendam esse.

OBSERVATIO CXLI.

D. PETRI ROMMELII,

Paralytica à Venæsectione restituta.

**P**hlebotomia, si adhuc inter ignominias, sicut olim in Romana Militia, notante *Gellio lib. 10. cap. 8. Noct. Attic.* numeraretur, (quoties enim milites gravius delinquerent, sanguis illis mittebatur, atque venæsectione tanquam re infami, ac severa animadversione, coërcebantur) & non in tam magno pretio hodiè haberetur, procul dubio, non ita indiscriminatim ab omnibus, imprimis etiam ætate jam provectoribus admitteretur, & multi juxta famam, etiam valetudini magis prospicerent.

Vetula quædam, decimum tertium ætatis lustrum jam prætergressa *Spengel* Anna vulgò dicta, laboribus victuique crasso adfuenta, senio non obstante, nescio ob quem imaginarium & adhuc imminentem morbum, proprio & barbitonforis consilio persuasa, ad exemplum vicinarum muliercularum, etiam venæsectionem postliminiò quasi experiri gestiens, Chirurgum adit, venamque cruralem sinistram, quam etiam Ischiaticam adpellant, vulgò dicunt *Brand* Ader secari permittit, magnum exinde levamen, & vix non ipsius juventutis restitutionem sibi ipsi promittens; sed valdè hallucinata speque concepta frustrata fuit, Chirurgoque simul non levem terrorem injecit: aperta enim vena, vix rutilans cruor effluere & proflire cœperat, cum è vestigio quasi, Apoplexia corriperetur, sensu motuque privaretur, ita ut eam, quæ paulò ante hilaris ædestonforis adierat, semimortuam jam domum reportare oportuerit. Accersitus inveni Apoplexiam in paralyfin (quæ ut plurimum apoplexiam ut umbra corpus sequi solet,) totius sinistri lateris defuisse, ita ut nec stare, nec ambulare, neque manum, brachium aut pedem istius lateris movere potuerit, vixque perceptibilia verba, dicturiens, proferre valuerit, membraque modo dicta,

Nn 3

motu,



motu, sensu, atque calore destituta plumbi instar & trunci, jacuerit. Facto prognostico, (in senibus enim à plerisque Paralysis incurabilis putatur, quod tubuli partium sint duriores, fibrillæque crassæ & densæ, minusque mobiles, unde obstructions in iis genitæ non facile tolluntur, pessimumque præterea habeatur signum, si partes resolutæ ad tactum frigeant, indicat enim vel nullos vel paucos admodum spiritus, per nervos transeuntes, magnasque nervorum obstructions,) præscripsi quidem remedia, potius ne deficerem in charitate, & quia turpe existimabam soli prognostico ægram relinquere, quam singulari felicitis successûs spe, & quia jubente *Tralliano*, humanum benignumque artis auxilium etiam in desperatis, cum morbis contendere oporteat: Nihilominus tamen Summus Medicus præter omnem expectationem, medicamentis à Practicis hujusmodi in casibus præscribi atque internè & externè adhiberi consuetis, paucis quidem & vulgaribus (res enim angusta domi erat,) tam clementer benedixit, ut non solum ex Charontis Cymba, cui jam naulum exsolutura credebatur retracta, sed quod mirandum, spatio quatuor septimanarum integrè pristinae sanitati restituta fuerit, cautiusque dehinc mercari didicerit.

Admirationi haud indignum videtur, venæsectionem aliàs, tanquam remedium heroicum, in Apoplexia sæpè cum præsentaneo successu adhiberi solitam, hic Apoplexiæ & subsequutæ Paralyseos causam extitisse. Certò enim persuasus sum, hoc minimè evenisse, si sanguinis missio intermissa, spiritus humoresque antea quieti, non intempestivè commoti & turbati fuissent.

OBSERVATIO CXLII.

D. PETRI ROMMELII,

Convulsiones triduanæ à Venæsectione  
in septuagenaria.

**T**ritum in scholis axioma est : Duo cum faciunt idem non est idem. Hoc præter alia confirmabit etiam observatio sequens, ob argumenti similitudinem priori subnectenda. Videmus & experimur quotidie, etiam senibus & decrepitis, contra communem medendi methodum, innoxie (apparentes tamen sæpè) venam secari posse, cujus ipse varia, etiam in octuagenariis, utriusque sexûs, observata exempla producere possem, si operæ pretium esset. Non tamen statim in ordinarium exemplum trahi debet, docente Excell. D. D. Rolfincio, quantumvis ob naturæ robur, semel atque iterum benè cesserit: Nam sæpe sæpius heroicum hocceremedii genus pessimè cessit iis, qui minus catè & cautè, solum ad imitationem & exemplum aliorum, nulla vel ratione vel necessitate ducti, empiricorum vel muliercularum suasu, illud adhibuerunt, & in proverbio dici solet, unum calopodium omnibus adaptare pedibus, arroganter præsumserunt. Non enim semper & ubique locum invenit, aureum aliàs, venerandi nostri senis, magni Hippocratis effatum Sect. 2. Aphor. 50. *Consueta longo tempore, etiamsi deteriora sint, insuetis minus molesta esse solent.* Fidem dictis ulterius fœnerabitur quæ sequitur observatio.

Fœmina honesta, edentula, Septuagenaria jam major, Anna Maria Fürstin/ post vehementius ab Empirico assumptum medicamentum purgans, secundo à purgatione die venam brachii, medianam vulgò dictam, per Chirurgum aperit, qui sanguinem, pro ratione ætatis, satis liberaliter effluere permittit: Non multò post horrendis corripitur convulsio-



vulsionibus, quæ integrum triduum mirè & miserè ægram exagitabant & excruciabant, nullasque ferè vel saltem minimas inducias concedebant: Per totum hoc triduum aphona manebat, præterque motus convulsivos, extra illos, nullum verò minimum vitæ præsentis indicium edebat, ita ut cessantibus interdum paululum convolutionibus, ab omnibus pro mortua habita fuerit, & tanquam jam defuncta aliquoties ab adstantibus & ministrantibus tractari cœperit, ni revertentes convolutiones, ab hoc pietatis officio, vel invitos abstinere cœgis-  
sent. Interim quantum ob continuos ferè violentioresque motus fieri potuit, idoneis remediis convulsam refocillare non destiti, & non obstantibus iis, subinde aliquid medicamentorum convenientium, potius guttatim instillari quam cochleatim infundi curavi, non neglectis quæ externè conducere videbantur, licet magis prognostico relinquenda, resque inter sacrum & saxum constituta videretur, docente Hippocrat. Sect. 5. Aphor. 3. *Sanguine multo effuso, convulsio accedens, malum.* Item Sect. 7. Aphor. 9. *A sanguinis profluvio delirium, aut etiam convulsio, malum.* Et in Coac. Prænot. 359. *Vocis interceptio sive loquendi impotentia in Convulsionibus diu durans, mala est.* Triduo tamen peracto, cum nil nisi mors præforibus hætenus expectare, ultimusque vitæ halitus instare videretur, facies rerum præter omnem spem subito se mutavit. Filia enim lacrymabunda (moniti mei memor,) moribundæ matri, de aqua confortante & simul antispasmodica, ex cochleari paululū maximè in os stillare satagens, fausto manus vacillantis errore, totum quicquid in cochleari continebatur affatim ori & faucibus hiantibus infundit, sicque facultatem jam sopitam, & succumbentem Archeum, ob metum violentæ & subitanæ suffocationis, irritando, ad munus quasi revocat. Nam ecce, inopinatò & non sine summa adstantium consternatione & terrore, mortis candidata, loculoque vicina, se ipsam in lectò erigit, oculos aperit, præsentibus ab ipsa præ metu aufugere tentantes

tantes alloqui incipit, jusculum capit, & nescio quæ ridicula, delirans recenset. Ad illam invisens, taliaque videns & audiens, insuperque graviter illam febricitare observans, adstantes meliora sperare jussi, memor effati magni nostri Coi quando dicit *Sect. 2. Aphorism. 26. Febrē convulsioni supervenire melius est, quam convulsionem febrī. Item Sect. 4. Aphorism. 57. Qui à convulsione vexatur, febre superveniente liberatur. Et Coac. Prænot. 354. Convulsiones & tetanicas distensiones febris superveniens solvit. Item Coac. 358. Convulsionem solvit febris accedens acuta, quæ prius non aderat. Juxta cephalica temperata & confortantia antifebrilibus etiam, ex methodo febrī contra fuit itum, quibus benedicente Numine effectum est, ut post aliquot dierum intervallum, & febris, simul etiam delirium contumax, aliaque haud levia symptomata, remiserint, ægraque successivè cum pristina sanitate optimè reconciliata fuerit, aliquotque posthac annos, pro ratione senii sat commodè vixerit.*

Hinc facile patescit, non ita temerè cum sanguine humano ejusque missione ludendum, sed majorem ei reverentiam, tanquam pretiosissimo vitæ succo & thesauro, præsertim in senio jam constitutis, utique habendam esse. Facilis quidem est jactura sanguinis, irreparabilis tamen vitæ. Quemadmodum enim Venasectio, ut verbis Excellentissimi D. D. de Muralto *Observ. 103. pag. 246. Ann. II. Decur. II. utar,* si cum ratione instituta fuerit, multorum morborum Panacea est, ita ægris ut plurimum nocet, nisi prudenter adhibeatur.



## OBSERVATIO CXLIII.

D. PETRI ROMMELII,

## A Venæsectione Delirium Melancholicum.

**V**enæsectionem non solum in senio jam constitutis, sed in juvenibus etiam sæpius evadere, si non prorsus funestam, satis tamen periculofam; exemplum habet *Hippolitus Guarinonius*, insignis quondam Medicus, in suo vom *Greuel der Verwüstung Menschlichen Geschlechts* opere, lib. 5. cap. 36. fol. 987. de Virgine nobili 26. annorum, nunquam antea venæsectionem passâ, optimâ sanitate fruente; cui præter necessitatem, solum voluptatis gratia, & ut aliorum, quorum petitioni refragari nefas ducebat, voluntati satisficeret, vena aperta & ad 3iiij. sanguis eductus fuit: Sanguine enim adhuc fluente convulsiones supervenere inque lipothymiam incidit, ita ut præsentī Medico *D. D. Guarinonio*, ad illam restituendam multum operæ facerit.

Præterito autumno, virgo plebeja 24. annorum, Maria *Heulin* / ut consuetudini litaret, ex brachio sinistro, anni tempore, juxta barbitonforum Regulam, ita requirente, sanguinem vena secta emittit, majoremque quam par erat, minei humoris Chirurgus ita volente, effluere sinit; sed paulò post, vix bihorio præterlapso, quæ patre malo hypochondriaco vexato progenita erat, eodem malo non superficiali affligitur, hinc in delirium melancholicum incidens, omnibus se divitiis abundare sibi imaginabatur, matremque viduam, & miserrimam vitam ob valetudinem continuò adversam ducentem, solabatur, bonoque animo esse jubebat, dicens: se jamjam ex hac miseriarum valle discessuram, matrique egenæ omnia illius bona, minimè vilipendenda, fore relicturam. Interrogata nihil dolorum se sentire profitebatur, & ubique sibi benè esse

esse affirmabat. Interim parum comedebat, & adhuc parcius bibebat, prorsus non dormiebat, medicamenta ferè omnia respuebat, vix semel vel bis, & potius astu circumventa, quam rationibus persuasa, aliquid ad alvum segniores sollicitandam, assumebat; nil nisi mortem exoptabat, quam etiam hilari fronte & animo desiderabat & expectabat, subinde de die in diem, & hora in horam se morituram prædicens: In omnibus tandem ita se gerebat, ut non leve periculum futuri furoris maniæ adesse judicabatur: Et quia medicamentis, pro pacificando Archéo, spiritibusque mitigandis & compescendis nullus concedebatur locus, præter Cremorem Tartari, Tartaro vitriolato sociatum & interdum Tinct. Tartar. & non nisi per fraudem, nihil remediorum planè assumebat, clysteres tam illa, quam adstantes detestabatur, frontalia & epithemata statim abjiciebat, & hoc ferè per decendium integrum. Venæsectionem nonnulli iterandam esse putabant; Ego tamen ut pediluvio ex rosas, capitibus papaverinis, & foliis salicis paratò, aliquoties in die uteretur suasor fui, quod & tam benè cessit, ut somno adveniente, bidui spatio omnia tam gravia symptomata remiserint, planeque evanuerint, & patiens brevi cum pristina sanitate in gratiam redierit.

Hæc omnia ab intempestiva & largiore sanguinis missione, humorumque & spirituum agitatione, & Archéi irritatione evenisse, mihi persuadeo; quæ si vel intermissa, vel majori cautela administrata, vel etiam pariori, & necessitate postulante, crebriori extra missione, & non confertim celebrata fuisset, dubio procul non, cum ægræ maximo dispendio & incommodo accidissent: *Omnis enim nimia evacuatio, docente Hippocr. lib. 1. Aphor. 3. est periculosa; item Evacuatio quæ copiosè fit ac repentè periculosa est & bellum natura indicit: omne siquidem nimium, natura inimicum; quæ verò paulatim instituitur, illa tutæ est: lib. 2. Aphor. 51.*



## OBSERVATIO CXLIV.

D. PETRI ROMMELII,

## Visus imminutus à Phlebotomia.

**Q**uantæ utilitatis opus sit sanguinem vel quantitate, vel qualitate vel etiam motu peccantem, venarum apertione methodicâ minuere, corrigere, Archeum nimis oneratum levare, nimis calidum, adustum & ignefactum ventilare & refrigerare, à salibus peregrinis & sylvestribus, quibus sæpè scatet, operationibusque nocet corrigere & liberare, circularem motum pigriorem vel etiam concitatioem, varias in corpore actiones turbantem, emendare; quotidiana nos docet Doctorum æquè ac imperitorum Magistra, Experientia. Unde *Galenus* sua jam ætate manifestissimis exemplis ostendit: Venæsectionem esse præsidium omnium optimum, præsentaneum, & multiplici rerum usu adprobatissimum, cum omnibus aliis remediorum generibus sit opportunius, citius, atque tutius. Hæc enim sive dignitatem spectemus, sive usûs frequentiam, palmam reliquis omnibus materiis præripit.

Quantas è contrario, minus methodicè & sine prudenti consilio, non præsentibus indicationibus, vel etiam benè habentibus, & extra periculi necessitatem constitutis adhibita, noxas inferat, quotidie tristes & sæpè funesti eventus nos commonefaciunt.

Notum satis est, Phlebotomiam in oculorum affectibus & visûs symptomatibus plurimis, & commendari magnique subinde usûs extitisse, ut exemplis id confirmare supervacaneum opus foret. Tamen hinc inde observatum est, venæsectionem visui maximè obfuisse. Sic *David Schirmer in Sermon. Convival. num. 9. p. 12.* & ex eo *M. Joh. Georg. Schiebelius in Domo Amœnitatum historicarum Part. 2. pag. 137.* refert: Augustissimum Imperatorem Ferdinandum I. aliquando narraffe, se inter milites

lites suos Centurionem habuisse, qui statim à venæ sectione visum amisit, cæcusque factus fuerit, & quod demum post aliquot septimanarum spatium visum denuò recuperârit, sed admodum debilem & imminutum. De virgine itidem narratur, illam sanguine adhuc ex aperta vena fluente exclamasse: *Ego nihil videre possum.* Cui quidem vena statim clausa fuit, nihilominus tamen, omnem reliquam suam vitam cæca transigere coacta est. Sic etiam *Joh. Udalricus Rumlerus Obs. 70. p. 41.* Civis Augustani primarii & divitis Matthæi Baleri meminit, cui ob diuturnum capitis dolorem nullis remediis compescibilem, tandem à Celebrissimo Medico sanguis ex cephalica missus est. Quo facto, eo ipso momento doloribus evanescentibus repente cæcus factus est, & ad obitum usque permansit. Cui parem penè historiam Excellentissimus adnotator *Neslor* ex *Nicol. Fontani Analect. Obs. c. 11. exempl. 8.* subnectit, sed disparis eventus; ibi enim ophthalmia laborans, à Sectione Venæ cephalicæ, cæcus redditus, sed Clysteris adplicatione & venæ basilicæ apertione curatus est.

Ego non simplici vice in plurimis qui saltem ex consuetudine quotannis venam secare solent, observavi, sanguine ritè fluente, ubi vix una vel altera sanguinis uncia adhuc egressa erat, illos de nebula oculis obversante, vel rebus diversicoloribus visui se objicientibus conquestos esse, nonnullos etiam talia vel his similia verba protulisse: Deus bone! ego vix vel parùm, vel hoc, vel illud video, nullo subsequente animi deliquio vel lipothymia. Tunc ego statim venam claudere & quieti se committere imperavi, magis tutum esse ratus, ob superius adducta exempla, ab ulteriori sanguinis profusione desistere, quam majores turbas ciere, quod etiam, Deo sint laudes, semper feliciter cessit, majusque forsan jam imminens periculum præcautum fuit.

Apud nos communis opinio (non audeo dicere error) viget, à sectione venæ cephalicæ dictæ, quæ inter pollicem & indicem manus est, visum diminui, cæcitatemque induci posse,



plures etiam juratò affirmantes audivi, post missionem sanguinis ex hac vena, visum illorum maximè imminutum & obtusorem redditum esse, idque non semel se observasse, sed toties quoties scilicet hanc venam incidi curassent, accidisse. Scio equidem delectum venarum, stante circulatione sanguinis, non ut olim factum, tam superstitiosè esse observandum, venasque omnes communi frui fato. Interim tamen non ita simpliciter omnis delectus est rejiciendus sed cum grano salis vid. *Ann. 6. Misc. Cur. Decur. obs 96. p. 135.* nec prorsus negari potest, plures ex hujus vel illius venæ apertione majorem utilitatem capere quam ex alia, exemplum hujus videri potest apud *Joh. Valentin. Majern Med. Crailsheimensem in consilio Febrifugo p. m. 96. 97.* Quod si non Planetis maleficis tempore Venæsectionis existentibus, eorumque violentis aspectibus, quadraturis ac oppositionibus, aliisque magnis astrorum mutationibus, (signis Zodiaci, quia nihil ad legitimum Phlebotomiæ usum valent, tanquam rei phantasticæ & absurdæ, nihil tribuo,) quibus non omnem omninò operandi vim negandam esse, doctissimi viri censent, certè consuetudini cujus maxima vis ubique esse solet, erit adscribendum. Interea de Phlebotomia hoc notandum, quod abusus & quæ ex accidenti fiunt, verum rei usum tollere non debeant, cautè tamen semper procedendum, omnesque circumstantias, eâ quâ decet circumspeditione esse perpendendas.

## OBSERVATIO CXLV.

D. PETRI ROMMELII,

Aphonia post Venarum hypoglottidum  
Sectionem.

**Q**Uot homines apud nos fiunt lectularii ob intempestivas vel Venæsectiones, (præsertim si plures unâ, uno temporis articulo aperiantur,) vel purgationes. Ita Celeberrimus D. D. Simon Pauli in *Quadrup. Bot. p. 140.*  
 & 608.

608. veritatem hujus effati præter jam allatas historias ulterius confirmabit mox sequens historia. Rectè insuper D. D. *Winclerus observ. 91. pag. 131. Ann. 6. Decur. I. Miscell. Curios.* inter alia scribit: Nulla Venæsectione plus ac sæpius peccatur quam ea, quæ sub lingua instituitur, ubi sæpè inconsulto Medico, Chirurgi præpostero ordine revulsionem solent parare à parte ignobili ad partem nobiliorem: Historiamque funestæ sub lingua Venæsectionis *loc. cit. & paulo post*, nempe *pag. 135.* aliam de Epilepsia & insania, sectionem venarum sublingualium subsequente adducit, cui propemodum parallela est sequens ab Excellentissimo D. D. *Gabriele Furtenbachio*, Physico Leofanensi meritissimo, amico meo integerrimo, & plus quàm fraterno amore prosequendo, ante triennium communicata observatio.

Rusticus juvenis ex pago *Seybranz* ditionis Illustrissimi Comitatus à Zeil &c. Chirurgum oppidi vicini Venæsectionis causa adiit. Chirurgus petitioni satisfactorius præstò est. Facta in brachio ligatura venam incidere tentat, nullo fluente cruore, ictum repetit, pari successu, ex vulnere enim nihil effluxit: Utrum sanguinis crassior ac terrestrior, an timor, an verò frigidior aëris constitutio, (siebat enim mense Decembri) obstiterit, quod minus promptè fluxerit, non prorsus liquet, cum unumquodque horum, vel etiam omnia simul in causa esse potuerint. Hoc modo re non ex voto succedente, balneator venarum sublingualium sectionem, ne forsàn mercede sua frustretur, suadet; facile adnuenti, vena sub lingua secatur, vix facta incisione loquendi potentiam amittit & aphonus fit, terroreque ob hoc inopinatum accidens percussus, agrestes, lares cursu citatiore repetere satagens, sed quanto magis periculum evitare gressumque accelerare conatur, eò velocius & citius summum vitæ periculum incurrit, fatumque maturat; à motu enim violentiori sanguis incallescens, fluidior redditus, ex utroque brachii non ligato vulnere, fluere, & quidem tantà vehementia coepit, ut viribus exhaustis rori vitali effuso, ob defectum



etum qui succurreret, exanimis factus in via mortuus repertus fuerit.

Aliàs in Aphonia Venæsectio tanquam præsentissimum remedium adhiberi solet: Hanc enim Hippocr. 2. Epid. Sect. 5. f. 21. commendat quando dicit: *Qui derepentè voce privantur, iis sanguis mittendus* & 4. de Vict. rat. in acut. repentè obmutescentibus Venæsectionem suadet. Venæsectioni etiam Cornel. Celsus lib. 3. c. 27. p. m. 178. multum tribuit. Item lib. 2. cap. 10. p. m. 79. dicit: *Quicquid denig. fauces difficultate spiritus strangulat, quicquid subito supprimit vocem &c. sanguinis detractio- nem requirit.* Et paulo post: *Idq. maximè fieri debet ubi nervi resoluti sunt, ubi subito aliquis obmutuit.* Excellentissimus præterea D. D. Wedelius de Venæsectione ritè adhibenda fatetur inter alia, se vidisse, sectis hisce venis sublingualibus sublata, ἀφωλίαν apoplecticam, & paulo post restatum facit; non solum in Angina, ardore faucium, febribus ardentibus cum delirio &c. sed etiam *Loquela defectu*, venas raninas commodè secari. Hic tamen planè contrarius effectus consequutus est. Plura adhuc infeliciū & funestarum Venæsectionum exempla in medium proferrre possem, sed hæc sufficient, ad alia pergendum jam erit. Rectè interim Excellentissimus Curiosorum Thessalus Ann. II. Dec. II. observ. 169. p. 382. monet: Quicumque vitam (valetudinem) suam in pretio habent, neque fata sibi suisque ægrotis ante diem accersere volunt, cane pejus & angue fugiant crebram nimis (addo ego nimis licentiosam, largiorem & sine prudenti consilio administratam) Venæsectionem, quæ Parcarum instar, si quam maximè blandiri videtur, vitæ filum rescindere solet. Concludo Magnifici atque Amplissimi D. Argonautæ, Præsidis Illustr. Societatis Leopoldinæ meritissimi cetro digno Disticho:

*Discite mortales pretioso parcere succo,  
Tam vitæ fons est, quam necis author idem.*

OBSERVATIO CXLVI.

D. PETRI ROMMELII,

Bulithi copiosè in vesica reperti.

**N**Ullum amplius dubium superest, *Aristotelem* valdè hallucinatum fuisse, & cum eo plures alios, quando scribere ausus est: Inter animalia solum hominem calculis esse obnoxium. Quam falsa autem, imò falsissima sit hæc Aristotelica assertio, multiplices experientiæ, rationibus plurimis longè præferendæ, testatum faciunt, totoque die in omnis generis animalibus, eorumque diversis partibus calculos & generari & inveniri observamus, variaque exempla, ut alios jam authores præteream *Miscellanea Curiosa Acad. Nat. Curiosorum* nobis suppeditant: Loco plurimum sufficiet nobis allegasse Excellentiss. D. *Celsi* Adjuncti meritissimi & Scholiastis diligentissimi *Observ. CLXVIII. Ann. IV. & V. Miscell. Curios. Decur. I. p. 224.* de minutis, rotundis, splendentibus Patavii in vesica bubula repertis calculis; Cui parallelam paucis abhinc septimanis de Bulithis à me observatam historiam addere lubet: In vesica enim recens mactati bovis, ingens numerus hujusmodi splendentium ac metallum æmulantium globosorum calculorum, majorum, mediocrium, minorum & etiam minorum, inventus fuit; majores magnitudine pisæ communia æquabant, nonnulli etiam superabant, minores & minimi, quorum infinitus erat numerus, semina minutissima papaveris & majoranæ, referebant. Color non omnibus unus idemque erat, nonnulli enim aureo & fulvo splendore coruscabant, alii fusco & obscuriori colore præditi erant, non pauci gemmæ Turcoidis colorem aliquo modo æmulari videbantur. Omnes quos confregi, fracto superiori cortice, alium, hocque itidem fracto iterum alium aurei coloris corticem, priori & superiori longè splendidiorem oculis objiciebant; duritie ferè lapidea gaudebant, lamellæ ab invicem quoad fieri potuit separatæ.

*Dec. II. Annus V.*

Pp

dia-



diaphaneitate aliqua se commendabant, maxima horum globulorum pars perfecta rotunditate & globositate se ostentabat, vix decimus inæqualitatem monstrabat, odor durius tractatorum urinosus erat, in pollinem redactorum, linguaque gustatorum sapor percipiebatur nullus. Imprimis admiratione dignum videbatur solum vesicam hisce scatuisse, renes verò planè nihil hujus arenæ metallicæ fovisse: An verò vesica vel etiam renes locus natalis hujus lapideæ sobolis, vel vesicula fellea (in qua tales sæpiissimè reperiri notissimum esse puto,) vel alia aliqua pars extiterit, non adeò liquet, in vesica sola omnes hos in tam magna quantitate fuisse genitos, ut credam vix induci possum. In instanti eos genitos esse, (quale exemplum *Ann. IV. Dec. II. p. 43.* exhibet, & momentaneus calculus in *Th. Barthol. Act. Hafn. Vol. 3. p. 73.* describitur) lamellæ sibi ipsis invicem impositæ, credere vetant, magnaque eorum quantitas obstat. Utrum æquè diuretici ac lithontriptici sint, ac illi qui in boum ventriculis & vesiculis felleis reperiuntur, quorum virtutes mirabiles Excell. D. D. *Frid. Hoffmann. in M. M. W.* contra calculum tantoperè deprædicat, experientia hætenus destitutus, affirmare non audeo, multò minus iisdem, ob hanc eandem rationem, virtutem Bezoarticam, (quemadmodum Hippolithis & etiam porcinis lapidibus, & à Celeberrimo quondam *Nestore Hecatost. I. Obs. 93. p. 117.* ipsi etiam Tauroolithis, adscribitur,) tribuere & adserere possum; quanquam non dubitem hos, illis ratione qualitatum, & virtutum medicinalium facile æquiparari ac adsociari posse.

### SCHOLIUM.

**B**ulithi illi parvuli, quorum hæc observatio ex *Dec. I. Ephe- mer. Cur. Ann. IV. pag. 224.* mentionem facit, triti urinosum, quem illi à nostro Exc. D. Autore memorati spirant, haud exhalant, sed qualem oculi cancrini, obusiores, terrestrem quasi, vel testaceum, emittere solent; qui etiam, lapillorum istorum more, in aceto destillato promptè dissolvuntur, remanente

nente tantum pellicula, inque coagulum albidum ab alcali præcipitantur. Caterum & his, & illis qui urinofi salis præsentiam tritura ostendunt, diureticam virtutem competere, nullus dubito.

[*L. Schröck, L. F.*]

OBSERVATIO CXLVII.

D. PETRI ROMMELII,

Ovum cum appendice sive caudatum.

**P**osthabita illa Disceptatione seu Quæstione, quam *Aristoteles* olim & *Theophrastus* multiq[ue] non ignobiles Peripatetici Philosophi exsolvi omninò posse negârunt; videlicet: *Aves ne ante, an verò ova generata sint?* (vid. *Censorin de Die Nat. cap. 4. p. 9. & Lindenbrogii in eum notæ;*) posthabita inquam illa quæstione, sufficienter à *Sancto Moysè Genes. cap. 1.* solutâ, qui aves, non ovum primùm extitisse & factas esse apertè docet, nihilominus nos hîc loci ab ovo exordiemur, postea verò de pullo seu ave nonnulla dicemus.

Varia de ovis rara, curiosâ & monstrosa hinc inde, præsertim in *Ephemeridibus Germanorum Curiosis utriusque Decuriæ, Th. Bartholini Epistolarum Centuriis, Hist. Anatomic. Actis Philosophico-Medicis Hassniensib. &c.* legenda extant, de ovis nempe prægnantibus, serpentiferis, verminosis, humanis, in ventriculo & tumore inguinali repertis; duplici corrice, duplici item & triplici vitello præditis; ovis æquinoctii non putrescentibus; Eclipsi lunari, cometa, stellis insignitis; monstrum humana facie, item filices, scorpiones in se continentibus; insolitæ figuræ; de Ovo in intestinis concepto; loco infantis à muliere edito, gemello, caudato, alii ovo incluso, galli gallinacei, basilisco ex ovo &c. Multa præterea perdocta & curiosâ de Ovis, Excell. D. D. *Lentilium*, Curiosorum *Oribasium* in sua *Oologia Curiosa* esse prolaturum, singularis Doctissimi & Excellentissimi hujus Viri eruditio & industria sperare nos jubet. In-



terea tamen omittere non possum, quin etiam ego Miscellaneis hisce ovum aliquod rarum sive monstrosum (cujus Schematismum ruditer saltem adumbratum sisto,) inseram.

Hoc duplicatum, vel si mavis cauda vel adpendice dotatum ovum, præterita æstate in arce Illertissen à gallina juvenca seu pullastra in lucem editum & Illustrissimæ D. D. Baronissæ, natæ Comitissæ de Pappenheim, tanquam res monstrosa traditum, mihiq̃ue postea ad contemplandum gratiosè concessum fuit. Lubentissime interiora duplicati hujus ovi rimatus & utrum bipartitus etiam vitellus in eo contineatur scrutatus fuissim, si sine diffractione ovorum fieri potuissèt, vel saltem Illustrissima D. D. Comitissa lubentius apertionem, quam nolui immodestius urgere, concessisset. Si conjecturæ locus conceditur, ego opinor, gallinam parturientem, & jamjam ovum edere volentem, aut partûs dolore, præsertim si primipara fuit, vel terrore ob inopinatum & improvisum hominis vel animalis alicujus supervientis adventum perterrefactam vel profligatam, & in ipso partûs actu & opere aliquo modo impeditam fuisse, quo minus continuo conatu opus perficere, ovumq̃ue uno actu & nisu excernere potuerit, sed repetito nixu ad expulsionem opus habuerit, & ob viarum vel angustiam, vel diuturniorem inter pariendum moram, vel maturiorem quam par erat uteri constrictionem, in duas quasi partes, maximè tamen inæquales, quod unicum in ovario adhuc erat, diviserit; quod facile ut mihi videtur fieri potuit, si consideremus, ovorum utero adhuc inclusorum testes, non tam duras, quales à partu postea ob aërem & frigus ambiens observantur, sed plerumque molliores & flexiles esse. Fig. XXXIII.

### SCHOLIUM.

**O**vum caudatum huic non admodum dissimile, quod in hac *Eph. Cur. Decade II. Ann. I. Observ. 16.* exhibui, unico vitello fuisse præditum, hîc addidisse sufficiat; ut ita conjecturæ, quam de suo adponit Nobil. D. Autor, facilè ad sensum dare

re liceat, unicum scilicet illud esse ovum, aliquo in exclusione impedimento in extremitatum altera attenuatum.

[*L. Schröck, L. F.*]

OBSERVATIO CXLVIII.

D. PETRI ROMMELII,

Pullus gallinaceus quatuor alis totidem-  
que pedibus præditus.

**P** Romissi memores, misso ovo, ad aves sive pullos gallina-  
ceos nos convertimus. Non quidem præmaturè cantan-  
tem jam exhibeo, qualis ille Haderslebianus fuit: Ibi e-  
nim anno 1672. in ædibus Judicis pullum triduanum,  
quater tam clarè ac fortiter cantasse, gallumque jam adultum  
voce sonora æmulasse & propterea omnes in magnam admira-  
tionem rapuisse, scriptum est. Idem etiam Anno 1532. acci-  
disse, *Dresserus Part. 2. Millenarii sextip. 494.* testatur: Cùm e-  
nim Joachimus II. Marchio & Elector Brandenburgicus &c. di-  
cto anno expeditionem contra Turcas susciperet, iterque in-  
grederetur, galli vix ante biduum nati, læta adclamatione to-  
tum diem cecinerant, fausto omine, copias enim Turcicas,  
ingenti præda onustas, ita attrivit, ut ad internecionem reda-  
ctæ sint, &c. quam historiam *Georgius Sabinus* aliquot distichis  
comprehendit. Anno 1670. Alslebi in civis cujusdam ædi-  
bus pullus quatuor dierum cantare cœpit, hocque malo omine  
factum esse refert *Franc. Moncajus*. Ex *Apuleji lib. 9. p. 290. de*  
*aureo Asino* scimus, gallinam quandam non ovum ut naturali-  
ter aliàs solent, sed pullum pennis, unguibus, oculis & voce  
perfectum peperisse, qui matrem suam continuò comitari cœ-  
pit. De Anserè quadrupede, pullis etiam variis monstrosis,  
vid. *Ephemerides Acad. Nat. Curiosor. passim*. Ego hîc pullum  
gallinaceum, quatuor pedibus simulque quatuor alis præditum  
sisso, cujus alæ priores albis, posteriores verò nigris donatæ e-



rant pennis seu potius plumis. In arce vicina Illustr. & Generos. D. D. Baron. de Bernhausen hic pulchrè monstrosus pullus præterito vere fuit productus, non tamen à gallina ipsa exclusus. Hæc tamen peracta incubatione, justo tempore ex ovis suppositis omnibus veros eduxit pullos, unicum saltem ovum relinquens integrum, quod ancillæ animadvertentes Illustrissimæ D. Comitissæ narraverunt, simulque ovum incubatum quidem & pullescens, non tamen apertum monstrârunt. Illud aperire iussæ nimis meticulosæ facere detrectârunt, urgente tamen Domina Comitissa, quædam reliquis cordatior, testam tandem non sine vano periculi gravioris metu confregit, taleque quale præsens figura exhibet monstrum, extraxit, cujus superior cranii pars, quia testæ adnata & quasi adglutinata erat, forsân etiam imprudentius ab ancilla rustica tractabatur, in ovi putamine relicta fuit. Ego ab Illustrissima D. Comitissa gratiose mihi transmissum pullum, interanea etiam contemplaturus dissecui, non autem ut sperabam duplicata ea, sed simplicia saltim inveni. Fig. XXXIV.

### SCHOLIUM.

**G**Emellos etiam humanos ex uno ovulo aliquando prodire, non pro planè impossibili habendum esse censet Celeberrimus D. Joh. Bohnius *Circul. anatom. progymn. 1.* simili forsân, judicans, ratione, ac interdum unum frumenti granum plures spicas promit, & ova gallinarum duplici vitello, albumine & cicatriculâ prædita gemellifica deprehenduntur; & ob hanc involucris unius communionem etiam gemellos variis modis coalescere & monstrosa fieri, *progymn. 2.* arbitratur. Interdum quoque absque ejusmodi coalescentia foetus quasi duplicatos posse excludi, quos nempe sine concursu violentiæ aliqujus externæ, lusus aliquis naturæ, non facilè ab ullo ingenio explicandus, tales generavit, existimo; quibus præsentem pullum gallinaceum adnumerare haud dubito, cum corporis proportio unicum pullum designet, quatuor tamen alis totidemque

demque pedibus instructum, cujus interanea etiam simplicia saltem inventa. Non enim video, si duo pulli primo fuissent, quomodo reliquæ partes omnes alterutrius absumi, & alæ ac pedes tantum trunco, & tam aptè, inseri potuerint. Imò quomodo gemelli illi connati, quibus, reliquis visceribus duplicatis & salvis comparentibus, unicum cor fuisse, dissectio ostendit, violentissimam corpusculorum, prius nempe & ab ortu separatorum, collisionem & dilacerationem necessariò contingentem, simulq; liquoris vitalis inevitabilem profusionem, absque interitu sustinere, aut novæ à corde unico remanente in utrumque corpusculorum truncum concinnæ distributiones contingere valuerint, capere nequeo; quo de dubio etiam egi in additam. ad obs. 13. D. Joh. Hellvigii.

[L. Schröck, L. F.]

OBSERVATIO CXLIX.

D. PETRI ROMMELII,

Diarrhœa singulis mensibus innoxie recurrens in gravida.

Quàm periculosa in gravidis esse soleat Diarrhœa sive frequentior alvi dejectio, sua jam ætate divus Senex, experientia edoctus, testatus est, inprimis quando Sect. 5. Aphor. 34. scribit: *Mulier in utero gerenti, si alvus plurimum profluat, periculum est, ne abortiat.* Aurei hujus Hippocratici effati, Medici prudentiores, & qui juxta famam integram etiam conservare student conscientiam, memores, in præscribendis medicamentis alviducis, gravidis exhibendis, cautè procedere, & non facilè vehementer ac celeriter alvum moventia iisdem propinare solent, ne quod facile fieri potest, partum vel potius abortum promoveant. Quapropter Excellentissimus atque Experientissimus D. D. Frid. Hoffmann-



*Hoffmannus* in sua *Meth. Med. W. lib. 1. c. 7. pag. 70. a.* doctè & conscientiosè scribit: *Qui gravida purgationem aliquam celeberrimè operantem præscribit, næ is abortum causabit.* Hanc tamen Hippocraticam regulam non perpetuæ esse veritatis, suasque pati exceptiones, præter plures alias, subsequens evincet observatio.

Civis & Mercatoris nostratis integerrimi, D. J. F. K. dilectissima conjux, trium jam felicissima prolium mater, foemina juvenis, habitûs gracilis, ad bilem valdè (adiram verò minimè) proclivis, præ aliis foeminis hoc peculiare habet, quod gravida facta, statim à primo conceptionis mense, usque ad ultimum gestationis diem, singulis mensibus, Diarrhoea & quidem diuturna ac vehementiori corripiatur, cum doloribus & torminibus ventris sat gravibus atque molestis; hætenus tamen menstruum hanc diarrhoeam semper & sibi & foetui innoxiam fuisse, experta est, eamque jam pro indubitato graviditatis signo habet, si nempe menstruo spatio exacto, loco Catameniorum alvi profluvium adveniat, quod deinde singulis mensibus, statotempore rediens, septem vel octo subinde diebus continuis durare solet, illamque singulis diebus vices, quinquies & vices, ad minimum verò quatuordecies vel quindecies, ad sellas Patroclianas secedere, ibidemque copiosè & liberaliter alvum exonerare, sarcinamque molestam deponere cogit; Cum tamen tam utero gerens quàm extra graviditatis statum, parùm admodum comedat, nec multum bibat, ita ut aliis mulieribus, talis victus tenuis vix ad conservandam vitam sufficiens foret; Illa tamen sana & vegeta, nec inelegantis formæ foemina, pulcherrimosque & vivaces foetus ter jam enixa est. Cum primùm gravida fuit, hocce profluvium idoneis medicamentis sistere & inhibere, conatum quidem fuit, sed ob insequentem respirationem difficiliorem, aliaque supervenientia symptomata, desistendum Naturæque imperio, non autem artis præceptis parendum fuit. Extra graviditatis tempus menstruum lunare debitum satis liberaliter persolvere, purpureumque

que liquorem abundanter profundere consuevit; statim verò à conceptione fluor albus copiosius ipsi molestus est, donec mense absoluto diarrhœa superveniat, tunc fluor albus cessat, & ut dictum ordinatè singulis mensibus diarrhœa recurrit, fluore amplius albo non revertente.

Sic provida Natura quæ Dei amanuensis dicitur, in motibus suis certas periodos & stata tempora observare solet, & in homine sapientior est quovis Medico, magisque gnara suæ utilitatis atque damni, quam cuncta Scholarum ingenia: Optima enim medendi magistra est, & sæpè intento quasi digito artificibus vias monstrare solet, per quas commodissimè velit ac possit ab humoribus superfluis acribus & falsis liberari.

Notum aliàs est etiam gravidas non rarò vehementiores purgationes sine notabili damno & embryonis periculo perpessas esse; meretrices etiam à vehementissimis Catharticis iteratò etiam assumptis, voti sui, vel ob naturæ robur, vel potius singularem Dei providentiam, minimè compotes factas fuisse, nec abortum attentatum procurare hoc modo potuisse: Quamquam nullum è contra superfit dubium, plurima scorta triobolaria foeminasque infames & impias hoc modo scelestum nefarium & funestum suum scopum, haud rarò adsequutas fuisse & attigisse.

[*Ulmâ Augustam 1686. d. 24. Decembr. missæ.*]

### SCHOLIUM.

**D**iarrhœam vehementem & diuturnam citra periculum à gravida perpessam habet *Felix Platerus Observ. Med. lib. 3.* In consilio, quod in fluxu ventris & vomitu gravidæ à *Joh. Navio* scriptum, *operi suo consiliorum Joh. Laur. Scholzius* inseruit, num. 340. quamvis alvi fluxus uterum gerentibus multum familiaris, minimè tamen salubris pronuncietur, hoc tamen admonitum voluit prædictus celebris Medicus, ne, ubi fluor ad sistendum inobediens factus observetur, multum urgeatur, addens: *Ferunt enim nonnunquam prægnantes ejusmodi diar-*

*Dec. II. Annus V.*

Qq

*rhœas*



*rhæas usque ad partum, citra noxam, ut contigit in uxore fratris mei, qua prægnans per quatuor menses sanguinolentas dejectiones, etiam cum rasura intestinorum, passa est, nec ullo medicamento sisti poterant, tandem excluso fœtu sano & incolumi, sponte sua intermiserunt. Conferatur etiam Observ. 17. Celeberrimi nostri D. Herculis in Dec. I. Ann. II. Ephem. harum consignata.*

[L. Schröck, L.F.]

## OBSERVATIO CL.

D. JOHANNIS JACOBI WEPFERI,

*De*

Uteri procidentia sectione feliciter sublata.

**A**Nna Maria Stöcklin / uxor Thomæ Franci Pistoris, Staturæ justæ, carnosæ, benè colorata: maritata Mens. Febr. 1684. Stuttgardia. Anno 1685. d. 25. Dec. matut. & vesperi propter Festum Nativitatis D.S.N. templum adiit. Vesperi domum rediens, citra præcedentia ulla indicia ad partum sollicitari cœpit: conatus parturiendi ad tertium diem prorogabantur atque interea primipara intempestivè ad pariendum urgebatur; tandem propè tertio die elapso peperit facili fœtum mortuum, statò tempore fœtû què perfectè conformato, ac paulò post subsequēbantur secundinæ. In principio puerperii febris continuâ petechiali correpta fuit, cujus exordia in sella parturientibus accommodata percepit. Dum adstantes mulierculæ fœtum reficere ac variis auxiliis animare tentabant, matrem prorsus neglexerunt. Lochia largè manarunt ad diem usque decimam; tunc primum animadvertit sinum pudoris impleri corpore quodam carnosò, magnitudine ovi anserini; nondum tamen egrediebatur limites illius: Ostendit illud statim obstetrici, quæ suavit ut biberet Ol. Olivarum & Amygdal. dulc. sed addita monitione illud vel inde expulsum iri, vel manifestum fore, num corpus hoc ad procidentiam aliquam

Fig: 35.  
p. 306.



A. Tumoris ambitus.

B. Collum ubi amputatus fuit.

p. 308.



C. Macula livida ubi putrescere coepit.







quam uteri pertineat ? postea illam intra triduum non amplius invisit : hoc elapso obstetrix rursus illam convenit cum alia obstetrice, quarum hæc affectum agnovit ac procidentiam pronunciavit, quamvis illam alio nomine insigniverit : retrussit illam blandè indiditque sacculum infarctum fl. Chamom. Meliss. aliisque in lacte coctum : unde retro cessit atq; aliquandiu intra vaginam recondita mansit : suasit quoque in seclus ex aqua mera cocta calidos, quorum sex partitis vicibus usæ est cum manifesto sensu sponte retrocedentis procidentia: Hinc prorsus ab obstetricibus negligebatur nullamque amplius curam illius gerebant. Decem septimanis puerperio aliisque molestiis vacare cogebatur : interea & postea fluore nunc albo, nunc cruento vexabatur ; quilibet propè per octiduum seorsim manavit, ac ferè alternabant : hanc ob causam venam secandam curavit, usæ est tragea uterina ; bibit Decoctum urticae mortuæ flore albo aliaque sumpsit Euporista, sed sine ullo levamine. Interea rursus concepit ; perrexit nihilominus fluxus & licet quandoque per biduum substiterit, nihilominus postea largius erupit, ut aliquando largissimam uteri hæmorrhagiam passa fuerit. Fœtu crescente procidentia denuò extrudebatur & aliquando duorum renum vitulinorum figura inæquali & magnitudine similis extra vulvam prominuit, quam tamen facilè repellere potuit, mansitque intra vaginam, quamdiu sibi à ponderum sublacione cavebat, nam aliàs promptè rursus excidebat : quandoque decubua in lecto spontè retrocessit. Fluxus semper alternando continuavit, licet temperanter vixerit sibi que studiosè à noxiis caverit. Die 1. Sept. 1686. Stuttgardia quidam ebrius pugno frontem ei percussit, unde valdè excaudit, ipsaque in tumultu lumbos inscia allisit : Post horæ quadrantem supervenit larga uteri hæmorrhagia ; lectum petiit : d. 2. Sept. manè satis benè se habuit : obambulavit in conclavibus : circa meridiem dolores secantes in abdomine sentire coepit : hora 2. pomer. abortiit : Embryo erat longior spithama, masculus, forma perfectus ; cui per funiculum umbili-



calem adhæserunt secundinæ; post abortum lochia vel parca vel nulla emanârunt, at protinus procidentia erupit insignis magnitudinis, etiam longè extra sinum pudoris pependit: quamprimum retrusio tentabatur, suffocatio imminebat: si stetit, aut si tracta fuit, summoperè doluit in hypogastrio. Cum reponi amplius non posset, de vasti istius corporis excisione ambiguis sententiis deliberatum fuit; verum cum gangrænæ periculum & insignis putrefactio instaret, unanimi Consilio, ut propediem sectio institueretur, conclusum fuit. Itaq; d. 11. Septembr. 1686. dexterrimus *Chirurgus Dominus Jacobus Christophorus Beckerus Serenissimi Ducis Ordinarius*, præsentibus Excellentissimis Dominis, *Salomone Reiselio, Joh. Georgio Gmelino & Joh. Casparo Hærlino, Archiatri*, sectionis suasoribus, hac methodo instituta fuit: primum moles pulvillo, ne nimium pondere suo deorsum traheret uterum, imposita fuit; deinde funiculo propè sinum pudoris fortiter constricta fuit, inde acum scindentem filum sericeum trahentem supra funiculum per collum molis, brachium mediocre æquans, à parte inferiore sursum adegit, aliamque acum à latere dextro versum sinistrum traduxit; ambo filo sericea validè constringebat; hinc novacula cis funiculum, relicto spatio aliquo molem hanc abscidit; vix ultra duas uncias sanguinis vulnus profudit: imposuit statim fungum, quem crepitum lupi vocant; unde hæmorrhagia substitit: vespericum deligabatur, optimè habuit, de nullo dolore quærebatur, imò gaudebat se ab hac molestia vindicatam esse. Sequentibus diebus frustula quædam carnis eis vinculum seu funiculum protuberantia *Dominus Beckerus* abscidit forfice, unde portio cum filis & funiculo superstes sursum abrepta fuit. Ad foetorem & corruptum ei adhærens auferendum injecit decoctum traumaticum. Paucos post dies surgere sine ope è lecto potuit & sine impedimento tertia septimana obambulavit, rem domesticam curavit, ac si nihil quicquam horum passa fuisset. Moles resecta pendebat libras duas, tota lardo persimilis. Anno 1686. die 25. Octobr. illam cum Exc.

Domi-

Dominis Archiatri & Domino Chirurgo, memoratis invisi: Vinculum & unum ex filis residuo procidentiae infixa haeserunt: indito in vaginam digito ambitum orificii interni uteri attingere & circa illud ducere potui; orificium reperi prominulum & duriusculum, verum in sinistro latere habuit hiatum mollem; nihilominus quousque digito penetrare potui, deprehendi filum per cervicem versus uteri fundum vergere: versus os pubis vagina supra hoc orificium laxior fuit & plenior, attactum persensit, absque tamen dolore. Fluorem nec cruentum, nec album amplius vel minimum experitur: Erat bene colorata, carnosâ, vegeta; omnia domestica negotia obiens sanæ instar; nec de ullo symptomate querebatur.

D. 30. Octobr. Cum *D. D. Härlino & Dom. Beckero* manè rursus exploratio facta fuit: dum antrosum reclinato corpore stabat; statim digito occurrebant rugæ magnæ, molles, flaccidæ, usque ad locum illum qui referebat orificium internum: ambitus illius erat prominulus, duriusculus, non tamen exactum circulum habuit, sed in stante hiatus amplior magisque dextrorsum vergens reperiebatur, quàm nuper, nam tunc hiatus magis in sinistro latere & angustior occurrebat: per hiatum superficialium intrabant reliquæ vinculi & filorum. Post hunc annulum seu circulum similem aliquo modo orificio interno, ante & retrò rugæ aliæ ampliores molles flaccidæ tangebantur, imprimis sub ossè pubis vesicam versus, pulvillorum instar inveniebantur. Attactum optimè pertulit: vinculum & fila inhærebant adhuc pertinaciter, quæ nolui fortius trahere.

Rursus asseruit, toto illo tempore, quo procidentia erupit usque ad abortum nec in mictione, nec in alvi solutione se vel minimùm impeditam fuisse: postquam verò abortivisset, si tumor pendulus erat aut si trahebatur, se doluisse, imprimis in dorso atque ad alvi solutionem crebro stimulatam fuisse: urinam verò involuntariè effluxisse, minùs lumbos doluisse, si paulò altius tumor locabatur: Post sublatum tumorem alvum citè se solvere hucusque: Urinam in lecto tota nocte se retinere:



si obambulet, nunc singulis horis, nunc post 2. horas præproperè sæpè ad mictionem stimulari & vix satis maturè matulam se arripere posse: mictionem tamen indolentem esse. Tumoris primum duæ libræ amputatæ fuerunt: dierum quatuordecim intervallo per vices frustula, putida summè foetentia ad vinculum usque forfice abscissa fuerunt: quæ pondere omnia accesserunt circiter ad ℥ sem. Post dies 14. demum vinculum & fila sursum rapta fuerunt, ubi adhuc hærent.

Cum hodie tumorem linteo involutum & in camino suspensum è camino famulus *D. Beckeri* sustulisset, detracto linteo occurrebant millenaria muscarum & thecarum oblongarum & fuscarum, ex quibus exclusæ fuerunt: Portione cutis arida à tumore subtracta, corpus tumoris cavernosum & fibrosum mirè intertextum erat: simile fuit lieni denudato à tunica & omni parenchymate, aut utero à *Dom. Suvammerdam* delineato. Fig. XXXV. & XXXVI.

### SCHOLIA.

I. **A**ffectus similis procidentiaæ uteri, vulgò sic dictæ, reputandus videtur, nam post diem decimum à partu difficili corpus quasi carneum vaginam implevit, atque ad sinum pudoris primum descendit retrudique potuit: in secunda conceptione planè extra sinum pudoris in star duorum renum vitulinorum protuberavit & nihilominus repelli valuit; tandem post abortum vastâ mole extra illum pependit. Insuper quamdiu hoc affectu prædita erat, fluore nunc albo nunc rubro alternatim molestabatur, quod huic morbo plerunque evenit.

II. An totus uterus, cum cervice & orificio interno, in vaginam descenderit ac extra sinum pudoris prolapsus fuerit (ut quandoque verè fieri novi, relaxatis potissimum fibris vaginæ orificium internum prominulum ambientibus) quasi per introsusceptionem uteri in vaginam? dubito, imò vix mihi hoc persuadere possum, nam rursus concepit; deinde crescente Embryone nihilominus hoc corpus descendit, imò ulteriùs pro-

Fig: 36. p. 310.



A. Membranae tumoris reliquia.  
 B. Cavernulae in quibus mūscae  
 earumq; ovula nidificabant.  
 C. Fibrarum tumoris plexus et reticula,  
 membrana illius avulsa, conspicua.

Ovum duplex, s. caudatum.




Fig: 33.  
 p. 300.

Fig: 34.  
 p. 302.

Pullus gallinae  
 or alis et qua-

ceus cum quatuor  
 pedibus.







progressum est, quàm ante conceptionem; protuberavit enim extra sinum pudoris insigni magnitudine; denique post abortum mole maximum erupit, consistentia & figura planè dissimile utero, etiam statim à partu.

III. *Ἀπόσπασμα* membranæ internæ vaginæ quandoque evenit post partum difficilem idque statim; hanc brevi in tumorem insignis molis excrevisse cum aliis observavi: Matronæ cuidem Nobili cui ante aliquot annos polypum ustione è nare sustuli, in molem protinus à partu excrevit similem farcimini parato ex intestino cæco suillo sanguine impleto, supprimentem alvum & urinam cum summis cruciatibus, quam Massiliæ Dom. Lambertus Chirurgus peritissimus & senex Venerandus jam à Medicis derelictam, brevi pristinae sanitati restituit, inciso tumore atque expresso sanguine grumoso foetidissimo. Honestæ foeminæ similis tumor statim à partu Mefskirchii, eadem symptomata pariens emerfit, illo sponte rupto, multo cruore profuso, cessantibus doloribus, paulò post convaluit: Ancillæ cuidem primiparæ post partum difficilem ibidem idem accidit; illam cum Aulæ Præfecta semel invisi: inter vaginam mediam & intestinum rectum tumor ovo anserino major, ruber, summè dolorificus; nec vel minimum attactum perferens conspiciebatur: omne auxilium illa respuit: quis morbi eventus secutus fuerit, non rescivi. Similem tumorem observavi in vinitoris nostratis uxore, qui alvum & mictionem ita suppressit, ut nihil prorsus excreverit, nisi admoto Cathetere aut injecto Clystere: rupto abscessu multoque pure per anum excreto brevi convaluit, & in hunc usque diem sana vivit: de qua videatur *Ann. III. Dec. I. Colleg. Curiosor.* Tale *ἀπόσπασμα* in hac ægra locum nec in principio nec postea habuisse existimo, quia in principio non statim ad molem majorem excrevit, nec valdè doluit, nec mictionem nec alvi solutionem impedivit, nam apparente tumore, non accersivit hoc nomine obstetricem, sed ob rem insuetam vaginam implentem, graviora timens, & postea retruso tumore rei domesticæ præfuit: potissimum-  
que



que de fluore postea sollicita erat. Aliquam tamen divulsionem & secessum membranarum & fibrillarum Ægram hanc passam fuisse vel in vagina, vel in cervice, veritati consonum est, ob quam lymphæ & sanguis in capillaribus vasis stagnarunt, vel etiam extra vasa humores elapsi in molem aliquam partem illam distenderunt, nam tumor die decima à partu apparuit notandæ alicujus magnitudinis; nullum verò dolorem nullumque impedimentum in mictione alviq; solutione genuit, quia in minore copia inter porulos detinebantur nec cum impetu è vasis propulsi fuerunt. Divulsionis & secessus causâ fuerunt labores pariendi inanes, forte etiam intempestivi, per tri-  
duum continuati, & neglectus puerperæ, cum aliàs providæ obstetrices puerperis statim à partu sinum pudoris blandis fomentis deliniant: nostrates in vino rubro calefacto dissolvunt frustum butyri recentis & aliquot vitella ovorum; atque illo pulvillos ex linteis madefaciunt calideque cum fructu apponunt: quod quia sæpè in pagis ab obstetricibus negligitur, ipsæque rusticæ non diu post partum obambulant ac quædam munia domestica obeunt, frequenter procidentia, uteri vocata corripuntur: In uno pago Würtembergico prope Alpes p. ures hac affectas se novisse *D. Christoph. Völter p. m.* sæpius mihi narravit atque non item pridem in pago Scherzingen sub monte Heuberg aliquot vetulæ & juniores hoc malo afflictæ opem meam implorârunt.

IV. Quonam in loco radix hujus procidentia infixa sit, & unde succreverit, meritò inter Exc. Dominos Archiatros disceptatur & adhuc sub Judice lis est: Intra cavum uteri esse non leve argumentum est, quod post sextam septimanam ab abscissione tangatur orificium internum aliquantum apertius, quàm aliàs esse solet; deinde fila & vinculum per hoc cervicem uteri intrâsse comperitur & intra illam quousque digito perveniri potest detineri manifesto tangitur, quorsum die decimo quarto post sectionem quasi cum impetu abrepta fuerunt ibique in hunc usque diem firmiter affixa hærent: denique ante sectionem

sectionem, post abortum, si tumor repellebatur, suffocatio instabat: si verò trahebatur, aut si pendulum relinquebatur, doluit in lumbis & hypogastrio. Verùm sententiam hanc valde dubiam alia reddunt, nam primum rursus concepit; deinde foetu crescente nihilominus tumor protuberavit & quidem longius & extra sinum pudoris mole major quàm ante conceptionem; facile quoque repelli potuit, imò sponte in decubua subinde retrocessit; insuper hæmorrhagiam jam utero gerens rursus passa est, salvo manente foetu; certè si è fundo emanasset sanguis, tum propter tumorem, tum propter profusionem sanguinis statim expulsus fuisset nec adolevisset ad longitudinem spithamæ cum dimidia; & post hæc abortiit non propter tumorem, sed propter graviores hæmorrhagiam dissimilem priori, commotam propter vehementem excandescientiam & lumborum allisionem, idque intra uterum. Denique in sinistro latere orificii hiatus in decubua tangitur mollior quàm reliquus ejus ambitus, at illa incurvo corpore stante, in parte dextra, versato quasi circulo, ac si prominentia illa tantum vaginæ quædam inversio esset, falsò referens limbum interni orificii, cujusmodi circuli prominuli videntur in subintratione intestinorum, imprimis ilei, qui quoque diversissimi sunt, à circulo pylori & ilei circa principium coli. Veritatem tempus plenius revelabit: Si sublatis vinculo & filis menses redirent, illaque rursus conciperet, de integritate uteri planè non dubitare liceret, nec unquam tumorem hinc pullulasse credibile vel maximè foret.

V. Tumoris consistentia lardo similis evasit, quia illud quod stagnavit in & extra vasa in poris tumoris serum aut lymphæ fuit, quod in loco calido inclusum in talem substantiam concrevit: si sanguis grumosus extravasatus fuisset, suppuratio supervenisset. Sic in genibus contusis ganglia nascuntur, dum sola lymphæ, aut serum poros magis magisque occupat, à calore inspissatur & progressu temporis amplius densatur, donec ad consistentiam lardo similem perveniat. Portio mem-



branæ, quæ à siccato tumore avelli poterat, & fibræ pars membranæ & fibrarum texturæ vaginæ erant.

VI. Vera Uteri Procidentia, si non valdè inveterata sit, nec ligamenta lata adhucdum omnem tonum amiserint, curatur pilis ligneis *Fabric. Hildan.* Aut annulis ex Costis balænarum confectis *D. Völteri*, qui globulis annulos præfert, eò quòd sordibus exitum concedant, earum verò effluvium remorentur globuli, magnasque corruptelas sæpè afferant: verum & noxæ huic faciliè succurri poterit, si subinde pilæ extrahantur & frigida abluantur.

VII. Prudenter *D. Bekerus* præter constrictionem funiculo radici tumoris circumjecto, factam, post illum bina fila sericea trajecit, sic enim hæmorrhagiam largiorem præcavit, illamque quæ supervenerat, brevi fungo sistebat. Et quidnî tumor talis gangrænam aut cancerum minitans exscindi posset? cùm in amputatione artuum majores venæ & arteriæ dissecentur, hæmorrhagiæque ligatura eo usque inhibeantur, donec vel ustione vel congruis medicamentis sanguinem sistentibus penitus supprimantur. Fila huc usque laudabiliter reliquit, quæ natura ceu corpus alienum sua virtute propediem separabit, obducatque cicatricem omne periculum caventem.

VIII. Ob laxitatem rugarum vaginæ, imprimis propter pulvillum illum altiore in vagina circa situm vesicæ superstitem vel globus excavatus ex ligno tiliæ, emplastro congruo obductus, vel annulus necessarius erit, ne rugarum aliqua denuò humoribus serosis impleta & laxior facta descendat ac procidentiam quandam mentiat.

Fig. XXXV. & XXXVI.

OBSERVATIO CLI.

D. JOH. GEORGII VOLCKAMERI, Sen.

Ex imprudenti in nares liquoris errhini in-  
jectione deperditus gustus cum  
olfactu.

**G**enerosa Baronissa quædam destillationibus ex capite per nares solitis nonnunquam divexata, dum constipatis aliquandiu per os cribrosum meatibus nullâ amplius tentaretur coryza, incommoda ex debilitato ab oppletionē cerebro vitatura, injectiones ex aquâ Sambuci, Anagallidis, Senecionis, succo Betæ, Rutæ, Oxyelite Scillitico secundum rationem commistis in nares admisit: quem liquorem aliquoties usurpavit; sed illum non ad aperiendas obstructions & extrahendas visciditates & phlegmata elicienda sufficere putavit. Succum proinde raparum rubrarum expressum in locum ejus substituit: Sed, nescio cujus suasu, siphoni superaddidit cannulam osseam, qualem in *Anno Ephemeridum nono & decimo p. 158.* ad uterum accommodatam dedimus, quâ cum alteram narium ita obturavit, ut expulsus per siphonem succus, dum exitum alium non reperiit, transitum sub osse cribroso per alteram narem quæsierit. Hoc secunda vice dum reperiit, tantopere incitavit abditos illos recessus, & ex ardore vehementi dolorem concepit intolerabilem, & orbita circa nasum in facie impensè rubuit. Vocatus ad illam, illic emulsionem ex frigidis seminibus, aquisque refrigerantibus cum spermate ceti in oleo Amygdalarum soluto confectam, pro temperando calore, & moderandâ succi mordacitate per siphonem utrinque, absque cannula, injici curavi: quâ devictâ & benigniore redditâ per dimidii anni spatium & gustu & odoratu annihilato penitus caruit. Tandem tamen post usum aquæ Salviæ, Lavendulæ & florum Lil. convallii paulatim in utroque sensu pristinum recuperavit vigorem.

*Rr* 2

SCHO-



## SCHOLIUM.

**P**Ræcipuas morborum & symptomatum causas cerebrum inprimis, cum bile & succo pancreatico, malè dispositis præbere causas, quilibet, qui penitius examinaverit omnium ab internâ origine scaturientium præter naturam affectuum indolem, mecum fatebitur. Nec pedes nimis remoti sunt, quin destillationes ex capite illos vel arthritide, paralyfi, ulceribus, vel quovis alio afficere morbo possint: deorsum siquidem catarrhos motu suo naturali delabi nemo ibit inficias. Ex cerebro autem vapores per cranium exhalantes, dum pori cutis illud ambientis ab externo frigore obstruuntur, nec ii transmittuntur, condensati & in aquam resoluti delabuntur à vertice ad aures, maxillas, dentes, linguam, palatum, collum, & quæ amplius subsunt, hujus generis subsequentes alias corporis partes; unde tot morborum, quot earundem infestantur, origines ducuntur. Anne pectoris regio à tali inundatione intus vel extra relinquetur immunis? Annon abdominis peripheria, vel contenta in eo viscera metuendam sibi à catarrhis quoque habebit irruptionem? Nec ullam sibi superior polliceri poterit regio ab inferioribus corporis partibus securitatem, assurgente quandoque ex pedibus ad caput noxio quodam halitu vel vapore, cephalalgiam, epilepsiam, apoplexiam, lethargicos aut comatosos, quin multos alios capitis affectus efficiente, si non per transpirationem exitum sibi procurârint. Hinc malè sibi consulunt, qui dum naturæ sunt tenerioris, à frigore externo mitris vel capillitiis caput obvelando non studiosè defendunt. Porro si meatus per os cribrosum obstructi prodeuntem ex cerebro saburram non transmittunt, cum rarò per emunctionem secernitur, quod excretioni dicatum est; & sic adaucta per longiorem moram copia, nec per os Sphenoides excreando expuitur, tandem per nucham exitum illa cum summo vitæ periculo sibi parat, doloresque infandos sæpè conciliat, & apoplexias, per catarrhos suffocativos promover.

OBSER-

OBSERVATIO CLII.

D. JOH. GEORGII VOLCKAMERI, Sen.

Ulcerum in cruribus periculosa curatio.

**Æ**dituus hujus urbis ad templum D. Jacobi crura utrinque ulcerata habuit, & per biennium id incommodum toleravit, donec à circulatori, qui ulcera illa curavit speratum impetravit auxilium. Exacto dein exiguo temporis spatio dolere capite cœpit. Fugata proinde ista molestia à capite deorsum se recepit. Supra utriusque pedis malleolos in flexurâ tumor oriri cœpit, unde debilitatis pedibus tandem ad ambulandum prorsus fuit redditus ineptus. Medicus quidam variis cum inunctionibus emplastrisq; solventibus tumores imminuere tentavit, & in medio plantarum pedum singulo octiduo scarificationē consuluit. Cum verò per octodecim hebdomadas huic suo innitens scopo oleum & operam se perdere cerneret, derelicto suo patienti valedixit. In hoc misero rerū statu cum vocatus fuisset, quo in termino scopum meum curationis figerem, dubius non nihil hæsi: Tandem per divinam gratiam cum emplastro de Rhabarbaro, & de ranis Vig. cum Mercurio aliquandiu experimentum facere constitui. Cum verò tardior effectus me ad efficaciorē sollicitasset medicinam, Emplastro Oppodeltoch Paracelsi, cui Euphorbium admiscui, tumores cooperui. Pustulis exinde excitatis & apertis substitui nonnunquam superiora: sicq; alternatim renitentes illos tumores domavi, ut paulatim imminuti tandem pedum vigorem pristinum impedire non amplius potuerint, & ille in publico deinceps inoffensus ambulavit. Pari methodo Theologi primatis hujus urbis conjux, Ischiadicum suum curatione dolore, oleo ceræ aliisque calidioribus abusa, humorem dolorificum ex sacri ossis regione quidem sustulit, sed ad utriusque pedis flexuras supra malleolos ablegavit, & consimiles tumores effecit, cum ambulandi impotentiâ. Hæc per men-

Rr 3      sis



sis spatium eâdem tractata methodo pristino itionis beneficio fuit beata. Sed decoctum Sassafras crebro potum, plurimum his attulit auxilii.

### SCHOLIUM.

**I**Ntempestivam ulcerum antiquorū in pedibus consolidatio-  
nem quam gravia sæpè mala, vel ipsa mors sequantur, historiæ  
Medicorum loquuntur. Sic acutissimos capitis dolores, & hos re-  
fractariam cœcitatem successisse in nobili viro observavit *Bald.*  
*Timeus lib. 1. Cas. Med. 28. & resp. med. 41.* qui etiam atrocissi-  
mam cephalalgiam, scotomiam, vertigines, mentis aliena-  
tionem, aliaq; gravissima symptomata, quæ nulla arte superari  
poterant, ex simili causâ memorat *lib. 6. cas. 26. & cas. 31.* itidem  
post vehementissimam cephalalgiam, gangrænam brachii &  
sphacelum. Porro oculos caligantes, vertiginem & apoplexiæ  
metum *Nob. D. Adam. à Lehenvaldt Eph. nostr. Ann. præced.*  
*Obs. 81.* tullesem ac tabem exitialem, ut & in alio subjecto vocis  
læsionem *D. Joh. Georg. Creulichius de Bile part. 2. propos. 1. §. 31.*  
sanguinis sputum *Joh. Rhodius cent. 2. observ. med. 35.* vom-  
itum sanguinis lethalem *Joh. Sculterus Armament. Chir. part. 2.*  
*Observ. 59.* & mortiferum tonsillarum ulcus *Zodiacus Med. gall.*  
*Ann. 4. Mens. Febr. Observ. 22.* memorant. Cum enim natura  
peccantes humores per hæc in partibus ignobilioribus spontè  
enata emunctoria evacuare soleat, si ea obstruantur, non pos-  
sunt non illi sanguini confusi, & sensim adaucti, varias excita-  
returbas, visceribusque nobilioribus labem adfricare, atque  
in cerebro imprimis, à quo, ut serosorum fluxuum præcipuo  
fonte, prius ad pedes derivabantur, hostilem vim exserere. Vel  
etiam, massa sanguinea cæteroquin impuritate ista prius si haud  
fuerit inquinata, in parte exulcerata demum à morbifero ibi-  
dem altius stagnante fermento corruptioni obnoxia facta, ubi  
medicamentis exsiccantibus effluxus inhibetur, superficie tan-  
tum ulceris ad cicatricem deducta, interiori verò recessu haud  
perpurgato, corruptæ materiæ particulae refluo ad centrum san-  
guini

guini communicabuntur, quæ majores sic vires adeptæ, ob heterogeneam suam naturam alicubi subsistentes, varia incommoda inducere valebunt.

[*L. Schröck, L. F.*]

OBSERVATIO CLIII.

D. JOH. GEORGII VOLCKAMERI, Sen.

Ex obstructione narium Melancholia.

**V**ir quidam sexagenarius, niger vultu, gravitatem præ se ferens singularem, ad habitum vergens & temperaturam atrobiliariam, tristem agere vitam cœpit, qui licet nullius indigus rei lætam ex opibus senectam ducere potuisset, continuis se afflixit suspiriis, planctu nonnunquam aliquot horas consumsit, nullius culpæ aut causæ sibi conscius. Ex Medici consilio frequentibus corporis pro depurando sanguine divexatus evacuationibus, reiteratâ quoque sanguinis missione, electuariis lætificantibus atque aquis antimelancholicis ad nauseam usque abundè assumptis laterem se lavare sensit, in eodem subinde gradu remanente mœstitiâ. Quamvis leves interdum & perbreves ipsi concessæ fuerint induciæ: affectus tamen plerumq; recurrens easdem vehementiâ compensavit. Suasu tandem cujusdam familiaris, cum siciores ejus nares animadvertisset, usum pulveris Nicotianæ sibi commendatum voluit, repetitis eundem vicibus per nares atrahendo: paulatim eas reseravit, & continuo fluentes adeo effecit, ut crebris emunctionibus saburræ istius liberum acquisiverit effluxum; unde noxia ista humiditas, lienem perturbans retrò vocata per nares se subduxit deinceps ad obitum usque patulas. Huic quoque fini fonticulum sibi in sinistro brachio excitari voluit, non sine commodo, & sic ad se rediens bonus ille Vir, naribus per continuûm usum roridis quasi effectis tabaco vix per momentum carere potuit.

SCHO-



*SCHOLIUM.*

**H**æc narium obstructio frequens morborum multorum & symptomatum causa multis imposuit Medicis tanquam nihil ad morbos faceret. Verum hæc sola Virginem annorum circiter 18. capitis imbecillitate affecit, dolore in eodem & vertigine sæpius afflixit. Medici consilio nil adjuta fuit, meque tandem accersiri jussit. Tunc è domo, sibi de casu in publico metuens, egredi amplius non fuit ausa. Indagatis horum symptomatum causis, cum se ab anni tempore nihil emunxisse fateretur, cum tamen circa æquinoctia se gravedinosam semper fuisse assereret. Opem proinde petenti per siphonem injici in nares errhinum liquidum, os cribrosum obstructum referans curavi, quod aliquot diebus naribus immissum densam tandem paulatim emollitam mucilaginem inde elicuit, insecuto mox ubere ex naso effluxu, vehementem tum passa fuit coryzam, quæ superius labium circa philtrum, ob humoris acrimoniam, ferè per menstruum spatium vehementer corrosit.

Hæc virgo sola hæc injectione errhini fuit restituta, & viro mox juveni nupsit.

*OBSERVATIO CLIV.*

D. JOH. GEORGII VOLCKAMERI, Sen.

*Dolor nephriticus celeriter curatus.*

**F**œmina 48. circiter annorum crudelem circa renes dolorem cum ingenti vociferatione indicavit, cui, accitus ego, statim exhibui

℞. Aq. laxativæ ʒij.

Extr. diacarth.

Tinct. Tart. ā ʒj. Mf.

Exacto horulæ spatio, alvo redditâ laxâ, dum egerendi conatu urgeretur, subito evanuit omnis dolor, breviq̃ue ita, ex divinâ gratiâ pristinæ reddita fuit sanitati.

*SCHO-*

**SCHOLIUM.**

**D**olor hicce in regione sub diaphragmate à catarrho ad re-  
nes delabente excitatus ortum suum habuit; Cum pro-  
inde eandem mox ab initio doloris inviserem, intercipere sta-  
tim fluxum illum, & ad intestina promovere consultum duxi.  
Dictum, factum. Unde ex cerebro per dorsum, comite aliquali  
horrore, descendisse destillationem illam apparuit, quâ alior-  
um derivatâ dolor ille ex voto, illicò cessavit.

**OBSERVATIO CLV.**

**D. JOH. GEORGII VOLCKAMERI, Sen.**

**Nervi læsio Epilepsiæ orientis causa, per  
cauterium ablata.**

**V**irgo 19. annorum Svabaci Walchia, piscem apertu-  
ra, in sinistri brachii domesticâ regione, tribus sub car-  
po latis digitis nervum cum arteria læsit. Vulnuscum  
curantes, in supprimendo sanguine arterioso occupa-  
ti nil relictum putantes brevi illud consolidarunt, permanente  
quadam pustulâ, baccam vacciniæ rubræ æmulante. Post  
paucos illa menses levibus nonnunquam lipothymiis affici cœ-  
pit, & consilium meum petiit. Ego hujus symptomatis ori-  
ginem sedulò pervestigans, & in ante, quæ fuerant acta, in-  
quirens, utrum caput ejus ullam perpeßum fuisset injuriam,  
vel quid aliud violenti ipsi contigisset, fui sciscitatus. Illa mi-  
hi affectum ostendit brachium, referens curationem vulnuscu-  
li arteriosum sanguinem fundentis; pustulamque verò illam  
relictam pro anevrismate incipiente habuisssem, nî ligatione  
fortiori fuisset impedita. Chirurgum ex urbe nostra eò able-  
gavi, cui in mandatis dedi, ut super pustulam illam attrorubi-  
cundam lapidem pro cauterio imponeret: & nisi ille satis pro-  
fundè penetraret, alium insuper superadderet; donec in me-

*Dec. II. Annus V.*

*Ss*

*dii*



dii digiti apice quid sentire se affirmaret. Notum quippe est, nervos læsos nisi dissecueris aut adusseris, convulsiones exinde orituras esse. Inserviit dein locus ille adustus, remotâ escharâ, virgini pro fonticulo ad dimidium anni spatium, nullo subsequente lipothymiaë indicio. Hoc tandem ulcusculum curatum fuit, & ab omni deinceps symptomate liberatam se sensit à decem, & quod excurrit, annis, multorum generix liberorum.

### SCHOLIUM.

**N**on solum nervos punctos, sive aliter læsos periculo convulsionis haud carere antiquis cognitum fuit, sed & alias corporis partes subtiliori præditas sensu, perioestia, pericrania, tendines, membranas, ligamenta & hujus generis alia ex levi offensa consimilem vitiosum convulsivum inducere posse motum, experiëntiâ constat. Sic juvenis 18. annorum dum unguem sinistri pedis pollicis curvatum à latere cutem penetrantem, & propter dolorem ingressum ejus sufflamantem Chirurgus resicare annititur, incautius illum cum scalpello tractans effecit epilepticum: historiam illam videre licebit in *Dec. I. Ephem. Anno VI. & VII. Observ. 77.* Quo in statu per biennium, per intervalla perstitit: virtute tandem cauterii potentialis loco illi affecto applicati fuit curatus, sanusque deinde evasit. Vide *Seç. I. Ann. 1. Obs. 124.* Virguncula octo annorum ab ancilla ollam præ se aquâ repletam fervente gestante in tenebris sub collo per totum pectus perfusa, & combusta curata fuit à suo Chirurgo, licet papillarum dextra curam longiorem admisit ob graviolem sui læsionem. Cum verò post aliquot annos mamma illius forariare inciperent, languidior illa reddi cœpit, de capitis nonnunquam imbecillitate conquesta. Tandem uberibus cum ætate solitam impetratis magnitudinem, convulsiones accessere epilepticæ, nec illi vel cum pretiosissimis antiepilepticis potuit subveniri, miseramque deinde vitam per quatuor lustra non amplius constans mente, duxit finitque.

que. Huic opem ferri potuisse crediderim, si causa, præcedens scilicet papillæ combustio innotuisset curanti. Papillas siquidem mammarum exquisitissimo præditas esse sensu, cuteque obtectas tenuiore, sed nonnihil rugosâ, magisque asperâ, quàm in aliis mammae partibus constat, quæ contrectatis manibus effluente spiritu subito attolluntur, mox iterum disperso eo flaccidæ subsident. Vid. *Adrian. Spiegelium in Anatomia*. Membranas verò istas, quæ cingunt cannulata papillarum foraminula, juxta cum fibrillis illa concomitantibus ab externa, & levi saltem injuriâ læsis inprimis dolere lactantes contestantur, quia ex nervea constant substantia: siquidem nervi affecti, nisi adurantur aut dissecantur, caducum semper afferre solent morbum. Sic itaque in hoc subjecto potuisse averti vel curari tristem hunc affectum, si papilla cum cauterio potentia- li fuisset ambusta, haud dubiè conjiciendum est.

## OBSERVATIO CLVI.

D. GEORGII WOLFGANGI WEDELII,  
Sanguis per Microscopium examinatus,  
ramosus.

**U**t inimitabilis sit natura artifex, nec assequi liceat, ob diversorum fermentorum & seminum differentiam, intima mixtorum centra; nihilominus tamen ars naturam imitans quo magis scrutatur, eo magis admittitur. Sanguis, sulphur vitale fluidum viventium, cohæsionis omnis in corpore materia prima, naturâ suâ viscidis, plicatilibus, unctuosus & inflammabilibus particulis excellit, lucidis superbit, easdemque spiritibus & corpori hinc reliquo suggerit. Has ergo globosâs, bullulascentes faciliè colligit intellectus. Sin oculorum fides accedat, longè certius id demonstratum habetur. Eminent præter illas & fibrosâs, quibus veluti ramis ex- porrectis gaudet, ut æquabilem his geminis potissimum debeat



formam, motum & consistentiam. Reliquæ his immensæ salinæ & velo quasi obductæ aliunde clarent, alio sensu arbitro, alio magisterio, ignis puta, oculis sistendæ.

Non ignoramus celebrioribus jamdum hæc notata scriptoribus. Liceat nihilominus oculis nostris visa exhibere, guttam sanguinis siccata curioso microscopio examinatam, amicè utrumque suppeditante Dn. M. *Gottfriedo Teubero*, Pastore Teisensi, qui suâ manu instrumentum, pro excellenti ingenio, quo pollet, & studio fabricavit. Nec de hoc dicemus, quod id ad scopum nostrum minus faciat. In præsentî figurâ ejusdem considerari merentur (1) striæ albicantes, quæ exactissimè æmulantur vasa, prout alias in parenchymatibus excurrunt & ramificantur diversimodè, (2) spatia intermedia, (*die innern Felder*) quæ exhibent partim circellos, partim globulos. Tria saltem horum examussim depicta sunt, reliquis, planè & per omne cum his convenientibus, vacuis relictis.

Proportio objecti, prout visui per se & oculo armato se repræsentat, habet se ut in Figurâ circellus A ad circulum B C D E. Dubium verò est, cui striæ albicantes debeantur causæ, an essentielles sint partes sanguinis, fibrosæ, an potius extensæ vel dilaceratæ bullulæ ejusdem, ab exiccatione præviâ, lucem extraneam admittentibus & referentibus rimulis. Quicquid horum sit, quamvis probabilius sit prius, vel saltem non casu solo istæ rimulæ lucem figurent, ipsa hinc textura sanguinis illustratur, ita dispositis particulis fibrosis, ut pro illapsu non uno tum secundum naturam, tum præter illam vasa variis modis divaricentur, & nova emergant in tumoribus.

Fig. XXXVII.

*Sanguis ramosus.*

A  
o

B

Fig: 37.

p. 324.







OBSERVATIO CLVII.

D. JOH. PAULI WURFFBAINII,

*De*

Nigredine fuliginosa in cruribus Hydro-  
picæ non Gangrænosa.

**M**Atrona quædam Vidua 48. annorum, quæ ob pietatem & modestiam omnibus se commendabat, Ann. 1681. Mens. Octobr. in Cachexiam incidit hydropicam adeò vehementem, ut pedum tumor, quem per aliquot jam annos hinc inde levem saltim observaverat, subito ultra genua ascenderit, & abdomen circa hepatis potissimum regionem, lapidis instar durum apparuerit, cum pertinacissima urinæ suppressione, adeò, ut vix tantum XXIV. horarum spatio urinæ excreverit, quantum duo capere possunt cochlearia; exhibita fuerunt Diuretica ab effectu aliàs saluberimo, decantatissima, Tincturæ nempe, pulveres, Salia, Decocta, infusa, Clareta ex cineribus ad mentem Mynsichti parata &c. sed omnia frustra, & irritò planè conatu. Confugi itaque ad Bufonum pulverem, à tot autoribus cùm summum & extremum in hydrope commendatum, & crebris, ut ajunt, experimentis comprobatum, evporiston, tanquam ad sacram aliquam anchoram, & ægræ meæ insciò grana xv. Spiritu niri dulci, (ut efficacius redderem & gratius) irrorata, sed effectu planè nullo, semper enim ob naturam procul dubio nauseabundam, subsequēbatur vomitus, nulla copiosius profluente urina, quæ paulò post simplicissimo Radic. graminis decocto liberalius non nihil provocabatur: apparuere insuper rubicundæ in cruribus maculæ, quæ sensim nigrescere videbantur, sed levi lintolæ contactu, removebantur, purulenta in foraminulis sub-  
jacentibus emanante materiâ; nihil interim ex parte mea internè, nec Chirurgi satis periti Nicolai Gringshausen / externè,  
Ss 3 quod



quod ad gravis hujus & gangrænam cum Sphacelo minantis morbi impetum infringendum facere potuit, omissum; nihilominus tamen nimia serosæ lymphæ acrimonia omnem tibiæ separabat cuticulam, & crura tumida aspera & inæqualia, non secus, ac si ex meris conglomeratis constarent glandulis, apparebant; imprimis verò globulis hisce seu rectius pustulis serosis, nigredo quædam fuliginosa toties inhærebat, quoties deligatio singulis diebus iteratò suscepta, fiebat: credidissent artis nostræ imperiti, imò jurassent, carbones in pollinem redactos, linteoli angustioris filamenti ope, fuisse inpersos; odor tamen falsuginosus, acris & urinosus quodammodo penetrans, nares adstantium adeò ferebat, ut excedentem lymphæ acridinem, verissimam horum symptomatum causam mecum agnoscerent; imò, confirmavit hanc nostram opinionem corrosivus nigredinis hujus effectus, qui linteola etiam purissima injecta, superimpositis Emplastris Defensivis, adeò penetravit, ut nec smegmate lota, nec lixivio incocta, inustam nigredinem amiserint, sed altera vice admota, post remotionem, filamentis quasi omnibus solutis & exustis, in favillam penitus conciderint: duravit nigredo hæc per tres & quod excurrit menses, & sæpè sæpiùs instantis gangræne, imò sphaceli pedissequæ ejus, non vanum certè, licet frustraneum, DEO sit Laus! iniecit metum: tandem tamen infratali regionem spontè oborta quædam vesicula perpetuam lymphæ exsudationem, produxit, sensim decrefcentibus ac evanescentibus ægræ nostræ patientissimæ viribus, ut tandem quoad inferiorem corporis regionem tumida, superiorem verò emaciata, in hoc XV. Mensium morbofo certamine, enervata occubuerit, mundanasque molestias beatitudine sempiterna commutaverit.

#### SCHOLIUM.

**N**igredo in hydropicorum cruribus certè intuscatum quid non est, sed gangræne & sphaceli scilicet, instantis mortis pluri-

plurimum nuncia: Fuliginosa tamen & non gangrænosa, rarior est, imò à paucis quod sciam descripta; non equidem nego, latuisse anguem sub herba: nimia enim urinæ suppressio, (quæ procul dubio à vasorum lymphaticorum vitio, distensione nempe ac ruptura, lymphâque aliò deductâ, ortum traxit,) sanguinis & humorum serositates adauxit, obstructions produxit, debitum partium nutrimentum declinavit, corripit, acriusque semper & corrosivum quodammodo reddidit, ita, ut facili negotio ad summum ascendere gradum, stupefactionem nempe ac corrosionem fibrosarum partium producere, & hoc modo gangrænam imò Sphacelum inducere potuisset: at, cum præmissis evacuantibus, Diaphoretica ac deobstruentia semper Diureticis maritata fuere propinata, sicque omnibus modis pororum reformatio procurata, totus mihi persuadeo, ferrosam hanc & corrosivam quodammodo materiam hoc modo (ut sic loquar) fuisse volatilifcatam ac resolutam, & quoad subtiliores suas particulas per communia hæc corporis ostiola atque spiracula sensim ac insensibiliter sub fuliginosa hac specie evaporatam ac imminutam. Obiisse autem nihilominus tandem ægram nostram quoad inferiores corporis partes tumidam superiores verò emaciatam, quid mirum? superiores enim partes lymphâ suâ tanquam summè necessario alimento privatæ, non potuerunt non viribus fractæ marcescere, inferiores verò, ab eadem lymphâ dubio procul extravasata, perpetuo inundatæ, ab officio suo recedere atque corrumpi.

OBSERVATIO CLVIII.

D. JOH. PAULI WURFFBAINII,

*De*


Admirandis Grandinis figuris.

**A**Nno 1676. d. 7. Junii cum in Oppido Reipublicæ nostræ Altdorffino, ex Academia satis claro, t. t. versarer, circa pomeridianam secundam subito congregabantur  
nubes,



nubes, quæ serenam paulo ante & sapphiream cœli faciem momentanea quâdam metamorphosi tetro quasi obvolvebant populo, proruebant è latibulis suis venti, & procellæ quicquid eis occurrebat, abripiebant secum in gyrum: hâc nonnihil effrenata ventorum ferocia cohibita, vehementi cum fragore ac strepitu, nimbosus implicato grandine cadebat imber, quæ inusitata sua magnitudine & impetu, tecta domorum latericia diffregit, fenestrarum orbitas excussit, erectas frumentorum spicas prostravit, soloque æquavit, imò proceras quoque arbores, imprimis verò Morum Horti Medici juxta hybernaculum, medias confregit: At, elapsis vix binis unius horæ quadrantibus impetuosissima hæc tempestas cessavit, coruscante denuò inter nubes & contristatam paulò ante cœli faciem exhilarante rursus Sole, non tamen disparente penitus congelata hâc, sed in crastinum usque quibusdam in locis, præsertim verò opacis, durante adhuc grandinis massa, quam Dnn. Studiosorum quidam potui, refrigerationis gratiâ injecerunt, sed omnes (referente mihi hoc haud ita pridem in Pharmacopœa Leinkiana Excell. Dn. D. Hoffmanno Seniore) quotquot illum degustarant, sat graves passionibus colicis afflicti dedere poenas, imprimis verò duo in Grandine hâc notatu erant digna, Inusitata Magnitudo & admiranda ejus Figura: Magnitudo columbinum ovum longè superabat, Figura verò varia erat, partim rotunda partim angulosa, purissimo quodam & pellucido centro lentis magnitudine, notabilis, quod glaciali quâdam massa incrustatum quasi videbatur atque obductum: collegi tunc temporis aliquot grandinis hujus massas, easque in Virorum Excell. Dn. Georgii Matth. Königii, Græcæ Linguae & Poëseos & Dn. Daniel. Guiliel. Molleri Histor. & Metaph. P. P. Fautorum meorum honoratis. præsentia perlustravi ac delineavi, quos etiam testes hîc mecum provoco oculos.

*Admirandæ Grandinis figuræ.*



*Fig: 38. p. 328.*







## SCHOLIUM.

**G**Rando cum ad Ingeniosissimi *Cartesii* mentem *Meteorolog.*  
*cap. VI. p. m. 227.* nihil aliud sit, quàm floccorum nivis à  
 caliditate aëris ambientis solutio & frigido superveniente vento  
 denuò constrictio: facile ex accuratissimi Philosophi hujus do-  
 ctrina, inusitatae jam descriptae grandinis hujus magnitudinis  
 causa & figurae ratio deducenda erit: cum enim frigidiores su-  
 perioris aëris venti levissimos nivis floccos in inferiora hæc  
 præcipitarunt, hi ab ambiente calidiore ac æstivali aëre, quem  
 permeare necesse erat, resoluti, inque aquosas planè guttulas  
 partim transmutati sunt, quos tamen frigidiores & impetuo-  
 siores oborti venti, in glaciam, pellucidam & globulosam  
 massam denuò constrinxerunt: cui quam plurimi alii descen-  
 dentes eique occurrentes licet nondum penitus liquati nivis  
 flocci adhæserunt, & ubi eam tetegerunt, planiorem nonni-  
 hil & lenticularem reddiderunt, sicque in unam congelati  
 massam molem ejus & magnitudinem adauxerunt, figura pla-  
 nè angulosa, varia ac irregulari: Cæterum de grandine juglan-  
 dis magnitudine in *Falstria d. Pentecostes A. 1647.* septem pa-  
 gorum segetes prosternebat & quatuor dierum spatium non li-  
 quescente vide *Curiosiss. Wormii Museum Lib. 1. Sect. 2. cap. 12.*  
*Grandinem 12. circiter digitorum circumferentia, imò, ovis*  
*gallarum Indicarum nihilo inferiorem, interius fulgentem,*  
*exterius lævem, Anno 1666. d. 7. Julii prope Yarmouth vehe-*  
*menti procella effusam, Societ. Reg. Anglican. communicavit*  
*D. Natanael Fairfax Act. Philos. Mens. Jun. 1667. Relat. VI. Gran-*  
*dinem in districtu Iglaviensi Moraviae trium quatuorve libra-*  
*rum pondere inventam, descripsit Excell. Dn. D. Joh. Ferdi-*  
*nand. Hertod Tartar. Mastich. Morav. Part. 1. Cap. 2.* Præprimis  
 verò annotandæ erunt grandinum illarum rarissimæ species,  
 quarum altera à *Naclero* descripta Anno 1240. Cremonæ nu-  
 cum magnitudine impressa crucis figura, facieque Christi, ad-  
 scriptis verbis **JESUS NAZARENUS**, cecidit, altera verò in re-  
 Dec. II. Annus V. T c gioni-



gionibus Septentrionalibus Anno 1395. Mens. August. humanas exhibuit facies, viriles cum barbis, muliebres verò cum peplis & cruribus, cujus mentionem fecit *Kranzius lib. 9.*

Fig. XXXVIII.

### ADDITAMENTUM.

**M**iræ quoque & variæ figuræ grandines A. 1673. d. 7. Jun. ad Legerium montem vicinaque loca ditionis Tigurinæ decidisse, digitorum nempe, avium, infantum involutorum, stellarum, crucium &c. in *Histor. Nat. Helvet. cur. pag. 376.* ex aliorum dubio procul relatione, memorat Excell. D. D. *Joh. Jacob. Wagnerus.* Ubi non rejiculum est judicium D. *Israel. Conradi in Diss. de frigore cap. 9.* quod verò interdum, scribentis, in grandine mira imagines apparere dicantur, sæpe id hominum imaginationi adscribendum, qui grandines attente inspicientes, varias in iis imagines perinde ut in nubibus concipiunt; quam figurarum varietatem ex vento & collisione guttarum jam indurescentium, vel ex casu seu concurrentia causarum per accidens oriri, cum aliis statuit. Cæterum in regionibus Septentrionalibus decidere subinde grandinem instar humani capitis, *Olaus Magnus lib. 1. cap. 22.* autore est, & Româ ab Alarico captâ grandinem octonarum circiter librarum pondus habentem delapsam esse, *Majolus in Canicularib.* narrat; atque in Gallia, Paschali Pontifice, unum grandinis frustum decidisse 12. pedum longitudine, ex *Bonfinio* constat.

[*L. Schröck, L. F.*]

OBSERVATIO CLIX.

D. JOH. PAULI WURFFBAINII,

De

p. 417.

Numismate quodam Scutellari argenteo.

**S**imile quoddam scutellare corpus, seu concavum monetæ genus ex lectione eruditiss: Scholii Excellentiss. Celsi in *Observat. VII. Decur. II. Ann. III. pag. 40.* additæ figuræ inspectione, me quoque possidere, recordatus sum, non tamen cupreum, sed argenteum, cui eadem ferè simulacra & literæ antiquiores inscriptæ videntur, nisi quod minus attritum, clarius adhuc intuentium oculis usurpari queat: placuit itaque, pace tamen Excell. Dn. Scholiastæ, & meum hunc nummum breviter descriptum Ephemerid. nostris inferere, & quantum inter se hic vel ille differant, annotare: Pars convexa Nummi mei, Matronam quandam non stantem, sed throno insidentem & complicatis quasi manibus orantem, exhibet, additis literis *MP. ΘΥ.* quâ Excell. Celsus noster rectissimè beatissimam Deiparam Virginem repræsentatam, suspicatur: Concavitas verò alterius lateris Personam quandam Regiam, Orientali habitu indutam, nullum quidem imperiale ut vulgò vocant pomum, summum Majestatis & Imperii Signum, Sceptrum tamen dextrâ, at non duplici, sed simplici tantùm cruce signatum tenentem. Hujus ad latera Angelus, quantum ex alis affictis conjicio, conspicitur, sagatus & clypeatus, dextrâ sertum seu corollam Imperatoris capiti impositam, firmans: Explicationem hujus Nummi & adscriptarum nonnihil oblitteratarum literarum accuratissimam communicavit mihi VIR Cl. Dn. *Andreas Arnoldus*, dignissimus beat. Dn. Parentis sui in Professione & Ministerio Successor, Fautor & Affinis meus pl. honorandus, cujus ipsissima verba ex literis ad me datis, hûc transcribere licebit seqq.

Tt 2

Reddo



Reddo Tibi nummum Tuum argenteum concavum, cujusmodi aurei quoque, mediæ scilicet ætatis Græcorum Imperatorum non pauci reperiuntur. Tuum verò puto me legisse: Ab una parte lego ICAAKIOC, *Isaacius*, quod nomen est Imperatoris, cui Angelus coronam vel tenet, vel imponit. Aversâ parte meo quidem iudicio legitur ΜΡ. ΘΥ. *μὴρ θεῶν*, *Mater Dei*, quæ inscriptio non est admodum obvia: Communiter enim in similibus nummis occurrit imago Salvatoris Nostri. Restat, ut me exponam, cujus Isaacii; cum duo fuerint, Isaacius Comnenus, & *Isaacius Angelus*, nummum Tuum esse arbitrer; Credo esse posterius Isaacii; nam alter ille, in regio numismate, Spathophorus imprimebatur, Imperii dignitatem propriæ virtuti & rei militaris peritiæ, non Dei benignitati tribuens. Adhæc duo argumenta, ut ita sentiam, me quàm maximè movent: Primum est tenuioris notæ argentum, quo nummus ille constat. *Argenteam monetam adulteravit &c.* scribit Nicetas Choniates Lib. 3. de Imperio Isaacii Angeli. Secundum autem est, cultus Isaacii singularis erga Divam Virginem. En Nicetam altera vice eod. Lib. 3. pro testimonio dicentem: *DEI Genitricem tanta veneratione coluit, ut ad ejus imagines, animo pene linqueretur: ideoq; plurimas auro & gemmis ornatas, in iis fanis adorandi causâ dedicavit, ubi frequentissimus erat piorum hominum concursus.* Quam ob rem igitur B. Virgo in hoc nummo cernatur, non amplius ambigo, nec juvat plura de Isaacio contulisse &c.

Confirmatur itaque Magni nostri Apollinis & Excellentissimi Celsi ex Obs. sup. citat. verissima sententia, scutellaria hæc corpora sive aurea, argentea, aut metallica sint, non Iridis esse foetum, ut fabulosè hominum vulgus credidit, sed Numismatibus antiquorum rectius annumerari.

OBSERVATIO CLX.

D. GOTHOFREDI SAMUELIS POLISII,  
Experimentum Vesicatorium cujusdam  
Judæi in dolore dentium probatis-  
simum.

**I**N Manuscriptis *Dn. D. Scharlachii*, Avi mei materni, b. m. sequens experimentum in dentium Podagrâ, uti Odontalgiam salutat *D. Strobelbergerus*, laudatissimum & propriâ ipsius experienciâ sæpius confirmatum reperi, quod in hunc modum se habet. Recipiuntur quinque cantharides, tres Allii apices & theriaca, concisa subtiliter in formam Linimenti rediguntur, postea linteolo excepta admoventur flexuræ cubiti, quo loco vena tundi solet, & quidem istius brachii, in quo latere dolores intensiores sentiuntur: relinquuntur ita, donec vesiculæ erumpant, quæ tandem in unam grandiore abeuntes aperiuntur, quâ aperturâ statim levamen certissimum sentiunt afflicti. Remedio hoc cæ quam plurimos Judæus iste curavit, & testis oculatus sæpius extitit, aliisque suasit prælaudatus *D. Scharlachius*, & quidem successu admodum felici. Meminit etiam *Platerus* in dolore dentium allii contusi carpo dextro, si dolor in latere dextro, sinistro verè, si in sinistro est, adponendi. Vid. *l. 2. Obs. p. 371. 375*. Ratio levaminis in promptu est, quia hâc ratione serum, doloris causâ, evacuatur, ruptis nimirum pustulis serosâ materiâ plenis.

SCHOLIUM.

**N**Otari hîc merentur, quæ *Ambrosius Paræus lib. 16. Chirurg. cap. 25*. de usu allii in odontalgia tradit, illud non tantum meatui auditorio immissum, tritumve manu dextra aut sinistra, prout dextri aut sinistri dentes doluerint, gestatum, dolorem sedare, ex *Mesue* referens, verum quoque sub



sub cineribus coctum, si dolenti denti imponatur, eundem  
 mox mitigare, propriâ experientiâ confirmans. Et apud *Dio-*  
*scoridem lib. 2. cap. 146.* cum thure & teda decoctum, atque in  
 ore detentum, dentium dolorem levare, legitur; ubi etiam  
 vim ejus acrem esse, & cutem exulcerare scribit. Hinc allium  
 revera attrahere, à vesiculis, quas sæpè excitat, manifestum es-  
 se, colligit *Cl. Thom. Sydenham diff. de variol. confl.* in quibus  
 itaque plantis pedum admovere id se consuevisse testatur, ad  
 materiam nempe peccantem à capite derivandam. Non enim  
 solum acri suo sale, vel, uti *Exc. D. Wedelius lib. 1. de Medica-*  
*ment. facult. sect. 2. cap. 6.* differit, acutis suis particulis cuti in-  
 fixis archæum irritando, advocat humores, eosdem fundit,  
 & poros dilatat, ut eo magis illabantur; sed etiam volatili suo  
 sale penetrantissimo, quod urinæ foetor allii esum insequens,  
 quin & fonticulorum pus odore ejus, observante *Nob. Domi-*  
*nic. de Marchettis Anatom. p. m. 98.* imbutum confirmant, re-  
 motioribus etiam in partibus serum in motu suo impeditum  
 atque coagulatum, resolvere, aut acore præternaturali dolori-  
 ficum mitigare valet. Simili ratione raphanum sylvestrem o-  
 dontalgia mederi, ex *Clar. Bartholino &c.* notum est, quo de  
*vid. Anni præced. Ephem. Observ. 90.*

[*L. Schröck, L. F.*]

#### OBSERVATIO CLXI.

#### D. GOTHOFREDI SAMUELIS POLISII, Usus Salis Ammoniaci in faucium Affecti- bus conspicuus.

**C**Hirurgus quidam antè sat multos annos hîc Franco-  
 furti ob artem suam commendatissimus in ariditate,  
 fissuris, inflammationibus & exulcerationibus faucium  
 ac linguæ Gargarismo usus est ex Aq. flor. ligustri &  
 plantag. Sir. de rosis sicc. addito pauxillo Salis Ammoniaci: hoc  
 sæpius

ſæpiùs de die prædictis faucium ægritudinibus affecti utebantur ad colluendum os & fauces: Solo autem Sirupo de roſis ſiccis, cui itidem parum Salis Ammoniacy admixtum, fauces mundabat quouſque perſtingere poterat inſtrumento huic operationi accommodo, & quidem ter de die, manè ſcilicet, à meridie, & vèſperi antè cœnam, ac ſi opus, paulò antè ſomnum. Gargarifmate hoc multum ſibi laudis paravit ob fauſtum ſucceſſum, ægrorumque optatam ſublevationem: Exterius applicuit Empl. de Meliloto, quod tutius & melius putavit aliis Cataplaſmatibus atque inunctionibus. Earundem virium meritò æſtimatur Deſtillatum Conradini ex Sale Ammoniaco ad faucium inflammationes, aliasque linguæ gutturisque moleſtias, quod tale eſt:

℞. Sempervivi q. l. Contunde ac pro ſingulis libris adjice Salis Ammoniacy ʒij. reſtone in loco humido ſubterraneo, donec Sal liquefactus ſit, poſteà aquam Ammoniaco extrahe & ſerva. S. Mundwaſſer für die Bräune.

### SCHOLIUM.

EAndem aquam ex fol. ſempervivi recent. ℥iiij. cum Salis Ammoniacy ʒjſſ. conquaſſando, atque ad ſiccitatem deſtillando, pro gargarifmo parare docuit Cl. *Joh. Helfric. Fincken not. in Agricol. pag. 178.* Imò hæc ipſa ſalis ammoniaci virtus in faucium adfectibus jamdudum etiam Auguſtanis meis cognita fuit; qui itaque non aquam tantùm è dictis duobus ſimplicibus deſtillatam, quondam pro uſu ægrotorum proſtare voluerunt, eandemque in *priorum editionum Diſpenſatoriis nonnullis* denominarunt, ſed etiam, ad faucium ac linguæ ariditatem & inflammationem tollendam, non inutilem Sirupum de ſempervivo compoſitum dictum, i. e. ex ſucco ſempervivi & ſale ammoniaco, pararunt; quæ equidem in *nupera Pharmacopœia noſtræ editione* inter medicamenta minùs uſualia ſive quæ parata proſtare haud debent, repoſuimus; hunc quidem, quòd Sirupo ſimplici quovis tempore deſiderata ſalis i-

ſtius



stius quantitas pro lubitu & exigentia facillè jungi queat: illam verò, quòd à simplici, vel ex solo sempervivo prolecta aqua haud differat, cùm à sale ammoniaco nil quidquam inter destillandum elevetur, sed integra ejus substantia in fundo remaneat intacta. Huc quoque pertinet Lapidis prunellæ præparatio, quam Nob. D. *Wedelius*, loco sulphuris, cum eodem sale in *Dec. I. Ephemer. nostr. Ann. II. Obs. 196.* instituere edocet.

[*L. Schröck, L. F.*]

### OBSERVATIO CLXII.

D. GOTHOFREDI SAMUELIS POLISH,  
Ex Obstructione Urinæ totius corporis  
intumescencia curata.

**C**omitum Mansfeldicum prædictus Avus meus ex retentione lotii toto corpore intumescens, proque hydropico habitum feliciter hoc modo restituit: usus est balneo ex lacte, herbisque emollientibus: deinde Raphanus sylvestris contusus ac in sacculo in aqua adpropriata decoctus peni pubique bis aut ter calens adpositus, unde urina copiosè effluxit, simulque calculus grandis ejectus fuit: intus tamen & nephritica exhibita fuere præsidia.

### SCHOLIUM.

**R**aphani rusticani vim nephriticam etiam *Joh. Fernelius Method. Med. lib. 5. cap. 25.* commendat, quem ut & alterum sativum renes expurgare, urinam ciere, calculos comminuere & exturbare, scribit; idem in *suo Dietet. cap. 49.* *Dav. Lipsius* effatur, & Nob. *Thom. Bartholinus Actor. Med. Hafn. Volum. 4. Obs. 39.* raphanum quemcunque incidendi vi pollere, in calculo tamen clarius istam exserere, statuit; quin & ipsi *Dioscoridi* id fuit cognitum, cui *lib. 2. de mat. Med. cap. 106.* Armo-  
racia urinam concitare dicitur. Huc referri possunt, quæ apud  
D. Her-

*D. Hermannum Grube de Arcan. Med. art. 2. cap. 2. sect. 2. de eodem habentur, in multis nempe hydropicis usum illius sibi exploratum esse, qui vel solo hoc, volatiliori sua substantia lympham illam copiosius ad ductus urinarios abripiente, pristinam recuperaverint sanitatem.*

[*L. Schröck, L. F.*]

OBSERVATIO CLXIII.

D. GOTHOFREDI SAMUELIS POLISII,  
Mictus sanguinis bufone exsiccato sublatus.

**M**ira fuit historia in conjugē cujusdam Nobilis Marchici de Sidovv observata à *D. Scharlachio*; huic scilicet post partum & etiam aliàs sanguis copiosissimè per urinas sæpiùs etiam in grumos concretus effundebatur: omnibus frustra adhibitis, cum planè debilitata esset, alligatus fuit bufo siccatus humero dextro petiæ ex sindone duplicatâ inclusus: post triduum convaluit.

SCHOLIUM.

**B**ufoni in aliis quoque sanguinis fluxibus sistendis virtutem quandam nonnulli adscribunt; id quod de hæmorrhægiarum noster Exc. *D. Eman. Kônig* in *Regn. Animal. pag. 139.* fide Pharmacopœi, scribit, qui eam ischæma quævis spernentem, bufone collo applicato se cohibuisse retulit; id quod etiam *de Medicam. cap. 10.* in *Marcello* legimus, ubi ranæ rubetæ exsiccatae particulam linteolo involutam & collo suspensam mirè prodesse, traditur. Bufonem, referente *Conr. Gesnero lib. 2. de quadrup.* sindone involutum manu tenendum dedit taliter laborantibus *Fridericus Dux Saxonæ*; imò omnem fluxum sanguinis præsentissimo remedio sistere, testimonio *Christophori Salveldensis* idem *Gesnerus* addit. Eundem in finem ossa bufonis mundata & in sindone rubro collo adpensâ contra nimium mensium fluxum laudat *D. Guern. Rolfincius Ord. & Me-*  
*Dec. II. Annus V.* Uu thod.



*rhod. Med. spec. comment. lib. 9. sect. 6. cap. 9.* Cujus rei rationem, ut cum *Gesnero* loquar, non video, nisi horror & metus sanguinem ad cogitationem de animali tam contrario naturæ hominis refugere faciat: utrum verò, si, quid linteolo contineatur, æger ignoret, superstitiosis amuletis, quo idem Autor inclinare videtur, adnumerari debeat, hæreo, dum multas medicamentorum, externo imprimis attactu tantum & inspiratione agentium, operandi modos nos latere considero. Confer. quæ hac de materia congeffit Curios. noster *D. Chr. Franc. Paullini tr. de bufone sect. 2. membr. 2. cap. 3.*

[*L. Schröck, L. F.*]

#### OBSERVATIO CLXIV.

D. GOTHOFREDI SAMUELIS POLISII,

#### Usus cucurbitularum in dolore Ischiadico.

**I**N ischiadico dolore, ubi materia in profundo hæret, præmissis præmittendis sæpius laudatus *D. Scharlachius* feliciter usus fuit primò Emplastro conveniente, & ventosis suprâ nates majusculis per tres dies singulo manè adpositis, postea cute scarificatâ Cucurbitulas adhibuit, & quidem in forma crucis hoc modo: . : . Multum indè sanguinis extractum cum

præsentaneo ægrotantis levamine. Remedium hoc postea etiam in Gonagrâ & arthritico scapularum dolore sæpius experitus fuit: instituitur verò cutis scarificatio non in balneo sed ad fornacem.

#### SCHOLIUM.

**I**Dem in morbo hoc curando antiquorum quorundam Medicorum fuit consilium; prout *Celsus lib. 4. cap. 22.* frustra adhibitis aliis remediis, *si ne sic quidem*, scribit, *fnitus dolor est, aut tumor ei accedit, incisa cute admovenda sunt cucurbitula;* pariter

pariter & *Calius Aurelianus lib. 5. chronic. cap. 2.* scarificationem adhibendam esse consulit.

[*L. Schröck, L. F.*]

OBSERVATIO CLXV.

D. GOTHOFREDI SAMUELIS POLISII,  
Dolor in Musculis femorum & tibiæ  
aliisque.

**I**N musculis interdum similis convulsioni fit dolor, cui Venæ-  
sectio interdum & Purgatio conveniunt: postea scarificatio  
circa lumbos & supra genua aut in tibiis: hinc Topica admini-  
stranda; & ab initio modicè calefacientia, ut Unguentum a-  
nodynum vel resumptivum cum oleis emollientibus ac calefaci-  
entibus, ut chamæmelino, lilior. alb. vel medullâ Cervi & Tere-  
binthinæ sive Spiritu Terebinth. Ex quibus omnibus aut ali-  
quibus cum cerâ recenti mixtis f. Unguentum. Hæc si non ju-  
vant, convenit ol. laurinum, axungia anatis, irinum, petro-  
leum, quod propter tenuitatem penetrat altissimè & discutit.  
Addi potest nonnihil Aquæ vitæ cum pulvere Castorei, Myr-  
rhæ, Aloës, Croci, Galbani, Ammoniacy in aceto dissoluti, me-  
dullæ cervinæ: Item Unguentum de Altheâ &c.

OBSERVATIO CLXVI.

D. GOTHOFREDI SAMUELIS POLISII,

*De*

Puellâ cum Hydrocephalo singulari in  
lucem editâ.

**M**ulier quædam plebeja trans Oderam habitans, con-  
sistentis ferè ætatis & benè habita, multæque jam, &  
antebiennium geminæ prolis mater, denuò impræ-  
gnata, partu admodum difficili, infantem foemel-

Uu 2

lam



lam vivam d. 7. August. hujus 1686. anni enititur : adspectu  
verò monstrofi fermè capitis perterrita misella, quid agendum,  
hæret : lac itaque maternum cum ob vitiosam oris constitutio-  
nem fugere non posset, per vices de die beneficio cochlearis ce-  
revisiæ faucibus guttatim instillavit mater, quo alimento per  
septem hebdomadas sustentata fuit infans, donec 25. Septembr.  
deficiente nutritione, sub diluculum exspiraret. Hanc naturæ  
~~παθήσασιν~~ ut accuratius lustraremus, eodem die instituta fuit  
capitis apertio, profectore Nobilissimo, Amplissimo atque  
Excellentissimo Viro, *Dn. Irenæo Vehrio*, Med. Doct. & Prof.  
Publ. Celeberrimo, Sereniss. & Potentiss. Electoris Branden-  
burgici Archiatro gravissimo, Facult. Med. p. t. Decano Specta-  
bili, Fautore, Adfine ac Compatri meo honoratissimo : se-  
quentia verò tunc à nobis notata & observata fuerunt. Erat sci-  
licet puellæ cetera corporis probè formatæ *Facies* quâ mentum  
quâ genas minimè deformis, ast reliqua supremi ventris mem-  
bra pleraque inconcinna, & à naturali constitutione abeun-  
tia : nempe os propter labium superius aliquantò brevius & gin-  
givis arctius adnatum, quodammodò distortum & ad fuctio-  
nem ineptum. *Nasus* justò & planior, ut *dorsum globulusq;* pa-  
rum à genis exurgerent, & latior, ut *nares* magis hiantes vide-  
rentur : ex quarum dextrâ *tuberculum* quoddam *album* & *ro-*  
*tundum*, pisi majoris magnitudine emergebat, quod Polypum  
primo intuitu referebat, sed postea ~~expositis~~ quædam cutanea tan-  
tum fuisse visum est. *Oculi* majore ab invicem intervallo sejun-  
cti, iidemque intrâ orbitas suas altius reconditi conspicieban-  
tur : & *sinister* quidem profundius situs, palpebrisque, nisi  
spectatorum manibus istæ diducerentur, semper opertus; u-  
terque tamen quâ globum adeoque & album & nigrum, *Pu-*  
*pillam* & *Iridem*, non malè conformatus deprehendebatur.  
*Frons* nulla, nec *Vertex*, nec *Tempora* satis elata erant. Eorum  
verò loco *Tumor ingens* sese conspectui offerebat, quem *Mam-*  
*misformem* dicere, propter insignem cum mammâ turgidâ con-  
venientiam, liceat. Erat enim *mollis*, *cute laevi ac nitidâ ve-*  
*stitus*,

stitus, vasorumq; sanguiferorum ductibus quibusdam sub cute decurrentibus distinctus, & versus anteriora ad nares usque propendens, ut cum tuberculo antè dicto è narium dextra emergente, mammam pendulam papillâ instructam egregiè mentiretur. In occipite breviori cervici subnixo & capillis quibusdam nigricantibus consperso, major soliditas advertebatur, & substratorum ibidem integumentis ossium solidiorum fidem Tactus faciebat. Confirmabat idem Visus, cum Tumorem illum: qui à nativitate aliquantum auctus, & paulò ante obitum quodammodò pellucidus adparebat, instrumentis tentaremus. Detractâ enim providè cute, *Membranam translucen-*tem, per quam vasa quaedam sanguifera oberrabant inflatæ instar vesicæ suillæ tumentem invenimus: Ea in summo (ubi processum quasi quendam ovi minoris magnitudine habebat) simplex atque firmior, in partibus verò inferioribus duplex: atque ex Meninge duriore & Pericranio originem traxisse visa est: quâ aperta, copiosa aqua limpida parùm flavescens ad lbj effluxit. Eam postquam patellâ excepissemus, membranamque cruciatâ, quam vocant, sectione divisissemus, *Cerebrum* sese obtulit, quod mediis hactenus in undis quasi fluctuabat; *Meninge* quidem tenui vestitum, sed quæ solito densior atque in *ventriculis* admodum laxis potissimum talis observabatur. Inclinabat verò hujus moles versus posticum, nec minus *Cerebellum* sub eâ post medullæ spinalis principium totum delitescibat, unde *Nervi* tam optici quàm ceteri ab origine sua ad insertionis usque locum productiores quàm aliàs cernebantur. Inter *Ossa Cranii* ea quæ *Bregmatis* seu *Verticis* dicuntur, situm suum ita mutaverant, ut versus occiput reclinata & erecta quasi starent, superius hiatu quodam, qui aliàs in infantibus ad *ῥήγματος* sive Fontanellæ constitutionem concurrat, divulsa. Os verò *Occipitis* seu *Basillare* iisdem substans altius in Cervicem descendebat; unde *vertebræ Colli* antrorsum cedere coactæ fauces angustiores reddiderant, adeò ut *Uvula* in iisdem ægrè & non nisi dissectis ad aures usque buccis conspiceretur. Quam inter alias causam



fuisse difficilis deglutitionis (nam non nisi guttatim instillata fuit ex cochleari cerevisia & quidem non sine suffocationis periculo) existimare licebit. *Frontis*, quod aliqui *inverecundum* alii *Coronale* vocant, *os* planè deerat, indeque ab *Ephippio* sive *sella Equina* planum & paulisper convexum os, quod in medio aliqua ossis *cribriformis* & *cristati* vestigia ostendebat, *Basin Cranii* in parte antica constituebat. Formatum hoc modo cranium libenter servassemus, nisi obsterisset parentum pertinacia: quare cum delineandum Pictori offerri non potuerit, rudi non penicillo sed calamo adumbratam exhibere placuit notabilem illam ossium compagem, quam talem quidem contigisse ob Hydrocephalum (quacunque de causa) ante ipsorum solidationem in utero, crassam inter tenuemque meningem obortum, atque adeò accumulatis sensim sub dura Matre & Pericranio aquis, & distentis earum impetu tum his tum cutaneis integumentis, monstrosum infantis caput evasisse, minimè ambigendum.

## Fig. XXXIX.

- aa* Ossa bregmatis.
- b* Os occipitis cerebelli latibulum.
- c* Foramen medullam spinalem transmittens.
- d* Sella equina.
- e* Os planum basin cranii in parte antica constituens.
- f* Papilliformis excrementa è dextra narium prominens.

## OBSERVATIO CLXVII.

D. GEORGII HANNÆI,

## Graviditas frustrata.

**I**N hac Patria mea vivit Puella, nondum viginti annos nata, sed Pamphili, nescio cujus, compressu gravida, jam ante biennium, facta. Hæc, circa Festum Martini, Anni 1684. observavit in alvo sua volutari globosum corpus, magnitudine pomi

Fig: 39. p. 342







ne pomi decumani. Quatuor ante Paschatos Festum septimanas, Anno 1685. quasi in furias acta, delirare coepit; cui delirio prælusit quotidie insignis membrorum tremor, & feralis coarctatio cordis. Quamdiu omnibus contremuit artubus, obsurduere interdum ἀννοία aures, modò obriguit ἀφωρία lingua; tandem obdormivit, atque è sopore evigilans, levatam vim morbi sensit. Rediit nihilominus hic intestinus hostis indies, & è novis contumacior surrexit insidiis. Interea pendet Natura inexpectatum lunare tributum, novem ante Pascha diebus, ipsâ autem Feriâ secundâ, postquam intolerabilis totius corporis pruritus monuisset aliquid monstriali, factus est maximus aquarum (quales profundunt parturientes) æstus; insequentibus actutum intensissimis doloribus, per integros novem dies, adeò molestis, ut nulla essent perceptæ nuperrimæ titillationis, vel gaudia, vel tædia, si cum his compararentur Lucinæ torturis. Neque tamen sua levata est sarcina infelix ista; sed coepit ab eo tempore liberiùs respirare, nisi quod cataleptica videretur, quoties ingruebant de novo superiùs nominata capiti atque cordi inimica symptomata. Tandem visa est sibi valere rectiùs, septimanas decem, eoquē temporis tractu menstruis bis levatâ est muliebribus. Elapsis hebdomadibus hisce, rediit quodam die cursus menstruus, & proxima luce fudit novum laticem amnios, per novem dies continuos; sed nullus veridicus, sive Foetus, sive Molæ, consecutus est exitus, quin potiùs, soporatis doloribus, detumuerit venter, quasi re bene gesta. Quamvis autem suas jam servant periodos menses; nihilominus tamen hæret hodiernum odiosus hic hospes in utero, neque Matris, neque Virginis.



## OBSERVATIO CLXVIII.

D. GEORGII HANNÆI,

## Desperatus ascites curatus.

**D**E quodam me legisse memini, quem Manibus dedecrat hydropes comitata febris, quod per ignem & aquam transferit in æternæ vitæ refrigerium. Verum, & de hac ipsa via, & de hac ipsa meta moderatius sentire convenit; cum illac eatur, unde nemini redire contigit. Nec est, quod sanis hos excipiamus morbos, qui tam dubia spe victoriæ Pharmacis sese opponunt sæpius, ut alter, à multis inde usque sæculis, Medicorum audiverit scandalum. Et quid non audet Ascites? ut fileatur nunc Tympanites, & Anasarca. Certe, nisi maturè huic torrenti eatur obviam; latissimè evagandi sibi viam faciet, omnesque, præter solos à Morta præfixos, tandem vel conveller, vel transiliet limites. Descripsi ante aliquot Annos, raram monstrosi Ascitis Historiam, *Act. Med. Hassniens. Vol. 5. Observ. 13. p. 32.* non nisi ipsa morte acerbissima terminatam; nunc lætiores proponam desperati Ascitis catastrophes. Militem tenuioris sortis, sed tenuissimæ valerudinis, oppresserat ante biennium, è variis in diætâ commissis erroribus, gravissimus Ascites; qui, partim neglectus, partim malè tractatus, ipsum capulo vicinum constituit. Aderant symptomata atrociùs sævientia, totius corporis summa lassitudo, vigilès noctes, appetitus prostratus, asthma molestissimum, sitis intoleranda, quam nisi gelidâ restinguere non potuit aqua, hinc tantum accreverat, simul cum pedibus & femoribus prætumidus venter, ut à metu formidandæ rupturæ nunquam securus esset, tutus nunquam. Huic, re miserò, exspectatione multò miseriori, sanitatem, Deo gloria! perfectè restitui, solis hisce medicamentis, cum encomio memorandis non solum, ut Nobilissimis Auctoribus sua deferatur laus meritissima; verum etiam, ut Excellentissimi *Oribasii* observatu dignissimo satisfiat

tis fiat voto, quô, in *Ephemeridum Nostrarum Tom. ult. Obs. 156. p. 292.* Illustres Naturæ Curiosos obtestatur, ut Observationes Præcticas à Nobiliss. Collegis communicatas, data in eam rem occasione, periclitentur, atque, ubi aut similia observare, aut effectus dexter contigit, suo easdem testimonio roborare non graventur. Cyathum vino repletum, cui comæ absinthii & baccæ Juniperi infusæ erant, ductu Nobilissimi Helianthi, *Ephemerid. Curios. Decur. I. Ann. IX. & X. Obs. 18. p. 63.* manè acque vesperi hausit quotidie miles, fractus membra dolore; addendo, quavis vice, guttas viginti quinque Essentiæ Alexipharmacæ Excellentissimi *Thesæi*, descriptæ, *Method. Balf. Corp. Hum. pag. 192.* Ubi his paucas septimanas usus fuisset, evanuit auspiciatò imperuosus iste, unà cum tot rivis, profluens, nec vel tenuissimum sui stagni reliquit vestigium. Vivit hodiè quovis pisce sanior, mihiq; ante biduum lætabundus occurrens, gratias denuò egit amplissimas. Salutarem horum Medicaminum usum expertus sum aliquoties in scorbutico-hydro-picis; qui omnes enatavere salvi, nisi quoties operam eluserit accedens tussis, tristissimum in Ascite signum, & quasi ultimæ fecialis horæ.

OBSERVATIO CLXIX.  
D. GEORGII HANNÆI,  
Vermes Epidemii.

**P**lures, unô Annô, non memini me observasse verminantes, quàm hoc ipsô; quô plurimorum latibulis intestinos hosce excussos vidi nebulones, etiam, vel præter omnem ipsorum hospitem expectationem. Alios, quævis potius metuentes, deseruerunt hæ bestiæ; quosdam morbis exagitados aliis, usus Medicamentorum, licet non anthelminthicorum, expedit, Vermes foràs ejicientium præcipites, alios neci dederunt præproperè bestiolar. Imò nec pueris modò, aut junioribus, insidiati sunt; sed & adultorum subiere

Dec. II. Annus V.

Xx

viscera;



viscera; neque sine manifesto putredinis argumento, neque sine malignorum (quos DEUS avertat!) morborum præsa-  
gio. Hæret mihi adhuc in recenti memoria Virgo, proximi-  
s diebus canicularibus meæ curæ commissa. Hæc ultra An-  
num morbida fuerat, & ultra bimestre spatium clinica, tot  
circumsepta molestiis, ut se fascino incantatam, & ipsa assere-  
ret, & crederent Parentes. Accitus, audiivi conquerentem  
ægrotam de prostratis viribus, & languore totius corporis, de  
cephalalgia, cardialgia, & palpitatione cordis difficili, de  
vaga febricula, doloribus hystericis, & molestissima intesti-  
norum (licet quietissimè decumberet) agitatione; qui tre-  
mulus viscerum concussus, ut aliis incantamenti suspensionem  
dederat; ita mihi indicium præbuit minimè obscurum (quam-  
vis antea nunquam observatum) vermium, intra cuniculo-  
sos anfractus reptantium. Hos autem egregiè debellabant  
convenientia Pharmaca, debellatos eliminavere repetita Ca-  
thartica, Mercurio dulci stimolata, sed in limosam ac foeti-  
dissimam resolutos (unicò, insignis magnitudinis, exceptò)  
putredinem, in patrociana sella ad stuporem usque ferment-  
escentem. Atque ita cardiaco - hystericis Decoctum Chi-  
næ interpolans, ante Septembris exitum, suo iudicio deplo-  
ratam, Numine fortunante, servavi Virginem.

Ipse quoque vidi, ante quinquennium, & fati eripui  
puellulam, factam è vermibus & cœcam & mutam cujus hec  
dabo Historiam, cum publico eandem promiserim, in meæ  
*Aphonologia Cap. IV. §. 4. pag. 34.*

## OBSERVATIO CLXX.

D. GEORGII HANNÆI,

## E Vermibus cæca &amp; muta restituta.

**Q**UADRIMULA Civis Othinienfis Filiola, jam biduum im-  
modico effervescent calore, corpus summoperè con-  
torfit; imò, nec ore ejulatus, nec palpebris lacrymas  
comprimere valens, faciem & obvia corpusculi sui  
membra

membra unguibus, præ dolore gravissimo, laceravit miserè. Dum his defungitur inofficios officiis, variaque alienatæ mentis signa ostendit, destituit misellam & Visus & Sermo! unde, vivam, infra mortuos jam demandatam, filiam, videns Pater, similiq̃ue ante paucos Annos confestim extinctæ filiæ exemplo perterrefactus, secundâ noctis me consuluit vigilia, desperationis plenissimus, & tyrannidem Dæmonis plenis buccis incusat. Quod autem diabolo imputavit Pater, ego vermicibus adscripsi. Quibus per anthelminthica debitè oppugnatis, rediit ab exilio loquela, circa proximi diei vesperam; tertii autem diei auroram suis lætabunda vidit oculis. Febrim postea Spiritu Cornu Cervi abegi; quò etiam verminantium puerulorum febres sæpiùs sustuli.

OBSERVATIO CLXXI.

D. GEORGII HANNÆI,

*Petechiis Agonizans reviviscens.*

**G**raſſabantur hinc & inde apud nos hac Æſtate Petechiæ, quibus etiam correpta eſt Generoſa Heroïna, jam ultra decennium valetudine parum firma. Hæc, ſub initium morbi, alium conſuluerat Medicum, qui nihil intentatum reliquit, quò hoc in herba ſupprimeret malum; ſed adeò refractarium erat, ut contra Medentem recalcitraret effrænatiſſimum. Ego primùm vocor, octavò decubitùs die, quò Illuſtri Marito ſupremum Vale dixerat. Adveniens circa ſecundam pomeridianam, non intromittebar ante ſextam veſpertina, quoniam omnia conclamata nuntiaret moeſtiſſimus Heros, ægramq̃ue, ſic ipſâ jubente, ferali jam tum indutam ſupparo. Horâ ſextâ veſpertinâ, in ipſiſſimo Plenilunio, ingreſcente uſque ad terrorem adſtantium morbo, primùm admiſſus, ipſam graviffimè delirantem, (leviter autem à primis ſtatim deliraverat diebus,) & verè agonizantem

Xx 2                      offendi.



offendi. Vigiliæ continuæ fuerant, & alvus adstricta nunc, pulsus nullus erat, extrema frigida, Petechiæ retrocesserant planissimè. Ego me libentissimè subtraxissem huic, inter tot vortices immensum quantum periclitanti Dominæ; nî suavis Perillustris Mariti, Nobilissimorumque Amicorum petitionibus devictus, passus fuisset me ad opem dubiam afflictissimæ ferendam exorari. Illa, cor refocillante medicamento actutum recreata, cœpit ad se redire aliquantulum, & mediocria nos jussit sperare; sed post binas horas, novas nobis curas injecit nova defectio animi, quasi supremum intentura ictum; è qua iterum excitata, assuetum continuavit delirium. Mox id totus agere cœpi, ut Naturæ succurrens, Petechias, si fieri posset, expellerem; quod eadem nocte, Coelo connivente, tam feliciter successit, ut evigilantis, circa octavam matutinam sequentis diei, pectus atque brachia ex rubrò liventibus picta essent maculis. Ab eo tempore non destiti contra lernæam hancce Hydram Bezoardicis velitari & Alexipharmacis, singulaque ad Methodum medendi facere sollicitius, ut, remotis lœlerti cûra tot obstaculis, aurea rediret Sanitas, quàm antea speraverat nemo. Lentissimè placabatur Caput, nec ante duodecimum, post meum adventum, diem, laqueis delirii se plenius explicavit; quia alvus ignavior sui diutissimè obliviscebatur officii, nisi vel Clysteribus admonita, vel Turundis, neque pudore salvo testari licet, quàm impuri halitus, meliore fortuna dignum, impeterent caput, ipsi sese prodentes turpiter foetore mephitico, quoties ex insperato concrepuisset posticum. Revaluit nihilominus, imò revixit, Deo fortunante, Generosa Heroïna! nobis documentum datura Miraculorum, quæ in Medicina subinde contingunt.

OBSERVATIO CLXXII.

D. GEORGII HANNÆI,

*Virulenta Gonorrhœa sanata.*

**I**nter illa spolia, quæ, stipendii locò, cedunt in castris illicitæ Veneris sordidulè militantibus, primum ferè locum suo merito obtinet Gonorrhœa virulenta pessimæ notæ moneta. E tali prælio inglorius discedens Vir satis robustus, postquam ad inguinatum plus satis incaluisset focum, aquas Hygiæ medicatus (quas è Chirurgorum pumice, jam undecim septimanas frustra elicere aliquoties tentaverat) anhelus sitiens, me, hócannò, consuluit. Verùm, quantum me exercuerit pertinax istud malum, cum quo conflictabatur hicce luis Venereæ candidatus, scribere nolo. Heic urgente, moram impatientius ferente, ægroto; atque illic obstante, flecti nescio, morbo. Ad normam Artis nostræ rebellem tractavi, & tributum ubique imperans, jussi, ut, primùm Decocto Lignorum, sudorem; inde, Cathartico, eluviem; tum, Chirurgico scalpello, sanguinem, penderet. Sed laterem lavi! Perrexi ab his, ad ea, quæ acido-acres temperarent humores, sed enormem moderari non potui fluxum, nec flavescens ejus, vel cantillum, immutare colorem! Subjunxi blandè astringentia, Terebinthinata, sepiæ ossa; & per siphunculum Chirurgi demulcentia membro illi, quo Vir fuit, sæpius injicienda curavi. Sed multum movens, nihil promovi! Ego, sine rædio, eandem hanc remeteri viam cœpi, ut curam absolverem tutiùs, & tandem flavens magma in liquorem dilutum, eumque albicantem, converti. Ubi tantum profecissem, foro utendum ratus, fugienti acriùs instare cœpi, quovis mane septem devorandas suadens è Pilulis hisce Riverianis: *R. Gummi Arab. Tragac. Succin. præpar. Alumin. Bol. Armen. āā 3j. pulveris. M. & cum Syrup. de Ros. siccis, f. Pilul. N. 150. & quavis vespera 3ß. sequentis Pulveris, in Aqua Bursæ pastoris.* *R. Flor. Rosar. rubr. 3j. Herb.*  
*Xx 3* *Menth.*



Menth. sicc. ʒiij. Semin. Lactuc. ʒij. Agn. cast. Rut. Rad. Ir. florent. Corall. rubr. præpar. Succin. alb. præpar. Hæmatit. Mum. ʒā ʒj. Sacch. alb. ʒij. incis. & contus. M. f. Pulvis. Atque ita profuerunt in tantum hæc Medicamenta, ut fluxus remiserit interdiu. Verùm, ubi his assuevisset aliquamdiu natura, solitam ostentavit contumaciam, atque in flavedinem degeneravit iterum materia peccans. Tandem venit mihi in mentem infusum Cantharidum, cujus usum in Gonorrhœa virulenta, à Divo & Illustri *Bartholino*, maximè commendari, ipsèmet olim præsens audiveram. Paravi itaque hoc Infusum, eòdem modò, quò illud descripsit maximus hic meus Præceptor, *Histor. Anatomic. Cent. 5. Observ. 82. p. 160.* Scrupulo uni integrarum Cantharidum (sic enim sumendas jusserat laudatus Apollo, cum partes exteriores sint corpusculo ipsarum magis innocentes, ideoque retinendæ sunt, quoties intrinsecus vocabuntur in usum, sed rejiciendæ in vesicatoriis, ne vesiculis excitandis moras nectant) pulveratarum affudi uncias quatuor Spiritus Vini atque post aliquot dies, per chartam bibulam colavi. Percolati cochlearia duo quatuordecim Vini immiscui; & jussi, ut ex hac Mixtura biberet primo die, unum, alterò bina, tertio & sequuturis, quotidie tria cochlearia. Paruit, cum tam felici successu, ut ambo lætaremur! ego, de curatione prospera; ille, de sanitate desiderata. Generosum remedium est, nec recentem patietur inveterascere Gonorrhœam virulentam.

## OBSERVATIO CLXXIII.

D. GEORGII HANNÆI,

## Secundina retenta, insperatò exclusa.

**P**Rimaria hujus urbis Foemina, Pharmacopœi uxor, circa mediam noctem ante diem Lunæ, quarti Octobris, peperit Filium grandiusculum, enixu felici; sed restitabat Secundina, lateribus uteri obstinatè adhærescens; ne verò sui officii curam abjecisse videretur obstetrix, residuam umbilici in-

ci infantis partem femori parturientis alligavit. Advocatur, post aliquot horas, alia obstetrix, quæ tamen secundinas prolicere non potuit; verùm, quod deterius fuit, prominenter extra uteri valvas detraxit funiculum, atque ita miseram Matrem metæ æternitatis propiùs astituit. Cùm jam omnis spes vitæ decollasset, consuluntur bini in hac Urbe Experientissimi Medici, qui sociam ultrò contulerunt operam, ut optimam liberarent Matronam, fotibus & litibus demulcentes ventrem (pellentia enim interna ægerrimè tulerunt justò liberius fluitantia lochia) at res ex voto succedere noluit. Interea dum suam repurgat sentinam Fluonia, urgent sæpissimè, cum siti intensissima deliquia animi, grassantium per membra cruciatuum testes, & ipsissimæ mortis anteambulones. Ita trahebatur molestissimè totus dies; sed adhuc molestius nox insequens, inter semitertiatos somnos, & malè cohærentia exigebatur deliria. Ibat nox in diem Martis! sed sine melioris ominis præfagio. Diescit lucidiùs! sed nubilant domum atratæ Parcæ. At jam meridiari cœptum est; cùm, ecce! Lucina Saturnia (quasi, tot votis, tot suppliciis, commitigata) uterinum illud Hepar eructat integrum, quod hactenus retinuerat invidiosè, integras triginta sex horas. Fit magnus actutum congratulantium Amicorum applausus, vitam & sanitatem afflictissimæ promittentium, licèt amiciùs, quàm veriùs. Vix enim benè levata fuerat hoc onere, cùm horror febrilis atrocius concuteret delassatum corpus, quem postea ulcisceretur æstus vehementior. Atque his febrilibus torrebatur ignibus commiseratione dignissima Puerpera, donec Jovis dies advesperascens lethæis eisdem exstingueret aquis.



## OBSERVATIO CLXXIV.

D. GEORGII HANNÆI,

Mater, Infantis mortui vivum sepulchrum.

**H**istoriam proponam, fidem penè excedentem, & tamen verissimam. Mulier, Kirstina Georgii, quæ ante octo annos nupserat militi, post unum Abortum, uterum denuò ferre cœpit. Primis post conceptionem septimanis, gravissimè laborabat, lecto affixa; sed tamen has molestias forti animo superavit tandem, redeunte postliminio sanitate. Trudit sine tumultu dies diem, mensem mensis; usque dum moveri primulùm cœpisset Embryo, integris septimanis, à primò motus termino, octodecim, benè vegetus. Illuxit primus Maji, Anni, 1680. quò, parum firmæ valetudinis signa edere cœpit Infantulus, matre de veneficio magico nimio opere sollicita. Secunda verò post Festum Michaëlis septimana tristiùs laborans pusio, insolentiùs se jactare cœpit, totum corpus in globum complicare, iterumque contorta ferociùs explicare membra; atque tam horrendos immaturæ suæ morti impendere lessus, ut matri fermè unà fuisset occidendum. Illa intolerabilibus viscerum lancinationibus & distortionibus miserè excarnificata, obstetricem vocavit; sed opem ipsius elusit Pertunda, in longum sui ludibrium ærumnosam reservatura. Interim rediit afflictissimæ in circulum Mensis, qui (à sâtu decimus) partus tempus adessè monuit! Ad recidentibus in vanum conatibus omnibus, iners truncus jacuit foetus, neque carceres mordere valuit, utut in caput constitutus, jam ultra mensem mortuus. Nihilo tamen seciùs immolabantur Junoni purgamenta convenientia, sâtis copiosè; neque lac suis comprimabant mammæ papillis, sed ultra bimestre spatium fundebant prodigè. Pacatis seriùs his tempestatibus, ni-  
miùm

miū impetuosius; effloruit per totum miseræ Matris corpus  
fera scabies, in pustulas abiens majusculas, tam acri, tam mor-  
daci, repletas sero, ut, hoc exsudans, vicina denuò excoriaret  
loca, donec saniosis ulceribus malefidam superindueret cru-  
stam foedissima eschara. Ubi mensibus pluribus se ita deferve-  
scendō exonerasset irritatus Archeus, aliquantulum detumuit  
foetus venter. Remanebat tamen intra claustra alvi maternæ  
cadaver! Et ubi carnem induerat, invitante Naturâ, ibi ean-  
dem exuebat, stupente Natura! Gestavit hunc foetum infau-  
stum Mater infelicissima, olim carnibus vestitum & cute, nunc  
iisdem planè nudatum, ultra Sexennium integrum, & gestat  
adhuc! ipsâque ossa, satis cohærentia, mihi hodiè palpanda ob-  
tulit intra vivum sui ventris Sepulchrum, à putredine adeò li-  
bera, ut, sollicita manu explorata debitam ostenderint soli-  
ditatem osseam. Tyrannidem Mezentii detestamur meritò,  
qui viva demortuis alligabat corpora, quò lentius exstingue-  
rentur atque crudelius! Sed vicit longè istam truculentam fors  
hujus mulierculæ asperrima; cujus viscera, propriæ sobolis  
sunt, non modò mortis, sed & tumuli perpetui conscia. Ha-  
bet tamen, quò gloriatur hoc Sepulchrum, & vel Mausoléo  
se præferat! quod, dum proli se substernens defunctæ, excipe-  
ret tabum profluum (incertum! imò dubium! per quas iterum  
vias rejectum) Matrem ad umbras non amandaverit unâ, vi-  
ventium ereptam coetui. Illa enim salva hodiernum degit, solâ  
Clementiâ Superum! in tanto naufragio, pluribus, quàm  
modò recensitis, nondum jactata turbinibus. Quod quidem  
humanam excederet fidem, nec ego hoc unquam credidissem,  
nisi ipsamet de singulis à me interrogata momentis, hæc jure ju-  
rando sanctè affirmâset. Jam quinque annos præstò sunt, ad  
terminos à Natura præstitutos, Menses, licet parcius fluentes.  
Verum, circa hæc tempora gravius affligitur, sentiens mani-  
festè, capiti innixum *Σκέλετον* inferius se tunc demergere. Cæ-  
terà sana est, jam quadragenario major, nisi quod tumescere  
non desierit venter prominulus. Nunc Othiniæ divertitur,



cum suo Marito; quod si autem heic moreretur; id agerem, ut per me rescicerent Curiosi, quicquid in hac causa jam restat, ab ipsa discendum extispicina.

## OBSERVATIO CLXXV.

D. GEORGII HANNÆI,

## Ovum Hydropicum.

**G**Allina, Auguribus digna, admodum pinguis, ventrem habuit monstrosæ magnitudinis, & ad terram penè dependentem. Destinata culinæ, jugulatur, depulmatur, exenteratur. Exemptis cum ventriculo intestinis, coqua, quem intra alvum videret tumorem, nescia, Gallinam ad me defert. Hanc cum fidissem, video Ovum decumanum, sed sine cortice, hinc inde volubile, quod ovario innumeris ovulis referto, per fibram annectebatur firmius. Secui ligamentum, & exemptum lustravi Ovum; at ne levissimum vitelli in eo cernere licuit vestigium, sed aquâ repletum erat, eâque non limpidâ, verum grumis referta. Ne autem hic liquor, nondum satis exploratus, diffunderet, coquere decrevi hoc monstrum, suâ magnitudine pyrum volemum provocans, & ℥v. cum ℥ij. pendens. Coctum (ovo, in gallina adhuc latitanti, necdum incrustato, exterius quàm simillimum) exhibuit interiùs gelatinam flavidam, substantiam colostri exactè referentem. Asservavi hoc, quamdiu per foetorem porui, illudque suo sero tandem innatare vidi, quasi reditum in prima sui principia.

[Othiniâ 1686. d. 29. Dec. Augustam missæ.]

OBSERVATIO CLXXVI.  
D. JOH. CONRADI PEYERI,

De

## Rete mirabili.

**Q**Uam eximium vitæ usum arteriæ præstent, omnes norunt, quotquot animalium structuram ex anatomico cognitam habent atque perspectam. Illæ namque amplissimis initiis à corde in singula feruntur membra, ut non vitalem modo spiritum, sed etiam sanguinem ipsum assiduo pulsu distribuunt. Arteriarum itaque multiplex ac propemodum infinita reperitur divisio. Nulla tamen perinde notabilis est, atque illa propter glandulam, ut vocant, pituitariam sub cerebro, quæ rete mirabile constituit. Neminem verò novimus, qui id penitissimè descripserit. Est enim perquam intricata res & explicatu difficilis, quippe osseis quoque impedimentis abscondita, ut vel exercitatissimos interdum eludat fallatque. Creditum id etiam priscis scriptoribus, quæ causâ videtur, cur rete mirabile dicerent. *Galenus* equidem magnam adhibuit diligentiam, ut hoc quod appellat, naturæ miraculum exponeret, primusque censetur de illius fabrica & usu disertè locutus. Nec posteriores autores plura tradiderunt, quam à *Galeno* acceperant, ut multos arbitrer de rete mirabili scripsisse, etiam si id nunquam adspexerint. Erravit autem *Galenus*, quod homini attribuerit, quæ in brutis tantum repererat, pariterque hallucinati sunt, quicunque vitula ista ararunt. Constat enim in homine rete mirabile non exstare, quicquid *Riolanus* aliique contendunt, ac ad defendendum *Galeni* errorem moliantur. Quamobrem labat etiam magnificus ille & decantatus usus, præparandi aut generandi animales spiritus, quoniam ratio nequit ulla excogitari, quare princeps animalium homo tam utili & necessaria constructione destituatur, quem omnes judicant præstantissimis esse spiritibus uber-



rimè instructum. Major autem difficultas exinde percipitur, quod eo careat etiam pars maxima brutorum. Imò nostra observatione quæ in his rete mirabili sunt prædita, ea cæteris ferè putantur stupidiora. Ex quo manifestum est, rete mirabile ad spirituum generationem nihil omninò conferre, aliterque sentiendum esse de illius usu, quam hætenus plerique statuerunt. Quapropter cum nihilominus admirabilis ac prorsus singularis pulcerrimaque semper mihi videretur textura concinnitas, quam in hac anatomiae perfectione nefas esset aspernari aut negligere, nec commodi cujusdam gratia à Deo constructam credere, egregium doctissimumque Virum *Johannem Jacobum Mejerum*, Medicinæ Candidatum, civem meum & antehac discipulum hortatus sum, ut argumentum istud peculiari dissertatione illustrandum susciperet. Neque operi deest successus, quandoquidem variis experimentis ac potissimum liquatæ ceræ rubræ inductionibus mirabile hoc rete adeò extricaverimus, ut nihil amplius lateat structuræ, & iconibus jam multò elegantius atque distinctius, quam à *Willisio* & *Vassantio* factum, possit repræsentari. Antequam verò ederetur opella, naturæ Curiosos instituti certiores facere volumus, insuperque rogare, si quas fortè observationes hac de re comparuerint peculiare, eas benevolè dignentur nobiscum communicare. Gratissima erit certè officii memoria, & quanto majus ornamentum alii addiderint, tanto insignior fiet ipsorum gloriæ accessio. Cæterum ut de usu obiter quædam attingam, non penitus displicet illorum sententia, qui ad infringendum sanguinis motum rete compositum esse existimant. Evidenter enim apparet simplici, & ampla, rectaque via faciliorem ac expeditiorem esse cursum, quam multiplici, angusta, & tortuosa. Verumtamen ut de his nemo dubitet, anceps adhuc causa videtur, quare hic frangendus fuerit sanguinis impetus. Ajunt aliqui, caveri apposite, quorum animalium prona sunt capita, ne cerebrum sanguine obruatur. Sed vix sufficit ista ratio, quia perpetua non est. Dantur etenim

nim quadrupedes retis mirabilis exsortes, ut equi, proclivi licet & demisso in terram capite nihilominus incolumes. Nec equi tantum, sed etiam canes felesque, ut propterea mireris illos à *Willisso* rete præditos dici. Nam à diligenti examine non reperimus; sed canibus arteria carotis interna simpliciter dividitur in duos ramos, brevi iterum coalescentes in unum, antequam perveniant ad cerebrum, & ramorum alter peculiari specu osseo reconditus in torquetur duntaxat, ac velut replicatur in nodum, nulla retis similitudine, ut in dissertatione clarius patebit. Quum igitur pronorum animalium & pabulum è terra legentium quædam habeant rete, alia quorum numerus fortasse maximus eodem destituantur, quis illud uno illuviei metu, qui utrobique tamen æqualis esset, & hic repagulo certo amoveretur, illic præsidium non inveniret, à sapientissimo architecto putabit conditum? Annon histriones videmus & gesticulatores subverso corpore pedibusque in sublime elatis identidem capiti insistere, & incedere manibus, vel etiam extremo pede dependulos sese aliquamdiu librare, nullo cerebri incommodo? Quanto ergo minus discriminis immineret animalibus natura pronis, etiam si rete mirabili carerent. Nec, quod omnes intelligunt, efficit istud, ut minor sanguinis copia cerebro tradatur; tantum enim sumministrat assidue, quantum potest recipere: sed moderatur solummodo, temperatque, ne pari velocitate & impetu perferatur, quo à corde impellitur. Quoniam enim arteriæ sunt abditæ, neque libero aëri expositæ, & sanguis æqualibus pulsationibus eodemque robore cordis sursum deorsumve eliditur, pronus situs parum conducit, ut major vis sanguinis eò ruat, quo inclinatur corpus. Adhæc si quod modo periculum sanguis cerebro minatur, convenienti modo & quibus par est viis per naturam traditus, dubitaveris merito, annon plus metuendum sit animalibus quæ habent rete, quàm expertibus? Cum enim sanguis in his angustiis quodammodo torpescat, tardius postea movetur. Quo autem lentius promovetur, hoc stagnat facilius. Et tunc sane



demum exundans, ac extra vasâ suffusus, cerebrum potest opprimere. Quid verò dicam de opinione eorum, qui rete mirabile tradunt glandulæ pituitariæ in hunc finem appositum esse, ut isto tanquam colo purgaretur sanguis, priusquam effertur in cerebrum? Tam reor ineptam, ut vix refutari mereatur. Stat interim sententia animis nostris omnium verissimilima, & aliis etiam ut speramus placitura; ad hoc factum esse rete, & sanguinis motum propterea mitigari, ut in cerebro spiritus generentur quietiores minusque fervidi, sed ad animalium naturam ac indolem peculiariter accommodati. Carent enim rete animalia ferocia, docilia, callida, agilia, & gestuosa, ut homines, equi, canes, feles, vulpes, lepores: habent simplicia, lenta, & parum versuta, ut pecudum boumve genus suæque. Tantum de rete mirabili naturæ Curiosis Symmetistisque nostris examinandum & dijudicandum proponimus, tantisper dum à nobis posthac singula plenius illustrentur.

[*Scaphisâ 1687. d. 10. Januar. Augustam missa.*]

## OBSERVATIO CLXXVII.

D. GABRIELIS CLAUDERI,

Medicamenta è Mercuriô vivô difficillimæ sunt præparationis; ideoque summè causam Chymiatri prudentis & experti exposcunt manum.

**Q**uemadmodum non è quolibet lignò fit Mercurius juxta vetus Mechanicorum axioma, ita quoque secundum regulas Medicas non tam facilè & securè è Mercuriô vivô Medicamenta laudabilia sunt speranda. Si enim inter singulas creaturas, quas humani Generis commodò fieri jussit Divina Clementia, nullum admiratione dignum foret, (cùm tamen talium innumerarum myriadum myriades Nos non tam in admirationem, quàm summum stuporem

porem rapiant,) illud sanè vel solæ mererentur res medicamentosa è Terrâ creata. Et dum de hisce proponere nonnulla audeo, ob incomprehensibilis numerorum, qualitatum, & modorum præparandi diversitates, quæ mentem occurrendo obruunt, lingua hæret, manus titubat, crena congelascit; (Loquor autem saltem de cognitis atque passim obviis; de mirum quantum, quantum autem! earum farragine quæ Nobis adhuc sunt occulta, & quarum plures successivè unusquisque docet, & docebit dies, indicare heic neutiquam licet.) Ut ad specialiora nunc progrediar, si inter dictas res medicamentosas admiratione dignum est, ac humana exercuit ingenia in inquirendis suis qualitatibus quoddam, id sanè fecit Mercurius vivus, mirabilis ille irrationalis *πολυπράγμων*; dum scilicet pro cujuslibet desiderio lubricam ac promptam suam substantiam multis offert (1) pro materiâ ad medicamenta arcana inde elicienda; (2) Aliis pro ligno, è quo ipse Philosophorum Lapis fabricandus; (3) Non paucos pro auxilio transmutatorio, quò metalla ignobilia in perfectiora & puriora, aurum & argentum nimirum exaltantur. Verùm, cùm rarissimè accidat, ut priores suo potiantur sine, extorquendo post varios casus, post tot discrimina rerum inde medicamenta extraordinariâ sese commendantia virtute, veluti tam felicibus esse licuit *Paracelso*, *Helmontio*, & paucis aliis Chymicorum Coryphæis per adaptionem Mercurii veri diaphoretici fixi, & similium magnò Artis Chymiatriæ honore. Secundi autem meritò sese exponant sanius sentientium subsannationi, cùm Æthiopes dealbare conentur. Inter tertios verò maxima pars aureò piscetur hamò; ac unò eodemque labore capiant Chimæras, Phænices, Pelicanos, Gryphes, Harpyias, & similia miraculosa; licet metallica transmutatio possibilis sit, veluti Observatio sequens 184. docebit. Ideoque Medicos juniores, meosque Philiatros & Pyrotechniæ Gymnasio non adeò exercitatos ingenue monitos volo, velint dictam præparationem Medicamentorum Mercurialium potiùs relinquere chymiatriis sagacioribus;



bus; Nisi enim per adcuratissimam tales præparationes regantur & absolvantur manum, plus aloës, quam mellis habent; ac adversæ proximi valetudini per hæc facile plus damni, quam auxilii accrescere potest, non sine propriæ famæ cauteriô. Præprimis quidem ingravescente magis, magisque scorbutô, qui antiquum visceribus robur, ac vitalem sanguini balsamum clanculùm suffuratur, ac in specie nervosum genus, & quæ inde dependenti insanum quantum debilitat. Veluti recenti dolor! adhuc inhæret cordatorum memoriæ, quantum detrimenti plures novorum remediorum avidi unô vel alterô ultimô hóc lustrô (ut de aliis taceam) persenserint ex thraſonicorum Panacæistarum pulveribus Mercurialibus illegitimè præparatis, vel ad minimum non decenter fixatis; Possem horum aliquot nominare, sed nauseam movere animis ingenuis nolo; magisque consultum judico, ut eorum nomina cum mercuriis suis malè præcipitatis ad æternas oblivionis umbras præcipitentur.

Eò citiùs autem tales dubii effectus labores omittere poterunt, cum munificentissimus Polarcha ex uberrimô suô Cornu copię laudabili eorum indagationi chymicæ largissimam hodiè materiæ Medicæ benignioris ac tutioris admetiatur farraginem. Si verò tandem in mercurialibus mentem manumque chymicè exercere velint, eligant sibi tutiora illa, cinnabarin puta tam nativam, quàm antimonii, quâ in re ipsis inservirent præter alios Scriptores nuperi *Scholzius*, *Tillingius*, *Hoffmannus*, nec non *meus Tractatus*, *Inventum Cinnabarinum* insignitus.

Ne autem Lectori benevolo tenuibus meis verbis persuadere velle videar, subjungo sequens Magni Viri testimonium: Aliquot abhinc lustris eruditissimo uti colloquiô aliquoties mihi licebat cum Chymiatriô Seculi nostri primiceriô; Hic summô candore mihi sedulò varia sciscitanti detegebat & enucleabat, quæ studia mea valdoperè juverunt; Tandem verò arcanæ ac genuinæ Mercurium præcipitandi ac figendi methodo avidè inhianti hæc regerebat: Gloriari Egomet possum,  
me

me inter vivos Chymicos esse seniore; (Erat autem supra o-  
stogenarius, lecto adfixus, mortisque è marasmò senili Can-  
didatus,) siquidem plusquam 50. annos continuos sedulus con-  
sumsi in chymicè perscrutandis regni animalis, vegetabilis, ac  
præcipuè mineralis rebus physicis; & hæc quidem omnia lar-  
gissimis Primatis cujusdam Mundi pro desiderio meò sumti-  
bus. Diuturnò hòc tempore, & numerosâ consumptâ pecuniâ  
multa utilia & laude digna quasi acobtinui; frustra itidem  
tentavi multa. In specie aliquot mille thaleros impendi in ru-  
minandò & enucleandò polymorphò istò Mercuriò; Acquisivi  
nonnulla; sed impensis factis neutiquam respondentia; licèt  
versipellem ejus genium successivè optimè cognoverim. Pro-  
inde eâ, quâ decet, animi ingenuitate monitum Te velim, ut  
caveas Tibi diversas ob causas ab infidò & variabili istò Ver-  
tumnò.

OBSERVATIO CLXXVIII.

D. GABRIELIS CLAUDERI,

Opium, inter moderna medicamenta ge-  
nerosa neutiquam posterius, in præpara-  
tione & propinatione molliter vult  
tractari.

**I**Nter res medicamentosas, quas è largifluo Regni vegetabilis  
Cornu copiarum non modiò aut trimodiò; sed totò horreò No-  
bis admittitur infinitum & æternum illud rerum omnium  
Principium, Omnipotens Deus, primatum & prærogativam  
plurimis aliis dubiam facit, tenui quidem meò judiciò, O-  
pium. Medicusque modernus meritò habet, de quo sibi gra-  
tuletur, si legitimum opiatorum usum intellexerit; Ita enim  
præter alia commoda inde ægris suis expectanda, sedat & figit  
calidos sanguinis p. n. ebullientis tumultûs, serum tenue in-  
crassat, somnum cautè & modestè conciliat, unde per hunc

*Dec. II. Annus V.*

*Zz*

*Archæus.*



Archæus contumaces sanguineas atomos eò feliciùs faciliùsque cicurare ac sopire valet.

Cùm autem rosa hæc pulchella acutissimis circumdata sit spinis, hoc est, scateat cruditatibus sylvestribus atque scoriis noxiis; proinde varii Naturæ Mystæ lapidem moverunt omnem, quo aurum hoc è minera sua erueretur & separaretur, purumque ab impuro divideretur; veluti quidem huic operi sedulò insudârunt, præter alios, in peculiaribus Tractatibus celeberrimi *Angelus Sala, Dani. Wincklerus, Joh. Freitagius, Joh. Hartmannus, Mich. Döringius, Matth. Tillingius, Mich. Ettmüllerus* & tandem in Globo Medico stellæ primæ magnitudinis, *Wedelius noster*. Quibus stantibus noctuas portare Athenas, si in Opii qualitatibus indagandis diutiùs commorarer; Nihilominus cùm arduum hoc opus nondum planè sit absolutum, nec opium tam simpliciter obediat regulis methodi medendi, non malè adhuc alii insudant, quo purum purius reddatur pro proximi commodo; propterea nec ego in Theatro ἀσύμβολος comparere volui candidè propositurus, quàm periculosum experimentum in proprio corpore mihi improvisò obtigerit, ut sic discant nondum exercitati Medici juniores, subdolum ac clancularium virus opiatum cautè tractare, ac alienis periculis doctiores fieri. Notum enim est Hygææ nostræ, gnaros rerum physicarum scrutatores mediante Chymiâ si in realia, præprimis in opio fuisse summè sollicitos, ut suspectæ ac noxiæ heterogeneousitates expugnarentur; ideoque tantum non singula media edomantia adplicuerunt; scilicet modò sulphurea, modò acida, modò salina, alcalia, camphoram, castoreum, cydonium, calida aromatica, v. g. piperea, spiritum vini, modò aquea, modò rostitutionem super carbones, evaporationem, & rescio quæ alia. Ego tunc ob certam rationem, mediante corrigente acidò, aliquid tentabam, proinde opio pulverisato superfundebam spiritum vitrioli, q. s. pro obtinenda pultis substantia, successivè optimè mixta imponebam calori leniori, ut in pulverem exsiccarentur.

Accidit

Accidit autem, ut famulus vasculum continens adportaret, quæritans, num materia sit satis incrassata, quæ tunc extracti liquidioris formam præ se ferebat; Ego, meditationibus seriis intentus, inverte pennam, agitando massam, & quod huic adhæret, deglutio; (deglutitum circiter 10. grana ponderasset.) Posthæc unâ alterâque horâ scopum meum prosequor, meditando, scribendo, post absolutis sacris meis solitis Christianum decentibus, lectum ingredior, minimum mali nec metuens, nec sentiens; per tres tantum non horas somnator suavi; dein expergiscor, nullam planè ex opiò assumptò somnolentiam, capitisve stuporem persentiscens; è contrâ molestæ erat tensio dolorosa scapulæ sinistræ cum asthmate, ut instare Pleuritidem olim bis familiarem metuerem. Hinc statim sumptâ dosi Essentiæ meæ alexipharmacæ è sale fuliginis sudorem pervoco; ac illiniri curo spiritum juniperi, salviæ, salis armoniaci camphoratos, & pro voto paucis post horis dicta tensio successivè evanescebat, ut sanus mihi visus lectum defererem. Quid sit? Circa vesperam Famulæ lectum sternere volentes, inveniunt pulvinari (cui caput versus faciem quodammodò inversum fuit impositum) inhærere sanguinis tunc congrumati uncias circiter 3. vel 4. Inexpectatâ hæc relatione consternatus varias menti extorquebam opiniones; tandem veritati magis consentaneum credebam, circulationem sanguinis à dosi opii quisquiliis suis sylvestribus nondum penitus privati, nec sufficienter exsiccati nimîa in pulmonibus adeò fuisse suffaminatam, ut vas aliquod rumpi fuerit coactum. Si similis continui solutio accidisset vasi paulò majori, mors extra dubium fuisset ejus pedissequa; Et cum nemini meorum de nondum penitus cicuratò opiò aliquid constiterit, causa hæmoptysin lethalem inter somnum excitans sanè plurimum animos in diversas traxisset sententias. Hæc proposui in favorem Philiatricorum, ut assuescant, opiò uti neutiquam mente ac manu præcipiti; Cum mihi constet nonnullos in re Medicâ non superfluciarè versatos irridere eos, qui in propinando opiò ratione

Zz 2      doseos



doseos solent esse nimis timidi. Magis consultum igitur est, hîc peccare in defectu, quàm in excessu; agitur enim de vitâ pretioso Christi sanguine redemptorum. Novi sanè uno plures, qui assumptâ nimîâ opii dosi, placidissimè obdormiverunt; quorumque evigilationem liberi & cognati ad hunc usque diem frustra expectant. Novellis Medicis Practicis candidè hanc adnecto cautelam: Ubicunque Archæus à morbi aut violentiâ, aut longitate est debilitatus, sanguisque spiritibus innatis depauperatus, ubi item cachecticus balsami sanguinei est defectus, ibi cautissimè ac parcâ dosi exhibendum esse opium, meâ, aliorumque constat experienciâ.

## OBSERVATIO CLXXIX.

D. GABRIELIS CLAUDERI,

Opium crudum quotidie per plures menses  
larga dosi optato effectû à Germano  
assumptum.

**S**I Opium ab heterogeneis saltem particulis legitimè non depuratum tam dubiô ac periculosô exhibetur eventu, veluti antecedens docuit observatio, quid, quæso, sentiendum erit de illô crudô à minerâ suâ & facibus innatis nondum libero? Me quidem non latet, quid Persæ, & Turcæ, aliique Orientis inquilini hîc valeant, sed hæc propter climatis, Complexionis, ac consuetudinis diversitatem Nos non feriunt; sed loquimur de nostri Climatis domesticis. Proinde non possum non, quin rarissimam producam historiam, cum adhuc aliquando in Naturâ fiant monstra: Vir Illustris, 28. annorum post scorbuticas sanguinis impuritates aliquot annis in itineribus, dein in castris Danico Belgicis copiosissimè collectas corripitur febre quartanâ per quatuor & quod excurrit menses; Variis remediis infelici effectû contra antiquum illud Medicorum

dicorum Scandulum exhibitis, impatiens Patiens tandem assumit à quodam multiloquò pulverem Mercurialem non legitime præparatum, unde quidem discessit febris; succedere autem tormina ventris & artuum quasi intolerabilia, anxietas cordis, vomitûs, alvi fluxûs, virium prostratio, invitum seminis profluvium. Medicorum Consiliò methodicè varia alternando exhibentur, quibus sæpè mixta opiata, s. a. tamen præparata, ut per hæc diversis simul satisfaceret medicationibus; Sed singula non sufficiunt in corpore impurò & debilitatò eradicare malignas pulveris istius Mercurialis turbas; licet successive magis aucta fuerit exhibita opii dosi. Æger autem sanitati anxie inhians, percipit opium crudum, nondum præparatum, penetrabiliore (eâ tamen periculosiore) pollere efficaciam; Proinde indignabundus hoc aliquoties assumit, prioribus vicibus aliquot grana pro dosi; Levamen aliquale persentiscens, Medicos disuadentes dimittit, sibi que parat pulverem ex opii crudi, lapidum cancrorû & nucis moschatae anaticâ portione. Continuatus licet hujus usus cum doloribus suffocandis non suffecerit, auget dosin, & quidem adeò, ut binis vel trinis vicibus in die sumserit pulverem dictum, singulâ dosi 10. 12. 15. grana opii crudi continente; (arrige aures, Lector curiose, unoquoque die sic fuere comesta 40. ad 50. opii crudi grana!) & hanc dosin ita quotidie continuavit per sesquiannum, vel 18. menses, quodocunque enim Naturæ adsueta hoc solatium aliquando denegare audebat, statim aderant ante fores maximi dolores, vigiliæ, alvi fluxûs, ut ita ejusdem complexio in Turcicam vel Persicam metamorphosi aliqua degenerasse fuerit visa. Cum autem prava hæc consuetudo, Naturæ simia, omne extradubium Archæo tandem pessima minetur symptomata, præprimis nervorum; successivam opii doseos imminutionem severe suasi, veluti eandem antea exaltaverat; Archæi robur autem sartum tectum servando adhibeantur per vices Essentia Castorei volatilis in *Traçtatu de Tinctura univers.* descripta, Liquor



C. C. succinatus, Essentia Terræ Catechû, Cinnabarini pulveres.

## OBSERVATIO CLXXX.

D. GABRIELIS CLAUDERI,

Phthifici auxilio Medico anxie inhiant, quia  
ipsis Hannibal reverà ad portas.

**H**ydrops Quartana Medicorum scandala plana ! Ita sonat in non vile Artis servandorum hominum opprobrium antiqua Satyra, utinam hodiè non amplius vera ! Constat mihi tamen tum aliorum, tum propriâ experientiâ aliquot per lustra nostri sæculi bigam hancce malitiosam cornua deponere fuisse coactam, præprimis quidem Hydropem. Postquam scilicet contra Hydras hasce Lernæas fortius frequentiusque remediorum chymicorum clavâ Herculeâ pugnare didicerunt naturalium Chymici scrutatores, laudabilem operam conferendo Medicamentis è Tartari Sale fixo & volatili, item Martialia, Saturnina, nitrata &c. v. g. Tinctura è Sale Tart. & Vitriolo Martis, Tinctura è Vitriolo Martis, & Saccaro Saturni ; aliis verò palmam dubiam faciunt salia alcalia tam communia ex herbis, quàm liquores chymici per hæc compositi, quales apud diversos Neotericos Chymicos, ut & in *Capite ultimo Tract. mei de Methodo balsamandi* largè inveniuntur. Fine autem suò facilius potiuntur, si sanguis innato non nimis privatus balsamò, ac viscera chyli-ac sanguificationi destinata depurando, colando, muneris sui non obliviscantur. Sed ut ad rem ; Majori jure Medicorum scandalum dici meretur Phthisis, & ejus consanguinea, febris hectica ; quippe de quibus expugnatis, si aliquales egerint radices, experientissimis etiam Chymiatis communi querelâ triumphare vix licet, non modò propter luxuriantem materiæ ulcrosæ in pulmonibus spongiosis truculentiam ; sed & ob clancularias subdoli caloris hectici vires, cui hucusque sufficiens præcipitans

precipitans & extinguens, veluti fit aliarum febrium calori, opponere & invenire, quantum mihi constat, nemo valuit. Nilominus tamen gratiosissima Clementia Divina more suo neque hic suam humano generi denegavit opem, veluti magnam merentur laudem sequentia: (nisi malum per longas invaluerit moras;) Agmen ducat Aqua antiphthifica egregia *Epiphanii Ferdinandi*, vel ideò cedrò dignissima, cum sanguinis acrimoniam mirè dulcificet, purificet, confortet, attenuet, humectet, nutriat, consolidet; Eam describit in  *suis Observationibus, Hist. 20.* Quam tamen ob Climatis diversitatem, scorbutumque ingravescentem quodammodo mutavi, aliud addendo, omit- tendo aliud: ℞. Sanguinis è porcello recent. decollato ℥iij. Ter- rebinthinæ Veneræ, liquiritiæ rasæ āā ℥j. Summitat. pini mense Aprili vel Majo decerptarum Mviiij. Flor. bellid. rubræ Mij. al- bæ Miiij. micæ panis triticeæ recent. coctæ ℥j. Mixta destillen- tur in vase vitreo; dosis est i. vel altera uncia. Huic aquæ effi- caciâ ne utiquam cedit Tinctura è Vitriolo Martis & Saccaro Sa- turni; ejus varii extant præparandi modi, v. g. ℞. Saccari Sa- turni 3vj. Vitrioli Martis 3iij. Mixtis extrahatur Spiritu vini non adeò forti Tinctura; Alii seq. præferunt: ℞. Vitrioli Martis 3ss. solve in Liquoris Saturni (dum minium acetò solvitur) 3iijss. Spiritus vini 3i. digere, filtra; dosis 25. 30. 40. guttæ; primâ me- thodò paratam plus vice simplici mirabili virtute sum exper- tus. Antihecticum Poterii è regulo antimonii & stanno com- positum maximi sanè solatii & operationis est remedium, præ- primis, si portiuncula pulveris anodynii misceatur. Non mi- nus egregiam præstat operam radix aronis aliquoties Tincturâ fl. bellidis & papaver. errat. imprægnata & exsiccata, pro ro- borando pulmone acrimoniâ hectico-phthificâ læso, præpri- mis ubi stomachus malè coquens usu aliorum refrigerantium & præcipitantium vires perdidit necessarias. Sperma ceti cum lacte sulphuris variis indicationibus quoque satisfacit; ut & potus tepidus lactis humani, asinini, caprini.



## OBSERVATIO CLXXXI.

D. GABRIELIS CLAUDERI,

Nimis rigorosa & iniqua est Galenicorum  
nonnullorum in Chymicos Censura.

**Q**Uamvis non parvam Medicamenta Galenica omninò mereantur laudem; nihilominus horum in favorem chymica minimè vilipendenda, iisdem postponenda, aut penitus omitrenda; sed rectiùs hodiè à Medicis dogmaticis amicè uniuntur, ac pro adfectuum diversitate variè & alternatim usurpantur. Plus vice simplici sum miratus, quòd Medici isti, puros Galenicos quos dicunt, tam præcipiti fervore indignentur Chymicæ cultoribus, eorumque remedia suspecta reddere annitantur ægrotis, aliisque curiosis, quasi hæc sint nimis fortia, corrosiva, è minerali potissimum regnò petita &c. Hos ipsos autem lepores esse, licèt pulpamenta quærant, sequentia docebunt.

Neutiquam negatur, Chymicos aliquando uti medicamentis valdè penetrantibus, & his quidem è triplici rei Medicæ regno depromptis; dum scilicet Chymicæ Scientiæ successivè per crebram & indefessam indagacionem in res naturales tantus accrevit splendor, ut Essentias, Spiritus, Tincturas, Salia tam volatilia, quàm fixa, & quæ alia sunt medicamentorum genera, ita ab innatis scoriis, ac particulis impuris separare nòrint, quò vel ipse Hermes & Hippocrates reduces facti attoniti sint reddituri, artem suam in tantam puritatem ac vigorem elevari, fuisse possibile; Licèt reverà providam sagacis Medici in propinatione exposcant manum, E contrario & ipsi Galenici itidem fateri coguntur, sese pro usu quasi quotidiano non minùs adhibere mineralia, & hæc bonam partem cruda, ubi purum ab impuro nondum est separatum, nec qualitas sylvestris ac noxia cicurata, veluti semper fieri solet & debet in legitima medicamentorum

mentorum chymicorum compositione; proinde etiam in prima mea observatione querela publica est producta contra im-  
morigerum Artis Filium, Mercurium. Sic v.g. quid magis  
vulgare, magisque consuetum est Galenicis, quam suos ægros  
ablegare ad Thermarum & Acidularum usum, ubi operatio &  
energia ipsis tamen solummodò expectanda est à summè crudis,  
variè mixtis diversorum mineralium sibi partim contrarian-  
tium nondum edomitorum, non rarò arsenicalium & similium  
qualitatibus? Quanta autem à talibus medicamentis noxa ple-  
rumque sit metuenda, vel inde judicandum, quòd veneran-  
da Antiquitas sæculi infelicitate cognitionem chymicam maxi-  
ma ex parte ignorans, consultum censuerit, Acidularum &  
Thermarum usum instituere tempore æstivò, (aliàs remediis  
non adeò accommodò) idè quòd per radios benefici Solis pe-  
netrabiles aquæ istæ quasi destillentur, cruditatesque partim  
consumantur; Propterea ejusdem Successores successivè, Na-  
tura monstrante viam, Artem chymicam deberent sequi, vel  
talia remedia eorum usu addere pro depuratione & correctione  
veluti in architectura, mechanica, & similibus novæ inventæ  
enchirifes addantur, vel veteres coloni planè migrare jubean-  
tur. Si præter Acidulas & Thermas alia quoque medicamenta  
desideras mineralibus scatentia, nec à suis scoris adeò separata,  
evolve, sis, præter alias *Pharmacopæiam Augustanam*, quæ huc-  
usque generale quasi formularum Pharmaceuticarum fuit Le-  
xicon, præprimis, veluti eam Vir ad elegantioris literaturæ  
Medicæ culturam augendam, natus, *Dn. D. Luc. Schröckius*,  
*Junior*, emendavit; ibi reperies pilulas de nitro Tralliani, spe-  
cies diaspoliticon Galeni, electuar. chalybeatum, pluraque  
ejusdem farinæ, quæ mineralia ingrediuntur. Sed quid de  
aliis Autoribus loqui audeo; ingredi saltem *Opera* illius Se-  
ctæ principis & principii, *Galen*i scilicet, ibi leges non sine stu-  
pore, quam præcipitanter tractet & propinet remedia violenta  
& cruda, præprimis etiam mineralia; Locò omnium evolva-  
tur *Liber nonus de Medicamentis localibus* in *Operum Tomò*  
*Dec. II. Annus V.* *AAA* *quintò;*



*quintò; ibi plura infusa, aliasque formulas internas invenies è gypsò, calce vivâ, auripigmentò, antimoniò, opio crudo, semine hyoscyami in largiore dosi, varieque mistas sine depuratione ac correctione necessariâ.*

## OBSERVATIO CLXXXII.

D. GABRIELIS CLAUDERI,

## Thematum genethliacorum incertitudo.

**Q**Uamvis Thematibus genethliacis debitum derogare honorem non audeam; nihilominus ea in sola simpliciter & impiè fiduciam non esse ponendam, testatur experientia, cùm Majestatica DEI omnipotentis manus, uti omnia, ita & hæc supra-ordinariè dirigat prout Pietas ac Probitas hujus vel illius illud postulet; astra enim regunt Homines; sed regit astra DEUS; quippe quæ saltem inclinant, non necessitant. Exempli locò produco duos unò eodémque die, unò eodemque in locò natos atque educatos; horum alter à pueritiâ legibus Ethicæ Christianæ obediens, in Literis ac moribus adeò proficiebat, ut honorum, divitiarum ac senii culmen attigerit; Alter verò à primis nativitatis annis Vacunæ litans, suoque indulgens genio, ac postea Bacchi Venerisque Sacrificulus ante medios ætatis suæ annos diem suum obibat, postquam variis Fortunæ adversæ procellis mirè ac miserè fuerit agitatus.

## OBSERVATIO CLXXXIII.

D. GABRIELIS CLAUDERI,

## Felis Sciurum pariens.

**S**UMMè miraculosos ac quotidie quasi novos è Naturæ abyssolusûs ac metamorphoses modis innumeris patefieri, certissimum est, quas describere, non est humanæ crenæ opus. Ob diversas causas unica hîc sufficiat talis historia:

Felis

Felis domestica à coitu cum Sciuro parit tres catos sui generis, & unum Sciurum; dictus Sciurus ob raritatem à Viro Illustri summis in deliciis habitus, ne minima Naturæ matrifiantis indicia præ se ferebat; veluti quidem catuli felini ne minimum patris-  
fabant.

### SCHOLIUM.

Utrum in ovis quorumcunque animalium, antequam à semine masculino fecundentur, ipsa foetus delineatio vel rudimentum jam compareat? vel an demum accedente & agitante spiritu seminis virilis, humor in ovo contentus in foetum taliter figuratum, vel corpus corpori, à quo spiritus ille descendit, simile ab eo disponatur? quamvis acutioribus ingeniis decidendum relinquere malim, qui imbecillitatem ingenii mei in hoc occulto DEI miraculo lubens agnosco, si tamen quid divinare mihi liceat, ad posteriorem sententiam magis inclinarem, idque exemplo à Nobil. Dn. Autore nostro adducto confirmarem. Si enim in ovulis felinis rudimenta saltem foetuum felinorum præexisterunt, quomodo sciurus hîc produci poterit, haud video; cum potius omnes foetus tum exclusi felini comparere debuissent. Ut itaque credibile mihi videatur, felinam istam eodem tempore à cato imprægnatam trini foetus felini genitricem evasisse; à sciuro autem itidem tum compressam, non potuisse non sciurum excludere; cum in coitu isto immixtus in uterum felinum genitalis sciuri spiritus ovulum in ovario fecundaverit, vel particulas foetui producendo in ovulo aptas agitando, easdem specifico motu in sui simile corpus conjungendas disposuerit.

[*L. Schröck, L. F.*]



## OBSERVATIO CLXXXIV.

D. GABRIELIS CLAUDERI,

## Transmutationis Metallorum Possibilitas.

**A**Ntecedens Observatio occasionem exhibet, mentionem faciendi metallicæ transmutationis; Constat enim optimè Physicæ rei scrutatoribus, quàm acerrimè pugnatum sit inter affirmativam & negativam defendentes, & adhuc controversiarum trahatur serra. Negantium modernorum (solidis rationibus pugnantium) Coryphæus extra dubium est immortalis *Athanasius Kircherus*, eruditionis in omnibus disciplinis stapula; Hic in *Mundo suo subterraneo* tam Veterum, quàm Neotericorum, propriique cerebri rationes ponderosas multis ambagibus proponit.

Tenuitati autem meæ semper placuit, & adhuc placet affirmativa; cum rationes pyrotechniæ experimentalis, aliæque practicæ mihi id persuadeant, quarum unam pluribus philosophicis theoreticis anteponendam censeo. Teste enim quotidianâ experienciâ, plures metamorphoses & transmutationes mediante virtute seminali plasticâ in regnò & animali & vegetabili contingunt; Cur eadem minerali sint denegandæ, sanè non video. Quamvis enim metalla & mineralia perfectam vitam vivere non deprehendantur; vivunt tamen illis analogicam, cum crescant & augeantur. In regnò animali hoc it testatum incestus noster Sciurus cum suâ meretrice fele, generans heterogeneum; Quòd equa ab asini coitu enitatur, quis est, qui nescit? Cùm sacer Codex nostros id edoceat pusiones? Non minùs bombycem aliasque erucas plurimas in papiliones degenerare, ac alas (veluti *Horatii* ille pauper cornua) sumere, nò runt itidem tenelli rusticorum hæredes. In regnò vegetabili rariora obtingunt; sic v. g. miraculorum transmutationem artis emphyteuticæ vel insitiæ (*psprossen*) mirantur meritò dendrophili; dum scilicet arborum etiam sylvestrium natura obed-

dit artis expellentis furcæ, nec uspiam recurrit; (contra probatam in aliis dicti Horatiani veritatem) sed degenerat planè in furculi infiri qualitates, etiamsi non unius, sed diversæ sint speciei arbores, v. g. mali furculus commodè, feliciter & constanter patitur infitionem in cydonium, pyrus in morum, & sic porro.

Imò quod adhuc majus, regnorum quoque diversitatem similem inversionem admittere negari non potest; nullum dari viscus humanum, quod vermes non generaverit, Anatomicis & Observationum Scriptoribus abundè constat; imò & ipsam massam sanguineam esse verminosam. Nostræ quoque mulierculæ cognitum habent, mel & panem, ut & saccharum & panem citò transformari in formicarum myriades. Caseum antiquum idem experiri miraculum, multorum oculi nauseantes, ac plurium linguæ delicatæ attestantur. Similes metamorphoses confirmant singuli homines, singula bruta, dum substantiam suam animale longis annis optimè conservant cibis è regnò vegetabili quotidie acceptis. Magis mirabile Naturæ opus est adnectendum: Et homines, & bruta tam terræ, quàm maris incolas, & arbores, & plantas, imò innumeras alias creaturarum rerum Species mediante succò aliquò lapidificò esse petrefacta, vel in lapides conversà, quis inter eruditos, cum quibus mihi res est, abnegare audebit? E pluribus aliis hæc sufficiant instantiæ. Non possum tamen non, quin è supra laudati Magni Kircheri *Mundò subterraneò*, producam nonnulla, quamvis enim *Tractatu de Lapide Philosophor.* acerrimè impugnet metallicam transmutationem, tamen in *Tract. de Rerum Panspermia*, & seq. amplissimus est, similes Metamorphoses in regnis aliis clarissimè per rationes & experientiam demonstrare; veluti præter alia loca *Tomi secundi* capita multa priora hinc inde edocent; Exempli locò prodeat saltem *Partis 2. lib. 12. sect. 1. cap. 9. fol. m. 347.* Non est ulla in rerum naturâ aut planta, aut animal, quod non è seipsò aliud insectum, differentis tamen speciei, producat ortu spontaneò; & *Franc. Corvinus*



in singulis diversissimæ speciei herbis singulari studio vermem invenit. Sic ex diversis herbis nascantur erucæ, quæ dein assumptis alis degenerant in papiliones diversicolores. Allegavimus hætenus è pluribus aliis varia Naturæ opera; multa autem horum à Naturæ æmulâ arte facta produci possent, (veluti de formicis dictum,) è variis Autoribus; Pro evitandâ tædiosâ prolixitate tamen Lectorem curiosum ablegatum volo ad modò allegatum dicti celeberr. *Kircheri* Opus aurò contra carum, ibi inveniet plura huc facientia & sibi satis facientia. Quibus stantibus & quotidianâ experienciâ confirmatis, sanè non video, cur solis metallis deneganda sit transmutationis possibilitas; cùm hæc homogeniis consent principiiis, ac inter se gradu quasi saltem differant, proinde jure hæreditariæ analogiæ unum alteri, præprimis arte adjutum radios suos illustriores faciliè communicare poterit. Optimè insuper constat alchymicæ cultoribus, imò communibus metallurgis, hòc nostrò seculò prioribus multas ob causas feliciore ac fertiliore, magis magisque innotescere vias ac modos, quibus metalla imperfectiora in nobiliora mediantibus salibus, aliisque, v. g. Sale Armoniacò, Sale Tartari, Nitro, Borrace, Arsenicò, Mercuriò sublimatò, Lapide calaminari, &c. ope ignis fortioris fusoriâ per arcanas artis chymicæ enchirises exaltentur; Licèt ut plurimum hæc fiant sine fœnore, & impensæ factæ vix redeant; idcirco tamen possibilitas neutiquam tollitur; cujus cum aliis pluribus & ipse aliquoties oculatus possum esse testis. An igitur sit Philosophi, contra autopsiam disputare, judicent alii.

OBSERVATIO CLXXXV.

D. GABRIELIS CLAUDERI,

*Bryonia egregium exhibet regno suo  
vegetabili ornamentum.*

**M**ulta latent adhuc Naturæ in gremio arcana, quæ Deus & dies successivè offerunt inquirendo hæc expectantibus; mirè item ludit in humanis Divina potentia rebus. Talibus arcanis meritò adnumerantur curæ transplantatoriæ; hæc sub Christianis Artis Medicæ legibus institutæ, omiſſis superſtitioſis, opemque diabolicam olentibus, minimè ſunt contemnendæ. Radix Bryoniæ, præter alias virtutes contra diverſos morbos pro uſibus internis ipſi innatas, laudabile hujus rei oſtendit teſtimonium contra ſymptomata, & quæ his analogæ, arthritica; ſi ſcilicet è terra recens evulſa locis adfectis affricetur, ſoloque iterum concredat, ut more ſibi naturaliter inſito creſcere pergat. Præter dictam hancce qualitatem virtuoſam hoc in frutice præprimis notatu dignum eſt, quòd variorum botanicorum experienciâ conſtet, è baccis ejusdem, licet largè prodeuntibus, nullam planè ſperandam eſſe prolem, etiamſi ſerendo, aliisque modis cauſſimè tractentur à manu botanica. E contra, ſi aves baccas hæc devorent, frequentiffimè veluti fieri ſolet, eæque poſtea excrementa ſua hinc inde diſpergant, atque ita ſimul dictas baccas quaſi fermentatas, calcinatas, vel deſtillatas excernant, frutices hoſce protuberare, ut poſtea ab hortulanis in loca commoda transportari atque excoli poſſint.

OBSER.



## OBSERVATIO CLXXXVI.

D. GABRIELIS CLAUDERI,

*Cricetus* (der *Hamster*) providus sibi contra famem hyemalem promus-condus, singularibus à Natura organis ad hæc instructus.

**A** Mant alterna Camœnæ ! Curioso in præcedente observatione proposito botanico lubet subungere anatomicum, ut ubivis miremur & rimemur miranda Omnipotentis Opificis Opera. Sacrum Codicem mandatò emphaticò ablegare pigros nostros ratione utentes ad impigros irracionales, pusillas scilicet formicas, ut ab hisce illi discant, quomodo annonæ caritas famelicò hyemis tempore sit præcavenda, humili & devotâ reverentiâ legunt, piè sentientes. Prudentes & cautæ hæ œconomæ, formicas intelligo, inter bruta, sui similia, multis abundant æmulis. Inter diversâ alia, jam solum produco *Cricetum*, den *Hamster* / vocat vernacula lingua, bestiolam ruris inquilinam. Dum præteritæ æstatis fine ob negotia practica per agros rhedâ vehebar cum itineris socio, *Dn. Joh. Hilschero*, Chirurgo nostro aulico solerti, dolebamus publicas ruricularum querelas, quòd insolitæ hòc anno *Cricetorum* copię messẽm ipsis anticipaverint, frumenta cavernis suis subterraneis in futuram sustentationem concredentes. Ventilabamus simul, quomodo possibile sit, ut spatiò paucarum septimanarum, vel potiùs dierum, quò frumenta maturitatem maximâ sui parte acquisita in agris saltem hærere soleant, aut relinquuntur, ab istis bestiolis tantâ copiâ in clancularia sua latibula & horrea transportari possint ? Motus inde curiosus *Dn. Hilscherus* cultrum anatomicum admoveat cuidam *criceto*, & invenit illum in utroque faucium latere largis crumenis vel folliculis huic transportationi à natura destinatis dotatum; vel-

uti

*Cricetus, cum folliculis suis.*

Fig: 40.

p. 376.



- A. Folliculus in suo situ naturali extra collum sub cute.  
 B. Musculus latus, quo mediante hic collo est alligatus.  
 C. Folliculi vel crumene facies interior inversa.  
 D. Foramen, per quod frumenta transportanda crumene in-  
 E. Dentes duo longi, quales alias etiam leporibus competunt.  
 F. Cutis sinistri lateris separata, inversa.  
 G. Coste ibidem denudatae.

truduntur.





uti quidem è figura depicta clariùs apparebit. O quanta, quanta sunt utilia, jucunda, curiosa, quæ ignoramus; ô quantilla, quæ scimus, vel potiùs, quæ ex socordia scire nolumus.

Fig. XL.

OBSERVATIO CLXXXVII.

D. GABRIELIS CLAUDERI,

Simia mas, constans usque ad exilium suum  
Virginis pulchræ Amasius.

**S**imias externos hominum mores gestusque æmulari, notorium est usque ad constrinas, & ulteriùs. Eas autem internas quoque animi humani operationes imitatas esse, rarius est auditu; audiamus proinde sequentem historiam: In Aulæ primariæ Gynæcéo alebatur simia mas, uti non rarò fieri solet; Hæc amabat efflictim virginem nobilem Gynæcéi inquilinam, venustate reliquas, veluti minores luna stellas, superantem. Fervorem autem amoris sui insanum - quantum magnum indiciis omnibus possibilibus, imò variis illecebris venereis ingenuum ac constantem demonstrare semper annitebatur; nec verbis comminantibus, nec verberibus æstuantem ignis sui amatorii flammam extinguere patiebatur.

In aliud conclave propterea reposita, necdum amorem continuare cessabat; sed laceratâ aliquoties catenâ desideratissimam suam Glycerium undique & undique prosequabatur, etiam tecta transiliendo, fenestrasque mediante rupturâ suo introitui aptas reddendo. Tantum autem aberat, ut virgo ista ingrata procum tam fidelem, tam perpetuum reciprocò favore beaverit, atque observaverit monitum *Ovidii*: Ut ameris, amabilis esto; aut illud *Senecæ*: Si vis amari, ama; vel etiam Solem fuerit imitata, qui radiorum suorum splendore & venustos & indecoros æquè recreare ac incalescere soleat; ut potiùs petierit à Domina, & quod petierit, obtinuerit ista sum-



mô pudore suffusa, quò ridiculosus ac misellus ille amator aulâ exire fuerit coactus, alteri cuidam dono missus. Simiam hancce non ex *Ovidii* Scriptis apprehendisse artis amandi theoriam, fatebuntur omnes; An autem amatorias atomos è præcordiis magis gratorum Procorum Gynæcæa non rarò visitantium sibi solâ experientiæ practicæ ulnâ fuerit admetita, ac in molliusculo & cereô suô corculô fermentationem æmulatoriam excitaverit, judicent alii; Cùm enim adolescentes illi aulici cum virginibus preces recitasse vix præsumendum, idè phantasiæ simialis testa ideis istis amatoriiis non semel, sed sæpiùs imbuta, non potuit non easdem diu servare, ac ad praxin gratissimam adplicare.

## OBSERVATIO CLXXXVIII.

D. GABRIELIS CLAUDERI,

Pennæ albæ corvo nigro ex ala successivè excrecentes.

**D**Um rem aliquam repertu summè difficilem & rarissimam describere veneranda Antiquitas volebat, ejusque sequax nostra ætas, sequenti uti solebant & solent denominatione: Rara avis in terra est, alboque similima corvo; Qui loquendi modus præprimis quidem Nos Europæos ferit; cùm me non lateat, exteris in regionibus, Novâ Zemblâ &c. ordinariè ali corvos albos. Quæ item de corvis albis Wetteraviæ refert Clariss. *Wizelius* in *Ephemerid. German. Curiosis*, Decad. I. Anni III. *Observat.* 57. ibidem poterunt videri.

Veluti autem nulla facilè datur regula, quæ exceptioni non sit subjecta, ita etiam heic Natura admisit irregularitatem, ceu patefcet è sequentibus: Vir Curiosus alebat in area domûs corvum juniorem, uti aliquando fieri solet, more nostris regionibus ubique solitò nigrum præ se ferentem colorem; redeunte proximò Vere crescebant ipsi in alis tres vel quatuor pennæ

pennæ summè albæ & niveæ; hasce autem ipsi invitissimo proutuberare, inde erat colligendum, quòd omnem rostrò admo-  
veret operam, usquedum eas evelleret; hoc tamen neutiquam  
nisi difficillimè, & conatu 3. 4. dierum; & quidem comitante  
largâ hæmorrhagiâ, effectum dare valebat, cùm altas semper  
pennæ egerint radices. Hanc avis hujus nauseam in colorem  
suo generi insolitum sæpè non sine stupore, & ob dolorem in-  
tentatâ violentâ evulsione excitatum non sine commiseratio-  
ne adspeximus. Quamvis autem unâ vice eradicaverit hospi-  
tes hosce ingratos misellus iste; redeunte tamen Vere simul re-  
dibant itidem dictò modò similes pennæ albæ, quas ille labore  
circulatoriò evellere, uti antea, non cessabat. Expellere ita  
Naturam furcâ aliquot annorum spatiò conabatur; recurrèbat  
tamen illa semper invito; donec casu fortuitò & violentò vi-  
tam cum morte commutare cogeatur, & sic imposterùm tæ-  
diosò hòc labore supersedere valebat.

### SCHOLIUM.

— — — — — *Cum candidus ante fuisses,  
Corvæ loquax, subitò nigrantes versus in alas.  
Nam fuit hac quondam niveis argentea pennis  
Ales, ut aquaret totas sine labe columbas &c.*

Siccanente Ovidio lib. 2. *Metamorph.* Sed utut fabulosa hæc sint,  
dari tamen corvos albos, præter in hac observatione memora-  
tos, fidem facit D. Frid. Lachmund Dec. I. *Ephem. harum Ann. IV.*  
*Obs. 184.* totum album ibidem producens; alium quoque pla-  
nè candidum quoad rostrum æquè ac plumas se vidisse, Ill. Rob.  
Boyle tr. *de coloribus experiment.* 11. scribit. Albos fieri, quos-  
dam putare, in *phys. Hippocr. diss.* 8. §. 10. refert D. Dan. Hor-  
stius, si ovum corvinum felis cerebro illitum gallinæ albæ sup-  
ponatur. In Lapponia præterea corvos magnos & planè albos  
esse, rostro & pedibus exceptis, ex *Martinierii* relatione in *Iti-  
nerar. cap.* 22. habetur. De Insularum Ferroënsium corvis ver-  
sicoloribus, sive quibus color albus & niger alternatim in cor-



pore dispositus, videri potest *D. Thom. Bartholinus Act. Med. Hafn. Vol. 1. Obs. 49. & D. Ol. Wormius Mus. lib. 3. cap. 17.*

[*L. Schröck, L. F.*]

## OBSERVATIO CLXXXIX.

D. GABRIELIS CLAUDERI,

## Rara Somnambuli historia.

**A**d mirationē dignas, quæ à Somnambulis ob depravatos Phantasiæ motūs peraguntur, actiones non sine stupore legimus; harum plures videre est apud laboriosum *Schenkium*, aliosque; lubet aliam proponere: Scholæ Alumno, gnavo Palladis militi, à Præceptore aliquot vicibus exhibetur argumentum (quod vocant Scholæ,) Germanicè scriptum latinā donandum civitate, vel latinitatis exercendæ specimen. Discipulus lucubrationes aliis impendens studiis, dicti speciminis versionem in latinum auroræ semper reservat; E lectō autem surgens manum ac mentem operi admoturus, hoc à se infectum jamjam factum invenit. Re insolitā attonitus factus, diabolicas suspicatur illusiones; Proinde Rectori omnia detegit; hic jubet binos ejusdem Commilitones adcuratum dormientis curam gerere. Dictum factum, sanus ille æger unā alterāque horā somnō usus surgit, musæum ingreditur, latinitatis specimina inscius conficit, ac lecto sese reddit, pro ulteriori somnō capeffendo. Cū majora mala minetur sapius hic affectus, exhibui tam ratione causæ universalis, laxantia, sudorifera, dein Hypochondria aperientia, v. g. Tincturam è Sale Tartari & Vitriolo Martis, Tincturam è Vitriolō Martis & Sacc. Saturni, aliaque martialia ac tartarea; Pro cerebrō verò roborandō Essentiam Castorei volatil. Sal volatile oleosum succini, Cinnabarin meam fixatam, &c. inde cessavit affectus. Obiter moneo de hōc symptomate, nisi hōc nimis ingravescens majora post se traheret incommoda, imò pericula

ricula vitæ infidias struentia, nullus dubito, quin plures, qui Vacunæ, Morphei ac pigritiei sunt sacrificuli, eò modò, qui Scholastico obtingit, ægrotare potiùs velint, quàm ut medicamentis hosce conatùs Naturæ expelli, sint concessuri.

OBSERVATIO CXC.

D. GABRIELIS CLAUDERI,

Scortum album ab Æthiope parit Filium  
bicolorem.

**Q**uàm varias, imò innumeras, easque summè mirabiles dispergat operationes imaginatio creditu est difficile, & sanè amplissima volumina non caperent historias diversimodè proponendas. Jam saltem in memoriam revocabo Lectori, quid hòc in passu juxta varios Scriptores acciderit à coitu & in foetùs formatione; Prodeat tamen unicum Exemplum hâc vice: Æthiops, Aulæ cujusdam Alumnus, lascivâ utitur Venere cum meretrice Germanâ albâ. Hæc tempore legitimò parit Filium omnia membra album, exceptò solò illò, quò virum sese præstitit Taurus iste in Venerem ruens, nigrò & patrisfante. Patescit inde lascivam istam in coitu Phantasie suæ impressisse non auream arenam, quam Tagus atque Ganges tramittunt, aliàs ubivis gratissimam, neque delicatas culinæ & cellæ dapes, nec vestium pulchritudinem nec Floræ delicias, nec Cereris divitias; sed præ aliis omnibus impudici istius Amasii sibi desideratissimum. *Dic, cur hîc.*



## OBSERVATIO CXCI

D. GABRIELIS CLAUDERI,

Melancholica imaginariè sibi visa grvida,  
& postea Puerpera.

**A**Ntecedens Historia locuta est de viribus imaginatio-  
nis circa Foetus conceptionem; Sequatur nunc no-  
tabile Phantasiæ depravatæ specimen ex innumeris  
Melancholicorum impressiõibus, quas singulas e-  
narrare uti impossibile, ita inutile: Foemina plusquam sexa-  
genaria non visu solum privabatur ob spirituum cerebri pau-  
citatem ac impuritatem; Sed etiam aliquot annis ob motus  
phantasiæ depravatos debilitati obnoxia erat melancholicæ,  
quæ crescentibus annis crescebat; inter alias, easque mirabi-  
les mentis turbas sese credebat gravidam, & postea quoque  
puerperam; querebatur de molestiis gravidæ consuetis, ac  
symptomatibus puerperarum variis, tractabat molliter & pro-  
vidè non-Ens illud infantem suum, lactabat, mundabat, o-  
mniaque perpetrabat, quæ decent Matrem piam, cautam,  
sedulam. Propinavi præmissis laxantibus & hypochondrio-  
rum quisquiliis evacuans, ea, quæ in *Decuria Secunda An-  
no III. Obs. 83.* proposui; præprimis sanguinis asinini infusum,  
essentiam è sale fuliginis, & alia. Levamentum quidem  
sentiebat; malum tamen inde eradicari penitus non potuit  
ob sanguinem senilem, balsamò ac spiritibus necessariis de-  
pauperatum.

OBSERVATIO CXCII.

D. GABRIELIS CLAUDERI,

Vermis importunus & molestissimus dentis  
cavi inquilius.

**O** Dotalgia adfectus est à diversis parvi aestimatus, cum non-rarò subito transeat, cedatque remediis domesticis, quorum plura tantum non singuli pusiones rustici obtrudere nòrunt. E contra non minus notum est, nullam dari familiam, ferè dixerim nullum individuum, quod non de dolorosa insimulque contumaci ejusdem truculentiâ habeat, quod queratur. Quamvis quidem hujus doloris, dum violentus est, causa sæpè meritò adscribatur partibus nervosis subtilissimis ac summè sensibilibus, dentium extremitatibus adnexis; tamen sæpè ejus contumacia inde oritur, quòd causa dolorifica decenter non cognoscatur; quâ non cognitâ commodum ac methodicè oppositum non applicatur remedium. Natales enim sæpè debet causis frigidis, v. g. aëri injurioso, humido, frigido, aliquando causis calidis; aliquando cruditatibus acidis post cibos adsumtos cavitati eorum inhærentibus, & postea corruptivè fermentando molestè stimulantibus. Cum meus non sit scopus, de his amplè philosophari, Lectorem & Philiatres remitto ad libros practicos variorum varios; Hoc saltem adhuc præmittere lubet, me præ aliis feliciter contra hos dolores pugnare Tincturâ Sulph. Vitrioli, quæ è cap. mort. Vitrioli summè edulcoratò Spiritu Sal. & Vini paratur, dum 40. ejusdem guttas aquæ adpropriatæ instillantur, ac locò gargarismi adhibentur; hæc enim diversis indicationibus satisfacit, ac ob Sulph. Vitrioli anodynum huncce, ut & capitis dolorem simul internè sumta, miraculosè sedat. Laudem suam non minùs merentur omnia alcalia, v. g. Spiritus Salis armoniaci volatilis, Essentia mea è Sale fuliginis, mumixæ alcalica, &c.



&c. quibus ut plurimum feliciter miscetur portiuncula Essentiae opii, vel ex extracto hyoscyami correctio parata; Tinctura Laccae Mynsichti optatum quoque communicat effectum; Alii gingivis illinunt aquam caeruleam, quam dicunt, dum sali armoniaco pulverisato in aurichalceo vel cupreo vase superfunditur aqua salviae vel similis. Sed ad rem, vel historiam promissam: Corripiebatur Vir magnus saepe odontalgia nullis ferè remediis domabili; sed novas semper vires recuperante, ut tandem ad ultimum doloris medium, dentis scilicet evulsionem confugere fuerimus coacti. Dens evulsus malleo confractus quoad interiora erat cavus & cariosus, domiciliumque praebebat vermiculo illis simili, qui è corrupto aut vetusto nascuntur caseo.

Hic dubio procul natales debens muco putrescenti; & cum ipsi nutrimentum fuerit expectandum mediante subtilissimo dentis foraminulo superius patenti; hoc autem facillime claudi potuerit per modicum cibi non decenter masticati ibi relictum, proinde fames hunc miscellum & incarceratum impulit audax, ut turbas hasce dolorosas faceret, dum scilicet indignabundus ac famelicus nervosas circa dentium radices particulas vellicando aures nutritori vellicabat.

### SCHOLIUM.

**O**dontalgiam à vermiculis aliquando excitari, non unà Praetorum observatione constat. Sic *Scribonius Largus* compos. 54. suffire, ait, oportet ore aperto Alterci semine carbonibus asperso, subinde os eluere aqua calidâ: interdum enim quasi vermiculi quidam ejiciuntur. Ubi prudenter, judicio *Joh. Rhodii* in notis, nihil certi affirmat; vix enim vermiculos esse, sed histrionum saltem fucum; siquidem vel proprietate sua hyoscyamum vermiculos gignere, vel pituitam crassam suffitu ejus prolectam vermibus non esse dissimilem, arbitratur; unde etiam

iam fabulosum id videtur *Hollerio* in *perioch. ad lib. 5. Gal. de compos. med.* revera incenso semine evolant, addens, tanquam vermiculi, etiamsi non attingat fumus vermiculosum dentem. Verum neque hyoscyamus proprietatem aliquam generandi vermiculos, quam nemo hactenus demonstravit, habet; neque si fortè aliqui minutissimi & nudis oculis invisibiles semini adhererent, eo momento, quo vivis carbonibus illud injicitur, in magnitudinem visu perceptibilem excrecere possent, quin potius comburerentur; neque pituita crassa suffitu ex ore prolecta vermiculorum figuram obtinet; neque etiam quidquam aliud, præter fumum, ab incerto semine, aut semen ipsum dissiliens, evolat: ut ita, licet histrionum, agyrtarum, mille fraudes & persuasiones non ignorem, fabulosum hoc simpliciter neutiquam pronunciare audeam. Quamvis non ita communis odontalgiaæ cujusvis causa à vermibus peti queat, & hinc ab hyoscyami fumo semper iidem prodire nequeant; posse tamen quandoque id evenire, non est impossibile; cum vermes dolorem istum quandoque producere, tum ex hac Nob. D. Auctoris, tum aliorum constet observatione. Sic *Joh. Agricola* not. in *Joh. Popp. de Tartaro* duos vermes usu arcani sui tartari prolicuisse se testatur, & *Phil. Salmuth* cent. 3. *Obs. Med.* 32. vermis dentium permagni mentionem facit. Curiosa in primis sunt, quæ de vermiculis dentium in *Dec. I. Eph. nostr. Ann. IX. Obs.* 24. protulit Nob. D. *Pechlinus*, nec non *Obs.* 187. *Exc. D. Gotthofr. Schulzius*.

[*L. Schröck, L.F.*]



## OBSERVATIO CXCLII.

D. GABRIELIS CLAUDERI,

Vomitus quadraginta librarum mucii corrupti, ac pici liquatæ similis, lethalis, aliaque rarissima in dissecto corpore observata.

**O**ffero curiositati Tuæ, benevole Lector, casum, qui non heri aut nudius tertius, sed 28. abhinc annis Lipsiæ, dum ibidem sub favonio Magni *D. Joh. Michaelis* Præxin Medicam initiabar, accidebat; mihi autem certè promitto, illum antiquitatem suam raritate fore compensaturum. Quid interius æger monstri aluerit, summè meritis *Thom. Bartholinus Centur. 6. Histor. Medic.* de stomacho in thorace sito meminit; sed breviter saltem. Integra autem morbi historia, ac reliqua notatu digna erant talia: Juvenis 24. annorum habitus athletici ac corpulenti, sagò indutus Palladis fuit miles, sub exercitu Suecico Vexilliferi munere aliquot annis fungens, rebus suis magis consultum judicat, ut denuò in toga per tempus ipsius legibus sese subjiciat, ac pro scopo suo obtinendo celeberrimam sibi eligit Academiam Lipsiensem; Finitò ibi trienniò bellica castra repetiturus, in prædio Amicis ultimum dicit vale. Epotò hilaritatis, quod vocant, poculò, Hæctores isti Bacchici cerevisiarium dolium è cella curant inferri hypocausto, illud benè agitant, & sic quod successivò labore cauta ars separaverat, purum ab impuro, illi incauti & temerarii rursus jungunt. Circa tertiæ diei finem exhauriunt nectar illud; succedit huic renovato belli candidato unò alteròque statim die lassitudo, anorexia, cardialgia, singultus, quibus accedunt vomitus frequentissimi; excernebatur materia adusta, picea, ac foetens, admixtò pituitæ viscidæ albæ pauculò. Cum rejectorum color niger ac piceus, illorumque foetor

cum

cum subitanē, eāque vehementi virium prostratione monstrarent, ob potum cerevisiæ facibus suis denuò imprægnatæ & deturpatæ largiorem, cruditates in corporis crassi stomacho, intestinis, mesenterio, totaque massâ sanguineâ contentas fermentatione præternaturali esse commotas, corruptas, ac ob œconomiam Microcosmi violentè turbatam in stomachum regurgitatas ac revocatas esse, malignitate aliquâ Archæo simul insidias struentes, adhibebantur statim alexipharmaca, præcipitantiæ è C. C. ustō, ebore ustō, terrâ sigillatâ, spiritus mastichis, balsamica item è sulphure, mumiâ miscebantur; theriaca internè & externè applicabatur; nec omittebatur opium, & clysteres acres revellentes, additō electuar. hier. picr. cum agaricō & nitrō. Sed truculentia causæ eludebat opem ac operam omnem, donec circa diei tertii finem accedente plenariâ, eāque celerrimâ virium prostratione, atomis putridis balsamum vitæ extinguentibus, sub copiosissimâ dictæ materiæ piceæ per os, nares & alvum, quâ data porta, proruptione suffocatus ad plures abierit, inter togam & sagum medius. Novimus, illum cum collegis thyrsigeris potatum in rus abiisse; nesciebamus autem, quod fæces denuò cerevisiæ conjugatas biberint; proinde obstupescēbamus subitam illam & lethalem fermentativam corruptionem, suspicabamur quasi venenum; Hinc jussu *Dn. D. Michaëlis* instituebamus cadaveris sectionem. Primariam & primam vomituum horum miraculorum causam alibi, quàm in stomacho primùm quærere non poteramus. Dissectis & separatis abdominis viscera continentibus partibus externis hic nullibi apparebat; Inde quasi occæcati manuductionem implorabamus Duodeni, utpote Ventriculo aliàs connexi; Illud transibat diaphragma in thoracem per foramen à Naturâ factum, non verò aliquâ violentiâ, quale exemplum reliquit Magnus *Dan. Sennertus in Medic. Practicâ, Tractatu de Vulneribus*. Apertō igitur Thorace, inveniebamus fastuosum nostrum stomachum, altioribus inhiantem, in sinistrō ejus latere latentem sub omenti por-

Ccc 2

tione,



tione, cui firmiter erat adnexus; Incisus hic tres adhuc libras  
 materiæ istius nigro-viscidæ contentæ spectatoribus monstra-  
 bat; Pylori sphincter adeò erat relaxatus, ut ex intestinis mu-  
 cus iste plenò impetu in stomachum redire non difficulter po-  
 tuerit; Hic, cætera liber, inferiore sui parte ligamentis aliquot  
 membranosis, iisque fortissimis diaphragmati & pleuræ circa  
 costas spurias alligabatur; nunquam tamen de asthma ille  
 conquerebatur, nisi de subitaneò ac quasi suffocante, mox ta-  
 men iterum evanescente, postquam unam alteramque potùs  
 libram præcipitatâ deglutitione ingurgitabat, qui modus, hau-  
 sticâs bibere, in potatoriâ palæstrâ Bacchi discipulis audit. Li-  
 bera semper in hoc homine respiratio eò magis erat admiranda,  
 cùm stomachi moles mirum-quantum magna superiore sui  
 parte claviculas ferè attingebat, sinistrumque latus planè oc-  
 cupabat, adeò, ut vix minimæ sinistri Pulmonis particulæ (in  
 favorem stomachi parcè ibi à Naturâ providâ creatæ;) locus  
 superesset necessarius; Ingratus iste insuper & superciliosus  
 Thoracis hospes cor quoque (quod mediante pericardiò pleuræ  
 erat copulatum) de suâ in dextrum latus depellebat sede; ita ut  
 dexter Pulmo Cordi cedens dorso adhæreret spinæ. Sed non-  
 dum cessant stomachica ista ludibria; situm enim obtinuit à  
 Naturâ opifice inversum; Oesophagus enim descendens pro-  
 pè diaphragma ipsi inferebatur, (unde in morbo præsentè de  
 solitò cardialgiæ locò affectò conqueri poterat;) E contra Py-  
 lorus Duodeno annexus altiùs, ferè usque ad claviculas erat si-  
 tuatus, superjacebatque superiori, quod dicunt, Ventriculi  
 orificio. Diaphragma totum erat carnosum; Hepar magni-  
 tudinis insolitæ ac tantæ, ut locum stomachi infra deficientis  
 ordinariū impleret, Diaphragmati quoque erat adnatum.  
 Abdomen ita ingressi non immeritò volebamus oculorum  
 holocaustum offerre lieni; verùm & hic nullibi adparebat;  
 Veluti autem antea stomachi latibula per connexum Duode-  
 num licebat expiscari; ita & hîc non minus per vas breve sto-  
 macho conjunctum, aliæque vasa viis ordinariis adhuc ten-  
 dentia

dentia reperiēbamus, sanum quidem, sed exilem in peculiari capsulâ, quam Diaphragmatis duplicatura ipsi in sinistro latere composuerat, nidulantem. Superessent alia addenda rara; sed crena stupefacta ampliùs non obedit.

Ex adductis patescit, quantæ accidant in corporibus humanis contentorum variationes, (licet in aliis subjectis non tam copiosæ semper & rarissimæ,) quæ sæpiùs eludant in cognoscendô morbô etiam cautissima Medicorum experientissimorum ingenia; ideoque modestiùs agere, & censoria indicia suspendere, vel ad minimum sine aculeis proponere ea deceret Medico-Mastiches contra Practicos innoxios, causas morbificas tam adcuratè divinare neutiquam valentes.

### SCHOLIUM.

**E**Adem hæc ventriculi in thorace reperti historia, prout eam An. 1661. Nobil. D. Autor Patavio ad *D. Marcum Ruych*, Medicum Amstelodamensem perscripsit, recensetur in *Exc. D. Laurent. Straußii tr. de fœtu Mussipont. pag. 196.* cujus etiam *pag. 15.* nec non in *D. Thom. Bartholini cent. 6. histor. anatom. 55.* ex edito Lipsiensi programme mentio facta; dignæ sanè, quæ obraritatem has quoque Ephemerides exorner. Cæterùm etiam ventriculus in thorace repertus legitur in *Laz. Riverii cent. 4. observ. 67.* ubi nempe is dextri pulmonis deficientis locum in juvene per naturam occupaverat.

[*L. Schröck, L. F.*]

### OBSERVATIO CXCIV.

D. GABRIELIS CLAUDERI,

### Vagitus Uterinus an mala prædicat?

**V**Agitus Uterinus rarò accidit; si verò observatur, Fœtus ille adolescens ut plurimum mala minatur aut toti regioni, aut suæ familiæ, aut saltem sibi ipsi, juxta Experientissimum *Dan. Sennertum*, & alios. Magnus quidem



quidem *Thomas Bartholinus* contrarium statuit, ideò quod vagitus ille fiat modò naturali; Verùm, quòd Pace tanti Viri dixerò, tenuitati meæ magis arridet opinio *Sennerti*; Quamvis enim modò ille fiat naturali, minimè tamen est negandum, Omnipotentem Opificem non rarò ad ominosa nobis indicanda vel præfagienda uti rebus physicis; Do instantiam de Cometâ; hic itidem natales debet causis naturalibus, nunquam tamen impunè est visus. Addo insuper exemplum de simili vagitu: Novi virum, qui in Uterò maternò vagiverat; iste sanè postea in Aulâ, Curiâ, & alibi varias turbas Politicò Christianò indignas sæpiùs excitavit, & dum hæc scribo, adhuc excitat. Proinde in talia quidem non est superstitiosa & nimia fiducia ponenda; E contrâ etiam neutiquam planè sunt contemnenda.

## OBSERVATIO CXC.

D. GABRIELIS CLAUDERI,

## Clyster innoxie vomitu rejectus.

**C**ommunis, isque minimè frustraneus est metus Medicus, utpote rationibus solidis innitens, atque multiplici experienciâ confirmatus, si clyisma pro alvò stimulanda, pro cruditatibus revellendis, aliasque ob causas adplicitum rejiciatur, vomitu, instare miserabilem illam passionem iliacam, miserere mei ideò nominatam, scilicet ob ruptam valvulam inter ileon & colon reperibilem, à Naturâ providâ illuc obicis munere cautissimè locatam. Veluti autem nulla regula suâ careat exceptione, ita & contrarium exemplum Praxis mihi subministravit, dum scilicet puello nobili, duorum annorum, contra vomitûs & alvi duritiem post alia tentata applicabatur clyster revellens; sed dictum factum, post horæ quadrantem vomitu ille integer rejiciebatur quidem; Puellò tamen, post continuata remedia interna,

terna, & externa, reconvallescente, & postea in vegetum adolescentem succrescente. Propterea in ancipiti statu juniores Practici animum non dejiciant, sed, sub prognostico agnatis apertò, cautâ methodò quod sui muneris est, prosequantur; dubium enim remedium certæ desperationi anteponendum.

### SCHOLIUM.

**S**imile quid à *Dn. Parente meo* An. 1672. M. Febr. in pictore quodam fuisse observatum, scio, qui licet iliacâ passione ad internecionem penè gravissimè conflictatus fuisset, rejiciendo non solum feces alvinas per os, sed & enema, ut fuerat adplicatum, divinâ tamen gratiâ curam juvante, ab eodem feliciter pristinæ sanitati fuit restitutus. Singulare etiam est, quod in *Matthæo de Gradibus in pract. cap. de vomit.* de quadam puella legitur, quæ ileo laborans, feces, clysteres, & suppositoria per triduum vi magnâ rejiciens, tandem jusculis pinguioribus, acrimoniam temperantibus, curata fuit; nec non quod *Frider. Lossius lib. 3. observ. med. 3.* de virgine toto vitæ tempore morbo nunquam correpta habet, quæ de ventriculi gravitate & nausea querula, alvum adstrictam clystere ex lacte saccharato lenitura, eundem per horam in intestinis retentum, sine ullis fecibus, nihil prorsus immutatum, vomitu rejecit, à morbo simul liberata. Confer. *Dec. I. Ephem. harum Ann. III. Obs. 46. & Ann. IX. Obs. 94.*

[*L. Schröck, L.F.*]

OBSER.



## OBSERVATIO CXCVI.

D. GABRIELIS CLAUDERI,

Severa animi adfectuum biga, Ira & Mœror,  
 crudeli ingratitude humanæ imperant va-  
 letudini; aliquando tamen eam huic  
 quasi invitam profuisse, obser-  
 vatum est.

**F**elix ter quaterque ille omninò est pronuntiandus, qui animi sui adfectiones ad Ethicæ Christianæ cynosuram ita habet obedientes, ut in æquilibrio subsistant, quod quidem & *Horatius* aureis verbis inculcavit: *Sperat infestis, metuit secundis alteram sortem benè præparatum pectus*. Verùm paucissimos æquus ita amavit Jupiter; sed cogimur potius ob continuum peccati Adamitici fermentum de contrario conqueri. Duas præprimis in sinibus fovemus & nutrimus vipers, iram scilicet & mœrorem. Pro evitanda prolixitate superfluum censeo, producere modos, quibus ira præcipiti suò fervore Nobis noceat, cum tantus is sit, ut jamdudum furor brevis audierit; igitur provoco ad testimonium singulorum ferè hominum quotidianum. De clandestinis ac furtivis sanitati nostræ à mœrore structis insidiis publicæ itidem vagantur querelæ. Nihilominus ingratos hosce hospites, quasi nolentesvolentes, prodesse aliquando debuisse constat. Iram quod attinet, tum alios, tum meipsum Praxis docuit, personis in senio constitutis hâc mediante balsamum vitalem quodammodò reviviscere & in actum reduci, cùm ita mucosa phlegmatis visciditas illum quasi suffocans ventiletur; & calor innatus senilis sit æquiparandus lapidi pyriti, scintillas igneas non, nisi ferrò fortiter percussus, spargenti & communicanti. Dicta autem incandescencia moderata & lenior, nec frequens esse debet, aliàs  
 flammu-

flammulam lucis innatæ jamjam semimortuam subito extingueret; Adhæc spiritûs cordis ac cerebri insimul confortante aliquo sunt juvandi. Non minùs observavi, Mœrorem contragenium suum adversæ nonnullorum valetudini plus commodi quàm noxæ intulisse. Sic cujusdam complexio consistebat in plethora impura, hoc est, sanguis ipsi quantitate & qualitate peccabat; inde sapiùs experiebatur ebullientes massæ sanguineæ tumultûs; Mixta autem simul sanguini impuritas salsa varia procreabat mala, v. g. stomachus à sèro acri stimulatus plus appetebat, quàm concoquebat; inde à cruditatibus superfluis somnus paucus, sudor symptomaticus, & alia. Accidebat autem ipsi ob causâs domesticas mœror improvisus, isque violentus, qui aliquâ sui parte spiritûs sanguinis nimium ferocientes & ebullientes consumebat, inde nec sèrum acidum salsum indebitè stomachum stimulabat, qui insimul ob tristes mœroris effectûs cibi antea frequentius appetiti quodammodò obliviscebatur; ac modò magis naturali suò fungebatur officio, somnus erat tranquillior, aliaque varia œconomia Microcosmicæ ad crescebant bona.

[*Altenburgò 1687. d. 17. Januar. Augustam missa.*]

OBSERVATIO CXCVII.

D. CHRISTIANI ERNESTI CLAUDERI,

*De*

Lapide magno intestinali lumbricis prægnante, per anum excretò, superstitite manente muliere.

**U**Xor Venatoris, uti videbatur, benè sana, lotricem agens, elapsis abhinc novem annis, pro lævigandis lintheaminibus, machinam lapidibus repletam, trahendo & retrahendo, violentè nimis & incautè corpus extendens, eò ipsò momentò dolorem acerbum, ruptorium quasi;

*Dec. II. Annus V.*

Ddd

in




in hypogastrio sinistro sentit, qui dolor indies auctus ipsam de-  
 mum lecto penitus alligat, tamque immanissime dies noctes-  
 que per tres septimanas sævit, ut non solum totam domum,  
 sed viciniam clamoribus & ejulationibus quoque impleret;  
 Hoc tempore mulierculæ adstantes sexcenta, & plura remedia,  
 uti appellant, domestica pro discutiendis, earum opinione, do-  
 loribus colico-hystericis, adhibuerunt, &, quod notandum,  
 frictionibus & fomentationibus acrioribus, actuque calidissi-  
 mis totum latus adeò adusserunt, ut vestigia hodiernum viden-  
 da præbeat; Verùm his omnibus frustra tentatis, alvoque in-  
 super in sextam diem occlusa, tamen, nullis etiam precibus ad  
 usum Clysterum persuaderi potuit, usque tandem, permanen-  
 tibus & vix amplius ferendis cruciatibus, Suppositoria ex melle  
 cocta admitteret. Horum applicitio alterò, dolorem ex sede  
 sua, (dulcedine forte an allectis lumbricis) hætenus fixâ, move-  
 ri & transversim per abdomen, versus lumbos tendentem ac-  
 curatè sentiebat, moxque magna cum vehementia dolorisque  
 exacerbatione mulier semimortua quasi, lapidem hunc anò  
 egressit; qui magnitudine pugnam ferè æquabat, oblongus,  
 insuper erat durus & ponderosus, facie externâ lævissimus, co-  
 loris cineritii, cum albicantibus striis, in utraque extremitate  
 foramen, digiti crassitie exhibens, per quod lumbrici nume-  
 ro 7. 8. calamus scriptorium crassi, ad unius vel duorum digi-  
 ti articulorum longitudinem, vivi propendebant, arctiori que  
 nexu, internè in lapide sese invicem complicantes, adeò fir-  
 miter hærebant, ut nec fortiter etiam tracti, extrahi tamen mi-  
 nùs potuerint. Hicce lapis cum tam duræ consistentiæ, ut  
 nec malleo, fortiter quamvis percussus confringendus, Mari-  
 tus nescio quo inani metu percussus, & anili superstitione actus,  
 admirandam dictam Microcosmi progeniem, animatum hunc  
 lapidem, ante Solis ortum in fluvium projecit, sicque undis  
 ac tenebris perpetuis submersit, quod luci meridiane omni-  
 umque oculis exponi longè dignissimum fuerat! Mulier post-  
 hæc benè se habere, viresque sensim recolligere coepit, vi-  
 tam-

*Lapis lumbricis prægnans per  
anum excretus superstitie manente  
muliere.*

*Fig: 41.  
p. 394.*

*Fig: 42.  
p. 396.*



*Lapis per vesicam ex-  
cretus,  $\text{℥} \text{ xii } \text{℥} \text{ i.}$  pon-  
derans, superstitie muliere.*





tamque in hunc usque diem integrâ sanitate, miserè licet, cum paupercula Vidua nunc, dum hæc scribo, vivit, annum ætatis agens quinquagesimum septimum.

Fig. XLI.

OBSERVATIO CXCVIII.

D. CHRISTIANI ERNESTI CLAUDERI,

Lapis Vesicæ admirandæ magnitudinis excretus, superstite Muliere.

**C**Um præteritis annis Ronnenburgi, Physici munere fungerer, in pago *Hirschfeld* / milliari uno à dicto Oppido distante, incolæ cujusdam, *Andree Kollens* / Uxor, 48. annorum postquam crudelissimo dolore nephritico, per aliquot annos statis periodis miserrimè afficeretur, multaque à multis Dogmaticis, iisque excellentibus Medicis, æquè ac Empiricis medicamenta adhibuisset, plurimosque lapillos, quorum aliquot satis conspicuæ magnitudinis, excrevisset, in passionem iterum nephriticam, per plures dies vehementissimè urgentem, incidit, & cum insuper in quintam diem jam jam omnimodam Urinæ suppressionem pateretur, miserabili spectaculò in terram prostrata, & præ dolore immanissimè furente, ubi se contineret, nescia, in extremò quasi vitæ, limine posita videbatur; Ejus Maritus ultimò meam opem Medicam vehementissimè ac lachrymis implorabat. Quare ejus petitis satisfaciendo ut debui, volui, & quidem sub prognosi, ordinavi Balneum ex emollientibus & antinephriticis; Pulverem ex operculis cochlearum calcinat. oculorum cancrorum, salis fimi columbini, addito grano uno vel altero opii cum sulphure præparati pro aliquot præbiis, It. Essentiam ex essent. lumbri-  
corum terrestrium cum spiritu proprio, spiritu flor. acaciæ, salis armoniaci volatilis & Tinctura anodyna remixtam.

De his unâ vel alterâ dosi alternatim sumtâ, aliquatenus alleviata insequente die, inopinatò, maximò tamen Naturæ

Ddd 2

conatu,



conatu, æquè ac foetum enixuræ, lapis prorumpit, ac vi quasi quâdam magna adactus, per satis notabile spatium in pavimentum propellitur, sequentibus simul largâ aquarum, stagnatione corruptarum profusione, plurimaque mucilagine ac pituitâ viscidâ putridâ in frustula majora & minora discerpta, intolerabili foetore, ut adstantes, præter morem hujus generis hominum pravum odorem vix, ac ne vix quidem magni æstimatorum, ex hypocausto festinare coacti fuerint. Lapis formæ erat rotundæ, optimè sphæricæ, coloris ochrei, externè lævissimus, substantia compactus, ac durissimus, adeò ut cultro difficillimè aliquid eo deradendum; magnitudo ovum Gallinaceum æquabat, pondus verò libram unam medicam, 3xij. sc. 3j. & paulo plus.

Mulier hoc pondere levata, ex faucibus Orci quasi erepta, recens nata sibi videbatur, viribusque sensim re collectis, integrâ sanitate gaudebat, hancque per reliquos vitæ annos ab omni insultu nephritico liberam servavit, remanente saltim Affectu molestissimo, Urinæ incontinentiâ, mihi que plus vice simplici lætâ fronte obvium facta gratam mentem semper contestata est.

Fig. XLII.

#### OBSERVATIO CXCIX.

D. CHRISTIANI ERNESTI CLAUDERI,  
Abscedens post morbum Epidermis.

**V**ir plurimùm reverendus Arthritide vagâ scorbuticâ per 11. hebdomadas gravissimè afficiebatur, adeò ut morbo in ἀκμῇ existente per 3. septimanas, ne digitum, multò minùs aliud quoddam corporis membrum loco movere poterat, & planè immobilis jacere cogeretur, insuper ab atrocissimis doloribus, nunc hanc, nunc illam, nunc plures simul partes urendo, lancinando ac perterebrando adorientibus, ita, non sine summâ adstantium commiseratione,

ne, toties enecabatur; Tandem per Dei gratiam, & methodicè adhibita generosa remedia morbus ad declinationem venit, breviq̃ue pristinæ sanitati restitutus; quò factò, en Epidermis integra & tota in manibus & pedibus dehiscere incipiebat, posteaq̃ue facillimè & spontè quasi suâ à dictis partibus tota instar chirothecarum abscedebat & detrahebatur.

[*Cygnæa Altenburgum, & hinc 1687. 17. Januar. Augu-  
stam missæ.*]

### SCHOLIUM.

**E**Xcell. D. D. Georg. Segerus *Ephem. nostr. Decur. I. Ann. IV. Observ. 88.* universales totius corporis decorticationes, quia non ita sunt vulgares, meritò ab Autoribus annotari scribit; quarum ipse ex *Linschottano, Salmutho, Höfero, & propriâ observatione aliquot recenset; quibus jungatur Socer D. Thom. Bartholini, in Act. Med. Hafn. Vol. I. Observ. 37.* qui à desperato marasmo senili reconvalescens cuticulam exuit, quasi resumtâ juventute; & Nobilis ille apud *Petrum à Castro, de Febr. puncticul. malign. Sect. 9. Aphor. 58.* cui post morbum malignum tota epidermis in loca oblonga, quæ à toto dorso uno tractu avellebantur, abscessit; ac denique Virgo, cui ab usu lapidis bezoardici mineralis Siculi, itidem in febre maligna, tota cuticula fuit separata, cujus historiâ & ætiologia num. 26. suis observationibus naturalibus fuit inserta à D. Paulo Boccone.

[*L. Schröck, L. F.*]



## OBSERVATIO CC.

Dn. ROSINI LENTILII,

Vegetabilia in pulverem comminuen-  
di curiosa ratio.

**N**on est hic mei cerebelli fetus, sed viri planè egregii, & Amici integerrimi, Domini *Johannis Röderi, Physici Hilperhusani*; quem dignum sanè duxi, ut *Curiosæ Societati* notum facerem, tametsi id nulla viri laudati venia fiat: Spero tamen fore, ut æquo animo meum hoc institutum ferat, & incitetur ad majora, pro indole, qua est laudabili, molienda. Sic autem Vir elegantissimus, in mellitissimis ad me datis: Ego, ferè ludenti, quid hac hieme notatum mihi, nî grave fuerit legere, aperiam. Cogitabam nempe tædiosas pulverum plerorumque è vegetabilibus, radicibus, herbis &c. pro dosi moles, quin multum virium in exsiccatione, quod odoris testatur fragrantia, evanescat frustra, pro faciliiori pulverisatione cogitavi, inquam, annon, quod exspirat, capi possit, eoque, qualiscumque etiam formæ fuerit, pulverum pars imprægnari, quo hinc virtus odoris collecta, concisius administrari? tentavi cum radice *carlina*, *helenii*, *xedoaria*, *rasura ligni rhodii* & aliis, exsiccavi in fornace, in vitris clausis, obtinui è quibusdam sal volatile, in aliis oleum, in aliis, v. g. *carlina* liquorem inter oleum, aquam & spiritum quasi ambigentem, seu horum neutrum, & *gummoso* affinem, sed longè penetrantissimum, ut etiam vitro nitidissimè purgato, & ad lixiva & alia acria adhibito, post aliquot hebdomadas odor *carlina* remanserit: insimul radices, v. g. sic exsiccatae, ipsæ multis parafangis penetrantiores sunt, & acutiores vulgariter arefactis. Hucusque Amicus meus.

# SCHOLIUM.

SAnè, quod hic vir in pulverisationis modo tentavit, meo quidem judicio dignum est ulteriori scrutamine. Tam est diffusus pulverum vegetabilium apparatus, ut igenuè fatear, me, quum possum, libentissimè iis, in præscriptionibus formularum abstinere. Delicatiores etiam hodiè sunt ægri, quam, ut pulverum tanta dosi torqueri velint. Cum præscribuntur isti pulveres vel scrupulis, vel drachmis dimidiis, e. g. in pulvere quodam stomachali, integræ statim complentur scarulæ, nec ferè moderari quis eorum pondus potest. Et, si nil esset, cur pretiosum sal volatile frustra vel in furnis vel umbra propellitur, farina multum viribus orbatas, restitante? Sic integræ nonnunquam domus, ejusmodi radices arefactas redolent. Quanto majoris æstimanda vis concentrata, in illis præmemorato modo exsiccatis, ubi non tantum præbii, sed & sumtuum fit compendium? Agedum, quæ heic mihi monenda occurrunt, aperiàm. (1.) *Non omnes herbe & radices huic negotio sunt aptæ, sed sicciore tantummodo, odoratæ & aromaticæ.* Sic in radicibus Valerianæ, helenii, galangæ, angelicæ, carlinæ, zedoariæ; item in herbis, rosmarino, majorana, tanacetum, cyparisso, matricaria, asaro & similibus; denique in floribus anchos, calendulæ, lavendulæ, liliorum convallium, sambuci; item seminibus anisi, fœniculi, cumini, carvi, & omnibus aromaticis oleosis, coriandri &c. optimè negotium successerit, velut ipse aliquorum feci periculum, bono cum successu. *Sed in aquosis, fatuis & mucilaginosi, ut eas hoc more tractari necesse non est* (siquidem horum efficacia non consistit in sale volatili, odorato, sed fixo, terrestri, item oleositate præpingui &c.) ita vix credidero, istam pulverisationem expectationi satisfacturam. Tales sunt radices altheæ, symphyti, sigilli Salomonis, iridis nostratis, satyrionis; herbe endiviæ, lactucæ, fabariæ, sempervivi, atriplicis, portulacæ; acetosæ &c. flores liliorum alborum, nymphææ, rosarum rubrarum, malvæ, peri-



periclymeni, tapſi barbati; Semina frigida, pſyllii, cydoniorum, amygdalæ, pineæ, &c. eorum enim aliqua citius putreſcent, quàm optato fine fruarè, ſiquidem phlegmate nimis abundant. Et quanquam aliquæ ſale volatili ſuo gaudeant, ut rad. ſigilli Salomonis, flor. roſar. &c. phlegma tamen prorſus exuberat, & exſiccationem impedit, quod mihi compertum.

(2.) *Commodiſſima hac exſiccandi ratio erit, ſi herbas, radices &c. minutim-conciſas, phloë includas, aut Hermetice ſigillanda, aut optimè tamen & curioſiſſimè munienda, quæ collocetur in arena interdum agitando: Vel, juxta præſcriptum Nob. noſtri Theſei, Patroni mei, Ovum vitreum conſectur, aut urinalia duo vitra, quorum ſibi oriſicia reſpondeant, quærantur, quibus inditæ radices, herbæ, ſemina &c. vitris arctiſſimè, ne quid exhalet, commiſſis, arenæ, ſæpius invertenda, credantur, donec videas eſſe ſatis exſiccata, ut in pulverem redigi queant, contenta, qua ratione C. C. bezoardicum parare jubet Excellentiſſimus Auctor, ingenioſa planè encheireſi. In Dec. II. Ann. III. Ephe-  
meridum noſtrarum Obſ. 135.*

## OBSERVATIO CCI.

Dn. ROSINI LENTILII,

## Aquarum ſalubrium Examen Chemicum.

**I**N Noſocomio ad S. Johannem, ante urbem noſtram, ſcaturiunt aquæ ſalubres, olim famigeratæ. Sed, qui fructus eſſe belli ſolent, deſolato ſacello, & ædificio in commodum balneantium affabrè exſtructo, hætenus ipſe puteus, per tot annorum decurſus, viduatus, in deſuetudinem viſitationis abiit. Contigit haut ita pridem, ut Vir in urbe noſtra primarius me alloqueretur, & ſaluberrimæ ſcaturiginis diuturnas ferias quiritaretur, quam olim variis ægrotis opem tuliffe recordabatur. Interrogabat, numquid non poſſet in uſum revocari? Ego, qui ad ejusmodi Naturæ Curioſa facilis eſſe ſoleo, meam ſtatim operam polliceor. Porrigitur hinc mihi faſciculus,

lus, qui variorum Medicorum de illo fonte cogitata docebat: Quos inter eminebat *Lauginganus* quondam *Æsculapius*, *Martinus Rulandus*, cujus ad *Nordlingensis Reipublica* tum Consullem, *Hieronymum Frickhingerum*, sub 7. Aprilis 1588. datae litterae sic sonant: Ut petito vestro velificarer, balneas nosodochiales vestras studiosè destillavi & calcinavi, & *Alumen*, *Sulphuris* q̄ parum in sinu fovere comperi: Judico proinde eas calefacere & siccare, mederi què, cæteris paribus, omnibus morbis è dyscrasia frigida & humida oriundis, catarrhis, debilitati stomachi, asthmatis, apoplexiæ, paralyfi, lethargo, vertigini, obstructioni hepatis & lienis, colicæ, arthritidi, morbis uterinis, mensium suppressioni, sterilitati muliebri, nephritidi, calculo renum & vesicæ, dysuriæ, tinnitui aurium, obsurdescentiæ, oblivioni, tumoribus, hydropi, ischiadi, omnibus cutis vitiiis &c.

Hunc κατὰ πρόδα secuti, *Nordlingensis Reipublica* post 60. annos à datis illis litteris Medici, D. D. *Johannes Glottseis*, & *Johannes Klein*, schedam evulgarunt, tum contenta superius recensita, tum balnearum ad eosdem memoratos morbos vires, tum etiam modum utendi recitantes, quod factum d. 20. Maji 1642. Satis erat, vel tertiam morborum partem ab harum balnearum usu profligari, quorum supra catalogus existit, siquidem non nisi à mixtione *Aluminis* & parci *Sulphuris* elicienda virtus: hinc Physici antiquiores, *Rulandi* qui tempore hic *Nordlingæ* vixerant, D. D. P. *Hechtlin*, & D. D. *Gutbertus Vajus* eodem Anno 1588. Sententiam suam à Nobiliss. Magistratu rogati, in eo consentiebant ambo, ad cutanea quidem vitia cujusvis generis sese proficuas expertos esse aquas; de viribus internis autem dubitabant ambo, quin ultimus se in multis ægris spem fallacem in hasce balneas collocasse, ob mineralium puritatem confitebatur: imò è mineralibus virtutes balnearum ratiocinatione neminem eruere posse, sed soli experientiæ id esse datum prudenter monebat, quod infra pluribus adducetur. Prior autem præter *Alumen* & *Sulphur* etiam *Nitrum*  
Dec. II. Annus V. *Ecc* (& qui-



(& quidem plus quam istorum) & *Smiritis* nonnihil se reperisse scribit. His equidem ego perlectis fontem adii, quem totum squalidum, & innumeris refertum quisquiliis reperi, ita, ut aqua pura haberi non posset, quæ tamen gustu vix ac ne vix quidem minerale quid sapiebat. Attamen, ne dona Dei, quæ multis regionibus non est largitus, utilitate sua & fine defraudarentur, utique auctor ipse fui, ut aquarum decens & curiosum examen institueretur, hinc in chartam, sequentem examinandi methodum, non has tantum, sed omnes aquas minerales alias, conjectam, tradidi. Sed hætenus res, ob quas, nescio, causas, in suspenso mansit.

Postquam puteus omninò est aqua sua exhaustus & à quisquiliis repurgatus, Medicus descendet scaturiginem lustraturus, num ea sit simplex, an duplex, an multiplex? Item, si plures adsunt scaturigines, num harum omnium una sit aqua, an mineris illæ differant? Porro, an & scaturiat alicubi aqua, quam vocant, fera, cujus vena artificiosè obturanda, nemineralis aqua adulteretur, atque adeò pura & intemerata conservetur. Lutum indissolubili nexu semper scaturiginibus adsociatum eruatur, ejusque notabilis quantitas partim destilletur per retortam, partim exsiccata calcinetur: destillatum cum capite mortuo, itemque calx per omnes encheireses, mox nominandas, examinetur. Ipsas aquas salubres quod attinet, ad ejus examen Chemicum vix integra vehes suffecerit, siquidem ex voto res succedat. Hujus itaque contenta vel sunt volatilia vel fixa. Volatilia, ob summam subtilitatem, arte Chémica capi non possunt, certe sunt hætenus à nemine capta unquam, à quorum tamen vi penetrante, efficaciæ maximam partem in morborum curatione sitam esse, salvo aliorum judicio, censeo. Destilletur quævis aqua mineralis vel centies, nihil tamen, nisi aqua communis, tantillum empyreumatica, transcendet alembicum, relicta in fundo parca calce, Partes ideoque volatiles aquarum salubrium, non nisi à posteriori, suis scil. effectibus, facili puta evaporatione, sapore, odore &c. sunt demonstrabiles, nec à priori, manu ductione sc. spagyrica, unquam

unquam hactenus ad oculum sunt ostensæ. Quoad mineralia fixa, præter commune coloris, odoris, saporis, tangoris (an mollis aqua sit, an asperior, an lotionem manus cutem quasi adstringat, quod indicium est Aluminis contenti) iudicium, sequenti modo procedendum arbitror: Filtretur aqua ante omnia, ne illapsum forte pulverem, aut alias impuritates post examen repertas, pro peculiaribus contentis habeamus, ut extranea omnia secedant. Impleantur ea pura & filtrata, vitra lati orificii, quorum quodlibet præterpropter mensuram capiat, minimum numero decem: Hinc explorentur ejus in genere vires, admixtione peculiaris spiritus mineralis, vel salis, in vitrum quodlibet. Uni v. g. instilletur *Spiritus Salis Armoniaci*, alteri *Spiritus Urinæ*, tertio *Aqua fortis*, quarto *Spiritus Nitri*, quinto *Spiritus Vitrioli* (idem potest tentari cum *Spiritu Salis*, *Tartari*, *Cornu Cervi* &c.) sexto *Mercurius sublimatus*, septimo *Alumen*, octavo *Vitriolum*, nono *Sal Armoniacum*, decimo *Nitrum* (vel etiam *Sal commune*) & sic vel exorta fortassis effervescentia, vel præcipitatione ad fundum, ejus vires, natura, & contenta mineralia, bonam partem cognosci possunt. Recipiantur aquæ circiter mensuræ iiij. infundantur in vitrum magnum, lati orificii, apertum: exponatur aëri libero, ut videamus, quomodo se gerat in putrefactione, & quum computruit & fetet, pariratione, atque filtrata recens, admixtis spiritibus & salibus exploranda. Consimili modo ejus mensuræ circiter ij, in phiolam infundantur, quæ muniatur curiosissime, & æstivo tempore Soli exponatur: Et alia phiola, eadem Aquæ quantitate prægnans & probe clausa, in digestionem ignis, calori arenæ vel cinerum credatur, utrimque per aliquot septimanas, & ex harum mutatione experimenta instituenda. Sic ad manus pulvis gallarum, admisceatur aquæ, quæ, si vitriolo prægnans est, nigrescet, si alumine, ad instar feri lactis albescet. Idem fit, cum Spiritum vini rectificatum infundis, aqua enim lactescens alumen prodit. Destillentur etiam aquæ mensuræ aliquot per alembicum, & videatur, num quid hunc spirituosum



transcendat, & quale caput mortuum in fundo remaneat. Maxima pars aquæ ad evaporationem requiritur, ubi prope-  
modum per omnes horæ quadrantes aquæ mutatio, in colore,  
odore, sapore, observanda: quin, quoties in superficie pellicu-  
lam videris, ea prudenter tollenda, illiusque colligenda suffi-  
ciens quantitas, rursus solvenda, & in cellam pro crySTALLI-  
fatione, collocanda, qui crySTALLI salis contenti naturam an v. gr.  
sit nitrosum, an aliud, aperient. Inesse autem nitrum, alio  
modo probare licet, scilicet in ipsa evaporatione subindere cens  
aqua salubris affundenda, ad mensuras xvj. vel xx. & restans  
humor fuscus & limosus in hypogæum collocetur, & si quid  
inest nitri, successu temporis illud externis ollæ parietibus affi-  
getur, aphronitri facie, cujus, quantum sufficit, colligere li-  
cebit. Sedimenti vel terræ seu calcis post singulas evaporatio-  
nes relictæ tñj. vel ij. collige: quantum collegisti, in 2. partes  
divide: alteram partem cum limo figulino aut bolo mixtam in  
globulos compinge, quod solemus in destillatione quorundam  
spirituum salinorum, & destilla per retortam igne aperto: spi-  
ritum, quem nanciscere, per admixtos omnes supra memora-  
tos spiritus, explora, qualis ne sit? Alteram partem calcis in  
multas exiguas portiones disparti, & primum tenta, num in  
aliquo menstruo solvi se patiantur, quod, si fit, evaporando,  
ut decet, sal collige, eumque, an sit de acidorum vel alkali-  
um profapia, ut nosti, examina. Per præcipitationem autem, an  
aliquid gummosi vel resinosi insit, adfusis variis rursus liquo-  
ribus, experire. Calcinatio deteget, num quid metalli, Mar-  
tis, Veneris &c. in sinu vehat; & fusio denique in crucibulo,  
num quid antimoniale &c. insit, monstrabit. Sulphur autem  
in putrefactione quærendum. Aqua enim, cum putruit, qua-  
damtenus ad aliquam crassitiem evaporetur, hinc instilletur  
sufficiens quantitas aceti destillati, tunc quidem sulphur, si  
ade-  
st, ad fundum præcipitabitur. Hæc equidem fuit metho-  
dus, qua incedendum in examine aquarum salubrium cense-  
bam, tametsi forte aliqua sint omi-  
ssa; siquidem in ipsa ope-  
ratione

ratione unum ex alio experimentum, nobis quasi aliud agentibus, obtruditur.

### SCHOLIUM.

**I**N aquarum salubrium genesin penitus inquirere, non vacat, de qua *Giurius* & alii videantur. Aliqua tamen & heic mihi monenda obveniunt. Quorum esto (I.) Quod satis audacter, quicumque aquas minerales describunt, earum contenta mineralia, etiam ad pondus, uncias & drachmas definire soleant: Vid. inter alios *Tabernam. Hydrotthesaurum per totum*. Eleganter contra hos temerarios examinatores, noster quondam Collega, desideratissimus *D. D. Salomon Braunius* in descriptione, sanè quam curiosa, *Jordani Biberacensis part. 1. cap. 6.* (II.) Desidero in omnibus, qui hactenus aquas salubres oppido varias descripserunt, viam & methodum, qua sunt in examine istarum aquarum usi; cum enim de contentis, viribus & usu multa satis prolixè recensent, in encheiresi Chimica magis sunt muti, quàm pisces; sive ex ignorantia, sive invidia. Immò ipse *Excell.* quondam *Braunius l. c.* reticet normam & formam, qua in dicti *Jordani* examine usus est. Quanto igitur majori laude dignus est noster honoratissimus Collega, & Amicus meus insignis *D. D. Gründelius*, qui, pro laudabili, quo est, & summo candore, in egregia *Roitschocrene* sua, lucem nil quidquam fugit, sed candidè revelat, qua ratione suas acidulas examinavit, latè recensitis omnibus processibus, ex quo, (quid enim diffitear?) aliqua sum mutuatus. (III.) Cæterum, proventum fontium soteriorum in genere quod concernit, non possunt non arridere mihi verba *Beccheri*, quæ reperiuntur in ejus *Phys. subterr. Sect. 2. cap. 4. num. 1. & 7.* ubi, non existimandum est, inquit, ejusmodi minerales aquas tantum provenire, quod succiquidam minerales, per transluentem aquam fontanam solvantur: Nam, ut experientia docet, si tale quidquam contingeret, brevissimo tempore, vastissima illa loca subterranea, mineralibus plena, tali continua solutione elixarentur & brevi de-



ficerent, cum tamen à tot sæculis acidulæ aliquæ fluant, necopus sit timere, ut acidulæ denique exhauriantur: potior enim acidularum pars, NB *minima mineralium parte immixta, constat ex acido centrali (centri terræ) perpetuo & inexhaustibili &c.* Certum ego profectò, & persuasissimum habeo, aquas minerales omnes minimum suæ virtutis exserere per ista contenta, quæ Chimia vulgari examine præbet: sed omninò esse arcessendam, aut ab incoercibili hætenus earundem spirituositate & volatilitate, aut à causâ adhuc universaliori, captum humanum multum transcendente. Tamen & hoc experientia docuit, aliquas minerales aquas, noviter & his nostris temporibus quæ scaturierunt, ab initio stupendos effectus, quo erant ortui suo propiores, in variorum morborum curatione edidisse, successu autem temporis, factas quasi fatuas, esse salutare omninò desiisse. Causam *Theologi* rejiciunt in enormia delicta, luxus, scortationes, adulteria, fraudes pandocheorum, in tanta hominum frequentia, ad ejusmodi fontes patrari solita, quibus equidem haut ego refragabor, sciens, quod *justus Judex*, frequenter, ob ingratitudinem summam humanis usibus eripiat, quod *beneficus Pater* bono generis nostri largitus erat. Quis interim inficietur, posse quandoque subitanam aliquam, ex improvîso mineralium heterogeneorum cum aqua concursu, fermentationem sub terra oriri, quæ, per sui expansionem facto terræ hiatus, scaturiginem producat, dum primus ille ὀργασμὸς perdurat, satis equidem admirandarum virtutum, sed, quæ ob materiæ defectum, paullatim defervescente tumultu, denique reddatur elumbis, immò æque noxia, atque fuerat antea salutaris? (IV.) Vires proinde aquarum Soteriarum quod attinet, in Beati à longo tempore *Dn. Antecessoris mei D. Vaji* supra memorati sententiam nolens volens ab eo. Ita autem ille in allegatis supra ad Nobilissimum nostrum Senatum litteris: Meo quidem judicio, non tantum è mineralibus, quæ continet aqua Soteria, de usu & efficacia decernendum, sed maximum est experientiæ tribuendum. Ita, uti cognoscitur è fructibus

fructibus arbor, pari modo ex effectibus demum vires aquæ salubris cognoscantur: Et quandoquidem, ex plurium Medicorum sententia, ex influxu astrali maximam partem dependet intestina ista aquarum cum mineralibus mixtio, ex hujus ignorantia quilibet videt, quam minimè deceat è contentis de aquarum salubrium viribus judicare. Quibus prudenter monitis & hoc addo: nimirum virtute & efficacia ejusmodi aquarum, sæpe numero tolli omnis generis morbos, diuturnas contracturas, surditates propemodum natives, & alia mala stupenda, morbos juxta calidos & frigidos, acidos & alkalicos, salinos, sulphureos & Mercuriales, & quocumque demum nomine veniant, sibi prorsus, ratione causarum & phænomenorum oppidò & verè contrarios; ut inde appareat, aliud quoddam, & ipsum quidem Herculeum agens subesse, quod par sit ejusmodi belluis conficiendis, quam ista mineralia, per solutiones, præcipitationes, calcinationes &c. extorra. Scilicet, placent, quæ *Excell. Dn. D. Kalkchhof disput. eruditissima de Fontibus Soteriis, thes. 10.* habet: *Aqua soteria, ratione primi entis, universalis Medicinæ apicem attingit, & omnibus omninò convenit morbis.* Quod non ita vult intelligi, quasi omnem actum morbum abolere & extinguere, ac vitæ conclamatæ spem ubique erigere ejusmodi universalis Medicinæ debeant; sed, quod convenient omnibus morbis, atque præ aliis, utique potenti manu, in affectus quosvis ita agant, ut omnium compleant indicationum paginam, nullaque supersit, etiam levissimi, accidentis contradictio, sicque ab omni antipraxias crimine absolvantur: Id quod expediunt serenando, exanimando, hilarando, augendo, conturbatos, tristes, imbelles, diminutos spiritûs: quod adeò planè verum est, ut nil sit verius. Enim verò quis ajat: Cur tot homines, ab ejusmodi aquarum & balnearum usu, non tantùm non restituantur in integrum, sed & gravem sibi noxam, quin mortem, contrahant? Ejus rei quidem causa, uti potest esse varia, ita cum primis hæc est, quod illotis manibus multi has adeant, id est, non prius purgato corpore,




corpore. Deinde, quod parùm diætæ sint studiosi, sed impertinenter vivant, sive potitando, vel in ipso balneandi actu, sive gulæ alio modo inserviando. Postea, quod invita Natura sæpenumero, ex præscripto schediasmatum de hujusmodi balneis, curam & adgrediantur, & perpetuent, & finiant, scilicet, non sequendo Naturæ ductum, sed præcisè tot vel tot horas, in balneis, reluctantem etiam Natura, sedendo, tot vel tot cyathos exhauriendo &c. qui errores, uti sunt vulgares, ita depretiare salubres aquas non possunt, quæ in sese manent infontes. Ut summam rem complectar: *Firmiter persuasus sum, virtutes omnium aquarum foteriarum, nos non nisi à posteriori, nunquam à priori indagare posse & cognoscere, scire nos quod agant, nescire quomodo & quibus ex principiis, illas sese habere ad instar panaceæ, quin agere ejusmodi qualitatibus, quæ, hæcenus ad minimum, sint occultæ: In eandem sententiam scripsi ad Excell. nostrum Cælium Aurelianum, quam ad sensu suo in humanissimis responsoriis idem approbavit. (V.)* Rebus sic stantibus, per necessariam consequentiam palam est, omnes vulgares aquarum quarumvis salubrium probas, ad virtutes earum expiscandas, adeò non sufficere, ut minimum nobis detegant, potiori parte in obscuro manente: Quin eam, quæ fit per *inspissationem*, esse planè incertam *Beccher. l. c. Sect. 3. c. 5. n. 6.* adferit, cum inspissatione species alterentur. Et, quamvis tentamen illud, quod per reagentia fit, (effervescentia scilicet & præcipitatione) tentamini per inspissationem sit certius, attamen nec ipsum est sufficiens, cum ipsa ingredientia novam subinde reactionem inter semetipsa faciant, nullo modo præcipitabilem, vel præcipitatione cognoscibilem. Quid dicamus de admixtione tot spirituum, tot salium? si quid inde præcipitatur, est illud Naturæ hermaphroditicæ, velenixum quidpiam. Adde, quod lagena aquis acidis plena, ubi vel unus haustus depletur, seposita per aliquot horas, omnem saporis aculeum amittat, & ab aqua simplici parùm distet, quin, magis noceat, quàm proficit, fixis illis mineralibus nihilominus in ea contentis & remanentibus.


nentibus. Balnearum quidem est aliquo modo diversa ratio, quam acidularum, ut, quarum efficacia bonam partem dependet à mineralibus fixis: hinc balneæ, quo diutius coquuntur, eo fiunt acriores & validiores, expulso nimio phlegmate, & facta quasi inspissatione quadam, hinc & colorem mutant & pelluciditatem amittunt, vid. *Braun. l. c.* Attamen, cum Terra, quæ fundo aheni, ceu capiti mortuo adglutinatur, salibus suis adhuc scateat, etiam in coctione acidularum, rursus videmus, esse præter istas mineras, quod in illis operetur, & proinde, qui potandi intentione vel acidulis utuntur, vel etiam balneis, vehementer peccare, qui eas galfaciunt, aut coquunt, cum partes volatiles, quarum est, præ fixis, in corpus humanum vis eximia, studio quasi propelluntur. Cum itaque verum sit, maximam virtutem vel latere omninò in universali quodam principio, vel tamen in parte volatili aquarum, lubet expiscari: *Anne nullo modo quis possit, etiam contentorum volucrum fieri particeps, ita, ut seorsim v. gr. quod est in acidulis volatile, queat intuentium oculis sèsti? Quod, quum supra ignis ministerio posse fieri negaverimus, attamen Excell. Kalkchhof l. c. hæc habet verba: Spiritum ex aquis Soteriis lentissimo igne destillatum magnificimus. Fateor & me talem esse magni facturum, dummodo liceat eum per ignem acquirere. Certè, si id sit, oportet omninò lentissimum opus esse, nec ignem alium, quàm, qui requiritur ad opus Philosophicum, seu qui est incubantis ova Gallinæ, tametsi adhuc mihi spes eventus dubia existat, nisi forte quis velit experimentum facere cum argilla probe usta & cribrata, eamque aqua soteria in modum pastæ imprægnatam, destillare. Sed absque ignis ministerio tale quid obtineri posse, non desperaverim. Occurrit Excell. noster Hercules, qui, sine ignis ullo ministerio, sal plantarum volatile colligere docuit, in *Experim. Chim. nov. de sal. plant. vol.* Pari methodo futurum confido, ut spiritus acidularum vel balnearum capi possit, efficto in istam rem vase idoneo, quod in puteorum concaneratione suspendendum est, ita, ut ne*



violentiam externam opus habeat sustinere. Fiat amplum  
 vitrum & capax, collum sit, qualis est Cucurbitæ vitreæ, venter  
 autem ad instar campanæ capacissimus, cujus fundus ipsum  
 quasi vitrum subintret, ita ut sensim angustatus ad vitri collum  
 protendatur, terminatus in foramen, quam potest esse, angu-  
 stum; quale vitrum ostendit Lit. A, unà cum fundo aperto B.  
 Huic aptetur alembicus concinne fabrefactus, cujus itidem ro-  
 strum satis longum exeat in mucronem, quoad fieri potest,  
 angustum, sicut est C. Denique fiat excipulum rursus capa-  
 cissimo ventre, sed perangusto collo, cui rostrum alembici sa-  
 tis equidem profunde immergatur, ut est apud D. Hæc tria  
 instrumenta in eum sibi modum, quem adpictum Schema  
 declarat, aptentur, commissuris usquequaque Emplastro dia-  
 chylo simplici liquefacto, ne quidquam spiritus exhalare queat,  
 curiosissimè obturatis: Hæc machina funi robusto duplici, E.  
 non ex cannabi (qui dicto citius corroderetur) sed è libro (von  
 Bast) contorto duobus locis circa collum scil. Cucurbitæ & va-  
 sis recipientis alligetur, ita, ut machina in æquilibrio pendens,  
 perpendiculariter in puteum demitti, & horizontaliter aquæ  
 quasi incumbere queat: Sint autem vitra robusta, ne vi efflu-  
 viorum rumpantur. Demittatur sic machina in puteum  
 (qualis e. gr. est *Bollensis*) ab externis violationibus tutum, sic,  
 ut non lambat aquam, sed ab ea circiter 4. pedum altitudine  
 distet, idque, pro collectione spiritus, per aliquod temporis  
 spatium. Tunc spero fore, ut Gas illud exhalans è puteo (qua-  
 le fumat odore gravissimo in balneis *Bollensibus*, ferrum brevi  
 tempore, clathrosque ferreos satis crassos in crocum corro-  
 dens) per cavitatem seu orificium Cucurbitæ B. irrumpat, &  
 per ejus angustiam illapsus, unde regressus non datur, ex na-  
 tura levium sursum tendens, alembicum subintret, hincque  
 colligatur in excipulo: Quod sine magno sumtu tentare lice-  
 bit, tum quidem, ubi tempus balneandi, aut nondum appu-  
 lit, aut exspiravit; quod Gas erit sine dubio spiritus volatilis  
 pene-







penetrantissimus. Modo non multum absimili *Paracelsus* in aurifodinis *Salisburgensibus*, ope trium instrumentorum, dicitur *Spiritum Mercurii Philosophorum*, colore ad instar solutionis auri fulgido, collegisse. Ingrediebatur nimirum fodinam, exacte dispiciens locum, exhalationibus metallicis (*Berg- Witterung*) oppositum, quo invento instrumentum A. Fig. II. orificio suo lato istis exhalationibus obvertebat, exacte commissum angusta sua extremitate, latiori orificio instrumenti B & hoc rursus, prout in Schemate vides, coire debebat, cum instrumento C. Hæc autem conjuncta machina, non perpendiculariter, sed horizontaliter, alligari scæmo vel asseri debebat, omnibus commissuris exactissime lutatis. Sic, ait, hora dimidia elapsa, bullæ parvæ innumeræ, medii instrumenti B ventri affigebantur, quæ denique in excipulo C collectæ resolvebantur in *Spiritum Mercurii Philosophorum*, primam metallorum materiam. Cum itaque commune mineralium fixorum examen, nil quidquam sufficiat, ad demonstrandâs aquarum salubrium vires, ergo in vanum laborant, qui heic etiam sunt curiosi? Minime gentium! Etenim manet examini Chimico sua laus, quo aquarum fixa contenta deteguntur, manet encomium: Sufficiat enim, si non ex toto, tamen ex parte, in ejusmodi aquarum intima penetrare, ut tamen quotidie nitamur *plus ultra*. Tantum igitur abest, ut curiosissimus nostri *Cælii Aureliani* labos, pro frustraneo habeatur & inutili, ut potius elegans ejus *Roitschocrene*, sit illi fons & Scaturigo laudum eximiarum, quas ipsi & debet *Societas Imperialis*, & universus orbis litteratus.

Fig. XLIII. & XLIV.



## OBSERVATIO CCII.

Dn. ROSINI LENTILII,

## Liquor Arboris Juglandis polychrestus.

**P**roceßum liquoris ex arbore juglande polychresti, obtineo ex favore Illustrissimi *Baronis de Steprode*, Domini in *Erkebrechtshusa*, *Consilarii Hassiaci*, Domini mei gratiosissimi, viri supra omnem laudem positi, qui eruditioni insignissimæ, prudentiæque civili, nexu planè amicabili sociavit humanitatem summam, qua aptus est, ceu incantamento, bonorum omnium animos, in amorem & cultum sui pellicere.

Is, inquam, pro ea, quâ apud ipsum, nil tale meritis, polleo gratia, hoc me secreto beatum fecit, quod *Illustri Societati* heic offero, vel adcuratius perpendendum, vel, ubi datur, ad ejus faciendum periculum. Ipsissima Domini *de Steprode* verba, in latinum translata, sic sonant: Quemadmodum ex animo lætor de insigni fiducia, quam in candorem meum & inserviendi promittitudinem collocasti; Ita non possum, quin Tibi aperiã, quod *B. Dn. Crocius*, Vir in omni scibili versatissimus, cujus olim sum convictu perfructus, & qui, præ aliis, insigni me favore complexus est, nobis aliquandò solis cœnantibus (bini enim Domini *de Meulen*, & *Dn. de Homberg* alibi cœnitabant) me latinis verbis interrogavit, *num essem longævitatis cupidus?* Tunc enim se mihi aperturum mysterium magnum: Se, cum ortas olim in *Prussia Regali & Ducali*, tum in Ecclesiasticis, tum Politicis rebus, turbas compositurus, ibi moraretur, nacta ista occasione, favorem sibi & amicitiam *Praelati Polonici* eruditissimi, ingeniosissimi que, jam 94. atate annos, fusca tamen magis, quam incana cæsarie, numerantis, peperisse, qui hoc mysterium aperuerit. Tunc autem, inquebat *Crocius*, ex incuria parum attentus, illud secretum surdis quasi auribus hausi, donec, jamjam demortuo Sene optimo, unicum

cum ipsius filium, nunc attentior, de secreto contarer. Is, postquam, inquit, B. Dn. Parens meus tanti Te fecit, nil equidem Te celabo: Est quippe liquor arboris juglandis annosæ, versus orientem Solem exaltatæ, sequenti methodo colligendus: Terra circum arborem effodienda profundè satis & amplè, sicutamen ut ne radices lædantur; quærantur postea radicum mediarum (*der Stamm und Herk Burgheln*) succulentæ extremitates, & cultro circum circa præcidantur ad faciem turundæ (*eines Zapfen*) sic, ut angustioris orificii lagenam vitream capere queant. His radicibus applicentur ejusmodi lagenæ, orificio cera probè obturato, qua parte cum radicis turunda coit: Hinc sepeliantur radices cum vitris in equino fimo; huic autem fimo equino superadde terram effossam, ut arboris truncus fimo equino & terra, ad altitudinem circiter quatuor pedum obtegatur & foveatur, supra horizontem. Relinquantur ita per 6. 7. dies & noctes, post rursus effodiantur omnia cautè, sic, ut ne vitra lædantur: In his vitris collectus liquor pretiosissimus, illis optimè clausis, pro usu fervetur. Recordor, pergit Filius, me à B. meo Dn. Parente frequenter accepisse, *hunc liquorem radicale humidum, nãugeat, in vigore tamen continuo servare, sic, ut fatalem hcrã sine morbis homo vegetus expectare queat.* Postea, pergit jam Illustriss. Dn. de Steprode, Illustrissimus Heros, Generalis, Comes de Caraffa, Sac. Caf. Maj. Consiliarius bellicus & Camerarius, inter alia Secretiora Naturæ mihi aperta, jurato testatus est, suis sese oculis esse conspdatum officarium quemdam bellicum, adeò lue Neapolitana fœdum, ut, relictus à Medicis prognostico, vivum cadaver circumferret; solum tamen hunc liquorem eum felicissimè, & sic quidem restituisse, ut melius post sese, quam unquam antea, haberet. Notandum autem, collectionem istius modi liquoris esse cum arboris interitu conjunctam.

Alia quædam circa arbores curiosa sunt sequentia: In pomœriis *Craillsheimianis* habetur malus, cujus poma speciosè rubella, quum scinduntur, medullam atramenti ad instar, sa-



pore nihilo deteriore, ostendunt. Causa est, aquæductus subterraneus, è domo Tinctoris cujusdam nigros pannos tingentis, & mœniorum accolæ, pro derivanda nigri coloris eluvie, extra civitatem, per ista pomœria, productus, qui, sub arboris radice profluens, succum ejus nutritium isto colore imbuat.

In horto meis ædibus contiguo malus existit, fetura sua per singulos annos ita alternans, ut hoc, e. gr. anno, latus ejus dimidium & flores protrudat, & poma ferat, altero latere non nisi ferente folia: sequenti anno isto latere ferias agente, hoc fecundam sese matrem ostendat.

### SCHOLIUM.

**P**Rincipio monendum esse mihi duxi, ne forte incuser in scitiæ, quod liquorem ejusmodi juglandinum pro re nova, & secreta quidem adducam, me jam scire, quod alii mentionem fecerint, liquoris, è radicibus juglandis, primo vere, vel mense Februario sauciatis, collecti. *Schröderus* nempe in *Pharmacopœa* sua talem recenset, atque ad podagricos dolores exterius usurpandum commendat. Et *Fr. Hofmannus Meth. med. l. I. c. 19.* propinatum capitis doloribus, magno cum successu, adhiberi, eumque esse singulare in *Anglia* detectum experimentum, è *Bartholino Cent. 3. hist. 97.* adducit. Pensatis autem omnibus circumstantiis, tum ratione collectionis, tum usus multiplicis, nostrum ab isto non parum differre, est in propatulo: quorsum accedit, à *Polonico Prælate* liquorem hunc ad *Crocium* transiisse, est enim *Polonia* juglandium feracissima, sic, ut etiam incolæ oleo juglandino expresso, loco olivarum olei, vulgariter utantur. Quod autem tantæ vires huic liquori ascribantur, nemo miretur. Est enim *juglans* arbor eximia & *polychresta*, plures alias arbores longè post se relinquens. Quis est ligni juglandini nitor ad varia artefacta? quæ est foliorum virtus, è gravi odore, quem spirant, cognoscibilis? quis fructuum usus tum maturorum, tum immaturorum? *Juglans* est arbor vivax & longæva, facit igitur ad hominis longævitatē & re-  
juve-

juvenescentiam, per ea, quæ commentatur *Tackius Phasf. 2. p. 118. seqq.* Dicant alii, sub juglande cubantes, à graveolentia lædi, quid tum? non propterea *Zibertha* culpanda, quod nari-  
bus propius admota vel sanguinem, è capite tentato, proliciat. Ego cum *Sim. Paulli 2. Bot. p. 97.* eam præstantissimarum virtu-  
tum arborem appellito, cujus ferè nulla pars est, quin sit ad Me-  
dicinam proficua, licet is non sim, qui singula recensere proli-  
xius cupiam. Hinc arbor hæc *regia*, ejusque fructus *regius*  
non immeritò salutantur: Hinc ridiculi sunt illi Grammatici,  
qui *nucem à nocendo* dici volunt: Prudentiores sunt his, qui  
*basilicam hanc nucem à glande & juvando*, vel *Jovis* quasi *glan-*  
*dem*, Deorum scilicet Ambrosiam, appellari censent. Ju-  
glandes immaturæ conditæ, vel ipso *Paulli l. c. teste*, palmam  
præripiunt myrobalanis conditis. Aqua prophylactica ad pe-  
stem & morbos malignos, tum *D. Paulli Senioris*, tum etiam fa-  
migeratissimi *Sylvii*, in hujus *Praxi*, quin & à *Dekkeri, meth.*  
*med. & Barbette tr. de peste* descripta, nobilitatur cum primis  
nucum juglandium viridum consortio. Jam, si est hujus ar-  
boris tanta dignitas in Medicina, quæ, obsecro, dignitas erit  
liquoris illius nutritii, ad radices sauciatas encheiresi curiosa  
educti? nonne heic collectas habes omnes omnium juglandis  
partium vires, & sanguinis depuratorias, & alexipharmacas, &  
alias quaslibet? Certè liquor ille, ceu primum quasi ens ju-  
glandis, in sese potentia continens virtutes, quas singulis arbo-  
ris partibus impertitur, concentrata vi, pretiosus ut sit, opor-  
tet, siquidem vera sit *Metaphysicorum* regula: *Propter quod*  
*unumquodque est tale, illud magis est tale.* Si tanti facimus  
mundi spiritum, architectum omnium crescentium in tribus  
regnis, non sanè multo minoris faciemus liquorem à mundi  
spiritu, seu universali fecunditatis omnigenæ parente, secun-  
dum in ordine, simplicem, balsamicum, nondum adeo speci-  
ficatum, aut per varias fermentationes alteratum, caractere  
pancresto dotatum; quales consimiles ex arboribus & radici-  
bus

*Mofchy*



bus convenientibus, consimili methodo elicere, non minus jucundum fuerit, quam fructuosum.

Reliqua arborum curiosa, quæ supra memoravi, non opus habent alta meditatione, siquidem variæ sunt artes hortulanorum, quibus imprimere norunt varias & oppido diversas arboris unius fructibus facultates, qua de re videantur, de hortis qui scripserunt. Illud saltem mirum videatur, quod poma ista, medullitus nigra, nil una peregrini saporis, præter Tincturam, in se recipiant; it. cum una sit arboris ejusdem medulla, per quam liquor nutritius quaquaversum diditur, mirum accidit arborem eandem alternare fetificando secum latus alterutrum. Integras arbores certis annis, cum primis ubi copioso fetu demum gravidæ pepererunt largiter, omnino feriari, quotidianum est, & facilis inventuratio; Sed, nunc hoc, nunc illud latus alternatim nunc feriari nunc ferre, id quidem inter mirabilia naturæ non est sane minimum. Dixerit aliquis ramos & surculos se non habere pure passive in nutrimenti assimilatione, sed insuper instructos esse fermento quodam domestico, quo mediante succus nutritius & radice propulsus debito modo alteratur ante, quam in flores, fructus &c. cedere aptus est: istud autem fermentum, à fertilitate prioris anni exhauriri nimium, ideo, quantumvis liquor nutritius æque in hos quam illos ramos dispergatur, vis tamen fermenti insiti tam sit debilis, ut succum ad producenda tantum folia, non autem flores & fructum, aptare valeat. Claudio hanc observationem commento *Rabbinico*: Scribunt enim isti, die 15. novilunii undecimi, Januario nostro valdè similis, arbores primum succum suum vulgo nancisci, quodque nuclei seu semina in pyris & pomis hac die semet invertant, quod verum deprehensus sit, quisquis fructus illos dissecare non gravetur.

*Buxtorf. Synagog. cap. 12. pag. 312.*

OBSERVATIO CCIII.  
Dn. ROSINI LENTILII,

De

Patellis Iridis & Auro Parvajim.

p. 331.  
A. III. Dec. II.  
p. 33.

**A** Nonymus quidam Scriptor in elegantissimo Schediasmate Manuscripto de *mysterio magno Chimico*, postquam de subiecto universali multa ingeniosè tradidisset, itemque viam ac methodum, quæ mediantribus in cognitionem veræ materiæ penetrasset, apertè & candidè recensuisset, inter alia ponit: Sese, remotis omnibus aliis materiis, denique conclusisse, aut in meteoris aut mineralibus veram materiam esse quærendam; ubi inter alia hæc habet verba: *Ne meteora seponerem, magno mihi incitamento fuere, nummi isti meteorici, quos Iris è sinu suo projicit, quod mysterium, uti penetrarem, multum sanè summo studio meditatus sum, tametsi penitus meo fine non sim hucusq. potitus.* Non tantùm hæc Anonymi verba observationem isthanc scribendi ansam mihi dederunt, sed etiam, quæ in eam rem commentatus est alius quidam Dn. *Anonymus in Ephem. nostr. Dec. II. Ann. III. Obs. 7* cum Scholio pereleganti *Excell. nostri Celsi*. Recordabar me olim apud Illustrissimum Dominum *Baronem de Steprode*, cujus in antecedenti observatione est facta mentio, aliquot ejusmodi scutellas vidisse, uti est naturalium rerum curiosissimus, & rarithecio non vulgari suos oblectat hospites. Schemata proinde aliqua rudi calamo delineata transmisi, quæ hîc, ut ea olim his meis oculis conspexi, & nunc accepi depicta, communico, unâ cum litteris comitibus, quarum hæc sunt verba huc quadrantia: *Bubulcus noster adseveravit, se summo studio observasse, ubi nam loci semet Iris potarit (ita loquuntur in Franconia der Regenbogen trancket sich / ibi scilicet ubi crura sua demittere putatur) idque se in hisce confinibus (prope arcem Erkebrechtshusam in Franconia sitam) tertium observasse, totiesque adcurrisse, &*

*Dec. II. Annus V.*

Ggg

ternis



ternis illis vicibus patellam reperisse. Idem *Dn. de Steprode* sub finem addit: Maxima-Scutella, quam ego sum unquam conspicatus, pondere drachmas duas æquavit. Adparet inde, bubulcum fuisse in ea opinione, ut persuasum haberet, patellas istas ab Iride delapsas esse: Sed, quid hoc sit mirum de bubulco, quum eruditissimus *Anonymus*, cujus verba supra allegavimus, non dubitarit credere, ejusmodi patellas, (quas tamen nummos, & summo jure, vocat) in nubibus, ceu meteoricas gigni, & hinc argumentum ceperit statuendi, semen quoddam auri in meteoris latere, quod, uti pertinaciter ego non negaverim, cum sine dubio panspermia corporum in utero quiescat aëreo, attamen ex patellarum istarum principio id ego minimè deduxerim. Præter ea, quæ *Excell. noster Celsus l. cit.* pereruditè monuit (nimirum in aëre istas patellas gigni non posse, sed esse numismata quædam fortassè *Gothica*) fidem huic aëreæ Chrysogoniæ maximè dubiam faciat, quòd istæ patellæ ferè in sola nostra *Germania* reperiantur, cum tamen Irides in universo terrarum orbe appareant. Profectò, si quidquam tale unquam visum fuisset, in exteris regionibus, cur *Plinius curiosissimus*, cur antiqui Scriptores *Orientales, Græci & Latini*, harum patellarum nequid quidem litteris consignarunt? nam irides in nostris regionibus tantum esse auriparas, ne quidem cogitare licet. Persuasissimum ego jamdudum habui, has patellas nil aliud esse, quàm numismata populorum aut *Septentrionalium*, aut inter illos, *Germanicarum*. Suadet id, præter ea, quæ dicto loco Fautor noster, *Celsus*, adduxit, etiam pondus ipsarum: Cur enim pendant præcisè (aliquot enim grana haut rarò & nostris aureis & scutaris defunt) vel duplicem, vel simplicem scutatum, vel aureum, nisi ex instituto id factum sit, non equidem Naturæ, sed Artificis? Nil aliud sunt, quam numismata. Vani proinde sunt, qui in his ad varios morborum insultus quærunt solatium, qualis & hic apud nos versatur *Canidia*, quæ difficulter parientibus ex ejusmodi scutella potum

cum præbere solet, non sine multorum applausu, uti sunt homines affecti.

Occasione harum scutellarum non inconueniens fuerit, pauca quædam differere de *Auro Parvaim* vel *Parvajim*, cujus fit mentio 2. Paralip. 3. vers. 5. 6. Domum autem magnam texit ligno abietum, quod texit auro optimo, & ascendere fecit super palmas & catenas. Texit idem domum lapide pretioso ad gloriam: aurum autem erat aurum *Parvajim*. Hoc Aurum *Parvaim* Chemicus quidam illustris in Epistola ad B. Dn. Stephanum Wexlerum, Superintendentem olim *Nordlingensem*, Anno 1628. scripta, haut obscure videtur habere pro auro arte Chimica productum, cum inter alia sic scribit: Philosophorum enim aurum recte אורי in sacris à bonitate dictum, non est aurum minerale & vulgare, Ophiriticum Salomoni à loco denominatum. Sin igitur non est minerale, factitium erit, & per alchimiam productum; quod si hoc, censëbimus ne SALOMONEM Lapidis Philosophici possessorem fuisse? Resp. in ea opinione sunt plures, quam equidem non tantum probare satagunt è Summa istius Regis Sapientia, in rebus præcipuè naturalibus, qua, *Sacra Scriptura* teste, omni exceptione majore, antecelluit suo tempore omnes universi terrarum orbis homines: Cur itaque Deus eum celaverit mysterium tantum? Verum etiam, quod per easdem *sacras litteras* constat, eum tantum fecisse argenti, atque lapidum in plateis, nec ullam fuisse tunc argenti curam, præ auri copia. Et, quamvis una planum existat, non tantum per navigationem *Ophiriticam* immensas divitias *Salomonem* adquisivisse, sed etiam per munera exterorum innumerabilia notabiliter fuisse ditatum, ista tamen non videntur sufficere, ad tantum argenti contemptum. Hinc, qui *Salomonem* Tincturæ universalis Possessorem fuisse nolunt, ad locutionem hyperbolicam fugere coguntur, quales in *Sacra Scriptura* plures adducunt. Ego, quid mihi videatur, ut dicam, ita censeo: Quod si datur Tinctura universalis, quam dari experientia creberrima certum fecit & indubitabile, (videatur

Ggg 2

Excell.



*Excell. Theſeus noſter*, Fautor meus, in *tr. de Tinct. univerſali*, & *Salomo* fuit hominum ſapientiſſimus (quippe, cui Sapiencia non fuit habitus adquiſitus, ſed infuſus) nil ſanè prohibebit ſuſpicari, eundem *Salomonem* etiam fuiſſe *myſterii Chimici Adeptum*, qualis, nī fuiſſet, per ipſi ſanè multum deceſſiſſet ἐν ἀμύτης σοφίας. Attamen propterea *Paruvaim* aurum non fuiſſe naturale, ſed factitium, apodictice probare non licet, de quo auro, cum mirum diſceptent Auctores, jucundum pariter atque curioſum fuerit indagare, quænam Sententia ſit maxime probabilis? Primo itaque *Paruvaim* illud vel *Parvajim*, aliqui arbitrantur eſſe *Nomen appellativum*, quaſi etiam ſic peculiariſ auri ſpecies, inter illas ſeptem ſpecies, quarum *Thalmudiſta* in *tract. Joma* mentionem faciunt, & quidem ex hac cauſa, eo quod colore ſimile fuerit ſanguini juvencorum, illud enim vocabuli videtur à juvenentis derivatum. Huc etiam *Guido Fabricius Boderianus* in *Diſtionario Syro-Chaldaico* collimat, quum ſcribit: *Parvajim* eſt nomen auri, cujus ſeptem ſpecies in *Zohare* numerantur, inter quas hæc reperitur. Vid. etiam *Anglum Robertum Scheringham* in *notis ſuper librum Joma* p. 91. Aliis eſt nomen proprium, qui & ipſi inter ſe mirè diſſentiunt. Nam aliqui numerum dualem *Ajim*, in *Parvajim* producunt, arbitantes in loco iſto *Paralipomenon* utraſque *Indias* intelligi, Ita *Ravanelus* in *Biblioth. Sacra*. fol. 172. Aurum hujus regionis volunt aliqui dici, Aurum *Parvajimorum* 2. *Chron.* 3. 6. quaſi dicas Aurum *Perous*, id eſt, ex utraque *India Orientali & Occidentali*. Rurſum alii tantum *Indiam Occidentalem*, & cum primis ditiffimam regionem *Peruvianam* heic intellectam volunt; Sic *Bened. Arias Montanus* libr. *Phaleg*, & quidem in præfatione: Hæc dictio, *Parvajim*, inquit, iis, qui vel tantum hebraicè ſciunt legere, duas Regiones olim *Peru* dictas, clarè demonſtrat: Unam quidem, quæ eodem vocabulo hodierno etiam die *Peru* dicitur; Altera verò, quæ *nova Hiſpania* à navigantibus eſt appellata, ejus autem regionis aurum puriſſimum, atque in maximo pretio, apud omnes gen-

tes fuisse constat: Atque interpretes quidem (vulgatæ versionis) vel ob ignotam sibi regionem, vel potius inscius, quod illa Regio exhibebat auri laudem, convertit: *Et aurum erat probatissimum.* Sed *Arias Montanus*, amore Patriæ in hanc sententiam pellectus, ab aliis hoc nomine, unâ cum *Vatablo* (pro *Hispaniola* dimicante) irridetur, præcipuè à *Scaligero*, qui *lib. 3. Epist. 236.* ita: Stultissimum est de *Peru*, orbe novo, quod nomen ab Hispanis inditum puto, anilem *Ariamontani* explicationem risi. Attamen ejusdem opinionis fuisse videtur *Dn. D. Glassius in Bibl. Vinariens.* quin & *D. D. Danhauerus, Colleg. Psycholog. disp. 7. p. 218.* Quos benevolus Lector videat. Allexit memoratos Auctores nominum harmonia, quum *Peru*, *Peruvia* & *Parvajim* idem ferè sonent. Sed, qui penitus rem intuentur, impossibile judicant, sine magnetis adminiculo *Salomonem* navigationem tam longinquam perficere potuisse: quin & præpostera naviga iolis, qui primoribus saltem labris Geographiam degustarunt, statim occurrit, quum opus fuisset *Indias Orientales*, *Chinam*, & totam *Africam* circumnavigare, cum tamen *Orientales Indiarum* sint auri feracissimæ. Quin est hic omninò audiendus *Pineda Comment. in Job. cap. 28. part. 16. pag. 518.* cum ostendit (quæ est etiam *Scaligeri* opinio) Regionem *Peru* ante *Hispanorum* adventum, nunquam hoc nomine salutatam fuisse, idque se accepisse à nato ejus regionis, generis *Ingarum*. Nam, cum *Hispani* circa oras *Peru* oberrassent, post longam navigationem, indigenam quemdam piscationi intentum, capiebant, & sæpè rogabant, quod esset regioni nomen? Hic autem ratus, interrogari se, quomodo vocaretur ipse, sæpè respondit, *Peru*, *Peru*, quod est familiarissimum incolarum ejus regionis, cum primis maris accolarum agnomen: Inde *Hispani*, vel responsione decepti, vel occasione sumta regionem istam *Peru* appellarunt: quod idem legere est, ap. *Jos. à Costa*, & *Jonston. de nat. const. p. 8.* *Cornel. à Lap. in Jerem. 10. Horn. de origin. Americ. l. 2. c. 3.* Sic allegante *M. Lipenio in navigat. Ophirit. cap. 6. Sect. 1.* *Buxtorfius in Lexico*, quin & *Junius* & *Tremellius* putant,



quod *Parvajim* sit *Parbatia* seu *Barbatia*, oppidum ad *Euphratem* & *Arabiam* in *Characenorum* regno, corrupto nomine, dictum pro *Parvaim*, ex *Plin.* l. 6. N. H. cap. 28. ex quo *David* magnam auri molem reportavit, & ad usus sacros consecravit. Sed obstant huic sententiæ, quod *Parvaim* in victoriis *Davidis* 2. *Sam.* 8. 3. seq. & 1. *Chron.* 19. 3. seq. nusquam reperiatur; quin & ex iisdem *Hadadeseris* civitatibus, non aurum, sed æs pretiosissimum reportasse dicitur 1. *Paralip.* 19. 8. nec *Plinius* auri divitem *Barbatiam* prædicat. Est autem omninò ridiculus *Goropius Becanus* l. 7. *Hisp.* p. 112. qui hanc vocem deducit ex dialecto & lingua *Teutonica* seu *Atlantica*, quam vocat, *Pherhu heim*/ quod nos trajectum & stationem navalem vocamus, ubi dicit: Inde est, ut aurum è *Pherhuheim* in *Paralip.* libro allatum, non aliud sit, quàm aurum *Opher*, seu aurum apportatum ex arce orbis *Atlantici*, facta ad navigationis & mercatus securitatem, ex his igitur *Peru* & *Perueim* rejectis aspirationibus habemus. Nam, tametsi aurum *Parvaim* & *Ophir* idem esse probabile sit, quod infra audiemus, attamen, tam est absurda derivatio *Pherhuheim*, quam est illa à *Mandelsloh* (nî fallor) in *Prasat. Itin. Ind.* adducta, ubi quosdam statuere scribit, arborem vetitam *Paradisi* fuisse *Ficum*, quæ inde nomen accepêrit, quod *Primi Parentes*, gustato fructu, quasi erroris sui memores, cum abjecerint, dicentes lingua scilicet *Teutonica*, *Phygy* (Germ. *Psueuch*) quasi fructum detestantes, unde *ficus*. Quis autem has absurditates toleret? Si conjecturis agendum, & ex nominum cognatione aliquid colligendum, ego, inquit *M. Lipenius* l. c. sentirem cum *Barrada* & *Pineda*, *Parvaim* esse *Assyria* quandam provinciam, aut vicinam aliquam regionem (ab *Assyriis* tamen devictam) quæ sæpius in *Sacra Scriptura* 2. *Reg.* 17. 24. & 31. it. 18. 24. dicitur *Sepharvaim*. *Scaliger* l. c. de vestigatione *Ophir* & *Parvajim* planè desperat, dum inquit: Quæ Regio fuerit *Parvajim* & *Ophir*, frustra quæritur, quamdiu vivent litteræ. Probabilius sentientium opinio & interpretatio hæc est, quod per *Parvaim* *Ophir*, per *Ophir* autem Regnum *Pegu*, aliæque  
India

*Indie Orientalis* regiones confines intelligantur, sive jam sit *Taprobana*, seu *Havila* *Gen. 2. v. 11.* ubi reperitur aurum, vel fines *Pegusia*, *Malacca* & *Sumatra* dictæ, Geographi diremerint, *Malacca* calculum addit *Gasp. Varrerius Hispanus*, in principio hujus seculi 1600. qui vixit, in *pecul. Tract. de regione Ophir*, p. 290. *Taprobana* *Bochardus Anglus in Phaleg l. 2. c. 27. p. 157.* *Ceilane Mandelsloh Itin. Ind. f. 148.* *Hevila*, seu *India* intra *Gangem* *Glass. Grammat. Sanct. l. 4. tr. 3. obs. 15. p. m. 788.* cui adstipulatur *Lipenius l. c.* & plures; ita, ut *Parvajim* sit nomen proprium loci, ubi præstantissimi auri copia fuit. Perpendatur nomen *Parvaim*, & conferatur sub-intellecta aphæresi, cum *Ophir* & radice *Pharah*, fertilis fuit, fructificavit, & facile apparebit, *Parvajim* & *Ophir* esse unum idemque. Et hæc de Auro *Parvajim* vel *Parvaim*, quod malè interpretari aliquos de auro Chimico vel factitio, hac deductione planum fecimus, manucente cumprimis Viro Excellentissimo & plurimum Reverendo, Domino *Michaële Theodosio Seldtio, Diæceseos Crailsheimiana Superintendente Speciali*, Theologo eximio, perspicaci, & linguarum cumprimis Orientalium peritissimo, Fautore meo.

Fig. XLV. p. 426

## OBSERVATIO CCIV.

Dn. ROSINI LENTILII,

## Uterinæ procidentię præpostera Cura.

**N**uper Amicus *Crailsheimio* mihi scripsit, factam in pago propè sito cadaveris muliebris aperturam. Cum autem satis cognitum haberem, ejusmodi aperturas illic locorum ægerrimè concedi, per ea, quæ notavi ad *Ephem. nostr. Dec. II. Ann. II. Obs. 151.* illico subodoratus sum, casum aliquem singularem hanc è demortuæ necessariis extorfisse.



fisse. Petii proinde per litteras rei gestæ circumstantias ab Excell. Successore meo *Dn. D. Christiano Wilhelmo Förstero, Physico Crailsheimensi* per celebri, Fautore meo, qui, pro ea, qua est animi promptitudine, sequentia transmisit, quæ in Latinum versa, digna, ut exhiberem *Illustri Societati*, judicavi.

Litteræ Tuæ certiores me fecerunt de petito, cui, uti non possum non velificari, ita peroptarem notatu me digniora observasse: Cum autem, partim temporis brevitatem impeditus (se-rius enim est mihi res demandata) partim ab horrido & exsiccato cadavere abstractus, penitus omnia rimari non potuerim, vix credo, curiositati Tuæ, per ea, quæ sum prolaturus, ex asse satisfactum iri: ut tamen desiderium Tuum quadamtenus expleam, en Tibi dictæ aperturæ circumstantias! Postquam sexaginta & aliquot annorum anus à multo jam tempore ex lumborum regione acerbissimè doluisset, insimul autem aliquam uteri procidentiam certis temporibus pateretur, dolores illos utcumque tolerans, huic procidentiae remedium quærirabat. Accidit autem jam ante semestre, ut obstetrix quædam vicina globum, qualis caput crepundiorum puerilium constituit (*den Kopff von einem Kinder, Klopferlein*) cera obvestitum, in pudenda mulieris, jam ætate coarctata & angustata, violenter intruderet & impingeret, sperans fore, ut hoc modo uterus in sede sua detineretur. Quo equidem voto, uti est compos facta medicatrix, ita malum priori longè pejus, inconsiderata pilæ seu globi intrusionem, miseræ anui concitavit. Ardor enim continuus partes obscenas, cum tenesmo & urinandi difficultate, ab eo tempore excarnificavit. Petunt igitur à me auxilium, postquam fraudulentas omnis generis medicastrorum manus ante, ut fieri solet, experti essent. Ponderatis ego circumstantiis omnibus, ita denique pronuncio: Adeste calculus in vesica, eoque cumprimis esse totis viribus adnitendum, ut infelix globus, qui dolores augeret, simul cum urinæ tum sabuli excretionem sufflaminaret, è vagina rursus eliminaretur, alioqui nullam fore dolorum paulam. Id verò, uti non factum, ita partes ob-

scenæ

scœnæ de die in diem magis intumuerunt, detrectante cum-primis anu globi per speculum uterinum, ceu remedium extremum, præmissis præmittendis, extractionem, quæ dolores illos causticos ad mortem usque, & inenarrabiles cruciatus est perpessa. Defuncti cadaveris, prægnantibus permoti rationibus agnati (causabantur enim mulierem esse fascinatam) aperturam à me petierunt, ut origo vera tantarum cruciatuum detegeretur, quam ipse ego d. 15. Januarii ineuntis Anni 1687. præsentibus 2. Cheirurgis, aliisque Spectatoribus, ceu testibus, peregi. Reperi autem vesicam urinariam totam flaccidam & contractam (*zusammengeschnüret*) & in ea lotii ne guttam, calculum autem præsentem 3j. pondere, interiori vesicæ membranæ sic adglutinatum, ut vi separandus esset, quin pituita limoque ceu tunica circumvestitum: Interna vesicæ *εμρυσηία* fetidissimo & limoso sabulo cum acerrimo juxta atque teterrimo fetore, quasi incrustata: Non minus referti sabulo diversæ magnitudinis renes. Globus autem sæpe memoratus ad insertionem urethræ in vaginam cubavit, cera sua prorsus denudatus, ejusque loco sabuloso limo investitus, & intus calculis minutioribus repletus, quem è labiis uterinis non, nisi violenter, extraximus. Per hoc examen anatomicum incantationis omnis suspicio penitus est sublata, præsertim, quod in aperto cadavere nil cætera insolitum fuerit inventum, quod ex bonæ conscientiæ dictamine attestor. In fidem rei gestæ & calculum Tibi & globum visendos mitto, atque, ut remittantur utrique, percipio. Calculus fuit aliquantò major, sed in excisione & abster-sione à limo, non-nihil ipsi decessit.

[*Nordlingâ 1687. d. 28. Jan. Augustam missa.*]



## OBSERVATIO CCV.

D. CHRISTIANI MENTZELII,

De

## Iride prope Solem visâ.

**C**lariss. Dn. J. F. Scholzins, verbi divini apud Ecclesiam Potsdamentem fidelis Præco, datis die 7. Jan. hujus 1687. anni ad me Berolinum literis, indicabat, se pridie, 6. nempe Jan. horâ inter nonam & decimam matutinam mediâ, Potsdami, (sub elevat. Poli Arctici  $50^{\circ}$  grad. cum dimidio) vidisse in cælo à latere Solis orti sinistro Iridem imperfectam vel potius trabem Iridis longiorem in nube rara & subobscura, quæ distabat à Sole unam ferè de duodecimis ejus loci Hemisphærii partibus. Sol, inquit, hærebat in nube nigra & oblonga, sed itidem rara. Color Iridis erat usitatus, puniceus & subflavus mixtò paulisper cæruleo. Disparuit Phænomenon hoc post horæ quadrantem & post dimidiam horam rediit, quò tempore testem phænomeni habuit Rever. & Doctiss. Dn. Antonium Brunsenium, Serenissimi Electoris Brandenb. Aulæ Concionatorem. Adumbravit phænomenon hoc laudatus vir in Scheda literis adjuncta, cujus figuram vid. XLVI. ubi A Sol sub nubelatens: B Iridis pars: C verò oculus humanus. Hemisphærium in 12. partes æquales divisum horas diei 12. simul ostendit, & Solem tunc diei temporis horâ octava surgentem & quartâ pomeridianâ occidentem indicat, Solemque sic inter nonam & decimam versari & Iridem unam 12. partem à Sole versus sinistrum latus remotam exhibet. Petiit igitur à me laudatus vir causas Iridis tam propinquas Soli, cum ordinariè Iris ex adverso, Soli & oculo nostro opponatur. Ego in mathesios palæstra non multum exercitatus, salvis sapientiorum judiciis, pro tenui in physices captu meo, sequenti ferè modo respondi. Irides, si quæ in nubibus apris contingunt,

gunt, semper esse Soli adversas & oppositas, licet oculus noster inter Solem & Iridem in linea recta diametrali non semper sit medius, & Iridem eò tempore integram intueatur, ut hoc loco, ubi A Sol & B Iris sibi quidem sed lineâ brevi opponuntur, Oculus humanus verò extra illam Oppositionis lineam in Horizontis ejus loci Meridiana à latere existit & à latere etiam Speculum hoc Solis, Iridem nempe in nube rara & roscida intuetur. Si enim Sol in tertia parte Hemisphærii vel horâ octavâ in oriente surrexisset & nubes roscida extitisset in 10. parte Hemisphærii illius Horizontis sive in occidente, Iris in nube illa integra vel Arcus cælestis integer ambobus suis cruribus ab oculo in meridiana posito fuisset perceptus: Et hæc est etiam ratio, quare Iridis saltem pars instar lineæ rectæ vel trabis hoc loco fuerit observata, quoniam prope Solem, juxta apparentiam, Iris vel ejus pars extitit. Uti enim phasēs Lunæ se habent ad oculum juxta Solis cum Lunæ vel oppositionem vel conjunctionem: ita quoque Iris intuenti apparet. Si luna prope Solem est, falcem tenuem ostendit: Si remotior à Sole est, pleniorē lucem; si verò è diametro ei opponatur, plenissimum vultum. Eodem modo Iris prope Solem non integra sed ex parte tantum instar trabis sese ostendere potest. Pareliorum ratio etsi ab Iridibus differat, ob diversam nubium dispositionem; tamen quia à lateribus Solis contingunt, cum Iridibus nostris lateralibus in tantum convenire videntur. Insuper Halones Solares, integri nempe circuli quandoque interdum Solem ambire visuntur tanquam Irides coloratæ juxta constitutionem nubium ad id phænomenon aptam, ut annotavit Cl. D. D. *Gottfredus Schulzius Ephemerid. nostrarum anni VI. & VII. p. 353. Obs. 240.* & ego Berolini Anno 1677. d. 9. Maji st. v. hora 1. pomerid. talem Halonem intuitus sum. Et Excellentiss. *Præses noster Argonauta Svinfurti* Anno 1676. d. 12. Maji colore quidem brunno Svinfurti vidit. Tales halones quocunque modo colorati possunt nubibus in sereno existentibus nunc integris suis circulis se nobis præsentare, nunc iisdem nubibus à ventorum impetu disruptis



per partes sese instar trabis, lineæ vel rectæ vel parùm incurvatæ nobis exhibere. Quoniam tamen rarò curiosis oculis se ostendunt talia phœnomena, operæ pretium duxi hoc juxta methodum observationum nostrarum, habito Autoris respectu (cùm is eruditas suas literas cum meis responforiis imprimi renueret) erudito orbi proponere, quò aliquando uberius de Iridium materia tractandi, forsan & hoc phœnomenon aliquid conferre & conducere posset.

Fig. XLVI.

OBSERVATIO CCVI.

D. JOH. MAURITII HOFFMANNI,

*De*

Vulnere Capitis per cranium & duram menynghem penetrante, atque singulari ibidem notato arteriarum pulsu.

**J**uvenis XXII. annorum, Mense Martio Anni suprâ millesimum, sexcentessimum, octuagesimi quinti, tempore nocturno, à milite ebrio, cui fores pulsanti aditum pandere paratus erat, ex improvise acinace graviter petebatur, vulnere suprâ sinistrum sincipitis os & vicinam ossis frontis partem, versus ejusdem lateris oculum, ad manus transversæ longitudinem inflicto, quod sanguinis subita largaque profusio insequabatur, cui sistendæ unicè intentus Chirurgus Castrensis forte obvius, an profundum esset nec ne inductum vulnus, haud attendit.

Enimverò cùm horâ post deligationem elapsâ vulneratus animo frequenter exsolvi coepisset, parentes & adstantes solliciti me accersere jubent: Advenio, & in vulneris conditionem inquirō; refert Chirurgus, se suspicari, illud, præter integumenta capitis, ultra laminam cranii exteriorem non pertigisse; aliud tamen ægri symptomata innuere videbantur, quare cer-


A. Sol sub nube .

B. Arcus Iridis, in nube ad instar columellae directæ oculo ob.

C. Oculus.

Meridies.

versus.



Scutellæ Iridum, è rarithecio Steprodiano.



Ponderat Aureum,  
minus Albo Francofurtensi.



Ponderat Ducatum,  
minus Albo Francofurtensi.



Ponderat Aureum.



Fig: 45. p. 423.



Ducatum tantillum  
præponderat.



Facies interior.

Facies exterior.





re certior fieri cupiens vulnus mox religari curâssem, nisi nox, summa patientis prostratio virium, & parentum, sanguinis denuò emanaturos largiores rivulos metuentium, preces obstitissent. Solùm igitur præscripsi Aquam corroborantem temperatam, cum pulvere Marchionis, Ocul. Cancr. & magisterio margaritarum solubili.

Altero die vulnere, conspectui meo à Chirurgo exposito, oculos advertens, inter ejusdem labia sanguinem in *θρόμβον* condensatum reperiò, profunditatem vulneris occupantem & occultantem, tenaciterque in hærentem; quapropter ut terminum interiùs perspicere possem, Chirurgum volui oleo rosaceo tepido cruorem primùm emollire, ac dein filamentis conceptis stilo obvolutis abstergere: successit negotium ex voto, atque demum exactè patuit, vulnus per tegmen cranii osseum duramque menynghem ad piam usque subjectam, illasam tamen, penetrâsse, cerebro ipso æquabili arteriarum pulsu vibrato visum nostrum subeunte.

Adhibebantur tunc ea remedia, quæ medendi methodus sibi postulabat; Nempe enim Decoctum & Essentia traumatica vulnerato subinde propinabatur; vulnere indebatur telâ exceptum teneriori Digestivum, ex Ol. Rosac. ʒj. Vitell. ovinum. i. Terebinth. in Aq. betonic. & salv. lot. ʒiij. Gum. elemi in Ol. Rosac. suprà ignem lentum dissol. & colat. ʒiʒ. Thur. & Croci aa ʒʒ. paratum; exteriùs confinia defensionis loco ol. rosac. ac violaceo inungebantur; Læso capiti Empl. de betonic. applicabatur, sacculus denique betonic. veronic. salv. chærefol. plantag. fl. chamamel. melilot. sambuc. ros. rubr. hyperici, summit. rorismarini &c. repletus, vino rubello oligophoro calido immerfus ac expressus, pro fomento blando superimponabatur.

Atque sic vulneratus triduum sat commodè exigebat, quarto autem die conquerebatur de vehementiori in cerebro, vulnere proximo, pulsatione, eratque ista arteriarum, paulatim ita increbrescens, ut etiam in hypocausto è longinquo ad-



stantium aures feriret, veluti ictus obtusus malleoli ad asserem impulsus; succedebant vigiliæ, nec non quædam inflammatio-  
nis indicia sese prodebant, quibus cum per remedia idonea ex-  
terna & interna, moderatamque in manu celebratam, Venæ-  
sectionem, obviam itum esset, vulneratus quidem melius se  
habuit, revertente nihilominus per intervalla motu isthoc  
pulsatorio vehemente, deligato licet vulnere, medicamentis-  
que cooperto ad notabile spatium perceptibili. Ex quo autem  
postea per poros substantiæ cranii solutionem continui perpes-  
sæ ac inprimis meditullium ros nutritius subinde extillans  
calli designavit primordia, dicta arteriarum pulsatio paulatim  
cessavit, prorsusque evanuit, & tandem unguento de betonica  
admoto, ac pulv. ex rad. aristoloch. rot. veræ, Irid. florent. at-  
que tantillo myrrhæ ossibus divisus callo conglutinandis in-  
sperso, vulnus, divinâ favente gratiâ, feliciter consolidatum est.

## OBSERVATIO CCVII.

D. JOH. MAURITII HOFFMANNI,

*De*

## Ovarii foeminei hydatidibus.

**T**Estes muliebres nec testium cadavera nec signi tantum  
gratiâ conditos esse, uti nonnulli quondam voluerunt,  
ocularæ modernorum Anatomicorum manus credunt,  
ex quo viderunt, eosdem ovulorum seminalem mate-  
riam continentium foecundum constituere domicilium: Præ-  
ter ovula autem anno abhinc superiore in cadavere infanticidæ  
solertissimis nostris philiatris demonstravi hydatides, sive ve-  
siculas orbiculares humore limpidissimo repletas, numero  
tres, magnitudine ovula seminalia vera superantes, magis pel-  
lucas, & à membranâ exteriori testiculum sive ovarium dex-  
trum, quâ parte uteri fundum recipiebat, involvente erum-  
pentes, proximèque sibi invicem accumbentes, quos cum dein  
aquæ

aquæ fervidæ immersissem, humorem inclusum non adeò promptè, quemadmodum seminalem ovulorum liquorem, concretum apprehendi, sed aliquantum saltem turbidum factum. Originem dictarum vesicularum si quis ex me quærat, quantum eam mentis conjectura assequitur, existimo vesiculales evenisse, aut propter ruptas aliquas tunicæ ovarium investientis fibrillas, & lympham hinc guttatim effusam nutriciam in vesicularum formam deinde concretam, aut propter lympham interceptam tunicamque ovarii distendendo in vesiculas attollentem, non absimili modo, ac à sero quod cutis poros permeavit, sub cuticula coërcito, hancce in vesiculas elevari sæpius cernimus.

OBSERVATIO CCVIII.

D. JOH. MAURITII HOFFMANNI,

*De*

Tumore seroso lymphatico ad vertebrarum  
lumbalium secundam enato.

**E**Nixa est ante hos sedecim circiter menses, Lucinâ ob difficilem partum diu in vota vocatâ, mulier rustica puerum primùm ceteroquin salvum, cui mox post aliquot dierum intervallum suprâ vertebrarum lumbalium secundam tumore nasci visus est mollis, tenuique cutis distentæ amiculo cinctus, quotidie incrementum sumens, donec spatium sex septimanarum elapso in molem pomi aurantii majoris assurrexerit, supinumque decubitus prorsus impedierit. Anxia mater Chirurgi opem imploravit, qui cum tumorem istum nec mediante ligaturâ averruncari, nec sectione tutò tolli posse animadverteret, in consilii partem me assumfit: Ego ex mollietate, pelluciditate aliisque sensuum indiciis lympham intrâ tumorem coërceri, hancque ob violentam trunci illo in loco factam contorsionem, (corpore enim convoluto, ac natibus exitum



exitum in diâs has luminis oras molitus est puer, ac summo adjuvante matris nisu demum consecutus) & rupta ibidem ligamenta vertebrarum corpora devincientia effusam esse conjiciens, lenem suâsi per puncturam cum lancetta apertionem tumoris in parte laterali decliviori, quâ factâ serum lymphaticum emanavit limpidissimum, (post institutam dein suprâ carbonese evaporationem, in substantiam cocto ovorum albumini simillimam concretum) exiguâ primûm quantitate emissum, foramine turundâ mox obturato, deinceps autem hac remotâ, per vices omne paulatim eductum. Subseduit itaque tumor, ac exterius imposito Emplastro, ex diapalma & stictico Crolli cum Oleo hyperici malaxatis, confecto, prorsus evanuit, cute tantûm in rugas contractâ ibidem remanente.

Fig. XLVII.

OBSERVATIO CCIX.

D. JOH. MAURITII HOFFMANNI,

*De*

Umbilici Exulceratione suctionem impedi-  
pediente feliciter curatâ.

**I**Nter pessimos obstetricum nutricumque nostratum mores & ille non immeritò recensendus erit, quòd puellis recens natis, ne eburneæ abdominis testudini umbilici prominentia deformitatem pariat, aut ipsæ futuro tempore in partu exomphalon tam promptè patiantur, umbilicum introrsum deprimere soleant, pollice imposito ac in gyrum circumducto: Ut enim nunc non dicam, id absque notabili doloris sensu haud fieri posse, sæpius propter dilaceratas simul umbilici, nedum firmitudinem nacti, fibras inflammatio & exulceratio supervenire solet, sicuti filiolarum Nobil. cujusdam Viri ante biennium, & quod excurrit, obtigit; quam cum mater proprio nutritivis-  
fer

a. Tumor serosus lymphaticus.  
b. Locus apertionis factæ.

Fig: 47.

p. 432.



Fig: 48.

p. 434.



a. a. a. a. Integumenta capi-  
tis, cum folliculo resecta ac dinota.  
b. Meliceridis materia.  
c. Fasciculus pilorum.





set lacte, evenit, ut alterâ à partu septimanâ recens nata, papillis licet ori ipsius inditis, sugere nollet, sed suctionem attentans, in clamorem vehementem ac ejulatum verteretur: Mulierculâ prout omnes fermè medicastræ esse aut videri volunt, varias ejus rei accusaverunt causas, illa quidem tormina ventris, altera frænulum sub lingua arctius, tertia matris papillas exiliores; avtopsiâ demum anguem in herba latitantem monstrante. Nempe enim remoto plumaceolo, quo tectus erat umbilicus, idem rubens & suppuratus apparebat, infausto pollicis artificio sæpius miserè contortus & intrusus, hinc quoties puella isthæc pro suctione obeundâ, cum thorace abdomen distendebat, doloris simul excitatâ vehementiâ papillas relinquere cogebatur. Parentes eapropter commiseratione permoti, tabellario celerimisso opem meam expetierunt, quam ut ferrem, ad præcavendos jamdum imminentes insultus epilepticas puellæ exhibui pulverem antepilepticum absorbentem, exterius autem umbilico pus stillanti applicare jussi seq. Unguentum:

R. Unguent. albi de ceruss.

diapompholyg. āā 3ij

Ol. ovorum 3jss.

Mf. dr. ad usum.

Et benedicente remediis Archiatro Supremo, umbilicus consolidatus puellam sanam ac suctioni denuò aptam reliquit.

OBSERVATIO CCX.

D. JOH. MAURITII HOFFMANNI,

De

Meliceride pilorum fasciculum intus  
simul continente.

**J**uvenis XXIV. annorum, vitæ sedentariæ deditus, & alienæ dextra vicaria pennæ, suprâ autem dextram in capite ante biennium hîc correptus est tumore molli & absque dolore

Dec. II. Annus V.

lîi

con-



contactui cedente, quia Chirurgo apertus meliceris visus est, materiam siquidem folliculo membranaceo inclusam concreto melli similem continuit, à lymphæ portionibus salinis volatilibus cum oleosis quibusdam ac pituitosis particulis in coagulum redactis procul dubio ortam. Singulare autem, & cujus gratiâ me post apertum tumorem præsentem volebat æger, erat fasciculus pilorum, magis, quàm capilli capiti circumfusi, nigricantium, ex imo tumoris & proximi ossis temporalis summitate assurgens, & per materiam inclusam ad ejusdem fermè altitudinem usque sese exporrigens, ab omni tamen cum integumentis capitis exterioribus cohæsione liber. Veneficium æger & adstantes accusabant, pilorum intrâ dictum tumorem proventum neutiquam naturalem rati, quibus tamen ego pollicem haud pressi, quin potius eorundem pilorum ortum monstravi naturalem esse ex bulbis quibusdam radicalibus sive rotundis ac mucosis capitulis ovali suo involucro implantatis, à cute hîc quidem ob intercedentem tumoris materiam separatis, & ossi subiecto connexis, unde etiam aliquot diebus factâ repetitâ tractione demum avelli potuerunt.

An verò nervus, sicuti Anatomicorum nostri sæculi Argus Clariss. *Malpighius* aliàs observavit, ad involucrum ovale horum etiam pilorum propagatus fuerit, visus acies assequi minimè potuit, id tamen notatum, quòd fasciculo eorundem manibus apprehenso & attracto doloris exquisiti sensus ægrum habuerit.

Fig. XLVIII.

## OBSERVATIO CCXI.

D. JOANNIS BENEDICTI GRÜNDELII,

De

## Gallo Gallinaceo Oviparo.

**O**Va cum Gallis Gallinaceis jam aliquoties curioso orbi exhibita fuisse, attestantur nostræ Ephemerides. Miratus ego sum inter alias observationes, præsertim illam miratu satis dignam, quam Nobiliss. Noster Collega D. Ledelius, *observat. 145. Anni I. Decur. II. Misc. Curios. de simili Gallo Grunbergæ Silesiorum Anno 1682.* maciato profert, in quo tanta existit malignitas, ut non solum illa foemina, quæ occisionem peregerat, subitaneis animi deliquiis, & vertigine fuerit correpta, sed etiam gallinæ ipsæ sanguinem ejus gustantes altero die expiraverint, imò & canis, qui has plumas in fimeto degustasset, in rabiem protinus fuerit redactus. Contrarium tamen ego hic Marpurgi, elapso Anno 1686. in simili ovo à gallo die 10. Aprilis in domo Jesuitica genito expercus sum: Erat autem hoc ovum, ratione quantitatis, minus ordinario gallinaceo, paulò tamen majus columbino, de cætero utcunque pellucidum, quamvis in superficie testæ adverteretur aliqua inæqualitas, & scabrities; Statueram ego Gallum ipsum exenterationi committere, ac curiosius indagare, utrum ovarium aliquod juxta Clarissimum *Regnerum de Graff* descriptum adesset, verum subito ad Illustrissimum quendam patientem aliquot miliaribus distantem vocatus, aliquamdiu emanere coactus fui, tandem domum redux, dum propositum meum cum Chirurgo in actum reducere vellem, inveni gallum istum jam è vivis sublatum, narravit enim mihi inquilinus in domo Jesuitica, quòd iterum die 16. Aprilis novum ovum, præcedenti haud dissimile ab eo fuerit exclusum, hinc timens, ne successu temporis basiliscos generaret, prouti à mu-



lierculis non nullis audiverat, subito illum mactavit, & cum oryza coctum die 21. ejusdem, quæ erat Dominica in albis, totum quantum cum uxore absque omni scrupulo comedit, neque ullam exinde noxam postmodum animadvertit. Ulterius de circumstantiis perscrutando intellexi, Illum fuisse 7. annorum, & tria ova jam posuisse: primum ante medium circiter annum, quod à gallinis fractum fuerat: secundum die 10. Aprilis, de quo hic mentionem feci, ac postea Magnifico & Perillustri *Domino Doctori Illmero*, Archiatro, & Consiliario Casareo Viennam misi: tertium paulò ante mortem, quod quidam civis in præsentia aliorum aperuit, ac solum albumen omni vitello destitutum deprehendit. Audivi præterea illum, dum viveret, tam in cantando, quàm in Venere exercenda semper fuisse alacrem, post mortem autem nec ovi, nec ovarii ullum apparuisse indicium, prouti hic Inquilinus cum sua uxore asseruit. Utrùm hic cum Hermaphroditis quidam analogismus, & ubi proprius locus ovorum generatorum fuerit? me latet, accuratioribus Naturæ perscrutatoribus relinquo examinandum.

## OBSERVATIO CCXII.

D. JOANNIS BENEDICTI GRÜNDELII,

De

## Alio Gallo Oviparo.

**A**liud exemplum exhibet fecunda volatilium mater nostra Styria: Pagus est in superioribus partibus penes Muræpontium, ad S. Dionysium dictus, ubi rustici cujusdam gallus Anno 1685. die 28. Julii simile ovum peperit, quod postmodum, utpote munus valde rarum, loci Parocho, Domino Joanni Adamo Mandl fuit oblatum, ad indagandum, quidnam natura in hoc subjecto haberet absconditum; Dum autem post 14. dies præfatus Parochus in præsentia sui Sacellani, & R. P. Julii Ord. S. Francisci Minor. aperiret, & cultello

& cultello scriptorio in orbe ligneo divideret, invenit liquorem, etiam vitello destitutum, in viscositate albumini ordinario non multum dissimilem, eo tamen paulò obscuriorem: in centro ovi apparuit vermis quadrupes, coloris nigri, & quoad figuram lacerto parvo similis, cum cauda inter pedes inclusa, quam postea adstantes ope cultelli separârunt, & ad posticam partem transtulerunt. Postea cum hoc ovum unâ cum orbe ligneo in culina Vulcano consecraretur, flamma varios colores induens, abominabilem excitavit foetorem, gallus demum etiam, qui septimum jam agebat annum, è vivis jussu Parochi ablatum est, ne pariendo alia ova, alia pareret incommoda, Hæc ex relatione prædicti D. Parochi, viri fide digni, & amici mei refero.

### SCHOLIUM.

Quam multis dubiis & obscuritatibus relationes de ovis gallorum gallinaceorum sint involutæ, Exc. noster *Oribasius* in sua *Cologia curiosa* aliquando exponet; cum quo, occasione ovi, quod in pago Walpen, non procul Günsburgo sito, An. 1683. anser masculus ferè rotundum peperisse, in quo vitellus nullus, parvulus tamen vermis fuerit repertus, Nob. noster *Solom* mihi indicaverat, amicam tum discepcionem habui. Ut autem voluntati Clariss. nostri *Cælii Aureliani* satisficiam, mentemque meam huic observationi subjungam, non quidem propriè sic dictum ovum, oviforme tamen aliquod corpus à gallo gallinaceo posse excludi, haud incredibile mihi videtur; dum variis in partibus hydatides, quæ tunicâ suâ & liquore ei incluso ovula, testâ nondum obducta, mentiuntur, generari perpendo; quale exemplum in ventriculo repertarum hydatidum, in *Ephemeridibus nostris Ann. præced. II. Observ. 18. & Append.* prostat, quas ideò vesiculas, membranâ validâ liquorem aqueum continentes, corpuscula oviformia, & subventanea quasi ova vocare libuit Nobil. D. *Cleyero*. Porro cum urinæ avium sedimentum quoddam album inhæreat, &



cum ea ex renibus in cloacam alvinam descendat, quo de videatur *Guil. Harvey exerc. 11. de generat. animal.* illud vesiculæ hujusmodi, pariter in cloacam illam delatæ, adglutinari, sicque obduci crustâ posset. Cum itaque in gallorum intestinis tum pituitæ viscidæ, cum primis in annosis majorem lentorem, ob spirituum aliquam penuriam, qua debita ejus rarefactio & attenuatio retardatur, induentis, præsentia adsit, ex qua spumefcente quasi dictæ oriri possunt vesiculæ, tum & serosus ille & tartareus non desit renalis humor, globulorum oviformium in masculino gallinaceo genere concretionem non planè pro impossibili habere possum.

[*L. Schröck, L.F.*]

OBSERVATIO - CCXIII.

D. JOANNIS BENEDICTI GRÜNDELII,  
Constipatio alvi à melonibus comestis &  
à limacibus soluta.

**M**Elones aliàs alvum laxare, & diarrhœas excitare, sæpè nos docuit experientia, imò aliquot Monachas exinde in dysenterias lethales incidisse, referunt Historici. Nihilominus notus mihi est quidam Capucinus P. E. curæ meæ ante annum commissus, qui toties per 3. aut 4. dies constipatus manet, quotiescunque melones in magna quantitate comedit, & è contrà à comestis limacibus adeò lubricam acquirit alvum, ut octies & sæpiùs de die purgetur, ac si verum sumpsisset catharticum. Perversa hæc operatio Ideosyncrasia alicui ordinariò adscribitur, existimo ego tamen, quòd penes eam etiam multum adjuvare possit prædicti Patris obesus habitus, & copiosa humoris serosi saburra, ob quam ad hydropem parentibus & consanguineis hætenus familiarum, & ut plurimum fatalem valde inclinatur; dum enim melonum pulpa in ventriculo copiosos humores aquosos suppedi-

tat,

tat, facile exinde potest fieri, quod humores serosi, antea in corpore stagnantes, per hoc adhuc magis aucti, vasa etiam magis distendant, unde eorum tonus, & excretio læditur, quemadmodum vesica urinaria muneris sui excretorii obliviscitur, si nimia lotii quantitate onusta, & distensa fuerit.

OBSERVATIO CCXIV.

D. JOHANNIS BENEDICTI GRÜNDELII,  
A fragis comestis varia inducta Symptomata.

**E** Lapso anno 1686. 23. Junii ad arcem aliquot milliari-  
bus distantem vocatus, inveni Magnatis cujusdam mi-  
nistrum nephritide satis inveteratâ laborantem, dum  
itaque præscriptis jam remediis pharmaceuticis etiam de  
diæta instituenda me adstantes consulerent, & de fragis, utrûm  
in hoc affectu concedenda essent, mentionem facerent, retulit  
Dominus patiens, se quidem nullum horrorem habere à  
fragis, imò ea bono adhuc cum appetitu posse sumere, iis ta-  
men in notabili quantitate comestis, sequentia symptomata  
semper, & immediatè expertum fuisse: nimirum exoriuntur  
anxietates, angustia pectoris, leves calores, & universum cor-  
pus rubedine valde intensâ tingitur, ac si erysipelate universali  
laboraret, superveniente tamen levi sudore, & rubedo, & ca-  
lor, aliaque symptomata sponte evanescunt, ità ut post duas à  
comestione horas nec ullum appareat vestigium; solummodò  
debilitate quadam corporis remanente. Si verò ea sumantur  
in pauca quantitate, putà unius cochlearis, cutis quidem non  
rubescit, interim tamen anxietates, & debilitates aliquales sese  
insinuant, ità ut omnimodè sint vitanda. Alius mihi Illustris-  
simus Vir notus est, qui aliquoties jam ab iisdem comestis in fe-  
bres tertianas incidit, ut æque ab illis cogatur abstinere.

SCHO-



## SCHOLIUM.

Similiter *Andr. Libavius de antipath.* cujusdam commilitonis sui mentionem facit, qui quoties fraga comedisset, subito tumore, rubore, prurituque totius cutis, perinde ac si scabie sicca laboraret, incidit, quæ cutis defœdatio paucis diebus rursus evanuit; & beatus noster *Sachsius* feminam noverat, quæ comestis fragis rubris in facie maculis statim se prodentibus defœdabatur; ceu refert *Gammarol. lib. 2. sect. 1. cap. 4.* pariter *D. Thom. Bartholinus cent. 3. hist. anat. 57.* in viro, juxta cum sudore largo, rubentia exanthemata per universum corpus erumpentia observavit, atque *D. Hermann. Grube de simpl. medicam. facult. pag. 113.* tumoris brachii cum maculis purpureis, aliisque symptomatibus in Studioso, à sudore prolecto iterum convalescente, notavit. Cujus eventus causam laudatissimus *Bartholinus* in vim fragorum sudoriferam reponit, præcipuè cum fraga diureticam vim possideant, diaphoretica autem & diuretica inter se commercium exercere soleant, quæ utraque in expellendo sero occupantur. Quæ conjectura satis probabilis videtur, ita ut fraga, ceu fructus, si fuerit maturus, brevi putrescens, ideoque etiam promptè in ventriculo resolubilis, atque hinc etiam faciliè corruptibilis, ab individuis aliquibus, quorum sanguis excrementitiis fermentescibilibus particulis inquinatus est, comesta, volatili suo sale ac sulphure, quorum sapor vinosus & odor gratus indicium præbent, hasce resolvendo, separando & agitando ad corporis peripheriam, non sine molestiæ sensu, expellat; ut ita ad venenum serpentinum, bufoninum &c. extrinsecus fragis adhærens, nec prius aquâ ablutum, confugere haud opus fortè habeamus, majora procul dubio symptomata, si in culpa illud foret, producturum, nec tam faciliè è corpore recessurum. Interea tamen, quia rara admodum est sanguinis ista effervescencia, nec in quibusvis individuis, licet fraga copiosè comederint, stomachumque non adeò ritè digerendis iis ad commodatum habuerint, excitetur, singu-

ſingularem, & tali orgasmo aptam ſanguinis diſpoſitionem, cu-  
juſtamen naturam determinare, meum ſuperat caput, & ita  
ſano ſenſu antipathiam non omninò excluderem, quam fortè  
matris prægnantis imaginationi in foetum agenti ortum ali-  
quando debere, cum *Libavio* non abſonum eſſet ſtatuerè. Prout  
verò cum multis aliis rebus, ſic inprimis etiam cum fragis com-  
paratum eſt, ut à quibusdam, ob peculiarem idioſyncraſiam,  
ferri nequeant; qualia exempla tum à *Joh. Udalr. Rumlero* in  
*Obſ. med. 69.* tum in *Dec. I. Ephem. harum Ann. III. Obſ. 201.* à *No-*  
*bil, D. D. Garmano* notata fuerunt.

[*L. Schröck, L. F.*]

OBSERVATIO CCXV.

D. JOANNIS BENEDICTI GRÜNDELII,

De

Uſu acidularum Roitschenſium in febribus  
intermittentibus.

**V**ario morborum generi ſubjecta fuit elapſo anno 1686.  
noſtra Styria, plurimum tamen paſſa à febribus inter-  
mittentibus, uti & à dyſenteriis in æſtate, & autumno  
epidemicis; obſervavi ſæpè in praxi, quòd tales febres  
per febrifuga, & dyſenteriae per opiata intempeſtivè ab Em-  
pyricis adhibita ſatis citò quidem fuerint curatæ, interim tamen  
eas paulò poſt colicæ graviffimæ, tandem in paræſim degene-  
rantes, ut plurimum conſecutæ ſunt. In paræſi hac jam actu  
inducta purgationes per epicraſim inſtitutæ, ac ultimò Ther-  
mæ noſtrates methodicè adhibitæ multum præſtiterunt: In  
præcavenda verò, (nimirum illa, quæ febres conſequi ſolet)  
acidulis Roitschenſibus in inferiori Styria ſcaturientibus, nihil  
utilius reperi, has enim, præmiſſis ſcilicet præmittendis, in de-  
clinatione paroxyſmi, die intermiſſionis, tandemque ceſſante  
jam feбри bibent ſas ſæpiùs porrexi, quibus ſaburra cacochymica

Dec. II. Annus V.

Kkk

eva



evacuata est, ac viscera adeò contemperata, ut postmodum paralyticam hanc sobolem, tunc temporis ordinariam febrium pedissequam, & curatu valde difficilem, nunquam amplius viderim: Constant autem laureatæ istæ, & plurimorum morborum victrices aquæ, acido bene contemperato, & proportionato alkali, unde massa sanguinea abundè corrigitur, & à salibus sylvestribus totam microcosmi œconomiam perturbantibus rursus liberatur.

[*Marpurgo Styria Anno 1687. die 9. Januarii Noribergam missæ.*]

## OBSERVATIO CCXVI.

D. BENEDICTI HERMANNI,  
Hæmorrhoidum fluxus Vomitorio  
curatus.

**P**Urgantia omnia, cùm ob acres suas & volatiles Salino-Sulphureas particulas, humores corporis, & inter hos Sanguinem quoque, turbent, fundant, & Naturam ad excretionem irritent, hisque effectibus Vomitoria violentum adhuc motum & totius corporis concussionem superaddant, facilè concludendum videtur, minùs commodè hæc in quavis Sanguinis excretionem p. n. propinari; ut quæ promoveretur hinc magis quàm sisteretur: Dari tamen casus, in quibus præsentanei sint usûs Vomitoria, sequens docet Historiola Medica. Vir honestus quadraginta & aliquot annos natus, hæmorrhoidum fluxui non rarò, sed tum inprimis & copiosiori & diuturniori obnoxius, cùm ex officii civilis ratione Baccho vel plus vel sæpius solito litare teneretur; tali enim prægressâ causâ non dies duntaxat aliquot, sed integras septimanas nonnunquam duravit, cum inappetentiâ, virium lapsu, colore faciei decolore, &c. Sumtâ itaque aliquando à dictâ causâ occasionali & appetitu prostrato indicatione, Tartari Emet.

gr. iij.

gr. iij, sat aliàs robusto exhibui, & en! vix dum cessante vomitu hisce concitato, omnis illicò fluxus, qui à 14. diebus jam continuaverat, cum euphoriâ cessavit: Quo successu permotus, aliquot postea vicibus in simili casu simili usus remedio, simili quoque semper, id est, optato gavisus est successu. Nimirum Salinæ Vini particulæ nimîâ copiâ in Ventriculo congestæ, & fermentum ejus corruerunt, & cum chylo quoque sanguini atque bili sua spicula communicarunt, unde humores hi & fluidiores & aciores redditi, facilem sibi per vasa hæmorrhoidalia viam pararunt; Salinâ verò hac tam Ventriculi quàm vesicæ felleæ saburrâ partim vomitu rejectâ, partim eâ, quæ Massæ Sanguineæ jam tùm permixta erat, per Colatoria forsan in evacuata locum resorptâ vel repositâ, Sanguis suæ restitutus crassi & consistentiæ, jam multò pacatior, suis se spontè continuit alveolis.

[1687. d. 8. Febr. Memmingâ Augustam missa.]

OBSERVATIO CCXVII.

D. GEORGII WOLFFGANGI WEDELII,

*De*

*Inflammatione Renum.*

**I**Nter ea, quæ observatione digna sunt, non solum numeranda videntur rarius contingentia alia, sed & morbi, qui non ita frequenter occurrunt; quorum theoria quidem certa est, non minus accuratio, phænomena tamen historiis certius emicant. Exemplo sit renum inflammatio, quam, lethalem licet, in Studioſo Ann. MDC LXXXV. vidimus. Erat hic gracilis & biliosus, sed sui paulo negligentior, siquidem tribus primis diebus, ut fit, morbum minus curaverat. Ad erat dolor lumborum maximus & tantum non convulsivus, cum vomitu, & ardore inter urinandum. Calor & pulsus febrilis urgentissimum dolorem comitabantur, cum summâ sanguinis efferatione: vesperi malum augebatur.

Kkk 2

Ad-



Adhibita bezoardica, diaphoretica, venæsectio, clysteres, potiones & emulſiones alterantes, acidula, præcipitantia, nervina, anodyna, linimenta, ſacculi, nihil non, ſed omnia fruſtra. Die quinto faces illæ in corpore reliquo accendebantur magis, inflammabantur oculi, nihil remittente dolore priori, rubebat totum corpus & velut petechiis pingebatur undique. Septimo moriebatur. Occaſio fuerat potus & motus largior, fama etiam quadam de hauſto philtro, ſed incerta. Confirmare hæc poſſunt à *Sennerto in praxi* de hoc affectu tradita.

## OBSERVATIO CCXVIII.

D. GEORGII WOLFFGANGI WEDELII,

De

## Aloe largius assumptâ.

**A**Loes & abſinthii non eſt tanti ſentire auxilium, quàm ut amaritudinem ſentias, inquit *Muſa*. Verùm id eſt ſine dubio, ſi doſin majorem, prout olim in uſu erat, quis aſſumpſerit. Cum itaque ob amarorem illum eximium vix hodiè niſi minori præbio in uſum cedat, & hoc quidem pacto, (quod paradoxum videri poſſet,) plus operetur, quàm majori, poſitâ ſufficienti lymphæ glandoſæ in primis viis quantitate, deſierunt ferè experimenta, quid in majori doſi præſtet aloe. Neque enim iisdem opus erat, quandoquidem quod per pauca fieri poteſt, non opus erat, ut pluribus peragatur, proſtantibus in primis ſuccedaneis melioribus, largo proventu. Illuſtrare nihilominus eadem poſſunt aloes operandi vires. Novimus Studioſum Weſtphalum pro ordinariâ purgatione, neſcio unde traditâ, hauſiſſe Aloes Socoterinæ ʒſſ. ſeu unciam ſemis, cum Spiritu Vini loco vehiculi. Alius ab eodem edoſtus amicus tantundem aſſumens, quanto cum tædio, facilè concipi à gnaris poteſt, inde ſex ſedibus ſaltim circa veſperam purgatus eſt.

Beni-

Benignior nempe est aloe, & inter Benedicta laxativa numerata, plus operans in humidioribus, saltem quoad intestina, & tenerioris texturæ subjectis. In siccoribus parum vel nihil laxat, imò non rarò magis obstruere alvum videtur, quod aliàs extrinsecus ob balsamico-terream qualitatem ipsi proprium est.

Et benedicta hæc medicina homini, brutis non paucis, communi cum aliis amaricantibus quibusdam virtute, est venenum, quod ut hujus loci non est, ita fieri inter alia putari potest, quod exhauriat nimis & coire faciat lympham in siccoribus illis; Quod exacuet bilem & in spasmos cieat villos nerveos in peristromate intestinorum ipsiusque ventriculi; quod massam sanguineam reddat vitali illorum principio impropportionatam.

## OBSERVATIO CCXIX.

D. GEORGII WOLFFGANGI WEDELII,

De

## Lordosi.

**N**On una spinæ dorsalis in figurâ suâ mutata, (gibberem latiori sed improprio paulo sensu vocare liceat,) sunt species. Fundamentum verò præcipuum & norma quasi omnis hujus irregularitatis optimè traditur ab Hippocrate, quando *l. de oss. nat. c. 2. t. 6. seqq.* spinam quatuor modis secundum naturam variantem & ex αὐτοψίας quidem seu anatomes ductu, apprehendi asserit. Est enim vel videtur esse partim κυφὴ gibbosa, quoad inferiorem plagam, partim λορδὴ, repanda, quoad cervicem, seu superius clima. Inter hæc duo extrema est iterum modò ἰθύλορδῶς, è directo repanda, modò ἰθὺκυφὴς, è directo gibbosa; illud inferius, hoc superius obtinet.

Hæc alternatione posita & concepta faciliè in ordinationes circa vertebrae dorsales seu spinæ hujus clarent & dijudicari queunt. Sufficit nobis inter alias elegantes explanationes,



opposita esse vitia κύφωσιν, *gibbositatem*, & λόρδωσιν, seu spinæ inflexionem prorsum concedentem, εἰς τὰ πρόσω, ut loquitur *Galenus*; seu ἑμipρόσθεν, ut *Interpres Theocriti*. Prior species, (neque enim alias jam attingere attinet,) communissima & nemini non nota est, altera λόρδωσις rarior.

Vidimus hanc in puellâ nobili quinque annorum circiter, ante annum, quæ dorsum λόρδον, seu versus anteriora repandum, einwärts gebogen/ exhibebat, abdomen verò consequenter prominens & velut turgidulum. Unde verò inter eundum & molestiam & deformitatem oboriri necessum erat, centro gravitatis & flexionis, quod ex naturali illâ figurâ accuratè resultat, mutato. Succurrere huic vitio admodum difficile est, cum moles superioris corporis inferiori spinæ basi sustinenda sit. Suadere tamen, ut quantum fieri licet opem feramus, consultum est tum emplastra roborantia, tum ferulas æneas, aliasque similes machinas, quæ inferiorem illam centralem regionem firman, ut ferundo sit imposito oneri, non omiſſis spleniis & fasciis debitis.

## OBSERVATIO CCXX.

D. MICHAELIS FRIDERICI LOCHNERI,

## Incubus lethalis.

**E** Phialten nocturnum illud malum è casto Verbi *Inſilire* Utero prodeuntem, prodromum Apoplexiæ, Epilepsiæ, Maniæ, cæterarumque Furiarum morbosarum unanimis hæctenus Medicorum Chorus credidit; lethalem verò observare mihi licuit, cujus observationis susurro anser torcuiſſis interſtrepere volui Oloribus.

Juvenem 18. annorum quoties placidus clausisset lumina somnus, in quocunque latere decumbentem, cordolium tangit & angit, comprimit pectus

*Monſtrum horrendum informe ingens cui lumen ademptum;*

hac-

hacque compressione Microcosmi Æoliam coarctat, indeque  
respirationi inviam viam reddit; ejulare, vociferari, incumben-  
tem Dæmonem conviciis petere, pugnos cum illo conferere,  
brachia brachiis inferere, falsò se credit; cum immoto reverà  
Linguae artuumque motu mortui ad instar in lecto procumbat.  
Tandem movendo nihil promovens expergiscitur, vires deje-  
ctæ, ut neque pes neque manus suo fungi possit officio; oculi  
(ut in præjudicio est) quasi fracti, palpitans Lingua, Respiratio  
adhucdum difficilis, unico verbo, nil nisi Mortis imago. In-  
somnem Juvenem per totum ferè diem dirum hoc somnium  
reddidit; quo spatio spiritum vix ac ne vix trahens adstantibus,  
invidorum Fatorum vices retulit. Moriente jam die lethi rur-  
sus fratre & quidem placidissimè per semihorulam corripitur,  
succedunt ronchi ex intimis visceribus hausti, suspiria concate-  
nata, irritæ iræ, vana conamina, insana ferocientis incubi præ-  
sagia. Vellicat dormientis aures adstantium murmur, tangunt  
artuum extremitates setarum cuspides, nares graveolentium  
exhalationes feriunt, alvum denique suppositorium acre solli-  
citat, sed in cassum omnia. Integras tres somni horas con-  
comitabantur decumbentem hæ anxietates; Luci tandem reddi-  
tus Latonæ facie plenâ resplendentis imaginem præsefert, tu-  
mida facies oculorum cavitates ferè implet, ut maximè distaret  
ab illo olim Juvene quem nitidula facies Cyparissi de gente com-  
ptulis nepotibus adscripserat. Prædixi rebus sic stantibus tristitia  
auguria, nec fefellere præsagientis animum. Immerso enim  
iterum somno, placida licet brevissima quies effœtum incubi  
Foetum rursus progenuit. Varia adhibita, sed irritus Labor  
ubi Parca non decrevit parcere. Per horam integram rursus in-  
cumbente & desæviente malo, tota facies quanta quanta erat  
nil nisi vesicula, limpidissimo liquore acidum spirante repleta;  
Deformis sanè Forma. Inde

*Obstupui, steteruntque comæ, vox faucibus hæsit,*  
cum moribundus ter Salvatoris *JESUS* nomen ingeminans, in-  
cubum alta voce increparet, adstantes Amicos salutarer, ulti-  
mum



mum scil. Vale dicturus. Et sic in momento cum ejus Vita lethalis incubus, gemitus, ejulatus, & hæc mea observatio cessat.

## OBSERVATIO CCXXI.

D. GEORGII FRANCI,

## Vermes Cucurbitini in Infante.

**V**ermium quædam species est latorum, qui aliis *νύγλα*, item *τὰν τῶν* seu *Fasciæ* audiunt. Hos ob figuræ, cum semine cucurbitæ similitudinem communiter *Cucurbitinos* vocant, qui interdum longitudine adeò excedunt, ut excretum aliquem longitudine *quinque* circiter ulnarum Norimbergensium notaverit Excell. D. D. Bruno in utilissimo *Lexic. Medic. voce Helminthes p. m. 656.* ubi addit per tota intestina extendi, illisquæ arctissimè cohærere. Ego c. 10c xxxvi. d. 2. Maji st. n. ejusmodi vidi in infante *Schonaviensi*, duobus abhinc lapidibus, unius anni cum tribus mensibus, cetera benè valente & *ἐν σάπρῃ* ac adhuc lactente, qui tamen nihilominus & aquam & cerevisiam subinde bibere solebat, à vino autem, & quidem rectissimè, abhorrebat. Ille postquam & *ἀσκάρις* & *νάρω* ascarides plurimos rejecerat, tandem ipsis Kalend. Majis excrevit ad ulnarum nostratum trium, & credo plurium, nisi meticulousæ anus manu fuisset abrupta, catenam ejusmodi cucurbitinorum vermium, quorum quilibet & unguis longitudinem atque latitudinem referebat, & cum in aqua macerassent, albidum præ se ferebant colorem. Præscripsi internè Decoctum Aquæ communis cum Mercurio crudo pro potu, quod egregiè unà cum Celeberrimis Practicis jam olim mihi commendavit Excell. Dn. D. Lubertus Erbenius, Archiater meritissimus, Fautor & Amicus carissimus. Umbilico autem atque epigastrio & hypogastrio curavi illini linimentum ex Unguent. de Artanita, fell. tauri, Oleo destillat menth. absinth. abrotan. it. oleo Chamæmelin. laurin. it. Troch. Alttand. &c. Ejusmodi, sed

sed minores paullo tancias nuper in femina quoque observavi,  
sed fusci coloris, easque viventes adhuc.

OBSERVATIO CCXXII.

D. GEORGII FRANCI,

Ex terrore Lochiorum Subpressio, & inde  
Phrenitis, Convulsio, ac tantum ferè  
non Mors.

**T**Error, gravissimus affectuum gravissima sæpè adducit  
mala, nec solum sitim auget, quod affirmat *Francisc.  
de le boe Sylvius lib. 1. Prax. Med. cap. 1. §. 7.* sed pueris  
sæpè numero Epilepsiam, gravidis abortum, aliisque  
Syncopen parere solet, ceu hæc & alia mala eleganter exponit  
*Cl. Mæbius Instit. Med. lib. 2. part. 2. cap. 7.* Sic servam Bataviæ  
ex terrore in furorem prolapsam meminit *Herm. Buschoff. in Ap-  
pend. tr. vom Podagra und der Moxa p. m. 142.* Aliumque ex  
terrore incendii primò in dyspnœam & catarrhum suffocati-  
vum, tandem in Hydropem totius incidisse animadvertit *Do-  
ctiss. Conr. Viçt. Schneider. lib. V. de Catarrh. cap. 4. p. m. 301.*  
Conf. aliud exemplum ap. *Thom. Bartholin. Cent. III. hist. 41.* Ad-  
de ex *Sennert. l. 3. Prax. W. Höferum in Herc. Med. lib. 2. cap. 1.  
p. m. 92.* Immò Potollos vel Pocollos Idolum olim Borussorum,  
noctu homines adeò terrebat, ut aliqui morerentur, ceu scri-  
bit *Cass. Hennenberger in Beschreibung des Landes zu Preussen pag.  
mibi 10. b.* Notabile est, quod sequitur, exemplum. Genero-  
si Dn. V. A. de B. Conjux delicatæ corporis texturæ annorum  
circiter XXIII. jam post 3. filiolas edebat filiolum Mens. Aprili  
cio 10c xxvi. & quidem laboriosè primum, deinceps verò satis  
benè se habebat, donec septimo à puerperio die subito terrore  
tironis cujusdam, qui à Magistro vapulabat, horrendum cla-  
mantis in vicinia, ita percelleretur, ut per totum tremere corpus,  
subitoque substiterint lochia. Accedit sensim calor in-  
Dec. 11. Annus V. LII gens



gens cum siti, sudore & alvi constipatione, anxietate circa præcordia, lactisquæ subpressione: Caput dolebat, rugitus & murmur in ventre audiebantur, ruunt omnia in deterius, ut sequente mox nocte morituram crederent adstantes ob lipothymias & imbecillitatem longè maximam. Vocor 29. April. statim præscribo Clysterem ἐκκοπρωλινὸν & carminantem, qui cum profuisset, per illum diem ter repetebatur. Internè singulo trihorio dedi pulverem meum Catholicum cum aqua flor. ti-liæ, jaceæ tricol. Card. mar. tarax. & Cinnam. bugloss. quia hanc amabat: Externè naribus confortantia & quodammodo graveolentia adhibui: Mulierculæ verò ipsi utero pessum ex melanthio, croco aliisque. Die 30. Aprilis malum augebatur, adduntur epicarpia & epompholia ex Orvietano cum Castoreo, immò cum omnia symptomata augerentur, adessetquæ febris acuta, tantaquæ phrenitis cum ejulatu fortissimo atque furore, ita ut à sex hominibus vix potuerit retineri, oculi micarent, sitis esset immodica &c. imminebant tandem Convulsiones, ac vertici capitis Columbus pullus vivus dissectus imponebatur; naribus affricabantur Spiritus Corn. Cerv. & Salis ammoniac. cum Oleo ligni Heraclini, fiebant suffitus ex plumis perdicum, corio, nuce moschata, immo & vulgo dictis antimagicis. Post noctis meridiem circa hor. 2. matut. d. 1. Maj. visâ tranquillior & quasi somnolenta. Mane assumpsit jusculum, videbaturquæ cum ratione redire in gratiam. Continuantur enemata & pulvis Catholicus, item præcipitantia cum aquis aptis, sensimque symptomata remittebant, incepitque fluxus lochiorum redire. Die 2. Maji materia albicans summeque foetens ex utero effluxit, eaque satis copiosa, inde melius se habuit. Accessit vero melancholia quædam & metus lipothymiae, quare aperientia, & inter illa Spiritum Salis Ammoniaci Martiatum acidum ad grt. IX. ter de die dedimus cum fructu, atque ita intra XII. dies per Dei gratiam bene convaluit.

## OBSERVATIO CCXXIII.

D. GEORGII FRANCI,

## Scrofulæ in fetu ex Imaginatione Matris.

**Q**uid imaginatio matris fetui possit imprimere jam olim fuisse persecuti sunt *Ficinus tr. de Viribus Imaginat. Septalius l. de Navis J. M. Marci, Digby aliiq; Viri Clariss.* Generosa quædam Domina tempore gestationis multoties cum averfatione adspexit servam Scrofulis in collo satis deformem: Edidit tandem filiolum, qui in dextra colli parte, maxime vero in sinistra Scrofulas in lucem una protulit, harum quæ in sinistra, ubi clamaret infans, aut collum nimis moveret, nimium intumescabant, immo videbantur & suctionem & pultis deglutitionem impedire. Tentavimus hætenus varia, tum interna, tum topica, sed frustra, moles enim indies augetur, & metus est, ut non nisi Chirurgia curetur.

## OBSERVATIO CCXXIV.

D. GEORGII FRANCI,

## Convulsio &amp; Mors è Scabie capitis evanescente.

**M**ultoties in praxi observavimus Scabiem Capitis in infantibus vel sua sponte evanescentem subito, vel remediis imprudenter à matribus aut vetulis medicamentis adhibitis pro exsiccatione & propulsione Scabiei curatam gravissima adtulisse symptomata, catarrhos, dolores capitis & dentium, ophthalmiam, ulcera aurium, aphthas, tussim violentam, tabem, catarrhum suffocativum, delirium; febres, immo epilepsiam, convulsionem ac tandem ipsam mortem, ceu ex sequenti patebit exemplo: Puer X. annos natus Pedelli nostratis unicus filiulus hætenus Scabie capitis, ut



pueri solent, ex ingluvie & pomis comestis detentus, abscissis capillis Scabiem amisit, nihilominus circa collum glandulas vitiosa turgentes lymphæ sensit, & coloris erat cachectici. Die 3. Octobr. c10 10c xxcvi. mane surgens sine ulla molestia notabili hætenusque incolumis reputatus subito clamore, dum ad sacra ire se accingit, corripitur, concidit & convulsionibus exercitatus linguam admordet, ut copiosus inde profluxerit sanguis. Advocor statim in vicinia cum Excell. Dn. D. Brunnero Collega suavissimo, video pallentem, convulsam, nec mente constantem (quod ad extremam usque perduravit halitum) sese in lecto hinc inde volutabat, è quibus jectigationibus aliqui tormina adesse præsumebant. Dabatur clyster fortis, abdomen fovebatur calidis, exhibentur antispastica, præcipitantia, confortantia, naribus admoveatur Spiritus Salis Ammoniaci, capilli iterum refecantur, columbæ vivæ dissectæ per medium vertici imponuntur, vesicatoria pone aures suadentur, intra xxxv. horas fatis concessit, sine ullo sensu vero convulsus.

## OBSERVATIO CCXXV.

D. GEORGII FRANCI,

A mensibus diu subpressis maxima Cordis palpitatio, tandem Cachexia, Apoplexia & Mors.

**F**emina xxxvii. annorum, temperamenti cholericæ, Janionis vidua Argentorati auf dem Gerber Graben A. C. c10 10c lxviii. conquerebatur de mensu subpressione ultra duos annos cum dimidio, atq; inde oriunda molestissima Cordis palpitatione, ut cordis vibrationes & foris interdum audiri ab adstantibus potuerint, hæcque miseram ob summam anxietatem præcordiorum, tantum non in desperationem adigeret. Utrebatur V. S. scarificatione, balneis, suffitibus, aliisque, quæ internis, quæ externis remediis, sed omnibus frustra. Tandem  
meo

meo suasu abiit ad acidulas Grisebacenses, quas per quatuor septimanas integras largissime bibit; ita ut malum mitesceret; per vices tamen redire minabatur. Paupercula per hyemem & parcio- & minus salubri utebatur victu, verno vero tempore catarrhis vexata, & cachexia imminente tandem Apoplectica obiit.

OBSERVATIO CCXXVI.

D. GEORGII FRANCI,

*De*

Sectione Tumoris glandulosi in Sexagenariae collo dextro.

**F**emina Helvetia plus quam LX. annos nata ab octo annis ad dextrum colli latus sub mento sensit tumorem instar avellanæ, qui indies indiesque grandior evasit, donec tandem ad tumorem instar cucurbitulæ mediocris perveniret, qui sub & pone aurem dextram toti colli dextri lateri adhæsit, & sub cute poterat fere quaquaversum propelli, & quotidie fere major evadebat. Non rubebat, non dolebat, si vel durus etiam comprimeres, sola mole molestus erat, petebatque anus illam auferri. Convenimus Excell. Dn. D. Brunnerus egoque cum aliis Medicinæ mancipatis, Chirurgis & Pastoribus, exploravimus tumoris statum, vetula erat cordatissima. Tentavit præmissis precibus & votis sectionem *Joh. Simon Eichenberg*, Operator Chirurgicus, in cacumine tumoris per medium ab anteriore parte cervicem versus cutim dividens; effluxit non adeò multum sanguinis; dein quaquaversum cute à contento tumore separata sine notabili ægrè dolore, quæ sine ulla lipothymia, sine ullis lacrymis ad finem usque sectionem sustinuit. Tandem vena jugularis firmè lædebatur, qua ligata & remota parùm, tandem feliciter tota moles ressecabatur, quæ ad *thij.* facile pependit, absque notabili hæmorrhagia, ut post exco- riationem tumoris, ac ressecta cute propter exten-



sionem superflua, conspici poterat larynx cum aspera arteria. Absterfo cruore, affuso liquore meo styptico & insperso pulvere sanguinem sistente, vulnus obligabatur debite; ægraque intra 3. septimanas optimè convaluit Mens. Febr. cto 13c xxxvi.

## OBSERVATIO CCXXVII.

D. GEORGII FRANCI,

## Tumor Umbilici in infante.

**A**Nno Christi cto 13c xxv. d. 30. Sept. Lanifici Heidelbergensis, Phil. Nicol. Weinlin uxor peperit filiolum, sed admodum parvum & macilentum, qui loco umbilici tumorem magnum, exteriùs membranofum & è coeruleo fuscum, intùs carnosà quasi mole præditum, ad ovi anserini magnitudinem habebat: Circumferentia in abdomine ultra thaleri latitudinem erat, ipsa que abdominis cutis ad digiti transversi altitudinem ex abdomine ad tumorem adscendebat, dein desinebat in supra dictum membranofum tumorem, cui in medio adhuc adhærebat portio funiculi umbilicalis ad spithamæ ferè longitudinem. Tumor hic semper ad motum respirationis movebatur, ita ut in inspiratione manifestè sursum moveretur & quasi ascenderet, descenderet in expiratione; sine dolore, siquidem infans probè comedit, & lac è matre suxit, atque urinam cum fecibus liberè reddebat, nec multum vagiebat, dormiebatque satis benè. Ego d. 6. Octobr. advocatus inspicio tumorem & cùm abdominis cutim in peripheria elevatam viderem, ac intestina etiam ex parte in tumore isto recubare sentirem, feci prognosticon curationis irritæ. Nihilominus advocant Chirurgum, satis cetera exercitatum, qui aliquid tentandum censuit, & unguentis suis atque linimentis membranas exteriores detraxit, dein portiones quasdam carnis putridæ sine infantis vagitu per aliquot dies; donec tandem undecimo post die naturæ debitum exsolveret. Mater paulò post in melancholiam hypochondriacam incidit, & firmiter

ter sibi persuasit circa aures volitare aliquid lucidi cum bombo & strepitu, adeò ut sapissimè manu illud conaretur abigere præsentibus omnibus domesticis, quos mirabatur, ubi affirmabant se nihil videre vel audire, sed esse merum phantasma. Dedi purgans fortius bono cum effectu, dein administravi largam venæsectionem, paullò post aperiencia, & exterius suffitum quendam ex ingredientibus vulgò antimagicis dictis. DEI ergo clementia intra tres hebdomadas plenè & planè reconvaleuit.

*[Heidelbergâ 1687. d. 15. Febr. Augustam Vind. missæ.]*

OBSERVATIO CCXXVIII.

D. JOH. DANIELIS GEYERI,

*De*

Membrana per urinam excreta.

**C**hirurgus Alzejenfis, nomine Philippus Fack, cum duplici tertiana laborasset atque præ æstu ferè defecisset, urinam reddidit inflammata, in aqua natabat membrana alba primum, postea verò pellucida, quæ extensa quadrantis ulnæ longitudinem æquabat, in latitudine tres ferè digitos excedebat.

OBSERVATIO CCXXIX.

D. JOH. DANIELIS GEYERI,

*De*

Mira Sympathia, patris & filioli in paroxysmo febris tertianæ.

**L**evioris armaturæ eques nomine Pfriem per multos menses febre tertianâ laborabat, intraque hoc tempus progenit filium, qui per quatuor septimanas jam luce gaudens communi, eodem die, eâdem horâ, eodem momentô



momento cum patre hujus febris paroxysmum patiebatur. Hujus rei causam latentem in spiritibus animalibus semini veram materiam largientibus inveniri posse credo.

## OBSERVATIO CCXXX.

D. JOH. DANIELIS GEYERI,

*De*

## Omento mirabili hydropici.

**M**iliti hydropico in tantum excrevit abdomen, ut circumferentia appictam lineam decies octies, postquam per quadriennium gestasset hoc pondus, superaret.

Cumque tandem summum obiret diem, sectioni subjeci, ubi aperto abdomine circa umbilicum, statim exiliit aqua subflava ad 40. mensuras Rhenanas, h. e. 160. librarum medicinalium pondus, adeo ut omnia viscera licet salva aquæ innatarent, excepto omento, quod multa millena millia glandularum diversæ magnitudinis, sevi ad instar in se continebat, ita etiam ut racematim nonnullæ prominerent instar botryos.

## OBSERVATIO CCXXXI.

D. JOH. DANIELIS GEYERI,

*De*

## Calculo vesicæ.

**P**uer Grisheimensis 12. ferè annorum ab utero materno laborabat calculo vesicæ, cumque ulterius dolores sat atroces perferre nequiret, sectioni sese submisit, operante lithotomo aliàs satis experto Andr. Christoph. Bezio, facta in perinæo incisione ipsius vesicæ, non aliter sensisses, si digitum intrusisses ac si in lapidina esses, calculusque adhæsit vesicæ ad ovi magnitudinem gallinæ Indicæ similem, adeo ut frustulatim extrahi debuerit, cujus mater erat instar olivæ, mun-

mundata autem frustula ad decem uncias pendebant, quod revera mirandum in juvenepaucorum annorum, qui vero tertio die iliacus interijt.

OBSERVATIO CCXXXII.  
D. JOH. DANIELIS GEYERI,

*De*

**Aqua petrificante & musco petrefacto.**

**I**N tractu Eppelsheimensi prope Alzej; inter exspatiandum inveni in radice montis scaturiginem, quæ in parvum rivulum sese extendebat, & ad 12. pedum longitudinem rursus se abscondebat, hoc in rivulo muscus egregie virens quasi saccharo obductus conspiciebatur, qui sensim tandem planè obdurescebat, & instar corallii albescebat, intus singuli ramuli foramine sunt præditi, odore sulfureo nitroso, aqua verò insipida & sat ponderosa est. Feci periculum per præcipationem sed sine effectû, cum ol. tart. spirit. vitriol. gallis &c. ubi solum colore phœniceo fuit tincta, ope evaporationis verò remansit materia tartarea, calci similis, insipida; Aquam ipsam ad longum tempus asservavi sine putredine, injeci porro stramen, claves, lignum, sed planè nihil adhæsit. Credo hac in re aliquid tribuendum esse convenientiæ terrestris materiæ cum poris musci.

OBSERVATIO CCXXXIII.  
D. JOH. DANIELIS GEYERI

*De*

**Abortu inque hujus placenta uterina incluso  
embryone cum propria secundina.**

**H**Onesta femina Manhemii rediit ex thermis Wisbadensibus, quibus ob singularem & inconsuetum ventris tumorem usæ erat, atque tunc demum se gravidam sentiebat. Domum reversa læta, circa medium no-

*Dec. II. Annus V.*

Mmm

ctis



Etis ingentes patiebatur nifus & dolores, adeò ut nil juvantibus cordialibus, confortantibus aliisque, lochia ante partum profluerent, ipfo fetu cum sua placenta subsequente, qui vivus perfectusque in omnibus erat primo, sed, accepto prius sacro fonte, exspirabat. Quum verò penitus secundinam inspicerem, quæ non uti ferè plerumque oblonga, sed plana & rotunda erat, inveni eam circumdatam tenaci membrana, inque hac inclusum alterum filiolum ad spithamæ longitudinem, cujus funiculus umbilicalis insertus erat propriæ placentæ, quæ alteri fortissimè connexa erat; Hic embryo in omnibus erat perfectus, nisi quod ungues deficerent, internè cerebrum & hepar erant putrida, cor verò instar cordis alaudæ, renes instar phaseoli, funiculus umbilicalis instar pennæ insertus hepatis & vesicæ; pudenda, aures, oculi glauci, palpebræ, omnia salva. Hic inter obstetricem & mulieres adstantes orta erat quaestio, an uno eodemque tempore hæc conceptio facta fuerit an contra? Dubio procul per superfetationem.

## OBSERVATIO CCXXXIV.

D. JOH. DANIELIS GEYER,

*De**Mira Antipathia & exinde animi Deliquio orto.*

**J**Am antiquum est leones aversari colorem rubrum, id quod & videmus in gallis Indicis aliisque animantibus, verum in homine id aliquid novum est. Sic observavi in ancilla, cui nomen est Christina Roëselin, quæ, statim ac colorem rubrum conspiciebat, gravissimo animi deliquio afficiebatur, ac interram prona concidebat omnibus sensibus orbata.

OBSER-

OBSERVATIO CCXXXV.

D. JOH. DANIELIS GEYERI,

*De*

Variis Nævis.

**I**N pago Esselborn prope Alzej, erat femina quæ in brachio ex imaginatione matris prægnantis & occursum Serpentis exhorrescentis adeò accuratè cum omnibus coloribus depictam Serpentem gestavit, ut vel naturaliter ibi latitantem arbitrareris. Sic heic Manhemii duas vidi filiolas, quarum altera in gena dextra ficum, altera in dextra mammilla hepatis parenchyma habuit, quod utrumque ab appetitu imaginario dependebat.

*[Heidelbergâ 1687. 15. Febr. Augustam Vind. missa.]*

OBSERVATIO CCXXXVI.

D. JOHANNIS FRANCI,

Omnis subita mutatio etiam in peioribus  
periculosa.

**M**iles nostras ob rubedinem & inflammationem oculorum contumacissimam & dolorificam auxilii gratia me conveniebat, ab olfactu vero tabaco-bibulum esse judicavi, hinc quot fistulas per diem noctemque efumer quærenti mihi, triginta vel quadraginta sincere respondebat: en dixi sequentibus diligentissime utere & sanaberis, modo cessabis ab ejus usu, alias amittes brevi ambos oculos.

Mmm 2

℞. Aquæ



℞. Aquæ Consol. reg.

euphrag.

ros. alb.

cyan. ā ʒʒ.

Vitrioli alb. gr. ij.

Camphor. gr. j. M. d. ad vitrum.

℞. Augen-Wasserlein Morgens und Abends die Augen  
darmit zu waschen.

℞. Unguenti de ceruss. cum camph. ʒʒ.

Sacch. Saturni.

Tutiæ præparat. ā ʒʒ.

Olei nymph. q. s. M. d. ad fict.

℞. Kühlendes Augen-Sälblein des Nachts auf zu legen.

Bene sese ostendebat, ast exactis diebus 4. incidit in plenariam cæcitatem, vocor, re altius pensitata suasi, ut suffitu illo pergeret, quid fit, horis 12. post, totidemque fistulis absolutis videre iterum cœpit, deinde rite applicatis remediis recuperavit sanitatem. *O! miram tabacomaniā! O! spurcas delicias à genio meo alienas, qui semel assuevit illius usum, continuare cogitur vel usq. ad extremum fati diem, exclamat meus Thonnerus.*

#### OBSERVATIO CCXXXVII.

D. JOHANNIS FRANCI,

### Dysenteria Cerevisia Naumburgensi curata.

**O**bservationi, quam Clarissimimus Vir Joh. Jacobus Waldschmidius de dysenteria acidulis Schvvalbacensibus curata *Miscellaneis Curiosis* subtexit *Acad. Nat. Cur. Germ. Dec. I. Ann. II. n. 212.* hanc de Cerevisia Naumburgensi parilem opem ferente addere placet. Dum studiorum gratia Jenæ morarer, novi Studiosum dysenteria periculosissima singultu & tenesmo fidis comitibus laborantem, hic in ultimis jam & euporistorum digressu petiit à contubernali suo

suo hauſtulum Cereviſiæ Naumburgenſis, ille ob prohibitio-  
nem Ordinarii recuſat, dedit verò ob aſſiduas ægri preces im-  
plevit illius votum, æger indulſit cereviſiæ, & tanto ſucceſſu ut  
è veſtigio reſtitutus evaſiſſet.

OBSERVATIO CCXXXVIII.

D. JOHANNIS FRANCI,

Mercurius vivus in Hernia lethalis.

**U**Xor militis à partu violento hernioſa tempore pluvioſo  
multis negotiis implicata, tota die in urbe concurſabat,  
prolapſo inteſtino dolor intenditur, ut circa veſperam  
lectum petere coacta. Mulierculæ vicinæ incenſis va-  
riis & applicatis ſexcentis aliis domeſticis dolorem uterinum  
propellere volentes ſed incaſſum laborarunt, vocatur à marito  
Medicus, Vir, praxin medicam exercens antequam ego natus,  
rem ſuperficiarie deliberans conſuluit ut ꝑiiiij, vel ꝑv de Mercu-  
rio vivo aſſumat, miſera obtemperat, primum materia ob gra-  
vitatem deorſum quidem tendebat aſt prolapſum inteſtinum  
non modo ceu Medicus præter rationem in votis habebat, non  
retraxit, quin in id ceu in loculum incurrens magis magiſque  
protruderet effectum miſerrimo. Deſertæ à Medico ſtatim Chi-  
rurgus omnibus viribus aggreditur, herbis emollientibus ca-  
taplaſmatis & balneis ſed irritò conatu, præterlapſis 4. diebus  
ego circa mediam noctem miſſu perſonæ magni nominis illuc  
veni, aſt eam offendi miſerrimam ultra vires clamitantem: *Ah*  
*Domine me lubentiſſime ſubjiciam cultro tuo, modo dolor parum le-*  
*niatur aut è vivis diſcedam*; ex anhelitu foedi odoris inteſti-  
num putreſcere & animæ defectiones imminere ſuſpicionem  
duxi, hinc clamitando deſatigatam & aſthmaticam meo mulſi  
alloquio, ut bono fiet ànimo, craſtina luce bono cum Deo, mo-  
do Medicus ordinarius adduceretur, cultro periculum eſſe fa-  
ciendum, aſt horis quatuor vel quinque poſt animam cum vi-  
ta miſera efflavir, ceu adſtantibus prædixi. Hinc Mercurius

M m m 3

VIVUS



vivus joci impatiens & externè adplicatus sæpenumero fallaciam struit, quale funestum annotavit exemplum Nob. Dn. D. Borrichius de Mercurio vivo carpis adplicato in *Act. Hafn. Vol. V. Num. 52.*

## OBSERVATIO CCXXXIX.

D. JOHANNIS FRANCI,

*Triticum arte multiplicatum.*

**P**Ræterito autumnò Pharmacopola heic loci Vir singularis ingenii Dn. Wolfg. Wilh. Mayerus mihi fortè prætereunti scatulam calamorum tritici repletam novitatis ergò monstravit, subrifi calamos esse aristis inanibus, prætereaquæ nihil esse dixi: re autem exquisitius lustrata inveni, unicum granum culmum trigecuplum, sexagecuplum, quin & centuplum fecisse, verumquæ triticum à vulgari non differens esse. Res sanè admiratione dignissima, & imprimis admiranda præparatio. Liquet enim Auctorem liquorem habere, in quem grana, antequam terræ committuntur, aliquandiu infundit. Quis autem vel qualisnam fiet, an de Spiritu mundi participet, vel virtus liquoris etiam in granis latitet, longè latèquæ deliberans incertus tamen Curiosorum responsum & tempus expecto verum.

## OBSERVATIO CCXL.

D. JOHANNIS FRANCI,

*Prodromus Arachnolithographiæ.*

**H**Eic non plenam araneæ historiam texere, sed quæ aliquandiu tanquam aliud agendo observavi, in lucem proferre, atque doctiorum cogitationibus subjicere, animus erit. Scio quidem Arachnolithum doctos semper habuisse pro fabula; Fateor me quoque, an talismodi fuerit, subdubitasse, quid verò Antiquitas hac fabula voluerit nun-

nunquam penetrare potui. Hinc, quemadmodum nihil credo, quicquid experientia evidens & invicta ratio non persuadet, ita simpliciter nihil rejicio, quicquid Antiquitas absque specimine reliquit, sed medio tutissimus eo, indubitata spe fretus, progressu temporis dubitationem hanc reiectum iri. Hæc dum molior fortè civis hinc meus Tobias Rinningerus talismodi lapidem relictis pedibus monstrat, qualemque usum habeat, ex me sciscitatur, miratus me nescire, doctosque pronugis habere dixi. Paucis post septimanis Henricus Sebastianus Ströhlinus Sartor alium superiore minorem in medium protulit, & jurejurando se firmaturum, hunc ab aranea à se ante ocliduum inclusa esse. Lapilli hi erant magnitudine fabæ, coloris ex cœruleo viridiq̃ue misti, non admodum obscuri & opaci, sed ad Solis & candelæ lumen transparentes, in ultimo hoc jucundissimum visu occurrebat ac si pedes lineis tenuissimis pulcerrimè depicti fuerint; dignum profectò argumentum ulteriore inquisitione. Inclusi plurimos cum Sale communi quemadmodum edoctus fui, & ecce ex decem inclusis spacio 15. dierum unicum lapillum coloris cinerei punctulis nigricantibus distinctum omninò obscurum reperiẽbam, & scio, multos frustra tempore fortean incommodo mensium laborem sumsisse, hinc ut plurimum in auctumni initio vel æstate expirante in plerisque reperiri judico. Cum verò à nullo in Musæis & Spanothecis, quod scio, memoratus inveniatur neque à quopiam excepto Antonio Brelochio Physico Hallensi Suevorum in Manuscripto aliud quasi agendo descriptus, Dominis Curiosis ad indagationem ulteriorem naturæ scilicet differentiæ, usus varii imprimis medici proponere ratus sum. Laudatus Brelochius sequentia habet verba: *Lapis araneorum* in fluxu sanguinis quocunque vulgo adhibetur, cujus ad febres, imo ad pestem efficacia quoque celebratur, atque interdum *internis immiscetur*. Feci periculum & filo alligatum de collo febricitantis, nullis ceremoniis superstitionem sapientibus observatis, suspendi curavi, cum paroxysmi notabili remissione. Hoc lapide etiã restitui-  
juvenem



juvenem hæmorrhagiâ narium periculosè laborantem, quomodo verò internè operetur vel an pistillum ferat, nunquam experiri licuit, ne vel quopiam damnum inferam vel experiendi gratia lapillum amittam meum. Quasnam autem præter has possideat vires, aliis relinquam, quamvis data experiendi occasione indagare non desistam, imo si vixero nisi mihi curiosior aliquis naturæ Consultus præcedat, accuratius descriptum exhibebo.

[*Ulmâ Suev. ad Exc. D. D. Francum Heidelbergam 1687. missæ.*]

## OBSERVATIO CCXLI.

D. JOHANNIS CONRADI BRUNNERI,  
Novarum Glandularum intestinalium  
Descriptio.

**T**unicam ventriculi intimam hominis à subjecta nervea separanti, sub initium intestinorum, in principio, *duodeni* occurrerunt glandulæ innumeræ lentis primo magnitudine sub limbo pylori, miliares abhinc & usque minores, donec ad eam tandem devenerint exiguitatem, ut visum pene subterfugerint. Non incurrunt autem in oculos nisi separatâ tunicâ crustaceâ (quam verius glandulosam dixerim) tunc nempe parte ejus convexâ apparebant corpuscula sphærica separatim numerosissima, densè stipata in superioribus hiris, quæ in inferioribus visum fugiunt. Differunt à nuper inventis intestinorum glandulis frequentia, quæ pene infinitæ; siquidem ex majusculis superioribus & inde minoribus sensim, ceu per transfennam conspici possunt mentis acie, quæ oculorum lateat, adeò ut, nî me computus fallat tota interior intestinorum tunica non nisi congeries minutissimarum glandularum videatur, unde humor intestinalis ubertim exstillat, & in cavum intestinorum depluit. Totum insuper intestino-  
rum

rum ambitum obsident, quorum illæ nonnisi areolas stipant circulo conclusæ.

Frequentiores denique & insigniores sunt ab initio intesti-  
norum ubi maximè viget solutio, & hinc sensim minores circa  
eorundem finem, ordine planè contrario, quam cancellatæ,  
quæ circa principium rariores, circa finem autem & præsertim  
extremitatem Ileï frequentiores visuntur, & quasi in aciem  
concurrunt & exercitum. Collocantur in subtegmine fibril-  
larum tunicæ nerveæ, intercurrentibus vasorum sanguifero-  
rum ramusculis & capillamentis frequentibus. Idem in tribus  
consecutivè cadaveribus humanis, & hinc canibus quoque con-  
stanter observavi phænomenon prorsus novum, nec unquam  
mihi ante cognitum. Usus harum libandum præbebit Di-  
sputatio Academica propediem hisce succenturianda.

[*Heidelbergâ 1687. d. 15. Febr. Augustam Vind. missa.*]

OBSERVATIO CCXLII.

D. GEORGII ABRAHAMI MERCKLINI,

*De*

Strepitûs Ossium Curatione.

**H**onestissima Femina, aliquot liberorum Mater, 30. cir-  
citer annorum, temperamenti sanguineo-phlegma-  
tici, aliàs sic satis bonâ corporis constitutione prædita,  
præterquam quod scorbuto, hincque oriundis deflu-  
xionibus acribus, odontalgia, gingivarum cruentationi & ge-  
narum intumescentiæ crebrius obnoxia esse soleat, dum vel in-  
terdiu in scamnum se demittit, vel se inclinat, vel in genua  
procumbit, vel noctu lecto se volutat, in plerisque articulatio-  
nibus sive ossium compagibus, sed & potissimum in vertebra  
dorsi strepitum sive fragorem quendam sentit, non aliter, ac si  
siccum os ossi allideret aut tenax baculus confringeretur, id-  
que adeò manifestè, ut non solum ipsa, sed & ejus Maritus no-

*Dec. II. Annus V.*

N n n

ctu sa-



ctu satis clarè sonitum illum percipere soleat. Cætera neque pejùs se habet, neque doloris inde quicquam sentit; quia tamen veretur, ne gravius tempore succedat malum, consilium auxiliumque à Medico petiit.

De natura atque causa Affectûs hujus nihil ego addam, ne crambem bis coctam apponam. Eadem enim materia jam suprà *Ephemerid. Med. Phys. Germ. Ann. III. Obs. 275.* itemque *Ann. IX. & X. Observ. 129.* doctè simul ac nervosè ex Acutissimo *Thom. Willisio* enucleata est.

Duo autem singularia in specie hîc annotanda veniunt; primum est, quòd hic ossium strepitus eo maximè tempore contigerit, quo utero Femina gessit; alterum, quòd Feminam hanc, postquam integrum penè triennium prædicto affectu laborasset, solis antiscorbuticis cùm internis vinis scilicet medicatis, imprimis verò essent. pini sylvestr. cum spir. cochlear. parat. & spir. trifol. fibrin. mixtâ, nec non electuar. antiscorbutic. Guldenklei, tum externis, & quidem præcipuè Balneo ex aqua dulci parato, similibusque herbis, nempe beccabung. nasturt. fumar. cochlear. acetos. numular. &c. alterato integræ sanitati per Dei gratiam restituerim, adhuc salvam atq; sospitem & ab hac labe penitus liberam; non obscuro indicio, ossium strepitum revera nihil aliud, quàm scorbuti sobolem esse, quo etiam ipse prælaudatus *Willisius* refert.

## OBSERVATIO CCXLIII.

D. GEORGII ABRAHAMI MERCKLINI,

De

Miro & inaudito symptomate ex Men-  
sibus.

**L**ectissima Virgo hodie 28. circiter annorum, temperamenti sanguineo-phlegmatici, alioquin optimè valens, quando lunare reddere incipit tributum, bihorio, nunquam etiam trihorio post, in extremam virium delabitur

labitur prostrationem, quam mox excipit tanta omnium membrorum refrigeratio, ut gelu obrigescere videantur. Jam quid agitur hoc in casu? Adstantes calidis pulvillis decumbentem cooperiunt, & studiosè cavent, ne qua frigidiuscula admixta eam fortè offendant aura; aquisque calidioribus, uti hysterica, vitæ mul. & similibus, jam velut exspiraturam reficiunt. Ipsa autem Ægra interea vider, audit, & loquitur quidem, sed submississimâ voce, neque doloris aut aliûs mali quicquam ullibi sentit, præterquam, quòd sibi velut exanimi videatur Cor suum levi tantùm pendere filo propediem abrupturo. Sed quis tandem hujus actûs exitus? post 12. aut 16. horarum spatium, (tamdiu enim paroxysmus plerunque durat) symptomata remittunt, & Virgo morti proxima visâ, resurgit valens benèque habens. Atque idem lamentabili pene spectaculo singulis contingit mensibus, jamque ab his octo continuis annis.

OBSERVATIO CCXLIV.

D. GEORGII ABRAHAM MERCKLINI,

*De*

Pertinaci abstinencia à vino & cerevisia post febrem tertianam.

**P**Uella 13. annorum postquam ante hoc circiter triennium febre tertianâ intermittente per aliquot septimanas laborasset, postea valetudini restituta id potûs genus tantâ nausêâ abominabatur, ut ne odorare quidem, multo minus bibere amplius valeret, quo tamen antea cupidè delectabatur, id quod inde fortassis evenit, quia Puella per totum illum temporis decursum, quo cum febre conflictabatur, potus loco, nil nisi Julapia & Limonata aquosa bibit; unde gustus organa aquoso potui assuefacta, postea is solam aquam appetiit, præterque illam omnia alia potulenta, cum primis verò omnis generis vina & cereviasias nausêosa respuit. Solâ namque



que limpidâ aquâ per continuum hoc triennium sitim explere hætenus cogitur; sed quo factum, ut cachexiâ inde forte contractâ ad hydropem proclivis jam videatur.

## OBSERVATIO CCXLV.

D. LUCÆ SCHRÖCKII, LUC. Fil.

De

## Gemino Rhinocerotis cornu.

**E**Ruditam de Rhinocerotis cornu disceprationem, præter alios, imprimis Celeberr. *Thom. Bartholinus Observ. de Unicorn. cap. 21.* & Excell. noster *D. Joh. Conr. Peyerus lib. 1. Merycolog. cap. 5.* instituerunt: utrùm nempe unicum vel geminum illud super nasum animalis istius existat? Et quamvis unicum id esse, qui contendunt, non tantùm ex antiquis, præter *Dionem, Plinium, Strabonem, Solinum*, haud spernendâ *Æliani* autoritate, sed imprimis recentiori *Jacobi Bontii* fide nitantur, qui vel centies animal illud caveæ inclusum, ut & in sylvis vagans vidit; revera tamen Rhinocerotem dari, qui geminum in naso ostendat cornu, fidem facit *αὐτόπτης Pausanias* in *Bæotic.* scribens: *Vidi etiam Æthiopicos tauros, quos ex re ipsâ Rhinocerotas nominant, quod illis è nare extrema cornu prominet; & paulò superiùs alterum, non sanè magnum: in capite nullum prorsus habent.* Simile geminum cornu etiam *Augustæ Vindelicorum* curiosis oculis lustrandum exhibet instructissimum pharmacopolium *Dn. Joh. Georg. Michellii*; quorum majus trium circiter spithamarum longitudine spectabile, non nihil versus frontem & qua cornu minus spectat, intortum atque mucronem acutum abiens, ex notiori illo, quæ passim conspiciuntur, cornuum genere est; cui mediante cutis crassæ admodum particulâ, unciali circiter distantia, connectitur alterum, crassitie quidem in basi, priori illi æquale, longitudine verò duos saltem palmos vel spithamam circiter accedens, extremitate itidem in mucronem acutum, latiore tamen non

nihil

nihil definens, caterum rectum & ejusdem cum altero coloris, gilvi nimirum, nec non substantiæ, corneæ videlicet & durissimæ in superficie, (quæ in pocula &c. artificum manu effingi solent,) interiùs autem spongiosæ & porosæ (non secus ac cervinum quoque cornu porosi, ampliores quidem, vel laxiorem medullam possidet,) externâ autem formâ scabrum & impolitum. Ut ita certum aliquod Rhinocerotis genus bicornè in locis quibusdam dari, ac ita *Martialis* de Rhinocero versum, tot alias Interpretum ingeniâ torquentem, *lib. 1. epigram. 22.*

*Namq; gravem gemino cornu sic extulit ursum,*

emendatione haud egere, neque pro *urso* urum, gemino cornu prædictum, esse legendum, concludam. Utrum verò tale cornu monstrosum ordini sit inferendum, meritò dubito; quale tamen fuisse, arbitror, quod in *Technicotheca Florentina* vidit *Bartholinus*, uti *l. c.* refert, exiguum videlicet, sed duabus eminentiis velut tumulis distinctum. Caterum illa corii adhærens particula, & cornuum radices ferrâ, si oculorum conjecturâ niti liceat, à duriori reliquo corpore avulsæ, in utroque cornu firmiorem connexionem cum ossibus capitis innuunt, quàm ut, quòd nonnullis placuit, pro lubitu animalis illud moveri queat; quin & corneæ natura extensionem & flaccenscentiam, ab *Ol. Wormio* in *Thom. Bartholini cent. 1. epist. med. 90.* negatam, in utroque cornu haud admittit. Prout verò majus illud alexipharmacis viribus pollere, plures memorant: ita & de minori easdem esse expectandas, similis omnino ejus substantia credibile facit.

## OBSERVATIO CCXLVI.

D. LUCE SCHRÖCKII, LUC. Fil.

Anatome amaurosi laborantis.

**N**uper A. 1686. d. 19. Novembr. Virgo 26. annorum, E. D. phlegmaticæ, uti vocant, complexionis, caterum integrâ sanitate gaudens, cum arboreorum cornu

Nnn 3

ricum



ticum siccatorum & contritorum, à coriariis & vocatorum, massa in ejusdem sinistram capitis partem fortuitò, vehementiori tamen nisu, projecta fuisset, in terrorem & indignationem acta, mox de intenso capitis dolore, succedente horripilatione & calore præternaturali conquesta fuit; cùm verò æstui febrili, vires admodum prosternti, segnius obviam iretur, oculi non tantùm largiori feri defluxu, sed etiã sensim omnimodâ cæcitare laborare ceperunt; quo in statu dum quinto morbi die rogatus eam invenì, præter motus partium muscularum in brachiis convulsivos, deliria nocturno in primis tempore, ex Parentum relatione, infesta, aliãque symptomata, oculos externâ formâ sanis non multùm absimiles, pupillis quidem nigredine opacis & dilatatis, nullum tamen omninò, neque etiã candelæ lumen proximè admotum sentientes, & ita graviter guttâ serenâ laborantes deprehendi; quibus licet vesicatoriis retro aures admotis, & serum flavescens odore acri nares feriens sufficienter fundentibus, præter alia internè & externè capiti ac calori febrili, viribusque destinata medicamenta, succurrere laborassem, remittente quidem oculorum molesto fluxu, & doloris ac caloris vehementiâ, viribus tamen sensim deficientibus, nec vel minimâ oculis luce redeunte, undecimo morbi die placidè exspiravit. In qua quarto post obitum die inquisitioni medicæ, jussu Amplissimi Magistratus, subjecta, partes caput incingentes nullâ planè labe ab ictu infectas, quin & remoto cranio, omnia primo aspectu naturaliter se habentia, nisi quòd vasa sanguifera per meninges sparsa cruore admodum distenta comparuerint, invenimus; in cerebri tamen ventriculis, mirum, quantum! ampliatis, ingens limpidissimæ lymphæ copia, & facilè libram civilis ponderis excedens, in primis qua sinciput spectant, fluctuavit, quæ mole suâ nervos opticos, omnino flaccidos, compressisse, & ita liberum spiritibus animalibus transitum ad oculos dene-gasse

gasse judicabatur; cerebro ipso satis vegeto persistente. Pro-  
ut verò hinc, non tam infelicem ictum, quàm febrem à ve-  
hementiori animi commotione obortam, segniusque tracta-  
tam, atque ob sanguinem à roscidæ illius extravasatæ lym-  
phæ penuria, quæ etiam ad motum per venas ideo distentas  
segniores sanguinem reddidit, magis æstuantem, contu-  
maciorem, mortem intulisse, concludere licet: ita cerebri  
quandam commotionem violentam vel concussionem ab  
ictu contigisse, verisimile est; qua fieri facillè potuit, ut sub-  
tilissimorum, quæ circa illud occurrunt, (vid. Excell. D. D.  
*Joh. Bohmii circul. anatomico - physiol. progymn. 20.*) vasorum  
lymphaticorum aliquod disruptum fuerit, lymphæque exitum  
concesserit. Prout eandem etiam Amaurosin ab aliis  
causis, quæ cerebrum concutere & humores commovere ni-  
miùm potuerunt, fuisse excitatam, legimus. Sic ab alapa  
obortam, præter *Zacutum Lusit. lib. 1. prax. admir. observ. 52.*  
etiam *Amatus Lusit. cent. 7. observ. med. 44.* recenset, causam le-  
ctori judicandam relinquens; quam cerebri concussionem &  
inde factam nervi optici vel obstructionem vel compressionem  
&c. esse potuisse, in *Disput. med. de alap. Nobil. noster D. D.*  
*Georgius Francus, §. 17.* arbitratur. Eundem adfectum à deco-  
cti guajaci potu, non purgato priùs satis corpore, inductum  
*Henricus ab Heer obs. med. 4.* & *Joh. Rhodius* in corpore phleg-  
matico, itidem ab intempestivo sudoriferorum usu, *observ. med.*  
*cent. 1. hist. 47.* describit. Pariter longiorem inspectionem  
lunæ, liquatâ sic pituitâ, præfatus *Heer*; nimiam sternutatio-  
nem in adolescente phlegmatico *Guil. Fabricius Hildanus cen-*  
*tur. 1. obs. chir. 24.* emeticum *idem cent. 5. obs. 19.* & cerebri per-  
casum commotionem, vel maximam humorum in cerebro  
agitationem, *cent. 5. obs. 8.* cæcitatem induxisse, referunt.

OBSER.



## OBSERVATIO CCXLVII.

D. LUCÆ SCHRÖCKII, LUC. Fil.

## Amaurosis curata.

**L**iceat aliud quoque guttæ serenæ exemplum, ab alia tamen causâ productum adducere, quod An. 1683. observavi, in quodam Augustano, viro 30. circiter annos nato, D. G. L. qui cum & antea, & in itinere, quod ex Palatinatu inferiore in patriam susceperat, inordinatâ diætâ admodum peccasset, in gravia ventris tormina, cum pertinaci alvi obstructione, & visus deperditione incidit, frustra à pharmacopola, clysteres aliaque internè & externè adhibente medicamenta, auxilium sperans; cui cum post aliquot dierum perpeffa tormenta, d. 15. Octobr. me in consilium vocasset, & alvi imprimis solutionem anxie expetiisset, potiunculam ex resinæ jalapp. gr. vj. pulv. Cornach. gr. xij. & Infus. laxat. D. Mannag. ʒj. præscripsi, abdominiq; tenso pariter unguento emolliente prospexi; unde bihorio post, copiosissimam materiæ foetidissimæ excretionem obtinuit; quam tamen confestim lipothymia, & aliquot post horis gravissimus insultus epilepticus, post adhibita tamen convenientia remedia brevi cessantes, nec postea ampliùs invadentes, exceperunt; cum interim oculi pristinis tenebris torquerentur, nullâ tamen extrinsecus labe in iis comparente, nisi quòd pupilla nigrior & solito amplior videretur. Cum verò flatus abdomini molesti essent, altero die enemate iisdem obviam ire, calori gliscenti resistere, aliisque remediis morbo prospicere institui; nec sine optato successu, d. 17. Octobr. vespere oculis aliquali luce redeunte, & d. 19. cum integra sanitate, omnimodâ etiam visus restitutione subsecutâ. Ubi ex retentis diutius scybalis halitus impuro sulphure inquinatos vasa lactea vel etiam sanguinea penetrasse, particulisque suis minimis subtilissimos nervorum opticorum tubulos occupasse, aditumq; liberum spiritibus visoriis

viforiis ita præcludiffe, credibile eft. Uti verò commota ifta in inteftinis per medicamentum purgans camarina eò copiofiores fœtidiffimas atomos in vafa emifit, atque nervofum genus impetu fuo hoftili vellicavit: ita epilepticos motus per has ipfas concitaffe videtur; quin & halitus hi inimici fpiritus vitales obtenebrando: imò & largiffima fcybalorum excretio, eorundem fpirituum non exiguam copiam unà abripiendo, lipothymiam inducere potuerunt.

### SCHOLIUM.

**G**ultam ferenam vix aptum curandi remedium occurrit, quia nulla fuppetit indicatio, caufam illius obftructionis ex nervis opticis, propè eorum in offe fphenoide Conjugium removendi, fit illa vel limofa, vifcofa aut opaca, quædam materia, vel eandem retro trahendi.

Opificis urbis noftræ conjugii, venuftæ quæ fuit formæ, acies oculorum hebefcere cœpit, oculis ipsis in fuo fulgore nil delinquentibus, fed ab omni labe immunibus: obftructionem nervorum opticorum fubodorari cœpi. Melioris proinde notæ Calamitam tranfverfo digito latam in eo, quo ferrum trahit, latere nuchæ alligari, & duos minores facculos ramentis ferri repletos binis imponi oculis, nocturno præcipuè tempore curavi, fpe radiorum ex Magnete ad ferrum oculis impofitum directorum talem obftructionis caufam fore retroactam. Multùm fe fœmina illa adjutam illius lapidis ope credidit, cum per multos annos tamen, quibus fupervixit, debiliore vifu fuerit prædita.

[*Amico Celſo Helianthus I. Febr. 19. 1687.*]



## A D D E N D A

*Ad Decadis hujus Anni II. Observ. XLIII. & XCIX.*

De

## Lactis abundantia.

**N**Ota est mihi juvencula 24. annorum primipara, quæ toto gravitationis tempore quotidie est vomere coacta, immo, cum in ipso partu laboraret, vomitus quasi valedicturus, adhuc semel semet ostendit: hinc ita fuit emaciata mulier, ut vivum skeleton appareat. Post puerperium adeo lac exuberavit, & etiamnum (sunt autem menses quasi octo) exuberat, ut singulis diebus à ℥i℥. ad ℥ij. illud emulgere cogatur, manantibus nihilominus istis siphunculis, & filiola nil præter lac, fastidita pulte, sugente: Ipsa autem Mater satis est vegeta, sed *monogramma*; ut vel inde pateat, non abs re esse, quod Rustici ajunt, nimirum, vaccas macilentas copiosissimum lac ministrare, cujus rei causa in promptu esse videtur.

[Rosinus Lentilius.]

*Ad Decad. hujus Anni III. Observat. XLVI.*

De

## Arsenico Antipyreto.

**C**Um & nuper in discursu fuerit pulveris antifebrilis ex arsenico injecta mentio, binas communico descriptiones, ea fide, qua illas accepi: ℞. Tartari crudi ʒj. arsen. crySTALL. ʒ℥. piper. long. ʒ℥. lap. prunell. ʒi℥. Spec. Febrifug. Crollii ʒiij. M. dos. gr. v. vij. ad ʒ℥. Formula secunda talis est: ℞. Arsen. alb. gr. v. lap. prunell. vel nitri depur. gr. xv. M. pro una dosi. Quæ ultima formula rationi mihi valde conformis videtur, cum arsenici correctivum ab omnibus, quod

quod sciam, habeatur nitrum. Haftenus Excell. D. L. ibius. Ego adhuc sum in ea opinione, quam in allegata mea observatione fovi, nimirum, tutiora nobis esse antipyretica, nec me talibus delectari. Venenum est venenum, cujus vis deleteria non tam ab additamentis (sine ulteriori præparatione) corrigitur, quam obnubilatur. Prudens Medicus, & conscientiae suae studiosus, ab his sibi cavebit.

[Ex litteris D. D. Joh. Georgii Laibii, Physici Dinckelsbüblani 3. Augusti 1686. ad Oribasium.]

## Ad Decad. hujus Anni III. Observ. LVI.

### De Ebore.

**L**Oco auctarii ad hanc observationem meam adjicio locum ex Varrone, qui putat quod Ebur sit corneae naturæ, quæ & mea adhuc est sententia. Locus sic sonat: Quos dentes multi dicunt, cornua sunt, ex temporibus enim nascuntur, & ex superiore mandibula per os resupinata, sese efferunt. Elephantia ea decimo quoque anno abjiciunt & defodiunt. l. 3. de L. L. Locum hunc citat Excell. D. D. Gottfried Meisnerus in suis erudit. annotat. in Canticum Salomon. cap. V. vers. 14. p. 132. Celeb. Vossius lib. 3. de idol. magnum errorem committit circa cervorum cornua, sic scribens: Sed si anno quolibet primi sexennii aliquid accedit ramis, quomodo decidunt & renascuntur quotannis? Si id pro comperto habent venatores, ut audio, equidem cum iis pedem struere non ausim, ponamq; inter natura admiranda, breviculo adeo tempore, tam solida durag, tantæ molis cornua enasci. Alioqui magis eo inclinatur animus, ut credam cornua, quæ reperiuntur, non sponte, & natura decidisse, sed à venatoribus vi avulsa, eoq; esse conjecta: illa verò ramosa, quæ in priorem locum successerunt, non nisi aliquot annorum intervallo, ad eam

O o o 2      magni-



*magnitudinem & duritiem pervenisse.* Sed hoc in casu *Vossium*, quanti quantus fuerit ingenii Vir, fallere & falli, certum est. Dico, fallere, scilicet Lectorem suum, qui ejus eruditionis & auctoritatis tyrannide occaecatus, tanto Viro fidem esse adhibendam sibi persuadet; & hæc illa pestis est, quæ tot jam secula homines occaecavit, ut nimium tribuerint auctoritatibus, sicque spreto naturæ libro, aberraverint, & falsis dogmatibus philosophiam conspurcaverint. Dico secundo, falli, quoniam nimium tribuit ratiocinio suo, quum his in rebus experientiæ credendum. Tradunt quippe venatores unanimi consensu, cervos quotannis sua deponere cornua. Docuit & hoc *Vossium Aristoteles lib. IX. hist. animal. c. 5. Amittunt*, ait, *singulis annis cornua mense Aprili, quæ cum amiserint, occultant sese interdum, ut superius dixi, idque opacis faciunt locis, ut muscarum radio vacent. Pascuntur per id tempus nocturno, donec recipiant cornua, quæ primum quasi cute vestita, & hirtiuscula emittunt: sed cum creverint, soli exponunt, ut excoquantur & succescant.* Nec minor error est *Vossii*, quo statuit, hæc cervorum cornua, pelli tantum, non ossibus capitis esse affixa: constat quippe, si capita cervorum intuemur, cornua tam firmiter ossibus esse annata, ut etiam ab iis citra fracturam cranii avelli non queant, sed ferrâ aliqua vel instrumento acuto ab iis separentur. Hinc etiam claret, non possibile esse, quod Venatores cornua à cervorum capitibus violentis ictibus discutiant; facilius cranium confringerent, & animal interficerent. Mirum itaque est, eruditos Viros de iis judicium ferre, quæ duntaxat experientiæ fide, non rationis acumine innituntur. Ego malo in naturalibus venatori experto credere, quam mille *Vossii* & *Scaligeris*, qui solum in Musæis muscas venantur. Quare hoc morale capiamus: ne nos decipiat magni Viri auctoritas in iis, quæ fluunt ex naturæ libro & experientiæ oraculo. De eadem materia discurre *chiliad. 1. cent. 5. decur. 5. epist. 10. nostr. miscell. epistol.* nimirum dubium adhuc superest, an cervis cum serpentibus quædam antipathia? ad hoc quæsitum respondet *Godofredus Müller* in sua  
historia

*historia bibl. de quadruped. in S. literis c. 15. §. 6. p. 271. cervos scil. serpentum adire cavernas, nariumque spiritu serpentes etiam invitos & renitentes extrahere, extractos pedibus comminueret, & in multa frustra lacerare, tandemque comminutos devorare, ex quo serpentum esse (pergunt fabulando) fieri cervum siticulofum, ut glocitans ad fontes properet aquarum, aquam tamen ante serpentum concoctionem non guster, ne fortè pereat veneno, vid. *Panciroll. p. 2. tit. 3. plura cumulare nolo, (ait prælaudatus Müller) cum hæc & alia sublesta sint fidei. Ultimo quæritur, an cervus mas quotannis membrum virile, æquè ac cornua deponat, & hoc unà cum cornibus regeneretur? Resp. hoc dubium solvit negando Thomas Brown in pseudodoxia epidem. lib. 3. c. 9. p. 595. &c.**

[Joh. Ludov. Hannemannus.]

**A** Mica hæc concertatio quamvis magni momenti haud sit, brevissimis tamen tangi meretur. Itaque auctoritatibus si pugnare vellemus, *Varroni* celebrem illum Philosophorum, uti quibusdam vocatur, principem, *Aristotelem*, ut *Plinium* huc denuo non advocem, opponerem, qui lib. 2. *hist. anim. cap. 5.* hunc in modum scribit: *Elephanto dentes utrinque quatuor, quibus conficit cibum, atque in farina speciem molit, duo præterea prominent grandes, quos mares grandiores refirmatosque habent, femina minores & contra quam mares: vergunt enim deorsum pronique deviant; porro: statim cum natus est elephantus, dentes habet: quanquam grandes illos non illico perspicuos obtinet.* Maximum, quod mihi videtur, dubium esse potest, quod *Varro* ex temporibus nasci tradiderit, cum dentes ex mandibula prodire constet; id quod tamen quia ab aliis negatur, & mandibulæ superiori ebur inharere traditur, veluti etiam nuper *Historia anatomica Elephantis Dublinica* casu incendi perempti, *Londini 1682. edita*, id confirmavit, dentesque illos maximos. (sicut celeberr. *D. D. Joh. Bohnius* ex libro isto, quem hucusque videre mihi haud licuit, benevole me edocuit.)



anterius ex maxilla superiore prodire, huicque per articulationem coherere sive infigi demonstravit, Ebur rectius dentium, quam cornuum censum ingredi, salvo aliorum iudicio, existimo.

[L. Schröck, L. F.]

*In Decad. hujus Anni IV. Observ. XXV.*

Errore bis Excell. D. D. Francus nominatur, cum Excell. D. D. Joh. Matth. Faber, primarius & Celeberrimus Heilbronnensium Poliarer poni debuerit.



APPEN-

A P P E N D I X  
<sup>AD</sup>  
ANNUM QUINTUM  
DECURIAE II.  
EPHEMERIDUM  
MEDICO-PHYSICARUM  
NATURAE CURIOSORUM,  
In Germania.

---

NORIMBERGÆ,  
ANNO M DC LXXXVII.



## CONTENTA APPENDICIS

*Anni V. Dec. II.*

1. D. Christiani Francisci Paullini Com. Palat. Cæsar. Physic. Ducalis Isenacensis, Curiosorum Arionis, Observationes Medico-Physicæ Selectæ & Curiosæ, cum Ejusdem annexa Dissertatione de Corvo Excommunicato.
2. Johannis Georgii Gockelii Phil. & Med. D. Collegii Medici Ulmenf. Senioris atque Decani, jam Octoagenarii, Epistola de Mirabilibus quorundam Animalium.
3. Epistola IV. Johannis Christoph. Stürmii Math. & Phys. P. P. ad Joh. Georgium Volckamerum M. D. Quinta & ultima Borelli Indago, machinulæ suæ experimentis ocularibus illustrandæ.
4. Exercitatio Anatomica Tiguri, in Capite Vitulino peracta, in ædibus D. Joh. Muralti d. 20. Sept. An 1686. à Joh. Georgio Volckamero, Fil. Doct. Med. Norimb. Ordinario, Curiosorum Heliantho II.
5. Alberti Gunteri Saxonis Germani Med. & Philos. Doct. Romani, coram Eminentissimo & Reverendissimo Principe ac Domino, Dn. Cardinale Felice Rospiglioso &c. de Arthritidis & Nephritidis causa, atque de acidi calefactiva & bilis frige factiva proprietate habita Lectio, d. 9. Novemb. An. 1682. in congressu Medico & ædibus Exc. D. D. Hieronymi Brasaulæ.
6. Historiæ Literariæ S. R. I. Academiæ Naturæ Curiosorum Continuatio III. Autore Mich. Bernhardo Valentini Med. Doct. & Curiosorum Thessalo.
7. D. Mich. Bernhardi Valentini, Memoria Schefferiana.

CHRISTIANI FRANCISCI PAULLINI  
Curiosorum Arionis  
**OBSERVATIONES**  
**MEDICO-PHYSICÆ**  
SELECTÆ ET CURIOSÆ,  
*Cum Ejusdem*  
annexa Dissertatione  
*de*  
CORVO EXCOMMUNICATO.



*VIRIS*  
VIRTUTE, DOCTRINA, ET GLORIA  
E MINENTISSIMIS,  
VITÆ MORTISQUE  
IMPERATORIBUS,  
*DOMINO*

**D. GEORG. WOLFGANG.  
WEDELIO,**

In Florentissima Acad. Salana Theoret. P.P. ejusdemq;  
hodie RECTORI MAGNIFICO, Confiliario & Archiatro  
Saxonico splendidissimo, Amplissimi Collegii Nat. Curio-  
forum Adjuncto & HERCULI &c.

*DOMINO*  
**D. JOH. JACOBO Waldschmied/**

In Illustri Acad. Marburgensi P.P. Confiliario & Ar-  
chiatro Hasso-Cassellano gravissimo, Curio-  
forum PRIAMO &c.

*DOMINO*  
**D. IOHANNI DOLÆO,**  
Confiliario & Archiatro Hasso-Cassellano celebratis-  
simo, Curiosorum ANDROMACHO &c.

*Dominis, Fautoribus, & Collegis suis,*  
Vel priscò Solduriorum decretò,  
ad aram & urnam,  
sincerè & constanter,  
*venerandis,*  
in bonæ mentis obsidem,  
nugas hasce  
offert

ARION.



Ristippo, ô *Mei*, referente *Laërtio in vit. Philosoph. lib. 1. c. 8.* à *Dionysio Sicularum* Rege, *tres* parili formæ elegantia contendent *Virgines* olim offerebantur, datâ optione, quam sibi vellet, eligendi. Ipse

omnes apprehendens: *ne Paridi quidem*, aiebat, *tutum fuisse novimus, unam ceteris prætulisse.* Circumspicienti mihi, cui Amicorum Principi schedas hæce offerrem, diu hæsi, nec satis exputare quivi, an vel *Magno Tuo Nomini*, & astra pulsanti, *Magnifice WEDELI*, seu *Tibi* potius *Excellentissime WALDSCHMIDI*, quem Hygæa vetat mori, quemque coelô beat, vel rectius *Tibi, Celeberrime DOLÆE*, qui posterâ laude cresces recens, ob tot & tanta humanitatis officia, mihi immerentissimo, sincerè & crebriùs præstita, in gratiæ obsequiique plenæ mentis tesseram, devotô corde, manuque submissâ inscriberem. Tandem omnes singulosque cordatè apprehendens: *non tutum fuisse mihi*, clamo, *unum ceteris prætulisse.* Adeò *hoc trinum perfectum & unum est!* Audax quidem facinus (eccur diffitear?) me, sterilis Præxos mancipium, & Amplissimi Collegii fecem, fertilissimo seculo, & Viris super æthera notis, *nugas* meas voluisse obtrudere. At cum *multæ passim* tales prostant (dixerim cum Scaligero) *multa temeritas, multæ ineptiæ,*



quidnî has inter & meæ? Nôstis, VIRI CELEBERRIMI, nonam Acad. nostræ legem, quæ me utique ligat, & hanc cùm non nesciatis, vix calcabitis in tenui laborem, Aurum qui non habet, *pilos caprinos* offert. Et hi Deo Sacrificium sunt. *Exod. xxxv. 4.* Tesserâ nostra: NUNQUAM OTIOSUS. Malo igitur lachrymas inter & suspiria languentium aliquid, quàm nihil, moliri; cùm nihil agendo nunquam non malè agere discamus. Accipite ergo, DELICIÆ MEÆ, quô velitis vultû, hoc munusculum meum *Historicum*; res mihi eadem erit. Tollitis amoenâ serenâque fronte? eja! sic calcar dedistis ad majora & fortè venustiora. Tantis quippe placuisse Viris, mihi sanè non infima laus erit. Temnitis? at vix poteritis, nisi ut simul me instruatis. Et quid demum mihi gloriosius, quàm à VOBIS damnari? Captivi isti *Sogdiani* cùm per interpretem audirent, iussû Regis, eos ad supplicium trahi, carmen, *letantium more*, canere, tripudiisque gaudium quoddam animi ostentare cœperunt. Admiratus Rex, tantâ magnitudine animi oppetere mortem, revocari eos iussit, causam tam *effusæ letitiæ*, cùm supplicium ante oculos haberent, requirens. Illi: si ab alio occiderentur, *tristes* morituros, nunc verò à *Tanto* Rege, utique mortem suam *carminibus letitiâque* celebrare. *Curt. VII. 10.* Eadem mihi indoles. Pudet me sanè laudari ab his, quorum laus est *criminatio*: at nec culpâ pari vereor à VOBIS, cùm Vestra Criminatio mihi laus sit. Date igitur, quos Vultis, atros niveosvè lapillos,

pillos, & gratias à me merebitis ac hymnos. Stabo ca-  
damque Vobis. Deus Te servet! *Magnifice* WEDE-  
LI; Dominus Te custodiat! *Excellentissime* WALD-  
SCHMIDI; Deus de meis, *Celeberrime* DOLÆE,  
Tuos augeat annos! Ævum maneat hic dies, VOS  
qui nobis dedit, FAUTORES sincerissimi! Sic  
ἐλοκαρεσίως precatur

Virtutis, Doctrinæ, & Gloriæ Vestræ

Isenaci d. XIII.  
Jan. Anno  
1687.

*Cultor sincerè & intimè devotus*

C. F. Paullini.



OBSERVATIONES  
MEDICO-PHYSICÆ.

## I.

*Semen Viri verminosum.*Semen Vi-  
ri vermi-  
nosum.

**H**Onesta femina, mihi bene nota, conquesta olim Excell. D. D. *Iusto Cortnummio*, Reg. Prof. in Equestri Danorum *Sorana*, ejusdemque Decano, Doctori & Hospiti olim meo honoratissimo, setoties, quoties, ex debito conjugali, maritummitteret, sentire *in signem colli uterini pruritum*, subsequente mox crebriori mictione. Urinam in vitro aliquando collectam ipsa examinatura, varios cernit *vermiculos candidissimos, rubris tamen rostellis*, partim nantes in ea, partim lateribus vitri adhaerentes. Excepit aliò die ipsum Conjugis sui semen, & ecce! eosdem in eolongè copiosiores, quos etiam *Cortnummio* ostendit. Adhibitis autem, quæ methodus dictabat & ratio, aptis remediis, expulsisque innumeris *Vermiculis* cum urina viri, omnis sublatus est questus. Confirmat hoc *Myssenbrucchii* experientiam, in semine humano multorum generum animalcula qui vidit, ut *Vollerus* dixit Excell. D. *Thom. Bartholino*, Juniori, & P. P. in Reg. Acad. Hafnienfi. Vid. *Vol. V. Act. Med. Hafn. observ. 7.* Imò Excell. D. *Anton. Leuwenhæck*, *Illustris Societ. Anglic. Collega*, in semine variorum animalium masculino diversos invenit vermes. *Act. Lips. ann. 1682. pag. 321.*

## II.

*Epilepsia Catochetica.*Epilepsia  
Catoche-  
tica.

**P**uer Norvvagus, quoties insultu *epilepticò* infestabatur, oculis clausis ad XXX. ferè passus rectà procurrebat, & quamvis interea caderet, resurgens subitò cursum istum, seu metam, impigrè

impigrè continuabat. Quà emensâ, vel ad parietem se recl-  
nans, vel etiam in medio campo, vel platea, stans erectus; in  
unico quasi momento stipitis instar obrigebat, totus quasi con-  
gelatus: oculi aperti, sed prorsus immoti, totum corpus sine  
omni sensu & motu, statuæ instar marmoreæ. Tandem post  
horam, ductô è præcordiis altô gemitu, lachrymæ cadebant mi-  
sero, ipseque in terram prolapsus, nisi detineretur ab alio, &  
plerunque in somnum, sequente largissimô Sudore, à quo inte-  
grè sibi redditus, hilaris tunc, vegetus, adque omnia promptus,  
miseriæ suæ planè ignarus, notante Cortnummio.

III.

*Teterrimus allii Sudor.*

Judæus *Hildeſie* anno 1675. prodromum malignæ febris, tunc *Teterrimus allii Sudor.*  
per viciniam grassantis, catè sentiens, meam efflagitabat o-  
pem. Subitò propinavi sudoriferum ex *Diaſcord. Fracaſt. pulv. pannon. rub. bez. Senn. &c.* confectum. Facit: sudatque largi-  
ter. At sudor adeò graveolentiam *allii* spirabat, ut non solum  
tota ejus domus, sed etiam proximè habitantes Christiani de  
virosô & fracido *allii* halitu, omnibus molesto; conquereren-  
tur, rogantes judæam: quodnam ferculum *allio* adeò condi-  
tum in foco ebulliret? tribus abhinc horis, abstersô sudore,  
conclavique aliquoties optimô suffitu correctô, ingressus, sta-  
tim obsecrabar adstantes, ut *allium* amoverent. Me enim  
non posse virosûm & teterrimum istum nidorem perferre.  
Subridens mulier, eja! dixit, Domine, hûc odore sudor ma-  
riti, à potiuncula tua exantlatus, ædes replevit nostras, pro-  
tractôque ex alio, in quod conjectum erat, conclavi indu-  
ſio, tam graveolens *allii* odor nares feriebat meas, ut, nisi  
ocysſimè me subduxissem, *ſyncope* forſan correptus eſſem. Ju-  
dæus poſtea pancraticè vixit.

IV. *Struma*



D. II. A. IV. 56 XIII.

IV.

## Struma Verminosa.

p. 40

Struma  
Vermi-  
nosa.

**P**ediculos in Struma notavit *Forest.* l. 8. *Obs.* 58. in *Schol. bus-*  
*fonem* D. Sorbait, Collega Curiosus, *Tom. II. Ephem. Germ.*  
*Cur. Obs.* 103. Parens meus *Mosbachii* in Thuringia vidit femi-  
nam rusticam, prægrandi *strumâ* deformem, quæ è foenili in  
rastrum, dentibus ferreis munitum, inque area fortè jacens,  
prona delapsa, sicut collum *strumosum* variis in locis perforare-  
tur. Effluxere cum copiosa materia purulenta, vel centum  
*vermiculi*, plerunque *subrussi & pilosi*, nec non *multipedes*. Ru-  
stica autem benè restituta.

V

## Pica Pica.

Pica Pica.

**P**icam, seu *malaciam*, morbum, ideò ab ave denominatam,  
quòd hæc consimili affectu laborare deprênsa fuerit, jam-  
dudum *Paul. Ægineta* L. I. c. 1. prodidit, cui tamen *Sennert.*  
L. III. *Prax. P. I. Sect.* 2. c. 5. contradicit, cum nulli *pica* appeti-  
tus sit cognitus, quod nos jam in medio relinquimus, dicen-  
testantum, quid *Sora Danorum* olim notaverimus. Pharma-  
copæus istius loci, *Dn. Burserus*, cicurem alebat *picam* femel-  
lam, quæ non tantum araneis, minutis pisciculis, quos fun-  
dulos dicimus, caseo, sed etiam majusculis aliquando lapillis,  
friabilibus tamen, imò cicutæ semine, citra noxam, cupidè  
vescebatur; voratò tandem foliolò (quod domestici notârunt)  
*asari*, faustè purgabatur, inordinatò istò appetitu ad duos ferè  
menses cessante, quæis verò elapsis, rediit. Conf. quæ de *pica*  
canum, porcorumque in *Actis Anglic.* consignata *Volum. I.*  
*pag.* 742.

VI.

## Vomitus Hemoptoico Salutaris.

Vomitus  
hemoptoi-  
co saluta-  
ris.

**R**everend. Pat. *Casp. Sevenstern*, è Societate Jesu, Theol. Po-  
lem. in Gymn. Hildesiensi Prof. multis abhinc annis hæ-  
*moptoicus*

*moptoicus*, nihil magis averſabatur quàm *emetica*, & nemo ſa-  
nioriſ mentis ei talia vel ſuaſiſſet, ſeu dediſſet unquam. Sed  
audi, quid acciderit An. 1675. Menſe Majo poſtulat à me pulv.  
purgantem. Præſcribo talem:

R. Rad. Jalapp. ℥j. Crem. Tart. 3℔. Rhab. 3℔. M. F. P.

Qui, robuſtioriſ licèt complexionis & ſtaturæ Viro, octo ſedes,  
citra moleſtiam, peperit. Vix autem cum juſculo hauſerat pul-  
verem, ecce! quater terribiles *Vomit* maximè *glutinoſos*. Per-  
territuſ ſubitò me vocari jubet. Miror inverſum Naturæ ordi-  
nem, & quietem tantùm impero. Incidit in ſomnum, quem  
facilè permiſi, rens, pulviſculum meum vomitui pituitoſo  
permixtum & rejectum. Elapſâ horulâ ſurgit, quærit ſeces-  
ſum, & virtutem pulveris mei ex voto ſufficientem deprêndit.  
Monſtrat ſchedulam, uti par erat, aliis Medicis, qui ad unum  
omnes ſanctè affirmârunt, nihil *emetici* adſperſum, eſſe igitur  
ſolius Naturæ opus. Ego autem alia ſuſpicans, ab eo ad phar-  
macopœum, rei veritatem catiuſ indagaturuſ. Subitò faſſuſ  
mihi puer, in eodem mortario eâſpſe horâ & contrituſ fuiſſe  
*Tart. emet.* & *Scammon. ſulphurat.* cujuſ atomi aliquot, ſeu pu-  
ſilli pulviſculi, noſtro admixti, ſaburram iſtam *avo* eliminârunt.  
Dici autem non poteſt, quàm ſpecioſè poſtea mihi deprædicâ-  
rit ſalutarem hunc *Vomitum*, ſeriò addens: Se nunquam me-  
liuſ valuiſſe, quàm tunc, nec ab illo die paſſum eſſe *hæmoptyiſin*,  
quod quinque ante exceſſum menſibus hilariter repetiit. Conf.  
quæ de *rhaborbaro* in mortario tuſo, in quo *cantharides* con-  
triti fuerant, ex *Brasavol.* narrat *Schenck. l. 7. obſ. 124.*

## VII.

### *Sudor violaceuſ.*

Puella trium annorum, à variolis redempta, ſed *aſthmatica* *Sudor vio-*  
adhuc, curabatur ab avia ſua ſolo *Syrupô viol. mart.* quem *laceuſ.*  
quotidie, tantùm non ſingulis horis, lambebat. Aliquando no-  
ctu, plantis pedum, ad arcendum frigus hyemale, ſuppoſitô  
ſacculô, nucleis ceraſorum repletô, inque fornace calefacto,  
Dec. II. Annuſ V. b cœpit



coepit sudare. Avia abstergit, manè autem indufiolum infantis colore planè *violaceo* eleganter tinctum deprehendit, quod curiositatis gratiâ mihi monstrabat.

## VIII.

*Chorea S. Viti lunatica à vermibus.*

Chorea  
S. Viti lu-  
natica à  
vermibus.

**P**Uella rustica octo annorum (notante Avo meo materno, *D. Francisco Zimmeln / Theologo*,) quolibet *novilunio* per integrum ferè diem noctemque indefinenter saltabat, sudore è toto corpore promanante. Choreâ finitâ, leves supervenère Convulsiones epilepticæ, quæ cessantibus, insecutus est suavis somnus, puellâ sibi redditâ. Tandem vetula quædam dedit ei decoctum ex *floribus centaur. minor. & tanaceti*, à cujus usu multi expulsi *vermes*, ipsa que deinceps pancreaticè valuit. Mirabile, *Lunaticum* fuisse hunc saltum. At vide, quæ de *ischuria menstruata* habet Amplissimus *Tulpius l. 2. obs. 43.*

## IX.

*Plica vulvæ muliebris.*

Plica vul-  
væ mulie-  
bris.

**A**Udacissima mulier, sexum celans, multis annis militis stipendia meruerat. Vulnere tandem *in inguine* accepto, dolus à Chirurgo detectus est. Ad incitas postea redacta stipem colligebat per urbem. Ad me etiam veniens, rarum istum affectum non tantum verbosius exposuit, sed etiam ultrò ostendit. Tota pubes *subfluvius* luxuriabat pilis, à dextra verò parte *plica* dependebat *semicubitus longa*. Conf. si vacat, *T. 3. Eph. Cur. observ. 220.*

## X.

*Universalis Contractura à sudore cohibito.*

Univerfa-  
lis contra-  
ctura à su-  
dore co-  
hibito.

**J**eremias Zeising, Sutor, perfectè *scorbuticus*, ad levissimam corporis commotionem, etiam hyeme, sub solo indufio, totus sudore diffuebat, cum insigni corporis æstu ac pruritu, ita, ut ad quamcunque obambulationem & negotium tandem fieret

ret

ret ineptus. Suasu barbitonforis succô *sempervivi* totum inunxit corpus manè seròque; Sudor quidem cohibitus, subsequenter tamen *universali contracturâ*, summè dolorificâ, quam non diu sustinuit maturioris fati sui faber. Viden', quàm incautè *sudores* coërceantur, monente id jamdudum *Panarolo Pent. III. Observ. 16.* & Excellentissimo *D. D. Simon. Paulli*, trium Dan. ac Norvvag. Reg. Archiatro, Prælato *Aarhusiensi*, inque Reg. Acad. *Hafniens.* Nutrice mea benignissima, primo Anat. Botan. & Chirurg. P. P. Fautore meo, dum viveret, singulari, *Tract. de febr. malign. §. 62. p. 80. seq.* & in *Botan. Quadrip. Class. III. pag. m. 196. seqq.* Felix, quem faciunt aliena pericula cautum!

XI.

*Scabies Mammarum à retentis mensibus.*

**V**Idi Virginem *Batavam* XVIII. annorum, cui, *mensibus* retentis, utraque *mamma* tota fiebat *scabiosa*, crustâ satis durâ obducta, omnibus aliis membris planè intactis. Stupens rem insolitam parens, meum implorat auxilium. Digestis *ex-* Scabies  
mamma-  
rum à re-  
tentis  
mensibus. *pulsis*que humoribus peccantibus, *mensēs* facilè provocavi, & omnis cessavit querela. In Insula *Chæna* alia mihi occurrit XXIV. annorum, ex *suppressionē mensium* foetidissimâ faciei *scabie* deformis, quæ tamen unico, eòque domesticò, passimque obviò, remediò, faustè à me restituta.

XII.

*Mania ab urina murium.*

**M**iles *Scoticus* Amstelodami bene ebrius & resupinus in stramine, ore apertò, dormiens, excipit noctû *urinam* Mania ab  
urina mu-  
rium. foetidissimam *murium majorum*, quos *Ratten; Mäuse* dicimus, per hiantes superioris contignationis asseres in os ejus destillantem, à qua altero die fit *maniacus*, eòque miserè perit.



## XIII.

*Vacca sine pulmone.*

Vacca sine  
pulmone.

**P**L. Rev. & Cl. Dn. M. *Franciscus Zimmel* / Past. & Adj. *Crucis-*  
*burg*, Avus meus maternus, vidit in præfato oppido *vaccam*  
vicini sui, quæ ad decimum duodecimumvè passum semper  
substitit, oreque aperto, auram hausit, causâ omnibus ignorâ.  
Mactatur tandem, & ecce! *omnimodum pulmonis defectum*, cu-  
jus vices tamen suppleverat *ampla, rugosa & membranosa vesica,*  
*flatibus turgida, exiguis venulis conspicua, ipsiq; aspera arterie*  
*annexa.* Cum vesica ista ab *arteria aspera* vel originem duxe-  
rit, seu eidem annexa fuerit, utique pro refrigerio cordis exter-  
num aërem ad tempus saltem recipere potuit. Postea verò aut  
venulis intertextis ex parte obstructis, aut ipsa vesica à calidis  
cordis fuliginibus magis magisque rugosa reddita, non am-  
plius sufficientem aërem cordi subministravit, nec satis liberè  
aut commodè cor ab exhalationibus expurgavit, ut, nisi ocyùs  
à lano fuisset occisa *vacca*, brevî tamen, occluso spiritu, periis-  
set. Adde, sis, alia, de visceris hujus defectu, exempla apud  
*Nicol. Fontan.* in puero IV. annorum, *Respons. & Curat. exempl. 7.*  
*& 18.* ac *Fabrit. Bartholett. method. in dyssn. l. 4. c. 3. p. 291.* Sic  
& homines sine *ventriculo*, *Decad. 2. Ann. 3. Eph. nostr. Curios.*  
*observ. 44. sine vesica, Rhod. in mantiss. anatom. num. 52. sine cor-*  
*de, capite, epate, liene, & aliis visceribus omninò necessariis,*  
*vixisse, Curiosus noster ARGUS, D. D. Francus, Acad. Heydel-*  
*berg. Ornamentum perpetuum, Fautor & Collega magni æsti-*  
*mandus, in Sat. Med. Contin. 6. ex variis Autoribus insigniter*  
*probavit.*

## XIV.

*Vulva marsupio quasi carnosò contecta & obvoluta.*

Vulva mar-  
supio quasi  
carnosò  
contecta &  
obvoluta.

**H**onesta Virgo pudendum quidem habebat naturaliter  
conformatum, sed à *membrana carnosâ & undiquaque ru-*  
*gosa,* firmiter ei annata, unâ cum crinibus, totum contectum,  
& quasi *marsupio*, seu *sacculò*, obvolutum. Id prolubitu, &  
citra

Fig: 1.  
p. 13. app:





Fig: 2.  
p. 22. app:



Fig: 4.  
p. 38. app:







citra molestiam, amplissimè dilatare, iterumque, sufflaminatō halitū, constringere & retrahere poterat. Quod tam arctè constrictum ne guttulam exsulantem emisit. Sola mater, prēmaturè defuncta, unā cum obstetrice, etiam è vivis sublata, novērat, nec ipsi quidem patri, ut sanctè fassus est, innotuerat unquam. Nupsit tandem Cl. Viro, qui in copula conjugali rem insolitam cum stupore animadvertens, fusiùs exponit socero. Hic autem, se omninò nescivisse, constanter asseruit, enixè rogitans generum, ne divulgaret. Tacuit: donec, post excessum optimæ conjugis, *Cortnummio* nostro aliquando recenseret, addens: eam nihil difficultatis, nihil molestiæ, nihil etiam periculi, vel in partu, vel extra eum, sensisse unquam, venustissimæ prolis fœcundam matrem. Figuram, ipsā mariti manu, post mortem, adumbratam, & *Cortnummio* traditam, hic subnecto. Similem ferè historiam, tristioris tamen fati, dabit ὁ Σαυμάσιος. *Bartholinus C. 5. hist. anat. 9.* Vide Fig. I.

## XV.

*Menses verminosi.*

**R**ustica femina Præfecturæ *Gerbershagiana* in Ducatu *Wolf-* Menses  
Verminosi.  
*fenbyttelensi*, modesta & honesta, annorum XXIX. quoties menses instabant ordinariè, uteri vulvæque pruritus, aliquando molestus, tribus abhinc annis sentiebat, cetera ex vota sana. Excepit tandem tributum suum lunare, speculatura, quidnam in eo lateret. Et ecce! multos *longiores*, planeque *niveos*, offendit *vermiculos*. Read me delatā, dubitavi primò de fide mulieris. Mandavi igitur, sanguinem sequenti mense rejiciendum bonâ fide afferri. Attulit *floridum* sanè, & sine notabili peccantium humorum colluvie, in quo *vermiculos* istos non tantum *natantes* & *reptantes*, sed etiam *salientes* vidi, quos convenientibus remediis, Dei adjutoriò, feliciter expuli. Sic *Panarol. Pent. IV. Obs. 12* narrat, feminam quandam quolibet mense sine ullo labore quàm plurimos *vermes*, *mensium locò*, excrevisse.



## XVI.

*Menses nigerrimi.*

Menses nigerrimi.

**F**emina annorum XXVII. è Præfectura *Schlademensi*, Diocesis. *Hildes.* perfectè *hypochondriaca*, in lethalem *icterum nigrum* propendens, omnia excrementa, sputum putà, urinam, feces, & *menstrua* notavit *nigerrima*, quæ postrema in matula collecta his oculis vidi. De *urina nigra* latè *Schenk. III. Obs. 330. seq. & Bonet. L. III. Med. Sept. Sect. XXIX. c. 23. Add. Barthol. C. V. hist. 90. Actuar. L. I. de judic. urin. c. 20. Eph. Cur. Germ. Ann. VIII. Obs. 87. Höchstett. Decad. II. cas. 5. De vomitu hypochondriaci nigerrimo vid. Binninger. C. 50. Obs. 91. de sudore nigro Hodgesius in lib. de peste Londinensi, Zacut. L. III. prax. admir. Obs. 73. & Excell. D. D. Olaus Borrichius, Professor Regius in Acad. Hafniensi, Præceptor olim meus fidelissimus, Vol. I. Act. Hafn. Obs. 80. & Eph. Germ. Curios. T. VI. Obs. 10. De lacte planè nigro legi meretur Alexander, Comes de Insula, Monachus Corbeie Saxonice, in Breviar. rer. memorabil. nuper à me edit. num. 43. In Ponto, inquit *Plinius l. 2. c. 106.* fluvius *Astaces* irrigat campos, in quibus oves *nigro lacte* gentes alunt. At hoc non facile creditu est, addit *Libav. in diss. de lacte §. 23.* licet navigationes orientales in *Mosambique* Insula narrent esse gallinas *nigræ carnis*, quarum decoctum sit instar *atramenti*.*

## XVII.

*Sudor porraceus.*

Sudor porraceus.

**H**ujusmodi ab axillis Philatri manantem in linteis deprehendit *Borell. c. 2. obs. 56. bilis porraceæ*, ut retur, sobolem. Canonicus quidam insignis Collegiæ Ecclesiæ, ex humoribus biliosis quasi compactus, & inordinatæ diætæ studiosus, ole-ribus, inprimis *porro scitili*, tantum non quotidie vescabatur, semper tamen *ἰσχυρὸς καὶ δεινός* mansit, usque in autumnum, quò fe-bri correptus erraticâ, principiis subitò obstans, ipsemet sibi pa-rat pulv. purgant. ex solo rhabarbaro, expulsis *κατὰ* humoribus pror-

prorsus viridibus, execrand. foetoris. Alio die sudoriferum sibi propinat ex antimonio diaphoretico, à quo tam violentus subsecutus sudor, ut fidem vix meream longius veritatem recensens. Omnes per lectos substratos transudabant humores, tota ferè cutis cum linteaminibus *porraceo* tincta erat colore, superveniente crebriori syncope, quam tamen Dei gratiâ profligavimus.

XVIII.

*Sudor lacteus.*

**I**lluſtris quidam Ecclesiæ Cathedralis Canonicus, & Consiliarius Electoralis, curationem nodosæ podagræ, quâ terribiliter vexabatur, tentârat *lactis usu continuo*, singulaque, juxta leges medentium, accuratè observârat, quamvis sine ullo levamine. Tandem inter atrocissima tormenta, Naturâ moliente opus, in sudorem satis copiosum incidebat, eumque *prorsus lacteum*, adeò, ut, quod seriò mihi dixit, *colorem, odorem, saporemq; lactis* totus spirârat, cum manifesta allevatione sui. Puerpera *Hameliensis* ad Visurgim, insigni lactis copiâ abundans, sacculis *fol. menth. crisp. & flor. sambuci* refertis, utrique mammæ impositis, ex voto sibi eliciebat sudorem, adeò, ut non tantùm è mammis *lac* stillaret, sed etiam copiosè deflueret per scapulas, citra omnem molestiam. Aliam in *Cimbria* quondam vidi, pro augmento, quò carebat, lactis, crebriùs, & tantùm non quotidie, usurpantem herb. *fenic.* cum *flor. samb.* in lacte vaccino blandè coctam. A quo simplici remedio tanta *lactis* copia, ut singulis ferè noctibus, nisi utramque mammam emulgeret, in *lacte* cubaret *sudore*, quod ex ore mariti ejus refero. Vidit parens meus *Vaccha* in *Hassia* alium è cachexia in febrem malignam detrusum, qui *album* excrevit *sudorem*, & *lacti* ferè similem, at foetidum. Eò die decessit.

XIX.

*Paralyſis à Vermibus.*

**P**uella rustica *Werdenæ* ad Visurgim, sex annorum, tota *paralytica*, à vetulis, barbitonsoribus, circumforaneis, Medico

Sudor  
lacteus.

Paralyſis à  
Vermibus.



dico etiam, qui malebat videri, quàm esse, diu, at frustra, curata, tandem ad me defertur. Re altius expensâ, commodè occurrit observ. *Salmuthiana c. 1. 44.* Concludo igitur: malum hoc à *vermibus*. Nec me fefellit conjectura. Exhaustò enim vinò, è *rad. gramin. filic. gent. angelic. cich. fol. scord. fl. salv. hyper. cent. min. sem. tanacet. bacc. junip. fol. senn. rhab. & c.* confectò, expulsi sunt, juxta Parentum calculum, LXXVII. diversi coloris, magnitudinis & figuræ. Deducta deinde in balneum, & inuncta *unguent. nervino August.* intra XIV. dies integram & hilarem, Solius Dei misericordiâ, parentibus reddidi, cui laus & gloria nunc & in secula seculorum. Etenim

*Non hac humanis opibus, non Arte magistrâ*

*Proventunt, neque Te, Ænea, mea dextera servat:*

*Major agit Deus, atque opera ad majora remittit,*  
*infuit longævus Japis, redditâ Ænea salute, apud Virg. lib. 12. Æneid.*  
*vers. 427. seqq.*

## XX.

*Pica inaudita.*

Pica inaudita.

**V**Idi *Hasfordii* ad Moenum, in dioecesi *Herbipolensi*, rusticam quandam mulierem gravidam, quæ maritum ad nundinas anniverfarias comitans, de vario suo appetitu mira referebat. Quorum colonus pertæsus, dixit fortè: *Ey Aente! friß einen Dreck.* Paulò post hic, solutis braccis, cumulum in gramine fumentem fecit & discessit. Mulier, idem simulans, sordidissimas *Virifeces adhuc calidas* (de exsiccatis enim exemplum habet *Borell. C. 4. obs. 2.*) summo cum delectamento ingerit, Virumque insequitur. Qui tandem retrospiciens, odoremque planè *stercoreum* admirans, reliquias jentaculi adhuc aliquas in facie conjugis deprêndit, dicens: *Aente! was ist das?* fatetur: increpat ille foetidum appetitum. Placatus demum à muliere conticuit.

## XXI.

*Quartana ab halece curata.*

Quartana  
ab halece  
curata.

**C**Atè, nî fallor, Belgæ: *Ut à Sole*, ajunt, *nebula, sic ab halecibus dissipantur morbi.* Imò nunquam magis sterilis Medicorum

rum

*rum messis, quàm sub horum adventum, notante Amplissimo Tulpio l. 2. obs. 24. Femina Gothana à quartana fere consumpta, tandem ante paroxysmum tres integros, recentes, salitosq. haleces summo cum appetitu devorat, febre eâpsè horâ feliciter depulsa. Adeò harengus Thuringorum, nectar & ambrosia, dicente Excell. Rolfincio de part. aff. l. 3. c. 2. p. 192. Tanto in pretio apud antiquos Boreales, ut etiam Christian. I. Daniæ Rex, Sixto IV. Pont. Romano, Anno 1474. raritatis ergò, ex tribus suis Imperiis, Dan. Suec. & Norrvag. miserit (1) asellum siccum, (2) halecem, & (3) mustelam albam.*

XXII.

*Quartana à Vermibus.*

**D**Omini Michaëlis Krummbügelis / Consil. Camerae Gvel-  
ferbytanæ, famulus XVI. annorum, ipsis diebus canicula-  
ribus, quartana exquisitâ correptus, obtinet à me pulv. ex Rad.  
Falapp. Si. crem. tart. 3ß. Sp. diat. c. rhab. gr. xii. Mag. Falapp. gr. j.  
Quò ingens saburra phlegmatica, unâ cum multis Vermibus ex-  
pulsa est, puerò ex voto restitutò, omniq. in sulcu febrili pe-  
nicus sublatò.

Quartana  
à Vermibus.

XXIII.

*Figura Gammari in Mamma.*

**P**Rimaria quædam femina audiens, à marito honestum  
quendam Virum ad prandium esse invitatum, varia in foro  
coemit, quæ inter & gammari. Quibus verò acceptis, fortè  
supervenit famulus, nuncians: Herum suum hâc vice abs alio  
detineri, velle tamen cœnæ interesse. Sic femina gammaros in  
ollam coniectos, & urticâ recenti coniectos, interim, aliud  
tunc actura, in proximum cubiculum defert, ibique sub lecto  
suo reponit. Prandiò finitò, & marito ad publica negotia re-  
deunte, ipsa, more suetò, quieti se tradit, obque liberio-  
rem respirationem, & intensum caniculæ æstus, tunc ἐν γαστρί ἔχουσα,  
à pectoris regione omnia vestimenta submover, mammis partim  
Dec. II. Annus V. nudis

Figura  
Gammari  
in Mamma.



*nudis* prominentibus. Interea aliquis *gamma* chelis suis librum, orificio ollæ superimpositum, protrudit, lectum conscendit, & usque ad *dextram* feminae *mammam* lentius progreditur, cui firmiter adhæsit. Experge facta illa, & valdè attonita, insanum vociferatur. Advolat famula, & tollit *gamma*. Ipsa tandem peperit puellam, veram & accuratam *gamma* figuram in eadem *mamma* perpetuò gestantem, omnesque *cancros*, vivos pariter ac coctos, angue pejus & cane devitantem.

## XXIV.

*Mira Sectio Calculi.*

Mira Sectio  
Calculi.

**A**ldax sanè *Lethæi* istius *Amstelodamensis* facinus in præci-  
dendo, sibi ipsi *calculo* apud *Tulp. l. 4. obs. 30.* Sistemus ei  
socium, sed in aliena cute audaciorem. Henning. *Kleinschmidt*  
*Barbitonfor Hōxariensis*, vocatus aliquando ad Judæum, *cal-*  
*culis vesicæ* miserrimè excruciatum; siquidem domesticis reme-  
diis in *penem* usque protrusi tenacissimè adhærebant, cum exi-  
gua spe salutis, eo saltem in loco. Vocatus ille, *totò pene ad*  
*scrotum usq.* apertò, & dissectò novaculâ, omnes exemit *lapil-*  
*los*, quos vidi, manibus suis, vulnusque ex voto conglutina-  
vit, diu adhuc superstite Hebræo.

## XXV.

*Sudor verè melleus.*

Sudor verè  
melleus.

**M**Ater mea grvida, in cellam aliquando descendens, re-  
perit ingentem ollam *mellis* plenam, eòpsè die à patre  
meo, ipsa quidem insciâ, emtam, quo de cupidè ultra libram  
cum dimidia, ponderis civilis, ingerit. Pater fortè superve-  
niens, blandè increpat eam. Quæ pudore & terrore percussâ,  
digitos mucciniò, è cingulo muliebri dependente, inflexò cor-  
pore, absterfura, ipsa genua tangit, vestibus tamen contexta,  
sicque è cella iterum ascendit. Istâ nocte incidit in *sudorem ve-*  
*rè melleum*, ut pater, dulcia hujusmodi aversans, surgere, alium-  
que

que lectum ibi quærere coactus fuerit. Nihil aliàs inde detri-  
menti cepit genitrix. Me cùm postea pareret, aviaque latam  
maculam *supra* dextrum genu meum planèque *flavam*, adhuc  
conspiciam, animadverteret, recordabatur Parens historiar  
antè gestæ. Conf. *Rhod. c. 3. obs. 68.* ubi similem ferè offendes  
narrationem de *melleo sudore*.

XXVI.

*Urina à verberibus provocata.*

**P**Uella triennis *dysuriâ* molestè vexata queritando ejulando  
que miseriam doloresque suos contestans, à moroso vitri-  
co, affectûs nescio, sæpius castigabatur ferulis, fletu quidem  
aucto, subsequente autem largò urinæ profluvio. Cognitò er-  
rore malum emendavimus. Ita *Tb. Campanella*, Ord. Prædi-  
cat. Monach. *l. 3. Medicin. c. 5. art. 12.* de Principe Venusinæ  
refert, quòd nunquam alvum deposuerit, nisi *verberatus* à  
servo ad id ascito.

Urina à  
verberibus  
provocata.

XXVII.

*Purgatio ab ovis induratis.*

**L**UDOVICUS ab *Hegern* quoties ventrem purgare vult, *ozia ad*  
*duritiem cocta* ad saturitatem comedit, & ita sibi medetur.  
Similem historiam vide apud *Alex. Bened. l. 19. c. 33.* Planè ta-  
men contrarium, morte etiam subsequente, ex *Brasavola* no-  
rat *Cl. Mæbius l. 4. Instit. Med. Part. 2. c. 5. p. 496.*

Purgatio  
ab ovis in-  
duratis.

XXVIII.

*Terribilis catalepsis.*

**E**RUDITUS Artis nostræ Studiosus, jam inclytæ civitatis Med.  
Ordinarius G. S. T. Amicus adhuc conjunctissimus, in ce-  
lestri quadam Academia nuncio è patria sua inter lucubratio-  
nes matutinas, de Parentis excessu, accepto, subito, dextrâ te-  
nens calamum, lævâ libellum, oculis in mensam fixis, immo-

Terribilis  
catalepsis.



tus obrigit, trunci instar. Erat totalis congelatus spirituum animalium, menti ac imaginationi inservientium, adeò omnia rigida & immobilia. Ita sedit XIX. hor. eandem aguram retinens. Tandem ex vicino oppidulo supervenit contubernalis ejus, tunc ebrius, & horum planè inscius, rens, fortè in terrorem sui, hanc instituisse tragoediam; Eja, dicebat, *Georgi*, tu equidem larvamen non terrebis. Arreptò igitur vitrò, in quo *Spiritus vini adusti* servabant in cubiculo, propinat socio suo. Cùm non responderet, adhuc, quid actum foret, ignarus, detentà super verrice ejus ampullà: *Si non responderis*, ait, *te baptizabo*. Quèis dictis capiti aliquid, joci causà, instillat. Interim ex ebrietate fortè, vacillantibus pedibus, labitur in terram, subversò *Georgii* sedili, fractò què vitrò, omni, quem continebat, Spiritu vini super eum effuso. Ex quo casu, terrore & *baptizatione* (ut sic loquar) sibi redditus, de lassitudine & gravitate totius corporis diu conquestus, in integrum tamen restitutus.

## XXIX.

*Quartana ab epilepsia curata, & contra.*

Quartana  
ab epilepsia  
curata  
& contra.

**P**Uella rustica in quintum usque mensem à *quartana* male cruciata, in *mensium suppressionem* incidit, quam tertio die sequuntur convulsiones epilepticae, singulis postea diebus, circa vesperam plerunque, repetitæ, febris autem penitus cessante. Subsequitur tandem *quotidiana*, quæ denuò sustulit omnem convulsionem, puellâ adhuc valente. Adeò *convulsio* febris superveniens salutaris erat, & contra *febris* convulsionis remedium.

## XXX.

*Secundina retenta manu tutò extracta.*

Secundina  
retenta  
manu tutò  
extracta.

**P**UBLICA ventilationi in Reg. Acad. *Hafniensi* hoc argumentum olim exposuit ὁ Δαυμάσιος καὶ χαρίεστος D. Thomas Bartholinus, Ἀρχὸς τοῦ Ὁρίου decus perpetuum, Præceptor desideratissimus.

tissimus, idque repetit fusiùs *Cent. 5. hist. anat. 39.* Cujus experientia & ratione fretus, in difficili puerperio *Joanna Gronese*feldin | *Joh. Burcardi Schofi* Conjugis, infante tandem, licet mortuò, expulso, suasi, ut *retentas secundinas* (medicamentis incassum adhibitis) peritâ mulieris manû extrahi curaret. Illa confidens dexteritati meæ, totum negotium committit carnificis *Höxariensis* viduæ, mulieri prudenti, & in hujusmodi casibus expertæ, quæ cuncta peregit feliciter citra dolorem, citra omne, quod alii prædixerant, periculum. Bellè enim optima *Joanna* diu post valuit, plurium liberorum mater.

XXXI.

*Odontalgia, visò medicamentò, sedata.*

**H**onestissima Virgo annorum XVII. *dentium dolore* ultra biduum excruciatâ, ut lachrymas & gemitus inter sederet, me tandem vocari jubet. Accedens compono pilulas, cavitationum dentium saltem immittendas. Quævis visis, totum contremuit corpus, subsequente vomitu, à nausea concitato, & eâpsè horâ omnis desinit dolor, pilulis à puella in fimetum coniectis.

Odontalgia, visò medicamentò, sedata.

XXXII.

*Tertiana frigidò & largiori potu perfecte curata.*

**I**nter summa acutarum febrium remedia *potum frigida* tempestivè adhibitum ponit *Pergamenus IX. M. M. 5.* inquit: *Potio frigidaæ extinguit febrem, Naturam robustam reddit, ut deinceps per alvum & sudorem expellat, quacung, noxia sunt.* Idem testatur *IV. de rat. vict. in acut. t. 12.* Adde sis *Schenck. VI. obs. 10. Kerger. de Ferment. Sect. 3. c. 3. p. 244. Willis de Febris c. 8. p. 163.* qui nervosas dabit rationes. Cum in Reg. ac Equestri Danorum *Sorana*, in ædibus Excellentissimi Domini *M. Hieronymi Weizii* Eloqu. P. P. Civis & Hospitis mei honoratissimi, studiorum gratiâ, commorarer, *tertianâ* circa caniculares correptus, remtis omnibus medicamentis, speretâ Venæ sectione, nec ullis diætæ legibus observatis, adolescens, quid ponderis haberet

Tertiana frigidò & largiori potu perfecte curata.



haberet hæc doctrina Veterum, in meipso experturus, unâ vel alterâ horâ ante paroxysmum, descendo in cellam frigidissimam, confidens in arena, togâ abjectâ, prægrandemque cantharum *tenuioris cerevisia* plenum, (puram enim aquam aversebar,) inque frigidam ab ipsâ aurora collocatum, hilariter vicibus aliquot exhaurio, & jamjam instante paroxysmô in hortu, ædibus vicino, variis commotionibus, exercitiis & cursitationibus tamdiu me defatigato, donec sudore totus perfusus conciderem, inque molli gramine sub umbra arborum suaviter obdormirem, nullô subsequente paroxysmô. Tribus vicibus id repetivi, & ultra *decennium* ab omni febre securus vixi. Quod cum audiret *Weizius* meus, ingenuè fassus est, se olim *Gedani* eâdem febre detentum, in accessu paroxysmi altum conscendisse montem, & capite mitrâ palliôque benè ob- & involuto, ex vertice ad radicem ejus conglomeratum se devolvisse aliquoties, febre penitus cessante.

## XXXIII.

*Penna anserina cum urina rejecta.*

Penna anserina cum urina rejecta.

**F**istulam octo digitos transversos longam, deglutitam, & tertio die per alvum excretam depinxit Magnus *Bartholinus* c. 1. hist. 59. officula per urinam rejecta, idem *Tom. 2. Eph. Germ. Cur. obs. 3. & Borell. c. 2. obs. 5.* ac alii complures. Dederam juveni XXVI. annorum vomitorium è *Sale Vitrioli* & *rad. asari*, monens, ut futurum Naturæ conatum ipsemet adjuvaret. Intrudit pennam anserinam. At ecce! vespa fortè prætervolans dextræ infigit Vulnusculem; quam incautiùs retrahens, pennam digitis elapsam, improvisò deglutiit. Hinc maximè consternatus me accedit. Ictui vespæ imposui *theriac.* immistis foliis recentibus *salv. acut.* cetera commisimus Naturæ. Non vomuit quidem, verùm quinquies alvum cum *euplogia* deposuit. Quartò abhinc die manè urinam summo cum dolore guttatim excernit, mox, sufflaminato halitu, membrôque *salivâ* suâ illitô

litō, cum insigni strepitu profluxit rubicunda, inque ea per-  
na hæc anserina.

Fig. II. p. 12.

XXXIV.

*Paralysis solâ irâ curatâ.*

**J**Acob. Rosenbusch / opulentus in Holsatia colonus, diu de-  
cumbens *paralyticus*, tandem à filiis ad vehementiorem irri-  
tatus iram, ut totus in fermento jaceret. Cum omnes fini-  
stri quid sperarent, faustissimè tamen ei cessit. Accensò enim  
calore naturali, & spiritibus fervidioribus & igneis quasi factis,  
utiq; roborati sunt nervi, absumentis humoribus crassis impactis,  
lentâque pituita liquefactâ, & à calore p. n. consumptâ, ut im-  
munis evaserit æger. Adde sis *Valleriol. l. 2. obs. 4.* Adeò salu-  
taris aliquando *phlegmaticus* ira.

Paralysis  
solâ irâ cu-  
rata.

XXXV.

*Diarrhœa picea.*

**V**Ir XLVI. annorum, modestus, eruditus, sincerus, & ex-  
cellens *hypochondriacus*, post usum *acidularum Pyrmonta-*  
*narum*, tertiò statim die circa vesperum *diarrhœa*, licet saluber-  
rimâ, correptus, materiam planè *atram & liquidam, picis in-*  
*star*, per alvum excrevit citra molestiam, quolibet ferè die o-  
cties, ut ab acidulis, suasu aliorum, abstinerit. Verùm pejus  
inde habens, me monente, ad eas regressus, *picea* istâ materiâ  
semper excretâ. Usus interim aliis deoppilantibus, tandem vi-  
sceribus robur addidit, nunc quasi modò genitus pancreaticè  
vivit.

Diarrhœa  
picea.

XXXVI.

*Epilepsia à melle.*

**H**Abuit Pateris meus *cattum*, mellis cupidissimum. At quo-  
ties id lambebat, seu vorabat, toties fiebat *epilepticus*. Sic  
de *cholera* ab esu mellis *lethali* vide Cl. *Binninger. Cent. IV. obs. 15.*

Epilepsia  
à melle.

XXXVII.



## XXXVII.

*Aselli cum lochiis rejeſti.*

Aselli cum  
lochiis re-  
jeſti.

**V**omitum eos à *cacheſtico* rejeſtos narrat Cl. *Binninger. c. 4. obs. 3. & Ambros. Paraus l. 19. c. 3.* ſcribit : Ludovicum Duretum poſt longum morbum excreviſſe cum urina animalivum, colore rubrum, cetera *millepedi* ſimile. Nos *Ephem. Curioſ. Ann. 5. Obſerv. 234.* diximus de femina puerpera variis & inſolitis ſymptomatibus excruciatâ, quæ tandem vel *mille erucas*, & diverſi coloris vermiculos, evomit. Aliam novi, quæ cum lochiis, ritè à partu fluentibus, ferè centuriam *asellorum* vivorum (*Keller. Würm*) excrevit, à quibus tamen nunquam, quod ſcivit, tormina ventris ſenſerat. De *ſcarabais ſolaribus* per alvum excretis vid. *Timeus à Guldentlee l. 3. caſ. 10.*

## XXXVIII.

*Veneris phtiriſi conſumtus.*

Veneris  
phtiriſi  
conſum-  
tus.

**D**e *lue Venerea* verè *verminosa* latiùs egimus in *Cynograph. noſtr. Sect. 4. c. 9.* Quam cùm perlegeret Eximius quidam Naturæ Artisquæ Conſultus, Dn. E. Q. M. D. ſequentes literas ultrò mihi tranſmiſit. Anni, nî fallor, nunc ſunt XXVII. quòd gradu & inſignibus Doctoralibus ornatus ex Latio in patriam redierim, ab illo die perpetuæ praxi addiſtus. Quid notârim, ſeu effecerim, judicent alii, qui me nòrunt familiariùs. Ego quippe ſimplex modèſtiæ cultor vana hominum elogia nec capto, nec cupio. Deus & proba conſcientia mihi omnia. Interim ne neſcias velim, me ab omnibus, quotquot excuſſi, ſcriptoribus in indaganda vera *luis Venereæ* cauſa nondum ſolidè eſſe inſtructum, ſed potius dubium ex dubio enatum. Lectâ autem diſſertatione tuâ de hac materia, dexter mihi ſaliit oculus, & vix me continui, quin *εὐρηκα* exclamârim. Equidem nova videntur primâ fronte, quæ eruditâ crenâ delineâſti, videntur *ἀνισα καὶ παρὰ νόξα*, at ſi quis ea ad ſobriæ rationis & oculatæ experientiæ lancem expenderit, victas utique dabit manus. Ceterùm in

in obsidem bonæ mentis ecce! observationes aliquot à me olim collectas, & Tibi forsân utiles.

Nobilis Gallus, quem ipsemet *Lugduni* vidi, à continua & immodica Venere adeò omnia viscera, humores, totamque massam sanguinis corruerat, ut *sceleti* instar, seu larvæ, quò deportabatur, jaceret; ire enim amplius tunc non porerat. Erumpunt tandem ex corruptissimo sanguine per universa cutis spiracula minutissimi & vix sensibiles *pediculi ruffi*, qui dies noctesque horrendis eum excruciant tormentis, pungendo, lancinando, rodendo &c. Ex oculis in nares, è naribus in os & palatum reptabant pusilli hi carnifices, & nullus ferè porus ab iis immunis. Lachrymæ, sputum, urina, feces, & omnia excrementa animalculorum plena. Inde tandem mors miserrima. Et ô utinam mortuo saltem pepercissent! Alium *Neopoli* offendimus, qui in eadem navi navigans, corpore bene prius, quantum licuit, repurgatò, eòque aqua aloetica ablutò, *ferrea cista se* inclusit, rens, ibi latere tutum. Sed spes eum egregiè fefellit, eodem fatò crudeliter extinctus. Nemesis accessisse divinam, camque specialem, non equidem inficiabimur, interim causas ipsa dictitat Natura. Adeò Veridicus, quem citasti, *Syracides* XIX. 3. ubi in Scholio suo marginali *Luth.* catè addidit *Lausel* quod probè notandum.

## XXXIX.

*Pertinax cephalæa cum tumore verminoso in venereo.*

**A**lius famosissimus *Venerens*, quem in Academia *Dolana* *Pertinax* vidi, tam horrendâ & pertinaci *cephalæa* postea *corruptus* est, ut in rabiem quasi actus, caput ad parietes & saxa alliserit. Tandem ab agyrta, cui se commiserat, dantur X. gran. laud. opiat. à quibus quietior factus obdormivit. Sumsit deinde er-rhinon, à quo crebrius sternutavit, excretis semper (ast summo immani que cum dolore, & lethali fere animi deliquio,) per nares *vermiculis*, minutis quidem, sed planè *cruentis*, duobus *nigris punctulis*, oculorum loco, in capitulo notatis, quadrupedibus & villosis,

Dec. II. Annus V.

d

villosis,



*villosis, furcellam hamatam acutissimam, cauda loco, trahentibus. Sic quievêre aliquandiu tormenta. Interim insignis tumor, ovi gallini magnitudine, cum summa inflammatione & dolore pungitivo, ad sinistram prominet testiculum, qui solô illitu olei mercurial. potuit sopiri. Ad maturitatem demum perductus & ruptus adhuc 57. effudit vermiculos; Ita quidem hac vice sibi quadantenus redditus ille, ut citrà dolores vixerit, quò fatò tandem extinctus sit, nescio.*

## XL.

*Caries dentium, tibiæ, ossis nasi &c. in Venereo.*

Caries  
dentium,  
tibiæ,  
ossis nasi  
&c. in Ve-  
nereo.

**S**ECTum olim *Monspeli* Juvenis, foedissimâ hâc lue extincti, putidum cadaver, cujus, præter corrupta viscera omnia, ossa brachii, tibiæ, palati, nasi, ipsumque cranium maximè cariosa erant, ut in pulverem fere sponte collaberentur. Ex motibus intestinis vivi quid subesse facile animadverti potuit, non secus ac in carie casei cernimus. Hic pulvis, curiositatis gratiâ, à Chirurgo in Scatula collectus, domique asservatus, eò olim absente, à conjuge ejus vicinæ puellulæ datur pro exsiccanda inguinis excoriatione, rente, esse cariem, seu farinam teredinis. At puella eâdem lue infecta miserè periit.

## XLI.

*Lue Venereâ infectus totus Verminosus.*

Lue Vene-  
reâ infe-  
ctus totus  
Vermi-  
nosus.

**T**ERRIBILE & ἀπίον fere, quod recitabo, verum tamen *Bomoniensis* quidam adolescens XVIII. annorum, ocyùs ad hunc ignem accedens, miserè consumtus eòdem. Totus enim factus est *Verminosus*. Rejetti *Vermiculi minutissimi, & visum fere, etiam acutissimum, effugientes cum urina*, qui continuum vesicæ pruritus, & assiduus mingendi desiderium excitabant: Rejetti iidem cum *semine*, ut ipse fassus est. Hinc continuum libidinis oestrus, & pruritus perpetuus. Exclusi aliquando tales cum *sudore fatidissimo*. Nec *sputa* (nocturna imprimis & matutina) iis carebant. Tandem calore nativò, & humido radicali, ab æstu

æstu hoc penitus extincto & absorto, eopse, quò decessit, die innumeri prorepsere, totumque fere implevere feretrum. Conf. quæ de *Scorbutici* cadavere *pediculis* scatente refert *Möllenbroccius* de *Varis* p. 14.

XLII.

*Penis cum scroto à pediculis corrosus & consumtus.*

**F** *Lorentia* habuimus *Siculum*, hominem vagâ libidine inextinguibilem, cujus hircus, supercilia, & penis *pediculis* istis, quos gallicè *Morpions* dicimus, adeò plena, ut paucas intra horas totam scatulam eorum plenam collegerit. Pruritus & morbus in partibus istis continuus. Hinc fricationibus crebrioribus humores magis magisque allesti, dolores auxere insigniter, donec tandem membrum genitale totum molle, flaccidum & putridum, unâ cum *pediculis*, frustatim decideret, reliquâ parte Arte demtâ, agrò autem gemitus inter & cruciatus miserè pereunte.

Penis cum  
scroto à  
pediculis  
corrosus &  
consumtus.

XLIII.

*Lues Venerea citra contagium contracta.*

**R** Ecitissimè hoc asseruisti, idque hâc confirmatur historiâ. Eruditus quidam Juvenis *Austriacus*, laudabilis alioquin (saltem inculpata) vitæ, morumque elegantia conspicuus, qui nunquam cum sexu sequiori rem, seu commercium, habuerat, somniis plerunque *Venereis* subinde divexatus, crebriores patiebatur *pollutiones nocturnas*. Has declinaturus, impressâ sibi fortiori phantasiâ, quasi Succubam hanc vel istam, per quietem sibi visam, tunc haberet, semen frequentius & copiosius effudit in lodices. Quò exercitio postea tantum non omni nocte, interdiu etiam, acrius repetitò, coepit totus contabescere & pellicere, tanquam lucerna punica, totâ ejus temperie notabiliter labefactatâ, appetitûque penitus prostratò, quem vino generosiori denuò excitare studuit, cum insigni Veneris augmento. Denique detestanda hâc libidine nocturnâ & solitariâ publicè sibi contraxit *noctis illam torturam*, ut *Helmont.* luem hanc

Lues Venerea citra  
contagium  
contracta.



vocat. Citiùs tamen, quod notavi, quàm alii infecti, curatus, cautiùs mercari didicit.

## XLIV.

*Quartana Infantis in utero.*

Quartana  
Infantis in  
utero.

**I**Nfantes, citra ullum vitæ errorem, à matribus contraxisse *Quartanam*, asserit quidem *Fernel. 4. Pathol. 14.* sed sine exemplo. Unicum, quod nobis obvenit, Tibi dabimus *Annam Dorotheam Weisenthurm* / militis cujusdam sub Nobilissimo Chiliarcha Monasteriensi ab *Erberfeld* / conjugem, tertiâ vice tunc gravidam, alterô statim mense pertinax invaserat *quartana*. Ultimis mensibus in & ante paroxysmum embryonem maximè inquietum, tremulum, & ab uno in aliud latus sese volutantem manifestè sensit, ut tristem sibimetipsâ prædiceret eventum. Tandem, superatô eodem die terribili paroxysmô, circa decimam vespertinam peperit *filiolam*, quæ unâ eademque horâ, unâ cum matre, febris ista miserè affligebatur. Vidi miserrimam puellulam, stupens sanè, qui tenerrimum corpusculum, septimam usque in septimanam, tam graves sustinuerit insultus. Mater tandem, Dei misericordiâ, convaluit.

## XLV.

*Inaudita colicæ curatio.*

Inaudita  
colicæ cu-  
ratio.

**V**Arioseorum historias, qui solò purgantium auditu, visu, gustu, odoratu, retentione in manibus, inunctione, &c. feliciter evacuati fuere, collegit Curiosissimus noster ARGUS, D. D. Francus, Amicus Venerandus, in *Sat. Med. Cont. 2.* Vidit Pater meus *Hirschfeldia* Equitum Magistrum, qui ex pertinaci alvi suppressione, quâ crebrius vexabatur, terribiles dolores colicos sustinens, omnia prorsus medicamenta, etiam clysmata, angue pejus & cane fugiebat. Assidebat lecto ejus conjux, ulnis gestans puellam unius anni, quæ fortè in sinum genitricis sordes rejiciens, ingratum (saluberrimum verò) nauseanti patri afflabat

afflabat odorem. Ocyùs enim ille surgens *ἀνὰ καὶ κατὰ* purgebatur, explosis simul *multis flatibus*, omni dolore iſtò die ſublatò.

XLVI.

*Mammæ cancroſæ verminantes.*

**H**Oneſtiſſima conjux Optimi mei *Cortnummii* è mamma ſua Mammæ cancroſæ verminantes. pluſculos eruebat. Alia *Hafnienſis* maximè etiam conqueſta de *vermiculis*, quibus interdum extractis, pruritus quaſi pauſam faciebat. Ex Nobiliſſimæ cujuſdam Matronæ dextra mamma *perfectè cancroſa* non ſemel hâc manu longiores & *candidos* exſculpi. Ante biennium in utraque ruſticæ feminæ mamma *quinq;* inveni *ſubruffos* & *piloſos*. Duo etiam hujus rei exempla mihi olim retulit Brunſvigæ D. D. *Laur. Giſeler*, Phyf. ibid. Ordin. Curioſ. *Hippocrat. 1.* Amicus & Collega, dum viveret, fideliffimus, præter id, quod habet in *Eph. noſtr. Cur. Ann. 1. Obſerv. 148.* Adde, ſi placet, obſerv. *Iſibordi ab Amelunxen de Eufemia* in *Breviar. rer. memorabil. nuper Norinbergæ à me edito.*

XLVII.

*Stupenda vis veneni buſonii.*

**C**ommunicavit nuper mecum D. D. *Joh. Adam. Zapff* / Ar- Stupenda vis veneni buſonii. chiater olim Saxo-Meyningenſis, nunc Med. Vinar. Amicus honorandus, caſum rariorem, quem ſi ocyùs obtinuiffem, utique ſchediaſmati meo de *Buſone* commodè innecti potuiſſet. Nunc igitur, A. L. accipe.

Thuringus quidam in ſylvam aliquando excuſſurus, offendit in agro inuſitatæ magnitudinis *buſonem*, quem lapide petens, eundem à corpore beſtiolæ reſilientem, & jam (ut faſſus eſt) venenò ejus madidum, eâdem reaſſumſit manu, jaſtu repetitò. Succedit inflammatio dextræ valdè dolorifica, effloſcentibus in ea puſtulis veſicisq; viridibus, lutei planè ichoris plenis. Mox tota manus cum dimidio brachio immenſum intumeſcens, ad XIV. dies horrendos peperit cruciatus. Adeò difficulter hoc virus expelli poterat. Alterò, imò tertiò annò,



circa idem tempus, quo cum *bufone* duellum habuerat, malum cum omnibus symptomatibus recrudit, Dei tamen gratiâ, & expertâ Medici manu faustè profligatum. Quartô annô idem metuens bonus Thyrigeta, consuluit laudatum D. D. *Zapfium*, qui catè respondit: Subesse adhuc fermentum aliquod venenatum, radicaliter eliminandum. Commodè huic tunc incidebat historia Principis cujusdam, qui, arreptâ forsân ex errore *viperâ*, (rens, vulgarem esse serpentem, quos aliàs captare erat solitus,) *eine Kupfer-Schlange* / seu diptas quæ dicitur, & quatuor in ore habet dentes caninos, seu hamulos, in digito abs eadem morsus est. Subitò intumuit totum brachium planè jam fuscum, & verberibus quasi, seu lineis, rubicundis pictum, vel distinctum, cum immensâ siti, & crebriori, eâque maximè terribili, syncope, omnibus bezoardicis frustra in auxilium vocatis. Tandem de ipsius, quæ momorderat, viperæ, in ollam conjectæ & calcinatæ, pulv. (quantum cultri cuspis capere poterat,) internè ei datum. Reliquus cinis, vinô superinfusô, paululum ebulliit, dequè hoc ægrotus calidè bibebat, subsecuto largissimo & foetidissimo sudore, lodices & linteamina *croceo* quodam colore tingente, cessantibus deliquiis, siti, aliisque symptomatibus, & Principe tandem feliciter restituto. Hanc historiam *Zapfius* noster ruminans, similiter tres *bufones* calcinavit, & Thuringo suo per triduum sequentem pulv. bezoard. propinavit.

℞. Rad. anthor.

contrayerv. āā gr. vj.

Off. *bufon.* ad gryf. color. calcin.

Spin. viper. ad nigred. calcin. āā gr. xij.

bez. Solis gr. v.

lap. bez. or. gr. iij. M. S. *Schwitz-Pulver auf einmal.*

Instante nunc tempore, quô malum istud *bufonium* olim recrudescere sueverat, nihil omninò sensit ille, præter intolerabilem dextræ pruriturum. Quintô annô, sumtis antè duabus dosibus  
pulveris

pulveris jamdicti, nullam prorsus sensit molestiam, bellè postea valens.

Sicubi virus, ibi etiam Virtus. Sanè in sævissima ista peste, quæ XX. abhinc annis, & quod ultrà labitur, totam vastabat *Angliam*, nil magis profuit, quàm sequens pulvis, cujus descriptionem idem *Zapfius* ab Amico quodam Anglo bonâ fide accepit, ego verò, ob salutem publicam, ultrò communicabo.

Rx. Flor. sulphuris 3ß.

lact. sulphuris 3ij.

sulph. antimonii aurat. 3ij.

*bufon. ad color. ciner. calcin.* 3iij.

(vel eor. loco Sal. fix. *bufon.* (ne terreat te, quæso, dosis,) 3ij.)

CC. philos. calcin. 3vj.

corall. rub.

terr. lemn.

figill. āā 3iß.

ambr. gryf. 3j.

Rad. zedoar.

Zingib albiss. āā 3iß.

Ol. cinam. 3j.

Sal. succin. volatil. 3ij.

M. F. l. a. pulv. S. in Vitro.

# XLVIII.

## *Mutitas à febre ardente sublata.*

**C**anutus Olsen/ Norvvagus, adolescens XVI. annorum, val-  
dè phlegmaticus, ideoque catarrhis subinde obnoxius, ab ipsa infantia *Sermonis usu* destitutus, incidit tandem in *febrem ardentem*, quâ, copiosâ humiditate & phlegmate circa vocis instrumenta fortè tenaciter impacto, tandem exustô & consumtô, organisque vocalibus ad munus suum aptioribus redditis, subitò, indistinctè licèt, fari cœpit, promptè postea & expeditè, ut bonâ fide mihi retulit *D. Ambros. Rhodius*, Med. & Mathemat.  
in signis,

Mutitas à febre ardente sublata.



insignis, inque Gymnasio Christianæo apud Norvvagos Prof. Reginus, Amicus, dum viveret, exoptatissimus. Sic *Ægles*, Samius athleta murus, cum ei victoriæ, quam adeptus erat, titulus & præmium eriperetur, indignatione accensus *vocalis* evasit. *Val. Max. L. 1. c. 8. ext. num. 4.* Adde *Cræsi* filium apud eundem *L. 5. c. 4. ext. num. 6.* Conf. *Vol. 1. Act. Med. Hafn. observ. 71.* De muto à percussione curato vid. *D. Desgrands Prez. Med. Gratiopolitan. in obs. Riverio communicat. num. 2.* Tantum aliquando valet sola animi Vehemens incitatio, quâ calor naturalis, à frigida humiditate obrutus, accenditur & ventilatur, ut, spiritibus fervidioribus factis, sicque nervis roboratis, crassisque humoribus conflagratis, vel absumtis, claustra & impedimenta vocis solvantur & rumpantur.

## XLIX.

*Vacca pulchrè monstrosa.*

Vacca pul-  
chrè mon-  
strosa.

**V**Idit parens meus *Francofurti* ad *Mœnum* *vaccam ruffam*, in qua singularia hæc cum stupore annotavit: (I) Tota eleganter *ruffa* erat, exceptâ fronte, & benè conformata, *caudam* verò habebat *equinam*, *albam* & *crispulam*. (II) Ubra VI. singula *atris niveisq. maculis* perbellè distincta. (III) In alba fronte *subflavam crucem*. (IV) Cornua *caprinis* ferè similia, ut ex annexa figura venustiùs videbis.

Fig. III.

## L.

*Quartana ventriculo suillo citò tutòq. curata.*

Quartana  
Ventriculò  
suillò citò  
tutòque  
curata.

**H**Enning. *Reinschmied* quo de suprâ, ingenuè mihi fassus est, se aliquando à *quartana* ad tantam pervenisse maciem, ut vix pedibus amplius insistere quivisset, appetitu adeò prostratò, ut non perferre potuerit odorem ciborum coctorum, sine aliquali *lipothymia*. Tandem mirâ dulcedine, & suavissimò odore, *tofti ventriculi suilli*, in ædibus Vicini, captus, tribus anteparoxysmum horis, integrum eum, ex liberalitate hospitis,

Fig: 3. p. 32. app:



Fig: 8. p. 55. app:







tis, avidissimè voravit, febris ab illa hora, usque ad excessum penitus cessante. Sic ab *ostreis comestis* phthisica ferè deplorata paucos intra dies sanata, nupsit postea, & peperit feliciter ac frequenter. *Lindan. Med. Physiol. c. 15. art. §. 33. p. 698.* Adde, *Tulp. L. 2. observ. 8.*

LI.

*Mictio nunquam sine alvi dejectione.*

**V**Entrem haud posse solvi, nisi insimul libertas vesicæ ac Mictio cedat, ex lepida Cl. *Olearii* hist. Persica, ab Excell. *Langio* nunquam allegata in *Miscell. Curios. Med. num. 6.* fusiùs videre est. At u- *Langio* sine alvi rinam sine alvi dejectione non emisisse, singulare quid. *Justus* dejectione. *Casspar. Sichelmann* / indefessus Jurisprudentiæ studiosus, Amicus meus in Belgio, sanctè mihi affirmabat, se nunquam ab ipsa pueritia, imò infantia, minxisse, nisi simul alvum deposuisset; & ipsemet ego hujus rei testem me sisto. Quoties enim vesica erat levanda, toties quoque quærebat secessum.

LII.

*Vermes in sura Infantis.*

**P**uella *Beverensis*, annorum forte IIX. coeperat claudicare, Vermes in tumore in sura, cum inflammatione levi, prominente. Suc- sura Infantis. cessere dolores aliquando terribiles, cum crebris convulsionibus, & extrema macie. Morbus credebatur à Veneficio indutus. Tandem verò rumpitur abscessus, ex quo multi *Vermiculi nigri, scarabæis*, seu cervis volantibus, haud absimiles, prorepserunt. Confer, si vacat & placet quæ in *Cynograph. nostr. Sect. 4. c. 6. §. 3.* diximus.

LIII.

*Papilla dextræ mammae nigra & crinita.*

**R**ustica mulier monstravit Cortnummio nostro mammam Papilla dextram benè conformatam, nisi quòd tota papilla ab ipsa dextræ nativitate nigerrima fuerit, & venustè crinita. Abrasis aliquando crinita. *Dec. II. Annus V.*



do à circumforaneo novaculâ pilis, omnimodam fere *cacitatem* sibi accersivisset, nî docta Medici manus ocyûs obstitisset. Postea maritus in somno ei aliquoties forcipe præciderat, inque eundem lapsa affectum, cum pertinaci *cephalea*. Cùm nihil inde molestiæ unquam sensisset, & bellè aliàs valeret, suspicionem canceri exemit *Cortnummius*. De *Odontalgia* à rasura barbæ *Isib. ab Amlunxen in Brev. rer. memorab. n. 30. & de cacitate* à barbarâ. *Th. Barthol. C. 3. epist. n. 67. p. 275.*

## LIV.

*Pulli gallinacei in Ventriculo & vulva hominis nati.*

Pulli galli-  
nacei in  
Ventriculo  
& vulva  
hominis  
nati.

**V**Idi morionem Principis alicujus, qui, me præsentē, aliquando *integrum & recens*, non coctum, *ovum* unâ cum putaminibus, promptè deglutiit, & hanc artem crebriùs exercuisse dicebatur. Quid verò tandem fit? elapsis aliquot diebus tormina Ventris sentit. Datur ei *infusum tabaci*. Vomit insigniter, ejectò simul *pullò gallinaceo, implumi, & mortuo*, omni tamen numero perfectò. Fortè ovo huic, è nido protracto, jam tunc incubuerat gallina, (erat enim tempus vernale,) ut delineamenta pulli in eo fuerint, quæ demum in Ventriculo consummata, ut tandem, ruptò ovò, animalculum hoc exclusum sit. Virgini *Westphalæ*, è biliosis & mordicantibus mensibus, impetuosius aliquando manantibus, ulcera in pudendo plurima enascebantur, quæ longiùs serpentia cutim maximè erodebant, cum perpetuo pruritu. Jussu vetulæ, totam vulvam obtegit emplastrò *de lapide calaminari*, quod ulcuscula quidem exsiccavit, sed labia pudendi simul conglutinari cœpit. Puellâ, ejusdem anûs consiliò, dilatatis genitalibus recens *ovum gallinaceum*, linteolo involutum, diu noctuque aliquot septimanis indidit, & ita, ob vitam, quam agebat, sedentariam, continuò in ventre gestavit. Tandem *mollius* deprêndit *ovum*, ut rupturam metueret. Promit, & ecce rimulam in eo, mox *pipientem* manifestè audit *pullum*. Quæ novitate rei perterrita statim surgit, foetum suum in sterquilinium abjectura. Detenta autem à socia sua, fortiùs dum premeret, *absolutus* prorepsit

*pullus*

*pullus gallinaceus.* Sic *Livia* Imperatrix fertur *ovum* tamdiu gremio fovisse, donec ex eo foetus exclusus. De *ovis à cane* in Thuringia, & *fele* in Westfalia exclusis vid. *Cynogr. mea Curios. Sect. 2. Membr. 3. c. 2. & Brev. rer. memorab. Isib. ab Amlunxen num. 21.* Imò de *ovis crocodili & serpentum*, sine ullo incubatu, à calore tantùm solari & fornacis, tandem ruptis, & animalcula effusis vid. *D. D. Borrich. tr. de Hermet. Ægypt. sapient. c. 10. p. 270. & nos infra num. 71.* Adde sis *Cass. Schott. in Append. ad l. 12. Phys. Curios. c. 6. p. 1377.*

LV.

*Ascites solâ potûs abstinentiâ perfectè curata.*

**C***Æcilia*, Jacobi filia, *Ringstadii* in Danorum Insula *Seelandia*, confirmatâ *ascite* miserè & diu laborans, ab omni medicamentorum usu abhorrens, suâsu *Cortnummianô*, per quinque septimanas ferè omnia averfabatur *liquida*, & optimè restituebatur sibi. Simile exemplum consignavit *Hildan. C. 4. obs. 41.*

Ascites solâ potûs abstinentiâ perfectè curata.

LVI.

*Pisciculus vivus cum urina excretus.*

**D**E variis insolitis *Vermibus*, *dracone alato*, animalculo *pica* simili, *scorpio* &c. unâ cum urina excretis lege *Schenck. L. 3. obs. 33. Sect. post. & alios.* *Hermanni Schmalzens* uxor, *Margaretha Maria*, emerata aliquando *Hamburgi* minutissimos istos pisciculos, quos in patria *Gründling & Erisen* vocamus. Dumque pecuniam numeraret, ollam, in quam conjecerat ferculum suum, unâ cum infante puella, in terram deponit. Pusio arripit unum valdè exiguum in aqua salientem, ori que admove, qui ultrò per gulam descendit. Alterò die patitur aliqualem urinæ difficultatem, quâ tandem excretâ, simul *pisciculus* heri devoratus, *vivus* adhuc, elapsus est.

Pisciculus vivus cum urina excretus.



## LVII.

*Stercoris humani usus in dysenteria.*

Stercoris  
humani  
usus in dy-  
senteria.

**D**E usu *stercoris humani* in re Medica latè *Becker. L. 1. Med. Microcosm. c. 10. p. 62. seq.* in cancro ulcerato *D. Gifeler, Phys. Brunsvicens. Ann. 2. Eph. Germ. Curios. obs. 148.* in peste *River. obs. à Formio communicat. num. 38. p. 364.* aliisque venenis *Zac. Lusit. L. 3. obs. 89.* Rusticus ad Visurgim à grassante *dysenteria* suos præservaturus, *anserinam* in butyro tostam cum pane butyraceo aliquot diebus dedit, pro potu autem ordinario decoct. *fl. acac. sylv.* Interim filiolus sui sexennis *feces* *κᾶτω* rejectas studiosè collegit, easque in Sole exsiccatas in pulverem redegit, quo de manè seròque singulis (in sciiis tamen) in jussulo propinavit 3ij. Quò remediò, expulsis antea humoribus corruptis, omnes, & plures alios in vicinia, servavit. Rogatus à me, unde hauserit secretum hoc? à Sene quodam Venatore Westphalo respondit.

## LVIII.

*Quartana levissimis remediis feliciter curata.*

Quartana  
levissimis  
remediis  
feliciter  
curata.

**N**Unquam me puduit, consiliò *Bartholiniano*, etiam ab *aniculis* & *barbitonsoribus* viliora experimenta expiscari, modo probata & sæpè cum successu usurpata sint; Miles præsidii *Guelferbytani* à *quartana* totus emaciat, ut vix ossibus amplius hæreret, accipit à vetula haustulum, quem ante paroxysmum intrepidè exhaurit, inque lectum se conjicit, ut præstoletur sudorem. Incidit in somnum: & ecce! febris miraculi instar cessat. Dedit istud poculum aliis *quartanariis*, nunquam sine successu. Præmiò tandem oblatò, secretum suum mihi revelavit. Erat cochlear. i. recent. *stercor. canin. masculin.* in vino, aut spiritu ejus dilutum. Ipsemet volentibus aliquot plebejis, quæis dixeram, concessi, & næ! in integrum restituti sunt. *D. Godofredus Blankenberg.* Ecclesiastes *Guelferbytanus* religiosissimus, Amicus conjunctissimus, pro se & familia sua pararat acetum quoddam alexipharmacum ex *salv. card. bened.*

cent.

cent. min. scord. angelic. bacc. junip. & aliis simplicibus, quod de  
cùm honestissima Virgo, ultra IX. ferè menses *quartana*, u-  
num alterumve cochlear sumsisset, ab illa hora ab omni insultu  
febrili immunis vixit, ut ex ore ejus habeo. Dedit *Blancken-*  
*bergius* meus idem acetum aliis pauperculis in eodem affectu,  
optimo cum eventu, quod certò scio. Adolescens XVII. anno-  
rum, à *quartana* diu cruciatus, sumit tandem ante accessionem  
*Spirit. vin. rhen. adust.* cum *acet. vin. rhen. aa p. equ.* & subito  
faustèque liberatur. *Henrici Diterici*, Civis *Guelferbyt.* filius  
X. annorum, post quintum paroxysmum, ipsò accessionis die,  
obtinet à me jusculum, cui pulv. ex crem. Tart. Rad. Jalapp. &c.  
inspersus erat. Quò sumtò, largiter, citra molestiam tamen,  
evacuatus, febri còpse die penitus cessante.

LIX.

*Pilula integra, aegrò restitutò, rejecta.*

**D**Edi olim Religioso Viro *pilulas* auro obductas, quas verò *Pilula in-*  
alterà statim horà omnes singulasque, integras, & adhuc *tegra, æ-*  
elegantèr *inauratas*, *νατω* rejecit, subsequente tamen largà eva- *grò resti-*  
cuatione, à qua optimè convaluit. Similem historiam recen- *tutò, re-*  
set *Cl. Binninger C. 4. obs. 10.* *jecta.*

LX.

*Phtiriasis.*

**P**Uella rustica contra *ictèrum flavum*, consiliò matris, ute- *Phtiriasis.*  
batur *pediculis vivis*, quos in capite suo captos, & cerà vir-  
gineà obvolutos securè devorabat. Verùm bestiolæ in corpo-  
re sese multiplicantes perniciosam peperère *phtiriasin*, à qua æ-  
grè redimi poterat puella.

LXI.

*Scarabæi & Cochleæ ἀνὰ καὶ νατω rejecti.*

**D**N. D. David Kellner | Archiater Saxo-Rômhildensis, nunc *Scarabæi*  
Practicus Gothanus, Vir meliori fatò dignus, Amicus *& Cochleæ*  
e 3 *ἀνὰ καὶ*  
meus



nato re-  
jecti.

meus sincerus, An. 1667. in Illustri Acad. Julia vidit adolescen-  
tem rusticum XXI. ferè annorum, de *lancinatione & rofione cor-*  
*dis* molestè & constanter conquerentem. Physicus urbis or-  
dinarius *Lt. Rosse* dedit ei purgans ex gummi gutt. &c. quod *aro-*  
*ngi nato* multos *scarabæos*, tam vivos, quàm mortuos, ex fusco ni-  
gricantes, hujus magnitudinis, ut vides, expulit. Idem ami-  
cissimus *Kellnerus*, Vir antiquâ fide, *Römhöldia* habuit feminam  
curæ suæ commissam, quam omnes cum eo hætenus pro *hy-*  
*dropica* habuerant, selectis hunc in finem remediis, frustra licet,  
adhibitis. Tandem spontè excrevit per alvum, unâ cum ex-  
crementis, multas *cochleas molliores*, easque minores, quales in  
*foliis brassicæ* deprehendimus. Sed alterò die decessit. Puta-  
bant alii, esse morbum à fascino inductum, quod ipsa fastâ est  
vetula quædam torturæ subjecta.

Fig. IV. p. 33

LXII.

*Usus aranearum internus in tertiana.*

Usus ara-  
nearum in-  
ternus in  
tertiana.

**G**enerosissimus Dominus *Johannes à Bibra*, Hæreditarius in  
*Girmelshausen*, Ord. Equestris in *Röhn & Werra* Præfectus  
quondam, tunc Consiliar. intimus Saxo-Römhildensis, Au-  
læque & Cameræ Director, &c. bonâ fide retulit *Kellnero* jam  
laudato, famulo Patruelis sui tertianâ, ultra IX. menses, mi-  
serrimè excruciato & emaciato, omnibus incalsùm adhibitis,  
tandem, consiliò Apellæ, duas tresve *araneas* justæ magnitudi-  
nis, cum pane butyraceo, in sciò tamen ægrò, datas fuisse, mox  
jusculum calidum & pingue. Quò sumtò, ad sudorem com-  
positus ille, exque voto in integrum restitutus. Multoties post-  
ea hoc *antifebrile*, in nobilibus æquè ac plebejis, fausto cum  
successu usurpatum, Idem asseruit Generosissimus Dominus.

LXIII.

*Abscessus in gibbo erucis plenus.*

Abscessus  
in gibbo

**D**E puellæ gibbosæ *abscessu*, pediculis referto, notabilem  
narrat historiam *Forest. l. 8. obs. 15. in Schol. & ex eo Schenck.*

l. 5.

*l. 5. obs. 47.* Jul. Alb. Rossmüllers/ Not. Cæs. Publ. filiulus novennis monstrosè *gibbosus* diu in dorso *vagum dolorificum* senserat *pruritus*, supervenientibus tandem vigiliis continuis, etiam aliquando convulsionibus epilepticis. Tumor indies crescens, emplastrò emolliente à Chirurgo superimpositò, pauciores & leviores exclusit cruciatus. Apertus denique ferrò aliquot evomuit *erucas planè virides*, puerò adhuc valente.

LXIV.

*Febris menstrua & hebdomadaria.*

**P** Arens meus, anno ætatis suæ XXIX singulis mensibus, (à Febris Menſe Martio usque in Septemb.) & quidem in *novilunio*, menstrua febre corripiebatur, unum saltem diem durante. Confer sis *Schenck. l. 6. obs. 64.* Alium novi, qui singulis septimanis, ipsò die Veneris, manè circa *tertiam & quartam*, insultum toleravit febrilem ultrà duos menses.

LXV.

*Sanguis piceus.*

**T** Estatur Galenus *Comm. 3. Epid. 6. text. 29. p. 675. T. 3. se ex-* Sanguis tenuatissimæ mulierculæ, post octo mensium menstruo- piceus. rum suppressionem, venam curâsse secandam, cui ex rescisso vasculo *liquida piceis instar*, & colore & crassitie similis, emanârit sanguis. Cortnummius meus quondam *Lammershage* in Holſatia Johannis *Roche* / Nobilissimi Domini *Bartrami Neuentlow* Hortulani, sanguinem V. S. emissum *planè atrum*, & *verè piceum* quoque *deprêndit*, egoque nuper in consummata *hypochondriaca* eundem notavi. Talis autem fit, *judiciò Lindenii*, ardore non subitò, sed *paulatim* depascente, quicquid est chymosi in massa. *Piceus*, inſit, *non fit nisi cum igne urituro occultò quasi cineris dolosi*. Tunc verò *nigrorem* concipit ex *ustione biliosi*, lentorem verò *exſiccatione fibrosi*, quod est in sanguine. Vid. *Select. ejus Med. & ad ea exercit. in Mantiff. Oeniad. §. 129. & 132.* quod pluribus demonstrat in erudito suo de febr. malign. tract. Candidissimus noster *Paulli*, Magnum Septentrionis decus.

LXVI. Furor



## LXVI.

*Furor uterinus à Vermibus.*

Furor ute-  
rinus à  
Vermibus.

**P**Uella Batava XIX. annorum, *υοσαγα* & fusci coloris, in iram, mox in risum, semper verò in foedos lascivosque sermones maximè soluta, pudenda crebriùs fricabat, sublati vestibus, ultrò sese prostituens, tandem honesto includebatur loco, ubi bene & providè curabatur. Variis autem tentatis, & nihil, seu parùm, proficientibus, menses tandem diu suppressi, operâ medicamentorum, reclusi quàm plurimos *pilosos, versicolores, cornutosq; Vermes, oblongos, crassos & multipedes* simul effudère, *furore sensim declinante.* Dantur porro specifica: expulsi plures, puellâ optimè restitutâ.

## LXVII.

*Tres papillæ triangulares in utraque mamma.*

Tres papil-  
læ triangu-  
lares in  
utraque  
mamma.

**R**ECULIT mihi *Lugduni Batavorum* Excellens Artis nostræ *Can-*  
*didatus, Amicus Sincerissimus, Athanas. Georg. Prækelius,*  
se vidisse in *Scotia* mulierem, in utraque mamma *tres papillas triangulares* (ut ex figura vides,) eleganter distinctas, & lacte plenas, habentem, quæque aliquoties pepererat gemellos. Singulæ quidem papillæ lac fundebant, sed non unò eodemque tempore, verùm *alternatim*, quod notabile. *Mane* siquidem usque ad meridiem *dextra mamma* sufficiens alumnis suis largiebatur alimentum, *post pastum* verò usque ad crepusculum *sinistra.* Licet enim horis antemeridianis è sinistra, vel contrâ, aliquid elicere vellet, præter exstillantem *aqueam humiditatem* vix vidisset aliud; quod singulare divinæ Naturæ miraculum sanè est.

Fig. V.

## LXVIII.


*Pleuritis Verminosa.*

Pleuritis  
verminosa.

**R**ULSTICUS *Immendorfsensis*, verâ *pleuritide* decumbens, ut alii à me curatur, adhibitis tam internis quàm externis remediis,







diis, morbo interim aucto. Oritur suspicio de *vermibus* in corpore nidulantibus, qui malignos acresque suos vapores sursum exhalantes, virulentâ suâ acrimoniâ pleuram inflammant, aliâque parturiunt mala. Do igitur pulverem ipsis inimicum. Expulsi varii, rustico altero die in ædibus hilariter ambulante. Sic scribit *Gesner. l. 2. epistol. scarabæi* genus omne *cornutum* per alvum excretum fuisse à *pleuritica* anu.

LXIX.

*Mensium suppressio à sternutatione reserata.*

**F**EMINA xxxv. annorum ultra quatuor menses fluxum suum Mensium suppressio à sternutatione reserata. habuerat suppressum, vagâ subinde *cephalalgia* & *odontalgia* miserè excruciatâ. Aliquando *caryophylla*, *cinamom.* & *nuc. mosch.* simul in usum culinarem in mortario tundit, quorum rata aromatum fragrantia ultra *sexagies* sternutavit, eôse die fluxu Lunari ex voto manante.

LXX.

*Menses ex lava papilla fluentes.*

**P**UELLA xviii. annorû singulis *noviluniis* tumorè *lava* mammillæ, cum levi inflammatione, omnis doloris tamen exper- Menses ex lava papilla fluentes. te, sentiebat, sanguine postea, *fonticuli* instar, ad *biduū* plerunq; è *sinistra* papilla scaturiente. Aliquando, rariùs tamen, ob crassitiem, à diætâ contractam, lentiùs exstillabat, semper tamen eleganter *rubicundus*, & quem solâ, eâque leviori, mammæ compressione facilè & feliciter emulgebat, bellè aliàs valens. Paulò ante nuptias, ipsâ menstruata tunc, à Matre ad *Cortnummum* adducta, præsentè eâ, elegans Naturæ miraculum ostendit. Re verò habitâ cum marito, menses nunc ordinariè & naturaliter fluunt. Non simpliciter igitur verus *Coiaph. 40. lib. 5.*

LXXI.

*Ova Serpentum sine ullo incubatu exclusa.*

**I**NVENERAT vernò tempore rusticus *Westfalus* ova serpentum, Ova Serpentum sine ullo incubatu exclusa. quæ, tanquam rem novam, conjugî suæ monstraturus, do-  
Dec. II. Annus V. f mum



cubatu ex-  
clusa.

mum portat, visaque in vitrum retrò fornacem reponit. Cumque aura adhuc aspera spiraret, ipsaque rustici conjunx puerpera tunc esset, diu noctuque Vulcano suum dabatur pabulum. Omnibus tandem à continuo calore in vitro ruptis, prorepserunt *serpentuli*, qui hinc inde se moventes cum vitro in pavimentum deciderunt, mirosque fecere gyros, quos verò, ceu ingratos hospites, ocyùs oppressit colonus, poenitens, se tamdiu *angues* fovisse in sinu. Adde Autores, quos citavimus in fine *observat.* 54.

## LXXII.

*Totus penis cum testiculis à cane morfu ablatu.*

Totus pe-  
nis cum  
testiculis  
à cane  
morfu ab-  
latus.

**M**agna canis rustici catulos suos ad fornacem lactans, permingitur cum ipsis à puella vix trienni. Insurgit rabida bestia, *totumq; membrum* pueri, unà cum *testiculis*, unico morfu aufert; Ipse tamen puer aptis remediis servabatur, ut Parens meus *αυτόπτης* consignavit. Similem fere historiam narrat ex *Horstio D. Mæbius in Fund. Medic. Physiol. c. 19. p. 250.*

## LXXIII.

*Integra hepatis particula per os & alvum rejecta.*

Integra  
hepatis  
particulæ  
per os &  
alvum re-  
jecta.

**A**mbrosius Bierwirth de doloribus *sinistri hypochondrii*, & æstu quasi inflammatorio, cum tussi sicca, diu conquestus erat, subsequente extremâ macie & summâ virium imbecillitate. Alii pro *phthisico*, alii pro *splenetico*, sed frustra, hætenus habuerant. Vocatus *Kellærus* noster ratus primò, subesse apostema, ad extinguendum æstum, dedit pulv. ex *hepat. rub. Dresdens.* & *nitr. antimonial.* confectum cum jusculo, eòpse die sumendum. A meridie *αυτο καὶ νῦν* rejecit multa *fusca* frustula, (*wie ein Lungen-Krus aussehende*) auctò æstu, cum languore virium, ac tussi cum stertore. Dedit Medicus porrò pectoralia cum antifebrilibus mixta, à quibus istò die ad vesperam usque bellè quievit, & melius habuit, ut omninò convaluisse sibi videretur. Finitâ coenâ suborti demum dolores & anxietates



Fig: 7.



Fig: 6.







tates cum vomitu viscidæ pituitæ, mox sequebatur purpureus cruor & tandem integra hepatis particula excretæ, unâ cum filamentis suis, multâ nodosâ & albicante materia inspersâ distincta, (Fig. VI. Lit. A) noduloq; purulento exsiccato, magnitudine ovi columbini, colorem vitelli ovi indurati representare, cum exiguis venulis intertextis, (Lit. B) dolore in sinistro hypochondrio cessante. Hujusmodi excretio sanguinis frustulorumq; hepatis per os & alvum intra octiduum quater repetita, non sine variis gravissimisque symptomatibus. Datæ porro, unâ cum confortantibus variæ potiones vulnerariæ, & remedia balsamica, nec sine aliquali successu, licet mirabilia symptomata crebrius supervenerint. Mense exacto, cum jamjam in portu navigare videretur, magna abdominis inflatio cum insigni duritie orta, quam verò *Essent. carminat. D. Mich. cum. Spir. nitr. dulc. extract.* feliciter pepulit. Tandem accessit tumor pedum & abdominis, sequente mox perfecto hydrope. Adhibita quidem methodicè generosa remedia. At semel calcanda erat via lethi. Lis inde nata: utrum rejecta materia hepatis particula, seu sanguis coagulatus, seu frustula pulmonis, fuerint? Verum, apertò cadavere à Johanne Scheiben / Chirurgo Gothano, Idem Kellnerus hepar multis inspersis hujusmodi duris, & partim lapideis, albicantibus nodulis, (fast wie Schweins Finnen) tam internè, quàm externè, (Lit. A & B Fig. VII.) refertum vidit, quales etiam in materia rejecta notaverat. Vesica fellea (Lit. C) inusitata erat magnitudinis, densiori quâdam materiâ, succi instar inspissati, ex atro viridi repleta. Intestina cum ventriculo gracilia & pellucida, membranæ instar. Per quas autem vias excretæ particula hepatis in & per ventriculum descenderint, investigari haud potuit. Tam artificiosè labia vulneris, seu aperturæ in Ventriculo, à Natura erant occlusæ, & hepar in parte laxa (Lit. B) subtili quadam membranulâ erat obductum. Cetera viscera, cor, pulmones, renes, integra quidem erant, sed admodum gracilia & flaccida, præter lienem, qui valdè crassus, ater & tenacissimâ tunicâ, seu membranâ, vestitus erat. Cetera



tera silentio involvimus. Sufficiat probâsse, rejecta corpuscula *hepatis*, non alterius visceris, seu congrumati sanguinis, frustula fuisse, & consequenter: integras visceris alicujus particulas ἀνὰ καὶ κατὰ rejici posse. Quod ut certius credas, ecce! aliam *Kellnerianam* observationem, asteriscô dignam. Vidua Dn. *Wenckii*, Poligraphi Gothani, quæ adhuc mortales inter ambulat, sub *hypochondrio dextro* sensit dolorem primò obtusum, mox acutiorem, tandem acutissimum, cum insigni corporis æstu, viriumque languore. Sequitur vomitus *sanguineo-purulentus*, denique *integræ hepatis particula*, unâ cum venulis suis, quas oculis suis vidit & manibus suis palpavit Dn. *Lt. Rosé*, Phys. tunc Gothæ ordinarius. Successere bini vomitus cruenti simplices. Ipsa demum feliciter restituta, ultra XXVI. annos in hunc usque diem ἐπιδοῦσα vivit. Similem ferè casum Idem notavit laudatissimus *Kellnerus* An. 1672. *Mosbachii* in Ducatu *Isnacensi*, ubi Pastor loci, Dn. *Joh. Andr. Müller* / civis meus, *ascite* cum *ictero* laborans, proximâ ante excessum nocte, ipsam *hepatis substantiam* evomit. Dixerim cum Cl. *Mæbio* in *fund. Med. Physiol.* c. 14. p. 348. *Natura in statu p. n. ab interitu se liberatura sæpè mirabiles quarit vias, ac meatus, & abutitur viis ordinariis.* Sic *Salmuth* C. 1. obs. abscessum *jecoris*, cum *particulis parenchymatis* corruptis, per *alvum*, & *vomitum*, in aliis per *urinam*, sed morte subsequente, vidit.

Fig. VI. & VII. p. 42

LXXIV.

### *Variola in Senio.*

Variolæ in  
senio.

**C**Ivis quidam honestus J. L. annum agens LXI. filiolum triennem *variolis* tunc decumbentem, matre absente, reponit in lectum suum, exquæ amore paterno dormituram pectori propius admovet. Paucis inde diebus in toto isto latere, cui accubuerat puella, *fæda effloruere variola*. Vocatus in auxilium alexipharmacô reliquas expulsi, ægrô in integrum restitutô.

LXXV.

## LXXV.

*Sternutatio in Duxonia saluberrima.*

**D**Ocet hoc *Cous V. aph. 35. & l. 2. Epid. S. 5. t. 43.* Πραμὸς siquidem partum movet, quatit, & provocat. Compressis enim magna vi musculis epigastrii, & spiritu à superis ad inferna violentiùs depulsò, facilius foetus excluditur, quod insigni observatione confirmat Incomparabilis Artis nostræ Stator *Harveus Exercit. de Partu p. 367.* quæ aureò asteriscò meretur notari. Ego aliquando ad pauperculam gregarii militis conjugem, in summa *Duxonia* constitutam, propter Deum vocatus, cui, cum omnia vulgaria remedia spem nostram eluderent, & cariora res angusta domi invideret, subitò *ptarmicum* dedi, quò nari-  
bus attractò, crebriores promotæ sunt sternutationes. Ipsa quidem in animi deliquium lapsa, infantem tamen peperit vegetum & sanum. Et hòc exclusò, facilè ad se rediit.

Sternuta-  
tio in  
*Duxonia*  
saluberrima.

## LXXVI.

*Falsæ ingravitationis methodica curatio.*

**N**E nescias, Amice Lector, quondam inter me, aliosque, *Falsæ ingravitationis methodica curatio.* at longè seniores, celebriores, & Excellentiores Medicos ortam esse litem de Illustri Matrona (*falsâ*) *ingravitatione* laborante. Hi, *oculatissimi* aliàs & *Exercitatissimi*, eam verè gravidam pronunciabant, idque credebant omnes, quotquot nòrant, aut viderant feminam, me solùm modestè contradicente. Motus sentiebatur in utero è dextro in sinistrum latus, & contrà; lac in mammis manifestum, tumor ventris ordinarius. Summa: cuncta apparenter vera. Decimò tandem mense, manente nihilominus obscurò quòdam morù in utero, se videbat deceptam, licèt Venter interdum ele-  
varetur, mox deprimeretur. Suspicio mihi suborta de *inflatione uteri*, datus ergo per aliquot dies *Syrup. de artemis.* Fernel. Sextò demum purgata crem. tart. diagr. acuat. Repeti-



tus iterum Syrup. cum pulv. per totidem dies. Tunc ad ipsum  
uterum remedia directa, & primùm quidem *peffaria*.

℞ Spec. hier. picr.  
ben. laxat. āā ʒj.  
Pulp. colocynth.  
Asar. troch. āā ʒʒ.  
Spic. nard.  
Sem. nigell. rom.  
Salv.  
f. Sabin. āā ʒj.

incorporent. cum melle anthos. & f. pessar. inclus.  
Panno serico Num. X.

Unò hor. XI. vespertinâ applicato, & post septem horas remo-  
tò, *crocea* quædam *colluvies* indusium hinc inde tinxit. Ideo-  
que in hoc deducta est balneum.

R Rad. helen.  
arist.  
levist.  
pimpinell. āā ʒiv.

Fol. artemis.  
origan.  
meliss. āā Miiij.  
beton.  
majoran.  
menth.  
Salv. āā Mij.  
bacc. junip.  
laur. āā ʒj.  
coq. pro semicup.

In quo omni vespere sedit umbilico tenus per horam. In exitu  
lectum repetiit, injectis ʒiij. hujus clyst. in uterum.

℞ Fol.

℞ Fol. absinth.

salv.

artemis.

branc. ursin.

rut. āā Miß.

Sp. hier. picr.

agar. albiss.

troch. de myrrh. āā 3ß.

Zingib.

myrrh. el. āā 3j.

coq. in vin. alb. & aq. font. āā lbiß. ad lbiij.

in Colat. dissolv.

elect. diacathol. 3ij. f. clyst.

Quò etiam interdum utebatur mane. Quoties autem *clystma* rejectum, aut *peffarium* remotum, simul *grandis vesica* explosa est, *flatusq; cum murmure & sibilo* erumpentes. Propter supinum decubitum, ob clysteris usum, sensit *cephalalgiam*, quæ seq. *oxyrrhodino* feliciter sedata

℞ Aq. spermat. ran. 3iv.

ros. 3ij.

ol. cham.

acet. ros. āā 3ß.

camph. gr. ij.

Camph. teratur cum ol. chamom. M. applic. fronti colloque. Interea temporis ad dies aliquot pausam fecimus. Tum, repetitis suprà enarratis remediis, & mensibus jam instantibus, quievimus. Interim à purgatione aut clystere semper *vesica*, aut *materia purulenta* rejecta. Semicupium suprà dictum in infessum mutatum, retentis iisdem speciebus. Sudavit egregiè; madore abstersò, repetiit lectum, hunq; sacculum per hor. calid. retinuit.

℞ Sum-



℞ Summit. artemis.  
menth. āā Mij.  
meliss.  
origan.  
saturei āā Mj.

bacc. laur.  
junip. āā 3ij.  
fl. salv. P. ij.  
sem. carv.  
foenic. āā 3℥.

F. saccul. in vino calefaciend.

Interdum mane 3ij. hujus *vini* sumsit.

℞ H. absinth. vulg. Mj.  
fol. card. bened.  
hyssop.  
salv. āā M℥.  
fenn. alex. 3j.  
soldanell. 3℥.

rhab. opt.

agar. alb.

cinam.

zingib. āā 3j.

f. sacculus in f. q. vin. rhen. suspendendus.

*Vesica* interim & *materia limosa* non amplius apparebant. Post  
menstruam purgationem *hoc clyst.* uterum roboravimus.

℞ Rad. arist. rot. 3℥.  
lign. aloës 3ij.  
nuc. cupress.  
Rad. cyperi āā 3ij.  
cal. aromat. 3j.  
fol. dict. cret.  
saturei.  
myrt. āā Mj.  
salv. P. j.

Myrrh.

Myrrh. el.  
styr. calam.  
benzoin. āā ʒiij.

Fl. anth.

major.

stæch. arab. āā R. j.

coq. in sp. vin. alb. generos.

In colat. ʃiij. dissolv. troch. dealipt. mosch. ʒij.

ambr. grys.

mosch. āā gr. vij.

Zibeth. gr. v.

F. injectio in uterum singulis vicibus ʒiij.

Post hujus usum suffumigebatur hoc *suffitū*:

℞ Myrrh. opt.

thur. mascul.

lign. aloës.

styr. calam.

cinam.

caryoph. āā ʒij. F. suffimig.

Deinde regionem uteri tam in antica, quam postica parte in-  
unxit hoc *linimentū*:

℞ Ol cheirin. ʒij.

still. majoran. ʒj.

caryoph.

salv. āā gt. v.

N. mosch. expr. ʒj.

styr. liquid. ʒij.

mosch.

Zibeth. āā gr. vj.

f. c. f. q. cer. Linim.

Superimpositō hōc *Empl.*

℞ Empl. matrical. ʒj.

styr. liquid.

gumm. caran. āā ʒij.

Dec. II. Annus V.

g

gall.



gall. mosch. 3ß.

ol. still. salu.

caryoph. āā gt. vj.

nuc. mosch. expr. 3j.

c. ol. cheir. F. empl. duo,

alterum *rotundum*, alterum *quadratum*, illud *pectini*, hoc *coxae*  
admovendum.

Dum hæc fiebant, quotidie assumebat castan. magnit. de  
*Elect. diasatyr.*

℞ Rad. eryng. cond.

fatyrion. āā 3j.

Zingib. in chin. cond. 3ß.

conf. fl. salu. 3vj.

nucl. pin.

avell.

pist. āā. 3v.

N. mosch. sacch. condit. num. ii.

fem. eruc.

ammeos,

past. sylv. āā 3ij.

Matr. lepor. præp.

raf. ebor. āā 3j.

conf. alcherm. 3iij.

Sp. diamb.

diam. dulc. āā 3iß.

ambr. gr. 3ß.

c. syr. de cond. cort. citr. q. f. f. opiat.

Hauriebat insuper ij. cochl. seq. aquæ contra *sterilitatem*.

℞ Caryoph.

cinam.

cubeb. āā 3j.

galang.

macis.

N. mosch.

N. mosch.  
 piper. long. āā 3j.  
 fl. salv. Mj.  
 sem. amm.  
 fefel.  
 zedoar. āā M̄.  
 gran. junip. 3ij.  
 vin. rhen.  
 aqua meliss. āā q. f.

stent in digestion. vj noct. Tunc destill.

Tandem, cum *Ventriculus* viscidâ adhuc materiâ scateret, Vomitorio è *Sale Vitriol. alb.* feliciter fuit eliminata, in sequente blandâ purgatione κατω. Corroboratus postea stomachus *Sale absinth. pulv. Stomach. Mynsicht. & elect. de bacc. junip.* Sic dimissa, & Viro iterum conjuncta est. πάντα καλῶς. Hæc, volente & petente Generosissima Domina, publicæ luci sistere volui, ob certas, easque satis prægnantes, causas. Tu, mi Lector, qui potes, & vis, CENSE, Sapiens nunquàm me reprehendit, nisi ut instruat.

LXXVII.

*Mentula monstrosa.*

V Idit Parens meus in Diœcesi *Spirensi* Juvenem rusticum, *Mentula* XXVI. annorum, ob summam libidinem, & *mentulam* monstrosa. verè *monstrosam*, valdè famosum. Scrotum ejus nullum; testes intùs latebant: *mentula* duas robusti Viri spithamas longa, & tota villosa, & circa præputium circulò quòdam membranosè latiori munita, è quo pro lubitu prominebat *Pater multarum gentium*, ut nequam partem hanc vocabat.

LXXIII.

*Mictio involuntaria à tussicula.*

H Abebat *Cortnummius* noster, Medicus πολλὰν ἀνίαξις ἄλλων, *Mictio in-* Nobiliss. Matronam, curæ suæ subiectam, quæ etiam à voluntaria tussicula. g 2



*tussicula levissima* irritata, subito minxit. Hinc *pudendo* semper annexam habebat *Vesicam* singulari artificio, ne vel in templo, vel alibi se risui & scâdalo aliorum exponeret. Curata autem feliciter remediô, *oûi deq̃*, in *tract. meo de Salvia* revelando.

## LXXIX.

*Kutubuth, seu Melancholia errabunda.*

Kutubuth.

**N**Omen habet apud Arabes ab *animali*, quod in superficie aquarum stagnantium perpetuò hinc inde curfitat. Hujus rei exemplum notavimus in Saxonia inferiori. Puella siquidem XI. annorum valdè melancholica à die xxvi. Januar. usque ad xxii. Febr. vix horulam in uno eodemque, licet commodissimo, loco aut stare, seu cubare, vel sedere, seu ullô modô quiescere poterat, sed ex hypocausto in *aream*, ex hac in *hortum*, ex hoc in *campum*, in *sylvam*, & iterum in *pagum*, continuò dies noctesque vagabatur, nesciens tamen, quò vaderet, aut ubi fuerit. Quando aura pluviosa, seu *austrina*, erat, magis infestabatur hòc malò, quàm sub *aquilonari*, sicca, & gelida. Tandem Februario ad exodum properante, sensim ad se rediit. Semel tamen aut bis denuò, ipso *Martiô* Mense, recrudit hæc *melancholia*, & circa finem *Octobris*, sed per intervalla tunc, non continuò.

## LXXX.

*Mensium & hæmorrhoidum fluxus alternatim factus.*

Mensium &amp; hæmorrhoidum fluxus alternatim factus.

**U**Xor Gregorii Rautenbachs / militis, annorum XXVIII. intra *Novi- & plenilunium*, tres quatuorve dies *fluxum* habebat *menstruum* ordinariè & satis copiosè. Intra *plenilunium* postea, usque ad *novilunium*, continuò ferè (at non semper) fluxère *hæmorrhoides*, & sic alternatim ad *septimum usq̃ mensem*, viribus adhuc robustis. Lapsa deinde casu in *Visurgim*, ex terrore menses sensit suppressos, fluxû *hæmorrhoidum* verò sequente largiori. Qui tandem sponte suâ, ut dixit, substitit. Simi-

lem.

lem ferè historiam refert ex *Kentmanni* literis *Schenck l. 4. ob-*  
*serv. 273.*

LXXXI.

*Gemelli, canum instar, in utero coherentes.*

**N**obilis femina in *Finmarchia*, notante Excell. D. *Ambros. Rhodio*, Viro cordatissimo, ex superiori hypocausto in culinam descendens, sub scala fortè reperit *canes venaticos à coitu coherentes*. Quò foedò spectaculò perterrita, non destitit quidem, clausis foribus, utrumque baculò tamdiu delumbare, donec sejungerentur. Peperit postea gemellos diversi sexûs mortuos, at *pudendis, canum instar, monstrosè coherentes*. Qui ocyûs & clanculùm tumulatirumorem effugere publicum.

LXXXII.

*Vulva puellæ intus hirsuta.*

**I**dem Subtilissimus & Curiosissimus Medicus ac Mathematicus ingenuè mihi fassus est, se in *Laplandia* vidisse puellam, lepida ac venustam, cujus *vulva verò intus erat pilosa*. Causam coniecit in phantasiam matris, quæ fortè crebrius contrectarat membrum mariti, pilis valdè luxurians, & dormiens digitum intruserat in genitalia sua.

LXXXIII.

*A clystere frigido Mors.*

**E**x *clystere actu calido* injecto mortem notavit *Zac. l. 3. prax. Admir. obs. 141.* ego quæ anno 1667. *Hafniæ* eruditum quendam Virum simili fato extinctum vidi. Ex *frigido* D. *Thom. Bartholinus*, & *Petro, C. 1. hist. 76.* Accersiverat ancilla è pharmacopolio *clysterem* cum vesica, jamjam heræ suæ applicandum. In platea verò ad rivum occurrit fortè miles ebrius. Sistit hæc gradum confabulatura cum eodem. Ille rem sibi insolitam contemplans, projicit in aquam. Puella cum convitiis extrahit,



nectit moras, totique viciniae, more hujus sexûs, facinus nebulonis prolixius narrat. Interim omnis exhalat calor. Domum tandem reversa, Dominæ, in summis doloribus colicis constitutæ applicat, infunditque *frigidum*, rens, ejusdem fore efficaciae, seu rigidus sit, vel tepidus. Eâpsè horâ terribiles insultus *epileptici*, cum notabili augmento tormenti *colici*, superveniunt. Tandem mors miserrima.

## LXXXIV.

*Morbilli verminosi.*

Morbilli  
verminosi.

**D**E *sudore Verminoso* in variolis, raram olim diximus historiam in *Anno 6. Eph. nostr. Curios. obs. 3.* fideliter annotatam, de eodem in morbillis, vid. *Isib. ab Amlunx. Breviar. rer. memorab. num. 4. pag. 12.* Paucis abhinc septimanis pauper-culum puellum, trium ferè annorum, & *morbillis* periculosissimè decumbentem, maximè *verminosum* vidimus. Expulit eos benignissima Natura, Deo sic volente, per *spiracula cutis, uræ*, etiam aliquot per *urinam*, *pusillos* equidem, & *visum* ferè *effugientes*, *vivos* tamen plerunque, seseq; moventes, *coloris nivi*. Et næ! miracula inter, seu singularia divinæ Providentiæ exempla habeo, quòd miserrimus hic pusio tandem convalesceret, adhibitis paucis, & tantum domesticis, remediis. Quàm verè *Plin. l. 22. c. 13. In domesticis*, inquit, *remediis* (i. e. in simplicibus) *apparet Natura*, in *exoticis* (i. e. compositis, aut vulgò jactatis Chymicis) *autem Conjectura sæpè fallax*. Ne mireris igitur, Candide Lector, me adhuc cum Sagacissimo *Langio*, & *Kirchero*, verè *Athanasio*, Fautore meo, dum viveret, Maximo, aliisque modestis *Pathologia animata* Scrutatoribus, sententiam de *Putredine animata* orthodoxè defendere.

## LXXXV.

*Sudor arenosus albißimus.*

Sudor are-  
nosus al-  
bißimus.

**P**Arens meus, Arthriticorum ferè Princeps, aliquoties, deinante affectu, in *sudorem criticum* lapsus verè *tartareum*, qui

qui in indusio, maximè verò digitis pedum manuumque, eleganter *crystallifatus & coagulatus*, ut aliquando, si dolores permitterent, ipse eum cultellò abraderet. Non erat certius Vincētis Naturæ Signum, quod nunquam Eum fefellerat. *Tartarum* verò istum *candidissimum*, at valdè *salinum*, aliis *nodosè podagra* Candidatis exhibuit ipse, nec sine successu. Facillimum enim & validum diaphoreticum erat.

LXXXVI.

*Capræ ubera intra pedes priores dependentes.*

**C**Apræ *Libyce* figuram dabit nobis Cl. *Jonston. l. 1. de quadruped. p. 80.* Huic ferè similem vidit Parens meus, rerum naturalium curiosus indagator, professione licet mercator, cornibus maximis conspicuam, & prolixissimâ barbâ, pelleque insigniter pilosâ, cujus ubera intra pedes priores natæ, ferè ad terram usque, lacte turgidæ, dependebant, ut ex figura adjecta accuratiùs videbis.

Capræ ubera intra pedes priores dependentes.

Fig. VIII. p. 32.

LXXXVII.

*Lupi sagax fidelitas.*

**V**idit D. D. *Hieron. Weißbretl* Livonus, meus quondam in Belgio confœderato Amicus conjunctissimus, in patria sua *Lupi sagax fidelitas.* lupum, ab opilione statim à nativitate captum, & lacte ovino nutritum, adeò cicurem, ut jam adultior non solum *fidus gregis* custos foret, sed etiam singulis ferè septimanis jentaculum, lardum puta, caseum, panem, cum juscule, fictili incluso, è villa in campum domino efferret, infantes in cunis adhuc vagientes, & integram aliquando domum cum omni pecore fideliter custodiret. Hyeme cauponam publicam, canis instar, intrabat, nulli molestus, omnibus carus. Similem historiam dabit *Schott. l. 8. Phys. Curios. c. 48. p. 904.* & de leone, catuli instar, Joanni II. Lusit. Regi, assidente, *Idem p. 896. Suidrigellus*, Lithuaniae Princeps, habuit *ursum* matutinis horis à nemore discedentem, qui palatio appropinquans, pedibus anterioribus.



bus fores percutiebat, &, cibò sumtò, remeabat in sylvam. Cl. *Jonston. l. 3. de Quadrup. c. 5. p. 128. b.* Adeò consuetudo potentior Naturâ. *Curt. l. 5. c. 5.*

## LXXXIIX.

*Cæcitas à coitu.*

Cæcitas à  
coitu.

**Q**uantus *testium* consensus cum toto, in specie oculis, fit, Cl. *Mæb. in fund. Med. Physiol. c. XI X. p. 495. seqq.* eruditè delineat, nec nesciunt istud omnes venusti Artis filii. *Amen-tiam* ab excessu Veneris in erudito quodam hypochondriaco: in alio *cerebrum* adeò exsiccatum notavit *Salmut. C. 1. obs. 61.* ut etiam intra cranium hincinde ferri audiret. Virum novissimiè doctum, at tenuioris texturæ, & valdè phlegmaticum, qui anno ætatis 59. juvenulam, & summè lascivam, ducens, *tertiâ* à nuptiis *septimanâ* ab immoderato coitu in *repentinam* & *omnimodam* incidit *cæcitatem*, *quartò* demum *menfe* calcabat viam universæ carnis.

## LXXXIV.

*Avellana nunquam verminosa.*

Avellana  
nunquam  
vermino-  
sa.

**I**N Insula *Huena* (*Ween*) integra reperitur sylvula è corylis con-  
sita, cujus *avellana* nunquam à *vermibus* arrodi dicuntur, te-  
ste etiam *M. Zeiler. in descript. Dan. ac Norvæg. p. m. 250.* *O-  
laus Olai*, Nidrosiensis, Amicus dilectus, attulit mihi olim tres  
integros amplosque pileos, talium *avellanarum* plenos, quas  
omnes & singulas, curiositatis gratiâ, meâ manu aperui, at in-  
nulla, (certa dico,) *vermiculum* deprêndi, ut rumor publicus  
aliquid ponderis habere videatur.

## XC.

*Urtica Veneris irritamentum.*

Urtica Ve-  
neris irri-  
tamen-  
tum.

**D**E usu *flagrorum* in re Venerea aureolum planè & curiosissi-  
mum libellum edidit Vir Cl. D. *Joh. Henr. Meibomius*, o-  
mnibus elegantioris ingenii Viris meritò commendandum.

Nos

Nos novimus olim hortulanum Senem, facerum & valdè adhuc libidinosum, qui semper, ante exercitia Venerea, membrum & testes *viridi urtica fasce* fricabat & cædebat, sicque rem suam agebat ànimosè ac feliciter.

XCI.

*Flatus expudendo.*

**I**N amoena Insula *Mana* vidi pauperculam vetulam extremè *Flatus ex*  
*scorbuticam*, de *continuis* ferè & *grandibus flatibus*, cum pri- *pudendo.*  
 mis *expudendo*, cum notabili sibilo, & subsequente fragore, ex-  
 plosis seriò conquerentem. Opem poscenti dedi *oleum carvi*,  
 mane & vesperi ad guttas VIII. in jusculeo calido sumendum,  
 singulis verò horis vel *bacc. laur.* vel *gran. Junip.* alternatim ut  
 masticaret, suasi, eaque sensim deglutiret. A quorum Simpli-  
 cium usu (quæ tunc saltem ad manus erant,) longè commodiùs,  
 saltem citra notabilem molestiam, vixit, ut à nautis postea *Lu-*  
*becensibus* intellexi.

XCII.

*Alvi dejectio irâ provocata.*

**D**E *mustela sylvestri*, seu *viverra*, asserunt Autores, eam ad *Alvi deje-*  
*iram* provocatam *feces alvinas*, at *odoratas*, rejicere. No- *ctio irâ*  
 tus mihi honestus Vir & Ludi moderator, summè biliosus. Hic *provocata.*  
 quamprimùm à discipulis, vel domesticis, irritatur, subitò *ex-*  
*crementa alvi* egerit. Scilicet bilis, in ventriculo & intestinis  
 perpetuò stagnans, animi excandescentiâ commota, magis  
 magisque ebullit, & scybalis stimulum addit calcarque, ut  
 ocyssimè egerantur.

XCIII.

*Nasati non semper bene vasati.*

**C**Redunt mulierculæ, longum crassumque *nasum* esse si- *Nasati non*  
 gnum similis *mutonis*, ait *Porta de hum. Physiogn. l. 2. c. 10.* *semper be-*  
 Hinc *Cæli Rhodigin. l. 27. l. A. c. 27.* *viriliores à Lampridio nasatos* *ne vasati.*  
 dici scribit. Libri habent *Vasatos*. Idem de *Heliogabalo*, monstro  
 isto Imperiali, testatur, Romæ nihil egisse aliud, quàm ut emis-  
*Dec. II. Annus V.* h sarios



farious haberet, qui ei *bene vasatos* perquirerent. *Quid agis? facio, quod manifestò mœchi haud ferme solent. Quid id est? refero vasa salva.* *Plaut. Pœn. act. 4. Sc. 2. v. 40. seq. Vasa hîc testes* significant, seu eam partem, quæ honestè interque res serias nominari non potest, quamque Dea *Bona* à sacello suo exulare voluit. Plerumque autem accidebat, ut mœchis *ἡναιροφώγω* deprênsis virilia amputarentur. *Lips. l. 1. A. L. c. 8.* Inde *bene vasati* sunt probè mutonati, seu bene peculiatî, ut *Ægyptii*, quorum caro erat *instar carnis asinorum*, & fluxus *instar fluxus equorum.* *Ezech. 16. 26. & c. 23. 20.* fortè propter optimam ejus regionis constitutionem, ab Hippocrate agnitam, l. de aër. aq. & loc. text. 33. & à Strabone passim commendatam l. 17. Novî ego aliquot honestos & eruditos, etiam religiosos, Viros, optimè quidem *nasatos*, sed *parcius vasatos*. Segniores quippe ad Venerem, & unus ferè impotens. Nobilissima ac Venustissima puella, sed valde petulca, duos simul habebat procos, alterum bonæ vitæ fortunæque hominem, sed macilentum; alterum quadratum, & *in signi nasò* conspicuum, lurconem, & fruges consumere natum. Illa, temtò istò, hunc sibi elegit, ob *peculium*, quod sperabat, sibi magnum, & conditionem strenuam. Sed egregiè decepta est. Hinc domi jurgia, foris rixæ, & summa Viri averlatio, ob *sterilitatem*, quæ thorum perpetuò comitatur.

## XCIV.

*Vermis umbilicaris.*

Vermis  
umbilicaris.

**P**Rudenter *Vossius l. 4. Idol. c. 59.* Quod multi, ait, non viderunt, cernunt subinde vulgares anima, rustici, piscatores, quibuscum si sermonem serere haud gravaremur, plura sciremus *Natura arcana.* Et ita sanè est. Plurimi equidem *vermem in umbilico* genitum, vulgò den *Geiß Nabel* oder *Beiß Wurm* pro mera fabula habent, licèt *Cl. D. Brenggerus*, *Phys Kaufbyrensis*, cum *D. Rupert. Sulzberger*, Prof. olim Lipsiensi, in *disp. quadam de Vermibus in homine*, cujus historiam, hûc quadrantem, citat *Sennert. l. 3. Prax. p. 10. c. 4. p. 985. a.* aliisque, quos allegavi in

Cyno-

*Cynograph. meæ Curios. Sect. 6. c. 4. §. 2. p. 178. αὐτοψίαν* suam in lit. ad *D. Höchstetter. Med. August. Dec. 6. Obs. Med. annex.* bonâ fide opponat. Defertur olim ad me puellus rusticus, quinque fortè annorum, à vigiliis continuis, summa inquietudine, doloribus lancinantibus, pungentibus & morsicantibus, fletuque perpetuò totus emaciatus, labiis lividis, capite jam ad lævam, mox ad sinistram, & iterum ab hac ad illam miserè & continuò jactatò: alvi dejectiones erant phlegmaticæ, aliquando ex flavo virides, etiam cineritiæ, accedebant subinde terribiles convulsiones epilepticæ. Statim orta suspicio *de vermibus*. Cùmque ipsa mater de *umbilicari* narraret, placuit experiri vulgi remedium. Alligatus ergò circà vesperam umbilico infantis *fundulus vivus*, sed cum insigni, & vix tolerabili, dolorum augmento, qui tamen brevi cessârunt. Illâ nocte quietior erat pufio; Alterò mane totâ illâ parte, quâ cutim infantis contigerat, omnis ferè consumtus erat *pisciculus*. Applicatur alius recens, à quo intra xxx. horas, præter ossicula, nihil invenère domestici, ut sanctè affirmârunt. Dantur internè specifica, expulsis multis *vermibus* aliis, diversæ magnitudinis, coloris & figuræ, quos inter unus (quem vidi) *pisi majoris crassitie, coloris lutei, cornibus duobus, veluti scarabaus, seu cervus volans, in capite armatus*, quæ arctissimè contrahere & pro lubitu dilatare poterat. Ab isto die cuncta sensim remisère symptomata. Miranda de hoc *vermium* genere mihi narrârunt mulierculæ, at minimè temnenda, sed probè notanda, quicquid etiam nasutuli, qui malunt videri, quàm esse, ogganniant. *Olitor* etiam interdum opportunè loquitur, & à *vetulis* aliquando Sapiens discit.

XCV.

*Surditas ab Alapa.*

**C**Antor quidam, *invisum pueris virginibusq. caput, Mart. 9.* *Surditas ab*  
*ep. 70.* puerum XIII. annorum & vegeti ingenii, *colapho in-* Alapa.  
*flictò,* omni privavit auditu. Fatebatur puer, se, *alapâ* acceptâ,  
 super scamnum in terram lapsum, sensisse aërem frigidiuscu-  
 lum



lum, haud sine dolore, ad interiora usque cerebri fortius & subito intrudi, mox ponderosum quid à capite decidere, sequente vertigine, audituque planè abolitò, quem agrè tandem restituit Excellens Medicus. *Cacitatem & surditatem* ab alapa ortam habet *Amat. Lusit. Cent. 7. curat. 44. epilepsiam Joh. Lang. quinque Electorum Palatinorum Archiater, T. 1. epist. 10. apoplexiam Fabric. Hild. C. 6. obs. 11. & alios morbos, quos curiosè collegit D. D. Francus in elegantissima de colaphis disput. habit. Heidelbergæ Anno 1674.*

## XCVI.

*Sexagenarius lactans.*

Sexagenarius lactans.

**Joh. Wien** / Mercator olim *Isnaci* ferè primarius, Vir dexterimus, crebrius dixit Patri meo, se novissè parochum paganum, Virum devotum, sexagenarium, tunc viduum *εὐσαφὸν*, qui ex nundinis hebdomadariis aliquando domum rediturus, propè pagum suum, sub crepusculo, retrò dumetum audit vagitum infantis. Accessit propius, & Christianâ misericordiâ tactus, expositum pusionem tollit, rens, fortè à puellis, quarum curæ commissus, ludos inter, ex negligentia derelictum esse. Famâ ocyùs omnes casàs pervolitante, mater desiderabatur. Alterò die de cathedra publicè annunciat suis, monens, ut vicinos interrogent, quò suæ redderetur matri. Bonus interim senex de alimento puellæ piè sollicitus, obtestatur quasdam lactantes in villa feminas, ut & misellæ huic & famelicæ ubera caritatis alternatim præberent. Volentes nequibant. Quæ poterant, nolabant. Sic ipse, ut potest, *lacte caprinò* nutrit alumnam suam, & aliquando noctu in lectum suum reponit, flentemque, more mulierum, pectori admover. Infans *papillas* Senis sentiens, fugit, omni vagitu cessante. Subridens ille crebrius hòc stratagemate vagientem permulcet. Tandem creberrimò suctu *lactis copiosum* provocatur, non sine singulari Dei providentia, quæ cuncta gubernat. Adde similes historias apud *Alex. Bened. l. 3. Anat. c. 4. Salmut. C. 1. obs. 92. T. 3. Eph. nostr. Cur. obs. 10.*

## XCVII.

## XCVII.

*Hydrops ex ictero.*

**B** *Arthol. Rahlé / Pistor Helmstadiensis, ictero diu afflictus, tan-* Hydrops  
ex ictero.  
dem, consiliò anùs, circa vesperum *vivam tineam* regioni  
hepatis applicat, eamque altero mane, totum nunc *croceum*, &  
maximè *fetidum*, omni *flavedine* totius corporis eadem nocte  
abstersâ, in silentio & superstitione in fluvium conjicit. Se-  
quente verò annò pedes, crura, femora, denique abdomen  
valde intumuère, & perfectus inde natus hydrops ascites. Infu-  
dit *Kellnerus* noster 4. gran. Mercurii vit. in vin. cujus liquorem  
colatum manè eum jusserat bibere. Sed moras ille trahens, ter-  
tiò demum die unà cum vino ipsum Mercurium exhaurit, à quo  
*ἄνω καὶ κάτω* magna quantitas feri cum bile æruginosa excreta, non  
sine notabili virium languore. Eòpsè tamen die venter pedes-  
que adeo detumuère, ut sequenti die ad labores suos promptè  
redierit, eosque in *quartum* usque mensem sustinuerit. Tunc  
verò ex erroribus diætæ recidivam passus, omnibus frustrâ ten-  
tatis, decessit. Viden', Doctissime ac Celeberrime *Sylvi, tract.*  
*de hydrope §. 154.* etiam collectas in abdominis cavitate aquas *per*  
*vomitum ac secessum*, operantibus medicamentis, posse educi.

## XCVIII.

*Hydrops unius tantum lateris in paralytico.*

**V** Ir Pl. Rev. Dn. *Joh. Michael Zöher / Concionator Aulicus* Hydrops  
unius tan-  
tum lateris  
in paraly-  
tico.  
*Saxo-Römhildensis*, ibidemque Archi-Diaconus, sexa-  
genarius, & obesi corporis, *paralyticus* in *sinistro* latere, bibe-  
bat propriò motu *acidulas Kissingenses*, locò potùs ordinarii.  
Ortus inde *singultus* molestissimus & frequentissimus ad *novem*  
dies durans, nullisque remediis tantillum cedens, nisi *fermen-*  
*to opii* more *Langelottiano*, cum succo cydoniorum confecto,  
dosi que paulò largiori dato. Hunc, elapsis duabus septima-  
nis, excepit *sextidua totalis urina suppressa*, ita, ut renes planè  
nihil feri urinosi emulgerent. Hinc sensim totum latus para-  
lyticum intumuit, adeò prudenter & accuratè limites *dimidii*  
*b 3* *corporis*



corporis observando, ut omnes, quotquot videbant ægrum, in admirationem rapuerit. Opposita generosissima remedia, tam interna quàm externa, sed sine effectu, donec tandem cum essent. *baccar. alkekengi liquor calcis vivæ* ægroto propinaretur à Kellnero aliquoties, unde unicâ nocte ad minimum XII. libras feri per vesicam excrevit, pluresque sequenti die; & sic tumor ille *hydropicus* cessabat, ægerque tandem à *paralysi* liberatus.

## XCIX.

*Hydrops vilissimò remediò perfectè curatus.*

Hydrops  
vilissimò  
remediò  
perfectè  
curatus.

**R**etulit *Caspar. Rudolf* civis & sartor *Isnacensis*, optimo Kellnero nostro, perfectè *hydropicum* Hòrselgauæ, prope *Waltershusium*, in tantam conjectum fuisse miseriam, ut, fulcris suffultus subalaribus, quò vellet, ægrè gradus promovere potuerit. Cùm verò, consiliò Excellentissimi *D. D. Balthasar. Glassii*, Archiatri quondam Saxo-Gothani longè latèque celeberrimi, ex fermento, aceto & Sale cataplasma fecisset, idque plantis pedum quotidie recens imposuisset, ac, locò potùs ordinarii, decoctum feri lactis bibisset, etiam aliquando crudas rapas comedisset, inprimis verò ex baccis cynosbati, unà cum arillis, contusis decoctum sibi parâset, idque frequentius usurpâset, intra sex septimanas eum integrè convaluisse.

## C.

*Clitoridis prominentia insignis.*

Clitoridis  
prominen-  
tia insignis.

**Q**uæritur Apostolus *Rom. 1. 26.* foedas gentilium scrofas usum naturalem mutâsse in eum, qui ~~ægrè puer~~; Dixerim: ob *clitoridem*, seu *mentulam muliebrem insigniter prominentem* perulcas sese commiscuisse. Ad eam deformitatem enim aliquando excrevit, ut *collum anserinum* crassitie & longitudine æquârit, *Schenck. l. 4. obs. 92. & Plater. l. 3. obs. p. m. 626.* Dicas: gentilium feminas tantùm non omnes in illicitam hanc rapas libidinem, quí ergò in omnibus potuerit prominere *clitoris*? respondeo: majorem fuisse illis, atque nostratibus mulieribus, ut itaque, accedente summò Veneris œstrò, facilè excreverit.

creverit. Et etiamnum ob insignem magnitudinem orientales urunt, ne amplius crescat, conductis ad id provectioris ætatis feminis, quam operationem improprie *circumcisionem* vocant. *Th. Bartholin. l. 1. Anatom. reform. c. 34. p. m. 188.* Adde *Bellon. l. 3. obs. 28. Ursula Catharina Blushmentau / Virago*, ex observatione Parentis mei, *mentulam* suam extra pudendum adeò interdum prominentem habuit, ut etiam ausa fuerit aliquando cum puellis libidinose *κλιτορῖζειν*, easque *τρίφειν*. Poenas tandem promeritas verita, ex patria aufugiebat. Similem historiam de *Henrica Schuria* refert *Ampliss. Tulp. l. 3. obs. 35. & Plempl. l. 2. Fund. Med. Sect. 5. c. 9. & Cl. Helvigijs obs. 138.* Adde doctissimum Scholion Excell. *Schröckii*, Collegæ & Amici honoratissimi.

CI.

*Inveterata Cephalea à vermibus.*

**V**irgo XXV. annorum, pertinacissimâ *cephalea* per *quin-* *Inveterata*  
*quennium* miserè cruciata, & tantum non in rabiem acta, *cephalea à*  
multorumque consiliis usâ, meum tandem poposcit, dicens: *Vermibus.*  
animalculum aliquod (*musculum* vocabat) in capite hinc inde  
cursitare, & esse morbum à *fascino* inductum, quod firmiter  
credebat, speciosis probans rationibus. Expensis expendendis, ut catum decet Medicum, dedi primò Vinum digerens, bono cum successu. De hoc sumsit quotidie bis unc. quatuor, instillando semper *℞. sp. sal. armoniac.* Tunc, Lunâ decre-  
scente, præscripsi purgans, quod repetitum. Dedi sudorifera,  
& alia, quæ methodus postulabat. Tandem quinque expuli  
*vermes, rubicundos & pilosos*, sicque castissimam Virginem, ad-  
huc bellè valentem, à suspitione fascini, omni que dolore felici-  
ter liberavi. Soli Deo gloria!

CII.

*Memoria abolita ex terrore & frigore.*

**V**ir ferè sexagenarius, & summè melancholicus, tempore *Memoria*  
vernali per fluvium equitaturus, labitur in eundem. *Ex abolita ex*  
*terrore &*  
*quo frigore.*



quo terrore & frigore gravissimam sibi contraxit febrim, cum tanta memoriæ læsione, ut etiam conjugis liberorumque suorum nomina oblivisceretur, & nihil omnino, quod veller, suo nomine vocare posset. Restitutus tamen, Dei gratiâ, sic, ut spartâ suâ denuò fungeretur. At diætæ, quam imperâram, immemor, sequente annô apoplexiâ extinctus.

## CIII.

## Ψωρα Scorbutica.

Ψωρα  
Scorbuti-  
ca.

Vir quidam Nobilis, & Illustris Ecclesiæ Cathedralis Canonicus, foedissimâ scabie crustosâ, eâque niveâ, siccâ tamen, per totum ferè corpus (in capite præsertim & dorso,) quasi obductus, cum intolerabili & perpetuo pruritu, summâ cachexiâ, doloribus per intervalla (noctu inprimis) molestissimis, deturpato faciei colore, pedibus valdè tumidis, notabili foetore, & gravi halitu, à nonnullis pro leproso & elephantiacho, ab aliis pro luis Venereæ Candidato diu, frustra tamen, curatus, meum tandem, licèt seriùs, extorsit iudicium. Omnibus, ut par erat, sobriè ponderatis, Domine, ajebam, nec Græcus, nec Arabs es, nec Gallus, nec Neapolitanus. Si, priscâ Germanorum fide, obsequium mihi sponderis & patientiam, ego vicissim Tibi, divinâ grâtiâ, sanitatem pollicebor. Apage lepram cum pudenda, Scorbuticus es. Rem igitur aggressus, præscripsi vinum digerens ex

Rad. helen.

pol. querc.

raph. rust.

angelic.

cich. ãã 3ij.

Fol. agrimon.

trifol. fibr.

cochl.

fumar.

rut. mur.

cuscut.

cuscut.

salv.

chelidon. m. āā Mß.

Sem. nast. horr.

anif.

cochlear. āā 3iß.

Summit. cent. min.

absinth. nostr. āā P.ij.

Fl. bugloss. P.ij.

Bacc. junip. 3vj.

N. mosch.

Gal. m. āā. 3j.

Incis. & contus. D. ad chart.

Dosis quotidie bis 3iiij. instillando cuilibet gutt. xij. spir.  
sal. armon.

Postea expuli humores per *ἐπιγαστρὴν* potionibus, pilulis,  
*ἀνὰ καὶ κατὰ*, etiam diaphoreticis, inprimis decoct. lign. guajac.  
Tandem in balneum deductus, confectum ex

Rad. lapath. acut. bryon. helen. Herb. scabios. fumar. Ve-  
ron. salv. chelid. m. pariet. malv. Fl. cham. melilot. tar-  
tar. crud. &c.

Exeuntem unximus seq. unguentō.

℞. Pulv. arist. long.

rad. alth. āā 3j.

lapath. acut. 3ß.

Fl. Sulph. 3j.

Terebinth. 3ß.

Litharg. acet. rosac. prius benè dilut. 3ß.

Ol. ros. 3iiij.

salv. 3ß.

caryoph. 3ß.

Aq. rosar. & cer. āā q. s. f. unguent.

Dato denique confortante in forma *Electuar.* cum regimine

Dec. II. Annus V.

i

diata



diætæ Generosissimum Virum dimisimus, adhuc pulchrè valentem.

## CIV.

*Chlorosis deplorata.*

Chlorosis  
deplorata.

**H**onestissima Virgo, *Clara Margaretha*, Amplissimi & Consultissimi Dn. *Joh. Henr. Cösteri*, U. J. D. & Electoralis Judicii Aulici *Hildesie* Assessoris gravissimi, filia, XVI. tunc annorum, per *integrum triennium* ferè consummatâ & verè deploratâ chlorosî miserimè divexatâ, omnibusque, etiam à Celebratissimis Medicis, frustrâ tentatis, meâ tandem fidei & industriæ committitur, quam etiam, binos intra menses, Dei adstante gratiâ, restitui, in hunc usque diem superstitem & ὁρῶσα δεινὰν, ringentibus licèt aliis, qui ex natali emortualem fecerant. Digestis & benè præparatis humoribus viscidis, & acido-pituitosis, vinò medicatò, statim pedum tumor remisit, appetitus rediit, respiratio fiebat facilior, color faciei magis floridus. Verbò: Magna spes sanitatis. Interposui purgantia, per vices repetita, sub forma pilul. pulv. potiuncul. Diaphoretica minimè admisit. Corpore demum rectè evacuatò, menses provocavi balneo, in quo umbilicotenens sedebat tribus diebus, ante consuetum mensium fluxum, manè, jejunò stomachò, per horulam.

℞. Rad. bryon. lil. alb. ath. āā 3j. arist. rot. 3℥.

Herb. sabin. artemis. salv. origan. puleg. matricar. mercurial. āā M℥.

Fl. cheiri, chamom. āā Mj.

Bacc. laur. junip. āā 3j. Sem. lin. foen. gr. āā 3℥. anis. 3vj.

**A** balneo inunxit ventrem seq. unguentò:

℞. Ol. cham. lil. alb. amygd. d. āā 3iij. pulv. sabin. arist. rot. āā 3ij. styr. calam. 3j. cer. q. s. pro unguent.

Quò factò, tribus simul auroris antè fluxum ordinarium devorabat ferment. vet. & acerrim. ad quantit. nucis avellan. cui aliquid pulv. myrrh. & fol. dictamn. alb. cum sacch. admixt. optato cum successu. Menses enim, ob corpus maximè exhaustum,

haustum, & summam sanguinis penuriam primò guttatim stil-  
lârunt. Quos denique, servatâ diatâ, largiùs provocavimus.

CV.

*Mammæ sine papillis in lactante.*

**B**inas papillas in una mamma vidit Borell. I. 49. ego in utraq; <sup>Mammæ sine papil-  
lis in la-  
ctante.</sup> nullam. Primipara enim XVI. annorum, honesta femel-  
la, ne vestigium papillæ in mammis habebat. Quæro, quî in-  
fans ergò sugeret? commodè, ajebat, & citra molestiam. Si  
placet, ecce! Hòc dictò lepidum pusiunculum admovet, &  
pressâ digitis mammâ, lac primùm in os ejus emulgens, locò  
deinde, in quo naturaliter papilla esse debebat, manu arctiùs  
constrictò, alumnoque suo præbito, qui, apprensa labiis eâ,  
ut poterat, parte eleganter & sine ullo impedimento promptè  
fluxit, ut ipsemet vidi.

CVI.

*Menses lactei.*

**P**uella XIX. annorum, optimæ constitutionis & vitæ imma- <sup>Menses la-  
ctei.</sup> culatæ, mammas suas intra mensem nimis turgidas, & in-  
signiter prominentes admirans, fasciâ primùm constrinxit.  
Surgens deinde aliquando, digitis eas fortiùs compressit, pu-  
rò puto lacte exstillante. Imponit, consiliò anus, *Emplastr.*  
*de sperm. cer. Myrsichti*, detumentibus mammis. Quintò ab-  
hinc die menses manant purè lactei, seu odorem, coloremve, vel  
totam consideres substantiam, quod *αὐτὸς* scribo.

CVII.

*Sterilitas ab asparagis.*

**N**obilis femina XXII. annorum, sana, & laudabilis tempe- <sup>Sterilitas  
ab aspara-  
gis.</sup> ramenti, in maximis, & tantùm non quotidianis, deli-  
tiis habebat *turiones asparagi* delicatè præparatos. Mansit in-  
terea in splendido conjugio ad triennium usque sterilis. Variis  
usâ consiliis, sed frustrâ. Aliquando ad prandium ab ea dedu-  
tus,



ctus, miratus sum, quàm avidè vorârit *asparagos*. Causam sterilitatis interim à me quærenti dixi, quod olim in *Instit. Mæbian. l. 4. part. 2. c. 3. p. 463.* legeram, quòd sc. usus eorum crebrior & largior feminas *steriles* reddat. Illa quasi attonita, omnes omninò æternùm ejurans, unicè querebatur, se neminem unquam mortalium monuisse, nunc verò cautiùs mercari velle, uti quoque fecit. Facta tandem venustæ filiolæ Mater.

## CVIII.

*Mirabilis uteri figura.*

Mirabilis  
uteri figu-  
ra.

**M**Acilenta rustica *Hayne* in Franconia in *difficili partu* constituta, ad orificium uteri sentiebat durum aliquid & crassum, etiam tactui obstetricis manifestum, quod foetui exeunti ad triduum usque obicem posuerat. Tandem aptis remediis hic *mortuus* expulsus, remanente nihilominus notabili tumore, præsertim in dextro abdominis latere, ut omnes ferè crederent, adhuc in utero supereffe infantem, quem omni modò propellere conabantur adstantes. Sed alterò die moritur mulier. Cadavere apertò, præsentibus testibus fidei plenis, Dn. *Joh. Andrea Lengern* / Pastore loci, marito, obstetrice, *Joh. Conrado Mylio*, Chirurgo Aulico Rômhildensi, vidit *Kellnerus* noster uterum bicipitem (Lit. A B) & circa orificium ejus internum aliquod *longiùs propendens corpus*, seu *molem rotundam*, (Lit. C & D) magnitudine caput infantis æquans, quod superiori uteri parti ligamentò quòdam firmiter annatum erat, & nutrimentum suum ab eo acceperat. Mobile erat, & sursum deorsumque, ut vides, (Lit. D) tolli moverique poterat. Intra binos uteri protuberantes *tumulos*, seu *colles*, vel *capita*, erat cavitas, foetûs domicilium, (A B) rursus, ut à partu fit, à corrugatione uteri contracta & angustior facta: Prominentes verò *colles*, seu *capita*, in dorso uteri externè *ex rubro albicabant*, intus autem dissecta lardiceam ferè substantiam habere videbantur, albam, densam & crassam, ut & propendens illud de utero corpus rotundum. Prominebant quoque in dorso uteri plura

plura corpuscula, at minora, (Lit. F) ceteris substantiâ simillima. Nihil detrimenti ceperat mulier tempore gestationis, nisi quòd de *mensibus imminutis* interdum conquesta fuerit.

Fig. IX. & X.

CIX.

*Vermes Mammarum.*

**E** *Lisabet̃ha Wintersaat* militis cujusdam sub Chiliarcha L. B. *à Wedel* conjux, in ipso puerperio *sevis & diuturnis doloribus mammarum lancinantibus* afflicta, foru ex fol. *scord. absinth. cent. min. card. ben. fl hyper. & tanacet. nec non hyoscyam. &c.* confecto, exque iisdem simplicibus *cataplasmate* parato tormenta compescuit, emulsis postea cum lacte *minutissimis & candidissimis vermiculis*, quos ipsemet vidi. Corpore demum benè repurgatò, omnis cessavit querela.

Vermes  
Mamma-  
rum.

CX.

*Variolæ tantum in pudendo.*

**M** *Conrad. Hessens* Ecclesiastis filiolus, *Joh. Bernhart*, tunc sexennis, grassantibus in vicinia *variolis*, etiam decumbere cœpit. Vocatus dedi *Scob. Unicorn. marin.* Alterò die circa pudendum sex effloruere *variolæ*, singulæ *minutis, rubicundis & prurientibus pustulis* quasi circumseptæ. Puer doloris, ardoris & pruritûs impatiens, omnem istum locum unguibus laniat fauciatque, donec ichor emanans totam inficeret viciniam, scabie tandem crustosâ obductam. Dedi sanguinem purificantia & alia, quæ faciebant ad rem. Memorabile, nuspiam in corpore aliâs erupisse *variolas*, nulla supervenisse symptomata, præter *biduanam*, saluberrimam verò, *diarrhœam*, puerò adhuc valente.

Variolæ  
tantum in  
pudendo.

CXI.

*Urina per oculos excreta.*

**U** *T Job. Fernel. l. 6. de part. morb. & sympt. c. 13.* obstructâ *vesicæ* cervicæ urinam affatim *ex umbilico* manantem notavit, citra ullum sanitatis dispendium, & *Felix Plater. l. 3. obs.*

Urina per  
oculos ex-  
creta.



p. 735. in puella XIII. annorum ex *aure dextra*, & quidem unâ vice *ad duas sæpè mensuras*, idque per dies aliquot. Sic sincerus Artisque suæ egregiè gnarus Dominus Christoph. Herfort / Senior, Pharmacopœus Regius Hafniæ Danorum, Amicus, dum viveret, fidelissimus, laticem istum *ex oculis* verè profluentem vidit. Adolescentulus enim XVI. annorum, in *Laalandia*, *Laurent. Andrea*, urinæ suppressione, ob conglutinatam à viscida pituita vesicæ cervice frequentiùs vexatus, manibus ventrem fortiter premens, ad sudorem summo præ dolore cursitationibus se defatigabat, donec fessus in lectum, stramen, scamna &c. concideret. Tunc ad horulam ferè acerbius flens notabile sensit levamen. Lachrymæ verò quoad *colorem & odorem* planè erant *urinaceæ*, ut ipsemet postea vidi.

## CXII.

*Sudor oleosus.*

Sudor oleosus.

**M**onachus, à Natura *oleum olivarum* fastidians, nescio ob quem lapsus, à Priore, Cœnobio nuper Præfato, jubetur; pœnitentiæ loco, tempore quadragesimali, pane, *oleo* intincto, per biduum tantum vesci, ut hoc stratagemate ad frugem reduceretur. Bonus iste frater, cœcæ obedientiæ tenax, obsequitur, reluctante licet Naturâ. Noctu verò exhalant ructus *oleosi*, sequitur nausea, horror, tremorque totius corporis, tandem largus sudor, *odore & sapore verè oleosus*; quò exantlatò in gravem coniectus febrim, à qua ægrè redimi poterat. Adde quæ de *lacte oleoso* dixerit *Alex. Insulanus in Brev. rer. memorabil. num. 35.*

## CXIII.

*Ruta è capite carpionis nata.*

Ruta è capite carpionis nata.

**C**Epit aliquando *Avus* meus maternus veterem *carpionem* XI. ferè librarum, è cuius capite *ruta* nata erat. Quam historiam cum referret Doctori quondam suo in Illustri *Salana*, M. Thom. Sagittario, Poët. Laur. & Phys. P. P. rescripsit: Anno 1600. *Jenæ* magnum gammarum esse captum, in cuius dorso *anagallis*

*anagallis flore caruleo* floruerit, radiculis altè infixis; & *Salseldie* se vidisse *lucium* satis ponderosum, cujus *cauda* annata erat *fumaria*: imò habuisse *ranam*, cujus corpus à *pilosella* innata totum fere obumbratum; inque *capite ovino* verum *absinthium montanum* cum *semine* alium Virum curiosum vidisse & gustasse. Et ego Anno 1664. *Hamburgi* vidi *lucium* è cujus capite nata erat *anserina*. Adde *Chamomillam* in capite *cervi* crescentem in *Brev. Insulan. num. 42. & Sect. 4. Cynograph. mex. Curios. c. 5. §. 1.*

CXIV.

*Dolor Ventriculi triennis à caseo.*

**P**Uella XVI. annorum ore aliquando tenebat *minutum* aliquem *caseolum*, è vaccino lacte confectum. Accessit à tergo frater ejus, manuque puellæ in fauces fortiùs intrusâ, ipsa consternata *integrum caseum*, licet non sine difficultate, deglutiit. Ab illo die *ultrâ triennium* acerbos, & tantùm non perpetuos, passa *dolores Ventriculi*, donec tandem *vetula caseum*, jam planè *lapideum*, *ἀνὰ γὰρ νάτω* frustillatim expelleret.

Dolor  
ventriculi  
triennis à  
caseo,

CXV.

*Apoplexiâ à retentis mensesibus.*

**H**Onesta femina, tertium tunc puerpera, XXVII. annorum, in ipso partu à domesticis perterrita, fætu exclusò, *lochia* habuit retenta. Hinc eadem nocte fit *apoplectica*. Vocatus subito, præmissò acriori clystere, circa primam noctis *saphenam* jussi incidi, mane circa nonam *cephalicam*, non neglectis aliis, quæ in hoc rerum statu commoda & tuta videbantur, & adhuc, Deigratiâ, vivit feliciter.

Apoplexia  
à retentis  
mensibus.

CXVI.

*Penis osseus.*

**C**Litoridem *osseam* satis prolixam vidit *Th. Bartholin. Senior* *C. 3. epist. 94. p. 407.* Parens autem meus in bubulco *Hasso* *penem* planè *osseum*, ideoque semper rigidum, à quo uxori in copula maritali acerrimi suborti dolores, quod ultro fassa est.

Penis os-  
seus.

CXVII. *Ca.*



## CXVII.

*Caput infanti in partu ablatum.*

Caput in-  
fanti in  
partu ab-  
latum.

**T**Riduo quidem mater *Cardani* laboravit in partu, *capite in-*  
*fantis prominente*, qui vi tandem extractus matrem rede-  
mit. *Schenck. 4. obs. 165.* Novi in Borea honestam feminam, ra-  
rioris texturæ, quæ in difficili partu, ob absentiam ordinariæ  
obstetricis, aliam è proxima villa vocabat. Quæ verò cum  
animadverteret, embryonem esse extinctum, parùm modeste,  
nec christianè, cum optima femina egit. Truncò enim *caput*,  
è genitalibus locis *propendens*, non subsequente, à læva ad dex-  
tram, ab hac ad illam id contorquet, & tamdiu invertit, donec  
à reliquo corpore violenter sejungeretur, quod in patinam con-  
jectum ipsemet vidi. Datò tamen à mulierculis largiori haustu  
decocti *sem. lini & fl. chamom.* iisque ventre puerperæ crebrius  
calide fotò, & truncus tandem protrusus est, ipsa adhuc super-  
stite.

## CXVIII.

*Simplex Medicina aliquando optima.*

Simplex  
Medicina  
aliquando  
optima.

**I**Ta: *Simplex Medicina, optima* aliquando Medicina. Quàm  
amabilis enim & admirabilis Deus in omni opere suo! Quid  
namus ad Indos? quid commercii nobis cum *Afro* aut *Arabe*?  
quasi tanto pretio sanitas constaret. Nulla regio Naturam nacta  
est novercam. Ubi morbi, ibi etiam nascuntur remedia. In cam-  
pistris nostris, sylvis, pratis, agris, stabulis, imò fimetis amplissi-  
mum pharmacopolium. Beatus, qui intelligit bona sua do-  
mi nata! Quod exemplis illustrabimus. Puella *Isenacensis* XIX  
annorum diu in dorso gestarat *crassum, nodosum, carnosumq; tu-*  
*morem*, magnitudine *duorum pugnorum*, multis frustra adhibi-  
tis medicamentis. Tandem ex *semine graminis*, (quod *Neu-*  
*saamen* vocant,) & *flor. chamomill.* parat cataplasma, quod im-  
posuit calidum, sæpius repetendo, & omnis evanuit tumor.  
Feminæ *Isenacensis* primariæ, cujus nomini parcimus, filia na-  
tu maxima, tunc *biennis*, adhuc superstes, & mihi optimè nota,

*totali*

*totalipedum contracturâ* laborans, adeò, ut minimè eos movere amplius potuerit, in *balneum vaporosum* ex eòdem *semine* confectum crebriùs descendit, exq; *Semine* postea exsiccato suffitum paravit, ac perfectè convaluit. Vir primarius *Wannefrida* ad *Vierram* etiam *omninò contractus*, cunctis in casum tentatis, eòdem remediò faustè & integrè restitutus est. Civis *Isnaci* honestissimus *dolores nephriticos* & *stranguriam* sacculis eòdem *semine* repletis, inque aqua coctis, iterumque expressis, accalidè renibus pubique aliquoties impositis, ex voto pepulit, notante *Kellnero*. Et ego in variis *contracturis* hoc remedium bono cum successu deprehendi, ideòque plebejis & pauperculis ultrò commendavi. Testatur *Epiph. Ferdin. hist. 27.* per Deum, *singultum* in febribus malignis *tanquam characterem summè exitialem* sibi semper observatum, ego tamen (soli Deo honor!) vilissimis remediis, omnibus generosioribus frustra adhibitis, haud semel eum feliciter compescui. Testem sisto *Melch. Suthoff*, aulæ *Gvelferbytanæ* coquum, adhuc superstitem, qui in adulto autumno, ante biennium, *febri maligna* cum gravissimis symptomatibus lethaliter correptus, suasu mulierum, ad extinguendum æstum, hauserat succum è *fol. sempervivi major.* expressum, à quo *continuus* postea *singultus* ultrà *quinq. dies*, nullis sanè remediis cedens. Tandem in casu verè dubio implevi sacculum *fol. card. ben. menth. crisp. absinth. fl. cent. min. salv. bacc. junip. &c.* & coct. in aqua imposui ventriculo calidè, optatissimo cum successu. Eòdem simplicissimò remediò, superiori annò *Susannam Bôlcherin* extra portam *Georgianam* habitantem, cui ad funus omnia erant parata, (*sudores* quippe *frigidi* ad *quartum usq. diem* manantes, vires prorsus attritæ, *vigiliæ* perpetuæ, & molestissimus *singultus triduanus* vix salutis indicium amplius spondebant,) Dei interveniente gratiâ, feliciter servavi, ut ipsa cum aliis testabitur fusiùs. Indignor sanè nostratibus hominibus, si *quartanam* scandala inter Medicorum reponant, quasi tamen atrox & formidolosus hic affectus foret, & *quarta furiarum*. Bono potius animo meticulosos esse jubet *Cl. Lang. in Miscell. Med.*

Dec. II. Annus V.

k

Curios.



*Curios. n. II.* cum hanc febrim sanandi omninò Chymiatèr potis sit. Sed, ô Bone, crebriùs etiam devicimus, & brevì devicimus sine *Chemia* adjutoriò, simplici & vili aliquò remediò, quod cum pauci sciant, jure *arcanum* nominare possum. Vin' testes? agè, producam è vicinia fide dignissimos. Nobilissimus & Maximè Strenuus Dominus *Adolfus ab Utterodt*, Eques Thuringus, & Centurio, Vir ob Candorem & humanitatem magni à me æstimandus, unà cum Conjuge sua, *septimò* Mense tunc gravida, unò eòdemq; die lue hâc in autumno decumbens, multos confu- luerat Medicos, & varia sine levamine usurpârat. Tandem ego vocor. Blandè & per *emulgationem* evacuatò corpore, sine *Vena sectione*, sine *emetiis*, brevì & facilè ipsum restitui. Hanc verò paulò ferius, ob alia, quæ accesserant, symptomata, inprimis continuam molestissimamque *tussim*, quæ mihi multum faces- sit negotii. Tribus tamen, nî fallor, ante partum septimanis, *quartana* (quæ duplex erat) Nobilissimam feminam reliquit, ut demum facilè & feliciter venustum filiolum pepererit. Plures hâc methodo, hòcque remedio in integrum restitui, ut alibi, *cur. de p.*, latiùs narrabo. Sufficiat bina hæc, & novissima, & omni- bus hic nota allegâsse exempla. Addo *cerevisiam antinephriti- co-podagricam*, quâ (referente Nob. Domino *Francisco Guilielmo à Steinhaus*, Amico, dum viveret, sincero,) Eques *Westphalus*, qui omnem ferè substantiam suam, recuperandæ sanitatis gra- tiâ, decoxerat, Parochi sui consiliò, felicissimè usus est. Injecit saltem *cerevisiæ recens coctæ rad. bardana & summit. absinth.* Ab usu hujus potûs continuò singulis septimanis non tantùm ingentem *saburram tartaream*, sed etiam plures *lapillos*, majores, minores, citra notabilem molestiam, promptè exclusit. Næ *cere- visia bene defecata*, inquit *Bartholin.* noster *Dissert. I. Med. Danor. domest. p. 11.* & *vetustior alit & nutrit, ventriculum roborat, poda- gram ab articulis avertit, calculos expellit, inprimis si absinthio vel lupulò condiatur, affectionibus deniq; internis externisq; bal- sami instar, medetur.* Sanè, ob *cerevisia potum*, *Olaus Magn. l. 13. c. 27.* olim in obsidione Regiæ Suecorum *Holmensis* *lapillos* sine læsione,

læsione, aut passione, singulo mane in matula vidit expulsos, & instar granorum *milii*, *ciceris* & *piperis*, magnitudine nucis similes ejecit, nunquam exinde *calculo*, seu aliò morbò, afflictus est. De usu *bardanae* verò retulit *Vastelius Foresto* l. 29. obs. 7. se, cùm in lecto decumberet ex *doloribus articularum*, ut membra non movere posset, bibisse decoctum *cerevisiae*, in qua rad. *lappae* incoctæ erant. Quò eporò, cùm nullis remediis curari posset, plurimum minxit *lotium album instar lactis*, & à doloribus curatus fuit. Plura de *simplici*, tanquam *optima*, Medicina dicturi sumus, Bono cum Deo, aliò die, & locò.

CXIX.

*Mirabilis Vomitus.*

**P**uer *Isenacensis* XIII. annorum in foro *Saturnino* rosiones & Mirabilis Vomitus.  
anxietates circa præcordia diu sentiens, defertur ad junio-  
rem quendam Practicum, *Tilemannum*, qui, quod potuit, fecit. Suasu tandem *Kellnerianò*, propinat *emeticum* cum largo vehiculo, à quo sequentia, ut vides, rejecta magno cum levamine. *Erucam* scilicet ex *atro flavam*, (Lit. A) & XII. *minores* ejusdem coloris, unà cum *nido earum*, (Lit. B) *folium viride ribes*. (Lit. C) *particulam scoparum*, (Lit. D) *aciculam*, (Lit. E) *particulam straminei culminis*, (Lit. F) *pennam albißimam*, (Lit. G) *frustulum corii*, (Lit. H) & *bina stercoreis columbini frustula*. (Lit. I) Historia hæc civibus nostris adhuc notissima, ut de fide ejus nemo dubitare debeat.

Fig. XI. p. 40

CXX.

*Tuberculi in palpebra curatio magnetica.*

**D**N. D. *Franci* / *Aulæ Saxo-Gothanæ* Consiliarius, in juven- Tuberculi in palpebra curatio magnetica.  
tute sua *durum tuberculum*, in superiori palpebra, oculis & visui valdè molestum, habuerat, magnitudine *avellanæ*, id-  
que nec Medicus, nec Chirurgus, ob loci incommoditatem, & curationis dubium eventum, tangere voluit. Tandem, consiliò *vetulæ*, tuberculum istud affricuit, manui *cadaveris humani*, eoque, donec paululum illa incalesceret. Intra  
k 2 triduum



triduum, non sine omnium stupore, omnis excrescentia evanuit, ut *Kellnero* nostro sanctè retulit.

## CXXI.

*Feces alvi sine fœtore lethales.*

Feces alvi  
sine fœtore  
lethales.

**S***tephan. Lerchenfeld* / Phil. & Theol. Stud. Holsatus, à febre *maligna*, ut videbatur redemptus, gratulantium voces cum gaudio excipiebat. Sed cum dejectiones alvi *sine fœtore* animadverterem, *Stephanumq;* inter loquendum *multum saliva-*re cernerem, mortem ocyùs prædixi. Risère adstantes, quasi insipidus forem vates. Et ô utinam! *Uber*/dicebat unus ex illis, *er gieng aus/ wie des Cantors Sackel zu Lügen.*

## CXXII.

*Cæcitas à stercore columbino.*

Cæcitas à  
stercore  
columbi-  
no.

**E***Lisabetha Fischerin* è nundinis aliquando domum reversa, infantem famelicum subitò lactatura, juxta parietem in vestibulo ædium suarum confidet, & fessa interim ab itinere parumper obdormire cœpit. Pusio in ulnis maternis ita supinus jacens excipit fortè dextrò oculò *stercus* à *columba* supra caput ejus in angulo parietis nidulante, à quo gravissima inflammatio, subsequente demum omni *visûs* abolitione. In ea Mysia, quæ Asiæ pars est, domum aliquando à *stercore columbino* conflagrâsse, autor est *Galenus l. 3. de Temper. c. 4.* Erat, inquit, projectum columbinum stercus, cui jam putri & excalfacto, ac vaporem edenti, & tangentibus admodum calido, in propinquo fenestra fuerat ita, ut jam contingeret ejus ligna, quæ largè nuper illita resinâ fuerant. Mediâ igitur æstate, cum Sol plurimus incidisset, accendit tùm resinam, tùm ligna. Hinc autem & fores quædam aliæ, quæ propè fuerant, & fenestræ, nuper etiam resinâ illitæ facilè ignem conceperant, atque ad tectum usque submiserant. Ubi autem excepta semel à tecto est flamma, celeriter in totam domum est grassata. Quid mirum ergò, quòd stercus columbæ, seu potius sal & sulfur in eo contenta, actuque calida, tenellum infantis oculum, factâ inordina-

, tâ

tâ & p. n. fermentatione, humores exulterint, & visum tandem  
extinxerint. Scimus enim ex Sacris, quid contigerit Tobiae  
c. 2. à fimo hirundinis, quo de legi merentur Hier. Bardus in  
Medic. Cathol. c. 4. §. 1. seq. & Franc. Valles. Phil. Sacr. c. 42.

CXXIII.

*Mania à Vermibus.*

**L** Acones olim, notante Hesychio, lignis à vermibus corrosis, Mania à  
variisq; notis insignitis, utensilia & alia obsignabant, eaq; vermibus.  
signacula *σπίδιος* vocabant. Ursin. Theol. symbol. c. 140. p. 165.  
Quàm bellè vermibus obsignatur, quod à vermibus coeptum &  
ortum est. Rusticus quidam à somno sub arbore expergefactus  
per medium annum *maniacus* factus est, sed acceptâ tabaci un-  
ciâ, & concitatô vehementissimô sternutamentô, prodiit *eruca*  
*nigra, longa atq; pilosa*, & statim convaluit. T. IV. Eph. Cur. obser-  
vat. 37. Juvenis XXVIII. annorum perfectè *maniacus*, pro fa-  
scinato vulgò habitus, sibi ipsi tandem omnes abscindit capil-  
los & ecce! in cervice *magnum tumorem*, sacculi instar, *rubicun-*  
*dis simis vermibus* plenum. Quibus ejectis, sensim ad se rediit.  
Non ita pridem mulier horrendis doloribus ventris, summâ cor-  
dis anxietate, & mentis alienatione, extremâq; macie ultra an-  
num cruciata, tandem (vera dico) trecentos, & plures, oblongos,  
*eruciformes*, ac *multipedes* per os & alvum rejecit vermes. Sin-  
guli acutè erant *dentati*, inque caudis *prolixus aculeus*. Quàm  
verè Jobus 25. 6. Adam putredo (prima vermium mortisque ori-  
go) & filius hominis, (i. e. Adam, seu putredinis,) vermis. Ein  
Mensch die Made! und ein Menschen Kind der Wurm.

DEO GRATIAS!



CHRISTIANI FRANCISCI PAULLINI  
DISSERTATIO CURIOSA

de

CORVO EXCOMMUNICATO.

Q. D. B. V.

§. I.

**N**ihil quidem efficacius regit multitudinem quam superstitio. Magna igitur sapientiæ gloria haud temerè credere, at nimis etiam morosa diffidensque *ἀπιστία* ea, quæ vel non vidimus, seu palpavimus ipsi, pertinaciter negare. Medium tenebunt beati. Diu igitur hæsi, an historias inter reponerem hanc de CORVO EXCOMMUNICATO relationem, seu num potius pro otiosi cerebelli fœtu, & deliramento monastico haberem, donec à fide dignis, ex quæ documentis minimè temnendis, intelligerem, esse narrationem rei sic gestæ. Agè igitur *κατὰ τὰς* recensēbimus omnes, quotquot historiae hujus meminerunt unquam. Tuum tamen erit, Amice Lector, *ἀλβας* *αττας* vè mihi dedisse fabas. Vid. Beroald. *Comm. in l. 6. Met. Apulej. p. 505.*

Hist. de  
Corvo ex-  
communi-  
cato

confirma-  
tur.

Testimo-  
niò Alex.  
de Insula.

§. 2. *Alexander*, Comes ab *Insula*, Monachus Corbeienfis, in *Breviario suo rerum memorabilium* (quod cum *Isibordiano* conjunctim dedimus) num. 29. ita:

*Abbas noster Counradus* (qui sedere cœpit An. 1174. præfuitque septem annis, & sub quo ipse vixit *Alexander*,) manus olim loturus, annulum suum deponit. Advolat corvus, contubernalis ejus, & furatur illic. Queritur annulus in omnibus angulis, at reperitur nusquam. Rogat famulos omnesque inquilinos, utrum quis invenerit? negant universi. Sic iratus *Archimandrita* ignotum sibi furem sacro fulmine strinxit. Ab illa hora corvus, antea hilaris & facetus, omnem subito indolem exuit, nec nido egreditur, nec escam cupit. Narratur *Pralato*. Hem! dicit unus è famulis, dispeream ego, si non ater iste nebulo annulum furatus sit.

*Visitant*

*Visitant nidum, reperto annulô. Absolvitur ab excommunicatione. Ita antiquum suum obtinet hilaris sanusq.*

§. 3. Plurimum Reverendus & Amplissimus Dominus, Heribertus Rudolphi, Abbas Amelsbornensis, Vir eleganter doctus, & Amicus, dum viveret sincerus, monstrabat mihi Anno 1681. carmen satis prolixum, in cœnobio suo, ut puto, repertum, & abs Ambrosio Kuhlemann, Monacho Amelsbornensi, Ordinis Cisterciensis, in Festum S. Viti quondam scriptum, ex quo hæc decerpere volui.

Ambrosio  
Kuhle-  
mann.

Annulus aufertur Conrado, religioso  
Abbati, à corvo, cum lavat ille manus.  
Portat is in nidum subitò, rens, rem bene gestam,  
Abbas at sacrò fulmine stringit avem,  
Ignotum furem: corvus quasi plane leprosus,  
in nido nudus mæstus & usque jacet.  
Sentit & in toto prægrandia tormina ventre,  
longaque vicina fabula plebis erat.  
Alvi subsequitur fluxus; mirabile visû!  
& ferenunc corvus triste cadaver erat.  
Inveniunt aurum tandem: sacra ira facessit,  
quilibet & misera valde misertus avis.  
At prisca redeunt gelida in præcordia vires,  
vita redit, redeunt & color atque calor.  
Quisquis es, à brutis anathemata disce vereri,  
vox nunquam incassum religiosa ferit.  
Verba Sacerdotis læsi sunt fulmina, crede,  
si sapis, hæc certè fulmina sancta cave!

§. 4. Dn. Fridericus Henkhusius, Sub-Prior in Imperiale Corbeia ad Visurgim, Vir sincerus, doctus, & Antiquitatum monasticarum insigniter gnarus, fassus mihi est, se, cum quondam Osabrugi historiam hanc in concione audisset, eâ se horâ Deo votum nuncupasse vitæ religiose, & quidem, si Dominus ita vellet, Corbeia. Ex variis porrò schedis hæc amicè mecum communicabat.

Vetus.



Anonymi.

*Vetus & vera traditio, seu potius historia, est; Conradum nostrum corvum, annuli sui pretiosi, & à Conrado Rege donati furem, inscium licet, excommunicasse. Qui subito in maciem, mærorem, multasq; miseriis coniectus, omnium conspectui se subduxit, donec tandem, annulò casu in nido avis reperto, sublatòque fulmine, omnis pristinus nitor vigorq; ei restitueretur. I nunc homo, & floccipende Religiosorum minas, justò zelò expressas. Si non effugere potuit maledictionem bestia, quantò minus tu eam devitabis. In alia membranula hæc erant scripta manu Stephani de Schnakhgaborgh, Monachi Corbeienfis, quem sub ipso Conrado etiam vixisse rebatur Henkhufius.*

Steph. de  
Schnaken-  
borg.

*Dolendum sanè, eò processisse mortalium temeritatem, ut, Dei Salusq; sue obliti, nec sacra quidem maledicta amplius reformident, quasi inania forent tintinnabula, ad terrorem plebis, ab otiosis Monachis conficta. Audite posteri, at obstupescite. Facta enim narro, non ficta. Furabatur corvus Conrado nostro annulum aureum, à Conrado Rege donatum, cùm custos reliquiarum Patroni nostri constitueretur. Ille cùm diu anxie quæsitum annulum nuspiam reperiret, quendam tamen è famulis suis suspectum haberet, piò zelò excommunicat, quisquis etiam fuerit, furem rei sacra. Corvus, Conrado valde familiaris, subito omnium hominum conspectum fugiens, mæstus & languidus in nido suo jacebat, omnem aversans cibum, nemine adhuc id animadvertente. Querit tandem Conradus, ubinam nigellus suus foret? sic enim appellare solebat. Visitatò nidò, ecce! agonisans ferè nigellus raptò incubuit auro, doloris mærorisq; plenus. Gavisus Abbas de annulo reperto, admiratus est mirabilem Dei vindictam. Subito igitur relaxat iram Ecclesia, & corvus, sensim tamen, plumas, vires & sanitatem omnimodè recuperavit.*

S. P. Q.  
Hüxar.

§. 5 Quid? quod producemus publicum S. P. Q. Hüxariensis testimonium, fidâ & amicâ manu communicatum.

**N**os Lambertus de Lüchtringen & Ludolf Cerdo Consules, unâ cum tota Universitate Urbis nostræ Hüxoriensis recognoscimus hisce & notum facimus, quòd cum Rev. & Nobil. Domi-

nus

nus Luthovvigus de Vanslebhe certitudinem historia, quondam sub Conrado Abbate facta, de Corvo, propter annulum, excommunicationem passo, à Nobis exprimeret, respondemus, celebrem & inveteratam jam esse traditionem illam plenius à Joanne de Dessel, Presbytero, parvò libellò descriptam, & apud Nos pro vera acceptam.

Servatur iste annulus adhuc Corbeigæ in Camera Domini Abbatis Roberti de Horohuse, quem multi è nostratibus viderunt. Ipsam avem Kunrad directè aut præcisè non excommunicarat, sed generaliter tantum furem, quem nesciebat esse corvum. Hoc ita esse, Sigillò Civitatis nostræ muniri & corroborari fecimus. Dat. Huxoria Anno 1330. in octava S. Benedicti.

(L. S.)

§. 6. Bodo II. Abbas Monasterii Bergensis ad Albim XXX. Wanslebius. è Wanslebiis fuit, cujus parens Ericus, quem testem laudat Burcardus, Archi-Episcopus Magdeburgicus Anno 1309. Frater verò Ludovicus, Archi-Diaconus & Canonicus Summi templi Halberstad. cujus meminit Albert. II. Episcopus, Dux Brunsvicensis & Lyneburg. Annò 1334. Fortè in hunc digitum intendunt Consules nostri. Conradus autem, sub quo historia con- Conrad. tigit, erat XXIX. Abbas Corbeia. Rupertus verò, penes quem & Rupert. annulum tunc superfuisset ajunt, fuit hujus nominis II. Abbas XXXVI. Nobilis ab Horohusen.

§. 7. Ecce autem, mi Lector, parvum Desselii codicillum, libellus eâ fide, quâ in fragmentis historiæ Saxonice Georgii Zolkii, Mo- Desselii. nachi Reinhusani, Ordinis Benedictini, reperi. Ad futuram rei memoriam. Joh. de Dessel indignus Canonicus insignis Ecclesiæ Collegiatae D. Petri intra Hôxariam & Presbyter, omnibus salutem ab & in Eo, qui est nostra Salus. Lege, obstupece, respice quisquis malus es, Lector, ac lege, mirare & prædica, quisquis bonus fueris. Quàm mirabilia enim fecit dextra Domini. Africa olim semper aliquid boni, insoliti & monstrosi peperit. Verum Corbeja, fundatrix & Benefactrix nostra, nunquam non vera, nova & admiranda promit, in quibus digitum Domini stupe-

Dec. II. Annus V.

l

mus,



mus, ejusq; singularem Providentiam, meritò adorandam. Tædet me heic repetere mirabilissima ista miracula, quæ Meinart à Lûchtringen, Nobilis, at humilis tamen Corbeix nostra Monachus, diligenter compilavit, & nostratibus benè nota sunt. De solo corvo hîc loquar, fulmine sacrò, ob furtum, tacto. Scilicet Counradus, Abbas Corbeiensis; Optimi Wiboldi Successor, Princeps devotissimus & zelosissimus Dominus, qui multa prudenter & ex usu Ecclesie peregit, jure hereditario acceperat annulum grandem, aureum & valdè pretiosum, ob inclusam in palo gemmam, quò Wiboldum olim beaverat Serenissimus Counradus Rex, cùm dilectum sibi custodem Lipfanorum S. Viti Martyris, tactis antè Ejus reliquiis, in præsentia multorum Procerum, Clericorum atq; Laicorum, solempniter faceret & declararet. Hunc annulum in festo cujusdam Patroni Counradus Abbas digito indiderat, cùm Missam in Pontificalibus celebraret. Postea ad prandium cum Nobilibus Viris accedens, deponit annulum, ut, consuetò more, manus lavaret suas. Precibus finitis ur̃a cum convivis & Ministerialibus mensæ assidet, interq; fabulandum annulum obliviscitur, rens etiam fortè, à ministris suis benè custoditum iri. Corvus, quem in contubernio alebat Counradus, & ob facetias egregiè amabat, conspicit splendentem in repositoio annulum, furtim accedit, rapit, & per fenestram avolat, inq; nido suo abscondit, nemine hoc animadvertente. Redit postea hilaris, & de omni periculo securus, nec quisquam aliquid mali de eo suspicabatur. Prandiò finitò in cellam suam revertitur Abbas. Cùmq; recordaretur sacri annuli, subitò jussit afferri. Sed ubi erat ille? Habebat Counradus Amanuensem, doctum Juvenem, & satis etiam bonum, nisi quòd aliquando Vir trium literarum deprehensus fuerat, Lucam nomine. Hic accusatus furti, negat pertinaciter: visitatur scrinium ejus, vestimenta & omnia, quæ habebat ipse, sed annulus non invenitur. Illò die Lucas Sanctissimum sumserat Sacramentum, igitur juramento se purgat, suspensionem tamen à se amovere vix potest. Counradus, Zeli plenus, islò adhuc die, hâc formulâ furem, quicumq; etiam tandem esset, excommunicat.

Cùm

Cum Tu, quisquis sis, aut cujuscunque conditionis, statûs & dignitatis, qui non veritus es tantum patrare sacrilegium, & annulum sacrum, qui ipsas S. Martyris & Patroni nostri reliquias tetigit, & vi cujus, ego à Serenissimo Imp. Custos & Advocatus perpetuus S. Lipsanorum B. Viti etiam constitutus sum, in ipso die festo, inque sacro loco auferre, & profanare, agendum in nomine Patris & Filii & Spiritus S. Te excommunico, & excommunicatum volo ac jubeo, donec resipueris, & plenariè Ecclesiæ nostræ satisfeceris.

Formula  
excommu-  
nicationis.

Fulmine hoc emissò, omnium oculis se subduxit corvus & nupiam comparuit amplius. Counradus ablatum eum esse putans, omnes domesticos & vicinos longè latèq; interrogari jussit, annon unus seu alter viderit alitem suam cum tintinnabulis, seu nolulis, quæ circa collum dependebant. Negant omnes. Hem! dicit, & annulum amisi nuper, & nunc corvum, quid tandem inde fiet? Interea sagax & facetus quidam juvenis, Domine, ait, fortè corvus iste abstulit annulum, ideoq; fugâ se subduxit. Quid tu, respondet, blateras? ille: at scimus tamen omnes, quàm furaces corvi sint, & nuper in nido cujusdam in monte Kôterberg rustici nostri aliquot nummos invenere argenteos ac cupreos. Hisce verbis Abbas commotus jussit fagum conscendi, & ulterius investigari. Fit: jacet avis, sordes inter suas & vermes, agonizans, pluma deciderant, vix spiritum trahebat amplius, ad omnem motum & loquelam, contra naturam suam, trunci instar, immota, inque ipso stercore tandem reperitur annulus.

Traditur unâ cum CORVO Counrado, qui vim fulminis etiam in ave summopere admirans, istud denuò submovit, didicitq; quantum valeant justæ & zelosa Sacerdotis ira. Sic absolvitur corvus à crimine suo, quo de nemo unquam suspicatus erat. Tandem sensum convaluit avis. Annulum istum ego vidi Corbeia. Valdè pretiosus erat, insigni gemmâ ornatus, & pondere gravis. Tu, qui hæc legis, time Deum, & venerare Sacerdotem. Vides enim, quid ponderis habeant seu benedictiones, seu maledictiones ejus apud Dominum. Nec sine causa hoc in corvo permisit Deus, sed ut ab



*ipsis brutis discas, quæ sint & faciant ad salutem tuam, quam ex corde Tibi precor, Tuq; precare mihi.*

§. 8. Communicavit non ita pridem mecum. Eruditus Amicus, & insignis Antiquitatum Scrutator, veterem Wiedenboccii membranam, quam publici juris hic faciam.

Tettimo-  
niumAtha-  
nal. Wie-  
denboccii.

Athanasius Wiedenboccius, *Canonicus Regularis Ord. S. August. posteritati Salutem & Gratiam in Christo Jesu.* Nihil terribilius, quàm maledictiones Ecclesiastica. Lapis sit, non homo, has qui non timeat. Tædet me multa heic allegasse exempla, cum unicum, idq; rarissimum, & nunquam auditum, abunde sufficiat. Circa Annum M D LXXVII. præerat Sanctæ Corbeigensi clau- stro ad Wisarab pius & zelosus Dominus Kounrathus, qui in so- lenni quodam Festo post summum Sacrum patrio more cum ante pran- dium manus lavare vellet, annulum prius Imperatorium (quò Kounrath Rex eum custodem reliquiarum Magni Martyris Viti constituerat,) aliò deponit, ut custodiretur à famulis, qui servie- bant Archimandrita. At corvus inquilinus fulgens fortè aurum conspiciens, nemine cernente, furtim accurrit, aufert annulum, inq; nidum suum haut procul à sacello S. Gertrudis, seu infirmaria, in alta quadam fago positum conjicit, sicq; ad Dominum reverti- tur suum. Qui hilariter prandens, tandem, mensâ sublatâ, cum ad vesperras daretur signum, poposcit annulum à nemine vi- sum, seu repertum. Erat aliquis servorum Abbati suspectus, in- nocens tamen tunc ille inventus. Kounrathus tamen zelosus in ipsis vespersis furem, quicumq; etiam foret, fulmine ecclesiastico percussit, & tamdiu à sanctissimo Corpore & Sanguine Domini no- stri Jesu Christi, ab omni consortio fidelium exclusit, donec abla- tum redderet. Ab illo die corvus, à nemine postea visus, conta- buit in nido, diarrhæâ & magna verminatione correptus. Qui tan- dem casu repertus, omnium commovit commiserationem, Verùm cum famuli diligentius scrutarentur, præter omnium expectationē reperitur sacer annulus, sordibus contaminatus. Redditur Abba- ti, qui attonitus quasi vindictam etiam in ave manifestè conspi- cuam cum timore stupuit. Sublatò demum fulmine corvus quasi inodogenitus vitam, vires, plumas, & omnia recuperavit. Quam historiam, in gratiam piæ Posteritatis, annotare volui.

§. 9. An-

§. 9. *Angelinus Gazæus*, è Soc. Jesu, in piis suis *Hilaris*, e- Ang. Ga-  
dit. *Musipont*. p. 66. seqq. integram historiam venustè & inge-  
niosè decantat. Meretur sanè audiri.

*Nutribat olim Corbix Archimandrites*  
*Conradus avium callidissimam, corvum,*  
*fartum malitiâ fraudibusq; suffultum.*  
*Quoties ephebos Præsulis, minus cautos,*  
*retrò ille surâ sauciavit admorsâ?*  
*quoties catellis prandium suum clepsit,*  
*ut & inopinis felibus suam caudam?*  
*& hâc rebelles striduloque vagitu*  
*opem rogantes pertinaciùs traxit?*  
*Quoties oculos gemmeosque pavones*  
*compulit in iras & tenerrimos planctus?*  
*quando rotatum syrma, vel reclinatum,*  
*& splendidi tapetis instar expansum*  
*rostro malevolus vellicavit infesto?*  
*Si grandiores fors suam canes ollæ*  
*raperent merendam, nec valeret adversum,*  
*rectâ ipse mandras & lares molossorum*  
*vindex adire & dissipare stramenta.*  
*Quid furtâ memorem? quæis domi & foris nequam.*  
*quotidianas illigatus in prædas,*  
*unde, unde licuit, seu metalla, seu carnes,*  
*seu vesca, seu non vesca, cuncta raptabat,*  
*furtumque scrobibus ingerens latebrosis*  
*herbisque, melius ut lateret, oppilans,*  
*Lavernionis omne munus opplebat?*  
*Manus lavandas annulo dearmârat*  
*Pransurus Abbas; hunc bolum trifur corvus,*  
*simulatus aliud, intuetur & raptat,*  
*suique defert in triclinium nidi,*  
*operitque paleis. Præsul inde sepostum*  
*abesse cernens annulum, dies totos*



noctesque furem suspicatus incassum,  
 jubet in rapacem, quisquis ille sit, tandem  
 anathema dirum à curione librari.  
 Corvus remota considebat in fago,  
 crocitatione ludicrà diem fallens,  
 culicesve prensans, aut facetus aspergens  
 hinc felle picas, hinc salute cornices.  
 Jam voce pavidus, jam canis, sed & felem,  
 tam lepidè adumbrans, felem ut esse jurasset.  
 Quæ canis & illi fantur ore maternò,  
 hæc, se Magistro, didicerat sequax ales.  
 Vix Sacrosanctæ fulminaverant diræ,  
 en! ruere ab alto mutus, & repentinâ  
 languoris aurâ sideratus horrere:  
 hinc ægrum anhelò trahere Spiritu vitam,  
 junctâ ciborum nausea diarrhœâ,  
 dirâque Verminatione torqueri,  
 oculosque fieri lippus & pedem claudus:  
 sensimque vestis plumæ in solum spargi,  
 & fluere ab alis spontè remiges plumæ;  
 Atque, ut pari par redderet, inurbanè  
 ridere picæ, condolere cornices,  
 mordere culicum turma tergus implume,  
 suâ hinc ephebi talione letari,  
 & hûc & illûc lancinare palantem.  
 Circùm inde ludos facere grex catellorum,  
 optare corvus, si liceret, in cæcas  
 abdi latebras, & cavernulam muris.  
 Ecquid deesset aliti suo vernæ,  
 stupere Præsul, Præsulisque convivæ.  
 Hos inter aliquis (ut solet) joci causâ,  
 Quid si, inquiebat, nuper annulum furto  
 rapuisset ater nebulo, condidisset que?  
 & has facinoris impii daret pœnas?

*Suspicio placuit: mox & itur in nidum,  
interq; paleas sordidatas elucet  
tandem repertus annulus. Jubet Præsul,  
sic fortè Volucris profuturus, actutum  
Ecclesiæ iras nuperas relaxari.  
Parochus relaxat, & repente sanato  
redire corvo vita, vox, vigor, vires.  
Reduxq; pellem circumire lanugo,  
plumaque tandem principes refluere;  
Ita fit: leonem ut terream, canem cado,  
ut terrearis, ut minas Sacerdotum,  
ipsis verendas belluis, reformides,  
gnara Superos provocare peccando,  
rationis exors animam plectitur corvus.*

Tangit eandem historiam Autor lib. de Vit. Illustr. Ordin. Cisterc.  
Vir. & Bonifac. Rhodigin. in Hist. sua ludicra.

§. 10. Vidi aliquot abhinc annis in musæo Dn. Hermannii  
Schneidewinds / Eccles. Hōxariens. ad S. Kilian. Past. Martini Mart. Hott-  
Hotbandii, Past. ad S. Petr. ibid. concionem funebrem, habitum bandii.  
super excessum Sibyllæ Catharinæ Zassvordsen / excus. Lemgov. à  
Barthol. Schlottenio Anno 1577. desumptam è Luc. X. 16. ubi pag. 10.  
inter alia sic: *Somnia Monachorum, fabulasq; eorum aniles te-  
mno: nihil mihi commercii cum iis. Rarè igitur, aut nunquam,  
ut nōstis, sermonibus aspergo meis. Sufficit enim nobis verbum  
Domini. Audi vi tamen Studiosus olim à Præceptoribus meis Aca-  
demicis terribilem historiam de corvo, abs Abbate Zeloso excom-  
municato, ideoque in gravem morbum lapsò, ut in stuporem & com-  
miserationem conjecerit universos. Taceo, quæ hac de re non ita  
pridem mihi dixit Dominus Abbas Reinhart, & testimoniis fide  
haud adeò indignis probabat. Sic Hottbandius.*

§. 11. Reinhartus iste à Bucholz, è Monasterio Gladbascens Rein-  
d. 4. April. Anno 1555, ætatis suæ XXX. postulatus Abbas Cor- Abbatis.  
beiensis LII. testante epiraphio à Georgio Redenero, Abbate Ma-  
riæ-Monasterienfi, ei posito



*Vir pius & doctus, Vir mitis, amabilis, æquus,  
integer ac placidus, rectus & acer erat.*

Industrius rerum Saxonicarum compilator, è cujus *Miscell. Hist. antiq. Saxon.* hæc excerpta reperi in *fragment. annal. Franciscanor. Hoxar.*

*Sub devoto Archimandrita Conrado Corvus quod furatus esset sacrum annulum ejus, excommunicationis sententiâ tactus, triste omnibus præbuit spectaculum. Nos historiam tantis Doctorum Virorum testimoniis & judiciis habemus confirmatam, ut rubore pudoreq. meritò suffundi debeat, quisquis mihi contrarium dixerit. Historias colligo, non fabulas; licet stultis omnia videantur suspecta & sublesta fidei, quæ à Monachis sunt scripta. Deme libros nostros, & ostende mihi vel unicam satis instructam Bibliothecam.*

Utinam *Miscellanea ista Reinhartiana* adhuc superessent, sed periëre eheu! unà cum annulo, & omnibus ferè documentis, in famosa cruentaq. *Hoxariensi* expugnatione anno 1634. Meminit ejusdem historiæ *Wolffius T. I. Lect. Memorab. edit. Halb. p. 168.* Furacissima avis *corvus*, ut etiam in proverbium abierit: *er stiehlt wie ein Raabe.* Nummos quidam *Erfordiae* furabatur, & sub lapide abscondebatur. *Sperling. l. 4. Part. Special. Zool. Phys. c. 16. p. 354.* Conf. *suprà*

Qualis  
fuerit an-  
nulus?

& Status  
Corbeie?

§. 12. Constat autem ex *suprà* dictis, non quemcunque, aut vilem, sed grandem, obq. inclusam in palo gemmam, valde pretiosum fuisse annulum, à *Conrado Imp. Wicboldo Abbati* solenniter datum. Juvabit *παρένεστιν* heic facere, & singula clariùs interpretari. Cùm nihil tam bonum, sanctum & stabile sit, quod non tandem malitia hominum subvertat, aut corrumpat, non est sanè, quod mireris, *Corbeiam Saxoniae*, amplissimum istud *Seminarium Apostolorum Borealium*, & magnum *Germaniae miraculum*, imò Imperatorum elogiò, locum *Sacro sanctum*, tandem etiam defecisse. Ultra semiseculum hætenus omnia in pejus ruere & retrò sublapsa ferri coeperant. Ecclesia mole æris alieni oppressa, vasa sacra vel oppignorata, seu vendita, bona dilapidata, religio extincta, disciplina collapsa, concordia ejecta, humi-

humilitas & continentia expulsa, sacra mensæ sordibus & illuvie squalidæ, munditiei nullum vestigium, neglectæ pietatis luculentum testimonium. Ita fuci, ignavum pecus, bonarum apicularum alveolos vorârunt, luxu, socordiâ & ignorantia passim dominante. En! quò discordia fratres perduxit miseros? Dejecto quidem, Autoritate Superiorum, officio suo, quod sublestâ administrârat fide, *Henrico II.* suffectus alius Præpositus, sed majori cum excidio Coenobii, adeò ut omnis gloria & dignitas, opulentia ac zelus antiquæ *Corbeia*, in fumum abierit, ipsaque in canticum vulgi versa, & facta fuerit plebi proverbium, ut ex literis à toto Collegio, ad *Eugenium III.* lachrymas inter & gemitus, scriptis prolixis didici. Tandem verò Deus mandræ hujus & mapalis misertus, Servatorem statoremque elegit Gloriosissimum Augustum *Conrad. III.* Hic enim ex *Po-* Emenda-  
tor à Con-  
rad. III. *lonia Goslariam* redux, primarios Coenobitas *Corbeia* ad se vocari iussit, ruinam Monasterii sui, ejusque causam fusiùs exposuit, & catiùs indagavit, seriò mandans, ut posthac ad frugem redirent, & secundum normam Benedictinam, cui voto se obstrinxerant singuli, vitam constanter componerent, neque amplius foedum abjectumque corpus sine capite forent, Bonum Antistitem Pastorem ocyùs sibi eligerent WICBOLDUM, Abbatem Strabulensem. Idem sensere omnes, quotquot in Palatio Regio erant, Principes Proceresque Imperii. Sic præsentem *Bernharto*, Episcopo Paderbornensi, tanquam viciniore, anno 1146. omnium suffragiis electus & renunciatus est Abbas Corbeiensis laudatissimus *Wicboldus*. Quâ read Eum delatâ excaudit, dicens: *se malle esse bubulcum, quàm Antistitem Corbeien-* Wicbold.  
eligitur. *sem.* Adeò sorduit tunc Ecclesiæ hujus nomen! Deo tamen & Rege impulsore obduravit animum, & molestam hanc plenamque periculis servitutem animosè subiit. Næ, divina Providentia, quæ cuncta gubernat, Sap. XIV. 3. singularia fausti regiminis omnia eòpsè electionis annò ei monstrabat, notante *Alex. ab Insula, in Brev. rer. memorabil. num. 58.*

§. 13. Ceterum erat *Wicboldus* hic Comes *Northheimensis*, Quis &  
unde fue-  
& Do-rit?  
Dec. II. Annus V. m



Regimen  
ejus.

& Dominus in *Bömeneburg*, Diterici filius, alumnus Coenobii *Corbeiensis*, non *Vazorensis* in Diœces. Leod. ut *Bucellin. Part. alt. Germ. Sacr. & Profan. p. 281.* perperam scripsit, Abbas tunc *Stabulensis*, Vir pietate, doctrinâ, candore, multorumque rerum Prudentiâ eminentissimus, Conradi III. familiaris & Confiliar. intimus. Initium dignitatis suæ timor Domini, & fausta Monasterii emendatio, cujus basis restauratio collapsæ disciplinæ. Hanc igitur ut pristino splendori, ad mentem Benedicti Patris sui, gloriosè redderet, ex aliis bene constitutis Monasteriis, cùm domi non haberet, optimos quosque selegit Ascetas, qui facem præferrent reliquis. Et nã! quàm magnus quæstus pietas sit, vel ex *Wicboldi* exemplo discimus. Non tantùm enim amissa bona sacramque supellectilem redemit, sed longè plura Monasterio addidit, ut meritò alter quasi *Corbeia* fundator, restaurator ac Conservator apud seram, si quam sperabimus, Posteritatem audiat. Summâ *Conrad. III.* munificentia contulit *Corbeia* Anno 1147. jure perpetuò, & auctoritate in æternum valiturâ, insigne, olimque opulentum, Monasterium Virginum, dictum *Kaminada* ad *Vifurgim*, Diœces. (quondam) *Mindensis*. *Adrianus IV.* confirmatâ ei illustri *Præpositi, seu perpetua Provisoris* Coenobii *Herifordensis* dignitate & officio, porrò attendens probitatem & devotionem dilecti filii sui *Wicboldi*, Monasterium *Werbenſe* in Comitatu *Waldeccensi* adhuc conspicuum, sed devastatum, adque jus B. Petri specialiter pertinens, eum Advocatia, & omnibus pertinentiis perpetuò adjecit & commisit, confirmante id etiam *Victore* Papâ.

Compescit  
iniquos  
Ministros.

§. 14. Sustinuerant hætenus Prælati *Corbeienses* multas injurias à Ministris suis, *Dapifero* inprimis & *Pincerna*, ut ex literis Imperatoriis dat. *Spira* Anno 1150. & dissertationi nostræ Historico-Politicae de *Advocatis & Oeconomis Monasticis* bonâ fide innexis plenius videre est. Hosce fures & servos nequam Optimus *Wicboldus* fide, labore & constantiâ suâ, quam seriò commendat Cæsar, eumque fidelissimum ac carissimum suum nominat, eliminavit, seque, suosque Successores legitimos Administra-

nistratores bonorum suorum fecit. Quæ omnia, ob insignem *Wicboldi* fidem circa Dominum & Patrum ejus, *Conrad. sc. III.* nec non & circa promotionem suam in regnum repetit, & de-  
nuò confirmat *Frideric. I.* Merseburg Anno 1152. Ind. XV. 15.  
Kal. Jun. Testes erant *Sveno & Canutus*, Reges Daniae, unus  
Archi-Episcopus, & IX. Episcopi, IV. Abbates, & aliquot Prin-  
cipes seculares Imperii.

§. 15. Volens autem Imperator *Conrad. III.* dilecto & fideli suo *Wicboldo*, ob fidem, laborem, & constantiam, Deo, sibi ac Im-  
perio sanctè, & publicè præstitam, novam & singularem exhi-  
bere gratiam, & splendidam adhuc conferre dignitatem, ex cer-  
ta scientia & animo prorsus deliberato, statim sub auspicio Præ-  
laturæ suæ Corbeienfis, circa Anno 1148. in Augusta Illustrium  
Nobiliumque Principum & Virorum corona, Corbeiae, tacto  
antè *B. Viti* (quod ibidem quievit integrum) per aureum dona-  
tionis annulum, jure perpetuò, Eum, omnesque Successores,  
canonicè electos, & legitimè confirmatos Abbates, fecit, con-  
stituit & proclamavit perpetuum Advocatum, seu Custodem *Lipsa-  
norum S. Viti.*

Constitui-  
tur custos  
Lipsano-  
rum S. Viti.

§. 16. Ita hæc dignitas & custodia primùm à *Conrado III.* in *Wicboldum* derivata, & abs hoc, Autoritate Cæsareâ, in omnes  
omninò Successores ejus. Et adhuc singulis ab Impp. sanctè con-  
firmatur, ut ex diplomate *Ferdinand. II.* de A. 1627. d. 26. Mart.  
dat. *Johanni Christophoro*, Nobili à *Brambach* è diplom. *Ferd. III.*  
*Arnold. IV.* dat. Vienn. A. 1639. Mens. April. ex *Leopoldino*, dat.  
*Christoph. Bernh.* Episcopo Monasteriensi, ut Administrat. Cor-  
beienfi, A. 1662. 7. Jun. I, & moderni Abbatis *D. Christophori*, ex  
antiqua & generosa familia *Bellinghusana* sati dat. Vienn. Anno  
1682. vidimus, in quo Cæsar expressè ait: *Se munus ac titulum*  
*Advocati & Custodis perpetui Sacrorum S. Viti Lipsanorum*, quò  
à *Conrado III.* olim Abbas *Wicboldus* per aureum donationis an-  
nulum insignitus fuit, ex innata Imperiali beneficentia itidem  
laudare, approbare, confirmare, innovare, & quantum opus sit, de  
novo atque integro &c.

Cum Suc-  
cessoribus  
suis.



Ceremonia (1)  
contactus  
corporis  
S. Viti.

§. 17. Ceremonias inter (1) eminet *contactus corporis Viti*, quòd, *ceupretiosus Saxonia thesaurus*, censurâ *Wittekindi l. 3. annal. p. 24.* Anno 836. è Cœnobio S. Dionys. Paris. operâ *Hildevvini*, Abbatis ibidem, tunc autem à Ludov. Pic in Monasterium *Corbeienſe*, carcerem suum, detrufi, in Saxoniam primò delatum à *Warino*, primò regulariter electo novæ *Corbeia* Abbate, Caroli M. ex Sorore nepote. Vid. ſis fuſius *Autor. libell. de transl. S. Viti Annal. Wittekind. annex. à Cl. Meibom. & Chron. Engelhusii p. 163.* Integrum hujus Martyris corpus olim ſervabat *Corbeia*. Quî ergò, aut quando particulæ quædam *Pragam, Elvvangium, Gladbachium* & cetera devenerint loca, non facilè dixerò. Certum tamen, vel ex liberali *Corbeia* manu eas accepisse, quotquot hujusmodi genuinas poſſident, aut vi, ſeu aſtu, quod promtiùs crediderim.

(2) donatio  
& traditio  
aurei annuli.

§. 18. Altera Ceremonia peracta *donatione & traditione aurei annuli*, quo de *Kirchmann. L. de Annul. & Höping. L. de Jure Sigillorum*, Viri alioquin eruditè-curioſi, ne *regè* quidem annotârunt. Ipſam hanc conſtitutionem Advocatiæ perpetuæ *Lipſanorum* per traditionem *annuli aurei* ſuper reliquias S. Viti Martyris factam fuiſſe, nullum eſt dubium. At ipſum quoque *annulum* tetigiffè ipſiſſimas reliquias, è *Breviar. rer. memorab. Alex. ab Inſula* didicimus. Exprefſè enim ſcribit: *aurum tetigiffè reliquias*. Conſonat *Joh. de Deſſel*, inquiens in formula excommunicationis *corvine*: Qui (*annulus*) ipſas S. Martyris & Patroni noſtri *reliquias* tetigit *Aureus* fuit *annulus*, *grandis*, *obq; incluſam in palo gemmam* (adamantem puto) *valdè pretioſus, conſpicuus & fulgidus*, ac *ſacer*, ut *Alex. Inſulanus*, & *Deſſelius* *avτόπτης* conſeſtatur. Juſtè igitur excanduit Abbas de tanto ſibi *ablato theſauro*, monente *Inſulano Comite*.

(3) ipſa  
traditionis  
formula.

§. 19. Ultimam Ceremoniam, adeoque *ipſam traditionis formulam*, addit Nobil. & Religioſus *Corbeia* Monachus, *Euſtachius à Brobach*, in fragmentis ſuis *Historicis* ad Annum MCXCIV. inquiens: *Advocatiæ*, ſeu *cuſtodiam ſempiternam Lipſanorum B. Viti* *Wicboldus*, *Reſormator in ſpiritualibus & tempora-*

poralibus, quotquot adhuc habuimus, & felicissimus & laboriosissimus, accepit à Conrado Rege; scilicet super reliquias B. Viri in Ecclesia nostra tenebat Rex pretiosissimum aureum annulum & gemmâ conspicuum fulgidumq<sup>3</sup>, dicens: Ecce! carissime & fidelissime *Wicbolde*, Ego in conspectu Domini, omniumq<sup>3</sup> Sanctorum, coram *S. Vito*, Patrono meo Tuoque, humi prostratus, ob fidem & laborem, quò me & Imperium prosequeris, per donationem aurei hujus annuli, qui ipsas Patroni hujus loci sanctas nunc tetigit reliquias, Te, Tuosq<sup>3</sup> in Monasterio Successores, facio & constituo Advocatum, seu custodem perpetuum beatissimorum horum Lipsanorum, in Dei nomine feliciter, Amen. Quibus dictis cum Ministerialibus suis surrexit, totusque chorus cantavit: TE DEUM LAUDAMUS!

§. 20. De morbo corvi, ejusque restitutione, annulo tamen prius repertò, omnes conveniunt. Non in ipsum corvum strinxerat *Conradus* fulmen, sed in furem, quisquis demum ille fuerit, nec de ave, nec de alia bestia unquam tantum facinus suspicans, sed quendam è famulis suis (*Lucam* vocat *Dessel*) suspectum habens, teste *Steph. à Schnakenburg & Widenboccio*. Et licet *Alex. de Insula*, *Kuhlemann*, *Schnakenb. Consules Hoxariens.* *Hottband.* *Wiedenbocc.* *Reinhart.* etiam constanter asserant, ab ipso *Conrado* excommunicationem factam, solus tamen *Gazeus* contrà scribit: eum jussisse anathema à curione librari. Putabat *Henckhusius*, in ipso festo *S. Justini* Patroni Corbeiensis, in vespers, præscentibus multis Nobilibus, aliisque spectatæ dignitatis Viris, fulmen id esse emissum, quo de nil certi pronunciare possum. In festo Patroni inquit *Desselius*, at cujus, reticuit. *Widenboccius* vocat festum solenne. Fortè in ipso festo *S. Viti* factum.

§. 21. Quàm terribiles Sacerdotum imprecationes, exemplò XLII. puerorum 2. Reg. II. 23. seq. Stupenda, si vera, historia apud *Trithem. in Chron. Hirsaug. ad annum 1012. Stangefol.* L. 3. annal. circul. *Westphal.* p. 231. *Kranz.* 4. *Saxon.* 33. *Alb. Stad.*

Imprecationes Sacerdotum.



in Chron. Engelhus. in chron. p. 193. de saltatoribus Colbeccensibus in Dioecesi (nunc Principatu) Halberstadiensi.

Bestiæ sentiunt vim anathematum.

§. 22. Ceterum bruta etiam sensisse vim fulminum sacrorum, ex historiis constat. Nolo hîc recoquere, quæ de *S. Ulricho*, seu *Bennone*, commemorantur, quod solâ imprecatione mures majores è suis Dioecesibus pepulerint, cum ficta & suspecta plurimis videantur. Nihil etiam dicam de *Guilielmo*, Lausanensi Episcopo, ab *anguillis* læso, qui postea omnes à magno lacu *Lausanensi* maledictione profligavit, teste *Felice Malleot* in *Lib. de exorcismis*. Notissimum nostratum adagium, abjectum & nullius omninò pretii hominem delineantium, quando ajunt: *Kein Hund wird ein Stück Brod von ihm nehmen*. Originem vide sis apud *Harsdörfer. P. 2. der Gespräch: Spiele p. 230. & 270*. Otto, Marchio, ab Archiepiscopo Magdeburgensi excommunicatus, floccifecit minas hasce, dicens: *Audivi, si quis justè excommunicatus, abs eo ne canem quidem panis frustulum capere*. Eja! tentabimus. Objecit ergo famelico *cani* carnem: fastidiit bestia. Jubet eam includi, & hâc tantum portiunculâ carnis ali. Fit per triduum. At ne tetigit quidem. Sic in seipsum descendens justa Dei judicia cum timore stupuit. *Mich. Sachs. Chron. P. IV. p. m. 11. Brotuff. L. 2. Chron. Anhalt. c. 7. p. 68*. Strinxerat *Engelbertus*, Archiepiscopus Trevirensis, Henricum, Comitem Limburg, sacro anathemate, qui *cani* etiam famelico bolò projectò dixit: *Si non edit canis, justè excommunicatus ego*. Quid fit? *canis* omninò abstinet à bolo isto, teste *Masenio in epit. Annal. Trevirens. p. 355*. Alii temserunt panes ab incestuosò, & interfectoibus *S. Thomæ Cantuariensis* Episcopi projectos. *Baron. T. 11. annal. Eccles. p. 365. & L. 12. p. 355*.

Brutorum devotio & gratitudo.

In specie canis.

§. 23 Uti aliquando Deus bestias ad singularem devotamque gratitudinem erga sacras ædes & religiosos, in confusionem mortalium, flectit, ut omninò ratione abundâsse videantur. Sic quoque multæ sacrilegia, eò sic volente, à brutis vel acerrimè vindicata, seu prodita passim legimus. Prius gemino exemplo *Corbeiensi* confirmabimus. *Theodulus* Abbas habebat

*canem*

*canem* puniceicoloris, staturæ mediocris, robustum tamen valdèque religiosum & penè rationalem. Quories signum dabatur ad sacra, quocunque diei tempore, velociter ad templum currens, lentè & modestè intrabat, confidebatque antefestum altare, continuò *fixis id oculis* intuens. Ad lectionem Evangelii, quasi admonitus, promptè *stabat erectus*: recitatò eò, iterum confidebat. Sub elevatione Sacramenti totus *prostratus immotusq;* jacebat, ore ad terram pressò, ductòque è præcordiis gemitu. Finità communione, more solitò, pedibus *posterioribus* insidebat, stans demum ad lectionem Evangelii. Benedictionem *humiprostratus*, oculis ad Presbyterum elevatis, accipiebat. Et sic suò more iterum lentè modestèque exhibat templò. Si videret sòcios suos ad parietes Ecclesiæ mingentes, acriter mordebat; nunquam etiam permittit, ut alienicanes, aut nostri, sacris interessent. Imò si quos in area latrantes inter Missam audiret, tardè exiens compescebat petulantiam eorum. Quò factò redibat. Dies abstinentiæ tam accuratè distinguebat, ut nullis blandimentis ad esum carnis iisdem eum perduxeris. Auditò nomine JESU, subito in terram *prostratus* concidebat. *Isibord. ab Amelunxen in Breviar. rer. memorabil. ad ann. 897.* Mirabilius ferè exemplum de alio cane, ut sic loquar, *religioso* refert *Nierenbergius Lib. 9. H. N. c. 94.* idque ex eo transcriptum repetit *Schott. l. 8. Phys. curios. c. 19. §. 1. p. 827.*

§. 24. Alterum exemplum reliquit nobis *Alexander de In-* Et ciconia.  
*sula* in *Breviar. rer. memorabil. ad ann. 1196.* *Ciconia*, inquit, è vicinia ob incendium cum conjugè laribus suis pulsà, domicilium sibi eligit *Corbigæ*. Conatum ejus fratres juniores ultrò promovent, lignum pro struendo nido largiter suppeditantes. Circa autumnum discessuri inter Missam templum intrant Seniores, subsequētib; quos eò pepererant annò, quatuor junioribus. Ibi coram altari è latere singulæ unò consistentes pede, omnium oculos in se convertunt. Finitò sacrò, cum nemo tributum suum posceret, Seniores cum junioribus *natu-*  
*mini-*



*minimam* alis rostrisque ad sellam Abbatis quasi protrudunt. Quâ retentâ, templo exeunt, eâdemque nocte discedunt.

Porci Sa-  
crilegii  
vindices.

§. 25. Posterius denuò probabimus historiâ *Corbeiensi*. *Theodulus* noster, ait laudatus *Isibordus*, Abbas VII. sed sine anno hoc in Missali suo posteris reliquit. Abstulerat mendicus in *Albatia* (*Albachsen*) patenam auream. Hinc *Corbiam* tendens, in campo Lûre incidit in gregem *porcorum*, qui grunntu magnoque clamore eum aliquando detinent, operâ tamen subulci, sacrilegium istud nescientis, eluctatur & transit. Aliqui tamen de grege, usque ad portam Monasterii eum persequuntur, reliqui interea grunniunt, donec socius iste deprênsus facinus suum confiteretur.

Equi ejus-  
dem pro-  
ditores.

§. 26. Ann. Christi 1334. sedente *Alberto*, Episcopo Halberstadiensi, Secundo hujus nominis, Duce Brunsvicensi ac Lüneburgensi, scelestus quidam sacrilegus septem hostias consecratas ex templo *Svanenbeccensi* furtim abstulisse dicitur. Mox autem facti pœnitentiâ ductus, veritus, ne hoc facinus vicinis innotesceret, defodit eas cum pyxide in agrum & discedit. Accidit fortè, ut agricola *Svanenbeccensis* cum equis suis locum istum præteriret. Quid fit? concidunt bestię, quasi attonitę, flexis genibus in terram. Obstupefcit colonus, vociferatur, cædit, & quid singula? vocantur vicini. Quid faciendum, inquirunt. Alii veneficium, alii *τὸ θεῖον* subesse credebant, & sua cuique sententia pulcra. Tandem, egestâ humô, reperiunt pyxidem cum hostiis, hærentes, quid cum illis agendum sit? Res nunciatur Parocho, Archidiacono, *Wernero à Wansleben*, ipsi Antistiti *Alberto*, qui statim magnâ reverentiâ hostias tolli, & cum solenni processione Cleri populi que in parochiale templum, donec eôpsê locô aliud erectum fuerit, deferri jubet. Consecratum hoc ab *Alberto* An. 1334. Vid. *Anonym. Chron. MS. Halberstad. & Cl. Budæi Hist. Alb. II. p. 103. seqq.* In dorso Summi altaris historiam hanc sequentibus distichis comprênsam legi.

*Bestia si quondam Balaami est ore locuta,  
ipsam cùm genius terruit ense minax.*

*Poplite*

*Poplite nil mirum flexo sub imagine Christum  
quod farris noscant & venerentur equi.  
Scilicet ingenti factum discrimine distat  
præsens: hic Deus est, est ibi plasma Dei.  
I nunc, & Numen spoliato brutus honore,  
ut sis brutorum conditione minor.*

ALBERTUS, DEI ET APOSTOLICÆ SEDIS  
GRATIA EPISCOPUS HALBERSTAD. DUX  
BR. ET LUNEBURG. ANNO  
M CCC XXXIV.

E regione:

D. HERMANNUS RHODOMANNUS, CANONICUS  
S. BONIFACH, PRÆPOSITUS S. BURCARDI,  
AC. M DC VIII.

§. 27. Anno Christi M DC XLIIX. in *Libu* quidam no- Et anseres.  
ctu furatus imaginem pueri JESU. Cum jam prodiret cum il-  
la, obvium habuit *anserum* gregem. Hi impetum in furem  
dirigentes, moribus eum detinuerunt partim, partim verò  
avolârunt ad coenobii campanam, quam quidam pulsantes,  
quidam etiam horribilibus grazitantes clamoribus, excitârunt  
incolas, qui deprehenderunt furem. *Nierenberg. Lib. X. Hist.*  
*Nat. c. 99.* Summa:

*Time Dominum, & venerare Sacerdotem. Eccles. 7. 33.*





## INDEX OBSERVATIONUM.

- |  |   |
|--|---|
| I. Semen Viri verminosum,                              | XXVIII. Terribilis catalepsis.                            |
| II. Epilepsia catochetica.                             | XXIX. Quartana ab epilepsia curata, & contrà.             |
| III. Teterrimus alii sudor.                            | XXX. Secundina retenta manu tutò extracta.                |
| IV. Struma Verminosa.                                  | XXXI. Odontalgia, visò medicamentò, sedata.               |
| V. Pica picæ.  | XXXII. Tertianæ frigidò & largiori potu perfectè curata.  |
| VI. Vomitus hæmoptoico salutaris.                      | XXXIII. Penna anserina cum urina rejecta.                 |
| VII. Sudor violaceus.                                  | XXXIV. Paralysis solâ irâ curata.                         |
| VIII. Chorea S. Viti lunatica à Vermibus.              | XXXV. Diarrhœa picea.                                     |
| IX. Plica vulvæ muliebris.                             | XXXVI. Epilepsia à melle.                                 |
| X. Universalis contractura à fudore cohibito.          | XXXVII. Afelli cum lochiis.                               |
| XI. Scabies mammarum à retentis mensibus.              | XXXVIII. Venereus phthiriasi consumtus.                   |
| XII. Mania ab urina.                                   | XXXIX. Pertinax cephalæa cum tumore verminoso in Venereo. |
| XIII. Vacca sine pulmone.                              | XL. Caries dentium, tibiæ, ossis nasi &c. in Venereo.     |
| XIV. Vulva marsupiò quasi carnosò contacta & obvoluta. | XLI. Lues Venerea infectus totus verminosus.              |
| XV. Menses verminosi.                                  | XLII. Penis cum scroto à pediculis corrosus & consumtus.  |
| XVI. Menses nigerrimi.                                 | XLIII. Lues Venerea citra contagium contracta.            |
| XVII. Sudor porraceus.                                 | XLIV. Quartana infantis in utero.                         |
| XVIII. Sudor lacteus.                                  | XLV. Inaudita colicæ Curatio.                             |
| XIX. Paralysis à vermibus.                             | XLVI. Mammæ cancrôsæ verminantes,                         |
| XX. Pica inaudita.                                     |   |
| XXI. Quartana ab halece curata.                        |   |
| XXII. Quartana à Vermibus.                             |   |
| XXIII. Figura gammari in mamma.                        |   |
| XXIV. Miræ sectio calculi.                             |   |
| XXV. Sudor verè melleus.                               |   |
| XXVI. Urina à verberibus provocata.                    |   |
| XXVII. Purgatio ab ovis induratis.                     |   |

XLVII.

- XLVII. Stupenda vis veneni bu-  
fonii.
- XLVIII. Mutitas à febre ardente  
sublata.
- XLIX. Vacca pulchrè monstrosa.
- L. Quartana ventriculò fuillò ci-  
tò tutòque curata.
- LI. Mictio nunquam sine alvi de-  
jectione.
- LII. Vermes in fura infantis.
- LIII. Papilla dextræ mammæ ni-  
gra & crinita.
- LIV. Pulli gallinacei in ventricu-  
lo & vulva hominis nati.
- LV. Ascites solâ potûs abstinentiâ  
perfectè curata.
- LVI. Pisciculus vivus cum urina  
excretus.
- LVII. Stercoris humani usus in  
dysenteria.
- LVIII. Quartana levissimis reme-  
diis feliciter curata.
- LIX. Pilulæ integræ, agrò resti-  
tutò, rejectæ.
- LX. Phtiriasis.
- LXI. Scarabæi & cochleæ *ἀνὰ καὶ  
κατὰ* rejecti.
- LXII. Usus aranearum internus  
in tertiana.
- LXIII. Abscessus in gibbo crucis  
plenus.
- LXIV. Febris menstrua & hebdo-  
madaria.
- LXV. Sanguis piceus.
- LXVI. Furor uterinus à Vermi-  
bus.
- LXVII. Tres papillæ triangulares  
in utrâque mamma.
- LXVIII. Pleuritis verminosa.
- LXIX. Mensium suppressio à ster-  
nutatione reserata.
- LXX. Menses ex læva papilla flu-  
entes.
- LXXI. Ova serpentum sine ullo  
incubatu exclusa.
- LXXII. Totus penis cum testicu-  
lis à cane morsû ablati.
- LXXIII. Integræ hepatis parti-  
culæ per os & alvum re-  
jectæ.
- LXXIV. Variolæ in senio.
- LXXV. Sternutatio in *δυσονία* sa-  
luberrima.
- LXXVI. Falsæ ingravidationis  
methodica curatio.
- LXXVII. Mentula monstrosa.
- LXXVIII. Mictio involuntaria à  
tussicula.
- LXXIX. Kutubuth, seu melan-  
cholia errabunda.
- LXXX. Mensium & hæmorrhoi-  
dum fluxus alternatim  
factus.
- LXXXI. Gemelli, canum instar,  
in utero cohærentes.
- LXXXII. Vulva puellæ intus hir-  
suta.
- LXXXIII. A clystere frigido  
mors.
- LXXXIV. Morbilli Verminosi.
- LXXXV. Sudor arenosus albissi-  
mus.
- LXXXVI. Capræ ubera intra  
pedes priores dependen-  
tes.
- LXXXVII. Lupi sagax fidelitas.
- LXXXVIII.



- LXXXVIII.** Cœcitas à coitu.  
**LXXXIX.** Avellanæ nunquam verminosa.  
**XC.** Urtica Veneris irritamentum.  
**XCI.** Flatus ex pudendo.  
**XCII.** Alvi dejectio irâ provocata.  
**XCI.** Nafati non semper bene vasati.  
**XCIV.** Vermis umbilicaris.  
**XCV.** Surditas ab alapa.  
**XCVI.** Sexagenarius lactans.  
**XCVII.** Hydrops ex ictero.  
**XCVIII.** Hydrops unius tantum lateris in paralytico.  
**XCIX.** Hydrops vilissimò remediò perfectè curatus.  
**C.** Clitoridis prominentia insignis.  
**CI.** Inveterata cephalæa à verminibus.  
**CII.** Memoria abolita ex terrore & frigore.  
**CIII.** *Ψωρα* Scorbutica.  
**CIV.** Chlorosis deplorata.  
**CV.** Mammæ sine papillis in lactante.  
**CVI.** Menses lactei.  
**CVII.** Sterilitas ab asparagis.  
**CVIII.** Mirabilis uteri figura.  
**CIX.** Vermes mammarum.  
**CX.** Variolæ tantum in pudendo.  
**CXI.** Urina per oculos excreta.  
**CXII.** Sudor oleosus.  
**CXIII.** Ruta è carptionis capite nata.  
**CXIV.** Dolor ventriculi triennis à caseo.  
**CXV.** Apoplexia à retentis lochiis.  
**CXVI.** Penis offensus.  
**CXVII.** Caput infanti in partu ablatum.  
**CXVIII.** Simplex Medicina aliquando optima.  
**CXIX.** Mirabilis Vomitus.  
**CXX.** Tuberculi in palpebra curatione magnetica.  
**CXXI.** Feces alvi sine foetore lethales.  
**CXXII.** Cœcitas à stercore columbino.  
**CXXIII.** Mania à vermibus.  
**CXXIV.** Dissertatio de Corvo excommunicato.



JOHANNIS GEORGII GOCKELII,  
Phil. & Med. D. Collegii Medici Ulmenf. Senioris, atque  
Decani, jam Octogenarii,

EPISTOLA,

De

Mirabilibus quorundam Animalium.

M DC LXXXVII.



Um, ut literatos decet, non ita pridem mi Frater Erneste dilectissime, de summi Creatoris infinita & Omnipotentia ac Sapientia fusè verba fecissemus, Creaturarum plus quam mirabilium vires, atque hominis, naturæ profectò miraculi, prærogativam pro animorum nostrorum modulo, contemplati essemus, qui ob concreditum rationis sermonisque usum, à sapientibus λογικόν passim animal definitur, non sine ratione, ut spero, insignis illa dubitatio nostras uffit mentes, quam ob causam volatilibus quibusdam non modo, cujusvis generis animalium peculiariter vox attributa, verum etiam sermo, homini aliàs proprius, concessus videretur.

Hæc & materia utilis, jucunda & rara, ansam tibi suppeditavit, ulterius ex me quærere, num frequenti lectione historiæ tales à sedulis naturæ inquisitoribus annotatæ mihi occurrerint, quidque de his sentiam. Hoc ipso quare Epistolio faciam & annotabo, quæ vires meæ permittent; sum moperè efflagitans, ut tuâ insuper apponere digneris.

Empedocles, Parmenides, Democritus, Lactantius, Plurarchus, & cum aliis, Galenus, omnibus animantibus providentiam quandam, & quasi mentem seu rationem intus delitescentem, tribuerunt, hoc saltem discrimine, quod homines illam sermone explicare, bruta verò animi sui conceptus nequeant verbis exprimere; imò & Cardinalis Hosius, nos nec ratione, nec oratione, nec prudentia à brutis distingui voluit, sed solummodo contemplatione, religione, & divino cultu.

Leo, animalium terrestrium Imperator, ab homine infestissime sollicitatus, ita tamen ut Leo sit incolumis, non unguibus eum lacerat, nec ulla injuria afficit, sed quatit solum, & ubi ita eum perterruit, saluum dimittit. Eudomus annotavit, ursum

ursum & canem eodem contubernio à magistro quodam alitos & educatos, sine ulla injuria aliquandiu pacatissimè vixisse, ac si domestica, ac ejusdem generis animalia fuissent: Verum cum ursa, quodam impetu percita, contubernalem canem dilacerasset, commotum leonem, violati hospitii scelere, in ursam prorupisse, eâque pariter dilaceratâ, meritis pro cane poenas, exegisse.

Ferunt Jubæ, Maurorum Regi, præstantis animi Juvenem fuisse comitem, dum per Africæ deserta, rerum suarum componendarum studio, cum exercitu proficisceretur, exitinere verò leonem obviam factum, à juvene illo ipso sagitta percussum in sylvam recessisse; succedente verò anno, cum Juba, rebus ex voto compositis, eâdem copias traduceret, eundem illum Leonem, observato Juvene, à quo vulnus acceperat, unum, è tam magno militum numero, violentissimo cursu hostiliter aggressum, nulla vi cohiberi potuisse, quin eundem miserabiliter correptum dilaceraret, nemine aliorum læso, ac ea ultione contentum discessisse.

Apud Romanos aliquando in usu erat, ut servi, ob flagitia perpetrata, morti adjudicati, circo includerentur, & feris ad dilaniandum projicerentur. Horum in numero misellus fuit Androdus, quem prima fronte adortus est Leo rugiens, visu truculento & immani, eundem verò pressius intuitus, pedem sistit, & cauda adulando & lingua lambendo, animi sui propemodum propensionem ipsi significavit: Androdus penè metu mortuus, reassumpto animo, curiosè admodum hunc Leonem perpendit, & protinus benè cognovit, eundem hilaris excepit, & ab eodem pari ratione exceptus fuit; Unde Cæsar Populusque Romanus Androdum ad ipsum Imperatorem accersere jusserunt, quo præsentem interrogatus fuit, quam ob causam immanis hæc bestia ipsi innocua extiterit? Androdus respondit, quod ob perpetratum homicidium, præteritis annis exulare coactus, in desertum aufugerit, ac inibi, in spelunca latitans, Leonem se hunc accedentem animadvertit, ostendens



dens ipsi dextrum & anteriorem pedem, qui, ob latentem grandiore ligni festucam, plurimo sanguine suffusus, acerbissimos illi dolores concitaverit; Cum verò hunc patientem moliter, Chirurghi instar, tractasset, & festucam extraxisset, tam grato in eum animo fuisse, ut de quotidiana capta præda, quam sole coxisset, quotidie etiam communicaret, & ipsius deploratam vitam conservaret. Tandem, sylvestri incultaque illa vita pertæsum, Leone absente, Romam iterum petiisse, & hoc præsentem in spectaculo propositum Leoni fuisse, qui, in significationem regii gratique sui animi, pristinum suum Medicum offendere noluerit. His perceptis, ambo libertate donati sunt, & ab universo populo, floribus in ipsos projectis, coronati, cum sequenti fausta acclamatione: Hic est Leo hospes hominis: & hic est Homo, Medicus Leonis. Quemadmodum etiam ulterius Leonem hunc Androdum, mansueti instar canis, deinceps in perpetuum comitatum esse, volunt.

Elephas, brutum non brutum, quo nulla belluarum prudentior, bonis & acutis sensibus, in intellectu ita excellens, ut quandam cum genere humano ipsi societatem esse, consonum sit, & prudentia atque consilio proximum ab illo collocandum; quippe illi intellectus patrii sermonis, imperiorum obedientia, officiorumque quæ didicit memoria, amoris & gloriæ voluptas, imò verò, quæ etiam in homine rara, probitas, prudentia, æquitas, religio quoque, siderum, Solis & Lunæ veneratio.

*Fama est, inter sese sermocinari Elephantos,*

*Distinctusq; susurrare, atq; emitteere voces.*

Erat in urbe Cochin Elephas, qui operas diurnas præbere solitus, ad portam & res marinas, quem fessum urgebat, nihilominus præfectus, ut Liburnicam porrò deduceret in mare: Ille abnuere, instare alter multis blandisque verbis solebat, & ad extremum, in gratiam Lusitani Regis ut id vellet orare, hinc motus duo hæc verba clarè ingeminavit, Hoo, Hoo, volo, volo, & ita sine mora navim traxit in mare. Eodem in loco, cuidam ad horam eibus non oblatus, queritur & barrit, magister

ster se excusat, & vas aneum ejus cibarium ostendit perfluens & pertusum, jubet igitur ad fabrum ærarium ferat reconcinnandum; Promuscide aufert, & fabro offert, at ille, sive per negligentiam, sive studio, infideliter reparat: Elephas hero refert, qui vitium videt & indignatur, inclamat illum absentem, hunc præsentem, denuò redire jubet cum ipso vase; Facit, & fabro querulus impingit, ille homo suavis iterum imponere conatur, & admoto malleo claudere simulat, non tamen claudit: sed ille cautus resumptum ad flumen defert, immergit, & periculi faciendi causa, aqua replet, quam videt effluere. Plenus igitur irarum ad fabrum recurrit, intonat magna voce, confluunt vicini, & inter alios Vicarius Regis: Faber blandis eum verbis demulcet, & vas denique refingit probè, atque ex fide; verum ille, ne tum quidem fidens, ad flumen se recipit, dumque continere aquam videt, vertit se ad astantes & ostendit, testes eosdem ad vocans facti, ita demum abiit domum.

Miles, in eadem urbe, Elephantum cum rectore obviam habuit, sed noluit decedere; Elephas in sui & Rectoris contumeliam factum hoc interpretatur, ulcisci tamen à Rectore prohibetur; Post dies aliquot, in ripa fluminis militem otiosè fabulantem reperit, & cum Rector non adesset, corripit illicò hominem, in altum tollit, nec precibus nec clamore astantium motus, aliquoties flumine mergit, allevans subinde ac demittens, cumque lusum eum satis diu lussisset, contentus hac vindicta, vitæ suæ diffidentem, rectum & illæsum destituit, eo ipso loco, unde eum sustulerat.

In Antiochia, Syria Urbe, elephas foeminam fortè non inscitam vidit, sed vidit & periit, nam promuscide faciem manusque lambere, tergere, & quacunque poterat blandiri, seque insinuare attentavit: Cum aliquandiu perseverasset mutuus hic amor, mulier ecce ad plures abiit, elephas verò desiderium non tulit, nec mentis suæ ultra compos, datus est in furorem.

Sic, Tiberio Principe, XII. Elephantum decorè & verecundè



mensæ assidentes, summa cum moderatione & cibum ceperunt & potum hauserunt, sine ulla voracitate & ingluvie.

Draco, insignis magnitudinis, tempore Herodis, in Judæa, & affectibus & gestu, Virginem mirè admodum coluit, ac crebrò invisit, quæ tamen, propter truculentum ipsius aspectum, solitam habitationem commutavit, & ad tempus reliquit, spe ducta, speciosam suam formam mensis spatio oblivioni traditurum. Verum Amasius Draco, magis magisque amore exarsit, ita, ut nullibi quietè degeret, sed diu noctuque consuetum Virginis hujus locum visitaret, quam & redeuntem statim iterum accessit, & visam, primum torvo aspectu, deinde etiam cauda sua verberando castigavit, sed sine ullo damno illato.

Pari modo in Arcadia Græciæ, unâ cum juvene & Draco educatus fuit, cumque corporis mole formidabilis redderetur, omnes consanguinei eundem, unâ cum sodali, unanimi consensu in desertum sylvestremque locum deportandum esse, decreverunt. Juvenis, Dracone derelicto, paternos lares rursus invisit, domumque rediit, at, cum matura ætate, per eundem locum, ubi Draco delitescbat, iter ipsi faciendum esset, à latronibus petitus, & penè vulneribus enecatus, alta voce opem atque auxilium implorare cœpit, quod à Dracone, olim suo socio agnita vociferatione, perceptum fuit; quare ingenti statim sibilo, & mira agilitate eundem è manibus sicariorum eripuit, alios eorundem enecando, alios in fugam conjiciendo, oblivioni tradens, quod antehac ab ipso derelictus fuerit.

Pindus, Macedoniæ Regis filius, heros magnanimus, & ob rariores virtutes, fratribus etiam suis in tantum exosus, ut eundem neci tradere constituerint. Simultates quare eorum cognoscens, hæreditate jam suum Paternum Regnum acquisitum reliquit, inque solitudine, cum aliquibus famulis, venationi indulgere decrevit: Unâ dierum, cum capreolis investigandis nimium esset intentus, Commilitones suos derelinquens, eos in foveam montis satis altam, ad salvandam vitam se præcipitare percepit, quare equo suo descendens in speluncam illam quæsitum

quæsitum se recepit, sed ab insolita quadam voce admonitus, capreolos intactos reliquit, ad suos properavit, & altero die, impulsus hesternæ novitate, de voce, qualis illa fuerit, dubitare cœpit, & ad foveæ limen meditabundus astans, ingentem Draconem intuetur & quantumvis hoc spectaculo perterritus esset, non aufugit, verum animo forti, captas à se aviculas & reliquam prædam Draconi objecit, & ejusdem crudelitatem mitigavit, imò, pace factâ, quotidie feras in escam ipsius asportavit, ut eis depasceretur: Officii hoc genus nostrum Pindum fortunatissimum reddidit, ut ex voluntate cuncta prospere cesserint, & omnibus, exceptis fratribus, charus & acceptus fuerit. Sed cum aliquando solus venatum prodiret, perdit hi fratres eum adoriuntur, & ad flumen ensibus morti tradunt: Qui in vicinia clamorem exaudivit Draco, confestim appropinquat, & iustâ ultione, hosce fratricidas trucidat, occiditque, & ad amicorum usque adventum benefactoris sui cadaver fidelissimè custodit, quibus deinde mœstis plorantibusque, ultrò sepeliendum relinquit, & pacificè cubile suum repetiit.

Canem Ægyptii Anubi tribuerunt, propter sagacitatem, Græci Romanique Mercurio Comitem dederunt, summam ob prudentiam Telemachus, apud Homerum, canibus stipatus in concionem prodit: Et Raphael, in solatium Tobie missus, cum ejus filio Comitem canem habuit. Omne genus aliud effertur, & sylvas ac solitudinem tolerat, istud solum homini adhæret, atque adeò cum eo vivit, ut absque eo non vivat: Adeò cicur animal canis est, robustum, ingeniosum, vigilans, & fidele cum multa agilitate, ut vix satis collaudari queat.

Indiam petenti Alexandro M. Rex Albanie dono dederat inusitatæ magnitudinis canem, cujus specie delectatus, jussit urfos, mox apros, & deinde damasemitti, contemptim jacente eo: Qua segnitie tanti corporis offensus Imperator, eum interimi jussit. Nunciavit hoc fama Regi, itaque alterum mittens, mandato addito, ne in parvis experiri vellet, sed vel in Leone, vel Elephantò, nec distulit Alexander, Leonemque fra-



Etum protinus vidit, postea ad Elephantem iussit induci, haud alio spectaculo magis lætatus: Horrentibus ergò per totum corpus villis, ingentem primò latratum insonuit, mox ingruit assaultans, contra beluam exsurgens, hinc & illinc artificiali dimicatione infestans, donec assidua rotarum vertigine eum afflixit, ad casum ejus tellure concussa.

Magnates, Colophonii, Castabalenses, & Cymbri, propter bella cohortes canum habuerunt, eaque primæ dimicarunt in acie; Pari modo & Galli iisdem ad bella utebantur.

Garamantum Regem ducenti canes ab exilio reduxerunt: Et olim Massinissa salutem suam custodia canum vallavit: Et Romani in Sardinia, hostibus in saltus specusque profugis, M. Pompejo prætor, canes ex Italia accersiverunt, & eorum opera è latibulis eductos invenerunt, viceruntque.

Idem in Peruana India Hispani perpetrarunt, & recenset Petrus Cieca, se cum aliquot sodalibus egressum, ad Indos investigandos, canem Comitem habuisse, ad ista longo usu edoctum, & ecce foemina apparet verula, quæ fugit in montes, canis assequitur, & jam prehendebat, illa verò in genua se abjicit, canem dominum appellat, & penè adorat, hisce blanditiis pacatus, crus ille attollit, foeminam permingit, atque abit.

Ad hæc, propria sua nomina & domesticorum vocem agnoscunt, itinera quamvis longa meminerunt, & eorum miram facilitatem in discendo, recordationem in usurpando nos omnes quotidie videmus.

Lipsius ait: Bruxellæ mihi puero canis ex Britannia grandioribus fait, qui currum coriis onustum trahere didicit, doctusque fuit ad macellum ire, pecuniam ferre, & carnem referre, sed eveniebat interim, ut canes alii, odore carnis moti eum accederent quasi erepturi; tum ille corbem deponere, in orbem propugnare ac fugare, & si copia aut robore vinceretur, unâ irruere, & partem de præda capere attentavit.

Et Lovanii erat canis, qui literas collari insertas, signo ab  
hero

hero accepto, cursim Bruxellam defererebat, in notam certamque domum, & responforias eâdem die attulerat.

Capta Thessalonica à Balduino, civitatis canes nullum omninò cadaver Græcum tangere voluerunt, quasi amicis popularibusque parcentes; Latinos vero devorare, idque tanta rabie, ut etiam sepulchris conditos eruerent, & lancinarent: Et Rhodiorum equitum canes Christianis adblandiuntur, Turcis autem atque Barbaris funesti sunt; fures etiam cum latronibus produnt, quod Athenis in æde Æsculapii accidit.

Margaritæ Eechkusæ ruffulus & parvus canis, toto valetudinis tempore, à lecto non abscedere voluit, nec depelli potuit, hæc cum jam exhalasset, ille ululans, reducta cauda, in hortum se proripit, ibidem sub corylo arbore scrobem fodicat, imponit se, & spiritum deponit.

Titius Sabinus, Romanus Eques, Tyberii sævitia periit, in carcere strangulatus, inque gemonicas scalas projectus, ubique fidum asseclam canem suum habuit, qui etiam Cadavere in Tiberim millo adnatavit, seque supposuit, illud sustentare conatus.

Pyrrhus, Epiri Rex, iter fortè faciens, vidit interfecti militis canem, heri sui cadaver per triduum sine ullo cibo custodire: Miratur, & miseratus, illum sepelire jubet, hunc Comitem sibi duci; Post aliquot dies exercitum lustrat, canis ad pedes accubat quietus, sed cum percussores Domini sui transirent, exilivit summa cum ferocia & invasit, identidem ad Pyrrhum se flectens, & quasi significans, illos esse: Motus ipse atque alii, capiunt, examinant, convincunt, plectunt.

Atque hæc & aliæ virtutes caninæ, prædicto literatissimo Lipsio, elegans hoc lugubre carmen in laudem & memoriam Saphyri canis sui demortui, expresserunt.

*O Luctum & Lacrymas! meus Saphyrus  
Illa gemmula vera, non catellus,  
Morte est præcipiti malæ functus,  
In vasum miser incidens ahenum*



*Efferventis aqua. miser catelle,  
 Hac te post tria lustra mors manebat?  
 Quis nunc blanditias movente cauda,  
 Heroult faciet? quis obsidebit  
 Ostii limen, & ingredi parantem  
 In se gestibus atq. voce vertet?  
 Quis lusu recreabit? O miselle  
 Non ultra facies, abisti ad Orci  
 Nigri limina, sit tibi benignus  
 Frater Cerberus, ipsa Ditis uxor  
 Sit faulrix: & aberro? sit patrona,  
 Illi delitium novum parabis.*

Ursus ille Suecius, opulenti cujusdam viri filiam, admodum venustam & nubilem, ab aliarum coetu vi abstulit, & anterioribus suis pedibus prehensam, captamque, in latibulum suum transportavit. Cum verò mirabilem atque exactam partium corporis structuram perpenderit, nativam exuens feritatem, perditè eam amare decrevit, proque loci conditione, temporis intercapedine, arte quidem non cocta, at cruda & sanguine perfusa carne, & aluit & sustentavit, nec non etiam illicitam Venerem exercuit, & rem cum illa habuit: Et cum nefario hoc & maledicto incesta, gravida facta, & ursus, viri habitenus vicem gerens, à venatoribus fortè captus & transfossus fuisset, humana quidem forma infantem masculum, sed ferè pilosum hirsutumque peperit, quem, patris sui habita ratione, consanguinei ursum vocare jusserunt, qui, crescente cum aetate, bellicosus atque magnanimus, & ipse filium, paternis virtutibus insistentem, reliquit, ex quo deinceps Regis Suenonis pater Ulfon prognatus, & alia splendidiſſimæ in Dania familiæ, ut Historiographus Saxo testatur.

Equus, animal ferox & magnanimum quidem, attamen leges subit atque docile est, unde & inter epulas Sybaritarum equi ad tiliarum numeros saltabant, quod clades illa in Italia satis superque docuit. Et Crotoniata, dum adversus eos bellum

lum gererent, tibicines in acie adductos inflare iusserunt, quibus Sybaritarum equi auditis, excussis fessoribus saltare & tripudiare coeperunt, & cladis causa suis Dominis fuerunt.

Notavit Ælianus, Scytharum Regem equam habuisse, omni virtute, quæ ab equo præstari oportet, ornatam, unâ cum ejus pullo: Quum igitur Equum alium non reperiret, dignum qui huic equæ admitteretur, ambos in eundem locum coegisse; Veruntamen eos, cæteris quidem in rebus inter se amanter gessisse, non tamen ad coitum pervenisse, quoad per insidias emissarii vestimentis adumbrati fuissent, tum illicitum stuprum admisisse, quod quidem factum ut ambo intellexerunt, tam impium flagitium morte dissolvere conati sunt, sese enim præcipites agentes, mortem sibi consciverunt. Equi plerique in Dominos sunt, ut eos interemptos læsosque lugeant: Talem amorem Silius Italicus ira decantat:

*Agnovit sonipes, arrectis auribus acrem  
Hinnitum effundens, sternit tellure Vagesum,  
Quem tunc captivo portabat in agmina dorso:  
Hinc rapidum glomerans cursum, perlubrica pinguis  
Stante cruore soli, & mutilata cadavera cade  
Evolat, ac Domini consistit in ora jacentis:  
Inde inclinatus collum submissus & armos,  
De more inflexis præbebat scandere terga  
Cruribus, ac proprio quodam trepidabat amore.*

Simia, externam quoad formam ad humanam fermè accedens, ab aliis visa imitari conatur. Cum una earum, nutricem puerum in pelvi lavare perspexisset, illa absente domum intravit, lecto subtractum integumentis nudavit, & aquam ferventem, lapsu judicii, in miserum infantem infudit atque eum interfecit.

In Præsiis Indicis, simiarum genus esse ferunt humanis sensibus, magnitudine canum Hyrcanorum, natura cicures & moderatas, quæ ad illius loci suburbium proficiscuntur, & quibus Rex quotidie coctam Oryzam objici curat, illæ verò expletæ,  
magna



magna moderatione ad sylvestres sedes redire, & mansuetudine ac humanitate imbutas, nihil obvium lædere dicuntur.

Refert Castarenda, In annalibus Lusitanicis, quod mulier ob flagitia in desertam Insulam condemnata, à Simia utcumque magna, cohabitando nefandoque amore, duos liberos pepererit, & ab Hispanis ex India navigantibus, qui hanc in Insulam aquatum venére, liberatam, inque patriam rursus deportatam, ad cujus inopinatum discessum iratam simiam ambos proles in profundum maris projecisse, foeminam verò Lisabonæ à Judicibus poena mortis dignam pronunciatam, sed precibus Nuncii Apostolici conservatam fuisse.

Robore & astutia à Pardali vincuntur simiæ, & quas ob fugæ agilitatem assequi nequit, capit dolo. Ubi enim simiarum multitudo manet, ad terram se sub arbore abjicit, oculis clausis, spiritu & anhelitu compresso, ut pro mortua judicetur: Hinc illarum audacior, ad examinandum Pardalis statum, timidè ac pedetentim descendit, accedit receditque aliquoties, donec aliæ fiducia illectæ accurrant, saltent, & de hostis discessu triumphant; sed cum eas satis defatigatas intelligit pardalis, ex inopinato exiliens, partem earum unguibus lacerat, partem occidit, & sibi opimum ex hostibus suis convivium comparat.

Delphinus, Simonis nomine gaudens, futuræ tempestatis prognosticator, & blanditias & tranquillitatem maris ostendit, quare à Plutarcho admiratur: Siquidem ille non educatione sicuti canes & equi, sed genuino quodam affectu, sponte humani generis amator existit, plurimisque mortalium, extremo vitæ periculo laborantibus, præsens auxilium tulit.

Appianus, mutuuum pueri atque Delphini amorem proponit, & enarrat, quod Puteoli, ejus acclamatione vocatus, ad littus statim accesserit, in tergum sedentem receperit, per marinas undas ad tria millia passuum deposuerit: Quum verò puer morbo ægrotaret & succumberet, Delphinum sapius adnatasse, suum amatorem avidè expectasse, & eo non apparente,  
tanto

tanto mœrore percussum esse, ut & ipse ad littus exspiraverit, & ab urbanis in tumulum pueri unà positus fuerit.

Plinius ait, in Jalyso Rhodiorum urbe, Hermiam puerum longa consuetudine à Delphino per fluctus vectari solitum, at subita superveniente procella, obrutum mortuumque, à vectore ad littus deportatum fuisse, & sibi causam mortis imputans, ob summam animi mœsticiam, rursus undas subire noluisse, sed proposita & constituta sibi poena, in sicca terra unà cum puero obiisse.

Telemachum, Ulyssis filium, adhucdum puerum, in alto maris littore lusitanti, fortè aquis submersum, Delphinorum beneficio mox receptum, & ad littus expositum, Stefishonus Crithæi testimonio recenset. Et Lacedemonem Phalantem in Crisæo mari naufragium fecisse, cui Delphinus opem tulerit sublatumque dorso in littus incolumem exposuerit, Pausanias memorat: Et Hesiodi Poëtæ, ab incolis in templo Jovis Nemæi per errorem trucidati cadaver, àque percussoribus in mare projectum, à Delphino inter Locridem & Eubæam, expositum in littore fuit.

Arion Lesbios, Poëta Lyricus & Citharædus cum Tarento Corinthum peteret, ac videret, propter opes, quas secum ferebat, à nautis sibi insidias strui, petiit ab iisdem, ut Cithara paululum canere liceret; ad cuius sonum cum illecti Delphines convenissent, excussit se super unum, atque ita ad littus portatus, imminens periculum effugit.

Selectis his, & fortassis lectu non indignis exemplis, mirificas quorundam animalium proprietates terrestrium serpentium & natantium incredibiles affectus, vires, inclinationes, & divinas propemodum virtutes & notiones hæcenus recensuimus, quibus quandoque agrestes plebejos multis parasangis superant, præsertim incultos illos frigidioribus in Zonis degentes, adeò, ut in bestiis talibus rationis radii multò illustriores lucere viderentur: Rudolphus II. Rom. Imperator, beatæ memoriæ, niveam & plumis omnibus candidissimam avem habuit, anati



non dissimilem, rostro prægrandi, quam passim omnes denudantes *Hänsel* appellabant, ad edendum risum, (quem soli homini tribuunt Philosophi) & ad mira quævis institutam; verum illa nunquam lætius quàm laudata risit: Quis Gallo dedit intelligentiam, Job. 38. v. 36. Non de lana caprina esse videtur scrutari, cur nam uni ferè animalium datum sit ante lucem canere? Cicero inquit, depulso, & in omne corpus diffuso cibo, Gallum quiete fatiatum, hunc cantum edere; Alii, Veneris appetentiam eodem significari, cum ante ejus usum conticescat; Alii, tanquam avem solarem, sole ad nostrum Hemisphærium vergente, ejusdem adventum, summa quadam lætitia, mortalibus indicare; Probabilius Scaliger, singulis animalium speciebus, respectu proprii temperamenti, peculiarem inclinationem convenire, ita Gallo quoque & generi galinaceo, circa medium noctis solvi sensus, & à proprio Phantasiæ instinctu, & illum cantum, & alarum plausum, à Natura imperari.

Si singula horum omnium nobis essent colligenda, in magnum Volumen excresceret hæc Epistola, nec hisce paucis pagellis posset absolvi, nec insuper humani ingenii esset, penitius in secretiora naturæ, & de iisdem omnibus numeris absolutum tractatum conscribere.

Quare, his missis, tandem in auras evolabimus, ubi canoræ aves cantus dulcedine animos nostros mirè demulcent, ubi insita non modo modulatione omnibus aliis Creaturis palmam præripiunt, sed & edoctæ humanas voces edunt.

Et quantumvis antiquitus creditum fuerit, Melampum, Tiresiam, Thaletem, & insignem Magiæ Cultorem Apollonium, avium sermonem calluisse: Nam Philostratus & Porphyrius narrant, quòd cum Apollonius in cœtu amicorum confedisset, spectans ad passeret, (alii hirundines) in arbore confidentes, venisse unum garritu & voce, qui reliquis annuntiavit, asinum propè urbem tritico onustum, triticoque humi diffuso, cecidisse, quarum cunctos illum sequutos, evolasse, Apol-

Apollonium vero relata hujus avis, commensalibus suis explicasse, ad quæ plurimi eorum commoti spectatum ivere, & ita factum mirabundè invenerunt: At cum hæc vel incredibilia, vel præstigiola sint, minimè tangemus, ut nec Phæniciem hieroglyphicam, nec Pelicanum fabulosum, nec plures alios, de quibus parum in natura versati Auctores multa falsa proposuerunt, sed potius veritati insistentes, modo percipiemus, quæ avium humana verba instituto humano loqui addiscant, subsequenter Historiis non inveniatis.

Avium ergò loquacium Psittacus prima, postquam est Pica, inde Turdus, Merula, Sturnus; suntque & Corvi loquaces, & Passeres solitarii. Loqui docentur in tenebris, lucerna accensa, fame & vino; sed eliguntur juvenculæ, & lingua latiore. Hic fames præcipuum est discendi vinculum: Unde Persius:

*Quis expedit Psittacosum xaiç,*

*Picasq; docuit nostra verba conari?*

*Magister artis, ingeniūq; largitor*

*Venter, negatas artifex edi voces.*

Tenebræ insuper aves magis reddunt sollicitas, & sensum earum ac memoriam colligunt; quare etiam homines melius in tenebris recordantur, cogitant, atque deliberant: Lucerna verò adhibetur, quia in exquisitis tenebris aves dormiunt timentque, verum ut excutiat non augeatur somnus, tenui lucerna opus erat.

Hoc & apud nos artificio aucipites & merulas & lusciniæ informant, easque habiles reddunt, diversa symphoniarum genera canere hominis ad recreationem, & quo carius vendi possint; quod cum obvium ubique sit, testimoniis opus esse vix judicabimus: Hoc etiam artificio, sed multo sudore, sed multis laboribus, latiori lingua præditas alites, humanam sonare vocem discunt; quod etsi rarius contingat, factum tamen revera esse, sequentia exempla docent.



Nobilis quædam foemina Psittacum ita benè edoctum habuit, ut sibi cuncta ab aliis prædicta atque enarrata, ad amusim recitando reiterare potuerit, unde, animi recreandi gratia, cum garrula hac ave Domina fenestræ domus adstitit, cumque fortè fortuna aliàs maximè familiaris Medicus in ipsa platea præteriret, ab altrice psittacus informatus instigatusque, quasi irridens, Medicum cornutum exclamavit; Integer ille Vir, maculam quidem hanc indignè ferens, per jocum nihilominus respondit, fortean mea Domina, causam ignoras, ob quam garrulus tuus cornutum me vocaverit, & me iudice, nullam aliam subesse reor, quàm quod arbitretur, te meam Conjugem uxoremque esse.

Sequens miraculum ab historiographis, & Coelio annotatur, quod nempe Patrum nostrorum memoria Cardinalis Romanus Ascanius psittacum ducentis coronatis coëmerit, qui clarè, perspicuè, & sine ullo defectu, à capite ad calcem, doctissimi instar Viri, duodecim articulos fidei recitare potuerit: Cum tanta hæc avis præstiterit, & forma præstantes & virgines & pueros redamarit, & domini è vivis discessum deplorârit, parum abfuit, quin rationis quandam particulam eidem aliqui tribuerint.

Comiti de Flasco psittacus, humanas voces æmulans, in delitiis erat, qui cum aliquando in culina aliquid carnis assæ clam subduxisset, ab inflammata coqua fervente aqua perfusus, cadentes capitis plumas amisit, atque hinc calvus redditus fuit; Cum autem abhinc non longo tempore religiosus Abbas Comitem inviseret, eidemque ob reverentiam, raso nudoque capillitio aliquandiu astaret, ab alite, non sine summa admiratione, sequentibus argutè admodum alloquutus fuit, ha, he, numne & tu de carne assata furatus es? His ad miraculum usque perauditis, facti prius recitata historia, ambo in profundum risum soluti fuerunt.

Serenissima Juliana, Ducissa Würtembergico-Weiltingensis, ante paucos annos psittacum aluit, qui articulata voce germanica altricem, Principesque Filios sequentibus verbis allocutus est: *Guten Morgen Herzogin / das Köpfflin frassen; Guten Morgen Herzog Fridrich Ferdinand.* Item, cum fores pulsarentur, alta voce inclamavit: *Wer da?* De die etiam defuncti Medici aulici ac Physici Zeapolitani nomen sæpius repetiit, dicendo, *Doctor Moll / Doctor Moll / & quæ erant similia.*

Æstivali tempore, 1546. in Imperiali Ratisbona, ad Coronam auream, tres numero lusciniæ, & quælibet earum obscuro & separato loco recondita, post mediam ac silentem noctem, & inprimis duæ, loquendi solertia & artificio mirabiles, humana & perceptibili voce se invicem exercuerunt, inprimis insequentes historias proponentes: Continebat prima, cauponis cum sua uxore ventilatam controversiam, num consultum ipsi sit, moderno civili quietoque statu relicto, castra sequi, & mutata domo & vocatione sua, ob spem prædæ, strenuum militem agere? Costæ suæ insimul omnia prospera promittens, si amore conjugali ducta, & ipsa fortunæ aleam experiri quoque velit: Foemina at recusante, maritoque proponente, quod aut patrio, aut Norico in solo, redditum ipsius quieta potius expectare decreverit; Qua profecto tergiversatione, variæ rixæ concitata, cum aliis contentionibus, & duris atque contumeliosis verbis. Altera erat, quid de Cæsaris suscepto bello, cum Principibus ac Rom. Imperii Statibus sit judicandum, arcanis quibusdam consiliis additis, cumque Sereniss. Ducibus Brunsvicensibus actis, à Philomelis hisce, partim ex hospitis ore, partim nobilium, militiæ Ducum, & aliorum Consiliariorum haustis, atque tenaci phantasiæ impressis, suo tempore, tanquam ex recondito thesauro, proferenda. Similes quin etiam, & Drusio, & Britannico, Cæsaribus fuisse, historiarum monumenta testantur.

Nec oblivioni tradendum, quod in arce Neüensteinensi 1652. ipse mi Frater, dum Consiliarium aulicum agebas, & o-



culatus & auritus testis perceperis, ex Sereniss. Birckenfeldensium familia oriundam Comitissam Sophiam Hohenloicam merulam caveæ inclusam habuisse, quæ quotidie ad prandium & coenam famelica, humana quasi voce juscum petierit, clarè proferendo, *Sophiele Supp essen*; famulum item & rhedarium Georgium, stultum & insipientem, ac si ipsa sciret, pronuntiaverit, dicendo, *Karren-Jörg Narro*.

Turdum Saxatilem, *Steintröstel* / (Hier. Drexelius) in domo meorum parentum aluerunt, sanè admirandum, si vel mores vel colores aviculæ spectes; Dorsum illi cæruleum, inspersis decussatim albis plumulis: Collum ac ventrem inaurabat plumeum amiculum, eleganter mixta nive, in purpuram desinebat cauda: Atque hæc nostræ domus psalteria, non minus hyeme quam æstate hilares continuabat, mediis sæpè noctibus audita. Cantilenas iterabat non agrestes, sed quas à domesticis fuit edocta. Solebat germanus meus frater fidium ærearum organo frequenter ludere, hic adesse ales, manubriis insidere, attentissimè modulos excipere, quandoque suos interponere, nonnunquam sola symphoniam pertextere, atque æmulari paulò auditam symphoniam, & ea quidem ratione aliquot cantilenas ediscere. Cum verò domus familia ad prandium accumberet, illa sæpius aperta caveola evagandi libertatem accepit; hic ei primus volatus ad patrem familias fuit, cuius vel humeros, vel etiam digitos cantillans insedit; Edulia omnis generis comedit; panem, oryzam, olera, rapas, hordeum, carnes ferinas, bubulas, vervecinas, ita & pisces, ipsas aves in minuta concisas, imò & caseum esitavit.

Æstivo, vespere nonnunquam medio triclinii in depositam cum aqua tepidiuscula pelvim, veluti in balneum provolvit, seque in tepidario liberaliter, modo insiliens, modò resiliens, abluit: Finitis thermis, nymphæo egressa, Soli se, diducit, & passis alis, exposuit, donec siccaretur. Ita demum sylvestrem

vestrem naturam omnem exuit, ut reserata cavea, patulis fenestris & janua, nunquam fugam meditari visa sit.

Cum ad Accium Cæsar Augustus feliciter pugnasset, paroque de hostibus triumpho urbem ingrederetur, eundem salutatum Romanus Civis obviam ivit, dextræ insidentem corvum gerens, intelligibili voce clamantem, Salve Victor Cæsar; stupore hinc commotus Augustus, suis in mandatis dedit, ut à possessore hic Corvus viginti millibus drachmarum emeretur. Idem quoque redux ab alia ave salutatus est, quam etiam non contemnendo pretio redemit: Pro meritis quin etiam laudes à psittaco ipsi decantatæ fuerunt, quem numerata pecunia suum quoque fecit. Hinc sutor lucri cupidus, cum Imperatoris beneficentiam perpenderet, & ipse corvum humanas eloqui voces discere coepit, & talia verba imprimere exoptavit; Ave Cæsar, Victor Imperator. Verum cum ob ingenii Corvini indocibilitatem poenituerit suturem operæ & impensarum, sæpiusculè sinistram suam sortem deplorans, in hæc vel tandem verba erupit: Operam & Oleum perdi: quæ ultima tenaciter memoriæ Corvus impressit, & fari didicit. Paulò insequente tempore, cum Augustus Imperator sutoris illius ædes prætereundo iter faceret, corvus, doctrinæ memor, dicere coepit, Ave Cæsar Victor; Respondente verò Augusto, domi suæ salutantes atque garrulas aves tales sibi copiosè adesse, nec aliis opus habere. At Corvus ultima magistri sui verba revocans, Operam & Oleum perdi, apertè protulit: Quibus exauditis benignus Cæsar subrisit, huncque multò majoris emi mandavit.

Sed quid dicendum de quinque digitali Pica? quæ quercinis glandibus vescitur, quæ vel centies nativam suam in alienam commutat vocem, quæ venatoris quandoque clamorem imitatur, quæ alterius animalis, vel gressilis vel volatilis vociferationem, quæ pastoralis buccinæ cantum, quæ & articulatum hominis sermonem gnaviter reddere addiscit. Talem Romanus



nus confor, non arte instructam, sed à natura productam, nutrit, quæ humanas voces edere, reliquorum animalium concentus proferre, atque omnium instrumentorum musicalium melodias affabrè exprimere valuit. Cùm itaque splendidioris quidam fortunæ, & opibus affluens, suis à sodalibus, honoris ergo, fistulis & musico choro comitaretur, & præsentibus insuper Nobiles vocali musica ludere jussi fuissent, sed his aliquantulum titubantibus tacentibusque avicula hæc perdocilis, cuncta pressè observans, sequenti die primum ex toto obmutescere coepit, ut à transeuntibus vel veneno intoxicata, vel hesternis cantibus attonita habita & judicata fuerit, quæ tamen mox antea actæ comoediæ memor, omnis harmoniæ suavitatem, unà cum pausis, semitoniis & omnibus artificiosis requisitis musicalibus, ficta voce, cum auditorum admiratione, exactissimè reddidit.

In Nordmannia, hospes, musti venditor, loquacem Piceam nactus, quæ, vespertino tempore, dum herus unà cum uxore, venalem potum degustaret, in cella se continuit, cum illi inter sese de doliolo vacuo pronunciarent, nihil musti amplius in eodem contineri. Quare altero die, cum emptor quidam mustum peteret, pica eum, heri auditis Domini sui verbis vacuum dimittit, dicendo, mustum deest, mustum non habemus, hocque modo per totum diem emptores omnes, sine musto, domum remittit. Mirantibus verò, viro & muliere, quod hac die nihil vendidissent, & ipsi verba illa dehortatoria picæ mirabundi percipiunt, ira que commoti, misellam alitem, vel ter vel quater, nubilo & gelido coelo, aquæ frigidæ immergunt, quæ frigore tremens, ad ignis calorem se recolligit, & quasi per pennarum exsiccationem vires reassumit, eo ipso momento verò vitulum frigore etiam concussum, & modò à matre productum in hunc modum alloquitur: Fortassis & tu aliis penuriam musti annuisti?

Ita narrant, in Libia fuisse quendam, nomine Psaphonem, qui divinitatis opinionem affectans, quam plurimas aves cepit vocales, & humani sermonis dociles, easque sonare docuit hæc verba: Magnus Deus Psaphon, atque ita doctas emisit in montes; At illæ quæ didicerunt, canebant, ac reliquas item aves sonare docebant. Porro Libes cum ignorarent commentum, credentes id divinitus accidisse, Psaphoni rem divinam facere instituerunt, ipsumque in Deorum numerum retulerunt. Unde, si quis nova arte famam captat, & subornantur aliqui à quibus laudetur, & ejus encomia apud vulgus celebrentur, Psaphonis aves proverbio dicuntur.

Sturni quoque omnium avium cantus & vocem imitantur, & iis illudere valent, modò aliquandiu cum ipsis vixerint, illorumque cantu informati fuerint; Tractabiles perfectò sunt, & doctrinæ capaces, ut admirandum ipsorum ingenium & collaudare, & deprædicare, jure optimo possumus.

Exigit jam ordinis ratio, ut percipiamus, quid in genere vox sit, & quomodo ab humano sermone possit distingui.

Vocem Aristoteles 3. de anim. esse dicit inspirati aëris percussione factam ad trachæam arteriam & laryngem, cum intentione aliquid significandi. Ad formandam ergò vocem, ut materia requiritur Spiritus & Aër, necessaria etiam sunt, tanquam instrumenta, pulmo, thorax, & larynx, in qua aër collisus resonet, cum pluribus illius musculis, quibus pro imperio voluntatis variæ vocalæ eduntur; non ab simili fermè ratione, ut in fistulis & organis musicalibus, delectabilis ille suavisque sonus artificio comparatur.

Hoc modo rugitus Leonum, mugitus boum, hinnitus equorum, ruditus asini, grunnius porci, & omnium reliquorum animalium voces formantur; Hoc etiam modo homo ipse corporalis ex pectoris penetralibus cordisque gremio, intento spiritu, ratione & judicio sermonem emittit, quod



denegatum esse, reliquis videtur: Intelligentiæ verò Angelorum sermone, sine ullo strepitu, sine ullo externo sono colloquuntur invicem, & quod sensibili homo perficit voce, ipsi imprimendo sermonis conceptum, multò felicius animi sui desideria communicant. Sic Socratem volunt, ætherei sui corporis sensu, familiarem dæmonem percepisse: & Prophetas audire & videre angelos solitos: Et D. Paulum in tertium cœlum raptum, & hac extasi Paradisum cœlestem cum mirabilibus ejus intuitum fuisse.

At à Sapientibus valdè dubitatur, utrum hominibus nobis certum linguarum idioma connatum sit, cùm à nativitate surdus necessariò mutus permaneat, etiam si nullo planè instrumentorum ad edendam vocem vitio laboret: Aristotelis quare autoritate ducti, humanam animam vacuæ rasæque tabulæ similem judicant, cui, doctrina & assiduo exercitio, varia inscribi, atque ita scientiarum inibi sopitæ scintillulæ excitari possint.

Comprobare hanc assertionem conantur, Ægyptiorum Phrygumque dissidio, quorum utrinque populi suam linguam vetustiore pronunciarunt, & Regis Psammetichi tempore, ab ipsis maternis uberibus duos infantes consortio humano excluderunt, & ad pecorum greges in desertum locum deportarunt, planè cavendo, ne ullam hominum loquelam perciperent, quam docti imitarentur: Hi cùm versarentur inter jumenta, præter brutorum balatus nihil exaudientes, recurrentibus aliquot annis, hominibusque visis, rigido admodum sylvestrique clamore, solummodo hæc verba protulerunt, Bec, Bec, unde Psammeticus, sed parum firmo argumento, Phrygum loquelam antiquiorem arbitratur, cùm apud illos panem indigitant: Nam & Maggior Indiæ Rex, triginta infantulos cuidam pastori custodiendos & alendos commisit, idque in deserto loco, ubi nullius voculæ audiendi potestas, ut qualem sponte sua sermonem prolaturi essent, experi-

experiretur ; sed cùm adolevissent, elingues & muti sunt re-  
 perti, idque non eâ ratione, quasi loquendi potentiâ loqua-  
 ces non fuissent, sed quia & usu & exercitatione, & institu-  
 tione, latentem hanc & connatam potentiam non excita-  
 verunt.

Multa quidem solerter à bestiis fieri solent, ut quasi vesti-  
 gia quædam humani ingenii ostendant, & prudentiæ imagi-  
 nem mentiri videantur, quas tamen actiones ad instinctus  
 naturales referimus, (non verò ad electionem cum ratione)  
 cùm aliàs non semper eodem modo ita operarentur. Nam si  
 discursu prædita animalia essent, axiomata universalia nossent,  
 sine quibus nemo nec affirmativè nec negativè discurret, nec  
 libero arbitrio utitur: imò etsi valerent, hominum instar pec-  
 care possent, & actiones virtuosæ, justitiæ, temperantiæ, for-  
 titudinis, liberalitatis, obsequii, cum reliquis, denegandæ  
 illis minimè forent, nec solummodo toties illa prædicta verba,  
 ea propemodum serie, quâ à magistro inculcata sunt, ad a-  
 mussim recitarent, sed potius indifferenter de omnibus sapien-  
 ter pronunciarent, quod nuspiam hætenus factum esse memi-  
 ni, nisi vel divini numinis jussu & adminiculo, vel maligni  
 spiritus, tanquam simiæ altissimi, ad mundanorum animos  
 dementandos, præstigio.

Homo verò incultus & agrestis, politica atque civili co-  
 habitatione minimè exercitatus, nec liberalium scientiarum  
 institutione emollitus, quantumvis comparatè ad alios magis  
 cultos & doctos loquendo, ad beluarum naturam accedere di-  
 catur, nullo tamen modo ita bardus & insipiens est, quin, sa-  
 no in statu, nec articulata, quomodocunque etiam horrida il-  
 la fuerit, voce utatur, & per eam mentis animique sensa expli-  
 cet, nec ut ratione & electione prorsus careat, quantumvis a-  
 liquando, ob infelicitatem ingenii, apparens, pro vero & ex-  
 petendo bono, sinistrè eligat, atque ita, propter errata & fa-  
 cinora sua, pœnas dare cogatur, quod nullo modo justum es-



set, nisi, meliora eligendo, non innocua via ingredi potuisset. Nec insuper iustissimæ leges, ad salutem & tranquillitatem hominum inventæ, sancitæ atque institutæ, delinquentem condemnare, nec ipse universalis Judex, vi mandatorum suorum, in extremo judicio, damnationi æternæ adjudicare valeret.

Deus quapropter universitatem hanc quando creavit, eadem virtute, qua fecit omnia, singulis facultatem propriam concessit, qua, & per se, & per accidens pervenire possent ad fines rerum universitati debitos & congruentes: Et hæc Divina providentia, & magna sapientia, qua hoc totum ordinavit, magis admiranda, non verò præposterè corrigenda venit; Cui sit Laus, Honor, & Gloria, in secula seculorum. Amen.



EPISTOLA IV.  
JOH. CHRISTOPH. STURMII,  
Mathem. & Phys. P. P.

*Ad*

JOH. GEORGIUM  
VOLCKAMERUM, M.D.

Quinta & ultima Borelli Indago,  
machinulæ Sturmianæ experimentis  
ocularibus illustrandæ.

---

ANNO M DC LXXXVII.



NOBILISSIME, EXCELLENTISSIME, ATQUE  
EXPERIENTISSIME VIR  
FAUTOR OBSERVANDE!

**Q**Uò satisfacere desideriis Tuis, ad Scientiarum augmenta indies majora unicè collineantibus, voluisse saltem videar, quintam nunc etiam, eamque ultimam indaginem virtutis motivæ musculorum, quâ BORELLUS noster Part. I. de Motu Animalium Capp. XVI. & XVII. octodecim integra folia complevit, enucleare, & contractam in arctum experimentis ocularibus ita collustrare constitui, ut ii quoque, quibus alioqui subtilitas illa mechanica & Geometrica, quam Vir ingeniosissimus in suis demonstrationibus sectatur, esse rædio posset, ejus cognoscere mentem & assertorum Veritatem percipere queant. Posteaquam igitur indagine quadruplici demonstrâssset, ingentes Vires adhiberi à Natura in articulis & artubus animalium, adversus vim certi cujusdam ponderis eos depressuri dirigendis, & in æquilibrio sive situ horizontali detinendis; nec dum tamen finem esse contendit laborum & conatuum propositam attingendi meram: Siquidem ipsi satis haut erat, nec obeundis functionibus animalibus sufficiens, ita rigida quasi servare membra, & metuendæ aliàs depressioni resistere, nisi & elevare eadem unâ cum appensis ponderibus ac loco movere possent, idque promptè & expeditè. Hæc igitur

*Quinta & ultima BORELLI Indago, machinule nostræ  
experimentis ocularibus illustranda*

ut breviter simul ac dilucidè proponatur; Sciendum est, BORELLUM I. quamlibet fibram muscularem similem concipere  
catenulæ

Fig: I.




Fig: II.




Fig: III.




Fig: IV.




Fig: V.





Fig: VI.







catenulæ cuidam ex pluribus annulis dilatando abbreviandis (quales sunt e.g. in Fig. I. *AB* contrahenda & *ab* contracta;) vel potius (cùm molles sint & flexiles ubiq; fibræ carneæ) ex rhombulis filamentorum colligatorum distrahibilibus, sui que distractione catenulam necessariò abbreviantibus, (quales essent in Fig. II. *AB* catenula abbrevianda, *ab* distractis rhombulis jam abbreviata;) quæ res captu adhuc facilior evadet, si loco annulorum vel rhombulorum vesiculas concipiamus insufflando abbreviandas. 2. Has machinulas sive vesiculas fibrarum muscularium adeò exiguæ esse longitudinis, quæ vix exæquet vigesimam unius digiti partem; id quod equidem (quicquid sit de ratione ab ipso data Prop. I 15.) concedendum omninò putaverim utraq; inanu, quoniam fibræ musculares, quovis capillo muliebri subtiliores, si vel quinquaginta sibi juxta ponerentur, nondum essent exæquaturæ digiti unius latitudinem, ideoque, si longitudo vesicularum intra parvulam illam fibræ crassitiem absconditarum hac notabiliter major esset, sensibilis etiam in fibra contracta inæquabilitas foret conspicua, qualis tamen haut observatur. 3. Texturam igitur muscoli similem esse fasciculo quasi reticulari, ex pluribus fibris, h. e. ejusmodi catenulis rhomboidalibus sive vesicularibus composito; qualem repræsentat Fig. III.

His ita præmissis, deducta jam antè longâ serie Lemmata mechanica plurima BORELLUS deinceps applicat muscutorum fabricæ, ultimasque Conclusiones de nova, eâque ingenti accessione virium, quas necessum habeat adhibere movendis artibus Natura, depromit. Easdem nos ut ocularium quorundam experimentorum ope in ferremus, ita rem sumus aggressi. I. Ex concursu conniventium machinulæ nostræ brachiorum *dd* (vid. Fig. IV.) suspendimus filum geminatum nodoq; gemino in *e* & *f*, intervallis *ed* & *ef* æqualibus, colligatum, & infernè pondusculor octo unciarum vulgarium onustum; in medio verò dictorum intervallorum alligavimus geminatis filis *de* & *ef* gemina transversa *ig*, *kh* & *nl*, *om* supra rotulas *g* & *h*, *l* & *m* demissa



demissa &  $\frac{1}{2}$  drachmæ pondusculo onerato singula : Ubi observare licuit, ab his tantillis pondusculis sensibilibiter tamen distrahta in rhombulos longiusculos (prout in Fig. videre est) fila geminata; uti quidem ratio etiam postulat, cum vis, quantumvis pusilla, non tamen sit penitus nulla, sed ad pondus etiam valdè magnum aliquam tamen adhuc servet proportionem, eique adeo, pro hac ipsâ proportionem, aliquantum renitatur: II. Mox alii filo quadruplicato supernè ad *d* fixo (vid. Fig. V.) & infra eodem pondere *r* octo unciarum onusto accommodavimus quatuor fila transversa, & posteaquam binis prioribus *ig* & *kh* super rotulas *g* & *h*, ut antè, protractis appendissemus totidem uncias integras, rhombum filarem *d i e k* multò magis diductum, quàm in casu priore, conspiciebamus; ita ponderum proportionem rursus postulante. Cum verò porrò bina reliqua (punctulis hîc distinctionis ergo designata) totidem transversis aliis *I G* & *K H*, super alias duas rotulas *G* & *H* columellis erectis *B G* & *C H* insertas decussatim protractis, & integrarum itidem unciarum pondere onustis, pariter distraheremus; hæc non solum ipsa deducebantur amplius rhombum *d i e k* notabiliter laxiorem efficientia, sed etiam priori *d i e k* sese magis ampliandi occasionem offerebant; quòd ejus duæ unciae, quæ prius totum pondus *r* in æquilibrio servaverant, nunc (parte hujus oneris in binas alteras uncias translata) non nisi dimidiam suis viribus adversam sentirent. Quo experimento hæc duo nobis constare satis evidenter poterant: *Primò* mirum haut esse, quòd levis oris flatus vesicæ cuidam aliquo conatu immissus eam dilatando magnum pondus 30,50,70 librarum & amplius, pro diverso pulmonum robore, valeat elevare; quia, cum vesica concipi optimè possit ex filamentis nerveis innumerabilibus infernè ac supernè colligatis, sive ex innumeris ejusmodi rhombulis filaribus constare, singuli rhombuli (si soli essent) vix sensibilibiter distrahendi, nunc ab innumeris aliis eodem flatu distractis adjuti, vim sese laxandi maximam acquirunt (pondere quippe in se ingenti in particulas innumeras ac penè in-

in sensibiles distributo,) & consequenter pondus appensum junctis viribus attollunt: Unde nec illud amplius mirandum, quod vesiculis muscularibus minutissimis, ab halitu tenuissimo quocunque modo dilatatis, notabilem aliquam adducendis aut sustinendis saltem articulis inesse supponamus; quodque adeò *Secundò* magnus talium vesicularum numerus (musculus enim quilibet in articulum movendum aut in tendinem communem quamplurimis fibris terminatur) unitis viribus in grandem tandem efficaciam excreſcat.

III. Resumpto verò priore filo duobus locis colligato, (vid. Fig. IV. & VI.) cum rhombulum inferiorem mediantibus duabus unciiis (loco duarum semidrachmarum) notabiliter distraxissemus, deinceps autem & rhombulo superiori suas uncias duas eodem modo applicuissimus; neque hic posterior priore, nec ipse prior amplius vel hilum est diductus (uti quidem in casu Num. I. factum erat,) sed prior solum unà cum annexo suo pondere *r* aliquantò altius elevarus est: quæ quidem omnia ita fieri debuisse manifestà quoque ratione constat. Cum enim in rhombulo primo duæ uncia *g* & *h* fila *e* & *f* distrahendo nodum *e* non minus deorsum quàm *f* sursum adducant, totus rhombus ita diductus *e* & *f* *k* unà cum toto pondere *r* etiamnum ex *e* quoque suspensus manet, æquè ac ante distractionem rhombuli primi (nam quantam partem ex hoc pondere duæ uncia *g* & *h* in se recipiunt, tantam iterum nodum *e* deorsum trahendo superaddunt) atque ita duæ uncia *l* & *m* secundum rhombulum postea distrahentes totum etiam pondus suspendunt, nec juvantur ullo modo ab inferioribus, nec ipsas juvant; prout evidentiùs adhuc apparet, ubi remotis inferioribus unciiis *g* & *h*, à superioribus *l* & *m* solis, æquè ac priùs, pondus *r* suspensum cernitur, ne hilum quidem contracto rhombulo superiore. Quo experimento duo iterum edocti sumus: *Primò* fibrarum muscularium imas vesiculas, articulum vel tendinem immediatè attingentes, sive (ut cum BORELLO loquamur) primum istarum machinularum stratum,



omnes illas vires præstare in dirigendo quovis articulo cum appenso pondere, quas per præcedentes quatuor indagines investigavimus, reliqua verò secundorum, tertiorum &c. rhombulorum strata primū illius vires nihil augere, sed ad elevationem tantum vel adductionem augendam, eodem labore in singulis iterato, facere; ita ut *Secundo*, quò crassior est musculus aliquis, h. e. quo pluribus fibris articulum aut communem tendinem attingit, eò robustior sit & majori pondere æquilibrando aptior; quò longior autem fuerit, h. e. quò pluribus rhombulis aut vesiculis in unaquaque fibrarum instructus, eò altius elevet ac longius adducat articulum ab imo vesicularum strato jam æquilibratum, labore hujus adductionis toties iterato, quot sunt vesiculæ in fibra una, aut vesicularum strata in universis.

Quibus ita jactis ope machinulæ nostræ fundamentis sequentes cum BORELLO superstruere conclusiones haut erit difficile: 1. Cùm in quarta indagine ostensum fuerit, duas portiones musculares primum ac tertium digitorum articulum dirigentes, & appenso ponderi  $9\frac{1}{2}$  lb. æquilibrantes, exercere vim æqualem 176 libris, si jam non suspendendum solum & in æquilibrio servandum pondus illud (id quod præstant infimæ fibrarum vesiculæ) sed elevandum porro fuerit cum adducto sive flexo articulo (id quod præstant reliqua vesicularum succedentium strata, eodem labore singula idem pondus aliquousque adducentia, donec ex plurimis ejusmodi parvulis adductionibus grandior aliqua elevatio exsurgat ad animales motus sufficiens;) ex fibrarum longitudine vesicularum multitudo, & sic virium adhibendarum multiplicatio, ita computatur ad mentem BORELLI: Fibre dictarum portionum muscularium longiores sunt duobus digitis, & in digitali fibrarum longitudine continentur plusquam viginti, adeoque in tota quavis fibra minimum quadraginta, machinulæ sive vesiculæ, juxta ea quæ sub initium monuimus; quarum quælibet tantundem virium adhibet, quantum infima,

vi modò dictorum: Ergò, cùm infimum vesicularum stratum exerceat vires 176 librarum, omnia quadraginta strata simul exercebunt quadragies majores, nimirum 7040 librarum. 2. Similiter vis motiva musculi flexoris articulorum secundorum in digitis pondus sustinentibus, quæ reperta fuit in quarta indagine 157 lb. in elevandis iis quadragies majore exercebitur h. e. 6280 lb; quia fibrarum longitudo etiam hîc excedit duos digitos. Sic 3. Deltoidis musculi vis, quæ in casu dirigendi totius brachii  $9\frac{1}{2}$  libris ab ejus extremitate pendentibus onusti, æquivalere reperta est 907 libris, jam in elevando toto brachio onusto, propter similem fibrarum longitudinem, quadragies multiplicatur, 36, 280 adeò libras adæquans; ejusdem Deltoidis integra virtus autem (quam adhibere potest in casu ponderis 55 lb. ex humeri extremitate suspensi, vid. Fig. VIII. Ep. III.) deprehensa in quarta indagine æquivalere libris 1790, nunc propter multitudinem plusquam 40 vesicularum in singulis fibris, erit saltem quadragies major æstimanda, h. e. 71, 600 librarum.

Stupendæ sunt, VIR OBSERVANDE, Vires hæ in unico corporis animalis membro elevando adhibitæ à potentissimo ejus opifice! Quod si calculo simili cæterorum muscutorum ferè innumerorum vires (præsertim in animalibus robustioribus) subducere tentemus, omnesque in unam summam colligere, incredibile est quàm immensam virium motivarum copiam unius animalis corpusculo divinitus inditam, simus deprehensuri! Et, si pergamus attoniti animalium innumerabilem multitudinem tantisper æstimare, immensa virtus, quam solum microcosmum animale (puncti hujus elementaris exigua particulam) inhabitare calculus omnem rationis humanæ captum exsuperaturus evincet, Creatoris Omnipotentiam, quasi palpandam manibus, nobis objiciet. Quo pacto verò ex hac ipsa virium (quas abunde habet Omnipotens) quasi prodigalitate quadam, hominem consuetudini, (qui parcere & potentiarum mechanicarum auxilio sua opera,



sed tardè satis, perficere student) penitus adversa, Summa E-  
 jusdem conditoris Sapiencia insimul eluceat, sub Ep. II. finem  
 & circa III. mediū aliquo modo jam indicatum est, im-  
 posterum alibi, si nostras etiam vires nobis porro clementissi-  
 mē conservaverit, distinctius exponendum. Interea Vale  
 VIR ÆSTUMATISSIME, lætusque vide cum Tuis Charitati-  
 bus anni jam agonizantis finem, lætiorque multò mox in-  
 choandi principium, lætissimæ ejusdem ac similibus plurium  
 decursus omni bonorum genere undique adfluentissimum.  
 Dabam 27. Decembris 1686.

Nobilissimæ Excellentie Tuæ

*jugiter Observantissimus*

Joh. Christoph. Sturm, P. P.

EXER-

EXERCITATIO ANATOMICA,  
TIGURI

In Capite Vitulino peracta in ædibus  
D. JOH. MURALTI, 20. Sept. 1686.

JOH. GEORGIO VOLCKAMERO, Fil. Doct.  
Med. Norimb. Ord. Curioforum Helianth. II.

**I**N capitis vitulini dissectione, oportet primò considerare externa, videlicet musculos, dein oculum, nasum, aurem, os, cum maxillis; & interna, nempe cerebrum. Occurrunt primò frontis utrinque unus musculus, à membrana carnosâ ad musculos temporales enati, qui obliqui deorsum ad supercilia devolvuntur, fibris rectis donantur, inque frontis medio coeunt. Musculi duo palpebrarum clausores hinc sequuntur, de quibus postea specialius loquar, ut & de eo qui palpebras aperit. Nunc ad musculos narium, qui alas utroque in latere attollunt & diducunt; Dilatantium musculi duo ab osse malæ juxta labiorum musculum tertium, & à canale osseo, utrinque unus exorti, partim in pinnam anteriorem, partim in labii superioris partem inseritur: Hi in olfactu alas sursum trahunt & aperiunt. His opponuntur intra alam musculi duo carnosî transversim delati, angulis alarum inserti: Communes genis labiisque musculi dicuntur. Quadratus uterque, & Buccinator: Quadratus sub colli cute latitat, amplius est, circa claviculas & posteriorem colli partem exortus, fibris obliquis in Mentum, Labia, & Nasum, aliquando, & ad aurium radicem, eas movendo, inseritur: Buccinator alio nomine dicitur rotundus, & buccas efformat, originem habet in summis superioris maxillæ gingivis, tunicâ communi oris succinctus est, desinit in maxillæ inferioris gingivas, & collectis fibris buccas introrsum compellit. Porro labia moventur non saltem musculis



sculis de quibus jam dictum communibus, sed etiã propriis quinque paribus juxta Veslingium.

I. Par supernè labium attollit. II. Par tenue & latum quod in labium subjectum demissum illud sursum commovet. III. Par carnosum est, & teres quod ad latera sursum versùs abducit. IV. Par deorsum versùs abducit labia juxta latera maxillæ inferioris. V. Par oritur circa menti medium, & labrum inferius deprimat. His carneam illam ac indigestam molem, quæ utrumque labium efformat addere oportet. Sequuntur nunc musculi maxillæ inferioris, quæ voluntariè sursum, deorsum, mordendi, secandi quæ causâ, & ad latera molendi gratiâ, musculis utrinque quinque movetur. Primus in sectione obvius Temporalis dicitur, & temporum cavitatem implet, dicitur aliàs Crotaphires, maxillam quoque attollit. 2. par Diagastrium sive biventre dictum, prope mammiformem processum originem nanciscitur, ad menti partem anteriorem mediamque interiùs desinit, & maxillam deorsum trahit 3. par Laterale appellatum, & Masseterium à maxilla superiore atque osse jugali productum, maxillæ inferiori latè validèque connectitur. 4. Par pterygoides sive alare internum est, sic nuncupatum, quoniam ab interna sede processuum aliformium demittitur, lato robustoque tendine in partem interni lateris maxillæ inferioris defertur. 5. Par Alare externum præbet, hoc gemino sæpè corpore carnosò ab externo processuum aliformium latere prodit, & in latus pariter internum inferioris maxillæ defigitur, quâ parte ad latiorē ejus processum cervicula porrigitur.

Ut Sectio Oculi artificiosa peragatur, ex orbita eruendus est, absque læsione (vel nervorum, vel musculorum, vel palpebræ) manifestâ: Optimum proinde erit dissectionem Cerebri præmittere, nervos tum oculum moventes, tum magnum opticum, prope exortum abscindere, orbitum frangere, & musculos ac pericranium ab osse liberare, sicque anatomie integrum oculum sistere par erit. Lustrandæ hinc sunt primùm palpebræ, quibus intertexuntur musculi duo, palpebrarum clausores

clausi res dicti, qui semicirculari ductu ab angulis oculorum internis ad externos protensi, palpebras claudunt, hos musculos vid. apud *Vesling. p. 244. Fig. I. aa.* Cartilagineus circulus in extremitate palpebræ, Tharsus dictus, cui infixi sunt pili Cilia dicti (ubi notandum sæpius sub naturali pilorum ordine plures nasci, atque introrsum converti, quò fit ut sphaera oculi compungatur, quod nunc tumentibus, nunc laxatis immodice palpebris evenisse compertum est.) 3. Palpebræ apertæ efformant Angulos duos: quorum alter ad tempora minor, externus Canthus; alter ad nares major & internus Canthus dicitur: ad maiorem sita est caruncula spongiosa lachrymalis dicta, quæ operit foramen in osse narium per quod oculi excrementa in nasum destillant, hæc caruncula apice nigricante pilisque, aliquot spectabilis è medio punctorum protuberabat, supra quam exsurgens membrana nictatoria; adsunt præterea duo puncta lachrymalia ad carunculæ latera, quæ in communem ductum coeunt, quod seta immisâ videri potui, transit hic ductus per secundum ossis cuneiformis foramen. Minori Cantho intra oculi orbitam glandula adjacet quæ semota pinguedine in conspectum se dabit. Suprà carunculam lachrymalem exsurgit nictatoria, margine nigro conspicua. In superiore palpebra puncta lachrymalia paulò infra cilia internè, mox dena mox septena reperiuntur ad glandulam conglomeratam externo cantho oppositam pergentia: hæc glandula sub osse zygomaticis immediatè latitat, & adhuc intra duram membranam sepulta jacet, propter ejus usum eximium, ne videlicet detrimenti quid capiat, aut cartilago trochlea dicta musculi obliqui superioris læderetur; inseruntur autem ductus lymphatici inter glandularum oblongarum interstitia usq; ad medullium: nervi complures cum arteriis ad hanc glandulam serpunt, ut nimirum lymphalem materiam spirituosam sufficienter eadem afferant.

Separatâ palpebrâ in considerationem venit ipse oculus, vasis, pinguedine, musculis, membranis & humoribus instructus.

Adeps



Adeps copiosus inter inania musculorum & nervorum spatia reperitur, qui suspensâ operâ eruendus est, parcendo musculis, ne sub adipe delitescerent insimul auferantur aut ejus nervi motorii lædantur: ablatô adipe conspiciuntur in oculo humano musculi sex, hîc verò septem; qui intra calvariæ cavitatem nervum opticum comitantur, qui sunt vel Recti quatuor, vel Obliqui duo: antequam musculi separentur, consideranda est pars oculi musculorum tendinibus operta, qui tendines junctim membranam oculi innominatam efformant, de qua in seqq.

Primus ex musculis rectis separandus est Attollens sive superbus, qui oculum attollit, cui prope principium, sicut & aliquibus reliquis musculis ramuli à nervo motorio (qui prope opticum paulò intimius originem consequitur, initio unitus moxque separatus, per foramen secundum ossis cuneiformis ad oculos fertur, & palpebræ superioris, oculique levatori musculo cum ejusdem adductori, & obliquo minori suis ramusculis prospicit) inseruntur, qui musculis sensum cum spiritu conferunt. Deinde huic oppositus separandus, qui dicitur musculus rectus oculum deprimens. Dicitur etiam humilis. Subsequitur musculus rectus oculum Adducens ad angulum internum, & vocatur Bibitorius.

Huic oppositus est Musculus oculum rectâ Abducens ad angulum palpebræ externum, qui suum motum accipit à nervo qui à Veslingio motorio nervo sociatur, quem propaginem minorem quinti paris appellant, qui à media cerebri basi profectus ad dictum musculum contendit.

His in separatione Musculus Obliquus superior, seu Amatorius major, & Trochlearis dictus, qui commune cum bibitorio principium sortitur, juxta internum oculi angulum cartilaginem trochleam ingreditur. Nervulus pari tertio additus, qui à basi cerebri juxta prominentias quæ testes appellantur ortus, orbitamque oculi ingressus, ad trochlearem musculum fertur *Vesling. p. 22.*

Tandem

Tandem obliquus inferior, s. minor, versus externum palpebræ angulum oblique sursum ascendit, & brevi tendine ad Iridem propagatur.

Septimus hinc sequitur, qui in oculi duram tunicam inseritur, & in plures partes separari potest, quo prona bruta terram spectant & oculus attrahitur.

His ritè administratis, removendi sunt cautè muscoli obliqui, ut exactè appareat membrana communis in nominata, dicta, de qua superius mentio facta: in medio hujus membranae iris cum Pupilla per corneam tunicam transparet.

Adnatam tunicam (quæ ipsum pericranium est ad oculi album protensum) postmodum observabis, tenuem & albam, cujus interventu oculus orbitæ & interioribus ossibus adhæret. Hæ duæ dictæ membranae sunt communes. Propriæ sicut ordine Anatomico visui subsunt, sequentur:

Membrana Sclerotes, seu dura, ob crassitiem appellata, totum reliquum oculum ambit & nervi optici veluti expansio est: quæ parte anteriore pellucida est, & membrana cornea dicitur, quæ rotunda est, & introrsum non nihil protuberat.

Secunda propria oculi membrana in conspectum prodibit, quando corneam totaliter in tres æquales partes diviseris, incipiendo à nervo optico, vocatur autem ea Uvea, parte scilicet anteriore, quâ parte ligamentum ciliare visitur, & uvea membrana perforata est atque pupillam efformat: Secundæ hujus membranae pars posterior Sclerotidi annexæ & nigricans Choroides tunica dicitur, quia vasa per eam sparguntur; dum diffecaveris scleroticam à parte anteriore, effluet humor aqueus vitreo circum fusus, maximè fluidus, in quo sæpissimè suffusiones fieri solent. Subsequitur tertia oculi membrana Retiformis dicta, quæ protenditur ab ipso nervi optici centro, & supra vitreum humorem expansa ad ligamentum usque ciliare porrigitur.



Quarta membrana crystallina appellatur, & ob tenuitatem quoque aranea dicitur, ceparum pelliculis simillima est & humorem crystallinum complectitur.

Quinta denique vitrea tunica appellatur, & humorem vitreum includit, eumque à crystallino separat.

Jam humores oculorum tres habitu differentes observantur. Aqueus, qui, ut dixi, ob tenuitatem inter dissectionem diffluit, paucus admodum vitreo circumfusus remanet, spatium inter corneam & crystallinum humorem replet distenditque ne corrugata corneâ visus depravetur, splendorem confertim irruentem tanquam medium refringit.

Crystallinus qui glaciale gemmam æmulator, in oculi centro positus, & in sinu vitrei humoris reclinatus, modicè durus antè, postè rotundus.

Vitreus ultimum locum tenet, quo Spiritum visivum ne subito dissipetur contineat, aqueo minus fluidus est, in hujus medio crystallinus reclinat, reliquis duobus humoribus copiosior est.

Nasus in vitulo longus est, qui internos & externos musculos alares fibrosis tendinibus pluribus ad nares externas tendentes recipit, intra eum conspiciuntur ossa spongiosa, muco plena, tubulata, oblonga membrana pituitaria Schneideri investita, in quam olfactorii nervi protenduntur: hæc valdè sensibilis est, & rei odoriferæ effluvia recipit, nam materia olfactus sunt effluvia spirituosa partium sulphurearum, ut & partes volatiles. In parte nasi exterioris sub cute comparuit nervus maxillæ superioris os perforans, in musculos nasi alares terminatus secundum longitudinem. Ab oculi cantho majore ad narem dextram inciso & exempto osse, notavimus sinum longitudinalem huic ossi insculptum, cui molliter recumbendo s. pro culcitro inserviebat in parte superiore bifidus ductus nasalis, in infimâ verò extremitate amplo foramine in narem tendens, quò loco communis est fovea ad foramina narium interna, palatumque.

Aurium

Aurium structuram mirandam invenimus: Dividitur in partem externam & internam. Externa auricula dicitur, homini ferè semper immota, plerisque ut huic vitulo mobilis, idè musculi hominibus tenuissimi, brutis verò magni & crassissimi, ut aures sursum deorsumque moveant: Constat è parte superiore, seu cartilagine semicirculari, & inferiore seu lobo. Vasa jugularia participat externa auris, & duos nervos à secundo pari medullæ cervicalis, ut & surculum à quinti paris juxta Veslingium ramo duriore, qui per foramen eorum egreditur. Quæ in aure exteriori videntur protuberantiæ à figura denominantur Helix, Anthelix, Tragus, Antitragus. Cavitates auribus tres sunt: 1. est vestibulum meatûs auditorii, 2. concha nuncupatur, 3. canalis in palatum productus. Vestibulum aliàs dicitur, alveare, à collecto cerumine, quod glandulæ exsulant.

In osse petroso est Tympanum circulo osseo affixum, in cavitate secunda à qua tortuosus meatus in palati posteriora amplo foramine patet, reperiuntur quatuor ossicula de quibus in osteologia.

In cavitatibus his abstrusis ab ipso ortu aër continetur, internum auditûs medium, in quo refractus aër, motum suum figit. Acusticus nervus suscipitur intra foramen processus interioris ossis temporum: ab initio bifurcatur, ejusque portio una postquam auris recessus peragravit finitur intra cochleam ubi à sono afficitur.

In ore juxta palatum, antèrius conspiciuntur ad extremitatem literæ Pythagoricæ Y. utrinque duo ductus palatini tendentes ad ossa narium spongiosa, palatum internum & in ipsum ductum nasalem. In parte externa prope papillam ductus salivales sunt superiores; in maxilla inferiore prope dentes anteriores sub foliacea papilla ductus salivales quatuor inferiores invenimus, seu illum dictum Stenonianum, hunc verò *Warthonianum*. Quod attinet ad ductus superioris originem eam sortitur à parotide conglomerata multis radicibus in unum alveum



veum confluentibus, hinc simplex ferè quandoque geminus sub cute ad buccas tendens musculus buccinatorem perforans, ad dentium molarium anteriorem regionem utrinque in oris cavitatem hiat. In hunc ductum liquor siphone injectus cœruleus ad glandulam facilè tendit, ipsius meatus & conglomerationes pulchrè aspectui exhibet; cùm verò varii nervei funiculi, huic vasi comites se præstent, per divisas tunicas, in vasis cavitatem difficillimè intruditur stylus, dum is inter nerveos funiculos hærens, ab ulteriore progressu impediatur: terminus itaque ductûs hujus à quo, est parotis conglomerata: terminus ad quem, est centrum buccarum.

Ductus salivalis inferior ortum ducit è crassiore ac posteriore glandulæ conglomeratæ, maxillæ inferioris angulo acuto appositæ parte, rectâque mentum versus tendit: priusquam autem ad anteriorem ejus partem pervenit, ramulos subinde novos ab eadem excipit, adeoque ad medium menti spatium prolongatur, ubi immediatè inter gingivas & papillam quandam utrinque terminatur, quo se facilè exoneret, nihil verò ab ore refluxum admittat, invenitur observata papilla superficiali carneâ, qui formam folioli suo modo in brutis constituit: in hunc stylus immissus, usque ad glandulam conglobatam deducitur, simul ac verò è glandulæ substantia emerfit, instar trochleæ sub musculo digastrico fertur: exinde verò ad glandulæ medium reflectitur, ubi cum alio ramo jungitur, & inde canalis communis ex horum concursu aliquando auctior redditur, & sub fræno linguæ exit; invenimus & alium salivalem inferiorem ductum, qui provenit ex papilla sublinguali jam dicta & in binos ductus salivales inferiores se terminat.

In ore sunt præterea notandæ plicæ denticulatæ transversæ, in superiore palato oblonga linea, divisæ. Circa linguæ radicem anthiades glandulæ pluresque mucales buccales & sublinguales, quæ omnes fermentum ad subigendum & masticandum cibum promunt, lingua quoque pars oris princeps

princeps gustûs & loquelæ instrumentum, figuram habet oblongam & latam, membranâ investitur admodum glandulosa, & à parte anteriore in vitulo scabra, posterius ad radicem insigniter crassa est & firma, antè liberâ acuta & tenuis: Maxillæ inferiori propè dentes incisores ligamento valido quod frænum vocant, alligatur. Ossi verò hyoidi tanquam basi innititur, laryngi quoque annexa; hic in conspectum veniebant Musculi labiorum tum proprii tum communes. Item, maxillæ inferioris videlicet Temporalis & Mansorius Pterygoidei seu alare internum par, it. alare externum, digastricum seu biventre, per cuius tendinem transcurrit ductus salivaris inferior, separavimus hîc loci musculos colli, videlicet longos, scalenos, transversos, & spinatos idque à parte anteriore sub œsophago: Præterea à parte posteriore videlicet splenius, complexos, Rectos majores, rectos minores, obliquos superiores, obliquos inferiores, & mastoideos, vidimus hîc quoque musculos laryngis & pharyngis, linguæ uvulæ & ossis hyoidis. Laryngis musculi sunt in universum sedecim, communium sex, quorum quatuor constringunt, duo dilatant, non à larynge prodeuntes, sed in eam inserti. Propriorum decem 6. dilatant 4. constringunt, qui à larynge oriantur & in eam desinunt; communium par primum dicitur Bronchiale, 2. par Hyoidæum, 3. œsophagæum; propriorum alii antè alii postè, alii interius & alii exterius positi sunt; anteriorum & exteriorum par primum dicitur 1. Crycoidei antici, 2. Crycoidei postici, 3. Crycoidei laterales, 4. Thyroidei interni, 5. Arythenoidei.

Musculorum œsophagi sunt tria paria, & sphincter. 1. Cephalopharyngei, 2. Sphænopharyngei, 3. Stylopharyngei.

Linguæ musculos egregios vidimus 1. Styloglossos, 2. Myloglossos, 3. Genioglossos, 4. Basiloglossos, 5. Ceratoglossos.

Uvulæ nullos vidimus musculos, tali parte destituuntur vituli. Sed in homine uvula duobus musculis movetur; os hyoi-



des verò movetur 1. Sternohyoideis, 2. Coracohyoideis, 3. Styloceratohyoideis, 4. Geniohyoideis.

Post abscissum palatum nasumque, in conspectum veniebant in medio, cartilagosum os vomer, ad cujus latera utrinque ossa narium spongiosa, veluti totidem crucibula triquetra infixa. Serram suspensâ manû ad cranium adegimus, sed cautè ne duram meningem læderemus, quæ undique (præsertim circa suturas cranio adhæret per membranulas plures) cranio succingitur, & cerebro supertenditur: Cranium vulgò ferra dividitur, in quatuor æquales partes cruciatim: levatis à dura meninge tabulatis beneficio manus aut forcipis, atque sepositis, dura meninx scalpello, aut forfice circa medium in utrolibet latere (non exacto in medio loco ubi falx est) incidatur & in quatuor partes solvatur ac ad latera reclinetur, postmodum falx ab osse cribroso abscinditur, & versus occiput seponitur: Falx autem hæc nihil aliud est, quam progressus duræ matris, geminus duplicatus: minor quidam processus cerebelli limites distinguit: His processibus sinus sive Canales sunt insculpti minores alii, alii majores: E majoribus duo per occipitis latera cerebellum obliquo ductu conscendunt, principiis suis venæ Jugularis internæ ramum majorem admittentes. Tertius è majoribus juxtâ falcis longitudinem protensus ramulos copiosos tam ad meninges, quam ad medullium Cranii dispergit: Quartus è majoribus sinus brevior est, inter cerebrum & cerebellum incedens, productisque prius furculis duobus, partim corpori calloso insternitur, partim in anteriores cerebri ventriculos bifidus ingreditur, portionem plexus choroïdis constituens. NB Conscriptis his quatuor sinubus, tres alios D. D. Francisc. Sylv. addidit quorum primus à Vesalio etiam nominatus est vid. Comment. supr. Vesling. Ubi sinuum horum concursus, & veluti forum adest, ibi Torcular Hero-phyliaum vulgò constituitur. Unâ operâ piam matrem cerebrum ambientem spectare licet; hujus beneficio cerebrum anfractus

fractus nullo negotio videri possunt, quippè hâc membranâ, meatus quoque cerebri investiuntur: in his anfractibus & fissuris multa & insigniora vasa cernuntur, quam causam etiam esse putat Franciscus Sylvius quod ita febricitantium, & quandoque etiam aliorum partes illæ laterales doleant & pulsent.

Cerebri pars est vel dextra vel sinistra, quæ mediante durâ matre distinguuntur: lato cultello quædam cerebri portio abscindenda est, quô videamus venulas & arteriolas visum prope modum effugientes, sanguinem effundere, & ventriculos comparere, quò loci sub falce occurrit fornix quæ tertio ventriculo superstructa est, fornicis portiones crura vocantur: Corpus callosum intra divisionem cerebri anteriorem conspicitur, cui à lateribus duo ventriculi anteriores subjacent, qui dividuntur in dextrum & sinistrum intercedente ab ipsâ cerebri substantia tenui quodam septo quod speculum lucidum appellant. Obvius quoque in anterioribus ventriculis Plexus chorooides, notanda prope illum plexum arteriola, quæ ramulos ad ventriculi superficiem venustissimè dispensat. Quæ media decurrit ventriculorum anteriorum rima, tertium exhibet ventriculum, qui lateralium veluti concursus est: in hoc ventriculo observabiles sunt meatus duo, quorum anterior deorsum ad infundibulum fertur eminente processu quem pudendo muliebri comparant, posterior quem ano assimilant ad spinalis medullæ sinum fertur, ad ani latera sunt duæ protuberantiæ testes dictæ, in medio antrorsum glandula pinealis, quæ Penis dicitur: Protuberantiæ majores à figura qualicunque nates dicuntur, jam cerebro ablatis per dissectionem partibus superiori ad latus reclinato cerebello quæ detectio, basis utriusque cum spinalis medullæ principio patescit, à quibus nervi communem originem trahunt: Inter nervos qui intra cranium exortus suos habent, antè protinus sese conspiciendos exhibent Nervi olfactorii, qui principium à basi cerebri satis exile ducunt, supra os Echmoides protenduntur, intercedente processu, quem

Cristam



*Cristam* vocant: Extremis suis tumiduli *Processus* exprimunt *mammillares* dictos, qui in animantibus quibus odora vis major est e. g. Cane conspectiores observantur. Sequitur proximè par nervorum opticom veteribus primum, molle præ cæteris porosum, in medio sese itinere jungit, & iterum separatim per foramen utrumque primum ossis cuneiformis, in oculum tandem dextrum, sinistrumque conscendit: sub hoc pari venit in conspectum infundibulum, seu membranofus canalis, qui pertingit ad glandulam pituitariam in Ephippio ossis cuneiformis, in oculum tandem dextrum sinistrumque conscendit, apud nervos opticos arteria carotis pergit intra Calvariam. Succedit huic tertium nervorum par oculorum motorium ab opere dictum prope primum paulò intimius originem consequitur, & in musculos oculorum inferitur.


Quartum par oculorum Patheticum est: in processu annulari, prope nates & testes oritur, & in musculum trochlearem oculi inferitur.

Quintum par gustatorium linguæ, è lateribus processus annularis cerebelli dimissum & in fasciculum collectum ad faciei partes varias spargitur.

Sextum par nervorum ex ima processûs annularis basi oriundum ad oculum deferretur atque etiam ad intercostales nervos accedit.

Septimum par auditorium dictum in exortu geminum, è latere inferiore protuberantiæ annularis ortum in meatum ossis petrosi deferretur, unâ cum parte molliore, altera verò duriore, juxta meatum auditorium emergit.

Octavum par sive vagum infra nervos auditórios è lateribus medullæ oblongatæ fibris numerosis exoritur, quibus nervus à spinali medulla accedit, & adjungitur eademque duræ matris tunicâ involutus, unâ cranio egreditur, ac si omnes in unum truncum coalescerent. Nervus ille spinalis etiam accessorius dicitur, & in musculos cervicis ac scapulæ deferretur, nonumque par constituit.







Tria reliqua paria innominata è principio spinalis medullæ oriuntur, & cranio superato, in musculos feruntur & in ganglium coeunt.

In Cerebello consideratur præcipuè aliqualis respectu cerebri soliditas, & quod in 2. veluti globos distinctum sit, inter quos processus Vermiformis supra Pontem Varolii situs est: Cæterum inverso cum Cerebro Cerebello, medullæque dorsalis annexa portione, ac globis cerebelli blandè diductis, in illius basi cavitas patescit, quam ventriculum quartum præcipui sectionum Professores constituunt. Dependere observamus quoque à cerebello spinalem medullam, quæ circa sua principia manifestè dirempta est, & sinum exhibet teretem in acumen paulatim desinentem, fissuraque tenui distinctum ab Herophilo calamus scriptorius dicitur.

### *Capitis Vitulini Partes.*

*A* Stylus duplicatus ductui palatino utrinque insertus.

*B* Ductus nasalis.

*CC* Puncta duo lachrymalia.

*DDDDDDDDDD* Vasa lymphatica oculorum, in palpebram superiorem inserta.

*EE* Ductus salivalis superior.

*F* Glandula Parotis conglomerata.

*G* Auris externa.

*H* Portiuncula parotidis.

*II* Processus acutus maxillæ inferioris.

*K* Condylus cavitati maxillæ superioris adaptatus.

*L* Plicæ transversales denticulatæ palati.

*M* Papillæ linguæ nervæ.



*NNNN* Ductus salivales bini inferiores utrinque.

*OO* Papillæ juxta labia maxillæ inferioris prominulæ.

*PPPPPP* Acuminatæ fibrillæ nerveæ inter hispidam linguæ  
papillarum seriem surgentes.

*Q* Parischmiæ.

*RR* Incisores maxillæ inferioris dentes.

*SS* Superioris maxillæ dentes molares.



ALBERTI GUNTERI SAXONIS, Germani,

Med. & Philos. Doct. Romani,

*Coram Eminentissimo & Reverendissimo Principe  
ac Domino*

DN. CARDINALE FELICE  
ROSPIGLIOSO &c.

*De*  
Arthritidis & Nephritidis causa,  
atque de Acidi calefactiva, & bilis frige-  
factiva proprietate habita LECTIO,

*d. 9. Novembr. Anno 1682.*

In Congressu Medico & ædibus Exc. D. D. Hieronymi  
Brafaulæ.

---

ANNO M DC LXXXVII.





Omnes quidem nōrunt Arthritidem esse dolorem inter articulos, circa causam vero Variis opinionibus velatur, unus pituitam, alter bilem, alii melancolicum sanguinem, vel serum criminis reum facere laborant. *Sennertus* tandem ex opinionum diversitate subsequenter à pluribus receptam Arthritidis definitionem proponit, videlicet: Arthritidem esse dolorem partium circa articulos à defluxu humoris serosi & acris à venis & arteriis in eas effusi excitatum. Sed neque hæc definitio est satis distincta, ideoque multis distinctionum unguentis & pharmacis indiga, quia in rheumatismo & syphilide sive pudendagra etiam articuli doloribus afficiuntur, differunt tamen ab Arthritide non tantum secundum loca, sed secundum causam, cum verò hæc differentia à plurimis præclaris Authoribus sit luculenter explicata, in illius repetitione supersedeamus, ac ad potiorem Arthritidis causam, quæ est humor serosus & acer, transeamus, Serosum aut lymphæum vel nymphæum humorem licet dixeris, perinde erit, talis nimirum dolorem infert non ratione serositatis vel lymphæitatis, sed ratione acredinis, acer enim si non esset, dolorem nullum inferret, sive serosus lymphæus vel nymphæus appellaretur vel esset. Sed quæritur, qualis hæc acredo, an corrosiva, vel coagulativa? Et responderetur, Arthritica acredo corrosiva esse nequit, quia si talis esset, solutionem continui, ulcera scilicet, vel ossium cariem induceret, quod nunquam in Arthritide nisi cum lue Venerea & similibus complicata contingit, & videtur potius coagulativa Arthritica acredo, ut ex calce, sive creta podagrica manifestè patet, & magis per Nephritidem plerunque Arthritidem comitantem arguitur coagulativa hæc acredo; Unde ulterius investiganda venit hæc acredo coagulativa in specie, an acida, alcalica, vel salsa; alias **acredines**

acredines non adduco, quia adductæ sunt præcipuæ & fundamentales, ex quarum diversa compositione in modo, tempore, quantitate, & numero cæteræ acredines oriuntur, vel sub his comprehenduntur, ut amarum, ponticum, austerum, acerbum & quarum dilucidationem ob temporis angustiam missam facimus, atque pro nunc de Arthritidis acredine coagulativa selectiorum Authorum sententias ponderare decrevimus. Protophanes mihi *Paracelsus*, qui solus integris viribus priscis legionibus contradicere est ausus, is docet arthriticam acredinem esse tartarum in ultimis digestionibus à succo nutritio segregatum, & ad articulos depositum; *Paracelsum* verò impugnat *Helmontius* demonstrando calcem sive cretam podagricam non esse tartarum, neque tartaro similem, quia hæc creta nullatenus sicut tartarus aquâ ferventi solvitur, quod quidem *Helmontio* totum concedimus, sed quia idem *Helmontius* asserit, Tartari Inventionem in morbis esse temerariam, & tartarum non esse in potu, atque alimenta tartari esse insontia, eidem assentiri non possumus, Tartarum enim omni vino plus vel minus inesse, norunt omnes vini periti, atque etiam ex aceto vini tartarum adhuc extrahi posse sciunt omnes qui levem habent in Chimia noticiam, & quanto plus vina tartaro abundant, tanto magis Arthritidem inducunt, quod testantur Rhæni accolæ, Austriæ, Moraviæ, Stiriæ, Carinthiæ & Franconiæ incolæ, ubi vina tartaro abundant, ibidem etiam Arthriticorum ingens est numerus, ideoque illorum locorum indigenæ salutis studentes & Arthritidem timentes vina non bibunt nisi triennialia, & per multas iteratas eluviationes à tartarea fœculentia vindicata, & hujus Rationis Observatores minùs, vel nunquam Arthritide infestantur, qui verò hanc rationem parvi pendunt frequentes & sævos experiuntur Arthritidis impetus.

Alia ratio est tartarum Arthritidem efficere posse, quia tartarus est acidus & lactis coagulativus, & cùm *Helmontius* docuerit, acidum esse Arthritidis effectivum, quia synoviam lacti analogam coagulat, nulla ergo supererit ratio, quâ *Hel-*



*montius* tartarum pro Arthritidis causa excludere, & alimenta infantia declarare valeat.

Arthritidis verò acredinem esse acidam comprobatur *de le Boë Sylvius, Willisius, Tachenius*, & plures alii, etiam ratio cum experientia docet, ut infra latius proprio exemplo patebit.

Sed iterum quæritur, in quo gradu Arthriticum acidum existere debeat, ut synoviam coagulare & Arthritidem inducere valeat, & quâ ratione vel modo hæc coagulatio contingat?

Ad primam respondetur, acidum Arthritidis effectivum esse in gradu remisso, ideoque esse coagulativum, si enim esset in summo, tunc esset corrosivum & colliquativum, ulcera, suppurationes, vel ossium cariem induceret, prout in lue Venerea contingit, coagulationem autem fieri per acidum moderatum, & colliquationem per acidum fortissimum, luculentum habemus in lacte exemplum, quod per acidum moderatum coagulatur, & ab acido eminentiori solvitur.

De modo autem coagulationis in Arthritide & Nephritide dixit *Willisius* hanc fieri ex alcali & acidi velitatione, unde post mutuam effervescentiam coagulum oritur, sicut quando spiritus vitrioli oleo tartari affunditur, & materiam salinam sive alcalicam esse circa renes & articulos quàm aliis in partibus copiosiore, ideoque cum acido humore in renibus calculum, & circa articulos arthritidem magis quàm aliis in partibus generari, atque hos duos effectus plerumque esse conjunctos, & nullum ferè arthritide laborare, quin etiam nephritide sit obnoxius.

Attamen cum bona venia *Willisii*, hoc coagulum olei tartari cum spiritu vitrioli est diversum à nephritico & arthritico coagulo, quia hæc ultima non sunt à quovis liquido dissolubilia, ut est illud vitriolo tartareum coagulum, neque in humano corpore potest existere acidum & alcali simplex & impermixtum, quod nisi purum & impermixtum nunquam assertam effervescentiam concitat, ut manifestè patet in vitrioli maris solutione, & cum alcali tartari præcipitatione, etiam in  
magiste-

ma: inferiorum herbarum, perlarum &c. præparatione, ubi nulla acidi cum alcali fit effervescencia, quia acidum vel alcali est alio corpore implicatum, ut se amplecti nequeant contactu physico, ideoque præfatam de coagulatione & effervescencia Willisianam Sententiam tanquam inutilem & minus perspectam explodimus.

Proinde tamen nolumus ire inficias, tam in Arthritidis quam in Nephritidis genesi acidum & alcali concurrere, sed cum terrea aliqua fœculencia, quâ absente nunquam fiet coagulum in aquis indissolubile, prout est Arthriticum & Nephriticum coagulum, quod optimè demonstravit Tachenius in suo Hipp. Chym. per calculi analysin, ubi inquit: Accipe calculum excisum, vel sponte è renibus expulsus, hunc retorta Vitrea munda impone in frusta non verò in pulverem reductum, & recipiente appposito distilla per arenam, & prodibit spiritus & sal volatile urinosum, hac collige, & vitreo vasculo optimè clauso serva, fractâ deinde retortâ invenies calculi frusta in eadem figura quâ imposita fuere, sed levi attactu friabilia & in pulverem reducibilia s. concidua, quæ spiritu vitrioli dephlegmato imbibito, & impotatis statim alcali volatile & spiritum reservatum vel aliud alcali volatile affunde, & sic eodem momento calculi frusta eandem quam ante analysin habebant, duritiem recipiunt; Ex quibus elucescit, alcali & acidum simplex nullum absq; terrea aliqua substantia calculum formare posse, ut Willisius credidisse videtur.

Quibus obijciunt alii, licet concedatur ex deductis, calculum hac ratione vel simili in humano Corpore generari posse, nihilominus calculum tam colore quam duritie valde differre ab Arthritico coagulo cretæ vel calci conformi, ideoq; necessario sequi ex aliis principiis illud originem ducere, & illis est responsio nostra, quæ non differunt nisi per accidens, non differunt specie, scilicet ratione coaguli, quod idem est in Arthritide sicut in Nephritide, differunt tamen in eo, quod arthriticum coagulum oriatur ex solidissima & depuratissima synovia,



novia, & alcali ex acido volatiliori, licet non summè volatili, nephriticum verò coagulum ex sanguinis & Chyli recremento aliquatenus stercoreo & fœculentiori & acidiori, & alcali fixiori, ideoque renum calculus plerumque habet stercoreum colorem; & est durior, sed arthriticum coagulum est album, & minus durum, atque magis calci, vel veteri caseo exsiccatum, quàm lapidi simile. Quæritur igitur unde hæc tanta in sanguine fœculentia atque aciditas, ut cum alcalicis in corporis partibus existentibus arthriticum vel nephriticum coagulum efficere valeat? Quibus respondetur ratione temperamenti naturalis congeniti seu hæreditarii quosdam plus sanguinis, alios plus pituitæ vel acidi generare, & plures nimio acidorum usu ut vinis acidulis & tartareis & similibus abundare, quod nimium acidum à fellis alcali minus superari, ac proinde nec Chylus defœcari nec edulcorari potest, unde acidus Chylus non satis defœcatus ad venas defertur, ubi licet ex ejus massa fœculentior pars ad renes deferatur, tamen ex defectu primæ defœcationis & dulcorationis nullus fit exinde laudabilis sanguis & nutritius succus, sed fœculentus atque acidus, ex quo deinde per commixtionem alcali in synovia abundantis fit arthriticum, prout ex primo acido sanguinis recremento ad renes delato fit cum alcali renum nephriticum coagulum. Unde *Helmontius* probabiliter dixit, quoties fel justo debilius non potest acidum chylum in salem salsum commutare, ex fellis penuria. concrevit lithiasis, & remedium à priori confortasse fellis fermentum, quæ *Helmontii* Sententia ab *Hofmanno* confirmatur, & ab aliis modernis in Arthritide comprobatur; fellis autem fermentum in Arthritide & Nephritide deficere probat urina aquea & alvi stypticitas, deficiente scilicet alcali & Clystere naturali. De fellis autem natura alcalica *Sualbius*, *de le Boe Sylvius*, *Louvierius*, &c. indubiè affirmant hoc constare ex alcali fixo & volatili ac oleo, ideoque cum acidis effervesce, sicuti quando oleo tartari spiritus vi-  
trioli affunditur; sed istos *Hofmannus* in *Pharmacop. Schröd.* p. 677.  
acriter

acriter impugnat, atque satis mirari non posse proclamat, tantæ authoritatis Viros tanta somnia pro veritate venditare, atque pudenda commenta docere, neque verum esse, spiritum vitrioli, sulphuris, vel causticam aquam felli mixtam ebullitionem ullam aut spumam concitare, etiam fel Vulcano commissum nihil nisi aquam insipidam præbere relictis in fundo scoriis sine ullo salis volatilis aut fixi, vel olei indicio. Sed ad has *Hofmanni* proclamationes meritò cum *Cicerone* exclamare licet, ubi de natura Deorum inquit: Quid enim est temeritate periculosius, aut quid tam indignum sapientis gravitate atque constantia, quàm sentire falsum, vel quod non satis exploratè perspectum sit, sine ulla dubitatione defendere; ita ne cæcus rideat monoculum vel loripes rectum, profectò experimentum ab *Hofmanno* allatum ex illis est, quod ab *Hippocrate* fallax dicitur, quia debitâ normâ non fuit peractum. Nobis enim fel bovinum causticâ aquâ mixtâ spumam emisit, & pari ratione fel per dictam aquam vel spiritum acidum sulphuris vel vitrioli ex parte condensatur, per alcalina. Vero nullatenus coagulatur vel turbatur, sed magis attenuatur & limpidius redditur, magnum sanè argumentum, fel alcalinum esse, neque verum est, fel Vulcano commissum nullum salis vel olei exhibere indicium, & nil nisi aquam præbere insipidam, quia ~~in~~ <sup>ex</sup> ~~requiritur~~ <sup>ritè</sup> instituta licet prius procedat tantum aqua insipida, tamen in fine auctiori igne spiritus sequitur alcalicus, spiritui C. C. non absimilis, cum caustica aqua ebulliens, & illam destruens, post spiritum sequitur oleum & sal volatile oleosum ejusdem cum spiritu proprietatis; ex quibus satis patet fellis alcalica natura, & elucescit quàm oscitanter *Hofmannus* fellis analysin aggressus sit. Demonstratâ nunc fellis alcalinâ naturâ disquirendum venit, an bilis prout bilis arthritidem causare valeat. *De le Boe Sylvius* tueri affirmativam videtur asserendo arthritidem calidam oriri ex alcali bilioso fixo vel volatili, frigidam verò ex acido. *Helmontius* verò non distinguit arthritidem calidam à frigida, & hæc vexilla graduum esse dicitur, prout videlicet ma-



jor vel minor aciditas, tanto majorem vel minorem calorem & dolorem in arthritide percipi. *Helmontio* assentimur, sed de *Sylvio* miramur tantæ eruditionis viro post tot præclaros Viros, qui caloris & frigoris noenias exploserunt, ab exoleta hac opinione non recessisse, cum ne quidem *Hippocratem* latuerit calorem & frigus omnium facultatum minimè potentes esse, & nihil prorsus referat si quædam calida vel frigida dicantur, & interdum quod uni calidum, alteri non est calidum; & latius apud *Hippocratem de Vet. Medicina* §. 27. & 28. videndum. Etiam quia non omnis calor in corpore humano causatur à rebus calidis, ut manifestum de spina digito infixâ. Si verò juxta eundem *Hippocratem*, calida quandoque dici merentur, quia calefacere, & frigida, quæ refrigerare possunt, vel ex quibus & per se calor demonstrari evidenter potest, tunc vel calidum esse nequit, quia per illud nullus calor demonstrari potest, cum acidis enim mixtum non incalcescit, minimè cum alcalicis, & nullatenus cum falsis, imò cum sale ammoniaco, sale tartari & aqua fel conquassando intensum frigus suscitatur, ut ad oculum fuit demonstratum. Neque valet argumentum, bilem esse calidam, cum sit causâ tertianæ, quia tertiana magis frigore quàm calore molestat, imò tertianarii plerumque moriuntur sub frigida non autem sub calida accessione, & sublata per vomitum bile, vel eâ per calida medicamenta alteratâ, frigida accessio, & consequenter calida tertianæ tollitur, sed Venæsectio plerumque est nociva, ob caloris & spirituum dissipationem. Et eò magis bilis possumus negare calorem, quia Regius morbus, licet in eo bilis per universum corpus sit diffusa, & urina croci instar linteamina tingat, tamen nunquam corpus justo calidius deprehenditur, neque vesica, aut renes, vel aliæ partes inflammantur. Neque verum est, omnia amara esse calida, quia tartarus vitriolatus, sal polychrestum, & camphora, cichorium, opium, & plura alia simplicia sunt amara, & nihilominus ex omnium experientia refrigerant.

Nullius etiam momenti argumentum est pro bilis caliditate ab erysipelate deductum, cujus causa bilis fingitur, quia per alcalia Erysipelas extinguatur, imò per fella animalium, ergo ab acido oriri necesse erit; etiam minus probat color ex rubro citrinus bilem in Erysipelate existere, quia spiritus acidissimus maximè eum inflammat, & citrino colore tingit intenso. Nolo tamen ire inficias bilem & alcalia interdum occasionaliter incendii causam in humano corpore præbere, non quatenus in se calida, sed tanquam spina digito infixæ, vel arenæ granulum oculo illisum, quod tanquam peregrinus & exosus hospes Archæum in furorem agit; vel sicuti pituitæ copia depravata etiam calorem per accidens comitat, ut in quotidiana, unde frigoris & caloris procellæ ab Archæo tumultuante & irritato, sed hujus non habetur ratio, sed spinæ, arenæ &c. juxta *Hippocratis* mentem, qui dixit: Calor & frigus non sunt morbi, sed acidum, amarum, ponticum, austerum, & alia, ut de *Medicina veteri* &c. quod acidum per amara moderatur, & universa alcalica & amara per acida; itaque verificatur *Hippocratis* de *veteri Medicina* sententia §. 27. & 28. Interdum quod uni est calidum, alteri non est calidum &c. & elucescit non veram esse *Tachenii* opinionem, sal prunellæ alcalisatum semper refrigerare, ut demonstravit melius *Hofmannus Pharm. Schröd. p. 343. 340.* Maximum verò argumentum est, bilem nullatenus Arthritidem inducere posse, quia Arthritis est morbus coagulativus, & bilis est alcalica, & nunquam, synoviam, vel alios humores coagulat, sed potius fluidiores reddit, ut ipse *Sylvius* fatetur *p. 142. 143.* Etiam praxi compertum est, nunquam ex alcalico usu Arthritidem, vel alios coagulativos morbos, sed potius colliquativos inductos fuisse, ut *Hofmannus Pharmacop. Schröd. p. 668. l. 5. §. 23.* narrat, Hallis Saxonum viro cuidam accidisse, qui erat temperamenti cholericæ, cujus massa sanguinea salibus volatilibus biliosis scatebat, à nimio usu spiritus urinosi in hæmoptysin incidisse, & tandem in veram phthisin terminasse, ac finem vitæ magno suorum cordolio imposuisse. Similem hi-



storiā habet *Matthias Jacobus* in *Actis Medicis Bartholinianis* p. 208. & 209. quod noverit amicum, qui sanguinem crassum, melancholicum & nigricantem habuerit, ita enim è venis sæpius fuit eductus, hunc sale volatili Sylviano corrigere tentans successu quidem non caruit, nam quotidiano ejus usu sanguis ejus floridior factus rubicundo colore pulchroque oculos affecit, sed cum liberiori manu quotidiano potui illud immisceret, sanguis justo fluidior factus consistentiam amisit, unde in hæmorrhagiam immoderatam incidens cum cordis palpitatione periculum fuisset, ne totus sanguis per nares effluxisset, vel syncope periisset, nisi maturè acidis & opiatīs sanguis iterum in-crassatus fuisset.

Casum consimilem habuit Excell. D. *Jacobus Sinibaldus* Commilito noster in aliquo levi paralyfi affecto, qui ex spiritus salis ammoniaci usu sanatus à dicto morbo, sed cum deinde iterū æger eodem spiritu petulantius uteretur, sanguinis sputo correptus fuit. Etiam ego novi duos, qui se credebant laborare Arthritide vaga, pro qua tollenda usi sunt spiritu Cornu Cervi in dosi justo majori, unde illis pustulæ gallicis non absimiles per universum corpus erupere, à quibus non nisi antivenereis liberati sunt; ideoque illud Hippocratis: πᾶν τὸ πολὺ τῇ φύσει πο-  
λέμων maximè observandum, atque ex deductis concludendum, bilem non esse ex natura sua calefactivam, & consequenter nec Arthritidis neque Nephritidis effectivam, & ex bilis penuria oriri vel calculum, omnesque tartareos morbos, ut sufficienter videtur demonstratum hætenus. Quoad aciditatis verò frigiditatem à *Sylvio* assertam, miror tantum rerum Chymicarum peritum acidi naturam minùs solerter indagasse, si enim acidum positivè esset frigidum, tunc acidissimum esset frigidissimum, Consequens est falsum, ergò & Antecedens. Videmus enim sulphuris, vitrioli, & nitri spiritus acidos igne citius atque potentiùs lapides, ligna, carnes, & metalla maximo cum ardo reaggredi & in pulverem convertere absque ignis culinarii adjutorio, ideoque tales liquores ab Hermeticis vocantur ignis  
contra

contra naturam, ignis divinus sine luce, & igne vulgari calidior, quanto ignis vulgaris calidior aquâ. Nec minus probatur aciditatis caliditas per omnia ignis facile susceptiva seu inflammabilia, quæ abundant acido, ut sunt sulphur commune, terebinthina, resina pini, nitrum, naphtha, balsamum nativum &c. & acido illorum extincto non amplius sunt inflammabilia. Unde etiam *Tachenius* in *Clavi Hippocraticæ Medicinæ*, & in Hippocrate Chymico non tantum in ignis flamma, sed in sole acidum demonstravit. Calorem pariter acidum fufius probavit *Kunkelius* in *Chymicis Observationibus*, & *Kirchmaierus de Phosphoris*, quorum Axioma est: Non semper, ubi lumen & calor, ibi sulphur, sed ubi acidum, ibi calor, & ubi lumen, vel flamma, ibi sal volatile.

Neque probabile videtur acidum esse frigidum, quia sitim interdum (licet non semper) extinguit, quia non tantum calida sensum sitis efficiunt, sed multoties causa frigida sitit potum in natura sua calidum, eadem ratione enim spiritus vini, vel vinum generosum frigidum esset declarandum, cum ex eorundem perit multoties melius sitis tollatur quam per aquam, imò qui vino sitim leniunt, diutius à vino sunt immunes, quam qui aquam bibunt, quâ ratione autem vitrioli igneum flagma sitim extinguit, videatur *Helmontius de febr. cap. de sitif. febrili*. Maxima autem ratio, quæ acidum calorem probat, est, quia nulla alia substantia tantum, quantum acida concitare valet calorem, & quanto aciditas est fortior, tanto fortio- rem calorem producit, ut ad oculum demonstravimus.

Demonstrato nunc aciditatis calore, & bilem non esse calidam, neque Arthritidis effectivam, quæritur an falsum simpliciter intellectum sit Arthritidis causa? Et videtur respondendum negativè, quia falsum simpliciter intellectum neque sanguinem neque synoviam coagulat, sed potius utrasque substantias fluidiores reddit, cum falsum sit acido neutra inter acidum & alcali, nisi falsedini accedat aciditas, atque exinde acido falsum resultet, & tunc Arthritidem inducere valet, non



autem ratione falsedinis sed ratione aciditatis; Ergo in acido pro Arthritidis causa standum, & illud in Arthritidis definitione pro causa principali stabiliendum, quâ neglectâ Arthritidis curatio minimè succedit. Unde etiam Arthritidem definitivè explicando dicimus eandem nihil aliud esse, quàm dolorem partium circa articulos ab humore acido mediantibus arteriis ac venis in eos effusò extortum. Dicimus à venis & arteriis ad articulos effusum, non autem à nervis, cum inverisimile sit, acidum fœculentum & crassum peregrinare prius per cerebrum, spinalem medullam, & deinde per nervos ad articulos absque manifesta cerebri & nervorum læsione, etiam quia nervi omnes, exceptis opticis, carent cavitatibus manifestis, ut nullatenus per illos humor invisus & crassus transire valeat, ideoque inverisimilior redditur ejusmodi transitus. Porro nervi sunt tantum organa spiritui animali subtilissimo devehendo destinata, non autem humori crasso & infesto circulando apta. Sed dato, non concessò, quod acidum arthriticum ad nervos proveniret, tunc complicarentur Arthritidi graviora accidentia, præcederentque motus convulsivi & similia, quod raro vel nunquam in Arthritide accidit.

Neque pectus meum exsaturat *Willisii* historia de quodam qui urinam reddebat copiosam, & lixivialis saporis expertem, & instar meri aceti, & affectibus spasmodicis laborabat, unde *Willisus* concludebat, ejusmodi acetositatem à nerveo succo profectam, ad glandulas progressam, & iterum à venis receptam per urinam expulsam fuisse; Quæ quàm absurda & tanto Authori indigna opinio, nemo non videt, quasi necesse esset, ut humor acidus prius per nervos quàm venas ad renes duceretur; & non possumus etiam spasmodicis affectibus per consensum laborare, absque quod acidum ingrediatur nervorum cavitates, ut in doloribus acutis nimis evacuationibus & corrosivorum fortiorum applicatione, satis notum est. Ergo non est opus, ut semper acidum convulsionis effectivum nervos in-

gre-

grediatur, neque ante evacuationem per nervos circuletur, ut in acidularum usu experimur.

Etiā minus placet *Helmontii* Sententia, quæ arthriticam aciditatem in spiritu vitæ collocavit, ut enim arthritica hæc aciditas spiritui vitæ esset permiscibilis, hæc deberet quoque esse summè volatilis, & ad instar Gas, quæ si talis esset, confestim ut fulminis spiritus vitalem coagularet, catalepsim, & similes effectus induceret, prout ex fulmine & Gas in Cryptis puteolanis & fodinis metallinis contingit; vel ad minus arthritici quoad functiones animales & vitales se pessime haberent, ast arthritici quoad functiones animales & vitales optime valent, ideoque *Helmontianam* & *Willisianam* opinionem explodimus, & acidum arthriticum crassioris & fixioris naturæ esse, ac ad articulos tantum per venas & arterias duci asserimus.

Arthritidem quoque *Prisci Veneris* & *Bacchi* prolem esse crediderunt, quod non semper verificatur, quia reperiuntur plures à Venere, & Baccho abstemii; Imò etiam spadones Arthritide afflicti. Licet nolim ire inficias, etiam nimiam Venerem dolores Articulares inducere, atque cum lue Venerea multoties complicari Arthritidem. Vidi enim Juvenem Gallum nimis pollutionibus arthriticum evasisse, evacuato videlicet nimia pollutione succo spermatico alcalico tunc necessario, sicut in phlebotomia & similibus evacuationibus moventur humores à circumferentia ad centrum, & præbetur aditus ad articulos acidis & aliis cruditatibus, & in spadonibus abstemiis sperma acescit, & venenum fit, & Arthritidem sine Venere & Baccho progignit. Acidum ergo intus genitum, vel ab extra nimis assumptum solum esse præcipuam hujus morbi causam satis per Authores allegatos & rationes probatum videtur, sed melius proprio exemplo sine Venere & Baccho expertus in fine probabo.

Nunc verò quæritur, an omnis Arthritis sit curabilis? ad quod petatum optimè præ cæteris *Priscis Hippocrates Porrheticorum secundo* respondere videtur, ubi inquit: *De Podagra hæc dico:*



dico: Quicumq; senes sunt, & circa articulos callos habent, aut arumnosè vivunt siccum alvum habentes, hi omnes sanari non possunt humanà arte, quantum ego novi, sanat quidem hos optimè Dysenteria si supervenerit, aut alia eliquationes valdè prosunt per inferiora loca. Qui verò Juvenis est, & circa articulos nondum callos habet concretos, & accuratè vivit, laboris est patiens, & alvum primum habet, hic sanè Medicum prudentem nactus, sanari poterit, ex qua sententia satis patet, etiam Hippocratis Arthritidem fuisse sanabilem, sed post Hippocratem, ut Helmontius dixit, Medicina stetit, vel potius retroivit, & nemo Medicorum gregariorum fuit, qui Podagram pro incurabili non proclamaverit, usque ad Paracelsum qui podagram perfectè sustulit, ut ex Epitaphio ab Antistite Salisburgensi Paracelso erecto constat, post hunc Helmontius vaticinatus est, quod exlex quartana & Arthritis præsentis hoc nostro sæculo sit distinctura veros Medicos à putatitiis, cujus vaticinii veritas hætenus videri cœpit, nam ultra meum Exemplum de Arthritide jamdudum per Tachenium de principe morborum, & alios celebratum adduco Illustrissimum & Excellentissimum Dominum Copp. Exercitus Sac. Cæs. Majestatis Generalem, qui lactis usu ab Arthritide convaleuit. Etiam Illustrissimus Dominus Baro Alphonsus Zephyrus Matronarum ac Damigellarum Sac. Cæs. Majestatis Imperatricis Eleonoræ Custos eodem remedio felici cum successu usus est, alii à sola vini abstinencia, & aquæ potu ab Arthritide immunes facti sunt, ut Sennertus & alii testantur.

Si ergò Arthritis solâ pravâ victus ratione, videlicet ex nimio acidorum usu & vinorum tartareorum potu causari, & viceversâ aliâ victus ratione sanari potest, quidni & optimis medicamentis curabilis erit. Sanatur Venerea lues longè majori acrimoniâ prædita, per quam carnes, ossaque ipsa devastari solent, cur non Arthritis ex levi synoviae coagulo oriunda. In memetipso curandi possibilitatem & in aliis expertus sum; Anno enim 1656. hinc Romæ pestis tempore ego juvenis ætatis annorum viginti trium & Medicinæ sacris initiatus cum legis-

sem

sem in *Helmontii pestis tumulo*, Acidum sulphuris Gas esse verum pestis antidotum, deinde in eodem *Helmontio* de *arbore* invenissem scriptum, Acidum sulphuris stigma multum Gas illius continere, credidi tanto Authori, & fidem auxit *Mindererus*; qui dicit; si ipsis usus medicamentorum vitriolatorum (quæ idem sunt cum sulphuris acido) interdiceretur, se nunquam, vel inermem accessum habiturum ad pestem; Igitur præservandi gratiâ liberaliori manu dictis acidis spiritibus uti coepi, unde post menstrualem eorundem usum circiter invasit me universalis & atrocissima Arthritis, ut propter dolorum sævitiam nullatenus surgere, minus incedere, nec cibum nisi alienâ manu capere valerem, febris in principio mediocris cum siti affligebat, sed acidis minimè mitigabilis. In his ærumnis constituto in mentem venit *Helmontii* sententia, omnia acida largiori manu Arthritidem inducere, & vice versâ acidorum destructiva esse Arthritidis curativa, sciebam etiam tunc alcalia omnia destruere acida, sed magis ob analogiam alcalia animalium volatilia arridebant, ex quorum longiori usu ab Arthritide convalui immani. Deinde anno 1658. tempore æstivo sitis molesta me afflixit, pro qua tollenda alacriter limonatas aquas bibere coepi, immemor prioris erroris & flagelli, neque ab acidis mineralium abstinui, ex quorum continuato usu invasit me chiragra manus sinistræ, & podagra pedis sinistri, sed in præterita Arthritide expertus lentam alcalium opem, cum nactus essem Corallinum *Paracelsi*, eo sumpto, paucis diebus convalui, ab hoc tempore ab acidis abstinui, & ab Arthritide immunis vixi usque ad annum 1674. quo tempore æstivo ex Austria Romam redux ab Austriacorum vinorum potu iterum me invasit podagra in pede sinistro, à qua brevi eodem Corallino me vindicavi, & abhinc nullum Arthritidis percepi vestigium. Anno 1654. Johannes Balthasar Bruxellis sub Regis Catholici signis Cohortis Germanorum Centurio ex nimio limonum esu arthriticus evaserat, & pari ratione alcalium usu convaluit.



Pluribus annis elapsis hîc Romæ Dominus Johannes Franciscus de Francis Minister S. Montis Pietatis tempore æstivo refrigerandi gratiâ aceto destillato articulos frequenter madefaciebat, unde articulati dolore & immobilitate correptus alcalicis lotionibus & fomentis sanatus est sine ullo interiorum medicaminum usu, quia causâ tantum fuit externa, ex quibus experimentis lædentibus & juvantibus satis elucescit tam Arthritidis causâ quàm curatio in genere & his stantibus & satis comprobatis.

Attamen in illustri quadam Persôna hîc Romæ periculum facere mihi hætenus non licuit, & causâ fuit quorundam ignorantia vel malitia, qui remedia priscis & sibi ignota Magnatibus dissuadere, & contra novarum rerum Assertores, sicuti onagri crabronum ictibus laceffiti recalcitrare solent, quia apud illos adeò indelebile est malum elui non potens olim imbuta præindicata opinio, & scabie quavis ad sanandum rebellius, & istis de Arthritidis causâ & curatione nihil dixi, prudentibus verò satis dixisse scio, qui meo exemplo & modernorum doctrina faciliè Arthritidis remedia invenient, qui verò parum sunt prudentes, isti præterea nihil invenient, etiam si totâ vitâ infinitos artis effectus conspexerint, ait *Gal. Meth. Med. lib. 14. Cap. 17.* Et tales qui præter Jota & Alpha resonare nihil sciunt, erudire mihi non est animus, quia secundum *Diogenem*: *νεκρὸν ἰατρῶταιν ἡλίδιον νουδέτιν ταύτων ἐστὶ.* Mortuum curare & fatuum erudire idem est. Et hac de causâ à generalibus ad specialia quiescere jubet *Plato.*

Deinde reperiuntur alii, qui ad excusandam ignorantiam suam imperitis persuadere conantur asserendo, se quidem Arthritidem sanare posse, sed sanationem esse morbo ipso periculosiorem, supponendo fluxiones podagricas impeditas repercussas vel fixatas interdum in nobiliores partes ruere, & deinde graviores affectum vel mortem ipsam producere, quod suppositum probare nituntur Willisiana historia de aliquo, qui urinæ propriæ potu ab Arthritide liberatus nephriticus evasit,  
& à

& à nephritide usu ossium selenorum sublevatus iterum arthriticus factus fuit, unde denuò ad urinæ potum confugiens & ab Arthritide sanatus, Nephritide prorsus incurabili correptus ex hac obiit, ut apud eundem *Willisium* de Arthritide videndum.

Et illis responderetur fluxiones podagricas non esse naturales sed præternaturales, ideoque à vero Medico tollendas, cum accidentium remotio non tantum sit rationalis, sed etiam necessaria & possibilis. Neque ullius roboris aut momenti est argumentum ab historia *Willisiana*, quia hoc argumentum est à particulari, ideoque non concludit ad universale, & periculum quod ostenditur, est ex ignorantia veri medicamenti, medicamentum enim quando est perfectum non per *μετάστασιν* re-percussionem aut fixationem materiæ morbosæ morbum solvit, sed per totalem causæ *ἀνάλυσιν* & characteris seminalis extinctionem, sicuti superius luculenter rationibus & experimentis fuit demonstratum. Sed contra nostram jam dictam curandi rationem insurgit *D. Tachenius de principe morborum*, asserendo arthritidem in nobis non fuisse ex animato specifico degenerato acido, sed ex materiali acido citra delectum hausto, ideoque pro curatione quodlibet absorptivum alcali indifferenter satis fuisse.

Attamen cum abundè satis superius Authoritatibus, rationibus & experimentis sit demonstratum solum acidum esse arthritidis effectivum, perinde etiam erit, si hoc acidum ab interno specifico & degenerato radio sive per assumpta producatur, aut si magis vel minus materiale sit hoc acidum; Et quia quæ non differunt nisi secundum magis & minus, non differunt specie, & tanto magis, cum omnes res, quæ unam & eandem cum aliqua re habet operationem, sit idem juxta *Philosophum Metaph. 4.* Et maximè cum evidenter superius sit demonstratum, Arthritidem æquè benè ex acido minerali, quàm ex vegetabili tartareo vinoso originem trahere & traxisse, melius sanè dixisset, si arthritidis mea fuisset alio morbo conjuncta, tunc alcalicis sanari nequivisset, ideoque in nostris Decisis stare de-



crevimus Tachenianam opinionem explodendo, donec evidentiores demonstrationes ex adverso adducantur.

Sed ne Inclytum hunc Congressum Eminentissimorum P. P. Purpuratorum Majestate illustratum classico ad obscura tantum documenta audienda convocasse videar, experimento demonstrare decrevi, acidum esse calefactivum, & calefacere sine adjutorio ignis vulgaris, bilem verò non incalescere sine calore actuali, & esse frigefactivam, & etiam bilem habere alcalinam naturam, & illi inesse oleum & alcali volatile, ut innotescat quàm periculosum sit Authoribus credere, quis enim *Sylvium* & *Hofmannum* errasse credidisset? nisi experientia illorum errores detexisset, ideoque Sententia *Theognidis* semper magna est habenda, quâ inquit: *Δόξα μὲν ἀνθρώποισι κακὸν μέγα πρῆξις ἢ ἀγίγνωτον*. Id est: *Est mala Opinio, at est homini longe optimus usus.*

1. Postremo ad Experientiam fuit deventum & demonstratum multorum adstantium Coronæ, acidum nitri & vitrioli spiritum ferri limaturæ affusum maximum calorem & effervescientiam concitare.

2. Felli bovino affusi dicti spiritus nullius effervescentiæ aut caloris dedere indicia, fel tantum in grumas præcipitari, seu coagulari visum est.

3. Bovino felli recenti infusus alcali tartari liquor, illud nullatenus vel præcipitat, sed limpidius fluidiusque reddit, neque calorem concitat.

4. Fel mixtum sale tartari & sale ammoniaco cum aqua communi in vitro conquassando ingens ad tractum demonstravit frigus.

5. Spiritus alcalicus & sal volatile oleosum fellis cum spiritu nitri & vitrioli magnam concitavit effervescientiam, sed exiguum calorem.

Ex quibus phænomenis fuit Conclusio nostra, acidum solum esse calefactivum, & fel, quia nec acidis neque salis aut alcalicis est calefactibile, & cum ultimis potius frigus intentum ostendit, esse frigefactivum.

Neque

Neque obstat fellis alcalicus spiritus, aut oleum ejus sal volatile cum acidis effervescent, quia quando aliis fellis partibus est colligatum, hoc nunquam, prout divisum, efficit, proinde absurdum videri fellis cum chylo, & pancreatico succo effervescentiam, & maximè quia *Sylvii*, *Sualbii* & *Louverii* argumentum à bilis bovinæ cum acidis effervescentiæ adductum falsum est demonstratum.

Objecerunt tamen alii acidum solum nullatenus, sed ferro alcali simul cum acido affuso pugnando calorem excitasse, neque acidum absque alcali calorem concitare posse. Sed isti objectores ignorant, quid sit alcali, ideoque illos exhortor, ut prius addiscant alcali quidditatem, & deinde mihi illud in ferro demonstrent, & interim illos relinquo tanquam responsione indignos, & eò magis, quia mentiuntur asserendo per acidum solum & ejus partes calorem nullum concitari posse: legant *Kunckelii Chymicas Observationes*, ubi demonstrat calorem ex acido solo & ejus partibus absque rerum extranearum & alcalium interventu, quod etiam ego multoties, expertus sum, & quando lubet ad oculum demonstrare possum.

Neque verum est omne acidum cum alcali calorem prodigere, licet alcali semper effervescat cum acido, attamen talis fervor non est semper cum calore; Acidum verò forte cum alio acido forti magnum excitat calorem, ut patet in butyro antimonii cum nitri spiritu jungendo; Ex quo patet objicientium error.

Et alius objecit contra bilis frigiditatem & demonstratum frigus absque bile cum sale tartari, ammoniaco & communi aqua tantum concitari posse, & diversam esse mortuæ bilis & vivæ operationem, neque caryophyllos externè applicatos calefacere.

Et illi fuit Responsio nostra: Si bilis est adeò calida ut vociferatur, quare non incalescit & effervescit cum sale tartari, prout cum acidis fortissimis fieri consuevit, & alcalicis aliis. Quoad distinctionem bilis vivæ à mortua, concedo bilem vivam non



activè sed passivè calere ratione vitæ per accidens non autem ex sua natura & per se. Et *Sylvius* ac *Lowverius* & *Sualbius*, qui fellis vim calefactivam demonstrare contendunt, rationem à felle bovino mortuo cum acido effervescente adducunt.

Sed hæc ratio per experientiam falsâ reperitur; Et licet alcali fellis à felle separatum cum acido mixtum fervorem ostendat, tamen fervor iste non semper calet cum omni acido, ideoque alia experientia est adducenda pro bilis calore firmando, non autem inane suppositum obtundendum. Ostende mihi per bilem solam, vel per aliarum rerum commixtionem, igne excepto, sicut cum acido calorem, tunc lubens acquiescam. Similitudo verò à *Caryophyllis* non calefacientibus extra corpus claudicat, & experientia contrarium probat, quia *caryophylli* in ore detenti, vel per modum suppositorii applicati calorem inflammatorium inducunt, fel bovinum verò in dysenteria per modum clysteris injectum dolorem & calorem lenit. Etiam in *Erysipelate* externè applicatum dolorem & inflammationem tollit.

Non tamen ibo inficias, bilem interdum excitare calorem in humano corpore, sed nullatenus per se, neque per suas partes, sed per accidens. Acidum verò ex se & per suas partes activè est calefactivum, ideoq; si à potiori in rebus datur denominatio, bilem esse frigefactivam, & acidum calefactivum asserimus.

NB Si bilis in animali vivente effervesceat cum acido, tunc effervesceat ratione vitæ, non ratione bilis & acidi, quia illa mortuo in animali non effervesceat &c.



HISTORIÆ  
LITERARIÆ

S. R. I. ACADEMIÆ NATURÆ CURIOSORUM  
CONTINUATIO III.

AUTHORE

MICH. BERNHARDO VALENTINI,  
Med. Doctore, Curiosorum THESSALO.

---

NORIMBERGÆ,

ANNO M DC LXXXVII.





## PRÆFATIO AD LECTOREM.

**H**abes hîc Tertiam Historiæ Curiosorum Literariæ recensio-  
nem, ERUDITE LECTOR, in quâ vix amplius quid mo-  
nendum, nisi quod voces cursivis (ut Typothetis audiunt) literis  
expressa totidem capitali libri designent, id quod in præcedentibus  
pariter sectionibus observatum est. Quandoquidem autem eorum,  
qui ad Normam & Formam S. R. I. Acad. Nat. Cur. expediti sunt  
Commentariorum pauca adhuc series supersit, operam post hæc dabi-  
mus, ut absolutis iis ERUDITORUM LIPSIENSIIUM, ANGLO-  
RUM, GALLORUM & REIPUBLICÆ LITERARIÆ me-  
thodum sequamur atque alios (qui recensio- nem merentur) libros no-  
viter editos annuatim enumeremus. Interea vale & Compen-  
diis adjectis contentus Studio nostro benè precare. Sunt autem  
VII. ordine sequentia:

- I. D. JOH. MICH. FEHRII, *Hiera picra de Absinthio.*
- II. D. PHIL. JACOBI SACHSII, *Ampelographia.*
- III. Ejusdem *Gammarologia.*
- IV. Ejusdem *Oceanus Macro-Microcosmicus.*
- V. D. JOH. ANDR. GRABÆ, *Elaphographia.*
- VI. D. GEORG. CHRIST. PETRI, *Asylum Languen-  
tium, de Carduo Benedictô.*
- VII. Dn. BENJAM. SCHARFII, *Descriptio Juniperi.*



JOHANNIS MICHAELIS FEHRII, D.  
Physici Svinfurtensis Ordinarii,

# HIERA PICRA,

*feu*

De Absinthio,

*Analeſta, ad normam & formam Academiae Nat.  
Curioſ. ſelecta.*

Lipſiæ Impenſis Viti Jacobi Treſcheri, Anno  
1668.



Uperiore de Scorzonera Libro à Per-Illuſtri Dn.  
PRÆSIDE olim evulgato jam addimus alterum  
de Absinthio, parili ferè methodò expeditum.  
In Praefatione enim HIERÆ PICRÆ Titulum  
enucleat & abhinc nomen & naturam hujus her-  
bæ expedit, ubi plura notatu fortè non indigna.  
Descriptionem verò ad vivum elegantibus omni-

nò figuris offert, quibus & differentias ejus atque genera di-  
ſtinguit, quorum I. eſt absinthium Vulgare, quod Ponticum  
includit. II. Seriphium ſeu maritimum. III. Santonicum, cu-  
jus effigiem à MATTHIOLO annotatam in dubium vocant  
*Alii*; quin & Ipſe exSantonici Officinalis ſemine terræ mandato  
planram Tanacetó haud abſimilem obtinuit. IV. deniq; genus  
eſt Montanum, cujus elegantiffimam ſpeciem à Beatiffimo  
BAUSCHIO collectam æri inſculptis figuris addit. Hinc quan-  
do locum natalem conſiderat, ex SOLENANDRI Obſervatione  
monet, quòd, ut ex ineffabili DEI T. O. M. Providentia ſua

Dec. II. Annus V.

y

ſingu-



singulis Regionibus remedia succrescant, ita circa pagos atque  
 sepes abundè proveniat absinthium, quò & rustica gens ha-  
 beat, unde frequentibus sibi obstructionibus occurrat, cùm  
*vires* Ejus atque *qualitates* ob salis volatilis abundantiam ape-  
 ritivæ sint, Salisquæ essentialis intuitu deterisivæ, utut ob ad-  
 mixtas insimul particulas terrestres quandam post se adstrictio-  
 nem relinquat, in quo acidulas illud imitari sentit, quæ non  
 tantùm aperiunt sed & viscerum in tono suo debilitatorum fi-  
 bras confortant. Ex omnibus autem absinthii speciebus vul-  
 gare tantùm *eligit* locò cujuscunque sive Pontici sive Roma-  
 ni, vernò quidem tempore decerptum, ejusque *usus* tam ra-  
 tione præparationis Pharmaceuticæ, quàm applicationis Pra-  
 cticæ duplicem constituit: Illic *præparationes* ejus & Simples  
 & Compositas enumerat, quas inter vina speciatim absinthiaca  
 (à SIM. PAULI etiam absque absinthio parata,) eminent ea-  
 que fermentatione potius, quàm nudâ saltē infusione præ-  
 paranda, quo & absinthii cruditates corrigantur & salejus vo-  
 latile magis evocetur, cui in corpore meteori instar elevato  
 actionem ejus & efficaciam ferè tribuit. Heic verò *usum* absin-  
 thii *Practicum* tribus C. H. Regionibus applicat, ita quidem ut  
 in *Morbis Capitis* specialissimè quidem cephalalgia à vermibus  
 oriundæ sit dicatum, sicut id singulari de verme nasicolâ ob-  
 servatione adstruit, cui similem ferè tradunt Eruditi Parisien-  
 ses *au Journal de Medecine Mense secundo*. Quin & epilepsiæ  
 stomachicæ appropriatum esse remedium aliisque per ventri-  
 culi consensum propullulantibus capitis subvenire morbis ex-  
 perientia contestatur, quo nomine & ebrietatem præcavere  
 dicitur. Sic & in *Thoracis affectibus* haud omninò sterilis est  
 absinthii usus, speciatim in febribus malignis, eoquæ magis, si  
 juxta KIRCHERI hypothesin verminosæ putredinis soboles  
 sint. De Divino autem hoc in intermittentibus auxiliò nul-  
 lum amplius est dubium. Maximè tamen *Infima Regionis*  
 visceribus dicatum est, ut non sine causâ forte id stomachi ani-  
 ma dicatur, ut rhabarbarum hepatis. In appetitu certè sive  
 dejectò

dejectô, sive quovis licet modô depravatô, etiam Gravidarum picâ summum est remedium, quâm inventionem tempestivâ, exhibitoprius mechoacannæ pulvere cretæ commisto, Syrupô de absinthiô funditus extirpavit Author Eruditus. Cachexias verò desperatas vulgò dic Sarbsucht & inde pullulantes icteros, hydropes, scabies &c. Solo sæpè absinthiô percuratos elegantissimis ostendit Observationibus. Singulari autem encomiô hîc extollit D. RHEFELDII secretum in Hydrope, quod ita parat:

℞ Salabsinthii ʒj, solvit in cellâ, filtrat & spirit. salis præcipitat ad modum tartari vitriolati, inspissat & crystallos inde paratos à ʒss ad ʒj in aqua appropriatâ propinat. Quantum verò in omnis generis lumbricis, vulgaribus æquè atque latis valeat, nemo fortè nescit, in quo posteriori casu tamen jalappam quoque partes suas strenuè egissè, speciali observatione confirmat, additô simul icone oculari. Tandem *Mechanicum* ejus *Usus* in conservandis vestimentis, plantis atque frugibus subjungendo, quæstionibus quibusdam atque corollariis curiosis concludit.

PHILIPPI JACOBI SACHSII à LEWENHAIMB,  
Sil. Phil. & Med. D. & Colleg. Nat. Curios. Collegæ,

## ΑΜΠΕΛΟΓΡΑΦΙΑ

sen

Vitis viniferæ, ejusq; partium consideratio,

*Ad Normam Colleg. Nat. Curiosorum.*

Lipsiæ Impensis Trescherianis, Anno 1661.

**C**Eleberrimus hujus Seculi Rerum Naturalium Scriptor P. J. SACHSIUS, alter Plinius, Historiam vitis viniferæ tantô eoq; multijugô studiô & infinita lectione perpolivit, quantô antidhâc à nemine pertentatum est, *verba sunt Beatissimi Senis D. SIM. PAULI in Q. B. pag. 558.* In *Præloquio* autem exorditur à variis Scriptorum argumentis, eorum in specie, qui ex triplici Medicinæ regnô singulare quod-



dam simplicis genus sibi pertractandum elegere, quod ad exhauriendum universi hujus thesaurum ferè necessarium visum est Inclytæ S. R. I. Nat. Cur. Academiae, quæ ansam largiebatur Authori de aliis Exterorum sodalitiis, ab Italis Academiis dictis, prolixè discurrendi. Factò hinc ac Tractationem transitu *Lib. I. Generalia* complexurus, absolutò prius nomine, in *Inventores* vini inquit, & quamvis vitem in primæva Mundi creatione existisse credat, excultionem tamen ejus uvarumque expressionem non nisi post diluvium Noacho innotuisse credit. An verò id ab Hircò ex labruscarum, ut ferunt. comestione inebriato cæterosque cornu feriente didicerit, id fere cum HEINSIO ridet; & idem fortè deputatione ejus, quam Asinus pampinos abradens docuisse fertur, sentiendum est. Abhinc *descriptionem culturamque vitis* addit & in quibusdam Hungariæ tractibus trunco Ejus auri obryzi fila ob mineras fortè subterjacentes intertexi refert, unde Vini cum auro sympathiam deducit & annexis *differentiis* rationem reddit, cur vitis annuatim vere progerminet, ex eò, quòd spiritus intus conclusi salis æquè ac sulphuris adminiculò eousque protendant illam, donec figuram à Naturâ destinatam obtinuerit: Decidere autem autumnò folia, dum spiritus cum humore aqueò partibusque sulphureis sub æstivò calore quâ data porta ruunt, remanente sale fixo crassiorique sulphure: *Conf. WILLISIUS Tr. de fermentatione.* Libro vero II. Speciali *Partes* ipsius *vitis* earumque *usum* tradit, quem tribus, ut per compendium eamus, verbis exprimo: *Pampini* scil. picanibus: *Flores* delinquentibus, *Lachrymæ* ophthalmicis, *uvæ immatura* stomachicis, *matura* bellariis, *passæ* verò hecicis consecrata sunt. Inde vindemiam ingreditur Author *mustiq.* expressionem enucleat, non tantùm *primarii*, quod vini rudimentum est; & si nimium poterit, alvum stimulat, sed & *secundarii*, Lora vulgò dicti, qui servorum potus est. Remanent *arilla* & *vinacea*, quorum illa adstringendo valent vinaque subaustera die *Keysers* constituunt: Hæc verò adhuc calida certum *podagricorum* sunt solatium. Mustum autem doliis sulphure per-

perfumatis inditum *fermentationi* committitur, quam particularum salino-sulphurearum reactioni cum WILLISIO ascribit, qua durante sedulo sibi caveant Vindemiatores ab evaporante Gas Sylvestri, quod non secus ac aquarum mineralium vapores homines strangulare solet, de quibus elegantem ab Illustri Domino FEHRIO Syvalbaci observatam historiam addit. Sedatâ fermentatione liquor paulo clarior vinum propriè dicitur, cujus varius semper *usus*, variis & *abusus*. Plura hîc sunt, quæ summæ lectionis Author ex omni æquè antiquitate ac celebriorum Medicorum scriptis undique collegit, quàm ut singula hîc in compendio tradi possint: Binæ saltem controversiæ notatu fortè dignæ sunt, quæ multis abhinc annis Scholas exercuere & in hodiernum usque diem nondum sunt discussæ: An sc. præservandi sine Vinum ad ebrietatem usque ingurgitare expediat? *An & febricitantibus conducatur?* Prius rotundè negat, cum alia prostent media, scopum hunc ferientia. Posteriori verò distinguendo faciliorem se præbet & per omnium *februm Species* eundo docet, quod contra Veterum Quorundam rigorem non omnis vini potus in febribus inhibendus sit, quæ sententia nostris quoque temporibus invaluit admodum. Plures sâne, si supputationem instituas, acidæ sunt, quàm volatiles vini partes, ut calor Galenicis tantoperè infestus ne quidem ex hoc principio exhorrendus sit. Non minus *in aliis agitudinibus Divinum vini usum* fusè recenset, utut excipiat haud paucos & affectus & ægros, *infantes* in primis & *nutrices*, quibus id non facilè concedendum est, quò tamen in casu Prudentiores Medici haud difficulter dispensare nòrunt. Innumerabiles hinc *vinorum* tam naturalium quàm artificialium *differentias*, à colore, sapore, odore, virtute locoq. natali addit, unà cum variis ejus productis, *aceto, spiritu vini, tartaro*, quæ & ipsa, prout abundè cognitum, tam à Galenicis, quàm Chymicis variè sunt tractata. Tandem Appendicis loco *racemationem*, ut vocat, *succinctam* adjicit, quâ notas quasdam superioribus addendas pro Supplemento complectitur.



PHILIPPI JACOBI SACHSII à LEWENHAIMB,  
Sil. Phil. & Med. D. & Colleg. Nat. Cur. Collegæ,

# ΓΑΜΜΑΡΟΛΟΓΙΑ

feu

Gammarorum vulgò Cancrorum consi-  
deratio,

*Ad Normam Collegii Nat. Cur.*

Francof. & Lipsiæ Sumptibus El. Fellgibellii, Anno 1665.

**A**mpelographiæ Gammaros subjungit Author, quia (jo-  
cante ita BARTHOLINO) difficilior Astacorum caro  
& ventriculo molestior est sine vino. A fronte verò libri  
exorditur ab *encomio Philosophiæ Naturalis*, non tan-  
tùm à plurimis ordine illic recensitis Eruditis, sed & Regibus  
excultæ. Ut enim hujus ope plurimæ Veterum *Fabula* de Sa-  
lamandra, v. g. Phœnice, Chamæleonte &c. hodierno tempo-  
re felicissimè sunt detectæ, sic *adminicula* tradit, quæis plura  
indies reperiri Studii que hujus incrementa promoveri possent,  
quæ eò quidem recidunt, quòd non tam è libris, quàm ipsâ  
potius autopsiâ spectari velit Natura, cui quidem scopo non  
tantùm sectiones Anatomicæ, sed & Musæa hinc inde collecta  
& ab Authore fusè recensita, imò Societates Curiosas hunc in  
finem institutas inservire docet, quas inter IV. præprimis emi-  
nere censet NICOLAUS WITTE Archiater Suecicus in *Epist.*  
*Tractatui huic annexâ*, nimirum COLLEGIUM ROSIANUM  
Galliæ, LYNCEUM Italiæ, SOCIETATEM REGIAM Angliæ  
& ACADEMIAM NATURÆ CURIOSORUM in Germania.  
Propriis verò ad ipsam accedens Tractationem, Insectorum *crus-*  
*tatorum differentias* tradit, eaque in caudata distinguit & ro-  
tunda *Caudata*, Gammarum propriè audiunt, *rotunda* verò can-  
cri, utut vulgaris loquendi modus hanc ferè vocum significa-  
tionem invertat. CAUDATORUM igitur III. genera enume-  
rat, locustas, gammaros seu astacos, atque Squillas. *Locuste*  
nostris

nostris quidem regionibus rarò visæ sunt & nonnisi corporis structurâ differuntà gammaris, quam in figuris æneis ob oculos ponit. *Astaci* vel marini sunt, *die See Krebs* / tantæ sæpè magnitudinis, ut & hominem chelis comprehensum haud difficulter interimere valeant, quos nullibi tanta in copia vidi quàm Londini Britannorum: Vel fluviatiles Nobis *die Krebsel* / *Bach Krebsel* / ab ALDROVANDO propriè Gammarii dicti, de quibus Author hoc in loco. *Squillarum* verò, h. e. astacorum chelis carentium, sive marinarum, sive fluviatilium, plures sunt species, ab Authore depictæ, & utrobique vel latæ sunt vel gibbæ, quarum posteriores in maritimis circulis frequentes & elixatæ à Belgis *heete Garnelen* proclamantur. Ad squillas hasce Author quoque *Pinnotheras* refert, à cancellis in eo discrepantes, quod illæ saltem pinnas, hæ verò & alias quas-cunque conchas inhabitent: Utrosque tamen ex observatione BARTHOLINI *Cent. VI. Hist. rar. 46.* in peculiaribus sui generis *conchis anatifervis* aliis dictis generari putat. Tantum enim abest, ut avium pennæ seu anatum rudimenta sint explicationes illæ lanuginosæ inibi contentæ, ut potius ex Observatione D. D. FEHRII rudera sint futuri gammarii seu cancelli. Restant jam crustacea ROTUNDA, quæ cancri propriè dici debent, Germ. *die Grabben* / *Taschen Krebsel*. Cancros hosce distinguit in terrestres, palustres, fluviatiles & marinos. De posterioribus res expedita dudum. De primis verò quærit, an in terrâ generentur, an verò per inundationes aut per terræ cuniculos rependo eò transportentur? Affirmat utrumque cum & *pissoes* reperiantur *fossiles* atque *terrestres*, quos ob peculiarem sui saporem non ex aqua semper sed & solò generari credit. *Gammaros* verò *petrefactos* subinde reperiri mirum illi non videtur, cum & integra Tartarorum Horda in lapidem conversa visa sit ab HELMONTIO. Qua occasione de miris illis Florentiæ lapidibus, confetti da Tivoli, glossopetris, serpente in cervi ventriculo petrefacto Hanoviæ conspicuò plura refert, manum-  
que



que saxeam è tellure erutam in figura ænea repræsentat, & haud raro vegetabilia quædam cancrorum crustis adnasci memorat.

Præmissis hisce jam specialiozem Gammarorum, seu cancrorum nostratium enucleationem meditatur & enodatis variis nominis æquivocis accuratam illorum delineationem tradit juxta *partes* ordine descriptas, quas inter peculiare quid obtinent *lapilli* à figura vulgò oculi cancrorum dicti, non tam in cerebro, quàm potius in ventriculo ex sale terræ balsamico centrali progeniti, ut HELMONTIUS observat, id quod in solis gammaris fluviatilibus iisque tantum maribus obtinere constat. *Proprietates* verò gammarorum multæ sunt, quas inter tamen tres imprimis eminent, nimirum color, depositio crustæ, forcipumque regeneratio. *Coloris ratio* ex texturæ superficielucisque refractione variâ oriundi juxta eruditam BOYLEI hypothesin facile reddi poterit. *Crusta* verò *depositio* hunc quidem in finem accidere videtur Authori, ne, si vetus permaneret, non solum prægravaret, sed & motum siccitate, incrementum verò parvitate impediret. *Regenerationi* ejus lapillos inservire credit, quod ex Observatione WEPFERI certum sit, eò perfectiores esse lapillos, quo mollior gammarorum crusta: Contra quò durior ipsa crusta eò minores esse lapillos. Non parùm interim succum, quò abundant, nutritium huc conferre credibile, unde non *chelarum* modo *renascentia*, quam mira cancrorum *longevitas* dependere videtur. Nova interim hîc quæstio oritur, cur succus ille & cancrorum caro juxta lunæ phases crescat & decrescat, cum tempore plenilunii major inibi copia reperiatur, ut vel culinis constat: Ubi quidem applausum meretur Eorum opinio, qui ob fluminum à plenis lunæ radiis majorem illuminationem id fieri credunt, ut escas sibi destinatas vel oculis usurpare possint; hinc vicissitudo illa in gammaris maritimis non obtinet, cum lunares radii abyssum maris non attingant. Haftenus Physica gammarorum speculatio.

LIBRO jam II. *Usum* eorum Diæticum, Pharmaceuticum atque Medicum considerat. Illum culinæ relinquimus: Istum Officinæ: Hunc verò juxta triplicem corporis humani regionem ita diducit, ut ubicunque acidi sive præcipitatione sive absorptione vel inversione opus sit, cancerorum pulverem etiam simplicissimum facile primas tenere ostendat.

PHILIPPI JACOBI SACHSII à LEWENHAIMB,  
Sil. Phil. & Med. D. Collegiique Nat. Cur. Collegæ,  
**OCEANUS MACRO-MICRO-  
COSMICUS**

*sen*

Dissertatio Epistolica de Analogò motu aquarum ex & ad Oceanum, Sanguinis & ad Cor,  
ad D. THOM. BARTHOLINUM.

*Uratislavia apud Esaiam Fellgibelium, Anno 1664.*

**M**Era, ut Titulus habet, comparatio est & analogia motus marini cum motu sanguinis circulari, ut totam tractationem additâ in fine *anacephalæosi* ita exprimit: *Demonstrare conatus sum Analogiam Geocosmi & Anthropocosmi, quomodo unum principium fluxus aquarum Oceanus: Sanguinis cor: Unus circuitus sive ambitus in quo movetur ab Oceano, fundus & terra: Unum Objectum aqua in mari & extra mare saltem accidentibus distincta, pariter ac sanguis in arteriis & venis formâ non differens. Vasa ambitûs efferentia & inferentia; finem ut aqua semper ad Oceanum; sanguis ad cor remeet: Motum ipsum, quomodo sanguis per univèrsum corpus ad varias operationes diffundatur; sic & aqua perenni quadam pericycloxi ex Oceanico regno in totius telluris intima viscera deferatur, ibidem variam effectuum diversitatem moliatur, nunc condensatione, nunc rarefactione per intimas terrestrium glebarum fibras, rimas, fissuras mineralium metallorumque materia abditò quodam connubiò jungatur: Ut per innumerabiles tellu-*

Dec. II. Annus V.

z

ria



*ris meatus, canales atq; tramites in extimam globi superficiem erumpat, montium juga penetret & inde dilapsa universam terræ faciem innumerabili fontium, rivorum, fluviorumq; multitudine irriget, donec tandem, unde dilapsa Oceano tanquam principio suo postliminiò restituatur.*

JOHANNIS ANDREÆ GRABÆ, D. Physici  
Erfurt. & Collegii Naturæ Curios. Collegæ,

## ΕΛΑΦΟΓΡΑΦΙΑ

*sive*

### Cervi descriptio Physico-Medico-Chymica.

*Jena Impensis Trescherianis, Anno 1668.*

**P** *R*efatio plures habet rationes, quæ lapidem bezoar cum decantato unicornu verò suspectum reddere valent, quibus Cornu Cervi jure meritò præfert Author. Ipsam verò *Tractationem* tribus Sectionibus absolvit. In *primâ* considerationem cervi Physicam instituit præmissisq; Philologicis *Descriptionem* ejus *Naturam* & *Proprietates* expedit, quas inter cornuum rejectio eorundemq; regeneratio peculiare quid obtinere videntur. Illius causam partim ponderis gravitatem, partim verò duritiem pororumq; constipationem esse censet, quæ in causa est, quò minus sanguis cum partibus nutritivis affluens penetrare, sed in radice putredinem concipiens vermiculos quosdam generet, qui radices eorum blandè corrodingo pruritum animali atque titillationem procreant & ad cornuum detrusionem stimulant. Regenerationem verò illorum tum nutrimenti affluxui, tum copiosò, quò abundant, sal volatile sub Veneris æstu per totam corporis peripheriam expanso ascribit, quod particulas oleosas & balsamicas, seu, si mavis, nutritivas indies urgere ipsaq; cornua per-exiguò temporis intervallò in tantam protrudere molem valet. Unde verò sal ejusmodi volatile proveniat, cum non nisi plantis vescatur animal, non tam sal. vol. quàm spirit. potius acidum fundentibus, quæritur? Existimat autem illud ex sale fi-

xo spirituque vegetabilium acido generârint ab Archeo. Interim de sale plantarum volatili post HELMONTIUM, STARCKEY atque Alios res jam satis expedita est à Celeberrimo WEDLIO, libello satis notô. Quare *secundam jam sectionem* addo, quâ Cervô superba monumenta & insignia ex Heraldica arte petita, aliasque allegorias tam sacras quàm profanas allegat & elegantissimum cervi sceleton, cum omnibus inde paratis medicaminibus, in Illustri, quod Dresdæ est, Musæo conspiciendum extollit. In *tertia* tandem *Sectione* usum cervi tam Pharmaceuticum quàm Practico-Medicum exponit & à capite ad calcem partium cervinarum enumerationem instituit una cum præparatis earum sive simplicioribus sive compositis. Illic Spiritus Cornu Cervi, sal. vol. oleum & calcinatio ejus tam vulgaris, quàm Philosophica eminent, cujus singularem prorsus & vix unquam hætenus inauditum calcinationis aëreæ modum obtinuit à Dn. D. FEHRIO, qui tenelli cervi cornua aëri pluvioso committendo radiisque Solaribus abhinc exponendo, ita friabilia reddidit ac si vulgari modô calcinata fuerint. Hic verò composita cervina tantum non innumerabilia recenset, ita ut haud faciliè in compendio sisti queant. Quibus tamen haud absurdè quis adjiceret decantatissimum hodiè *liquorem Cornu Cervi succinatum*, quem pro sucto sibi cando re sincerè describit Beatissimus ETTMÜLLERUS in *Valetudinario Infantili Tit. de Epilepsia*.

GEORGII CHRISTOPHORI PETRI, D. Med. Elect.

Mogunt. & Facult. Med. in Per-antiqua ad Hieram Lycéo

Assessore,

ASYLUM LANGUENTIUM

*seu*

Carduus Sanctus vulgò Benedictus.

*Jena Impensis Trescherianis, Anno 1669.*

**P**reliminaria signaturas laudant, Dei quasi digito vegetabilibus inscriptas, quibus non tantum aliorum usum, sed

z z

& vim



& vim cardui benedicti pneumonicam atque anti-pleuriticam primitus innotuisse credit Author. Ipsam verò *Tratationem à Descriptione C. B. cum nominali tum reali exorditur*, variasque carduorum *differentias* enumerat, quas tamen inter Carduo Benedicto, si virtutem ejus & efficaciam spectes, primas haud immeritò defert: Unde pro loco sibi *natali* exculpta potius viridaria, quàm desertas solitudines exposcit, sub autumnii quidem initio terræ committendus. Incidenter hîc eorum examinat experimentum, qui carduos absque acuminibus nascituros promittunt, si seminum acumina confringantur, quod ulteriori relinquit experientiæ. *Qualitates* autem ipsi tribuit attenuantes, incidentes, abstergentes, diaphoreticas & alexipharmacas. Sale enim volatili sanguinis coagula potentissimè resolvit, hinc in Pleuriticis aliisque viscerum internorum inflammationibus tam egregiè sese gerit. Quamobrem pro *usu Pharmaceutico* varias cardui hujus præparationes tam simplices, quàm compositas enarrat. *Illic* nil frequentius est plebejis pulvere C. B. simplice, cujus ʒj. in aquis appropriatis ad profligandas febres tam intermittentes quàm malignas (sæpiusculè non impunè) hauriunt, quo tamen multò tutius esset Sal ejus, tam fixum quàm essentialè tartareum. *Hîc* verò compositos inde pulveres febriles, pleuriticos & alexipharmacos collegit; quæ omnia demum pro *usu curativo* triplici corporis humani *regioni* fusè applicat, ita tamen ut haud multa occurrant, quæ hîc speciatim recenseri possint, nisi quòd à Pistore quondam Graizense Cardui benedicti usu binos depulerit lumbricos latos, de quibus & *Excellentissimus* D. FEHRIUS de *absinthio*. Tandem & *morbis universalibus venenisq;* adversari probat. Nec in externis illum morbis omnino sterilem esse docet egregiâ observatione ab Illustri Dn. PRÆSIDE, cujus honorifica modò mentio facta, haustâ, qui ulcus virgæ putridum in Sartore, unâ cum carunculis mictioni plurimum incommodantibus decocto C. B. cum passulis & glycyrrhiza percuravit.

BENJAMIN SCHARFII, Med. Lic. & Archiatri

Svvarzburgici,

# APKEYΘΟΛΟΓΙΑ

sen

## Juniperi Descriptio,

*Ad Normam & Formam Acad. Nat. Curiosorum.*

Francofurti & Lipsiæ Sumptibus Caroli Wolffii, Anno 1679.

**D**Enominationibus atq; differentiis jam præmissis figuris æri incisad vivum depingit juniperum tam majorem & arborecentem & fruticescentem, quàm minorem five humi repentem five altius in fruticem surgentem.

Abhinc *locum ejus natalem, culturam atque qualitates* tam in toto quam in partibus latentes considerat, quas inter vi sua balsamica & terebinthinata quasi, nephriticâ excellunt bacca, quæ renum anima jure dici possent. *Externè verò gummi juniperinum, Sandarachum vulgò dictum succino nequicquam cedere docet.* Deinde *preparata* varia ex ligno æquè atque baccis quovis modo elicienda discutit, quæ inter palmam ferè ducit multis in arcanis habitum *Malvaticum juniperinum*, in calculi cura tam præservativè quàm curativè prorsus egregium; addit præparationem ejus ex ROLFINCIO *Lib. IV. Chym. in Art. formam red. Sect. I. Cap. X. art. 11.*

℞. Rob juniperi ℥iij.

Vini Malvatici canth.℞.

Mista in vase terreò pistillò marmoreò, digeruntur leni calore & tinctura per linteum colata servatur ad usum. Quidam locò Malvatici sumunt spiritum juniperinum vel spiritum vini: Sicut alii rob juniperi jungunt c. rob ebulino, ceu Francofurti ad Moenum ejusmodi Tinctura prostat sub *Spir. Vini juniperini D. J. D. H.* titulo. Quando verò usum juniperi *specialem* excutit, notabilis fortè in affectibus capitis cura est, quâ Juvenem 14. annorum convulsionibus manûs atque pedis in sinistro latere detentum sequenti methodò percuravit: Præmis-

z 3;

sis scil.



sis scil. Purgantibus & Vomitoriis pro diaphoresi dedit pulve-  
rem sequentem:

℞. Sal vol. CC.

succin. āā gt. xvj.

fix. junip. ʒj.

Flor. Sal. Armon. ʒß. M. Div. in 4. p. æ.

S. Vier Schweistreibende Pulverlein.

Externè aq. artic. ex spir. lumbricorum, junip. sal. armon. &  
unguento quodam nervinò usus. Et eadem ferè formula, e-  
gregia quidem, sed alienis ut videtur pluris efficax & superba,  
inter *medii ventris affectus* Pleuritidem etiam absque Ve-  
næsectione sæpissimè se persanasse testatur. Quanti verò in *a-*  
*bdominis morbis*, renum imprimis & vesicæ, valeat, id jam supra  
dictum. Notabile simul est, quòd particulis fortè oleosis &  
vermibus inimicus sit, sicut insanæ longitudinis lumbricum  
habet Author, *essentiâ suâ contra vermes* & muliere 41. anno-  
rum prolectum, quam juniperus pariter ingreditur & sequen-  
ti comparatur modo:

℞. Herb. abrot.

scordii

tanacet. āā Mj.

Rad. diptamni

filicis

zedoariæ āā ʒß.

Flor. cent. min. Mj.

persicorum p. ij.

Musci corallini ʒiß.

Sem. Santon.

coriandr. āā ʒvj.

Bacc. junip. ʒij.

Myrrhæ optim.

Theriac. Andromachi āā ʒß.

Concis. & contus. infunde s. q. spir. junip. rectific. Tinctum quod  
est separetur & novus spir. affundatur, conjunctis liquorib. adde  
Spir. CC. Sal. vol. imprægn. ʒij.

M. S. Essenz wider die Würme.

Tandem & externè, in catarrhis præcipuè, ut & *rebus æconomi-*  
*sis* juniperum adhiberi posse pro colophone docet.

*Præsentem Venerabilis nostri Senioris, Magnifici Dn. PRÆ-  
SIDIS Emeriti Observationem, qua superiorem meruisset  
locum, tardius autem oblatam, omittere nolimus,  
qua est,*

OBSERVATIO  
D. JOH. MICHAELIS FEHRII,

De

Palpitatione Cordis.

**V**arias quidem causas agnoscit illa, sērofirates tamen in corpore restagnantes, cordique cum sanguine confertim communicatæ, ut plurimum malum hoc producere, præsertim in virginibus cacochymicis, men- sibus incipientibus, & in foeminis tributum solvere suum lu- nare non amplius valentibus observatum est. Anno 1649, Uxor cujusdam sutoris, antea ap. Nobiles sat lautè educata pertinacissimis mensium obstructionibus laborabat; hæc cum perpetuis circa perinæum primò, postea capitis manuumq; pe- dumque ac ventris doloribus quasi colicis, difficulter spirat, tussit, vigilat; & quod caput rei palpitatione cordis perpetuâ corripitur, adeò, ut etiam lintheamina lecti sinistrae mammae imposita à quovis pulsu subsultarent, idque imprimis circa Ple- nilunium. Omnibus modis revocati menses, præmissis tamen universalibus; sed ii pauci & difficulter fuere profluentes. Post æquinoctium vernale derepente manuum tremore corripitur, consequentibus mox convulsivis quibusdam lateris sinistri motibus ad caput usque adeò, ut muscoli faciei sinistrae partis retracti, ridiculam quandam oris torturam, non tamen stabilem, sed mutabilem, indolorificam efficerent: (spasmus Cynicum vocant) in nucha insignis urget pruritus, quâ parte sæpius



sæpius frictâ unguibus & ad vivum scalptâ ichor sensim biliosus  
& serofus per aliquot dies cum sensibili mali remissione effluit;  
manus tamen à somno torpent, dolentque ad operas consue-  
tas, sed ol. vel spir. lumbricorum cum aliis ejusdem farinae sæ-  
pius fomentatæ agiliores sensim redditæ sunt, ipsa que plenariè  
tandem cordialibus, diaphoreticisque sæpius adhibitis resti-  
tuta visâ fuit, licet nonnunquam, sed rarissimè leves palpita-  
tiones cordis iterum persentiscat, quas tamen statim tollit in-  
curvatione corporis, & lateris dextri (quasi sublatura quid-  
piam) ad terram factâ: exclusione forsan serofi sanguinis ex ve-  
nâ arteriosâ in cavam violenta compressione retrò facta,  
ex lege circulationis sanguinis. Cedo saniorum  
judicio.



MEMORIA  
SCHEFFE-  
RIANA.



THE  
JOURNAL  
OF  
THE  
SOCIETY  
OF  
THE  
FRIENDS  
OF  
THE  
AFRICAN  
INDIAN

AT  
THE  
SOCIETY  
OF  
THE  
FRIENDS  
OF  
THE  
AFRICAN  
INDIAN

THE  
JOURNAL  
OF  
THE  
SOCIETY  
OF  
THE  
FRIENDS  
OF  
THE  
AFRICAN  
INDIAN



ILLUSTRISSIMO  
S.R. J. ACADEMIÆ NATURÆ  
CURIOSORUM  
COLLEGIO

S. P.

MICHAEL BERNHARDUS VALENTINI  
MED. D.



Deò NUNQUAM OTIOSUS est juratus  
mortalium adversarius, ut & iis, qui de  
hominum genere optimè mereri student,  
omni momentò ruinam intentet & exi-  
tium. Momentum equidem est, quod  
vivimus: Momentò temporis maximarum in Mundò  
rerum monumenta vertuntur: Momentò temporis ad-  
miranda illa Microcosmi compages dissolvitur. Quod  
vivimus, momentum est, sive à pueritiâ ad extremam  
senectutis metam eatur, sive primam ætatem adolescen-  
tiæ confinium confecerit, sive prima ingressus hora fa-  
talis fuerit; nec adeò quæcunq; in longiori vitâ vel ad-  
spectu afficiunt, vel usu blandiuntur, stabilitatis ullum  
firmamentum præstant, ut rapidissimò potius cursu à  
sui cultoribus auferantur, non secus ac urbes & terræ



ex oculis evanescunt è portu solventium. Momentum erat, quod numerosus XERXIS Exercitus vivebat, atque illud brevitatis momentum lachrymas Imperatori expressit, sive in illâ propriam miseriam animò obiret, sive simul suorum fugacitatem contempleretur. Non opus est cum PLINIO longinquâ peregrinatione in Pontum divertere, atq; in illâ animalia investigare, ad eò angustis vitæ terminis inclusa, ut diei unius summò manè nata vigeant meridiè, vesperi verò consenescant vivendiq; finem faciant; nostra hæc hominum communis fors atq; conditio est, hic

*Quem dies præsens videt esse natum,  
Hunc dies vidit veniens solutum.*

Desideras vitæ hujus caducæ vera emblemata? ista dabo: Umbra, Bulla, Somnium, Fœnum, Fumus & qui alii vanitatis & inconstantiae tituli vitæ humanæ tum in Sacris, tum in Profanis Literis longò catalogò impositiprehenduntur. Ludus sanè vita nostra est, ut cum non simus, nascamur, & cum fuerimus natì, dissolvamur rursus. Somnium sumus, non consistens, prætervolans avis, navis in mari vestigium non faciens, pulvis, vapor, flos suo tempore nascens & marcescens suo tempore. At verò Psaltem Divinum audiamus ita in rem concionantem: Homo sicut fœnum; dies ejus tanquam flos agri efflorescunt, quoniam spiritus pertransibit in illò, & non subsistet & non cognoscet amplius locum suum. Hæc profana sacraq; pagina docet. Hæc experientia loquitur & iterata ACADEMIÆ CURIOSÆ fata, heu quam tristia! Vix enim

enim se ventis commiserant Argonauticæ Classis Heroës, & ex tristi Eorum, qui ad expeditionis hujus clavum sedebant, jacturâ, vela jam plenô ventô turgida contrahere jubebantur. Occumbebat BAUSCHIUS Primum eruditæ conspirationis Caput, dum in urgen-  
dis ejus progressibus omnem movebat lapidem. Et ut  
ut ex promeritâ postmodum *Per-Illustris* FEHRII suc-  
cessionem pristina omnia tranquillitati viderentur resti-  
tuta, mox tamen iterata ex tristissimo SACHSIORUM  
WELSCHIORMQ; obitu tempestas imminebat,  
quorum virtus & sedulitas quondam *Academie Nostræ*  
splendorem foenerabantur haud obscurum. Ita dupli-  
ci demum fatô satiata Nemesis inducias hætenus indul-  
gere visa est. At verò ut Athletarum habitus, cùm ad  
summum pervenit, periculosissimus audit ab HIPPO-  
CRATE, ita quum in excelsô Celebritatis fastigio su-  
perbit maximè S. R. J. NATURÆ CURIOSORUM ACADE-  
MIA, verendum omninò est, ne præcipiti lapsu rui-  
nam expectet multò acerbior. Mali equidem, quin  
pessimi ominis res est, quòd de novô illi, qui in promo-  
venda Societate tam laudabili erant toti, præmaturò  
mortalitatis suæ terminò rursus infestentur, quos inter  
haud minimus quondam erat *Excellentissimus Vir* DN.  
SEBASTIANUS SCHEFFERUS *Med. D. Di-*  
*versorum Imperii Statuum Archiater, Illustris Reipu-*  
*blicæ Francfortensis Med. Sq. R. I. Acad. Nat. Cur. Ad-*  
*junctus quondam Meritissimus*, hornò tempore non sine  
multò Eruditissimorum quorumvis consuetudine



vitâ defunctus. Vix luffenus ero, ut jacturam à toto Reipublicæ literariæ confortio exinde conceptam verbis exprimam. Tanto enim, dum in vivis erat, amicitiae foedere mihi jungebatur, ut ad desideratissimam Nominis Ejus memoriam tantum non penitus obmutescam. Quapropter nemo mihi vitio vertet, si jam aliunde potius mutuatis, quam domi natis & ob excruciatum dolore animum cespitante calamo describendis modò verbis utar: Sunt verò *Venerabilis Nostri PRÆSIDIS, D. D. FEHRII*, qui literis decrepitò nunc annò ad me datis ita querebatur: *Quantum naufragium fecerit Argo nostra ex obitu Excellentissimi Nostri PERSEI II. vix satis deplorari poterit omnis nostra Academia, Peritissimò hòc Palinurò (proh dolor!) jam destituta penitus. Vereor Ego plures ejusmodi procellas ac tempestates expeditioni nostræ plurimum infestas, ejusq; interitum interminantes, quas tamen DEUS T. O. M. Summus noster Gubernator clementissimè avertere velit.* Interim

Durandum & nosmet rebus servare secundioribus! Non minorem inde luctum sentiêre alii ex Universâ Europâ Celebratissimi Medici, qui vel adhucdum ad Beatissimi Viri memoriam largas solvuntur in lachrymas. Sit unius instar omnium *Magnificus DN. GEORGIUS FRANCUS* vel ex nomine tanquam propriâ luce radians, qui, dum in agone jam æger anhelaret, hâc mihi ratione respondebat: *Inter mille turbas officii & consultationes cum D. D. WIDTIO & D. D. BRUN-  
NERO*

*NERO* (uterque autem Tibi plurimam salutem) super gravissimo affectu *Serenissimæ Electricis Viduæ*, tristissimum Tuum accipio nuncium, quod myriadas lachrymarum statim mihi expressit. *Vah* malum summæ malignitatis! O candidissimum meum pectus! Ab omni purgante, clystere & quicquid à peripheriâ ad centrum malum retrahere potest, abstinendum, imò satius fuisset etiam abs *V.S.* Fugienda salia acria, calida, valde spirituosa. Quæ mea mens sit, vide ex literis ad ipsum oculissimum meum: ἀσπλος διαπνοή promovenda, sine tamen sudoriferis, ne abjectæ vires penitus conflagrent. *DEUS* Optimus Maximus exaudiat suspiria mea, quæ pro intimo & Principe Amico fundo. *Vale!* Prorsus verò lamentabilis & verè querula est *Amici* haud infimæ sortis contestatio, quam sequentibus ad me verbis expressit: *Ab grave vulnus quod accepimus! Itane tam citò SCHEFFERUM* (ô dulce nomen!) Nostrum oportuit procul hinc transire illuc, ubi vita est, quam nulla contaminet agritudo! O acerbum, quod Sui reliquit desiderium! Amisi singularis indulgentiæ Patronum, candoris nivei Amicum, grande mearum fortunarum solatium. Quibus ex causis necesse est, tanquam immaturam mortem Ejus in *Amici* sinu affatim ceu quadam dolendi voluptate defleam: Si tamen fas est aut flere, aut omninò mortem vocare, quâ tanti *Viri* mortalitas laboriosa finita magis, quàm vita est. *Vivit enim, vivetq;* in æternum atq; etiam securus extra teli jactum consistit, postquam è seditiosis seculi nostri tumultibus in tempore,   
reces-



recessit educente DEO. SCHEFFERUS jam tenet, quod nos persequimur: Fruitur bonis, quæ nos caremus: Coram intuetur, quæ variis imaginibus quandoq; lucis gloriose augustiam in pias mentis evibrant. Aditus mortis ipsi fuit brevior, sed hic ipse suffragio felicitatis ornandus, quod longiora tormenta interceptit. Et ille quidem plenus meritis abiit, charus DEO excessit, in altâ Patriæ tranquillitate abiit: Nobis tamen querendus ac desiderandus est: Mihi verò præcipuè quod me non vulgariter dilexerit. Sit memoria SCHEFFERI in Pace! Hactenus Amicus. Quod verò mearum erat partium, jam ex induratō hactenus dolore nonnihil respirans pro speciali Totius Academiæ arbitrio Legibus Nostris satisfaciendum adeoq; iusta persolvenda sunt beatissimis *Desideratissimi Collegæ* Manibus, qui quicquid temporis caduci fuit, id omne in Creatoris Sui DEI T. O. M. gloriam Proximiq; commodum elocavit: & ut ut maturè nimis vivere defierit, reliquit tamen, quæ vixisse Eum seris temporibus testantur.

Vitalem ille auram primam in *Imperiali Francofurtō* hausit, anno currentis modò seculi xxxi, die post Calendas Januarii primo ex honestissimō thorō prognatus; Patre quidem Amplissimo atque *Excellentissimo Viro* DN. WILHELMO ERNESTO SCHEFFERO *Med. D. atq; Practico* hujus loci *Celebratissimo vñ ev* *ayōis*: Matre verò URSULA Familiæ *Egerianæ* satis Celebris, omnigenarum virtutum congerie ornatissimâ Matronâ. Prima sollicitorum Parentum cura erat tene-

teneram filii sui ætatem ita formare, ut in primis flexilitatis annis virtutis imbiberet ideam, cujus odorem per omnem vitam servaret: Ergò à primis pueritiæ annis & domesticæ & publicæ in Patria scholæ commissus tanta suæ indolis dedit experimenta, ut facilè & Docentium, amorem sibi compararet & suos ad æmulationem provocaret condiscipulos. Atq; ita pulchrè per complures annos ex Parentum & Præceptorum votò succedente institutione ad altiora demum animum applicans anno M DC XLVIII. Argentinam abiit, inibi; per integrum sesquiennium *Humanioribus Cursuiq; Philosophico* sedulam navavit operam. Abhinc singulari & à Majoribus hæreditariò quasi haustâ propensione *Studio Medico* addictus Anno subsequente M DC L. ad *Lipsiense* Illustre primum post & *Helmstadiense* Lycæum se contulit, ut Celebratissimi tum temporis D. D. TAPPII informatione frueretur, cujus sub Præsidiò paulò post *publicam de Melancholicâ Desipientiâ disputationem* exercitii gratia instituit & luculentissima ingenii sui documenta dedit. Quin & in Botanicis, Chymicis, imprimis verò Anatomicis excolendis studiis erat totus & superstiti, quod Theatrum Anatomicum adhuc dum illustrat, *sceletò*, interveniente Amicorum quorundam adminiculò, æternam sui reliquit memoriam. Quantos verò in Studiò suo Medicò hîc progressus fecerit, vel una, eaq; sincerò & unanimi Eruditorum consensu elaboratissima *Introductio in Artem Medicam*, multùm hætenus expetita, edoceri poterit, quam sub *Illustris*



CONRINGII Præfidiô à capite ad calcem publicis Disputationibus masculè defendit & (quod paulò antè obitum ex ipsissimi CONRINGII attestatone sanctè adstruxit) propriô Marte absolvit: Quâ ipsâ non minus, quàm *Directorii Moroniani* amplificatione summam, Sibi Nominis Celebritatem acquisivit. Tot jam in Academico pulvere exantlatis molestiis Chymici tunc admodum famosi CHRISTOPHORI FAHRNERI gloriâ allectus, suam huic per integrum anni decursum manum commodavit & operam, nec poenitendos inde fructus consecutus est, quin indefessô labore absconditos Secretioris Chymix recessus inquirendo, tantam in rebus his scientiam est indeptus, ut non ænigmaticas modò ADEPTORUM Strophas facilè odorari, sed & aliis Illustris quoq; Stemmatibus Artis hujus Amatoribus aliquoties illîc à consiliis fuerit. Absolvissè jam videbatur Studiorum suorum & Eruditionis Stadium, quod annis benè multis hætenus indefessò decurrerat, ita quidem, ut, sive doctrinam spectes, sive morum vitæq; elegantiam, sufficienti utrobique satisfactione Patriæ potuisset inservire: At sublimioris longè indolis erat SCHEFFERI Nostri animus, quàm ut Soli Germaniæ circulo, tanquam ergastulo se includi passus sit. Quin Exterorum artes & scientias curiosè ambiens, *iter* haud contemnendum per *Utrumq; Belgium* Universamque *Galliam* iniens atque Celeberrimorum quorumvis Medicorum familiaritate usus, non rerum tantum Medicarum, sed (quæ abundè gaudebat) Naturalium pariter

ter tantam Sibi copiam acquisivit, ut in integrum successivè *Museum Curiosum* triplici Naturæ regnô ditissimum excreverint, adhucdum conspicuum. Peractô sic itinere nihil amplius superesse videbatur, quàm ut *Honores Doctores* pro publicô dudumq; promeritô laborum suorum Studiorumq; redhostimentô reportaret, quos *Anno 1659*. in reditu suo Heidelbergæ ab Antiquissimâ Academiâ Palatinâ, habitâ prius eleganti *de Pedarthrocace ex variolis Disputatione Inaugurali*, lectioneq; cursoriâ communi Patrum Conscriptorum applausu est indeptus, Pileum & Infulas offerente *Celeberrimo* quondam JOHANNE CASPARO FAUSIO *Med. D. & Professore Primario*. Domum verò rediens in eô erat totus ut Artis & Scientiæ suæ feudum in honorem DEI T. O. M. & ægrorum sublevamen elocaret, futuræq; *Praxeos* fundamenta jaceret, uberriam hîc occasionem adoriens ex diffusissimâ, quâ tum occupabatur DN. Parentis Praxi, cui senio jam confecto per integrum quinquennium ad ægri lectum crebrisq; ad vicinos excursionibus fidas semper atq; filiales suppetias ferebat. Tandem verò ex ineffabili DEI Omnipotentis Providentiâ Parentumq; Consiliô felicissimâ matrimonii copulâ sibi junxit Lectissimam tunc & omni virtutum genere Decoratissimam Virginem, Viduam modò & Matronam Nobilissimam MAGDALENAM ELISABETHAM ex Egregiâ *Braungartianâ* Familiâ oriundam, qua cum in XXIII<sup>um</sup>, & quod excurrit, annum pacificô omninò & laudabili vivens



conjugiô *V. Liberorum Parens*, unicæ sc. filiæ, quatuor-  
 que filiorum particeps factus, quos inter nonnisi duo  
 usquedum in vivis ad avitam Parentum Suorum & An-  
 tecefforum gloriam sensim adolefcunt, SCHEFFE-  
 RIANI NOMINIS Celebritatẽ, sub immortalibus  
 Beatiffimi Domini Parentis cineribus tantisper glifcen-  
 tem luculentiori poſthac flammâ alituri ſunt. Interim  
 vivit poſt funera virtus, nec unquam animô cadent Can-  
 didiffima SCHEFFERI præcordia iis, qui Ejus aut fe-  
 liciffimam in medicando manum, aut infucatæ ſincer-  
 tatis amicitiam ſunt experti, cujus utrobique manifef-  
 tiſſima reſtant argumenta: *Illic* quidem tot Principum,  
 Perſonarumque Illuſtrium deſideria, qui oblatis iteratò  
 Stipendiis ſat opimis Honoribusq; ſublimibus vitas Suo-  
 rum atque Aulas Illi tanquam Archiatro concedere  
 non dubitârunt: *Hic* verò diffuſiſſimum, quo non in  
 univerſâ modò Europâ, ſed extremâ quoque Indiâ in-  
 claruit literarum commercio, quod in ſummis habe-  
 bat deliciis. Spiſſo indies agmine (*oculatus teſtor*) ad-  
 volabant literæ Virorum proh qualium! Dies me de-  
 fereret, ſi ſpecialem eorum mentionem facere ſuſtine-  
 rem, quis enim omnium recordabitur? Juvat tamen  
 paucorum meminiffe: Habebat in *Germaniâ* Sibi de-  
 votiſſimos FEHRIOſ, VOLCKAMEROS, MAU-  
 RITIOſ, MENZELIOſ, MAJOREſ, FRANCOſ,  
 SCHRÖCKIOſ, DOLÆOſ, REISELIOſ, FÜR-  
 STIOſ, PECHLINIOſ &c. &c: In *Livoniâ* WIT-  
 TIOſ: In *Angliâ* KOHLHANSIOſ: In *Italiâ* PA-  
 TINIOſ:

TINOS : *In Indiâ* CLEYEROS & quos non?


*Tantis placuisse Viris non infima laus est!*

Unde factum, ut non iteratis modò vicibus in *Augustæ* S.R.I. ACADEMIÆ NATURÆ CURIOSORUM *Adjunctum* sollicitatus, sed & *Celebratissimæ* RECUPERATORUM SOCIETATIS *in Italiâ* membrum ultrò constitutus fuerit, quam utramq; Spartam, si quis alius, exornavit egregiè.

Et hæc quidem Virtutis & Celebritatis Beatissimi SCHEFFERI periodus est. Pietatis verò & Christianæ constantiæ clarissima testimonia è beatô Ejus obitu & *εὐθανασία* non una exsurgunt. Conflictabatur Collegarum Optimus cum *Febri Petechiali Malignâ* per contagium haustâ, quæ quidem initio occultè serpebat & vix quàm rudera quædam lassitudinis (ut ita loquar) naturalis ex continuâ Praxeos defatigatione obortæ simulantia, adeò quidem, ut à primô Morbonæ insultu per integrum adhuc octiduum ægros sibi concreditos sedulâ indies visitatione fidelissimoq; consilio nullibi deseruerit, cum maximo licet vitæ salutisq; temporalis dispendio. Latebat enim anguis in herbâ & per cuniculos agens ægritudo sensim crescebat eundo, donec ipsissimo (quod notatu fortè dignum) natali die, qui secundus erat Januarii, apertô Marte insultaret Eundemq; paulò post lecto prorsus affigeret. Horribilia statim se prodebant symptomata, quæ vel ipsi ægro, tragoediæ hujus non ignaro, spem maximè dubiam faciebant, ut ut hæc Domesticis ferè dissimularet, ne terrorem illis in-



cuteret atq; satis jam afflictis afflictionem augeret. Adstanti verò Medico tacitè in aurem insufurasse novi verba: *ah! malignitas adest!* heu quam maligna! Vomitus scilicet continui, vigiliæ, anxietates nocturnæ, virium summa prostratio, appetitus dejectio totalis, deliria, æstus interni aliaq; se confertim sequebantur mala, omne remediorum genus prorsus respuentia, utut tam propriâ, quàm aliorum experienciâ illis masculè iverit obviam. Tantô enim furore æstuabat illa febris, ut & Medicum, quem è viciniâ Sibi acciverat, haud multò post parili fatô enecarit. Cùm itaq; heïc Medicantium artem vix valere æger conspexisset, seq; ad vitæ hujus caducæ exitum vocari signis haud dubiis conjecisset, animæ imprimis curam habendam esse saluberrimo instituto decrevit, accersitoque ad se Sacrorum Antistite DN. D. SPENERO, *Theiologo Devotissimo*, postquam peccatorum suorum & rogasset & impetrasset veniam DEO Suo, in cujus manu & vitam & mortem repositam sciebat, se totum commisit, confisus quicquid de se Divina tandem decrevisset Bonitas, in exoptatum Sibi finem cessurum. Quâ spe ad Christum Sospitatorem suum directâ constantissimè permansit, donec *X. Januarii die Anni M DC LXXXVI. circa secundam matutinam* animam DEO redderet & inter ardentissimas preces creberrimaq; Adstantium suspiria piè atque placidè è terrenâ ad coelestem vitam emigraret, postquam annum in hac mortalitate LV. complevisset. Sic *infernando aliis ipsimet consumimur*, quæ ultima verba sunt, queis







queis inter Cherubinos Angelorum Coetus jam triumphans Amicus mihi valedixit, ah præmaturè nimis valedixit! Interim prorogavit magis dies suos, dum quicquid temporis caduci fuit, virtute supplevit, cœlesti nunc gaudio perfusus. VOBIS autem Per-Illustres S. R. I. ACADEMIÆ NATURÆ CURIOSORUM *Proceres & Collegæ Honorandi*, VOBIS, inquam, *Beatissimi* SCHEFFERI Manes hac vice ultimum dicere vale Suique memoriam insimul Honorificam recommendare videntur, cujus summam, quâ Totius Societatis incrementa venabatur, industriam, candorem & sinceritatem illi nôrunt, qui intus illum & in cute unquam agnoverunt. DEUS verò TRINUNUS, qui ab æternô fuit, est & erit in omnia Seculorum complementa deplorandum, quod, ex maturato *Beatissimi Collegæ* discessu, sensimus dispendium, inexhaustâ Bonitatis Sux Gratiâ refarciat & *Societatem laudatissimam*, non vanæ fortè gloriæ vel turpis lucelli gratiâ, sed mero Divinitatis honore Proximique commodo suffultam curæ Sibi cordique esse sinat, Eosque omnes & singulos, qui in hodiernum usque diem pro ulterioribus Ejusdem accessionibus indefessò militant, in seram usque posteritatem clementissimè conservet! FIAT! DEUS BONE FAXIS! FIAT. *Valete in DOMINO. D. Francofurti Calendis Februarii Anno M DC LXXXVII.*

IN



## IN EFFIGIEM

*Excellentissimi*

DN. SCHEFFERI

Mœno-Francofurtani Medici.

*SEBASTIANUS SCHEFFERUS, Medicinæ Doctor, dictus  
Perseus secundus, in Academiâ Nat. Curios.**Αναγραμματικῶς.**Machaon es, fidus, accuratus, & eja benedictus: Cor-  
datis enim feres spes secundas jucundior.*

Q Vem Genus & Pietas, quem dexteritas-  
que medendi  
Q Vem Candor, Probitas Scribtaque do-  
cta manent,

SCHEFFERI en vultum! quam pagina pauca  
præumbrat

Nescia mens pingi splendidiora patrat!

*Fautori Cordato, Amico Incomparabili  
f. l. m.*

Georgius Francus, Med. & Ph. D. P. P. Univer-  
sitatis Heydelbergensis, Procancellarius, Fac.  
Med. Senior, Archiater Badensis, Acad. S. R. I.  
Nat. Curios. Argus, & Ital. Recuperator. Collega,  
C. P. Cæs.

D. M. S.



*Natus 22. Jul. 1611. in Mœno.*

**SEBASTIANUS SCHEFFERUS**

**Mœno. FRANCOFURTENSIS MEDIC. DOCTOR.**

*Corpus et oris honos et gratia transiit omnis  
Hæc tamen hic fixæ nobili sumbra manet.  
Ad puncti Superis postquam nos Ille reliquit.  
Natura Dominum nunc sine fine videt.*

*Ment. in. num. et P. Ioh. Georg. Soligamensis. Nid. Jo. P. in. Ant. Turis.*

*P. Leo.*

*L. A. Bener. sc. Norw.*





II.

D. M. S.

EHEV. NOS. MISEROS!

QUAM. TOTVS. HOMVNIO. NIL. EST!

NASCIMVR. CVM. FLETU.

ADOLESCIMVS. CVM. METU.

SENE SCIMVS. CVM. GEMITU.

VITA. NOSTRA. QVANTVLA. AVT. QVANTA. EST.

VEL. NVLLA. EST. VEL. BREVISSIMA!

ÆTERNA. TAMEN. TVA. ERIT.

CELEBERRIME.

SEBASTIANE SCHEFF-  
FERE.

ΠΟΛΛΩΝ. ΑΝΤΑΓΩΓΩΝ. ΑΛΛΩΝ.

TV. NON. SOLVM.

ΠΑΙΣ. ΙΗΤΡΩΝ. SOLLERTISSIMVS.

SED. ET. MACHAON. FELICISSIMVS.

ET. ALTER.

FRANCOFVRTENSIVM.

APVD. MOENVM.

AESCVLAPIVS.

TV. PIETATE. IN. DEVM. MAGISTRATVM.

ET. PARENTES.

TV. CARITATE. IN. VXOREM. ET. LIBEROS.

TV. FIDE. IN. PATRONOS.

TV. CANDORE. IN. AMICOS.

TV. AMORE. IN. OMNES. PROBOS.

Dec. II. Annus V.

66

IN.



IN. TERRIS. INCOMPARABILIS.  
 BEATVS. IN. COELIS.  
 TE. NATVRA. COLIT.  
 FIDVM. INTERPRETEM. ARCANORVM.  
 TE. MEDICINA. MYSTAM.  
 SVORVM. SACRORVM. SACRVM.  
 TIBI. SANI.  
 SOSPITATORI. CORPORVM.  
 TIBI. ÆGRI.  
 LIBERATORI. MORBORVM.  
 NON. VNVM. GALLVM.  
 DOMESTICI. TE. COLVERVNT.  
 EXTERI. ADMIRABANTVR.  
 POSTERI. SVSPICIENT.  
 ÆTERNVM. HAVE.  
 ANIMVLA. TER. BEATA.  
 ANEMONES. ROSAS. AMARANTHOS.  
 TIBI. IONATHAN. OCVLISSIMO.  
 MIHIQVE. NVNQVAM. RECONCILIATO.  
 AD. TVMBAM. SPARGO.  
 TVM. VIVEBAS. CORDI.  
 DVM. MORERIS. TVÆ. FAMÆ. FAMILIÆQVE.  
 CONIVNCTISSIMVS. DAVID.  
 GEORGIVS. FRANCVS.

⊙!

**Q**Valis per altas Coelicolûm domos  
Nitore ridet Phosphorus aureus,  
Prænuncius Tithoni amœnæ  
Conjugis, atq; fugat sopores:

Talis per Orbem fulserat hætenus  
Intaminatis NOSTER honoribus  
SCHEFFERVS, almus Stator Artis  
Pœoniæ, & columen salubre.

Vel FRANCOVRTVM NOBILE  
testis est,  
Et mille, quos vel dira febricula  
Exercuit, vel quos caducus  
Torserat error ad atra naula.

Ast hic Machaon præcipiti nèce  
Jano reverso diripitur suis,  
Nobisque, qui carum dolemus,  
Diffluo fletibus ipse totus.



Sed lacrymarum sit satis, exiit



E valle tristi ad læta palatia

Astrorum, agitq; inter beatos:

SIC SAPIENS DOMINATVR  
ASTRIS!

f.

D. GEORGIUS FRANCVS, Prof. Primar.  
Vniversitatis Heidelberg. Pro-Rector & Vice-  
Cancellar. Facult. Med. Decanus, Diverss. S. R. I.  
Elect. & Principp. Archiater, Acad. Nat. Curios.  
& Italic. Recuperatt. Colleg. C. P. Cæsar.

 III. 

**P**Erseus *astra tenet, felix spoliisq; Medusæ  
splendet, & optata jungitur Andromeda.*

*Perseus est nobis major, memorabile cujus  
tot meritis nomen Pallas ad astra tulit.*

*Quàm felix vitam, superat à morte, perennem  
Cælicolas inter Perseus astra tenet!*

Hisce

*acerbissimam jacturam*

Amici sui & Collegæ desideratissimi  
demulcere voluit

*Augustæ Vindellicorum*

Lucas Schröckius, LVC. fil. Med. D. Coll. Med.  
August. h. t. Decanus, & Acad. Nat.  
Curios. Adjunctus,

SCHEP.

III IV. III

**S**CHEFFERVS Medicis quondam Ve-  
nerabile, Nomen

Artis Apollinæ summa Columna cadit!  
Ast quid dico cadit? minimè cadit hæcce  
Columna

Quin potius nunc est Vera Columna Poli.

*Ita Beatissimis Illustris DN. SCHEFFERI Mani-  
bus valedicere atq; celeberrimum Ejus nomen  
æternitati consecrare voluit*

Joh. Dolæus, Med. D. Consiliarius & Ar-  
chiater Hasso-Cassellanus & Acad,  
Germ. Cur. Coll.

III V. III

**S**ic SCHEFFERE Tuum malefida restinguit  
amorem,

Febris, & in calidis æstuat intus aquis,  
Sic servire studens aliis consumeris ipse  
Morteq; præpropera sostra parata refers.  
Sostra parata Tibi letissima júbila Cæli  
Teq; manet fidei certa Corona Tux.

Hæc Illustris DN. PERSEI II, Amici sui &  
Collegæ desideratissimi memoriæ nun-  
quam inter morituræ consecrare voluit

*Mich. Bernhardus Valentini, d. Theßalus.*



**C**Larus in arte suâ Medicus lugetur, opinor  
 A multis, ob opem, quam tulit ille Viris.  
 Si vitâ defunctus abit, si lumina claudit:  
 Quæ laus SCHEFFERI nuper honosq; fuit.  
 Justius à nobis sedenim deflebitur idem  
 Ob plures animi, qveis erat auctus, opes:  
 Vir prisca candoris amans, veri; fatelles,  
 Vir pius & justus propositiq; ferax.  
 Rari quippe boni, sed dum ploramus ademptum  
 Dives in æthereis ridet ovatq; bonis.

*Amplissimi & Nobilissimi Dn. Adjuncti, Collegæq;  
 pramaturam absentiam ita luxit*

Joh. Georgius Volckamerus Med.D.  
 Helianthus II.



## INDEX

Ephemeridum S. R. I. Acad. Nat. Curios.

Decur. II. Anni V.

## A.

- A** *Edominis* fistulosa lithiasis. 213  
*Abortus* inque hujus placenta uterina embryo inclusus cum secundina. 457  
*Abscessus* in gibbo erucis plenus. 38 App.  
 hepatis. 23  
 & ex eo lumbrici in inguinali regione erumpentes. 19  
 in puella congenitus. 157  
*Absinthii* à Fehrio descripti Synopsis. 169. App.  
 in hydropse salutaris usus. 345  
*Abstinencia* pertinax Vini & Cerevisiæ post febr. tertianam. 467  
*Abundantia* lactis. 474  
*Achamanidon* herba, aliqua cum Som Chinenfium habet congruentia. 79  
*Acidularum* Roitschenfium usus in febb. intermittentibus. 441  
*Adstringentes* Smaragdi virtutes. 37  
*Aeris* inquinamenta. 251  
 per insufflationem in vasa anatomica immiffa utilitas. 95  
*Ethiops* cum scorto albo bicolorem generat filium. 381  
*Agonizans* petechiis reftitutus. 347  
*Alapa* surditatis causa. 59. App.  
*Albedo* capillorum illitu aquæ apoplecticæ caufata. 201  
*Alces* unde Germ. Elend dicatur. 7  
 gratitudo in homines. 6  
 monstrosus partus. ibid.  
 an quotidie morbo laboret caduco. 7  
 non ex quovis levi vulnere moritur. 8  
*Alexipharmaca* lumbricos necantia. 206  
*Alga* Oceani accolis medicinale præbet & falutare lixivium. 93  
*Allii* fudor. 7. App.  
 usus in Odontalgia. 333  
*Alni* folia eorumque contra morbos veneficio inductos & convulfivos efficacia. 31  
*Aloë* largius affumta. 444  
*Alvi* conftipatio à melonibus. 438  
 folutio ex ant. epilepticis desperato puello propinatis falutari-ter oborta. 30  
 irâ provocata. 57. App.  
*Alvi*



*Index Rerum.*

<i>Alvi à comestis limacibus.</i>	438	<i>Anatomia Phrenitici.</i>	119
<i>Amaurosis curata.</i>	472	<i>Procidentia uteri malè curata.</i>	
<i>Amaurosi laborantis anatome.</i>	469	extinctæ.	423
<i>Ammoniæ salis usus in faucium affe-</i>		<i>Puerperæ partûs difficultate suc-</i>	
ctibus.	334	cumbentis.	168
<i>Ampelographia à Sachsiò descriptæ</i>		<i>Scirrhus viscerum defuncti infan-</i>	
Synopsis.	171. App.	tis.	159
<i>Anagallis ex canceri tergo enata.</i>	70	<i>Tabidi.</i>	134
	App.	<i>Animalium vox à sermone hominum</i>	
<i>Anasarca enecti anatome.</i>	138	quomodo differat.	121. App.
quomodo ab Ascite differat?	127	<i>Animata putredo.</i>	190
<i>Anathematum vim bruta sentiunt.</i>	94	<i>Anser masculus ovum excludens.</i>	437
	App.	quadrupes.	301
<i>Anatomia abscessu hepatis extinctæ.</i>	23	<i>Anseres sacrilegiorum vindices.</i>	97
			App.
<i>Amaurosi laborantis.</i>	469	<i>Anserina penna cum Urina rejecta.</i>	22
<i>Anasarca enecti.</i>	138		App.
<i>Ardeæ.</i>	270	<i>Antipathia circa colorem rubrum &amp;</i>	
<i>Asciticorum.</i>	125. 130. 164. 179	ancillam.	458
<i>Cachectici.</i>	109	cum fragis.	436
<i>Calculo vesicæ enectæ.</i>	162	<i>Aphonia post venarum hypoglotti-</i>	
	167	dum sectionem.	294
<i>Capitis Vitulini.</i>	133. App.	<i>Apoplexia ex diuturna mensium sup-</i>	
<i>Criceti.</i>	376	pressionem.	452
<i>Diarrhœa confectæ puellæ.</i>	111	à vermibus.	71. App.
<i>Febre confectæ.</i>	171	<i>Apospasma membranæ internæ uteri</i>	
<i>Fœtus monstrosi.</i>	176	vaginæ, post difficilem partum	
<i>Herniosæ.</i>	125. 179	sæpè evenit.	311
<i>Hydrocephalo extinctæ puel-</i>		<i>Apostema testiculi in muliere febre</i>	
læ.	339	confectæ.	173. 174
<i>Hydrope uteri enectæ.</i>	142. 147	<i>Aqua apoplectica ex quæ ejus illitu ca-</i>	
<i>Infantis cui abscessus ingenuus</i>		pilli albedine tincti.	201
	157	metallica Sumatrensis.	69
<i>Juvenis ex nimia cerevisiæ</i>		<i>pericardii copiosius reperitur in</i>	
defœcatæ ingurgitatione		mortuis, quàm vivis.	161
extincti.	386	unde?	56
<i>Melis.</i>	55	petrificans.	457
<i>Mola uteri afflictæ.</i>	147	<i>Aqua potus naturæ non est noxius sed</i>	
		proficiuus.	228
		<i>Aqua-</i>	

*Index Rerum.*

<i>Aquarum</i> salubrium Nordlingensium examen Chymicum.	400	<i>Atrophia</i> unius lateris.	278
<i>Aquila</i> in homines gratitudo.	69	<i>Avellana</i> nunquam verminosa.	56 App.
<i>Arachnii</i> Meteorii descriptio.	273, 276	<i>Avium</i> mirabilia quædam.	114. seqq. App.
causa.	277	<i>Aurco</i> splendore coruscantes lapilli,	
<i>Arachnitologia</i> prodromus.	462	in vesica bovis inventi.	291
<i>Aranearum</i> esus innoxius.	231	<i>Auri</i> mineræ Sumatrenses.	68
lapidum existentia & usus.	264	<i>Aurum</i> Paraphajim quid?	417. seqq.
Venenum.	231	Salomonis unde advectum fue-	
usus internus in tertiana.	38	rit.	ibid.
	App.	verum an Lapidi Lazuli insit.	72
<i>Arboris</i> juglandis liquor polychrestus.	412		
lacciferæ descriptio.	79	<b>B.</b>	
<i>Arcanum</i> Tartari liquidum diarrhoeæ causa.	195	<b>B</b> <i>Aara</i> Josephi quid?	79
<i>Ardea</i> anatome.	270	<i>Baccarum Juniperi</i> salutaris in hy-	
<i>Ardoris</i> Urinæ causa singularis.	230	dropsæ usus.	345
<i>Arena</i> Sumatrensis.	70	<i>Barbata</i> foemina.	91
<i>Arenosus</i> sudor.	54. App.	<i>Bestia</i> vim exanthematum sentiunt.	94 App.
<i>Arenula</i> cum sanguine Vena sectâ ex- euntes.	191	<i>Betonica</i> , Theam quoad effectum & saporem æmulator.	263
<i>Argenti</i> mineræ Sumatrenses.	68	<i>Bilis</i> diutius intra vesiculam suam de- tenta, acrimoniam acquirit.	128
<i>Arsenicum</i> & ex eo febrifugum.	474	varia circa eam facta experimen- ta.	205
<i>Arthriticos</i> dolores sedat bryonia.	375	<i>Brachia</i> scrofulosa.	34
<i>Arthritidis</i> causa.	147. seqq. App.	<i>Branca</i> ursina, & ex ea fermentatum salutare.	192
<i>Arteriarum</i> singularis pulsus in vul- nere per cranium & duram ma- trem penetrante observatus.	429	<i>Brunum</i> colorem variis rebus conci- liant Japonenses decocto bac- carum arboris Mami - Itabo.	82
<i>Ascitica</i> anatome.	125. 130. 164	<i>Bruta</i> vim exanthematum sentiunt.	94 App.
desperatæ, cura.	344	<i>Brutorum</i> gratitudo humanam grati- tudinem superat.	6. 7. 8. 102. seqq. App.
<i>Aselli</i> cum Lochiis rejecti.	24. App.		
<i>Asparagus</i> sterilitatis causa.	67. App.		
<i>Astra</i> an rectè Idolorum nominibus nuncupentur?	249		
<i>Astrologia</i> sæpius morborum causas manifestat.	ibid.		
ejus usus in Venæsectione.	248		
<i>Dec. II. Annus V.</i>		dd	<i>Bryo-</i>



*Index Rerum.*

<i>Bryonia</i> non nisi ab avibus prius devo-	<i>Calculus</i> Vesiculæ felleæ incurvus. 181
ratis baccis progerminat. 375	183
ejus vis antarthritica. ibid.	Vesicæ mirandæ magnitudinis
<i>Bufone</i> exsiccatō mictio sanguinis eu-	excretus, superstitē muliere.
rata. 337	395
<i>Bufo</i> veneni vis stupenda. 29. App.	<i>Calidum</i> potum puerpera ægrè, frigi-
<i>Bufo</i> pulvis & ab ejus usu in hy-	dum verò optimè ferens. 260
dropica vomitus. 325	<i>Calidus</i> potus. 223
in sistendo sanguinis fluxu usus.	longævitatē Sinensium causa. 228
337	ejus utilitas. 267. seqq.
<i>Bufo</i> usus medicus. 229	in febribus ardentibus. 267
<i>Bulithis</i> ramosus. 210	268
an vim habeat diureticam. 298	<i>Calor</i> ventriculi in viro quodam ex-
<i>Bulithi</i> copiosè in vesica reperti. 297	ternè digito explorari potuit.
	2
<b>C.</b>	<i>Camphora</i> Oleum ex arbore cinamo-
<b>C</b> <i>Acheetici</i> anatome. 109	mi sal copiosum habet in fundo.
<i>Cadaver</i> sanguinem stillans præ-	71
sente occisore. 251	<i>Cancrofa</i> Verruca. 270
ratio & causa. 252. seqq.	<i>Cancrofa</i> mammæ verminantes. 29
<i>Calculi</i> facilius excernuntur per ure-	App.
thram foeminarum quàm vi-	<i>Canis</i> gratitudo & devotio. 94. App.
rorum. 163	mirabilia quædam. 107. App.
maiores spontè excreti. 162	periodicè catalepticus. 202
nobiscum nascuntur intra ma-	<i>Canini</i> stercoris in febribus quartanis
trem. 167	usus. 16. App.
sectio mira. 18. App.	<i>Cantharides</i> cur ligustro, salicibus &
in venis sæpè reperti. 192	oleis catervatim adhæreat. 66
Vesicæ enectæ anatome. 162	67
in Vesicula fellea reperti. 166. 172	earum foetor. ibid.
eorum generatio & causa. 166	generatio. 67
175	ovula. 66
<i>Calculorum</i> generatio non est mo-	<i>Cantharidum</i> infusum ejusque in Go-
mentanea. 123	norrhœa usus. 350
in Microcosmo quomodo	<i>Cantilenas</i> in summo febrili delirio &
fiat? 255	meditans & intenta voce can-
in pueruli vesica admiranda	tans foemina. 258
quantitas. 456	<i>Capilli</i> illitu aquæ apoplecticæ albedi-
	ne tincti. 201
	<i>Capitis</i>

# Index Rerum.

<i>Capitis</i> scabies evanescens convulsio- num & mortis causa. 451	<i>Cervi</i> à Grabâ descripti Synopsis. 178 App.
<i>Capra</i> monstrosa. 55	<i>Cervus</i> glande plumbea per cor traje- ctus, quatuor passuum millia aufugiens. 8. seqq.
<i>Caput</i> infanti in partu ablatum. 71.	rationes & causæ. 10
<i>Cardui Benedicti</i> à Petri descripti Sy- nopsis. 179. App.	<i>Chalybe</i> curata Ischuria. 194
<i>Caries</i> dentium & ossium in Venereo. 26. App.	<i>Chlorosis</i> deplorata. 66. App.
<i>Carpi</i> frictio tonsillarum inflammata- rum remedium. 256	<i>Chorea</i> S. Viti à vermibus. 10. App.
<i>Carpionis</i> ex capite enata ruta. 20 App.	<i>Cibatio</i> quantum in avertendis & de- bellandis morbis interdum va- leat? 107
os attentius à gravida inspectum, uvulæ defectus in fœtu causa. 13	<i>Cibus</i> sine noxa per XI. annos è ventri- culi vulnere ejectus. 2
Vide Cyprinus.	<i>Ciconiarum</i> gratitudo & pietas. 95 App.
<i>Casosum</i> thoracis Empyema. 204	<i>Clitoridis</i> prominentia insignis. 62 App.
<i>Casus</i> doloris ventriculi triennis causa. 71. App.	<i>Clyster</i> frigidus mortis causa. 53. App.
<i>Catalepsis</i> periodica in cane. 202	vomitu innoxie rejectus. 390
terribilis. 19. App.	<i>Cochlea</i> per alvum & vomitum reje- ctæ. 37. App.
<i>Catarrhales</i> defluxiones, & ab iis u- vulæ consumptio totalis. 14	<i>Cœcitas</i> à Coitu. 56. App.
<i>Catarrhus</i> ad nares ex rosarum odo- re. 34	ex intermisso nicotianæ usu. 459
<i>Catochetica</i> Epilepsia. 6. App.	à stercore columbino. 76. App.
<i>Caudatum</i> ovum. 299	à Venæsectione. 292. seqq.
<i>Cauteriis</i> curatæ nervorum læsiones. 321	à Vermibus curata. 346
<i>Cephalalgia</i> Scorbutica. 90	<i>Coitus</i> cœcitatatis causa. 56. App.
<i>Cephalea</i> inveterata à vermibus. 63 App.	<i>Colica</i> inaudita curatio. 28. App.
pertinax cum tumore verminoso in Venereo. 25. App.	<i>Color</i> fuscus ex baccis arboris Mami Itabo. 82
<i>Cephalica</i> venæ sectio, an cœcitatem inducat. 293	rubicundus deliqui animi in an- cilla, causa. 458
<i>Cera</i> oleum in Salmutatum. 71	<i>Colores</i> Iridis unde. 53
<i>Cerebrum</i> plurimorum morborum suppeditat causam. 316	in candela & ignis flamma spe- ctabiles. 53
<i>Cerevisia</i> & vini perpetua nausea post febrem. 467	<i>Columbinum</i> stercurus cœcitatatis causa. 76. App.



*Index Rerum.*

<i>Conceptio</i> & formatio foetus quomodo fiat? 63. seqq.	<i>Cucurbitini vermes</i> in infante. 448
<i>Consha</i> Venerea literata. 222	<i>Cucurbitularum</i> usus in dolore I-schiadico. 338
<i>Contractura</i> à sudore cohibito. 10	<i>Cultri</i> deglutitor Borussus. 3
App.	<i>Cupreus</i> globus per 18. annos gestatus è vagina uteri extractus. 103
<i>Contusio</i> capitis delirii extemporanei causa. 15	<i>Curculia</i> cranariorum. 219
<i>Convolutulus</i> , cantharidum species, vineis inimica. 219. seqq.	<i>Cutim</i> cur pus vix perrumpere possit. 24
<i>Convulsiones</i> Triduanæ in septuagenaria ex Venæsectione. 287	<i>Cyprini</i> piscis esus, podagræ aliquoties in viro causa. 89
<i>Convulsionum</i> causæ. 44	
<i>Convulsi</i> morbi ab alni foliis exterrè applicatis cohibiti. 31	<b>D.</b>
<i>Cor</i> Cervi glande plumbea trajectum, aufugiente adhuc cervo quatuor passuum millia. 8. seqq.	<b>D</b> <i>Eglutitio</i> à polypo nasi impedita. 187
rationes & causæ. 10	<i>Delirium</i> ex contusione capitis extemporaneum. 15
<i>Cordis</i> magnitudo in hydropicis observata. 131. 133	Melancholico-maniacum, solâ Venæsectione curatum. 94
palpitatio. App. 183	Melancholicum ex Venæsectione. 290
polypus lapideus. 188	singulare. 258
tensio lipothymia causa. 95. seqq.	<i>Delphini</i> & de iis mirabilia quædam. 112. App.
<i>Corona</i> circa Solem observata. 217	<i>Dentium</i> caries in Venereo. 26. App.
<i>Corona</i> serpentum factitiæ. 211	dolorem mitigantia remedia. 383
<i>Corpus</i> humanum non raro solet inflari. 97	adversus eum probatissimum experimentum sunt Vesicatoria. 333
<i>Corrosiva</i> oculorum effluvia. 33	<i>Desperati</i> puelli cura. 307
<i>Corvi</i> albi & versicolores. 379	<i>Diarrhæa</i> ex Arcano Tartari liquido. 193
<i>Corvus</i> excommunicatus. 78. App.	confectæ puellæ anatome. 111
loquax. 119. App.	lethalis ex petasonis fumo indurati esu. 179
cui pennæ albæ ex nigra ala successivè excresebant. 378	ratio. 181
<i>Cricetus</i> ejusque anatomica descriptio. 376	picea. 23. App.
<i>Cruditatum</i> causæ. 115. 158	<i>Diar-</i>
<i>CrySTALLI</i> duplices montani Sumatrici. 69	

*Index Rerum.*

*Diarrhœa* singulis mensibus innoxie  
in grvida recurrens. 303  
*Dracones* & de iis quædam memorabi-  
lia. 106. App.  
*Dysenteria* cerevisia Naumburgensi  
curata. 460  
intempestivè curata sphaceli pe-  
dis causa. 83  
ratio & causa. 115  
stercore humano curata. 36. App.  
*Dysenteria* remedium ex fungo sorbi  
aucupariæ. 199  
menstruatio. 108

**E.**

**E***Bur* an rectius dentibus vel ossibus  
annumeretur. 475  
*Ecchinus* quâ ratione se convolvere  
queat? 65  
*Elaphographia* à Graba descripta Sy-  
nopsis. 178. App.  
*Elephas* & de eo mirabilia quædam. 104. App.  
*Empyema* Thoracis caseosum. 204  
ejus generationis modus. 205  
*Epidermis* post morbum abscedens. 396  
*Epilepsia* alces quotidie laborare di-  
cuntur. 7  
Catochetica. 6. App.  
à melle. 23. App.  
Quartanæ cura. 20. App.  
*Epilepsia* causa. 44  
*Equi* & de iis mirabilia quædam. 110  
App.  
sacrilegiorum proditores. 96  
App.

*Equina* ungulæ rasura, hamorrhoi-  
dum fluxus nimii remedium. 259  
usus in variis morbis. 260  
*Equus* pilas excernens pilosas. 211  
*Errhinum* imprudenter naribus inje-  
ctum, gustus & olfactus deper-  
diti causa. 315  
*Eruca* in abscessu gibberis reperta. 39  
App.  
*Excommunicatus* corvus. 78. App.  
*Excrementa* sine foetore lethalia. 76  
App.  
*Exhalationes* oculorum corrosivæ. 33  
*Exotica* naturæ nostræ sunt inimica.  
262. App.  
plerumque sunt adulterata. 262  
*Exoticis* quam optime carere possent  
Germani. 262 seqq.

**F.**

**F***Asnoki* arbor laccifera. 29. 80  
*Faucium* affectus, & in iis salutaris  
Salis Ammoniaci usus. 334  
*Febre* ardente mutitas sublata. 31  
App.  
confectæ matronæ anatome. 171  
tertianæ laborantis sanguis ver-  
minosus. 208. App.  
*Febres* malignæ, quæ tertianas ab ini-  
tio imitantur, sæpius ortum  
trahunt à vermibus. 207  
*Febrifugum* ex araneis. 37. App.  
arsenico. 474  
Decoctum certissimum. 209  
Riverianum descriptum. 38  
ex stercore canino. 36. App.  
dd 3      Febris



*Index Rerum.*

<i>Febris</i> menstrua & hebdomadaria. 39	<i>Fetus</i> possitne intra XL. horas in utero
App.	putredine penitus corrumpi. 170
nimis cita curatio variorum	vivus mortua matre ob adstan-
morborem causa. 83	tium imprudentiam suffoca-
tertiana potu largiore & frigido	tus. 28
curata. 21. App.	in Utero Matris jam extinctæ
Quartana suillo ventriculo cu-	motus. 29
rata. 31. App.	materno vagitus an mala
& imprimis A. 1681. grassantis	prædicat. 389
indoles. 16	<i>Formica</i> laccam laborantes. 80
<i>Februm</i> diurnitas unde? 173	<i>Fraga</i> comesta variorum symptoma-
<i>Felis</i> Sciurum pariens. 370	tum causa. 436
<i>Felleæ</i> Vesiculæ calculi. Vide Calculi.	<i>Fumaria</i> caudæ lucii piscis adnata. 71
<i>Femoris</i> tumor monstrosus. 195. 196	<i>Fungus</i> sorbi aucupariæ anti-dysente-
<i>Fermentum</i> ex Branca Ursina. 192	ricus. 199
<i>Fistulosa</i> abdominis lithiasis. 213	<i>Furor</i> bufone capiti applicato sedatus. 219
<i>Flatus</i> ex pudendo. 57. App.	uterinus à Vermibus. 40. App.
<i>Flatulentia</i> ad cor pertingens lipothy-	
miae causa. 98	
eam non semper valdè calida &	
volatilia tollunt. 102	
<i>Flumina</i> per certos annos fluida & sic-	
ca. 4. 5	
<i>Fæculenti</i> potûs ingurgitatio admi-	
randorum & lethalium sym-	
ptomatum causa. 386. seqq.	
<i>Fetus</i> alius abortûs placentæ uterinæ	
inclusus. 457	
conceptio atque formatio quo-	
modo fiat? 63. seqq.	
immaturus cum placenta funi-	
culo & manu, ad uteri oscu-	
lum compulsus. 61	
manum ex utero matris exeren-	
tem, ope frigida retrahit felici	
succesfu. 27	
mortui Sceleton jam ultra se-	
xennium in utero gestatus à	
foemina. 352	

**G.**

<b>G</b> alenicorum quorundam in Chy-
micos Censura nimis est rigoro-
sa. 368
Galli qua ratione excludere queant
ova. 437
Gallus Gallinaceus monstrosus. 301
oviparus. 435. 436
Gammari figura in mamma. 17. App.
Gammarologie à Sachsis descriptæ Sy-
nopsis. 174. App.
Gammarus & ex dorso ejus anagallis
enata. 70. App.
Ganglia in genibus contusis unde?
331
Gemelli humani etiam ex uno ovulo
fieri possunt. 302

*Gemelli*

# Index Rerum.

*Gemelli* canum instar in utero coherentes. 53  
*Genethliacorum* thematum incertitudo. 370  
*Gestus* maniacorum admirandi. 190  
*Ginsen* radice descriptio & vires. 73  
 admiranda quædam circa ejus effossionem. 76  
*Glandularum* usus. 116  
 intestinalium novarum descriptio. 464  
*Gonorrhæa* virulenta sanata. 349  
*Gramine* urfi vulnera sæpè obstruunt. 2  
*Grandinis* figuræ admirandæ. 327  
 ejus generatio. 329  
*Gratitudo* alces in homines. 6  
 animalium in homines. 6.7.8  
 canum. 91.App.  
 ciconiæ. 95.App.  
*Gravida* innoxie singulis mensibus  
 Diarrhœa correpta. 303.305  
*Graviditas* frustrata. 342  
*Grumosus* sanguis Ischuriæ causa. 194.  
*Gustus* & olfactus ab errhino imprudenter naribus injecto deperditus. 315

## H.

**H**æmicrania periodica sudore opiatipilulis provocato, curata. 29  
*Hamoptico* Vomitus salutaris. 8.  
*Hamorrhagia* in infante. 185

*Hamorrhoidum fluxus* nimii remedium. 259  
 & Mensum fluxus alternatim recurrens. 52.App.  
 Vomitorio curatus. 442  
*Halece* curata quartana. 16.App.  
*Hepar* sensum habet vel nullum vel obtusum. 24  
*Hepatis* abscessus. 23  
 friabilitas. 123  
 particulæ revera per alvum & coitum rejectæ. 42.App.  
 scirrhus tussiculæ causa. 165  
 Vulnera quæ lethalia. 18  
 Vulnus feliciter curatum. 17  
*Hernia* in iis Mercurii vivi usus lethalis. 461  
 non semper ex peritonæi ruptura ortum trahunt. 127  
*Hiera Picra* Fehrii ejusq; Synopsis. 169  
 App.  
*Hominis* Ventriculo & Vulvæ pulli gallinacei innati. 34.App.  
*Humanam* effigiem referens Sinen-sium radix Gîn-Sen dicta. 73  
 seqq.  
*Hydatites* ovarii fœminei. 430  
*Hydrocephalus* in puello ejusq; anatome. 339  
*Hydropem* tollentia medicamenta quædam salutaria. 366  
*Hydropicorum* anatome. 129.130.142  
 147  
 in cruribus nigredo fuliginosa non tamen gangranosa observata. 322  
 omentum mirabile. 456  
*Hydrops* sola abstinencia potûs curatus. 35.App.  
*Hydrops*



*Index Rerum.*

<i>Hydrops</i> ejus causa. 132. 182	<i>Injectionum</i> variorum liquorum si-
ex Ictero. 61. App.	phonis ope in Anatomia uti-
vilissimo remedio curatus. 62	litas. 95
unius tantum lateris in paralyti-	<i>Inquinamentum</i> aëreum. 251
co, 61. App.	<i>Intestina</i> crassa lumbricorum domici-
uterina ejusque causa. 142. 146	lium. 112
<i>Hydropici</i> & in iis omenti defectus. 132	innocue à lumbricis perforata. 87
134. 152	an per inguina erumpentes lum-
<i>Hydropicum</i> ovum. 354	brici perforant? 19. 22
<i>Hymenis</i> in puella absentia. 115. 117	<i>Intestinalium</i> novarum glandularum
<i>Hypochondriacis</i> Theæ usus est saluta-	descriptio. 464
ris. 228	<i>Intestinorum</i> vulnus aliquot annos in
<i>Hypochondriacus</i> dolor sinistri lateris	muliere apertum. 20
rectius adscribitur intestino	<i>Ips</i> scarabæorum species ingens vinea-
colo, 175	rum hostis. 219
<i>Hypopyon</i> ejusque cura. 209	<i>Ira</i> alvi dejectiones causans. 57. App.
	& mœror valetudini humanæ &
	obstunt & profunt. 392
	<i>Iris</i> & de eo notabilia quædam. 216
	Solaris in planitie terræ. 273
	prope Solem visa. 426
	<i>Iridis</i> colores in flamma ignis culinæ
	& candelæ spectabiles. 53
	unde? ibid.
	patellæ concavum sunt monetæ
	genus. 331. 417
	<i>Ischiadici</i> doloris cura per cucurbi-
	tulas. 338
	<i>Ischuria</i> chalybe curata. 194
	à grumoso sanguine. 194
	lethalis. 277
	<i>Juglandis</i> arboris liquor polychre-
	stus. 412
	<i>Juniperi</i> baccarum usus in hydrope
	salutaris. 345
	à Scharfio descripti Synopsis. 181
	App.

*I.*

<i>Icterus</i> Hydropis causa. 61. App.
<i>Ileum</i> lethale à vermibus. 32
<i>Imaginatio</i> matris gemellorum canum
instar cohærentium causa. 53
scrofularum in foetu causa. 45
<i>Imberbes</i> . 91
<i>Incantatione</i> producti affectus spasmo-
dici cura. 31
<i>Incubus</i> lethalis. 446
<i>Infans</i> in utero quartana laborans. 28
App.
<i>Infantis</i> nondum nati triste fatum. 28
à partu difficili emortui quasi
restitutio. 242
<i>Inflammatio</i> renum. 443
<i>Ingravitationis</i> falsæ methodica cu-
ratio. 45. App.
<i>Inguinalis</i> abscessus & ex eo lumbrici
erumpentes, 19

Index Rerum

K.

**K** Utubuth.

52. App.

L.

**L** Abiorum pudendi anasarca. 142  
144

Lac Lunæ Sumatrense. 69

per nares infantis ubera matris  
ob uvulæ defectum difficulter  
sugentis excretum. 12

Laccifera arboris descriptio. 79 seqq.

Lacertus Indicus verminosus. 206

Lachryma verminosa. 32  
unde? 33

Lactans infantem mortua matre mi-  
les. 239

sexagenarius. 60. App.

sine papillis. 67. App.

Lactei Menfes. ibid.

Lacteus sudor. 25. App.

Lactis abundantia. 474

Lapathum acutum ardoris urinæ cau-  
sa. 230

Lapides aureo splendore coruscan-  
tes in bovis rene reperti. 291

Lapideus cordis polypus. 188

Lapidis araneorum existentia & usus.  
462

Lapidum Microcosmi productio quæ  
sit & qualis. 253

Lapilli ex fistula abdominis excreti.  
213

tussi rejecti. 254

Lapis intestinalis per alvum excretus.  
393

Lazuli an verum in eo reperia-  
tur Aurum? 71. 72

Dec. II. Annus V.

Lapis Philosophorum non est non ens.  
203

Vide Calculus.

Leonum in homines gratitudo. 6. 7  
quædam memorabilia. 102. App.

Leporina pellis in vigiliis usus. 200

Lien geminus in cane. 117  
puella. 113. 117

Lienteria causa. 158

Ligaturarum in hæmorrhagiis effica-  
cia. 48. 49

Ligustro cur cantharides catervatim  
adhæreant? 66

Limaces comesti alvi solutionem in  
Monacha semper causerunt. 438

Lipothymia causa tensio cordis. 95  
seqq.

non semper valdè calidis & vo-  
latilibus curantur. 102

Literas arabicas representans Con-  
cha. 222

Lithiasis abdominis fistulosa. 213

Lixivium ex Alga quotidiano incola-  
rum Inf. Formosæ usui infer-  
vit. 93

enecat puerum. 92

Lochia aquosa. 258  
& cum iis aselli. 24. App.

Lochiorum suppressio hydropis uteri  
sæpius est causa. 142

phrenitis, convulsio & mors, ex  
terrore. 449

Longævitatis Sinensium causa. 228

Loquela difficultas à lumbricis. 45  
ab uvulæ defectu. 14

Lordosis ejusque cura. 445

ee Luce



*Index Rerum.*

<i>Luce</i> quâdam astrali Radicem Gîn-Sen splendentem facit ros. 76	<i>Mammæ</i> scabies à retentis mensi- bus. 11. App.
<i>Lumbrici</i> ex abscessu in inguinali re- gione erumpentes. 19	<i>Vermes.</i> 69. App.
in crassorum intestinorum con- finio hospitantur. 112	<i>Mamillæ</i> arboris Japonici descri- ptio. 82
februm malignarum quæ ter- tianas primum mentiuntur sæpè sunt causa. 207	circa eam experimenta. 71
horrendorum symptomatum causa. 44	<i>Mania</i> ab urina murium. 11. App.
an intestina perforant. 19. 22	Venæsectione curata. 94. App.
lapide intestinali inclusi per al- vum reiecti. 393	<i>Maniacorum</i> gestus admirandi. 190
loquelæ difficultatis causa. 45	<i>Mater</i> mortui infantis per sex jam an- nos vivum sepulchrum. 352
mensium retardare valent flu- xum. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.	<i>Medicina</i> simplex aliquando optima. 71. App.
<i>Lumbricos</i> necantia alexipharmaca. 206	<i>Medulla</i> Saxorum Sumatrica. 69
<i>Lupis</i> sagax fidelitas. 55	<i>Melepilepsia</i> causa. 23. App.
piscis caudæ adnata fumaria. 71	<i>Melancholia</i> errabunda. 11. App.
Append. ventriculi conformatio. 208	ex obstructione narium. 319
<i>Lux</i> primaria est visionis causa. 243	<i>Melancholia</i> delirium ex Venæsectio- ne. 290
seqq.	<i>Melancholica</i> imaginariè sibi gravida visæ & puerpera. 382
	<i>Meliceris</i> pilorum intus simul conti- nens fasciculum. 433
	<i>Melis</i> anatome. 50
	<i>Melleus</i> sudor. 18. App.
	<i>Melones</i> alvi constipationem in Mo- nacha semper causantes. 438
	<i>Membrana</i> per urinam excreta. 455
	<i>Membranas</i> & ossa pus exedere potest. 24
	<i>Memoria</i> amissio ex terrore & frigo- re. 63. App.
	ex Venæsectione. 280. 284
	<i>Menses</i> an in alio aliquo animalium genere observentur. 238
	apoplexiæ causa. 71. App.
	& hæmorrhoides alternatim fluentes. 71. App.
	<i>Menses</i>

*M.*

**M**agnetica tuberculi in palpebra  
curatio. 75. App.  
*Magnetis* in curanda amaurosi vis sin-  
gularis. 473  
*Majorana* Oleum in sal mutatum. 70  
*Mamma* cancrofa verminans. 29. App.  
& in ea gammari figura. 17. App.  
& ex ea fluentes menses. 41. App.  
tribus instructa papillis. 40. App.  
*Mamma* papilla nigra & crinita.  
— sine papilla. 63

*Index Rerum.*

<i>Menses lactei.</i>	67. App.	<i>Meteorologicum phenomenon.</i>	215
ex lava papilla fluentes.	41	<i>Mictio</i> cruenta bufone exsiccato sub-	
nigerrimi.	14. App.	lata.	337
nunquam passæ tamen pepere-		nunquam sine dejectione alvi.	33
runt.	242		App.
in puella sexenni.	184	involuntaria à tussicula. § 1. App.	
& ex iis symptomata mira & in-		<i>Minera</i> Auri & Argenti Sumatrenses.	68
audita.	466		
Verminosi.	13. App.	<i>Mæror</i> & ira humanæ valetudini ob-	
in Vetulis.	240	sunt & profunt.	392
<i>Mensium</i> fluxus an sit necessarius.	241	<i>Mola</i> extinctæ anatome.	147
nimius inque eo smaragdi effica-		<i>Molarum</i> generationes & causæ.	154
cia.	36	<i>Monstrosus</i> alces partus.	6
an retardari queat à lumbricis.	45	<i>Morbilli</i> verminosi.	54
obstructio contumacissima cu-		<i>Morborum</i> causas sæpè manifestat a-	
rata.	236. 237	strologia.	249
suppressio diuturna cachexiæ,		<i>Mugilis</i> ventriculi conformatio.	208
apoplexiæ & mortis causa.	452	<i>Mures</i> insoliti.	218
scabiei Mammarum causa.	11	eorum ortus & proventus.	219
	App.	<i>Murium</i> urina maniae causa.	11. App.
sternutatione curata.	41. App.	<i>Mus</i> & ex eo expertum ad strumasev-	
tempus variat.	240	poriston.	194
voluntaria retardatio.	48	<i>Musca</i> in utero exsecto & è camino	
<i>Menstrua</i> per ulcus tibiæ emissa.	186	suspensori repertæ.	310
<i>Menstruatio</i> dysentericiæ remedium.	108	<i>Muscella</i> candidæ ex lachrymis pro-	
		creatæ.	32
<i>Mercurialia</i> medicamenta pruden-		ratio & causa.	33
tiam requirunt & experientiam.	358	<i>Musco</i> ursi vulnera sæpè obstruunt.	2
<i>Mercurius</i> vivus in hernia lethalis.	461	<i>Musculorum</i> tibialium & femoralium	
		dolor ejusque cura.	339
<i>Meseraicarum</i> Venarum obstructio		<i>Muscus</i> petrificatus.	457
nulla est & ficta.	136	<i>Muta</i> à vermibus facta puella curata.	346
<i>Metallorum</i> transmutationis possibi-			31
litas.	372		App.
<i>Metamorphoses</i> in triplici regno sæpè	ibid.		
funt.			

*N.*

<i>Nævi</i> varii.	459
<i>Namra</i> arbori laccifera.	79.80
	<i>Napelli</i>



*Index Rerum.*

<i>Napelli</i> haustum venenum potatione extinctum. 35	<i>Oculis</i> exhalationes denegari nequeunt. 33
<i>Napellus</i> & ex eo lethalis veneno infectus fons. 232	<i>Oculorum</i> exhalationes perspicilla corro dentes. 33
<i>Narium</i> obstructio Melancholiæ causa. 319	<i>Oculus</i> purulentus ejusque cura. 209
polypus deglutitionem impediens. 187	<i>Odontalgia</i> viso medicamento curata. 21. App.
<i>Nasati</i> non semper vasati. 57. App.	<i>Oleâ</i> innascuntur cantharides. 67
<i>Nephriticus</i> dolor celeriter curatus. 320	<i>Oleosus</i> sudor. 70. App.
<i>Nephritidis</i> causa. 147. App.	<i>Oleum</i> Camphoræ ex arbore cinamomi sal habet in fundo. 71
<i>Nervi</i> læsio Epilepsiæ causa per cauterium curata. 321	Ceræ in Sal mutatum. 71
<i>Nicotiana</i> continua masticatio noxia est. 59	Majoranæ in Sal mutatum. 70
ratio. 60	varia circa illud experimenta. 71
usus assuetus & intermissus cæcitatatis causa. 459	<i>Olfactus</i> & gustus deperditus ex Er-rhino imprudenter applicato. 315
<i>Nigredo</i> fuliginosa in cruribus hydropicorum non gangranosa. 325	<i>Omenti</i> defectus 113. 134
ratio & causa. 327	in hydropie defunctis defectus. 132
<i>Ninjing</i> radice descriptio. 73. seqq.	<i>Omentum</i> hydropici mirabile. 456
<i>Nisus</i> parturientium unde? 65	<i>Opii</i> vis sudorifera. 29
<i>Nocturna</i> Vertigo. 29	usus nimius vertiginis causa. 25
<i>Nördlingensum</i> aquarum salubrium examen. 400. seqq.	<i>Opium</i> crudum per plures menses quotidie larga dosi, optato effectu à Germano sumtum. 364
<i>Nubeculas</i> oculorum discutientia medicamenta. 106	in præparatione & propinatione molliter vult tractari. 361
<i>Numisma</i> scutellare concavum. 331	rigoris omnium membrorum causa. 25. 26
O.	& deleteria exindè nata symptomata. 25
<b>O</b> <i>Ceani</i> Macro- & microcosmici à Sachsis descripti Synopsis. 177	Vertiginis causa. 320
App.	<i>Ossa</i> , carnes & membranas pus exedere potest. 24
<i>Oculi</i> vulnus cum maximo dolore conjunctum, mucrone gladii infictum atque curatum. 105	pubis in partu non discedunt. 169. 171
<i>Oculi</i> & per eos. urina excreta. 169	<i>Ossiculum</i> ex tumore malæ excretum. 185
App.	<i>Ossium</i>

*Index Rerum.*

<i>Ossium</i> caries in Venereo.	26. App.	<i>Pantbera</i> gratitudo in homines.	8
strepitus.	203	<i>Papilla</i> dextrae mammae nigra & crinita.	33. App.
ratio & causa.	ibid.	<i>Papilla</i> tres triangulares in una mamma.	40. App.
curatus.	465	<i>Paralysis</i> adque eam tollendam fons salutaris apud Sinas.	265
<i>Ova</i> quâ ratione à gallis excludi queant.	437	scorbutica.	46
indurata purgantia.	19. App.	à Venæsectione curata.	281
serpentum sine ullo incubatu exclusa.	41. App.	à Vermibus.	15. App.
<i>Ovariam</i> conceptionem arcessentia quædam dubia.	154. seqq.	<i>Paravajim</i> aurum quid?	417
<i>Ovarii</i> foeminini hydatides.	430	<i>Parturientium</i> nifus unde?	65
<i>Oviparus</i> gallus gallinaceus.	435	<i>Partus</i> difficilis alces.	6
	436	difficultati succumbentis anatomie.	168
<i>Qurischy</i> idem quod arbor laccifera.	80	p. nat. ad justum tempus retardatus.	27
<i>Ovula</i> cantharidum.	66	<i>Pathologia</i> animata.	190
diversæ magnitudinis ad tubam uteri coecam in vetula dispersa.	127	<i>Pediculi</i> scrotum cum pene corrodescentes.	27. App.
<i>Opulum</i> in testiculis puellulæ tenellæ.	157	<i>Penna</i> anserina cum urina resecta.	22
extra testes in vetula.	131. 133		App.
<i>Ovum</i> ab anserè masculo exclusum.	437	<i>Penis</i> defectus & vesica spongiosa extra abdomen posita.	84
caudatum.	299	monstrosus.	15. App.
duplicatum.	ibid.	osseus.	71. App.
galli & in eo vermis repertus, abominabilem spirans odorem.	436	à pediculis corrosus.	27. App.
hydropicum.	354	cum testiculis à canemorsu ablatum.	42. App.
marinum.	222	<i>Pericardii</i> aqua unde?	56
<b>P.</b>		in mortuis copiosior apparet, quam in viventibus.	161
<i>Alpitatio</i> cordis.	183. App.	<i>Petechiis</i> agonizans restitutus.	347
<i>Pancreas</i> Asellii lapideæ substantiæ in phrenetico.	119	<i>Petrificans</i> aqua.	457
ejus defectus in puella.	114. 117	<i>Petrificatus</i> Muscus.	45
<i>Papillæ</i> cistæ in infante. 2 <sup>cc</sup> 3 <sup>cc</sup> seq.		<i>Phænomenon</i> Meteorologicum.	215
		<i>Philosophorum</i> Lapis reverà existit.	233
		<i>Phlebo.</i>	



*Index Rerum.*

<i>Phlebotomum</i> luis Venereæ in quin- que viris causa. 93	<i>Podagra</i> salutare ad illud ex liquore querno remedium, 197
<i>Phrenitici</i> anatome. 119	<i>Polypus</i> , cordis lapideus. 188
<i>Phrenitidis</i> causa. 121	narium deglutitionem impe- diens. 187
<i>Phthiriasi</i> consumtus Venereus. 24 App.	generationis modus. 188
<i>Phthiriasis</i> . 37. App.	intra sinum cerebri falcatum re- pertus. 120
<i>Phthirisci</i> , auxilia Medicorum non fru- stra, anxie inhiant. 366	<i>Populo</i> arbori innascuntur canthari- des. 67
<i>Phthirsin</i> tollentia remedia quædam salutaria selectiora. 367	<i>Porcellana</i> concha unde sic dicta. 222 literata. ibid.
<i>Pica</i> avis loquax. 119. App.	<i>Porci</i> sacrilegiorum vindices. 96. App.
inaudita. 16. App.	<i>Poros</i> non semper pingua obliniunt, ibid. 111
<i>Pica</i> pica. 8. App.	<i>Porraceus</i> sudor. 14. App.
<i>Picea</i> diarrhoea. 23. App.	<i>Potatione</i> extinctum Napelli paulo an- te haustum venenum. 35
<i>Piceus</i> sanguis. 39. App.	<i>Potu</i> largiori tertiana curata. 21. App.
<i>Pila</i> pilosæ ab equo excretæ. 211	<i>Potus</i> abstinentia sola ascites curata. 35 App.
<i>Pilula</i> ægro restituto integræ rejectæ. 37. App.	<i>Potus</i> calidus ejusque utilitas. 223. seqq.
<i>Pilorum</i> fasciculus in Meliceride re- pertus. 433	<i>Prægnantibus</i> illisiones valde sunt fa- tales. 147. 152
<i>Pinealis</i> glandulæ in Taxo defectus. 58	<i>Procidencia</i> uteri ejusque causa. 153 non semper cum intestini recti la- psu conjuncta est. 152. 159
<i>Pingua</i> non semper obliniunt poros. 111	ejus præpostera & lethalis cura. 423
<i>Piperina</i> thermæ quando & quamdiu scaturiant. 5	sectione curata. 306
<i>Pisces</i> vivi & ex iis enatæ plantæ. 70 App.	ejus ratio & causa. 311. 312
<i>Pisciculus</i> vivus cum Urina excretus. 35. App.	<i>Psittaci</i> & de iis mirabilia quædam. 116. App.
<i>Pleuritis</i> raphano rusticano curata. 22 ratio. 53	<i>Psores</i> scorbutica. 64. App.
verminosa. 40. App.	<i>Ptarmica</i> fl. albis efficacia adversus morbos ex veneficio. 31
<i>Plica</i> vulvæ muliebris. 10. App.	
<i>Podagra</i> ex Cyprini esu aliquoties in viro causata. 89	

# Index Rerum.

*Ptyalismus* spiritu apoplectico fortinarius admoto causatus. 35  
*Puerpera* partûs difficultate succumbentis anatome. 168.  
 illarum sitis refrigerantibus non est coërcenda. 62  
 potum calidum ægrè, frigidum verò optimè ferentis exemplum. 360  
*Pulli gallinacei* humano ventriculo & vulvæ innati. 34. App.  
 præmaturè cantantes. 301  
*Pullus gallinaceus* quatuor alis totidemque pedibus exclusus. 301  
 ejus generationis ratio. 302  
*Pulmonis* accretio an difficilis respirationis causa. 137  
*Pulmonum* defectus in Vacca. 12. App.  
*Pulsus* arteriarum singularis in vulnere per cranium & duram matrem penetrante, observatus. 428  
*Purgatio* ab ovis induratis. 19. App.  
*Pus*, carnes, ossa & membranas exedere potest. 24  
 cutim cur vix perrumpere possit? ibid.  
*Pyrita* Sumatrenses. 69

## Q.

*Quartana* ab epilepsia curata. 20  
 App.  
 halece curata. 16. App.  
 à vermibus. 17. App.  
 in utero laborans foetus. 28. App.  
*Quartanam* comitantis sitis periodicæ exemplum rarius. 86

*Quartana* nimis cita curatio variorum morborum imò mortis, sæpius est causa. 83  
 febris An. 1684. grassantis indoles. 16  
*Querni* liquoris usus antipodagricus. 197

## R.

*Radicis* Gîn-Sen descriptio & vires. 73. seqq.  
*Ninjing* descriptio. ibid.  
 admiranda quædam effossionem ejus concernentia. 76.  
*Raja* piscis fluxu menstruo ordinario laborat. 238  
*Raphani* rusticani vis diuretica. 336  
 in pleuritide usus. 52. 53  
*Rebstichel* insectum vineis inimicum. 221  
*Renum* inflammatio. 443  
 scirrhi inter non entia non sunt numerandi. 160  
*Respirationis* difficultatis causa an sit pulmonum accretio. 137  
*Retc mirabile* cerebri ejusque descriptio accuratior. 355  
 usus. 356  
*Rhinocerotis* cornu geminum. 468  
*Riveriani* febrifugi descriptio. 38  
*Roitschensium* acidularum usus in febribus intermittentibus. 441  
*Ros* Radicem Simensium Gîn-Sen luce astrali splendentem facit. 76  
*Rosarum* odor catarrhi ad nares causa. 34  
*Rubicundus* color an cum sanguine habeat sympathiam. 51  
*Rubrum*



Index Rerum.

*Rubrum* colorem non sine animi deliquio inspiciens ancilla. 458  
*Ruta* è capite carptionis enata. 70. App.

S.

*S* *Alicibus* gaudent cantharides. 67  
*Sanguinem* stillans cadaver præsentem occifore. 251  
 ratio. 252  
*Sanguis* per Microscopium consideratus. 323  
 tertianarii verminofus. 208  
*Scabies* capitis evanescens convulsio-  
 num; mortisque causa. 451  
*Scarabeorum* species singularis vinea-  
 rum hostis. 219  
*Scarificatio* pedum sæpius hydropis  
 medela. 110  
 venereæ luis in plus quam se-  
 ptuaginta homines propagata  
 causa. 94  
*Scirrhus* renum non est non Ens. 160  
 vesicæ retentionis urinæ causa.  
 58  
 ratio. 60  
*Scirrhus* viscerum defuncti infantis a-  
 natome. 159  
*Sciurum* pariens felis. 370  
*Scorbutica* Cephalalgia. 90  
 Paralysis. 46  
 Pfora. 64. App.  
*Scortum* album ab Æthiope impræ-  
 gnatum filium parit bicolo-  
 rem. 381  
*Scrofula* in foetu ex imaginatione ma-  
 tris. 451  
 in omnibus corporis partibus ob-  
 servata. 34

*Scrofulosa* brachia. 110  
*Scroti* apertio sæpius hydropis mede-  
 la. 110  
*Secundinarum* retentio ardoris urinæ  
 & lancinationis hypogastrii  
 causa. 63  
*Secundina* retenta insperato exclusa.  
 356  
 tuto extracta. 20. App.  
*Seminales* vesiculæ induratae urinæ  
 retentionis causa. 59  
 ratio. 60  
*Semini* masculino ipsius foetus rudi-  
 menta jam inesse, probabile  
 est. 371  
*Semen* viri verminosum. 6. App.  
*Sensum* hepar habet vel planè nullum,  
 vel obtusum. 24  
*Sensuum* cessatio ex nimio mensium u-  
 su. 25  
*Serpentum* coronæ factitiæ. 211  
 ova sine incubatu exclusa. 41.  
 App.  
*Sexagenarius* lactans. 60. App.  
*Simia* mas, constans pulchræ virginis  
 amasus. 377  
*Simia* & de iis mirabilia quædam, 111  
 App.  
 ordinario mensium fluxu labo-  
 rant. 338  
*Singultuosa* febris. 235  
*Sitis* puerperarum refrigerantibus  
 non est corrigenda. 62  
 Quartanarii ortum & occasum  
 Solis accuratè observans. 86  
*Smaragdi* vis adstringens unde? 37  
 efficacia mira in sistendo nimio  
 mensium fluxu. 36  
 Sma-

*Index Rerum.*

<i>Smaragdus</i> lapidi lydio affrictus æris reddit colorem. 37	<i>Struma</i> verminosa. 8. App. 198
<i>Solaris</i> iris in planitie terræ. 273	<i>Strumas</i> auferens evporiston. 198
<i>Solis</i> absentiam & præsentiam observans sitis. 86	<i>Struma</i> sectio in collo sexagenaria. 453
<i>Somnambuli</i> historia rarior. 380	<i>Subterranei</i> mures. 219
<i>Sorbi</i> fungus, & ex eo contra dysenteriam remedium. 199	<i>Suctio</i> infantum ab exulceratione umbilici impedita. 432
<i>Spasmodici</i> affectus ab incantatione cura. 31	ob defectum uvulæ impedita. 12
<i>Sphacelus</i> ex dysenteria intempestive sedata. 83	ratio. 13
<i>Spina</i> in embryis & tenellis, cur facile injuriis abscessuum pateat. 158	<i>Sudor</i> alii. 7. App.
<i>Spinalis</i> medulla sanguineis punctis notata. 121. & 122	arenosus albißimus. 54. App.
<i>Spiritus</i> vini abusus noxius. 58	cohibitus contracturæ causa. 10
ratio. 60	App.
<i>Spongiosa</i> Vesica extra abdomen posita cum defectu penis. 54	lacteus. 15. App.
<i>Stagnum</i> Borrussicum alternis trienniis sponte piscosum & frugiferum. 4	melleus. 18. App.
ratio & causa probabilis. 5	oleosus. 70. App.
Klenen Kiel inquinamenti aërei causa. 251	porraceus. 14. App.
<i>Stella</i> an rectè Idolarum nominibus nuncupentur. 249	violaceus. 9. App.
<i>Stercoris</i> canini usus in febb. quartanis. 36. App.	<i>Sudorifera</i> opii vis. 29
humani usus in dysenteria. ibid.	<i>Sumatrenses</i> Auri & Argenti minera. 68
<i>Sternutatio</i> in secundinarum retentione saluberrima. 45. App.	<i>Sympathia</i> patris & filii in paroxysmo febris tertianæ. 455
<i>Sternutatione</i> suppressio mensium curata. 41. App.	<b>T.</b>
<i>Streptus</i> ossium ejusque causa. 203	<b>T</b> <i>Abacum</i> , vide <i>Nicotiana</i> .
curatus. 465	<i>Tabidi</i> anatome. 134
<i>Det. II. Annus V.</i>	<i>Tabis</i> causa. 136
	<i>Taxi</i> anatome. 55
	<i>Tensio</i> cordis lipothymia causa. 95
	seqq.
	<i>Terra</i> medicinales Sumatricæ. 69
	<i>Terror</i> lochiorum suppressorum, phrenitidis, convulsionum & mortis causa. 449
	<i>Testiculus</i> matronæ febricitantis purulentus. 173. 174
	ff. Then



*Index Rerum.*

<i>Thea</i> ut plurimum est adulterata. 263	<i>Tumor</i> totius corporis ex retentione
hypochondriacis est salutaris. 228	urinae curatus. 336
longævitatis Sinensium causa. 265	umbilici in infante. 454
quibusdam fuit nociva. 266	<i>Tumoris</i> glandulosi sectio in collo sexagenaria. 453
plantas habet in Germania sibi quoad saporem & effectum similes. 262. seqq.	<i>Turdus</i> saxatilis & de eo memorabilia quædam. 118. App.
nimum pota, multis est suspecta. 224	<i>Tussicula</i> mictionis involuntariæ causa. 51. App.
cum Spiritu Vini gratam exhibet Tincturam. 134	à scirrho hepatis. 165
ejus virtutes quidam calidæ aquæ attribuunt. 264	<i>Tussi</i> rejecti lapilli. 254
<i>Thematum</i> genethliacorum incertitudo. 370	<b>U.</b>
<i>Theriacæ</i> cœlestis grana duodecim assumpta, mortis causa. 279	<b>V</b> <i>Acca</i> pulchræ monstrosa. 32. App.
<i>Thermarum</i> Piperinarum scaturiginis tempus. 5	sine pulmone. 12. App.
<i>Thymus</i> aquæ pericardii scaturigo. 56	<i>Vagitus</i> uterinus an mala prædicat? 389
<i>Tibia</i> ulcus & ex eo fluentes Menfes. 186	<i>Variola</i> in pudendo solum. 69. App.
<i>Tonsillarum</i> inflammatio frictione carpi curanda. 256	senio. 44. App.
<i>Torbidonis</i> fluvii Italici admiranda indoles. 3	<i>Ubera</i> capræ inter pedes anteriores propendentes. 55. App.
<i>Transmutationis</i> metallorum possibilitas. 372	<i>Vegetabilia</i> in pulverem comminuedi curiosa ratio. 398
<i>Tubercula</i> in palpebra curatio magnetica. 75. App.	<i>Venæ</i> sectio Aphoniæ causa. 294
<i>Tumor</i> femoris monstrosus. 190. 196	convulsionum triduanarum in septuagenaria causa. 287
malæ contumax & exinde excretum ossiculum. 185	delirii Melancholicî causa. 290
serosus ad vertebrarum lumbalium secundam enatus. 431	loquelæ, memoriæ, & rationis imbecillitatis causa. 280
	Luis Venereæ Iethalis in quinque viros propagatæ causa. 93
	paralyseos causa. 281
	& cum sanguine emissio producentes arenulæ. 191
	visus imbecillitatis causa. 292
	<i>Venæ</i> sectione sola delirium maniacum curatum. 94
	<i>Venæ</i>

# Index Rerum.

<i>Vena</i> sectione nulla sæpius peccatur quàm ea , quæ fit sub lingua.	295	<i>Vermes</i> cœcitatæ & mutitatæ causa.	346
<i>Venenatorum</i> animalium usus pecu- liaris.	232	Cucurbitini in infante.	448
<i>Venenum</i> aranearum.	231	Epidemici.	345
bufonum ejusque vis stupenda.	29. App.	furoris uterini causa.	40. App.
Napelli haustum potatione ex- tinctum.	35. App.	Ilei lethalis causa.	32
tristi fato sumtum.	35	Intestina innoxie perforantes.	87
<i>Veneræa Lues</i> citra contagium con- tracta.	27. App.	mammæ.	69. App.
lethalis phlebotomo causata.	93	in mamma cancrofa.	29. App.
scarificatione plus quàm in se- ptuaginta homines simul pro- pagata.	94	manicæ causa.	77. App.
<i>Veneris</i> phthiriasi consumti.	24. App.	odontalgicæ sæpius causa.	383
<i>Veneræus</i> & in eo ossium caries.	26		384
	App.	paralyseos causa.	15. App.
pertinax cephalæa cum tumore		quartanæ causa.	17. App.
verminoso.	25. App.	in fura infantis.	33. App.
verminofus.	26. App.	<i>Vermi</i> nosa pleuritis.	41. App.
<i>Veneris</i> irritamentum urtica.	56. App.	<i>Vermi</i> nosa lachrymæ.	32
<i>Ventriculi</i> calor externè digito in viro		ratio.	33
quodam exploratus.	2	<i>Vermi</i> nosi Menses.	13. App.
dolor triennis à caseo.	71. App.	Morbilli.	54. App.
Vulnera non omnia sunt letha- lia.	3	<i>Vermi</i> nosum viri semen.	6. App.
Vulnus ultra undecim annos a- pertum, superflite viro.	2	<i>Vermi</i> nosus fudor.	8. App.
<i>Ventriculo</i> fuillo febris tertiana cura- ta.	31	tertianarii sanguis.	208
<i>Ventriculus</i> in thorace repertus.	387	tumor & pertinax cephalæa in	
<i>Verbera</i> urinam provocantia.	19. App.	Venereo.	25. App.
<i>Vermes</i> Choreæ S. Viti causa.	10. App.	Veneræus.	26. App.
Cephalææ inveterata causa.	63	<i>Vermis</i> molestiffimus dentis inquili- nus.	383
App.		ejus generatio.	384
		in Ovo galli gallinacæ repertus,	
		abominabilem spirans foeto- rem.	437
		Umbilicalis.	58. App.
		<i>Verruca</i> cancrofa.	270
		<i>Vertigo</i> ex narium obstructione.	319
		Opii nimio usu.	25
		ff 2	<i>Vefica</i>



*Index Rerum.*

<i>Vesica</i> calculis in puerulo refertissima.		cum ductio & depressio sum-	
	456	me est perniciofa.	432
spongiosa extra abdomen posita,		<i>Umbilici</i> tumor in infante.	454
cum defectu penis.	84	<i>Ungula</i> equina salutare est ad nimium	
<i>Vesicatorium</i> in dolore dentium re-		hæmorrhoidum fluxum re-	
medium probatissimum.	333	medium.	259
<i>Vesica</i> calculus mirandæ magnitudi-		ejus usus in variis morbis.	260
nis excretus, superstita muliere.		<i>Vomitorio</i> hæmorrhoidum fluxus se-	
	395	datus.	442
defectus.	163	<i>Vomitu</i> innoxie rejeçti clysteres.	390
<i>Vigilias</i> tollit pellis leporina.	200	<i>Vomitus</i> hæmoptoico salutaris. 8. App.	
<i>Vinearum</i> deterrimus hostis Scara-		mirabilis.	75. App.
bæorum species, Ipis dicta.	219	quadraginta librarum mucî cor-	
	seqq.	rupti, pici liquatæ similis le-	
<i>Vini</i> & Cerevisiæ abstinencia pertinax		thalis.	386
post febrem tertianam.	467	<i>Vox</i> animalium à sermone hominum	
<i>Violaceus</i> sudor.	9. App.	quomodo differat.	121
<i>Vir</i> lactans post obitum matris infan-		<i>Urina</i> limpidissimæ instar aquæ unde?	
tem.	239. 60. App.		40
menstruo ordinario laborans		& cum ea membrana excreta.	
fluxu.	239		455
<i>Virus</i> debilis restitutio.	243	murium mania causa. 11. App.	
imminutio ex Venæsectione.		per oculos excreta.	69. App.
	292	& cum eo pisciculus vivus ex-	
primaria causa est lux.	234	cretus.	35. App.
symptoma mirum.	214	à verberibus provocata. 19. App.	
<i>Vitis</i> viniferæ à Sachio descriptæ Sy-		per inconsuetas vias effluens.	
nopsis.	171. App.		280
<i>Vitulini</i> capitis anatome.	133. App.	<i>Urina</i> ardor & lancinatio hypogastrii	
<i>Ulcerum</i> antiquorum consolidatio		à retentione secundinarum.	63
cur periculosa?	318	ardoris causa singularis.	230
in cruribus periculosa curatio.		suppressio intumescentiæ totius	
	317	corporis causa.	336
<i>Umbilicaris</i> vermis.	58. App.	octo dierum lethalis.	40
<i>Umbilici</i> exulcerati cura.	433	à scirrho.	58
exulceratio suctionem impe-		ratio.	68
diens curata.	432	in variolis curata.	92
imposito pollice in gyrum cir-			

# Index Rerum.

<i>Ursi</i> & de iis mirabilia quædam.	110	<i>Vulnus</i> Cordis in cervo non statim le-	
	App.	thale.	8.10
vulnera sua musco sæpe obstru-		Hepatis feliciter curatum.	17
unt.	2	Intestinorum aliquot annos in	
<i>Urtica</i> Veneris irritamentum.	56	muliere apertum.	20
<i>Uteri</i> figuramirabilis.	68. App.	Oculi cum maximo dolore mu-	
gemini exempla rariora.	148	crone gladii inflictum atque	
	153	curatum.	105
membranæ internæ vaginæ ἀπὸ		Ventriculi ultra undecim annos	
σπασμα post partum difficilem		apertum superste viro.	2
sæpe evenit.	311	<i>Vulva</i> hirsuta puellæ.	53. App.
procidencia ejusque præpostera		marfupio quasi carnosò contecta	
& lethalis cura.	423	& obvoluta.	12. App.
seftione curata.	306	<i>Vulva</i> muliebris plica.	10. App.
strangulatio suffocationis infert		<i>Uvula</i> est glandula.	257
periculum.	144	<i>Uvula</i> consumtio totalis ex defluxio-	
vagina absque rugis in vetula		nibus catarrhalibus.	14
hydropica.	127	defectus & usus.	12. 13
<i>Uterini</i> hydropis causæ.	146	deglutitionem difficilem red-	
<i>Uterinus</i> furor à vermibus.	40. App.	dit.	13
<i>Utero</i> immiffus globus cupreus per		loquendi parit difficultatem.	14
octodecim annos gestatus feli-		suctionem in infantibus impe-	
ter extractus.	103	dit.	12
<i>Uterus</i> puerperæ bipartitus.	143. 146	ratio.	13
<i>Vulnera</i> ventriculi non omnia sunt le-		prolongatæ cura.	256
thalia.	3		
<i>Vulnus</i> capitis per cranium duramque			
meningem penetrans.	428		


F I N I S.





*Errata graviora, quæ Lect. B. haud gravatim corriget.*

**P**Ag. 3. lin. 20. degluti. l. 21. Borussico. p. 4. l. 14. riorem capiat. p. 5. l. 3. absorbeatur. l. 4. opinatur. *adde* de his a. vicissitudinibus multum remisit hodie lacus iste, uti in rebus naturalibus subinde accidit. l. 16. generarentur. p. 7. l. 11. stetit. p. 8. l. 18. *adde* *Cervo* corde. p. 18 l. 3. acinacis. p. 35. l. 9. *adde* non. p. 85. l. 12. odore. p. 87. l. 31. rodentem. p. 103. l. 14. acidas. p. 117. l. 10. augmentis. p. 165. l. 3. dignoscenda. p. 174. l. 20. nervorum plexus. p. 180. l. 33. 34. venis portæ quoque. p. 182. l. 29. defecatio. p. 225. l. 33. polliceor. p. 231. l. 1. & 15. Araneorum p. 232. erga. p. 238. l. 27. he. p. 240. l. 18. desinit. l. 20. suppressus. l. 29. occubuit *Marenschalkia* Plettenburg &c. p. 277. l. 11. Autumni. l. 27. tumore. p. 278. l. 10. prostatae. p. 300. l. 27. testas. p. 308. l. 21. fila sericea. p. 324. l. 15. de le Tria saltim &c. *omnia, usque* relictis. p. 326. l. 12. feriebat. p. 349. l. 10. medicatas. p. 358. cautam. p. 359. l. 4. incomprehensibiles. p. 360. l. 9. dependent. p. 374. l. 3. nascuntur. p. 380. l. 21. adcuratam. p. 305. l. 12. incenso. p. 394. l. 20. pugnum. p. 397. l. 20. lora. p. 399. l. 5. ingenuè. p. 407. l. 11. sulphureos. p. 416. l. 10. diditur. l. 13. orbata. l. 19. ex radice. p. 438. l. 18. Monachos. p. 468. l. 28. in mucronem. p. 469. l. 5. solet.





2016-S332



110



